



51859/B

A XXX. Toz

5315









L U C Æ

T O Z Z I

OPERA OMNIA.

THE END

TO THE

OPERA OMNIA



L U C Æ

47406

T O Z Z I

MEDICINÆ

PARS PRIOR

Θ Ε Ω Ρ Η Τ Ι Κ Η.

CURIOSA QUÆQUE TUM EX

Physiologicis, tum ex Pathologicis deprompta; & Veterum, Recentiorumque Medendi Methodum complectens.

*Editio novissima multo auctior, & emendatior.*

TOMUS PRIMUS.



VENETIIS, MDCCXI.

Apud Nicolaum Pezzana.

SUPERIORUM PERMISSU, AC PRIVILEGIIS.

L U C A  
T O Z I  
M E D I C I N A  
P A R T P R I M A  
O E O P H T H A M  
C U R I O S A Q U E S T I O N E S  
Physiologia, tum ex Physiologia deprimi  
ta; & Viscum, Rationemque Medendi  
Methodum complectens.  
Londini: Apud W. Wood, & J. Sturges, 1754.  
T O M U S P R I M U S



V E N E T I A M D O C T A  
Apud Nicolaum Tescaro.  
LONDINI: Apud W. Wood, & J. Sturges, 1754.





B. B.

# AMICO SUAVISSIMO S A L U T E M.



SEPRIUS planè quàm decuit tui desiderii expectationem explèsse videor, φίλτατε Basili, & tot, tantisque precibus impelli voluisse ad scribendum de Medicina, quæ magis probassèm ex immensa rerum farragine, nexisque ambagibus. Verùm si rei difficultatem spectes, & domesticas curas, quibus ne somno quidem me exsolvere licet, petitiones tuas negligere me parum habuisse non ampliùs quereris, facilioremque dilationis veniam impetrabo. Quæ enim major occurrere poterat difficultas, quàm rem nequaquam satis explicatam, perobscuram, ac perdifficilem contra omnium ferè Medicorum vota exponendam suscipere, & quæ dispersa, atque infinita videntur esse, ratione, ac distributione sub uno aspectu ponere? Accedit, quòd ad studium sapientiæ accendimur gloria, cujus spes omnis aberat, cùm exploratissimum haberem, me in hac re nulli placiturum: Iis enim, qui Medicinæ nimiam fiduciam habent, in temeritatis notam incurrere vidèbor, dogmata tot sæculis firmissima ferè ab omnibus habita adeò manifestè convellens, ut neque Hippocrati parcam, ubi aliquid minùs sapienter ab ipso provisum corrigere oportuerit; qui verò inter cæteros Philosophos caput altius extulerunt, me otio abuti putabunt in tradenda hujusmodi disciplina, ac propterea Medicinæ Scriptorem illius naturam turpiter ignorare, nisi (quod gravius etiam esset) dolo, imposturisque propositum non vacare suspicabuntur. Dicis, non minoris esse momenti dubiæ artis fallacias detegere, quàm novam, & quidem optimam tradere, viroque ingenuo dignum tot mortalium misereri, ab ipsis,



Cic. ex  
Plat. in  
Tim.

3. de Fin.

quorum opem invocarunt, pereuntium. At vereor, netibi exciderint sermones, quos aliquando coram de naturalibus disciplinis habuimus, illas non sine divino consilio esse occultas, & ab ipsa Natura involutas, ne immerentes tanto Deorum munere fruantur; immò si quid operæ posuerimus, perdituros, cum obliquas mentes rectis notionibus componere enitemur. Ad Sapientiam enim præcipua quadam forte nascuntur homines, nec ulla prætereà ratione curvæ in terras animæ subduci possunt in Coelum, & tanti boni reddi capaces, hac mente rerum seriè comparata, ut Naturæ arcana obscura, atque abscondita sint prophanis; unde quæ adeò consulta opera teguntur *εἰς πάντα ἀδύνατον λέγειν* ex summorum Philosophorum instituto. Hæc, aliaque coram tantum explicanda manum de tabula tollere suadebant; Verum quoniam ita tu vis, obsequor, & planè quid rectum, & quid faciendum mihi sit diutius cogitare nolo, quandoquidem tua jussa meæ existimationi præponenda semper habui. In Operis distributione tuis etiam præceptis acquievi, illudque in duas partes divisi *Θεωρητικήν* unam, *Πρακτικήν* alteram: illa è penitiori Philosophia quædam selecta habet ad vulgi errores detegendos aptissima; hæc verò morborum descriptiones, & Artis canones. Partem Anatomicam præterire decrevi, tum quia ab aliis, potissimum à Thoma Bartholino, accuratissimè descripta est, tum etiam quia ab illa parum juvenis sperare posse Medicinam cognovi; in mortuis enim animalibus omnia aliter prorsus se habent, quàm in vivis. Brevitati, simplicitatique quammaximè studui, & luculentè scribere, etiam si minùs quàm alii politè, conatus sum, bubulci documento, qui aviculam quærens, bovem amisit: Non levis author in hac re mihi fuit Cicero inquit: *quidquid de re bona dilucidè dicitur, mihi præclarè dici videtur; istiusmodi autem res dicere ornatè velle, puerile est, planè autem, & perspicuè expedire posse, docti, & intelligentis viri*. Quàm brevissimè fieri potuit, rem ad Historiam revocavi, neglecta methodo illorum, qui firmam certamque Scientiam è debilissimis fundamentis excitare voluerunt, quod caput, & causa tantorum errorum extitit; & quod sanè dolendum, non desunt nostra etiam ætate, qui nova Medicinæ fundamenta jacere adnitantur, atque ægrè admoneri ferant de hac re nullam scientiam tradi posse, nisi doctrinæ specie quorundam nugas nobis imponere sinamus, & quod nesciamus, turpiter nos scire arbitremur. Non negarim autem quandoque similia quærentibus pro urceo exisse amphoram, atque ultro res summa contemplatione dignissimas oblatas esse, non aliter, ac illis accidit, qui Chaldæorum natalitia prædicta stabilire aggressi sunt per siderum observationes, ac proptereà coelo intentimulta, admirandaque detexerunt feliciori casu, quàm instituto: prudenter verò,



verò & sincerè Veteres egisse videntur, qui Artis, quam ignorabant, præcepta tradere abstinuere, & toti in experiētiis notandis fuerunt; etsi autem ipsæ etiam sæpissimè fallant, tamen si recto iudicio existimentur, contemnendæ non sunt, etenim faciem ad remediorum investigationem præferunt; unde deplo-  
ratos alioqui morbos curari à peritis videmus: neque aliundè Medicinam originem, & incrementum habuisse crediderim, quamvis qui sanctiora ejus initia facere voluere, ad Deos retulerint: Trojanis autem temporibus vulnerum dumtaxat remediis clara fuit, deindè usque ad Peloponnesiacum bellum in nocte densissima latuit, atque ab iis solis, qui aliquandò ægro-  
tassent, ediscebantur medicamenta, quæ malis succurrerint, proptereaque lege cautum erat apud Assyrios, ut morbis defuncti malè affectos circuirent, illosque docerent, qua ipsi ope ad-  
ajuti evaserint: pariter apud Ægyptios, & Babylonios languentes in compitis expositi prætereuntes sciscitabantur, si quid salutare ad illum morbum experti fuerint; deindè in Græcia liberati languoribus inscribere cœperunt in tabellis, quæ in ædibus Æsculapii, Apollinis, cæterorumque Deorum affigebantur, quid auxiliatum esset, ex quibus omnia exci-  
psisse fertur Hippocrates, & instituisse Medicinam, quæ vocatur Clinice. Post hunc & Herodicum ejus discipulum, qui ut reuñtoribus quoque quæstum faceret, Jatrælepticen exco-  
gitavit, Philosophi subindè cùm Ægyptii, tum Græci rationes, quas suæ Philosophiæ principiis congruentes quisque putabat, adjungere, unde prima factionum origo. Sequuti deinceps sunt Diocles Carystius, Praxagoras, Chrysippus, Herophilus, & Erasistratus; interim verò prisca illa Medicina ab experimentis deducta non defecit, sed sub Philino Coo magis viguit, quam prius Acron Agrigentinus Empedoclis discipulus illustraverat: ejus quoque fautores fuerunt Serapion Alexandrinus, Apollonius Antiochenus, Menodotus, Glaucias, & aliquanto post Heraclides Tarentinus; atque hæc factio in Sicilia orta ab Experientia, se Empiricen cognominavit. Recesserunt ab utrisque ex æquo Methodici nuncupati, qui causarum abdi-  
tarum indaginem respuentes, nec quidquam tribuentes particularibus experimentis, reducebant affectus omnes ad generales duos, Adstrictum, & Laxum, quibus alii addidere tertium mistum ex ambobus: huic Sectæ auspicia dedit ex successoribus Asclepiadis Themison Laodiceus, eamque absolvit Thessalus Tral-  
lianus Neronis Medicus; quamobrem tam variæ sectæ (præter eas, quæ à locis Gnidiæ, Coæ, Rhodiæ nominatæ fuerunt) ortæ sunt. Neque hic restitit illarum progressus, verum singulæ deinceps in diversas adhuc curandi vias abierunt, & alii victu, alii medicamentis, alii inedia, alii exercitiis, alii balneis, nonnulli aliter medebantur, nec unus alteri omninò conveniebat.

Cels. in  
proem.  
Pl. I. 29.  
cap. 1.

Sab. lib.  
6. en. 2.  
Strab.  
lib. 16. &  
3. & He-  
rod.

Strab.  
lib. 8. fl.  
1. 29. c. 1.

al. Pro-  
dicum.




Galenus in tot Sectas divulsam Medicinam suæ integritati restituere conatus est, illam revocans ad Hippocraticam medendi rationem, quæ plusquam sexcentos annos neglecta fuerat, rationes plures adjecit, varias rebus causas assignavit, & methodum applicandorum medicamentorum tradidit, ideòque Dogmaticam, & Rationalem dixit. Mox, barbarie tranquillitatem Musis amicam bello confundente, unà cum Philosophiæ sectis tot Medicinæ perierunt; & Romani quidem nullam de illa rationem habentes ferè pessundari passi sunt. Succedentes deindè Arabes ad Galeni libros adhæserunt, ad quos quasi tempestate delati sunt, illiusque doctrinam, quam solam noverant, in primis excoluerunt. Moderniorum verò Arabum plerique è Græco codice Galenum rursus interpretati novas Scholas instituerunt, & qui magis Avicennæ Arabum principi addicti erant, Avicennistas se nuncuparunt, qui verò Galeno, Galenicos. Hæc dissensio ad plures annos in Academiis Italiæ præsertim viguit, quo usque Theophrastus Paracelsus libertate philosophica, non in aliorum libris, sed in Naturæ volumine Rationalem Medicinam quærere aggressus est, unde secta prodiit Paracelsica dicta; cumque chymica ope illam promoveret, quam primus Hermes tentaverat, Hermetica, & Chymica etiam appellata est, eamque præclarissimi viri amplexi sunt. Joannes Baptista Helmontius denique eadem ratione, ac philosophandi libertate usus ex Chymiciæ penetralibus novam sectam condidit, quæ Hermetica nova, & Helmontiana dicta est; ut præteream aliam, quæ à Prospero Martiano non multis ab hinc annis tentata, Hippocratica nuncupatur. Non desunt etiam alii, qui rem aliter tractaverint, unde Medicinæ ortum, progressumque ignorent necesse est, qui tanta cum admiratione Neotericorum conatus excipiunt, & liberè dicta adversus Veterum placita ferre nequeunt, putantes Medicam facultatem ab illis inventam, & expolitam perperam à Recentioribus exagitari, & floccipendi, cum tamen medendi certa Ars nunquam extiterit. Plura quidem mihi hæc scribendi suggeruntur, verum plerumque noctis processit, suadentque cadentia sidera somnum.

D. Monfortius tibi plurimam salutem dicit. Opusculorum ejus exemplaria describenda, ut ad te mitterem necesse non duxi, cum prope diem in lucem sint proditura: alterum est de Geometrica determinatione: alterum Trigonometriam usque adhuc ageometria fœdam absque tabularum usu geometricè exhibet, utrumque insigne. Mirum enim quantum determinandi imperitia maximi alioqui Viri erraverint; quin ipsi analyleos magistri in rebus factu impossibilibus tempus consumpserunt, atque à facillimis tamquam si in ἀδύνατον incidissent, pedem illicò retulere. Trigonometrici opusculi excellentia, vel indè colligi potest, quòd nostri Geometræ, quibus illius argumentum



communicavi, vix fieri potuisse credunt, quod ego multos dies in manibus habui. Methodum eandem excoluit, quam in solutione problematum à Leidense quodam propositorum excogitavit. In illum præterea bonam meæ moræ partem reiicias velim, adeò enim sibi hæc despectui habet, ut etiam mihi invida fecerit: illa namque studia excolenda maximopere arbitrat, quæ mores corrigunt, atque hominem terrenis curis exsolvunt; è naturalibus autem disciplinis illas probat, quæ ad hæc viam sternunt, atque admirationem ignorantiae filiam nobis adimunt, ut sunt quæ Mundi constitutionem, rerumque naturam, amotis speculationibus, quarum nullus fructus, exhibent. Illum semper equidem dilexisti, sed quotidie pluris facere debes, quod te in primis amat, nec tui mentionem intermitti finit. Vale, & me etiam quod soles, amare perge. Idibus Quintilis, Anno à partu Virginis septuagesimo nono supra millesimum sexcentesium. Neapoli.

LUCAS TOZZI.





# NOI REFFORMATORI

Dello Studio di Padoa.

**H**Avendo veduto per la Fede di revisione, & approbatione del P. Fr: Vincenzo Maria Mazzoleni Inquisitore nel Libro intitolato: *Luca Tozzi Neapolitani Opera Phisico-medica in quatuor Tomos distributa*, non v'esser cos'alcuna contro la Santa Fede Cattolica, & parimente, per Attestato del Segretario Nostro, niente contro Principi, & buoni costumi, concedemo Licenza à Nicolò Pezzana stampatore, che possi esser stampato, osservando gl'ordini in materia di Stampe, & presentando le solite copie alle Publiche Librarie di Venetia, & di Padoa.

Dat. 5. Agosto 1710.

✓ Carlo Ruzini K. Proc. Ref.

✓ Alvise Pisani K. Refor.

Agostino Gadaldini Segr.

---

TOMO I. continentur.

*Medicinæ Pars Theoretica, & Practica.*

TOMO II.

*In I. & II. Aphorismorum Hippocratis commentaria.*

TOMO III.

*In III. & IV. Aphorismorum Hippocratis commentaria.*

TOMO IV.

*In V. VI. & VII. Aphorismorum Hippocratis commentaria.*



# I N D E X

## T I T U L O R U M,

Qui in hoc primo Tomo continentur :

### I N P A R T E T H E O R E T I C A.

<b>D</b> E Hominis generatione .	
pag. 1.	
De Fœminæ, & Maris vi in generatione.	4
De Fœtus conceptione, & formatione.	6
De Vita, & Nutritione fœtus in utero.	7
De superfœtantibus, & multiparis,	11
De monstris, & maculosis fœtibus.	12
De Partu.	16
De Vita.	18
De motu cordis, & sanguinis.	21
De Respiratione.	26
De his, quæ vitam comitantur.	30
De Vegetatione.	ibid.
De Sensibus.	36
De sensu, qui dicitur Tactus.	38
De sensu, qui dicitur Gustatus.	39
De sensu, qui dicitur Olfactus.	ibidem.
De sensu, qui dicitur Auditus.	40
De sensu, qui dicitur Visus.	ibid.
De somno, & vigilia.	42
De motibus cum animi, tum corporis.	44
De vitæ dissolutione, ejusque causis.	45
De morbis.	47
De morborum causis.	49
De morborum symptomatis.	57
De signis adversæ valetudinis.	58
De Temporibus morborum.	61
De Crisibus, & diebus criticis.	62

De Methodo medendi.	64
De methodo Galeni.	ibid.
De methodo Paracelsi, & Helmontii.	65
De methodo Vvalæi.	66
De methodo, quæ reguntur nostris temporibus, qui se Galenicos iactant.	67
De Experientia, Ratione, & Analogismo.	69
De Pharmacis Catharticis, & Emeticis.	74
De Diureticis, & Hydroticis.	80
De Phlebotomia.	82
De Diorthoticis.	85

### I N P A R T E P R A C T I C A.

<b>D</b> E Natura, & curatione singulorum morborum.	89
De morbis capitis, & primò de Cephalalgia.	ibid.
De Lethargo, caterisque soporiferis affectibus.	94
De Epilepsia.	100
De Apoplexia.	112
De Paralyfi.	120
De Spasmo, seu Convulsione.	126
De Catalepsi.	133
De Vertigine.	135
De Delirio.	139
De Phrenitide.	ibid.
De Mania, seu Furore.	143
De Delirio melancholico.	149
De Catarrho.	152
De Affectibus Oculorum.	156
De	



De Affectibus Aurium.	164	De Alvi fluxu cruento, & Hepa-	
De Affectibus Narium.	166	tico dicto.	240
De Affectibus Dentium.	168	De Colica, & Iliaca affectione.	
De Affectibus Oris, Gurgulionis,		244	
& Tonsillarum.	171	De Lumbricis.	252
De Angina.	173	De Affectibus Mesenterii, Pancrea-	
De morbis pectoris.	177	tis, Jecoris, Cystis felleæ, &	
De Affectibus pulmonis, & primò.		Lienis.	255
De Asthmate, Dyspnœa, & Or-		De Venarum lactearum obstructio-	
thopnœa.	178	ne.	256
De Peripneumonia.	182	De Inflammationibus, Tumoribus,	
De Pleuritide.	184	atque Abscessibus in Mesenterio,	
De Empyemate.	187	& Pancreate.	258
De Hydrope Pulmonis, & Pecto-		De Hepatis, & Lienis obstructi-	
ris.	190	ne, & inflammatione.	259
De Hemoptoe, seu sanguinis spu-		De Affectione Hypochondriaca, &	
to.	191	Scorbutica.	261
De Phthisi.	195	De Cachexia, & Hydrope.	268
De cordis Palpitatione.	202	De Ictero.	277
De Syncope, ceterisque animi de-		De Renum dolore, & Nephritide.	
fectionibus.	204	280	
De morbis imi Ventris.	207	De Diabete.	287
De agritudinibus Ventriculi, &		De Vesicæ calculo.	290
primò.		De Ischuria, Stranguria, & Do-	
De Cardialgia.	ibid.	suria.	293
De Singultu.	210	De Urinæ incontinentia.	298
De Nausea, & Vomitu.	213	De Arthritide.	299
De Fame, & Siti lesa.	217	De Erysipelate.	309
De lesa Chylosi.	225	De Febris.	312
De Cholera morbo.	227	De Febris Intermittentibus.	
De Affectibus Intestinorum, &		318	
primò.		De Febris Continuis.	327
De Lienteria, & Cœliaca affectio-		De Febris Malignis, & Pesti-	
ne.	230	lentibus.	333
De Diarrhœa, & Dysenteria.	232	De Febre Hectica.	339





# LUCÆ TOZZI MEDICINÆ

PARS PRIOR.

## OPHTHIK.

DE HOMINIS

Generatione.



OMINES, non aliter  
quàm cætera Anima-  
lia, ex Ovo gigni, jam  
satis est exploratum.  
Et mirum sanè, no-  
stris Medicis, postha-  
bitis observationibus, illas sententias  
cordi fuisse, quæ minus probationis  
habent, cùm vel ex ipso Hipp. hoc  
discere potuissent, qui *lib. de Nat.*  
*Pueri* fatetur se Psaltriæ abortiri cu-  
pienti saltare jussisse, illamque à sal-  
tatione ovum abjecisse molli putami-  
ne obvolutum. Hinc non omninò  
vana fabula existimanda erit, quæ de  
Leda filii ex Ovo editis circumfer-  
re. Neque Animalibus tantùm, ve-  
rùm etiam Plantis commune est pro-  
dire ex ovo, quod ipsum semen est,  
ut nuper deprehendit Cl. Malpighius

*Tozzi Op. Med: Tom. I.*

*in Anat. Plantar.* cùm unicum sit  
Naturæ in omni generatione institu-  
tum; quamvis Animalium pleraque  
ex ovo intra uterum excludantur, ut  
sunt ferè omnia villosi generis, inter  
quæ etiam Homo recensetur: pro-  
ptereaque futilis est illorum opina-  
tio, qui Animantes quasdam expu-  
tri fieri contendunt, quam longius  
hic prosequi supersedeo, cùm Gas-  
sendus, & cæteri melioris notæ Phi-  
losophi rem confecerint. Non pige-  
bit tamen adnotasse, quæ in hanc rem  
Franciscus Redi industriè observavit,  
in carnibus nempè, ac piscibus, ad  
quos Muscis aditus patebat, mox  
vermes apparuisse, in illis verò, quos  
in obsignatis phialis occluserat, aut  
humo contegi curaverat, non item,  
etiamsi in aquam sæculentam abiis-  
sent,

A



sens, undè perspicuum esse potest, quæ vulgò creduntur ex putredine, reverà ex semine, & ovis vix nostris sensibus conspicuis, fieri. Quod vel inde patet, quia hi vermes iterùm in muscas, & crabrones abeunt, à quibus ova deposita fuere, ex Arist. 3. *de gener. Anim. c. 9. & 5. de hist. animal. c. 19. & seq.* Neque quis miretur nullo incubatu in his opus esse, cum hoc nedum insectis contingat, verùm etiam plerisque aliis animalibus, quibus tenuis calor satis est, ut sunt Testudo, Crocodilus, Lacertæ, & Pisces, ex eodem 5. *de hist. Animal. cap. 33. & 6. ejusd. oper. cap. 3. & alibi.*

Idem suadetur ex constanti harum Animantium similitudine: Quomodo enim fieri poterit, ut omnes muscæ, mures, formicæ sibi adeò similes oriuntur, nisi ex eodem semine? Quòd si quis casu fieri putet; unde tam felix casus, cujus solertiam imitari nulla Ars potest?

Illis, qui Ranarum subitam generationem ex limo, atque æstiva pluvia obiiciunt, occurrit idem Redi *de Generat. Insect.* ostendens, Ranas illas ante casum pluviae natas, & in sicco inter dumeta, saxa, vellimum delitescens, subsidentes, immotasque, cum terræ colorem imitentur, ab illa haud facilè discerni. Cujus rei evidens indicium esse subdit, quòd stomachum plenum cibi, & intestina excrementorum, eo ipso, quo natae creduntur, momento habeant. Id quod etiam multò antea edocuisse refert Theophrastum Aristotelis successorem *lib. de Animalib. subito apparentibus*. Insuper ex observatione, Thomæ Bartholino communicata ab Oligero Jacobæo, constat Ranas ex spermate non perfici ante dies duodecim. Is enim anno 1673. Mense April. excepit sperma Ranarum è la-

cu Hafnienfis suburbii, & vitro inclusit, aqua postmodum pura quotidie affusa, radiis solaribus exposuit, observavitque prima die ovum conglobari, deinde sensim illius partes conformari, quousque tandem die duodecimo Rana perfecta prodierit. Unde absque semine momento temporis pluvia decidente illas haud posse fieri jurarem; verùm quæ fortè per Æstatem ova, in campis, & dumetis relictæ sunt, & eluduntur, & noviranunculi apparent; licet Ovi. 15. *Metamorph.* elegantissimè xerit.

*Semina limus habet viride, generantia Ranas,*

*Et generat truncas pedibus. apta natando.*

*Crura dat: utque eadem in limo, gis salibus apta,*

*Posterior superat priores, sensus priores.*

Cætera, quæ hic afferri possent de generatione insectorum in vino, & cetero, fructibus etiam cortice obiectis, plantis, animalibus, & similibus, legi poterunt apud ipsum Redi.

Quoniam verò eundem, ut jam dictum, tenorem in animantium productione Natura servat, cum in suis operibus sui quàm simillima esse soleat, nec facilè licet in Homine observationes habere; Fabritius ab Aquapendente, Aldrovandus, Coiterus, Parisanus, aliique sedulò pulorum gallinaceorum, utpote magis familiarium, generationem contemplati sunt, ut hinc deinde ad Humanam per conjecturas transirent.

Primò itaque in Gallinarum ovario observarunt exiguam quandam papulam, quæ sensim aucta rubrum colorem adipiscitur, deinde à ramo abruptitur; & per infundibulum, sive uteri tubam deorsum delata, albumen, quod in plicis, cellulisque



que tum uteri, tum tubæ restagnat, induit, & tandem in extremo utero duriori testa contegitur; In quo prætereà apparent chälazæ, circularis, & exigua capacitas in obtusiori parte, & cicatricula quædam aviculæ pupillam referens, quæ ex Harveo præcipua totius ovi pars existit, & quarta die ab incubatu in fœcundatis ovis conspicitur instar puncti sanguinei saliens, è quo etiam sanguinis ductus diffunduntur, & omnia corporis rudimenta notè jam possunt. Sexto die viscera omnia, & intestina ferè internoscuntur, & pullus moveri incipit galba similitudinem referens. A septimo ad decimum omnia manifestè evadunt, & alæ, pedes, pedumque digitus ternuntur. Interim, cum enatae partes sensibiliores nunt, albumen cunctim absuntitur per venas, & arterias, quæ tam ad ipsum, quam ad vitellum diriguntur. Decimo quatuor die omnia viscera intra propria conceptacula, occluso thorace, & abdomine, recondi videntur, cerebrumque sua calvaria contegi, & viscera prius albicantia rubescere. Deinceps umbilicalia vasa comparent, plumisque pullus vestiri incipit, seseque movens & respirat, & pipit. Albumine tandem absumpto, venæ, & arteriæ, quæ ad ipsum pertinebant, exiccantur, quæ verò ad vitellum, intestinis adjunguntur. Post vigesimum primum diem, aucto fœtu, cortex rumpitur, & pullus in lucem editur. Hæc eadem in cæteris volatilibus contingunt, quamvis tempore differenti.

Harveus his non contentus, Cervas, Damas, aliaque animalia secuit, atque in illis etiam ova detexit, unde exercitat. 63. de generat. vivipar. hæc habet. Quo modo, ordine, ac ratione pullus ex ovo fabricatur, & producitur, eodem pariter, ex conceptu

præexistente, viviparorum fœtus proveniunt: una scilicet, atque eadem est utrobique generationis species, & utriusque exordium; ovum dicitur, vel saltem analogia quadam tale habetur; nempe, ovum est conceptus foris expositus, unde pullus procreatur: conceptus, est ovum intus manens, donec fœtus debitam in eo perfectionem acquisiverit; cetera verò conveniunt. Novit hoc etiam Arist. 7. de hist. Animal. cap. 7. ubi ait: Omnia tum Natatilia, tum Pedestria, tum etiam Volatilia, sive animalis, sive ovi forma proveniunt, simili modo gignuntur. Et iterum 3. de gener. Animal. cap. 9. Quæ intra se pariunt Animal, iis quodammodo post primum conceptum oviforme quoddam efficitur; humor enim in membranâ tenui continetur, perin- de quasi ovi testam detraxeris. Et cit. 7. de hist. Animal. Generationis primordium in Animalibus est velut ovum sua membranula contextum, detracto putamine. Quamvis hucusque à Medicis, duce Galeno in libris de semine, creditum sit Maris, & Fœminæ genituram intra uterum recipi debere, ibique simul commisceri, ut ex utriusque commistione unâ cum materno sanguine conflaretur massa, ex qua deinde Embryo lunari revolutione exurgeret unde quaque organis absolutus.

Demum Nicolaus Stenonius postquam diversorum Animalium Viviparorum exta rimatus esset, atque reperiisset in uteris Vaccæ, Ovis, Canis, Cuniculi, Ursæ, Erinacei, Leporis, Salamandræ, Testudinis, Piscis spinæ, Torpedinis, Galeilevis, Viperæ, Lupæ, Cervæ, Damæ, Scrofæ, & Asinæ ova, de humanis fœminis hæc refert. Prima, in qua testiculos me dissequisse memini, dicebatur quinquagenaria, ubi multa in-



tra testiculos vesiculæ continebantur, ipsa cervice uteri pressa serosus humor exudabat; in ligamento uterino rotundo videbantur fibræ motricibus similes versus os pubis abire &c. Mox subdit. In Juniore muliere, & multa erant ova, & rotunda, nec ejusdem magnitudinis omnia, difficilia tamen separatu propter soliditatem substantiæ, qua continebantur. Et Hannemannus addit fuisse etiam observata ova à Laurentio Gieseler Archiatro Brunsviciensi in testiculo, seu ovario puellæ novem annorum hydrope extinctæ. Quod confirmans Thomas Bartholin. in respons. ad Hannemannum tom. 2. Act. Hafniens. observ. 104. inquit: De ovario in fœminis post Stenonii nostri diligentiam nemo ambigit. Idem Stenonius in Theatro Hafniensi demonstravit Ova in Cadavere fœmineo, eaque coxit aliorum Ovorum more, cunctisque spectatoribus ostendit: ita decocta pellucida viscebantur nullo vitelli vestigio, quod neque in Ovis ovinis coctisprehendit filius meus Gaspar, sed albumen duriusculum solum. Quo autem modo ex ovario in uterum, per tubam ejusdem patentem, ovum fœtus humani descendat, ostendit in nupera figura Fridericus Ruyschius Anatomicus Amstelodamensis. Hæc Bartholinus.

#### DE FOEMINÆ, ET MARIS Vi in Generatione.

**M**AJOR Medicorum pars cum Galeno 1. de sem. c. 4. & 5. & 2. ejusd. oper. c. 1. asserit tam Marem quam Fœminam seminalem substantiam æquè præstare, atque ex utriusque complexu embryonem exoriri. Aristoteles verò 1. de gener. Animal. c. 2. efficientiam tantummodò Ma-

sculo concessit, Fœminæ verò materiam.

Sed ambiguitates istas Anatome jam sustulit. A fœminæ enim ovario albicans quidam humor vesiculis contentus, ad formam ovi molli putamine obtecti conglobatus in uterum deponitur; à Mare verò fœcundatur; undè motus origo, & partium incrementum. Cùmque in ovo membrorum rudimenta adsint, quæ à plastica vi masculiei seminis fœcundantis disponuntur, fit tùm Patri tùm Matri non raro illi similes. scantur.

Præter hunc humorem albumini non dissimilem pelliculis contentum, & instar ovi conformatum, nunc aliud semen à fœminis pro generatione suggeritur; quod inde evidens esse potest, quia relictis ovarii scitatur fœminæ, quæ steriles fiunt. Serosus autem, & albicans ille humor; qui in coitu ab illis effunditur, reverà seminalis non est, & in ipso concubitu foras profilit, quare ad generationem conferre nequit, nisi quantum per illius emissionem Veneris oblectamentis fruuntur, ne mares recusent; immò pleræque absque illius effusione concipiunt. Itaque fœcundandi vim solum virile semen habere certum est. Verùm unde illi hoc contingat adhuc sub Judice lis est.

Harveus cùm animadvertisset illud in utero post concubitum non contineri, existimavit immaterialiter, sive per contagium, ut ipse ait, fœcundare, ad eum sanè modum, quo conceptus in cerebro perficiuntur.

Aristoteles semini inesse putat quoddam proportionem respondens elemento stellarum. Inquit enim 2. de gener. Animal. cap. 3. Inest in semine omnium, quod facit, ut fœcundata sint semina, videlicet quod calor



*vocatur, idque non ignis, non talis facultas aliqua est, sed spiritus, qui in semine, spumosoque corpore continetur, & natura, quæ in eo spiritu est, proportionem respondens elemento stellarum.* Verum hæc rem non explicant, sed potius reconditorum verborum tenebris illam obvolvunt.

Arbitrantur alii vim hanc prolificam Genituræ impertiri à quodam principio interno vitali, quo ipsam præditam esse ajunt.

Quoniam vero à similibus conjecturas facere haud incongruum est, ubi certæ probationes deficiunt, observamusque semen sale quodam volatili præditum, illi non multum ab simili, quo cætera fecundari solent, suspicandi ansam arripimus sal illud fecundandi vi pollere, quo etiam Animalia ad Venerem excitantur, & salacia redduntur: semine enim excreto, vel infuso, tentigo illa cessat; hinc Salacis nomen non immerito derivavit: atque apud Plutarchum *quæst. natural.* habetur, *quod Pecus salernlingens fit ad coitum pronius; canes quoque salsamento esocelerius concipiunt; & naves, quibus sal vehitur, plures alunt mures, ob frequentiore coitum.* In his salibus etiam rerum semina esse videntur, tum quia Ægyptus Nili nitro, & arva culmorum adustorum salibus fecundantur, ut habet Columella *lib. 2. c. 10. & lib. 3. c. 10.* Unde Virgil. *lib. 1. Georg.*

*Semina vidi equidem multos medicare ferentes,*

*Et nitro prius, & nigra perfundere amurca,*

*Grandior ut foetus siliquis fallacibus esset.*

Tum etiam quia ex suis salibus plantæ, & Animalia regenerantur, ut testatur præ cæteris Borellus *Centur. 2. obs. 21. & Centur. 4. obs. 34.* & alii

*Tozzi Op. Med. Tom. 1.*

quando nobis obtigit ex cineribus cancrorum fluviatilium contra Rabiem præparatis novos cancras regeneratos videre; quamobrem quæ plurimo sale volatili constant, ut pistachia, nuclei pinei, castaneæ, legumina, aromata, & id genus alia, semen fecundius reddunt, & prætereà ad Venerem maximoperè stimulant; cumque id præ tenuitate obtutum effugiat, Harveus uteros Damarum, & Cervarum inanes, nullaque substantia sensibili imbutos vidit. Necesse est autem spermatis crassamentum intra uterum effundi, ut volatilis illa substantia tuto intus devehatur, quæ tantæ est efficaciam, ut & foetum ipsum in utero prægnantem aliquando reddiderit, ac sic partus foetus Matres ediderint; quemadmodum de Muriis refert Aristoteles 6. *de hist. Animal. cap. 37.* & Ælian. *lib. 17. cap. 17.* ac de plurimis aliis Animantibus meminere Germani in *Ephemer. ann. 1670. in schol. obs. 36.*

Utque id percipiatur, & historiæ Authoribus fides sartata cta maneat, res altiùs repetenda est. In suis operibus, ut sæpè diximus, eodem se modo natura gerere solet, unde in rebus difficillimis argumentum ab uno ad aliud Naturæ opus deducere rationi est consentaneum. Atqui plantarum semina continent novarum plantarum cum earum seminibus rudimenta, sive etiam veras plantulas cum foliis, fructibus, & seminibus reliquarum, reliquarumque eadem energia præditarum in infinitum, si rerum natura ita ferret. Neque sensus judicio in his regi debemus, qui mirum quantum mancus, & debilis in nobis est: quis enim unquam crederet Acarum minimum animal, & vix conspicuum, habere oculos, os, dentes, cor, sanguinem, arterias, venasque; nisi etiam in ejus superciliis



pilos, oculorumque colores microscopium nuper detexisset? Sic pariter ova foetus rudimenta continebunt, & cum illis ova deinceps futurorum foetuum, quorum aliquod fortè reliquis majus cum primo ovo simul foecundari, & partus edi foetos contigerit. Atque hinc nedum mirabilis Natura est in maximis operibus, extollendisque tam altè sideribus, ut Solis penè immensa altitudo, habito ad illa respectu, nullius momenti sit; verum etiam in minimis.

Constat etiam semen reverà ex sanguine non fieri, sed esse glutinosum quendam humorem, qui cum eodem sanguine per Arterias perpetuò excurrit. Quòd si aliquando post largiorem Veneris usum sanguis effundi dicatur, serum nondum à sanguine secretum præ nimia libidine intempellivè eruperit: præterquam quòd suspecta nimis redditur hujusmodi observatio, quandoquidem emisso universo Semine, cessat tentigo, & pruritus Veneris; Ni tamen dicere velis ex immoderato illius usu arteriolas referari, aut dirumpi, unde pro semine cruor erumpit.

### DE FOETUS CONCEPTIONE, & Formatione.

Lib. de  
Nat. Pu-  
eri.

**C**onceptionem intra septem dies à concubitu fieri creditum est, Formationem autem Masculorum ad dies triginta, & Foemellarum ad quadraginta differri, ut docuit Hipp. Harveus in Damis, & Cervis observavit quadraginta quidem diebus Foetus formationem absolvi, quamvis primis triginta nihil sensibile in illarum utero appareat, ita ut solis decem ultimis tota debeatur. Nobis verò præfinitum diem determinare difficile nimis videtur, siquidem omnia pro diversitate rerum

Generationi conferentium variari possunt.

Plurimum negotii attulit antiquioribus Medicis, & Philosophis quæstio de parte in Foetu primogenita. Hippocrates, ne fortasse ulli injuriosius videretur, omnia simul membra formari fassus est. Galenus Hepati primas tribuit, quod tanquam Paterfamilias sanguineo alimento cetera membra nutricaret. Alcmaeon referente eodem Gal. Cerebrum primum exoriri arbitratus est. Democritus umbilicum, ex Plutarcho, velut anchora foetui inserviret, ne intra uterum naufragium pateretur. Empedocles ex Gal. primo loco spinam quasi corporis carinam extrui putavit.

Lib. de  
loc. in  
homine,  
& diætâ.

Lib. de  
Format.  
foetus c.  
r. lib. de  
hist. Phil.  
los. lib.  
de A. o-  
re Part. c.  
erga la-  
beros.  
lib. de  
hist. Phil.  
soph.

Harveus cum plerisque aliis, qui ad *ἀποκρίαν* hujus rei indaginem revocarunt, observavit in partium conformatione primo obtutu punctum saliens micare cum adjunctis quibusdam fibris sanguineis, illasque interetes ductus venosos, & arteriosos veluti in circulum adactos, & rubore suffusos, sive mavis dicere, sanguine repletos commutari: sanguinem autem perenni vibratione salientis vesiculæ propelli ex arteriis in venas. Insequentibus diebus spinam & dorsum extrui cum articulis: Caput tribus vesiculis constans extuberrare, quarum una cerebrum, duæ aliæ oculos referunt; eodemque tempore Cordis vascula magis conspicua fieri, ejusque motum patentius observari; deinde reliqua viscera, ventriculum, intestina, jecur, lienem, pulmones, & cæteras partes cordis structuram explentes efformari; denique thoracem, & abdomen claudi, & viscera antea constructa intra ipsorum ambitum recondi.

At accurati alioquin viri, & de re hac optimè meriti formari primò putarunt



tarunt partes illas, quæ per incrementum conspicuæ primùm fiunt, nec animadverterunt in ovis etiam non fœcundatis stamina, & membrorum lineamenta observari, atque omnia in unum veluti nodum convenire, qui Cordis est rudimentum. Hæc verò à fœcundatis tantùm differunt, quòd in his accedens spiritus per totos artus, seu filamenta diffusus, incubitu, seu simili calore adjutus, illa disponit, unde moveri, & vegetare incipiunt, conspicuæque redduntur. Hoc primùm suspicabar tantùm, donec in ovis tum fœcundatis, tum non fœcundatis etiam ante incubatum periculum fecissem, & nullo discrimine in illorum interiori albumine pulli rudimenta in formam polypi disposita apparuerunt, cujus corpus medius eorundem nodus referebat. Utque rei certior fierem alia à primis incubitus diebus observare institui, in quibus omnia prioribus similia visa sunt, & eò manifestius, quòd plures dies in incubatu fuerant, quousque tandem ex ipsis rudimentis pullus conformatus apparuerit. Frustrà igitur pars primogenita in fœtus formatione quæritur, quando simul omnium rudimenta præjecta sunt. Idem observare licet in feminibus plantarum, in quibus etiam germinum rudimenta in unum nodum conveniunt, quem si fortassè à vermibus erodi, vel alia causa dissolvi contingat, illis à mutuo nexu dissociatis, futuræ plantæ spes interit: Cujus rei non ignaræ formicæ, dum frumentum per æstatem colligunt, ne terræ foraminibus reconditum germinet, nodum hunc erodunt, ut notavit Plutarchus.

Quamvis omnia futuri fœtus lineamenta in ovo præexistant, priusquam fœcundetur, neque inde quidquam præter motum, & vitam acci-

piant; solent tamen sapissimè filii Patri similes nasci, cum Mens, seu Animus corpus disponens iis delectari soleat operibus, quibus jam olim assueverat, & paternis similia lineamenta effingere, unde etiam Mores, & Ingenium. Hinc quoque est quòd seduli Pictores summo studio cavent, ne in suis operibus incidant in eisdem errores, & defectus, quibus ipsorum corpus laborare noverunt, & cum hoc vitio pugnandum summo perè ajunt, quod cum judicio simul natum est: Anima enim corporis, & judicii magistra operibus gaudet similibus iis, quibus in compositione proprii corporis usa est. Atque hinc deducunt, fœminam non esse tam deformem, quæ Amatorem non inveniat. Vide Leonardum à Vinci.

De Pi-  
ctura c.  
45.

#### DE VITA, & NUTRICATIONE Fœtus in Utero.

**A**Ntiqui Medici crediderunt, fœtum in utero vivere vita Matris, & nutriri sanguine per vasa umbilicalia eidem ab illa suggesto.

Courveus *lib. 4. de Nutric. fœtus in Utero*, neque vitam, neque alimentum à Matre infanti communicari, sed propria illi hæc esse contendit, exemplo à pullo gallinaceo petito.

Verùm quamvis Vita fœtus propria sit, & à Matre non dependeat, cum ejus cor pulset, & moveatur antequam vasa umbilicalia conspiciantur per placentam utero annexa, hisque ligatis desinat pulsus cum in chorio, tum in placenta, corde nihilo minus cum adjunctis arteriis pulsante; Alimentum tamen illi à Matre communicatur. Arteriæ enim uterinæ deponunt in placentam utero attinguam succum alibilem ovi albumini haud absimilem, qui per venam um-



bilicalem simul cum refluyente foetus sanguine adigitur in ejusdem Jecur, è quo in Cor, & Arterias per universum corpus diffunditur. Animalibus autem, quæ placenta carent, ejus loco concessa sunt acetabula, cotyledones, aut carnosæ papillæ, quæ funguntur officio placentæ, adeoque succum hunc exugunt, & foetui impartuntur. Neque mirum si vasa umbilicalia mox à conceptu non appareant; siquidem non tam citò necessaria est nutritio. Cæterum Oviparorum pullis proprium alimentum intra Ovum habere necesse fuit, quoniam omninò sunt à matribus sejuncti.

Operæ pretium autem hic esse duxi, foetus cum utero connexionem explicare: Is duabus membranis, seu ovi integumentis, involvitur, altera tenuiori, altera crassiori: illa *ἀμνιον* dicitur, hæc *χόριον*, quæ, media placenta, utero adhæret. Nonnulli geminis hisce membranis addunt tertiam *ἀλλαντοειδην*, quam in brutis solum reperiri plerique. Anatomicorum contendunt. Sunt hæ membranæ suis intertextæ venis, & arteriis, nullis tamen, nisi valdè exiguis, nervis. In Amnio continetur quidam humor pellucidus, aqueus, & albicans, in Chorion verò turbidus, & crassus. Antiquiores Anatomici existimarunt, humorem, qui in Amnio continetur, esse foetus sudorem; qui verò in Chorion, urinam. At illorum sententiam falsam ostendit Harveus, tum quia humores hi continentur in membranis, antequàm foetus sit perfectus; tum quia multa animalia nunquam sudare dicuntur, ut canes, & feles; alia plurima non mingunt. ut pisces, serpentes, & aves, cum tamen in ipsorum ovis humores hi adhuc observentur; tum quia si excrementa forent, in foetu grandiore

augeri deberent, cum potius successu temporis, qui in Agnina est, minuatur; tum demum quia animalia post partum avidè has membranas cum suis liquoribus devorant. Hinc colligitur alibiles illos esse, iisque foetum in utero nutriri.

Qui putant cum Harveo humores istos nutritios esse, è placenta in chorion, & ex chorion in amnium depluere ajunt, inter quos Courveus, & Segerus. Qui verò humorem in chorion contentum excrementum dicunt, ut præ cæteris est Theodorus Aldes, illuc è vesica advenire inquirunt per Urachon, deindeque aservari in Allantoide.

At quia nec Allantoides in humano foetu invenitur, nec Urachus ei pervius est, crediderim, Humorem in chorion contentum Urinam non esse, sed inutilem albugineæ materiæ portionem per canales ab Hepate uterino in chorion productos delatam: chorion enim venis, & arteriis abundat; unde Harveo à venarum choro Chorion dicitur, & quemadmodum per Hepar adultorum in cysti fellea bilis secernitur à sanguine, ita per Hepar uterinum in chorion foeculentus hic humor à sanguine semovetur. Cum enim alimentum foetui vel præparet, vel perficiat, verisimile quoque est, aliquantum saltem excrementi inde relinqui, quod foetu grandescente adaugetur, atque in partu, disrupta hac membrana, affluenter profilit. Cæterum Urina in vesica toto tempore gestationis retinetur, nec per Urachon impervium aliò propelli potest, quàm per proprium meatum; Hinc ex Harveo ita tumet foetus vesica, ut ferè universum ventrem occupet, licet ille in utero non potest, atque alibilis succus depuratus in placenta, ac secretus à serosa, & aquea materia suggeratur. Ni dicere velis



velis cum P. Fabri umbilicales arterias per id temporis fungi officio emulgentium, deferendo lotium intra pelliculas chorii. In brutis autem Urachum perforatum habentibus urina è vesica in Allantoidem excurrere potest, adhibita etiam levissima pressione, ut notat Aldes, fortasse quia in illis urina abundantior esse solet. Observavit pariter in foetu illam omni falsedine carere, atque æmulari saporem modici sacchari aqua diluti; & in observationibus Amstelodamensibus refertur, insipidam omninò deprehensam. Hinc est, quod tamdiù absque ullo detrimento detineatur.

Mihi quidem jam diù in mentem venerat, albicantem humorem in Amnio contentum assiduò restaurari debere à superveniente alio perejusdem vasa delato; cùm tandem meam conjecturam confirmavit Thomas Barthol. qui testatur se vidisse in Amnio Brutorum candidas fibras, & multas, venis majores, quæ nec nervi sunt, nec fibræ; fortasse lacteæ erunt, hoc est albicantem, vel lacteum hunc Amnii liquorem deferentes venæ.

Hunc humorem, qui in Amnio continetur, in foetus alimentum cedere verisimile est, qui verò in Chorion, vel Allantoide, esse ejusdem excrementum; tum quia ille, augescente foetu, minuitur, hic augetur; tum quia, saltem in Brutis inter vesicam, & Allantoidem per Urachon mutuus est consensus, & Harveus quarto fermè mense in embryonis ventriculo invenit chylum, instar albuminis in Ovo, non dissimilis substantiæ ab humore isto, in quo foetus innatat, illumque per os haustum fuisse suspicatus est; unde nil mirum, si in intestinis quoque fæces, Meconium Aristoteli dictæ, reperiantur, & quandoque observatæ fuerint in membranas emissæ, ut ex

Coitero, Carpo, & eodem Harveo.

Subit autem hic admirari Hippocratem *lib. de Carnibus, sive de principiis*, hoc idem edocuisse, his verbis:

Τὸ ὃ παιδίον ἐν τῇ γαστρὶ σπυγέχον τὰ χεῖλεα μύζει ἐκ τῶν μητρώων τῆς μητρὸς: hoc est, puer verò in utero, comprimens labia, fugit ex utero matris: Et paulò post, Εἰδέ τις ἐρωτοίη, πῶς τὸ οὐδέ τις, ὅτι ἐν τῇ μήτρῃ τὸ μαῖδίον ἔλκει, καὶ μύζει, τὰ δὲ αὐτῷ ἐσιν ἀποκρίνασθαι. κόπρον ἔχοντα ἐν τοῖσιν ἐντέροισιν γίνεται, καὶ ἀποπατέει ἐπειδὴν γέννηται τάχιστα, καὶ οἱ ἄνθρωποι, καὶ τὰ πρόβατα. καὶ τοὶ οὐκ ἂν ἔχοντες κόπρον, εἰ μὴ ἐν τῇσιν μήτρησιν ἐμύζον. οὐδ' ἂν θηλάζον τὸν μαδὸν ἠπίσαστο γενώμενον αὐτίκα, εἰ μὴ καὶ ἐν τῇ μήτρῃ ἐμύζει: hoc est:

*Si verò quis interroget, quomodo hoc sciat aliquis, quòd Puer in utero attrahit, & fugit, hæc illi sunt respondenda: Stercus habentes in intestinis nascuntur, & exonerant ventrem, postquam nati sunt, statim tum Homines, tum Pecudes; atqui non haberet stercus, nisi in utero suxisset; neque sugere mammæ nosset subito natus, nisi etiam in utero suxisset. Quam fortasse doctrinam ipse edoctus est à Democrito, cujus hæc sententia fuit, referente Plutarcho 5. de placit. Philosoph. Idem probat Galenus lib. qui inscribitur, An Animal sit, quod in utero continetur, repetitque 5. aphor. comm. 37. ex mente ejusdem Hippocratis lib. de Natur. Pueri inquit: Trahit infans à sanguine ad se id, quod dulcissimum est, simul autè & lactis parte aliqua fruitur.*

Præterea ejus situm in utero leviter adumbratum ab Hippocrate *lib. de Natur. Pueri*, & ab Aristotele 7. de histor. Animal. cap. 8. accuratè describunt Realdus Columbus 12. de Re Anatom. c. 12. Julius Cæsar Arantius *lib. de Hum. foetu c. 12.* Thomas Barthol. *lib. 1. Anat. cap. penult.* aliique. Caput habet in superiori uteri parte, brachia ita inflexa, ut ipsorum cubi-



cubiti lateribus adhæreant, manus tibiis, plantisque pedum nates, oculigenibus incumbunt, nasus demùm ipsa inter genua jacet; itaque figuram rotundam æmulatur: hæc enim aliis capacior, minùs fœtui, & matri molesta est. Cùm autem tempus partus imminet, caput ad uteri ostium dirigit, ut exeat.

Donec in utero est, non respirare plerique existimarunt, ac propterea à Natura concessum ei esse peculiare vas Ovale dictum, quo sanguis à vena cava ascendente in sinistrum ventriculum, & Aortam detrudatur.

Lib. de  
Natur.  
Pueri.

At contrarium visum est Hippocrati, qui fœtum respirare pluries edocet, potissimùm autem cum ait: *Καὶ δὴ καὶ τοῖσιν ἄνω τὴν πνύον ποιεῖται τῷ τε σώματι, καὶ τῇ πνύει*: idest: & jam etiam (fœtus) supernis partibus spirationem facit tum ore, tum naribus. Cujus sententiam commendat Gal. c. lib. *An Animal sit, quod in utero continetur cap. 3. Sed non facile quis* (ut habet Clariss. Boyle in *Phyfico-Mechanicis experimentis*) *imaginabitur, quomodo Aer matris corpus transmeare valeat, & tegumenta, quibus fœtus involvitur, præsertim cùm Natura peculiaria vasa temporaria in Infantulis excogitaverit, ut sanguis circulare possit; undè non est verisimile Infantes in utero propriè respirare.* At illicò subdit: *Cùm ex nostris pateat experimentis omne propemodum liquorum genus, interspersis aeris corpusculis, perinde ac Aqua, abundare, non videtur absurdum, si quis dixerit grandescentem fœtum, (præsertim cum superior involventis Amnii pars liquore destituta sit, & balituo satantum substantia compleatur) obscuram quandam respirationem exercere, præcipuè cùm non sit vana fabula Infantulos in uteris Matrum auditos fuisse*

*se vagientes; & ipse Dominam quandam novi, cuius Amici, cum ea paucis ab hinc annis prægnaret, apud me conquesti fuerunt, illam vagitu infantuli sui plurimùm multoties terrefactam, quod & ipsa unà cum Amicis illius prodigiosum quid esse autumavit.* Id ipsum probat ex eo, quòd audiantur pulli in ovo, nondùm perrupto putamine, pipientes. Idem testantur Hildanus, Libavius, Sennertus, Fincelius, Thomas Bartholinus, Plempius, alique plures, de Infantum vagitu intra uterum. Unde existimaverim cum Bartholino fœtum in utero, saltem ultimis mensibus, cùm maturitati, & partui proximus est, sine multiplici tamen musculorum thoracis conatu, respirare. In *German. Ephemer. tom. 1. obs. 62.* fertur, puellum in utero matris, dum hæc in templo erat, edidisse ejulatum, funestum prænuntium sibi, Matri, Patri, domui, & toti Pomeraniæ, ut Balthasar Timæus existimavit: noverat enim Matrem veneno, & Patrem peste extinctos, domum incendio conflagram, & totam Pomeraniam bello exagitam.

2. Anat.  
Renov.  
c. 8.

Nùm etiam vigilet, & moveatur, an verò dormiat, & quiescat, curiosius quæri solet. Aristoteles majorem temporis partem dormiendo consumere ait, sicut pariter, cùm primò in lucem editur, observamus. Verùm testantur gravidæ se nedum, cùm partui proximæ sunt, sed etiam in primis mensibus varias embryonum motiones percipere.

5. de ge-  
ner. Ani-  
mal. c. 1.

Ex injucundè, molestèque fœtum afficientibus, ipsum dolere, ac lacrymari; & ex lacteæ substantiæ in Amnio contentæ exsuctu, falsæ, dulcis, aut insipidæ salivæ perceptione, gustare par etiam est. De Auditu minùs vereri licet, nam si vagitus in-  
fan-



fantium intra uterum audire possumus, quid obstat, quin ipsi quoque externos sonos audire queant? Atqui ex Aristot. tonitrua plurimum nocua sunt pullis nondum exclusis. Quod ad Visum nullus dubito foetum intra uterum clausis oculis immorari, & si fortasse eos aperiat, cum lumen illuc non pertingat, videre non posse, sicut neque externos odores sentire.

Postremo, quamquam Ludovicus Forgius asserat, Infantes in utero excogitare; existimaverim ego, rationalem partem pro eo tempore otari, sive quod adhuc organa imperfecta sint, sive quod simulacra rerum nondum noverit. Hinc merito à quibusdam comparatur illorum Intellectus tabulae rasa, in qua nihil est depictum. Cæterum de Risu nil certi determinari potest, quamvis paulò post partum leviter contractis labiis ridere videantur, si verus risus is dici meretur.

### DE SUPERFOETANTIBUS, & Multiparis.

**D**E Hominum superfoetatione nonnulli dubitarunt; sed innumera propemodum extant apud gravissimos Scriptores ejusdem exempla. Hippocrates nedum totum librum de Superfoetatione conscripsit, verum etiam 5. *epidem.* refert mulierem quandam Larissæam Gorgiæ uxorem, quadraginta dies post primum partum, alterum incompletum edidisse. Arist. 7. *de hist. Animal. cap. 4.* foeminam septimo mense unum, deinde duos justo mensium numero peperisse memorat: Et Plinius 7. *hist. natural. cap. 11.* aliam, unum justo partu, quinque mensium alterum. Superfoetationis quoque meminit Avic. f. 21. 3. tr. 2. c. 16. Jo: Rhodius

*observ. Medic. cent. 3. obs. 52.* refert de Navicularii cujusdam Patavini conjugæ, quæ quovis anno superfoetare consueverat. Demum (ut Sennertum, Peredam, Schenckium, reliquosque omittam) Theodorus Kerkringius in *suo spicileg. Anat. obs. 2.* testatur penesse asservari duo sceleta geminorum, uno partu editorum, quorum alter octavum mensem attigerat, alter verò nondum quartum, scilicet binis ovis diverso tempore foecundatis.

In multiparis plura simul ova foecundari contingit, pariterque foetus increfcere, nutriri, & ad maturitatem simul provenire: quod frequentissimum in Ægypto esse ait Arist. ubi fertiliores foeminæ feruntur. Testatur etiam B. Albertus Magnus, in Germania mulierem enixam simul viginti duos infantes; aliamque ejecisse in pelvim centum quinquaginta corpuscula magnitudine auricularis digiti. Alia numerosi partus exempla refert Schottus. Ipseque vidi hic Neapoli anno 1666. mense Januarii, unico partu natos quatuor infantes, tres masculos, aliam foemellam, qui paulò post baptismo loti vita defuncti sunt. Hinc, gemellis exceptis, rarò hi partus superstites sunt, cum ob uteri angustiam nec satis nutriri, nec adolescere possint. Immo si Naturæ opificium contemplemur, quæ gemina tantum ubera hominibus largita est, aliis verò Animalibus, quæ plures simul foetus edunt, mammarum multitudinem; humani partus trigemini, quadrigemini monstrosi videntur. Cum autem contingit plures simul generari, diversis membranis obvolvuntur, licet exteriorem communem illos habere posse scribat Bartholinus.

Cap. 7. de  
hist. Ani.  
mal.

Phyl.  
Curios. p.  
1. lib. 3.  
c. 29.



DE MONSTROSIS,  
& maculosis Fœtibus.

**L**Udit aliquando Natura, & pro naturalibus monstrosos fœtus profert, qui multifariam peccare solent. Vel enim debitam membrorum proportionem non habent, ut cùm Pygmæi capiti cervix Gigantis jungitur, vel giganteam molem Pumilionum pedes sustinent: aut in aliquo membro deficiunt, vel excedunt; ut cum oriuntur unoculi, multoculi, itemque unipedes, multipedes, unimani, multimani, bicipites, acephali. Aliquibus partes in proprio situ non sunt, cùm Nasus non inter oculos collocatur, brachia non adjunguntur humeris, oculi in occipitio, vel in scapulis innascuntur, quo vitio afficiebantur monstra illa, quæ refert Plinius. Demum capite oblongo, vel turbinato; vervecino, canino; pedibus, vel manibus belluinis; semihominis, semibruti, vel omninò alterius speciei, & conditionis Infantes nati sunt.

Contingit autem hæc monstra ori-ri vitio uteri, plasticæ seminalis virtutis, imaginatricis perturbatione, aut cùm in ovo fœtus principia malè disposita sunt.

Tanta etiam vis inest alimento, ut nedùm Animi mores alterare valeat, ut fertur de ferarum pullis domialtis, sed etiam exteriora. Quæcumque enim aliò lacte quàm materno nutriuntur, multum à naturali, propriaque constitutione declinant.

Lib. 12. *Quamobrem, inquit A. Gellius, non  
c. 1. frustracreditum est, sicuti valet ad  
fingendas animi, atque corporis similitudines vis, & natura seminis, non secus ad eandem rem lactis quoque ingenia, & proprietates valere: Neque in hominibus id solum, sed in*

*pecudibus quoque animadversum; nam si ovium lacte hædi, aut caprarum agni alerentur, constat fermè in his lanam duriores, in illis capillum gigni teneriores. Et Aristoteles: Aquarum diversarum usu nonnulla suos immutant colores, alibi enim candida, alibi nigra redduntur: sunt etiam aquæ multis in locis, quas cùm oves biberint, moxque inierint, nigros generent agnos. In Antandria duo sunt fluvii, quorum alter candorem, alter nigritiem pecoribus facit. Scamander etiam amnis flavas reddere oves creditur, quam ob rem Xanthum pro Scamandro nuncupatum ab Homero autumant. Hinc scitè apud Virgilium Dido Æneæ crudelitatem exprobrans, il-* 6. Æneid  
*lum ferarum lac suxisse dicit.*

*Nectibi diva parens, generis nec  
Dardanus author,*

*Perfide: sed duris genuit te cautibus horrens*

*Caucasus, Hyrcanaque admo-  
runt ubera Tigres.*

Nec minùs ingeniosè Ariostus in- Cant. 7.  
duxit Melissam sub persona Atlantis, Rogerii mollitiem ita objurgantem:  
*Di midollegià d'Orsi, e di Leoni,  
Ti porsi io dunque li primi ali-  
menti? &c.*

In Arboribus etiam, & frugibus major plerumque vis, & potestas est, ad earum indolem, vel detrectandam, vel augendam, aquarum, atque terrarum, quæ alunt, quàm ipsius, quod jacitur, seminis; ac sæpè videas arborem lætam, ac nitentem in locum alium transpositam deterioris terræ succo deperisse, aut novas induisse qualitates, ut author est Theophrastus. Unde de Persea Columella:

*Stipantur calathi, & pomis, quæ  
barbara Persis*

*Miserat, (ut fama est) patriis  
armata venenis.*

At



*At nunc expositi parvo discrimi-  
ne lethi,*

*Ambrosios præbent succos oblita  
nocendi.*

Ad monstrosos partus referri pos-  
sunt ortus ex diversæ naturæ paren-  
tibus, ut cum ex Asino, & Equa fit  
Mulus, ex Asina, & Equo, Hinnus.  
Oportet tamen Animalia, quæ ad  
generationem commiscantur, qua-  
dam analogia convenire, ut sunt  
Hircus, & Ovis, Canis, & Vulpes,  
Leo, & Pardus. Idem observandum  
in plantis, ut refert Porta in *sua Ma-  
gia naturali*.

Vulgò putant, quæ æquivoce pro-  
genita dicuntur, sterilia esse. Ve-  
rùm experimenta ostendunt, Leo-  
pardum, Lynxem, & similia sterilia  
non esse. De Mulabus potior erat  
difficultas: At testatur Aristoteles  
eas frequenter in Syria parere; quod  
& confirmat Plin. *lib. 8. cap. 44.* Et  
Theophrast. idem evenire in Cappa-  
docia fatetur, licet illæ diversi gene-  
ris à nostratibus ferantur. Convenit  
his P. Fabri, subditque nuper in Ar-  
verniam mulam peperisse. Romæ etiam  
paulò ante Pontificatum Clementis  
VII. mulam enixam esse scribit Ale-  
xander Tassonus. Insuper Stenonius  
in binis mulabus dissectis hæc obser-  
vavit: *In una testes exigui admodum  
erant, & in iis nulla ovorum vesti-  
gia reperiiebantur; In altera testicu-  
li magni erant, ut in Asina, sed pau-  
ca, & exigua ova continebantur;*  
Hinc colligit posse mulam absque mi-  
raculo parere: sterilitatis autem cau-  
sam esse, Ova vel nimis parva, vel  
intra Ovarii profunditatem nimium  
immersa.

Ad Androgynos, seu Hermaphro-  
ditos quod spectat, qui utroque sexu  
pollere creduntur, reverà Fœminæ  
sunt, Clitoridem tamen paulò lon-  
giorem sortitæ; etenim hæc extra

uteri ostium producta plerumque  
abutuntur, & mutuò coeunt, quæ-  
que aliquandò sexus mutationem  
subiisse in primo cum maribus con-  
cubitu, præ nimio Veneris oblecta-  
mento, referuntur; ut de Iphide in  
marem conversa ait Ovid. 9. *Me-  
tamorph.*

*Vota puer solvit, quæ fœmina vo-  
verat Iphis.*

Cæterum de Satyris, Hippocen-  
tauris, Minotauris, Sphingibus, Si-  
renibus, aliisque hujusmodi mon-  
stris, consula præ cæteris Cassendum  
*to. 2. syntagm. Philos. lib. 1. sect. 3. &  
Schottum in sua Physica Curiosa lib.  
3. de Mirabil. Homin.*

Hic in illorum sententiam non ive-  
rim, qui Gigantes, & Pygmæos inter  
monstra connumerant, cum debita  
membrorum proportionem præditi  
sint. De Gigantibus, quamvis non-  
nulli dubitarunt, num unquam exti-  
terint, illorum tamen frequens men-  
tio fit in sacris literis, & apud Pom-  
ponium Mela, Solinum, Plinium,  
Plutarchum, necnon D. Augustinum,  
& Lactantium Firmianum. Pygmæos  
narrat Aristoteles habitare in caver-  
nis prope Nilum in superiori Ægy-  
pto, eosque pugnare cum Gruibus.

Plin. quoque pluribus in locis eorum-  
dem meminit, præsertim verò *lib. 7.  
c. 2.* inquit, eos à Gruibus plurimum  
infestari, quamobrem arietum, ca-  
prarumque dorsis insidentes, sagittif-  
que armatos, Veris tempore, con-  
structo agmine, ad Mare descendere,  
& ova, pullosque illorum dispergere.  
Idem quoque fatentur alii Scriptores  
relati à P. Schotto. At perlustratis  
locis, ubi illi degere dicuntur, num-  
quam inventi fuere; casu tamen na-  
sci posse pluribus experimentis con-  
stat, immò & arte fieri non novum.  
Memoratur enim in *Ephemeridibus  
Germanicis, ann. 1670. observat. 79.*

Virum

6. de hist.  
Animal.  
c. 24. &  
36.

5. de gen.  
Animal.  
propof.  
67. n. 4.

8. de hist.  
Animal.  
c. 12.

c. loco,



Virum quendam filiorum suorum à die Nativitatis solitum unguento quodam inungere spinam dorsi, & juncturas artuum, quo crescere non possent; quare Magnatibus oblato iniquo parenti mercedem immerenter comparabant.

In maculandis, variandisque foetibus plurimum Imaginationi esse tribuendum clarius est, quam ut hic explicari mereatur; unde Arist. docuit, proles cæterorum animalium magis, quam hominis suis parentibus similem gerere naturam, quia homo vago, varioque plurimum animo in coitu est, & prout Pater, Materque in conceptu affecti fuerunt, ita prorsus evariare. Et Gal. ad pulchros foetus efformandos valde conferre asseruit in coitu pulchras imagines præ oculis habere. Et quidem non immerito, cum plurimis experimentis hoc constet, inter quæ primum sibi locum vindicat, quod de Jacob fertur *Genes.* 30. qui cum oves vario colore distinctas cuperet, virgas in aquarum canalibus, quo potaturæ illæ agebantur, detractis corticibus, variegatas collocavit, unde Agni diversicolores nati sunt: atqui D. Hieronymus, & Augustinus, Pererius, Vallesius, alique, varios illos colores ad ovium imaginationem referunt.

Refert insuper Lycosthenes, Romæ ex illustri quadam muliere natum esse villosum puerulum instar Uræ ungulis armatum, quoniam domi multæ Uræformæ imagines aderant, Insignia scilicet Familiæ.

Testatur Heliodorus, Persinam Æthiopissam aspectata frequentius Andromedæ statua, albam ex Æthiope prolem edidisse.

Sachsius in *Gammarologia* narrat, prægnantem quandam Gammarum attentius aspicientem in Silesia puel-

lam genuisse, cuius pedes chelis simillimierant: & Salmuth. in *observat.* aliam à fele perterrefactam peperisse filiam, cui loco manus, felis pes anterior fuit. Petrus à Castro in *observ. Med.* de cujusdam Lusitani uxore meminit, quæ cum videret fratrem ictu fauciatum, & cruore perfusum, manum faciei admovit, & enixa est filiam maculam sanguinis in facie gerentem. Thomas Bartholinus in *Centuriis* refert, duas foeminas post obsidionem urbis Hafniæ, crebris tormentorum bombardis auditis, & globis ignitis volitantibus visis, infantes peperisse cum tuberculis protuberantibus, globis similibus. Kerkringius in *spicileg. Anatom.* addit mulierem gravidam, cum accepisset, filia suæ, quæ in caput deciderat, os occipitis fractum esse, hoc nuncio percussam, post octo dies infantem edidisse mortuum, & occipitis osse carentem, cujus loco pelliculæ dilaceratæ, & divulsæ aderant. Alterius etiam mulieris meminit, quæ ira percita menstrua statim sensit fluentia, & quidem singulis mensibus recurrentia; quindecim verò, ante partum, diebus, illa absque intermissione fluxerunt: peperit tandem puellam, cui ab ipsa nativitate ad quindecim dies usque menses fluere visi sunt, deinde suppressi redierunt post exactum mensem, & post alterum iterum, tertium iisdem correpta mense Octobris 1668. Amstelodami epileptica mortua est. Plures ejusmodi casus referuntur à Borello, Gassendo, Bartholino, & aliis.

Plerique fortuito hæc fieri ajunt. Sed qui fortuito eventui affingi possunt constantes effectus, quos non semel, aut bis, sed in dies experimur.

Rationem verò, qua Imago suas vires exerit, multi diversimodè explicare conati sunt.

10. sect.  
problem  
R. 2.

Lib. de  
ther. ad  
Pis. c. 11.

Lib. 1. de  
reb. Æ-  
thiop.



Lib. 4. de  
Gener.  
Animal.  
c. 4.

Gassendus ait: *Videtur species, sensus interventu impressa fuerit cerebro, & facultatem Imaginatricem in ea residentem moverit, sic commovere appetitum, famulantesque ipsi spiritus, ut ipsi quoque spiritus impressionis factæ vestigium retineant, ipsumque per corpus secum deferant, &c.* Et iterum sequenti capite hæc habet; Rem certè miram narrat Munsterus de prægnante quadam, cuius frontem propè admotam ad frontem alterius, cum superveniens tertia ex improviso collisisset, natæ deinceps fuere ex ea gemellæ fronte coherentes. An jam sic mutuò cohærebant, collisiosque illæ ex accidente fuit, & ad coalitionem nihil fecit? An potius quia talis collisio suspicionem ingerit magnam, debuerunt gemellæ sub eadem contineri secundina, ut contingere aliquando idem Hippocrates est Author? Quippe debuerunt frontes sese immediatè contingere, non suis membranis discerni. An igitur tenellæ frontes debuerunt quoque ita collidi, ut laceratione facta, & cohesione perseverante, ac alimento semper affluente coadunata, colligataque ad invicem concreverint? At quid collisionem intra uterum fecit? Profectò nil suppetit præter vim Imaginationis, qua nempe spiritus materni debebentes propriæ collisionis imaginem intra puellarum corpuscula, ita affecere eam utriusque partem, ad quam speciatim destinabantur à parte matris consimili, ut quo se pacto, illa habebat, eodem se ipsa habuerint, &c. Hæc illæ.

Lib. 5. de  
Appetitu  
sensiti-  
vo, pro-  
pos. 49. n.  
5.

Honoratus Fabri, Cum imaginandi facultas, inquit, humores corporis commoveat, & ex diversa humorum agitatione ratio sanguinis diversa evadat, & ex hac diversa ratio sper-

mat, ex hac demum diversus tum cutis, tum pilorum color; quid mirum si nonnunquam imaginandi vis, præsertim si paulò vehementior est, diversum quoque colorem fœtui inducat? Cum autem species, vel affectio vegeta sensui externo impressa traducatur in organum sensus interni, qui ab imaginandi facultate non differt, & ex hoc in reliquum corpus, ac præsertim in vasa, & viscera, quo fit, ut humorum motus cietur; quid mirum si species sensui externo impressa, talem, vel talem colorem fœtui conciliet? Hinc ratio cur oves Jacob fœtus ederent diversi coloris, pro diverso virgarum aspectu; hinc alba mater Æthiopem parere potuit, & album Æthiops.

Kirkerus Phantasiæ pictricem effingit spiritu corporeo utentem pro penicillo, speciebus pro coloribus, infantili corpore pro tela, in quo prototypon maternum depingit.

In arte  
magna  
lucis, &  
umbræ l.  
X. p. 2. c. 2.

Vallesius Generativam asserit potentiam subiici potentia Imaginativæ, tum quia percepto aliquo Venereo objecto illicò genitales partes inflantur; tum quia in Venereis insomniis nocturnæ contingunt pollutiones.

Lib. de  
sacr. Phi-  
losoph.  
c. 11.

At solis verbis hi lusisse videntur. Neque fictæ species, seu imagines rerum apprehensarum in spiritus, & sanguinem impressæ, ut Peripatetici ajunt, physicos, realesque effectus parere possunt, potissimum fœtu jam formato. In Actis enim Anglicis anni 1667. narratur, fœminam sexto mense gravidam ex aspectu simiæ in Theatro vestitæ, edidisse monstrum figura simiæ præditum. Et mirum sane, potuisse humanam formam averruncari, & omnia penitus innovari post sextum mensem à conceptu. Accedit, plerumque maculas cuti infantis impressas imitantes cerasa, fraga,



fraga, mala punica, graves molestias inferre, cum fructus, quorum species, illæ referunt, ad maturitatem perveniunt. Quinimmo novi quendam, qui à genitiva nota mali punici quotannis febricitabat Autumno, cum illa maturescunt. Vivit adhuc Neapoli decimum annum agens Puer cujus totum sinistrum brachium variis materni desiderii notis est refer- tum, ostreis, spondylis, dactylisque quàm simillimis; manus verò metacarpium cancri marini corpus, & digiti chelas referunt; quia nempe Mater sexto mense gravida, venales viderat marinos cancros, ostreas, spondylos, dactylosque, pisces è concharum genere, illorumque desiderio capta sinistrum sibi brachium, manumque tetigit, ut eadem refert: quo verò tempore iidem pisces pingui- ores evadere solent, brachium, & manus intumescunt, & dolorem, febremque inferunt. Sed & quanta sit vis, & efficacia Imaginatricis in concitando humores corporis, corpusque ipsum commovendo, & alterando, benè norunt, qui ex perceptione rerum malè olentium, aut palato, & stomacho infensarum, præfertim è genere cathartico- rum, statim nausea corripuntur, alvo turbantur, & toto corpore contremiscunt.

## DE PARTU.

**Q**uemadmodum fructus, qui maturuere, sejuncto pediculo, sponte sua decidunt, ita & Infantes ab utero, & placenta sejuncti, prodeunt in lucem.

Partus causas existimavit Fabricius ab Aquapendente Respirationis, & alimenti necessitatem, atque infantis pondus. Harveus *cap. de Partu* putavit succi intra Amnium con-

tenti, alendoque foetui destinati inopiam, vel à relictis recrementis depravationem. Crediderim ego Maturitatem potiore esse partus causam; tunc enim placenta ab utero separatur, uterinæ carunculæ reficcantur, & abscinduntur vasa umbilicalia, eodem fermè modo, quo in fructibus fieri experimur, ut non sine ratione comparaverit Gal. connexus foetuum cum utero fructibus in arbo- re pendentibus.

Cùm ergo maturus est foetus, humores aquosi in chorio contenti, disruptis secundinis, effluunt, unde uterus laxatur, ejus orificium aperitur, foetusque ad exitum properat. Ut verò Partus reddatur facilior, tum ipsius foetus, tum Uteri, immò & totius materni corporis nifus exquiri- tur; quamobrem ut secundinæ scindantur, Sternutationes moventia adhiberi jussit Hipp. Atque ex Harveo in naturali, & genuino partu sibi ope-  
5. aphor. text. 49.

ras mutuas præstant parturiens mater, & pariendus foetus, quamvis non rarò hic solus prodierit proprio molimine, ac nifu, etiam extincta matre, & mortuum infantem mater proprio conatu pepererit. Contingit aliquando prodire Infantem suis secundinis indutum, & tunc illum Galeatum, seu vestitum vocant. Hoc autem, quod rarum in Hominibus, frequentissimum est in Canibus, Ovibus, aliisque, præfertim verò in Vipera edente suos partus tenui membrana obvolutos, quæ non nisi tertia à partu die ex Arist. di-  
5. de hist. Anim. c. ult.

rumpitur, licet adhuc intra uterum quandoque scindi soleat. Benè nasci dicitur infans, cum in caput prodit; In pedes autem procedere, inquit Plinius, contra naturam est, & magis adhuc à natura alienum, si in brachia, in latus, vel in clunes exeat, quia periclitari solent  
 nedum



nedum infantes, sed & ipsæ matres. Consueverunt autem Veteres in difficili partu ventrem cedere ad foetus extractionem, quamobrem partus Cæsareus appellabatur, ut refert idem Plinius de Scipione Africano, Lib. 7. c. 9 Manlio, & Julio Cæsare, qui inde Cæsaris nomen adeptus est.

Tempus pariendi cunctis Animantibus statutum est. Elephantum referunt duos annos utero gestare; Equam menses undecim; Camelum, & Bovem decem; Cervam octo; Ovem, & Capram quinque; Suem quatuor; Canem, & Felem duos; Cuniculum mensem. Soli Homini incertum est, & vagum, ut etiam notavit Arist. 7. de hist. Animal. cap. 4. Peramatus lib. de Hom. procreat. cap. 8. refert humanum foetum vitalem editum mense quinto, atque etiam quarto. Vallesius lib. de sacr. Philos. natam suo sæculo puellam quinquemensem, & duodecimum annum agentem vidit. Adrianus Spigel. meminit alterius partus initio sexti mensis editi. Cardanus de aliis suo tempore testatur, necnon fatetur Cardinalem Sfondratum octavo mense natum. De septimestri partu passim referuntur historiae. Plurimos etiam octavo mense exortos vixisse fatentur Plinius, & Aristoteles, præsertim in Ægypto, & Insula Naxo, ubi Bacchus octavo mense natus, perhibetur. Affirmant alii cum Varrone hoc idem evenire in Insula Cypro. Plinius ait: *Vestiliam Caii Herditii, ac postea Pomponii, & demum Orfiti, clarissimorum Civium conjugem, enixam esse Sempronium septimo mense, Suillum Rufum undecimo, Corbulonem septimo, postea Cæsoniam Caii principis conjugem, octavo.* Unde apud Cæcilium.

*In solet ne mulier decimo mense parere?*

Tozzi Op. Med. Tom. I.

*Pol nono, etiam septimo, atque octavo.*

Non defunt qui dicant, esse hominum gignendi summum finem decem menses exactos, idque Plautus in *Cistellaria* affirmat his verbis.

*Tum illa, quam compresserat,  
Decimo post mense exacto hic peperit filiam.*

Et Menander naturæ rerum peritissimus.

*Γυνὴν καὶ δὲ δέκα μῆνας.*

Ovidius refert Romulum annum Fast. 1. decimo mense clausisse, quia nempe totidem humano partui satis essent.

*Tempora dirigeret cum conditor  
Urbis in anno*

*Constituit menses quinque bis esse suo.*

*Quod satis est utero matris dum  
prodeat Infans,*

*Hoc anno statuit temporis esse satis.*

Non videtur ab hac opinione alienus Virgil. cum ait: Eclog. 4.

*Matrilonga decem tulerunt fastidia menses.*

Partuum similiter ad undecimum, duodecimum, decimum tertium, & ad decimum octavum usque mensem productorum præ cæteris meminere Gassend. tom. 2. de gener. Animal. lib. 4. sect. 3. cap. 6. Schenck. lib. 4. obs. & Schottus lib. 3. Phys. Cur. cap. 50.

Hinc non rectè putavit Hippocr. Octimestres partus vitales non esse ob succedentem afflictionem alteri, quæ habita est in septimo mense; tum quia duplex hæc afflictio tantum asseritur, quæ si vera esset, frequentius accideret in partu decimestri, ob motionem factam in nono mense; tum etiam quia octimestres maturiores, quam septimestres sunt, qui nihilominus supervivere dicuntur; tum demum quia non plenè constat quinam octimestres sint, & quòd hi solum

Lib. de  
Octimestri  
partu.



semper intereant, cum possint non minus, ac alii supervivere, si nimirum maturo tempore in lucem prodeant, quemadmodum ex adverso nonimestres, ac decimestres quandoque pereunt, si fortè debitam perfectionem non sint adepti.

### DE VITA.

**H**ic in Vita non ea, quæ primario loco sunt, utpotè quæ diviniorem originem habent, & Mens, seu Animus appellatur, sed ea, quæ secundum locum obtinent, & Vitæ, seu sensuum exercitia nominari commodè queunt, accipimus. Re enim intellecta, ut voluit Cicero, in verborum usu faciles esse debemus.

Quid enim Mens sit, difficile est existimare, ita multa de ea Philosophi commenti sunt. Thales dixit Animam esse Naturam quiete carentem, seque perpetuò moventem: Philolaus, Harmoniam: Xenocrates, Numerum se moventem: Aristoteles *ἐντελέχεια*: Possidonius, Ideam: Hippocrates, Spiritum tenuem per corpus omne dispersum: Heraclitus Ponticus, Lucem: Democritus, Spiritum insertum atomis ea facilitate motus, ut corpus illi omne sit pervium: Heraclitus Physicus scintillam stellaris essentiae: Hipparchus, Ignem: Anaximenes, Aera: Epicurus, Corpus contextum ex tenuissimis partibus, lævissimis, rotundissimisque, non multum diversis ab iis, ex quibus est Ignis; Unde Lucretius.

*Nunc igitur quoniam est Animi natura reperta*

*Mobilis egregiè: perquam constare necesse est,*

*Corporibus parvis, & lævibus, atque rotundis.*

Pythagoras, Plato, aliique, Divinæ Mentis, quæ mundum complet,

partem, cæteris quoque Animantibus communem. Unde Horatius illam appellavit Divinæ particulam Auræ. His etiam assentiri videtur Virgilius cum ait.

4. Georgic.

*Esse apibus partem Divinæ mentis, & haustus*

*Æthereos dixerè: Deum namque ire per omnes*

*Terrasque, tractusque Maris, Cælumque profundum.*

*Hinc pecudes, armenta, viros, genus omne ferarum,*

*Quemque sibi tenues nascentem arcessere vitas.*

Et 6. Æneid. — *Cælum, ac Terras, Camposque liquentes,*

*Lucentemque globum Luna, Titanique astra*

*Spiritus intus alit: totamque infusa per artus*

*Mens agitat molem, & magno se corpore miscet.*

*Inde hominum, pecudumque genus, Vitæque volantum,*

*Et quæ marmoreo fert monstra sub aquore pontus.*

*Ignis est ollis vigor, & cœlestis origo*

*Seminibus, quantum non noxia corporatardant,*

*Terrenique hebetant artus, moribundaque membra.*

*Hinc metuunt, cupiuntque, dolent, gaudentque, nec auras*

*Respiciunt clausæ tenebris, & carcere cæco.*

Quid autem sit illa vis, & unde sit, minimè intelligibile puto; &, ut Tullius loquitur, non est certè nec Cordis, nec Sanguinis, nec Cerebri, nec atomorum: Anima sit Animus, ignisve nescio: nec me pudet, ut istos fateri nescire, quod nesciam: illud, si ulla alia de re obscura affirmare possem, five Anima, five ignis sit Animus, eum jurarem esse Divinum.

1. Tusc.

Vitam



Vitam verò secundo loco acceptam Asclepiades dixit esse sensuum exercitium: Plerique ex Aristotele consistere illam putarunt in mansionem calidi in humido, cum ille dixerit *lib. de long. & brev. Vitæ, cap. 5.* Τὸ ζῶν ἐστὶ φῖσις ὑγρὸν, καὶ θερμὸν, καὶ τὸ ζῆν τοιοῦτον: quod explicans Gassendus ait, esse mansionem caloris, seu flammulæ in humido tanquam in pabulo oleagineo. Unde Galenici, Aristoteleique desumpserunt, quæ de mutua refractione, & mistura quatuor putatarum qualitatum in constituendis temperamentis habent, quamvis non omnibus de hoc secum conveniant. Hæc autem pluribus vana demonstrarunt Helmontius, Gassendus, Boyle, alique.

Empedocles, Critias, & Philo Hebræus scitè quidem in sanguine Vitam esse docuerunt; licet enim non minus apud Philosophos de hac re dubitare contingit, tamen, desperata certi cognitione, id sequi licet, quod verisimile videtur, scilicet sanguine partes omnes calefieri, & ad vitales operationes excitari, quæ vetus etiam fuit Medicorum assertio. Liquet porro in primo illo puncto saliente Embryonis excitari motum fermentationi non absimilem, quo sanguis intra bullulam turgescens irrumpit in arteriolas, & venulas, deinde per universum corpus pariratione diffunditur, ut miro quodam successu sensim vasa omnia compleat, & vitales motus excitet.

Plerisque persuasum, quod proficuum, & vivificum est in sanguine, atque illum fluidum servat, omnino à calore pendere. Verum pluries observavi in Animalibus tum jugulatis, tum absque ulla sanguinis effusione extinctis, destitutum cordis ventrem concreto sanguine oppletum, etsi cor calore adhuc, halitibusque fu-

mantibus præditum esset. His accedit quod refertur in actis Philosophicis Anglicis ann. 1677. in Insulis Caribum, Testudinum sanguinem frigidiores observari omni aqua illius loci, cum tamen is fluidus sit, & vitam, motumque in arteriis, & corde validum tueatur.

Quibusdam placuit ex jugi motu sanguinem vegetum esse, & fluitare, cum motus partes exagitet, attenuetque, & conglobari haud sinat. At Clariss. Cornelius notat in sanguine halitus quasdam acri falsilagine præditos, quibus viget: iis enim evanescentibus illicò in grumos concrevit; ac addito sale diutius floridus perseverat. Hoc etiam syderata membra in adaperitum animalium jugulum immissa plurimum juvantur, & peritiores Chymici potentissimum ex eo Spiritum roborando cordi, reficiendisque viribus valde proficuum eliciunt.

Jam verò, unde hæc Salsilago sanguini accedat, inquirendum. Et quamvis à fecundante principio communicata dici possit, Theodorus Kerkringius putat à glandulis atrabilaris, seu Renibus succenturiatis dictis, derivari humorem quendam bilioso-salsum, qui per venas emulgentes in Cavam deferatur, atque hinc Cor petens excitet illam effervescentiam, quam Franciscus Deleboe Sylvius à falso cum acido permisto ibidem fieri contendit, ideoque fatetur se animadvertisse sanguinem, qui egreditur à glandulis prædictis, ac per venas emulgentes refertur, differre ab eo, qui per arterias in illas ingreditur.

Ut verò debita sanguinis energia conservetur, ad illum ritè percolandum, perficiendumque, varia, & miro ordine, viscera Natura disposuit, potissimum glandulas per to-

In progym. de Vita.

Præf. Spicil. Anat.



tum ferè corpus dispersas, Cystim felleam, Renes, Mesenterium, Pancreas, Jecur, Lienem, Pulmones, aliaque.

Ex varia autem ejusdem percolatione, secretionequè, per immutatum partium complexum, Ætatum variatio contingit. Cùm enim in prima ætate partes laxiores, mollioresque sint, sanguis ita in illis imbibitur, ut & calorem vegetum, atque augmentum carniū inducat, unde fit ut pueri plurimū nutriantur, & crescant, dicanturque præ cæteris calidi-humidi. In juventute verò textura partium magis coarctatur, sanguis tantū tenuior, & falsior trajicitur, minuiturque aliquantulum nutritio, & augmentatio; augeatur autem robur vitale, quia sanguis ob motum citatiorem fit tenuior, floridiorque, unde calida-sicca Juventus existimatur. In Virilitate insuper partes paululū obriescunt, textura magis constipatur, & sanguis diuturna circulatione subactus glutine sensim, & falsugine destituitur, acidior, nigriorque evadit; unde homines in hac ætate frigidi-sicci dicuntur. Denique in Senectute ita partes rugantur, & rigent, ut portio glutinosa, & alba ex cibo suggesta facilè in illis hæreat, adeoque partium nutriendarum poros subire nequeat, unde exoriuntur catarrhi, tusses, articulorum dolores, podagræ, chiragræ, & similes, cum exili partium nutritione. Cùmque portio florida, ac vivida plurimū infringatur, idcirco Senectus extremè frigida-sicca creditur.

Præterea variat hæc partium, & sanguinis constitutio à feminibus, nutrimento, exercitiis, regionum incolatu, viscerum fermentis, morbis, reliquisque causis ferè innumeris, quibus homines præsertim subii-

ciuntur. Cæterum quæ corpora sanguinem sortita sunt floridiorem, vegetiora, & calidiora observantur, quamvis gracilia; quæ verò magis glutinoso sanguine abundant, obfiora sunt, at minùs calida.

Postremò, quòd hujuscemodi corporum, & partium constitutio progressu ætatum mutetur, evidentius est, quàm ut probatione egeat: etenim cutis rugas contrahit, caput calvescit, & canescit, cerebrum siccat, & à calvaria multum recedit, tympanum auris contrahitur, oculorum humores, & tunicæ conflagrescunt, & viscera omnia languent. Hoc idem colligere licet ex eo, quia plerique cibi per pueritiam, & juventutem nobis gratissimi, in senectute deinde evadunt injucundi; & qui ante alicujus ægritudinis invasionem insipidi erant, mox vel in ipsa ægritudine, vel cùm ab ea evasimus, sapidi redduntur. In quam rem lepidam sanè historiam narrat Matthæus Hertodius: Quidam toto suæ vitæ spatio se panem gustasse non meminerat, tanquam suæ naturæ omnino contrarium, quamvis famelicus esset; quartana febre correptus omnia respuens, panem solum appetivit, & comedit, ex cujus esu quartana curatus denuò illum nauseavit. Ibidem mulier quædam memoratur, quæ cùm nec casei odorem tolerare posset, gravida deinde eodem summo-perè delectabatur.

Ex his nullo negotio colligitur à sanguine variè affecto, diversaque partium constitutione exoriri diversas corporum habitudines, quas Temperamentorum differentias Medici dixerunt; etenim cùm sanguis convenienter percolatur per debitum partium complexum, concinna temperies, ut dicitur, exurgit; si verò in hoc aliquo modo peccetur,

aut

In Ephemer. German. an. 1671. observ. 144.



aut in calidum, aut in frigidum Temperies degenerabit.

Similiter, quæ sanguini disjungendo, attenuandoque apta sunt, habitudinem corporis in calidam commutant; quæ verò sanguinem crassiores, & glutinosiores reddunt, sive illius secretionem impediunt, frigidam temperiem invehere dicuntur.

Insuper Viventia à sanguine floridissima, & glutinosa, sive vivifico, & auctifico, quo scilicet vigent, & augentur, calida-humida appellantur; quamvis ubi gluten prævalet, opimiora, ubi verò sanguis est floridior, calidiora percipiantur; unde Aristoteles dixit, Viventia calido vivere, & humido nutriri.

Denique sanguinis, & cordis motus ita invicem dependent, ut altero deficiente alter deficiat; In lipothymia namque cordis motu diminuto, illicò sanguinis circuitus impeditur; & si fortasse sanguis congelascit, aut ægritudine, aut infusione alicujus liquoris coagulantis, subito quoque motus cordis retardatur, & languet. Mutuò igitur sibi opitulantur, & vitam tuentur sanguis, & cor: hoc, in timo motu sanguinem agitante, ac perficiente; illo verò, halitu, seu spiritu, ut ajunt, vitali, volatili, & balsamico cor ad motum excitante. Rempercipere licet ex Machinis hydraulicis motum aquæ diu perpetuantibus, in quibus aqua impellitur à machinamentis hydraulicis, & simul impellit Machinæ instrumenta, unde ejus motus continuatur.

### DE MOTU CORDIS, & Sanguinis.

**N**ihil Animantibus magis necessarium motu, seu pulsu Cordis, qui tamen adeò explicatu diffi-

*Tozzi Op. Med. Tom. I.*

cilis est, ut rem dixerit Fracastorius soli Deo cognitam.

Aristoteles arbitratur illum esse à sanguine ebulliente, & cordis ventriculos dilatante, cujus sententiæ adherere visi sunt Cartesius, Harveyus, Hogelandus, Regius, alique, quamvis non omnes eodem modo illam explicent. Plerique enim fermentum quoddam nitro-sulphureum in Cordis ventribus supponunt: nonnulli spiritus: alii flammulam, seu Calorem insitum. Conveniunt tamen, quòd asserant sanguinem cordis ventriculos ingressum, sive dicto fermento, sive calore, & flammula rarefieri, ac turgescere eò usque, ut nedum cor distendat, sed & amplius exquirens spatium, sponte sua potius, quam adigente Corde, in adjunctos tubulos, & in Aortam profluat, ac deinde in totum corpus, & arterias excurrat.

Sed hanc assertionem pluribus exagitat præ cæteris Richardus Lovver, qui hanc in sanguine ebullitionem excitari, aut in corde ejusmodi fermentum adesse negat. Primò, quia brevem nimis in illo moram sanguis habet, ut impossibile videatur tantam, & subitam ebullitionem promoveri. Secundò, quia hujusmodi in corde fermentum gratis videatur effectum, nam deberet aliunde assiduò suggeri, ut toto vitæ spatio motum perpetuaret. Quòd si dicatur per arterias coronarias in ventriculos effundi, obstabit Anatome, qua cuique perspectum est membranam ventriculorum interiorem adeò imperviam esse, ut nihil penetrare patiatur, prout liquoribus injectis idem Lovver evincit. Tertiò eandem infirmat duobus experimentis, altero in Cane, è cujus vena jugulari sanguinem ferè dimidium detraxit, injecta interim per vices pari ce-

Lib. de  
Respir. c.  
20.

Traetat.  
de Cor.  
de.



revisia modico vino mista, quod toties repetiit quousque loco sanguinis pallidior solum tinctura loturæ carniū similis è vena proflueret, cordis interea pulsu vix relentescente; Altero verò à Medico fide dignissimo eidem communicato. Adolescens annorum sexdecim fere ad mortem adductus erat à gravi hæmorrhagia, quæ nulla arte cohiberi poterat, cumque jacula exhiberentur, profluente interim sanguine, eò tandem deventum est, ut sanguis jam totus efflueret, succederentque assumpta jacula, interim corde constanter pulsante, donec fluxu conso-pito juvenis paulatim integræ saluti fuerit restitutus, & exinde in virum robustum evaserit. Verum his non evincit infusos liquores non potuisse misceri cum aliis liquoribus, seu salibus adhuc in vivo animali existentibus, qui illos sanguini analogos reddere potuerint; præsertim cum multæ sint Animantes, quæ pro sanguine subalbidum tantum humorem illi æquipollentem nactæ sint.

In fun-  
dam. Me-  
dic. 4. e-  
dition. 1.  
2. sect. 2.  
c. 5.

Plempius postquam plura congesta in Cartesium, statuit tandem (at qua ratione videant Lectores) cordis diastolem fieri ab influxu sanguinis ad cor perpetuò pulsi; systolem verò à facultate contrahente.

Pulsus autem esse propriam, intimamque cordis motionem, qua ipsum diastole, & systole attollitur, ac deprimitur, suadet potissimum palpitatio ejusdem etiam exempti, & omni sanguine depleti, atque in plures particulas dissecti, ut in Viperæ, & Anguillæ corde observatur: testaturque Gassendus cor Cyprini vivi extractum, ac denudatum dilatari, & contrahi, pulsareque in longum tempus. Accedit, quod vena Cava, Arteriaque venosa ligatis per aliquod tempus etiam tum pulsat, nullo

Pro-  
gymn.  
de Vita.

interim sanguine influente, ut præceteris notat noster Cornelius.

Arteriarum verò motus, seu pulsus omninò à sanguine præterfluente pendere videtur. Dum enim Cor contrahitur, sanguinem evomit in Aortam, unde in reliquas arterias ille diffunditur, quo fit, ut dilatentur in cordis systole, constringantur verò in diastole; si enim Arteriæ vinciantur, sub ligatura pulsationem amittunt, & in syncope languescente corde, ac motum intermittente, cessant quoque arteriarum pulsus.

Galenus conatus est experimento probare pulsificam vim per arteriarum tunicas diffundi: etenim immisso calamo intra arteriam per longum dissectam, ita tamen ut vulnus obtureretur, & sanguis exilire non possit, videri nihilominus, ait, arteriam totam pulsanter etiam infra calamum; at verò eandem filo obstrictam non amplius ultra ligaturam micare, etiamsi sanguis ad arteriam, quæ est ultra filum, sicuti prius faciebat, per concavitatem calami feratur.

Lib. an  
sanguis  
in Arter.  
contin.  
cap. ult.

Verum tentato hoc eodem experimento à Cl. viro Thoma Cornelio, visa illi est arteria, etiamsi tenui filo discissa ejus pars fistulæ foret alligata, ultra vinculum pulsare, quamvis paulò obscurius.

Plempius demum testatur se molle gossipium incisæ arteriæ indidisse, ita tamen ne arteriam distenderet, nullumque motum ultra obturamentum observasse; unde deducit arterias non pulsare virtute per ipsarum tunicas diffusa, sed solo sanguinis influxu.

In fun-  
dam. Me-  
dic. lib. 2.  
sect. 4. c. 1  
& sect. 6.  
cap. 5.

Neque mirum si ob impulsus sanguinem in Aortam reliquæ arteriæ etiam ab hac remotissimæ simul pulsent; etenim cum omnes æquè sint sanguine plenæ, ab illo sanguine, qui Cordis systole in Aortam impellitur, alius



alius illi proximus urgetur, & sic illi-  
cò totus sanguis unà premitur, im-  
pelliturque. Cur autem venæ, quam-  
vis arteriis per anastomosim conjun-  
ctæ, unà simul non pulsant, oritur,  
tum quia impulsus sanguinis in illis  
vix percipitur; cum ex arteriis capil-  
laribus in venas influens modicus sit;  
tum quia sanguis per unicam arte-  
riam delatus à pluribus venarum ra-  
mulis exugitur, qui deinde ex angu-  
sto in ampliorem locum traducitur,  
quam obrem conspicuam distensio-  
nem in venis efficere non valet; tum  
etiam quia non semper recta ab arte-  
riis in venas traicitur, sed per visce-  
rum poros primùm excurrans, mox  
exsudat in venas, potissimùm eas,  
quæ exteriores partes corporis irri-  
gant. His accedit quod observavit  
Bartholinus, exiles arterias non pul-  
sare, quia in illis validus sanguinis  
impetus deest, unde à venis vix licet  
eas discernere.

Non solum, ut jam vidimus, pulsi-  
fica cordis vis per arterias non dif-  
funditur, verùm neque harum, &  
cordis constrictiones, ac dilatationes  
simul fiunt, ut perperam cum Hero-  
philo existimavit idem Galenus, eo  
deceptus, quòd simul Cordis, & ar-  
teriarum vibrationes concordēs sen-  
tiantur. At anatome vivi Animalis  
jam innotuit, cor percutere pectus  
systole non diastole, quia cum Cor  
comprimitur ejus mucro accedit ad  
basim, & latera contractis ventribus  
attolluntur; in diastole verò à basi  
recedit mucro, & latera distendun-  
tur: unde cum cor systole sanguinem  
impellit, arteriæ diastole illum reci-  
piunt.

Ex Arteriis reducitur in Venas,  
quæ cum universæ tendant in Jecur  
tanquam in communem alveum, id-  
circo in illud universus sanguis per  
easdem corrivatur, atque ex Jecore

in venam Cavam ascendentem, à qua  
in dextram cordis auriculam, adjun-  
ctumque ventriculum, postmodum  
in pulmones per venam arteriosam,  
seu arteriam pulmonalem, & ex hac  
per arteriam venosam, seu pulmona-  
lem venam in sinistram auriculam,  
sinistrumque ventrem traicitur, ex  
quo tandem per Aortam, & univer-  
sas arterias perenni, incessantique  
periodo refertur. Hoc inventum  
Gulielmus Harveus primus omnium  
evulgavit, licet nonnulli ad Paulum  
Sarpam, Cæsalpinum, & Zoilium  
referant.

Et quamvis de hujusmodi sangui-  
nis circuitu tam constans, & firma  
ratio nunc habeatur, ut fermè pudeat  
in controversiam eundem revocare,  
quia tamen non desunt adhuc, qui  
obstinatione quadam recens inventa  
odio habent, quodque rancidinem  
non sapit, nauseant, ideò aliqua in  
medium afferemus.

Confessa res est, & manifesta apud  
omnes, continenter certam sangui-  
nis portionem è vena Cava ascen-  
dente in dextrum cordis ventricu-  
lum singulis dilatationibus effundi,  
ut pluribus præ cæteris ostendit Tho-  
mas Bartholinus. Quantum autem  
sanguinis singulis ictibus cor ingre-  
diatur, vel ex eo egrediatur, licet  
certò decerni non possit, minus ta-  
men quàm sit drachmæ triens, nemo  
hucusque expertus est, etsi experi-  
menta peracta sint in Animalibus mi-  
noris corporaturæ, quàm sunt Ho-  
mines: immò plerique drachmam,  
nonnulli semiunciam, atqui etiam  
unciam sanguinis qualibet diastole  
cor introire observarunt, inter quos  
Harveus, VValæus, Hogelandus,  
Conringius, aliique. Cumque sin-  
gulis horis cor hominis ictus edat, ex  
observatione Cardani, quatuor mil-  
le; sequitur, ut totidem sanguinis

Lib. 2.  
anat. cap.  
de Cor-  
de.

Consen-  
tit Ke-  
pler. Epit.  
Astron.  
l. 3. p. 31.



f. 5. l. 3. tr.  
1. cap. 9.

drachmæ Cor ingrediantur (si drachmæ tantum sanguinis ingressum homini singulis ictibus concedamus) atque adeo spatio sex horarum libræ sanguinis quinquaginta biscentum, (si singulis unciiis octo drachmæ tribuantur) quantum vix totus homo pendet. Atqui Avicenna, cui assentitur Rolfinchius, ipsis hominibus sanguinis libras triginta tantum, & Thomas Bartholin. non nisi libras viginti quinque tribuit. Tanta autem sanguinis copia, de qua jam diximus, haud-quaquàm Cordi suggeri ab alimentis dici poterit, quia longiori, quàm sex horarum spatio, à cibis abstinere solemus, & interim motus Cordis, & sanguinis ingressus in ejusdem ventres perennat. Quid si eos commemorare velimus, qui plures dies jejuni degunt? Igitur sanguinem in cor per arterias, venasque perpetuò reduci fatendum est.

Hinc peritiores Medici paulò supra partem veneno infectam stricto ligamine venas, & arterias vinciunt, ne ex accursu, & recurso, totus sanguis inficiatur. Hac eadem ratione evenit, cur Cantharides cubitis, & tibiis applicatæ mictum sanguinis excitent, & vesicam lædant. Sic pariter cum pedes humescunt, vel unguento populeo inunguntur, Cerebrum catarrho, somnoque gravatur.

In phlebotomiis, ut sanguis liberè per sectionem exiliat, ligatura adhiberi solet supra venam secandam, quia si infrà fieret, sanguis intercluso transitu, quo è partibus extremis versus interiores excurrit, non efflueret. Quòd si aliquandò Phlebotomus arctam ligaturam parumper relaxat, id facit, ne ex arctiori vinculo motus sanguinis per arterias, quæ venis subjacent, impediatur; Et si aliqua vena recidatur, ex trunco è partibus extremis ad Hepar tendente sanguis

effluet; ab Hepate verò versùs truncum ne stilla quidem reducetur: Sic recisa vena jugulari profluit sanguis tantum à parte superiori caput spectante; pars verò inferior omninò inanietur ob confluxum sanguinis ad Jecur. At contrarium contingit in arteriæ sectione.

Prætereà si incidatur quæcumque vena, universus sanguis brevi egredietur, quod profectò non accideret, nisi ex arteriis in venas perenniter decurreret. Atque hinc etiam fit, ut quò arteriæ celerius pulsant, eò ocyus sanguis è venis profluit; unde optimum est sistendo sanguini arctam ligaturam ad eas partes adhibere, ex quibus ille traicitur in apertam venam: sic etiam timor, aqua gelida, & quodcumque cordis, & arteriarum motum remoratur, sanguinem sistit.

Confirmat hæc omnia nuperrimum experimentum Oxonii primùm à Richardo Lovver tentatum in sanguinis ex uno in aliud animal transfusione (ut cæteras aliorum liquorum infusiones hic sileam) deindeque à Gal-  
lis, Belgis, Italis, Germanis, & tota penè Europa repetitum, quo quidem insueto miraculo non semel extrema senectute confecti juvenescere, & ferè extincti è mortuis revocari visi sunt; ut propterea consultò videatur Ovidius inducere Æsonem à Medea, educto veteri cruore, succisque ad id paratis substitutis, pristinae juventuti restitutum.

7. Metamorph.

— — — *Stricto Medea recludit  
Ense senis jugulum, veteremque  
exire cruorem  
Passa, replet succis, quos post-  
quàm combibit Æson,  
Aut ore exceptos, aut vulnere:  
barba, comæque,  
Canicie posita, nigrum rapuere  
colorem.*

Pulsa.



*Pulsa fugit macies, abeunt pal-  
lorque, situsque,  
Adjectoque cavae supplentur cor-  
pore rugae,*

*Membraque luxuriant. Æson mi-  
ratur, & olim*

*Ante quater denos nunc se remi-  
niscitur annos,*

*Dissimilemque animum subiit,  
ætate relicta.*

*Idemque repetitum ait in Ariete.  
Protinus innumeris effæctus lani-  
ger annis*

*Attrahitur, flexo circum cava  
tempora cornu,*

*Cuius ut Æmonio marcenti agut-  
tura cultro*

*Fodit, & exiguo maculavit san-  
guine ferrum;*

*Membra simul pecudis, validosque  
venefica succos*

*Mergit in ære cavo: minuunt ea  
corporis artus,*

*Cornuaque exurunt, nec non cum  
cornibus annos,*

*Et tener auditur medio balatus  
abeno.*

*Nec mora, balatum mirantibus,  
exilit agnus,*

*Lascivitque fuga, lactantiaque  
ubera querit.*

At quid plura? Res adeò jam cla-  
ra est, ut vel cæcis ipsis illuceat. Ju-  
re ergo optimo Plempius coactus ra-  
tionibus, & experimentis palino-  
diam hiscecinit: *Primum mihi in-  
ventum hoc non placuit, quod &  
voce, & scripto publicè testatus sum;  
sed dum postea ei refutando, & ex-  
plodendo vehementius incumbo, re-  
futor ipse, & explodor, adeò sunt  
rationes eius non persuadentes, sed  
cogentes: diligenter omnes examina-  
vi, & in vivis aliquot canibus eum  
in finem à me dissectis, verissimas  
comperi: hoc ut facerem, monitus  
quoque à clarissimo VValæo Professo-*

*re Leidenfi, cujus viri candido, seda-  
toque ingenio, & judicio plurimum  
tribuo, multumque in hac ipsa mate-  
ria acceptum refero. Hæc Plempius.*

Quoniam verò ductus, per quos  
sanguis ex Arteriis in Venas traici-  
tur, non percipiunt, de Circuitu  
sanguinis dubitare plerique cogun-  
tur. Verùm sanguinem ex Arteriis  
in Venas transfundi compertum est  
per Anastomosim, quam cognitam  
antiquis etiam, & potissimum Gale-  
no arbitrantur VValæus *epist. 1. de  
motu chyli ad Thomam Bartolinum,*  
& Plempius *fund. Med. l. 2. de Circul.*  
Sang. tum etiam per quosdam ramu-  
sculos nectentes pluribus in locis ra-  
mulos arteriarum cum ramulis vena-  
rum; necnon per intermedios par-  
tium poros, etenim cum arteriæ in vi-  
scera sanguinem effundunt, portio  
nutritioni apta iisdem agglutina-  
tur, & in aliti substantiam converti-  
tur; reliqua verò vel inepta, nec dum  
depurata, vel superflua percolatur in  
proximas venas, indeque revehitur in  
cor, tum propulsione, tum pressione  
arteriarum, adjuvante etiam peristal-  
tico earundem venarum motu, & ad-  
jacentium musculorum distensione,  
contractioneque. Quòd si aliquando  
trajectio ista sanguinis ex arteriis in  
venas per carnes impediatur, vel vi-  
tio sanguinis, vel mala partium ha-  
bitudine, sanguis ipse restagnat, im-  
moraturque, & oriuntur inflamma-  
tiones, tumores, pustulæ.

Pro diversa autem constitutione  
sanguinis circuitus non æquabiliter  
absolvitur. Variat enim pro Corpo-  
rum, Sexuum, Ætatum, Anni tempo-  
rum, & Victus ratione, necnon juxta  
varium statum valetudinis. Atque  
hinc pulsationes arteriarum diversi-  
modè observantur, validæ, imbecil-  
les, celeres, tardæ, magnæ, parvæ. Lo-  
vver *tractat. de corde circumeuntis*  
fan-



sanguinis motum metitur ab urinæ decursu. Fallacem tamen conjecturam hanc ipse crediderim, quoniam plerumque serum urinæ per venas lacteas, & aquæductus recta traicitur ad capsulas atrabilarias, & Renes, atque à diversitate ciborum, & potuum, modò citatur, modò retardatur illius egestio.

Cùm ad sanguinis periodum omninò requiratur cordis, & arteriarum motus, qui diastole, & systole constat, cùm Antiqui, tùm Neoterici dubitarunt, cui bono utraque sit. Galenus existimavit Diastolem esse, tum ut Cor sanguinem à vena Cava ascendente traheret pro spiritibus vitalibus progignendis, & sanguine venoso perficiendo; tum etiam ut à pulmonibus frigidum aerem sugeret in fervoris refrigerium; Systolem verò, ut spiritus vitales in corde geniti per arterias in universas partes propellantur, & ut fuligines è corde elevata ventilentur, ne cor ipsum lædant, aut vitalem calorem in ipso residentem suffocent. At Recentiores ex his usibus aliquos probant, alios omninò reiiciunt. Admittunt quidem per diastolem sanguinem in cor intrudi à vena Cava ascendente per dextram auriculam; rident verò frigidum aerem (si tamen Cordis ventres ingreditur) per pulmones delatum refrigerando cordi inservire posse. Concedunt pariter per systolem propelli sanguinem in arterias; atque in universum corpus; at fuliginum, quas somniant, ventilationem, prorsus eliminant à ventribus; nam via, quæ per arteriam venosam fingitur, omninò intercluditur ostiolis, sanguinis, & cuiuscumque alterius liquoris regressum in pulmonem impediuntibus. Accedit quod tantus calor, ut refrigerio egeat, & temperatione, nullus est, cùm neque rationi, neque

experimento id cohæreat: dissectis enim vivis animalibus non major calor tactu percipitur in corde, quàm sit in cæteris visceribus.

### DE RESPIRATIONE.

**Q**uemadmodum pulsu, & sanguinis circuitu, sic quoque respiratione Vita perdurat, foveturque. Viscera, quæ speciatim ad illam pertinere videntur, sunt Pulmones, & Thoracis muscoli, quorum motu, & expansione aera respiramus.

Helmontius autem in *deliram. Catarrh.* opinatus est, Pulmones non moveri. At hanc opinionem pluribus convellit Thomas Bartholinus. Obiicit præsertim communem observationem in sectionibus vivorum animalium, in quibus pulmones manifestè dilatari, & pertrahi percipiuntur.

De Pulmon. subst. & Motu sect. 3.

Verùm quamvis conspicuus sit pulmonum motus, non tamen inter omnes convenit, an suapte natura, an verò ab alio ipsi moveantur. Averroes voluit propriam, insitamque vim pulmonibus inesse, qua moventur, nulla tamen fretus ratione, aut experientia, quæ docet, desinentibus moveri Diaphragmate, & Thorace, cessare quoque motum Pulmonis. Non tamen negari potest, quod plerumque ex illius motu commoveantur quoque Diaphragma, & muscoli Thoracis; siquidem observamus in Tussi, Orthopnoea, Peripneumonia, & similibus, irritato, aut affecto pulmone, eoque ad motum lacerato, illicò obsequi Diaphragma; & musculos intercostales usui, & indigentia illius obtemperantes, quemadmodum etiam notat V Villis.

De Usu nervorū cap. 14.

Ubi notare licet, quòd Pulmone laborante Respiratio, cordisque motus perturbatur; & cordis motu incitato



tato potissimum in febris, nedum Pulmones, sed etiam universus Thorax agitur, adeoque Respiratione crebra fit: & quamvis singuli ictus cordis non respondeant singulis thoracis amplificationibus, cum unica thoracis explicatione, aut contractione plures cordis ictus fiant; talem nihilominus servant in motu proportionem, & rhythmum, ut quò cordis motus celerior, ac frequentior est, eò quoque Respiratione crebrior, & velocior habeatur: Pueri enim celerem pulsum habentes, velocius quoque respirant; senes verò utriusque motus tarditatem experiuntur. Quò fortasse respexerunt Cæsalpinus, & Hofmannus cum Aristotele Pulmonis motum à Cordis motu pendere arbitrati.

Lib. de  
Respir.  
cap. ult.

De mot.  
muscul.  
cap. 5.

Respirationis motum voluntati subditum, & animale omnino credidit Gal. quòd ex arbitrio cohiberi, & celerari videretur, exemplo servi barbari, qui cohibito spiritu mortem sibi adscivit. Naturalem verò contendunt esse Cæsalpinus, Dunus, alique ex Peripateticis. Difficultas ex eo orta est, quia ad Respirationem plura sunt opus: præsumma enim illius necessitate omnem Natura adhibuit industriam, ut absque noxa conservaretur. Meatus aperuit binos, nares scilicet, & os: asperam arteriam orbiculatam suis intertextam cartilaginibus, tanquam annulis, hiantequelarynge munitam construxit, ut aditus liberior pateret ingredienti aeri in pulmones, quos proinde spongiosos, & vesiculis distinctos effecit: Diaphragma supposuit partim membranaceum, partim musculolum, costisque spuriis obligavit, ac tandem Thoracem ipsum adjunxit musculis intercostalibus interseptum ut hæc omnia Respirationem juverent, tuerenturque.

Existimarim ego Respirationem, quæ in statu sano quidem fit, sed nobis non advertentibus, spontaneum motum esse, ac naturalem, pertinereque præcipue ad Diaphragma, cui etiam obsequuntur musculi abdominis (licet aliquando initietur hic motus à pulmone, cum is præsertim ægritudine aliqua afficitur) atque hoc pacto nobis dormientibus, nec ex arbitrio operantibus, immò multoties mente abalienatis, Respiratione absolvitur; & si fortasse aliquo morbo Thoracis partes afficiuntur, ita celeratur, aut interrumpitur, ut nec ex arbitrio componi possit, quemadmodum in inflammationibus pectoris, pulmonis, & diaphragmatis. Respirationem verò, quæ à nobis vigilantibus, mente advertentibus, ultroneis, ac sanis exerceri solet, arbitrariam dicendam esse, inchoarique à musculis intercostalibus, comitantibus etiam cum diaphragmate, tum abdomine.

Neque verò Diaphragmatis motus arbitrarius dici omnino potest, cum in Rilu sapissime cohiberi nequeat. Non enim verum est, omnem motum per musculos exercitum esse arbitrarium, & Naturalem musculis non egere, ut hucusque creditum est: experimur namque, plerosque epotas aquas, cum volunt, per os eiicere, & ventriloquos insuetas voces edere, alios verò post mictum inopinatò contremiscere, atque alios vix risum cohibere posse. Hoc etiam sentit Gaspar Barthol. junior in exerc. Anat. nuper editis: Ait enim omnem quidem motum voluntarium per musculos fieri, at non ideo omnem musculum voluntarium motum exercere, quod deducit ex motibus convulsivis, & palpebrarum sese claudentium, etiam animalibus in vitis, potissimum cum ictus timetur; additque,



que, quòd etsi musculus instrumen-  
tum dicatur motus arbitrarii, non  
tamen omnem arbitrii actum adim-  
plet, ut in addiscendis idiomatibus,  
& corporis exercitiis evenit: atqui

de Glad.  
& Musc.  
V. etiam  
Lover.  
de Cor-  
de.

Cor musculum esse docuit Hippocr.  
*lib. de Carn.* probatque Stenonius,  
quam vis illud naturali motu gau-  
deat.

Quandoquidem verò Respirationis  
motu multa peraguntur, quæ ar-  
bitrio sunt subjecta, ut vox, & loque-  
la, idcirco arbitraria quoque esse illa  
debuit. Aer etiam ingrediens per la-  
ryngem in Asperam, Gulæ junctam,  
intercipi poterat à præterlabentibus  
cibis, & potibus, nisi ab Animalis ar-  
bitrio respiratio regeretur.

Constat præterea Inspiratione, &  
Expiratione. Inspiratione Thorax  
distenditur, Diaphragma explica-  
tur, & Pulmones inflantur, aere eo-  
rundem bronchia subeunte. Expira-  
tione verò Thorax comprimitur,  
Diaphragma, & Pulmones concidunt,  
atque Aer egreditur, unde vi-  
tam inspiratione initiari, expira-  
tione finiri palam est.

Quid verò Nobis, cæterisque Ani-  
mantibus utilitatis accedat Aeris in-  
spiratione, expirationeque, operæ  
pretium est etiam inquirere. Faten-  
tur quidem omnes ad vitam conser-  
vandam Respirationem esse necessa-  
riam, unde ex Gal. dicitur: *Impossi-  
bile est, Viventem non respirare, &  
Respirantem non vivere*; sed ne hoc  
quidem exprimitur peculiare ejus  
bonum in vitæ tuitione.

Et mirum fanè inquam varias, di-  
versasque sententias ab Authoribus  
itum sit, quas fusa oratione recitat,  
& examinat præ cæteris Cl. Boyle *de  
vi Aer. elast. peculiari digress. de Re-  
spiratione.*

Aristoteli videtur attractus per re-  
spirationem Aer cordis calorem tem-

perare. At quis hoc credet in Ranis,  
aliisque Aquatilibus, quæ calore ferè  
destituuntur, & tamen crebra respi-  
ratione egent?

Cartesius putat sanguinem motu  
attenuatum Aeris frigiditate debere  
condensari, ut evadat vitalis fomes  
flammulæ Cordis. At Deleboe hanc  
condensationem sanguinis cuidam  
fali per Aera disperso tribuit.

Disp.  
Med. 7.

Existimant alii cum Gassendo, Re-  
spiratione, transeuntis sanguinis per  
Pulmones impuritates absorberi, &  
per expirationem, ac tussim (si for-  
tassè solito crassiores fuerint) educi.  
Verum etsi id concesserim, non ta-  
men huic soli usui Respirationem esse  
mox patebit.

Potior Respirationis usus, visus est  
aliis trajectio sanguinis circulantis à  
dextro in sinistrum ventriculum per  
Pulmones, qui nisi aere distendantur,  
præterfluentem sanguinem nec ad-  
mittunt, nec deferunt. At factò ex-  
perimento per Robertum Kook, ut  
refertur *in actis philosophicis Acad.  
Anglic.* innotuit superstes animal in  
vita esse, pulmonibus, vel immotis;  
neque eorum depressionem, seu quie-  
tem, sanguinis Circuitum impedire,  
nec mortis causam esse; unde colligit  
novi aeris defectu potius animal in-  
terire.

Paracelsus opinatus est, aliquid in  
aere esse vitali elixiri valdè analo-  
gum, quod restaurandis nostris spi-  
ritibus inserviat, unde indefinenter  
recentioris aeris inspiratione egea-  
mus, illoque absumpto, non amplius  
aerem vitæ fovendæ utilem esse. Re-  
fert etiam Boyle Drebellio innotuif-  
se, non totum aerem, at ejus portio-  
nem, quam vocat quintessentiam,  
Respiratione haustam, vitalem flam-  
mam fovere, illaque consumpta, vel  
crassioribus halitibus infecta, hanc  
diù manere non posse, atque ideo  
quen-



quendam liquorem præparasse, quo  
absumpta, vel infecta aeris pars re-  
stitueretur, purgareturve. Nonnul-  
li existimant Ἀπνῶν, de qua dictan-  
te Empedocle scripsit Pausanias, hu-  
jusmodi fuisse, ut Vitam absque re-  
spiratione tueretur, putantque, He-  
raclidem idem sensisse, cum ait: Τὴν  
ἀπνῶν τοιοῦτόν τι εἶναι, ὡς τριάκοντα ἡμέ-  
ρας συντηρεῖν ἀπνῶν καὶ ἀσθητόν τὸ σῶμα:

*Apnum tale quid esse, ut triginta  
dies servaret non respirans, & in-  
corruptum corpus.* Verum aptius  
fortè interpretati essent, *Apnum ta-  
le quid esse, ut triginta dies servaret  
nihil expirans odoris, scilicet tetri,  
& incorruptum corpus*, ex Callim.

Apno etiam Empedoclem mulierem  
defunctam ad vitam revocasse, ac  
proindè maximam gloriam conse-  
quutum, Sacrificium ad Pisianactis  
agrum fecisse testatur idem Heracli-  
des, qui & peculiarem libellum de  
hac re conscripsit, unde inquit Pli-  
nius: *Huc pertinet nobile illud apud  
Græcos volumen Heraclidis septem  
diebus fœminæ exanimis ad vitam  
revocatæ.* Galenus credidit Ἀπνῶν  
esse morbum, quo sine spiritu Ægro-  
tantes multum tempus detinentur;  
etsi ibidem dixerit impossibile esse vi-  
ventem non respirare, & spirantem  
non vivere: cui etiam Mercurialis in-  
ter Medicos alioqui satis eruditus  
adhæret.

Ipse verò Boyle non negans expi-  
ratum, & inspiratum Aerem con-  
densando, refrigerandoque sangui-  
nem per pulmones transeuntem ma-  
gni quandoque momenti esse, cen-  
set *depurationem sanguinis in illo  
transitu non tantum unum esse ex  
ordinariis, sed præcipuis respira-  
tionis usibus*; suspicatur tamen Ae-  
rem in Respiratione aliud quid age-  
re, hucusque non plenè explicatum,  
ut ipse admonet *in experimentis*

*Physico-Mechanicis, digress. de Re-  
spirat.*

Quòd autem inspirato Aere san-  
guis purior, floridiorque evadat,  
hinc patet, quia, ut etiam observat  
Lovverus, purus, & floridus in Pul-  
mone est sanguis semper, plus quàm  
in alio viscere.

Lib. de  
Corde.

Aer denique respirationi idoneus  
est, in quo flamma perdurat; hinc in  
cavernis, & fodinis metallorum, ubi  
crassior est, & gravibus halitibus re-  
fertus, ignis pariter, & fossiores ex-  
tinguuntur, nisi in liberiores subito  
deferantur; quod etiam in cellis vi-  
nariis, cum mustum fermentescit,  
evenire consuevit. In rariori, & la-  
xiori, Animalia deficere pluries ex-  
pertus est Boyleus; refertque Acoſta  
seipsum altissimos Peruanæ regionis  
montes transeuntem violento vomit-  
ionis impetu etiam sanguinem emi-  
sisse, & parum abfuit, quin animam  
efflasset. Et Aristoteles ait in montis  
Olympi jugo vix vivere posse homi-  
nes, nisi spongiis aqua plenis Aerem  
crassiorem reddant.

Respirare quoque Pisces sentit Pli-  
nius: *Quoniam, inquit, & pulmo-  
num vice aliis possunt alia spirabilia  
inesse viscera, ita volente natura,  
sicut & pro sanguine est multis alius  
humor. In aquas quidem penetrare  
vitalem hunc halitum, quis miretur,  
qui etiam reddi ab his eum cernat, &  
in terras quoque tanto spissiore na-  
tura partem penetrare, argumento  
animalium, quæ semper defossa vi-  
vunt, ceu Talpæ.* Accedit, quòd,  
Fluminibus denso gelu supertectis,  
pisces sub aquis moriuntur, si diù  
externo aere priventur: His enim  
& multus, & nullus Aer nocuus est,  
vitalique usui esse nequit.

Lib. 9. c. 7



DE HIS, QUÆ VITAM  
Comitantur.

QUÆ Vitam potissimum comitantur sunt Vegetatio, Sensus, & Motus tum Animi, tum Corporis. Quæ ad Vegetationem pertinent, à Medicis Naturales operationes dici solent; quæ verò ad Sensum, & Motum, Animales.

DE VEGETATIONE.

CUM vegetent Alimento, & eodem vitam tueantur Animalia, pauca hic de Nutricatu attingemus. Assumptus cibus, attritus, & salivario rore madefactus exsolvitur primum in Ventriculo, mox in albicantem substantiam conversus, è tenui intestino in venas lacteas excurrit, deinde cum sanguine mistus Vegetationem promovet.

Cibi exolutionem, five Chylosim Aristoteles, Galenus, & quotquot ex antiquioribus Philosophis, & Medicis his se spontè manciparunt, ad elixationis genus retulerunt. At falsi quidem sunt: quædam enim animalia, præsertim Aquatilia, optimè digerunt, voracissimaque sunt, licèt eorum venter frigidissimus observeatur, quemadmodum notat Bressanus de Asello marino; quin etiam res durissimas brevè conficiunt, quas nec aqua ferventissima, neque ipse ignis mutaret. Atqui cibus ita coctione alteratur, ut omninò in aliam naturam videatur transire, quod lanè nullus calor efficiet. Neque febricitantes ipsi male digerent, in quibus majorem calorem pro amovendis morbificis causis Natura excitat.

Præterea multa animalia, ut præcæteris dicitur Chamæleon, nunquam bibunt, & tamen solida quæ-

que alimenta, quàm benè digerunt; Narraturque in Actis Anglicis ann. 1667. quod in Insulis Caribum Animalia vel parum, vel nihil bibant, velut Equi in Guanaboa, ubi etiam Vacca transacto spatio semestri, & Capra semel singulis hebdomadis potant; quin immò refert Gassendus quendam Amicum suum nunquam potasse, vel vix semel anno, ut Amicis gratificaretur, præter multos alios totam hyemem à potu abstinentes. Accepi etiam à nostro Amico, fide non indigno, foeminam quandam Neapolitanam per decennium ab omni potu se abstinuisse, quamvis septuagenaria esset.

Existimavit Erasistratus cibos attritu confici, & in chylum mutari, quod in Avibus saltem verum esse docuit Harveus, qui advertit, illas lapillos, & alia duriora deglutire, ut eorum ope conterere possint cibos solidos, adjuvante pariter motu musculorum, qui utrinque lateribus Ventriculi adjacent. Hanc sententiam amplexi sunt noster Thomas Cornel. *progymnasm. de Nutricat.* & Franciscus Redi *epistol. ad P. Kirker.* atque experimentis confirmarunt in diversi generis volatilibus.

At non æquè in omnibus Animantibus coctionem, & ciborum dissolutionem per attritionem fieri par est: Homines enim non adeò duro ventriculo præditi sunt, immò plerumque observatum numismata cuprea, aut argentea à quibusdam omninò integra egesta fuisse, quibusdam verò mortem attulisse. Cujus rei notabilem historiam tradit Kerckringius *Spicil. Anatom. obs. 1.* & Borell. *cent. 4. obs. 25.*

Arbitrantur Recentiores ferè unanimis chylosim fermentationis ope perfici, ajuntque ingestum cibum fermento quodam exolvi, ejusque partes

Cel. in  
proem.  
exerc. de  
Gener.  
Animal.  
7.



partes tenuiores à crassioribus fecer-  
ni. Hoc autem Helmontius, & Pe-  
trus Castellus putant esse acidam me-  
lancholiam à Liene ad Ventriculum  
transmissam. Alii ex Sennerto *lib. 3.*  
*Præf. p. 1. §. 2. cap. 4. q. 2.* acidum hu-  
morem ventriculo ingenitum. Pe-  
trus Borel. *cent. 2. observ. 1.* Bilem,  
quæ è cysti illuc deferitur. Plerique  
spiritus quosdam. Alii reliquias fer-  
mentorum, quæ ex præcedenti cibo  
in ventriculi plicis superfuerunt. Syl-  
vius demùm salivæ, qua mansus cibus  
imbibitur, totam fermentationis vim  
tribuit.

Hujusmodi verò ciborum exolutio  
quamvis non sine calore fiat, non ta-  
men solius caloris opus est, cum quæ-  
dam illo potius concrecant. Neces-  
sarii præterea sunt quidam liquores,  
seu succi analogiam retinentes cum  
liquoribus, seu mensruis chymicis,  
metalla, aliave durissima corpora  
solventibus: Non enim quicunque  
cibos dissolvere apti sunt, ut pariter  
non omnia mensrua omnium corpo-  
rum solutionibus sufficiunt, cum  
quædam aquis stygiis, alia spiritu vi-  
ni, nonnulla aceto, aliisque acidis li-  
quoribus, pleraque sola aqua calida  
dissolvantur. Universale autem men-  
struum corpora in primigenia ele-  
menta reducens non adhuc vidimus,  
quamvis suum Alkaest jactet Hel-  
montius.

Dissolventes hos liquores ingeni-  
tos esse Ventriculo, vel è glandulis  
ibidem sitis extillare, vel ab arteriis  
illuc corrivantibus suggeri necesse  
est. Neque enim ex cysti fellea sup-  
peditari queunt, cum nullus hinc  
ductus pateat; & ligatura in vivis  
animantibus, ad vas Breve dictum  
adhibita, ostendit neque à liene illos  
suffici.

Acido-acres esse Experientia te-  
statur tum in ructibus à pastu, tum in

expirationibus, & halitibus è dissectis  
ventriculis animalium vivorum aco-  
rem præ se ferentibus, fortè quia aci-  
do-acria magis digestionem promo-  
vent. Crediderim etiam cum Sylvio  
plurimum prodesse ciborum dissolu-  
tioni salivam; quæ suo sale fermenta-  
tionem adjuvat, & aquea conditione  
cibos diluit. Hic adnotare non abs-  
re erit extrahi è ventriculis avium sal  
tantæ efficaciam, ut eo calculi tum in  
vesica, tum in renibus sistentes dissol-  
vantur, quo fortasse fit, ut lapilli ab  
iisdem deglutiti promptè comminu-  
antur, quemadmodum etiam ani-  
madvertit Gassendus.

Quæ autem obiciuntur à Plempio  
*lib. 2. fundam. Med. cap. 8. de Ventri-  
culo*, non tanti sunt, ut hanc opinio-  
nem infirmant. Ait namque *cibum  
ingestum debere attolli, si fermenta-  
tionis beneficio fieret chylosis*. At ex-  
perimur à pastu turgentem ventricu-  
lum, & eò sensibilius quo cibi assum-  
pti fermentescere magis apti sunt:  
Non multum autem durat huius-  
modi distensio, ut ipse ~~re-  
cat~~, quia  
succus ventriculi ~~cele-  
rat~~ cibi dissolu-  
tionem, & ~~fer-  
cat~~ chylus in Intestina,  
ac vasa ~~chylifera~~ protruditur. Quod  
insuper subdit, *cibos, potusque fer-  
mentationi idoneos promptissime  
concoqui debere, ut fructus, servi-  
sia, mustum*; Valdè leve est. Nam  
præterquam quòd fermentationes in  
nobis citissime fiant, si illas, quæ in  
musto, & fructibus observantur, spe-  
ctes; cibi etiam aliqui quamvis ex se  
facillimè fermentescant, non tamen  
subito dissolvuntur, & præcipitatio-  
nem subeunt.

Neque majoris ponderis videntur  
argumenta, quæ affert Franciscus  
Piens. Ciborum enim dissolutio non  
solum à proprio, insitoque eorundem  
fermento, ut ille opinatur, sed potis-  
simum à succis exsolventibus, qui in  
ven-

De Febr.  
in gene-  
re c. 5.



ventriculo sunt, perficietur; quomobrem etsi cibi sint acidi, pingues, saliti, putrefacti, ut ipse inculcat, nihilominus exolutioni haud inepti redduntur, immò facilius à Ventriculi fermento dissolvuntur, siquidem quæ ex sese fermentationem non subirent, superaffuso convenienti liquore statim fermentescunt. Sic radices herbarum, aridæque plantæ contusæ, liquoribus affusis, fermentationi subiiciuntur, præsertim si leni calore juventur, id quod vel maximè in cibis, dentibus attritis, & salivariore maceratis credere licet.

Expleta jam ciborum dissolutione, & Chylosi, confectus cibus per Pylorum detruditur ad intestina tenuia, ubique secretis portionibus fæculentis per intestina crassa ad alvum deturbandis, reliquæ puriores, & alibiles, glandulis plicisque intestinorum adhærentes à conterminis lactearum venarum oscillis excipiuntur, deferunturque ad commune Chyli Receptaculum, & ex hoc per tubulos Chyliferos thoracicos in Cor: illis autem semel ingressis prohibetur regressus à valvulis Perivasa chylifera dispositis.

Hæc autem chyli depulsio adjuvatur quàm maximè à continua Diaphragmatis pressione, facta nedum in ventriculum, verùm etiam in universum abdomen; ut pariter à motu intestinorum peristaltico. Confert etiam ventriculi coarctatio, qua, quod continet, per pylorum ad intestina propellit: sicut enim adstricto pyloro per vomitum eiicit quæ sibi infensa sunt, ita constricto stomacho per pylorum demittit, quæ jam sunt digesta.

Medicorum plerique existimarunt, ventriculum undique occlusum manere, quousque totus chylus simul aperto pyloro demittatur ad intesti-

na. Sed repetitæ Animalium vivorum sectiones edocuerunt, chylum, quemadmodum elaboratur, ita similiter per pylorum subindè traduci ad intestina tenuia, & vasa lactea; quin immò refert VValæus se aliquandò observasse cibos in ventriculo eodem ordine dispositos, quo ingesti fuerant. Verum tamen est, quòd alimenta facilioris exolutionis prius egeruntur, quàm difficilioris, quæ plerumque multo post tempore à pastu ventriculum gravant. Dissectis prætereà ventriculis, inventa fuere esculenta ante plures dies assumpta, & pluries observati sunt ægrotantes evomuisse cibos jam dudum ingestos, cum tamen alia alimenta per id tempus omninò digesta fuerint.

Anatome pariter innotuit, cibos intra ventriculum non semper lactescere, cum aliquando observati sint proprium colorem non amisisse; atque in ovibus, capris, bobus, quæ herbaceis vescuntur, viridem adhuc colorem referunt.

Cum ex ventriculo confectus cibus jam descenderit, succi exolventes acido-acres sensim in illo congregantur, cumque à ciborum commistione temperari, & infringi nequeant, ex illis halitus diffunduntur, qui tunice, fibrasque potissimum stomachi vellicant, & extimulant, unde sensus exoritur, qui Fames dicitur. Et si tanta fuerit humoris acris copia, & efficacia, ut valdè nimis stomachus vellicetur, atque assumptus cibus citissime dissolvatur, Fames immoderata exurgit, quam Medici Lupinam appellant.

Quòd si fortasse acres isti humores deficient, aut crasso lentore retundantur, veletiam diluantur, inepti dissolutioni evadunt, ut plerumque contingit Corporibus phlegmaticis, & cachecticis dictis, quæ appetentia, & fame



& fame carent, & quidquid assumptum fuerit, malè digerunt. Atque hinc etiam fit, quòd à cibis præsertim pinguibus, & dulcibus fastidium pariatur, & nausea; quamobrem nisi Natura hos Famis stimulos addidisset, incuriosi à cibis ad interitum abstineremus.

Quamvis superius dictum sit ad concoctionem perficiendam Potum non esse omninò necessarium, multum tamen conferet si potissimum sitis urgeat, quæ oritur cum humida substantia absumitur, vel crassescit, & partium irrigationi inepta redditur. Sedari autem solet humidi absumpti instauratione, vel dissolutione ejus, quod spissitudine ineptum jam irrorandis partibus evaserat.

Lipf. 1. elect. Athen. l. 1. Ricc. & Maff. hist. Ind. Bonif. hist. ludr. l. 7. cap. 38.

Absumptum humidum restauratur nedum frigido, verum etiam calido potu, quem Romani, & Græci in deliciis habebant, nostrisque temporibus Itali, & Hispani potissimum calidis potionibus delectantur, ut etiam Chineses, & Japonenses: testaturque Gassendus de seipso *tom. 2. lib. 5. cap. 1.* quòd præ dolore dentium calidam bibere coactus, post sedatum dolorem, etiam per æstatem frigidam averfatus fuerit, deindeque post biennium quotidiana febre correptus, sola calida per paroxysmos ardentissimos sitim sedabat. Dissolvitur verò, & discutitur spissescens, ut plurimum spiritu Vini, vel simili liquore, sicut etiam quibusdam medicamentis, quæ manfa salivam provocant, & poros crasso succo quasi obstructos aperiant, qui rorem siti extinguendæ idoneum extillant, immò etiam aliquando propriis fermentis, & calore ros ille spontè exsolvitur, & fluitans fauces, & stomachum irrigat.

Qua postremò ratione confectus chylus, atque à ventriculo in intestina tenuia demissus à suis facibus se-

cernatur, ut puriores partes oscilla lactearum venarum ingrediantur, & saculentæ deiciantur ad alvum, nuperrimè enucleavit Sylvius Deleboe, qui à commistione succi pancreatici, & biliosi in tenui intestino chylum dilui, à facibus secerni, candoremque acquirere deducit, exemplo à similibus liquoribus petito: quod minimè latuit Naturæ consultissimum nostrum Thomam Cornelium.

Pro-  
gymn. de  
Nutrica-  
tione.

Antiqui Medici censebant, chylum per venas Mesaraicas in Jecur deferri, & ab eodem in sanguinem commutari, Galeni dogmatis addicti, posthabito Aristotele, qui sanguinis generandi munus ad Cor detulerat. Post Erasistratum, Asellio primum innotuit chylum per venas lacteas ferri, atque inde suspicatus est recta in Jecur tendere, unde Galeni sententiam confirmare visus est. At Joan. Pecquetus Jecur de principatu deturbavit, & è folio deiecit, cum detexerit lacteas venas non quidem in Jecur, sed in glandulas lumbaribus vertebris substratas chylum deducere, atque ex illis per peculiare tubulos chylicos thoracicos, & subclavios dictos in cor eundem deferri; unde à Corde in sanguinem verti opinatus est. Eodem postmodum argumento Thomas Bartholinus confirmavit inventa Pecqueti, & simul sustinuit Hepatis patrocinium; nam cum observasset quædam albicantia vasa Jecur usque tendere, existimavit chylum saltem ex parte illud subire; mox ubi cognovit vasa illa lymphæ deducendæ inservire, Hepatis patrocinium deseruit, & pro Corde stetit. Retandem plurimum hinc inde discussa, invitis Riolano, Deusingio, Bilsio, & aliis, Hepati exequias fecit, illudque tumulavit, & Cordi sanguinis efficiendi munus restituit, quò simul confluere cum sanguine chylum,



Libell.  
de san-  
guine,  
ejusque  
furo.

lum, & lympham decernit, ut apud ipsum est legere in *Opusc. Anatom.* & in *Anat. Renov.* At verò Hieronymus Barbatus Hepatis partes toto conatu suscepit, cum advertisset per Pancreas intestinis affixum chyli portionem ad Hepar deferri per quandam venæ portæ ramum, illoque dissecto prodire sanguinem imperfectum, & crudum fibras nondum adeptum, neque consistentem. Putarunt alii cum Harveo partem saltem chyli per venas mesaraicas cum remeante sanguine Jecur subire, potissimum in Avibus, in quibus lacteæ non apparere dicuntur.

At frustra inter tales viros de hac re multæ, & magnæ contentiones fuerunt. Viscera enim omnia, ipsumque sanguinem, simul in embryone conspicua reddi, ac in primis rudimentis præextitisse alibi demonstravimus. Sive autem Jecur, sive Cor, aut aliud viscus pertingat, non nisi secretionem, purificationemque chylus adipiscitur, & cum sanguine permixtus tandiù circumagitur, donec depositis in diversis partibus, tamquam colis, inutilibus portionibus, purgetur simul, ac purpurascit. Neque desunt experimenta; sæpissimè enim ejusdem odoris, & saporis, ac fuerat cibus assumptus, eductus est per phlebotomiam chylus, ut testantur etiam Bartholinus, Rhodius, Lovver, & alii quamplurimi in *Ephemerid. German. ann. 1670. observ. 28.* memorati; quod utique non contingeret, si in aliquo viscere mutationem passus in sanguinem evasisset. Adde quòd idem Harveus observavit, nullo cæterorum viscerum vestigio in embryone apparente, primum sanguinem prospici vix tenui bullula conclusum, unde asseruit illum primordia viventis initiare.

Atque hinc plenè puto satisfactum

iri Th. Bartholino, Cordi Hæmatosin tribuenti ex eo, quia aliter vana videretur illius tam artificiosa structura: At quæ structura in bullula illa saliente, quo tempore rubet sanguis, & per ramulos venarum, & articularum excurrit?

Rubescit fortè chylus, & sanguineo colore tingitur ope similitudinis in ipso sanguine existentis, ut in diversis salibus, & liquoribus est observare, potissimum in sale tartari cum sulphure, ejusque oleo, sale ammoniaco, &c.

Sed & notatu dignum est, quod refert Georgius Elsnerus, qui deprehendit latitare quoque in chylo, quod ruborem exeret: Dissecto etenim cane vivo, ejusque abdomine aperto, cum vasa lactea chylo turgida apparerent, injecta illis ligatura, motum ejus ad ductum Thoracicum impedivit, & post aliquot horas invenit liquorem rubicundum sanguinis instar loco chyli, atque hinc manifesto indicio deduxit colorem illum ante à latuisse, atque ex commixtione alicuius salis in corpore existentis prodire.

Præter sanguinem, ex chylo etiam generari putabat Galenus Bilem, Pituitam, & Melancholiam, humores, quos simul cum sanguine in venis contineri dixit; Bilem quidem amari saporis, coloris flavi; Pituitam insipidam, atque albicantem; Melancholiam acidam, & atram: illam cum scammonio, alteram cum cocco gni-dio, tertiam cum epithymo analogiam habere, & speciatim ab ipsis attrahi, & educi.

Sed hæc humorum in sanguine distinctio omninò imaginaria est. Nec suffragatur Galeno, ejusque asseclis, quòd eductus sanguis variis coloribus infici videatur: Hoc enim totum ab externo aere contingit; Aeri enim

Ephemer. German. ann. 1670. obs. 61.

Comm. de Nat. hum. l. de Ther. ad Pis. 3. de simpl. med. fac. 24. 1. de Natur. fac. 14. 2. de elem. 2. & alibi.

ex-



In epist.  
Anat.

expositus concrefcit, corrumpitur, & non folùm illos à Galeno recensitos, fed multò plures alios colores exhibet; & fi humor putatus bilis à reliquo fanguine feparetur, qui paulò ante melancholicus videbatur, & fundo vasis hærebat, jam aeri expofitus flavefcere incipit, & in biliofum converti: evidens argumentum hos humores non efle diverfos, fed tantùm ab aere apparentem variationem fufcipere, quod & Fracaftatus adnotat. Commentitium etiam eft, quod de faporum varietate in fanguine narratur, & illi non abfimile quod de medicamentorum purgantium analogia cum humoribus effictum eft, ut alibi patebit.

Nontamen inficiamur in fanguine, præter partem vividam, floridamque, obfervari portionem albam, quæ auctifica noftro Cornelio dicitur, quia Animalia illa nutriuntur, & augescunt: Hæc potiffimùm apparet, ubi fecta vena fanguis in fideliam aqua calida plenam effunditur: à florida enim parte fecernitur, & ad fundum delabitur, ibique in gluten concrefcit: illam tamen plerique è vulgo Medicorum pro materia purulenta, & putrida adftantibus oftentare folent. Eo autem fenfibilior apparebit portio hæc glutinofa, quò cibi copiofiores fuerint ingefti, ac abundantiori chylo faturatus fanguis; unde fit, ut è jejunis, & diuturnam in ediam paffis eductus fanguis rubicundior obfervetur, cum nulla, vel pauciffima albicante illa fubftantia, quam ferum fanguinis appellat Barbatus.

Utraque hæc fubftantia ad univerfas corporis partes fertur; at in carnofis major pars feri nutritii glutine, fibrisque compactior deponitur; fluxilior verò, & limpidior per adjunctas glandulas in vafa lymphatica

remeat. At in partibus membranaceis purius ferum nutritium relinquitur, & reliquum fanguinis per venas regreditur; quo circa obfervare eft in his partibus membranaeis venas nigricante fanguine magisque glutinofa refertas, unde fit, ut in illis facillimè remoretur, ac reftagnet, proindèque acefcant, & tumores, inflammationesque progignat. Quòd autem vafa lymphatica à glandulis potiffimùm originem ducant, nuperrimæ obfervationes Anatomicorum demonftrarunt; quinimò quò glandulæ grandiores, & plures, feroque abundantes in corporibus extant, eò etiam partes, & præfertim albæ magis augescunt, & adipe obteguntur: ficut pariter, quò fanguis glutinofior eft, eò etiam nutritio, & accretio in carnofis fenfibilior obfervatur. Hinc non mirum fi fenef, & graciles modicè nutrian- tur: illorum enim fanguis fibris, & glutine deftituitur, ac glandulæ prædictæ contabescunt, arentque. Nulla ergo neceffitate cogimur in nutrimentum partium fuccum nerveum advocare cum Gliffonio, VVartho-

In fpecie-  
leg. I. &  
in Anat.  
Renov.  
cap. de  
Nervis  
in gen.

Ridiculi autem videntur, qui afferunt conceptacula ali fuis, quæ continent, excrementis. Etenim quis unquam crediderit, biliofo fucco cyftis felleam nutriri, veficam lotio, & fæcibus intestina, quæ, quoniam inutilia, excernuntur, & fi fortaffe diutius retineantur, graviffima damna afferunt.

Prætereà plures alii humores fuis quoque vasis continentur, ut Humor cyftis felleæ, fuccus Pancreaticus, Lympha, Aqua Pericardii, humores oculorum, alique; de quibus fufius fcripfere Sylvius, Graëfius, Bartholinus, Gerardus Blafius, VVillifius.



## D E S E N S I B U S .

**P**hyfiologorum plerique Sensus dividunt in Internos, & Externos: ad illos referunt Imaginationem, Æstimationem, & Memoriam; ad hos verò Tactum, Gustum, Olfactum, Auditum, & Visum.

Sensuum omnium originem, & principium Cor esse arbitratus est Aristoteles 3. *de part. Animal. c. 4.* & 2. *eiusdem operis c. 10.* & alibi, cui visus est subscribere Avic. *lib. 1. f. 1. doctr. 4. c. 1.* Averr. 2. *collect.* & Alex. Aphrodis. 2. *de An.* Verum cum ex Anatomie innotuerit, Cerebrum esse nervorum principium, quibus sensationes fiunt, eoque læso, impeditisque nervis, operationes animales illicò deficient, quod læso corde non contingit; sana ratione Medici contra Aristotelem deduxerunt Cerebrum, non autem Cor, esse originem, & sedem animalium functionum.

3. de A.  
ni. c. 2.

rom. 3. f. 2  
lib. 6. c. 1.

V. etiam  
Arist. 1.  
de som.  
c. 2.

Non solum omnes sensus à Cerebro sunt, verum etiam in ipso reverà fiunt, ubi Animi, seu Mentis sedes esse dicitur. Et licet prima fronte videatur visio esse in oculo, auditio in aure, cæteræque sensationes, quas externas vocant, in reliquis sentiendi organis; Aristoteles tamen quinque sensibus externis unum internum communem præfecit, qui de illis iudicaret. Et Gassendus adeò luculenter insinuat sensationes in Cerebro fieri, & sensus omnes in una fede morari, ut dubitationi ampliùs non sit locus, potissimum cum aliò intenti objectum præ oculis positum non videamus, & sonum auribus exceptum non audiamus. Hinc Cicero 1. *Tusc.* ait: *Itaque sæpè, aut cogitatione, aut aliqua vi morbi impediti, apertis, atque integris, & oculis, & auribus, nec videmus, nec audimus, ut facile intelligi possit, Animum & videre,*

*& audire, non eas partes, quæ quasi fenestræ sunt Animi, quibus tamen sentire nihil queat Mens, nisi id agat, & adsit.* Celebre est quoque Pythagoræorum effatum: *Mens quippe omnia videt, & omnia audit, reliqua surda, & cæca.* Quare Apoplectici compunctiones, ulationes, ligaturas, dissectionesque non sentiunt, cum tamen sentiendi instrumenta benè se habeant. Hæc igitur aditum præstant, quò Mens in Cerebro sentiat receptas à sensibilibus objectis motiones, percussionesque, per adjunctos nervos eidem communicando. Atque hinc Hippocrates 2. *aph. t. 6.* *Quicumque dolentes parte aliqua corporis omninò dolorem non sentiunt, iis mens ægrotat.*

Omnes autem sensationes, Tactiones sunt factæ in partibus nerveis sensu præditis. Nervi enim à sensibilibus contacti continua motione Cerebrum afficiunt, unde perceptio, apprehensio, & cognitio rei sensibilis exoritur.

Neque reverà sentitur à manu, vel pede, sed à Mente, prout in manum, vel pedem intentæ est; unde quoties illa abalienatur, dolor, aut voluptas non percipitur. Falluntur propterea qui mediis spiritibus, sive speciebus, sensationes fieri contendunt, putantque spiritus è Cerebro in extremas corporis partes veluti exploratores ocysimè excurrere, atque ad Cerebrum redeuntibus illi nunciare quid in singulis partibus jucundi, vel molesti accidat, ac si forent mentis compotes, per tortuosas nervorum ambages sibi vias planas, & expeditas consultissimè eligere, ut rerum species ad cerebrum quàm citissimè referant; quòd si fortè in furorem agantur, mox species illis affines perturbentur, Cerebrum vacillet, & nobis circum omnia rotent.



Similia sunt, quæ de speciebus asserunt, quòd scilicet sint *immateriales*, & *intentionales*, sed sensibiles, & rerum corporearum, atque extensarum repræsentatrices, non sine manifesta repugnantia; nam sine tactu nulla res percipitur, aut impressio- nem facit, neque Tactus incorporeis rebus convenit;

*Tangere enim, & tangi, nisi corpus, nulla potest res.*

Unde scitâ Gassendus l.c. *Si species sunt quasi quædam Imagines rerum corporearum, extensarumque repræsentatrices, quomodo esse incorporeæ, sive inextensæ, ac sine ullis partibus possunt? quomodo potest res dividua per individuum repræsentari? & si emanant ab ipsis rebus, quomodo si nihil sunt ipsarum, ac si nihil propterea ab illis decedit, nihil ipsis deest? & si traiciuntur per medium, quomodo moventur, quæ neque sunt quidpiam per se, neque feruntur vehiculo, cum accidentia tamen dicantur? Et si excipiuntur à sensu, quomodo sensus corporeus cum sit, apprehendere, ac in se admittere ipsas incorporeas potest? Hactenus Gassendus.*

Denique Arabes, duce Avicenna, sensus internos in Cerebri Ventribus fieri asseruerunt, Imaginationem quidem in superioribus, Æstimationem in medio, & Memoratiōem in postremo ventre. Fernelius movendi vim à medulla Cerebri pendere arbitratus est; vim sentiendi verò à Meningibus, quo circa motum Cerebro, & sensum Meningibus attribuit. Renatus Cartesius hæc operationes Glandulæ pineali adscribit, aitque illam esse sedem, in qua Anima suas functiones exercet, atque in eam omnes rerum impressiones veluti in centrum tendere, & uniri.

Verum, ex accuratiori Anatomi-

corum observatione, Cerebri ventriculi videntur destinati emunctioni excrementorum, & non rarò lapillorum pleni inventi sunt, nec propterea Animæ functiones vitiosè exercitæ fuere. Fernelii insuper excogitato repugnat experimentum à Galeno allatum 7. *de placit. Hipp. & Plat. c. 3.* ubi refertur nulla offensa sensus, & motus denudatum fuisse Cerebrum propriis tunicis, hæcque dissectas extractas esse illæsa tamen cerebri substantia; undè deducitur haud quàm in meningibus animales functiones peragi. Neque Cartesii sententia, quam defendendam susceperunt Henricus Regius, alique, experientia cohæret. Refert enim Theodorus Kerckring. se Amstelodami dissequisse cerebrum cujusdam Pueri annorum quatuordecim atque in eo ne vestigium quidem glandulæ pinealis invenisse, quinimmò in dextro priore Cerebri ventriculo albicantem lapidem repertum esse pendentem grana tredecim. Addit quoque Plempius *M. Sladum Medicum, & Anatomicum Amstelodamensem observasse in glandula pineali lapillos, & aliquandò tam multos, ut ferè plus lapillorum, quam glandulæ esset, cum tamen in vita mens sana, & constans fuisset, sensus, & motus integri.* Testatur similiter in præfatione: *se una cum multis aliis Medicis in Nosocomio Amstelodamensi vidisse in puero ex hydrocephalo defuncto duram meningem oppletam aqua limpida ad libras quinque, quæ adeò cerebrum compresserat, ut vix appareret: at nullibi visa est glandula pinealis, cum tamen puer, dum in vivis degeret, motus, & sensus, & omnia mentis munera ritè obierit.*

Quare crediderim Cerebri potius Medullam sensationum omnium originem, & principium esse, cum ab ea

Lib. 4. c. 16. philosoph. Nat. Spicil. Anat. obl. 35.

Lib. 2. fund. Med. c. 6.

Luer. 1. de rer. Nat.

Philosoi. 1. 5. c. 10.

Lib. de affect. Anim.



in reliquas corporis partes nervi diffundantur, quibus sensationes universae sunt.

Verum refertur in *Ephemer. German. ann. 1670. obs. 26.* in quodam pago Patavii Bovis cerebrum in marmoream plane duritiem conversum inventum esse, unde de Cerebri officio jure quis dubitare posset, nisi ex adnotationibus ad observationes earumdem Ephemeridum anno sequenti editis constaret, à Malpighio observatum fuisse, Cerebrum illud non habuisse totam substantiam petrefactam, sed solum anteriorem corticem, atque hinc fortasse ceteris bovis stupidior apparebat, ut ibidem memoratur.

Ex his colligi potest in Cerebri medulla Imaginationem, Aestimationem, Memoriam, ceterasque animales functiones haberi per impressiones, & motiones factas in cerebro per nervos à rebus externis, atque adeo unum esse omnium principium: non secus ac scribere, digladiari, & pingere, licet res diversissimae, non nisi ab unica manu promanant. Et si quandoque laesa Imaginatione Aestimatio integra videatur, ut in exemplis à Galeno relatis de Puero lanifici, & de Theophilo Medico; revera tamen illa Aestimatio, quae videtur sana, laesa Imaginationi obsequitur, ac proinde à recto Rationis tramite aberrat.

Cum ergo ab externis objectis excitatur motio in organis sensuum, & continuatur propagatione per nervos ad cerebrum usque; externa res, seu objectum, à quo pressio facta est, percipitur, & vestigium quoddam, quod phantasma dici solet, Cerebro imprimitur, unde Apprehensio, Aestimatio, Memoria, & ceterae operationes animales emanant.

## DE SENSU, QUI DICITUR Tactus.

**L**icet omnes sensus Tactus sint, peculiari tamen nomine Tactio dici solet sensio illa, qua objecta aspera, laevia, dura, mollia, calida, aut frigida judicantur, juxta diversam affectionem partibus à tactilibus objectis impressam: quae enim disjungunt, incidunt, compunguntque, & se insinuando in poros, & texturam nervosarum partium sensum movent, calida dicimus; quae verò constringunt, comprimuntque, atque adeo stuporem inferunt, vel nervorum fibras rigidas, durasque reddunt, sensilia frigida appellamus. Sic gravia, quae fibras relaxant, ac distendunt; densa, ac dura, quae prementi manui resistunt, unde fibrae, & partes nervae comprimuntur; rara verò, & mollia, quae facile cedunt.

Quotiescumque verò Tactilium particulae ita adaptantur, ut blandam, lenem, ac texturae partium convenientem, congruentemque applicationem efficiant, Tactio voluptuosa oritur: molesta, & injucunda, cum incongruentes, atque inconcinnae illae fuerint partium nervosarum implexui.

Verum tamen est, quod haec Tactiones magis, minusque afficiunt, prout diversa Tactus organi textura est: non enim idem ubique nervorum, & fibrarum implexus. Hinc fit, quod ubi cutis durior, ac densior, ut in vola manus, Tactio non tam sensibilis est, sicut in reliquis partibus mollioribus fibris nerveis contextis, à quibus solis sensio est; quae enim his destituuntur, sensu etiam carent, veluti sunt ossa periosteo denudata, ligamenta, & cartilagines.



DE SENSU, QUI DICITUR  
Gustatus.

**G**ustatus dicitur sensio illa, qua sapida, vel insipida percipimus. Potissimum illius Instrumentum videtur Lingua, quæ vesiculis quibusdam exiguis, seu papillis cuspidem præcipuè refertam habet, ut exquisitiùs degustare possit, in radice verò latiores pori patent, per quos tenuiores alimentorum partes ad Cerebrum deferri possunt; atque hinc diuturnam inedia passus, & ferè exinaniti primo generosi liquoris libamine reficiuntur, ut observarunt etiam Malpighius, & Bellinus.

Hunc sensum movent quæcunque salibus prædita sunt, linguamque afficere apta. Pro illorum autem varietate diversi sapor exoritur. At lingua salivario rore madere debet, quo ciborum salia exolvantur, & faciliùs in ejusdem papillas inferantur, ac sensum pariant suavem, aut insuavem, prout linguæ texturæ adaptantur. Hinc est quòd ipse etiam Aristoteles sentit Gustatum esse Tactus speciem.

2. de An.  
cap. II.

Saporum differentias plerique septem, nonnulli octo, alii etiam novem recensent: Acrem, ex pipere, & pyrethro: Amarum, ex felle, aloe, absinthio: Salsum, ex aqua marina: Acidum, ex malis citriis, & medicis, aceto: Austerum, ex mespilis, nucibus cupressi, cydoniis: Acerbum, ex fructibus immaturis, omphacio: Dulcem, ex saccharo, melle: Pinguem, seu oleosum, ex olivis maturis, terebinthina, butyro: Insipidum demum, ex aqua distillata, ovi albumine crudo, & similibus.

Præterea multæ aliæ differentiae compositæ, ac ferè innumerabiles haberi possunt, ut dulcis-unctuosus,

acidus-acer, salsus-amarus, & similes: quin immò, si rem acriùs spectes, infinitæ penè sunt; dulcedo enim, quæ ex melle non eadem est cum dulcedine, quæ ex saccharo, aut lacte; & amarities absinthii cum illa aloes.

DE SENSU, QUI DICITUR  
Olfactus.

**C**um rerum Odoratarum particulae tenuiores, & volatiles intimiores narium partes pertingunt ad processus usque mamillares, oritur sensio, Olfactus dicta.

Si quæ autem è rebus efflantur processus mamillarium meatibus benè congruunt, & fibras nervorum leniter titillant, suaves, & gratos odores percipimus; cum verò illis non congruunt, immò easdem fibras moleste percellunt, injucundos, & graves. Præter hos autem sunt & innumerae aliæ odorum differentiae, quas licet sensu discernamus, haud tamè facile est illas verbis exprimere.

Convenit Olfactus cum Gustatu, siquidem Coryza laborantes Gustu deficiunt, sicut Olfactu, quia rheuma æquè consentientes nervos afficit. Differunt verò, quia Gustus eget humido, quo sapida diluantur, & faciliùs poros linguæ subeant; Olfactus autem tenuibus, levibusque halitibus afficitur, siquidem promptiùs ad processus mamillares penetrant; quamobrem odora igni exposita, contrectata, vel contusa abundantius olent, tenuibus partibus à crassioribus extricatis; & sapida, lingua suo rore destituta, vix degustantur.

Non solum per Aerem, verum etiam per aquas odor diffunditur, etenim propè Maris littora degentes odorem haurimus algarum, aliarumque rerum sub aquis latitantium, observamusque pisces sub aquis ad



escam accurrere, eosque allici odor. de hi-  
re falsamentorum ab Aristotele me-  
moratur. stor. A-  
nim. c.8.

### DE SENSU, QUI DICITUR Auditus.

**A**uditum appellamus sensum illum, qui fit per Aures, cum Aer appulsus Tympanum ferit, & subinde reliquas interiores auris partes, quousque Cochleam, & Labyrinthum pertingens adjunctos nervos commoveat, percellatque. Percussum autem Aerem in varios gyros adigi putarunt Stoici, eo propemodum modo, quo observamus Aquam à lapillis injectis in orbes majores, majoresque expandi. Verum sunt qui sonum per lineas rectas, non aliter ac lumen, propagari probent, speculis eodem modo illum reflectentibus. Quod si fortassè in medio itinere obicem inveniatur, repercutitur, ac resilit, & Echo formatur: quò autem obices concavi, & sinuosi magis fuerint, ac plures, eò etiam Echo sensibilibior, & multiplicata percipitur.

Organum Auditus Aristoteles statuit esse Aerem ingenitum in Auris interiori meatu. Themistius verò spiritum animale. Vesalius in tribus Aurium officulis, Stapede, Malleo, & Incudine Auditionem fieri putavit. Plerique etiam Tympanum præcipuum ejus instrumentum existimant. Verum licet hæc omnia ad Auditionem contulerint, potissima tamen Neotericis videtur Cochlea cum adjuncto Labyrintho, ubi soni impressionem vehementiorem efficere possunt, eamque proximis nervis, ac Cerebro communicare.

Quamquam autem exterius per Aures plerumque sonus percipiatur, potest etiam ex ore exaudiri: sic fides

dentibus prehenfas, & pulsatas Surdinon rarò percipiunt; & sapissimè voces eminè emissas, ut melius, distinctiusque captemus, ore patulo exhaurimus, consentientibus scilicet nervis per linguam, & auditus organum diffusis, patenteque meatu à faucibus ad tympanum Auris protenso.

Nedum Aer, verum etiam Aqua sonum promovere potest, cum Ranas sub illa coaxantes, & Piscium fragores audiamus. At, quia non adeò ut Aer, mobilis, & fluida est, cum propè superficiem fit sonus dumtaxat auditur, in quantum Aqua tremorem illum attiguo Aeri imperitur; si verò aquæ moles tanta sit, ut tremori motorum corporum resistat, sonus non exauditur: sic Urinatores in profundum Maris demersi ictus tormentorum non audiunt à Navibus supra illos existentibus explosos, ut narrat Gassendus.

tom. 2.  
lib. 7. c. 4.

### DE SENSU, QUI DICITUR Visus.

**I**N hoc Sensu potissimum magna Philosophorum, & Medicorum pars hallucinata est, *Avicen. 6. nat. p. 3. cap. 8.* & cum eo Turisan. optico- rum nervorum coitionem Visionis sedem esse credidit. Galenus Crystal- lum, Argenterius totum oculum, Gabeus verò Retinam. At Mariottus Choroidem, quæ est postica pars tunicæ Uvæ præcipuo Visionis usui esse contendit, quem refellit Jo. Pecquetus *peculiari Epist. ut in Ephemer. Gallic.* memoratur.

8. de usu  
part. c. 6.  
& lib. de  
olfact. ca.  
3.

Neque minori dissentione, de modo, quo illa fiat, disceptarunt. Plato putat, oculos cujusdam ignis non urentis, seu lucis esse participes, lumenque diurnum ad illam ex ipsis effluentem incidens, propter similitu-  
dinem,

2. de An.  
t. 83. & 2.  
de par-  
tib. Ani-  
mal. cap.  
20.  
1. de  
Hum.  
Corp.  
fabr. c. 8.



Gal. 7. de  
decretis.  
Hipp. &  
Plat. c. 5.

Gell. 1. 5.  
cap. 16.

dinem, ita cum eadem commisceri, ut unum corpus constituat in rectos processus dispositum, unde usque ad animam diffundatur sensio, quæ Visus dicitur. Hanc propriam oculorum lucem etiam Cartesius asserit *Dioptr. cap. 1.* cum, inquit: *Visus objecta posse percipi non tantummodo actionis vi, quæ ex iis emanans ad oculos nostros diffunditur, sed etiam vi illius, quæ oculis innata ad illa pergit. Verumtamen quoniam hæc actio nil nisi lumen est, notandum, neminem, præter eos, qui per tenebras instar felium cernunt, saltem si qui sint, illam in oculis suis habere, & maximam hominum partem tantummodo per eam actionem videre, quæ ab objectis venit.* Stoici etiam causas esse videndi dixerunt, radiorum ex oculis in ea, quæ videri queant, emissionem, aerisque simul intentionem. Aristotelei cum nequissimè Magistri mentem ex ejus scriptis percipere, Democriti, & Epicuri sententiam adulterarunt, & quod in illa probabile erat rejecerunt; dixeruntque, Visionem fieri intromissione, seu receptione imaginum, vel simulacrorum, quæ à corporibus ad oculum impingunt: Verùm ubi illi corporea simulacra fecerunt, hi incorporea, & immaterialia insulse fingunt, cum quæ incorporea sunt, impressiones in res corporeas facere nequeant: Ockamus demùm, alique *Species* incorporeas, & *Intentionales* deridentes, asserunt nil aliud requiri ad Visionem, quam ut objectum visibile sit, & oculus potens videre in debita distantia: Res sanè lippis, & tonsoribus notissima, attamen modum non explicat, quo illa fiat.

Verùm lumine oculos ingresso, sive ab opacis corporibus resiliente, sive etiam è luminosis directè illapso, in

Retina externorum objectorum idolum efformatur, atque nervuli ibidem existentes sic moventur, ut Cerebro rerum imagines communicent. Hoc videre est in cubiculo obtenebrato, si in illud lumininon nisi unus aditus concedatur per exiguum foramen vitrea lente clausum, & alba papyro ad debitum intervallum radii ingressi excipiantur. Omnia tamen clariora erunt, si evulsum recens bovis, vel alterius magni animalis oculum ita secemus, ut ablata ea parte trium ejus membranarum, quæ cerebro obversa est, satis magna pars humoris appareat nuda, nec tamen iste humor effundatur, sed contineatur charta, vel ovi putamine, vel alia quavis materia alba, & tam tenui, ut quamvis non sit pellucida: omnem tamen luminis transitum non excludat, huncque oculum foramini asseris ad id facti sic imitamus, ut ejus pars anterior respiciat objecta Sole illustrata, posterior verò conclave interius totum tenebrosum: hoc enim ita parato, non sine voluptate, & admiratione picturam quandam in alba papyro foramini obversa videbimus omnia objecta extra cubiculum posita scitè satis imitantem. Vide Cartes. *Dioptr. cap. 5.*

Cæterùm lumen (ut ex opticis patet) si in oculos directè illabatur, ipsum luminosum corpus, lucis fons prospicitur; si verò reflexè, varii colores, pro varietate umbræ intermixtæ; demùm si refractè, modò ipsum luminosum corpus, modò colores percipiuntur, prout omnes, vel aliquot tantùm radios ab oculis excipi contigerit. Varietas igitur colorum ex varia corporum textura, quæ diversimodè lucidos radios reflectit, ex situ oculi variè illos excipientis, & denique ex diversa incidentis luminis



vid. Arist. lib.  
de color.

inclinatione, exoritur. Hinc male sentiunt Aristotelici, qui colores à lumine differre volunt, atque in reales, & apparentes distinguunt, cum revera omnes ab uno lumine variè reflexo exurgant, & qui veri putantur ab immutabili objectorum textura dependent, quæ radios lucis semper eodem modo reflectit; qui verò apparentes, à vario, mutabilique partium objectorum positu, ut in collo Columbæ observare est.

Quamvis autem bini sint oculi Animantibus concessi, per alterutrum tamen, dextrum, aut sinistram res visibiles conspiciuntur, etsi utrique aperti sint, & quidem dextræ à dextro, & sinistræ à sinistro oculo videntur; cum enim visibilia per lineas rectas spectentur, & in cunctis ferè Animantibus oculi ex diametro utrinque sint positi, extuberante non nihil fronte, & spina nasi, proinde quæ ad dexteram sunt, non nisi à dextro oculo videri possunt, & quæ ad sinistram à sinistro; quamobrem aves, ut sursum, aut deorsum, quod fortasse terruit, accuratius intueantur, alterutro oculo illorum aspiciunt. In hominibus verò, quia oculi antrorsum spectant, idem objectum æquè ab utrisque videri potest, sed tamen nec per easdem lineas, seu radios lucis: Disponat quis in certa quadam distantia duos suæ manus digitos tanto intervallo inter se diffitos ad Candelæ lumen, ut alter alterum oculum è regione respiciat, & pari ratione candelæ lumen occultet; si deinde dexter digitus deflectatur, dexter oculus benè videbit, ne utique verò sinister, & è converso. Quod si præterea digitus disponantur, ut solum medietatem luminis candelæ impediunt, tunc dexter oculus dextram solum medietatem, & sinister sinistram spectabit, ut propterea

ratum sit non omnino idem ab utroque oculo videri, nec per eosdem radios lucis. Id ipsum experiri licet, si ante sinistram e.g. oculum in certa distantia tabula admoveatur adversus Candelæ lumen, ita tamen ut latus tabulæ per rectam lineam contingere videatur lateralem candelæ superficiem; si deinde dexter oculus claudatur, lumen illud à sinistro haudquaquam videbitur; quin immo neque si tabula collocetur, secundum ejus latus in tanta distantia parallela à lumine, quantum scilicet distat alter oculus ab altero. Videtur autem lumen, & quodcumque aliud corpus unum, non geminum, quamvis oculi duo sint, quia sensio, & representatio in interno sensorio per unicum conum una fit, pari modo, ac ex geminis auribus una fit soni perceptio. Sunt enim sensus isti externi veluti fenestræ, ac ductus, per quos sensilia transferuntur in sensorium internum, ubi sensationes omnes fiunt, ut superius dictum. Quo autem pacto per Anatomen id contingat, conatus est ostendere præ cæteris Guilielmus Briggs Medicus Londinensis in *sua Ophthalmogr.*

### DE SOMNO, ET VIGILIA.

**E**tsi plerumque in Somno Sensus omnes consopiti jaceant, non raro tamen accidit dormientes alloqui, atque ad interrogata aptè respondere, & vulgare est, Imaginationem, Memoriam, immò Rationem ipsam exercere; unde Mentem somno non ligari manifestum est, licet non omnium recordemur, quæ in alto sopore meditati sumus; hinc etiam dormientibus vigilantium munia obire contigerit. Galenus refert, se aliquando stadium dormiendo peragrasse, nec prius experrectum, quam

2. de Mot.  
Muscul.  
cap. 4.



quàm ad lapidem offenderit. Plures alios somnambulos memorant Henricus ab Heers, & Petrus Salius, qui sanè mira patrarint. Novi etiam quendam, qui dormiens de nocte surgebat, indutusque, & ense accinctus fores aperiebat, domo egrediebatur, ac deambulabat, immò in Amicos incidens salutatus resalutabat, deindè domum rediens, depositis indumentis cubile iterum petebat; at manè expergefactus rei immemor, interrogantibus Amicis, se domo noctu unquam egressum inficiabatur; tandem à domesticis ad id vigilantibus in ipso egressu excitatus, veritatis conscius factus est.

lib. de  
foni. &  
vigil. c. 1. Somnum induci putavit Aristoteles, cum calor naturalis recurrit ad partes internas, & præsertim ad Cor, ubi ipse Somni sedem collocavit. Paulo ante etiam dixerat Somni causam esse alimentie evaporationem ad Cerebrum.

Galenus *lib. 1. de Sympt. Caus. cap. ult. & 3. de Caus. puls. cap. 9.* quem sequuti sunt Avicenn. & Avern. Naturam ipsam spirituum refectioni intentam Somnum conciliare ait.

Alii ab obstructione, sive ventriculorum, sive meatuum Cerebri, unde spiritus animales ad organa inferiora pro externis sensationibus obeundis descendere prohibeantur, illum originem habere arbitrati sunt.

Verùm his omnibus experientia refragatur. Etsi enim febre leipyria laborantes exterius frigeant, & interius caleant, non ideo dormiunt. Sic etiam licet plerumque à pastu in Somnum incidamus, sæpius tamen à lassitudine, & motu immoderato, ut ab solis ciborum vaporibus id evenire haud dici posse videatur. Præterea Somnum conciliant cantus, sonusque suavis, & aquæ murmur, quamvis ventriculus cibis gravis non sit,

qui potius illis oppressus Vigiliam, quàm Somnum affert.

Similiter licet post nimium motum, ac corporis defatigationem facillimè in Somnum prolabamur, fortassè Natura in virium refectionem incumbente; nihilominus sæpissimè nulla prævia lassitudine, aut virium jactura, otiosos oculos Somnus urget.

Denique obstructio ventrium, & meatuum Cerebri, tantum abest, ut placidam quietem, & Somnum inferret, quin potius omnes sensus adimeret.

Cartesius credidit, impedito spirituum discursu per nervos valvulis quibusdam, quæ palpebrarum instar clauderentur, recluderenturque, Somnum induci. Sed nullus Anatomicorum hucusque valvulas istas in nervis observavit.

Probabilius propterea videtur Somnus conciliari, cum nervorum stamina, & fibræ, ea parte, qua cerebro coherent, ita afficiuntur, ut minus aptæ sint suis muneribus obeundis: nempe si crassescant, rigent, contorqueantur, aut etiam laxius distendantur. Et quidem cum Cerebrum à cibus leniter humescit, & irroratur sanguine, novo chylo, aut etiamimenti parte rorida, & vaporosa imbuto, Somnus conciliatur; Hinc pueri, helluones, & qui phlegmatici vocantur, somnolentiores esse solent. Sic pariter cum blandè percellitur, & continua, lentaque motione fibræ nerveæ laxantur, ut aquæ murmure, cantu, & similibus; vel cum eadem immodico motu distensæ flaccescunt, & labascunt, atque à vicinis partibus solutum humorem exugunt, & tumescunt; aut arefactæ rigescunt; vel denique cum crassiores sanguinis partes diluuntur, tenuioribus dissipatis, faciliusque per arte-



arterias in cerebrum tendunt, quibus illud gravatur, & nervorum fibræ eidem adhærentes crassescunt. Has autem in Somno affici patet, cum observemus caput inclinari, palpebras concidere, ac totum corpus labasce-  
re. Verum hæc si modum exce-  
serint, pro Somno, Coma, Carus,  
Lethargus, Catalepsis, Apoplexia,  
& similes morbi contingunt.

Cum verò sensus solvuntur, & ad propria munia redeunt, Vigilia re-  
vocatur, restitutis quidem in debi-  
tam mollitiem, & flexilitatem fibris,  
ita ut liberè flecti, contrahi, distendi  
possint. Hinc ad Vigiliam conferunt,  
quæcunque Cerebrum, & nervos apta  
sunt vellicare, & percellere, fibrasque  
extensas tueri. Sic, quia inedia, fe-  
bribus, animi pathematis, sanguis  
fit tenuior, acrior, aut acidior, e-  
jus vapore fibræ sollicitantur, & vigi-  
lare cogunt. Idem omnino accidit  
ab his, quæ sanguinem attenuare  
valent, ut sunt omnis generis aro-  
mata.

#### DE MOTIBUS CUM ANIMI, tum Corporis,

**A** Nimi motus, five pathemata  
originem trahunt à sensibus,  
qui pro varia objectorum Phantasi-  
am in inventium repræsentatione sub spe-  
cie boni, vel mali diversimodè Ani-  
mum commovent. Primò enim Ce-  
rebrum afficitur ab apprehenso obje-  
cto, mox in universum corpus, at  
sensibilius in Cor, affectio illa tradu-  
citur, unde ipsius, & sanguinis mo-  
tus perturbatur, ac pathemata va-  
ria exoriuntur. Si namque sanguis  
concitetur, Ira; si remoretur, Ti-  
mor; si intumescat, Gaudium; si  
verò detumeat, Mœror, & Luctus  
enascuntur. Cæteras Animi pertur-  
bationes latè prosequuntur Carte-

sius, Gassendus, aliique Naturæ  
consultissimi Philosophi, quæ licet  
innumeræ ferè sint, septem tamen ad  
Rem Medicam magis facere viden-  
tur, Amor, Odium, Gaudium,  
Mœstitia, Timor, Spes, & Ira.

Ab Amore sunt Cordis saltus, æ-  
stus, furor, suspiria, vigiliæ, cor-  
poris macies, & pallor. Unde Ovid.  
I. de Arte.

*Attenuant juvenum vigilata cor-  
pora noctes,  
Curaque, & in magno, qui fit,  
Amore, dolor.*

Præterea, morum elegantia, auda-  
cia, facundia, corporis cultus, in-  
genii perspicacia, & sedulitas, ut de  
proprio filio narrat Cardanus. Ex  
adverso quæcunque ab Amore sunt,  
Odium corrigit, & corrumpit.

Gaudium, seu Latitia cerebrum  
recreat, cor summa voluptate im-  
plet, diaphragma titillat, & ad risum  
incitat, pulmonem, & pectus dila-  
tat, potissimum verò faciem, & ocu-  
los grato, roseoque colore perfun-  
dit, unde maxime sanitati confert.  
Plerisque autem repentinum interi-  
tum attulit, exoluto veluti summa  
dulcedine Corde. Cujus rei exempla  
lege apud Valer. Max. Gellium, Plu-  
tarch. Plin. & alios. Hinc si Gaudium  
fuerit immoderatum, & extremam  
cordis amplificationem, five immo-  
dicum risum inducat, reprehensio-  
ne, pudore, & formidine tempera-  
bitur.

Desperato Gaudio, ob aliquod  
præsens malum, Tristitia exurgit,  
quæ pigrum, & ineptum hominem  
reddit, cor comprimit, & si diù per-  
severet, melancholicum delirium  
inferre poterit. In sacris etiam lite-  
ris dicitur: *Spiritus tristis exsiccat  
ossa, & in mœrore animi deiicitur  
spiritus*. Temperatur gaudio, &  
latitia. Juvare autem potest, cum  
im-

Gal. 2. de  
sympt.  
Caus. c.  
5.



immoderatos motus cæterarum perturbationum corrigit.

Timore afficitur Animus ex malo imminente, & ferè inevitabili. Quòd inevitabile prorsus sit, Mœstitia, & Desperatio sequetur. Eo sanguis minùs fluitat; quapropter hæ morrhagiæ sistuntur. Immoderatus, & repentinus Timor syncopen, & mortem aliquando attulit, ut refert Gal. 5. de loc. aff. 1. Corrigitur spe, ira, & similibus pathematis, quæ sanguinem pavore crassiores redditum solvere possunt.

Spes nedum apta est tollere metum, & mentem quieti restituere, verùm etiam Desperationi opponitur, quam tandem mors sequeretur. Unde Tibullus lib. 2. eleg. ult.

*Jam mala finissem letho, sed credula vitam*

*Spes fovet.*

Cùm cætera Numina in cælum avolarent, hæc sola in terris homines miserata remansit. Hinc Ovid. 1. de Pont. eleg. 7.

*Hæc Dea, cùm fugerent scelertas Numina terras,*

*In Diis invisa sola remansit humo.*

Sæpè etiam animum cruciat. Quare Statius lib. 1. Theb.

*— Spes anxiam mentem*

*Extrahit, & longo consumit gaudia voto.*

Ira sanguis effervescit, & attenuatur, decoloratis corporibus color restituitur, & aliquando Paralysis ea soluta est: Hinc dixit Hipp. 2. epid. sect. 4. prodesse nonnunquam irasci. Et Valleriola lib. 2. obs. 4. refert, suum consobrinum jamdudùm nervis contractum iræ æstu convaluisse. Cùm verò extra limites vagatur, febrem excitat, & furorem. Unde Phocilides:

*Θυμός υπερχόμενος, μανίην ὁλοφρόνα τεύχει.*

Illi opponitur Tristitia, & Metus. Molli etiam sermone frangitur.

Motus denique Corporis vel Animales sunt, vel Naturales. Animales dicimus, qui animo advertente fiunt; Naturales verò, qui spontè Naturæ, & animo non intelligente, ut sunt intestinorum motus, sternutatio, tussis, singultus, & similes, quos cohibere nullo modo possumus. Plerique alii motus misti observantur, veluti Respiratio, Risus, Oscitatio, qui etsi spontè Naturæ proveniant, illos tamen cohibere in nostra potestate est. Est & alia quædam motus species, quæ ad neutram harum reduci posse videtur, ut est somnambulorum motus, qui licet naturalis prima fronte videatur, re tamen perpensa à voluntate regi credendum est, cùm eant, redeantque, quò velint, immò illos quandoque flumina petiisse, & natasse referunt historiæ. Ad longum autem usum hujusmodi motus causa referri potest: sic enim experimur nonnullos expeditis digitis chordas harmonicè prætentare, quamvis alii operi intenti sint.

Harum motionum Villisius voluntarias, five animales adscripsit Cerebro, Cerebello verò involuntarias, seu naturales, ideò, quia motus mistos ad Nervos ab utroque dependentes detulerit.

## DE VITÆ DISSOLUTIONE,

*Ejusque causis.*

**H**Actenus de iis, quæ vitam tuentur, jam quæ illam dissolvunt, expediamus. Vitæ dissolutio dupliciter accidit: naturaliter, cùm sensim profecta Ætas vires, & animum auferat; præter naturam verò, cùm causæ morbificæ Vitam in medio cursu recidunt. Hoc autem manifestum fiet, si primum totius Vitæ progressum recenseamus.

A pri-



A primo ortu partes corporis teneriores sunt, & laxiores, in quibus sanguis facile inhærescit, atque ideò puelli magis nutriuntur, & vigent; Deinde ab aere, exercitiis, vigiliis, cibis, egestionibus, pathematis, & cæteris id genus causis, membra sensim densantur, induranturque; hinc sanguis tenuior tantum modico glutini admixtus per densiorem texturam traicitur, & partibus inhæret; trajectus verò repetitis circuitibus magis, ac magis attenuatur, quapropter plus roboris, quam nutritionis Juvenes adipiscuntur. Assiduo præterea motu, aliisque causis, plurima fiunt sanguinis dispendia, & vigor imminuitur, unde fermenta, sales, seu succi, quibus ciborum exolutiones, secretiones, nutritus, & cætera hujusmodi peraguntur, vitiuntur, aut deficiunt, ut testantur cruditates, oculorum caligationes, & similes affectiones, quæ his, qui è Juventute excefferunt, accidunt. Tandem sanguis cum glutine, tum vivida parte destitutus ineptus redditur roborandis, alendisque partibus; hinc extrema senectus, & decrepitas: tunc enim labascit cor, pulmones ægrè expanduntur, arteriæ parum sanguinis admittunt, remittuntque, & vix pulsant. Postremo motu deficiente vita definit. Quare Gal. *lib. de Marcore cap. 5.* Nam is, inquit, est vitæ terminus, ac finis, ipsa nimirum Cordis ab actione cessatio. Et Aristoteles *lib. de vita, & morte* ait: Vitam finiri, aut resolutione, cum alimenta deficiunt, vel suffocatione, cum plus justo assumuntur, indeque excrementa cumulantur, & suffocant.

His affine est, quod in plantis etiam observatur, quæ arescunt defectu nutritii succi, qui ob mutatam partium texturam, fibris obrigescen-

tibus, traici non potest in universam illarum substantiam, & nuper observatum est, ut refertur in *Act. Philosoph. soc. Reg. Angel.* succum in plantis circumire, non secus ac sanguis in Animantibus; unde Naturam ubique eodem modo se gerere satis manifestè patet.

Medicis ferè omnibus naturalis Mortis causa hucusque visa est Calidi nativi extinctio, & Humidi radicalis, ut ajunt, absumptio à superveniente alio calore, quem Influentem dicunt, sive ab illo eodem, qui Insitus est. At quò plures in hanc opinionem ivere, eò minus rem attentè considerarunt. Qui enim fieri poterit, ut calor sive Insitus, sive Influens illis dictus, Nativum calorem destruat, quando illum ad augeri ab iisdem supponant? Insuper cum non nisi à contrariis qualitatibus fieri rerum destructionem cum Aristotele censeant, miror, suaderi posse à calore potius, quam à frigore nativum calorem, & Vitam extinguere? Et si à frigore hanc extinctionem fieri putarent, planè hoc frigus excedere deberet calorem, quem unanimi consensu in viventibus prævalere omnes confitentur. Accedit, quod, si Calor absumendo Humidum radicale, ut volunt, ipse quoque sensim consumeretur, quemadmodum evenit in lucernæ flammula, quæ absumpto oleo, extinguitur, profecto in Juvenibus utpotè calidioribus humidum manifestius exhauriretur, & macies, ac tandem mors, senectute non expectata, contingeret, quod sanæ mentis nemo suspicabitur. Ipse etiam Gal. hanc veritatem fateatur *lib. de Marcore cap. 3.* ubi refellit opinionem eorum, qui asserunt corpora à calore consumi, sicut à flamma ligna.

Nec magis probabile est, quod cum Vallesio *super 4. Meteor.* nonnulli



nulli existimant à fuliginibus retentis per poros senilis cutis expirare nequeuntibus, atque adeò levem febrim excitantibus, naturalem mortem accidere. Cum Calor in senibus desit, à quo possint hujusmodi fuligines elevari. Nec modum explicant, quo febriculam inferre possint. Cætera mittimus, quæ adeò levia, & futilia sunt, ut pigeat illa recensere.

Plerique putant, ope Medica, posse vitam ad longissima tempora produci, inter quos fuit Ægyptius ille Philosophus relatus à Gal. *cap. lib. de Marc. cap. 2.* immò exemplo Æsonis, sanguinis transfusione senes renovari posse contendunt: & Hermetici summis laboribus pulverem philosophicum inquirunt, quo possint morbos fugare, & vitam incolumem ad plura sæcula prorogare. At quo ipsorum desiderium sapienti homine dignum est, eò difficilius assequi datur, & ipse Paracelsus, qui gloriabatur se posse vitam diutissimè tueri, vix quadragesimum septimum annum attigit; sive quòd termini constituti sint, qui præteriri non possint; sive quòd impossibile sit deperditos vitæ fomites, aut alimentis, aut secretioribus Medicinæ arcanis ex æquo restaurare. Quæ verò referuntur de Phœnice, Serpentibus, Aquila, Cervis, & de Indo quodam Viro, cujus meminit P. Maffeus *lib. 11. Hist. Ind.* & de Joanne Macleyne Scoto, quem narrat Plempius *fundam. Med. lib. 2. f. 4. c. 8.* deque multis aliis memoratis à Gassendo *tom. 2. f. 3. lib. 13.* fabulosa quidem, vel ficta existimantur: nisi credere velimus, vegetiores tantum illos evasisse, & vitam, quousque licitum est, prorogasse.

Quoniam verò causis morbificis, quibus impeditur sanguinis, & cordis motus, & præter naturam, seu violenta Mors accidit, ope Medica

occurrere valemus, conabimur, quantum in nobis est, Morborum naturam, differentias, causas, symptomata, & reliqua explicare, ut tandem, opportunis remediis adinventis, quam serius possumus, Naturæ concedamus.

## DE MORBIS.

**Q**Uemadmodum in bona corporis habitudine Sanitas, ita in mala consistit Morbus. Nemo, quod sciam, Medicorum Morbos à vitiis corporis distinxit, quò factum est, ut hexadactylon, ridiculè sanè, morborum appellarint, etsi optima habitudine fruatur. Libet igitur cum Ptol. *lib. 3. quadrip. c. 16.* distinguere Morbum à Vitio: Vitium quidem semel inflictum constantes dolores non affert; Morbus verò, vel continuos, vel reciprocos. Unde Cardanus *ibidem: Vitia sunt cæcitas, surditas, clauditas: inflicta enim semel dolorem afferunt, inde postea nequaquam. Morbi autem in hoc conveniunt omnes, quòd dum adsunt, dolorem afferunt, sed duorum tamen sunt generum; quidam enim sunt reciproci, ut Asthma, Comitialis, Podagra, qui, ut abscedunt, redeunt, Morbi verò non reciproci sunt, ut Febres; & morbi laterales. Vitia præterea fermè sunt inseparabilia, sed minus affligunt; Morbi contra, natura sua, sunt separabiles, licet reciproci medii quasi natura sint inter simplices morbos, & vitia.*

A mala corporis habitudine varia Morborum differentia exoriuntur. Cum enim bona valetudo videatur esse à sanguine, & partibus ritè constitutis, idcirco morborum alii erunt à sanguine peccante, alii verò à partibus à proprio; naturalique statu recedentibus.



Si Sanguis effœtus evadat, debilitas pulsus, virium languor, partium refrigeratio, & totius corporis hebetudo præsto sunt; ut macies, & tabes, si, amisso glutine, solvatur. Si verò, vel acidus, vel acër, aut motu celerior fiat, inflammationes, pustulas, & similes morbos affert. Si demum plus justo serofus evadat, hydronosi, seu aquei morbi exoriuntur. Ad sanguinem quoque referre licet ægritudines, quæ à reliquis corporis humoribus lymphæ, bile, succo pancreatico, & similibus sunt, cum vel à sanguine hi malè secernuntur, vel secreti iterum commiscentur, & illum inficiunt.

Ad partes, quod attinet, si à propriis locis recedant, magnitudine augeantur, scindantur, corrumpantur, vel obstruantur illarum ductus, aut alio modo afficiantur, Luxationes, Tumores, Ulcera, Putredines, Obstructiones, & hujusmodi emergunt.

Præter has Morborum differentias, aliæ sunt: A Sexu, ut satyriasis, priapismus; nec non podagræ, quæ ut plurimum Maribus accidunt: Affectiones hystericae, quas Fœminis.

Ab Ætate, ut Variolæ, Aphthæ, quæ pueros sæpius invadunt: Tusses verò, & Asthmata, senes.

Ab Origine, Hæreditarii, ut cum à Parentum vitio emanant. Idiopathici, qui ab ipsamet parte affecta originem trahunt. Sympathici, qui sunt per consensum alterius partis patientis.

A Tempore, alii sunt Acuti, qui quadragesimum diem non excedunt; Alii Chronici, qui ulterius protrahuntur.

A Loco, ut sunt Endemici aliquibus tantum Regionibus familiares, inter quos connumerari meretur lues Americana illius Regionis peculiaris, quam ad Nos Hispani detulerunt, vo-

cataque est Gallica, quia primum Galli in obsidione Neapolitana illam sævissimam experti sunt, pariterque in Americam nostras variolas inde Hispani invexerunt, quibus crudèssimè illic grassantibus innumeri penè perierunt. Celebris quoque est morbus Tarentinus, qui jure ad quoddam Furoris genus referri potest, & nisi musica, choreisque compescatur, certum est correptos brevi morti concessuros: sunt qui ad Mare avidissimè accurrunt, & toti immerguntur in aquis: alii foveis excavatis, capite tantum supereminente, terra obruuntur: alii ad Tympanorum, Tubarum, Bombardarum strepitus, cæteraque hujusmodi exultant; speculis, nudis ensibus, variisque coloribus delectantur. Per Æstatem quotannis solet morbus exasperari, unde fabula vulgo nata est, quod Araneæ Tarentinæ morsu ictis tam diu saltandum sit, quandiu ipsa vixerit. Verum illæ per idem tempus adeo venenosæ fiunt, ut ferè Aspidem, & Viperam vincant, nec ullam opem à choreis, & sonis sperare est contra illarum morsum; quod experti sunt quidam milites Hispani Tarenti degentes, qui incolis illudebant, quod fœminæ ut plurimum his moribus obnoxia essent, quasi aliud mente agitantes morbum simularent, atque ab his araneis à quibus hunc furorem inferri dicebatur, vano insanoque tentamento sese morderi passi sunt, & mox gravissimis symptomatis correpti periere, frustra ad choreas variis sonorum modis invitati. Cæteris autem temporibus illarum morsus, vel nullus est, vel innocuus, veluti plerisque aliis venenosis animalibus accidit; unde factum, ut quibusdam causa dubitandi data sit, num reverà deleteriæ illæ forent. Notabile præterea est, quod Morbum cætero-



qui Endemicum, affecti quocumque iverint, secumferant; diuturnitate tamen temporis, & sudore à saltibus, & choreis habito, curari solet.

Epidemici demum Morbi sunt, qui vitio aeris, vel alimenti, alteriusve causæ communioris hominibus accidunt.

### DE MORBORUM CAUSIS.

In Prooem. Sicut variæ omni ævo extitere Medicorum sectæ, sic variæ Morborum Causæ excogitatae sunt. Quidam enim ex sapientiæ professoribus, ut habet Celsus, ex quatuor principiis, vel superans aliquid, vel deficiens adversam valetudinem creare dixerunt; quo respexisse videtur Hipp. *lib. de flatib.* definiens Medicinam Adjectionem, & Detractionem; adjectionem quidem eorum, quæ deficiunt, detractionem verò eorum, quæ excedunt; quamvis in fine ejusdem libelli Morborum omnium causas ad flatum referat: & *lib. de Nat. hum.* partim ex aere, & partim ex victu illos esse dicat: Herophilo omne vitium esse in humidis visum est: Erasistrato in sanguine, si in eas venas, quæ spiritui accommodatae sunt, transfundatur, & inflammationem, quam Græci *φλεγμονήν* vocant, excitet, eaque inflammatio talem motum efficiat, qualis in febre est: & Asclepiadi in corpusculis per invisibilia foramina manantibus, si subsistendo iter claudant: Themison Laodiceus, & Thesalus Trallianus, cæterique Methodici referebant omnes affectiones ad adstrictum, & laxum, unde illarum curationes dirigebant ad relaxationem, & adstrictionem eorum, quæ vel adstricta, vel laxa essent.

Galenici cum in Morbis triplicem agnoverint differentiam, intemperiem, malam compositionem, & so-

lutionem continui; causas morborum fecerunt quæcunque concinnam partium similarium temperiem alterare, organicarum structuram ledere, utrarumque nexum dissolvere possunt.

Paracelsus, ejusque affectæ postquam Morbos substantiam esse statuerint, inutileque existimarint illos à Causis, & Symptomatis distinguere, aliamque divisionem probaverint, qua scilicet in Deales, Astrales, Naturales, Mentales, & Venenosos distribuuntur, causas fecerunt I. Deum, qui sive ob peccata, sive ob alios fines sibi soli cognitos, ægritudines in homines immittit. II. Astra, quæ mediis suis influxibus morbos excitare possunt. III. Naturam, cujus vitio ægritudines contingunt, vel omnibus, vel particularibus individuis. IV. Ens pagoycum sive mentale, sub quo comprehendunt tum morbos ex propria Imaginatione, tum à spiritibus malis, Deo tamen permittente, tum etiam ab Incantationibus inductos. V. demum Venena, sive naturalia, sive artificialia.

Dividunt præterea plerique Paracelsistarum Morbos in Coagulatos, & Resolutos propter semina, quorum fructus inquiunt, vergere, vel in coagulationem, vel in resolutionem. Alii verò cum eodem Paracelso *in labyrinth. Med. err. c. ult.* duo alia morborum genera stabiliunt ex Iliastro, & Cogastro, quorum primum ex pravis feminibus, secundum verò ex corruptione emergit.

At Petrus Severinus morbos omnes, illorumque causas ad quatuor tamquam Monarchas reliquorum retulit, nempe Epilepsiam, Hydropem, Leporam, & Podagram: Ad Epilepsiam revocat catarrhos, paralyses, spasmos, vertigines. Ad Hydropem, apostemata, ictiritiam, cachexiam. Ad



Lepram, ulcera omnia. Ad Podagram denique, colicam, nephritidem, cephalæam; licet aliquando afferat Morbos, aut ex superioris, aut ex inferioris globi seminibus oriri.

Recentiores demum Hermetici Morbos, & Causas ad tria principia referunt, Salem scilicet, Sulphur, & Mercurium. Ex Salibus ajunt proficisci ulcera, erosiones, dysenterias, hæmorrhagias. Ex Sulphure, inflammationes, febres, & si sulphur narcoticum sit, soporiferas affectiones. Ex Mercurio, epilepsias, apoplexias, paralyfes, catarrhos, & nonnumquam etiam contagiosos, & epidemicos morbos. His addunt affectus ex Tartaro pendentes, ac propterea tartareos dictos. Cui divisioni inhæret Quercetanus in *Tetrade Morborum capitulis*.

Sed non facile est, omnes Hermeticorum, & Paracelsitarum de Morborum Natura, & Causis sententias in medium afferre, cum vix invenire liceat unum, aut alterum sibi ipsi consentientem: etenim ita verbis insuetis, & abstrusa oratione Paracelsus in suis scriptis usus est, ut mentem ejus assequi perquam difficile sit; quo factum est, ut illius affectu non conveniant in rerum natura explicanda, ejusque mente aperienda: alius enim aliam, pro libitu, commentus est expositionem.

Non dissimili modo suam de Morborum natura, & Causis sententiam attulit Jo. Baptista Van-Helmont. Multis in locis repetit morbum esse ens reale, sed potissimum in *Ignot. Hosp. Morb.* ubi postquam longa oratione improbavit quidquid in Scholis de Morbis, Morborumque Causis, & Symptomatibus edocetur, proponit Archeum spiritum indispositum motum, ac operantem esse universale Morborum principium. Causas verò,

quas reliqui Medici efficientes vocant, putat ipse esse tantum occasiones, quibus Archeus irritatur, unde oritur Idea morbosa, & compositum illud resultans ex perturbato Archeo tanquam efficiente, & præfata Idea seminali, morbum progignit. Itaque causæ occasionales, sive internæ, sive externæ illæ fuerint, imprimunt in Archeo imaginem, sive ideam, cujus causa ipse irascitur, perturbatur, contristatur, ac diversimodè affligitur, unde morbus exoritur, ut idem profequitur in *Ort. Imag. Morbos.* Morbos prætereà dividit in Recepta, & Retenta. Recepta, quæ forinsecus intrant in nos, & Archeum commovent, vel offendunt; Retenta verò, quæ ut plurimum in nobis sunt genita, aliquando etiam extrinsecus assumpta, ut in *Morb. Phalang. & in divis. Morb.* ubi deindè subdividit Recepta in Injecta à sagis ope Dæmonum, Inspirata ab endemicis, Suscepta ab irruentibus, Assumpta, à cibo, potu, veneno, pharmaco, & in Heteroclitia: sicut pariter Retenta, in Relicta ab excrementis, Transmutata in digestionibus, & ab una in aliam digestionem Transmissa, ut fusiùs apud eundem est videre in *Divis. Morb.*

Neoterici, sicut antiquioribus Galeni documentis non sunt assentiti, ita nec Paracelsi, aut Helmontii inventis acquievere, sed in alias adhuc sententias profecti sunt. Et primò plerique ex Chymicorum etiam familia oriundi, Morborum causas existimarunt Acidum, & Alkali; quam sententiam novissimè sequutus Ottho Tachenius in *suo Hippocr. chym.* multis rationibus, & experimentis conatur stabilire Acidum, & Alkali, ab Hippocrate lib. de *Dieta* sub nomine Ignis, & Aquæ indigitata, universaliter rerum principia esse, atque ab iisdem diversimodè commistis, inversis, exor-



bitantibus, depressis, aut denique dissociatis, omnes ægritudines pendere; sicut contra per eorundem convenientem, accuratamque applicationem, posse quascunque infirmitates curari. Quod confirmavit alio etiam libello, cui titulus *Clavis Hippocraticæ Medicinæ*. Iisdem vestigiis inhæsit Bernardus Syvalve libello *Acidum, & Alkali* inscripto, in quo sub forma Dialogi inter Neochmum, & Palæphatum hinc inde argumenta proponit, ac tandem concludit omnia Naturam, ejusque imitatricem Artem per Alkali, & Acidum producere, atque ex his, quidquid ad Medicinam facit, deduci posse.

Franciscus Sylvius Deleboe Bata-vus, qui rem Medicam Anatomicis inventis superstruere, & chymica ope promovere nisus est, Morbos, morborumque Causas pendere, ait à varia mistura succorum nuper ab Anatomicis accuratioribus repertorum, potissimum succi pancreatici, biliosi, & lymphatici; atque ex his putat componi humorem, quem Triumviralem appellat, qui in Intestinis gracilibus levem fermentationem excitet, & deinde per venas lacteas transeat in cor, ubi levem aliam, & Naturæ convenientem fermentationem suscitet ad sanguinis perfectionem. Ab horum autem dissidio, & vitio morbos omnes oriri, atque adeò febres, tumores, inflammationes, doloresque fieri asserit, prout ipsi humores naturam adepti fuerint acidior, viscidior, acrior, vel salinior; unde depravatis fermentis coctiones, & reliquæ functiones malæ insequantur, ut latius apud ipsum.

Pari modo, Paulus Barbette, Morbos, sanguinis, lymphæ, succi pancreatici, aliorumve succorum vitio tribuit.

Franciscus Travaginus Venetus,

constitutis duobus Nature principiiis, Acido, & Salso, ex varia eorundem complicatione elicit nedum varias rerum mutationes, verum etiam morbos, eorumque causas, & curationes, ut colligi potest ex *sua synopsi, & epistolis ad Societatem Regiam Angl. datis*, quæ in Actis Philosoph. Angl. referuntur mens. Nov. Ann. 1667.

Tandem Jo. Fridericus Helvetius res Anatomicas, chymicas, & diversa experimenta congerens suum Distributorium Medicum composuit, ubi omnium morborum, accidentiumque tum internorum, tum externorum naturas, causas, & curationes explicuit ex saporibus, odoribus, provenientibus à fermentorum, effervescentiarum, aut putrefactionum salibus, sulphuribus, & mercuriis, quæ malè inveniuntur in succis alibilibus omnium ventriculorum, glandularum, vasorumque lymphaticorum totius corporis; asseritque, quòd quemadmodum sanitatis conservatio pendet ex sola conveniente fermentatione in partibus habita, ita vitiatæ fermentis, aut omninò absumptis, sanitas deficit. Ex fermentis autem diversimodè vitiatæ, & in acrem, acidam, salinam, amaram, vel in similem pravam conditionem degenerantibus, diversi generis morbos oriri ait, de quibus speciatim agit, & cuique salii producto ex fermento vitiatæ suos attribuit morbos, methodumque docet illos curandi per medicamentorum simplicium speciales signaturas.

Occasiones etiam Morborum recensentur Aer, Cibus, Potus, Motus, Quies, Somnus, Vigilia, Egestio, Retentio, & Animi pathemata, quæ indifferentes dici merentur, quia tum obesse, tum prodesse possunt, prout bene, vel malè illis utimur, & plerisque procatacticæ dicuntur.

Inter has autem primum tenet lo-



cum Aer, qui cum facillimè mutationes subeat, diversarum alterationum causa est.

Et primò videntur illum alterare Corpora cœlestia. Equidem accedente Sole ad nostrum verticem, vel ab eodem recedente temporum vices mutantur, & Aer, vel calidior, vel frigidior persentitur: hinc non immeritò Hippocr. 3. *aphor.* diversos asserit morbos generari ex anni temporum varietate. Et Quercetanus in suo *Dietetico polyhistor. sect. 2. cap. 2.* ait non solum alterari Aerem ex solaribus periodis, verum etiam à lunaribus vicissitudinibus, reliquorumque siderum tum errantium, tum fixorum mutationibus.

Mutabilis quoque est Aer à varia positione, variaque Cœli habitudine. Hinc Regionès ad meridiem expositæ calidiores sunt, ad boream verò frigidiores, intermedie temperatæ.

Alterari insuper plerique illum putant influxibus, siquidem observari contendunt Lunam lumine auctam catarrhos movere, motus epilepticos concitare, articulares dolores incutere; quibus suffragari videntur per id tempus pinguiorès Echini, Cancrì, Ostreæ, & similes; atque Hippocr. 4. *aphor.* 5. qui in exhibendis purgantibus medicamentis multos dies vitari jubet sub Cane, & ante Canem; & *libro de medicam. purg.* alios dies notat circa Solstitia, & alios circa Æquinoctia *lib. de Aer. Aq. & Loc.* Immo ibidem Astronomicam agnitionem Medicis inculcat, & vix errare Medicum posse, inquit, qui stellarum congressus præsentire, & observare novit. Qua autem ratione ipsi viderint.

Mutationes præterea subit à vaporibus, & halitibus, ex quibus nubes, caligines, nives, pluviae, venti, unde viventia plurimum afficiuntur; præsertim cum halitus sunt bituminei,

sulfurei, nitrosi, aliufve naturæ. Non semel etiam ex apertis voraginibus eruperunt maligni halitus, quibus Aerem inficientibus, perniciofa orta est lues, ut historiis notum.

Ad hæc non parum confert locorum conditio, etenim montanus tenuior est, & frigidior, maximèque ventis expositus; paludosus verò, & campestris crassior, calidior, & minus agitatus.

Noxius quoque fit Aer, cum plus justo attenuatur, vel vaporibus inficitur, unde ægritudines, & mors consequuntur. Exempla malorum ex tenuitate Aeris affert Joseph à Costa *Hist. Ind.* referens transeuntes per verticem altissimi montis Peruvani, ubi Aer nimis tenuis erat, sanguinem expuere coactos esse, & vix summo labore, ac spongiis aqua madidis periculum evasisse. Id etiam constat ex nuperis experimentis Boyleis, & Florentinis, etenim si in vitreis phialis animalia includantur, & inde Aer extrahatur, modo ab ipsis descripto, post inconditos motus expirant.

Non minora damna affert, cum vaporibus crassior evadit, sic nuper vidimus hic Neapoli extinctos tres homines, qui descenderant in cisternam jam diu clausam, in qua oleum asservari consueverat. Experiri idem licet in æstuanti musto: si enim illi animalia admoveris illicò vitæ jacturam sentiunt, & si persistas emoriuntur.

Celebris quoque est inter Puteolos, & Neapolim Cryptula ad oram paludis, quam accolæ ab anguium frequentia, ut ferunt, *Anguianam*, seu *Agnanam* vocant, ubi si Canes, vel alia Animalia malignum illum halitum respirare cogantur, intermoriuntur, & nisi opportunè in liberum Aerem extrahantur, omninò pereunt; promptius verò expergiscuntur, si illorum

Lib. de  
Aer. aq.  
& loc. &  
epid.

Jo. Vill.  
lan.  
Naucler.  
& Baron.



lorum narēs, effosso extra cryptulam scrobiculo admoveantur. Solertissimus noster Thomas Cornelius domi etiam simile quid parare novit, quo animalia, & faces ardentes, sicut in cryptula prædicta, extinguuntur.

Compertum denique habemus in illo Aere homines posse vivere, in quo candelæ flammula perdurat; quo experimento si metallarii in profundas fodinas descendere non reformidant.

Assumpti etiam Cibi multifariam obesse possunt, vel quia prævæ conditionis sunt, ut fungi, tubera, lolium; vel quia immodicè, aut intempestivè illis utimur; vel quia debito ordine non servato ingeruntur. A Conditione mala ciborum exurgunt cacochymia, cachexia, hydropes, tumores, obstructions pro varia eorundem natura. A Quantitate immodica plenitudines, laxitates, compressiones, ut si nimis tenuis esset, insequerentur extenuationes, languores, animi defectiones. Ab Importunitate cruditates, nausæ, vomitus, fluxus. Ab Ordine non servato corruptiones, nidores, diarrhææ, ventris dolores. Verùm in his consuetudinis ratio semper habenda est.

Quod ad Potum, Aqua nisi limpida sit, & omni odore, sapore, & colore carens, sæpè aliquid detrimenti infert, cum per terræ meatus transiens metallorum, cæterorumque fossilium naturam induerit. Sic quæ ex nivibus solutis aquæ bibuntur, noxiæ sunt, quia impuræ, & nitrosæ. Officiunt etiam palustres, utpotè stagnantes, limosæ, ac fœtidæ. Ex Ephemeridibus Germanicis habetur, quendam, post haustum stagnantis aquæ, ventriculi doloribus divexatum fuisse, ac tandem, semestri elapso, vomitu tres bufones rejecisse. Thomas etiam Bartholinus simile quid refert evenisse Catharinæ Altenburgensi.

*Tozzi Op. Med. Tomo I.*

Vinum similiter, quamvis vires reficiat, & coctionem adjuvet, si tamen copiosius hauriatur, aut nimis recens, acescens, aut quod jam fugit, maxima damna inferre solet.

Cæterum tum Aqua, tum Vinum nocere possunt pro variis ætatibus, & corporum constitutionibus. Hinc obesi, decolorati, languidi, crudi, sicut plurimum juvantur à moderato vino, ita usu aquæ leduntur. Immodicum verò si bibatur Vinum maximè obesse solet, fluxiones concitat, cerebrum hebetat, & ventriculum gravat. Semper autem vinum commendabile est in senibus, consuetis, & crudis; Puerulis verò, insuetis, & stomacho vacuo omninò interdendum. Uno verbo: sicut nil utilius optimo, moderatoque vino, ita eodem immoderato nil perniciosius. Hinc Virgilius.

De Vin.  
& Ven.

*Vina sitim sedent, natis Venus  
alma creandis*

*Serviat, hos fines transiluisse  
nocet.*

Amplius Motus, & Quies immoderata, vel intempestiva humano corpori officiunt. Et quidem Motus nimis, vel importunus vires enervat, fluxiones, & dolores excitat, sanguinem attenuat; unde febres, inflammationes, & similes affectiones inferre potest. Quòd si à pastu fiat, dissolventes succos distrahens coctionem impedit, aut eosdem acuens distributionem, secretionemque ante tempus properat, proindeque obstructions venarum lactearum, difficiles anhelitus, ventris dolores, cæterasque ægritudines affert. Sic quoque si post cibum animo ad profundè speculandum moveamur, præter stomachi languorem, perturbatamque coctionem; consequetur capitis imbecillitas, cerebri, & oculorum hebetudo, cæterorum-

D 3 que

Anno  
1671. ob-  
ser. 56.

in suis  
centu-  
riis A-  
natom.



que sensuum labefactatio, vel oppressio.

Similiter nimia quies crassos succos coacervat, sanguinem, parte florida diminuta, motui ineptum reddit, meatus omnes obstruit, excrementa retardat, caput, & cerebrum gravat, obnoxiumque reddit omnibus affectibus soporosis, animum, & sensus segnitie opprimit, corpus pravis humoribus replens ad hydropem, vel cachexiam disponit. Unde Ovidius:

2. de Pöt.

*Cernis ut ignavum corrumpant  
otia corpus,*

*Ut capiant vitium, ni moveantur  
Aqua?*

Ex Otio nedum Corpus, verum etiam Animus vitia contrahit; quare idem Poeta:

1. de Remed. Am.

*Quaritur Aegisthus, quare sit factus  
adulter:*

*In promptu causa est, desidiosus  
erat.*

Præterea Somnus nimius corpus iners, segnemque animum reddit, excrementorum egestionem retardat, capiti vapores, & crassos succos offundit, sanguinem, & reliquos humores consistentiores efficit. Pariter longa Vigilia vires, sensus, mentemque labefactat, ciborumque coctionem pejorare solet. Hinc Hipp. aph. 2. t. 3. *Somnus, & Vigilia, utrumque si modum excesserit, malum.* Et t. 4. *Non satietas, non fames, neque aliud quidpiam, quod modum Naturæ excesserit, bonum.*

Hæc verò nedum immodica, verum etiam intempestiva nocent. Sic Somnus meridianus præsertim insuetis, & capitis affectionibus obnoxiiis nocens est, tum quia facile interrumpi solet, unde evaporationes ad cerebrum delatæ tam brevi tempore discuti, resolvique nequeant ex Avicenna; tum etiam quia somno san-

3. 1. doct.  
2. cap. 9.

guinis, & cordis motus tardior evadit, quare chyli portiones per tubulos lacteos in Cor illapsæ, nec bene adhuc percolatæ, Cerebrum petentes, illud premunt, & offuscant, quæ, nisi repetitis circumactionibus secerantur, graves afferunt ægritudines; unde Schola Salerni,

cap. 3.

*Febris, Pigrities, Capitis dolor,  
atque Catarrhus,*

*Hæc tibi proveniunt ex Somno  
meridiano.*

Pessimus etiam est Somnus vespertinus, cum alimenti distributionem, ejusque percolationem impediat, & ab aliis, quam à cibi vaporibus, originem trahat, nisi tamen illum lassitudo, ad reficiendas vires, conciliet.

2. aph. 48.

Vitandus autem est sub gravibus malignarum Arborum umbris. Hinc Lucretius lib. 6.

*Arboribus primum certis gravis  
umbræ tributa est,*

*Usque adeo capitis faciant ut sæpe  
dolores.*

Et Virgilius eclog. 10.

*Surgamus. Solet esse gravis can-  
tantibus umbra:*

*Juniperi gravis umbra: nocent &  
frugibus umbra.*

Notabile est quod refert Aldrovandus in sua Dendrolog. de quodam Rustico, qui cum sub umbra nucis somno indulsisset, paralyti correptus fuit; post aliquod tempus sub umbra quercus iterum soporatus convaluit. Noxam quoque patiuntur, qui in locis humidioribus, & subterraneis somno capiuntur, quæ copiosis halitibus, & vaporibus referta sunt.

Indebitæ præterea Retentiones, quæ causæ morborum procatacticæ esse dicuntur, præ cæteris sunt, fæcum, lotii, sudoris, cæterorumque excrementorum, quorum in statu sano depulsionem Natura ipsa moli-

tur;



tur; unde colicus dolor, volvulus, vesicæ, & renum inflationes, & dolores, febres, catarrhi, lassitudines, & id genus mala. Cum verò egestiones immodicæ fiunt, ut in lubrica alvo, usu Veneris nimio, sudoribus immoderatis, consequuntur intestinorum laxitas, ani procidentia, tenesmus, virium imbecillitas, malæ, & diminutæ nutritiones. Deteriora omnia erunt, si his accedant cibi, aut chyli ejectiones, hæmorrhagiæ, & bilis effusiones, potissimum si à medicamentis, venenis, aut noxiis cibis, & potibus causam habuerint.

Lib. de  
Iud. par.  
pil. c. 1.  
text. 16.

Animi denique pathemata præcipuorum morborum omni ævo occasiones extitere, iis præsertim, qui suas perturbationes moderari non benè norunt. Quare Galenus maiorem industriam adhibendam esse docuit in regendis Animi pathematis, quàm in corporalibus curis mitigandis: & 3. *Art. Med. Liquet*, inquit, *ab ipsis* (benè valentibus) *caveri oportere omnes animi immodicos affectus, videlicet, Iræ, Tristitiæ, Furoris, Timoris, Invidiæ: hæc enim alterant, atque à naturali statu corpus avertunt*. Constat siquidem ex Amore tabem, mentis alienationem, febrim, pervigilium, & inquietudinem oriri, quandoque etiam mortem, ut de quadam Amante, quæ præ Amore ad mortem ferè ægrotavit, narrat Galenus *lib. de præfag. ad Posthum. cap. 6*. Idem fertur de Antiocho, qui novercam adeò deperibat, ut nisi voto potitus esset, proculdubio periisset. Ira pariter & Odium febres, & furores non semel pepererunt. A Timore etiam, corporis refrigeratio, animi deliquium, & membrorum omnium exsolutio orta sunt. Ex Gaudio virium dispendium, ac syncope. Et denique ab Invidia, & Mœstitia angores, extenuationes, deli-

ria melancholica, suspiria luctuosa, & consimilia accidentia eveniunt, præsertim cum huiusmodi perturbationes immoderatæ, repentinæ, & diuturnæ fuerint.

Crediderim tamen ex his, aliquibus efficacior vim inesse interitum inferendi. Gal. *Ab Ira*, ait, *nemo interiit, utpotè nec calore perfrigerato, nec ejus robore soluto*: quasi dicat neminem interire, nisi cordis robore labefactato, quod in Ira potius augetur. Ob immoderatam autem voluptatem, immodicam Mœstitiam, & nimium, ac repentinum Timorem mors interdum consequuta est, hoc tamen discrimine, ut advertit idem Galenus, quod in magna Lætitia, & vehementi Timore subito mors accidit, secus verò in Mœstitia. Cujus rationem affert, quia in Gaudio, & Timore motus subito fit, in Tristitia verò sensim. Sed de his satis.

Synecticas insuper Morborum causas asserunt Galeni, & Avicennæ Sectatores esse humores, quorum in venis, ajunt, contineri quatuor, quos vocant Bilem, Sanguinem, Pituitam, & Melancholiam, atque hi si quantitate peccaverint Plethoram, sive plenitudinem quoad vasa dictam constituent; si verò qualitate, Cacochymiam; si demum pravitate, qua inepti nutritioni, & inemendabiles fiant, Cachexiam, & Cacoethiam inferant. In reliquis conceptaculis contentos, appellant Bilem felleam, Melancholiam lienosam, & Pituitam tum Cerebri, tum Ventriculi; quorum si Biliosi putrescant, convertanturque in Vitellinos, Porraceos, Æruginosos, & Atrabilarios, exurgant febres tertianæ, ardentes, & malignæ, necnon inflammationes, erysipelata, dysenteria. Pituitosi, & Phlegmatici pariant catarrhos, tusses, podagras, articulares dolores, tumores frigidos, &

2. de  
sympt.  
Caus. c. 5.

5. de loc.  
aff. 1.

2. de  
sympt.  
Caus.



œdematosos, apoplexias, paralyfes, comata, suffusiones, surditates; & si putrescant, febres quotidianas, lethargos, anasarcas. Melancholici, scirrhus, splenis obstructions, affectiones hypochondriacas, deliria melancholica; putrescentes autem, febres quartanas. Sanguinei demum, potissimum si incallescant, synochas febres, phlegmones, cæterasque hujus generis ægritudines inducant. Hinc morbos omnes faciunt Sanguineos, Biliosos, Pituitosos, Melancholicos, vel etiam mistos; adeoque calidos, frigidos, humidos, aut siccos appellant. Hæc Galenici; qui etsi Rationales se jactent, quod minimè rationis erat, commenti sunt.

Alii cum Hipp. lib. de veteri medicina, asserunt; *Non calidum, non frigidum, non humidum, non siccum, magnam vim habere in morbis inferendis, sed Acerbum, & Acidum, & Amarum, & Salsum, & Dulce, & Fluidum, atque alia hujus generis*, & nuperrimis observationibus Anatomicis fulti internas morborum causas esse ajunt.

Bilem, si videlicet peccaverit acrimonia, oleosa crassitie, nimio sero, excessu, vel defectu, & si extra propriam sedem divagetur.

Succum Pancreaticum, cum præter naturam fit acidus, austerus, & glutinosus.

Lympham, si consimilibus vitiis afficiatur, potissimum falsedine, & mordacitate.

Sanguinem diversimodè fermentescentem, & in exsolutionem, coagulationem, præcipitationem, immoderatam exaltationem, aut evaporationem vergentem.

Fermenta omnium glandularum, & ventriculorum, mutata, inversa, impedita, vel infracta.

His adjunguntur Excrementa retenta, vel vitiata.

Peccare autem, inquiunt, Bilem acrimonia, in febribus præsertim ardentibus, diarrhœis, dysenteriis, choleris: oleosa crassitudine, cum in calculum concrevit etiam in ipsa cysti: nimio sero, cum aquea est, & naturali acritate privatur: incremento, in alvi immodicis egestionibus, & icteritia; defectu verò, in alvo styptica, imperfectis, vel vitiatis secretionibus: vagatur demum, cum ad intestina non deferitur, aut aliò vergit, quàm deceat.

Succum Pancreaticum, austeritate, aut lentore, in alvi fluxibus, diarrhœa, dysenteria, necnon in febribus potissimum intermittentibus, in Pancreatitis, & adjunctorum viscerum obstructions.

Lympham, cum falsa, aut acris evadit, ideòque erodit, & dilacerat suos ductus; itemque cum adeò serosa, & fluida est, ut spontè sua exudet; aut extrà proprios tubulos lymphaticos vagatur, unde diversos morbos parit, præsertim hydropes.

Sanguinem, cum nimis fermentescit, unde febres synochas, inflammationes, hæmorrhagias; vel diminuitur, indeque virium lapsus, refrigerationes, marcores, deducunt. Sic cum acer, falsus, acidus, aquosus, seu serosus evadit, diæreses, diapedeses, cachexias, cacochymias, febres, tumores, ulcera, pustulas, anthraces. Denique cum è propriis vasis egreditur, & in grumos concrevit, tumores, & inflammationes; si ve etiam suppurationes, corruptiones, fungosas, & excrecentes carnes fieri contendunt.

Fermenta pariter vitiari ajunt, cum invertuntur, deficient, excedunt, aut malè cum sanguine, cæterisque succis permiscuntur. Sic in  
cordis



cordis ventriculis lymphæ, chylo, & sanguine indebitè commistis, febres varias pro varietate pravæ fermentationis exoriri arbitrantur. Itidem cum succi in ventriculo, glandulis Cerebri, & Mesenterii, aliisque vasis contenti perturbantur, infrigunturque, digestiones, secretiones, & nutritiones malas, indeque vomitus, & dejectiones, in quibus Galenici humores flavos, citrinos, vitellinos, porraceos, rubiginosos, atrabilarios, & similes observant.

Excrementis demum non benè percolatis, aut retentis, inflationes, distensiones, & dolores: immoderatè verò, intempestivè, aut per loca indebita fluentibus, cruciatus varios, vigilias, languoresque subsequi coniectant.

Cæterum cum in Chyli secretionem succus Pancreaticus Bili prævalet, ipseque Chylus secretioni, ac dilutioni contumax est, elevari docent halitus crassiores intestina distendentes, & lancinantes, quos appellant flatus: nonnunquam etiam illorum originem ad cibos referunt, nempe castaneas, fabas, cæteraque legumina, herbarum radices, anisum, coriandrum, & similia, sale volatili, phlegmate, vel acido id efficientia; hoc tamen discrimine, quod aromatis, & aliis, quæ ut plurimum sale volatili constant, excitentur flatus, & simul discutiantur; herbarum verò radicibus, & cæteris, in quibus phlegma, & acidum abundat, moveantur quidem, at non discutiantur.

### DE MORBORUM Symptomatis.

**G**alenus *lib. de Symptom. diff. cap.* 1. omnem affectum, quo à naturali statu recedimus, putavit esse Morbum, vel morbi Causam, vel

Symptoma; atque ex his, qui actionem vitiat, Morbum, qui hunc præcedit, Causam; affectum verò, qui morbum, velut umbra corpus, sequitur, Symptoma appellat. Sed reverà causæ morbificæ pravam constitutionem partium inducunt, in qua Morbi natura consistit; (cum Morbus nil aliud re ipsa sit, quàm Modus Corporis malè se habentis); partes verò malè constitutæ, atque à Causis morbificis affectæ actiones vitiosè edunt, illasque Symptomata nuncupamus; & quia Causæ non tam facilè innotescunt, idcirco mediis Symptomatis, ut signis, in earum agnitionem ducimur, quæ constitutionem naturalem partium depravarunt, & ex diversa actionum læsione dijudicamus, quænam sit illarum constitutio, quæve Causa illam induxerit; cumque Symptomata non solum denotent præsentem partium constitutionem morbosam, sed etiam futuram prænuncient, fit, ut ex quibusdam Medicorum observationibus, potissimum Hippocratis, nedum præsens, verum etiam imminens ægrotantium status exinde coniiciatur.

Tria Symptomatum genera Medicis eodem Galeno *c. lib. cap. 2.* notant, alterum in Actione læsa; alterum in Excretis, & Retentis vitiatis; tertium denique in mutata corporis qualitate. Verum morbosam partium constitutionem sola actio læsa consequitur, à qua deinde dependent tum excretorum, & retentorum vitia, tum qualitates corporis mutatæ; ita ut ab his Medici arguere possint præcessisse læsas partium actiones: nec immeritò; sicut enim primum sanitatis inditium sunt illæ operatio- nes, ita morborum læsæ.

Symptomata qualitatis mutatæ dixerunt, mutatum colorem cutis, ut in ictero, erisypelate, sicut etiam lingua,



guæ, in febre ardenti, & maligna; voces tremulas, & raucas, aurium tintus, sibilum, stridores dentium, singultus, ventris rugitus, & murmur; gravem oris, alarum, aut pedum odorem; feras distillationes, nimium calorem, vel frigus partium, duritiem, molliem, acritudinem, scabritiem. Hujusmodi autem symptomata partibus tantummodò solidis competunt, adeoque illarum operationum vitium sequuntur.

Excreta vitiata ajunt, cum eiiciuntur lapides, arenæ, lumbrici, bonus chylus, sanguis, aut caro; nec non res putridæ, malè olentes, acidæ, amaræ, nigræ, flavæ, frigidæ, duræ. Similiter cum fæces per os, lotium per alvum excernuntur, aut egestiones intempestivè, diminutè, vel immoderatè, pro consuetudine, & natura, fiunt; ac denique cum urina guttatim mingitur, vel cum dolore menstrua expurgantur.

Retenta verò malè affecta, si lapides, vermes, & pravi succi non egerantur, tum etiam si ultra tempus, lotium, fæces, menstrua, & similia retineantur, aut si chylus in vasis lacteis hæreat, sanguis extra venas, & arterias, & bilis, succusque pancreaticus extra propria loca confideant, aut à naturali statu, & conditione recedant; sic etiam si saliva, & serum cordis abundant.

Preterea Actiones læsas dividunt in Abolitas, Diminutas, Adauctas, & Depravatas. Aboletur actio in cæcitate, surditate, paralyfi. Diminuitur in imperfectis coctionibus, pulsibus debilibus. Augetur in fame lupina. Depravatur demum in omnibus deliramenti generibus.

## DE SIGNIS ADVERSÆ Valetudinis.

**V**eluti tota Medicina experimentis debetur, sic varia signa Antiquiores Medici ex observationibus deduxere, quibus adversam valetudinem dignoscerent, aut prælagirent. Ex iis autem, quorum scripta ad nostra tempora pervenerunt, vetustissimus quidem Auctor Hipp. I. epid. §. 3. hæc habet: *Morbos dignoscimus edocti ex communi omnium natura, & ex uniuscuiusque propria, ex morbo, ex agroto, ex his quæ offeruntur, ex eo qui offert. Ex his enim, & breviores, & graviores redduntur, ex tota ac partiali constitutione cœlestium, & uniuscuiusque regionis, ex victu, ex vita studiis, ex ætate, cuiusque sermonibus, moribus, taciturnitate, cogitationibus, somnis, vigiliis, insomniis quibusdam, & quando, vellicationibus, pruritibus, lacrymis, exacerbationibus, secessibus, urinis, sputis, vomitibus, & quæ, ex quibus, in quos, successiones morborum, & qui abscessus ad perniciem, & ad judicationem. Sudor, rigor, frigiditas, tussis, sternutationes, singultus, spiritus, ructus, flatus silentes, strepentes, sanguinis eruptiones, hæmorrhoides; ex his autem, & quæ per hæc fiunt, considerandum.* Et in Aphorismorum libris à spontaneis lassitudinibus morbos imminentes denunciat: A timore, & mœstitia diuturnis, nec non ex lingua incontinenti, aut aliqua parte corporis stupida, delirium melancholicum conicit: A spumosi sanguinis screatu, pulmonis affectum: A turbatis urinis capitis dolorem, atque à pellucidis phrenesim: A Cerebri concussione, aphoniam: A juvantibus quoque, & nocenti-



centibus morbis caulam investigat  
*lib. de rat. vict. in acutis.*

In libris etiam Judicationum, Prædictionum, Prænotionumque considerari oportere ait, ægroti faciem, si his, quæ in sanis sunt, maximè difformis sit; si color pallidus, niger, aut lividus: si oculi involuntariè lacrymentur, aut pervertantur, aut alter altero minor fiat, aut albas partes rubentes habeant: si instabiles, eminentes, cavi, squalientes, obscuri sint: si palpebris non commissis æger dormiat: si nasus, & labia resoluta appareant, frigida, livida, aut albicantia: si lingua aspera, & resiccata: si vox faucibus hæreat, exilis, & tremula fiat, aut clangorem referat: si obliviosi languentes evadant, subfurdi, soporosi, tremuli: si supini jaceant porrectis manibus, & cruribus, iisdemque nimium contractis, aut inæquabiliter dispersis: si residere velint ob difficilem respirationem: si pedes non admodum calidos, detectos habere cupiant: si dormientes hient: si ferocia responsa ferant, splendores præ oculis habeant, crebrè, aut rarerè respirent: si ex rigore perfrigerentur, & voce deficiant: si assiduò rigeant: si præter rationem non sitiant: si stillas sanguinis, aut largam hæmorrhagiam è naribus: si diuturnas vigilias, & anxitudines, stomachi morsum, aut dolorem, vomitum variegatum, maximum cibi fastidium, urinæ retentionem, aut spontaneam egestionem patiantur; atque ex his, aliisque innumeris, Morborum eventus prænoscentes proponit.

Speciatim verò in febrientibus mala observavit, ut aphorismis tradidit, frigidos sudores cum acuta febre; frigus partium extremarum; laborem à somno; maciem immodicam; nigram dejectionem; copiosum sudorem, & præsertim qui morbum non

solvit; colli, oculorum, labiorum, & nasi contractionem; lacrymas involuntarias; respirationem difficilem, aut subsistentem; stomachi morsum, & circa ventrem æstum; ex somnis timores, aut convulsiones; dolores viscerum vehementes; rigorem, ex quo febris non intermittit; luctuosa suspiria.

Hippocrati etiam inhæsit Celsus, at brevior in ordinem, quæ ille sparsim scripserat, digessit, *lib. 2. sue Med.*

Rursus in libris de Morbis, & internis affectionibus ex delirio, vigilia, in somniis perturbatis, sopore, sensuum hebetudine, coryza, Capitis ægritudines conjectat. Ex tussi, sputo, difficili respiratione, lateris, aut dorsi doloribus, Pectoris. Ex vomitu, nausea, fame læsa, dejectionibus, tumore, vel emaciatione, Ventris.

De pulsibus tamen vix uno, aut altero loco meminit, unde parum his fidere visus est. Hinc Mercuria l. 2. *Var. lect. cap. 12.* inquit, Hippocratem pulsus quidem novisse, sed neque eorum ullam curam gessisse; neque ad Artem, ut alia multa, rede gisse. Gal. etiam 3. *de Cris. cap. 11.* habet: *omnia ab Hippocrate, exceptis pulsibus, dicta sunt.* Et inferiùs: *Signa ex pulsibus sumpta Hipp. vel quia non noverat; vel quia non magni momenti existimavit, idcirco non est exequutus.* Non alienus ab Hippocrate Asclepiades Prusiensis pulsuum artem ut supervacaneam, & difficilem damnavit. Neque Celsus ullam illorum rationem habuit.

Ad hæc, Galenus addidit, quæ præcipuè ad partes affectas, & ad humores peccantes dignoscendos sibi idonea videbantur, ac proinde *in lib. de loc. aff.* ex læsa ratiocinatione, aut gravi sopore, Cerebrum; ex difficili respi-



respiratione, genarum rubore, aut spongiosæ carnis ejectione per tussim, Pulmonem; ex vomitu, & singultu, ventriculum; ex syncope, Cor; & ex raucedine, asperam Arteriam affici conjectat; ut pariter ex tumore in dextro hypochondrio, Jecur, in sinistro, Lienem, ex pungenti dolore, Membranas, & ex gravanti, Viscera. Et *lib. de plenitud. & 1. epid. comm. 3.* & alibi, ex flavedine, aut pallore cutis, oris amaritie, stomachi fastidio, rigore, siti, vigilia, fervore, pustulis, urina crocea, pulsuque celeri, Bilem; ex colore albicante, proclivitate ad somnum, segnitie, cruditate, pulsu tardo, & raro, & urina decolori, copiosaque, Pituitam; atque ex fusco, nigroque colore, habitu corporis hirsuto, pulsu parvo, cæterarumque operationum hebetudine, Melancholiam; ex rubore faciei, venarum tumore, pulsu magno, Sanguinem redundare ait. Signa etiam Criseos futuræ, coctionis, & cruditatis, nec non internoscendorum temporum morborum fusiùs prosequutus est, præsertim in libris de Crisibus.

Præterea pulsibus summoperè addictus, illorum doctrinam sic variam, & intricatam reddidit, metaphysicis differentiis excogitatis, ut imperceptibilis omninò sit, atque ad praxim revocari nullo modo queat; unde Montanus cæteroqui in verba Galeni jurare solitus, ingenuè fassus est in suis consiliis, seipsum longa annorum serie sex tantùm pulsum differentias observare potuisse: & Plempius in *fundam. Med. lib. 5. sect. 2. c. 2.* inquit, multa Medicos nugari, multaque mente confingere, quæ sensus nequit assequi; ut non immeritò pulsus ab Herophilo primùm descriptus nimiam propter subtilitatem desertus sit, atque Herophileæ secta brevidefierit ex Plin. *lib. 11. c. 37. & lib. 29. c. 1.*

Galenum sequuti sunt Avicenna, Rhafis, Averroes, cæterique Arabes, qui tam magnifica de Humoribus Zinariis, Præssinis, Æruginosis, Vitellinis, aliisque jactant.

Neoterici, inter quos Sylvius, Villisius, Barbette, existimarunt optimi Medici esse morborum causas potissimùm venari, proindè toti fuisse in illarum signis investigandis; atque ex siti, lingua arida, diarrhœa, ardore, pruritu, partium irritamento, tum juvantibus acidis acritatem retundentibus, tum acribus nocentibus, Bilem acrimonia peccantem suspicantur; nimis verò oleosam, ex egestionibus acerrimis, calidisque, urina crocea, lingua scabra, arida, & fissa.

Ex acriori famis stimulo, corporis colore nigricante, pulsu parvo, & frequenti, doloribus ventris, juvamine à rebus acribus, & amaris, atque ab acidis noxa, succum pancreaticum solitò acidiorum evasisse judicant: austerum, ex insuetis meticulis, torminibus, alvo styptica, inflataque, pulsu parvo, ac debili: viscosum, tenacemque à fame diminuta, imperfecta secretionem, vultu pallido, tactu frigidò, pulsu raro, juvamento ab aromatis, & damno à crudis cibariis.

A mala nutritione, glandularum tumore, imi ventris inflatione, albo cutis colore, seroque in meatibus, seu corporis sinibus consistente, Lympham redundantem. Et denique Fermenta vitiata dicunt à partium functionibus læsis, ut fame, digestionem, secretionem; unde fœdus cutis color, pustulæ, spontaneæ lassitudines, atrophia, cacochymia, & cachexia insequuntur.

Verùm, plusquàm decuerat graves viros, conjecturis his fisci sunt sive ignorantia, sive imponendi cupiditate



tate ducti. Quisenim adeo est incuriosus, ut proprias urinas non notarit, vesperi, ac mane, diverso colore infectas excerni, semperque flaventiores, quæ diutius retentæ fuerint, etsi optima valetudine fruatur. Sæpe etiam observatæ sunt per totum morbum benè coloratæ, & cum contentis desideratis, cum tamen ægritudinem mors exceperit, ut adnotarunt in primis Rhafis, & Avicenna. Et quamvis dicant urinam indicare vitium in sanguine, cum quo assidue permeat; id haud indubitanter admittitur; immò nuper compertum est per compendiosiores vias à Ventriculo, & lacteis venis in Renes deponi posse. Atque esto, cum sanguine circuitum urina absolvat, qui fieri poterit, ut dignoscatur à quo viscere vitium contraxerit, cum sic pervaderet ventriculum, vasa lactea, tubulos thoracicos, pulmones, cor arterias, glandulas, renes, ureteres, & vesicam, unde à succis hisce in locis existentibus infici poterit? Neque febrem indicat ex eo, quod rubens, & accensa, ut ajunt, inspiciatur, cum laborantes diabete, pleuritide, phrenitide, quartana, ventriculi languore, quamvis febriant, tenuem, & decorem illam mejunt; & contra icterici, calculosi, scorbutici, veternosi, apoplectici, tametsi febre careant, croceum, crassius, & coloratius lotium egerunt. Amplius à ciborum conditione immutari non raro solet; siquidem ab oleribus, & immodicis potionibus augetur, & decoloratur; ab asparagis, lupulis, apio, cinara turbatur, & malè olet; croco flavescit; casia nigricat; frigore etiam hyemali confundi solet, ut olei speciem referat. Quare ab urinis, sanguinis, arteriarum, venarumque, aut specialis alius visceris labem velle divinare, ineptiarum, & imposturæ suspitione non va-

cat. Demiror equidem Villisium tantum huic pudendo Medicorum invento tribuisse, ut peculiarem epistolam eo conspurcare veritus non sit, quo & prius Actuarius magnum volumen insperferat.

Certiora inditia pulsus observationes non habent, quamvis non adeo fœdè, & per obscenam, turpemque dictu inspectionem, ut sunt urinæ, & his fœdiora, notari possint. Magnus enim, & creber pulsus erit à sanguine vegeto, & abundanti, arterias plurimum expandente; & contra ab effœcto, & deficiente, Parvus, & Debilis; Intermittens ab eodem concrecente. Hinc à pulsus observationeprehendetur tantummodò varia sanguinis motio, & constitutio, quarum causa etiam esse possunt cibus, potus, labor, otium, somnus, vigilia, & subitæ Animi motiones: immò plerisque, ipsa natura, pulsus talis esse solet, ut obstet quò minùs hæc certò internoscantur. Longum esset reliquas omnes conjecturas prosequi, & examinare, suffeceritque his densas medicorum caligines discussisse, illosque in suspicionem rei, quæ indubitata à Galenicis, aliisque usque adhuc habita est, deduxisse.

### DE TEMPORIBUS Morborum.

**A** Symptomatis, quæ comitantur, & consequuntur ægritudines, Morborum tempora, seu, ut vocat Galenus, ætates desumuntur, ac distinguuntur. Cum primis diebus, primisque paroxysmis nec æger graviter laborat, nec ejus vires valde infractione sunt, & Symptomata vel nulla, vel levia comparent, Morbus in principio esse dicitur: pervenisse verò in Augmentum succedentibus diebus, cum gravius affligitur, & Symptomata,



mata, quæ aderant, exacerbantur, aut nova superveniunt: Et cùm eadem consistunt, Statum tenere existimatur: Cùm denique sensim mitescunt, vel omninò recedunt, Declinatio, & Remissio morbi instant; unde Hipp. 2. *aph.* 30. *Circa principia, & fines omnia sunt debiliora, in augmento verò, & statu fortiora.* Oriuntur autem huiusmodi Symptomatum, & Temporum mutationes à diversa morbigicæ Causæ motione, ut etiam adnotavit Galenus *lib. de opt. sect. ad Thrasymb. cap. 37.*

Hæc tempora licet in omnibus morbis notari possint, evidentiùs tamen in febribus, & potissimùm periodicis, & intermittentibus observantur, quæ utpotè ab excitata in sanguine fermentatione dependentes, à diversis fermenti viribus, conditionibus, & motu, manifestas mutationes, & temporum tum universalium, tum particularium vicissitudines sortiuntur. Certis autem limitibus præfiniri illa nequeunt: ubi enim morbi lenti sunt, & ad longiora spatia porriguntur, hæc eadem tempora prorogari par est, atque etiam corripì, in morbis acutis; unde ægritudinum motus, ac impetus observandus erit.

### DE CRISIBUS, ET DIEBUS Criticis.

**S**ubitæ in morbis mutationes ad salutem, vel mortem à notabili causæ morbigicæ motione, evacuatione vel pendentes, Crises, seu Judicationes à Medicis appellantur. Has autem, ut salutare sint, ajunt, subito accidere oportere, quibusdam diebus præsignari, ac tandem, prævia materiæ coctione, statuto die critico compleri, peccantis humoris expulsionem, vel saltem in partes ignobiles depositiones, quam Abscessum, & Decubitum appellant.

At si verum fateri velint, qui Medicinam faciunt, nonnisi rarissimè huiusmodi subitas motiones, & crises observari affirmabunt; cùm sapissimè morbi, eorumque causæ sensim deficient, ac evacuatione paulatim habita terminentur, ut propterea Solutiones potius, ut loquitur Gal. 3. *de Cris.* 1. quàm veræ Crises dicendæ sint. Has tamen, & præcipuè narium hæmorrhagiam, sudorem, reliquasque egestionem, quæ subito morbigicam causam tollere possunt, in brevibus, & acutis potius, quàm diuturnis morbis evenire debere ratio suadet.

Salutares autem Crises fieri putantur in septimo, decimo quarto, vigesimo, aut vigesimo primo, vigesimo septimo, aut vigesimo octavo, trigesimo quarto, aut quadragesimo, quos vocant Decretorios; prædemonstrari verò in quarto, undecimo, decimo septimo, vigesimo quarto, trigesimo primo, & trigesimo septimo, quos Indices appellant. Quod si non in his, sed in aliis diebus morborum mutationes contingant, malæ creduntur; adeò ut dixerit Hipp. 4. *aph.* 61. *Febricitans, nisi diebus imparibus, quos Galenus interpretatur criticos, febris reliquerit, solet recidere;* id quod de sudoribus etiam scripserat *textu 36.*

At satis mirari nequeo Hippocratem Medicinæ parentem, & cordatum alioqui virum tantam Criticorum dierum rationem habuisse, ut quoslibet ægrotantium motus ad certos dies retulerit: cui Galenus nedum inhæsit, sed superstitiosè magis, atque aniliter, quàm physica, constantique ratione rem tractavit, & à Lunæ motibus illorum causas deducere conatus est: deerat hoc scilicet Medicinæ, ut ab Astrologia suppetias peteret: & non erubuit, sophistas appel-



1. de  
dieb. de-  
cret.

appellare eos, qui inanem sophistarum sapientiæ ostentationem aspernati sunt, cum vel ex ipso Hippocrate illorum vanitas colligi possit. In omnibus namque diebus is Crises accidisse testatus est. Refert enim 1. *epidem. sect. 2. constit. 3.* nonnullos morbum invasisse, & judicatum esse die uno, velut Evagonti Daipharsis filio accidit. Sudore etiam judicatos quosdam memorat statim ab initio 2. *epidem. sect. 3.* In catarrhis, & distillationibus pluries visæ sunt febres optimè judicatæ die tertia; Sic Timochares ex distillatione, hyeme, tertia die evasit sanus per sudorem 5. *epid. & cit. 1. epidem. sect. 2. const. 3.* Ex recidiva, quidam morbi tertia die judicati sunt. Desiit quoque Apemanto morbus in tertia, 4. *epid.* Mulier morosa agra 11. 3. *epidem. sect. 3.* tertia die judicata est multo sudore, & mensibus erumpentibus.

Quartam diem, licet Galenus se ipsum semel, & Archigenem bis tantum Criticam vidisse dicat; non diffitentur tamen alii se observasse sæpius finitas in quarta die egritudines. Pericles namque agrotus 6. *sect. 3. 3. epidem.* quarta judicatus est. Alius ex his, qui à Leocyde venerat, septima judicatus est: alius, quarta: Moschus, nona, 4. *epidem.*

De Quinta die idem pluries fateatur Hippocr. 1. *epidem. constit. 3.* & Metonem agrotum 7. 1. *epidem.* sudore quinta die judicatum esse testatur.

Sextus dies cæteroqui Tyranno iniquè comparatus, & perniciosissimus creditus Galeno, inter Criticos tamen Hippocrati numeratur 1. *epidem. sect. 3.* his verbis: *Est autem primus decretorius circuituum, qui diebus paribus judicant, quartus, sextus, octavus, decimus, decimus quartus, vigesimus octavus, trige-*

*simus, quadagesimus octavus, sexagesimus, octogesimus, & centesimus vigesimus;* quinimmò Criticus fuit Virgini Larissæ agra 11. *sect. 3. 3. epidem.* & Euryanactis filia agra 6. 3. *epidem. sect. 2.* quæ sexta die à febre libera judicata est. Heraclidi item 1. *epidem. sect. 3.* etiamsi ante septimum morbo regio correptus fuisset, proficuus tamen is fuit, nec non Epigenis fratri natu majori, & Adolescenti cuidam 4. *epidem.* Addit etiam ibidem: *omnia in his temporibus sexta, & octava judicabantur circa Plejadum occasum.*

Septima dies omnibus Critica habitata est, immò Criticorum omnium basis ex Galeno in suis libris *de dieb. decret.* atque eadem terminatos morbos sæpè memorat Hippocr. *cit. 1. epidem.* Et mulier, cui sanguis ex naribus erupit quarta, sexta, & septima judicata est 4. *epidem.*

Octava non solum inter Criticas recensetur c. 1. *epidem. sect. 3.* sed & 4. *epidem.* dicitur: *Qui Asinum ex patetoelevavit tertia, & quarta, & quinta, & septima, & octava sanguis erupit, & judicatus est.*

De Nona superius meminimus, quæ inter impares Criticas refertur ab Hippocrate 1. *epidem. sect. 3.*

In Decima die Pythion ager primus, 1. *epidem.* sudavit, & judicatus est; deinde ex suppuratione circa sedem, quadagesima sanatus est.

De Undecima hæc scribit Hippocr. 1. *epidem. const. 3.* *Circa Arcturum autem multis undecima die judicatio facta est.* Et inferius: *Judicabantur autem his plerumque die undecima, quibusdam vigesima.* Et circa finem: *Quibusdam vero morbus judicabatur die undecima.*

Duodecimum ipse etiam Galenus pro Critico habet, & lib. 1. *de dieb. decret. cap. 5.* inter dies Criticos, octavum,



vum; decimum, duodecimum, decimum sextum, & decimum nonum numerat. At quoniam Hippocrati octavus, & decimus perfectè Critici sunt, planè, & eodem modo Decretorii erunt duodecimus, & decimus sextus.

Decima tertia, decima quarta, decima quinta, & decima sexta iudicatos pariter legimus. Sic 4. *epidem.* qui juxta Medosadæ ædes habitabat iudicatus est circa decimam quartam. Et 2. *epidem. sect. 2.* Hieroni iudicatio facta est decima quinta die, ut cæteros præteream.

Decimam septimam, & decimam octavam Criticas pariter iidem putarunt 4. *aph. t. comm. 36. 1. epid. sect. 3.* & 1. *de dieb. decr. cap. 13.* dicitur etiam 5. *epid. Undecima, & decima quarta, & decima septima, & vigesima iudicabantur*, & ex Galeno 1. *epidem. comm. 2. tempest. 3. tex. 85. Nonnullis iudicabatur undecimo, repetebat quartodecimo, iudicabatur exactè octavo decimo.*

Nec defunt qui decimam nonam, vigesimam, & vigesimam primam Criticas experti sunt. Mulieri ex capite fortiter gravatæ iudicatio facta est circa vigesimam; sicut & Olympiodori famulæ, aliisque accidit ad vigesimam 4. *epidem.* Cherion æger 5. 3. *epidem. vigesima sanatus est; cum circa decimam nonam à febre liber evaserit.* Ita alii plures.

Vigesima secunda, vigesima quarta, vigesima septima, trigesima prima, trigesima quarta, quadragesima, sexagesima, octogesima, centesima, centesima vigesima plurimi etiam à Morbis evasere, ut Polycrates 7. *epidem.* Nicodemus æger 10. 3. *epidem. sect. 3.* Virgo Abderitana ægr. 7. 3. *epidem. sect. 3.* Anaxion ægr. 8. *eiusdem libri:* Qui in Dealcis horto decumbebat ægr. 3. 3. *epid. section. 1.* alique

apud Hippocratem. At reliquis diebus colligendis abstineo, cum tædeat amplius his nugis immorari, quas in dies Experientia ipsa patefacit; Unde vanam dierum Criticorum observationem notavit etiam Celsus *lib. 3. cap. 4.* Asclepiadem sequutus, & tandem concludit, Medicum non debere numerare dies, sed ipsas accessiones intueri.

### DE METHODO MEDENDI.

**M**edicinæ Pars canones tradens labefactatæ sanitatis reparandæ, tuendæque, à Medicis dicitur Methodus, sive Ratio, qua per Indicationes remedia inveniuntur. At quia non omnes eandem in illis investigandis, curandisque morbis tenere, propterea præcipuas memorare non gravabor.

### DE METHODO GALENI.

**G**alenus per Indicationes petitas à morbis, morborumque causis, & symptomatis, salutaria præsidia inquirit. Cumque Humanum corpus, in cuius gratiam hæc omnia peraguntur, vel sanum, vel morbosum sit; primarum Indicationum differentias duas esse ait 3. *Meth. cap. 3. Quod secundum naturam se habet, custodiam sui indicante, & propterea quæ similia sui sunt postulante; quod præter naturam est, sublationem sui, eoque contraria requirente.*

Hinc Indicationem definivit, *Comprehensionem iuvantis simul cum comprehensione nocentis sine observatione, aut ratiocinio.* Vel, *sequentis, sive agendi in sinuationem.* Quæ secundum Naturam sunt, sui que custodiam indicant, intelligit membra, vires, operationes, temperamenta, habitum corporis, ætatem. Præter natu-

Lib. de  
opt. sect.  
ad Thra-  
syb. c. 11.  
& 2. me-  
thod. c. 7.



naturam verò , sui que amotionem postulantia , morbos , causas morborum , & symptomata .

Cùm autem agenda vel Sanitatem tueantur , vel Morborum causas depellant , idcirco conservationem per similia , curationem verò per contraria tentandam esse ait . Pro conservatione sanitatis potissimum requirit congruum Aerem , Cibus , & Potum , Motum , & Quietem , Somnum , & Vigiliam , Egestionem , & Retentionem , atque Animi pathemata . In curatione verò nedum hæc , sed etiam phlebotomiam , hirudines , cucurbitulas , frictiones , ligaturas , emplastra , & similia adhibet ; nec non medicamenta cathartica , vomitum moventia , diuretica , & alia huius generis pharmaca .

In curandarum ægritudinum Indicationibus , tanquam rei Medicæ maximè necessariis , non solum præsens sit oportet , quod præter naturam est , seu Indicans præter naturale dictum ; verum etiam Coindicantia , cum absentia Contraindicantium . Coindicantia vocat Galenus 13. *Meth. cap.* 16. Virtutem , Naturam , Ætatem , Anni tempus , Regionem , & Consuetudinem , & si quæ sunt id genus alia ; Contraindicantia verò , quæ his contraria . Quoties igitur adest unum , vel plura simul , aliquod remedium indicantia , atque simul extant tolerantia , seu idem permittentia , & absunt , quæ contrarium indicant , tunc ait omninò remedium illud esse adhibendum . Cùm verò duæ simul ægritudines contraria expostulantes remedia complicantur , urgentiori obnixè incumbit , nec tamen alteram prorsus negligit , nisi minùs urgens causa fuerit urgentioris , unde hæc curari ante illam nequeat , aut saltem curationi majoris impedimento sit . Cæterum quamvis 2. *Meth. c.* 6. dicat

*Tozzi Op. Med: Tom. I.*

primam curationem , quam etiam nonnulli continentem appellant , affectus esse , qui actioni incommodat ; servato tamen ordine causarum , morborum , & symptomatum , ab amotione causarum curationem in omnibus morbis inchoandam esse docet 4. *Meth. c.* 4. & iterum 7. *Meth. c.* 12. & lib. de opt. sect. ad Thrasymb. c. 25.

## DE METHODO PARACELSI, & Helmontii.

**P**aracelsus , ut suprà diximus , omnia causarum , morborumque genera ad quinque capita revocavit , Deum , Angelos , Astra , Naturam , & Venena ; quo circa quemadmodum ab his morbos universos humano generi immitti contendit , ita & curationes eorundem , iisdem causis , vel placatis , vel remotis , haberi opinatur . Hinc Paracelsistæ sanitatem conservandi , exaltandique , vel si fortasse illa amissa fuerit , restituendi gratia , rebus prædictis occurrunt .

Et Primò , jubent Deum continuo esse colendum , ipsiusque leges servandas , atque adeò à peccatis omnibus abstinendum , & ab illis præcipuè , ob quæ experimur Deum meritò iratum morbosas plagas in homines immittere .

Secundò , Angelos exorandos , & præsertim tutelares , ut malorum Angelorum vim , quos multoties veneficorum , & sagarum ministerio morbos parere credunt , infringant . Prætereà suadent , ut innocuè vivamus , nullique hominum , etiam ex abjectissimæ plebis genere , noxii simus , quibus aliquandò cum damnosissimo Dæmone commercium esse existimant , irritatisque faciliè ab eodem auxilium petentibus impertiri , in gravem infensorum perniciem .

Tertiò , Constellationes observan-

E

das



das esse præcipiunt, putantes nempe sic malignos siderum influxus vitari posse, quibus plerumque ægritudinum causas attribuunt. Commendant pariter Regionis, Aeris, Alimentorum, quæ ad sanitatem, vel conservandam, vel recuperandam conferunt, congruentem electionem.

Quartò, Actiones cunctas sic dirigendas monent, ut ex illis nulla noxa, sed potius juvamen, & oblectamentum exoriatur, atque effugiamus cæterorum insidias, unde Venena non rarò exhibita perhibent.

Inductis autem Morbis occurrunt, amovendo causas, à quibus illos fieri, vel foveri putant, quapropter ad tollendos Deales præcipiunt, ut omni conatu placemus Deum, potissimum mediis illis, quæ Catholica Ecclesia edocet: hoc enim pacto non solum à Deo, sed etiam à Dæmone inflictos fugari ajunt.

Quoniam verò, quæ de Incantationibus, Imaginibus, Signaturis, Sigillis, Characteribus ad hos morbos pellendos aliqui jactant, omninò vana, futilia, & superstitiosa sunt, ab his cordatiores Paracelsistæ abstinere. Neque Paracelsus revera aliquam his vim inesse credidit, sed tantum hoc pacto Imaginationem, unde Animi pathemata, quibus Morbi nonnunquam feliciter terminantur, movere studuit. Hinc est, quòd Rustici, Mulierculæ, Monachi, Juristæ, & vulgares Philosophi, ac Medici, quandoque à morbis, medicamentis alioqui inefficacibus, liberantur, sola fiducia, quam maximam illis adhibere solent; quod veris Philosophis non accidit, qui parum Medicis, & Medicamentis fidunt. Mendacii tamen, & imposturæ minimè arguendus est Paracelsus, quòd futilia remedia pro efficacissimis ægris præponat, cum, si ab Imaginatione vehementi

talia apprehendantur, plurimum juvare in dies experiamur, immò meo judicio Medici prudentiæ id verti potest, dummodò ea efficacibus remediis locum non eripiant.

Ad hæc referri possunt curationes Transplantatoriæ dictæ, cum ex ægroto in aliud animal, vel etiam in quodcunque inanime corpus morbus transplantari, & transferri credatur, de quibus agit Severinus Danus, & passim referuntur historiæ à Borello in suis centuriis, & à Medicis German. in *Ephemer.* cæterisque.

Neque his tantum insistent Paracelsistæ in morborum curationibus, sed prætereà alia efficacia remedia exhibent ad causas morbificas expellendas. Potissimum verò utuntur iis, quæ Balsamum, ut ipsi vocant, vitale foveant, unde resectis viribus sponte sua morbificæ causæ deficient, & sanitas restituitur.

Ab hac Methodo non multum Helmontius recedit, qui præterquam quòd ad Deum, sidera, cæterasque causas morbos referat, unde illorum curationes petit, præcipue studet roborando, placandove Archæo, causæque occasionali, ut ipse loquitur, removendæ: Hunc enim primum, & præcipuum opificem omnium operationum, & Morborum Authorem statuit, cum suscepto idolo causæ morbificæ, indignatur. Arcana quædam remedia adhibet, chymica præsertim arte parata, inter quæ extollit suum catholicum medicamentum, ut omnibus morbis profigandis idoneum.

#### DE METHODO VVALÆI.

**I**N sua methodo VValæus tria sibi proponit, causarum sublationem, depulsionem morborum, & symptomatum mitigationem. Convenit autem



tem cum Galeno, quòd maximè incumbat caufarum amotioni, fi tamen eæ cognitæ fint; fin minùs à cognitis orditur, & ab eo, quod magis urget, five fit morbus, five fymptoma. Ex caufis verò, quæ tres effe ait, Procatarticam, Antecedentem, & Continentem, vult Procatarticam, vel tollendam, vel emendandam; Antecedentem, & Continentem in humoribus, vel fpiritibus vitiatis exiftentes, omninò tollendas purgatione, fudorificis, diureticis, ratione tamen habita virium, paroxysmorum, temporum, &c. Symptomata etiam mitiganda femper monet, quoniam niliis ægro moleftius, nifi tamen quæ pro fymptomatis mitigandis adhibentur, fanitatem lædant, aut caufæ morbificæ evacuationem impedian, cujus rei exemplum petit ab ufu opii; quod in vigiliis, & doloribus exhibitum, caufarum expulfionem remorari poterit.

Præcipuos curationum canones ad quatuor reducit, quos latè profequitur Fridericus Hofmannus *in fua Methodo*, primùmque investigat num curatio fit instituenda, confultatque Medicos, ne curationes morborum, quos immedicabiles norunt, aggrediantur; nec in declinatione, præfertim cum crifis imminet, remedia exhibeant, fpernantque medicamentum, quod æquale, vel majus damnum effe allaturum: fic varices, & ulcera, fpon te in cruribus enata faciliùs tolerari, quàm temerè curari inquit. Infuper monet auxiliares manus effe præftandas, cum ægrum ope Medica juvari poffe conftiterit, illumque fuafu Hippocratis priùs interrogandum, *quid ei doleat, qua caufa, à quot diebus, an alvus fece-dat, & quo victu utatur*. His enim perfpectis faciliè morbum, ejusque caufam, & partem affectam dignofci,

necnon ægritudinis ftatum, & durationem coniici ait; unde ea peragantur quibus citò, tutò, & jucundè caufæ auferri, fymptomata mitigari, febrilium fermentorum fecretio promoveri, & vires fervari poffint. Consideranda poftremò fuadet ægroti temperiem, confuetudinem, ætatem, fexum, anni tempora; etenim quæ ab affuetis tolerantur, cæteris non fine damno exhibentur, & quæ viris, aut juvenibus conveniunt, fœminis, puerisque noxia effe folent; nec eadem fingulis tempeftatibus proficua femper observantur; ut apud eundem Hofmannum fufius eft legere.

*DE METHODO, QUÆ REGUNTUR nostris temporibus, qui fe Galenicos jactant.*

**A** Deò à Galenî methodo, & Veterum præceptis noft rates Medici, pauciffimis exceptis, reffe, ut vix Galenici appellari mereantur; unde in peculiarem classem eorum Methodus mihi referenda vifa eft.

In omnibus cujusque generis ægritudinibus hunc morem ftatuta invariabilique regula fervant. Primis diebus, ftatim ac fuerint accerfiti clyfterem infundunt ex decocto communi, vel ex jure pulli cum melle, & oleo viol. deinde fanguinem mittunt; fequentibus diebus, vulgaribus fyrupis de oxyfaccharo, boragine, violis, humores præparant, & alterant, atque interim, fi calor perfiftat, & urinam infpiciant rubentem, (accenfam illam dicunt) refrigerantibus potionibus infiftunt, ac phlebotomiam repetunt, cum pulfum elatum percipiunt; fin fecùs, affigunt hiru-dines venis fedis; Urina verò decolorata apparente, pharmacum exhibent ex manna, fyr. ros. fol., diatar-taro,



taro, cremore tartari, saccharo ros-  
perfic., elect. ros., aqua solutiva, an-  
gelica, & similibus, prohibitu: Mox  
si fortasse, ut facile est, symptomata  
ingravescant, malignitatem jam de-  
tectam vi medicamenti proclamant,  
& illicò cucurbitulas cum scarifica-  
tionibus, & Vesicantia, summa præ-  
sidia, ut ajunt, applicant, nec non  
epithematis, lapide Bezoar, Marga-  
ritis, & Smaragdis præparatis cordi  
succurrunt, & penè totam Indiam  
orientalem, & occidentalem exhau-  
riunt, ut undique malignitatem in-  
vadant, quod plerùmque solis Phar-  
macopolis maximo lucro cedit. Si  
malo fato in soporem æger prolaba-  
tur, capillos aqua ardente consper-  
sos primùm cremant, mox sartagi-  
nem ignitam vertici apponunt, vesi-  
cantia renovant, arctis ligaturis ex-  
tremas partes cruciant, per collum  
cauteriatum resticulam traiciunt,  
res summè foetidas naribus admo-  
vent: Certè istis

Horat.  
epist. l. i.  
ad Loll.

— *Siculi non invenere Ty-  
ranni*

*Majus tormentum.*

Si in delirium inciderit, ludibrio  
miserum ægotantem exponunt, fri-  
gidos pepones dissecant, & excava-  
tos in morem galeæ capiti imponunt,  
his ranæ succedunt, deinde galli, pi-  
piones, catelli.

Si verò morbum protrahi contige-  
rit, enemata singulo mane immit-  
tunt, medicamenta purgantia plu-  
ries repetunt; mox decocta, & jusc-  
ula alterata ad plures hebdomadas  
propinant, interjectis syrupis magi-  
stralibus; postmodum quia ab usu  
horum remediorum putant jecur ex-  
canduisse, aut salvatellam incidunt,  
aut hirudines mariscis affigunt, &  
cauteriis brachia, & crura sæpius  
simul inurunt; tandem ineunte æstate  
ad balnea, & sudatoria ægros aman-

dant, nihilque his proficientibus, æ-  
ris mutationem suadent.

In victus ratione præterea se uni-  
formes semper gerunt; etenim, sive  
morbi calidi, & acuti, sive frigidi, &  
chronici putentur, manè contusum,  
& carnes gallinaceas cum oleribus,  
boragine, endivia, cichorio præci-  
piunt; vespere verò consumptum ex  
iisdem carnibus, cum hepate, & ven-  
triculo pulli gallinacei afflo exhibent,  
atque statim à cœna thyrsus lactucæ  
conditum, conservam florum bora-  
ginis, aut cucurbitarum, & hujus ge-  
neris bellaria concedunt cum haustu  
aquæ, vel simplicis, vel scorfonariæ,  
hordei, capillorum Veneris. A vino  
abstinent, veluti rabidi ab aqua, &  
vix, urgentibus ægrotis, illius cya-  
thum permittunt pro stamocho, sed  
perquàm benè diluti, ne jecori obsit.

Interea frictionibus, cucurbitulis,  
unctionibus non parcant, & si for-  
tasse aliquis dolor superveniat, do-  
lentem partem assiduo oleo amygd-  
alarum dulcium inungunt; si verò ven-  
ter doleat, rete castrati calidum in-  
super addunt.

Quòd si à diuturnitate ægritudinis  
æger tabidus appareat, & summo  
marcore consumptus, præter unctio-  
nes totius corporis cum eodem oleo  
amygdalarum dulcium, balnea aquæ  
dulcis domi præcipiunt, vel ad no-  
strum Sebethum illum demandant:  
Lac Capræ, aut Asinæ nigræ, vel se-  
rum ad plures hebdomadas exhi-  
bent, mannam interiiciunt, clysteres  
ex lacte, jusculo pulli gallinacei, aut  
vervecis, & oleo amygdalarum ini-  
ciunt, consumpta duo, vel tria nocte  
præscribunt, præsertim ex testudine,  
vipera, cancris fluviatilibus, limaci-  
bus: addunt pimpinellam, cicho-  
rium, melissam, hepaticam, endi-  
viam, boraginem, cucurbitarum,  
peponum, & cucumerum semina,  
resque



resque omnes, quas putant frigidas, humidasque, exhibent: Renes, & Jecur unguento ros. & santal. inungunt ad illorum intemperiem calidam retundendam. Postremò, quos inefficacibus remediis vexarunt, fascino, veneficiisque affectos proclamant, atque Monachis, & Vetulis committunt. Pro coronide demùm minimè præteribo, quòd quamvis satis rudes, & imperiti hi Medentes sint, plerique tamen hominum inscitia longè illos superant, quoniam etsi occisos egrotos ante oculos habeant, Medicos prædicant, præ nimia sapientia id effecisse, & ideò, quia infueta, & ingentia remedia tentare sunt ausi.

### DE EXPERIENTIA, RATIONE, & Analogismo.

**I**Nexquirendis remediis Experientia primum locum sibi vindicare videtur. Etsi enim Ratio maximi momenti sit, si tamen illi Experientia refragetur, pro vera non erit habenda. Sunt igitur ambæ ita conjunctæ, ut nullo modo separari queant; unde meritò Gal. dixit esse duo crura, quibus Medicinæ corpus firmatur: si itaque Ratio aliquid suadeat, quod Experientia relicit, omninò spernenda est, & alia potior quærenda.

Sic Galenicis ratio dictare videtur curationem in Morbis per contraria peragendam esse; Paracelsistis verò per similia. Illi ducuntur autoritate Hippocratis *lib. de flatib.* dicentis: *Contrariorum contraria esse remedia.* Subduntque ex Aristotele *1. de gener. & corruption. text. 49. Quæ neque contraria, neque ex contrariis sunt, se mutuò non extrudunt:* Hi verò, quoniam putant similibus Naturam, quæ morbos simul, & causam morbificam debellat, juvari, atque

*Tozzi Op. Med. Tom. I.*

ægritudinum causas à similibus vinciri, & educi, eo ferè modo, quo smegmate sordes, & oleum è pannis educuntur, similibus curationem absolvendam ajunt; quinimò Helmontius ita contrarietatem omnem Naturæ ademit, ut illam dixerit contrariorum nesciam.

At Experientia utrisque repugnat, qua edocemur neque contrariis, neque similibus morbos curari, nisi tamen nomine ludamus, cùm contrarietas, & similitudo in rebus, si qua est, nil conferat ad illorum curationem. Experimur enim plerumque morbos finire tum similibus, tum contrariis putatis medicamentis, tum quoque iis, quæ neque similia, neque contraria dici possunt. Sic Renum dolorem à calculis inductum iisdem calculis propinatis, ovorum testis, succo limonum, & non rarò elixire ex cancris, & spiritu vini parato tolli videmus: In febribus potus aque gelidæ, spiritus chalcanti, sicut etiam piper, centaureum, absinthium, gentiana, in vino exhibita profuisse referuntur: sitim sedant pariter aqua ardens, aqua gelida, immò etiam calida, ita ut constans medendi methodus per contraria, & similia nullo pacto tradi possit. Quæ igitur præcipitant, aut compescunt fermentum febrile, febris causam tollunt, non autem quia similia, aut contraria. Habita est hæc contrariorum, & similibus ratio à Philosophis qualitates reipsa adstruentibus; unde Medici his ægritudinum curationes fieri credidere: at qua ratione non video. Si enim per contrarias qualitates curatio absolveretur, vel majoribus, vel minoribus viribus adversus Morbum illæ pugnarent: si majoribus, alter morbus, & sanè deterior inferretur; ipseque Gal. *2. de Art. Cur.* vituperat usum immodicè refri-



gerantium in inflammationibus, re-  
prehenditque eos, qui maximis re-  
frigerantibus, & humectantibus ery-  
sipelata curare nituntur; & Hipp. 2.  
*aph. t. 5. 1. ait, Plurimum, atque repen-*  
*tè evacuare, vel replere, vel calefa-*  
*cere, vel refrigerare, sive quovis alio*  
*modo corpus movere, periculosum :*  
*omne enim nimium Naturæ inimi-*

Arist. 7.  
phys. c. 5.  
& lib. de  
mot. A-  
nim.  
Averr. 4.  
phys.  
comm.  
71. Co-  
nimbr. 1.  
de Ge-  
ner. &  
Corr. c. 9.  
q. 2. art. 1.  
& quæst.  
3. art. 4.

*cum.* A minoribus nihil sperandum,  
cùm ex ipsis, *omnis actio physica sit*  
*à proportionem majoris inæqualitatis:*  
*Et nullum subiectum intensa quali-*  
*tate præditum à contrario remisso,*  
ut ajunt, *pati possit.* Neque ab æqua-  
libus subsidium petendum est, quo-  
niam inter æqualia actio nulla inter-  
cedere dicitur. Adde, quòd nullus  
unquam hanc virium æqualitatem  
aurificis statera examinavit.

Nec dicant posse actionem inter  
æqualia intercedere, cùm scilicet  
Natura in partes remedii venit, quod  
deinde efficacius redditum morbum  
eliminat, qui solus jam contra duo  
resistere nequit. Siquidem si licebit  
rebus inanimis judicii tantam vim  
tribuere, quantam plerique Meden-  
tium non habent, advocabit etiam  
morbis symptomata, & causas, quæ  
sibi adversus conjuratos hostes auxi-  
liares manus præbeant.

Atque hinc est quòd peritiores  
Galenici difficultatem medendi per  
contraria agnoscentes, explicarunt  
nomine contrarii nedum se intellige-  
re contrarias Peripateticorum qua-  
litates, verum quidquid morbum ex-  
pellere valet, quamvis illi simile, &  
ejusdem naturæ sit, cum Paracelsistis  
convenientes. Itaque licèt credide-  
rint rhabarbarum cum febre in cali-  
da qualitate convenire, illi tamen  
contrarium appellare veriti non sunt  
ex eo, quia causam febrilem educe-  
re posse sunt arbitrati. Fluxum etiam  
fluxui, & Vomitus vomitui contra-

rium dixere, quia Vomitus, & Flu-  
xus remediis illos magis moventibus  
curari putarunt; ut & Tetano aquam  
frigidam, cujus profusione illum sol-  
vi ait Hipp. *aph. 5. t. 2. 1.*

Neque majoris momenti rationi-  
bus effatum illud fulciunt, quo simi-  
lia similibus conservari inculcant,  
quippe qui quatuor conservationis  
modos in Scholis agnoscunt, quos  
vocant per *Manutentionem; per si-*  
*milis Additionem; per contrarii Re-*  
*motionem; & per ejusdem Impeditio-*  
*nem.* At re benè perspecta, primus  
modus solius Dei est, non Medici.  
Secundus in Medicina facienda, ipsis  
asserentibus, locum non habet, *cum*  
*simile in simile non agat.* Postero-  
res modi illorum axiomati non co-  
hærent: contraria enim remove-  
re, aut impedire, non est, similibus ju-  
vare, ut sibi falsò persuadent. Et  
quamvis in Galenum referant, quòd  
dixerit, Conservationem à similibus  
haberi; ista tamen *lib. Art. Med. cap.*  
*85. & sequent.* hanc non nisi tem-  
peratis omninò naturis, quæ vix  
mente à Medicis concipiuntur, con-  
venire, in reliquis verò per contra-  
ria exerceri debere docuit: Atque  
*in comment. 2. 3. libr. aph.* rationem  
reddens quare *Naturarum alia qui-*  
*dem ad æstatem, alia verò ad hye-*  
*mem, benè, malève se habeant,* ait:  
*Ad æstatem quidem, frigida, & hu-*  
*midæ naturæ optimè afficiuntur; ad*  
*hyemem verò calidæ, & sicca; sicuti*  
*etiam malè afficiuntur calidæ, &*  
*sicca ad æstatem, frigida, & humi-*  
*dæ ad hyemem.*

Hinc patet, Rationem falsitatis  
esse suspectam, nisi ab Experientia  
probetur. Prudens igitur Medicus  
non sola ratione erit contentus, sed  
potissimum experientiæ sit addictus,  
siquidem ex Celso *in proæmio,* ad  
ipsam curandi rationem nil plus con-  
fert



fert quàm experientia. Unde *Manil. l. 1. Astr.*

*Per varios usus artem experientia fecit,*

*Exemplo monstrante viam.*

Præterea summa solertia Naturæ vestigiis insistet in remediis investigandis, itaut quibus mediis eadem morbos pellere niti noverit, iisdem ipse utatur, non autem contrariis, quæ potius Naturam impediunt, ac distrahunt, quàm juvent. Hoc etiam subolevit Hippocr. *asserentilib. de Arte prope finem: Natura stimulata, & impulsiva Artis peritis, quæ facienda sunt, demonstrat: cogit autem partim coalitum in nobis calorem, pituitam per ciborum, ac potuum acrimoniam diffundere, quo intelligat quid sibi visum sit de illis, quæ ut viderentur, ipsa machinata est, &c.* Et Galenus addit *lib. 4. meth. med. cap. 6. ad mentem ejusdem Hippocratis: Post hæc autem si verba, quæ in lib. de ulceribus ab eo sunt scripta, tum quæ in aliis omnibus libris sæpè proposuit, recorderis, debere scilicet imitatore esse Medicum non tantum Naturæ, sed etiam eorum, quæ, cum sua sponte veniunt, conferunt.* Et *lib. 9. de decr. Hipp. & Plat. cap. 8. subdit: His judiciis usus Hipp. hæc verba scripsit: Erudita Natura est, licet rectè facere non didicerit: & alibi: Naturæ, inquit, morborum Medici sunt: eodem modo se habet, & illud: Natura sufficiet prorsus. Vocat autem ipsam justam interdum, Medicum ministrum, imitatoreque ejus esse ait, & semper in peculiaribus tractatibus vim ejus celebrat, atque admiratur.* Hæc Galenus.

Itaque cum observemus in morbis Naturam suscitato calore fermentationem in sanguine promovere, ut secretis, quæ in ipso impura erant,

& morbos fovebant, excretisque per sudorem, aut urinam, sanguis defæcatus relinquatur, & malum desinat, à calidis etiam opem sperare oportet, quæ scilicet ad fermentationem citò solvendam faciant; non autem à frigidis, quæ illam impediunt, & morbum in longum protrahunt, quamvis ægris gratissima sint, & fervorem febrilem compescere videantur, quo solo morbificam causam Natura expellere nititur. Simile quid experiri licet in musto, in quod si calida aqua iniiciatur, fermentatio promovetur, & quàm citissimè secretis fæcibus illud clarescit in vinum, si verò frigidam immiseris, tantum abest, ut fermentatio cesset, ut potius ad plures dies protrahatur.

Similiter quia in inflammationibus Naturam calore excitato restagnantem sanguinem exsolvere, & per poros, sive per alios ductus commodiores extrudere animadvertimus, remediis idem promoventibus illa juvanda erit. Sic Erysipelata vini spiritu celerrimè discutiuntur, & majus præsidium in Pleuritide, Angina, Peripneumonia, cæterisque non invenimus, quàm Elixir proprietatis, hirci sanguinem, & quæcumque diaphoresim adjuvant. Confirmant idem Catarrhi, Podagræ, Arthritides, Convulsiones, Paralyfes, quæ citissimè solvuntur superveniente febre, quam si frigidis remediis sedare contendant plerique imperitorum Medicorum, mala longiora, & deteriora efficient. Sic omnes, qui sine febre morbi sunt, longissimi esse solent; atque hinc etiam deterius malum agro inferri nequit, quàm sanguinis detractio, unde vires contendantur, & calor naturalis imminuitur, à quo solo salutis spes est. Consimilis detrimenti causa sunt victus humidus, syrupi refrigerantes dicti,



unctiones frigidae, & hujus generis potiones, praesertim abundantiores, & importunae. Quare solis digerentibus, & dissolventibus, ac leniter per vias à Natura indigitatas, educantibus, utendum, ut sine ulla vi-rii diminutione, potius vitium inductum corrigatur, aut auferatur, quam succi plerumque nutritii, & sanguinei educantur.

Ceterum in Morbis, in quibus Natura consopita videtur, & nihil contra morbum moliri, opus, & labor est illam excitare aromatibus, tincturis, spiritibus, elixire, aliisque hujusmodi, quibus causa morbifica discutatur, & sanguis vividior redditus eidem Naturae adjumento sit; ut in apoplexia, comate, lethargo, quos spiritu sanguinis, elixirive propinatis non semel solutos vidimus.

In Morborum autem initiis, cum vires constant, si quid molestum in ventriculo, adjunctisque visceribus percipiatur, levis aliqua evacuatio tentari poterit; quin immo & cibus parcius indicendus, praesertim in acutis, eoque magis, quò vigor, & status instat 1. *aph.* 7. & 10. In augmento, & statu melius erit ab omni medicamento evacuante, vires infringente, & secretionem, coctionem, seu praecipitationem impediende abstinere 2. *aph.* 29. ideoque per id tempus solum exhibenda erunt ea, quae praedictam digestionem, secretionemque promovere, atque sudorem, urinam, aliasque convenientes egestionem ciere valent. In declinatione etiam ab omni opere vacandum, monente eodem Hipp. 1. *aph.* 20. *Quae judicantur, & judicata sunt integrè neque movere, neque novare aliquid, sive medicamentis, sive aliter irritando oportet.* Morbi enim ad declinationem perducti sponte sua salubriter terminan-

tur, nisi aegrotantes proprio, aut Medici errore recidant, in alios morbos delabantur, vel immodicas egestionem patiantur, unde viribus infractis mors praeter languore sequatur, quare ab optimis etiam crisi-bus aegros interire notavit Hippocr. in *lib. praenot.*

In magnis, & perniciosis aegritudinibus eam adhibere diligentiam summoperè praestabit, ut si illae remitti nequeant, saltem in longum protrahantur, documento Celsi *lib. 2. cap. 5.* dicentis: *Neque vitae alia spes, in malis magnis est, quam ut impetum morbi trahendo aliquis effugiat, porrigaturque in id tempus, quod curationi locum praestet.* Quòd si has inducias morbus non det, nec aliunde spes salutis effulgeat, fatius erit ex eodem Celsi *lib. 2. cap. 10.* anceps auxilium experiri, quam nullum; & celebre est apud Medicos effatum: Melius est aliquid cum periculo tentare, quam aegrum, dempta spe, certò perire; quamvis idem Celsus advertat *lib. 5. cap. 26.* *Prudentis hominis esse, eum, qui servari non potest, non attingere, nec subire speciem ejus ut occisi, quem fors ipsius peremit.*

At in morbis benignioribus, & qui spontè sua terminari solent, à medicamentis omninò abstinendum; tunc enim *summa Medicina est, Medicina non uti*, cum, si indebitè illa adhibeatur, aeger sanitatis, & vitae, Medicus verò honoris jacturam faciet. Unde Galenus 1. *de dieb. decr. cap. 11.* ait: *Quaedam peccata committuntur ab aegroto, quaedam à Medicis putantibus, nisi quis introgressus ad aegrotum, deinde succingens se, vel cataplasma imposuerit, vel perfuderit, adusserit, vel clysterem indiderit, vel venam inciderit, vel cucurbitulas adjunxerit,*  
vel



*vel confricuerit, vel nutrit, aut huiusmodi aliud fecerit, nihil ab ipso gestum esse artificiosum; hinc enim quoties ad agrum accedunt, toties peccant.* Cautè igitur hac in re agendum, & morbi, qui possunt absque ullo remedio sola Naturæ opera curari, minimè irritandi; etenim teste Hipp. *Naturæ sunt veræ morborum medicatrices*, quæ plerumque non adjuvantur, sed potius perturbantur, ac distrahuntur à Medico indebitè, vel importunè medicamina exhibente, atque non semel ægrotos in pejora mala ductos vidimus à Medicis medicamentorum multitudine, inconvenientique exhibitione; quòd si totum opus Naturæ fuisset commissum, benè illis consultum foret.

Abstinendum pariter à curationibus illorum morborum, qui inconstantes sunt, aut certas causas non habent: quare Hippocr. *lib. de rat. vict. in acut.* monuit, inconstantes, & erraticos morbos sinere oportere, donec constiterint: & *1. epidem. sect. 2.* habet: *Te ad hoc exerceto in morbis, ut prosis, aut ne quid noceas.* Et Avic. *lib. 1. fen. 4. doct. 5. c. 1.* Cum ignoras, quæ sit ægritudo, relinque eam Naturæ, & non properes, quoniam aut Natura superabit ægritudinem, aut ipsam manifestabit. Et *lib. 4. fen. 1. tract. 2. cap. 7.* Cave ne cures febrem, nisi cognoveris eam; quòd si non cognoveris, subtilia regimen.

In singulis paroxysmis cavendum à medicamentis, & alimentis, quæ sanè conferet differre in declinationem, aut intermissionem, cum scilicet æger morbo, & symptomatis minùs, aut nihil affligitur. Quod si morbi continentes sint, matutinis horis, in quibus plerumque quietem aliquam concedere solent, illa op-

portuniùs præbentur.

Atque hinc palàm fit, quàm infirmis obsint Medicorum plerique, & quidem maximè apud vulgus existimationis, qui indiscriminatim virtutu plenissimo, crebraque remedium mutatione, & quod gravius, repetitis phlebotomiis, & refrigerantium usu, digestiones, seu secretiones impediunt, ac in paroxysmis potus, quos alterantes vocant, temerè exhibent, atque ut suas medicamentorum formulas ostendent, illas componunt ex disparibus, & oppositis, quibus imponunt se velle simul succurrere capiti, jecori, cordi, stomacho, lieni: ea autem sic composita adeò perniciose evadunt, ut sæpissimè, præter intolerabilem nauseam, citam mortem afferant. Horum enim Medicorum auxilia ad necem potius, quàm ad salutem excogitata sunt à Græcis in Romanorum odium, ut testis est M. Cato ad filium scribens his verbis. *Dicam de istis Græcis suo loco, Marce fili, quid Athenis exquisitum habeam, & quòd bonum sit, eorum literas inspiciere, non perdiscere. Vincam nequissimum, & indocile genus illorum, & hoc puta vatem dixisse. Quando cumque ista gens suas literas dabit, omnia corrumpet, tum etiam magis si Medicos suos huc mittet. Jurarunt inter se Barbaros necare omnes Medicina, sed hoc ipsum mercede faciunt, ut fides iis sit, & facile disperdant. Nos quoque dicunt barbaros, & spurcius nos, quàm alios Opicos, appellatione fœdant.* Ex *Plin. lib. 29. cap. 1.*

Si quæ autem præstanda videntur, talia sint, ut ægro levamen citò afferant, & tutò, jucundèque juvare longa experientia sint probata, cuiusmodi sunt, quibus ad febres omnis generis solvendas, & Veneream

luem



leum eradicandam, magno languentium lucro, nos utimur. Complures siquidem Morbi, nisi quam citissimè, efficacibus, blandisque remediis profligentur, in deteriores sapissimè mutantur, & languentis vires proterunt, itaut amplius prodesse nequeant, quæ etiam à perita manu suggeruntur, & non rarò observavimus ægrotos, arcanis, optimisque remediis spretis, se Monachis, Vetulisque commisisse, qui fascinum solverent, à quo ad extremam maciem duci ab iisdem acceperant, ut tandem projectis viribus, & morbo contumaci reddito, nullis remediis juvari potuerint, atque omni spe destituti miserè perierint.

Verùm tamen, non hinc quis generaliter deducat relegandas perpetuò ab usu medico esse Aquarum, five naturalium, five artificialium, aliorumque liquorum humefacientium potiones, cum succi præsertim præternaturales salino-acidi, vel acres, aliæve similis conditionis, speciatim in febrientibus excesserint: Siquidem hi solis plerumque largis potionibus, & tempestivis temperantur, & corriguntur, ac deinde per sudorem, vel per urinam promptissimè abiguntur. Sic quoque absorbentibus pulveribus iidem nonnunquam retunduntur, aut invertuntur, atque in aliam naturam permutantur, quæ possint melius, ac facilius subigi, & eliminari.

Analogismus demum non leve indicium in Remediis investigandis esse potest, undè morbos, inter quos aliqua similitudo intercedere videtur, pari ratione curare tentabimus. Hæc verò similitudo notanda est nedum in morbis, verùm etiam in medicamentis, undè licebit inferre, sanguinem hirci cæteris

inflammationibus fore utilem, ex eo quia in pleuritide prodesse observatus est. Expediet autem præsertim Analogismo uti, cum morbus novus est, vel ignotus. Sic Scorbutum, in nostra Italia novum, curare nitimur Nasturtio aquatico, Raphano sylvestri, Cochlearia nuper ad nos advecta, cæterisque acribus, & aromatis, quæ hypochondriacis affectionibus utilia experti eramus, cum his scorbutus quam simillimus videatur.

### DE PHARMACIS CATHARTICIS, & Emeticis.

**P**Risci Medici, qui fuere antiquam per maximos quidem viros salutaris ista Professio increvisset, solis herbis contenti erant, nec adhuc illas componere, & vires temperare noverant; unde fertur à Melampo Proeti Argivorum Regis filias furiis agitatae sanitati mentis restitutas helleboro, quod deinde ab inventore Melampodium fuit appellatum, quamvis Ovidius illas carmine, & herbis fuisse curatas referat. 15. *Metamorph.*

— *Amithaone natus*

*Prætidas attonitas postquam per carmen, & herbas*

*Eripuit furiis.*

Donec Hippocrates magis, ac magis, gratia, & cura Artis nova investigando insudavit, varias compositiones detexit, literisque prodidit usum Peplii, Pepli, Thapsiæ, Elaterii, Cocci Cnidii, Scammoniæ, Colocynthidis, Veratri, Polypodii, Epithymi, Cnici, Cneori, Hippophais, Tithymali, Ricini, Sambuci, Betæ, & Mercurialis ab inventore Mercurio sic dictæ, aliorumque, quæ in suis libris recensentur. Dabat quoque lac Asinum,

Sen. ep.  
95. Pl. 1.  
24. c. 1.  
& 25. c.  
2. & 23.  
c. 24.



num, Bubulum, vel Caprinum, ejusque serum, ac squamam aris.

Post Hippocratem clarissimi fuerunt Theophrastus, & Dioscorides, cujus opera Majorum inventis accessere Cynocrambe, Esula major, Sesamoides, Lathyrus, Agaricum, Aloe, Asarum, Scilla, Bryonia, Daphnoides, Chamelæa, Thymelæa, Empetrum, cæteraque.

Galenus sicuti ab his simplicium vires excepit, ita ab Archigene, Asclepiade, Andromacho, aliisque compositionum formulas mutuatus est, quibus addidit, quæ de Hiera picra, & Catapotiiis tripharmacis circumferuntur.

Innotuere postmodum Recentioribus Græcis, Æginetæ quidem purgandi vis Hermodactyli, quem plerique cognitum dicunt Serapioni, una cum Sennæ usu; Aetio verò Euphorbii, quod prius invenerat Euphorbius Musæ Antonii frater.

Post Græcos, Arabes, quorum Princeps Avicenna, usi sunt Casia, Myrobalanis, Rhabarbaro, Tamarindis, Manna, Lapide lazuli, Psyllio, Turpetho, Rosa, Violis, & omnibus Aloes generibus; ex quibus etiam varias, & multiplices compositiones excogitarunt, quarum præcipuæ Pulvis Hieræ picræ, pilulæ cochis, & confectio Hamech Rhasi debentur; Saporis Regi præ cæteris syrupus de pomis: Avicennæ pilulæ de fumaria: Mesuæ verò electuarium rosatum, diaphœnicon, pilulæ aggregativæ, de Agarico, Foetidæ, de Hermodactylis, de Lapide lazuli, Lucis, & totæ penè Pharmaceusis, quibus sua addidit Nicolaus Alexandrinus, N. Mirepsius, N. Præpositus, & N. Florentinus, Arnaldus, Montagnana, Quercetanus, Castellus, alique innumeri, quæ cum satis no-

ta sint, opus non est recensere.

Hermetici, & Paracelsi affectæ, cum experientia didicissent plura ex his violentiora esse, quàm ut agris sufferri queant, illorum vires domuere, arcanis magisteriis extrahendo, quæ blandè ad Medicinam facere possent. Neque solum his Medicinam mitiorem reddidere, verum etiam novis inventis adeò locupletarunt, ut majora sperare frustra sit, detecto usu Antimonii, Mercurii, Vitrioli, aliorumque fossilium, nec non Tartari, & Natri.

Demum ex Indiis allata sunt Jalap, Mechoacan, & Gummi Pervanum.

Horum verò Purgantium vires non omnes eodem modo explicarunt. Asclepiades, referente Galeno 1. *de Natur. facul.* 13. humores censuit à Catharticis non educi, sed generari, cum vi sua massam sanguineam exagitent, ac perturbent.

Aristoteles 1. *sect. probl.* 43. Medicamenta, inquit, in ventriculo primum dissolvi, & per easdem omnino vias ad venas pervenire, per quas cibus permeat, quò devectora, cum inepta sint nutritioni, iterum delabi, secumque quæ obsistunt abripere, & evacuare. In quam sententiam concedere videtur Massallus *libell. de Attract.* c. 14.

Galenus *cap. 1. de natur. facult. cap. 14. & 5. de med. facult. cap. 25. & lib. de Medic. purg.* & alibi passim repetit, pharmaca familiares sibi humores allicere, & peculiari quadam virtute, seu sympathia trahere, & educere, quemadmodum magnes ferrum, & succinum paleas: cui adhæret Averr. *collect.* 5. *cap. 2.* qui partim ad electivam virtutem, partim etiam ad commensuratum, temperatumque calorem purgantem



tem medicamentorum facultatem refert.

Avicenna *lib. de virib. Cord.* quem sequutus est Mesues, proprietati peculiari Medicamentorum, Stellarumque influentiis id attribuit.

At potius irritando evacuationes promovere videntur, cum parum illa à venenis diffideant, & Naturæ infensa sint, ut notavit præ cæteris Celsus. Assumpta namque in ventriculo primum dissolvuntur, mox vasa lactea ingrediuntur, & cum sanguine venas, & arterias permeant, compactosque succos dissolvunt, qui jam dissoluti, unâ cum fermentis partium vitiatis, in arterias mesentericas, & pancreaticas delabuntur, ac per intestina vellicata purgantur. Quæ verò crassioribus, & non adeò mobilibus particulis prædita sunt, adeòque prædicta vasa subire nequeunt, quod intestinorum, & ventriculi tunicis adhæret, aut ductus pancreatis, & cholidochi obstruit, extenuant, ac diluunt, & levi irritamento partes ad expulsionem invitant. Quæ denique minoris sunt efficaciam, emolliendo tantum alvum lubricant, ut violæ, pruna, cerasa.

Quantum autem conferat ad promovendam evacuationem partium irritamentum, ostendunt acres balani, quæ intestinum rectum solummodò vellicando etiam à partibus remotioribus humores educunt. Mercurius pariter emeticus vix linguae admotus vomitus, & quandoque etiam dejectionis causa est; sicut etiam butyrum sale commistum, unguentum de Arthanita, simileve aliud umbilico immissum dejectionem provocat; & quò medicamenta acriora sunt, eò etiam validiora.

Quod à plerisque creditur de varietate medicamentorum peculiare

humores allicientium, omninò vanum existimari debet, cum idem catharticum, diversis anni temporibus, aut corporum constitutionibus, exhibitum variam effecerit evacuationem, quod etiam Hipp. docuit *lib. de med. purg. & lib. de Natur. Hom.* Nec aliam purgantium differentiam adnotare licet, nisi quod validiora crassiores, & copiosiores secessus, quàm mitiora provocent Judicium insuper à coloribus desumptum fallax est, cum ipsa medicamenta variis coloribus eductos humores infecerint; præterquam quò diversæ mixturæ succorum præsertim Pancreatici, & Biliosi, illos colores gignere potuerint.

Medicamenta verò, quæ facilius exsolvuntur, citius quoque purgationem promovent. Sic Potiones ocyus, quàm Pilulæ purgant; & quæ exolutionem minimè patiuntur, re infecta, deiciuntur. Novi ego quendam, qui nausæ vitandæ gratia pilulas de tribus Galeni cera oblitatas deglutivit, quas post biduum integras sine ulla purgatione deiecit, succis nempe ventriculi ceram solvere nequeuntibus. Hac etiam de causa, nonnulla, ut efficacius solvant, cum cibo exhiberi solent.

Dissoluta in ventriculo purgantia venas, & arterias subire, atque una cum sanguine diversas partes petere, humoresque ibi impactos solvere, & educere, nuperrima experientia docuere. Refertur enim in *Actis Anglicis Ann. 1667. mense Decembri* infusos fuisse purgantes quosdam liquores in venas plurium ægrorum, quorum unus præsertim Gallica lue affectus tophaceos tumores in brachiis patiebatur, facta infusione, dolores sentire capit in cubito, & post quatuor horas peccantium humorum dejectiones habere,



bere, unde exostoses abiere, & à morbo, quo infectus erat, omninò liber evasit. Demonstrant hoc idem pulsum celeritas, & magnitudo mox ab assumpto cathartico, nec non à criticis per alvum evacuationibus febrium remissiones, & lactentium, medicamento à nutritibus epoto, purgationes.

Dum medicamenta per venas, & arterias permeant, obstructos viscerum meatus recludunt, & vitium in ipsis contractum tollunt, vel corrigunt, atque hysterica, hepatica, splenica, cephalica vocantur, quæ speciatim hæc viscera, aut peculiare succos corrigunt, à convenientia particularum cum poris eorundem. Quòd autem aliis cum aliis rebus cognatio, sive analogia intercedat, cum aliis verò non item, manifestum reddunt præ cæteris calx, & sales, qui aqua solvuntur, spiritui vini, & oleo contumaces sunt: Plumbum aceti tantum vapore in cerussam vertitur; & Mercurius licet quamplurimis coagulantibus minimè cohibeatur, saliva concrescit.

Non inconsideratè hæc purgantia exhibenda sunt, immò omninò vitanda, cum morbi tutioribus, levioribusque remediis cedunt, atque eorundem causæ sola correctione tolli, vel per alios ductus promptius, jucundiusque educi possunt. Si enim per sudorem, urinam, similesve egestionem citò, & tutò evacuari possent, haud esset arcessendum purgans medicamentum, quod sanè cæteris, & injucundius, & periculosius est; quin immò ex Galeno 2. de rat. vict. com. 12. Veneni naturam sapit; quare à Catharticis excitatio non levis habetur, cum certa virium jactura, emaciatione, fiti, nausea, & nonnunquam etiam

febre, ac hypercatharsi; unde Hipp. lib. de Med. purg. Eodem medicamento purgantur, & non purgantur, quandoque verò alia purgat, quàm quæ purgare solet; aliquando nimium purgat: quare fieri non potest, ut quis medicamentis confusus ea temere exhibeat. Quod advertit etiam Galenus. Qua ratione motus Asclepiades, referente Celso lib. 5. in principio. Medicamentorum usum magna ex parte subtulit, & cum omnia ferè medicamenta stomachum lædant, malique succi sint, ad victus rationem omnem curam suam transtulit. Itaque ex Platone in Timæo nonnisi maxima urgente necessitate, cum aliis auxiliis commodè morbo occurrere non potest, purgantibus medicamentis utendum, ad morborum causas tenaciùs hærentes deturban- das.

Educendi autem humores in iis ductibus resideant, oportet, quos medicamenta pervadere valent. Stagnantes enim in pectoris, renum, vesicæ, & uteri capacitæ haudquam catharticis evacuare tentandum est, cum inde retrahi non possint in ductus cum alvo consentientes; nitamen à medicamentis exoptetur evacuatio aliorum succorum, de quibus suspicio sit, ne in prædictos sinus illabantur.

Virium præterea, ætatis, firmitatisque membrorum ratio summo opere habenda est: nisi enim illæ constiterint, minimè licebit purgantibus uti. Nec consuetudo spernenda, nam quæ consueta sunt, etsi deteriora insuetis, minus molestore solent 2. aphor. 50.

In febribus etiam præsertim ardentibus, oportebit omninò ab iisdem cavere, ex Hippocrate lib. de medic. purg. ubi ait: Quicumque à fe-



*febris fortibus corripuntur, his medicamenta purgantia dare non expedit, donec febris remiserit.* Quod pariter confirmat *lib. de rat. vict. in acut.* In inflammationibus, & hypochondriorum inflationibus quoque ab illis abstinendum, siquidem magis exasperantur, non sine vitæ discrimine. Denique in omnibus acutis morbis rarò medicinis purgantibus utendum, & maxima cum præmeditatione monuit idem Hipp. *1. aphor. 24.*

Concocta insuper docuit Hippocrates esse medicanda, cruda verò non movenda *1. aph. 22.* Concocta autem dicuntur, quæ secreta à sanguine, cæterisque bonis succis, fermentescere desinunt, & in præcipationem vergunt, quod ostendunt symptomatum remissiones, & critica expurgationes. Cum ergo peccantium humorum expurgatio Naturæ motus sit, quæ primùm secerit, deinde secreta educit, Medicus, ut illius adjutor, ac imitator, eadem purgare tentabit. Si namque is secretionem minimè opperiretur, ipsam & sanguinem intertuleret, & exagitaret, cum bonorum, & malorum simul succorum evacuatione. Non tamen hinc fortasse quis existimet debere semper Medicum in morborum curatione totum opus Naturæ committere, & crism expectare. Nam tametsi id multoties summæ prudentiæ tribuendum sit, præsertim cum remedium tutum non est, vel superfluum, aut morbus ipse ignotus; coctio tamen, seu secretio, præcipitatioque semper promovenda est; unde Helmont. *lib. de febr. cap. 11.* ait: *Verus Medicus ante crism morbum superare debet, ideòque nec crism expectat, nec optat.*

Humores verò plurimùm abun-

dantes etiam in principiis morborum educendos esse colligitur ex eodem Hipp. *1. aphor. 22. & 4. aphor. 10.* Galenus etiam *1. aphor. comm. 24.* In morbis longis, inquit, coctionem semper expectare oportet, in acutis verò, dum turgent, etiam ab initio purgantibus uti possumus medicamentis: At non quia vagi, & errantes humores in partem principem decumbunt, ut voluit *4. aphor. comm. 10.* hoc enim repugnat experimento circulationis sanguinis. Quare arbitror in Græco Aphorismorum Codice legendum *ὅχι* pro *ὅπρ*. Rarissimè autem, seu numquam ita turgere observantur, ut vasa inflent, & pondus, anxietudinemque inferant, quod vel ipse Hipp. adnotavit *eod. 1. aphor. 22.*

Purgationem etiam præcipiunt humoribus ad alvum vergentibus ex Hipp. *lib. de rat. vict. tex. 64. & 7. epidem.* qui filium Pythonis quarto die purgavit, quia patiebatur inflationem ventris cum murmure; ut pariter si in visceribus principibus illi consistere videantur, nempe cum Cerebrum apoplexia, aut comate; & Pulmo hydrope afficitur; adeoque Morbus urget.

Leviora, vel validiora purgantia eligit Medicus pro varietate conditionis, & quantitatis humorum, habitus corporis, ætatis, regionis, consuetudinis, & tempestatis, de qua speciatim dixit Hipp. *4. aph. 5.* sub cane, & ante canem difficiles esse purgationes; vitatque Gal. *lib. quos, quibus, & quando ætatem, & hyemem;* idemque Hipp. *lib. de Aer. Aq. & Loc.* magnas temporum mutationes, utrumque solstitium, & æquinoctium, ac diversos stellarum ortus, & occasus.

Postremò viæ, per quas evacuan-



10. potissimum verò intestinorum; unde alvo adstricta purgans medicamentum non licebit propinare, priusquam illa fuerit emollita. Cæterum, evacuationes multitudine æstimandas non esse refertur 1. *aph.* 2. & 23. atque à siti superveniente desumptum indicium sæpissimè fallax experti sumus, quamvis contrarium suaderi videatur ex 4. *aphor.* 19.

Ad hæc rediguntur Clysteres, quorum usum primam commonstrasse Ibin avem Ægypto peculiarem, quòd consuetudinem habeat se purgandi rostri aduncitate, eam perluens partem, qua ciborum onera redduntur, refert Plin. *lib.* 8. *cap.* 27. & Gal. *lib. de ven. sect. adv. Erasistr.* Et sanè quidem non minùs Catharsis vitæ conservandæ necessaria est, quam ad eandem sustentandam assidua ciborum suggestio; nam sicut ciborum pars melior, & succulentior pervenas lacteas in cor, & reliqua viscera deferri debet, ita pars crassior, & faculentior ad sentinam Corporis, puta ad intestina, demandari, indeque expelli, ne reliquum corporis inficiat.

Varia deindè illorum genera adinventata sunt pro affectuum varietate. Hinc clysteres emollientes, & alvum laxantes, irritantes alii, & purgantes, impinguantes, adstringentes, discutientesque. Potissimi verò recensentur emollientes, & evacuantes, qui nulla, vel levissima motione alvi onera subducunt, quamvis illos omninò à praxi medica relegare conetur Helmontius *lib. de febr. cap.* 7. ubi eosdem vocat pudendum Medentum subsidium. Prorsus autem cavendum ab acribus, & catharticis, quibus intestina divexantur, & convelluntur, (& quidem aliquando accepimus ab honesto quodam viro, se à clysterio acri,

quod vocant Medicinale, statim mente motum in vertiginem tenebricosam incidisse, quam deindè subsequuta est dysenteria, & vix tandem medicamentis ex opio sanitati fuisse restitutum) nisi tamen intestina torpida sint, vel viscosis succis infarcta; vel etiam ex paralyti, apoplexia, caro, penitus obstupuerint. In Ischiade etiam proficius observatus est usus illorum ex vino, decocto colocynthidis, & bryoniæ, quibus tenaces succi educuntur. Non adeò tamen copiosi sint, ut retineri nequeant, aut valvulam intestini Colon lædant.

Quæ verò per vomitum purgant, parum differre videntur ab iis, quæ dejectionem movent, siquidem ista quoque si violenta fuerint, vomitum cient, ut notarunt etiam Vvalæus, & Fridericus Hofmannus.

Verùm ex his, quæ vomitum provocant, quædam mitissima sunt, & tantum nauseam inferunt, ut sunt oleosa, pingua, aqua tepida: Alia verò præter nauseam, leviter etiam ventriculum stimulant, & mediocre evacuationem movent, ut Asarum, & Diasarum Fernelii, succus raphani, summitates recentes sambuci, anethum, semen urticæ, oxymel scilliticum. Alia demùm motionem validam, irritationemque ventriculo faciunt, adeoque humores etiam ex adjacentibus partibus educunt, uti sunt helleborus albus, nuxvomica, vitriolum album, sal vitrioli, crocus metallorum, mercurius emeticus, turpethum minerale, pulvis algorethicus, aurum vitæ, hercules Bovii.

Inter hæc recenset Navigationem Hippocrates 4. *aphor.* 14. quam, præ motu inæquali, nausea, & vomitus plerunque comitantur.

Quæcunque autem ventriculum

val-



valdè exagitant, & laceſſunt, ut ſunt venena, cùm primùm in ventriculi tunicas impinguntur, vomitum concitant, eo quòd is ab irritamento quodammodò convellatur, & contracto pyloro fuſum revolvatur.

Vomitoria in plurimis affectibus commendantur, potiffimùm cùm ventriculus, pancreas, adjacentefque partes noxiorum humorum copia infeſtantur. Non tamen omnibus, & quacunque temporum conſtitutione inconfideratè præcipienda. Sic Hippocrates ab his abſtinet in corporibus obefis, difficulter vomentibus, melancholicis, & tabidis 4. *aphor. tex. 6. 7. 8. & 9.* Unde in affectibus Gutturis, Pectoris, & Pulmonis vomitus periculofus eſt, ut in herniis, procidentia uteri, oculorum inflammationibus; ubi nimirum violentus ventriculi motus noxiuſeſt, & vaſorum diruptio, viſcerum delapſus, vel ſuffocatio timetur. Convenit verò in febribus præſertim intermittentibus, quarum fomes circa ventriculum jacet, ſicut pariter in nephritide, epilepfia, malacia, cæterisque morbis, quos præ cæteris enumerat Fridericus Hoffmannus: Potius æſtate, quàm hyeme illa probat idem Hipp. *cap. 4. aph. 4.* quia tunc ductus corporis patentiores, & laxiores ſunt, faciliuſque humores per ſuperiora feruntur.

Demùm tempus matutinum opportunius eſt ad vomendum, ſtomacho nimirum cibis vacuo, dummodò non adſit aſſumpti veneni ſuſpicio, aut ingruat paroxyſmus, ſive ventriculus plurimo cibo ſit gravatus; tunc enim, nulla mora interpoſita, vomitus ſunt provocandi. Juvabit etiam prius comedere, cùm oleoſi, viſcoſique humores ſunt per vomitum educendi, illi namque ci-

bis devincti facilius à tunicis Ventriculi ſe moventur, & egeruntur.

### DE DIURETICIS, ET Hydroticis.

**Q**Uæ urinam movent Diuretica dicuntur, ſuntque Radices Ariſtolochiæ rotundæ, Aſparagi, Althææ, Apii, Adianti, Fœniculi, Graminis, Glycyrrhizæ, Ononidis, Raphani, utriuſque Petroſelini; nec non Semina Rutæ, Urticæ, Sinapis, Naſturtii, Peponum, Cucurbitæ, Milii ſolis; Nuclei Ceraſorum, Perſicorum, Meſpilorum; Fructus Alkekengi, Baccæ Juniperi, Betulæ liquor, ſuccus Parietariæ, Decoctum herbæ Thee, & Ligni Indici nephritici; Refina Terebinthi, &c.

Inſuper ſpiritus ſalis dulcis, baſamum ejusdem, ſpiritus vitrioli philoſophicè elicitus, crocus martis aperitivus dictus, ſal Tartari volatile, ſpiritus Tartari rectificatus, flores ſalis ammoniaci, Arcanum duplicatum Mynſichti, lapis judæicus, lapis nephriticus Indicus, Cryſtallus, tinctura ſilicum cum ſpiritu ſalis urinæ volatili extracta, & alia plura.

Prætereà lapis nephriticus humanus, ſpiritus urinæ volatilis, lapides in veſicis felleis Bovum reperti, ſanguis Hirſci, lapis Percarum, & Carpionum, teſtæ limacum terreſtrium, ovorum, & concharum, oculi, ſeu lapides cancrorum, lumbrici terreſtres, eorumque ſpiritus, & eſſentia, mille pedes, eorumque pulvis deſcriptus ab Hartmanno, ſal Ranarum, & Bufonum, Cantharides.

Qua autem ratione, non inter omnes convenit. Helmontius *lib. de lithiaſi cap. 5. num. 17. & ſeq.* in hæc claſſes diuretica diſtinguit: *Quænam*, inquit, *urinam corroſivo*  
vene-



veneno acuunt, ut *Cantharides*. Alia aciditatem provocant, ac relinquunt in lotio, & stranguriam excitant, quales sunt *Cerevisiæ recentēs*. Sunt, quæ urinam reddunt abstersivam, ut fontes aciduli, *vitriolum Martis*, *lapis cancerorum*; itemque herbe passim gaudentes etymo diureticorum, continentque singula alkali volatile, vel saltem istud subter digerendum acquirunt. Sunt & quædam, quæ lotium provocant, stimulantque expultricem, quatenus putrilaginem urinæ generant, cuiusmodi sunt *Raphanus*, *Asparagus*, & cætera. Sunt quoque diuretica, quæ grato odore lotium, renesque reficiunt, ut *Macis*, *Nux myristica*, *Terebinthina*, *Mastiche*, *Juniperus*. Sunt etiam quæ ex Alkali lixiviali sub digestionem, migrant in acredinem vias urinæ abstergentem, instar saponis, excretricem stimulant, & adnatas sordes incidunt, cuiusmodi sunt, quæ ex testis, lapidibus, cineribusque appropriatorum colliguntur, quæque sola saxifragorum nomine digna videntur, precipuè, si in gradum volatilitatis sint deducta. Est demum Diureticorum genus, quod parva quantitate lotii copiam è toto corpore fundit, ut *millepedes*, species de *becabungæ*, item succus *conchyliorum marinarum*, *nigrorum*, *oblongorum*, & quæcumque nitrum volatile continent, quæque renes torpidos ex proprietate excitant. Est & genus, quod sedandis renum doloribus utile, hæsitantes confortat, quale est in *Croco*, *Rhabarbaro*, & *Casia inversis*, idest visolutiva prius orbatæ; spiritus salis marini nedum diureticus est, simulque stranguriam lenit, qui-

bus calculus in vèsica volvitur, verum insuper calculos renum minuit, si ultimo igne distilletur re-verberii.

Vvillisius in *Pharmac. Rational.* Diureticorum medicamentorum P. I. S. I.  
cap. I. classes tres constituit desumptas à fine, materia, & forma. Quod ad finem, inquit, si quando cruor adeò crassus, & tenax evadit, ut particula aquosæ à reliquis haud facile secedant, diuretica, quæ compagem eius laxent, & serum fundant ejusmodi sint, oportet, quæ sale volatili, vel acido pollent; tales namque particula combinationes à sale fixo initas potissimum dissolvunt; quandoquidem verò hæc diathesis & feбри, & scorbuto communis est; in priori affectu diuretica maximè propria sunt, tum acida vegetabilium temperata, sal nitri, spiritus salis marini, vitrioli, tum sale volatili prædita, uti spiritus C. C. salis armoniaci, sal succini, viperarum. In scorbuto verò cum urina, & pauca, & crassa est, herbarum succi, & præparata, tum acria, tum acida, egregii sunt usus, item sal, & spiritus urinæ, salis armoniaci, tartari, &c. Cum autem sanguis serum intra compagem suam non diu satis retinet, quin vel fluxionibus, seu potius coagulationibus obnoxius, illud hic, illic, in magna copia affatim deponens, catarrhos, aut tumores variis in locis concitat; vel sanguis habitualiter debilis, simulque δυνάτωρ, scilicet in acorem vergens, quoad particulas suas crassiores ad coagulandum aptus est, proinde ut tenuiores inter circulandum ubi vis ablegatæ, ac in partes imbecilliores decumbentes, affectus modo cephalicos, aut thoracicos, modò A-



*sciten, aut Anasarcam inducant. Diuretica in his casibus exhibenda sint ejusmodi, quæ sanguinem haud fundant, sed coagulationes ejus tollant uti sunt sale fixo, volatili, ac etiam alkalifato prædita. Insuper quæ Renum fermentum corroborant, aut restitunt, uti sulphurea quædam, & spirituosæ. Ad hos fines Diuretica sulphurea, & mixta, sales herbarum lixiviales, pulveres testacei, sal, & spiritus urinæ, &c. millepedes, radices raphani sylvestris, semen apii, nuxmoschata, terebinthina, ejusque præparata, spiritus vini, quorum omnium virtus non est sanguinem fundere, & serositates à massæ ejus præcipitare, sed cruoris coagulationes dissolvere. Reliquæ species à materia, & forma petitæ apud eundem videndæ part. prima Pharmac. sect. 4. cap. 2.*

Hydrotica, seu quæ sudorem ciunt, sunt Carduus benedictus, Angelica, Dictamnium utrumque, Gentiana, Contrayerva, Scorzonera, Zedoaria, Vincetoxicum, Scordium, Nasturtium, Cochlearia, flores Sambuci, folia Hyperici, eorumque sales, spiritus, extracta, aquæ. Similiter sarza parilla, saxifras, lignum guajacum, & sanctum, & ex Resinis, camphora, opium. Bezoarticum minerale, joviale, solare, lunare, Antimonium diaphoreticum, sulphur auratum Antimonii, Mercurius diaphoreticus, atque plura alia ex Antimonio, & Mercurio præparata; Sal volatile succini, ejusque Spiritus, ut & spiritus volatilis vitrioli, &c. lapis Bezahar, Unicornu, C. Cervi, Os de corde Cervi, spiritus, & sal volatile ejusdem, spiritus sanguinis, sal volatile urinæ, spiritus salis ammoniaci falsus, sal viperinum, sanguis hirci. Et alia.

Eadem, vel certè non multum dissimiliratione, sudores, atque urinæ provocantur; undè non rarò vices commutant, & quæ medicamenta ad urinam movendam exhibentur, sudores eliciunt, & contra.

Quibus denique in affectibus magis conferant diuretica, & sudorifica, & sub qua forma, ac dosi exhibenda sint, in Volumine de Morbis Partium exponemus.

## DE PHLEBOTOMIA.

**M**edicis, qui à sanguinis missione opem sperant, in hac mendedi parte Magister extitit Hippopotamus: Assidua namque satietate obesus exit in litus, recentes arundinum cæsuras speculatus, atque ubi acutissimum videt stipem, imprimens corpus, venam quandam in cruce vulnerat, atque ita profluvio sanguinis morbidum aliàs corpus exonerat, & plagam limo rursus obducit, ut habet Plin. lib. 8. cap. 26. Referuntque primum Podalirium hoc remedii genus inter homines exercere ausum, Syrnæque Damoethi Cariæ Regis filiam è tecto delapsam, detracto ex utroque brachio sanguine, servasse, illamque deindè Patrem hominis ingenium admiratum ei uxorem tradidisse, Cherroneso in dotem attributa.

At Chrysippus Cnidius, cane pejus, & angue hoc inventum odit, & venæ incisionem ex omni medicinalium præsidiorum numero tollendam censuit. Sequuti hunc sunt Medius, & Aristogenes, Medici apud Græcos clarissimi. Præter hos jure optimo laudibus extollendus est Erasistratus, quòd ea omnia, quæ Veteres per Venæ sectionem curare conati sunt, ipse citrà illius usum medicatus est. Easdem curandi rationes

Gal. de cur. rat. per sâg. miss. c. 2. & ad vers. Erasistr. cap. 2.

abf.



absque venæ sectione prosequutus est Strato Erasistrati Auditor, ut ceteros fileam maximæ existimationis Medicos.

Sequentibus temporibus Galenus iterum Phlebotomiam inter præcipua remedia recepit; quam usque ad Paracelsi tempora omnes ferè Medici retinere, immò hoc uno præsidio cunctos morbos curare se posse crediderunt. Paracelsus verò de Phlebotomiæ auxilio rursus dubitare cœpit, atque in omnibus ferè ægritudinibus loco ejus blandiora substituit medicamenta. Hujus vestigiis inhæserunt Severinus, Scheuenemannus, Crollius, Hartmannus, Quercetanus, Faber, Poterius, Petrus, Crusius, Kergerus, Sala, alique plures viri de Medica facultate optimè meriti. Demum Helmontius nullum sanguinis detractioe detrimentum majus inferri posse opinatus est, ut latè prosequitur *de febr. c. 4.* Idem omninò sentiunt ex nostratibus Thomas Cornelius, & Leonardus à Capua, quibus nudam sese Natura visendam exhibuit, cæterique maximæ expectationis Juvenes. At qua ratione Galenus Phlebotomiam probaverit, videamus.

Putavit, sanguinem non rarò, plusquam Natura exigat, superabundare; plerumque etiam nimio calore putrescere, & cacochymiam contrahere, ac proindè detractioe, & refrigeratione egere. Præterea, quandoque præternaturam ad aliquam corporis partem irruere, & inhærere; unde venæ sectione revellendum, aut derivandum existimavit. Denique in omnibus acutis morbis, quos magnos vocat, sanguinem mittendum arbitratur, cum illi hoc magnum sit remedium.

Ad primum quod attinet, vix

rationi consentaneum videtur, Naturam, quæ in necessariis nunquam deficit, in superfluis abundare, ut tantum sanguinis progigni patiatur, quantum venæ agrè capiant. Præterquam quòd nonnisi à cibis largè sumptis sanguinis superfluitas esset, quando potius, qui crapulæ indulgent, pinguiores evadunt; & in obesibus minus sanguinis, & venæ tenuiores observantur, quam in gracilioribus. Neque ex eo, quòd aliquando morbi spontè naturæ ab hæmorrhagia desisse visi sunt, rectè inferri potest à Medico sanguinem esse mittendum: Nulla enim ars imitari solertiam naturæ potest; & quis unquam illam adeò dextrè imitabitur, ut abscessus, convulsiones, catarrhos, hydropem, excitata febris, medeatur? Immò non rarò evenit, ut ipsa eadem in similibus evacuationibus peccet, & immodicas hæmorrhagias per nares, uterum, & marilcas, cum vitæ discrimine, concitet. Et si aliquando ægros sanguinis detractioe ab orco revocatos prædicent, id casu quidem evenit, cum hinc via ad salutem non pateat, & plerosque evidens periculum vitæ hoc præsidio subire observemus; neque bonis Medicis licebit experimenta per hominum mortes agere, & in re tanti momenti adeò periculosa, & dubia tentare, quæ rarissimè, & sine certa ratione aliquando juvasse visa sunt, & præterea sæpissimè interimant. Frustrà autem, ubi fractæ vires sentiuntur, ab electuariis, margaritis, smaragdis, aliisque pretiosis remediis, (quia magno pretio emuntur,) auxilium petitur, cum in alimentum hæc non transeant, & à succis ventriculi non exolvantur. Adde, quòd si exolverentur, & in alimentum transire



possent, uti sunt juscula, & contusa, potius nocerent, quàm aliquid emolumentiafferrent, viribus effœtis, & ventriculo ad digerendum inidoneo jam reddito.

Ad reliqua verò. Impossibile quidem est sanguinem putrescere, aut cacochymiam contrahere, vita superstita, nisi cum rerum Naturæ imperitis putredinem dicere velimus substantiam illam albicantem nutritioni destinatam, quæ cum sanguine solet educi. Putredinem autem tantum abest, ut phlebotomia tollat, ut valdè illam potius adaugeat, florida portioneeducta, reliqua crassiore, & corruptioni magis obnoxia remanente; & quemadmodum ex Paracelso stultè ageret, qui vinum simul, & muscam illapsam effunderet, ita malo consilio Medicus putridam portionem cum florido sanguine vitæ necessario educere tentaret. Neque peccans sanguis hac ratione corrigitur, sicut vinum fugiens detractione haud sisti videmus. Et quamvis refrigerare, & ventilare, ut ajunt, illis videatur sanguinis emissio; id tamen ad majorem ægri perniciem facit, etenim, aut morborum curationem impedit, aut vitæ fomitem penitus extinguit.

Quòd autem dixerint Venæ sectione accurrentem ad læsam partem sanguinem posse sisti, ac retrahi, ignorantia circulationis factum est: putarunt enim sanguinem in humano corpore tanquam Vinum in utre immobilem manere, & posse aliquando à læsis partibus in auxilium trahi: Sed hos hic nihil moror, cum vix mihi persuasum habeam nostris temporibus, post tot erudita inventa, Rationales Medicos inveniri, qui hæc suspicentur.

Egressus demum è suis vasis san-

guis, si fortassè alicubi restagnaverit, & tumores, seu inflammationes, quas dicunt, tulerit, non modò phlebotomia educi non poterit, verum illa impediatur ejusdem exolutio, & per poros evaporatio, quæ sola in his affectibus promoveri debet.

Præterea, malè ex Hippocr. 1. *aph.6.* ubi extremis morbis extrema exquisitè remedia convenire asserit, Galenus infert 2. *aph. comment.29.* illa esse Venæ sectionem, & Purgationem, cum potius extrema, & magna remedia sint, quæ radicitus, & sine mora causas morbificas abscindunt; atque hæc bono consilio, Hippocrates in magnis, & acutis morbis adhibenda suadet, siquidem in his tardare periculosum est 4. *aph.10.* Contra verò magna mala appellanda sunt, quæ extremos motus, & labores excitant, viresque enervant, sitim augent, ventriculum perturbant, uti sunt Phlebotomia, & Pharmacia. Unde mirari satis nequeo eximios alioquin viros in hac re hallucinatos esse, quos tanta suorum Medicorum fiducia tenuit, ut propriæ vitæ jactura, summa hæc præsidia experiri veriti non sint, inter quos præcipui Galilæus, Gassendus, & quod maximum, ipse Vvillisius, Medicus nostri temporis celeberrimus. Accedit, quod Hippocr. *cit. loc.* potius de tenuissimo victu in morbis peracutis exhibendo loquutus est, quàm de Phlebotomia, & Purgatione; quod deducitur ex eo, quia in textu præcedenti, & sequenti de victu ægrotis præbendo sermonem habet: & quod gravius, ita etiam sentit Galenus in *comment. ejusdem aphorismi*, & Cardanus hae eadem ratione ait, hunc aphorismum cum sequenti conjungi debere.

Sunt



Sunt, qui phlebotomiæ parcunt, at hirudinibus utuntur, existimantes malum, quàm minimum ab his inferri posse; tum quòd parum ægros debilitent, tum etiam quòd nonnisi putridum, & fæculentum sanguinem exhauriant. At ridiculi sanè hi sunt: idem enim est detracti sanguinis detrimentum, siue ferro, siue suctu is extrahatur; neque hirudines hac lege cum Medicis convenerunt, ut malum solùm sanguinem biberent.

Sileo cætera his affinia, magno in pretio à nostri temporis Medicis habita, Cucurbitulas, Ligaturas, Vesicantia, & Cauteria, quæ summo miserorum ægrotantium cruciatu, & medentium crudelitate, absque ullo profectu, immò magna salutis jactura, inter medicamenta recepta sunt, ut in dies experiuntur quicumque hæc cernere non abhorrent: Cucurbitulæ enim, & ligaturæ tantummodò tumoris, & livoris causæ sunt, & si scarificationes adhibeantur, eadem, quæ à sanguinis detractio, nocumenta afferunt. Ichores, quos educere videntur Vesicantia, alimenti, quod partibus accesserat, portiones sunt, sæpè etiam impositi linimenti liquamen. Idem de Cauteriis observare est, quæ præterea extenuant, fluxiones magis movent, & partem usitam summè infirmant.

### DE DIORTHOTICIS.

**E**Gimus hucusque de his, quæ morbificas causas evacuando tollere possunt, superest, ut de Diorthoticis aliquid in medium afferamus. Diorthotica autem appellamus, quæ vitiatos humores corrigere, & integritati suæ restituere valent. Hi verò vitari dicuntur,

*Tozzi Op. Med. Tom. I.*

cùm fiunt nimis crassi, ténues, fluxiles, volatiles, nec non acres, falsi, acidi, austeri, aut alii.

Qui crassi sunt, tenaciterque adhærent, attenuantibus, dissolventibusque corriguntur, iis præsertim, quæ spiritu volatili, aut sale lixivio constant; nec non diluentibus, & emollientibus. Contra verò ténues, & valdè fluxiles, glutinantibus, & coagulantibus temperantur, ut pariter opiatas, & alkalicas, & iis, quæ partium tenuium mobilitatem sistere possunt. Acres acidis, & Acidi acris remediis retunduntur. Sic etiam, quæ sale volatili oleoso abundant, austeritatem corrigunt; Salsilaginem verò, aquea diluendo, acida retundendo, oleosa, & opiatâ vinciendo. Hæc Acidum quoque, & Acre hebetant, potissimùm si volatili conditione sint prædita. Pinguibus autem occurrunt acidis, & salitis.

Corrigere etiam solent peccantes succos leniter evacuantia, ut Tamarindi, Rhabarbarum, Aloe.

Alkalia insuper in febribus, inflammationibus, aliisque ægri tudinibus, in quibus, vel Acre, vel Acidum exuperat, prosunt. In tumoribus resolventia; In ulceribus verò, & vulneribus detergentia, & consolidantia.

Postremò quæcunque robur tuentur, inquinamenta secernunt, ac præcipitant, sanguinemque depurant, præ cæteris sunt in ægri tudinibus eligenda.

Inter corrigentia etiam numerantur Aer, Cibus, & Potus, Motus, & Quies, Vigilia, & Somnus. Sic ab Aere nimium crasso, & occluso, Cachexia, Hydrops, Asthma, Obstructio, aliæque ægri tudines illatæ, mutatione in tenuiorem, & apricum tollentur; quæ à nimia il-



lius tenuitate sunt, Marcores, Hæmoptoe, crassitie corrigentur.

Vitia à cibis humidis, & oleribus contracta, acribus, solidioribus, & aromatis emendantur; & quæ ab his sunt, illis tolluntur. Sic quæ à nimio victu, diæta; & contra.

Longa exercitia, & vigiliæ, otio & somno rependuntur. Inertiæ ve-

rò, & languores ab otiis exorti, motibus, & exercitiis solvuntur. Idem in Animi pathematibus observandum. Atque ex his quisque poterit cætera corrigentia, nullo negotio elicere, & in hoc sensu intelligenda putare, quæ Hippocrates, & Galenus de mutua contrariorum curatione scripserunt.

F I N I S.



# LUCÆ TOZZI MEDICINÆ

PARS ALTERA

## ΠΡΑΚΤΙΚΗ,

Quæ hætenus adversus Morbos adinventæ sunt ,  
luculenter, & brevissimè explicans.

B. B.

VIRO EXIMIO.

ΕΥΠΡΑΤΤΕΙΝ.



On longè abfuit (ORNATISSIME VIR) quin hanc alteram Medicinæ partem, quam morborum descriptiones, adinventæque adversus illos remedia, continere voluisti, cæcis tenebris committerem potius, quam publicæ luci, ut decet, perpolitam exponerem: quod quidem libentissimè fecissem, nisi jamdudum utramque partem sub tuo arbitrio esse voluissem, & solo nutu regi. Postquam enim defecerunt veræ sapientiæ, veritatisque cultores, ea est in nostra hac urbe Literatorum fortuna, ut si bonæ artes tantum neglectui haberentur, benè consultum illis esset, qui eas norunt. Verùm plerique præposterè eruditi, & solos se sapere putantes, adeò iniquis odiis insectantur eos, qui exquisitis literis incumbunt, veritatisque quærendæ studio tenentur, ut parum putent neglectæ Religionis notam illis inurere. Te jam accepisse reor quanta ab hujus generis hominibus probra, maledictæque in nostrum Cornelium extinctum fuerint cumulata, neque inculpatam, honestamque vitam in cognitione, atque exercitatione optimarum rerum, duxisse illum juvit, adeò non defuerit, qui ejus aureum opus publico incendio arsurum temerè effutiret: Attamen generosi Viri Francisci ab Andrea magnanimitate discussa est rerum caligo: regali is enim pompa in D. Mariæ Angelorum ad Echiam instituta, immortalis amici, majora semper merentis, memoriæ parentavit, insana perversorum hominum commenta repressit, & Patriæ suum decus reddidit, summo bonorum omnium plausu, atque admiratione. Præterea in mentem revocare poteris quàm propè fuit, ut in vincula conicerer hoc solo, quòd in prima parte, ex Galeni, Aristotelisque sententia omnia non scripserim. Verum quidem est, quòd impensius dolerem, & me hoc denique tempore natum pigeret, tæderetque, nisi veteres essent hi nostratum mores:



Nam cū omnes quotquot in hac urbe haberi potuerunt, qui in aliquo doctorum Virorum numero essent, certis quibusdam diebus in recessum aliquem se reciperent, ubi de variis disciplinarum generibus sine fūco, & non ad popularem auram captandam, sed ad solam rerū veritatem ē tenebris eruendam disceptaretur, ecce tibi quādam pestes hominum, tantum bonum huic urbi turpiter invidentes, ita fortassē otiosorum hominum maculam efugere se posse existimantes, tantum sunt conati, ut illum virtutum omnium recessum, atque honestissimas illas, jucundissimasque concertationes, non sine ingenti animi dolore, ac omnium mœstitia, relinquere coacti simus. *Hæc de suis temporibus Venusinus quæstionum Lucullianarum Author.* At puta hæc omnia contemnenda: natura rei, de qua me scribere voluisti, tergiversationem, tarditatemque meam satis excusare posset: adeo enim incerta sunt, quæ de Morborum causis, & Medicamentorum auxilio circumferuntur, ut hominis non sit sincera fide agentis illa in medium asferre, probareque. Quis enim illorum virtutes unquā bene explorare, aut quibus viis illas exerant, invenire posse confidat? Finge tamen exploratas, inventasque: quis unquā asserat à mistura, & compositione aliarum rerum non immutari? Neque licet experimenta commemorare, atque in conspectum proferre: quā enim fallax sit illorum successus, jam pridem Magni Viri demonstrarunt. Incertum etiam est, quas vires in stomacho acquirant, aut deperdant assumpta pharmaca; neque in omnibus ejusdem roboris ille est, præsertim morbo omnia immutante, ut mirum non sit eadem iisdem ægrotis, aliis tamen temporibus exhibita, diversissimos effectus peperisse. Neque aliter credendum est accidere, dum resolvuntur, & cum aliis intestinorum succis commiscantur: ibi enim inverti, depravari, corrumpi, & varias, innumerasque subire mutationes, tam facile est, quā quod facillimum pro varia stagnantium, confluentiumque succorum commistione, ut proinde quod pro remedio datum est, veneni malitiam aliquando sortiatur. Demum quoniam variæ sunt corporum constitutiones, variant etiam succi, atque eorum actiones; unde fit, quod idem medicamentum alteri opitulatur, alteri verò nocuum est, immò quæ juvenes utilia experti sumus, procedente jam ætate, velut inimica reiicimus. Anni quoque tempus variū multū in hac re posse cognoscimus; itemque Aeris inclementias, ciborum, & potuum diversitates, apparatus humorum varios, & mille propemodum tum animi, tum corporis vicissitudines, aut casu inopino, aut occulto fato contingentes. Hinc levis quidem illorum conjectura est, qui putant, eosdē effectus à liquoribus assumptis sperari debere, quos in illis, cū extrā corpus miscentur, contingit observari. Hæc, aliaque plura in causa erant, quare fidem meam liberare lentius cogitabam. Verū quoniam expectationem tuam frustrari mihi religio est, quæ de Morborum natura, & curatione his difficultatibus circumventus colligere potui, hoc altero libello accipies. D. Monfortius noster ab Oriente redux in boreum Urbis collem loci amœnitate allectus serecepit, unde aliorum labores, anxietatesque, ipse curis vacuus, velut ab alta specula intuetur. Tibi plurimam salutem dicit, & Te quamprimum nostras oras revisurum optat. Vale. Neapoli VII. Kal. Octobris M. DC. LXXXVI.

LUCAS TOZZI.



D E

## N A T U R A ,

## E T C U R A T I O N E

*Singulorum Morborum.*

Theoria ad Praxim tranſimus, quarum alteram alterius ope inventam credunt. De hoc convenit, quòd utraque ad humanam ſalutem dirigitur, qua nil pretioſius, aut æſtimabilius. Hic propterea, quicquid hætenus adverſus morbos ab aliis excogitatum eſt, breviter colligemus, primùm Capitis, deinde Pectoris, denique imi Ventrìs affectiones particulatim percurrentes.

D E

## MORBIS CAPITIS:

*Et primò*

## DE CEPHALALGIA.

CUM Cerebri meninges, & pericranium affliguntur, Nos caput dolere dicimus, ipſumque morbum Cephalalgiam, mutuato à Græcis nomine, appellamus. Non ſemper tamen patientes eodem modo hic dolor afficit: quandoque enim internas partes capitis moleſtat, interdum externas tantùm, quæ etiam modo pungi, modò gravari, & cum diſtentione pulſari ſentiuntur: nec rarò dimidia ſolùm capitis pars dolet, quæ affectio Græcis dicitur Hemicrania.

Huic morbo cauſas attribuunt Galenici quæcumque vehementer alterare caput valent, ut frigus, & æſtus aeris, venti aquilonarès, & auſtrini, cibi acres, & flatus moventes, nimius vini potus, quæ acutè nimis

olent, iſtus, caſus, affluxus humorum, atque intemperies, ſive calidæ, ſive frigidæ, cæteraque hujusmodi: putantque pungentem dolorem eſſe ab acribus, & bilioſis humoribus, gravantem à phlegmaticis, à flatibus verò inflantem cum diſtentione.

His addidere Recentiores alias plures: veluti ſanguinem detentum in plexibus, vel in vasis meningum, qui gravando, aut diſtendendo dolorem infert: liquorem in nervis contentum, qui illorum fibras non repurgatus traiciat; unde fortàsè periodicæ Cephalalgix, ut advertit VVillifius: Serum, ſeu Lympham in ventriculis, vel inter utramque meningem occluſam, ut pluribus cadaverum diſſectionibus innotuit, & teſtatur Riverius *obſ. 37. cent. 1.* Pu ex abſceſſu, aut vomica eaſdem partes obſidens. Tumores, & tubercula dolorem capitis, præſertim diuturnum afferre adnotat idem VVillifius *de anima Brutorum*. A vermibus ibidem genitis, ex Foreſto, & Schenckio: Itemque à calculis, inflammatione, aliisque, ut ex pluribus deducit Bo-

P. 2. c. 1.  
lib. 9. de  
Var cap.  
aff. Schol  
obſ. Lib.  
1. obſ.  
Lib. 1. A-  
nat. præſt  
ſect. 1.

netus.



Lib. de  
loc. in  
homine  
lib. 8. c. 1.

netus. Similiter à mala capitis conformatione, meningum crassitie, & futurarum constrictione, ac relaxatione, non rarò etiam diutinos dolores induci, docemur ab Hippocrate, & Celso; quod pariter in his, qui caput acutum habent, notavit Gal. 6. *epid. comm. 1. t. 3.*

Per sympathiam, seu consensum aliorum viscerum Cephalalgia non rarò etiam exoritur. Præsertim verò compatitur caput, & dolet, ex malè affectis, ventriculo, utero, liene, mesenterio, varicibus, cæcisque hæmorrhoidibus. Ab his enim infectus sanguis, nedum Capiti, sed etiam cæteris partibus sensu præditis, dum circumit, molestiam afferre potest, contracta nimirum inde acritudine, atque apta ad pungendum, distendendum, fermentandumque conditione. Observat autem Joubertus dolores capitis ab affecto ventriculo dependentes magis anteriorem partem vexare; posteriorem verò, & verticem, qui ab utero: quod etiam confirmat Langius *lib. primo epistolarum*.

Tr. Duu  
vir.

At Helmontius pluribus contendit hos dolores procedere solum à *Duumviratu* per nudam actionem regiminis constituti in splene, & stomacho, citra vapores caput, & meningis pertingentes; si nimirum prædictæ partes malè affectæ suis muneribus non fungantur.

Verum quæcumque sentientes partes corporis malè afficiunt, ut aliàs de sensu tactus ostensum est, huius doloris causæ esse possunt. Eò autem dolor erit vehementior, quò pars affecta magis nervis referta fuerit, & afficientia violentiora. Quæ verò sensim poros partium subeunt licet dissidentanea sint, tractu temporis consentanea evadunt, & vel nihil, vel levissimè molestant; secus autem, quæ sensim applicita voluptatem af-

ferunt, si repentè adhibeantur, plurimum excruciant: ut experimur cum gelidas manus ad ignem subito calefaciendas admovemus.

Scribit Galenus 3. *de loc. aff. cap. 9.* solum interiores capitis dolores ad radices usque oculorum pertingere. At verum non est: succingit enim pericranium oculorum orbitas, efformatque primam eorundem tunicam adnatam, seu conjunctivam dictam. Cæterum Hemicrania, & aliæ doloris species ex conquestu patientis notæ fient.

Causæ pariter Cephalalgia conici poterunt ab his, quæ ab adstantibus, & ægro referuntur, ex assumptis cibis, ac potibus, vigiliis, & exercitiis immoderatis, egestionibus, aut retentionibus excrementorum, animi pathematis, aliisque. Conjectamus autem dolorem à sanguine procedere, si præcessere ejusdem suppressiones, qui aut ex hæmorrhoidibus, aut ex utero, aut ex naribus periodicè fluere consueverat. Erit à liquoris nervorum vitio, si cephalalgia statutis quibusdam horis invadat, & repetat, præsertim manè, & à somno, vel tempore distributionis alimenti; vel quando chylus cum remeante sanguine permiscetur, & in arterias carotidas traducitur. A sero, seu lymphæ; si cum catarrho, urinis copiosis, & turbatis, humore narium, & sudoris consueti suppressione fiat, 4. aph. 70. præsertim si vigeat in constitutione pluviosa, aut immoderatos potus, & aquosos cibos sequatur.

A tuberculis, tumoribus, abscessibus, aliisque Cephalalgiam suspicabimur, cum præter graves, & diuturnos dolores, cerebrum sopore gravator; neque tam facilè, etiam efficacissimis remediis morbus cedit. Pari modo conjectandum de calculis ibidem genitis, aut de vermibus, nisi quòd



quòd in his dolores erunt erodentes cum frequenti vertigine, præsertim in motu capitis, fœtor per os, & nares exhalabit, quæ pruritus etiam patientur cum sternutatione, ut observat Sennertus. Quòd si puris egestio compareat, vel per aures, vel per nares, aut palatum, certum indicium erit maturati, & jam disrupti apostematis.

A mala futurarum, aut meningum conformatione dolor erit diuturnus, nullis remediis cedens, & à crapula gravior evadet: fortè etiam apparebunt notæ malè conformati capitis.

At verò idiopathicus à sympathico distinguetur; quandoquidem ille continuus est, & in capite vitium arguit, cum aliqua animalium operationum læsione; hic verò erit interruptus, atque aderunt reliquorum viscerum, præcipuè naturalium, affectiones. Porro solet potissimum consentiens iste dolor à ventriculo, liene, mesenterio, pancreate, & utero pendere, unde nausæ, infirmæ, vel tardæ digestionis, inflationes, ructus, alvi durities, & alia in hypochondriis symptomata percipientur.

Quamvis autem ex his prudens Medicus plerumque probabiliter coniiciat de variis, diversisque causis Cephalalgia, non rarò tamen eundem falli contingit; siquidem dolor creditus ab una causa esse, detectus est habuisse ortum ab alia omninò diversa, facta nimirum sectione cadaverum ejuscemodi morbi genere interemptorum. Quamquam & in hoc etiam non levis error accidere possit, cum plurima fieri possint in ipsa extrema vitæ periodo, perturbato nimirum in suis operibus universo Naturæ ordine, ut quæ prius neutiquam extiterant, repente accendant.

A causis externis illatus, solutu fa-

cilior esse solet, difficilior verò ab internis. A phlegmone, abscessu, pure, tuberculis, calculis, & vermibus, inferre solet deliria, coma vigil, vel somnolentum, motus epilepticos, apoplexiam, paralysem, surditatem. Noviquendam diuturno capitis dolore vexatum, tandem surdum evasisse, facta scilicet post longum tempus purulenti humoris depositione ad aures, unde diù, & abundanter ille effluxerat. Qui à mala capitis, & meningum conformatione ortum ducit, insanabilis censendus est. Si præterea cum acuto capitis dolore exteriora frigescant, urinæ pellucidæ excernantur, atque accedat vomitus varius, & multorum colorum; sonitus aurium, vertigo, aut manuum torpor, malum ex Hippocrate. Quandoque etiam dolor capitis, qui citra causam, vel evacuationem, repente desit, lethum prænuntiavit, resolutio nimirum sensu, & mente abalienata; At si gravem cephalalgiam consequatur narium hæmorrhagia, salutare: sicut pariter eruptio puris, aquæ, vel sanguinis per os, nares, aut aures 6. *Aph.* 10. Verumtamen semper timendum à gravi, & vehementi capitis dolore.

Curarunt quoque illum diversis modis, prout diversas ejus causas suspicati sunt. Galenici post institutam refrigeratorii victus rationem, phlebotomiam præcipiunt, expede primum, si dolor sympathicus putetur, deinde ex brachio; mox etiam ex mariscis usu hirudinum, ducti documento Galeni 1. *Aph. comm.* 23. dicentis. *In maximis doloribus nullum majus inveni remedium, quam usque ad animi defectionem evacuare.* Postmodum dolore adhuc perseverante cathartica exhibent, ac interjectis quibusdam diebus, decocta, capitalia dicta, cum radice chinæ, &

7. *Aphor.*  
1. *Coac.*  
præf. 2. r.  
Prophet



jura alterata; adiiciunt futura coronali emplastra, etiam quæ vesicas excitant, ac tibias, & brachia cauteriis inurunt. Quæ sanè nedum in hoc, verum etiam in aliis diuturnis capitis affectionibus in frequenti usu habent.

Alii distinctius procedere se putantes, atque singulis causis, congruentibus medicamentis occurrere; si à restagnante sanguine in meningibus, vel plexibus, dolor oriatur, quia aliquando evenit, ut sponte sua dilatatis narium venis, hæmorrhagia morbum judicet, cum naturam deficientem vident, arte conantur ejusmodi evacuationem promovere, fortiter emunctis, vel perfricatis naribus, ut inde sanguinem eliciant. Si verò hac industria uti minimè liceat, venam secant, præsertim in adolescentibus, atque assuetis, fulti etiam autoritate Hippocratis, qui dolente parte posteriore capitis, rectam venam in fronte sectam prodesse scribit 5. *Aph.* 68. At prudentiores victum tenuem commendant, & olera; carnes, & vina meraca prohibent. Si his non desinat, utuntur alkalicis; & si sanguis acritudinem sapiat, etiam acidis temperatioribus, & narcoticis.

Si phlegmones, aut abscessus timeantur, prodesse ajunt dissolventia, & sudorifica; ut sanguis hircinus, sperma ceti, mumia, cornu cervi philosophicè præparatum, decoctum ejusdem, oculi cancrorum, pulvis castorei, extractum hyperici, bezoardicum quodcumque, antimonium diaphoreticum, mercur. diaphoreticus, cinnabaris antimon. suffitus ex mercur. & alia hujus generis plura: quæ etiam locum habere dicunt, si vitium sit in principio nervorum, & in liquore eorundem; Interim verò spinam universam convenientibus

oleis, aut cerotis foveant, puta essentia anthos, lavendulæ, nucis myrticæ, unguento nervino, spiritu vini, aliisque.

Cum lymphæ, vel serum doloris causa sunt, unde oculi etiam, palatum, & guttur infestantur, ut in catarthis; optimum remedium arbitrantur urinam, & sudorem promovere, cum & Natura sponte sua soleat per ejusmodi vias superabundantem lympham salubriter deponere, febre præsertim comite. In iis verò, qui frequenter huic incommodo subjiciuntur, & distillationibus veluti per periodos affecti, sæpius de cephalæa conqueruntur, hydroticis medicamentis occurrere satagunt, & antequam serosi humores in prædictas partes irruant, aliò avertere, & foras exturbare: Quare provocantur expuitiones, nares ad sternutamenta irritantur, fortiterque emunguntur, vomitus, si præcipue ventriculus consentiat, concitatur, & alia peraguntur, quæ si humorem non omnino tollunt, magna saltem ex parte minuunt. Ad hanc rem exhiberi solent cum fructu sequentes pilulæ pluries iteratæ, quæ ex his constant: *Resina, vel extracti jalapæ gr. v. ceruss. Antimon. & crystall. tart. singulorum gr. xii. pilul. de succino dr. i. cum oleo macis, vel simili redig. in formam pilul. & mane assum. superdorm.*

Pro corporibus insuper humidiori constitutione præditis magnoperè commendant pilulas Rufi, & aloeticas, aromaticum rosatum, diarhodon, elixir proprietatis simplici infusione paratum. Invaluit nunc etiam usus decocti *Coffe*, & herbæ Thee, & quidem cum juvamento eorum, qui languore stomachi, & cerebri tenentur. Cæterum ratio victus attenuans semper confert, vitatis iis, quæ tum intrinsecus,

tum



tum extrinsecus humefacere valent.

Quod si dolor capitis symptoma sit scorbuticæ, vel hypochondriacæ affectionis, tunc conducibilia erunt antiscorbutica medicamenta, & ex chalybe parata, de quibus alibi. Ab infarctu verò vitiosorum succorum in Pancreate, Mesenterio, ventriculo, aliisque adjacentibus partibus, conferent leviter purgantia, & simul corrigentia, ex Aloe, & Rhabarbaro composita, pilulæ tartareæ, tartarum vitriolatum; quinimò Hartmannus commendat infusum croci metallorum sæpius exhibendum in aqua betonice, aut menthæ. Insuper sal absinthii, & centaury: electuarium, extractum, & spiritus baccarum Juniperi: pulvis stomachicus, & cachecticus Quercetani, elixir proprietatis Helmontii, spiritus cochleariæ; quæ pariter proderunt in Cephalæa ab utero dependente, ac præterea tinctura succini, essentia croci, extractum castorei, & granorum actes, fæculabryoniæ, & alia plura suo loco latius dicenda. Si denique à venerea contagione ducat originem, anti-venereis curanda erit, de quibus alibi.

Cæterum à vermibus, calculis, aliisque in cerebro genitis, sicut rarò accidit, ita rarenter medicabilis. Testatur tamen Forestus, plerosque Cephalalgia à vermibus sanatos decocto raphani in frusta concisi in vino Cretico. Et Sennertus in hanc rem laudat suffitum ex centaury minore, marrubio, absinthio, betonica, antimonio, succino: atque cerotum loco dolenti applicatum ex aloe, pulvere lumbricorum, felle taurino, & oleo absinthii cum cera, ut apud eundem legere est. At verò à mala futura rari, & meningum conformatione, nullam curationem admittet.

Quæ hætenus proposita sunt cau-

sas Cephalalgia potissimum respiciunt. Jam nonnulla specialiora recensamus, quæ experimentis probata sunt dolorem quemcumque sedare, vel saltem capite dolentibus succurrere. Et quidem dolorem leniunt omnia narcotica, præsertim verò laudanum opiatum, seu nepenthes Quercetani dictum, pilulæ de cynoglossa, & de styrace, requies magna Nicolai, philonium utrumque, theriaca recens, & similia intrinsecus assumpta. Extrinsecus verò adhibita unguenta, & decocta ex mandragora, hyoscyamo, solano, papavere, lactuca, nymphæa, quibus caput, & tempora, vel etiam plantæ pedum abluuntur, liniunturque, ut præsertim fieri solet unguento populeo, & somnifero Schroderi in sua *Pharmacopæa*.

Speciatim quoque referuntur Cephalalgiam tollere verbenæ viridis collo suspensa, quousque exaruerit, ex Foresto; ve etiam contusa, & capiti imposita ex Hartmanno, qui eandem opem præstare ait radicem plantaginis similiter collo suspensam, & aquam verbenæ distillatam, ac sæpius epotam ad uncias iv. cum gutt. iv. spiritus vietrioli. Fatetur Bartholinus, liquorem ex radicibus nucis juglandis primo vere per incisionem elicatum, & epotum, esse singulare experimentum nuper in Anglia detectum; sicut etiam in doloribus articulariis mirabiliter prodesse alii testantur. Describit Forestus unguentum Alabastrinum, (quod solum in dosi differt ab illo Hartmanni in *Præctica chym. hoc eod cap.*) illudque mirabile prædicat in omnibus doloribus capitis, præcipue à contusione. Nonnullis sunt in usu folia hederæ teneriora fronti, & temporibus apposita. Nicolaus Chesnau extollit ranunculi folia virentia, quæ ad miraculum

V. Gal. 2.  
de com-  
pos. med.  
f. loc. c. 1.

Cent. 3.  
hist. 97.



culum capitis dolorem fugare ait, si in modum emplastri dolenti parti applicentur. Fernelius componit pilulas quasdam ex aloe, speciebus electuarii de gemmis, tribus fantalis, & rosis punicis, cum syr. absinthii, & violarum. Paracelsus succum cancrorum fluvialium expressum temporibus applicat, præsertim in febribus malignis. Et Rulandus cancos vivos cum aceto rosaceo in mortario pinfit, & pro epithemate adhibet. Hartmannus verò aceto ros. primum irrigat, deindè contundit, atque magmatis loco, dolenti parti admovet. Referuntur ab eodem Hartmanno plura alia medicamenta, tam interna, quàm externa, & sive dolor à causis calefacientibus, sive refrigerantibus credatur inductus, quæ apud ipsum legi poterunt.

### D E L E T H A R G O, cæterisque Soporiferis affectibus.

Somnus gravis, & profundus sopor, cum levi febre conjunctus, Lethargus dicitur Galeno: Id ipsum etiam significat *λῆθης*, nimirum soporem cum oblivione; quare à plerisque is describitur, Inexpugnabilis dormiendi necessitas cum omnium rerum oblivione, & animalium operationum læsione, febris lenta, sed continua, comite. At Latini Veternum appellant, licèt Plinius hunc potius cum Caro confundere videatur.

Affines huic morbi sunt Coma, & Carus, quamvis in Comate potius adsit propensio in somnum, gravis tamen, & invincibilis; Carum verò comitatur sopor longus, & profundus.

Coma, vel vigil, vel somnolentum dicitur. Vigil quidem, cum ægri clausis oculis dormire videntur, reverà tamen vigilant, & delirant.

Somnolentum verò, cum reipsa dormiunt; quin si excitentur, & oculos aperiant, denuò in soporem delabuntur.

Deest insuper in Caro, & Comate somnolento, seu Cataphora, febris, quæ si aliquando cum his jungatur, potius præcedit, quàm consequitur; licèt hoc non tanti sit, ut Therapeiam plurimum immutet.

Causam profundi soporis faciunt vetustiores Medici cum Galeno humorem pituitosum, cerebrum ad frigidum, & humidum disponentem; quin & Avicenna frigidum Apostema ibidem procreari, ait; quomobrem Lethargum dicit frigidum cerebri Apostema, undè gravamen, & torpor universalis insequitur. Idem etiam Galenus *somnum fieri*, ait; *refrigerato cerebro; quæ refrigeratio cum fortis fuerit, mixta quidem humiditati, facit lethargicas passiones.* In hanc eandem sententiam visus est concedere Aristoteles *lib. de somno, & vigilia.*

2. Aphor.  
Comm. 3.

Sed attenda aliquorum natura, quæ somnum inducunt, etiam aliquandò excedentem naturæ usum, citrà refrigerationis sensum, jure optimo suspicabimur causam soporis, & veterni non posse esse frigidam intemperiem, qualis ponitur à pituitoso humore. Vinum enim merum, & immoderatiùs sumptum, aquam ardentem, seu vini spiritum, cerevisiam, succum fragorum, opiata omnia, præsertim theriacam recentem, philonium utrumque, mithridatium, & plurima ex venenis, quæ communi voto inter calefacientia referuntur, soporifera esse apud omnes constar. In sulphure etiam vitrioli vis inest Narcotica, licet id fixum sit, & dulce, adeoque calidum dicatur. Cibus ipse, quo assiduè vescimur, etiam si aromatibus condiatur, mox somnum

con-



conciliat: & quæcumque ebrietatem afferre possunt, pariratione gravem somnum inferunt, undè dicitur 5. *aph. 5. Si ebrius quispiam repente obmutuerit, &c.* cum tamen eà calida recenseantur.

Quia præterea Galenici volunt causam lethargi pituitam, in cerebro putrescere, ita ut vapores calidos ad cor demittat, qui febrim lentam pariant; rem magis implicat, quam explanant; quamobrem eos redarguit Platerus *hoc loco*, consentitque Sennertus cum aliis plurimis, qui febrim cum lethargo conjunctam, potius primariam, quam symptomaticam contendunt; quinimodò Sylvius Deleboe arbitratur, neque cerebrum in lethargo primitus affici, sed ipsum sanguinem; & quamvis caput grave sit lethargicis, posse tamen, subdit, hoc à vaporibus, aut humoribus cum sanguine ad cerebrum delatis exoriri. Attribuunt autem isti humoribus, seu vaporibus cum sanguine mistis, narcoticam quandam vim, cujus causa cerebrum tam malè sopiatur.

Verùm tametsi facilè concesserim, febres plerumque lethargum comitante à sanguine esse; vix tamen crediderim illas aliter oriri non posse, & præsertim ab iis, quæ in cerebro continentur. Sectionibus namque cadaverum, quæ hoc mortis genere supremum diem obierunt, compertum est, cerebrum multò sero suffusum, aut purulento humore gravatum, vel etiam tumoribus meningum, corruptione, & sphacelo, aut aliter affectum fuisse; ut ex pluribus colligit Bonetus. Et licet quæ per ejusmodi dissectiones in cerebro lethargicorum reperta sunt, effectus, non causæ lethargi probabiliter dici possint, ut prudenter monet Sylvius *c. loco*; quis tamen inficiabitur vitium ali-

quod in cerebro præextitisse, quod effusionis puris, alteriusve humoris causa fuerit?

Alibi diximus somnum conciliari cum nervorum fibræ, qua parte cerebro cohærent, aliquantulum crassescunt, laxantur, aut flaccescunt, ut non tam expeditæ sint suis functionibus obeundis; nunc verò superaddimus ex morbo esse, cum diutius, vehementiusque, quam par sit, offenduntur, ac tumescunt, unà cum cerebri gravamine, vel meatuum, ejusque vasorum infartu, obstruptioneque. Contingit, autem, cerebrum in lethargicis diversimodè lædi: aliquando à superincumbentibus meningibus tumidioribus, aut justo humen-  
tioribus: aliquando à serosa, aut aquea colluvie gravante, vel ipsius corticis poros opplente: nonnunquam à vaporibus solito abundantioribus, crassioribusque, ex crapula, aut à prava ciborum, vel medicamentorum, præsertim narcoticorum conditione suggestis, vel etiam à maligna sanguinis habitudine, aut liquore nervorum vapido, acido, aliterve vitiato, potissimum è visceribus hypochondriorum; undè Helmontius soporem quemcumque è suo *Duumviratu* proficisci docet: interdum à pure, vel sanguine extra proprios ductus vagante: quandoque demum ab halitibus minerarum, præsertim antimonii, & mercurii, aut fumo carbonum, & fermentescentis musti vapore. His accedit mala capitis constitutio, ejusque textura, vel densior, vel laxior, ob quam facilè alterantibus quibuscumque succumbat, & hebetetur. Verùm hæc ad habilitatem corporum potius pertinent.

Atque hinc fit, cur soporati non semper iisdem, sed sæpenuerò diversis symptomatis corripiantur, & modò Vigiles, modò Comatosi, vel

Caro-

Prax. Me  
dic. lib. 2.  
c. 29.

Lib. I. A.  
nat. pract.  
13.



Carotici, immò & Apoplectici, Cataleptici, aut Convulsi observentur; atque affectus isti à plerisque confundantur, vel parùm inter se differre putentur.

Tumefiunt Meninges, atque ab his cerebrum gravatur in abscessibus, vel à superabundanti lymphâ, in catarthis initiantibus. Humescit verò, & oppletis poris opprimitur, à sero, vel lymphâ è disruptis vasis effusa. Vaporibus plurimis obtunditur, & inficitur à crapula, & ebrietate, fumo carbonum, venenis, narcoticis medicamentis, febribus malignis. Purre, vel sanguine restagnante suffunditur in casibus, & ictibus, ut dicitur 7. *Aph.* 14. & 58. Mala demum capitis constitutione cerebrum, vel arctè nimis constipatur, vel plusquàm natura exigit, delaxatur, & viribus fatiscit; undè torporem, ac stuporem perpetuò patitur, ut in nonnullis natura ad soporem maximè proclivibus expertus sum.

Crediderim autem lethargum specialiter febrim comitari, cum vaporum, qui per cerebrum, ejusque corticem præcipuè sunt diffusi, conveniens perspiratio impeditur; undè levis, sed indebita excitatur fermentatio, ex qua subindè febris lenta, ad eum fermè modum, quo experimur consimiles febres exoriri ab obstructis, & tumefactis glandulis, à cohibito sudore, vel præpedita per cutim transpiratione: In Comate vigili potius Meninges inflammari, aut acriori sanguine restagnante irritari, qua parte præsertim cerebro substernuntur; undè Erysipelatis speciem subeant: Coma verò somnolentum, & carum consequi gravantes, & humefacientes humores; atque figentes, & congelantes Catalepsim, ac Convulsionem. Verùm de his fusiùs infra.

Soporatos dignoscere facillimum:

sunt enim adeò profundo somno gravati, ut vix excitari queant; etiam si clamores, & tormenta adhibeantur; & si quandoque expergiscuntur, denuò relabuntur in somnum, & non raro incommisissis palpebris. Lethargici autem dicuntur cum præter soporem, inertiam, & oblivionem, lenta febre detinentur; siquidem in Caro, & Comate febris deest, vel saltem præcessit, & quidem mali moris. Differt præterea Lethargus à Catalepsi, quia in hac æger quasi obriguiffe videtur, cum jaceat in eodem situ, in quo correptus fuit, pedibus, aut manibus contractus, & apertis, ac inconniventibus oculis, videt quidem, auditque, licet loqui non possit. Differt pariter ab Apoplexia, siquidem hæc repentè invadens, privat omni sensu, & motu patientes, non leviter etiam læsa respiratione, at citrà febrim. Internoscitur denique coma Somnolentum à Vigili, seu (ut aliis dicitur) Typhomania; quòd in somnolento reverà æger dormiat, in vigili verò insomnis sit, immò vocatus respondet, ac perpetim clausis oculis obloquitur.

Num verò ab hac, vel illa causa soporiferi hi affectus sint progeniti, difficilioris est inquisitionis. Nam plerumque ita signa unius conveniunt, confundunturque cum signis alterius, ut etiam accuratiores Medicos fallant; undè cum crederetur serofus humor causa soporis, in dissectione cadaverum, se se obtulit Apostema, & viceversa: quandoque etiam neque quid sensibile in cerebro patientis inventum est. Solent tamen non raro turbidæ, & copiosæ urinæ, feri, aut lymphæ copiam designare, sicut pariter constitutio ægrotantis humida, consimilis victus ratio, color cutis pallidus, pulsus mollis, facilis sudor, tempus hyemale, aut austrinum, & plu-



pluviosum. Suspiciabimur abscessum, cum multo antea præcesserit capitis gravitas, torpor corporis, sensuum hebetudo, præteritarum rerum oblivio, vel alius cerebri affectus, aut acuta febris. Ad cibum, & vapores caput infestantes, referemus, cum crapula, & ebrietas antecessit, vel cibi ingesti fuerint prævæ conditionis, ut fungi, tubera, cicuta, lactuca, solanum, papaver; vel æger hauserit malignos halitus minerarum, mercurii, carbonum, musti fermentescentis, & similibus. Sanguinis, aut nervorum liquoris vitio tribuimus, si maligna, aut pestilens febris ægrum divexat, vel per diu viguit affectio scorbutica, aliæve generis, unde acor, & exsolutio illorum cum languore universali deducatur. Sanguinis, aut puris in cerebro congestio designabitur, ex præcedenti contusione, aut vulnere, cum ejusdem sanguinis per nares, & aures exitu. Et denique tanti mali causam conjectabimus malè conformati capitis vitium, si cætera desint, & ejusmodi deformitatis indicia à nativitate persistant; unde somniculosus æger torpidus, & stupidus apparuerit.

Ad Prognosim quod spectat, Lethargus periculosus est, & plerumque lethalis, eoque correpti in septem diebus pereunt, ex Hipp. 2. *de Morbis*: quod etiam confirmat Celsus *lib. 3. cap. 21.* & Galenus 4. *de Caus. puls.* Peripneumonia periculosiorem esse scribit. Si prætereà tremor superveniat, urinæ tenues, & claræ reddantur, alvus multa, & liquida egerat, fudor frigidus circa caput appareat, majus malum. Contra verò speranda salus, si ultra septimum protrahatur, si purulenta materia per aures, & nares egeratur, aut Parotis die critico erumpat, vel alia conveniens evacuatio superveniat, ex eodem

Tozzi Op. Med. Tom. I.

Hipp. cit. 2. & 3. *de Morbis*, & in *Coacis prænotionibus*. Cæterum somnus, & vigilia, utraque si modum excefferint, malum dicitur 2. *Aph. 3.* & ubi somnus laborem facit, lethale. *ibid.* *Aphor. 1.* Carus autem Comate peior est; & Lethargo, ac Caro, Catalepsis; quamobrem rarò ab his evadunt ægrotantes.

Pro curatione Galenici plura adhibent. Primum balanis, & clysteriis alvum pluries exonerare conantur: mox in Lethargo venam secant ob adjunctam febrim: frictiones, & cucurbitulas, etiam cum cutis incisione, cruribus, & scapulis applicant: protinus quoque catharticum propinant, præsertim ex pilulis aliquo liquore solutis: vesicantia admovent: Catellos, Gallos, aut Pipiones per dorsum dissectos, atque adhuc calentes futuræ Coronali imponunt, & fronti oxyrhodina, naribusque acerrima indunt; & cum hæc non satis esse viderint, capillos ægrotantium cremant, & verticem capitis candenti ferro inurunt, ut illos alto sopore dententos excitent, & in vitam, ut credunt, reducant.

Verum curandi methodus rationabilius à causis petenda. Cum tumoris, aut abscessus in meningibus suspicio est, ea probantur, quæ ejusdem resolutionem, aut diruptionem, atque per sua emunctoria repurgationem promovere possunt, ut sunt omnia diaphoretica superius memorata; quamvis nec his plerumque morbus cedat, nec aliis violentioribus, præsertim cum nequeant medicamenta cerebrum pertingere, & apostema ibidem genitum dissolvere.

Cum superabundantis feri, aut lymphæ, seu mavis dicere pituitosi humoris, indicia adsunt, purgantia locum habebunt, & quidem validiora; tum quia ob sopitos sensus, nec



ventriculus, nec reliqua viscera tam facile ad exoneranda corporis excrementa concitantur; tum etiam quia adhuc à remotioribus ductibus humores subducere expedit, ut qui in Cerebro restagnant, commodius inde deponi possint, & aliò divertere. Quamobrem licebit uti medicamentis ex colocynthide, scammonio, agarico, jalapa, gummi guttæ, carthamo, & fenna compositis. Salutaris præ cæteris est usus extracti catholici, & pilularum ex tribus Galeni, cochiarum, aggregativarum dilutarum in aliquo convenienti liquore, ut facilius à soporato deglutiantur; quibus addi potest Castoreum verum, & sal volatile succini. Conferent præterea, quæ salivam, & sputum movent, quibus Hippocrates *cit. lib. 3. de Morbis*, universam curationem concedidit. Ad hæc, sudorifica, præsertim sal volatile cornu cervi, & viperinum bezoarticum joviale, vel minerale, stibium diaphoreticum, simul cum roborantibus cephalicis, diambra, diamoscho, diaplire, confectione alkermes, vel tincturis eorumdem, optima erunt. Castoreum etiam, ejusque magisterium, vel essentia maxime commendatur, sicut pariter spiritus salis ammoniaci ad aliquot guttas exhibitus in convenienti liquore. Externè verò proderit balsamum rutæ, oleum nicotianæ distillatum, essentia lavendulæ, & roris marini, spiritus salis ammoniaci.

Cum à crapula, & ebrietate sopor ortus est, vel provocetur vomitus, & quidem quam citissime; vel pannis contactus æger, ut temulentiam somno deponat, eoque dimittatur. Proderit etiam vomitus, cum ex ventriculo pravis humoribus repleto caput gravatur, & in soporem delabitur. Concitetur autem ille emeticis ex vitriolo, antimonio, aut mercurio.

rio. Vel oxymel scilliticum, aut oxysaccharum Angeli Salæ sorbendum detur. Postea verò cum stomachus, tum caput roboretur, & peculiaribus, propriisque remediis foveatur.

Pari modo procedendum in sopore à Narcoticis induto, promotum nimirum, si commodè fieri possit, protinus vomitu, ac præterea specialibus antidotis vim veneni retundentibus congruenter administratis. Cumque ut plurimum ab opiatis immodicè, vel intempestivè sumptis cerebrum sopiri possit, proinde quam citò ad sua antidota confugiendum. Galenus 8. *de Compos. med. s. l.* Castoreum scribit opio obsistere, illudque vocat Avicenna hujus theriacam, & Guainer. *de venenis* bezoar. Dicitur aliis antidotum opii, vinum Creticum, ut testatur Gaspar Hofmann. *animadvert. in Mont. ex Galeno lib. 3. de simpl. med. facul. cap. 20.* qui vinum calidum, vetus, generosum, polyphorum, præsentissimum opio sumpto remedium esse docet: confirmantque Rondeletius, Grevinus, alique. Dioscorides *lib. 5. cap. de sale*, contra haustum opium, & fungos, salvia cum oxymelite bibi, ait: idemque repetit *lib. 6. cap. de Meconio*, & *Opio*: ubi plura alia ad assumptum opium commemorat: præ cæteris autem merum cum absinthio, aut cinnamomo; Origanum cum lixivio; Piper cum Castoreo, & aceto mulso, Acetum ipsum calidum; Decoctum satirejæ, & origani cum vino; Decoctum etiam herbæ Thee, Salviæ, & Roris marini ad epotum opium contulisse vidi. His addi possunt acida, quæ sulphur Narcoticorum obtundunt, præcipitant, aut invertunt. Bacc. *lib. 7. de Therm. cap. 23.* commendat Balneum aquæ tepidæ, præsertim cum soporati ingenti pruritu cruciantur ab assumpto opio. At verò stupidi ex pra-

cap. 3.  
lib. 3. f.  
13. tr. 5. c.  
13. & lib.  
4. f. 6. tr. 1  
cap. 1.  
cap. 6.  
cap. 7.



vis halitibus in liberiores aërem ducantur, nares aceto sæpius abluantur, vel spongia aqua gelida, & odora imbuta facies madefiat: Cordi verò apponatur mica panis calida vino generosiori irrorata; vel ejus loco theriaca vino diluta.

Cum sopor febris adnectitur, quæ procul dubio maligna erit; vel pestilens, oppugnandum iis, quæ ejusmodi febribus occurrere præstò sunt, aut vitium in sanguine, succove nervorum inductum auferre possunt, & utriusque naturalem habitudinem restaurare. De qua re alibi. In hanc rem tamen valde proderit Sal volatile succini, & cornu cervi, elixir Magnanimitatis, spiritus cochleariæ, spiritus sanguinis, & salis ammoniaci dilutus, elixir proprietatis descriptione Helmontii, oleum cinnamomi, sal essenziale tartari, & id genus alia. Quod si sanguis, & liquor nervorum vitium contraxerint à Pancreate, Mesenterio, Liene, aliisque visceribus imi ventris, ut in Scorbuto, & Hypochondriaco affectu; tunc antiscorbutica, & antihypochondriaca, præcipuè acidum infringentia, locum habebunt.

A sanguine extra proprios ductus stagnante, vel à pure effuso per Meninges, & cerebri corticem, illatus sopor curabitur ( præter ea, quæ Chirurghi periti operam expostulant) grumos sanguinis dissolventibus, & quoad fieri poterit, simul cum pure evacuantibus. Quare non levem opem afferet in principio pulvis contra casum Mesuæ, sanguis hircinus in decocto rubiæ tinctorum, sperma ceti cum extracto hyperici, aut balsamo ligni guajaci: Itemque potiones vulnerariæ dictæ, cum balsamo sulphuris ex oleo anisi, vel juniperi; oleum succini distillatum, cerussa Antimonii, tinctura ejusdem: præter fo-

tus externos futura Coronali, & Sagittali, temporibus, auribus, naribus, & palato adhibendos, ex aqua ardente, & oleis stillatitiis ceræ, castorei, lavendulæ, roris marini.

Postremò quia mala capitis constitutione ad soporem, & lethargum proclives observantur, præcautionibus potius, quàm curantibus muniri poterunt, tum evitando alias causas, tum etiam artificiosa industria caput in meliorem statum reducendo; tum denique cerebrum roborando, ut obistere valeat causis internis, & externis, ne in soporem altum, gravemque delabens, vita tandem defungatur.

Quæ specialiter postremò lethargicis, ac soporatis auxiliantur, proindeque antilethargica appellata, referuntur, externè quidem, oleum nicotianæ, succini, & balsamum rutæ naribus admotum, & sincipiti, ac temporibus illitum. Spiritus salis ammoniaci, si ex phiala oblongo collo olfactandus detur, mirificè excitat, & cerebri recrementa per nares allicit. Hartmannus commendat litum ex oleo castorei cum succo rutæ, & fœniculi; itemque emplastrum ex succo apii, aceto acerrimo, & pulvere castorei abrafo capiti superponendum. Proponit Paracelsus in sopore, qui febribus malignis, & pestilentibus supervenit, fotum quemdam, quem mirabilem prædicat, estque, ut sequitur: *Fol. beton. amarac. & salviæ, flor. sambuci, & ros. sylvestr. singulorum m. j. bull. in suff. quant. acet. ros. & vini albi; tum prædictæ herbæ exprimuntur; & calentes capiti circumponuntur, & cum refriguerint, denuò calefiant in prædicto decocto, & iterum admoveantur, aliquoties repetendo; nam subindè sopor ille lethalis expugnatur.*



Alium describit Riverius efficacissimum, qui habet: *Angel. Zedoar. & Imperat. singul. unc. j. fol. beton. salv. rorism. singul. m. j. satureja, ruta, amar. & flor. lavendula singul. m. ss. bacc. lauri, & juniper. singul. unc. j. ss. coq. in suff. quant. acet. & cum spongiis capiti abrasos. fatus.*

Sternutamentum moventia, etiam optima sunt. Ex pluribus autem summè contulisse refert Fridericus Deckers in notis, & observ. ad *Praxim Barbett. de Lethargo* hunc pulverem naribus inditum, qui continet: *turbith. mineral. scr. ss. glycyrrh. pulv. dr. ss.*

Utilis quoque est pulvis compositus ex *beton. roremar. puleg. castor. & cyclam. naribus exceptus.*

Internè verò præstantissimum est Castoreum, ejusque extractum, magisterium, vel essentia. Borellus cent. 1. obs. 52. ductus autoritate Tralliani, Rufi Ephesii, & Oribasii, narrat se curasse lethargicum usu Castorei cum subdupla portione scammonii, addito oxymelle. Myrrham etiam, & Thus deglutitum somnum discutere nonnulli testantur. Cardilucius in *Officin. sanit. cap. de aff. sopor.* salutaris usus esse scribit spiritum sulphuris acidum, vel vitrioli in dosi dr. j. & ultra, in aceto vini instillatum. Addit insuper in defectu horum spirituum, exhiberi posse decoctum calidum chelidonii majoris in libra 1. aceti ad dosim iij. vel iv. unciarum per vices patientis ori infundendum.

Lib. 1. Dominicus Leonus relatus à Senner-  
pract. p. to, quemdam Empiricum memorat  
2. c. 32. retulisse, succum consolidæ minoris  
ad unc. 11. haustum, lethargo, & caro laborantes excitare. Ipse verò  
cap. 20. Sennertus sulphur lunæ cum extracto  
de corp. castorei aliis præfert. Apud Jo: Bapt.  
aff. p. 2. Du-Hamel mentio fit quarundam pi-  
lularum lunarium valdè efficacium in

omnibus affectibus cerebri soporiferis, earumque compositionem debere ait Roberto Boylæo. D. Michael. magni facit spiritum Veneris: & Hofmannus junior spiritum volatilem vitrioli verum, & philosophicum, vel simplicem, vel cum spiritu salis, & aquis cephalicis commistum. Inter hæc suum habet locum Camphora tum interiùs, tum exteriùs adhibita. Georgius V Volfgangus in *sua Opologia* laudat essentiam Castorei, elixir Cephalicum cum spiritu salis ammoniaci, spiritum formicarum volatilem tum externè, tum internè. Ab Helmontio, sopores tam morbofi, quam artificiales, five opiatorum, efficaciter debellantur per lixivium, quæ multò antea commendata fuere à Dioscoride *lib. 6. cap. 17. de Meconio*, ubi origanum cum lixivio, aut passo, inter plura alia opii antidota commemorat. Idemque Helmontius radicem carlinæ, ejusque succum, & extractum, somnum arcere scribit, multòque magis sopores modum non servantes.

tit. jus  
duv. vir.  
n-31.

## DE EPILEPSIA.

Terribilem affectum illum, quo ægrotantes illico præhensi, veluti fulmine icti, in terram concidunt, spumam emittunt, capite, collo, oculis, manibus, pedibus, totoque corpore convelluntur, ac dentibus strident, cum mentis, & sensuum læsione, Epilepsiam Græci vocarunt. Hippocrati dicitur *ἑπὶν νόσημα*, idest Sacer Morbus, quòd omninò detestabilis, & abominandus sit. Dicitur etiam Hercules, five quòd Hercules eo affectus referatur, ut meminit Aristoteles in *problem.*; five quia magnitudine, & sævitia Herculeum robur effert; ex Galeno 6. *epidem. in fine*; unde Celsus *lib. 3. cap. 27.* Majorem



rem morbum illum appellavit. Dicitur quoque Puerilis, eo quod pueris familiarissimus sit. Similiter Comitialis, Caducus, Lunaticus, Cælio Sonticus, & Morbus, qui inspuitur, Plauto *in Captiv.* & Plinio *lib. 28. c. 4.*

Aliam Medici faciunt Idiopathicam, aliam Sympathicam; aliam recentem, aliam inveteratam, eamque potissimum hæreditariam, parentum scilicet vitio contractam.

De causis verò, & modo generationis illius non inter omnes convenit. Putavit Galenus *3. de loc. aff. cap. 7.* esse crassum humorem spiritus meatum in cerebri ventriculis obstruentem, eo præsertim ductus argumento, quod affectio hæc subito fiat, & confestim quoque solvatur. Pro humore verò crasso non solum intellexit phlegmaticum, seu pituitosum, verum etiam melancholicum, cum ex Hippocrate *6. epid. in fine* scriptum sit, *Melancholicos magna ex parte comitiali morbo affici, & morbo comitiali laborantes fieri melancholicos; atque horum alterutrum magis accidere, prout vel in hanc, vel in illam partem infirmitas repit: si enim in corpus* (sive, ut communiter explicant, *in ventres*) *epileptici: si verò in mentem* (hoc est in cerebri substantiam) *melancholici redduntur.* Unde concludere videtur, ex Galeno, *nedum pituitosum, verum etiam melancholicum succum morbum comitalem inferre.* Idem etiam Galenus *4. de loc. aff.* agens de Sopore, Apoplexia, & Epilepsia, docet: *Horum trium morborum frigidus, ac crassus, aut omninò viscidus humor, causa est.* Id ipsum repetit de Epilepsia, & Apoplexia *2. Aph. comm. 45.* & alibi. In eandem sententiam visus est inclinare Hippocrates *lib. de morbo sacro*, si tamen hic liber reverà Hippocratis sit.

Tozzi Op. Med: Tom. I.

Plerique ex Dogmaticis, ex eo, quod morbus hic subito fiat, & subito solvatur, arbitrati sunt, potius à vaporibus originem sumere, quàm ab humoribus. Non enim tam subito posset epilepticus paroxysmus terminari, si à crassis humoribus penderet, qui lentissimè digeruntur, & expurgantur. Si insuper à subita crassi humoris obstructione, solutioneque, Epilepsia generatio, & resolutio procederet, cur eodem modo confestim Apoplexia quoque non solveretur, quæ repente etiam invadit, & ab obstructione pariter ventriculorum oriri dicitur? Cur & aliquandò epilepsia contingant à vaporibus, halitibus, odoribus, vino? Quinimò Galenus ipse fatetur *3. de loc. aff. 7.* quendam Epilepsia correptum percepisse elevari ex tibia vaporem, seu auram frigidam, quæ cerebrum pertingens torporem inferebat, & motus epilepticos. Et *5. ejusdem operis cap. 5.* de quodam Grammatico refert, qui quoties vel nimium vehementer docendo exerceretur, aut intentus cogitaret, vel in ediam sustineret, aut irasceretur, comitiali morbo corripiebatur. His plura alia addit Sennertus adversus sententiam Galeni, atque tandem concludit causam Epilepsia proximam, esse vaporem mordacem, acrem, & malignum peculiari vi cerebrum stimulantem, quod etiam multò antea docuerant, Fernellius, Platerus, aliique.

Franciscus Deleboe Sylvius causam Epilepsia veram, & adæquatam suspicatur esse spiritum acidum volatilem, quacumque in parte genitum; coacervatumve, indeque ad cerebrum delatum spiritibus animalibus junctum, ipsosque divellentem, & impetuosè commoventem.

At Gerardus Blasius illam refert ad interpolatam musculorum dila-

G 3 tatio-

Lib. I.  
pract. p.  
2. c. 31. q.  
3.

Prax.  
Med. lib.  
I. c. 20. n.  
92.

3. de loc.  
aff. 7.



Thera-  
peut. spe-  
cial. lib.  
3. sect. 10.  
cap. 11.

*tationem, quam provenire, ait, à spiritu animali in nervos ex cerebro, crebrò, & per intervalla influente: idque vel vitio spiritus, seu mobilis, moventis, aut viarum: spiritus, si tenuior sit: viarum, si nervi sint plus debito aperti, aut angustati: moventis demum, cum cerebrum inordinatè movetur.*

Cap. 2.

Paulus Barbette verò in sua praxi, inculcat lympham in cerebro vitiatam, & acredine sua nervos vellicantem. Ejusque Adnotator Fredericus Deckers addit, etiam acidam austeram: neque tantum nervos vellicantem, sed sua quoque austeritate eosdem quasi constringentem, liberumque spirituum animalium in nervos influxum impedientem.

Cap. 2.

Thomas Vvillifius de morbis convulsivis postquam determinavit, neque cerebrum, ejusque medullium, neque meninges revera in Epilepsia affici primario, sed solum spiritus animales intra cerebri medullium confitos, illosque esse istius morbi subiectum; subdit, affectus causam non esse aquam in cerebri ventriculis congestam, nec humorem crassum, aut viscosum, ejus poris, & meatibus hærentem; sed spiritus animales inordinatos, perturbatos, ac veluti à fomite igniario explosos; ideòque corporum continentium motus convulsivos ciere; unde etiam fieri, ait, quòd epileptici tam repente prosternantur, & cum impetu cadant, non aliter, ac domus à pulvere pyrio explosa subvertitur, & extra locum, in quo steterat, dimovetur. Hinc quoque contendit in quavis Epilepsia causam non modò procatacticam, sed & conjunctam omnino in cerebro consistere: nempe spiritus prædictos ad explodendum dispositos, ibidemque etiam explosos.

Nicolaus Chesnau, quia putat si-

milem Palpitationi Cordis esse Epilepsiam, idcirco utrumque viscus ab iisdem causis æquè affici docet. Inquit enim: Quæ Palpitatio cordi dicitur, cerebro Epilepsia appellatur; At à levioribus causis Cor, quia tamquam vitæ principium multum incommodum ferre non potest, gravioribus verò Cerebrum, quod sine vitæ discrimine, graviores affectus tolerare potest: quamobrem qualitatis malignæ interventu Epilepsia corripitur, quæ est ejus palpitatio. Debet autem maligna qualitas esse cerebro, proprietate quadam infensa, cujus præsentia statim concutitur, nervosis in consensum tractis: quo pacto corde palpitante, arteriæ quoque palpitant. Subdit insuper, quòd sicuti, quæ parum molesta sunt, placidè, & pedetentim cor excernit; quæ verò jam modum excedere incipiunt, celeriori, & majori, quam antea diastole, & systole arcere nititur, & cum nimium gravant, aut multum adversantur, qualitate præcipuè maligna, palpitationis sæpè motu expellere contendit, quæ dicitur cordis immoderata concussio: Eodem prorsus modo cerebrum quotidiana excrementa, quæ præter modum non urgent, per meatus ad id comparatos sensim, & sine molestia excernit; quæ verò non facile cedunt, sternutationis motu sæpissimè excutit: at ipsum aggrediente qualitate maligna, & proprietate quadam illi infensa, subsalit, concutitur, & more cordis palpitat, ut illam à se propellat: quæ quidem palpitatio Epilepsia est.

Hermetici, & Paracelsistæ Epilepsiam nuncupant morbum mercurialem vitriolatum, eo quòd originem suam nancisci dicant ex vapore Mercurii, & Vitrioli conditionem referente, qui ex tartaro, aut ex mate-

ria

Libr. 1.  
suarum  
obs. c. 4.



ria mucosa, & æruginosa expirat: Is autem cerebrum petens cum spiritibus animalibus commiscetur, ac deinde sua aciditate meatus illius obstruit, arterias carotidas constringit, accomprimit, unde facultatis vitalis in cerebrum transitus impeditur, simul atque virtutis animalis in inferiora descensus; quinimmo meningibus exquisitissimi sensus punguntur, & vellicantur, indeque oriuntur convulsiones, casus, & animalium functionum depravationes, hebetudines, & abolitiones. Addit etiam Petreus in *sua Nosologia*, vapores, nedum vitrioli, sed etiam aluminis, ammoniaci, & arsenici naturam imitari, adeoque instar aque stygiæ summam acrimoniam, & erodendi, ac penetrandi vim acquirere. Et Quercetanus in *Tetrade gravissimorum capitis affectuum* malignitatis participes illos efficit, qui nimirum possint Cerebrum, & Nervos tam vehementer, & impensè extorquere, ac perturbare. Existimat tamen hic Auctor, alienus à communi reliquorum Medicorum sententia, non semper cerebrum in Epilepsia esse primitus affectum, neque perpetuò illius sedem in eo collocandam; sed aliquandò saltem cor primùm affici, cerebrum verò solum per consensum: idque deducere studet ex palpitationibus, pulsuum perturbationibus, & animi deliquiis, quæ epilepsias quandoque comitantur, citra ullam læsionem Imaginatricis, & Memorix; Inimò etiam illæsis manentibus visu, & auditu. Quamquàm in hoc redarguitur à Sennerto; an verò rationabiliter, cordatiores judicent.

Maluit Helmontius hunc morbum ad *Archeales* referre, atque ab Archeo furioso proficisci, esseque virus inebrians, & soporiferum, ac quodammodò furiosum, quod primitus

circa stomachum, deinde maximè in capite percipiatur. At alibi lienis quoque vitio illum attribuit.

tit. jus  
dumvir.

Quæ denique ex Anatome colligi potuere, varia pariter, & dubia sunt. Aliquando abscessus in cerebro inventus est, aut corruptæ meningis portio calvariæ adherescens: aliquando etiam cranii caries, & cerebri sphacelus: nonnunquam meningibus pustulis oblitæ, aut polypo affectæ: interdum humor foetidus, ac putris; vel etiam acris, serosus, & tenuis, tum in cerebri substantia, tum in ejusdem ventribus: atque alia ejusmodi; ut videre est apud Bonetum. Ab his autem neque certi quidpiam in hac re deducere licet; cum probabile etiam sit hujusmodi inventa non causas, sed effectus fuisse Epilepsiam consequutos, immò vitæ terminum: præsertim quia non rarò cerebrum, cum suis meningibus, sero, pure, aliove humore repletum inventum est, cum tamen æger nullis epilepticis motibus vivens laborasset, ut præ ceteris deprehendit Vvillsius; quamvis in his casibus humores minùs acres fortassè extiterint, vel sensus admodum obtusi, ut irritamenta non persenserint, quibus convulsivi motus videntur omninò consociari; unde qui ex Vvillσιο refertur à pure foetido in meninge tenuiori, & cerebri cortice detento, peremptus, stupore primùm, mox Apoplexia correptus periit. In his denique, qui memorantur epileptici ab obstructione ventriculorum cerebri, licet humor illorum cavum occupans repertus sit, potuit tamen vigente paroxysmo, è disruptis vasis illuc effluere; unde potius morbi accidens, quàm causa fuit. Legatur Petreus *Nosol. lib. 1. dissert. 6.* atque ex ipso, Bonetus in *schol. obs. 14. cit. loc.*

Anat.  
practic.  
lib. 1.  
sect. 12.

De mor.  
bis con-  
vuls. &  
Pathol.  
cerebri.

Valdè autem verisimile videtur Epilepticorum motus oriri, cum fi-

Cap. de  
epilep-  
sia.

De mor-  
bis Ar-  
cheal.  
nù. 17.



brillæ nerveæ irritantur, & contorquentur, quæ aliquando tam tenellæ, & molles sunt, ut etiam levi de causa convellantur, ut aliquibus accidit ex timore, verecundia, odoribus, titillatione. Atque hinc fit cur puelli facillimè in ejusmodi Epilepsie motus incidant, sicut pariter quicumque à nativitate cerebrum sortiti sunt mollioribus constructum fibris. Undè etiam existimaverim quæ ratione Epilepsie obnoxii, ingenio & artibus præpolleant, ac perspicaciores sint, ut notavit Aristoteles *in problem. sect. 30.*

Quamvis nervi, aut principium nervorum in Epilepsia afficiantur, & irritentur, eorumque fibræ extorqueantur; ex vulneratis tamen, vel recisis nervis non necesse est sequi convulsionem. Nervis siquidem punctim cæsi, vel proritati convelluntur; secus verò resecti, nisi aliud accedat, quod fibras illorum vellicet, & compungat, ut passim testantur experimenta.

Sympathicam præterea Epilepsiam oriri ajunt à ventriculo, intestinis, mesenterio, pancreate, septo transverso, utero, pudendis, cruribus, tibiis, aliisque partibus, consensum quaqua ratione cum cerebro ineuntibus; ex quibus putant vapores ad cerebrum efferri, indeque ipsum affici, & contorqueri; sicut de Puero, qui sentiebat elevari ex tibia auram frigidam, refert Galenus *cap. 3. de loc. aff.* At licet prævi vapores aliquando excrementis istorum viscerum per nervos potissimum in cerebrum efferri possint, haud tamen credam perpetuò ab halitibus illuc elatis sympathicas Epilepsias exoriri: satis enim est, si fibræ nerveæ per viscera diffusæ ab his, aliisque rebus præter naturam concitentur, & malè afficiantur; siquidem ipsis affectis, ac contortis,

mox pari modo afficiuntur, & contorquentur alii nervorum ramuli ad cerebrum usque; ubi postmodum operationum animalium confusio, & abolitio. Vidi Ego juvenem epilepticum ipso paroxysmi tempore ventriculo laborantem, & quo momento convellebatur, simul etiam singultiebat; atque indicto vomitu desiere simul singultus, & convulsio, ac liber evasit.

Atque hoc pacto facilius intelligemus, undè citra humorum vitium, à quibus vapores elevari possint, non rarò epileptici plerique facti sint ex inedia, olfactu rerum malè olentium, animi affectibus, tonitru, strepitu, clangore rei terribilis, aut inexpectatæ aspectu, exercitatione, titillatione, capitis inversione, venere, vermibus, calculis, & similibus. Lactentes sæpissimè motus epilepticos subeunt à lacte sucto, & in caseum coagulato; imò etiam ex vagitu graviore. Neque solum ab his, sed etiam à levioribus causis eos convelli contingit, præsertim cum hæreditariam à Parentibus contagionem contraxerint.

Præcedunt Epilepsiam capitis dolor gravans, faciei pallor, vertigo, nervorum, & musculorum trepidatio, lingue hæsitantia, oculorum suffusio, aurium sonitus, totius corporis lassitudo, hebetudo sensuum, & animi tristitia. Concomitantur verò vehemens, & repentinus casus, universalis concussio, manuum, pedum, oculorum, colli, labiorum inæqualis commotio, dentium stridor, spumæ per os eruptio, sensuum omnium abolitio, alvi excrementorum, urinæ, & seminis interdum involuntaria egestio, atque etiam post paroxysmum, eorum, quæ circa se gesta sunt, oblivio: quamvis, & stantes, & sedentes, & cursitantes, & audientes, & memores, epilepticorum nonnulli referantur.



Ab abscessu in cerebro, & meningibus progenitæ epilepsiæ, eorumque sphacelo, & calvariæ carie, signa petentur à prægressa capitis læsione, vulnere, contusione, erysi pelate, gravedine, gallica contagione. Ita quoque si per consensum à ventriculo, liene, utero, ibique secundinis, placenta, vel lochiis retentis, vasis spermaticis, intestinis, ac vermibus ibidem sitis, crure, tibia, pede, vel manu, aliisque partibus, epilepticæ insultationes dependeant, harum partium affectarum signa aderunt: fortasse venena fuere assumpta; morsus bestiarum inflicti; cutis apparebit alicubi fædata, varicibus, pustulis, vel variolis affecta; & æger ipse, vel ante, vel post paroxysmum, de alicujus partis læsione conqueretur.

Licet insanabilis putetur Epilepsia, plerique tamen ab illa evaserunt. Verum recens in pueris, breves habens, & leves paroxysmos, atque à causis evidentibus excitata, facilius solet esse curationis; Diuturna verò, hæreditaria, in senibus, crebrius repens, & diutius perdurans, cujus etiam occulta causa est, vel nunquam, vel difficillimè curatur. De ea autem scribit Hippocrates 2. *Aph.* 45. *Quicumque Juvenes morbo comitiali laborant mutatione maximè ætatis, & temporum, & locorum, & victuum quoque liberantur.* Et 5. *Aph.* 7. *Quibuscumque morbi comitiales fiunt ante pubertatem, mutationem accipiunt; Quibuscumque autem vigesimo quinto anno ferè commoriuntur.* Et eodem lib. et. 70. *A Quartanis capti non admodum convulsionibus capiuntur, si verò prius capiantur, & quartana supervenerit, liberantur.* Idem etiam repetit 6. *epid.* sect. 6. *quartana correpti à magno morbo liberantur.*

Remedia Medici distinguunt, ne-

dum pro causarum, sed etiam pro temporum diversitate. In ipso paroxysmo omnem industriam adhibent, ut quàm citiùs fieri potest æger in sensus redeat. In posterum verò præcavere conantur, ne denuò illo corripiatur, pervestigatis scilicet causis, undè fomitem is habeat, & repetitionem, iisque, pro re nata, domitis, vel expulsis.

Ad primum, plura solent in hanc rem adhibere: extremas partes arctè obligant: nares, tempora, & palatum oleo succini, rutæ, castorei, aliove inungunt: podici supponunt balanos acres ex felle, aut sapone Genuensi: scapulis, & cruribus cucurbitulas cum frictionibus, & cutis incisione, admovent: Capillos evellunt, aut cum spiritu vini cremant: ungulam Alcis, quæ à proprietate dicitur epilepticis succurrere, collo suspendunt: fortiora enemata iniiciunt: acerrima violenter in os immittunt, maxillas diducunt, & lignum aliquod intericiunt, ne à dentibus vehementiori motu compressis lingua scindatur: neque defunt, qui in aures cantilenas quasdam insusurrent, aut inclament.

Alii solis antiepilepticis patientes blandius curant, ductus cum cerebro consentientes roborando, fovendoque spinam essentiis capitalibus, ut lavendulæ, castorei, rutæ sylvestris, salviæ, roris marini, succini, opobalsami. Quare ad excitandos epilepticos immittit in nares succum rutæ ad unciam semis cum castorei drachma una Rodericus à Fonseca. Intrudunt etiam in os antiepilepticum aliquod medicamentum, ex his quæ infra referemus. Quod autem nonnulli affectos erigunt, illorumque brachia, & crura à motibus cohibent, vel in hoc, vel in illo situ constringunt, sternutamenta mo-



ventia naribus indunt, cucurbitulas, & incisiones adhibent, diversisque modis patientes asperius tractant; paroxysmi morem interturbant, & Naturæ conatus impediunt: hujusmodi enim Praxis sæpissimè perperam instituitur; quoniam hoc pacto duplex Naturæ molestia: altera nimirum à morbo, & altera non levior à Medentibus intentatur; cum longè præstitisset finire paroxysmum juxta morem suum transire, & laborantes unica tantum plaga affligi; sapienter quidem concludit Vvillisius *de morb. Convuls. cap. 3.* Solum vomitoria conferrent plurimum, si à ventriculi gravamine æger convelleretur, & Natura per eam partem seipsam exonerare tentaret.

Ad secundum, Prophylaxim variè instituunt, pro varietate causarum, & partium quas putant affectas. Qui in Idiopathica Epilepsia obstrui arbitrantur cerebri ventriculos crassiss, viscosisque succis, toti sunt in evacuando; neque solum per ea, quæ alvum laxant, aut vomitum movent, sed etiam per errhina, caput purgia, cauteria, tum sincipiti, tum collo, tum brachiis, & tibiis adhibita. Quinimmò Petrus Salius Diversus, & Zacutus Lusitanus etiam sanguinem mittendum aliquando suadent, arbitrati dari posse Epilepsiam à sanguine. Exhibent similiter decocta capitalia dicta, ad extenuandos humores, eosque per cutim educendos; ac prætereà nonnulla alia medicamenta, quæ ipsis dicuntur à proprietate occulta epilepticis opitulari, & imminentes paroxysmos præcavere. In sympathica verò, præter antedicta, quæ cerebro succurrunt, offerunt quoque quæcumque malè affecta viscera; unde labes tanti mali provenire creditur, repurgent, & moderentur.

At Hippocrates præter usum Hel-lebori utriusque, sed præsertim albi, quo vomitus provocaretur, commendavit Pyrethrum. Et Galenus usus est oxymelle, tum simplici, tum scil-litico.

Qui vaporibus acribus, maligna conditione cerebrum stimulantibus, causam hujus affectus attribuerunt, ipsis retundendis, & castigandis incumbunt, atque insuper humores, ex quibus illi elevantur, apposis medicamentis educere conantur; non neglectis intereà, quæ visceribus consentientibus occurrant.

Sylvio Deleboe commendantur, quæ salem possident per lixivium parandum, tum fixum, tum volatilem; ut Ruta, Polium montanum, Pæoniæ semina, & radices, etiam Valerianæ, & Dentariæ, Liliorum convallium, & Tiliæ flores, viscum quernum, & corylinum. Similiter spiritus, & sal volatile C.C. castoreum, corallium, succinum, Hirundines, Picæ.

At verò Gerardo Blasio visum est curationem absolvi per emendationem causarum irregularem motum in musculis efficientium. Quamobrem spiritus tenuiores, & mobiliore alterandos præcipit refrigerantibus, & opiatis: Nervos obstruotos, aut compressos, reserandos, & amplificandos: vitiosos humores purgandos, & corrigendos; roboratis tamen partibus ad illorum generationem dispositis, & cephalicis antiepilepticis remediis congruenter adhibitis.

Paulus Barbette purgantibus insistit, & lympham temperantibus; neque verò omittit caput roborantia, simul cum visceribus compatiens, sed præcipuè antiepileptica tum simplicia, tum composita.

Vvillisio Therapeja instituitur, Primò per emeticum, si æger vomitionem tole-

Demorb.  
parr. c.  
3. Prax.  
M. adm.  
libro 1.  
obs. 21.  
& 29.



toleret, & quidem usu salis vitrioli, in tenerioribus, croco metallorum, vel mercurio vitæ, in adultioribus. Secundò per phlebotomiam, vel affixas hirudines. Tertiò per medicamentum catharticum. Quartò per specifica antiepileptica. Quintò per cauteria, & vesicantia, itemque emplastra capitalia, sternutamenta, enemata, decocta: atque his non proficientibus, per diaphoretica, & salivam educantia.

Non dissimiliter procedit Chesneau. Nam instituto in primis victu tenui, & exiccante, parùmque calefaciente, prohibitoque vini, & Veneris usu, ab enemate incipit, cujus peculiarem descriptionem habet: mox venam cephalicam utramque aperiendam præcipit; postmodum purgat bis saltem in mense. Ad hæc utitur specificis, sed præsertim portione, quam se expertum dicit, composita ex *aquæ pæoniae unc. iij. theriacæ veteris dr. j. spiritus vitrioli gutt. iv.* sumenda tribus horis ante prandium. Neque negligit externa, ut emplastra, pulveres capiti derafo inspergendos, cauteria, & reliqua respicientia partes, undè malignus vapor, ad cerebrum exhalat, ut fusiùs apud ipsum est legere.

Hermetici, quia morbum hunc cum Paracelso *vitriolatum* appellant, in spiritu vitrioli viridi illius curationem collocant, illumque præ omnibus aliis remediis proprium, & præsentaneum fatentur: Cujus descriptionem, præparationem, & usum refert Quercetanus in *Tetrade gravissim. cap. affect. cap. 30.* Transcribit etiam Idem Author *ibidem* ex Paracelso antiepilepticum aliud medicamentum ex vitriolo pariter, aliisque simplicibus compositum. Commendant præterea Paracelsistæ plura alia ad hunc affectum penitus extirpan-

dum, tum purgantia, tum specifica medicamenta ex Mercurio, Antimonio, & Vitriolo, Cinnabari fossili, helleboro, cranio humano, & coralliis elicita, quæ præ cæteris referunt, & describunt idem Quercetanus, Crollius, Hartmannus, Grulingius, & Rolfinchius.

Helmontius multa adversus epilepsiam sparsim retulit, præsertim verò ungulam Alcis affricatam, appensamque instar amuleti: Sympathicè enim ait epilepticos impetus paulatim arcere, sed assiduo usu effcetam, & inefficacem reddi. Hirudinibus etiam magnam vim attribuit. Alibi commendat salem volatilem sanguinis humani, & salia volatilia vegetabilium cephalicorum. Itemque tam Adultorum, quàm Infantium epilepsiam curari dicit spiritu salis cruoris.

Quoniam verò ab experimentis innotuit epilepsiam à constitutis quibusdam causis, superius memoratis, oriri posse, quæ nisi auferantur, impossibile sit illam curari; propterea peculiaribus remediis, eisdem occurrendum. Quare abscessus, vel præcaveatur, si immineat, vel ad resolutionem, modis supra relatis, perducatur, si jam factus sit, vel alio artificio digeratur, & expurgetur. Idemque opus in ossis calvariæ carie omnino adhibendum.

Si per consensum ventriculi fiat, præter vomitoria, vel subducentia medicamenta congruenter adhibita, specialiter de eo roborando, deque corrigendis succis in eum confluentibus, ratio habenda erit: in quem usum summè conferent electuarium baccarum Juniperi, spiritus earumdem, elixir proprietatis, spiritus mastiches, pulvis stomachicus Quercetani, pilulæ Rufi, oleum cinnamomi, essentia menthæ, aut salviæ, electuarium absinthii, decoctum Coffè: eoque

De ma-  
gnet.  
vuln.  
Cur.

Tract.  
Spin. vite,  
& Volup.  
Vivent.



eoque magis, si cum his commisceantur antiepileptica.

Si ab Hypochondriorum vitio, atque scorbutica affectione, dependeat, ad Antiscorbutica deveniendum, spiritum cochleariæ, beccabungæ, nasturtii aquatici, raphani; non omittis acidum retundentibus alkalicis, & ex chalybe compositis medicaminibus.

A retentis secundinis, & placenta, nedum sternutamenta evocantia proderunt, commendata ab Hippocrate 5. *Aph.* 49. verum etiam hysterica dissolventia, ut radix dictamni, valerianæ, aristolochiæ; extractum granorum actes, sæcula bryoniæ, trochisci de myrrha, extractum castorei, & hyperici, tinctura succini, essentia croci.

Si à vermibus, illi necandi, & deturbandi medicamentis ad id comparatis; quæ suo loco referemus. Pari modo in reliquis causis agendum.

Inter purgantia (cùm corpora sunt succi plena) præstant extractum catholicum, hiera picra, pilulæ cochleariæ, trochisci albandal, extractum agarici, resina jalapæ, oxymel scilliticum, anthosatum dictum, pulvis Comitæ de VVarvich, extractum hellebori nigri, pilulæ ex tribus Galeni, Barbettianæ, & similes.

Præ cæteris prodesse speciatim experti sunt Medici hæc, ab effectu antiepileptica vocata; suntque radix, & semen pæoniæ ex Galeno, & Zacuto; ejusque elixir ex Mynsicht: Radix valerianæ sylvestris ex Riverio: Radix dentariæ, ejusque aqua, & semen saponariæ ex Borello: Ruta crucigera, ejusque succus ex Langio: viscum quercicum ex Boyle, aut etiam corylinum, illiusque oleum Rulando celeberrimum: carduus, & millefolium ex Cratone: essentia lavendulæ, spiritus ceraforum nigrorum, sassafras,

liliorum convallium, & florum tiliæ, ac verbenæ pulvis ex Mizaldo: Frutex sambuci in salice inventi ex Hartmanno; unde Amuletum ipse componit, quo curari posse, ait, etiam quilibet longissimo tempore hoc morbo laborarunt; comprobaturque Thomas Bartholinus in *Cent. hist.* 4. 69. Pulvis radicis phu, seu valerianæ sylvestris ex Fabio Columna, & Panarolo: acori radix contusa, & in potum exhibitæ ex Heurnio: succus aquilegiæ, ex A. Gassero: radices artemisiæ annosæ emortuæ ex F. Deckers: fumus nictianæ, seu tabaci ex Riverio.

Baccæ insuper Juniperi recentes, crassæ, & maturæ, si irrorentur pluries vino veteri generoso, & furno, postquam panis exemptus fuerit, blandè siccantur, si non semel, iteratò; ultima vice baccis utcumque madentibus inspergatur unc. j. sacch. crystallini pulver. ambræ griseæ dr. ss. omniaque versentur diu, ut pulvis per omnia diffundatur. Ita servantur baccæ in vase vitreo, & singulo mane sub aurora per mensem sumantur à x. ad xx. usque ad xl. ex Theod. Mayerne *c. de Epilepsia*. Item ex eodem ibidem, semen hyoscyami à granis viij. ad xx. cum cochleari uno succi sempervivii recenter expressi per xl. dies.

Similiter hepata Ranarum, quorum præparationem, & usum memorat Hartmannus: Cerebrum humanum, ejusque spiritus ab eodem descriptus: Castoreum ex Galeno, illiusque extractum: Jecur lupinum ex Borello: Spina dorsi mustelæ fluvialis, ipsiusque sanguis, quo se vidisse sanatum epilepticum viginti quinque annorum refert Hor. Augenius: Caro lupi in pulverem redacta, & fel catelli nigri ex Riverio, quod usitatissimum in Anglia testatur Schlegius: Pulvis corvinus, quem ex Gesnero summum secretum esse scribit Reusnerus: Aqua



Picarum, & Hirundinum ex Rondeletio: Ipsæque Hirundines in pulverem redactæ ex Foresto: Pulvis secundinæ primiparæ ex Finckio, & Deckers: Ex secundinis etiam benè lotis, concisis, & cum farina secalitia mistis, atque in clibano tostis conficitur medicamentum, quod à novilunio ad primum Lunæ quadrantem manè, & serò comestum, & Epilepsiæ medetur, interea admota bis in die fronti Nicotiana leviter contusa. Cranium humanum, ejusque extractum, spiritus, sal volatile, magisterium, oleum, ex Paracelso, Quercetano, Hartmanno, Schrodero, Sennerto: Sanguis humanus ex Thoma Bartholino, qui pro Amuleto haberi quoque ait lapidem nephriticum collo suspensum: spiritus ejusdem sanguinis humani ex Helmontio. Celsus etiam l. 3. c. 23. scribit quosdam jugulati gladiatoris calido sanguine epoto, tali morbo liberatos. Stercus Pavonis in pulverem contritum ex Cratone, Borello, & Riverio: Cornu cervi crudum, vel ustum, ejusque spiritus, & sal volatile ex Hartmanno, Sennerto, & Grulingio: Lotium vaccinum ex Libavio: Vesica Apri cum lotio in clibano exiccata; vel testes ejusdem, & Galli ex H. Augenio: pulvis lumbricorum terrestrium ex Heurnio.

Unde Magnes Epileps. apud River. in prax. Præterea Cinnabaris nativa Craton. & River., vel ejus loco cinabrium Antimonii, F. Hofmann. Succinum, atque illius magisterium, oleum, sal volatile, tinctura, Quercet. River. Chesneau: Pulvis chrysoliti Cardan. Smaragdus digitis gestatus A. Boet.: vel cum Corallo, ut carnem contingat, Zecch.: Corallium rubrum, cujus grana x. cum materno lacte exhibita ante omnem alium cibum, vel potum, pueros ab epilepsia tueri tradit Villanovanus, & Camillus Leonardus, atque ab his testantur idem Boetius, &

Hoeferus: CrySTALLUM præparatum, & simul cum smaragdo, & corallo rubro exhibitum, Sennert: Bezoarticum lunare, & Dialuna Mynsicht.

Inter composita demum, & usu magis comprobata recensentur Aquæ, Pulveres, Electaria, Potiones, Emplastra, & Olea.

Ex Aquis, ut est quæ P. Barbette mirabilis dicitur: Hic *sapon. Hisp. albiß. dr. ss. Coq. in lacte vaccino, & col. unc. iii. exhib.*

Item quæ fit ex *Hirundin. xc. Rata m. ii. Castor. unc. i. vini albi lib. iii. destill. in B. M. & servatur usui.* Dosis cochlearia duo in paroxysmo, vel manè, extra paroxysmum, etiam in inveterata Epilepsia, apud Guil. Rondelet.

Vel facilius: *hirundines juvenes q. v. contund. & cum castor. m. add. mod. acet. acerr. destill. more solito.*

Aliam aquam stillatitiam describit, & extollit H. Augen. *tom. 2. Epist. & Consil. lib. 8. epist. 2.* Describitur, & alia à B. Sylvatic. *cent. 1. obs. 47.* ex Hirundinibus, & Picis, additis variis simplicibus antiepilepticis, quæ ab eodem mirabiliter commendatur.

Ex Potionibus, & Julapiis: *aq. beton. & flor. tilie singul. unc. ii. aq. fœnic. vitæ Matth. & antiepilept. Langii, singul. unc. i. spirit. sal. amm. dr. ss. tinctura Castor. gutt. x. flor. hyperic. dr. j. laud. opiat. gr. iv. ol. succ. gutt. v. syr. stœchad. unc. j. m. & singulis diebus ad minimum cochlear unum, aut alterum quater exhibet Deckers ad Prax. Barbett.*

Aliud: *ther. vet. dr. i. ap. pœon. unc. vi. spirit. vitriol. gutt. iv.* expertum dicit Chesneau.

Pro infantibus verò: *aq. flor. tilie, & fœnic. singul. unc. j. syr. stœchad. & diacod. singul. unc. ss. spirit. sal. amm. scr. ss.* Ex eodem.

Ex Opiatis, & Electuariis: *pyrethr.*



*thr. stœchad. & cost. singul. dr. x. agar. dr. v. sem. carvi, anethi, affæ fetidæ, & aristolochiæ rotundæ singul. dr. ij. ß. succ. squill. & mell. elect. singul. lib. i. & unc. ij. Coq simul scill. & mel lento igne usque ad consistentiam, deinde super add. speciebus elect. Dosis omni manè dr. iij. quatuor horas ante cibum. Ex Montagnana.*

Aliud: *Cons. flor. beton. & anth. singul. unc. ij. rad. eryng. condit. & mithrid. singul. unc. i. pulv. lign. sassafras dr. vi. castor. dr. iii. cran. hum. non humati, & ungulæ Alcis singul. dr. ii. rad. & semin. nigell. rutæ sylvestr. & radic. pyretbr. singul. dr. i. oxymell. q. ss. opiata. Dosis dr. ii. vel iii. singulo manè. Ex Riverio. Utraque morbum radicitus tollere dicuntur.*

Ex Pulveribus: *Castor. Cran. hum. ungulæ Alcis, C. C. calcinati, stibii præpar. opopon. sanguin. drac. & lapid. ætit. singul. dr. ss. sal. v. sylvestr. & tormentill. singul. dr. i. semin. & rad. pæon. sem. rutæ, & beton. singul. dr. ß. margat. & smaragd. præp. singul. scr. i. succin. albiss. dr. i. stercor. anser. sylvestr. visci querc. & coral. rubr. præpar. singul. dr. ß. spinæ dors. serp. dr. ii. & chalcit. præpar. dr. ss. f. pulvis. Apud Gruling. mirabilis dicitur in suo Florilegio; cujus dosis dr. ss.*

Obs. 24.

Alium pulverem admirabilem prædicat Hab Heers, quem componit ex cranio hominis, stercore pavonis, vesica Apri cum lotio in furno siccata, visco colurno, oleo succini inodoro.

Sed longè efficacior observatus est, qui conficitur ex *Cinnabar. Antimon magist. coral. margar. & cranii human. singul. dr. i. lign. visc. querc. & castor. veri singul. dr. i. ss. sem. rutæ, & pæon. singul. dr. ß. sal. vol. succin. & ammon. singul. scr. i. cinnam. q. s. Dosis à scr. ss. ad scr. i. in aqua hirundinum, lavendulæ, flor. tilia, vel alterius si-*

*milis manè jeiuno stomacho.*

Celebratur etiam pulvis corvinus Obs. 13.  
à Reusnero ex Corvis juvenculis combustis, & in pulverem redactis cum aliquo liquore convenienti. Aliusefficacissimus conficitur ab Hartmanno ex Jecinoribus Ranarum, quo restitutum fuisse scribit Fridericum IV. Palatinum, qui ab anno xv. ad xxvi. fuerat epilepticus. Simplicior verò est, qui ex vero visco querno fit, & ad dr. i. exhibetur in aqua cerasorum nigrorum singulo manè per dies aliquot (circa Plenilunium nonnulli volunt), eoque nobilissimam quamdam fœminam epilepsia penè hæreditaria diù afflictam, cum cætera irrita fuissent, sanitatem obtinuisse testatur Boyle: Et nos aliquando Cap. de epilepsia.  
Nobilem quendam puerulum novem annorum deformi capite progenitum, & pluribus epilepticis invasionibus conflictatum, una cum tertiana febre, perfectè curatum vidimus, cum quo tamen miscebatur cortex Peruvianus, ante imminem accessionem exhibitus, quem antiepilepticum quoque esse aliàs deprehendimus. De util. Natur. Philos.

Ex Emplastris præstat, quod habet: *succ. albiss. thur. & mastich. singul. dr. i. ss. galban. & opopon. singul. scr. i. visc. querc. dr. ii. ambr. gris. gr. vi. mosch. gr. iii. sem. pæon. mar. dr. ss. ladani dr. i. ß. ol. nuc. myrist. parum. Extend. super corium, & asperg. pulv. cubeb. & futuræ coronali imponatur. Ex Cratone, & Horstio, qui efficacissimum tum pueris, tum adultioribus fatentur.*

Aliud: *gumm. amm. gummi. iunip. thur. & mastich. singul. unc. ii. sem. pæon. mar. & nuc. myrist. singul. dr. iii. coral. rubr. præpar. ras. eb. & C. C. sing. dr. i. malass. cum styr. liquid & f. emplastrum, atque extendatur super alutam. Arcanum habitum est*

Salie-



Salieno Medico Monspeliensi, quo etiam provectæ ætatis epilepticos integræ sanitati se restituisse testatur, præmissis tamen universalibus, atque interea epota hac aqua: *Hirundines adhuc in nido existentes viij. rad. pæon. visc. querc. singul. dr. iij. fol. rute m. j. flor. lil. convall. p. ii. castor. caryophyll. & macis singul. dr. ii. in suff. quant. vini alb. acet. scillit. & aq. meliss. super cineres calidos infund. per hor. xxiv. deinde distill. atque in vase vitreo opt. claus. collig. & servet. Aqua. Dosis pro natu majorib. ab unc. j. ad unc. ii. pro junioribus ab unc. ss. ad unc. i.*

Ex balsamis, & oleis valet hoc: *gumm. galb. bdell. in aq. ard. dissol. singul. unc. ss. bezoin. un. j. styrac. liquid. dr. j. fol. rutæ, chamædr. stor. stæchad. & lavend. singul. dr. ii. rad. cost. unc. ss. castor. scr. j. infund. incisa, & pulver. in aq. vitæ, & detin. ad macerand. in loco calido per dies aliquot. Eo postmodum frequenter fricetur spina. Plater. lib. i. obs.*

obs. 18.

Henricus ab Heers describit oleum quoddam à seipso expertum, quod fit: *vitrioli veneris, aut viridis æris calcin. lib. i. ss. cran. hum. & ungu. Alcis singul. dr. ii. visci querni, vel potius columni, & sem. pæon. mar. singul. dr. i. Hæc cum spir. vini puriss. lib. ii. diger. in retorta, & distill. secundum artem. Ingratissimum est & odore, & sapore, sed miræ efficacis si cum aqua convenienti sumatur.*

Mirificum etiam est oleum Buxi, cujus guttæ tres in cond. pæoniæ exhibentur jejuno stomacho, & in ipsa accessione cum aqua flor. tiliæ, vel pæoniæ ad unc. iii. gutt. x. Roderic. à Fonseca in Consil.

Plurimum quoque valet essentia lavendulæ, roris marini, salviæ, & castorei cum opobalsamo, si his universa spina cum occipitio usque ad sutu-

ram coronalem inungatur. At verò Sal commune ad os Epileptici jam spumantis admotum, & labiis affricatum, statim illum excitare scribit Forest. ad schol. obs. 64. l. 10.

Intrinsicè apud Nostrates in usu frequentiori est spiritus ceraforum nigrorum sylvestrium, sal volatile C. C. spiritus sanguinis, ex sale ammoniaco, & tartaro elicitus, salis ammoniaci flores, sal volatile succini. Valdè efficax expertus sum, præsertim in fœminis, magisterium succini, hoc modo paratum. Dissolvitur succinum albidissimum in spiritu vini, itaut hic tingatur: per filtrum postea traicitur, & leni calore ad dimidium evaporet: reliquum servetur. Dosis g. x. usque ad xx. & ultra, in aqua lavendulæ, aliòve simili liquore.

Pro coronide non præteribimus quod Paracelsus in diætâ commendat cum oleribus coquenda folia hellebori nigri, & pro sale viscum querceum in pulverem redactum substituendum: quo si contentus patiens salem communem minimè expetierit, certò constare, ait, eum caduco morbo laborare. Num insuper reverà curatus sit, eodem signo dignosci posse: si nimirum condimentum visci quernei nauseam moveat. Conjecturam alii faciunt ex hoc suffitu. Rasuram cornu caprini ad dr. i. cum semidrachma assæ fœtidæ iniiciunt in prunas; si morbosus concidat, jam curatum dicunt. Commendat denique idem Paracelsus pro cibis, radicem pyrethri, carnem agnina, fœniculum, cuminum, & lac ovinum; damnat verò carnes caprinas, poma, pyra, rapa, raphanum, aromata, & libidinem provocantia.



## DE APOPLEXIA.

4. de rat.  
vi&.6. &  
7. aph.  
58.

**A**B Epilepsia non rarò transitur in Apoplexiam, ob quam Ægri subito concidunt privati omni sensu, & motu, sola respiratione superstitite. Hippocrates ἀφωρίαν illam appellat, vel quia ea affectis vox præcipuè deficit, vel quia sub vocis privatione cæteras operationes animales læsas intelligit. A Latinis verò Sideratus, & Attonitus morbus appellatur, cum putarint antiqui hac ægritudine correptos, fidere, seu fulmine percussos repentè concidere: vix enim à mortuis aliquando distinguuntur.

2. aphor.  
42. & 3.  
de loc.  
aff.7.

A respiratione magis, vel minùs læsa quatuor distinguit Galenus Apoplexiæ differentias. Cum præter sensus, & motus privationem, respiratio quoque deficit, ut nec rhonchus, nec spuma in ore percipiatur, nullaque ratione muscoli pectoris attollantur, aut deprimantur, maximam, & acutissimam Apoplexiam nuncupat; Cum verò ægri respirare observantur, sed difficulter nimis, & magna cum violentia stertunt; fortem, vehementemque vocat. Minùs vehementem, cum respiratio solum inæqualis, & interrupta fit: Ac postremò debilem, in quibus aliquem illa servat ordinem, parumque læsa videtur.

Etiam morbum hunc nonnulli arbitrantur, vel idiopathicè cerebri vitio inductum; vel sympathicè ab immò ventre procedentem, & præsertim ex ebrietate, de qua Hippocrates 5. Aph.5. *Si ebrius quispiam repentè obmutuerit*: græcè ἀφωρος. Notat autem Sennertus hoc loco ἀφωρίαν reverà differre ab Apoplexia; nam etsi Aphoni, veluti Apoplectici concidunt, tamen motu planè non privantur, neque convelluntur. In

cujus rei probationem aliquot exempla refert Aphonia correptorum, qui voce privati reliquos motus, vel mediocriter exercebant. Verùm Galenus tum *comm.5.5. lib. Aph.* 51.6. & 58.7. tum potissimum 4. *de rat. vict. in ac.23.* Hippocratem interpretatur sub hoc nomine, ἀφωρία, Apoplexiam, Epilepsiam, & Cardiacam passionem, seu Syncopen voluisse comprehendere.

Convenire Apoplexiam cum Epilepsia in causa proxima docuit Galenus 3. *de loc. aff. c.7.* & 6. Aph.56. eamque esse crassum, frigidumque humorem, præsertim pituitosum, cerebri ventriculos obstruentem, adeò ut spiritus animales ad organa inferiora descendere non permittat. At alii, inter quos Sennertus, causam hujus morbi esse credunt, intermissionem spirituum animalium, vel propter meatuum angustiam, vel propter eorundem spirituum torporem, & narcosim, vel propter ipsorum effusionem, perturbationemque.

Hermetici illam attribuunt nebulosis exhalationibus in cerebrum evectis, atque ibidem conclusis, instar nubium (ut loquitur Quercetanus) in aere expansarum, quæ deindè conglacientur ab humore, vel vapore salinæ, mercurialis, vel sulphureæ conditionis, ut præsertim esse solet spiritus acidus vitrioli naturam adeptus; Licet Paracelsus jecori, & pulmōni vitium hoc interdum adscribat, & modò sulphur, modò mercurium, illius causam accuset.

P. Barbette causam existimat lympham esse crassiorē nervos obstruentem. Et Fredericus Deckers in notis, ad eundem addit etiam ex Platero Pituitam tenacem, sanguinem extra proprios ductus stagnantem, omnemque materiam viscosam in cerebro collectam.

V. A dr.  
Spig. 1.2.  
de sem.  
c. 16. &  
Rolfinc.  
conf.  
med. 15.



G. Blasius illam refert ad defectum spirituum animalium in musculis, à quibus sensum, & motum unicè pendere arbitratur.

Sylvius verò Deleboe in eorundem spirituum defectum, torporem, immobilitatem, vel conturbationem vehementem ascribit: in defectum, vitio sanguinis, vel cerebri: in torporem ab usu opiatorum, aut meri immoderato: in conturbationem ob ictum, vulnus, casum. His quoque addit defectum ipsorum in organis ob viarum obstructionem, angustiam, vel compressionem, solutamque unitatem cum nervorum, tum arteriarum, præsertim carotidum.

J. VVefferus postquam observasset in cadaveribus quorundam hoc affectu defunctorum sanguinem à venis egressum in grumos concrevisse, veletiam serosam colluviem totum cerebrum inundasse; statuit tandem loca principaliter affecta in apoplexia, non esse ventriculos, sed cerebri, & cerebelli substantiam: Causam verò proximam esse, vel impeditum sanguinis per arterias in cerebrum influxum, vel prohibitum spirituum animalium è cerebro, & cerebello per nervos ad subjectas partes descensum.

Pathol. C. I. VVillifius, constituta primùm duplici apoplexia, quam alteram cerebro, alteram cerebello assignat, atque hanc, vel *accidentalem*, vel *habitualement* nuncupat: Causam prioris adstruit ingentem continuitatis solutionem in ipso cerebri medullio, aut subitam spirituum dissipationem: illam quidem à sanguine in cerebrum effuso propter casum, ictum, concussionem, ejusdemque sanguinis acritudinem, itemque ab apostemate, si-ve abscessu disrupto, vel etiam à serosa colluvie; hanc verò à narcoticis potentioribus, & ab aquarum arden-

Tozzi Op. Med: Tom. I.

tium potu immoderato. Posterioris autem apoplexiæ causam conjunctam consistere docet in cerebri, & corporis callosi poris protinus oppletis, occlusisque, atque in spiritibus à materiæ irruentis maligno contactu dissipatis, ac veluti acido vitrioli affectis, redditisque motui ineptissimis. Denique tum cerebrum, tum cerebellum huic morbo obnoxium arbitratur: Cerebrum, si crebræ vertigines præcedant: Cerebellum, si incubus, pulsus intermittentes, syncope, ac iterata lipothymia.

Helmontius sicut cæteras ægritudines cerebri, ita hunc affectum vitio *Duumviratus* attribuit, sed præsertim stomachi. Non tamen negat Apoplexiam ex utero, & ex vitiato felis fermento. Hinc remediis illam curari, ait, stomacho aptissimis, præcipuè aromatibus; recentem verò multoties promotò solum vomitu.

Jus duū-  
vir. Asth-  
ma, &  
Tuf.  
Ign. Aët.  
Regim. à  
sede A-  
nim. &  
de lirr.  
c. 9. Re-  
centa  
Morb.  
sed. in  
an. sens.

Verùm si anatomicis observationibus standum est, à pluribus, variisque causis Apoplexias ortas deprehendes: scilicet ab occlusis vasis; à concreto sanguine, aut extra proprios ductus per cerebrum effuso; ab obstructis, ulceratis, vel compressis arteriis, præsertim caroticis; à sero, & limpha stagnante in ventribus; ab impedita ejusdem transcolatione in cortice cerebri; ab hydatidibus, & variolis in meningibus, & plexibus; ab abscessu; à pure; à calculis, aliisque gravantibus, opplentibus, vel dissolventibus cerebri substantiam.

Si præterea externas causas spectemus, frequentiores, & manifestiores illæ observatæ sunt, capitis ictus, contusiones, terrores inopini, fulmen, immodicus vini, aut ardentis aquæ potus, narcoticorum immoderatus usus, vehemens animi motio, potissimum Ira, Pudor, Mœstitia, Timor. Novilanonem, qui cum vel-

H let



let quendam adoriri, à quo fuerat injuria affectus, ab illo eodem frusto carnis ictus, ira simul, & timore commotus, repentè concidit, & mortuus est. A peculiari etiam Temporum, & Aeris constitutione accidunt non rarò in quibusdam Regionibus Apoplexiæ, ut ex pluviosa tempestate evenire scribit Hippocrates 3. *Aph.* 16.

text. 23.  
& 27. ubi  
Galen.

Speciatim autem notatu dignum est, quod idem Hippocrates 4. *de rat. vict. in acut.* sub nomine Aphoniæ Apoplexiam fieri docet propter interceptionem vasorum: inquit enim. *Cum quis repentè obmutescit, id venarum interceptiones, occlusionesque faciunt;* quod etiam innuere videtur lib. 2. *de Morbis*. Interceptiones autem nonnisi ad impeditum sanguinis (ut etiam lymphæ) circuitum referri possunt. De qua re Rolfinch. *dissert. Anatom. lib. 6. cap. 50.* Legi quoque meretur Fernelius 2. *de abd. rer. caus.* c. 15.

Neque despicienda est observatio Avicennæ *fen. 1. 3. tr. 5. c. 12.* dicentis: *Qui plurimum utuntur venæ sectione propter melancholicum sanguinem, ex multitudine quidem phlebotomia juvari videntur, sed in fine deficiunt, quoniam incidunt in apoplexiam, & similes morbos.*

Itaque ab his cunctas causas apoplexiam inferre valentes, deducere nullo negotio licebit. Ad signa verò quod attinet. Cum quis repentè concidit omni sensu, & motu privatus, superstite solùm respiratione, sed difficili, aut interrupta, procul dubio apoplecticus existimandus est. Quandoque etiam adeò fit debilis respiratione, ut ne vix quidem percipiatur, etsi ori admoveatur candela accensa, vel speculum mundum, & perpolitum; unde nonnulli tamquam mortui sepulturæ traditi fuere. In his igitur certius vitæ indicium est

pulsus, qui licet exiguus, aderit tamen; eoque differt apoplexia à Syncope: hanc enim sensus non destituit, quamvis pulsus deficiat: illam verò comitantur sensuum omnium abolitiones, sed pulsus perseverant. Internoscetur insuper ab epilepsia, lethargo, caro, uteri præfocatione: quia in epilepsia corpus convellitur: in lethargo febricitat, & aliquo sensu gaudet; nam lethargici aliquandò vocati respondent, & inducto dolore commoventur: in caro respiratio non tam graviter offenditur, & aliquis sensus manet: demum in uteri præfocatione, neque respiratio læditur, sed & patiens conqueritur, & sentit, interrupta suspiria ducit, & plerumque etiam facies ingenti rubore suffunditur. Cæterum causæ, partim ex superiùs traditis, partim etiam ex adstantium relatione eliciuntur: quamquàm in hoc non rarò Medici decipiantur.

Præcedere autem solent apoplexiam gravans capitis dolor, vertigo tenebricosa, corporis tremor, desidia, aut languor, internorum sensuum turbatio, evidens in memoria defectus, in somno gravitas, & incubus, dentium stridor, & labiorum palpitatio: de quibus latè Ægineta lib. 3. c. 18. & Avicenna 1. 3. tr. 5.

Hinc Prognosis ad malum est, nam ut plurimum apoplectici intra quadriduum moriuntur. Solet tamen in paralyfim desinere, vel in Hemiplegiam, deposita nimirum materia in partes inferiores. Hippocrates 2. *Aph.* 42. *solvere fortem Apoplexiam,* inquit, *impossibile; debilem verò non facile.* Et 6. *Aph.* 51. *Quicumque sani dolore capitis repentè capiuntur, & statim muti* (græcè Aphoni) *fiunt, & stertunt; in septem diebus pereunt, nisi febris apprehenderit:* quem Aphorismum de Apoplexia



Galenus exponit. Præterea non referri in vitam eos, quibus spuma circa os apparet, dicitur 2. *Aph.* 43. (quamvis Galenus in *comm.* nonnullos in vitam relatos, referat, quibus spuma circa os apparuerit) Et 7. *Aph.* 58. *Quibus cerebrum aliqua ex causa concussum fuerit, necesse est statim mortos fieri*; disruptis fortasse venulis, aut arteriis, effusoque sanguine cerebri comprimente, ut extant historia apud VVepferum, Fernelium, & Henricum ab Heers. A graviore etiam, vel leviori respirationis læsione de vario eventu licebit prælagire, documento Galeni 3. *de loc. aff.* c. 7. Quod apoplectici absque respiratione ad dies integros deducantur, & tandem expurgantur, & reviviscant, scribit VVillifius evenire non propter calorem vitalem denuò in corde exsuscitatum (namque hic non penitus desperiit) sed quatenus materia morbifica è cerebello discussa, vel evaporata, cordis motus, tamquam horologii ponderibus appensis, redintegratur. At cur tamdiu sine respiratione in vita conservari possint, non explicat. Verisimile quidem est, eo tempore feriari à motu musculos intercostales, & diaphragma; Pulmonem verò, lentè tamen, & non admodum expandi, sed quantum satis sit motui cordis, & sanguinis conservando, qui nostris sensibus vix conspicuus est: tametsi intercipi quoque posse vitam observemus in his, qui in aquis pereunt; pedibus enim suspensi, & calido adjuti plerumque reviviscunt, etsi ad horam penè mortui jacuerint. Ad hoc etiam facit, quod hyeme ex Istri fundo hirundines conglobatim retibus ad piscandum paratis extrahuntur, atque ad Solem expositæ expurgantur, quamvis deindè ad longum tempus vitam non trahant: quod non ita eve-

nit, cum sua prenatura, Vere adveniente, Hyems solvitur; illæ enim resurgunt, & usque ad nos nidificandi, gignendæque prolis gratia advolant. Daniel Bartolus Jesuita in libello Italico, cui nomen fecit *Del Ghiaccio*, ait, ad mare Balticum quotannis multa hirundinum millia convenire, quæ tandem arctè in globos coeunt, atque ita in maris fundum sese deiciunt, ut ibi hyemem transigant; additque aliquandò volumina illa hirundinum saginis extrahi. Quod verò Galenici de Transpiratione, seu Perspiratione dicunt, imperceptibile est, cum apoplectici in his casibus adeò refrigerentur, ut penè marmorei evadant, & fuliginum perspirationem per cutim admittere non possint: præterquam quod decipiuntur quoque in usu respirationis, ut alibi dictum.

A gravi hac in respiratione noxa contingit, ut apoplectici, vel nunquam, vel rarenter evadant: læsa namque tam graviter respiratione, sanguinis, & cordis motus interturbatur, ac impeditur, unde vita desinit, quam à cordis, & sanguinis motu esse alibi explicuimus.

Ut igitur aliqua ex his, quæ de illius curatione Medici scripserunt, attingamus. Vetustiores Dogmatici, & Galenici iisdem ferè medicamentis usi sunt in apoplexia, ac in epilepsia, cæterisque soporiferis affectibus, solum in apoplexia purgantibus validioribus urgent, aliisque vim habentibus quoque modo evocandi; quoniam hanc existimant comitari ventriculorum cerebri maximam obstructionem; quamobrem nedum cathartici acrioribus obstruentes crassos succos solvere, & educere conantur, sed etiam balanis, clysteribus acerrimis, vesicantibus, cucurbitulis, cauterio cervici, & futuræ coro-

Num. 17.  
exp. 9.

Exercit.  
de apopl.  
De abd.  
rer. caus.  
lib. 2. cap  
15. obs. 12

V. Helm.  
Demens  
Idea.



nali admoto, nec non candente sartagine moliuntur.

Nec insuper à venæ sectione abstinere, præsertim si vultus rubicundus appareat, fulti etiam autoritate Celsi, qui *lib. 3. cap. 27.* inquit: *Si omnia membra resoluta sunt, sanguinis missio vel occidit, vel liberat. Aliud curationis genus vix unquam sanitatem restituit, sæpè mortem tantum differt, vitam interim infestat. Post sanguinis missionem si non redit & motus, & mens, nihil spei superest; si redit, sanitas quoque prospicitur.* Hinc Paulus Ægineta omnibus aliis postpositis medicamentis illicò ad phlebotomiam confugit, neque semel tantum, sed bis, & eodem, aut sequenti die, secta vena cubiti, vel cephalica, ut vult Avicenna, Rhasis, & Mesues. At Aetius primum vomitoriis, vel clysteribus, ventrem exonerat, mox sanguinem mittit, cui consentit Oribasius.

Inhærent his recentiores Galenici, sed cautiùs procedendum arbitrantur in sanguinis detractioe, cum à pituita illa pendere videatur: quare clysteribus potiùs, cucurbitulis, & evacuantibus, tum universalibus, tum particularibus insistent. Si verò à sanguine illam ortam credant, ducti à rubore vultus, à suppressa ejusdem evacuatione, venarum, articularumque tumore, sanguinis missionem primum instituunt, postmodum purgantia exhibent. Sic pariter ab opiatibus inductam, vel ab ictu, aut vulnere, tractant excitantibus egrum, & vulnus Chirurgorum ope ad cicatricem perducentibus.

Hermetici sua his adiiciunt antiapoplectica. Et quidem inter purgantia præstare ajunt, helleborum, ejusque extractum, & syrupum helleboratum dictum descriptione Quercetani: ac inter roborantia, balsamum

antiapoplecticum, & aquam antiapoplecticam Hartmanni, itemque oleum camphoræ, spiritum apoplecticum cum vitriolo præparatum, & elixir cephalicum Michaelis, aquam apoplecticam Mynsichti, ejusdemque balsamum.

P. Barbette sicuti existimat lympham crassiorē nervos obstruentem causam hujus affectus esse; ita illi evacuandæ, attenuandæque incumbit. Quare exhibet resinam agarici, & extractum catholicum, cum tartaro vitriolato; pariterque decoctum fennæ, radicis ireos, agarici, & seminum pæoniæ, cum diacarthamo. Commendat insuper tamquam efficax medicamentum spiritum salis dulcem ritè præparatum, & continuo in vino, aliove potu assueto ad guttas x. vel xv. assumptum. Additque ejus Adnotator Deckers omnibus præcellere salis ammoniaci flores, vel ejusdem spiritum, eumque non tantum pituitam solvere, verum etiam acido-austerum corrigere, atque mœstos hilares reddere. Fatetur prætereà seipsum felici cum successu usum linimento ex oleo succini, spicæ, castorei, additis floribus hyperici, & succo rutæ expresso. Purgantibus verò miscendum jubet castoreum, addendamque resinam colocynthidis, extractum hellebori nigri, tartarum vitriolatum, & spiritum salis ammoniaci.

G. Blasius aliam, atque aliam curationem pro variis causis suscipit. Quare cum spirituum defectu ortam apoplexiam arbitratur, remediis spiritus reficientibus insistit. A narcoticorum immoderato usu, fumo carbonis, vapore calcis, similisve; alexipharmacis, sudoriferis, errhinis, & apophlegmatismis utitur. Si à cerebri imbecillitate; cephalicis roborantibus, & antiapoplecticis. Si ab

angu-

Lib. 3.  
cap. 18.  
f. 1. 3. c. 1.  
div. c. 12.  
c. de A-  
popl.  
Tetrab. 3.  
f. 2. c. 27.  
Syn. l. 7.

Tetrad.  
graviss.  
aff.



angustia viarum, scilicet nervorum; pro causæ conditione varia, varia exhibet. Semper autem ac ab humore obstruente, aut comprimente illam fieri putat, enematis, & balanis acribus ejus evacuationem molitur, præter sternutamentum moventia, cucurbitulas, fomenta, olea, cerebrum speciatim repurgantia.

Pari modo Sylvius procedit, atque à causis diversis, unde apoplexiam progigni existimat, diversa quoque medicamentorum genera commendat. Spiritus animales deficientes reficit: quæ eorundem generationi, vel transmissioni impedimento sunt, removet; ideòque fluentem extra vasa sanguinem, ne spinalem medullam comprimat, aliò divertere, ac venæ sectione in pede instituta detrahenda se putat; effluxum verò, ad palatum, & nares allicit per concretum sanguinem dissolventia. Si verò pituitosum humorem in spinalem medullam confluere coniiciat, etiam purgantibus acrioribus per alvum subducere illum adnititur: nec abhorret à cauteriis, cucurbitulis, sinapismis, & quod majus, à larga sanguinis evacuatione. Cæterum capillorum avulsionem, cutis vellicationem, digitorum distorsionem, narium frictionem, corporis in situ pro no concussionem, ligaturas, frictiones cum aceto, & sale, ac vomitoria, quæ plurimis proficientia creduntur, ipse vel improbat, & vituperat, vel tamquam inutilia despicit. Apoplecticis autem ex opio, vino, ejusque spiritu, præter venæ sectionem, frictiones, & ligaturas, opitulatur aceto, castoreo, oleo succini; & si ventriculus cibo gravatus percipiatur, etiam vomitoriis, & purgantibus medicamentis occurrit. Postremò à capitis concussionem turbatos spiritus anodynis medicamentis

sedandos, demulcendos, ac refocillandos esse monet. Reliquas apoplexiæ species insanabiles existimat.

Quamvis VVefferus nondum, quod sciam, in lucem emisit Centuriam Observationum, & Curationum apoplecticorum, jam diù pollicitam, curandi tamen methodum ex historiis in auctuario descriptis hanc colligere licet. Præmissa venæ sectione, cum terebra adhibere nequit, capiti sacculos quosdam cephalicos in vino decoctos applicat, tincturam Traumaticam, tum externè, tum internè adhibet, itemque julapium ex aqua hederæ terrestris, veronicæ, chærefolii, betonicæ, cum syr. viol. papav. errat. & acido citr. compositum, vel etiam decoctum C. C. præter alvum subducentia. Tincturam autem Traumaticam sic describit. *Butyr. Majal. lib. iij. liquef. lento calore in vase terr. vitr. & despum. add. fol. & flor. herb. recent. quarumlibet perfectam maturitatem adeptarum, ac minutim incis. scilicet herbæ chæref. petrosel. singul. m. ij. plantag. utriusque, nasturt. aquat. anagall. beccabung. solan. meliss. virg. aur. pentaphyll. veron. bistort. nicot. salv. n. flor. hyper. cent. min. singul. m. j. ss. diger. in loco tepid. & quotidie bis, terve bacillo agit. donec herbæ omnes mutuò accesserint; postea coq. lento calore, & fortiter exprim. Mox huic expressioni ind. lumb. terrestr. aq. plantag. & aceto rubi Idailotor. & minutim. concisor. unc. j. ss. Iterum coq. lento calore ad consumptionem succorum, & percolet. tandem admisceatur mell. despum. lib. j. & servetur in vase terr. vitr. Dosis dr. j. vel etiam ii. seorsim, vel in jussculo solut. quoties suspicio concreti, & congelati sanguinis obvenit. Nonnulli cum lumbricis commiscent stercoris ovilli m. j. quod tamen tutò omitti potest.*



Parum à superioribus differt VVil-  
liffi Therapeia. Is enim, vel ad præ-  
sentem, vel ad ingruentem paroxys-  
mum respicit. In præfenti, detinen-  
dum monet ægrotantem extra cubi-  
le, vel saltem erecto capite, si cubili  
illum committere necessum sit: mox  
phlebotomiam indiscriminatim ne-  
cessariam, minimèque differendam  
opinatur, acriori enemate priùs in-  
jecto, ex speciebus hieræ, diacolo-  
cynthide, & infuso croci metallorum,  
deindè vesicantia cervici, cruribus, &  
pedibus applicanda, & toti corpori  
frictiones dolorificas suadet adhi-  
bendas. Interim spiritus animales  
roborat, & acuit, spiritu C.C. & fu-  
liginis cum julapio cephalico. Post  
hæc emeticum commendat ex sale  
vitrioli cum oxymelle scillitico, aut  
infuso croci metallorum; deinde pro-  
pinat elixir vitæ Quercetani, spiri-  
tum lavendulæ, spiritum theriacalem  
camphoratum, tincturam pæoniæ,  
succini, aut coralliorum cum aquis  
apoplecticis. Naribus verò admovet  
spiritum salis ammoniaci, aut suffi-  
tus ex galbano decocto in aceto acer-  
rimo; Frontem, & synciput foveat ace-  
to bezoardico, cathartica repetit,  
hirudines temporibus, & post aures  
applicat, vertici abrafo ferrum can-  
dens imponit, & spiritum C.C. aut  
fuliginis in majori dosi exhibet.

In Prophylaxin verò eorum præ-  
sertim, qui à parentibus apoplecticis  
orti, vertigini, incubo, aut leipothy-  
miæ obnoxii observantur, consulit  
catharsim tum per os ex infuso croci  
metallorum, cum sale vitrioli; tum  
per alvum cum pilulis Rudii, vel è  
succino, pluries repetitis: postmo-  
dum cauteria in homoplatis, vel in  
cruribus; ac vicissim cephalica diversi  
generis, spiritum salis ammoniaci ex  
succino, elixir pæoniæ, tincturam  
succini, elixir vitæ Quercetani, spi-

ritum ceraforum nigrorum, juglan-  
dium, vel rorismarini, decoctum  
Thee, vel Coffe, aut confectionem  
chocolatæ in hunc finem ab ipso de-  
scriptam, propinat, ut fusiùs apud  
eundem est legere.

Quoniam Helmontius affectum De Feb.  
c. 15. n. 7.  
hunc stomachi vitio attribuit, illi  
propterea succurrere studet: præ ce-  
teris verò commendat salem volati-  
lem aromatum; inquit enim: *Si oleum  
cinnamomi, caryophyllorum, laven-  
dulæ &c. noveris transmutare in sa-  
lem volatilem, naetus es medicamen-  
tum temperatum, efficiens quantum  
de istis simplicibus sperari potest in  
veteri vertigine, palpitatione, apo-  
plexia, similibusque.* Alibi etiam fa-  
tetur recentem apoplexiam per vo-  
mitum curatam, præcipuè ex vitrio-  
lo albo; alias verò, & in paralyfim de-  
ductas, exhibito diaphoretico para-  
celsi. Ejus insuper sectator P. Jo. Fa-  
ber curandæ apoplexiæ arcanum in  
vomitu consistere, scribit; quamo-  
brem vinum emeticum, pulverem  
emeticum, & flores Antimoni summè  
prodesse testatur; postea sudorifica  
exhibet, præsertim quod ipse ex stam-  
no componit.

At longum satis foret omnia me-  
dicamentorum genera à Medicis  
præscripta hic recensere, cum quis-  
que pro re concepta, diversa, ac va-  
ria consulat, solum celebriora, ac  
magis comprobata in medium addu-  
cere supererit.

Memorat Solenander in Consiliis Conf. 14.  
sect. 3.  
quandam aquam adversus apople-  
xiam, paralyfim, & Epilepsiam, cum  
confectione, quibus Palatinos Comi-  
tes Electores feliciter fatetur usos.  
Aquam ex his conficit: *flor. lilior.  
convall. m. viii. in vini generosi alb.  
lib. iv. infund. & agit. atque post  
quatuor, vel quinque dies distill. in  
B. M. deindè cum hac commiscet,  
flor.*



*flor. stœchad. Arab. & flor. rorismar. singul. m. j. flor. lavend. m. j. ss. caryophyll. & nuc. odor. singul. dr. j. ss. cubeb. dr. ij. visc. quer. dr. iij. ss. rad. pæon. unc. iij. quæ rursus indita in vitreum vas per dies vij. ad solem, & sæpius agitata, denuò distill. in B.M.*

Confectio verò est, quæ habet : *sem. pæon. decortic. unc. ss. margar. scr. j. macis dr. ss. fol. aur. vij. sacch. optim. in aq. supra scripta solut. unc. v.*

Consult. 16. Rolfinchius in consiliis Medicis singularem prædicat aliam aquam, atque miræ virtutis esse scribit in roborando cerebro, & nervis, sive intrinsecus assumatur, sive exterius adhibeatur. Fit autem ex *fol. salv. cum summit. & fl. amarac. lil. convall. meliss. hyssop. & lavend. singul. m. ij. rorismar. verben. singul. m. ss. rad. doronic. unc. j. nuc. myrist. galang. & cinnam. singul. unc. ss. bacc. laur. & junip. unc. iij. herbe paris. unc. j. sem. carvi, cubeb. & cardam. singul. unc. ss.* Contusa optimè omnia infundantur in vin. alb. optim. q. f. & detineantur in fimo equino per dies xiv. postea distill. in B.M. & aqua servetur. Dosis ad libitum pro conditione patientis.

De Salvia peculiariter notandum ejus decoctum, vel extractum efficacissimum esse, ut notat etiam Hartmannus, qui scribit subscriptæ aquæ vitæ usu loquelam apoplecticos recuperare. In *aq. vitæ q. s. gran. junip. m. ij. contund. & macer. per triduum, & colentur; deinde imponatur salvia, pulegium, & nasturtium æquis partibus cum dr. j. croci.*

Describit insuper aliam aquam suæ inventionis quam unicè prodesse ait ad cochleare unum, cum gutta una, vel altera olei succini, jejuno stomacho. Mirabile quoque inquit esse balsamum vitæ compositum ex balsamis Orientali, & Turcico; itemque balsamum Apoplecticum Crollii, &

aquam vitæ apoplecticam ejusdem; necnon laudanum antiepilepticum, & oleum camphoræ verum à seipso descriptum. Addit præterea Cardilucius ad excitandos apoplecticos, morbumque hunc gravem expugnandum, valere mirum in modum spiritum elicatum ex sale tartari, & ammoniaco, si nimirum naribus admoveatur, & in os patientis instilletur.

Aliam aquam antiapoplecticam conficit Mynsicht aliudque balsamum, atque utrumque mirè extollit; sicut & spiritum salis coagulatum, præter alia innumera. Sect. 19.  
Sect. 34.  
Sect. 1.

Henricus ab Heers ad apoplexiam ex capitis ictu, casu, aut contusione magnificat emplastrum, quod etiam à Francisco Valleriola commendatum, & à seipso fidum inventum, ait, atque tale est. *gumm. hederæ, ceræ, & terebinthinæ, singul. unc. iij. resina purgata unc. ss. succ. corymbor. hederæ unc. iv. ammon. unc. ij. ol. ros. unc. ii. & ss. cum farin. fabar. q. s. f. cer. capiti abra so imponendum.* Lib. 1.  
obs. med.  
obs. 12. & 21.  
Lib. 5.  
obs. 9.

Antiapoplectica denique simplicia internè assumenda recensentur, salvia, rosmarinus, lavendula, ruta, liliū convallium, stœchas Arabica, radices Angelicæ, Imperatoriæ, Pentaphylli, & Tormentillæ, Gummi juniperi, semina Cari, & Sinapis, Succinum; atque ex his eliciti spiritus, aquæ, & olea. Externè verò radix verbasci virgin. quam Hartmannus in *praxi chymiatr.* fatetur præsentissimum remedium esse ex collo gestatam: Et Dodonæus tueri ab apoplexia scribit. Excitare apoplecticos refert etiam Hartmannus fumum penarum Perdicum, & succini, vel hujus oleum intra nares cum penna Perdicis sæpius inditum. Idem etiam præstare Rutæ balsamum per odorem attractum alii memorant. Boyleus

Cap. de Catarrh.



Ad cap. 3  
1.5. Path.  
Fernel.

potentissimum ait esse oleum lentisci distillatum, & naribus insufflatum. De Pelle humana adversus apoplexiam notabilem historiam narrat Otho Heurnius, cujus verba hic transcribere non gravabor. *D. Screvelius anno 1639. commemoravit mihi quòd Hage Comitis tractasset Chirurgum quendam Apoplecticum, qui statim ac corripiebatur morbo, clamabat: PELLIS HUMANA. Screvelius quærebat quid ea vellet? collo appensam dicebat; eo modo enim ante tempus aliquod apoplecticum Germanum sanatum vidisse, qui subindè cutem humanam expetebat, quam cum ipse à Petro Pauw Anatomie Professore Leydensi petiisset, illicò collo appendebat, & apoplexia planè liberabatur.*

Epist.  
m. 8.

Ad arcendam denique apoplexiam pro singulari experimento habet Abraham Seyler relatus in *Epistolis Cratonis, & aliorum Medicorum à Scholzio editis* subscriptas pilulas. *Ex cubeb. calamentib. mastich. nuc. myrist. & caryophyll. singul. dr. j. ambrae dr. ss. mosch. gr. vi. cum succo amaracina massam conficit.* Ad scr. j. exhibet, etiam æstivo tempore post frugaliorē cœnam, tempore Novilunii, & Plenilunii.

## DE PARALYSI.

**D**efinit aliquandò apoplexia in paralyfim, seu in resolutionem, & abolitionem motus, quandoque etiam & sensus, in una, vel pluribus partibus. Interdum totum quoque corpus (excepto capite) sensu, motuque destituitur; unde paraplegia, & paraplexia; quandoque verò solum pars dextra, vel sinistra afficitur, adhuc cum capitis medietate, & hemiplegia, ac hemiplexia nuncupatur.

Paulò mitior paralyfi est stupor, & torpor, in quo partes sensu solum he-

betantur: quare is prodromus paralyfis, & paralyfis imperfecta dici solet, cum præsertim citrà præcedentem apoplexiam evenit. Hinc nonnulli, motus privationem in partibus propriè paralyfim appellant; sensus verò amissionem, seu diminutionem, potiùs stuporem, & torporem, Græcè ἀναισθησίαν dicunt. Confunditur autem cum paralyfi παράσις, quæ ab Avicenna *mollificatio* dicitur, cum in ea membra mollia, laxa, atque in motu remissa observentur. quamquàm Æginetæ paralyfi minor esse videatur.

Putatur ferè communiter paralyfis contingere ob densationem, compressionem, aut obstructionem nervorum à crassis, glutinosisque humoribus, qui ex cerebro affecto naturæ conamine deponuntur in nervos, & musculos subjectos, unde hi animales spiritus suscipere nequeunt, nec motum, nec sensum exequi possunt. Addit Avicenna *complexionis membri recipientis corruptionem*, quam Galenus ad *refrigerationem* retulit. Unde ex eodem quidam sub multa pluvia, ac vento impetuoso, cum madidum pallium collo diutiùs involvisset in paralyfim incidit; sicut & piscator ibidem ab eodem Gal. memoratus Hippocrates verò *lib. de flatibus* paralyfis, seu siderationis, apoplexiæ, & epilepsiæ causam statuit flatus esse frigidos, & multos per corpus discurrentes, & carnes inflantes.

At pluribus convellit hanc de nervorum obstructione sententiam Helmontius, quam etiam multo antea exagitaverat Platerus. Ipse verò Helmontius Pylori indignationem accusans, quandoque ex mœrore illam oriri existimat, & aliquandò ex Colica, itemque ex utero, à spiritu devio, & erroneo.

Lib. 3.  
cap. de  
paralyfi,

V. Gal. 1.  
de symp.  
Caus. 5.  
& 2. de  
symp.  
caus. c. 2.

Lib. 3.  
cap. de  
paralyfi.  
1. de loc.  
aff. c. 6. 4.  
de 1. aff.  
cap. 4. &  
1. de caus.  
morb. c. 9

Delithiaf. c. 9.  
Pyfor. re  
tor. de  
cœceptis.  
Jus duū-  
virat. ign  
act. re-  
gim.



Vifum est Sylvio Deleboe fieri paralyfim, vel musculorum, vel animalium spirituum vitio. Et quidem musculorum: cum ipsorum fibræ ineptæ sunt, & malè dispositæ ad sui extensionem, flaccidæ scilicet, & molles. Vitio verò animalium spirituum, si impotentes sint ad fibras musculorum distendendas: aut quia deficientes: aut quia immobiles. Unde quæcumque possunt flaccidas, & molles reddere musculorum fibras, humiditas in primis aquea, sive in corpore manens, sive forinsecus adveniens; atque omnia nervos angustantia, comprimentia, dissecantia, & narcosim inferentia, recensentur ab eodem causæ remotiores paralyfis.

Dicuntur verò VVillifio resolvi nervosæ partes, cum spiritus animales eas non satis irradiant, inflant, & vigore confirmant, sive ob viarum obstructionem, sive ob eorundem spirituum imbecillitatem: ob viarum obstructionem quidem, vel quia implentur, vel quia comprimuntur, vel quia incontinuitate dissolvuntur: ob spirituum verò debilitatem, præsertim à rebus narcoticis, aut acido vitrioli præditis.

Hermetici demum, & Paracelsistæ hujus morbi causam putant Mercurium in cerebro ex vi apoplexiæ sublimatum, ac deinde in nervorum principium depulsum, postquam à sulphure, & sale congelatus est; vel etiam in nervos delapsum, cum artis, vel naturæ beneficio est resolutus, superstitè solùm styptica vitrioli, acidaque conditione.

Quantum verò ab Anatome deduci potuit: Inventum est cerebrum in defunctis ex paralyfi multo sero irriguum, molle nimis, & flaccidum; ejusque corpora striata minùs firma, & instar amurcæ discolorata, ut loquitur VVillifius. Neque verò ejus-

modi materiam serosam in cerebro stagnantem, aut nervos irrorantem paralyfim attulisse notat VVepferus: Nam nisi nervi premantur, aut à circumfluò humore corrodantur, vel in sphacelum abeant, paralyfim non incurrunt. Quandoque etiam sanguis è disruptis vasis effusus in substantiam cerebri repertus est, cum præsertim ab ictu, vel vulnere resolutio accidit. Aliquandò demum apostema, vel pus ex apostemate, quod maturuit.

Referuntur quoque paralyfes accidisse ex colico dolore, (licet ex hoc affectu potius immobilitas sequatur, quàm paralyfis ex Sylvio) ab affectione scorbutica; à læsione spinalis medullæ, ejusque tumore, contusione, casu, & luxatione vertebrarum; itemque à crapula, nimioque vini usu; sicut pariter à medicamentis opiat, fumo, aut diuturna contritione Mercurii, halitibus Antimonii, Calcis, & Auripigmenti; à somno etiam in locis humidis, aut sub umbris arborum malignarum, à metu, & mœrore vehementi; ab ambiente nimis frigido, vel mora sub dio, & in locis nivosis; sessioneque super lapide marmoreum, ut refert aliquibus accidisse Galenus 1. *de loc. aff. cap. 6.* & 4. *eiusdem operis cap. 4.* Similiter à metastasi humorum in musculosas, & nervosas partes, ut testatur idem Galenus c. 4. *de loc. aff.* de quodam ex peripneumonia convalescente: & Ægineta ex colica: & Fernelius ex febre biliosa. Sic pariter ex mœrore, animique sollicitudine, ut memorat Trallianus: & à graviditate, ut narrat Riverius: à Cranii carie: à detentis in acervo tritici cruribus: & à viperæ morfu, ut Jo. Rhodius testatur.

Notissima per se est paralyfis, & cuilibet perspecta. Satis enim manifestè

Eugal. de  
scorbut.  
Sennert.  
in Inst.  
VVillif.  
c. 9. hist.  
2.

Lib. 3. c.  
18. & 43.  
Lib. 5. de  
par. mor.  
& sympt.  
c. 3.  
Lib. 1. c.  
16. cent.  
2. obs. 98.  
Cent. 1.  
obs. 34. &  
cent. 3.  
obs. 10.  
Cent. 3.  
obs. 89.



Et 3.  
ejusd. o-  
per. 10.

festè dignoscitur ex privatione motus, & sensus, vel in toto corpore, excepto capite, ut in paraplegia, vel in illius medietate solum, sive dextra sive sinistra, ut in Hemiplegia; vel in aliqua solum parte, puta brachio, crure, manu, pede, digitis, ut de Pausania refert Galenus 1. *de loc. aff.* 6. qui in tribus digitis sensum amiserrat ex lapsu in vertebrae dorsi; quamvis ex superius dicti læsio in sensu potius stupor appellari mereatur.

At cur aliquandò motus illæso sensu, aliquandò inoffenso motu sensus adimatur, etiam apud veteres dubitatum fuit. Nonnulli diversitati nervorum affectorum causam attribuerunt, si nimirum nervi motui potius, quam sensui destinati, vel contrà læderentur. Alii quamvis id in quibusdam nervis verum arbitrentur, non tamen in cæteris omnibus à spina orientibus admittunt, cum comperit habere ab iisdem nervis sensum, & motum partibus suppeditari: Quare ad variam nervorum obstructionem causam retulere: Si namque obstructio tanta sit, ut omninò influxum spirituum in subiecta membra impediatur, tum motum, tum sensum aboleri dicunt; at motum solummodò, non sensum, si semiobstructio tantum in illis fiat, cum inde possint aliqui saltem spiritus in inferiores partes excurrere, à quibus queat sensus haberi, minimè verò motus, qui longè pluribus, & confertioribus spiritibus indiget, ex eo quòd sentire sit quoddam pati, movere verò agere; plusque exigui ad agendum, quam ad patiendum. At quamvis hoc pacto sensus absque motu videatur sustineri posse; non tamen vice versa motus absque sensu, ut in stupore, & in casu Pausaniæ. Hinc alii confugiunt ad naturam partis affectæ, in quam nervi diffunduntur: quamobrem si ner-

vustendat in muscolum, motus deperdetur, sed non sensus; si verò in membranas, sensus abolebitur, non motus. Existimaverim autem defectum sensus, & motus in paralyticis omninò pendere à vitio fibrarum nervearum, & musculorum, quæ fortasse laxiores, flaccidiores, aut crassiores redditæ, aliove simili modo affectæ ineptæ evadunt sensui, & motui in partibus promovendo, quemadmodum alias innuimus. Cumque hæc aliquando, prope nervorum initium, quandoque verò in spina, & in aliquibus illius vertebrae, interdum etiam in ipsismet partibus lædantur, contorqueantur, comprimantur, tumefiant, aut obrigescant; propterea fit, ut paraplegia, hemiplegia, aut paralyfis particularis accidat, vel ἀναισθησία. Huc etiam facit, quod notat Villius de discrimine nervorum prodeuntium à cerebro, & cerebello, pro motibus voluntariis, & involuntariis subiectorum membrorum.

Atque hinc suspicandum evenire, cur aliquandò membra paralyfi affecta temporis progressu macrescant, & sensim extenuentur: scilicet quia causa paralyfis haud quaquàm in nervis hæret, & spina, sed in ipsis carnibus, ubi fibræ nerveæ vitium contraxerunt; quamobrem non mirum, si alibilem succum è sanguine suggestum sibi ipsis apponere non possint, undè tandem contabescunt, ut in arborum foliis, ac fructibus per hyemem experimur; quamquàm hoc velint Glissonius, VVarthonus, alique ab impedito potius per nervos succo nutritio provenire. Expertus sum autem membra motu magis, quam sensu privata contabescere; quin etiam non rarò quæ torpida solum erant succi plena remansisse; quia nimirum per motum muscoli extenduntur, dilatantur, admittuntque in suis



fuis poris nutrimentum, quod ipsis accedit. Quare ejusmodi Tabes partibus potissimum extremis accidit, cum illarum vitio fibræ nerveæ offendantur; secus cum vitium solius spinæ, vel cerebri est. Postremo sensus deficit si membranæ; motus verò si musculorum carnes afficiantur.

Quibus signis inductæ paralyfis causæ internosci possint, ex superius dictis facile colligitur, præterquam quòd relatione ægrotantis, & adstantium, habitu corporis patientis, anni tempestate, & ex prægressis causis sagaci Medico palam fient.

Facilius planè de ejusdem eventu conjectare licebit. Quò namque plures, & principales partes affectæ fuerint, eò gravior, & periculosior existimanda; sicut pariter si à vulnere, vel casu ab alto cum luxatione vertebrarum, aut si citrà causam manifestam accidat cum motus, & sensus abolitione. Qui præterea per omnia membra resoluti sunt, solent celeriter rapi, ac si correpti non sunt, diutius quidem vivunt, sed rarò tamen ad sanitatem perveniunt, & plerumque miserum spiritum trahunt, memoria quoque amissa, ex Celso *lib. 3. cap. 27.* Periculosa quoque est paralyfis apoplexiam consequuta: facile enim illam revocat, & necem affert. Sperandum verò de salute recuperanda cum febris supervenit, vel diarrhœa, & æger obesioris est constitutionis, modò paralyfis recens sit, & levis, ut advertit Marcellus Donatus. Resolutiones partium, urinis repente multis, sanescere quoque scribit Hippocrates in *Coacis prænotionibus*; At verò sudoribus confestim manantibus, malum.

Ad paralyfim ergo, quam medicabilem existimant, hæc remedia adhibent. Primum autem, qui omnem paralyfim ab obstruentibus crassis, &

pituitosis succis oriri putant, evacuantibus potissimum utuntur, & quidem fortioribus, tum emeticis, tum catharticis subducentibus, præcipuè ex colocynthide, agarico, hermodactylis, turbith, gummiguttæ, hiera, pilulis cochiis, foetidis, aggregativis, & ex tribus Galeni; deinde ad particulares capitis, & spinæ evacuationes procedunt per errhina, apophlegmatismos, & cauteria. His adiiciunt unctiones, & fots per universam spinam, cum oleo laur. chamæmel. rut. cost. & de spica; itemque decocta capitalia ex sarza parilla, ligno guajaco, sassafras, china; atque ineunte æstate ad sudatoria Puteolana nostrates Medici ægrotantes amandant, indicta interim diætâ ad calidum, & siccum vergente.

Helmontius eadem hic adhibet, quæ in apoplexia; speciatim verò commendat lac unionum.

Cum Sylvius Deleboe plerumque ortam putet paralyfim ab humore pituitoso, vel aqueo spinalem medullam ita irrigante, ut liber per ipsam spiritibus animalibus transitus denegetur; curationem propterea dirigit ad hunc humorem ab affecta parte tollendum; præcavendo etiam alterius affluxum, & malam dispositionem in spina inductam emendando. In quam rem catharticis, & caput purgiis utitur ex colocynthide, hermodactylis, turbith gummoso, unâ cum mercurio dulci, quem optimum in hoc affectu esse dicit, & in cæteris morbis à crassa pituita oriundis. Mox verò adhibet ea, quæ è cerebro per nares, & palatum humores educunt; atque etiam cervici caustica medicamenta admovet: Phlebotomiæ tamen parcit, nisi minùs commodè sanguis circuire videatur, sumpta conjectura ex pulsu minùs pleno, & oppresso, sed molli, atque ex anhelitu frequentiori.

Tit. potestas Medicam.

6. Aph.  
18.  
V. Avic.  
1. 3. f. 2.  
c. 2.

V. Galen  
comm. 2.  
in 1. pro  
rh. t. 50.  
Rhas. 1.  
cont.  
Lib. 2.  
hist. mi-  
rab. c. 5.



tiori. Ad emendandōs insuper, simulque educendos pituitosos humores, conferre ait sudorifera, ex ligno guajaco, juniperino, sassafras, & similibus, additis quoque radicibus chinæ, iridis, enulæ campanæ, acori, sarsaparillæ, galangæ, curcumæ, ut & foliis chamæpityos, salviæ, sampucchi, rorismarini, betonice, thymi, polii, floribus primulæ veris, stœchados, anthos; feminibus cari, fœniculi, filerismontani, erucæ, rutæ: baccis lauri, & juniperi. Ex his conficit quoque fots, & balnea calidè applicanda parti affectæ: approbatque balnea naturalia, præsertim sulphurea, vel artificialia ex plantis prædictis cum sulphure, & sale lixivio composita; aut hypocausta cum vini spiritu accenso. Partibus affectis roborandis prodesse subdit olea baccharum juniperi, lumbricorum, castorei, succini, rorismarini, ceræ, galbani: unguentum nervinum, Martiatum, Agrippæ; vel emplastrum betonice, meliloti, oxycroceum, cum quibus permiscendum suadet alumen scissile, tum crudum, tum præparatum.

Ab aliis causis inductam paralyfim curandam adstruit remediis in apoplexia memoratis.

Latiorem paralyseos curationem instituit Thomas V Villisius pro causarum sibi propositarum varietate. Tres verò potissimùm generales medendi rationes exhibet à triplici causarum genere desumptas. Primò si ab externo accidenti, puta plaga, casu ab alto, vulnere, frigoris excessu, & similibus. Secundò si alteri affectui, scilicet apoplexiæ, caro, colicæ, aut febris diuturnæ succedat. Demum, si per se, & nullo præcedente morbo, invadat, prævio solùm malo corporis apparatu.

Ad primum: curandum, inquit, ut

pars læsa conformationem pristinam recuperet: Ne verò ad ipsam utpote affectam, & debilem, sanguis affluat, phlebotomiam commendat, victum tenuem instituit, hydroticis moderatis insistit, & pulverem ad casum in Pharmacopœa Augustana descriptum, atque insuper decoctum traumaticum radicum rubiæ tinctorum, petasitidos, aut florum hyperici, sæpius assumendum consulit. Interim loco affecto topica adhibet ex balsamis, lituris, fotibus, cataplasmatibus, emplastris, prout tumor, vulnus, contusio, aliudve simile in partem inflictum exoptulaverit.

Ad secundum: ut causa conjuncta removeatur, phlebotomiis, catharticis, enematis, sinapismis, cucurbitulis, sternutamentum moventibus, aliisque in similibus morbis capitibus applicari solitis, incumbit.

Ad ultimum; ne paralyfis accedat, vel repetat, spiritus animales promoveri, & cerebrum roborare adniti-tur; cumulatæ verò recrementa per catharsim, & vomitum moventia circa utrumque æquinoctium repurganda monet; cæteris autem temporibus cephalica remedia utilissima censet. Ad jam inductam verò præter cathartica leviora, cephalica, & antiscorbutica conducibilia existimat. Verùm pro duplici ægrotantium statu geminam curationis methodum proponit: alteram pro paralyticis frigidis, alteram pro calidis, pro frigidis quidem, post vomitum, & purgationem, præscribit electuaria, decocta, aquas stillatitias, tinturas, pulveres, tabellas, pilulas ex cephalicis, & antiscorbuticis simplicibus amaris, & acutis aromatibus. Pro calidis verò, ab acris abstinere, & mitiora solùm consulit sub iisdem tamen formulis exhibita. Per idem tempus denique, partes affectas fovendas,



vendas, & liniendas esse præcipit, congruentibus oleis, ceratis, & balsamis, pro ratione temperiei ægrotantium; atque insuper diaphoreticis, ptyalissimum provocantibus, & vomitum, utendum; ut ductus obstructi referentur, & causa conjuncta penitus adimatur.

Hermeticis, & paracelsistis eadem sunt hic in usu, quæ in apoplexia, præcipuè verò emetica: commendantur postmodum sal margaritarum, & coralliorum, oleum, magisterium, & sal succini, cinnabaris antimonii, essentia castorei, & ad partes fovendas, aqua formicarum, salviæ, & nicotianæ, vel vinum austerum, in quo prædictæ herbæ ebullierint, adhibito deinceps Galbaneto Paracelsi, vel cataplasmate ex radice symphyti majoris in aqua communi ad pulticulam decocta. Petrus Jo. Faber laudat etiam sudorificum stamni à seipso descriptum, ad plures dies assumptum; pariterque balsamum ex essentia roris marini, & salviæ, quo affectas partes illitas mirificè recreari scribit.

Oportebit autem tum in his, tum in cæteris medicamentis ritè adhibendis diligenter advertere, à quam ex prænarratis causis potuerit paralyfis oriri, atque illi potissimum occurrere: in hoc enim maximè elucet medici sagacitas, & peritia. Unde est, ut remedia, quæ uni, ferè momento temporis, profuerunt; alteri noceant; licèt eadem videatur esse morbi species; quia fortassè diversa causa viguit. Causarum namque inquisitio speciatim in morborum curationibus necessaria est; & qui illas scrutari sciverit, procul dubio curationem assequetur, nisi cætera aliundè obstiterint.

Denique antiparalytica specialiora recensentur, intrinsecus quidem sal succini volatile, essentia castorei

cum spiritu vini extracta, spiritus, aut oleum lavendulæ, salviæ, anthos, primulæ veris, stœchados. Ad loquelam impeditam unicè prodesse solet oleum anisorum, & cinnamomi, guttatim linguæ inditum; itemque spiritus cerasorum nigrorum, aqua liliorum convallium ex vino stillatitia, & aqua apoplectica apud Hartmannum, cum sanguine turturis calente commista. Forestus egregium sudorificum in paralyfi scribit esse decoctum radicis Bardanæ. Et Crato decoctum milii cum aliqua portione vini græci, quod syrupus S. Ambrosii dicitur. Rulandus infuso florum lavendulæ in vino pluries exhibito, faminam sexagenariam à paralyfi linguæ liberatam fatetur. Summè etiam conferre fertur Theriaca vetus cum pulvere sinapis, si sub lingua detineatur, ex Horstio. Ad præcavendam denique paralyfim commendatur Hypericum in aqua decoctum ad cyathum unum in prima mensa per integrum annum.

Extrinsecus verò, essentia foliorum nicotianæ viridium cum vino cretensi elicitæ, sola infusione, si membra paralytica ea diutius fricentur, ex Hartmanno. Efficacissimum quoque creditur Galbanetum Paracelsi penes eundem. Ab aliis prædicatur spiritus lumbricorum terrestrium, & formicarum. Magnifit etiam unguentum nervinum Augustanum, balsamum Peruvianum, balsamum paralyticum Mynsichti, & Tacamahaca emollita, & subacta cum oleo nervino Augustano. Epiphanius Ferdinandus singulare remedium inquit esse, post optimam corporis purgationem, viridibus urticis resolutum: corpus cedere; Deumque testatur, se hoc remedii genere plurimos sanasse, & nunquam votis non potitum: Cujus inventi authorem refert Celsum

Lib. 10.  
obs. 82.

Conf. 50.  
lib. 6.

Cent. 4.  
c. 55.

V. Præ-  
vot. fel.  
Rem. p.  
76.

Hist. 47.

V. Hart.  
in sua  
prax. De  
morb.  
Cap. c. 11



sum *lib. 3. cap. 27*. Hunc eundem usum approbant Riverius, & Rolfinchius.

Balnea parata ex decoctis herbis paralyfi, chamæpity, betonica, laven-  
dula, roremarino, sampsucho, cha-  
mædryo, primula veris, salvia, bac-  
cis juniperi, & lauri, addito sulphure,  
& nitro, mirè etiam aliquando con-  
tulerunt.

Ad Paralyfim verò, seù corporis immobilitatem, ut mavult Sylvius, quæ Colicam affectionem sequitur, atque ex Tartaro in intestinis collecto, & pòntica vi prædito oriri putatur Paracelfo, cum acutus dolor illam comitetur, speciatim commendantur spiritus tartari, & oleum, seù liquor ex optimo calchantho philosophicè destillatus, ad guttas aliquot; extrinsecus verò suffitus, & inunctiones ex balsamis descriptis ab eodem *Tr. 2. de membris contractis*. Affer-  
tur etiam oleum quoddam mirabile adversus contractiones à Cardilucio, apud quem legi poterit. Hartmannus verò multum juvare scribit decoctum fassafras, præterunctiones ex balsamo Galbani terebinthinato, cum cataplasmate radice symphyti majoris in aqua decoctæ. Riverius etiam Galbanetum Paracelsi magnoperè conferre, ait, si partibus affectis, & umbilico admoveatur. Denique ad stuporem ab usu hydrargyri indutum mirè confert ligni guajaci decoctum, itemque ejusdem balsamum, cui addantur auri folia in pulverem comminuta, & in formam pilularum redactum ad semidrachmam, veltiam integram, pluries exhibitum. Cæterum de modo, quo Paralyfis ex Colica oriri possit, consulendus præcipuè Villisius in *sua Pathologia de Colica passione*. Et qua ratione curanda sit Paralyfis Scorbutum sequuta alibi dicetur.

Cap. 10.  
in Prax.  
Chym.  
Hartm.

Lib. 10.  
Prax. c. 1

## DE SPASMO, seu Convulsione.

Spasmus, seù Contractio, & Convulsio, Celso Nervorum distensio dicitur; intelligiturque morbus ille, quo membra, præsertim musculosa, & nervis referta, contracta simul, rigida, & immobilia observantur. Differt autem Convulsio à depravatis illis motibus, qui plerumque Epilepsiâ comitantur, ut propterea *Epileptici* dici soleant, aliis *Spasmodici*, & *Convulsivi*; quoniam in his dum membra retrahuntur, variè contorquentur, & concutiuntur; quamobrem differunt à Tremore, in quo motus membri spontis suæ est, fitque semper uniformis sursùm, deorsùm; secus, qui motus convulsivi dicuntur, sunt dispares, inæquales, inordinati, & varii.

Spasmus, alter Universalis, toti corpori contingens; alter Particularis, alicui tantum membro. Sub universali, comprehenduntur Tetanos, Emprosthotonos, & Opisthotonos, in quibus scilicet corpus adeò arctè occupatur, ut flecti haud possit. In Tetano autem æquali robore in utramque partem anteriorem, & posteriorem intenditur. In Emprosthotono solum in anteriora curvatur. In Opisthotono demum ad posteriora tantum. Has omnes Convulsiones Celsus Rigores appellavit. Particularis adhuc multiplex est, pro partium contractarum diversitate. Unde Spasmus Cynicus, faciei: Strabismus, oculorum: Trismus, musculorum mandibularium: Risus Sardonicus, labiorum: Satyriasis, penis, Convulsiones appellantur. Huc reducitur Spasmus ille, quem Græci *σπασμὸν φυσώδην* & Itali *Cramfum* dicunt, vulgò Neapoli *Granco*, contingens plerumque tibiis,

Libr. 4.  
cap. 3.

V. Gal. 2.  
de symp.  
caus. c. 2.



tibiis, earumque furis cum maximo dolore; cumque à flatibus oriri putetur, idcirco Medicorum plurimi *Flatulentum* illum nuncupant. Hunc autem facile tolli, & affectas partes præmuniri circumducto Anguillæ corio promore siccato refert Prævotius *in select. Remed.* quamquam sponte quoque sua plerumque desinat adactis in motum subito tibiis dolentibus, vel fortiter perfri-  
catis.

Creditum est Antiquis cujuscumque Spasmi causam, vel ad Repletionem, vel ad Inanitionem pertinere, autoritate Hippocratis 6. *Aph.* 39. dicentis *Convulsio fit, vel ex repletionem, vel ex inanitione.* Cujus sententiam sequutus Galenus *in Comm.* tradit exemplum à chordis, lorisque peti-  
tum, quæ tum in humidiori, tum in sicciore aeris constitutione adducuntur, & contrahuntur. Quod etiam confirmat 5. *Aph.* 1. *Sicut enim,* inquit, *foris videmus lora, & chordas tendi, ubi vehementius exsiccantur, aut multa madent humiditate; sic & in corporibus animalium, par est fieri non raro Convulsionem.* Quamquam hoc loco meminit Galenus alterius causæ, quam ad vellicationem, & morsum oris ventriculi, nervis plurimis referti, retulit. Et 12. *meth. cap. ult.* aliam causam addidit, videlicet intensum frigus, quale glaciei.

At pluribus hæc causas convellere nititur Thomas Erastus *disput. de Convulsione*; & fusa etiam oratione prosequitur Sennertus *in Institutionibus Medicis*, ubi omnes Veterum de hac re opiniones, refert, & exagitat. Ipse verò Erastus neque musculos, neque nervos convulsionis causam subire existimans, tandem concludit in hoc affectu cerebrum principaliter affici à re aliqua mordaci, &

vellicante, modo nondum satis perspecto. Et Sennertus depravatos musculorum motus Convulsivos dictos fieri quidem à vapore, vel humore tenui, seroso, pravo, & maligno, nunc hujus, nunc illius nervi principia vellicante; Convulsionem verò ipsam, nonnisi ab humore in cerebri medulla nervorum origine pertinacius hærente, hancque continenter stimulante opinatur.

Quandoquidem inter plurima, quæ obstat videntur Hippocratis doctrinæ, speciale illud afferri solet non commodè distingui posse à Paralyfi Convulsionem, si ab humore replente, ac obstruente, hæc pariter oriretur; propterea Riverius huic se putans difficultati satisfactorum, inquit Paralyfim fieri ab humore pituitoso puro, & impermixto, qui partes potius relaxet, quam contrahat; Convulsionem verò, ab eodem humore, sed pluribus flatibus consociato, à quibus nervi, & muscoli tendantur, ac versus suam originem contrahantur.

At verò Paracelsus, & Helmontius peculiarem vitam musculis attribuant, eo quòd post mortem, aliquis adhuc in ipsis motus remaneat, sicuti in caudis, & partibus insectorum resectis experimur. Hinc Convulsionem quamcumque putat Helmontius ex naturali sensu, motuque eorundem musculorum, etiam aliquandiu post interitum superstiti, procedere, concitato tamen illorum spiritu. Quamobrem *de lithiasi cap. 9. n. 128.* concludit: *omnem spasmus esse Blas vitale musculorum ex Archeo innato suscitatum, cuius occasio est malignum aliquod irruens in Archeum, musculorum vite insidians.* At verò Hermeticorum alii Mercurium sale acido imbutum, hujus morbi causam assignant.

Morb.  
sed in An  
sens. De  
Febr. c. 9  
De li-  
thiasi c. 9



Musculorum cum Tendinibus inflationem, amplificationemque inductam à flatu, à spiritibus, vel ab humoribus, Convulsionis causam existimat Gerardus Blasius in sua *Therap. speciali*.

De Mor-  
bis Con-  
vul.

Vvillifius licet partium nervosarum irritationes, leviores Spasmos afferre posse concedat, graviorum tamen originem constituit, crebas, vehementesque explosiones spirituum animalium à particulis diversi generis maximè activis, atque nitro-sulphureis, potissimum è succo nerveo suggestis, in nervos, adjunctosque musculos; undè pari ratione id accidere arbitratur, ac ex accenso pyrio pulvere in bellicis machinis, eosque ideò vehementer, violenterque expandi, contrahi, & exagitari.

Prax. l. 2.  
c. 23. nu.  
33.

Denique Sylvius Deleboe in ea persistit sententia, ut putet unicam Convulsionis causam esse humorum acrimoniam, quæ membranaceas cerebri, cerebelli, & spinalis medullæ, nervorumque omnium partes ita vellicet, & malè afficiat, ut subindè consequatur impetus spirituum animalium in musculorum fibras, adeoque Spasmus, seu Convulsio. In cuius opinionis argumentum multa affert, quæ id ipsum suadere videntur, sed potissimum historiam memorat Caroli IX. Galliarum Regis à Paræo relatam, atque alteram, cuiusdam Chirurgi Amstelodamensis, qui ex punctis nervis Convulsionem gravissimam passi sunt.

V. Rioli.  
Enchir.  
Anat. li.  
2. c. 37.  
Horst. 1.  
2. obs. 4.  
Vvillif.  
Pathol.  
c. 4.

Illud autem animadvertendum occurrit, haudquaquam perpetuò cerebrum, cerebellum, spinam, & nervos affici oportere, ut membra convellantur; cum aliquando absque proxima cerebri, & nervorum læsione convulsionem accidunt, ut accuratissimè notat Helmontius, sed satis est si muscoli, illorumque fibræ carneæ affi-

ciantur. Neque insuper cum nervi punguntur, aut aliter læduntur, spiritus animales (quos nec fingere necesse est) in vehementem, ac tumultuarium motum credendum concitari; cum hæc, & aliæ, quæ his affectibus accidunt symptomata, à sola fibrarum contractione, & liquoris nervorum depravatione oriri possint; undè est, ut nervi puncti convellantur, cæsi verò minimè; quia ex punctione aliæ ab aliis fibræ inæqualiter flectuntur, retrahunturque; in cæsura verò æquè complicantur, laxantur, aut retorquentur.

Quæ ex Anatome hætenus licuit observare, cerebrum, ejusque meninges, plexus, spinalem medullam, nervos, diaphragma, ventriculum, intestina, renes, ureteres, aliæque viscera affecta in hac ægritudine designarunt, à fero acri, sanie, pure, abscessu, ulcere, inflammatione, veneno, vermibus, calculis, lotio diutius retento, lochiis suppressis cum placenta uterina, aliisque similibus; ut merito existimet Helmontius omnem, & quamcumque corporis partem sensu præditam; posse convulsionem subire, si nimirum à re vellicante, & acri stimuletur. Sic pariter ab usu Hellebori, aliisque cathartici, à frigore nimio, à caustico medicamento, à vulnere capiti inflicto, à punctura nervi, ab acuto odore, luxatione, subito terrore, vehementi animi passione, ictu venenato, aliisque innumeris, convulsionem, motusque depravatos exortos esse passim testantur historiæ.

5. Aph.  
20. & 27.

Quamvis autem abstrusa nimis sit causæ hujus investigatio, ut illam omninò desperaverit Averroes, nullo tamen planè negotio Morbus ipse cognoscitur, atque à cæteris distinguitur: etenim eo partes primùm irregulariter moventur, & contrahuntur; mox verò obrigescent, & nec flecti,

3. Colle.  
Hipp.  
lib. de  
diebus  
jud. pro-  
pè finē,  
& lib. de  
intern.  
aff. & 3.  
de morb.  
sympto-  
mata me-  
morat  
Tetanū,  
& Opi-  
sthoton-  
um co-  
mitantia

nec



nec extendi possunt; dolor tamen plerumque illas excruciat: quare facile à Paralyfi, seu Resolutione inter-noscetur. Cæterum Tetanus, Em-prosthotonus, & Opisthotonus ex supradictis facile dignoscuntur; sicut etiam Spasmus Cynicus, Strabismus, & reliqui, de quibus infra.

Periculosa est, & lethalis hæc affectio, eoque magis, quò plures, vel omnes simul partes convelluntur à cerebri vitio. Hippocrates 5. *Aph.1.* Convulsionem ex helleboro lethalem esse scribit; sicut pariter ex vulnere *tex.2.* atque à sanguinis profluvio *tex.3.& 7. Aph.9.* itemque ex nimia purgatione; atque ex ebrietate eodem 5. *Aph.tex.4. & 5. & 7. Aph.25.* Similiter ab Ileo vomitus, singultus, convulsio, aut delirium, malum dicitur 7. *Aph.10.* Malum quoque in fluxu muliebri, si convulsio, & animi defectus adveniat 5. *Aph.56.* Atque etiam si in acutis febribus convulsiones, & circa viscera dolores vehementes fiant, 4. *Aph.6.6.* nec non ex somnis timores, & convulsiones *tex.67.* Si præterea diurnam vigiliam consequatur 7. *Aph.18.* Et æstus immodicum *tex.13.* In febre verò non intermittente, Si labrum, palpebra, vel supercilium, vel oculus, vel nasus pervertatur, vel non videat, vel non audiat, iam debili existente corpore, mors proxima est *tex.69.* At de Tetano speciatim adnotat, intra quatrimum interire, post hoc tempus verò incolumes ægrotantes evadere 5. *Aph.6. & lib. de iudicat.* Mulieri autem utero gerenti, si Tetanus superveniat, facit abortum 7. *Aph.27.* Convulsio demum, quæ phrenitidem sequitur, lethalis dicitur Aetio *Tetrab.2. serm. 1. cap.131.*

At contra, melius sperandum si convulsioni febris superveniat 2.

Tozzi Op. Med: Tom.1.

*Aph.26.* Nam, qui à convulsione, aut distentione nervorum tenetur, febre superveniente, liberatur 4. *Aph.57.* A Quartana capti non admodum convulsionibus corripuntur 5. *Aph.70.* Si verò prius capiantur, & quartana superveniat, liberantur. Et lib. de iudicationibus in fine: A convulsione, aut distentione nervorum vexato, febris accedens, solvit morbum: & si à febre detentum convulsio corripiat, sedatur febris eadem die, aut postridè, aut tertia die. In ulceribus autem, si tumores appareant, non admodum ægroti convelluntur, neque insaniunt. Verum his repentè evanescentibus, illis quidem, quibus à tergo, convulsiones, & tetani fiunt: quibus autem à fronte, insania, vel dolor lateris acutus, vel suppuratio, vel difficultas intestinorum, si tumores sunt rubicundi 5. *Aph.65.*

Quæ adversus hunc morbum à Medicis commendantur, plurima sunt. Hippocrates lib.3. de Morbis in Tetani medelam hæc commemorat: Catapotia ex pipere, & veratro nigro devoranda dato, & iusculum volucrum pingue calidum: inducenda sunt etiam multa sternutationes, & fomenta adhibenda, & partes dolentes calido oleo, & multo, & sæpè illinantur. In Opisthotono verò specialiter aquam frigidam plurimam superinfundi docet, contactis postea partibus vestimentis tenuibus, puris, & calidis: quod remedium etiam in Tetano convenire subdit; unde *Aph.21. lib.5.* scribit: In Tetano sine ulceratione, juvene bene carnosso, æstate media, frigida aquæ multa perfusio calorem revocat: calor autem Morbum solvit. Insuper lib. de Internis affectionibus in fine. Linimenta calida instituit, & ad sudorem patientis corpus disponendum



monet; interea verò mulsum tepidam, & vinum album, quàm jucundissimum, & multum bibendum esse.

Quoniam verò à plerisque putatur Spasmus quilibet, vel à Repletionem, vel ab Inanitione progigni; propterea quem ex Repletionem, & præsertim à crassis succis ortum credunt, evacuantibus, & attenuantibus medicamentis curandum aggrediuntur; at ex inanitione, per febrim ardentem, aut hecticam, immodicas evacuationes, & similes; humectantibus, impinguantibus, & nutrientibus.

Ab his, qui Convulsionem opinantur à pravo, & irritante humore excitari, Medicamenta ad illius remotionem, correctionemque diriguntur. Et Sennertus quidem Idiopathicam Convulsionem tollere conatur missione sanguinis, si is fortasse abundare videatur; Sin minus, cucurbitulis cum scarificatu, autoritate Æginetæ: mox purgante medicamento utitur, & clysteribus acrioribus; tandem ad Topica devenit per lituras ex pinguedine animalium, oleo philosophorum, juniper. laur. rut. terebinth. lumbric. terrestr. Adhibet quoque balnea etiam vaporifera, & sulphurea. Interea tamen intrinsecus assumenda commendat castoreum cum mulsa, vel ejusdem castorei essentiam in aqua salviæ, & aquam hirundinum compositam, præter alia, quæ apud eundem legi possunt. In sympathica verò, si ex consensu ventriculi, neglecto vomitu à Galeno commendato, nisi ab æruginosa bile fiat, potius utitur pilulis per alvum subducentibus, aut clystere acri. Si ab utero, remediis eundem repurgantibus, memoratis à Galeno 6. *de loc. aff. cap. 5.* Si ab ictu venenato, alexipharmacis. Si à vulnere, vel punctione nervorum; quibus phlegmone præcavetur, & vulnus consolida-

tur, absterfa sanie, sedatoque dolore; & si opus sit, secto adhuc nervo, terebratoque cranio, si meninges malum invaserit. Si postremo fiat à flatibus, illos discutientia affecta parti adhibet. Huic methodo inhæret quoque Gerardus Blasius.

Apud Paracellum, & Helmontium nihil peculiare est, quod ad Spasmi curationem pertineat; nisi quod oleum Terebinthinæ calidum commendant, cum ille vulnera consequitur. Verum Petrus Jo. Faber sententiam eandem sequutus, huic morbo occurrat cathartico Antimoniali; deinde partem convulsam illinit essentia salviæ, oleo ceræ permista; iterato etiam, si opus sit, eodem cathartico.

Sicut à Villisio varius fomes proponitur, unde Convulsionem, & Convulsivi motus oriantur; ita in illius subtractionem plurima admittuntur, sed præcipuè, phlebotomiæ, cathartica, emetica, cæteraque alia in Epilepsia memorata. Quoniam verò ad hos affectus revocat Hystericam, & Scorbaticam affectionem, extremam salutationem à morfu (ut creditur) Araneæ Tarentinæ, Choream S. Viti, aliasque ægritudines; his quoque speciatim occurrere adnititur medicamentis antihystericis, & antiscorbuticis dictis, quæ fusè idem Auctor commemorat.

Postremo Sylvius Deleboe pro varietate causarum, quas Spasmodum inferre posse suspicatur, variam quoque exhibet medendi rationem. Primum autem fusa oratione profectus historiam, & curationem institutam à Paræo in Carolo IX. Galliarum Rege, ex nervi punctione; mox huic medendum subdit oleo terebinthinæ calenti cum spiritu vini; Et si his nec dolor, nec convulsio desinat, omnino rescindendum esse nervum suadet. Ex contusione, & fractura

Cra-

De Morbo  
Cap. cap.  
13.

Lib. 3. c.  
29. & 20.

12. Meth.  
cap. ult.



Cranii, Terebræ usum adhortatur, superimposito deindè oleo Terebinthinæ cum spiritu vini. A combustionē, commendat oleum expressum è nucibus juglandibus, & seminibus rapæ; itemque cerusam, aut minium in aceto stillatitio solutum, atque instar linimenti cum oleo redactum. Ab acrimonia demùm humorum conferre existimat Thermas sulphureas, vel balnea arte parata ex sale tartari in calcem redacti, cum sulphure ritè permisto, & in congruenti quantitate aquæ diluto. Prodesse etiam putat olea, & axungias præsertim humanas, & anguillarum, quibus affectæ partes liniantur; necnon fomenta, emplastra, & cataplasmata ex herbis calefacientibus, sale volatili, & oleo abundantibus. Intrinsecus verò sudorifica sale etiam volatili prædita, maximèque spiritum Tartari cum aqua theriacali, aut vini spiritu purissimo permistum, omiſſis acidis, quæ convulsis nocua omninò dicuntur.

Propria demùm in his affectibus medicamenta recensentur, præter antiepileptica superiùs memorata, Plantæ omnes in aquis crescentes ex Petræo; præsertim autem Nymphæa, itemque Mandragora, Napellum, Faba inversa. Ægineta Acanthi radicem, & spinæ albæ semen magnificat. At præstat uti castoreo, ejusque essentia cum aqua salviæ. Thomas Villisius præter alia plurima, hæc facilius parabilia usu approbat; nempe *pulv. millep. præpar. dr. iii. & sem. ameos dr. i. divid. in x. partes*; & binas exhibet in singulos dies.

Itemque *Asell. xii. contund. ac ex vino albo effuso exprim. succ. & f. baust. his in die.*

Externè verò contulisse visa sunt olea, & linimenta ex adipe Vulpis; Catellorum, Mustelæ; sicut etiam ex

lumbricis, terebinthina, castoreo, galbano, ammoniaco, anetho, liliis. Horstius affirmat nervosas, & musculosas partes emplastro oxycroceo roborari. Et Davissonius laudat oleum terebinthinæ, succini, & ex lateribus elicatum: ex quibus sequens linimentum componit Rolfinchius spinæ admovendum. *Unguent. Martiat. unc. i. Aregon. dr. ii. ol. vulp. & terebinth. singul. dr. ss. stillat. succin scr. i. roris mar. scr. ss.*

Apud Riverium in Observationibus communicatis testatur Pachecus hoc alio juvenem toto corpore convulsam statim expeditè ambulasse, esseque remedium divinum; idque habet *butyr. rancid. & larid. veter. singul. quart. i. bdell. & ammoniac. singul. unc. i. myrrhæ, & castor. singul. dr. iii. flor. stæchad. & anth. singul. p. i. nuc. myristica, & caryophyll. singul. dr. i. catum parvum exenteratum, excoriatum, & in frusta concisum. His infarciatur anser, & consuatur, ac torreatur in veru. Primus qui defluet succus, abiicitur, secundus colligitur in vase aceto semipleno, quo liniatur spina cum partibus convulsis.*

Simile huic est aliud, quod describitur à Foresto. Anser pinguis evisceratur, atque in eo minutim incisus imponatur felis cum larido, myrrha, & thure confusus, inque veru torreatur, vase aceto pleno supposito; prima pinguedo destillans abiiciatur, sed quæ paulò post extillat usui reservetur. Postea Anser bulliat in eodem aceto, & pinguedo supernatans separetur, & cum prima commisceatur, qua convulsa membra iunguntur. Ea Gatinariam quendam curasse refert, cui pedes convellebantur, neque dissimili successu in aliis usum. Addit insuper se vidisse quosdam à dolore liberatos solo bal-

Obs. 15.

Comm. ad Med. Sever.

Libr. 2. consult. 14.

Obs. 8.

Lib. 103. Obs. 104.

In No. fol. harm

Lib. 3. c. 19.

Cap. 5. &amp; in obser.

Card. de admir. cur. c. 15.



neo olei communis cum decocto vermium terrestrium.

Laudat & aliud Penotus, quod habet *ol. terebinth. vel olei bals. alb. unc. β. ol. caryoph. gutt. vi. mucilag. in bryonia q. satis, ut fiat consistens linimentum, quo calido partes inunguntur.*

Lib. 2. c. 20. Ench. P. Bayrus in filio Ducis Sabaudiaë usus aliquandò fuit *ol. viol.* decenter calido supra cervicem instillato.

In Ar-  
mam. Quod si Convulsio sit ex vulnere, efficacissimum est oleum lavendulae stillatitium, tam internè ad guttas aliquot, quàm externè parti vulneratae, vel nervo puncto adhibitum. Extollit etiam Mynsicht suum balsamum, polychrestum, itemque balsamum, & unguentum spasmodicum, si his membra affecta, & spina foveantur. At ex veneno, vel ictu venenato, refert Petrus mirificè illius vim infringere scabiosam ultam cum vitello ovi, & pauxillo theriacæ mistam, & superpositam.

Cent. 4. obs. 59. Convulsiones epilepticas à malignitate humorum creditas curavit Riverius in puero decennali, promotum primùm vomitu, & alvi dejectione, mox verò exhibito oleo succini, & spiritu vitrioli singul. ad gutt. v. in aqua betonica; ac postremò potione alexipharmaca roborante cum bezoadico joviali. A cæteris causis inductas, remotione, correctioneque eandem, prudens Medicus pro re nata moderabitur.

In Not. ad cap. de Epileps. prætic. Barbett. Cent. 3. obs. 98. Pro Coronide addendum Tincturam florum hyperici Tremori manuum, aliarumque corporis partium speculiter conferre ex Fr. Deckers. Capitis Tremores in senibus curari scribit Borellus fimo Pavonis ad dr. i. in suff. quantitate aquæ vitæ soluto, & ter matutinis horis assumpto. Plateus singulare remediū habet electuarium *Orvietanum* dictum. Testaturque Forestus sibi à fide digno Phar-

macopæo communicatum esu cerebri Leporis assati Aurificem quendam Bruxellensem à tremore incolumem evasisse. Et Bayrus mirabiles prædicat has pilulas, in quibus sunt: *Castor, pyrethri, & cinnam. singul. dr. iii. pulp. colocynth. & serap. singul. dr. iv. hieræ picra dr. v. hæc liquore convenienti excepta rediguntur in massam. Dosis dr. i. vel scr. iv.* Lib. 2. c. 22.

Interea tamen vult assumi bolum ad magnitudinem nucis ex his pulveribus concinnatum, singulo manè: certò enim convaliturum ægrum, inquit. *Myrobal. nigr. dr. xxx. sab. dr. x. olib. dr. ix. cyper. cost. & calam. arom. singul. dr. v. omnia in pulverem redacta cum passulis commiscet.*

Extrinsècùs verò plurimùm conferre monet idem Forestus lotionem sæpius iteratam ex urina pueri, vel propria. Si ex Mercurio tremor accidat, salutare dicitur decoctum radicis enulæ epotum, & sulphur solare antimonii, vel cinnabaris ejusdem; externè verò unguentum pretiosum ex Auro Zacuti, atque aurum ipsum ex observatione Riverii, & Thom. Bartholini. Cæterum ad Tremorem ob languorem nervorum, & succi nervi resolutionem commendatur essentia florum anthos, & ambrae griseæ, Aqua vitæ Matthioli, tinctura alkermes, oleum cinnamomi, spiritus formicarum, seu elixir magnanimitatis: atque externè, oleum stillatitium ex baccis juniperi, essentia lavendulae, oleum balsami, & balsamum rubicundum Mynsichti. Sed & Carriætherus addit Nymphæam albis, & rubris floribus in umbra septemtrionali arefactam, lecto, vel parieti appensam modico tempore omnes convulsos sanare: Itemque Imperatorie essentiam exhibitam, & spinæ dorsi, necnon umbilico, & partibus convulsis applicitam idem præstare. Lib. 8. schol. obs. 5.

Quod



Quod autem dicitur, Tremoris causam esse improprietatem potentiae moventis ad membrum motum, quod scilicet nequeat sustineri à debili virtute: non levem difficultatem patitur, cum compererim, juvenes cæteroqui robustissimos in quibusdam motibus tremulas manus habere; & iratos toto corpore contremiscere. Quidam solius capitis tremore laborant, aut etiam solius manus dextræ, vel sinistræ; alii quiescentes solum, ad motum verò, vel ad aliquod opus intenti, minimè. Novi militem, qui cum toto corpore contremisceret quiescendo, si tamen brachia in altum tolleret, & suspensa teneret, illa bene consisterent, & absque tremore, quin immò, cum sclopo in venatione uteretur, firmiter collimabat. Unde crediderim, affici potius in his nervorum fibras, & motrices musculorum inæqualiter concitatas à vapore acido, vel acri ex sanguine, vel succo nerveo procedente, valdè simili ei, qui provenit ex perturbato sanguine in subito timore, vel furore. Possunt etiam motrices fibræ musculorum inæqualiter concitari, & adeò velociter, ut inter sese non congruant nec motus unius alterius motui conveniat: Qua ratione putarim, tremorem exurgere in iratis, & violentioribus, ad eum fermè modum, quo lingua in his, qui memoria aliquid recitant, & cum timore, titubare solet.

### DE CATALEPSI.

**S**unt, qui Catalepsim distinguunt à Catocho; alii verò confundunt. Nos de nominibus parùm solliciti, juxta communio rem morem Medicorum, alterum pro altero promiscuè sumemus, atque utrumque intelligemus affectum illum, quo correpti Ecstatici videntur, manentque in eo-

*Tozzi Op. Med. Tom. I.*

dem situ, eademque figura, in qua reperiabantur; Quamobrem à plerisque Congelatio, ab aliis Stupor, & à Platero Stupor cum rigiditate, itemque ab aliis Excessus, & Ecstasis græcè nuncupatur. Refert Galenus 2. *prophet.* quendam ex suis condiscipulis morbo hoc correptum jacuisse veluti lignum prorsus inflexibile, rigidum, atque extensum, oculis apertis, vidisse, & audisse, immò & memoria tenuisse adstantium gestus, & actiones; cum tamen nec loqui, neque membrum ullum movere potuisset. Unde constat in Catalepsi deficere motum, at non semper sensus. Aliquando ipse observavi catalepticum Adolescentem, cui brachium, & crus dextrum inflexum erat; sinistrum verò extensum cum collo, & capite, in quo situ correptus fuerat: vocatus audiebat, sed loqui non poterat. Vivit adhuc juvenis quidam, qui Epilepsia identidem vexatur, & non rarò catalepticus, post epilepticum paroxysmum, remanet; plerumque etiam citra Epilepsiam, Catalepsi corripitur, & si genibus flexis, Sacrum audiens, aut aliter compositus inveniatur, eodem modo aliquandiu consistit: deambulans verò productis cruribus, ac veluti ecstasi raptus stantem marmoris statuam refert; mox soluto corpore inchoatum motum prosequitur; immò & aliquando per saltus.

Ferè omnes Medici affectum hunc inferri existimant à vaporibus congelantibus, seu coagulantibus spiritus animales per nervos discurrentes, unde illi torpidi, & ad motum inepti evadant, quo pacto spiritus vini à spiritu urinæ coagulatur, ut exempli causa Sylvius animadvertit. Quare consueverunt Antiquiores Catalepsim congelationem nominare. Retulerunt autem isti ejusmodi spirituum immobilitatem, & conge-



lationem ad intemperiem frigidam siccam ab humore melancholico inductam; quæ tamen in viventibus impossibilis putatur, eoque magis, quia subito induci deberet in catalepticis.

Idipsum opponit his Cardilucius, qui spiritibus figentibus Catalepsin causam attribuunt: etenim figentes isti spiritus in nervis absque interitu fingi non possunt, & sicuti fulmine icti (quo exemplo utitur Sennertus) minimè supervivunt, ita cataleptici omninò perirent, si à congelante halitu obrigerent; cum cæteroqui ex his plurimi pristinam sanitatem recuperasse perhibeantur. Adscribit propterea causam hujus ægitudinis defectui spirituum, qui sanè in corporibus melancholicis, & phlegmaticis, ejuscemodi morborum generibus valde obnoxii, sæpè numero deficiunt, vel inertes admodum sunt. Hinc non veretur revocare Catalepsin ad affectus soporiferos, cum quibus in causis convenire arbitratur.

Alienus quoque est à communi Medicorum sententia Gerardus Blasius, qui vel ad impeditum spirituum animalium influxum in partes motui deditas, ob compressionem, obstructionemque nervorum in principio spinalis medullæ, vel ad repletionem, retentionemque eorundem spirituum in musculis ob angustiam, nimiamve nervorum laxitatem, Catalepsin revocat. In hanc sententiam multò antea concesserat Platerus, existimans Catalepsin causam esse immoderatam spirituum animalium è cerebro in nervos effusionem.

T. Duñ-  
vir. & de  
febr. b.  
cap. 9.

Helmontius, ut alios cerebri affectus, soporem, vertiginem, ita Catochum, & Catalepsin à stomacho promanare, opinatur; cui etiam attribuit Oscitationem somni prænunciam, & alia hujus generis acci-

dentia, ut superius quoque memoratum est.

At mihi non displicet sententia eorum, qui morbum hunc ab halitibus oriundum faciunt naturam præferentibus acidam, & figentem, qualem in nitro experimur. Verum ab his nitrosis halitibus, potius fibræ nervæ, quam spiritus afficiuntur; unde illæ rigidæ, & inflexibiles evadunt: quòd si id mali genus etiam musculis accidat, motus erit impossibilis. Non tamen hinc interitus ut sequatur, necesse est, cum halitus isti evanidi sint, neque sanguinem, aut viscera vitæ specialius destinata infestent; at verò in hæc postremò transfusi, vitam quoque adimunt. Quamobrem medicamenta catalepticos juvare solita, sunt, quæ dissolvendi, & medicè laxandi vim habere referuntur: & observationes tum ex praxi, tum ex Anatome deductæ concretum ex acido vapore sanguinem designantes, satis, superque attestari videntur Catalepsin ex non dissimili causa procreari, quæ pari modo nerveas fibras, nervorumque succum inficiat, & coarctet: quamquam affectio hæc cum convulsione, stupore, & paralyfi conveniens, non rarò Medicis imponat, ut habeant convulsos, aut stupidos pro catalepticis.

Ex dictis morbus hic facile innotescit: subito enim invadit, & in quo situ, ac figura ægrotantem adoritur, in eadem detinet, undè is veluti congelatus, & ecsteticus remanet. Aliquando correpti omni sensu destituuntur, & licet oculos apertos habeant, ac immobiles, non tamen vident, nec audiunt, nec memores deinceps sunt eorum, quæ illis evenere, si fortasse convalescant. Contra alii & audiunt, & vident, & postquam convaluerint referunt, quæ gesta sunt, ut fuit condiscipulus ille Galeni.



leni. Nonnulli, si ad motum disponantur, ducanturque, ambulant, sed in ecstasim rapti, instar statuæ. Sunt etiam, qui ad interrogata respondent, sed cum hebetudine, & stupiditate: & quidam se vidisse in somnis mira, & diversarum rerum objectas species memorant. Plerumque hianti ore respirant, quamvis per vices latiori thoracis amplificatione spiritum hauriant: styptica fit alvus, & urina supprimitur; quin etiam totum corpus stipatur, & cogitur, pulsu tamen æquali persistente, ut notavit Galenus 4. *de caus. puls.* 16. Hinc pro majori, vel minori sensuum læsione, & symptomatum comitatu, variat prognosis. Potior verò ratio habenda est de viribus, & respiratione: nam ex Hippocrate 1. *prorrh.* 3. to. 4. *quæ cum exolutione fiunt, & catochæ, & aphoniæ, perniciosæ sunt.* Quamobrem, vel viribus exoluti, vel suffocati, cataleptici pereunt.

Quoniam verò morbus hic rarissimus esse solet, alto silentio Scriptores curationem præteriere, contenti solummodò generaliora præscribere, communia his, quæ ad epilepsiam referuntur. Sed & Sylvius conferentia solum autumat, sale volatili acriori prædita. Quendam mihi aliquando contigit observare, qui levamen maximum persensit (cùm nil per os assumere posset) à balneis ex chamæmelo, fœnugræco, anetho, malva, althæa, meliloto, feminibus lini, additis salvia, betonica, nicotiana, itemque linimentis ex Galbaneto Paracelsi, essentia lavendulæ, oleo nucis myristicæ, & ceræ. Capucinus catalepticus relatus ab Henrico Heers his remediis curatus fertur. Primum glande acri alvus soluta est, undè membra movit, surrexit, ambulavit, omnium præteritorum tamen

immemor. Tum fricatis naribus ex ptarmico potentissimo sæpè sternuit, mucumque excrevit simile glaciei. Deindè ingressus laconicum flatus discutientia assumpsit. Postmodum ab usu clysteris validissimi, & cathartici, purgatus est; atque insuper decocto herbarum capitalium, cerebelli regio, & universa spina fota est, ac convenientibus oleis inuncta: Pro potu hydromel dilutissimum, in quo sassafras, fœniculum, & anisum ebullierat, ebibit, admisto vino fulvo: Ac tandem in dies exhibitum fuit conditum ex electariis, acori, stœchados, nucis myristicæ, ziniberis cum theriaca, & confectione pliris archoticon; seque in posterum, cùm malum persentiret, oleo calido, totique spinæ affricto, à congelatione præcavit. Alium narrat Forestus, qui non dissimiliter à clystere, & balano acribus, inunctionibus, decocto, cathartico, & roborantibus cephalicis convaluit.

A fulmine percussi, & ad instar catalepticorum attoniti relictæ, quomodo tractandi sint, consule *obs.* 37. *Ephem. German. Ann. 2. ejusque scholium.*

## DE VERTIGINE.

**V**ertiginis naturam, & originem explicare difficilius est, quàm ut putatur à plerisque. Qui enim sibi fingunt spiritus vectores specierum, à flatibus in cerebro genitis, velex infernis partibus elevatis, in gyrum volvi, atque ad eorundem circuitiōnem videri objecta externa circumrotari, licet subito se expediant, non tamen difficultatem explanant: Nam (ut sileam hîc, quæ à Philosophis adversus ejuscemodi species, spiritusque opponuntur) oporteret cerebrum omninò vacuum esse, ut hunc

Lib. 10.  
obs. 42.

V. Gal. 3.  
Aph. cō.  
31. & 3.  
de loc.  
aff. 8.



spirituum, & flatuum circuitum pati posset. Neque verò in Cerebri ventriculis spiritus animales spatiantur, cum ex Anatome jam satis, superque perspectum sit, cavum illorum, excipiendis, repurgandisque excrementis usui esse, ut aliter suspicari amplius non liceat. Sunt prætereà, qui ex alta turri profundam vallem spectantes, aut rapidissimos fluvios, currentesque equos aspicientes, qui-que seipsos circumducunt, vertigine corripuntur, citra quamcumque evaporationem ad caput. Ex longa pariter inedia, à timore imminentis alicujus periculi, vertigo accidit, quinimò meticulosi si repentè timore percellantur, facillimè Vertiginem sentiunt. Hinc novi quosdam à spectris nocturnis perterritos, vertigine, & motibus epilepticis affectos; Funambuli verò ab omni metu alieni, haudquaquam ejusmodi morbo tentantur. Sic quoque variis, & ferè oppositis animi pathematis commoti, nonnunquam in Vertiginem delabuntur, ut si unà simul pudor, & vindictæ desiderium pusillanimum arripiat. Idemque accidere solet iis, qui attento animo, fixa acie, & oculis immobilibus, rem aliquam meditantur, ac intuentur, si præsertim exindè tædium subsequatur. Per easdem pariter ambages versantur, qui spiritibus inordinatè motis proximam Vertiginis causam asciscunt.

De lib.  
chial. c. 9.

Sententia Helmontii, qui contendit quamcumque vertiginem è debili stomacho oriri, neque omninò vera est: nam, quamvis aliquando stomachus vertiginis origo esse possit; ex allatis exemplis, aliundè etiam illam pendere deducitur. Cæterum Hermetici cum Dogmaticis conveniunt; quippe ad vapores, & halitus quoque confugiunt; illos tamen volunt è refinosis, tartareis, aut sulphureis in

imo ventre contentis humoribus, aut ex pinguiori, magisque sulphurea sanguinis substantia proficisci, qui secum tincturam atræ fuliginis convehant, ut loquitur Quercetanus, sine ulla acrimonia.

In Te-  
trad. c.  
11.

Verisimilius autem videtur affuditio per cerebrum diffundi tenuem quamdam, fluxilem, & roridam substantiam è puriori parte sanguinis albicante, percolatam ex arteriis carotidibus, atque ex his, quæ plexus efformant. Ea verò cum quaquaversum cerebrum pervadat, ac præsertim meditullium, sensim traicitur in nervos, ut & cerebrum ipsum, nervorumque fibras sensui, & motui peragendo necessarias convenienter irroret, & foveat, aptasque reddat impressioni simulacrorum signandorum in Cerebri meditullio, pro Apprehensione, Æstimatione, & Memoria. At si ob vitium ejusdem, vel sanguinis, incurio talis fiat in meditullium, ut violenter admodum diffundatur, & impetuosius quàm deceat, substantia ista rorida per poros cerebri cieatur, interturbantur fibræ nerveæ, quæ inæqualiter concitatae, & contortæ, motum epilepticum, & Vertiginem pariunt tenebricosam cum casu, & corporis labefactione. Simplicem verò, si tantummodò per cerebrum divagetur, principio nervorum illæso; vel à partibus infernis isti lædantur. Sed & non rarò roridus ille liquor, qui per cerebri substantiam diffundi debet, tenuis, purus, limpidusque omninò non est, ut liberè possit poros illius subire, & convenienter cerebrum, & nervos irrorare, unde nec promptè pervadens aliquantulum remoratur, quin potius in gyrum adigitur; quapropter fibrillas ejusdem inæqualiter commovet, ac percellendo conturbat, & extorquet, quemadmodum



dum chordis, & filamentis quarundam plantarum contingit, idque fit in quocumque liquore, cum in suo cursu præpeditur. Simplex quoque vertigo accidit ab aspectu profundarum vallium, similiumque rerum metum vehementem, ac subitum inferentium, quoniam ob animi motionem acriter concutitur phantasia, & sanguinis motus perturbatur, qui subindè tumultuariè agitat roridamillam cerebri substantiam è plexibus exudantem. A cursu equorum, & fluvii rapiditate visionis radii, seu potius lumen, quod reflectitur, fibrillas nervi optici in tunica Retina percellit, atque tanta velocitate, inæqualitateque, ut maximam, & confusam motionem in cerebro inducat, undè objecta externa circumrotare apprehendantur. Ob longam inediam, liquor ille tenuis deficit, visus hebetatur; quamobrem fibræ cerebri, & nervorum extorquentur, ut in fibris plantarum exarescentium experimur. Atque hinc reliqua facile est colligere. Non tamen hinc negaverim, simplicem plerumque vertiginem à malè affecto ventriculo proficisci, ut proptereà concitato vomitu illicò desinat. Pluries in me ipso expertus sum à tenaci, hærenteque succo, vel etiam oleoso, & amaricanti humore ventriculum fastiditum, ejusque pylorum exagitatum, speciem quamdam Vertiginis excitasse, qua objecta non quidem omnino circumagi, sed trepidare viderentur; præsertim si lecto decubuissem. Ea autem, promotò vomitu, etiam exiguo, sensim remittebatur. Siquidem per ipsum in sensos illos humores, qui apices nervorum, eorumque fibras laceffere videbantur, sensim dimotos, tandem pedetentim contingebat evomi, & foras educi. Quamobrem illum magnoperè uti-

lem, ac salutarem in ejusmodi casibus futurum commendare non desino, etsi plerique penitus contradicant.

Quamvis autem qui vertiginem patiuntur putent omnia externa circumduci, non tamen ex hoc dicendum illos delirare, quoniam Æstimatione illæsa manet, corrigitque falsam ex objecto apprehensionem: In delirio etenim læsam imaginationem consequitur vitiata quoque æstimatione, undè judicium offendi, ac depravari necessum est.

Insuper licet in vertigine sensus visus potissimum afficiatur, cum oculi tenebris suffundantur, & caligent; non rarò tamen cæteri quoque sensus depravantur; siquidem sibilus, aut levis fluctuatio in auribus exauditur, atque olfactus, & gustus læditur, ut notat Ægineta *lib. 3. cap. 12.* quin & aliquandò hi solùm offenduntur citra vertiginem, fibris scilicet nervorum in organis sensuum tantummodò contortis, & gravius affectis, levius verò, vel nullo modo in cerebro.

Præter enarratas vertiginis differentias, alia dicitur idiopathicè in cerebro causam habere, alia sympathicè à vitio aliorum viscerum, præsertim ventriculi, uteri, hypochondriorum, ut in scorbuticis. Aliquandò serosus humor cerebri anfractus alluens, vertiginis causa inventus est. Abscessus item, & hydatides; necnon concretus in vena cava, & in arteria magna sanguis: putrefactum epiploon: obduratæ glandulæ. Unde etiam conjectandum potius à fibris, & nervorum liquore, modo nuper explicato, quàm à spiritibus irregulariter motis vertiginem oriri.

Eam verò ex hac, vel alia causa ortam, vitio hujus, vel alterius visceris, ab adjunctis symptomatis sagax Medicus pervestigabit, judicabitque, num gravior, vel levior illa sit.

V. Aet.  
tetrab. 2.  
c. 7. Rhal.  
cap. 3.

V. Hipp.  
2. de  
morb. tit.  
morb. à  
capite,  
unde Ca.  
rol. Pifo.  
Plater. 1.  
1. obs. &  
prax. c. 7.  
Sculpt.  
Arm.  
Chir.  
obs. 19.  
Vvepfer.  
de apopl.  
Holler.  
Vvillif.  
&c.



3. Aph. fit. Porro mitior semper erit, si à cau-  
 31. Aph. sa externa; secus gravior, præsertim  
 8. Aph. quæ cum oculorum caligatione, &  
 15. Aph. casu contingit; nam in epilepsiam,  
 3. Aph. vel apoplexiam transiens, mortifera  
 17. evadit. Senibus longè periculosior,  
 eoque magis si cum febre copuletur,  
 vel cum austrina tempestate jun-  
 gatur.

V. Mar- Vertiginem præsentem curare co-  
 cel. de nantur Medici iisdem ferè remediis,  
 Medic. quæ adversus epilepsiam, & apople-  
 3. xiam memorata sunt, non neglecta  
 interim causa, quæ potuerit paroxys-  
 mum excitare. Verum si à causa ex-  
 terna fiat, sicuti nullius periculi esse  
 solet, ita neque medicamentis ege-  
 bit, cum satis sit ejusmodi causam de-  
 vitare. Fertur autem à quibusdam  
 vertiginem citissimè desinere illitis  
 temporibus succo bethæ nigræ, as-  
 sumptoque pulvere abrotani in vino  
 tepido, vel cum oxymelle. Admo-  
 vent alii ad frontem serpillum; tem-  
 pora verò, & cervicem perfricant  
 aqua roris marini.

At imminens vertiginem à suis  
 causis antevertere aggrediuntur, vi-  
 tato aere crasso, & nebuloso, item-  
 que vino, nisi stomachus obsistat, iis-  
 que omnibus, undè vertiginem æger  
 ipse pati expertus sit. Si præterea à  
 flatibus illa progigni putetur, eva-  
 cuantia medicamenta tùm totum,  
 tùm caput ipsum, adhibent; mox ve-  
 rò quæ flatum discutunt, & cerebrum  
 roborare creduntur. Consentientia  
 viscera, & præcipuè ventriculus pa-  
 ri modo repurgare satagunt, atque  
 tùm internis, tùm externis remediis  
 confovere.

Verum Villisius promore, acci-  
 dentalem, quam vocat vertiginem,  
 curandam censet per phlebotomiam,  
 lenem catharsin, & cephalica medi-  
 camenta. Habitualement, & invetera-  
 tam, abscisso primùm fomite, usu

cujusvis evacuantis remedii; deinde  
 repurgato sanguine ope antiscorbu-  
 ticorum, & chalybe constantium me-  
 dicaminum, roboratoque cerebro  
 cephalicis specialioribus. Postremò  
 amota causa conjuncta, per medica-  
 menta sale volatili prædita, cujusmo-  
 di sunt spiritus C.C. fuliginis, salis  
 ammoniaci, tinctura coralliorum,  
 succini, antimonii, elixir pæoniæ &c.

In ipso autem paroxysmo peculia-  
 riter commendat graveolentia, ut  
 castoreum, spiritum, aut sal volatile  
 C.C. urinæ, & salis ammoniaci, na-  
 ribus subindè admovenda, atque  
 etiam intrinsecus usurpanda, cum  
 julapiis cephalicis; & hora somni bo-  
 lum ex mithridatio cum pulvere ca-  
 storei. Extra paroxysmum verò, eme-  
 ticum semel in mense gratia præcau-  
 tionis consulit, sicut pariter cathar-  
 ticum, & phlebotomiam, fonticu-  
 los, phœnigmos, emplastra, aliaque  
 hujus generis multa.

Hartmanno præcipuus dicitur pul-  
 vis ex cinnabari nativa, cujus benefi-  
 cio plures, unica hebdomade, verti-  
 gine liberasse testatur Quercetanus  
 ad grana x. vel xx. in aqua liliorum  
 convallium. Substituitur ab aliis cin-  
 nabaris antimonii. Efficaciorem præ-  
 dicat Cardilucius suum præcipita-  
 tum aureum à gr. iv. ad vj. Stercus pa-  
 vonis in pulverem redactum, & cum  
 saccharo mistum ad dr. i. alii exhi-  
 bent ex Cratone, etiam ad invetera-  
 tam vertiginem. Vult tamen Borel-  
 lus solvendum illud esse cum suffi-  
 cienti quantitate spiritus vini, dein-  
 deque ter assumendum in potu tem-  
 pore matutino. Et Schroderus per  
 noctem in vino macerandum consu-  
 lit, mox trajectum per linteum exhi-  
 bendum, à novilunio ad plenilunium,  
 & ultra. Ex his conficitur sequens  
 pulvis efficacissimus: *cinnabaris na-*  
*tivæ unc. β. magister. corall. & mar-*  
*garit.*

In Te-  
 trad. gra-  
 viss. Cap.  
 aff. c. 23.

Cent. 3.  
 obs. 98.

In Phar-  
 macop.



*garit. singul. scr. ij. stercoris Pavonis  
prepar. unc. i. croci or. scr. i. fol. auri  
n. 6. reduc. in alchool. supra marmor.  
dos. gr. 10.*

Præsentaneum remedium aliis dicitur electuarium ex cerebro passerum; itemque essentia ciconiarum cum spiritu vini elicita ad guttas aliquot. Pulverem Sciuri pro Arcano antiscotodinico funambulum quendam habuisse refert Jo: Michaelis. Semina aquilegiæ, & cari, chærefolium, flores anthos, carpobalsamum, si ex eis pulveres, essentiæ, extracta, aut aquæ eliciantur, valde prodesse creduntur. Conficit Platerus vinum, quo usus senex quidam vertigini obnoxius, non amplius de illa conquestus fuit. Infundit autem hic Author in mensura una vini, fennæ unc. ij. turbith. unc. ss. agarici dr. iij. piperis dr. ss. gingiberis, seminum coriandrorum, summitatum centaurii minoris, & amaraci singul. dr. j. absinthii dr. ij. ac deindè bibendum illud offert. Hunc, aliosque graviore morbos curasse fatetur Solenander sequenti electuario, quod constat: *succ. absinth. succ. marrub. succ. stœchad. mastich. rhei, chamædr. chamæpit. singul. dr. iij. hyssop. dr. j. agar. opt. ad pondus omnium: Hæc in pulverem subtilissimum redigantur, & excipiantur melle cocto* Dosis à dr. i. ad dr. iv. in decocto stœchad. mane.

Approbat Riverius condituram florum calendulæ; & Rodericus à Fonseca, quæ ex floribus roris marini, cum oleis buxi, nucis odoratæ, & menthæ stillatitiis. Sylvius Deleboe anodyna, & narcotica, parcè tamen, & per intervalla, cum aquis antiepilepticis exhibet. Mirabiliter contulisse testatur V Villisius hujus pulveris usum, bis in die ad cochlear sumpti cum haustu decocti salviæ, aut roris marini in tinctura Coffee. Is autem fit ex radic. præoniæ maris, & sacch.

albiss. singul. unc. ij. flor. ejusd. præoniæ unc. j. stercor. pavon. alb. lib. ss.

Oleum buxi efficacissimum dicitur, si eo pulsus, tempora, palatum, cervix, & plantæ pedum inungantur; sicut pariter pinguedo ciconiarum, & serpentum: necnon semen urticæ contusum, & cum aceto permistum fronti sæpius applicatum. Commendatur etiam lotio capitis pluries iterata ex lixivio calido, in quo summitates amaraci sint infusæ, insperso postmodum supra verticem pulvere bombycum. Cæterum Amuleta Antiscotodinea perhibentur Corallia rubra, grana Succini albi, CrySTALLI.

V. R.  
Hofm.  
M. M.

## DE DELIRIO.

CUM imaginatio, & æstimatio depravatur, delirium accidit, quod dicitur. Declinatio à recta rationis semita, unde ægri absurda, & incongrua loquuntur, aut imaginantur.

Deliriorum Medici constituunt idiopathicum unum, sympathicum alterum, & quidem ab hypochondriis, diaphragmate, utero, aliisque partibus. Aliud sine febre; aliud cum febre: Atque ex his phrenitidem, maniam, melancholiam, à diversis etiam humoribus deducunt: de quibus sigillatim.

## DE PHRENITIDE.

PHrenitidem intelligunt Galenici delirium perpetuum, & continens cum febre acuta, & continua; quod ab inflammatione cerebri, & membranarum ejus à sanguine bilioso ibidem putrescente oriri arbitrantur.

Quoniam autem in quocumque delirio, potissimum in phrenitide, animales operationes, nempe imagina-

Obs. i. p.  
10.

Conf. 2.  
se. 1.

Prax. lib.  
1. cap. 9.  
Tom. 1.  
conf. 16.

Lib. 2.  
prax. c. 7.



ginatio, & ratiocinatio depravantur, ab illarum læsione tres deducunt phrenitidis species ex Galeno tùm *lib. de diff. sympt. c. 3.* tùm *4. de loc. aff. cap. 2.* Aliquando depravari dicitur imaginatio sana ratiocinatione, ut in Theophilo Medico, qui putabat Tubicines esse in angulo domus, eosque tamquam sibi molestos esse eiciendos. Simile quid fatetur Galenus sibi accidisse *4. de loc. aff. c. 2.* evelendo floccos, & colligendo festucas. Interdum verò dicitur offendi ratiocinio illæsa imaginatione, ut in eo, qui singula vasa rectissimè nominans, illa tamen projecit, ut & puerum, quem adstantes confractum sustulerunt. Nonnunquam etiam utraque lædi solet; quin & memoratrix quoque, ut ex Thucydide refert idem Galenus *cit. lib. de sympt. diff.* quòd à peste Athenis grassata evasi, omnium immemores remanserunt, etiam suorum nominum. Contingit quoque frequenter phreneticos memoria deficere, cum non rarò obliviscantur egisse, quæ gesta sunt, & quam anxie, cupidissimèque petierunt, aquam bibere.

At impossibile existimat Eustachius Rudius, illæsa ratiocinatione imaginationem lædi posse: quod & nos aliàs innuimus; cum hanc illa per suscepta phantasmata, quo modo apprehensa sunt, necessariò prosequatur. Unde Theophilus ille Medicus assererat esse abiiciendos Tubicines, quia imaginabatur illos adesse in angulo domus. Tunc enim ratiocinatrix facultas sana dici deberet, cum corrigeret, non sequeretur errorem imaginatricis.

Ab inflammatione præterea cerebri, & membranarum ejus phrenitidem minimè oriri anatomicis observationibus ostendit Thomas Villisius, qui se pluries vidisse fatetur Me-

ninges, immò & cerebri exteriorem ambitum, tumore phlegmonode obsessas, laborantes verò minimè phrenesi, sed potius torpore, & caro periisse. Adnotarunt etiam Sennertus, Heurnius, Vallesius, Volcherus Coiter, aliique, cerebrum inflammatum cum membranis absque delirio: & Phrenitidem absque illius inflammatione.

Neque insuper perpetuò Septi transversus phlegmonen comitatur delirium illud sympathicum, quod paraphrenitis appellatur: Nam aliquandò compertum est, Diaphragma citrà delirium fuisse affectum, ut ex dissectis cadaveribus idem Villisius deducit. Quod autem Diaphragmatis viscus nervis plurimis refertum sit, adeoque maximum consensum ineat cum cerebro, haud congruenter evincit phrenitidem subsequi, cum ipsum inflammatur: etenim stomacho, pleura, mesenterio, phlegmone obsitis, phrenitis plerumque non succedit, quæ tamen sæpissimè corripit peripneumonia, & hepatide laborantes: quare cujuscumque visceris inflammationem illa sequi potest.

Causam Phrenitidis quæsit Helmontius in duumviratu, præsertim verò in stomacho, ex Hippocrate dicente: *Cui vena in hypochondrio fortiter pulsatur, is mox mente alienatur.* Et Neoterici in spiritibus animalibus collocarunt, vel nimium irritatis, vel in confusionem actis. Unde verisimilius est, inquit Villisius, Phrenitidem à spirituum phlogosi potius, quàm à Meningum, aut cerebri inflammatione, quæ cephalæam, aut lethargum certius, quàm furorem inferret, excitari.

Verùm in Phreneticorum cerebro credere licet tantam vaporum, qui in liquorem nerveum commutantur, copiam acritate præditam adunari,

ut ne-



ut nedum motione plurima, & irregulari, per ejusdem cerebri poros, & nervorum substantiam concitetur, unde phantasmata varia, & confusa cum impetu, & vigilia; verum etiam à confluxu vehementi, sensus externi, licet depravatè, acuantur, & motus animales musculorum roborentur, ut vix detineri queant. Univerfus namque sanguis, qui ad cerebrum fortè laxius defertur, plus justo in auras abit, totusque in liquorem nervorum, & quidem tenuiorem, maximèque volatilem, permeabilemque, commigrat; unde Phrenetici; quamvis deficient viribus vitalibus; animalibus tamen plurimum valent. Porro fibræ nervorum, & musculorum motui dicatæ, ejuscemodi liquore tumidæ, nimium vigent, & firmiter tenduntur; multoque magis in Maniacis, quibus febris deest. Quoniam verò vapor iste nerveus acritudine præditus est, & immoderanter, violenterque in nervos, musculosque adigitur, trepidi, & temulentorum ad instar phrenetici in tanto robore esse solent.

Proximam itaque causam hujus affectus in rorido isto cerebri, & nervorum liquore constituendam opinor, qui tenuior, & acrior evadat à sanguine in cerebrum confluyente, pari conditione, vel vitio sui, vel vitio viscerum, affecto: quemadmodum in febribus acutissimis, & ardentibus, atque in internis inflammationibus, & affectionibus hysteriis. Atque hinc contingit, aliquandò delirium fieri interruptum, cum scilicet ad tempus solummodò liquor nervorum inficitur.

Congruunt his, quas practici ex observationibus Anatomicis plurimas memorant paraphrosynes, & phrenitides ortas à retrocedente erysipellate, à fero, à felle cystis acro-

ri, ab inflammatione ventriculi, & pulmonum; à varicibus meningum, à disruptis abscessibus, à venenis, præsertim solano furioso, mandragora, & radice pastinacæ sylvestris, ex cujus esu lepidam historiam narrat VVillisius *hoc loco*.

Notissima sunt signa phrenitidis, & cujusvis delirii præsentis, cum gestibus, tum verbis parum consonis. Imminentis verò recensentur nimia garrulitas, immodica vigilia, somnia perturbata, oculorum rubor, & fulgor, motusque inordinatus, præteritarum rerum oblivio, responsio ferox, lotiorum, quæ prius crassa erant, tenuitas, & perspicuitas, decubitus incompotus, oblocutio inter dormiendum, aurium sibilus, linguæ ariditas absque siti, torvus, & immobilis obtutus. De reliquo sympathicum, & interruptum delirium facile ex superius dictis interno-

scetur. Undecumque autem illa oriatur, semper periculosissima est; longè verò gravior censenda, si dejectiones decolores, & urinæ aqueæ appareant: nares modicum sanguinem stillent: puserumpat: dentium stridor accidat cum maxillarum, & temporum convulsione; itemque singultus, tremor, aponia, vomitus: si in veterum commutetur, vel in desipientiam Hippocrati obscuram dictam. *A Peripneumonia quoque inflammatio cerebri, malum, 7. Aph. 12.* Copioso autem sudore, urinæ profluvio, è naribus, hæmorrhagia, & quandoque etiam alvi fluxu, dummodò vires consent, salubriter terminari consuevit.

Cum ferè communiter hæc ægritudo putetur sequi viscerum inflammationem, proinde ad hanc tollendam illius curatio dirigitur: Et quidem venæ sectione iterata, mox à prin-

I. prorhet.  
comm. 1.

V. Hipp. in Ccac. & 4. Aph Gal. 5. de loc. aff. 4. & 1. prors rhet. comm. 1.

1. progn. com. 23. 1. prorrh. comm. 1. 4. aph. 72. 1. epid. com. 3. agr. 1. 2. progn. 1. 1. epid. 2. 12. meth. 8.



principio repellentibus oxyrhodinis, cum decocto foliorum lactucae, rosarum punicarum, violarum, capitum papaverum alborum, florum nymphaeae; pariterque cucurbitulis, frictionibus, clysteriis, & lenientibus pharmacis: postmodum somnum conciliantibus, tum internis ex opio, tum externis ex lotionibus, & linimentis capiti, & pedibus adhibendis ex medicamentis hypnoticis; itemque applicitis ranis, gallo, aut catello per medium sectis supra futuram; instituta interim diæta refrigerante, humectanteque; detentoque patiente, aut in tenebris, aut in luce, pro varia ejusdem conditione, & virium robore, ut admonet Celsus *lib. 3. cap. 18.* strepitus verò, & animi, ac corporis motus, omninò prohibendo.

3. de  
Morb.

At Phrenitidem à Septo transverso curandam proponit Hippocrates per ea, quæ tussim, & sputum promovent ut in Peripneumonia. Alterius etiam delirii meminit in virginibus, de quo tamen alibi.

Lib. de  
Virg.  
Morb.

Hermeticis præter venæ sectionem, & cucurbitulas scarificatas, sunt quoque in usu irrigationes supra futuram coronalem, & pedum lotiones cum herbis soporiferis, necnon linimenta hypnotica, & purgantia leviora, ac opiata, moderatè tamen exhibita. His non suffragantibus, consulit Paracelsus cranium esse terebrandum, ac foramen per mensem patulum esse detinendum. Hac enim ratione, inquit, quamcumque amentiam certissimè curari. Vult etiam Cardilucius præter suum præcipitatum aureum, cunctis impensè commendatum succum nasturtii hortensis, vel aquatici, mistum cum tertia, quarta, vel quinta parte aceti acerrimi, ac pugillo salis communis decrepitati, additoque oleo olivarum in affectibus pectoris: cujus mixturæ cochlearia duo in sin-

gulas horas assumenda præcipit, atque ita etiam interna apostemata dirumpi, febresque omnis generis, præsertim verò intermittentes, cum ingruunt paroxysmi, omninò fugari fatetur, ut rarò quartum repetere opus sit. Aliam hujus morbi curandi rationem memorat ex Carrichtero, quam apud eundem legere est.

Helmontio sicuti cæteræ ægritudines cerebri, ita & deliria, remediis eustomachis, non cephalicis, curantur, præmissis tamen vomitum promoventibus, præsertim ex helleboro. At verò P. Jo. Faber potius diureticis, & humores deducantibus insistit, inter quæ potissimum magnificat suum tartarum vitriolatum, & liquorem Mercurii acidum, quem summum arcanum adversus Phrenitidem fatetur.

In Duu-  
vir. & de  
febris.

Antiphrenitica demum recensentur saccharum, & spiritus Saturni, Bezoardicum lunare, liquor Margaritarum, qui mirificus celebratur ad compescendum sanguinis fervorem, ferturque aliquot illius guttis vini spiritum figi, & coagulari. Magnæ etiam existimatur virtutis essentia florum hyperici, eorumque extractum in decocto glomorum cynosbatii. Ac postremo opium, & quodcumque ex opio conficitur, ad somnum conciliandum, quoniam in deliriis nil somno conducibilius. Quare Zacutus *in prax. hist.* pilulas componit ex opii gr. v. croci gr. iv. & castor. gr. ij. atque in jure, aliove liquore per intervalla exhibet. Et J. Prævotius aquam personatæ ad unc. iij. propinat, cui vis inest diaphoretico-narcotica. Verum enim verò opiatorum usum vituperat Helmontius in amentis, cum omne opiatum ipsi dicatur esse in se amens, & amentia nil aliud, quam somnium vigilans: inesse præterea opio monet, præter soporiferum, aliud

V. Petri  
Nosolog.  
lib. 1.  
diff. 2.

Hipp. 2.  
Aph. 2.



De li-  
thia. c. 9.  
jus duu-  
vir. &c.

aliud virus, quo amentes acrius læduntur; quia immò vix decuplam opii dosim somnum infano conciliare, & cum labore. Ejus autem loco commendat sulphur vitrioli Veneris, quod somniferum dulce, & suave illi est.

V. Borel.  
cent. 4.  
obl. 64.

Externè verò sedum majus contusum, & cum lacte muliebri mistum syncipiti admotum, phrenitidem sedare, & somnum allicere plerique testantur: at cum primùm dormire ceperit æger, removendum, ne Coma subsequatur. Tutiora existimant alii ramenta cucurbitæ cum albumine ovi. Riverius *in praxi* ex Penoto hoc epithemate ægrotum sopiri, & cōvalescere testatur; quod conficitur ex aqua ros. punic. cum tinctura santal. rubr. imbuta ad unc. xxx. cāmpbor. gr. xxx. mosch. gr. xij. Vult autem per diem integrum calidè futuris apponendum. Est aliis in usu decoctum musci terrestris pari modo applicitum; aliis Rana viva, aut Tinca dissecta, & plantis pedum imposita.

At quamvis hæc prodesse possint, non tamen omittenda diaphoretica superiùs memorata, & quæcumque acrimoniam, fervoremque sanguinis temperare possunt: hæc quidem potius in principio, illa verò circa statum Phrenitidis, præsertim cum de interna inflammatione dubitatur. Quamobrem pro varietate causarum modò his, modò illis utendum.

Lib. 3.  
Epistol.  
Epistol. 1.  
c. 1.

Iisdem ferè pervigilio occurrere expediet, ac prætereà unguento alabastrino, populeo, somnifero Augustano, oleo papaverum, & hyoscyami, extracto croci, pinguedine lucii piscis, temporibus, & plantis pedum illitis. Langius parat aquam mirabilem ex capitibus duobus allii, & uncia una opii simul contusis, atque in B.M. distillatis; & ad gutt. 11. in vino exhibet ad somnum conciliandum. Con-

ficit etiam aliam aquam hypnoticam: & Mynsicht vinum hypnoticum & pulverem anodynum Michael. Alii, alia. Sed omnibus præstat laudanum opiatum aliquo liquore dissolutum, & parùm, ac sæpè propinatum. Invaluit nunc tandem apud nostrates usus cujusdam potionis ex expressis seminibus melopeponum, & papaverum alborum; cum amygdalis dulcibus, & conditura florum nymphææ in aqua lactucæ dissolutis: Illam autem post cœnam potissimùm potandam offerunt, ut opportuniùs somnum alliciat.

### DE MANIA, seu Furore.

Quamvis Cicero hanc affectionem Latinos Furorem appellasse, & Græcos Melancholiam, scripserit; propriè tamen Medici ipsam dicunt insaniam, seu delirium illud, quo ægri præter imaginationis, & ratiocinationis depravationem, impetunt, furunt, ac nihil omninò formidantes, omnia temerè audent, & indiscriminatim aggrediuntur: febre tamen carent, & memoria valent.

Multifariam, & innumeris modis hi furere observantur. Plerique post impetum, & ferociam, in cachinnos solvuntur: alii ad minas, jurgia, inconditosque sermones sunt proclives: alii blandis verbis circumstantes alliciunt, mox inopinatò illos adoriuntur: quidam in negotiis gestis, gerendisque: nonnulli in armis, & militia: alii in rebus domesticis, amicis, inimicis, amore, zelotypia, cæterisque variis insaniunt. Cum autem delirium hoc foeminis accidit ab utero, intermissiones habet, & per intervalla redit, diciturque furor uterinus.

V. Aet.  
hoc l.

Ad atram-bilem delirii hujus causam Medici referunt, undè cerebrum, ac spi-



ac spiritus animales vehementer exagitantur, inducta nimirum in his fervida, & veluti ignea diathesi: cui adjicit Platerus malignam, occultam, & venenatam conditionem, præsertim quia à venenis, & philtris nonnulli insaniisse memorantur. Nec tamen solum cerebrum, sed & cor pari affectione corripitur addit Sennertus, cum Maniaci intensissimum frigus, cæterasque similes ærumnas, nudi, sine ulla læsione tolerent, quin & calere perpetuò deprehendantur. Helmontius verò è stomacho, & liene amentias quascumque manare docet.

Tit. De-  
mens  
Idea.

Cap. 12.  
de Ma-  
nia.

— At vitium hoc solis spiritibus animalibus attribuit Villisius, qui ab indole propria, & genuina, nempe, (ut ipse loquitur) *spirituo-salina*, in *sulphureo-salinam* aquæ stygiæ æmulam desciscunt; proindeque actus inordinatos edunt. Sicut enim aquæ stygiæ particule summe agiles, & irrequietæ, in motu continenter sunt; ita spiritus animales è sanguine uberiori, & quasi nitro-sulphureo extilatos, insigni mobilitate, sive inquietudine præditos in maniacis existimat. Posse autem in humano corpore generari humores acerrimos ex quibus ejusmodi spiritus exurgant, ut aquæ stygiæ comparentur, idem Author ostendit ex ulceribus malignis, & pestilentibus, quæ non rarò humanis corporibus contingunt; præter alia plura, quæ ingeniosè quidem explicare studet de Maniacorum audacia, ac temeritate, de immenso robore, de nulla, vel tardissima defatigatione, deque absentia febris, ut latè apud eundem legi potest.

Cent. 3.  
obs. 48.

Illud autem ex Anatome aliquandò deprehensum est, à vermibus in cerebro maniam accidisse, teste Platero, Fernelio, & Riolano. Bartholinus etiam in equis, bobus, & ovibus

illos capiti inesse scribit, cum rabie corripuntur. Vulgò itidem fertur rabidos canes sub lingua vermiculum habere, quem Plinius Lytram vocari ait, aliis verò Lyttam, & Lyssam.

Lib. 19. c.  
5. Dale-  
camp.

Spectatis verò causis externis, referunt maximam vim habere maniam inferendi Solanum, quod propterea maniacum appellatur: Pastinacam sylvestrem: Hyoscyamum; de cujus radice comesa notabilem historiam narrat Borellus: cerebrum Felis, aut Mustelæ: vinum fulmine contactum: morsus animalium rabidorum: Aconitum, & Napellum: Toxicum: sanguinem menstruum, & alia hujus generis. Ad hanc delirii classem reducitur morbus Tarentinus à morfu Araneæ Tarentinæ induci putatus, de quo alibi meminimus: atque illi affinis chorea Sancti Viti: itemque Lycanthropia, & Cynanthropia; necnon Hydrophobia; atque infania ex philtris, & amore. Unde Ovidius.

c. 4. obs.  
45.

*Philtro nocent animis, vimque furoris habent.*

Et Virgilius

*Uritur infelix Dido, totaque va-*  
*gatur*

4. Æneid.

*Urbe furens.*

Et Ariostus.

*Che non è in somma Amor se non*  
*infania*

c. 24. l.

*Agitudine de savj universale.*

V. Ovid.  
8. meta-  
morph.  
de Scyl-  
la.

Maniaci internoscuntur facillimè ex incongruis, absurdis, ineptisque dictis, aut gestis, sine metu, & mœrore, sed potius cum temeritate, garritate, impetu, iracundia. Tarentino morbo affecti, aut Choreia S. Viti, musica, tripudiis, & saltationibus gestiunt, & delectantur. Lycanthropici, & Cynanthropici se in lupos, aut canes conversos putant, adeoque illorum more ululant, latrant, in tri-

viis



V. Act.  
Æginet.  
& Altim.  
hoc loc.

viis versantur, sepulchra petunt, & carnes animalium lacerant, ac vorant, cæteraque similia agunt, quæ luporum, & canum naturam referunt. Hydrophobia ex morfu canis rabidi accidit, & patientes aquam, & liquidum quodcumque averfantur, spumam ex ore emittunt, & si alios mordeant, simili ægritudine rabiei inficiunt. Qui amore insaniunt, macie corporis, vigiliis, inquietudine, assidua animi perturbatione, vultus, & pulsus mutatione, præsertim ad præsentiam, aut nomen amasiæ judicantur: qua ratione Erasistratus, & Galenus, amantes deprehendisse perhibentur. Ad Philtra verò quod attinet, quæ Germanis potissimum usui esse passim referunt Authores, figmentum à vetulis excogitatum crediderim, quæ credulæ turbæ nullo negotio imponere solent: quamquam ex infano Amore plurimos periisse concesserim, animi debilitate, & furoris impotentia, ad perditè amandum pertractos. Hinc jure exclamasse fertur Olympia, Philippi Macedonum Regis uxor, in puellam, quam vehementer is deperibat, & ut credebatur, ex philtro: *Valeant calumnia. Tu in te philtro babes.* Quæ denique referuntur de Lucullo Imperatore, & de Lucretio Poeta, nugæ sunt: pharmacis quidem, sed venenatis, in furorem acti illi perierunt.

Peculiariter autem de Hydrophobia notandum illam induci à morfu, & spuma canis rabidi. Saliva quippè, quæ in cunctis animantibus acidofalsa est, specialius in canibus, utpotè natura non sudantibus, etsi motu valido, cursuque fatigatis, ex nimio, ac vehementi anhelitu, acris, & virulenta evadit, unde facilè exedit, & inficit, ac deinde per morsum cum sanguine, & lymphâ commista fermentum in demorsis excitat, quod

Tozzi Op. Med: Tom. I,

ad tempus, rabiem, & delirium promovet, quo aquam, & res quascunque potulentas patientes expavescunt, & averfantur. Quamobrem Celsus lib. 6. cap. 27. Hydrophobiam genus morbi esse dicit, in quo simul æger & siti, & aquæ metu cruciatur. Rectè propterea scripsit Avicenna l. 4. f. 6. tr. 4. c. 2. deteriorem morsum illum esse, qui est à jejuno, sive homo sit, sive aliud animal; tunc enim saliva tenuior, & acrior fit, nec à cibo, potuque assumpto temperatur. Addunt aliqui in aquis videri rabidos catulos, qui quodammodò affectis latratu infidentur, immò etiam mordereminentur: referuntque exemplum illius Philosophi, qui balneum ingressus, cum jam mente moveri inciperet, videreturque ibi adlatrans catulus eum terrefacere, & remorari, sibi ipsi vim inferens exclamavit: Quid Cani, & Balneo commune est? atque ita in balneum se conjecit, & aquam ebibens, liber evasit. Quamquam id falsum arbitratur P. Salius, quodque ab Avicenna asseritur, videri in urina rabidorum res carneas catulos referentes.

ex Aetio  
tetrab. 2.  
l. 2. c. 24.

De aff.  
part. c. 19  
lib. 4. sen.  
6. tr. 4. c. 7.

Neque solum rabidos fieri à morfu canum, sed etiam aliorum animalium, lupi, felis, vulpis, etiam hominis irati, si saliva sanguinem pertingat, pluries compertum est. Ab equo demorsum vidimus rabie correptum periisse. Verum enim verò etsi pleraque alia animalia id ipsum aliquando pati, & infligere possint, frequentius tamen canibus accidit, ut in rabiem agantur specialiori quadam ægritudine, qui propterea solent spumam continenter in ore gestare, quam è naribus quoque emittunt, cibum oblatum fastidiunt, oculos scintillantes habent, horridum sonum, & vocem raucam edunt, aliquando festinant, aliquando subsistunt, & quandoque

V. Dioscorid.  
lib. 6. c. 36.

K lentè



lentè admodùm, & stupidè progrediuntur, cauda sub ventrem inflexa, capite demisso, & lingua extra os propendente, nigra, rubra, vel crocea: in obvios quoscumque, etiam herum, impetunt, & absque latratu mordent, ab aliis verò canibus evitantur. Rabiem autem potissimùm incurrunt temporibus, vel nimium fervidis, vel plus jùsto algidis.

Unumquodque insanix genus difficulter Medicinæ cedit. Verùm Hippocrates desipientias cum risu conjunctas securiores scribit, quàm quæ fiunt cum studio, & feritate: sicut pariter à sanguinis profluvio, & ab ileo. Si prætereà insanis varices, aut hæmorrhoides superveniant, insanix solutio fit. At in rabidis, & demorsis à cane si pavor aquæ subsequatur, mors in propinquo est. Lycanthropici, & Cynanthropici longiora tempora ducunt, quin etiam non nisi per intervalla solum cruciantur; Parique modo Tarentino morbo affecti, qui potissimùm per æstatem vexari solent. Ab Amore demùm insanientes, nisi sibi ipsis mortem adsciscant, rarò ad necem perducuntur, quamvis incommoda Amantium devitare non possint, quæ describuntur à Plauto sub persona Alcesimarchi Adolescentis.

*Factor, crucior, agitor, stimulator,  
versor in Amoris rota miser,  
Exanimor, feror, differor, distrabor,  
deripior, ita nullam mentem  
Animi habeo: ubi sum, ibi non sum,  
ubi non sum, ibi est animus.*

*Ita mihi omnia ingenia sunt: Quod  
libet, non lubet iam id còtinuò.*

*Ita me Amor lapsus animi ludificat,  
fugat, agit, appetit,  
Raptat, retinet, jactat, largitur:  
quod dat, non dat, eludit.*

*Modo quod sua sit, dissuasit: quod  
dissuasit, id ostentat. &c.*

Et si igitur dementes in rectam rationis semitam revocare ferè sit impossibile, conantur tamen Medici plurimis id assequi. Primum verò infectum sanguinem, & variis pathematis agitatum, educendum consulant iterata phlebotomia: at in Gallicis Ephemeridibus memoratur, furiosum quendam sanguinis transfusione pristinae saluti fuisse restitutum. Deinde vitiosos humores expurgant, præsertim helleboro nigro. Mox cerebrum, & cor roborant, temperantque. Somnum conciliantia, & topica capiti adhibent ex humectantibus, & infrigidantibus composita.

Verùm experientia testatur, Maniacos potius minis, verberibus, monitis, objurgationibus temperari, & coerceri, quàm remediis, quæ plerumque etiam admittere nolunt: quamobrem experimur tortores suos solummodò revereri, cæteros sine metu illos invadere.

Narcotica non conveniunt: turbant potius mentem amentium, & furorem acuunt, ut etiam adnotavit Helmontius, qui maniacis opium, cui sulphur amarum inest, interdixit. Vinum etiam nocet: solum cum Mandragora exhibitum, si scilicet in eo hujus radices ebullierint, profuisse visum est: Mandragora enim præ cæteris soporiferis commendatur à Dioscoride, quòd leniter vomitum moveat, ferventem sanguinem compescat, ac purificet. Aqua, in qua nitrum purum dissolutum sit, efficax esse consuevit, in potum exhibita, sicut quælibet alia aqua acidula. Ejusdem efficaciam dicitur saccharum Saturni, liquor Margaritarum, crystallus montis præparata, Magisterium coralliorum, tinctura violarum, & rosarum, idque genus alia.

Helmontius helleboro primum exhibito ter submergendum esse ægrotum

Tit. jus  
duv. &  
demens  
idea.



tum aquis præcipit, prima vice ad spatium, ut ipse loquitur, unius *Miserere*; deinde duabus aliis ad breve tempus salutationis Angelicæ, tum extracto corpore, pronositu, & capite declivi, omnis aqua hausta reiciatur, indeque æger reviviscet sanus: idque in omnibus generibus Amentia, & Rabiei servandum ait. Tandem sulphur vitrioli soporiferum, & melle dulcius propinat, quo mirificè omnes mentis alienationes sedari, ait.

P. Jo: Faber potentissimum medicamentum esse dicit misturam ex unc. ss. ol. camphoræ, guttis x. ol. saturni, & gutt. iv. essentia Martis in aqua communi exhibitam per x. dies; itemque essentiam argenti, auri, & mercurii; suumque anodynum.

Liquorem lunæ, seu lunam potabilem ad idem etiam præscripsit Hartmannus, quàm certissimum, & probatissimum remedium affirmat in omnibus affectionibus cerebri, præsertim in Amentia. In ejus defectum substituit Cardilucius tincturam florum hyperici per spiritum vini extractam, atque ad guttas aliquot in potu convenienti exhibitam. Sanguini Asiniè venis post aures elicitò vis etiam magna in curanda mania ab eodem Hartmanno tribuitur, necnon decocto anagallidis flore purpureo; atque in externum usum lixivio cephalico ab eodem descripto, præter cranii terebrationem. Commendatur aliis cerebrum Arietis, qui nondum Venerem norit. Et Michael, ac Sennertus memorant sanatos intra triduum maniacos usu cerebri Canis cocti. Folia Buxi, sive ut alii malunt, Fagi minutim incisa in aqua lavendulæ exhibita, movendo sudorem, maniam curare perhibentur. Aqua, extractum, & essentia florum hyperici, vel tinctura eorundem descri-

ptione Mynsichti eandem opem præstare dicitur. Magnific etiam spiritus vitrioli antiepilepticus Hartmanni.

In demorsis ab animalibus rabie affectis, præcipua ratio habenda est de parte demorsa, ac subito initaligatura paulò supra illam, adhibenda sunt, quæ inflicto venenum extrahant, ac retundant; cujusmodi sunt cataplasmata, & emplastra ex nucibus juglandibus, fermento, stercore columbino, melle, sale, ruta, dictamno, sinapi, angelica, theriaca, pice, opopanace. Commendant plurimi, ac imprimis P. Salius, Helleborum album, à veteribus valdè celebratum; sed statim inter initia Hydrophobis exhibendum, quoniam confirmata rabie nocuum evadit. Conantur alii venenum extrahere cucurbitulis: Alii incisionibus, inustionibus, cauteriis. Tunc verò venenum omninò extractum arbitratur Ægineta ex Oribasio, cum nuces juglandes tritas vulnere appositas sine noxa deglutierint gallinæ: vel medullam panis, præsertim calentis, vulneris sanie, aut sanguine intinctam canes comederint ex Rhafi, & Avicenna: ferunt enim canes sanos abhorrere ea, quæ rabidi venenum contraxerunt; & si fortassè devorent, omninò perire. Tuetur autem, inquit Plinius, à pavore aquæ capitis canini cinis illitus vulnere.

Internè verò commendatur Alyssum, veluti Rabiosis summo perè fructuosum vetustioribus omnibus creditum; itemque cinis, & decoctum cancrorum fluviatilium: scordium, chamædrys, gentianæ radix, centaurium minus, semen rutæ agrestis, aristolochiæ, & vincetoxici radices: at reliquis præfert Plinius radicem cynorrhodi. Idem etiam scribit sub lingua rabiosi canis esse limum salivæ,

v.  
Schrod.

Cell. lib.  
5. cap. 27.

Lib. 29.  
cap. 5.

Discorid  
l. 6. c. 37.  
Gal. 6.  
simp.  
med. facult.  
& 2.  
de antid.

c. 11.  
Plin. l. 24

c. 11.  
Lib. 25. c.  
2. & lib.  
29. c. 5.



qui datus in potu, fieri hydrophobos non patitur. Multò tamen utilissimè jecur ejus, qui in rabie momorderit, datur, si possit fieri, crudum mandendum; sin minus, quoquo modo coctum, aut jus coctis carnibus, ex eodem: quod remedii genus celeberrimum Galeno fuit. Idem etiam Galenus è cancris fluvialibus antidotum conficit: atque theriacam æquè salutarem existimat. Aetius verò Hepar Mergi assatum cum paucò oleo, & sale comestum commendat. In *Actis Hafniensibus ann. 1673.* traditur ex Hannemannò remedium euporiston, quod infallibile dicitur ad morsum canis rabidi: idque est: *rutæ, abrotani, beton. & salv. angust. fol. singul. m.j. affund. acet. vini opt. lib.j. ut per aliquot horas maneant in infusione, deindè exprim. & express. add. ther. Androm. dr. ii. herb. card. ful-lon. m.j. vel hujus sem. unc.j. Pueris datur cochleare unum per vices, Adultioribus haustus sit largior. Vultus verò per ix. dies apertum detineatur, prædictis herbis expressis fovendum.*

A Thoma Bartholino ibidem proponitur hoc aliud, quod habet *pulv. gentianæ dr.j. myrrhæ tantundem, pulv. cancr. fluvial. ustorum duplum, m. pro duabus dosibus.*

*Vel cancr. fluvial. combust. unc.v. rad. gentianæ unc. ij. ss. thur. dr. iv. f. pulvis, & vitro servetur. Dosis dr.j. mane, dr. ss. vespere in aqua fontis per xl. dies.* Arcanum inquit Galilæi Galilæi. Vult autem canculos capiendos esse mense Julio paulò ante ingressum Solis in Leonem.

Palmarius de morsu canis rab. pulverem componit, & tutissimum antidotum esse dicit, ex foliis rutæ, verbenæ, salviæ, plantaginis, polypodii, absinthii vulgaris, menthæ, artemisiæ, melissophylli, betonicæ, hy-

perici, & centaurii minoris, singul. partes æquales; atque dr. ij. exhibet horis tribus ante cibum. Cataplasmate, & haustu ex quibusdam herbis concinnato restatur Cardilucius etiam certò curari demorsos à cane rabioso, ut legere est apud eundem: ubi quoque singularem medicinam esse monet spiritum salis marini. Aliis est in usu bitumen Judaicum ad dr. j. in aqua: & sal. viperarum cum aqua theriac. vel succo citrii. Narrat Helmontius Batavos cruda halece salsa triduo renovata, & ad morsum applicata omnem auferre metum Rabei. Avic. l. 4. f. 6. tr. 4. trochiscos è cantharidibus commendat, & cum æger sanguinem minxerit servabitur, inquit, à timore aquæ.

Quod si jam Hydrophobia accesserit, unicum remedium putatur Celsus, non opinantem ægrum in piscinam projicere, ut vel invitus aqua satietur. At verò C. Aurelianus rectè animadvertit, passionis hujus curationem consistere, non ut bibant ægrotantes, sed ut bibere velint. Quin & si aliquid boni à tali demersione sperare est, id à vomitu potius aquæ deglutitæ oriri potest, per quam salia venenosa diluantur, & extrahantur, & saliva ipsa acris temperetur, ac detergatur. Id ipsum confirmat Helmontius suprà relatus. At felicem eventum non semper inde successisse testantur alii: aliud enim periculum excipit, subdit Celsus, ne infirmum corpus in aqua frigida vexatum nervorum distentio absumat; quamobrem à piscina protinùs in oleum calidum demittendum esse consulit. At Mare adeundum monet Borellus, quod mira proprietate ad id valere suadet; ut etiam ex Helmontio deducitur. Neque de ejus aquæ falsedine verendum, quod sitim augeat, siquidem adversus omnigenum

Cap. de Hydrophobia.

Tit. de mens idea.

Lib. 5. c. 27.

cit. loc.

11. De sim. med. facul. & 2. de antid. c. 11. de Ther. ad Pis. c. 14.

obs. 110.

Cap. 3.



num ferarum morsum sal prodesse dicitur Dioscoridi *l. 5. c. de sale*. Succus Chrysanthemi expressus, ex vino exhibitus cum pulvere medii corticis cynorrhodi, salutaris sæpè sæpius observatus ex Asælinæo.

In cibum tandem, salutare creduntur carnes arietis cum brassica, & cerebellum gallinaceum, itemque castaneæ, nuges juglandes, amygdalæ, allium, cæpa, porrum, raphanus; Nocui verò pulli columbini, ex Sennerto. Saliuntur, inquit, Plinius, & carnes eorum, qui rabidi fuerunt, ad eadem remedia in cibo dandæ; quin & necantur catuli statim in aqua, ad sexum ejus, qui momorderit, ut jecur crudum devoretur ex iis. Sed quis unquam hæc admiserit?

Apulo morbo affecti, & Chorea S. Viti, quia sudore affluenter excitato ex saltu, à paroxysmo liberantur, possent etiam diaphoreticis tractari ad illum promovendum, cum musica non suppetit, ut ad tripudia invitentur. Speciatim verò conferre dicitur essentia roris marini, elixir juniperinum, tinctura ligni aloes, spiritus vini simplex, & electuarium antiphlangium Ferdinandi.

Vesani Amoris remedia multa referuntur, quæ mania communia sunt. At crediderim, nulla efficaciora esse, quàm quæ petuntur ex Philosophia. Quisque enim suæ libertatis arbiter quàm facillimè potest Cupidinis arma repellere, perfringere, aut hebetare, atque adeò hujus labis contagionem arcere. Quod verò de Philtris fertur, quòdque morbus per Margaritas præparatas, pulverem secundinæ primiparæ, & calculi humani fugari dicitur, vanum est, nisi mens sana, & constans sit.

Postremò mania ex venenis, alexipharmacis convenientibus curatur, incitato tamen primum vomitu,

tu, si venenum adhuc in stomacho subsistat.

## DE DELIRIO Melancholico.

Sicut Maniaci cum furore, & audacia insaniunt, ita melancholici in profundam mœstitiā, ingentemque timorem delabuntur. In his insuper imaginatio, & ratiocinatio depravatur; non tamen plerumque in omnibus, sed in certis solum rerum generibus. Memoria autem firma manet, & febris deest. Per id verò à cæteris insanis melancholici internoscuntur, quòd timeant, & mœreant sine causa manifesta, undè Hippocrates 6. *Aph. 23. Si timor, & mœstitia longotempore perseverent, judica talem esse melancholicum*. Id etiam hi commune habent, quòd taciti, cogitabundi, solitarii, suspiciosi sint, & licet absurda, quæ meditantur, sermone aliquandò non manifestent, gestibus saltem, aut operibus palam faciunt. Non rarò quoque lingua incontinens, & titubans sit, ut proinde confusim conceptus exprimat mentis, & voces tumultuarias edat. Sunt præterea, qui se mortuos existimant, adeoque nec comedere, nec loqui, neque oculos aperire volunt: Alii scrupulis cujusvis generis implicantur, & quamcumque rem arbitrantur nocuam, & scelestam: Quidam se in vitrea vasa conversos credidere, timueruntque aliorum viciniam, & contactum: Nonnulli in desperationem lapsi, pro re etiam frivola se morti tradiderunt: atque alii aliter, variis, innumerisque propemodum phantasmatibus demerantur. Lætabundos verò, jocosos, ridentesque cum his confundere, rationabile non est; sed probabilius videtur ad eas desipientias revocare,

V. Gal.  
Marcell.  
Donat.  
Schëch.  
Plater.  
Forest.  
h.l.

lib. 29.  
c. 5.

De hepate ipsiusmet rabiosi canis vide Gal. l. 11. de simpl. med. cap. de Hepate.

Borell.  
cent. 1.  
obs. 65.  
Haitm.  
in praxi.  
Henricus ab Heers  
obs. 13.



quas Hippocrates cum risu junctas dixit 6. *Aph.* 53. Nam varia sunt deliramentorum genera, & stultorum infinitus est numerus.

3. de loc. aff. 7. & 2. de symp. caus. 6.   
 3. Collecta c. 40.   
 Causam melancholici delirii referunt Medici cum Galeno ad humorem melancholicum cerebri substantiam occupantem, qui sua nigredine, & obscuritate (non secus ac externæ tenebræ) pavorem simul, & mœstitiam incutiat; quoniam inde phantasma tenebricosum, ut loquitur Capivaccus, Phantasiæ repræsentatur. At in Galenum acriter invehitur Averroes pluribus contendens ab ejusmodi melancholicis, & tenebricosis vaporibus, haud quaquam phantasmam metuere, & tristari posse. Cui tamen adnititur respondere præ cæteris Sennertus *Institut. Medic. lib. 2. p. 3. s. 2. cap. 4. & lib. 1. præf. p. 2. cap. 8.*

Verùm Thomas Villisius causam hujus delirii è spiritibus animalibus deducens, existimat hos acidam conditionem acquirere, atque ita se habere, sicut effluvia è liquoribus stillatitiis acidis, nempe aceti, vitrioli, salis marini, & similium, decedentia, quorum est perpetuò moveri, haud longè pergere, & novos poros in corporibus producere, seque in illos insinuare, pari modo ac in melancholicis experimur, qui semper cogitabundi, restamen paucissimas comprehendunt, atque de ipsis notiones perperam depromunt ob acidam indolem valde analogam spiritibus ex aceto, vitriolo, aut sale marino elicitis. Non solum autem spiritus animales, sed etiam cerebrum ipsum in sua conformatione postea vitiari contingit, non repurgatis scilicet recrementis atris sanguinis, quæ per cerebri substantiam diffusa, illam hebetem, crassam magis, & opacam reddunt; immò & præcordia, atque sanguinem

ipsum inficiunt; unde timor, & Mœstitia exoriuntur; cùmque sanguinis motus quadantenus retardetur, membra cuncta corporis in melancholicis torpent etiam, & languent.

Differentias insuper melancholiæ desumptas à cerebro per essentiam, & per consensum à toto, ab utero, vel hypochondriis, non quidem ex humore ibidem genito, sed ex sanguine circumeunte, atque in his visceribus inquinato, vel non benè secreto oriri opinatur; adeoque nonnunquam à sanguinis vitio, quandoque etiam à regimine animali delirium ordiri: à sanguinis vitio quidem ob victum inordinatum, suppressas evacuationes, aliasque similes causas; à regimine verò animali, ob vehementem tristitiam, terrores panicos, curas, studia immodica, omnesque violentas, & diuturnas animi passiones.

Tametsi plerumque melancholici in longum vitam protrahant, non raro tamen epileptici redditi repente perire solent: quandoque etiam in stuporem, convulsionem, furorem, vel cæcitatem incidunt, ut dicitur 6. *Aph.* 56. quamobrem periculosiores dicuntur, quæ cum studio contingunt desipientiæ eod. 6. *Aph.* 53. Si verò melancholicis hæmorrhoides, vel varices superveniant, salutare sunt, *ibidem t. 11. & 12.* Sicut contra cùm supprimuntur, malæ, ut de Alcippo refert Hippocrates 4. *epidem.* quin & tabis, vel hydropis periculum imminere scribit 6. *Aph.* 12.

Plurimis, ac vehementibus remediis melancholicos tractandos non esse peritiores Medici communiter suadent, dicente Galeno, se frequentibus balneis, victuque humido, bonique succi, nullo alio adhibito præsidio, ejusmodi morbum curasse, nondum tamen diutiùs protractum. Neque prætereà multum illis in præcon-

cepta

6. Epid. in fine.

propè finem.

3. de loc. aff. c. 7.



cepta imaginatione contradicendum, cum sapius expertum sit, hac ratione illos magis furere; unde expediet blandè in oppositam imaginationem adducere, atque sagaci industria eos in iisdem rebus, in quibus desipiunt, data opportunitate, fallere. Communi voto commendatur usus hellebori nigri, præsertim cum morbus increverit, & viscera recrementis tartareis gravata observantur, isque, sive infusione, sive decoctura, sive in oxymelle, vino, fero caprillo, aliove liquore exhibitus: extractum etiam, & tinctura usui esse potest. At subrogat helleboro mitiora purgantia, ex fenna, epithymo, rhabarbaro, V Villisius, sed prætereà vomitum indicit. His alii non contenti sanguinem quoque detrahunt, & hæmorrhoidibus hirudines affigunt, atque eam, quæ inter annularem, & auricularem digitum sita vena est, etiam secant.

Sed præstat sanguinem repurgare per medicamenta ex chalybe composita, præsertim pulverem cachecticum Quercetani: hæc enim tum in his, tum in aliis similibus ægitudinibus ab acidiori sanguine progigni putatis, miram semper opem contulere; profunt etiam aquæ acidulæ, & ferratæ; & si fortassè corpus à congestis excrementis purgare expediat, usu pilularum tartarearum Quercetani, Bontii, vel Schroderi, aut diassenna, vel pulvere Haly à Valesco de Taranta plurimum commendato, vel syr. de fumar. majori helleborato, commodè peragetur.

Antimelancholica denique recensentur succus mandragoræ ad cochleare unum singulo mane, ex Petraeo. Essentia croci cum spiritu vini elicita, tinctura hyperici, & buglossi cum spiritu vitrioli dulci reddito. Syrupus exhilarans Horstii, & Lauren-

tii. Elixir proprietatis cum succis Sennerti. De croco scribit Borellus, quod supra cordis regionem gestatus omnes melancholicos affectus arceat. Plura alia referemus, cum de hypochondriaco, & scorbutico affectu sermo redibit.

Cæterum stupiditatem, & morosin ad deliria referre non ausim, cum in ea operationes animales vel immi- nuantur, & hebetentur, vel etiam aboleantur, cæteroqui in deliriis depravari solitæ. Convenire potius videtur cum memoria, & ratiocinatione diminuta, seu ingenii hebetudine; quare medicamenta roborantia, & sanguinem acuentia, & purificantia expostulantur. Speciatim autem conferre dicuntur pulvis Trithemii descriptus ab Hartmanno, & à Schrodero ad dr. j. cum aqua magnanimitatis: confectio anacardina ad dr. ss. ejusque extractum ad gr. v. in vino, vel aqua lavendulæ. Similiter spiritus salis ammoniaci cum succino, essentia rosmarini, ejusque elixir, itemque elixir vitæ Quercetani, & proprietatis, aqua vitæ Matthioli, essentia ambary, ipsamet ambra grisea dicta, aqua sophorum Mynsichti, & de xyloaloe, ac elixir pæoniæ ejusdem. Usu Thuris juvari obliviosos memorat Crato. Et Platerus in vino illud exhibet, vel in aqua convenienti ad scr. ss.; & si piper addatur, inquit, laudatissimum esse remedium ad memoriam, in quam rem conficit pulverem ex olibani dr. xv. piper. dr. v. cujus dosis dr. j. per dies xl. Marsilius Ficinus *de tuenda studioforum sanitate* exthur. unc. ij. myrrh. unc. j. auri fol. dr. ss. cum vino format pilulas sub aurora sumendas. Decoctum pyrethri approbat Paracelsus; atque à V Volfgango Hoesfero commendatur oleum myrrhæ temporibus, & syncipiti illitum.

Cent. 2.  
obs. 1. 99.  
V. Her-  
tod. in  
Croco-  
log.

Lib. 2. c. 9

Hercul.  
Medic.



## DE CATARRHO.

V. Hipp  
libr. de  
Aer. a-  
quis, &  
loc. & in  
coac.  
prænot.  
De Re-  
publ. 3.  
de sym-  
pt. caus.  
c. 4. & 3.  
Aphor.  
com. 12.

**C**atarrhus, Latine Destillatio, licet cujuscumque humoris in omnem partem corporis fluxionem significare videatur, quo pacto Romanide fluxum humorum in pedes, manus, aliosque artus, Catarrhum appellant: eademque loquendi formula Veteres quoque usos esse scribit Plato; propriè tamen à Medicis accipitur pro illapsu humoris in os, & pectus. At verò cum humor defluit in nares Coryza, seu Gravedo dicitur: ad Fauces, & asperam Arteriam, Branchos, seu Raucedo. Unde Schola Salerni.

*Si fluat ad pectus, dicatur Rheuma Catarrhus,*

*Si ad fauces, Branchos, si ad nares, esto Coryza.*

Fluens humor plerumque lymphæ est, acredine, acore, vel falsilagine prædita: hac enim ratione partes vellicat, & compungit, atque dolorem, pruritus, ardorem, & quandoque etiam febrim inducit. Antiqui, quibus hic humor ex Anatome nondum innotuerat, pituitam credidere, præsertim cum abundet in senibus, & in corporibus obesioribus, atque in Anni tempestatibus Austrinis, ac pluviosis, plus justo cumuletur; dicente Hippocrate 3. Aph. 5. Austri auditum hebetant, caliginem visui offundunt, caput gravant.

Ubi humor hic colligatur, aut unde moveatur, persuasum semper Medicis tum Vetustioribus, tum Recentioribus esse Cerebrum. Quamobrem Galenus 3. 3. de sympt. caus. dixit: *quale πᾶσις in ventriculo diarrhæa est orta ex δυσπεψία, sive mala, & imperfecta ejus coctione, tale in cerebro est Catarrhus, & Cory-*

za. Hinc illi magis Catarrho obnoxii observantur, quibus cerebrum debile est, facileque à causis externis refrigerantibus, & humectantibus alteratur, puta Aere boreo, vel austrino; veletiam à calefacientibus immodicè, ut mora sub sole longiori, aut etiam in hypocaustis.

At præperrimè Schneiderus existimat non ab excrementis cerebri, sed à sanguine originem subnere Catarrhi, illiusque materiam eam ipso sanguine circumferri, ac postmodum per vasa, ductusque cujuscvis partis defluere, etiam narium, aurium, oris, & oculorum, excepto cerebro, quod immune ab ejusmodi communi partium labe constituit.

Helmontius insuper deridens Veterum opinamenta Catarrhos putantium à frigida stomachi, & calida jecoris intemperie procedere; unde vaporibus ad caput elatis, ibique præ illius visceris frigore concretis, mox delabentibus in partes inferas corporis, fluxiones, distillationesque suboriantur; tandem statuit non ex uno fonte, videlicet capite, sed ex cujuscque partis idiopathia, sive propria, ut ipse loquitur, indispositione, fermentis topicis superinducta, Catarrhos oriri: quod pluribus demonstrare conatur.

Verum Anatome inspecta, partes certè specialius affectæ in Catarrhis videntur esse glandulæ, quæ per totum corpus dispersæ sunt, in quarum numerum referendum quoque Cerebrum, quod magna glandula Hippocrati, & Vvarthono dicitur: Cumque per illas, innumeri diffundantur aquæ ductus, seu vasa lymphatica, dicta, proinde fieri, ut è capite, ubi vasa ista plurima inveniuntur, potissimum aquosa excrementa depluere videantur, atque per nares, palatum, os, oculos, exiliant. Non

V. Hipp.  
3. Aph.  
12. & 13.

Lib. 3. de  
Catarrh.

Tit. Ca-  
tarrh.  
deliram.



tamen hinc caput solum, cerebrumq; Catarrhi causa, & origo censenda, cum & cuncta viscera, illorumque fermenta, & sanguis ipse author Catarrhorum esse possint, aut ob degeneratum alimentum, aut ob non bene secretum nutritium succum, aut ob suppressos sudores, aliasve retardatas egestionem: quamobrem pro varietate causarum, & viscerum, varium planè quid licebit experiri.

Qui denum ex Paracelso, & Hermeticis, mercurio, sali, tartaro, causam Catarrhi adsciscunt, nil nisi nova vocabula ponunt, cum re ipsa in lymphâ vitiata hæc, & alia præter naturam considerentur, nimirum fluxilitas, crassities, falsedo, mordacitas, acritudo, austeritas, indeque quid non mali?

Solet sapissimè Catarrhos febris comitari, quæ licet ut plurimum levis, & pusilla sit; nonnunquam tamen consuevit esse vehemens, & acuta, qualis dicitur Ardens: scilicet cum lymphâ præter copiam, acritudinem, vel falsedinem contraxerit; unde fermentationem in sanguine violentissimam promoveat cum ardore, siti, inquietudine, nausea, dolore capitis, sopore, lassitudine, cæterisque gravioribus symptomatis. Aliquando etiam in suo cursu præpedita alicubi restagnat, excitatque abscessus, qui difficulter suppurantur, ut in Pancreatis, Mesenterii, & colli glandulis pluries expertum est. Effluit pariter sæpe sæpius in fauces, & in tonsillas; itemque ad Uvam, hancque relaxat, illasque tumefacit; unde deglutiendi, & respirandi difficultas: quin & aliquando tam affluenter illa in eas partes irruit, ut suffocationis periculum minetur, & si in pulmonem decumbat, non sine noxa phthiseos, præsertim si acredine, vel falsedine sit prædita. Ita quoque in ocu-

lis, auribus, dentium radicibus, cervice, pectore, abdomine, lumbis, aliisque partibus restagnans latex iste, tumores affert, & morbos varios, quos praxis ipsa edocebit. Hippocrates autem *lib. de glandulis* hæc loca principaliora recensuit, ad quæ Catarrhi materia plerumque delabitur, nempe aures, oculos, nares, palatum, venas, arterias, vertebrae, spinam dorsi, & nervos.

Catarrhus adeo cuique notus est, ut longa indagine non egeat. Ex partibus verò sensibilius affectis, atque ab adjunctis symptomatis, variè denominabitur, ut supra dictum. Non tamen semper negligendus: nam leves fluxiones neglectæ, graviores, & longiores evadunt ex Celso. Unde interdum necem inopinatam attulerunt, vel saltem in deteriore morbum commutari visæ sunt. Hinc Tabes Dorsalis Hippocrati dicta, Racedo insanabilis, Tussis, Empyema, Phthisis, Surditas, Cæcitas, Oedema, Arthritis, Abscessus, aliæque innumeræ ægritudines exoriuntur; ut non immerito ex Hippocrate Morborum omnium scaturigo esse dicatur. Quandoque Epidemius observatus est, præsertim sub fervente Siro, aut in rigida hyeme, cæterisque aeris inclementiis. In senibus autem speciatim, & præcipuè provecioris ætatis coctionem non admittere scripsit idem Hippocrates 2. *Aph.* 40. quin immò citò interimere 3. *Aph.* 12. quod etiam puerulis contingere solet ob ætatis imbecillitatem, ex Galeno *eod. lib. comm.* 26. potissimum si pectus humor occupet. Si præterea in nares, inquit, Celsus, destillet humor, leve est; pejus, si in fauces; pessimum, si in pulmones: nam in ventrem superiorem, id est Thoracem, destillationes intra viginti dies suppurantur 7. *Aph.* 38. Ex corporum



verò habitudinibus: Quibus nares sunt natura humidiores, minùs integra sanitate fruuntur 6. *Aph.* 2. Ceterùm febris Catarrho accedens non semper mala: pluries enim illius solutionem promovere consuevit; nisi tamen alia symptomata copulentur, quæ morbi malitiam denuncient.

In curatione Catarrhi tria sibi Medici agenda proponunt: fluentem humorem evacuare: partem, quam mandantem nuncupant, corrigere, & roborare, ne novum humorem progignat: ac postremò partem recipientem ab irruente humore defendere, illumque aliò divertere, ac derivare. Hinc in Catarrho, ut ipsi putant, à jecoris calore, sanguinem mittunt, purgantia exhibent, frictiones, cucurbitulas, aliaque revellentia adhibent; caput pariter exonerare tentant per ea, quæ è naribus, palato, faucibus, humores eliciunt: mox verò electuariis, tabellis, syrupis, pilulis, ex moscho, ambra, rore marino, betonica, stæchade, rosis punicis, myrobalanis; atque extrinsecus pulverum supra verticem insersionibus, unctionibus, suffimentis ex rebus cephalicis, roborare; atque interea fluxuros humores avertere conantur per emplastra caustica, potissimum ex thasia, & fimo columbino, aliove simili futuræ coronali applicita, quibus etiam serosas sanguinis partes cumulas, vel fortalsè in cerebro genitas educere sinul, & illabentes inhibere credunt.

At his Catarrhi plerumque non curantur, sed ingravescent, vel in alios morbos commutati tandem in lethum desinunt, ut pluries Experientia docuit. Tot namque evacuationum generibus vires maximè deiciuntur, affectæ partes magis elanguent, & præsertim cerebrum sua natura debile, humoresque redditi

tenuiores plus justo fluitant, & destillatio urgentius promovetur, ut tandem, extenuato corpore, sæpius viderim miseros ægrotantes in phthisim delapsos irreparabiliter occidere nisi prius ex superveniente sopore lethargici periissent.

Satis esse existimant alii convenienti instituta diæta sensim abundantem lympham absumere, & vel per vias urinæ, vel per sudores extrudere: quo pacto consuevit sæpissimè Natura in his præsertim affectibus seipsam vindicare. Aerem proinde moderatè calidum præparant, ægrumque jubent pannis commodè contegendum. Cibum, & potum frugalem, attenuantemque præscribunt, vitando olera dulcia, pingua, acida, & nimis humentia. Consuetas egestionem, alternis saltem diebus, sollicitant, & quæcumque ad sudorem blandum disponere possunt, absque ulla Naturæ perturbatione, suadent. Solùm in abundantiori lymphæ, & ubi periculum suffocationis instat ab ejusdem affluxu, hydroticum aliquod medicamentum exhibent, ad depellendam ejusmodi quantitatem. De reliquo cerebrum, spinam, & nervos roborantia fructuosa putant, non tamen posthabitis, quæ guttur, fauces, & pulmonem, aliasque partes, in quas humor Catarrhum excitans irruere solet, lenire, detergere, aut confirmare valent.

Cùm ergo in fauces, & guttur decumbit humor, Gurgulio laxatur, tumentque Tonsillæ, præter gargarismos ex diamoro cum aqua hordei, & sale prunellæ; vel ex rhodomelle cum decocto liquiritiæ, betonicæ, aut nicotianæ, vel melius cum aqua ardente; profunt suffitus ex succino, mastiche, & gummi animæ: atque pro linctu utatur æger syrupo papyveri rubri, vel de erysimo Lobellii.

Si



Si delabatur in pectus, & pulmonem, conferent syr. ex prassio, hyssopo, tussilagine, hederæ terrestri, nicotiana; oxymel, & looch scilliticum, fæcula ari, extractum, & pulvis radicis iridis Florent. & Illyr., flores sulphuris, butyrum, & rubinus ejusdem, oleum sacchari cum aqua ardente paratum, julep vitale, & efficacius elixir proprietatis descriptione Helmontii. Item fumus sulphuris, succini, foliorum salviæ, & betonice optimus; pariterque succus pulegii saccharo cretico dulcoratus, atque per intervalla cochleatim exhibitus Tussim, præsertim in pueris, pertinacem sanat, ex Boyle. Idem præstabitur inunctis plantis pedum essentia pulegii; vel ejusdem succo misto cum aqua ardente. Quod si humor defluens falsedinem, aut acritudinem sapiat, timeaturque de pulmonis læsione, ad corrigendam illius acritatem, falsilaginemve, summè conferet iteratus usus pilularum de cynoglossa, vel de styrace. Ejusdem est efficaciam pulvis anodynus D. Michaelis, theriaca recens, & laudanum opiatum. Profunt etiam pilulæ ex styrace calamita, cum olibano, myrrha, & opio Thebaico mistis, & exceptis succo glycyrrhizæ, ut apud Schroderum. Ad diminuendam verò peccantis lymphæ copiam, exhiberi poterit extractum agarici, & resina jalapæ cum modico gummi tragacanthi: & quidem salutare observatæ sunt pilulæ compositæ ex scr.j. resina jalapæ, & gr.vij. tragacanthi cum modico cinnamomi acuti ad tempus repetitæ: itemque pilulæ è mastiche solutivæ.

Ad sedandum deinceps Catarrhū consulit Crato hoc electuarium sumendum ad castaneæ quantitatem, quod habet: *thur. masc. scr. ij. nuc. cond. to st. scr. j. spec. aromat. ros. scr. ss.*

hæc autem excipiuntur rosarum punicarum conditura.

Ejusdem Authoris pilulæ ex succino efficacissimæ referuntur: sicut etiam, quæ constant: *thur. mascul. & succ. glycyrrhizæ singul. dr. j. opii, croci, & myrrhæ, singul. scr. j. cum syr. papav. alb. confic. mass. Dos. gr. vii. vel x.*

Thus ipsum hora somni deglutitum optimum est cum balsamo Peruviano; & Lotichius admiscet ol. anis. gutt. iij. opii præpar. gr. j. cum syr. de papavere. Alias ex B. Faventino pilulas describit Riverius ex succo glycyrrhizæ, aloë lota, & pilul. de cynogloss. cum syr. viol. Rheumaticis etiam medetur aqua stillatitia papaveris rheados cum diacodio mista, & per filtrum traducta, ac deinde per intervalla assumpta.

Ossa bubula, vel efficacius Donzellino, humana, præsertim cranium, ad albedinem combusta, & in pulverem redacta, cum portione cinnamomi, & sacchari, efficacissima alii experti sunt.

Hartmanno probatur aqua serpilli cum vino albo generoso destillata, quotidie sumpta ad unum, vel alterum cochleare. Vult tamen F. Hoffmannus in ea infundendum esse lignum sassafras. Aliam Serpilli aquam, benedictam nuncupatam, conficit Adrianus Mynsicht ad Catarrhum præstantissimam.

Idem Hartmannus futuræ coronali admovet sacculum succino repletum, & spiritu vini madefactum: & Rulandus vertici derafo cataplasma, quod componitur ex *fermenti acris unc. ij. & pulv. carabes. dr. ij.*

A Schrodero proponitur emplastrum cephalicum, quod Catarrhum in fauces sistit, & epilepticos motus, atque vertiginem arcet. Efficax quoque est gummi Tacamahaca cum oleo

Pachecq  
apud  
Riv:  
obl. 60.  
lib. 2. c.  
52.



leo mastiches dissolutum, & in alasta-  
tum.

Cap. 3.  
Antid.

B. Montagnana extollit & hoc aliud, quod habet *Aloes, puleg. calament. mont. cort. citr. singul. partes æquales. F. pulv. & commisc. cum ladanis, & modico acaciæ informam cerati.*

Pro amuleto verò commendat Hartmannus radicem verbasci virginis, quæ scilicet per eam ætatem non floruit.

Refertur in Ephemeridibus Germanicis Ann. 1670. fuisse quendam, qui usu cujusdam pulveris, Catarrhorum materiam è naribus eliceret. Putatum autem Vvedelio, esse Vitriolum album solutum in aqua cephalica, & penna naribus moderatè applicatum: Creditum aliis, esse Euphorbium pulveratum, & cum semisse amyli commistum. Aliis verò, esse Corticem, & Radicem Rheumaticam Clusii, ex Monard. Expertus sum ego idem tutò, & salubriter præstari pulvere ex cyclamino in clibano arefacta, cui, si lubet, addi potest tantundem betonicæ, rosarum punicearum, & sampsuchi. Ex helleboro nigro, & saccharo conficit Helmontius pulverem, qui efficaciter sternutamentum concitet, & coryzæ medeatur. A spiritu vini puro, & à tinctura succini plurimum sanè juvatur cerebrum in Catarrhis, saltem si naribus excipiatur, & temporibus, accervici sæpius adhibeatur. Sed & spiritus, ac sal volatilis ammoniaci olfactus mirè admodum plerisque confert. Cæteros affectus Catarrhum consequentes, aut comitantes, suis locis memorabimus.

Obs. 14.  
Ann.  
111.

V. Bone-  
rus in  
Med.  
Sept. p. 1.  
libr. 1.  
sect. 21.  
cap. 4.

## DE AFFECTIBUS Oculorum.

**O**Culis innumeri propèmodum affectus accidere possunt, ut jure apud Veteres peculiare Medici iis solummodò curandis fuerint destinati; graviores tamen, frequentioresque sunt Ophthalmia, Suffusio, Strabismus, Hebetudo, & Epiphora, seu Illacrymatio.

Ophthalmia Celso dicitur Lippitudo (licet inter utramque aliquid intersit) eaque est inflammatio adnata tunicæ, quæ propterea tumet, dolet, rubet, non sine acrium lacrymarum profusione.

Eodem modo fit, quo cæteræ inflammationes à restagnante sanguine non rarò cum sero acriori, vel cum lymphæ permixto: quamobrem Cœli intemperies, tum calidas, tum frigidas sequi solet; itemque à pulvere, fumo, vento, Solis ardore, rerum acrium halitu, meracioris vini immodico usu, & id genus aliis non rarò inducitur: Unde Hippocrates 3. *Aph. 11.* ex constitutione Hyemis aquiloniæ, & Veris austrini, in æstate Ophthalmias fieri scripsit; sicut contra ex Hyeme pluviosa, & Verè sicco. *tex. 12.* ubi quoque duplicis Ophthalmiæ meminit, nimirum humidæ ex priori aeris constitutione, & siccæ ex constitutione posteriori. In arida autem Lippitudine, inquit Celsus *lib. 6.* quam Græci Xerophthalmiam appellant, neque tument, neque fluunt oculi, sed rubent tantum, & cum dolore quodam gravescunt, & noctu prægravi pituita inhaerescunt.

Tam patens est Ophthalmia, ut signis non egeat, ut internoscatur. At leviolem, ac tolerabiliorem *Tæpæçiv*, seu perturbationem appellare consueverunt; gravissimam, & in qua



qua palpebræ etiam intumescunt, adeò ut invertantur, & claudi nequeant, *χίμωσι*; Unde prima facilius erit curationis, longè difficilior altera: Ophthalmia verò, quæ media est inter utrasque, medio quoque modò se habebit. Semper autem magnificienda ea est, quæ cum capitis dolore sociatur, quippè pericranii, unde originem ducit tunica Adnata, læsionem significat, & quandoque etiam utramque meningem, quæ duas alias oculorum tunicas efformant, in consensum trahit. Si alvi profluvium superveniat, Ophthalmiam desinere dicitur 6. Aph. 17.

6. Aph.  
31.

Dolores oculorum, inquit Hippocrates, meri potio, aut balneum, aut fomentum, aut venæ sectio, aut medicamentum epotum solvit, pro varietate scilicet humoris dolorem, aut phlegmonodem tumorem inferentis: At plerique nulla adhibita distinctione causarum, semper, & omninò sanguinem detrahunt, ac refrigerantibus liquoribus affectos oculos abluunt: mox etiam purgans medicamentum propinant, cucurbitulas scapulis, capiti, & temporibus emplastra, oculis verò cataplasmata, aliaque topica admovent.

Verùm refrigerantia nunquam affectis oculis profuere: his enim stagnantes humores adeò impinguntur, ut tandem insolubiles fiant. Notabile est, quod refert Riverius: Rusticus quidam diuturna Ophthalmia laborans, cum ex præscripto Medici refrigerante victu, & aquæ potu ad longum tempus nihil profecisset, tandem ab alio Rustico persuasus refrigerantem illum victum deseruit, & mero indulgit, ac subinde se melius habere sensit, & intra paucos dies, continuato eodem potu, ab Ophthalmia prorsus liber evasit. Idemque aliis duobus contigisse

subdit idem Author. Neque solùm vitiosos oculos refrigerantia lædunt, sed & sanos. Meminit de quodam Nobili viro Fabr. Hildanus, quòd ab assidua lotionè faciei, & oculorum cum aqua frigidissima, visus paulatim elanguerit.

Obs. 27.  
cent. 1.

Conferunt itaque intrinsecus, quæ sanguinem stagnantem dissolvere, atque à suis recrementis purgare valent: Externè verò efficax mihi semper, & salutaris observata est hæc aqua, quæ ita fit: *In aq. ros. alb. lib. ꝑ. euphrasie fœniculi, chelidoniae, & rutæ, singul. unc. iij. vini alb. opt. & veter. lib. iv. infund. Antimonii crudi in pulverem redacti unc. iv. fell. avium, aut gallinarum iij. tutia præp. unc. j. viridis æris pulv. dr. ii, aloes opt. dr. ii. ꝑ. caryophyll. pulver. dr. j. camphor. & croci singul. dr. ꝑ. Omnia in phiala obturata exponantur ad Solem per dies xxx. tempore æstivo, quotidie vas agitando, donec aqua ad flavum tingatur.*

Ea postmodum utor manè, & serò, jejuno stomacho, instillando in oculorum angulos unam, aut alteram guttam: brevem enim impactos humores attenuat, & abstergit, visum acuit, maculas delet, suffusionem arceat, & oculos mirabiliter confortat. Addi etiam illi potest, si lubet, aliquantulum sacchari candidi, quod unà simul cum cæteris dissolvatur.

Plures aliæ aquæ Ophthalmicæ, & collyria commendantur à Medicis, ut ab Hartmanno aqua florum cichorii, sicut etiam ejusdem collyrium. A Crollio, & à Quercetano alia, & alia pariter à Riverio, qui prætereà lib. 2. cap. 8. ad maculas oculorum conficit aquam mellis: & in aqua rosarum diluit sal ammoniacum. A Riolano describitur aliud collyrium. Et à Mynsicht aqua Ophthalmica aurea, viridis, subnigra, & de cancris, quas omnes

Cent. 3.  
obs. 45.  
Tract. 2.  
de Morb. oculi.

Obs. 25.  
cent. 3.



omnes præstantissimas esse dicit. Commendantur quoque sanguis recens columbarum cum aqua rosarum: albumen ovi cum alumine agitatatum: vinum album, in quo tutia præparata soluta sit: decoctum radicis symphyti, & figilli Salomonis in aqua, vel vino: ipsiusque vini spiritus; si videlicet his oculi lippientes pluries abluantur. Singulare remedium dicitur Foresto lapis Calaminaris in pollinem redactus, & cum albumine ovi cocto permixtus, ut exinde liquor extillans oculis affectis indatur ad guttas aliquot. In Actis Hafnienfibus *Ann.* 1673. describitur unguentum Ophthalmicum valde efficax compositum ex unguento Nihili, & de tutia, margar. coral. rubr. ocul. cancrorum, camphora, foliis *Solis*, & *Lunæ*, & saccharo *Saturni*, idque Author expertum fatetur. Optimum quoque est, quod conficitur ex una parte sacchari *Saturni*, dupla verò camphoræ. Quibus verò oculi fluxione laborant, & lentore à somno palpebræ inhærescunt, aqua rosar. tepida, in qua parum aloes lotæ dissolutum sit, facile curatur.

Suffusio græcè *ὀφθαλμία*, & *ὀφθαλμία* vulgò ex Barbaris Cataracta, affectus ille est, in quo pupilla à concreto ibidem humore obstruitur, & visio impeditur. Arabum plerique inter Crystalloidem, & Uveam tunicam, humorem concrecere arbitrati sunt. Galenus inter Crystallum, & tunicam Corneam. Celsus inter hanc, & aqueum humorem; cui Avicenna coherere videtur. At verò pluries innotuit ejusmodi humorem densari subter Adnatam, & Corneam tunicam, quoniam à peritis Chirurgis acu argentea congelatus in pelliculam humor sæpenumero deponi solet; quamobrem credibile admodum est in spatiis subter Corneam fuisse colle-

ctum; Unde non abs reputatum à plerisque, quamcumque sub his tunicis intercapedinem locum ejusce-modi concretioni aptum esse. Nihilominus testatur Roisfinchius Suffusionem non rarò fieri à sola crassitie humoris crystallini: & Platerus ab Aqueo humore exsiccato, ac tenacitate reddito: Sylvius verò à pituita viscida in humore aqueo herente juxta mentem Gal. *I. de Sympt. Caus. c. 2.* Sed & ab ipsa Cornea tunica, quæ pellucida esse debet, in suis porulis obturata, aut crassescente, id ipsum oriri posse pluries sumus experti. Hinc haud immeritò crediderim, non uniusmodi Suffusionem semper esse, nec pari ratione perpetuò curari posse, cum non in omnibus eodem modo, eodemque loco fiat.

Incipientem Suffusionem designant apparentes ante oculos muscæ volitantes, culices, pulices, pili, ac veluti araneorum telæ; quin & aliquando res videntur cancellatæ, præsertim matutino tempore. Mox pupillæ color mutatus, & visio omninò deficiens confirmatam Suffusionem arguunt.

Observat Galenus *I. de Sympt. caus. cap. 2.* facilius curari suffusos, quibus altero oculo conniventibus, alterius pupilla dilatatur; secus verò quibus potius pupilla constringitur, sicut pariter cum omni lumine orbata cernitur, atque ad fuscum, nigrumque colorem versa est.

Quoniam Suffusio oriri putatur à crasso, tenacique humore, illam tollere conantur Medici per medicamenta, quæ eundem humorem evacuare valent, qualia dicuntur phlegmagoga; deinde cephalicis calefacientibus incumbunt; itemque decoctis ex salsa, sassafras, china, cum stœchade, betonica, euphrasia, chelidonium. His non proficientibus

de-

lib. II.  
Scho. ad  
obs. 10.

obs. 120.

10. de  
usu part.  
cap. I.  
Lib. 7. c.  
7.

Diff.  
Anat.  
I. I. c. 11.

I. I. Prax.  
c. 7.



Arman.  
Chirurg.  
& ap-  
pend.  
Chirurg.  
hoc eod.  
cap.  
Therap.  
Spec. cap.  
10. sect. 1.

deveniunt ad collyria detergentia, nempe ad aquam *soziale* dictam, aut melrosatum, aquam mellis, rutæ, fœniculi, verbenæ, euphragiæ, chelidoni, cum felle perdicis, accipitris, hirci, lucii piscis, aut lupi: pariterque ad cauteria occipitio, & brachiis adhibita. Tandem cum confirmata videtur Suffusio, concretum humorem instar membranæ acu removendum expertis Chirurgis committunt. Cujus extractionis, aut se-  
motionis, & demissionis modum tradit Celsus *lib. 7. cap. 7.* Ægineta *lib. 6. cap. 21.* Fabr. ab Aquapendente *de Operat. Chirurg.* Schultetus, Bar-  
bette, & Gerardus Blasius, præ cæ-  
teris aliis. Addit Hartmannus, si ero-  
sio, vel vulnus subsequatur, stupen-  
dum ophthalmicum, quo oculos in-  
quit ad desperationem usque læsos  
restitui, eorumque vulnera spatio  
xxiv. horarum glutinari. Colligen-  
dum vult succum florum, & foliorum  
chelidonii ad eam quantitatem, quæ  
abundantior haberi potest: in B. M.  
digerendum subdit, ut spontè sua  
depuretur, impuritatibus nempe  
in fundo subsidentibus; deinde (men-  
se Junio lustrantibus Sole, & Luna Si-  
gnum Cancræ) caneros fluviatiles  
xx. resectis durioribus extremis, &  
caudarum crustis, contundendos  
præcipit in mortario, ut succus in-  
dè exprimi possit, quem simul cum  
chelidonii succo depurato distillan-  
dum ex B. M. & usui servandum in-  
quit. Per idem tempus alium Can-  
crum vivum integrum, & nulla sui  
parte mancum in ollam inditum,  
exiccat in clibano, usque dum teri  
possit; exiccatum reducit in pulve-  
rem tenuissimum, atque per secer-  
niculum traiecit. Hujus autem pulveris  
exiguam quantitatem ex canaliculo  
pennæ in vulnus oculi immittit, ibiq;  
relinquendum suadet per horas xxiv.

succedente verò tempore aquam sæ-  
pius infundendam, lavando, & ab-  
stergendo omnem purulentiam, &  
optatum certè finem subsequuturum  
asseverat.

At quamvis fidem omnem adhi-  
beamus ophthalmico huic medica-  
mento, tot, tantisque aliis medica-  
mentorum, sive tormentorum gene-  
ribus, pro curanda Suffusione, pro-  
positis, minimè possumus assentiri:  
pluries enim experti sumus his non  
levari, sed magis labefactari Suffu-  
sione correptos. Satiùs propterea  
erit congruentioribus cathartici-  
s per vices uti, potissimum resina ja-  
lapæ, extracto agarici, diagridio  
ex fumo sulphuris parato, pilulis de  
succino Cratonis, pilulis Lucis, dosi  
tamen moderatori; postmodum o-  
culos affectos fovere spiritu vini, ite-  
ratis ablutionibus, vel aqua nostra  
ophthalmica superius descripta, alia-  
ve simili. Ex Th. Bartholino in *Actis  
Hafnienfibus*, Suffusioni valdè uti-  
lis dicitur axungia viperina, si ea o-  
culi liniantur. Pinguedo quoque Vi-  
perarum ophthalmicum egregium  
dicitur Vvedellio, si ea palpebræ  
inungantur, vel si gutta j. aut altera  
in oculum indatur: opitulatur enim  
vulneratis oculis, aut tumefactis,  
nec non delet maculas, ruborem di-  
scutit, lenit, abstergit, consolidat.  
Id ipsum præstare dicitur ab eodem  
fel viperarum cum essentia Veneris  
descripta ab Angelo Sala, quem vide.  
Fatetur hoc idem de axungia lepori-  
na Ros. Lentilius apud Bonetum *Med  
Sept. lib. 1. sect. 22. c. 59.* Commendatur  
etiam aliis collyrium Riolani. Gen-  
tianam incisam, & cum aceto stillati-  
tio coctam oculis instillatam Suffu-  
sioni remedio esse testatur Lipsius.  
Refert Boyle succo millepedum cu-  
ratas Suffusiones ex consilio cujus-  
dam Empirici, qui gradatim à tri-

Eph.  
German  
tom. 2.  
obs. 125.

Obs. 126.

Sept.  
Plan.  
terrest.  
Spag. rec

2. de  
Morb.  
ocul.  
De Va-  
riol. &  
Morbill.  
De util.  
nat. phi-  
los. c. 5.  
sect. 5.  
part. 2.



bus pro vice ad novem in singulos dies procedebat, atque iterum ad tres, & rursus ad novem, & sic vicissim. De alia item muliere meminit ab imminente Suffusione præservata, quæ primum quinque, postea x, tum xv. dein xx. ac gradatim augendo numerum quotidie per quinque usque ad quinquaginta mil-lepedes contundebat in vino albo, vel tenui cerevisia, ac liquorem expressum jejuno ventriculo bibebat. Cæterum concretum in modum membranæ humorem, in confirmata Suffusione, deponere, cum ad Chirurgos pertineat, ipsi consulantur. Attamen à spiritu salis ammoniaci rectificato, atque per halitus apertis oculis excepto, & per intervalla sæpius iterato, sensim extenuari nubes, atque hærentes inter tunicas humores, experti sumus.

In Pterygio, seu ungue oculi, eadem remedia abstergentia conveniunt, præter Chirurgorum operationes. Sed omittendum non est, incipientem interdum deletam fuisse iterato halitu mansi alii jejuno stomacho: quod remedii genus Rusticis est familiare.

Accidit nonnumquam musculis oculorum resolutio, vel convulsio; indeque oritur Strabismus, quo oculi à sua sede remoti nequeunt directe prospicere, sed coguntur obliquo situ objecta intueri. Aliquando etiam à nativitate Strabones fieri contingit vitio musculorum, aut crystallini humoris, cum ejus situs non recta pupillam spectat: Qua visus deformitate integram familiam ex parentibus Strabonibus oriundam affectam novi. Interdum quoque pueros in cunis jacentes hoc vitium arripit, si nimirum lucernæ lumen oblique intueantur; quin, & metu repentino perculsos infantes Strabismo affectos

vidi, cum scilicet oculos inæquali, & violento motu ex incusso timore commoverent. Quod si non æqualiter oculi contorqueantur, aut si unus rectum situm, tortuosum alter nanciscatur, unus sursum, alter deorsum, res geminæ apparebunt; unde Lucretius.

*At si fortè oculo manus uni sub-*

*dita subter*

*Pressit, cum quodam sensu fit uti*

*videantur*

*Omnia, quæ tuimur, fieri tum*

*binæ tuendo.*

Libr. 4.  
de rer.  
nat.

Ut etiam cum mente distracti, ac veluti ecstasi abrepti, aliò intendentes, lucernæ lumen, immotis oculis, spectamus, geminum illud intuemur, alterum in proprio situ, alterum aliquanto intervallo diffitum.

Cum itaque ad Paralysem, aut Convulsionem referri possit hic morbus, iisdem utemur remediis, quibus prædictos affectus curari superius tradidimus. Hæreditario Strabismo correptos inemendabiles esse experientia docuit; sicut etiam ex diuturno tempore laborantes, pariterque ex vitio humorum, præsertim crystalloidis à suo situ immutati. In puellis facilius sanatur, si ex obliquo rerum intuitu inductus sit, ea tamen industria, ut continuato motu oculus affectus in suum naturalem situm sensim disponatur. Solent in hanc rem Nutrices apponere auri alterutri, è regione affecti oculi, florem, vel aliud quidpiam, ut infans Strabismo correptus in eam partem oculos dimoveat, atque ita inductum vitium tempore procedente corrigat: quod sanè facile est in tenera illa ætate. Memoria Patrum nostrorum proditum est quendam Strabonem factum ob subitum timorem à ruina cujusdam ædificii, cujus causa oculos repente, vehementerque sursum extulerat;



lerat, ab ejusmodi vitio euasisse, pupilla in suum situm demissa, à pari violento motu oculorum deorsum, cum se ruiturum crederet; unde nil mirum, quod scribit Sennertus, accidisse Medico Leuschenero, cui ob oculorum fursum citam, vehementemque everfionem, omnia deinceps inversa apparuerint, & homines obversis pedibus ambulantes visi sint.

Hebescit visus, & quandoque etiam extinguitur; unde Hebetudo, Caligo, & Cæcitas exoriuntur. Hebetudo quidem in juvenibus, Caligo in senibus; cum scilicet utrique in visu deficiunt; Cæcitas verò, cum omninò Visio aboletur. Hebetudo insuper citra manifestam Oculi affectionem græcè ἀμβλυωπία, & ἀμαύρωσις dicitur, etsi aliquando ἀμαύρωσις accipiat pro abolita visione, si ne apparente oculorum vitio, quæ

Praet. li.  
I. p. 3. f. 2.  
45.

Ægin. 1.  
3. c. 22.

Piorrh.

Gutta Serena solet appellari. Ad visus hebetudinem, seu imbecillitatem reducitur μυωπία, & νυκταλωπία. In prima, nisi exilia corpora oculis admoveantur, iisque conniventibus, videri non possunt. In secunda verò, patientes occidente Sole, aut tenebroso aere, obscure admodum, & noctu nihil prorsus vident; at interdiu, & aere sereno, ac lucido, perfectè omnia discernunt: quamquam Hippocrati Νυκταλωπες dicuntur potius qui noctu clariùs, quàm per diem cernunt.

Myopia referebatur antiquitus ad paucitatem, tenuitatemque spirituum animalium per opticos nervos ad oculos confluentium. Nyctalopia verò ad eorumdem crassitiem. At ex Opticis causas rationabiliùs deducit Platerus, & ad crystallini humoris situm varium has videndi varietates refert. Si namque, ait, crystallinus humor ad anteriora, & versùs pupillam magis vergat, objecta remotio-

ra meliùs cernuntur; at si profundius immergatur, objecta nonnisi pròximiora discerni poterunt: Unde Myopiam fieri docet ex situ crystallini humoris profundiori. Cum autem remotiora corpora meliùs videntur, crystallinum ad pupillam accedere ait. Verùm ejusmodi accessum ad anteriora non approbat Sennertus, qui potius in senibus humores à siccitate coarctari putat, indèque fieri, ut remota rectiùs, quàm propinqua ab illis aspiciantur: Præter ea, quæ ex Opticis quoque opponi possunt.

At præter situm, etiam figura, & moles indecens, videndi vitium asferre potest, si nimirum plana, si globosior, & extuberantior justo fiat; itemque si diminutior, vel auctior, necnon si solito densior, vel laxior sit. Hinc experimur quosdam in visu juvari conspiciiliis concavis, ut Myopes, alios convexis, ut Senes, & Nyctalopes, neque omnes pari perspicillorum convexitate. Contingunt etiam aliquandò defectus in visione ab humore aqueo, qui interdum extenuatur, & absimitur, quandoque crassescit, aut distrahitur, atque aliter multifariam vitiatur. Videndi quoque vitia provenire possunt ab humore vitreo; sed certè rarius. Quare verisimile admodum est, quòd quemadmodum natura humores isti exigunt convenientem magnitudinem, debitum situm, decentem figuram, & proportionatam diaphaneitatem, ut acutè videamus; ita cum in uno, vel altero deficiunt, visio læditur, & quidem modis ferè innumerabilibus, pro varia eorumdem depravatione.

Innatam lucem oculis inesse, jam alibi ex Platone meminimus. Provenit autem lux ista in oculis ex humoribus, pari certè modo, ac observamus ex spondylis, ostreis, conchyliis,

Rol.  
finc. diff.  
Anat. li.  
I. c. 13.

Cap. 7. de  
sens. l. 1.  
§ 1.



cæterisque testaceis noctu, & in tenebris lucem non exiguam emitti: Quamobrem, si magna, vehemens, & fulgida illa sit, ut ex pupillæ amplitudine ad extimam superficiem effundatur, atque cum externo lumine, quod etiam noctu per aera aliquatenus diffusum invenitur, radiorum pluralitate conjungatur; objecta adhuc in tenebris, non tamen omnino opacis, videri possunt, ut plerisque accidisse perhibetur. Atque hinc nocturæ, feles, bubones, aliaque animalia ampliores pupillam nata, per noctem vident: quoniam in ampliori pupilla plures, & confertiores externi luminis radii recipiuntur, atque cum interno lumine uniuntur, colligunturque, ad formandam visionem. Est tamen necesse, ut simul cum amplificatione, pupilla parumper etiam extuberet, ut ex convexa figura radii lucis melius, & arctius uniantur, & in crystallo lenticulari excipiantur. Quamobrem è profundo somno experrecti, ac subito timore perculsi, quia pupillam repente dilatamus, simulque oculum impensè expandimus, & extuberamus, propterea fulgorem quendam ante oculos conspiciere solemus.

Imbecillitatem visus, immò & Cæcitatem aliquando procedere ab obstructione nervorum optidorum, probabile quoque est: at non ex eo, quòd impediti spiritus animales influere nequeant in Retinam, & Crystallo, ut communiter ferè putatur; sed potius quia fibræ nervorum optidorum, quæ à lumine percelli deberent ad promovendam in cerebro sensationem, ineptæ sunt redditæ ad ejusmodi translationem efficiendam; quare delapsus humor in nervos opticos impedit, ne à cerebro sensuum omnium iudice, & exploratore, objectæ rei visio percipiatur. Qua

ratione, oculolucido apparente, visio nulla fit, ut in eo affectu, quem Medici Guttam Serenam nuncupare consueverunt. Sapius etiam deprehensum est Anatome, visum defecisse à cerebri læsione varia, ut ex pluribus deducit Bonetus.

Quocumque autem modo visus imbecillitas contingat, difficillimæ semper erit curationis, præsertim verò si à nativitate sit, vel ob ætatem senilem inducta. Qui enim humorum vitia emendari unquam poterunt, aut quænam remediorum vis, & efficacia in tot, tantosque oculorum anfractus inviolabiliter pervenire? Perperam proinde plerique medentium pluribus, iteratisque medicamentorum generibus ejusmodi visus defectibus, & lusciosis, ac hebetibus oculis insultant, quibus ægros potius torquent, & in pejorem statum adducunt, quàm vel minimùm allevant. Satiùs, & rationabiliùs alii solis specillis adnituntur languenti visui opitulari, atque extrinsecis dumtaxat remediis oculorum aciem roborare, & exacuere: inter quæ præstat potissimùm aqua nostra ophthalmica, si manè, & vespere in oculos ad guttam, unam, vel alteram instilletur. Prohibeantur interim ea, quæ caput, & cerebrum infirmare possunt, ne congesta ibidem excrementa in nervos opticos, vel in membranas oculorum deponantur, quæ si fortassè ibidem cumulata credantur, blandè per convenientia medicamenta repurgentur, uti sunt pilulæ aloeticæ, extractum agarici, resina jalapæ, extractum catholicum: Confert deindè ad plures dies cerussa antimonii descriptione Angeli Salæ ad gr. xij. in singulas vices manè per quatuor horas ante prandium in aqua lavendulæ, euphrasiæ, florum tiliæ, fœniculi, betonicæ, aliisque; vel



vel etiam cum modico vini albi. Vinum, in quo euphragia infusa manferit, efficax quoque dicitur: & efficacius adhuc, si ex quo tempore mustum fervet, infusio illius fiat; quo deinceps in potum assumpto per annum integrum, plerique fatentur etiam decrepitos visus aciem recuperare. Ad hebetudinem quoque visus commendat Montagnana pulverem quendam, quo decrepitis ad Cæcitatem ferè perductis videndi perspicuitatem restitutam vidit. Conficit autem illum ex unc. j. macis, & euphragiæ unc. iv. de quo cochlearis dimidiam partem ante cibum exhibet. Refertur in *Eph. Germ. Ann. iii. obs. 133.* Gothofredum Mœbium testatum curari Nyctalopiam, si Hepar bovinum coquatur, postea in tres partes dividatur, & quælibet tertia detur manè jejuno ventriculo Nyctalopi comedenda. Eandem vim tribuit Hepati anguillæ super carbones affato, & comeso Panarolus *Cent. 3. obs. 49.* Heuruius verò solutum liquorem ex hepate Mustelæ recenter exempto, & vino abluto, atque in vitro suspenso, Solisque radiis exposito, palpebris, & ciliis adhibendum suadet: eo enim visum mirificè restitui scribit; licet Hartmannus solum eo utatur in albugine, & nebula oculorum. Idem de alio pisce, *Alpuit*, vocato testatur Borellus; idemque etiam de Lampetra: & Forrestus de alio pisciculo *Aelpulych* patrio idiomate dicto. Præstantissimam aquam describit Cardilucius in Hartmannum, qua multos talem, ac tantam visus aciem comparasse fatetur, ut non ampliùs perspicillis oculariis eguerint. Aliam quoque cœruleam notat Hieremias Martius, quam Bonifacio arcanam fuisse ait. Verùm hæc, & alia, licet aliquando profuisse credam, plerumque tamen

irrita fieri Experientia testatur, cum scilicet vitium intimiores oculi partes occupat, & mutatione ætatum visus imbecillitas accidit.

Ad crystallini humoris vitium pertinet Glaucoma, & Glaucofis; siquidem is in glaucum colorem mutatur ex eo, quod crassescat, & plurimum densetur; unde fit, ut visio infringatur ob perturbatam luminis refractionem.

Postremo Epiphora, seu Illacrymatio involuntaria fieri dicitur à nimio confluxu serosi humoris in oculos, & præsertim in illorum glandulas, unde lacrymæ profiliunt.

Illacrymationem sistere feruntur quæcumque adstringendi, & roborandi vim creduntur habere, ut acacia, hypocistis, balauftia, myrtorum bacca, rosæ puniceæ, plantago, nuces cupressi, cortices punicorum, gallæ immaturæ, mastiche, thus, aloë, sanguis draconis, bolus Armenia, lapis hæmatites, gummi Tacamahaca, & Animæ, balsamum Peruvianum, myrobalani: ex quibus aquæ, & decoctiones parari solent pro fomentis, & ablutionibus oculorum.

Ad Epiphoras, & pruritus eorundem, singulare experimentum inquit esse Platerus hoc unguentum, si eo liniantur palpebræ, atque ad pisi magnitudinem in majorem oculi canthum indatur. Componitur autem ex *ærug. æris gr. xii. camphoræ dr. i. tutiæ præparatæ unc. ss. butyri recentis cum aqua rosæ liquefacti, & parum elixi dr. vi.* Prax. t. 2.

Quod si cerebrum compatiatur, & lymphæ superabundet, optima censentur, quæ sudorem movent; sicut pariter opiata, si mordacitatem lacrymæ præferant, & erosionem, ardoremque afferant, potissimum commista cum liquoribus cephalicis, & oculariis.

Conf. 58.

Videtur multum excedere 3. pars.

Ad c. 5. lib. 5. pathol. Fernel.

Cent. 3. obs. 91. Lib. 11. obs. 35. Cap. de Vis. imbecill.

obs. 25.



Cent. 5.  
Lib. 68.

At si Ægilops timeatur, vel fistula lacrymalis dicta immineat, convenient detergentia, ac tandem consolidantia. Amatus Lusitanus ad Ægilopes ceratum hoc describit, multisque laudibus effert. Habet autem *pulv. test. cochl. dr. ij. myrrh, aloes lotæ, & thur. singul. unc. ß. sarcocoll. sang. drac. & ceruss. singul. dr. iij. opopanax. aceto sol. & lapid. hemat. singul. dr. j. ss. croci scr. ij. ceræ, & resinæ singul. unc. iij. m. simul ad ignem s. a. & f. Cerat. angulo oculi applicand.*

Lib. 3.  
practic.  
cap. 26.

At Petrus Bayrus sumit *mell. puri, & aloes hepat. singul. unc. ij. myrrh. unc. j. croci dr. ss. aq. lib. ij. mox coq. lento igne ad consumpt. mediet. & in decoct. calenti infundit parvam spongiam novam, eamque expressam, & subtili tela inclusam, ac superligatam sapiens adhibet.* Commendat pariter herbam ægilopem, quam eandem esse ait cum avena: ejus namque farinam cum floribus labruscæ, idest vitis agrestis, sanare docet. At Plempius cum plantagine, parietaria, aut portulaca permiscet, & specificum ad Ægilopem dicit. Præscribit etiam hic Autor linimentum ex aqua ardente, vel vino optimo, & melle ros. col. singul. ad unc. j. & myrrham ad dr. ij. addit.

cent. 5.  
obl. 22.  
& cent.  
6. obl. 3.

Ad Fistulam denique sanandam, adhibet ulceri Fabr. Hildanus pulverem euphorbii, quo nil præstantius inveniri ait: postea utitur emplastro ex gummi Elemi, aut balsamo Tolutano ad consolidandum.

## DE AFFECTIBUS Aurium.

**I**Nflammanur Aures non aliter, ac reliquæ partes, adeoque dolent acutissimè cum rubore, ardore,

febri; aliquando etiam cum delirio, & circa tempora vehementi pulsatione; unde vitæ periculum quoque imminet, tractis in consensum partibus capitis intimioribus. Quare ex consilio Celsi statim succurrendum est, ne majori periculo locus sit: quamquam non rarò accidit spontè sua ex inflammatione pus fieri, atque per ductus aurium foras egredi cum ægrorum levamine.

3. progn.  
13.Lib. 6.  
cap. 7.

Minimè verò eas hîc inflammationes Aurium intelligimus, quæ ponè ipsas per abscessum fieri consueverunt in febribus, & Parotides dicuntur; sed quæ Aurium tympanum, remotioresque auditionis semitas occupant, & obsident, atque interdum etiam ad nervum auditui necessarium pertingunt. Quamobrem tractandæ sunt iisdem omninò remediis, quæ convenienter adhibentur cæteris partibus internis, cum inflammationem subeunt. Si verò in maturitatem perducta inflammatione, spontè sua pus effluat, detergendum ulcus, & mundandum, infusis in aure affecta liquoribus balsamum redolentibus, quos inter præstat balsamum sulphuris tantoperè celebratum à Rulando. Confer etiam decoctum Nicotianæ in vino cum melle ros., suffitus ejusdem, oleum ceræ, aut vitellorum ovorum, essentia lavendulæ, roris marini, aut amaraci. Commendatur à plerisque phlegma spiritus vini, quod abstergendi vi maxima polleat.

Cent. 1.  
curat. 85.

Dolori aurium, præter opiata, & anodyna interiùs assumenda; extrinsecùs medentur oleum hyosciami per expressionem; itemque succus, & folia ejusdem: ac oleum corylinum. In doloribus aurium, inquit Hartmannus, folia Nicotianæ viridia, veletiam arida, sed iterùm humectata, mirificè prosunt. Ex capis con-



Lib. 12.  
obs. 1.

conficit Forestus cataplasma, quod auri dolenti appositum mirabile dicit. Sumit autem capam sub cineribus decoctam: huic contusæ addit ol. chamæmel. unc. j. ff. butyri recentis, & ol. aneth. singul. unc. ff. croci scr. ff. simulque omnia permiscet. Id ipsum approbant Zecchius, & Riverius, quamvis nonnihil ab ipso discrepent in dosi componentium.

Consult.  
62. In  
pra xi.Cent. 6.  
hist. 77.libr. 3.  
Panth.  
Hyglast  
cap. 21,In cro-  
colog.

In meth.

Ad Surditatem, gravemque auditum pro Arcano habet Prævotius crocum, & caryophyllos cum succo cyclaminis; Admiscet autem Th. Bartholinus cum his contusis aquam rosarum, atque gossipio in aures guttas aliquot calidas infundit. Apud Deodatum refertur mirabile secretum ad surditatem, & tinnitum Aurium ex Vermiculis sub cortice quercino repertis, decoctisque in oleo omphacino, & postea in radice cyclaminis assatis. Et apud Hertodium memoratur aliud, compositum ex oleo vermiculorum sub eodem cortice ligni quercus repertorum ad dr. j. ff. balsam. Peruan. dr. ff. & olei stillat. croci gutt. vj. cujus deinde guttæ duæ, vel tres calidæ in aures cum gossipio instillantur. Hujus usu refert Frider. Hofmannus D. Timæum surdos à nativitate curasse: adiicit tamen oleum rutæ, & costi. Maximi quoque fit essentia castorei, & croci; balsamum ligni guajaci, essentia fellis Tauri cum spiritu vini extracta, & balsamum sulphuris. Itemque essentia Lavendulæ, & Castorei; necnon succus Sampsuchi, ejusque oleum destillatum. Similiter oleum Murinum, murium scilicet recenter natorum, in oleo decoctura paratum ad Aurium surditatem summè valet. Nostrates utuntur oleo, potius ex Mure pisce elicito: Sunt, qui maximè etiam commendent pinguedinem Anguil-

Tozzi Op. Med. Tomo I.

læ cum ejusdem felle commistum, & in aurem inditam ad guttam unam, vel alteram, esseque medicamentum mirabile ad surditatem, & Aurium dolorem. Solo gossipio, in quo moschus conservatur, surditatem tolli refert Forestus, atque longè efficaciorum esse moschum ipsum gossipio involutum, & auribus perpetuò gestatum. In usu apud nostrates est fumus sulphuris auribus ad plures dies exceptus. Internè verò commendatur decoctum radices Asari, sal volatile succini, ejusque essentia. Interea tamen utile foret conveniens aliquod catharticum, præsertim extractum catholicum, aut Hellebori, si corpus succiple-  
*num videatur: siquidem ex Hippocrate, Qui surditate laborant, supervenientibus biliosis deiectionibus liberantur. Quamvis de surditate febrientibus contingente id intelligendum esse commentetur Galenus.*

Lib. 12.  
obs. 15.4. Aph.  
28.

Sonitum denique, tinnitum, sibilumque aurium tollere dicuntur, præter ea, quæ nuper relata sunt, spiritus terebinthinæ, essentia fassasfras, sampsuchi, lavendulæ, absinthii, chamæmeli, rutæ. Panis recens coctus, & mox è furno extractus, atque spiritu vini imbutus, aurique patienti admotus, ut inde vapor excipi possit, prodesse dicitur ab Hartmanno; pariterque vapor absinthii, & verbenæ, quæ in lacte vaccino decoctæ sint. Commendatur ex Montagnana decoctum helleborei albi, croci, nitri, & castorei, æquis partibus, in sufficienti quantitate aceti, & mellis colati, quo deinde illitum ellychnium sæpius in aures indatur.



## DE AFFECTIBUS Narium.

V. 6.  
Aph. 10.  
5. Aph. 3.  
Lepid. 2.  
3. prorr.  
58. 1.  
prorr. 33.  
Aet.  
tetr. 2. 1.  
1. c. 124.  
8. Aph. 3.  
De rat.  
viſt.  
comm. 4.  
& in  
Coac.  
p. 2. not.

**E**X affectibus, qui Naribus contingere solent, Hemorrhagię notio, & curatio magis ad Physiologos pertinet; reliquorum verò potiùs ad Chirurgos. Narium autem hæmorrhagia, quamvis sapissimè critica esse possit, cujus scilicet operæ graviores, cum capitis, tum aliorum viscerum ægritudines terminantur; quandoque tamen nocua observatur, præsertim cum immodica fuerit virium languorem afferens, sicut & in quartanis febribus ex Hippocrate.

Trifariam sanguinem è suis vasis effluere posse Medici communiter arbitrati sunt, nimirum per Anastomosis, Diæresim, aut Diapedesim. Anastomosis à vasorum mollitie, & sanguinis plenitudine. Diæresis ab humore acri, vehementi medicamento, ictu, casu, vulnere. Diapedesis à venarum raritate, & sanguine tenuiori, serosiorique fieri dicitur. At plerumque prodit sanguis à suis conceptaculis, aut ab acido in se contracto, aliundeve suggesto, aut ab Alkali abundantiori, acido convenienti non coercito. Utrunque enim cum moderationem non servant, fluxum sanguinis promovent: ut in scorbuticis, hecticis, ictericis sæpè sæpiùs experimur.

Quocumque modo sanguis è naribus effluat, nisi virium imbecillitatem, ex pulsu languido, visus, & auditus hebetudine, capitis languore, tactus tepore, aliisque symptomatis, indicatam minetur, non statim sistendus est, præsertim cum criticè erumpit, & cum manifesto levamine patientis. Sic capitis dolores, febres ardentes, phrenitides, hystericas

affectiones ex mensium suppressionibus, spirandi difficultates, aliasque ægritudines per narium hæmorrhagiam non rarò curatas vidimus. Quin & plerosque novi, qui à redeunte per certa intervalla ejusmodi profusione nedum salubriter vixerint, verum etiam à gravibus morbis immunes, in quos facilè laberentur, suppressio sanguinis exitu. Quare solum cum infuetus est, vel immoderatus, aut etiam grave damnum inferens, puta singultum, aut convulsionem, ut dicitur 5. Aph. 3. quò citiùs fieri poterit, sisti debet. Consueverunt autem vulgares Medici in hanc rem, venas, & quidem è remotioribus partibus, incidere, putantes hac ratione sanguinem fluentem in oppositum cursum derivatum iri; deinceps frictions, ligaturas, cucurbitulas, etiam sub hypochondriis adhibendo: immò si diæresi, & vitio acrium humorum sanguinem profuere decernant, purgantia quoque medicamenta propinant; indicta interim diætā ex cibis refrigerantibus, & adstringentibus potibus. Nonnulli præterea gelida aqua, quin & nive ipsa frontem, & collum perfundunt; naribus acetum sugendum præcipiunt, aliosque liquores refrigerantes, succum sempervivii, solani, plantaginis: iisdemque testes pariter madefaciunt, & hepatis regionem unguento rosarum, aut santalorum inungunt.

At tutius, citiùs, & faciliùs cohiberi ab aliis visus est sanguinis fluxus sola bursa pastoris contrita cum ovi albumine, & aceto commista, ac fronti applicata. Quibusdam nari stillanti ferrum ignitum admotum profuit, vapore sanguinis torrefacti naribus suscepto. Caro bubula recens acerrimo aceto conspersa, & occipitio imposita contulisse scribit

V. Hippoc. 6.  
Aphor. 10. lib. de judicat. 1. de Morb. popul. const. 3.

Jul. Cass. Baricell Hort. genial.

V. Villif. de feb. cap. 11.

Herc. Med. c. lib. 1.

Hoe-



Hoeferus. Pulverem bufonis exiccati in nares inditum, idem præstare notat Hartmannus. Urtica contusa sisti hæmorrhagias refert Borellus. Et Boyle, musco cranii humani in manu detento, itemque polygono, & polygonato, si manu detineantur, quousque incalescant. In Ephemeridibus German. Ann. 1670. obs. 24. refertur pulvis mirificus, qui componitur ex alumine crudo, & lacca Pictorum: admoveri autem is debet naribus, vel etiam immitti. Solo aluminis contactu fluentem sanguinem ex vena secta cohiberi testatur Borellus: putatque id ipsum haberi à Vitriolo, ejusque colchotare; unde atramentum ad idem utile quoque esse subdit. Curatum similiter ab hæmorrhagia alium memorat oxycrato, pannis scilicet eo madidis toti spinæ admotis, sæpèque renovatis: testaturque Riverius hoc remedii genus alii feliciter cessisse, itemque oxycrato naribus attracto stillantem inde sanguinem stetisse. Acetum quoque ros. auri è directo naris sanguinem fundentis inditum ad guttas aliquot sistere hæmorrhagiam meminit *in observationibus communicatis*. Cinere chartarum albarum combustarum naribus excepto, & frusto cretæ albæ digito annulari detento è regione naris, unde sanguis extillat, donec incalescat, illum supprimi pluries se observasse confitetur. Forestus. Fimus porcini olfactus proclamatur ab eodem, itemque à Rulando, Mizaldo, Riverio, & Hoefero: sicut pariter sterco asinum à Roderico à Castro: atque ab aliis vitriolum ustum. Galenus 5. meth. cap. 5. cum ovi albumine miscet thuris partes duas, aloes partem unam, additis pilis leporinis ex ventre excerptis, & minutissimè concisis. At cæteris præstantiorem Expe-

rientia sæpius testata est pulverem Sympathicum dictum ex Vitriolo ad Solem æstivum in pulverem album ad formam calcis redacto; cujus vires, & usum declaravit Kinelmus Digbæus *peculiari libello de pulvere sympathetico*, & post ipsum alii plures, quos legere est *in Theatro sympathetico*.

Intrinsicè verò assumenda commendantur alia complura. Apud Robertum Boyle *de utilitate naturalis Philosophiæ* mentio fit de quodam electuario composito ex *seminibus hyoscyami, & papaveris albi, singul. ad dr. ij. & consros. unc. j.* quo ad dosim nucis myristicæ Medicum quendam enormes hæmorrhagias narium, uteri, & aliarum partium brevi sanasse testatur. Succus urticæ mirabilis quoque dicitur Riverio, tum per os exhibitus ad unc. iv. tum naribus exceptus, & fronti, ac temporibus applicitus. Et aliis succus parietariæ, bursæ pastoris, & centinodii. Aqua etiam spermatis Ranarum, plantaginis, & nymphæ optima creditur Hoefero. Cinis Ranarum, & sperniola Crollii, efficax ab eodem, & ab aliis fertur; atque à Petræo Nitrum fixum. Nihil præstantius esse inquit Frideric. Hofmannus, radice zizaniæ; & Thomas Bartholinus faba rubra in vino decocta. Aquam bursæ pastoris ad unc. j. cum guttis x. olei Martis, sanguinis per nares effluxum perfectissimè sistere tradit Jo: Petrus Faber. Præparatque Hartmannus crocum Martis, quem ad gr. iv. cum aqua plantaginis exhibet. Laudanum opiatum, vel assumptum, vel naribus intrusum, commendatur ab eodem, præter alia plurima apud relatos Authores videnda.

Enarrata hæc medicamenta convenire quoque possunt hæmorrhagiis

Confer etiam, quæ referuntur obs. 53. Ann. 2. Eph. Germ. in scholio de Usnea.

p. 2. f. 5. c. 6.

Prax. l. 4. c. 7.

In meth. Cent. 5. hist. 97.

Lib. 3. de Morb. c. 35.



ex vulnere contingentibus. At verò speciatim ad sistendum sanguinem ex vulneribus experimento comprobatum edocet Borellus alumen esse in venarum orificiis intrusum. Hurnius *ad Fernelii Pathologiam* recipit caphuræ dr. j. radices tormentillæ, & boli Armeniæ veræ singul. dr. ij. in pulverem redigit, huncque stupa aceto madefacta excipit, & vulnere immittit. Acetum etiam asperrimum cum æqua portione croci Martis, & semisse colchotaris, pariratione permiscet, & cum stupa adhibet. Est nostratibus in frequenti usu Aqua ex Alumine confecta, *Arterialis* dicta. Admirabilis quoque est *Liquor Stypticus* Jo: Cornelii Meber ex Alumine, & Vitriolo compositus, atque in *Anchora Sauciatorum* descriptus; ut & Aqua Styptica D. la Faveur, & D. Lemery. Apud VVeckerum certo quoque experimento comprobatum refertur ex Rantzovio sanguinis profluvium ex vulneribus supprimi imposito cataplasmatismis instar panno lineo, quo ranarum ova, ineunte Vere, excepta fuerint, ad Solem exiccato. Unguento Paracelsi, Herculeo dicto, magna vis tribuitur in cohibendo ex vulnere fluentem sanguinem, de quo Crollius, Goclenius, Helmontius, aliique. Anselmus Boetius de Jaspide testatur eum collo gestatum sanguinis fluxum illicò sistere: in quam rem historiam narrat cujusdam fœminæ, quæ annos sex hæmorrhagia laboraverat, ab Jaspide sanatæ: inquit autem Jaspidem fuisse rubrum. De reliquo Polypus, Sarcoma, Ozæna, Narium fœtor, aliique similes morbi ad Chirurgos potius pertinent.

Cent. 4.  
obs. 50.Lib. 5.  
Secret.Lib. 2. de  
lapid. &  
gemm.  
cap. 102.

## DE AFFECTIBUS Dentium.

**D**olent sæpius dentes in radicibus, ubi membranulæ, & nervuli diffunduntur, à sanguine, vel lymphæ eas partes pertingente, acrida, falsa, aut aliter præter naturam affecta; unde interdum etiam tumet mandibulæ, & gingivæ; quin & dentes carie, ipsæ verò erosione, ulcerationeque inficiuntur, & cum scalpuntur, vel cibo manditur, nonnihil sanguinis stillant. Tanta autem, ac talis dolor quibusdam accidit, ut impatientes mortem sibi adsciverint; quam ob rem maximis tormentis annumerari potest ex Celso.

V. Gal. 2.  
de comp.  
med. secund.  
lo. ca c. 2.  
Lib. 6. c. 9.

Inter dolorem sedantia, illiusque causam corrigentia omnium præstantissimum perhibetur à Roderico à Fonseca oleum buxi, si in foramen dentis una, vel altera gutta iniiciatur: quod etiam à Samuele Formio confirmatur, & modus illud extrahendi describitur apud Riverium *in observationibus eidem ab illo communicatis*. Idem quoque præstari dicitur ab oleo caphuræ pari modo in dentis foveam instillato. At Julius Cæsar Claudinus extollit oleum Terebinthinæ chemicè paratum cum pulvere camphoræ. Camphoram ipsam in aceto modicū elixam adhibet Montagnana; itemque opium: Thonerus solam camphoram: & Rulandus oleum camphoræ gossipio exceptum; vel etiam oleum ligni heraclei, quo prætereà humores ibidem stagnantes educi, vermes dentibus innatos necari, & causam quamcumque doloris adimi, ait. Alibi quoque laudat aquam solani, cum oleo vitrioli Romani ad acidum saporem usque permistam. Radices sambuci in aceto, & vino decoctas singulare expe-

Tom. 1.  
consult.  
46. obs.  
40.Confil.  
87. obs. 1.  
lib. 2. c. 2.  
2. cur. 3.Cent. 3.  
curat. 51.  
& seq.  
Cent. 1.  
curat. 9.



experimentum inquit esse Raymundus Mindererus apud Grulingium. Florileg. Med. Lib. 1. meth. ad prax. Cent. 4. obs. 3. in Hartmann. lib. 14. obs. 6.

Decoctum Nicotianæ, & florum chamæmeli tepidum ore detentum commendatur Jo: Heurnio, & Riverio; & Cardilucio illud sabinæ; atque Foresto radix lapathi acuti concisa, & supra dentem dolentem apposita: quam etiam magnificat Hartmannus, qui præsentaneum quoque fatetur esse remedium oleum caryophyllorum cum quinta parte camphoræ. Essentiam similiter saturejæ mirificè dolores dentium sedare tradit P. Jo: Faber, si aliquot guttis dens dolens, & gingiva perfricetur, infusa etiam in auribus guttula. Sicut & spiritus Vini cum satureja distill. ore detentus, ex Riverio. Mirum est quod refert Helmontius se vidisse os brachii bufonis statim primo contactu Odontalgiam tollere: & contactu dentis hominis senio extincti, dolentem dentem excidere. At admirabilius, quod memoratur à Borello: allium contusum cum momento salis pollicis admotum vesicas excitando, aquam educere, & dolorem dentium fugare. Bursa pastoris pinsita, & indita auribus, sicut & nasobetonica, ejusmodi dolorem aliquando desuisse fertur ab eodem; itemque lapide Imperiali dicto, denti dolenti imposito: conficitur autem is ex sale petrae, & alumine fufis cum aliqua portione sulphuris; atque cerebro purgando, visui acuendo, & nervis opticis detergendis plurimum conferre dicitur; quemadmodum Boylæo succus Rutæ recenter expressus, & auri è regione respondentis instillatus. Sale fraxini arteriæ temporum applicito curatum dolorem dentium vidit D. Leseq. apud Riverium: & pice Burgundica cum pulvere nucis odorata, Borellus. Magnetem cælo sereno in pulverem redigit Tachenius, deindeque in calcem, donec

viridescat, postmodum miscet cum farina, vino, & tragacantho in formam rotularum, & denti laboranti utiliter imponit, ex Grulingio.

Ad extrahendos verò dentes dolentes absque ulla Chirurgi opera, scribit Riverius efficacissimum esse helleborastrum, si eo dens affectus confricetur. Et Franciscus Joel dissolvendum ait gummi ammoniacum, aut galbanum cum lacte esulæ, vel hyoscyami, ac decoquendum lento igne donec lac absumatur; residuum verò in globulos redactum dentium foraminibus indendum per noctem: mox sine dolore dentes eximi posse subdit. Idem & ego aliquando usu gummi hederæ arboreæ factum vidi; cujus decoctum cum roremarino in posca, tepidum ore detentum dolentibus dentibus mederi notat Heurnius. Dentes corruptos integro eximere docuit Asselinæus Cicada per æstatem captâ, contusa, & imposita. Et adipe ranarum viridium terrestrium juxta arbores degentium oblitos dentes statim decidere scribit Jo: Anglius in sua praxi, alique meminere.

Lib. 6. prax. c. 1.

Lib. 3. pract. f. 6.

Ad Fernel. Pathol. 1. 5. c. 8.

Si verò stupeant dentes, ut ab acidis, ponuntur prodesse portulaca mansa, fœniculum, cera, succus glycyrrhizæ, amygdalæ, avellanæ. At quicquid calet, certò hæmodiam tollere experimur; unde panis calens, vinum calidum, præcipuè si in eo ebullierit salvia, roris marinus, piper, pyrethrum, aliudve simile; aqua etiam ardens optima observatur. M. Fehr Academicus curiosus fumum absinthii supra prunas injecti ore exceptum, dolorem, & stuporem dentium prohibere docet. Et Hartmannus eos sale fricari jubet.

Ad dentes insuper erosos valde prodesse suum odontalgicum scribit Crollius ad granum unum denti admotum

Exp. Med. in obs. hinc inde decer. pt. xi.

Cent. 4. obs. 68.



motum cum gossipio. Et Fridericus Hofmannus spiritum salis adhibet. Olea etiam, & essentia omnium aromatum aliis sunt in usu, sed præsertim caryophyllorum; itemque spiritus vini cum modico camphoræ. Quòd si præterea gingivæ ulcerentur, & sanguinem stillent, commendantur antiscorbutica medicamenta, infusiones, pulveres, & spiritus, nasturtii, cochleariæ, beccabungæ, salviæ, menthæ, & aquilegiæ, quam cæteris præfert Hartmannus. In usu practico sunt pulveres, & conditura baccarum myrti, rosarum rubrarum, coralliorum, myrobalanorum. Sed alkalia acutiora præstantiora existimantur; Et si fortassè tumeant gingivæ, ficus assus intrinsecus admotus præsentaneum remedium dicitur ab Hartmanno, & Borello.

Si dentium mobilitas accesserit sequens decoctum expertum ait Hartmannus, quod habet: *gland. dr. j. gal- larum, alum. usti, & succ. acac. singul. dr. ss. fol. ros. punic. m. ss. decoq. in libr. ij. vini rubr. & servetur ad usum.* Eo autem sæpius dentes eluendos præcipit. Aliud commendat Zecchius, quod paratur ex *mell. unc. ss. sandarachæ, seu vernic. ammon. alum. scissilis, & thur. singul. dr. ss. bull. in aquæ vitæ unc. iij. acet. alb. unc. i. deinde col. & add. croc. gr. ij.* & cum gossipio eo dentes, & gingivæ fricentur. Non solum, inquit hic Auctor, mobiles dentes confirmat, & roborat, verum etiam congelatos in pristinum statum restituit, dolorem sedat, & rheuma desiccatur. Tincturam enuloticam Cunradi Frommanni describit Grulingius, cujus vires summas esse fatetur in dentium mobilitate, & gingivarum putredine. Hanc etiam opiatam efficacissimam testatur Borellus ad dentium radices carne obducendas, dentef-

que firmandos, & dealbandos. Conficit autem illam ex modico aluminis in uncia una olei sulphuris, adjectis conditurae florum buglossi, vel rosarum unciis sex. Mox deterfo dentium tartaro ope scalpelli lignei opiatam prædictam admovet. Præstat itidem aqua descriptione Portæ ad dentes confirmandos, quæ mobiles stabiliri, & exesos carne repleri ait. Verumtamen ad gingivas tumentes, & fundentes sanguinem, efficacissima est tinctura gummi lacæ, quæ ita fit: *Aq. distill. fol. salviæ, & quercus singul. unc. vj. phlegmatis vitrioli, & aluminis singul. unc. iv. gummi lacæ ex bacillis elicite, & pulv. dr. vj. aluminis crudi dr. ij.* Mistæ detineantur in digestionem per hor. 24. postea per chartam emporeticam filtr. & tinctura ad instar Rubini servetur pro collutione. At verò ad dealbandos dentes præstabit pulvis subtilissimus coralliorum, aluminis, nitri fixi, & lapidis pumicei præparati. Sed longè efficacior est spiritus nitri rectificatus, si eo dentes, (intactis tamen gingivis) gossipio ad fastigium styli alligato detergantur. Firmandis quoque, & dealbandis dentibus optimum dicitur oleum vitrioli à Montano, & Foresto, si nimirum eo dentes refricentur; sed aliquoties in usum relato, exitus acta non probavit.

Vermes denique dentium radicibus hærentes perimuntur decoctura corticum fraxini, & radicum urticæ, auctore Jo: Cratone. Et Thomas Bartholinus sibi à Rustico quodam Empirico communicatum refert mirabile remedium ad vermes extrahendos, & dolores mitigandos: nempe sebum cervinum linteum exceptum, ad ignem liquatum, & gingivis impostum. At mirabilius, & præsentaneum magis remedium ad necandos dentium

Hoc loc.  
Cent. 1.  
obs. 86.

Consult.  
72.

Florileg.  
Medic.

Cent. 2.  
obs. 65.

Consil. 8.  
lib. 5.  
Cent. 3.  
hist. 96.



tium vermiculos erit, quod paratur ex seminibus hyoscyami simul commistis cum cera citrina liquefacta, mox etiam in globulos redacta: quibus deinde in prunas injectis, excepto interea exinde hianti ore fumo, vermes enecti decident, & dolor dentium momento temporis sedabitur, ac desinet.

### DE AFFECTIBUS ORIS, *Gurgulionis, & Tonsillarum.*

**P**Ræcipuè ori accidunt ulcuscula quædam serpentia per palatum, & linguam, infantibus potissimum periculosa, quæ Græcis Aphthæ, Arabibus Alcolæ dicuntur. Mandendis, deglutiendisque cibis impedimento sunt, & in adultis, si cum febre copulentur, lethum minantur, cum præsertim nigra apparuerint, & partes ori interiores petunt, ac depascuntur.

Fieri putantur in infantibus à lactis vitio, & à corruptis in ventriculo cibis; in adultioribus verò à degeneratis, pravisque succis, in palatum, & linguam corrivantibus; præsertim verò ab acidiori, aut saliori lymphâ, aliove humore acriori reddito, & veneni erodentis instar corrumpente: quamobrem in pessimis febribus, & in graviore lue venerea, sæpè sæpius erumpere consueverunt. Plerumque Anatome compertum est Aphthas in ore, & palato erupisse à vitio antea contracto in glandulis ventriculi, Oesophagi; itemque in Thymo, pulmone, aliisque partibus adjacentibus, ab exedentibus succis, aut tumoribus malignis; unde & oris foetor, postea Sphacelus, ac tandem Coma, & mors irreparabiliter accidit. Cujus generis fortasse fuit morbus ille populariter grassatus per totum Regnum Neapolitanum circa annum Domini

1618. ac deinceps per plures annos: quo scilicet pueri ex Angina, & Aphthis malignis, innumeri, præsertim comatosi, supremum diem obierunt.

Curatio in infantibus, nutricum, & lactis mutationem, vel correctionem expostulat. Lac pariter per intervalla parcè exhibeatur, ut scilicet melius digeri possit ab infante. Interea verò ulcuscula tangenda, & abluenda præcipiunt cum diamoro, decocto hordei, succo malorum puniceorum, & melle; nec non syr. myrtino, ros. rubrarum, rhodomelle, cum aqua plantaginis, & modico spiritus chalcanti, decocto satirejæ, veronicæ, nucum cupressi, & gallarum immaturarum, quarum decoctum commendat Aetius ex Asclepiade cum pari mellis portione. *In Ephem. Ger. Anni 17. obs. 82.* præsentaneum remedium dicitur oleum raparum saccharo dilutum.

Adultiorum verò ulcera, præter ea, quæ causam abscindunt, acutioribus remediis tractanda. Quare oleum vitrioli, spiritus ejusdem philosophicus, aut spiritus sulphuris per campanam elicitus, vel etiam fuliginis, salutares existimantur, si nimirum his ulcera repurgentur. Approbat in hunc usum Sennertus aquam ex ærugine æris, alumine, vitriolo, & minio, in vino, vel aqua ardente. Sal prunellæ in decoctura radicis tormentillæ, corticum malorum aureorum, & betonicæ, solutus, laudatur à nonnullis; atque ab aliis mel cum tartaro, & alumine mistum. Phlegma vitrioli, & tinctura florum aquilegiæ, & rosarum punicearum prodesse quoque dicuntur, nec non tinctura laccæ, & aqua corticum nucum viridium. At verò, si consequantur Scorbutum, vel veneream luem, peculiaribus, & propriis remediis adversus hos affectus egebunt, de quibus



bus suo loco; sicuti & quæ cum malignis febribus conjunguntur. Speciatim autem in Aphthis ex lue venerea, & scorbuto, efficacissimam existimat Hartmannus suam aquam viridem *capite de Ozana* descriptam; & alteram viridem Plateri ex ærugine æris, & auripigmento in vino paratam: quas apud utrumque vide.

Laxatur sæpissimè Gurgulio, & linguæ superincumbens vocis modulationi incommodat, ut in catarrhis; atque adstringentibus, siccantibusque remediis in pristinum situm restituitur, præsertim gargarismo ex decocto roris marini, rosarum punicearum, plantaginis, uvulariæ, baccarum myrtearum cum dianuco, vel diamoro; itemque pulvere ex pipere longo, corticibus myrobalanorum, tormentilla, alumine usto, bolo Armenia, & similibus. Fermentum capiti adhibitum cum succino, & spiritus vini purus optimè confert, ex

Cent. 3. obl. 84. Friderico Hofmanno. Suffitus etiam ex mastiche, gummi Animæ, balsamo Peruviano, & Tolutano, pulvere nicotianæ, roris marini, betonicæ. Piperis contactus quoque prodest ex Borello.

Quandoque etiam inflammatur Columella, & unà simul tument, rubent, & dolent Tonsillæ à confluxu lymphæ acrioris, tenaciorisque, unde deglutiendi, & respirandi difficultas accidit, non sine suffocationis periculo, non secus ac contingit ex Angina: Ipsis namque tumefactis Isthmus, seu faucium semita impeditur; quamobrem Tonsillæ istæ Paristhmia solent appellari. Neque solum inflammantur, sed aliquando etiam ulcerantur, præcipuè in venerea contagione infectis, atque hinc nedum loquela læditur, sed & phthisis periculum imminet, delabente per tracheam humore vitioso in pulmonem,

ut nonnullis creditur; vel pari vitio pulmonibus affectis, quo Gurgulio corroditur, & Tonsillæ exulcerantur.

Harum inflammationi occurrere adnituntur gargarismis ex aqua plantaginis, sale prunellæ, diamoro, dianuco, syr. ros. rubr. decocto gallarum immaturarum, corticum punicorum, nucum cupressi, tamarindorum, & similibus. Optimum ad Tonsillas inflammatas remedium esse scribit Borellus, *si terra sigillata* tangantur; vel in jusculo sensim illa deglutiatur. Efficax ab aliis dicitur nitrum fixum, & saccharum Saturni in aqua plantaginis solutum pro gargarismo. Alium conficit Jo: Heurnius ad tumentes faucium glandulas, & bono quidem cum successu, ex decocto Argentinæ in cerevisia, vel in vino albo tenui. Et Riverius alium ex feminibus sinapis ad dr. j. aceto ros. & saccharo albo singul. ad unc. j. cum unc. iij. aquæ.

Inflammatione autem ad suppurationem vergente, illam promoventibus utuntur, decocto violarum, glycyrrhizæ, passularum, hyssopi, zizyphorum, caricarum; similiter aqua mulsa, & syr. de althæa; admotum extrinsecus cataplasmate emolliente, & laxante. Rupto apostemate adhibent aquam mulsam pro gargarismo; vel aquam hordei, scabiosæ, & betonicæ cum melle ros. vel decoctum radice iridis, dictamni, & hyssopi cum terra Armenia, vel vinum austerrum, in quo myrrha elixa sit cum modico balsami Peruviani. Ex Hartmanno decoctum veronicæ, & mellis, in aqua simplici; itemque decoctum saturejæ cum vino ejusmodi ulcera perfectè sanant. In ulceribus verò fœtidis, & putridis commendantur aquæ virides suprâ memoratæ, etiam si ex lue venerea illa processerint, contactis nimirum cum aquis prædictis

Cent. 3. obl. 84.

Ad cap. 9 lib. 5. Pathol. Fer. nel.

Cent. 4. obl. 76.



etis ulceratis partibus, deindeque convenienter ablutis, & absterfis. Quod si neque his cefferint, & Uva præsertim marcida, & corrupta appareat, præstabit illam rescindere: cujus opus petendum ex Ægineta *lib. 6. cap. 31. Actio tetrab. 2. ser. 4. c. 41.* Hildano *cent. 2. obs. 21.* Fabricio ab Aquapendente *de Oper. Chirurg. hoc loco*, Sculteto *in Auct. ad Armam. Chirurg. pag. 5.* aliisque.

## D E A N G I N A.

**C**UM inflammatio penitiores oris partes occupat, & fauces, ac guttur afficit, majoremque deglutendi, & respirandi difficultatem parit, cum acuta febre conjunctam, ægrotantes veluti strangulari videntur, & Angina hic morbus dicitur, ab ἄρχω, quod idem est ac suffoco, & strangulo.

Quamvis autem è Græcis Authoribus nonnulli differentiam fecerint inter Κυνάγχην, & Συνάγχην, quod illa (ut adnotat Sennertus) canum per æstum sitientium more, patientes cogat amplo hiatu, & exerta lingua spirare, adeoque gravior sit; hæc verò à suis simili passione correptis deducta, levior; Galeno tamen ejusmodi differentia inutilis existimatur, cum etiam Hippocrati, & vetustioribus commune fuerit utrumque confundere. Verum tamen est, anginam propriè intelligi inflammationem illam, quæ musculis gutturis, & gulæ accidit; unde angustia fit in ductibus aeris, & cibi: quare si aliæ adjacentes partes inflammationem subirent, non hæc angina diceretur, sicut quæ ab alio tumore, quàm ab inflammatione, contingeret, ut plerumque in catarthis fieri solet. Hanc autem diversitatem, vel ab ipso Hippocrate colligere licet, qui *6. epid. sect. 7.* in-

quit: *Aliquibus fauces inflammatae sunt; quibusdam anginae obortae: 2.* etiam *de morbis* plures anginae differentias constituit, quas ab aliarum partium, quàm à musculorum gutturis, inflammatione deducit.

Alii præterea ab affectis musculis tum externis, tum internis Gutturis, & Gulæ, alias anginae differentias ex Galeno *4. de loc. aff. c. 3.* numerarunt. Si namque interni faucium, seu gulæ muscoli inflammentur, συνάγχην; si verò externi παρασυνάγχην; sicut & κυνάγχην, si interni laryngis, seu gutturis muscoli, ac παρακυνάγχην ubi externi fuerint inflammati. At has nominum distinctiones adeò contemnere visus est Galenus, ut dixerit tum primum homines res ipsas neglexisse, cum nimio studio nomina quærere cæperunt. Quare concludit omnes affectus, qui huic loco, idest faucibus accidunt, si spirationem quoquo modo reddant deteriore, ab ipso, scilicet Hippocrate, *Cynanchas*, idest anginas, nominari. Idemque confirmat *4. de rat. vict. in acut. 30. & 3. progn. 18.* Meminit verò *c. 4. de loc. aff. cap. 3.* cujusdam anginae ex luxatione vertebrarum cervicis ad anteriora, unde fauces comprimuntur, impediturque ciborum, & potuum ad stomachum transmissio: id quod potissimum accidere potest ab ictu, aut casu, aliove simili. Hippocrates tamen *epid. 2. sect. 2.* refert, quibusdam hanc anginae speciem accidisse, sed citrà cervicis à causa externa læsionem; quamobrem verisimile est à confluxu humorum vertebrae fuisse luxatas, indeque læsas fauces cum gutture.

Animadversione autem dignum videtur contingere interdum cum ingenti difficultate respirationis, & sorditionis alimentorum subitas suffocationes, nullo tempore fauces occupante, ut loquitur Hippocrates *4.*



Lib. 1. a-  
cut. pass.  
c. 7.

Anthrop  
lib. 3. c. 13.

Obs. c. 18.

V. Hipp.  
de rat.  
vi&. in  
acut.  
comm. 4.  
t. 30. &  
lib. de  
loc. in  
hom.

*Aph.* 34. adeoque latentes anginas dictas Aretæo, à tumore, & abscessu, in gangrænam desinente, præsertim in glandula Thymo, ut observavit Riolanus, & nos nuperrimè experti sumus in quodam juvene, qui ex gallicalue in maximam deglutiendi, & spirandi difficultatem inciderat. citra tumorem faucium, aut colli. A pulmonis etiam abscessu simile quid se observasse refert Dodonæus: quamvis inter anginas id non audeat referre Sennertus.

Inflammanur muscoli faucium, & tumescunt à sanguine ibidem stagnante, aut vitio sui, aut vitio earumdem partium: itemque à lymphâ non benè à sanguine secreta, & à confluxu aliorum succorum sanguinis motum per eas partes impredientium. Immodici quoque clamores, aeris inclementiæ, vel austrinæ, vel aquiloniæ, tusses vehementes, violentique vomitus; cibi etiam austeri, & adstringentes, gelidi potus; itemque fungi, lepus marinus, atque planta illa, è Solani genere, quæ vulgò Italis *Belladonna* dicitur, aliaque id genus, quæ partes gutturis, & faucium exasperare, & tumefacere, vel sanguini præterfluenti impedimentum præbere possunt.

Vera Angina, sicut à difficultate respirandi, & deglutiendi, atque inspectione facile innotescit; ita difficulter curatur, & ob maximam acutiem citò ægros ad interitum perducit: dicitur enim ab Hippocrate morbus lethalis, ex quo paucissimi evadunt: & rursus quod quinta, septima, aut nona perimat. Id ipsum confirmatur à Celso, & à Galeno. Gravior autem est, cum difficilemanhelitum affert, nullo tumore in faucibus apparente. Eo autem erumpente in collo, vel in pectore, salutare; nisi tamen erysipelas intrò recurrat. Si verò malum è faucibus in pulmonem

repat, intra septimum interficit; ultra hunc diem verò commutabitur in Empyema. Cæterum si cum difficultate respirandi conjungatur oris fœtor, vel circa guttur, & fauces livor, aut albor appareat, sphacelum arguit, & gangrænam; quam partium extimarum refrigeratio, pulsuum languor, & sensuum hebetudo, ac sopor consequetur; ut fertur accidisse post annum 1618. per totam ferè Italiam. Cavendum autem ne humor ex Angina suppurata in Tracheam, & pulmonem delabatur: is namque suffocationem asferre posset, vel saltem Empyema, & Phthisim.

Hippocrates sicut variam pluribus in locis describit Anginam à varietate partium affectarum, & symptomatum illam concomitantium; ita diversam instituit curationem. Etenim *lib. 2. de Morbis* à crasso phlegmate, & viscosa saliva tres Anginæ species memorans, ablutionibus, fomentis, & gargarismis ex origano, nasturtii semine, satureia, apio, mentha, & nitro utitur. Deinde *lib. 3. de Paracynanche* agens, suffitum commendat ex hyssopo, sulphure, & bitumine, præter ea, quæ pituitam educant. Prætereà *lib. de locis in homine: Angina*, inquit, *quam Cynanchen Græci vocant, à sanguine fit, cum sanguis in venis, quæ in collo sunt, compæctus fuerit. Sic affectis, à venis, quæ in brachiis sunt, sanguinem detrahes, & simul alvum infernè subduces.* In idem ferè recidit *lib. de rat. vi&. in acut. comm. 4.*

At Hartmannus potiùs ad vomitum moventia, atque imprimis ad aquam benedictam, confugit, præsertim si febris urgeat: sic enim ait inflammationem cedere, & apostema rumpi. Si his locus non sit, devenit ad succum è cancris vivis, & sedo majori expressum; vel ad aquam *Cantz-*

*meyra-*

7. Aphor.  
49. & 3.  
progn. 18  
& 29.  
6. Aphor.  
25.  
5. Aphor.  
10. & 3.  
progn. 20

Lib. 4. c. 4  
1. Aphor.  
com. 12.  
4. Aphor.  
34. 3. progn.  
16. &  
in coac.  
prænot.  
6. Aphor.  
37.

2. & 3. de  
Morb.



V. River.  
obf. 10. &  
24. cēt. 2.  
obfer. 60.  
cent. 4.

*myrranā* ē sedo majori, & fale ammoniaco per destillationem elicita; vel ad gargarismum à seipso descriptum *cap. degustu abolito*, & *depravato*. Verūm advertit Cardilucius, hæc potiùs ad nigredinem, & scabritiem linguæ curandam pertinere: quam obrem ipse alia proponit, atque præter aquam benedictam Rulandi ad vomitum provocandum, pro gargarismo utitur non repellentibus, sed potiùs foras evocantibus, ex spiritu vini, urinæ, vel salis ammoniaci; adhibitis exterius relaxantibus, & emollientibus; ac deinceps ad rumpendum apostema, exhibet succum expressum nasturtii hortensis, vel aquatici, mistum cum quarta parte aceti, & tantillo olei olivarum, & salis communis ad cochleare unum, vel alterum, sæpiùs per vices repetendo. Ipse verò Hartmannus externè applicat emplastrum ex nidis hirundinum; atque internè rasuram dentis Apri, cinerem Cancrorum ustorum, & Hirundinum, immò & Noctuæ: pariterque consolidam mediam, prunellam, uvulariam, cervicariam, mentham crispam, rubum Idæum. Commendat insuper spiritum nitri in haustu aquæ fontis calido, simul cum spiritu vini. Ac tandem in usum gargarismi salem ammoniacum permiscet, vel sal prunellæ.

Obf. 10.  
lib. 2.  
Obf. 10.  
lib. 6.

Rasuram dentis Apri ad dr. j. cum oleo amygdalarum dulcium, & saccharo candido, præsentaneum remedium inquit esse Franciscus Valleriolla; atque extrinsecus cataplasma ex nidis hirundinum, decoctis in oleo chamæmeli, & liliorum. Ubi etiam magnificat cinerem crematarum hirundinum ad dr. j. assumptum cum hydromelle, vel etiam illitum, ex Dioscoride, & Galeno. Ex iisdem nidis aliud cataplasma conficit Deckers *ad praxim Barbettianam*: &

aliud Forestus *in observationibus*: atque aliud Amatus Lusitanus, & Platerus. Sed suum præ cæteris extollit Adrianus à Mynsicht, qui plures etiam gargarismo in eundem usum describit, & celebrat.

Sennerto prodesse dicitur fungus sambuceus elixus, ac sumptus, & foris etiam impositus, præter alia, quæ ex aliis approbat.

Lib. 2.  
præf. p. 1.  
c. 24.

Solo decocto radicis Althææ, caricarum, & zingiberis cum quadrante vini, ubi agaticum fuerit maceratum, se illustrem Mulierem angina correptam sanasse testatur Jacobus Dovynetus.

Lib. 3. A-  
polog. c. 1.

Apud Scultetum describitur Gargarismus, qui in omnibus angina speciebus, cum in principio augmenti fuerint, maximè commendatur, si eo fauces sæpiùs colluantur. Componitur autem ex pulveris sinapis scr. j. ss. aceti acerrimi unc. j. aquæ plantaginis unc. iij. sacchari albissimi dr. ij.

Obf. Chirurg. 32.

Pulverem stercoris canini effert Valleriolla ex Galeno, Ægineta, & Avicenna. Et Fridericus Hofmannus, hirundinum, anserum, columbarum fima, in quibus sal nitrosum delitescit.

Lib. 6.  
obf. 10.  
In Meth. Med.

Alii commendant succum nucum viridium expressum, ac depuratum, aut quod ex illo componitur rob, & extractum: At sæpè salutare experti sumus hypericum, & papaver rubrum, præsertim verò utriusque extractum, & sal, cum stibio diaphoretico, ter, aut quater exhibitum; atque extrinsecus cataplasma ex caricis decoctis cum oleo chamæmelino, & croco.

Amuletum tandem creditur filum sericum purpureum, quo vipera fuerit strangulata, collo circumductum ex Galeno, & Thoma Bartholino: itemque Bufo, seu Rubeta cocta, & instar emplastri adhibita ex Carda-

Cent. 4.  
hist. 72.



no. E Territorio Aletino advehuntur lapides quidam oblongi, rotundi, recta excavati, ac pertusi, qui collo gestati, ut asperam arteriam contingant, feruntur ab Angina certissime præservare.

Ad Tumores verò colli, & cervicis referuntur Strumæ, & Scrofulæ; ac qui speciatim gutturi accidit, Bronchocele dicitur. Fieri putantur ab humore lento, & glutinoso, sua vesicula concluso: neque in collo, reliquæque corpore erumpere dicuntur, nisi primum Mesenterium occupaverint, ut cum Guidone, & Ingrassia testatur Jo: Riolanus *lib. 2. Antrop. cap. 15.* unde solutu difficiles illæ evadunt.

Fatentur tamen plerique eas curatas tam facile, ut admirationi fuerit. Sic Panarolus asseverat se vidisse brevi tempore, & faciliter deletas Strumas non alio medicamento, quàm aloe, si nempè ipsius folia, præsertim æstate, sub cineribus calidis aliquantulum detenta, per longum, & medium dissecta, super illas quotidie apponantur. Et Helmontius unico mense, prægrandes evanuisse vidit hoc remedio, quod habet: *Spong. mar. in carbonem combustæ unc. iij. ossis sepiæ usti, piperis longi, zingiberis, pyrethri, gallar. sal. gemm. calcis testar. ovorum singul. unc. j. M. hac cum aqua stillat. ex præfatis spongiis, & exic. paulatim. Cape deinde hujus pulveris dr. ß. cum Sacchari semiuncia, decresciente luna, ut paulatim liquatus deglutiat; vel fac illin-ctum, & Bocium disparebit*, inquit idem Auctor. Subdit insuper alios defectu spongiæ sumere pilosam excrescentiam, seu lanuginem sylvestribus rosetis innascentem, atque hujus pulvere feliciter uti. Commendat pariter hoc unguentum, quod ita parandum monet: *ol. laur. unc. viij. olivani, mastich. gum. arab. resina*

*abiegn. singul. unc. iij. destilla, tum iterum destilla cum cineribus clavellatis.*

Alium pulverem non valdè dissimilem describit ex Arnaldo Villanova-  
no Sennertus, & P. Barbette, quem conficit ex cineribus spongiæ mar. off. sepiæ, piper. long. cinnam. sal. gemm. pyrethri, nuc. cupressi, gall. cortic. quercus, flor. ros. rubr. singul. ad unc. ss. exhibet verò ad scr. ij. vel dr. j. Et Deckers commendat spiritum salis ammoniaci internè, & externè. Et Rulandus oleum sulphuris calidè applicatum. Et Borellus oleum bufonium; atque è foliis chelidonii majoris, & nicotianæ. Et Scultetus oleum lacertarum viridium.

Ad Bronchocele discutiendum efficax medicamentum est, quod habet herbæ Paronychiæ m. ij. bull. in 4. una cerevisiæ lupulata generosioris ad consumpt. med. Col. sit pro duabus dosibus sumendis bis in die, tribus antè, & duobus post novilunium, & plenilunium diebus, idque aliquot mensibus consequentibus sine ullo alio medicamento, servata tantum convenienti diætâ: Valet etiam ad strumas ulceratas.

Vim maximam inesse quoque scribit Boyle Paronychiæ folio rutaceo (quæ Bauhino est Sedum Tridacty-  
tes, seu Alsine petræa) cujus plantæ in cerevisia infusæ usu, paucis diebus, & sine dolore juvenem quendam hoc morbo graviter afflictum sanatum refert.

Similem opem præstare pulverem radicis Pentaphylli cum vino exhibitum, itemque filipendulæ, & agrimoniæ notat Forestus *lib. 3. obs. Chirur-  
gic.* nec non etiam scrofulariam ex Matthiolo Platerus *lib. 3. præf.* atque flores genistæ in pulverem redactos, ex quo electuarium cum melle rosa-  
ceo conficit Jo. Rajus ad scrofulas exper-

Obs. 22.  
Pent. 4.

Taitar.  
non in  
potu.

1.2. cap. 2.  
Chirurg.

Curat. 87  
Cent. 8.  
Cent. 4.  
obs. 38.  
Cent. 2.  
obs. 67.  
obs. 31.

V. Ma-  
yerne  
lib. 1. cap  
21.

De util.  
philos.  
soph. ex-  
per. p. 1.  
1.2.

Observ.  
11. cap. 3.

Catalog.  
plât. An-  
glia.



expertum. Cardilucius ad Hartmannum parat salpemicis, & tartari, cum sale gemmæ, atque eximium medicamentum esse dicit.

Obf. 38. Cent. 3. Fabritius Hildanus emplastrum describit ex pluribus simplicibus compositum, & ut ipse inquit, efficacissimum. Et Riverius cataplasma ex foliis cucumeris asinini: atque aliud Platerus lib. 3. observat. Et Martinus Ruland. coagulo lactis cum sero ad cataplasmatismis consistentiam percocto utitur. Zacutus verò ex radice Bryoniæ unguentum præparat additis terebinthina, & cera, quod nunquam fallere ait lib. 1. prax. admir. Thomas Bartholinus demùm hæc de strumis scribit: *Homines fide digni observarunt, strumas, aliosque tumores aboleri, si pars affecta affricetur ad manum cadaveris humani: ita enim sensim evanescere tumores, prout sensim putrescit cadaver: quod tardius hyeme, citius æstate contingit.* An autem id verum sit, experiatur qui velit.

Expertum autem ad strumas pluries est nostratibus linimentum hoc ex L. Jouberto, quod recipit: Foliorum Nicotianæ lib. ij. axungia porcinæ recentis diligenter lotæ lib. j. succi Nicotianæ unc. vj. Folia primùm sint infusa cum axungia, deinde addatur succus, & simul decoquatur lento igne quousque superflua humiditas fuerit absumpta; mox fortiter exprimatur, & expressæ axungiaë addiciantur resina pini liquefactæ unc. iv. & ceræ citrinæ, quant. satis, tandem factam colatura superaddantur radicis Aristolochiæ rotundæ pulver. unc. ij. & mistis simul f. linimentum. Emplastrum quoque proponit Penotus, quo præstantius aliud non inveniri ait, valdè simile fodicationum paracelsi, illudque ne dum ad strumas, sed etiam ad cancerum cu-

randum summopere commendat.

Ad strumas prætereà apertas mirabile dicitur unguentum à Fabritio ab Aquapendente descriptum quod L. 1. p. 2. cap. 29. tale est: *Oleilaur. unc. j. ceruß. pulver. & aqua vitæ levigat. unc. j. alum. rupei unc. ss. sal. comm. dr. ij. m. & f. unguentum.*

Cæterùm in glandularum tumoribus quibuscumque dissolvendis major fides præstanda medicamentis ex mercurio paratis, diaphoresim tamen moventibus; sicut & suffimentis ex cinnabari, vel factitia, vel Antimonii; servata interim convenienti diætâ. A cerussa etiam Antimonii descripta ab Angelo Sala ad mensem integrum, & ultra assumpta, atque ab emplastro de ranis cum Mercurio, & emplastro de spermate ceti extrinsecus admotò, opem maximam sequutam aliquandò ipse expertus sum. Et hætenus de morbis capitis.

## DE MORBIS PECTORIS.

**P**ECTUS, seu Thorax inter claviculas, & septum tranversum comprehensus, costis, & musculis ex utroque latere, atque anteriùs Sterno, posteriùs spina firmatur ac circumscribitur, interiùs circumvestiente membrana, quam Pleuram à costis, atque ab officio dividendi Thoracem in duos ventres, dextrum, & sinistrum, è Sterno in spinam, Mediastinum Anatomici vocavere. In ejus autem cavo, utrinque Pulmo in lobos distributus, pendulus in hominibus, at hærens dorso in avibus, reconditur. In sinistro verò latere cor suo circumductum Pericardio, quod Mediastini propago est, in orbem expansi, non nihil ad lævam propendet. Harum ergo partium ægritudines, curationesque deinceps describemus.



## DE AFFECTIBUS PULMONIS.

*Et Primò*DE ASTHMAE, DYSPNOEA,  
& Orthopnoea.Cap. 8. &  
u. t.

**I**Mpeditur in his affectibus respiratio, quæ in Dyspnoea est difficilis, in Asthmate difficilior, in Orthopnoea demùm difficillima fit, ut propterea ægri non solum sicut in ceteris anhelii sint, sed non nisi erecta cervice respirare possint. Ejusmodi verò anhelatio sine febre esse debet; ex Galeno 6. *Aph.* 46. Porro si cum febre sit aliam ægritudinem denunciat.

Prax. lib.  
1. c. 22.

Contingunt isti affectus pulmoni ex eodem Galeno 4. *de loc. aff.* ob crassos, lentosque succos ejus bronchia obstruentes, vel comprimentes; itemque serosos per pulmonis substantiam diffusos; necnon calculos, grandines, atque abscessus ibidem progenitos, ut alii ex cadaverum sectionibus detexere. At Sylvio lubet à flatibus, vel halitibus in tenui intestino ex pituita per bilem rarefacta, & extenuata citatis, & partim per ventriculum ad os elatis, atque cum aere inspirato commistis, partim etiam per lacteas venas, ductumque Thoracis ad venam cavam, dextrumque cordis ventrem in pulmonum vasa translatis, ac motum eorundem impredientibus, causam istius anhelitus deducere, tum aliquando etiam à pituita tenaci à capite in pulmones delabente. Addit insuper Villisius, à fibrarum motricium spasms, sine bronchiorum obstructione, compressione ve, Asthma, quod convulsivum ipse vocat, non rarò fieri; sive vitium sit in ipsis fibris musculorum, sive in ramis, & propaginibus nervorum, sive denique intra cerebrum juxta

nervorum origines: quamquam & aliquandò sanguis in orgasmum concitatus, aut à violento corporis motu, aliave causa evidenti, aut à simili in eodem contracto vitio, anhelationem ejusmodi afferre possit.

Aliter de natura, & causis Asthmatis philosophatur Helmontius. T. Asthma, & Tussis.

Atque primùm diviso Asthmate, in Muliebri, ex solo uteri regimine dependens, & in promiscuum, utrique sexui commune; atque hoc iterùm, in siccum, & humidum: in illo arbitratur pulmonem in suis poris constrictionem, ac veluti convulsionem subire, ab Archeo inquinato; quomobrem caducum pulmonis appellat; in hoc verò pulmonem affici ob vitiatam in ipso coctionem, propriique alimenti corruptionem; unde vomica, phlegma obstruens, pluresque putredines mucosæ suboriuntur. Procedere autem putat ejusmodi affectionem à duumviratu, ventriculo scilicet, & liene, ubi mali fomitem constituit: non enim ait fore repetiturum, aut perseveraturum, nisi stabilem radicem in horum viscerum duumviratu egisset. Hinc Asthma à semine virulento ortum existimat, cujus sit poros pulmonis contrahere, pari modo, quo cantharidum venenum vesicam urinariam lædit; licet radix mali insideat, undè regimen corporis promanat. Atque hinc etiam Fossiores, & Fusores metallorum, præcipuè Mercurii, & Cinna-baris, Asthma facillimè incurrere advertit, quia inspiratum Gas, ut ipse vocat, cum aere, canales laryngis vitiat in ultima digestionem, unde haudquaquam proficit alimentum, sed totum degenerat in excrementum, secundum conditionem fermenti transmutantis; quo detento præfati canales clauduntur. Sic quoque ingens frigus Asthma parere subdit, quia digestio-



Cap. 14.  
de febr.

gestionem ibidem perdit. Quare remedia Asthmati sicco deberi ait, quæ epilepsiæ inveteratæ; confortantia verò, & restaurantia pulmonem, ejusque custodem, exquiri, pro Asthmate humido, ut sunt anodynum saccharinum sulphuris, fumus sulphuris accensi, laudanum opiatum paracelsi, elixir proprietatis ejusdem, & præcipitatus diaphoreticus ab eodem Helmontio descriptus.

Lib. 2.  
obs. c. 1.

Nicolaus Chesneau consideratis primùm instrumentis respirationi inservientibus, latius causas læsionis illius perveſtigat, atque impediri respirationem ait, si pulmones, ejusque ductus obstruantur, aut graventur, materia crassa, & glutinosa, flatibus, crudo tuberculo, abscessu; si inflammantur, aliòve tumore afficiantur; si vulnus, vel ulcus subierint; si exiccationem, extenuationemque contraxerint ab ortu, veneno, febre ardente, pulvere, fumo metallorum; si ex aliqua ægitudine membranæ costas succingenti adhæreant; si denique à pure, aliòve humore pectoris capacitas occupetur, inhibeaturque, tum pulmonis, tum diaphragmatis, totiusque pectoris motus. A musculis verò præsertim Thoracem dilatantibus alias respirationis læsiones deducit, putà si secti, tumefacti, inflammati, aliterve affecti illi fuerint. A spiritibus denique animalibus respirationem quoque offendi, insinuat; si deficient, ut in morituris; si non influant propter cerebri affectum, ut in apoplexia, vel propter spinalis medullæ obstructionem, & vertebrarum luxationem. Quidquid insuper motui diaphragmatis impedimento est, nempe flatus in abdomine; aquosus humor in hydrope; tumens ventriculus à cibis, atque ab humoribus jecur, lien; intestinorum inflatio, uteri affectus; Cæterorumque viscerum in

abdomine contentorum, necnon musculorum ejusdem, & humerorum, brachiorumque dolor, tumor, aut alia quævis affectio gravis respirationem incommodat, & turbat; sicut & aer nimium calidus, crassus, pulverulentus, vapore maligno imbutus, ut in fodinis metallorum, pulvere calcis, & gypsi, terrarumque quarundam fossilium. Quarum omnium causarum in suas classes distinctarum schema exhibet.

Sed non tam facilè quis omnes læsæ respirationis, & Asthmatis causas in certas classes retulerit? adeò variæ sunt, & innumerabiles, quemadmodum sectionibus cadaverum sæpius innotuit. Anhelationes accidisse ex coalitu meatuum, seu pororum pulmonis, ejusque extenuatione, & humectatione, corrugatione, & duritie; à pseudopolypis, calculis, tuberculis, vomica, flatibus, fero, pure, itemque à vitio adjacentium partium, pericardii, pleuræ, mediastini, arteriæ, aortæ, thymi, aliarumque, tum in pectore, tum etiam in inventre contentarum, dignoverit, qui Medentium, & Anatomicorum de hac re observationes perlegerit, quas magna ex parte memorat Bonetus lib. 2. *Anat. præct. sect. 1.* & nos aliquandò observavimus prætumidum ex aqua liquati glutinis laxioris instar, universa sui substantia repletum pulmonem, unà cum tumidiori, duriorique jecore, ac liene in quodam ex sicco Asthmate extincto, qui in cæteris visceribus, totoque corpore, tabidus jam pridem vixerat. Alii tam frequens, & gravis anhelitus accidit, ut totus imus venter, & Thorax quàm maximè intumeret, postquam intra paucas horas expirasset, nulla manifesta viscerum læsio visa est. Hinc non immeritò à plerisque siccum Asthma inter affectus Spasmodicos



dicos recensetur. Quamobrem licet quæ relata sunt causæ frequentiores esse consueverint, alias tamen, & alias plures adesse, quæ hactenus occultæ jacuerunt, ex nuper dictis probabiliter conjectandum.

Atque hinc etiam fit, quòd quamvis sæpissimè constet de Asthmate, & Orthopnœa, haud tamen, undè difficilis hæc respiratio proveniat, notum sit. Indicia, quæ proponit Galenus 4. de loc. aff. cap. 7. universam causarum seriem neque explent, neque explanant; immò adeò dubia sunt, ut sæpissimè pro alteris alteræ accipiantur, undè non modò indignotione, sed etiam in curatione error maximus insequitur: quare solertissimum Medicum res hæc expositulabit.

V. Gal. 2.  
Aph. cō.  
40. 4. de  
loc. aff. c.  
ult. de  
Antipa-  
tro Me-  
dico, &  
Hipp. 2.  
de morb.  
de reple.  
to pul-  
mone.

In Prognosi verò minus errare contingit, cum cujuslibet generis respirandi difficultas non facile medicamentis etiam efficacissimis cedat; quin immò ægrotantes ad mortem usque comitatur, & ferè repente è vis eripit, præsertim qui gibbi ex Asthmate fiunt, ut dicitur 6. Aph. 46.

Curationem horum affectuum Medici aggrediuntur per attenuantia, & expellentia materiam pulmones occupantem, quam ipsi plerumque crassam, viscosamque existimant. Sed si multiplex, & varia potest esse causa, procul dubio varia quoque expositulabitur medicamentorum exhibitio. Aliter enim operandum in tumoribus, tuberculis, lapillis, & similibus in pulmone contentis; & aliter omninò cum aliundè respirationis læsæ causa suppetit, ut superius notatum est. A materia tenaci, ac viscosa inductum Asthma vomitum validè moventibus curari testantur præcæteris Horstius, & Rulandus; ille quidem syr. emetico; hic verò aqua benedicta ad unc. j., cui consentit etiam Hart-

De  
pharm.  
obs. 3. 1.  
10.  
Cent. 7.  
cur. 85.

mannus. Rulandus præterea curat. 8. Cent. 6. præmisso vino emetico, exhibet pulverem compositum ex card. bened. & sinap. sylvestr. singul. scr. ij. piper. longi scr. j. fol. sen. mund. dr. ij. anis. scr. ss. ad dosim scr. ss. usque ad dr. j. per singulos dies manè, & vespere cum vino albo, vel jusculo, ad morbi declinationem usque: his enim plures pristinae, integræque sanitati fuisse restitutos asseveranter affirmat. Alii verò potius purgantibus insunt ex agarico, carthamo, aloë, jalapa, tartaro, & similibus; quin immò in difficultate spirandi non esse formidandam etiam frequentem, & magnam purgationem consulit Guil. Ballonius. Præcæteris efficacissimus dicitur pulvis asthmaticus purgans ejusdem Rulandi, qui fit ex fol. card. bened. & cartham. singul. dr. ij. piper. long. dr. j. fol. sen. mund. & rad. ari. exicc. singul. dr. ij. anis. dr. ss. diagrid. scr. j. Hæc in pulv. subtiliss. redacta divid. in xij. partes æquales, ac per sex dies continuos exhib. singulatim pars una manè jejuno ventriculo, pars altera vespere cum vino albo, vel jusculo.

Lib. 2.  
epid.

Cent. 6.  
cur. 8.

Describitur etiam à Cardilucio in Hartmannum potio cathartica, præmisso tamen syr. tenacem materiam incidente, ex radice iridis, glycyrrhizæ, enulæ campanæ, quem mirabilem ipse prædicat.

Commendantur præterea ab Hartmanno flores sulphuris, ipsumque sulphur vivum; itemque aqua stillantia ex fructibus Rubi cum Rob. nucum sumpta; & succus radicis Ireos, ejusque fæcula. In Asthmate à crassa, & viscosa materia linctum Gesneri optimè contulisse testatur Achilles Gasserus: conficitur autem ex sulphur. pulver. & sæpissimè cum aq. tussilag. lot. unc. j. & diapienid. unc. viij. Et Hieremias Martius quendam Obf. 22. diutur-

Obf. 11.

Obf. 22.



diuturno asthmate curatum fatetur aqua salis ammoniaci, quam parat hoc modo: *fol. semperviv. xx. aut xxx. contund. in mortario, affuso modico aq. fontis, col. cum express. & add. sal. ammoniac. scr. ij.*

Idem etiam præstare dicit spiritum ejusdem salis ammoniaci: Sed & spiritus C. C. occlusos pulmonum meatus mirè expedit, sicut & spiritus salis ammoniaci ex tartaro paratus, atque ad guttas aliquot exhibitus cum hydromelle jejuno stomacho, aliove simili liquore; nec non flores ejusdem in pilulas redacti. Radix Ari in vino albo excocta pondere semuncia, cum loch de pino, vel cum syr. de hyssopo eclegmatis modo exhibita paroxysmum asthmaticum mirificè sedare dicitur à Jo: Zecchio. Efficacior verò creditur Ari fæcula cum floribus sulphuris in syr. Nicotianæ, vel

Conf. 45. Hispidulæ ab Horstio. Flores roris-

Lib. 5. obs. 32. marini, atque in defectu horum, folia, si coquantur cum vino optimo, & melle ad dimidiæ partis consumptionem, capianturque ante somnum, Asthmatis mirè conferunt, & vocem clarificant, ex Borello *cent. 4. obs. 46.* In septuagenario ex multis annis Asthmate affecto, ut vix spiritum ducere posset etiam erecta cervice, atque hianti ore continuo sterneret, hæc plurimum contulisse expertus est

W. etiam C. 3. obs. 8. Riverius *cent. 3. obs. 21.* *Aq. cinnam. unc. ij. oxymell. scillit. unc. j. m. & crebrò ad cochleare exhib.*

Itemque *radic. enulæ campan. saccharo conditæ dr. iij. sacchari caodidi unc. β. syr. de hyssop. unc. ij. gumm. ammon. aq. vitæ dissol. dr. ss. m. ad formam loch. & manè, ac vespere cochlear. j. sensim sumendum.*

Praet. 1. 2. p. 2. c. 1. Nunquam fallax remedium inquit esse Philippus Grulingius hanc potionem, eamque tanta efficacia à suffocatione patientes liberare, ut præ-

Tozzi Op. Med. Tom. I.

clarius remedium ipse non viderit. Paratur autem ex *ammoniaci dr. ss. aq. hyssop. unc. iv. vini Rhen. unc. ij.*

Ab Helmontio magnifit elixir proprietatis, cui addit memoratus Grulingius aquam tussilaginis, vel hyssopi.

T. Inj. & recepta.

Apud Hertodium Arcanum dicitur decoctum radicis Ireos addito croco ad scr. ss. & moscho ad gr. iij. Et in Asthmate puerorum certissimum experimentum affertur infusio millepedum in vino cum croco, & cinnamomo, addito modico sacchari candidi: ut & spiritus ex viride æris, & gummi ammoniaco destillatus, ac cum croco purior, & efficacior effectus.

In Crocol.

Spiritum vini cum junipero, & croco conficit, & commendat præ cæteris Mynsicht; nec non species dia-

Armam. medico-chym.

Ex Horatio Augenio recipiunt, & salutarem prædicant Platerus, Sennertus, Riverius, Villisius, alique, syrupum Helenii, & Peti: ex quibus alii extractum parant longè efficacius.

Tom. 2. lib. 4. epist. ult. de aff. pect. c. 4. v. Plat. 1. 2. Valet in Horst. ex Heurn.

Pulvis Asellorum, seu millepedum in olla donec albescant præparatorum, melle exceptus, & ante, & post cibum asthmaticis exhibitus ad cochleare certò curabit.

In usu est apud plerosque jus Galli veteris alvum solvens descriptione Victorii Faventini: quod tamen improbat Septalius *lib. 6. Animadvers.* quamvis postliminio vindicare nitantur Sennertus, & Riverius.

Ad difficilem respirationem à potu frigido inductam certum remedium statuitur Acetarium ex Bellide Mindereri: ejusque succo sanatum hunc affectum à D. Jo: Michael. memorat Fridericus Hofmannus *in methodo*. A fumo Mercurii efficax fertur cinnabaris antimonii, velejusdem

Medic. Militar.



Cap. de  
Asthm.

sulphur solare. Ex angustia pectoris mirabilis dicitur succus Bryoniæ, cuius præparationem, & usum tradit Hartmannus *in sua praxi*. Ex flatibus pulmones inflantibus, & distendentibus, pulvis Ari, ejusque fæcula ad scr. j. laudatur ab eodem Hartmanno.

Quæ ex aliis ægritudinibus accidunt respirandi difficultates, suis locis cum adjunctis medicamentis memorabuntur.

### DE PERIPNEUMONIA.

V. Hipp.  
de intern. aff.  
sect.

**Q**Uemadmodum cæteris visceribus, ita pulmoni nonnunquam accidit inflammatio, græcè *περιπνευμονία* vulgò pulmonia, à sanguine alicubi in illius substantia restagnante, atque è suis vasis effuso, vel etiam in exilibus ejus ductibus inhærente. Quandoque verò erysipelatis conditionem æmulatur hic morbus, cum extima dumtaxat pulmonis superficies afficitur citrà ingentem inflationem: & non rarò etiam ab inflammatis musculis œsophagi, aut asperæ arteriæ, pariterque à phlegmone pleuræ, similem contrahit affectionem; unde peripneumoniæ nomen apud quosdam emerfit; immò & sæpissimè simul unà afficiuntur, inflammanturque pleura, atque ab ea ortum ducens mediastinum, & pulmones, saltem secundum alterutrum latus, ut experimentis anatomicis compertum est. At verò potest pulmo inflammari sine pleuræ affectione, sicut etiam pleura absque læsione pulmonis: & aliquandò ab unius inflammatione, sequitur inflammatio alterius. Quamquam non desint, qui acriter contendunt ab inflammatione alterutrius lobi pulmonis, pleuritidem, non peripneumoniam exoriri, quæ utrumque inflammatum omninò consequatur.

Contingunt plerumque ejusmodi inflammationes tempore hyemali à potibus gelidarum aquarum, & palustrum, à cibis acidis, & nutrimenti tenuis, quorum causa sanguis crassior, & glutinosior evadit, facilèque in exilibus ductibus subsistens. A subita etiam aeris mutatione è calido in frigidum, atque ab impedita perspiratione, sæpè fiunt pectoris, & pulmonis ægritudines; itemque ab anxia exercitatione in locis frigidis, & palustribus. Fertur quoque Lepus marinus nocumenta pulmonibus inferre, immò quandoque etiam cum ulcere. Accidit præterea, ut ab impedito lymphæ cursu, vel etiam à copia, & crassitie ejusdem, quæ in pulmones irruit, contingat peripneumonia; si videlicet illos expandere non permittat, atque sanguinis præterfluentis motum quoquo modo retardet, unde hærens ipse tumorem pariat phlegmonodem.

Cum peripneumonia pleuritidem sequitur, credere licet translatione humoris è pleura in pulmonem, fortiri ejusmodi mutationem, vel etiam resolutio eo, qui pleuram occupaverat, ut in suos ductus promotus, similis humoris vitiosi depositionem, inhæSIONemque fieri in pulmone pari noxa affecto. Neque enim novum est in hisce ægritudinibus, dolores vagantes excitari in variis partibus pectoris, ob acidum oberrans, ut loquitur Helmontius, quod in sanguine est, & varias partes feriens tandem hanc, vel illam acerbius infestat, & dolorem parit vel laterum, vel pulmonis, vel mistum ex utroque, ut in constitutionibus epidemiis non rarò observatum est, præsertim ex nivibus solito abundantioribus, & à ventis borealibus diutius perflantibus.

Hanc verò tradit Galenus differentiationem inter eam, quæ in pleura, &

quæ

V. Hipp.  
de aer.  
aq. & l.  
& 5. Aph.  
24.

Hipp. 7.  
Aph. 11.  
& in cō.  
Gal.

4. de  
caus. pulm.  
c. 12.



quæ in pulmone fit, inflammationem: quòd in priori sanguis magis tenuis, & biliosus sit, qui scilicet subire queat angustas illius membranæ vias; crassior verò in posteriori, cum tenuis, & biliosus sanguis in rara, & laxa pulmonum substantia non adhærescat. At Hippocrates indiscriminatim fieri posse peripneumoniam à quocumque humore asserit: etenim *lib. de internis affectionibus*, à bile, & sanguine pulmones affici posse docet; necnon etiam à phlegmate, vel simplici, vel falso. Et *lib. 1. de Morbis* inflammari pulmonem ait, ex commota in ipsum bile, & pituita: quamobrem si lentus humor in pulmonum substantiam impingat, saltem in causa erit, sanguine in suo cursu retardato, ut inflammationem incurrat, quemadmodum non rarò ex Rheumate contingit. Hinc notat idem Hippocrates sæpiùs huic ægritudini obnoxios fieri eos, qui palustres regiones accolunt, ob aerem justò crassiores, pulmones sua natura spongiosos infarcientem simul, & corrumpentem.

Quamvis peripneumonia valde affinis sit pleuritidi, & non rarò altera alteram mentiatur; internoscitur tamen ab hac illa, quod respirationem longè difficiliorem adjunctam habeat, quam Hippocrates sublimem nuncupavit; dolorem verò obtusum potius, & gravantem. Anxietas, & jactatio ægros molestat, unde coguntur sæpiùs situm mutare, & elatiori cervice decumbere. Genæ rubent, lingua flavet, vel nigrescit cum siti, & sæpè etiam mens vacillat, ac delirat. Cæterum in aliis conveniunt. Quæ autem afferuntur ab Hippocrate in *Coacis prænotationibus*, dignoscendi lateris affecti gratia, & num dexter, vel sinister pulmonis latus, an uterque laboret, non tam certa sunt, ut aliquandò non fallant.

Peracutus hic morbus plus periculi, quàm doloris habet ex Celso; at cum vigesimum diem transcenderit, vel definit, vel vertitur in Empyema *lib. 2. & 3. de Morbis, & lib. de internis affectionibus*. Empyemati verò redditi si natu majores sint, potius intereunt, quàm natu minores, cum difficiliùs in illis pus reiiciatur ex *2. prognost. 69.* retento etenim sputo, certò suffocati pereunt *7. Aph. 16.* Sudores insuper circa cervicem, & caput oborti mali dicuntur Hippocrati, nisi urinæ multæ, & crassæ proruperint & sputa cocta prodierint: itemque malum, si diarrhœa superveniat *6. Aphor. 16.* si sputa flava excernantur *2. progn. 46.* vel sincerè rubra *1. Aph. comm. 12.* & si à pleuritide, vel angina contingat *7. Aph. 11. & 5. Aph. 10.* sicut pariter si phrenitis succedat *7. Aph. 12.* In melius autem abibit, si constantibus viribus abscessus fiant ad aures, aut ad partes thoracis inferiores, & in crura, in *Coac. prænot. & 2. præfag.* vel etiam urinæ appareant crassæ, & purulentæ; aut sanguis è naribus effluat, ex Aetio.

Ejus curationem explendam in praxi putant missione sanguinis, & catharticis levioribus ex manna, cassia, diapruno, rhabarbaro; mox etiam maturantibus, & sputum è pectore educantibus, præsertim hydromelle, syr. de hyssopo, de tussilagine, de zizyphis, de malis appiis, de althæa, cum decocto passularum, scabiosæ, pulmonariæ, radice iridis, hordei, glycyrrhizæ, capillorum Veneris; externè verò linimento ex butyro, adipè anseris, & vervecis, cum oleo amygdalarum dulcium, chamæmeli, liliorum. Pro victu denique dulcia commendant, ab acidis autem abstinent, licet Hippocrates *3. de Rat. vict. in acut.* oxymel perutile censeat in affectibus pectoris.

Lib. 4. cap. 7.

V. etiam 5. Aph. 10

De ration. Vict. in acut.

Tetrab. 2. l. 4. c. 26

De Aer. ag. &amp; loc.

3. epid. f. 2. agr. 7.

3. de Morb.

V. 5. epid. hist. Hip. posthe- nis, &amp; Holler. eo loco.



At Helmontius peripneumoniam, & pleuritidem certò curari ait pulvere ex virga Cervi, vel Tauri, cruore Hirci ex resectis testibus collecto, succo cichorii sylvestris, floribus papaveris rubri, & similibus.

Hartmanno vomitum moventia ab initio juvare dicuntur, præsertim aqua benedicta: eique inhæret etiam Cardilucius innixus authoritati Hippocratis 4. *Aph.* 18. dicentis *Dolores supra septum transversum purgatione indigere per superiora significant*. Verùm plura de hac re sequenti capite.

### DE PLEURITIDE.

**V**aldè affinis peripneumoniæ est pleuritis, quin aliquibus unus, idemque affectus visus est acutie solum differens. Propriè autem significat inflammationem pleuræ, idest membranæ succingentis interiùs costas: cùmque supernè pulmones pleuræ, & mediastino alligentur, mutuòque coalescant (coaluisse autem omninò pulmones cum pleura, atque etiam dorso adhæsisse, ut in Avibus, Anatome in pluribus compertum est) fit proindè ut unius inflammationem alterius inflammatio aliquando consequatur, ac vicissim prædictæ partes afficiantur, & sicut anteriùs, ita & posteriùs ad dorsum: undè non rarò morbus hic posticas pectoris partes excruciat. At si inflammatio intercostales musculos occupet, lateris dolor dicetur potiùs, quàm pleuritis, quamquàm vulgò notha pleuritis appellari soleat.

Pleuriticum hunc morbum pleurumque comitantur febris acuta, & continua, dolor pungens, creber, & difficilis anhelitus, tussis molesta, & pulsus durus, ex Galeno 5. *de loc. aff.* cap. 3. & 1. *Aph. comm.* 12, Accidit

autem ut aliquandò unum, aut alterum ex his deficiat, & pleuritis Medicos fallat, præsertim cùm peripneumoniam refert. Febris etiam, quæ sæpiùs una simul ægrotantem afficit, & invadit, quandoque post aliquod tempus subsequitur, & non rarò multò antea præcedit. Absque ulla respirandi difficultate bis, aut ter contigit pleuritidem observare, fortè quia inflammatio levis fuit, quæ modico sputo cruento salubriter desinit. Potest quoque tussis abesse, si lateris præcipuè sinistri posticam partem illa occupet. De pulsu duro, quem ferratum dicunt, non est quòd multa addam, cùm jam à peritis commentitius censeatur.

Quemadmodum antiquioribus vera, & legitima, à notha, & spuria, pleuritis distinguitur; ita illius causa, vel sanguis biliosus, & fervidus, vel crassus, & phlegmaticus putatur; & vel in pleura, vel in musculis intercostalibus compactus. His addunt flatus, si nimirum in pleuram, vel in musculos thoracis irruant, illosque inflent ac tendant: quò ajunt respexisse Hippocratem 6. *Aph.* 33. cùm dixit: *qui acidum eructant, non valdè morbo laterali corripiuntur*.

At potiùs acido sanguini causam hujus ægritudinis attribuit Helmontius; si verò latex ace scat, & in intercostales musculos decumbat, putat dolorem ad pleuram non pertinere, & sæpissimè esse à flatu: ejusmodi enim acore sanguini communicato, atque in pleuram effuso, spasmus quemdam induci, contractisque fibris apostema suboriri, sanguine ibidem coagulato: at verò acor hic in arterias, & venas per pleuram discurrentes effusus, pleuritidem, in vasa pulmonis, peripneumoniam efficit; unde concludit pleuritidem à peripneumonia nec causis, neque remedio differre.

T. Pleura  
furens.



Ab acido infuper extra stomachum vagante, & sanguini, aut latici præter naturam commisto, in intestinis tormina, in lotio stranguriam, in ulceribus corrosionem, in pelle scabiem, in artubus podagram, & in aliis partibus consimiles ægriitudines inferri opinatur. In hanc eandem sententiam alii plures inclinarunt; illamque Hippocrates innuisse visus est *præcitato aphorismo*: qui namque acidum eructant majori ex parte per os in halitus illud digerunt, & emittunt, sanguine immuni superflite.

Solet quandoque Pleuritis salubriter, & brevidefinere, cum sputum cruentum, facile, citòque compa-  
 ruerit 1. *Aph.* 12. aliquando verò in Empyema commutatur 5. *Aph.* 8. & Phthisim affert. 5. *Aph.* 15. atque in mortem definit, si nihil omninò expuitur; dummodò sudor non superveniat, vel insensibiliter per poros corporis concretus humor dissolvatur, laxatis intereà fibris partium, ut aliquando mihi contigit experiri. Si prætereà lividum, viride, & foetidum sit id, quòd excernitur, flavum quoque aquositati permistum, itemque glutinosum, & rotundum, malum dicitur. Si his accedat pulsus parvus, tensus, ac durus, signum omninò exitiale refertur à Galeno 4. *de præsag. ex puls.* cap. 5. vel si diarrhœa superveniat 6. *Aph.* 16. aut *Perripneumonia*, 7. *Aph.* 11. *vel delirium, ut in prorrheticis*. Contra verò salutare signum ponitur fluxus sanguinis è naribus, non tamen in principio; facilis respiratio, sputum concoctum, & robur virium.

Cum itaque Pleuritidem communiter Medici constituent Pleuræ inflammationem, illamque à sanguine dependentem; proindè sola, & repetita sanguinis missione ejus Cura-

tionem absolvi posse arbitrantur, sive ab opposito, sive è latere cum parte affecta consentiente: de qua re plurimæ, & gravissimæ apud ipsos omnino ævo extitere altercationes. At Hippocrates 2. *de rat. vict. in acut. inter initia*, Lateris dolorem, sive is per exordia fuerit, sive postea obortus sit, medicamentis calidis dissolvere tentat; mox verò dolore ad claviculam pertingente, cubiti internam venam secandam suadet, ad coloris usque in sanguine mutationem; at si partes sub septo tranverso afficiat, ventrem vel nigro veratro, vel poplio solvendum ait.

Verum Helmontius ejusmodi curationem multis improbat, præsertim quia sicut Apostema natum ab infixa digito spina, procul dubio temerè curatur per venæ sectionem, nisi spina ipsa evellatur, pari ratione Pleuritis per eam sanari nequit: quamobrem subdit: *quòd facti Apostematis cruor non potest per venam sectam evacuari, utcumque nomen revulsionis, aut derivationis in ægrorum delusionem iactitetur*. Neque infuper venæ sectio impedit, ne quid deinceps ampliùs acescat, cum phlebotomia privationis tantum vim habeat, nec possit eductus cruor inhibere, ne qui intus aciditatem contrahit, eandem deponat. Pleuritidem prætereà, quæ sit per phlebotomiam restituta, sæpè post annum recurrere, sæpiùsque tabem post se relinquere advertit. Quare propria hujus ægriitudinis remedia esse innuat pulverem de virga Cervi, vel Tauri, cruorem Hirci, succum cichorii sylvestris, flores papaveris erratici, ac plura talia: hæc enim, inquit, causam immediatam corrigere, acorem tollere, ad diaphoresim disponere, doloremque lenire. Alibi quoque commendat dentem

L. c.

V. 'T.  
 sextuplex digestio alim.  
 De modo colligendi hirci cruorem V. Zuelf. Pharm. ca. August. In Pharmacopolio de Febr. c. 5.

Apri,

2. progn.  
 47. & 48.  
 itemque  
 c. 46. &  
 1. de rat.  
 Vict. in  
 acut. 37.



Apri, fimum Equi, & herbam Bellidem, quam primulam veris appellant.

Rulando fuit in usu Aqua benedicta, qua concitato vomitu in principio, plurimos à Pleuritide sanatos commemorat. Habuere quoque in usu, quæ movent vomitum, Hartmannus, Angelus Sala, Jo: Petrus Faber, alique. Et Pachegyus apud Riverium testatur, se infinities observasse pleuriticos, qui in principio morbi vomunt, evadere.

Oleum è seminibus lini recenter extractum Veteribus etiam commendatum fuit: & plerisque dicitur solo ejus usu ad uncias duas, vel tres, pleuritides fuisse resolutas, addita potissimum rasuræ dentis apri drachma una. In quam rem scribit Tachenius spiritum vini saturatum camphora, & croci tinctura ad gutt. xx. in unc. ij. olei lini recenter expressi, indubitanter pleuriticos sanare. Alii etiam oleum amygdalarum dulcium efficax esse ajunt; sicut & oleum olivarum.

Decoctum florum papaveris rhæados, ejusque syrupus, & extractum quoque profunt ex Valleriola, & Quercetano. Decoctum pariter Tabaci mirum medicamentum inquit esse Epiphanius Ferdinandus; itemque aquam florum chamæmeli stillatitiam, Lelius à Fonte. Efficacia similiter censentur, quæ conficiuntur ex carduo benedicto, scabiosa, radice lapæ majoris, floribus cynosbati; sive tincturæ, sive extracta, sive salia ex his eliciantur.

Quercetanus Nucum avellandarum coloris rubei putamen ad dr. j. cum æquali dosi corall. rubr. ex aq. card. bened. aut papaver. rhæad. ceu specificum commendat in pleuritide.

Parat quoque Pomum cum olibano, & intra triduum exhibet utiliter: idque approbant Riverius, &

Simon Jacoz. Idem Riverius feliciter cum successu exhibuit fuliginem camini in pulverem redactam in aqua cardui benedicti.

De rasura eboris, pulvere dentis apri, cornu cervi, oculorum cancrorum, mandibulæ lucii piscis, coralliorum rubrorum, ligni visci quernei, jam innumeri meminere, quod pleuritidi conferant, & passim de eorundem fructuosa exhibitione referuntur historiæ. Conficitur etiam pulvis ad eundem finem ex Aristolochia, scordio, dictamno, rhabarbaro, cæterisque, qui sub nomine Cardinalis Pallotti, & Ducis Aquæ spartæ circumfertur. Conferunt quoque sal volatile cornu C., salis ammoniaci, fuliginis, urinæ, & omnia alkalia diaphoretica.

Dominicus Panarolus optimum remedium esse fatetur, & apud magnates quosdam inter arcana principaliora repostum, stercus columbinum in pulverem redactum ad dr. ss., sicuti Helmontius testatur de stercore jumenti.

Apud Robertum Boylæum, magnum, & perutile medicamentum celebratur Urinæ humanæ spiritus per destillationem elicitus, & purgatus, & à gutt. x. ad xxx. in convenienti liquore. At præcellit spiritus salis ammoniaci dulcis redditus; vel flores ejusdem in pilulas redacti.

Bezoardicum Minerale, Solare, Joviale, Martiale, sicut & diaphoreticus pulvis Antimonii primas in hac re occupant: quorum usu plurimos brevi, & feliciter curatos vidimus. Conficit tincturam antipleuriticam Adrianus à Mynsicht, eamque mirificè commendat, pariterque species antipleuriticas: & Penotus spiritum nitri. Valet etiam Nitrum Antimonii, magisterium oculorum cancrorum, galbanum, sagapenum, sper-

Obfer.  
comm.  
29.

Hippo-  
cr. chim.  
cap. 15.  
secund.  
edit.  
Ven.

Septal.  
lib. 6.  
caut. 126

Lib. 5.  
obs. 10.  
Pharma-  
co. restit.  
Hist. 32.

Consult.  
147.

Diaer.  
polyft. c.  
3. f. 3.

V. Alex.  
Pedem.  
arc. lib. 1.  
Obs. 56.  
centur. 1.

Obs. 88.  
cent. 4.  
Cent. 2.  
obs. 79.

V. Arca-  
na P.  
Audæ.

Pentec. 4.  
obs. 14.  
T. de  
febr. c. 4.

L. 2. de  
util. phi-  
los. ff. 5.  
cap. 5.



In not. ad prax. Barbett. sperma ceti, mumia, & quidquid multo alkali præditum est. Fridericus Deckers trageam antipleuritica Ausfeldianam laudat, apud quem vide. Et Sylvius Deleboe misturam conficit sudorificam, cujus usu Pleuritidem, cæterasque inflammationes brevi curari fatetur, inducto sudore.

Lib. 1. prax. c. 40. n. 43. & al. nu. 28.

Inter externa verò dolenti parti adhibenda recensentur unguentum de Althæa Fernelii, pectorale Mynsichti, martiatum, de mucilagibus, de meliloto, & oxycroceum; butyrum recens, adeps vervecinus, anserinus, gallinaceus, cum oleo amygdalarum dulcium, chamæmeli, liliorum, lini, nucum juglandium, sesami, & à Mynsicht oleum camphoræ, & anodynum dictum. In Ephemeridibus Germanicis anni 1670.

Obs. 10.

memoratur oleum antipleuriticum ex oleo olivarum, & rasura cucurbitarum simul frixis, quo pleuritides certò sanari testatur ejus promotor Petrus à Castro. Fatetur Digbæus ad rumpendum in pleura apostema feliciter successisse hoc experimentum. Panem recens coctum, atque calentem adhuc, è furno extractum, in duas partes divisum, theriaca ex interna parte oblini: applicat autem dolenti lateri unam, & alteram medietatem ex adverso, & fascia circumligat donec abscessus dirumpatur: quod remedii genus memini quoque descriptum ab Alexio Pedemontano. Hartmanno probatur cataplasma ex herba Kaly, radicibus liliorum alborum, & axungia suilla. Pro eo autem subrogat Cardilucius capam assam, cum axungia, & modico saponis nigri simul mistis. Aliud cataplasma ex cepis describit Sylvius Deleboe, commendatque prætereà emplastrum de spermate Ceti sanguinem à coagulatione præservans,

Lib. 1. Arcan.

Lib. 1. prax. c. 40. n. 34. & 35.

V. etiam Mynsicht,

& jam coagulatum dissolvens. Calx viva comminuta, & melle subacta, si ad modum Cataplasmatidis calidè parti dolenti admoveatur, impactum, concretumque sanguinem in pleura dissolvit, & ad anacatharsim disponit. Reiteretur autem pluries cum friguerit, & oleo tepido removeatur. Expertum pluries.

Ad hanc morbi classem referuntur inflammationes, & abscessus in Diaphragmate, & Mediastino, qui cum Pleuritidem mentiantur, vulgò ad Pleuræ inflammationem reducuntur, quamvis longè graviores esse soleant, præsertim si non tam facile pateat aditus excreationi, cum fortasse suppuraverint. Cæterum iisdem utendum, quibus in Pleuritide, præter diuretica convenientiora, & non acida.

## DE EMPYEMATE.

**E**X Pleuritide, aut Peripneumonia non rarò Empyema oritur, cum scilicet suppuratus humor intra quatuordecim dies minimè fuerit per tussim excretus; unde in Thoracis cavum ex dirupto apostemate delapsus cujusdam ponderis, & respirandi difficultatis causa est, comitantibus similiter febris lenta, & corporis extenuatione: quamobrem Medici Empyema dicunt esse Puris in pectoris cavo collectionem. Et quamvis ἐμπύημα omnem suppurationem significet, pressius tamen hoc loco, ea, quæ in pectore fieri solet, intelligitur.

5. Aph. 3.

Non modò ex Pleuræ, Pulmonis, & faucium, gutturisque inflammationibus ad suppurationem perductis Empyema fieri contingit, sed etiam ex sanguine in cavum Thoracis illapso ex vulnere ejusdem, vel ex apertis venis, aut arteriis illuc pertingen-

6. Aph. 20.

tibus:



tibus: ex sanguinis enim sputo, puris sputum, scribit Hippocrates 7. *Aph.* 15. sicut etiam à destillationibus in ventrem superiorem, idest Thoracem, habitis, suppurationem intra viginti dies fieri tradit eodem 7. *Aph.* 38. quamvis inde non verum pus, sed quid puri simile exoriatur. Meminit quoque aquosi Empyematis Deleboe Sylvius ex pure scilicet, ac albicante sero commisti. Quandoque ab Abscessu in pulmone habitato, & ex Vomica, Empyici nonnulli facti sunt, cum non minus in pulmonem, quam in ceteras partes vitiosos humores abscedere, credere liceat; immò & pulmones putruisse, & purulentos evasisse non rarò compertum est.

Ductus verò, per quos Empyici purulentam materiam in Thoracis cavo collectam extussiant, jam pridem quæsitæ sunt à Medicis. Plerique crediderunt à pulmonibus sua natura spongiosis exluggi primùm, mox verò per tracheas illam educi. At Helmontius putat per poros pulmonum facile posse excrementa quæcumque traduci, & expurgari. Adeò autem Pulmones in patentes poros desinere nonnullis dicitur, ut pisi majusculi magnitudinem æquent, quemadmodum aliquoties se observasse testatur Vvalæus in vivorum dissectionibus. Verùm M. Malpighius Pulmonum structuram talem detexit, qualem referunt Apum favi, ex tenuissimis scilicet, & levissimis vesiculis orbicularibus, & sinuosis constantem: quare non immeritò Hippocrates fistulosum, & Aretæus multiforum Pulmonem appellavit. Credibile verò est per has vias purulentam materiam permeare, & per anacatharsim educi, quamvis aer illic appulsus egredi nequeat, membranis fortassè in valvularum mo-

rem impredientibus. Neque verò omninò putaverim omnè pus hac ratione per tussim eiici posse, sed illud tantummodò, quod fluxilius est, & proximius per septi transversæ propulsionem pulmonum lobos attingit, cum experiamur certam puris quantitatem Empyicos extussire, reliquam verò non posse; unde Veteribus Paracentesis fuit instituta.

Non semper utramque Pectoris partem, pure, aut purulentam materiam gravari sæpius observatum, sed vel dextram, vel sinistram. Signa verò alterutrius affecti lateris deducit Hippocrates ex pondere, & ex acriori calore, quem à citiori refractione madefacti lintei, eo loci adhibiti, conjectat Avicenna ex eodem Hippocrate 3. *de Morbis*; Galenus verò ex fluctuatione. Ubi cumque autem pus collectum inveniatur, febris aderit pusilla, sed continua, noctu potissimum ingravescens, ingens sitis, cibi fastidium, difficilis respiratio, & longè gravior à cibo, tussis molesta cum sputo purulento: pulsus prætereà languent, genæ rubent, oculi incavantur, sensim corpus contabescit, pedes non rarò intumescunt, & sudores comparent ægrum nihilum levantes.

Cum à rupta vomica febris illico desierit, vel saltem lentescere cœperit, si fames superveniat, & sitis desinat, venter consistentia deiiciat, & pus album, læve, & æquale, minimeque foetidum edatur absque dolore, & citrà molestant tussim, ægrotantem evasurum tradit Hippocrates; secus verò, cui contraria his accidunt. Ab olente autem sputo, peculiariter notat Villisius, non semper certum indicium desumi; neque certius signum sumi posse, quòd Phthisicorum sputa in aquam injecta supernatent, aut submergantur, cum

Prax. l. 1.  
c. 24. n. 8.

V. Bonet  
Anatom.  
pract. l. 2.  
sect. 6.

2. progn.  
59.

V. etiam  
2. de  
Morb. &  
4. de loc.  
aff. 8.

V. Bar-  
rholt. de  
Nat. &  
usu pul-  
monum.

V. Hipp.  
2. progn.  
63.

Pharma.  
rat. p. 2. f.  
1. c. 10.



5. Aph.  
11. & 7.  
Aph. 44.  
In Coac.  
prænot.

cùm utriusque generis casus, quosdam salubres, alios funestos cognoverit: quamquàm Hippocrates dicat à sputo graveolente lethum designari. Morituros etiam scribit eos, quibus specillum à pure, velut ab igne coloratur: suppuratosque prætereà ex morbo laterali, nisi quadraginta diebus purgentur, in tabem transire. Ex suppurationibus denique in pectore habitis, senes potius perire ait, ex cæteris verò potius juvenes.

5. Aph.  
15. In  
Coac.  
prænot.

6. Aph.  
27.

Lib. 6. c.  
44. De  
chirur.  
oper. c.  
46. De  
præc. Art  
chirur.  
contr. tr.

5. Armam.  
chir. tab.  
37. Chirur.  
& Anat.  
præc.  
Insyllog.  
Obs. 44.

hist. 32.

In côm.  
hil. v. 76.

Micro-  
rech. p. 2.  
§. 18. 2.  
obs. c. 4.

Quoniam curantur Empyici difficillimè, consueverunt veteres Thoracem incidere; ut inde purulenta materia promptius educeretur. Monet autem Hippocrates ne pus universim effluat: tunc enim languentes Mors certò excipit, ut experimentis pluries innotuit. Partem verò urendam, vel secandam nonnulli eligunt inter tertiam, & quartam costam: alii inter quartam, & quintam: & alii inter quintam, & sextam. De qua re legendi potissimum Paulus Ægineta, Fabritius ab Aquapendente, Fienus, Scultetus, Barbette, Marchetti. Hippocrates 2. *de Morbis* utroque latere pure affecto, finistrum potius aperiendum voluit: minus enim lethalem dicit factam ibi sectionem. Alii verò utrumque, si utrumque sit affectum; atque alterutrum, pro ratione collecti puris in uno, vel altero. Verùm Epiphanius Ferdinandus ex eodem Hippocrate *de internis affectionibus* tutius putat perforare costam ipsam. Id ipsum approbat Martianus etiam in Hydrope Pulmonis ex Hipp. ad aquam educendam.

At longè periculosiorem, quam vulgò creditur, Paracentesim esse existimat Jo. Van. Horne; & Tulpus pluries infelicitè institutam ait. Quamobrem plerique ad alia reme-

diorum genera confugiunt, quæ si non magni juvaminis, saltem minoris sunt periculi. Fumo tabaci per fistulam excepto, ejusdemque decocto calido cum saccharo bis tantum sumpto, pus è cavo Thoracis per tussim excretum memorat Epiphanius Ferdinandus: debet autem illud Hist. 45. consil. convenienti digestionem depurari, & castigari, ac saccharo, vel melle demulceri ad formam julapii. Alii communius diureticis insunt documento Galeni 6. *de loc. affect. cap. 4.* Nec denique desunt, qui etiam per alvum expurgatum Empyema recenseant: nam præterquamquòd visum id aliquando fertur ab eodem Galeno c. 6. *de loc. aff. cap. 4.* confirmatur Obs. 29. quoque à Velschio, qui acceptum à Matthia Baccono refert, Empyicum ex pleuritide sanatum frequenti portione, ex syr. althææ, oxymelle, saccharo, manna, oleo amygdal. dulcium recenti, & aqua scabiosæ; pure nimirum, ut ipse inquit, alvo proclivius, quam ore, expurgato. At ductus isti nondum satis perspecti sunt, quamvis illos ostendere adnissus sit Bauhinus relatus ab Horstio, & à Sennerto; ac multò anteà Galenus c. 6. *de loc. aff. 4.* & 7. *Aph. comm. 30.*

Profuisse nimium vidimus Empyicis decocta ex scabiosa, pulmonaria, fanicula, tussilagine, hyperico, hyssopo, carduo benedicto, betonica, iridis Florentinæ, & lapæ majoris radice, glycyrrhiza, consolida, C.C.C. & majori ex parte, ligno guajaco, & lentiscino composita, & exhibita ad plures dies cum balsamo sulphuris anis. vel terebinth. ad guttas aliquot manè per quinque saltem horas ante cibum. Confert pariter extractum scabiosæ in omnibus pulmonum affectibus, etiam peripneumonia; itemque in apostematibus internis ex Heurnio, & Foresto. Item pul-

L. 2.  
Theatr.  
Anat. c. 6  
Lib. 3. de  
Morb.  
pect. obs.  
11. c. de  
pleurit.  
9. 4.



pulvis feminum urticæ cum syr. viol. vel simili aliis commendatur in Empyicis, & Pleuriticis. Efficax quoque observatur elixir proprietatis elicitus cum aqua cinnamomi; cum quo commisceri potest syrupus de tussilagine, de hederæ terrestri, de hyssopo, de prassio, de helenio, si libuerit. Flores Antimonii fixi, & Antimonium diaphoreticum ritè præparatum miram opem præstiterit, sicut pariter illius Cerussa descriptione Angeli Salæ, non neglecta tamen in hanc rem observatione, cautioneque Friderici Hofmanni. Magna etiam vis inest Terebinthinæ albæ Cypriæ, si cum modico vitelli ovi dissolvatur, & cum aqua hederæ terrestris stillatitia guttatim infusa tantisper subigatur, quousque cremorem lacteum æmuletur. Capi potest ad unciam unam, vel alteram, jejuno stomacho. Succus ejusdem hederæ utilissimus memoratur à nonnullis, si cum olibano diapenid. redigatur in formam Electuarii, & per vices assumatur, vel in ore detineatur.

Ad Pulmonis vomicam, refert Cardilucius sibi pro secreto communicatum spiritum è pulegio in spiritu vini per octiduum infuso, elicatum, vel insensibiliter, vel per sudorem, aut urinam illam dissolvere. At Morbus hic sicuti rarissimus, ita difficillimæ curationis; quinimmò prius hominem enecat, quàm internoscatur, aut opportunis remediis tractetur, cum repenti è vivis ægros tollere soleat, nisi spontè sua rumpatur vomica, & purulenta materia in Thoracis cavum deponatur, vel sensim expuatur.

Animad.  
in Phar-  
mac.  
Schro-  
deri.

Ad prax.  
chym.  
Hartmā-  
V. de  
Pulm.  
Vomic.  
Hippoc.  
I. de  
Morb.

## DE HYDROPE PULMONIS, & Pectoris.

**Q**uemadmodum purulenta materia in cavo pectoris collecta, Empyemā; ita aquosus humor ibidem restagnans Hydropem inducit: quamquam etiam pulmones ipsos eodem aqueo humore gravari, & imbibiti contingit; undè difficilis anhelitus mox à primo somno, tussis absque sputo, color faciei pallidus, & alterutrius brachii resolutio, vel inflatio, pedum tumor, palpebrarum à somno tumefactio, sitis, febris, & alia his affinia symptomata. Quandoque verò Hydrops pulmonis est absque tussi, quia aqua bronchia non occupat, sed exterius pustulis aqueis, seu hydatidibus, pulmonem comprimit, undè anhelitus affert, sed citrà tussim.

V. Hipp.  
in Coac.  
de pulm.  
inflām.  
C. Pifo 1.  
3. c. 7.  
V. Hipp.  
2. de  
Morb.

Aquosus autem hic humor in pectoris cavum exudare, & deponi à multis creditur è vasis lymphicis, quæ plurima per thoracem excurrunt, si fortassè illa erodantur, aut aliter aperiantur. At cum interdum Hydrops pulmoni acciderit, citrà istius liquoris è suis ductibus effusionem, alium sanè modum excogitare oportet, quo pulmo sero gravetur, & imbibatur: ut aliquando mihi contigit experiri in quodam cadavere hoc genere morbi interempto, cui pulmo inerat tam sero glutinoso distentus, tumidusque, ut universam Pectoris capacitatem occuparet. Suspiciandum idcirco, vel poros, vesiculasque Pulmonis, lymphæ glutinosiori ibidem reddita, nec per suos ductus traducta, successu temporis repleti, vel à vaporibus (qui plurimi è Pulmonibus quotidie expirant) si fortassè ab acido quodam concre-  
tur,



tur, fieri ut Pulmonis substantia infarciatur, Hydropsque excitetur. Non rarò etiam accidit Hydatides Pulmonibus adnasci ab aqueo humore extimam illorum membranam alicubi relaxatam tumefaciente: hæ autem vesiculæ aqua repletæ Hydro-  
 pis comites communi voto censentur, documento Hippocratis *lib. de intern. affect.*

Quocunque verò modo gignatur Hydrops Pectoris, semper vitæ periculum minatur, quamquam ad tempus aliquod protrahi possit. Nonnulli per vices repetunt hydragoga, & præsertim pulverem, extractum, aut resinam jalapæ, & mechoacan, itemque agarici, & quod fortius, gummi Peruani, seu gummi guttæ: & Riverius magnificatur calomelanos cum diagridio: Alii diuretica, & alii sudorem moventia. Etiam in hoc affectu Paracentesis institui consuevit. At, si quod juvamen unquam huic morbo sit adfuturum, certè ex diætâ exactissima illud solum sperare licebit, indicto nimirum victu attenuante, & exiccante; non neglectis tamen iis, quæ supra de Empyemate memoravimus. Ab aere pariter maximum juvamentum, nedum in hoc, sed etiam in reliquis Pulmonis affectibus sperandum.

## DE HÆMOPTOE,

seu

### SANGUINIS SPUTO.

**I**Nter graviores Pectoris, & Pulmonis affectus procul dubio sanguinis Sputum est. Potest autem ipse è suis vasis exilire, & expurgari Anastomosi, Diapedesi, & Diæresi: Diæresim verò plerisque placet in

Rixin, & Diabrosim subdividere. Anastomosis vasorum apertione, Diapedesi transfudatione, Diæresis vasorum divisione, Rixis scissione, & Diabrosis erosione contingit.

Sanguinem, qui spontè effluit, Vvillisius putat ex arteriis prodire. At quamvis sanguis venarum perpetuò in cor reducat, nil tamen obstat, quin etiam ex ipsis, si rumpi contigerit, is egredi queat. Anastomosi autem non nisi ab arteriarum osculis manare poterit; secus è venis, quæ cum sanguinem exceperint, reddere illum denuò non poterunt, impredientibus valvulis. Etsi verò plerumque sanguis, cum expuitur, multus, & floribus è suis vasis egrediat, interdum tamen ab erosa viscerum, & præsertim Pulmonum substantia exsudat: quo fit cur aliquando sanguinis Sputum affluenter prodeat; aliquando verò, adeò modicum, ut vix cruoristincturam referat: cum tamen hinc longè gravius damnum immineat, quòd pulmonem erosum denunciet.

Sanguinis è suis vasis egressus manifestum ejusdem vitium arguit: siquidem acer, vel acidus, salsus, fluidus, tenuis, & serosus, plusquam decet, evaserit, cum viam sibi aperit, aut per poros venarum exudat: quandoque etiam, quia crassior, & glutinosior, à venis, ut par est, excipi nequit in reditu ad jecur, & cor; qua ratione obstructis facilis esse solet hæmorrhagia.

At verò citrà sui vitium etiam sanguis expuitur, si arteriæ exiles sint, venæque molles nimium, & laxæ, ut à cantu, saltu, cursu, vociferatione, iræ impetu, ingenti tussi, violento vomitu, fieri solet. A laxitate quoque nimia glandularum, ubi scilicet venarum, & arteriarum anastomoses sunt, resudat sanguis, neque-

Cent. 4.  
 obs. 3.

V. 9th.  
 Heutn.  
 obs. 27.



queuntibus illis præterfluentem sanguinem custodire, & malè cohærentia arteriarum, & venarum oscula obstruere. Observatum quoque est sputum sanguinis ob ruptum Aneurisma Pectoris internum accidisse: atque in dies experimur acrem, & falsum humorem in fauces, & guttur irruentem, Hæmoptysim sequi, erosio nempe vasis prædictarum partium, aut Pulmonum; unde postmodum Phthisis.

In quibusdam Anni peculiaribus constitutionibus, tempestate præsertim nivali, & flante aquilone, Hæmoptyses frequentissimè accidunt, aut à frigore partes corrugante, & sanguinis trajectum impediente, unde is restagnans nisu suo diffiliat, aut potius à nitratis halitibus per id tempus vigentibus vasa lædi contingit; quemadmodum de nive, & glacie memorat Hippocrates 5. *Aph.* 24. In æstibus pariter vehementioribus, cum pulsus celerantur, & sanguis longè tenuior fit, facilèque fermentescit, arteriæ etiam referantur, & cutis universalis laxior evadit, spuitiones sanguinis contingunt, sicuti faciles sunt per id tempus è naribus hæmorrhagiæ.

A cibis quoque, & potibus acrioribus, sicut etiam à venenis erodentibus, & crasim sanguinis turbantibus, pulmonique potissimum infensis, cujus generis esse fertur Lepus marinus; itemque ab epota hirudine, aliisque, non semel sanguis expui visus est, ut propterea innumerales ferè causæ sint, quibus ille per os egeri consueverit.

Verum simplici scretu is prodiens, è partibus ori proximis effluit; à meningibus verò cerebri, si præcesserit capitis dolor gravans, aut pulsans. Cum vomitu excretus à ventriculo manabit; & si modicus, fluidusque,

proximè ab eodem; ab adjunctis verò visceribus, simulus, grumosusque, ac prætereà illorum viscerum tumores, dolores, similesve ægritudines conjungantur. Tussi denique egestus sanguis, aut ab aspera arteria, aut à pulmonibus, aut à pectore prodibit: ab aspera, si facilè scretatur, & cum sola gutturis titillatione isque tenuis sit, & paucus: à pulmonibus, si spumofus, & floridus appareat, nullusque dolor in pectore percipiatur: à thorace demum, si dolor eam partem occupet, & sanguis compactus, ac nigricans educatur.

V. Hipp.  
5. Aph.  
13.

Decipit autem interdum Tussis, quoniam per eam inducuntur Medici, ut credant, sanguinem è pectore effluere, cum tamen illud omni culpa careat; exilit quippè non rarò sanguis è musculis, & glandulis laryngis, faucium, aliarumve partium his adjacentium, qui inferius delabens, titillat, stimulatque asperam arteriam ad tussendum; quinimò sæpius tracheam ipsam subit, & pulmonis bronchia pervadit; unde partes istæ ad tussim concitatae illum extrudunt.

Quamvis hætenus notata plurimum faciant ad cognitionem partis laborantis, simulque ad eventum morbi præsagium, Hippocrates tamen 4. *Aph.* 25. inquit, *sanguinem supra ferri (sive, ut exponit in commentario Galenus, per os excerni) qualiscumque sit, malum.* Verum à capite prodiens, salutaris dicitur ab eodem 6. *Aph.* 10. ex vehementi ejusdem dolore, ut pluries praxis edocuit. Fœminas quoque ex suppressis menstruis malè affectas, sputo sanguinis levatas vidimus: & aliàs ex periodico ejusdem scretu nil damni persensisse, sive is per vasa pulmonis, ut arbitratur cum Fernelio



Fernel. 5  
de Morb  
c. 10.

nelio Sennertus; five per vasa jugularia ex axillari ramo, & mammario ferretur. His exceptis, reliquæ sanguinis per os rejectiones malæ omnino existimandæ sunt: at peiores è pulmone, & pectore, quam ex œsophago, & ventriculo; quin Hippocrates 7. *Aph.* 37. scribit: *Quicumque evomunt sanguinem, si sine febre quidem, salutare.* De ea verò sanguinis egestionem, quæ ex pectore fit. 7. *Aph.* 15. & 16. hæc habet: *à sanguinis sputo, puris sputum malum; à puris sputo, phthisis.* Quòd si diabrosi, five erosione vasorum, sanguis egrediatur, longè pejus malum erit, cum præter partium ulcerationem, vitium in sanguine arguat acritudinis, aut falsilaginis, quod ægrè correctionem admittit. Cæterum sputa sanguinis diuturna curatu admodum difficilia; facilia verò recentia ex Gal. 5. *meth. c.* 13. & 14. Recentia itaque undecumque proveniant, curanda adoriuntur nonnulli iteratis phlebotomiis, frictionibus, ligaturis; cucurbitulis; catharticis etiam lenibus, in diæresi, & diabrosi ad purgandum sanguinis vitium: mox verò refrigerantia, & glutinantia exhibent ex farre, limacibus, testudinibus, aliisque parata; itemque lac, ejusque serum.

At alii his parum, vel nihil fidentes, solum cohibentibus utuntur, quibus etiam vitia sanguini adimere conantur, ut sunt succi depurati urticæ, polygoni, plantaginis, verbasci: pulveres terræ Armeniæ, & sigillatæ, coralliorum, sanguinis draconis, corticum myrobalanorum, hæmatitæ, croci martis, colchotaridis vitrioli, sperniolæ, C. C. usti: gummi tragacanthum, & Arabicum, thus, styrax, mastiche, succinum: syrupi de rosis siccis, de papavere albo, & rubro, de baccis

Tozzi Op. Med. Tom. I.

myrteis, de cydoniis, de portulaca, de nymphæa: trochisci de succino, de terra sigillata: theriaca recens, philonium Persicum, requies magna, pilulæ de cynoglossa, & de styrace, laudanum opiatum, & id genus alia.

Curari dicitur Hartmanno sputum sanguinis è pulmonibus semine hyoscyami; ex quo tabellas conficit Platerus, additis gummi Arabico, coralliis rubris, violis recentibus, succo berberum, & saccharo. Helidæus verò de Paduanis ex feminibus hyoscyami, & papaverum alborum, terra sigillata, coralliis rubris, & saccharo ros. paratelectuarium, quod ad sputum sanguinis mirabile dicit esse. Apud Du-Hamel memoratur aliud à Boyle confectum ex feminibus hyoscyami, & papaveris albi contusis, & cum conditura rosarum rubrarum mistis. At Cardilucius monitu Carrichteris semen hyoscyami infundendum vult per noctem in tribus partibus aquæ fontis, duabus aceti, & una parte vini albi veteris, mox exiccatum in usum adhibet.

Idem Hartmannus feliciter cohiberi ait sanguinis sputum usu aquæ stillatitiæ radicum urticæ majoris ad unc. iij. cum oleo vitrioli ad gratum acorem. Ab aqua plantaginis ad unc. iiij. cum scr. ss. spiritus vitrioli, subito etiam fluentem ex pulmone sanguinem sisti affirmat: quod & Riverius quoque fatetur. Præter aquam plantaginis, & spiritum vitrioli addit Cardilucius pulverem hæmatit. præparatum ad scr. j. & granum j. laudani opiat. Interea verò potandam præcipit aquam solani, in qua hydropiper, seu persicaria urens decocta sit, ea postmodum defossa in loco humidiori ad putrescendum.

Quercetanus in sua Pharmacopœa descri-

Lib. 3.  
obl.

Consil. 7.  
lib. 3. à  
Scholzio  
edit.

Lib. 2. de  
Corpor.  
affect.

In prax

In praxi.



describit aquam summoperè efficacem ad Hæmoptysim. Et Serapio *tract. 2. cap. 25.* atque ex eo Antonius Valerius, pulverem valdè utilem, qui sub nomine Julii Cæsaris Scaligeri circumfertur, & passim ab Authoribus memoratur.

Riverius amylo sine calce parato in aqua decocto, & per mensem integrum assumpto, sputum sanguinis omninò desisse scribit. Alii looch inde conficiunt cum albumine ovi vehementer agitato, & saccharo rosaceo, apud Vvillisium.

Amatus Lusitanus succum urticæ mirabilem dicit, si eo utatur æger per sex dies ad unc. iij. jejuno stomacho: quin & urticam ipsam jure pulli incoctam comedendam consulit. De hujus vi notabilem quoq; historiam scribit P. Borellus, quamvis nonnulli suspectam illam habeant in principio Hæmoptysis, quòd tenuium sit partium, & menses, urinamque promoveri dicatur à Dioscoride.

Præscribit ad quemcumque sanguinis exitum Deleboe Sylvius misturam, quam pluries efficacissimam ego comperi, addendo succum urticæ, & polygoni, seu sanguinariæ ad unc. j. Is autem in aquæ plantaginis unciis duabus, semisse aceti stillatitii, ac tantundem aquæ cinnamomi, cum syrupo baccarum myrtearum miscet coralliorum rubrorum præparatorum semidrachmam, & sanguinis draconis sextam drachmæ partem, laudani demum opiatigrana ij. Alibi Apozema memorat estuanti sanguini compescendo valdè accommodum.

Quanta autem sit vis Polygoni, seu sanguinariæ, vulgò centinodiæ, non solum in sistendo sanguine, verum etiam in omnibus immodicis egestionibus, experientia testis fida est, ut planè dixerim menunquam

fefellisse, sicut pariter de plantagine, & verbasco testari possum: ex dupla enim foliorum plantaginis parte, & una radicum recentium consolidæ majoris simul tritis, addita sufficienti quantitate sacchari purissimi, conficitur syrupus ad cruentum sputum efficacissimus. Pulvis etiam ex foliis verbasci arefactis, cum pari portione terræ damnatæ vitrioli, optimus est ad dosim semidrachmæ. Id ipsum affirmant alii de bursa pastoris. Extractum pariter corticis medii salicis tenellæ, antequam folia emittat, collecti, singulare remedium dicitur pulmonibus ulceratis, & sanguinem fundentibus. Fuit nostra ætate Medicus quidam celeberrimus, qui ad sanguinis sputum compescendum, potandum dabat lixivium commune clarificatum; id quod pro arcano habuit toto tempore, quo vixit.

Maximi facit pulverem sperniolæ Crollius in omnibus Hæmorrhagiis. Laudant alii pulveres, vel extracta tormentillæ, bistortæ, & millefolii. Alii Crocum Martis, lapidem hæmatitem, & tincturam sulphuris vitrioli. Pulverem è summitatibus, & spongiolis cynosbati elicatum, efficax remedium esse inquit Vvillisius, si bis in die ad dr. ss. exhibeatur.

Quoniam verò sanguis è suis vasis egressus illicò concrescit, ac mox in pus vertitur; unde Empyema, & Phthisis; propterea grumi illi omninò dissolvendi, ne præter Pulmonis corruptionem, glutinamentum vasorum impendant, ut scitè advertit Sennertus, & Fridericus Hofmannus. Veteres utebantur oxycrato, seu posca, quam Galenus *5. meth. cap. 8.* jucundam, neque multo aceto saturatam præcipit, ne tussim excitet, & Nos camphoræ modicum addere solemus, ac tepidam pro gargarismo

Ad cap.  
17. lib. 2.  
de Morb  
intern.  
Jac.  
Hollet.

Cent. 4.  
obs. ix.

Cent. 8.  
obs. 95.

Lib. 1.  
prax. c. 9.  
nu. 20. V.  
etiam  
Frider.  
Deckers  
ad prax.  
Barbett.

lib. 1. c.  
23. n. 34.



mo præscribimus: quamquam nonnulli potandam quoque exhibent; interea verò misturam Sylvianam ad cochleare unum per intervalla propinamus, additis pulvere oculorum cancrorum, antimonio diaphoretico, & spermate ceti, monitu ejusdem Authoris. Specialius etiam commendat misturam *aquæ byssopi, & fœniculi singularum unciam unam, vitæ Matthioli dr. ij. aceti stillatitii unc. ss. oculor. cancror. dr. ss. antimonii diaphoretici scr. j. syrupi capillorum Veneris unc. j.* At paulus, Aetius, & Oribasius coagulo hædi, velleporis utuntur: & Forestus mumia, & spermate ceti. Exhibent alii rhabbarum (ex quo pulvis Mesuæ contra casum) cum modico mumia, & rubiæ tinctorum in vino rubro, vel aqua plantaginis.

Ante horum exhibitionem, utile existimant levi aliquo cathartico vitiosos humores à sanguine secernere. Verum cautè procedendum, ne sanguis à purgante medicamento citatior fiat, & ad exitum magis promoveatur. Locum idcirco solum habebunt, quæ potius corrigunt, & blandè admodum acres succos per epicrasim educunt, ut est rhabbarum, pulpa tamarindorum, cassia recens, cavendo ab his, quæ aloen admittunt, sicut à cæteris purgantibus validioribus.

Cæterum victus ratio eò vergat, ut fluentem sanguinem quoque cohibeat, illiusque vitium pro rata sua emendet, & mediocritatem non excedat. Vitentur acria, falsa, flatus excitantia, acida. Vinum leve, & rubrum, præsertim consuetis, concedi potest, atque eò magis si fuerit dilutum aqua consolidæ majoris, plantaginis, aliisque. Motus, clamor, ira, cantus, etiam prohibeantur, admissis solum, quæ sanguinis motum

retardare, & gluten adaugere valent.

Inter externa, Fridericus Hofmannus Bufonem transossium, Sole exsiccato, & manibus detentum, vel suspensum è pectore, certo experimento sanguinem spuenti mederi ait: pariterque bursum pastoris recentem pulsibus applicatam. A decocto etiam centinodiarum axillis, aut genibus imposito, id ipsum præstari addit. At ipse memini hæmorrhagiam è naribus aliquando fletisse sanguinaria, & plantagine contusis, plantisque pedum adhibitis. Et aliàs, appenso gutturi, rubi, seu spinæ sylvestris frustulo, sputum sanguinis cohibitum fuisse; quamobrem utrumque simul experiri in his frustula non erit.

### DE PHTHISI.

**E**Narrati pectoris, & pulmonis affectus nisi exactè, absolutèque curentur, tandem terminantur in Phthisin, quæ licet totius affectio sit, cum inde universum corpus contabescat, & langueat, ea tamen non sine pulmonis vitio accidere dicitur; unde vulgò Phthisis describitur: Consumptio universalis corporis cum febre lenta insequens insanabilia pulmonis ulcera.

Propriè autem Phthisis non eam solum maciem, quæ ex vitio pulmonis accidit, sed qualemcumque significat; unde veteres Atrophiam, Colliquationem, Marasimum, & Cachexiam, ut Celsus, ad Tabem, tamquam ad genus, retulere; & sive pulmonis, sive spinalis medullæ, sive seminalium vasorum, aut cæterorum viscerum læsione, contractam corporis maciem, Phthisin, & Tabem indiscriminatim appellarunt; unde motus Villisius distinctè de his omnibus Phthiseos differentiis agere constituit, ac postea speciatim de Phthisi

In meth.  
M.

Lib. 3.  
c. 22.



ex pulmonis vitio. Scitè insuper notat hic Auctor Tabem ex pulmone non proximè ab ipsius visceris ulcere procedere, sed ex labe sanguini illata, qui summè inquinatus vim suam nutritiam amittit, undè postmodum partes contabescunt: idque sana ratione colligit ex eo, quòd nonnulli sine tussi, & citrà manifestam pulmonis, aut pectoris læsionem sensim extenuantur, appetitu, digestionem, somno, cæterisque operationibus benè se habentibus. Vitium autem sanguini, tum etiam succo nervorum illatum ex pluribus deducit: de qua re idem Author legendus *parte 2. Pharm. Ration. sect. 1. cap. 5.*

Neque verò à vitio sanguinis, & liquoris nervorum dumtaxat tabescere corpora experimur, sed etiam ex nimio genitalis humoris effluvio, ut in Tabe *Dorsali* dicta, cujus meminit Hippocrates 2. *de Morbis*; itemque à viscerum naturalium, præsertim Mesenterii, Pancreatis, Hepatis, lienis, renum, uteri, aliorumque obstructione: à mala in glandulis vel tumefactis, vel relaxatis secretionem: à fermentis partium depravatis: ab abscessibus, & tumoribus, atque ulceribus: à venerea contagione; hysterica affectione; fluxu cujusque humoris immodico, vel diutius suppresso: à nimio, diuturnoque mœrore, ac vigilia: à lumbricis: à defectu bilis in cysti, & feri in pericardio, aliisque causis innumeris, quas in dies praxis edocet, & magna ex parte colligit Bonetus in *sua Anat. Pract.* Hinc scorbutici, hypochondriaci, lienosi, diabetici, obstructi, lenterici, fame picacea, vel lupina affecti, tristes, vigilantes, amantes, aliique sensim contabescunt. De Tabe, ventriculi vitio, & excrementorum ibidem stagnantium congerie, speciatim meminit Petrus Jo: Faber de

*Morbis lib. 3. cap. 2.* Et plura exempla tabidorum ex latente affectione ventriculi, aliorumque viscerum naturalium, illæsis interim pulmonibus, referuntur à Skenchio *in exerc. Anat.* à Platero *lib. 2. obs.* & à Carolo Pison. *de Morb. à serosa colluvie.* Citrà pulmonis ulcus, aut sanguinis, purisque sputum, Phthifim accidisse refert etiam Galenus 4. *de loc. aff. ult.* ubi quosdam recenset absque manifesto pulmonis ulcere, aut sanguinis screatu, Phthificorum more decessisse. Hinc mavult VVillifius definiendam Phthifim, *totius contabescientiam à mala pulmonis conformatione ortam.* Et Paulus Barbette, *Humoris nutritii consumptionem.*

Phthificos autem ex pulmonis vitio causas veteres ex Hippocrate duas tantum constituere, acrem, & salsam è capite distillationem, & venæruptionem. At non solum acris humor, aut salsus, sed quicumque alius, si in pulmonem irruat, ibique restagnans computrescat, Phthifim inferet: distillationes enim, inquit idem Hippocrates 7. *Aph. 38.* in ventrem superiorem, suppurantur intra viginti dies; neque solum à capite, sed ab aliis partibus confluere excrementa in pulmonem docet Galenus 1. *epidem. cōm.* 17. Sanguis etiam in thoracis cavum effusus, atque in pus conversus eundem affectum parit, *eodem 7. Aph. 16.* Ab inflammatione item gutturis, pleuræ, pulmonis, aliarumque partium spiritalium suppurata idem sæpè numero contingit 5. *Aph. 8. 10. 15.* A tuberculis pariter, abscessibus, lapidibus, vermibus, aliisque præter naturam in pulmone genitis, Phthifim exortam referunt plurimi, inter quos VVillifius, Riverius, Heurnius, Hildanus, VVierius, Bartholinus. Ex variolis quoque in pulmone erumpentibus, & suppuratis, adol-

V. etiam Rhod. cent. 2. obs. 8. & Argent. 3. Art. M.

L. c. cap. 6.

Pract. lib. 3. c. 2.

Lib. de glandul. de loc. in hom. & 3. de Morb.

p. 2. Pharm. rat. Pract. lib. 7. c. 7. obs. 11. cent. 2. obs. 29. & cent. 1. obs. 70. 3. de præst. dem cent. 1. 4. 5. hist. 46. 43. 76.

lescen-



Seç. I. c.  
6.

lescentulum quendam Phthificum periisse non multis ab hinc annis vidi. A lymphâ vitiosa, & acriori in asperam arteriam delabente, & post excoriationem ulcus excitante oriri ut plurimum Phthifim existimat Sylvius *lib. I. prax. cap. 49.* illamque inter alias ejus causas etiam recenset, *tract. 4. de Phthifi.* Hunc tamen humoris defluxum à capite in pulmones per tracheæ ductus nullum fieri notavit VVillifius: siquidem ait, ex observatione Anatomica manifestò liquet nihil à cerebro per glandulam pituitariam (qua sola indè pateret transitus) in palatum, aut pectus decidere, sed serum ibi depositum per ductus proprios ad venas jugulares deferri, & sanguini remisce-ri, proindè ut nullus omninò humor, aut à cerebro, aut è palato in pulmones depluat. Suspiciatur propterea hic Author materiam tussim excitantem non à capite per tracheam, sed à tunica glandulosa ejusdem asperæ serum è sanguine in pulmones deponi, præter illud, quod affluentius è massa sanguinea, & lymphæ ductibus, in arterias pneumonicas, & sinus inanium fistularum effunditur, quibus pulmones inundari, atque ad tussim irritari arbitratur.

Crediderim autem ego etiam ex reliquis glandulis circumjacentibus, & tum laryngem, tum œsophagi summitatem stipantibus, exsudare istiusmodi serosum humorem, qui eas partes titillans, ac vellicans nonnunquam ad inaniter extussendum sollicitat; & aliquando etiam ab immodica gurgulionis relaxatione ejusmodi inanis tussis provocatur, stimolata solummodò epiglottide, & superiori Asperæ arteriæ parte, sicut accidit à potu gelido, à borea, & similibus. At verò ab iis-

Tozzi Op. Med. Tom. I.

dem ductibus, quibus illa, quæ simplici scretu educere solemus, extillare quoque poterunt, quæ tussim molestant, & Phthifim concitent. Nec quidquam insuper vetat, quin etiam ex salivariis, canaliculis possit lymphicus humor, cum multus, aut acris est, laryngem vellicare, in ejus cavum defluere, & tracheam, ac pulmones inficere.

Sed & insuper sine defluxu humorum aliudè derivantium, non rarò gravatur, & inficitur pulmo lymphâ per proprios meatus illuc deducta, quæ vel ob eorundem obstructionem, vel propter sui crassitiam talem pulmoni, & sanguini affectionem degenerata imprimit, ut sensim Phthifis consequatur. Ab effluviis item corporis solitis per poros cutis evaporare, & ambientis frigore intus cohibitis, subindeque sanguinem fermentantibus, serosa sanguinis recrementa cumulari, & in pulmonem deponi advertit VVillifius: Quamvis exindè potius tussis concitetur, quæ si fortassè inveterascit, Phthifim procreat.

Notabile sanè est, quod sæpiùs expertum, atque à pluribus memoratur, integras familias hoc morbi genere extinctas, & veluti hæreditario jure infectas. Novi ego quatuor ex eadem Matre phthifici natos, qui supremum diem obierunt unus post unum pari intervallo, quo orti, conformibus symptomatis, & æquali ferè durationis morbi tempore; ut propterea credibile putaverim contagium, seu fermentum à matre communicatum pulmoni, aliæve thoracis parti inhæsisse, quod deindè à nativitate fermentescere cœpit, & fermentationis terminum parem habuerit: quo pacto experimur ex eadem arbore decerptos fructus æquo tempore fermentescere,

N 3

& ma-



Append.  
Prax. tr.  
4. de ph-  
thisi.

& maturari. Vel etiam à sanguine, aliisque liquoribus in certam crasim evectis fermentum illud fuisse promotum, ut postmodum pulmones, immò & nutritium succum ad Phthisim excitandam corruperit. Probabile quoque est; quod Sylvius Deleboe in hanc rem meditatur de glandulis ad asperæ Arteriæ latera sitis, & cum testium parenchymate affinitatem habentibus, ac Thyroideis dictis, è quibus succum aliquem, in eandem Arteriam deferri suspicatur, qui si præter naturam acrior fiat, facile pulmones afficiat, & ætatum mutatione magis adhuc immutatus Phthisim inducat, illamque hæreditariam, ejusmodi scilicet vitio à parentibus contracto; sicut pariter cum glandulæ Pulmonis vomicis, seu tuberculis inficiuntur.

V. Hip-  
poc. 3.  
epidem.  
comm. 3.  
70. &  
Galen.  
ibidem,  
& comm.  
1. 1. epid.  
18. & 2.  
de tem-  
per. 6.

Dicuntur autem ad contrahendam Phthisim maximè dispositi, qui angusto nimis pectore, longoque collo sunt præditi, grandiori capite superincumbente, & scapulas habent instar alarum exporrectas, quique destillationibus, ac tussi magis obnoxii sunt, atque ex quacumque levi causa, etiam externa, illas incurrunt, & anhelii fiunt, spirantem Boream, vel Austrum non ferunt, sed protinùs tussientes evadunt: His enim indicatur tum mala pectoris conformatio, & imbecilla nimis pulmonum constitutio; tum etiam facilis serosæ substantiæ accretio, & promotio, atque in tracheam, & pulmones delatio; undè affici, erodi, ac pus, & Phthisim subire poterunt. Hæc autem potissimum eveniunt Autumno, si pluvix ingruant, & vigeat austrina constitutio ex Hippocrate. Qui in fodinis metallorum versantur, illorumque fusores, ac fabros ferrarios hoc affectu facillimè corripitur pluries vidimus.

Ab his, quæ ferè communi, & unanimi voto stabiliuntur ab aliis, solus desciscit Paulus Barbette contendens non solum partes affectas in Phthisi præcipuè esse Ventriculum, Pancreas, glandulas lacteas, per consensum verò pulmonem; sed etiam causas illius referendas esse ad Ventriculum malè digerentem, & succum pancreaticum malè sese miscentem bili, undè chylus crassior exoriatur, qui in glandulis lacteis hærens illas induret; indèque nonnisi serosior pars per ductum Thoracicum in Cor feratur; vesiculas verò Pulmonis lymphæ repleti crassiori ibidem reddita; undè anhelatio, & tussis: pulmonem insuper ulcerari negat, nisi longo temporis tractu degeneraverit, vel in Vomicam, vel in Empyema: contrarium enim se perpetim observasse fatetur in cadaveribus hoc malo extinctis. Quamobrem pro curatione addit se contra omnium Medicorum sententiam acidis temperatis felicissimè usum; & contra, dulcia acidis non temperata, ægris semper aliquantulum obfuisse. Hinc miscet cum expectorantibus salem prunellæ, & nitri, tartarum vitriolatum; atque etiam unicè commendat spiritum salis dulcem, & liquorem tartari, itemque spiritum sulphuris per campanam.

Sed & Richardus Morton ad Phthisim revocans reliquas omnes Tabis species (præter eam, quæ Pulmonum propria dicitur) veluti morbos alios consequentes, proindèque secundarias appellatas, Phthises constituit, vocatque Scrophulosam, Scorbuticam, Asthmaticam, Hystericam, Hypochondriacam, Hepaticam, Rheumaticam, aliasque, prout ab hoc, vel illo morbo, aut etiam ab una, aliave causa, originem traxerint totius corporis emaciationes:

In sua  
Phth.-  
siologia.

quam-



quamobrem pro earundem curatione, primariæ origini, & causæ primævæ insistendum esse monet: id quod sanè cæteros omnes vetustiores Rei Medicæ Professores haud quaquam latuit; quippè cunctis notum, semper adversus causas, & primarias ægitudines pugnandum esse, cum inde dependentes ad classem symptomatum redigantur.

Imminentis Phthisis signa plerumque sunt, acris, aut falsa destillatio, respiratio non facilis, tussis diuturna, & ut plurimum sicca, mox verò cum sputo modico sanguine intincto, deinceps etiam purulento: Febris adjungitur pusilla, sed continua, & marcor universalis sensim subsequitur. Evidentiora verò erunt indicia, si ex præcedenti pleuritide, aut peripneumonia empyema relictum fuerit; aut ex dirupta pulmonis vomica; sicut etiam ex apertis, vel erosis vasis pneumonicis spumolum sanguinem eruantibus; ex thoracis vulnere, unde sanguis in illius cavum defluxerit. Si verò quod excreat æger, omninò purulentum est, ac sordidum, respiratio difficilior evadit, & corpus manifestius contabescit, pedes intumescunt, ungues incurvantur, fames minuitur, & sitis augetur; immò & febris noctu ingravescit, & aliquot horis à cibo, non rarò sudore inutili confociata; jam de confirmata phthisi non amplius ambigendum: immò etiam signa hæc solent proximè morituros comitari. At verò eos, qui prætereà, quod expuunt ægri, in salitam, tepidamque aquam, & in ignem iniiciendum suadent, ut de Phthisi certificent, jure notat Aretæus inquiens: *Quicumque aut igne, aut aqua, humiditates hic explorat, ac notat, hunc videri haud ita multum phthoem dignoscere.* Quinimò signum ex graveolentia desumptum fallax

reputat VVillisius *cap. de Empyemate*: quamvis sæpius lethale dicatur Hippocrati 5. *Aph.* & alibi.

E Phthisi pauci evadunt, sed & periculo proximi sunt, quibus defluvium capillorum, & alvi fluxus accidit, aut sputum retinetur. Ab ulcere pulmonis insuper insanabilem tradit Galenus, vel difficillimè, ob laxam ejus visceris substantiam, ob assiduum ejusdem motum, & quòd citrà tussim sanies indè repurgari non possit, atque ob difficilem medicamentorum ad eas partes commeatum. Signa verò convalituri ab Hippocrate proposita 2. *prorrh.* non tam facilè jungi possunt: requirit enim ut æger *sputum album, æquale, ejusdem coloris, nulla pituita commistum per tussim facillimè eiiciat: per nares expurget quod à capite defluit: febris careat: cœnam leviter ferat: non sitiat: durum, & quotidie, pro ratione ciborum assumptorum, egerat; nec sit adeò corpore extenuatus.* De Phthisi verò fœminis contingente hæc profert: *Minimè superstites erunt, quibus ex suppressis mensibus tabes oborta est, si verò illi floridi appareant, & reliqua signa bona accedant, evadent. Quibus denique vox rauca fit, malæ livescunt, cum prius rubuerint, pulsus elanguent, atque insueta fames, qua avidè nimis ingurgitant, supervenit, mors in propinquo est.*

Phthisin jam productam, & confirmatam Medicorum nemo ausus est aggredi, cum sua natura insanabilem existiment; quin etiam ægrotos veluti contagiosos cominù tractare reformidant. Solùm ea propter curandam suscipiunt, quamvis ægrè, quæ nondum altas fixit radices, neque ægrum adeò dejecit, ut viribus defecerit: his namque constantibus, spes aliqua salutis affulget; aliter de

V. Hipp.  
de inter.  
affect.

i. De  
sign. &  
caus. diu-  
tur. morb  
cap. 8.



vita actum erit. Initianti ergo phthisi protinus occurrendum, itemque obfistendum imminenti. Imminet autem à diuturna, & pertinaci tussi, à sputo sanguinis, aut puris: cum enim tussis diutius perseverat, sive sicca, sive humida illa sit, maximè verendum de erosione, & ruptura vasorum spiritalium, ob assiduam thoracis, & pulmonum concussionem. Neque insuper tussis ista tamdiù perennat, nisi ab irruente acris, falso, aut acido humore, vel vapore (ut in scorbuticis) partes illæ continuo prorirentur; undè tandem eas corrodi, vel graviter affici necessum erit. Tusses namque aliis de causis inductæ intra limites catarrhorum ad summum spontè sua desinere solent. Sputum verò sanguinis, aut puris, nisi opportunis remediis succurratur, certè Phthisis sequetur, ex superius memoratis. At verò cum partes pneumonicas erodi, & ulcerari contigerit, indeque pus rejectatur, & febris lenta exoritur, vel ex infecto pulmone sanguis contaminatur, difficulter æger respirat, sensim contabescit, vehementer fitit, vigilat, aliisque symptomatis, vexatur, non de imminenti, sed de inchoata omninò judicandum:

Imminentem autem præcavebimus, delapsam in cavum pectoris materiam congruentibus remediis educendo, atque illabentem inhibendo, corrigendoque; quæ propterea si crassa, & viscosa fuerit, attenuanda, mox etiam expectoranda elixire proprietatis, julapio vitali, aqua vitæ Matthioli, aqua cinnamomi, ejusque essentia, syr. de hederæ terrestri, de tussilagine, de hyssopo, rubino sulphuris. Si verò fluxilis ac ferosa, immò etiam acris, & falsa illa fuerit, corrigetur pilulis de cynoglossa, & de styrace tum Sylvii, tum Schroderi, ejusdemque pilulis ad tuf-

sim. Pulveres etiam, tabellæ, & eclegmata ex olibano, tragacantho, & mastiche, styrace, glycyrrhiza, succino, opobalsamo, balsamo Peruviano; itemque pulveres Haly, syrupus papaveris rubri, & albi, diatrageanthum, diacodion profunt. Diuretica, & sudorifica, sicut pariter hydragoga locum solum habere poterunt, si lymphæ, aut serum superabundare videatur, de quibus alibi.

A sputo sanguinis, vel puris, imminenti prævenient, quæ de curatione sputi sanguinis, & empyematis dicta sunt.

Inchoatam verò Phthisim, immò & productam plerique jactant se feliciter curasse. Avicenna, Mesues, Valescus, de Taranta, Valleriola, Zacutus, aliique saccharo rosaceo. Idemque Valescus aliàs cum pulvere Haly. Philippus Ingrassias decocto ligni sancti: sicut & Riverius solis passulis, & decocto hordei, ac glycyrrhizæ. Quercetanus syrupo ex succo hederæ terrestri suæ descriptionis, cum floribus sulphuris. Et Cardanus decocto caudarum, & chelarum cancrorum in aqua hordei. Refert Boyle Medicum quendam fumo sulphuris, succini, & betonice, vel tussilaginis Phthisicos sanasse. Alibi etiam memorat, ad tussim Phthisicam mirificè contulisse passulas majores exacinatæ, rutæque summitatibus infartas, & mane comestas. Et Petrus Borellus cujusdam Pharmacopœi meminit, qui utebatur butyro, è lacte muliebri elicto, tamquam arcano optimo ad tabem; additque nullum remedium illo præstantius esse. Paracelsus commendat unguentum compositum ex axungia, & medulla Cervi cum oleo de baccis lauri: quo vult ægrotum manè, & vesperè inungendum esse quousque urina muteatur: fordes tamen prioris inunctionis

Lib. 3. f. 10. tr. 5. cap. 6. cap. de Phthisi. Lib. 3. c. 11.

Lib. 5. obs. 5. obs. 130.

lib. 1. prax. admir.

V. monitum Sylvii in hujus usu l. 1. prax. c. 34. n. 100.

[Confil. pro Duce Terræ novæ, & Marcell. Don. l. 3. c. 10.

Cent. 1. obs. 99. In Pharmacop. rest.

Sect. 3. m. m. cur. 8. De util. Philos. exper. 5. f. c. 6.

Cent. 3. obs. 82.

singu-



singulis vicibus detergendas aqua, & aceto simul bullitis. At hæc plerumque fallunt, & conceptam spem salutis sæpissimè eludunt.

Lactis usu, atque aeris in meliorem mutatione, aliquid emolumenti Phthificis quandoque accidit: maxima enim utrisque vis inest; lacti quidem in alendo simul, & corrigendo sanguinis vitium; aeri verò in pulmonis obstructions, ac superfluitates dissolvendo, absumendoque.

Verùm nonnulli temerè lac exhibent, cùm pure pulmo est gravatus, ulcus fordidum, & sputum nedùm purulentum, sed copiosum est; ventriculus elanguet, aut a core infestatur, vasa chyliifera, & glandulæ Mesenterii, ac lumborum obstructæ, aliove simili modo reliquæ partes corporis affectæ sunt, maximo ægrorum nocumento: etenim à lactis usu fordescit magis ulcus, pulmo laxatur, alvi solutio suboritur, vel vomitus, febris augetur, venter inflatur, & alia incommoda gravissima sequuntur, quæ longè majora erunt, si aliquid eorum accedat, quæ memorantur ab Hippocrate 5. *Aph.* 64. Hinc paucissimos invenies, quibus illius usus fuerit salutaris. Porrò qui opem aliquam exindè experti sunt Phthifici è pulmonis vitio non fuerunt, sed simplici atrophia correpti.

Majus, tutiusque ab aere juvamen planè sperandum, si is purus, serenus, ac mitis sit, ex quo ulcus pulmonis detergi, & sanies sensim reficcari possit. Undè Galenus Phthificos suo tempore Stabias mittebat: siquidem pervadens pulmonis meatus aer, ac ejusdem vesiculas pertingens, efficacissimam opem præstat, quam aliundè sperare non est. Num verò tenuem eligere deceat, an paulò crassiorem, montanum, aut campestre, deducit scitè VVillisius *hoc loco* ex varia

pulmonum, sanguinis, & corporis patientis constitutione, ut propterea aliquibus tenuior, aliis crassior profuturus sit. Fugiendus tamen omninò humidus, austrinus, palustris, & minimè perflatus, utpotè qui fluxiones adauget, pulmones opplet, & conspurcat, saniemque cumulat. Quamobrem non video, cur tantopere commendetur indiscriminatim à Nostratibus aer maritimus ad Margellinæ oram, ventis australibus perpetuò expositus, ideòque promovendis fluxionibus aptissimus.

Simul cum aeris mutatione haud inutile erit aliqua in curationem Phthiseos tentare, ne saltem omni spe se destitutos tabidi existiment, desperatisque rebus, errorem in victu committant. Quare vulnerarias potiones perquam commodum erit exhibere, cum sulphureis medicamentis pectoriamicis; potissimum verò balsamo sulphuris anisato, cui vis præcipua inest ejuscemodi ulcera abstergendi, & à sanie mundandi. Elixir proprietatis Helmontii etiam optimum erit. Efficaces quoque aliquando expertus sum trochiscos à P. Barbette descriptos in sua praxi, addendo ad paræm dosim oculorum cancrorum, stibium diaphoreticum. Bezoarticum animale Hartmanni, ex carne viperarum elicatum, etiam prodest: & aqua stillatitia hederæ terrestris ex Paracelso.

Interea vitentur acida, glutinantia, cruda, humida, frigida, quamvis tabes hæc omnia videatur exostulare: nisi enim ulcus abstergatur, & pus omninò repurgetur, tantum aberit, ut nutriant, ut potius inquinent, saniem cumulent, & pulmonem relaxent, aut oppleant; cùm tamen præcipuum in Phthisi curanda sit, ulcus pulmonis detergere, ac emundare, & pus, ac quicquid Thoracis cavum,

Se&. 1.  
c. 6. p. 2.  
Pharmac  
Rat.

IV. Gal.  
lib. 5. me-  
th. c. 8. &  
12.

Cap. de  
Phthisi.

Gal. 5. M.  
c. 12. vo-  
cat Ta-  
bias.



vum, aut spirituales partes occupat, educere, & expectorare: quibus neglectis, cætera frustra tentabuntur; at verò à pure deterfo ulcere, sponte naturæ reliquum complanabitur, & carnes absumptæ restituentur.

Aliæ Phthisis species, ab aliis causis superius memoratis exortæ, per ea, quæ prædictas causas remonent, aut corrigunt, ex alibi dicendis curabuntur.

### DE CORDIS PALPITATIONE.

**M**otus ille cordis inordinatus, & nimis vehemens, quo videtur à sua sede dimoveri, & tam violenter aliquando pectus percutitur, ut strepitum edat, & igneam celeritatem imitetur, palpitatione à nostris appellatur, Græcis *παλμός*.

Multifariam accidere solet, & ipse non semel observavi ægrotos palpitationi obnoxios, tam inæquales in motu cordis, & arteriarum distorsiones pati, ut referrent se percipere in ea regione motum irregularem epilepticis similem, unde animo quoque, & mente deficiebant: quamobrem ejusmodi motus omninò diversus à consueto videbatur, qui à Villisio Tremor cordis dicitur. Aliquando verò palpitatione præsetulit vehementem, velocissimumque motum cordis, & arteriarum, in quo tamen contractiones, expansionesque internoscebantur. Quandoque etiam inordinatum cordis motum non compatiebantur arteriæ. Hinc suspicor pro diversitate causarum diversimodè cor in palpitationibus affici. A sanguine acidiori reddito, vel consimilibus halitibus infecto, ut in scorbuticis, & hypochondriacis, affectus hic etiam sensum distorsionis refert, cum inde fibræ illius, & interna superficies acutiùs irritata inæqualiter

corrugentur, & percellantur; atque si ab ejusmodi acido sanguis concre-scat, & remoretur; præter palpitationem interitus accidet. A tuberculis, lapillis, vermibus, aliisque in corde præter naturam genitis, immunes erunt, vel saltem leviùs afficientur arteriæ. A sanguine acriori, sed non sufficienter ab Aorta suscepto, palpitationem comitabuntur pulsationes arteriarum inæquales; at verò in corde tales, quæ etiam tactu discernentur. A sero in Pericardio abundantius collecto (quod inter causas morbi hujus referunt ex Galeno plerique, experimentis in Simia, & Gallo habitis) Palpitationem minimè fieri arbitratur Isbrandus de Diemerbroeck, cum viderit ex copiosiori sero dilatatum Pericardium, ex quo commodiùs cor intra ipsum expandi posse censeat; solum autem pulsum exinde reddi languidum, & rarum. Et quidemeo loco Galenus meminit se in Simia, & Gallo observasse tumores in Pericardio genitos, quorum alter hydatidas, alter verò scirrhum referebat.

Varia præterea observantur palpitationes cordis à causis procatacticis inductæ. Nonnullos novi ab esu castanearum, & leguminum hujusmodi incommodum subiisse, quod pulsus intermittens certo ictuum intervallo comitabatur: & alios, qui à potu copiosiori meraciorum vinorum idem malum sustinuerunt. Vivit adhuc quædam Virago, quæ quoties irascitur, saltum inæqualem patitur cordis, & arteriarum, tanto impetu, ut toto corpore tremat, videaturque vehementissimo rigore, aut horrore corripì. Referuntur ab aliis alii, qui ex inopino timore idem passi sunt. Ex suppressis menstruis passim occurrunt in mulieribus alię palpitationum species; itemque ex hypochondrio-

5. De loc. aff. 2. Rioli. art. med. par. f. 1. tr. 2.

Anat. l. 2. cap. 5. V. Richard. Lovver. de corde c. 2.



rum perturbationibus, quæ sanè non uniformem exhibent cordis tremorem. Hinc credere licebit è varietate causarum cor gravantium, opplentium, stimulantium, inflantium, ejusdemque ductus impredientium, aut alio quocumque modo afficientium, inordinatos, & tremulos motus varios in illo concitari, quos generaliori nomine palpitationes Medici appellare consueverunt.

His addere non inutile existimavi, me aliquando causam hujus deprehendisse non quidem in corde, ejusque sinubus, arteria magna, aut pericardio, sed in venæ cavæ ascendentis ramo, qua parte auriculæ dextræ cordis adjungitur: ibi enim tenax, & viscosus humor concreverat, atque arctam nimis influenti sanguini viam reddiderat; undè palpitatio, & mors subsequuta est.

Plures alias causas præ cæteris recenset Ballonius, atque illas vel in ipso corde, & partibus adnexis, vel in locis remotioribus constituit; undè idiopathicè, vel sympathicè afficiatur.

Observationibus autem innotuit à flatibus, aut vaporibus illatam palpitationem citissimè desinere, præsertim ructibus frequentioribus. Si tamen ab affectione hypochondriaca, vel scorbutica, illi dependeant, diutius vexari solent ægroti; sicut pariter si ab utero in fœminis oriantur. Si ex abscessu, tuberculo, lapide, cor palpitet, & gravius, & indefinenter æger torquebitur. Ex vermibus verò, præter saltum, percipiet patiens veluti morsum, cum dolore in sinistro latere; quin & aliquando lipothymiam experietur: Ab aqua in pericardio diminuta, vel adaucta, ac putrefacta, sequitur Tabes, vel Hydrops.

Quamvis valdè gravis sit hic mor-

bus, solet tamen aliquandò sponte sua desinere, cum aliundè quàm à corde originem ducit, & à vaporibus facile diffilabilibus dependet. At verò si sæpiùs repetat, vel fixam habeat in corde causam, illamque lipothymia comitetur, repentinum interitum minatur.

Qui à flatibus, & vaporibus morbum hunc oriri putant, flatus discutientia medicamenta præcipiunt, atque exterius cordis regioni admovent Theriacam vino albo veteri lotam, vel etiam decoctum roris marini, pulegii, cumini, croci; exhibitis interea diambra, diacinnamomo, confectione, vel tinctura alkermes, elixire vitali, & proprietatis, aqua vitæ Matthioli, & similibus.

Si vermium suspicio adsit, approbat Richardus Lovver cataplasma è foliis cinaræ, tanaceti, & absinthii vulgaris, aceto vini albi acerrimo incoctis, & cum mithridatio mistis, quod regioni cordis applicat. Usus allii manè assumpti ab aliis mirificus dicitur: de qua re notabilem historiam narrat Jo: Hebenstr. relatus à Boneto in *Anat. Pract.* Speciatim de his vermibus in corde, vel Pericardio genitis agit Hartmannus in *suapraxi*, aitque, morbum esse virginibus familiarem, atque dignosci à punctiionibus, & doloribus cordis, cum convulsione; Curari verò usu Mercurii vivi purgati, & mortificati ad scr. j. cum conditura rosacea ad unc. ss. & granis ij. benzoini pulverati; vel ejus loco aqua, in qua idem Mercurius sit infusus, aut elixus: vel, ut mavult Cardilucius, destillatus: Post excretos lumbricos, convulsionibus, & paroxysmis recurrentibus occurrit, extracto allii, raphani sylvestris, & nasturtii aquatici ad scr. j. in jure.

Si ab obstructione, scorbutica, vel hypochondriaca affectione, cordis palpi-

Tra&. de  
Corde.

L. 2. f. 8.  
obs. 25.  
V. Arc.  
Alex. Pe-  
dem.

V. Ker-  
ckring.  
obs. A-  
nat.

Conf. lib.  
L. cap. 15.

V. Schol.  
Holler.  
cap. 29.  
de Mor-  
bis in-  
tern. &  
Saxon.  
prælect.  
præct. p. 2.  
c. 1. §. 3.



palpitatio oriatur, opem ferent humores deducenda, antiscorbutica, & antihypochondriaca, præcipuè verò ex chalybe composita; sicut pariter quæ alkalia dicuntur, & acria, atque amara sunt, ut raphanus sylvestris, cochlearia, nasturtium aquaticum, absinthium, centaurium minus, crocus, camphora, potissimum si ex his salia eliciantur, aquæ, vel spiritus. Ita quoque, si tremorem referat, vel motum epilepticum, adhibeantur, vel saltem commisceantur cardiacis, quæ ex succino, castoreo, sale ammoniaco, aliisque conficiuntur adversus epilepsiam.

A cæteris causis non adeò notis, prodesse solent Cardiacæ ex croco, cinnamomo, ambaro, ligno aloes, moscho, cæterisque parata. Theriaca etiam, & Mithridatium hîc locum habent: confectio alkermes, diambra, diamoschum, atque ex his tincturæ. Oleum cinnamomi efficacissimum est, itemque aqua vitæ Matthioli, aqua magnanimitatis, elixir vitæ, & proprietatis, spiritus cardiacus Tentzelii, spiritus theriacalis, si præsertim bezoardicis adiiciantur. Spiritus melissæ solus curat, inquit Jo: Faber, cordis palpitationem. Tinctura insuper Antimonii mirabiliter aliquandò profuit ad plures dies exhibita, roborando simul, & causam morbificam fugando. Ex sale ammoniaco, sale tartari, & cinnamomo, in spiritu vini, elicetur spiritus magnarum virium, nec solum in hoc, sed etiam in aliis affectibus efficacissimus. Ab Hartmanno ad inveteratam cordis palpitationem commendatur mumia hominis sani aliquoties in aqua cinnamomi assumpta: itemque aqua theriacalis Crollii, & camphorata ejusdem. Ab aliis alia plura proponuntur, sed hæc satis.

## DE SYNCOPE, Cæterisque animi defectionibus.

Quatuor hîc Medici distinguunt, *Ἐκλυσις*, *λειποθυμίαν*, seu *λειποψυχίαν*, *συγκοπήν*, & *ασφυξίαν*. In prima leviter ægri animo deficiunt, in secunda gravius, in tertia gravissimè, in quarta demùm morti ferè proximi fiunt. Differt autem Lipothymia à Syncope ex Gal. 1. *de arte Curat. ad Glauc. c. 14.* quòd illa tanquàm levior hanc longè graviorem præcedat; unde imperfecta syncope appellatur, cùm sensus in illa non penitus deficiant, neque ex Aetio sudor accedat, sicut in syncope, quæ Galeno 12. *meth. cap. 5.* præceptis virium lapsus dicitur.

Tetrab. 2  
ferm. 1.  
cap. 101.

Animum deficere ferè communiter ajunt, si spiritus vitales non generantur, vel geniti dissolvuntur, aut inquinantur, suffocanturque. Non generantur autem, cùm deficit, aut inepta est materia, seu alimentum: Geniti verò dissolvuntur à malignis, venenatisque humoribus, aut vaporibus: à nimio æstu: à motu, inedia, vigilia, usu Veneris, & evacuationibus quibuscumque, cùm modum non servant, & vehementibus animi pathematis, & doloribus acutissimis, diùque perseverantibus. Inquinari demùm, & suffocari dicuntur à crassis, crudisque succis, à ciborum, potuumque copia, à fuliginibus retentis, à subito confluxu eorundem spirituum, & sanguinis in cor, simul cum crassis vaporibus ab imo ventre elevatis, aliisque similibus.

Verùm non desunt qui aliis omnino diversis causis defectiones animi adscribendas existiment. Villisius illas refert ad varia sanguinis vitia, spirituumque animalium defectum: in sanguine namque, & animalibus spi-

Pharm.  
rat. 1. f. 6.  
cap. 1.

spi-



Prax. lib. I. cap. 34. spiritibus vitam, cunctaque vitam consequentia, consistere is arbitrat. Sylvius etiam Deleboe omne animi deliquium fieri credit ab ipso sanguine ad cor accedente, si cum illo misceantur, quæ ipsius naturalem æstus ita turbant, & immutant, ut inde cor non satis expandatur, contrahaturque, nec sanguis sufficienter in arterias effundatur. Unde autem ejusmodi vitia sanguini accedere possint, luculenter explicat, deducitque ex pluribus, quæ cum sanguine conjuncta sunt, eidemque assiduò suggeruntur; præsertim autem aere, chylo, lympa, bile, succo pancreatico, si scilicet excedant, vel deficient, aut alio vitio afficiantur. Speciatim verò syncopem oriri ait ab acido, majori copia ad cor deducto, cum aliorum humorum glutinamento: & insuper, ab halitibus etiam acris, è tenui intestino assurgentibus, & ad cor per ductum Thoracicum transmissis, ac sanguinis fermentationem turbantibus. Neque verò silentio prætermittendus Helmontius, qui syncopen, sicut & alias cordis, & cerebri ægritudines malè affecto stomacho adscribit.

Eod. l. n. 66.

Cap. 19. n. 56.

T. Sedes Animæ, & jus d. unvirat.

Señtis prætereà cadaveribus syncopæ interemptorum detectum est plurimos à concreto in ventribus cordis sanguine, aliove humore ibidem stagnante ejusmodi morbi genere affectos periisse: alios à vermibus, & lapillis: alios à crassis, viscosisque succis in vena cava, & auricula dextra cordis hærentibus: alios ab effuso in pulmones sanguine, alios ab inflammatione Pericardii, ulcere, sanieque cor obsidente: & quod majus, à Pancreatis, ventriculi, & præcordiorum abscessibus. Undè tam variæ esse possunt deliquiorum causæ, ut sana ratione solis spiritibus vitalibus deferri minimè possint, quos in sola

sanguinis vivida parte consistere aliàs ostendimus. Quare si vitia solidarum partium excipias, certè ab uno sanguine quicumque defectus animi dependent, & potissimum cum is exsolvitur, & deflorescit, cum concrevit, & in grumos vertitur, seu novo pabulo destituitur, aut in suo motu interturbatur, sive etiam aliò, quàm quò debet, effluit, vel violentius, quàm par sit, irruiat. Ex his enim nedum leipothymia, aut syncope, sed etiam mors repentina accidit.

Syncopen comitantur pulsus languidus, & penè deficiens, pallor faciei, partium extimarum refrigeratio, sudor circa frontem, & cervicem, repentinus casus, & languor universalis. In Leipothymia hæc omnia, sed aliquanto leviora observantur; & longè mitiora in *Εκλυσει*. Ab iis autem, quæ præcesserunt, & à concomitante alia ægitudine, à duratione, & ab adjunctis præter morem symptomatis, cæterisque, de causis conicere licebit. Cæterum internoscetur syncope, & leipothymia ab epilepsia per motus convulsivos, qui hunc affectum solummodò comitantur: ab apoplexia, per sudorem, partium refrigerationem, & pulsum languorem, quæ in apoplexia defunt: ab uteri præfocatione, per respirationem; in hac enim affectione, deficiente respiratione constant pulsus, secus ac in syncope.

Inter lethales affectus accensendus hic est, nam si diù perduret, atque à cardiacis, & exhilarantibus non desinat, fixam denotans in sanguine, & præcordiis, affectionem, certò perimit. Periculosior est, quæ citrà evidentem causam accidit, & sæpiùs repetit; undè Hippocrates 2 *Aphor.* 41. *Qui frequenter, ac fortiter absque causa manifesta deficiunt animo, repente moriuntur.* Minus verò periculo-

V. Gal. in com.



culosa est, quæ à patente causa procedit : huic enim facilius occurri potest.

Confert in faciem languentis inspersus illicò spiritus, vel aqua rosarum, florum malorum aureorum, aut medicorum, liliorum convallium, cæterorumque hujusmodi. Tempora, nares, palatum, arteriæ in carpo, & cordis regio inungi poterunt oleo, vel balsamo succini albi, cinnamomi, caryophyllorum, rutæ, melissæ, citrii, de scorpionibus Matthioli, aut M. Ducis. Odor Ambari, & Moschi, citò etiam succurrit. Cavere autem oportet in foeminis tum ab his, tum à reliquis rebus odoris. Theriaca quoque, & Mithridatium opem ferent, si vino veteri, & odorifero diluantur. A spiritu vini, vino ipso, & cujusvis generis elixire non leve emolumentum sperandum est. Neque solum prædictæ partes, verum etiam volæ manuum, & plantæ pedum his sæpius abluantur; atque interea calidis fomentis fovendæ, itemque perfricandæ præsertim cum sale communi trito ad promovendum sanguinis motum. Si verò æger quidpiam assumere valeat, offerri poterit aqua cinnamomi cum elixire vitali, tinctura confectionis alkermes cum oleo cinnamomi, iulep vitale, & auratum, essentia melissæ, & croci, aqua theriacalis, & magnanimitatis, tinctura salis tartari, spiritus salis ammoniaci in formam julapii redactus, & id genus alia, quæ vulgò cardiaca appellantur.

In praxi. Notat autem Hartmannus in Leipothymia ex stomachi vitio prodesse primum, quæ vomitum movent, deinde quæ roborant, ut oleum zedoariæ, essentia melissæ cum spiritu vini, & aliquot guttis olei juniperi: id quod etiam observandum in Leipothymia ex veneno assumpto, si adhuc ventri-

culicavum occupet; immò vomitorium ex pinguibus, & oleosis faciendum, ut vis, & acritas veneni retundatur, ac ventriculi tunicæ obliantur, ne ab illo patiantur erodi.

Pari ratione, transacto paroxysmo, peculiariter occurrendum causis, ex quibus Leipothymiam, aut syncopen ortam fuisse suspicamur: idque potissimum ne redeat, & vehementius affligat. Quare si ab effæcto, deficienteque sanguine illa proveniat, restaurantibus utendum, aromatis, & alimentis sale volatili præditis, præsertim autem vino, vel simplici, vel medicato, in quo scilicet acria vegetalia sint infusa, cinnamomum, caryophylli, piper, pyrethrum, rosmarinus, salvia, nux odorata, cardamomum, calamus aromaticus, lignum aloes.

Si à concrecente sanguine dependeat, dissolventia expostulabuntur, spiritus, & sal volatile C. C. salis ammoniaci, & viperarum, elixir magnanimitatis, spiritus vini. Cumque ejusmodi vitium plerumque ab acidis vaporibus, vel humoribus sanguini inferatur, usu acrium, & amarorem præferentium emendabitur, vino absinthite, elixire proprietatis, tinctura ligni aloes, sale centaurii minoris, extracto gentianæ, & similibus. Proderunt quoque quæcumque acidum nedum temperant, sed absumunt, ut præsertim sunt ex Antimonio parata, diaphoresim promoventia, itemque ex C. C. dictamno, contrayerva, scordio, aliisque elicita.

Si defectu alimenti oriatur, deficientibus, nutrientibusque cibis deficiens sanguis reparetur: non tamen tanti sint, ut potius opprimant; unde satius erit sensim, & per intervalla reficere.

Si à vehementibus animi pathematibus, ut præcipue contingit in panico terro-



terrore, violenta iracundia, repentino gaudio, ingenti mœrore, postquam æger ex inspersis liquoribus resipuerit, blandè in oppositas affectiones deducendus est.

Si ab hæmorrhagiis, irruptionibus, depositionibusque sanguinis, aliorumque humorum evacuationibus Leipothymia, aut syncope procedat, sistendus ille, cum fluit; dissolvendus verò, & per sudorem, si fieri potest, difflandus erit, cum aliquibi consistit, per sæpiùs repetita medicamenta utrumque scopum attingentia, ut sunt oculi cancrorum, spermaceti, mumia, sanguis hircinus, stibium diaphoreticum. In aliis verò humorum immodicis evacuationibus, roborantia, & opiata conferent.

Si ab irruente in cor, & præcordia sanguine, Syncope habeatur, difficile quidem erit illum sistere; at verò stagnantis sanguinis dilutio, & promotio, postea cum spiritu camphoræ, adjuvanda; adhibitis etiam extrinsecus cordis regioni dissolventibus ex aceto theriacali, theriaca ipsa, vel mithridatio cum aceto stillatitio dissolutis: Præter ea, quæ internè eandem opem ferunt, mox recensita.

Si denique ab abscessibus, lumbricis, calculis, aliisque in corde, ejusque Pericardio genitis, itemque à viscosis, tenacibusque humoribus in ductibus illius hærentibus syncope contingat, omni conatu, & quo citius fieri possit, maturationi tumor subiiciatur, indeque sanies detergatur, & expurgetur: vel, quod melius, insensibiliter resolvatur, aut in sudorem extenuetur. Lumbrici enecentur, & depellantur, ut in palpitatione dictum. Calculi per lithontriptica comminuantur, & egerantur. Et demùm viscosi, tenacesque succi incidentibus, & attenuantibus, ad al-

vum, vel vesicam deturbentur.

Haud dissimiliter, pro causarum varietate, varia victus ratio institui debet, & aliquando plenior, aliquandò parcior, nunc hujus, nunc alterius conditionis, crebrius, vel rarius, ut ex dictis perspicuum esse potest.

## DE MORBIS IMI Ventris.

**Q**uo ordine natura in imo ventre viscera disposuit, eodem & nos, distinctioris doctrinæ gratia, illorum ægritudines prosequemur.

## DE ÆGRITUDINIBUS Ventriculi:

Et primò

## DE CARDIALGIA.

**S**i cardialgiæ etymon spectetur, cordis dolorem significat. At apud Medicos molesta stomachi, seu orificii superioris ventriculi affectio hoc nomine appellatur, quod vetustioribus Græcis ex testimonio Galeni 2. meth. cap. 2. & 4. aphor. comm. 65. *καρδία* dicebatur.

V. etiam  
2. de plac.  
Hippoc.  
& Plat.

Neque solum stomachus dolore affici potest, sed etiam ventriculus universus, cum totus sensu præditus sit, quamquam longè acutiùs ille doleat ob copiosiores nervos, qui per eam partem diffunduntur. Speciatim verò tribuitur ventriculo anxietas à nonnullis, qua detenti accubitus non sufferunt, sed assiduò situm, & figuram evariare coguntur. Meminit quoque Galenus alterius ventriculi dolorificæ affectionis, quam attritionem appellat, eamque à cibis Ventriculum torquentibus, & attenuantibus fieri scribit. His Ventriculi dolo-

V. Galen  
7. Aph.  
comm. 56.  
& 2. pro-  
trih. 44.



Lib. de  
præcogn.  
ad Posth.  
c. 11.

doloribus addunt plerique Morbum illum à Celso *lib. 3. cap. 19.* memoratum, & Cardiacum dictum. Verum Celsus eo loco dolere ex hoc morbo Ventrículum minimè asserit, immò illum describit: *nimiameffe imbecillitatem corporis, quod stomacho languente, immodico sudore digeritur;* undè verisimile est, deesse dolorem in hoc morbi genere, cui tanta corporis, & virium exolutio contingit: quamobrem Galeno *lib. definit. Medic.* Cardiaci dicuntur, qui propter oris Ventrículi languorem animo deficiunt, & sudoribus exsolvuntur; & *primo de causis symptom. cap. 7.* Cardiacæ affectio Syncope stomachica appellatur. Cardiogmon denique, quem nonnulli cum Cardialgia confundunt, alii ad Cordis palpitacionem potius referunt, putantes esse crebrum, & velocem Cordis motum, palpitacioni similem, ut testatur idem Galenus *cit. 4. Aph. 65.*

Fieri putant ejusmodi Ventrículi dolorem, seu Cardialgiam ab humoribus, vel vaporibus acritudinem, & mordacitatem præferentibus, qui vel in eodem ventriculo, potissimum ex corruptis cibis, progigni, vel ab aliis visceribus ad illum confluere creduntur; undè tunicæ exquisito sensu præditæ percelluntur, & dolent. A vermibus prætereà Cardialgiam inferri sæpè observatum est: sicut pariter à calculis, erysipelate, apostemate, tum in ventriculo, tum in pancreate, adjunctisque visceribus, venenis, cathartico medicamento, lacte coagulato, cæterisque similibus. Verum ab acido potius exuperante in suo *Triumvirali* humore cardialgiæ causam deducit Fr. Deleboe Sylvius; indè enim halitus elevatos, & ad superius ventriculi orificium ascendentes, cum acriores fuerint, dolorem molestum, & cardiacas

Lib. 1.  
prax. cap.  
34 n. 68.

febres parere putat.

Quamvis autem vellicantes hos humores ferè omnes existiment ab aliis visceribus, & præsertim à jecore, cum præter naturam afficitur, in ventriculum pervenire: id tamen rationi non videtur consentaneum, detecta sanguinis circulatione. Quare probabilius est ex arteriis, & ramo cœliaco illuc confluere; vel potius è glandulis in ventriculo sitis exsudare, indeque vitiari succos illos, qui fermentationem, & ciborum dissolutionem promovent: quamobrem sicuti isti cum convenientem conditionem acido-acrem nanciscuntur, levem titillationem stomacho, & ventriculo afferunt pro famis stimulo: ità cum depravantur, & vitiosi fiunt, cardialgiam inferunt; quinimò cum saliva, & cum reliquiis ciborum in ventriculo commisti, indebitam fermentationem excitantes, magis cumulantur, & in varios, dissimilesque succos convertuntur, ferri æruginem, porrorum succum, vel mali citrii colorem referentes.

Contingit aliquandò porum felleum natura tam proximum Pyloro superfluitates biliosas è sua cysti deponere in duodenum intestinum, ut subindè aliquibus quacumque ex causa nedum cardialgia, verum etiam vomitus accidat. Anatome pariter innotuit quandoque recta bilem in ventriculum exonerari; undè moti quidam illam credidere confectioni ciborum necessariam. Sed hoc rarum est, & monstrosum.

Haud insuper prætereundum, suboriri non rarò ex mala, inconvenientique mistura succi pancreatici, & biliosi cum præterfluente cibo, dolorificam fermentationem, ob quam intestinum duodenum, aut jejunum, acrem, & lancinantem dolorem patiatur, qui fermè mentitur cardialgiam.



giam. At hic dolor infra stomachum percipitur, & post chyli secretionem sponte sua definit. Non tamen inficiasibo ex halitibus indè in pylorum, & ventriculum assurgentibus interdum has etiam partes affici, ut præfertim accidit quibusdam hypochondriacis, qui postmodum iteratis rutibus istiusmodi molestia liberantur.

Hæc easdem causas quoque consequi dolorificum alium ventriculi affectum, quem ardorem stomachi nuncupant, fas est opinari, cum experiamur in sanis, ab ingestis cæpis, alio, porro, pipere, & similibus ardorem hunc excitari; undè coniicere licet consimiles succos in his, qui hoc morbo corripuntur, progigni; ex depravato scilicet ventriculi fermento, vitiatis humoribus bilioso, & pancreatico, itemque ex corruptis alimentis, ut in scorbuticis, & hypochondriacis potissimum est observare. At, non quia ardoris sensum ejusmodi affectus refert, à solis acribus, & calorificis induci posse quis existimet; nam experimento satis, superque constat, acidos liquores unà commistos ingentem ebullitionem excitare cum manifesto caloris sensu: quin & scorbutici ut plurimum, & hypochondriaci de ardore stomachi conqueruntur, qui tamen acido superabundant.

Periculo non vacant stomachici, ob exquisitum ejus loci sensum, & ob imminentem leipothymiam, cum cor facile ad passionem stomachi in consensum trahatur. Gravius verò erit, si partium extremarum frigus accedat, cum sudore glutinoso, aut si cum febre jungatur. At ab externis causis inducti dolores leviores esse solent, quàm si à latente causa procedant. Minus quoque mali sunt, si ventriculum solummodò infestent, illæso stomacho; quamvis ab affecto

pyloro progeniti gravissimi adhuc sint, ex Helmontii documento. Ab assumpto denique veneno, aut cathartico medicamento, periculum quoque involvunt; pariterque à lumbricis, & abscessibus. Semper autem securiores, si citra febrim sint, cum plerumque vomitu, vel dejectione sponte naturæ terminentur.

Si itaque dolor stomachi, aut ventriculi sine febre fiat, cum vertigine, oris amaritudine, & cibi fastidio, *purgatione*, inquit Hippocrates, *indigere per superiora significat*. Subditque *dolores, qui sunt supra præcordia, dummodò expurgatione egent, medicari oportere per superiora; qui verò infra subsistunt, per inferiora*. At si febris copuletur, cautiùs cum purgante medicamento, sive per supera, sive per infera, agendum est, ne fortasse ab erysipellate, aliove tumore inductus dolor exasperetur, & necem afferat. Quod omninò etiam observandum, si humores in cavo ventriculi, & tenuium intestinorum minimè innatent, ut medicamento educi promptè nequeant. Assumptum etiam venenum quamdiù in ventriculo substiterit, vomitu egeri poterit, sed ex laxantibus, & oleosis; at cum penitiores partes pervaderit, cujuscumque purgantis medicamenti operam eludet; quàmobrem alexipharmacis tum potius utendum, & potissimum ex Theriaca elicitis.

Sæpiùs cardialgia curata est remediis acritudinem succorum temperantibus, & anodynis, cum ab acribus frequentius inferri consueverit; unde modò acidis adversus humorum acrium vitium, & modò acribus adversus acida excedentia occurrere oportebit, admittis semper opiatis dosi conveniente. Comitem febrim si habeat, videaturque corpus picro-

4. Aph. 17

Aph. 18.

V. Gal. 1.  
ad Gla-  
ve. 14. &  
Hor. Au-  
gen. 1. 1.  
epist. 6.  
& Valles.  
2. epid.  
sect. 2.7. Aph. 1.  
4. Aph.  
65.



cholum, potiùs acidis insistendum, dilutis tamen aquis ex plantagine, scorzonera, carduo benedicto, adjecta portione laudani opiatu ad grana ij. vel iij. & per vices cochleatim assumptis. Si verò febris desit, & habitum melancholico patiens sit præditus, aromatis utendum, aqua cinnamomi, vitæ Matthioli, elixire proprietatis Helmontii, cum memorata dosi laudani opiatu. Summè quoque conferunt corallia rubra præparata, oculi cancrorum, ebur, cornu C. bolus Armenia, terra Melitenfis, cortices ovorum, magisterium concharum, tellinarum, & conchyliorum, atque omnia alkalia, & bezoardica, acorem humorum temperantia, imbibentia, aut præcipitantia. Externè, scribit Helmontius, se vidisse sanatum dolorem istiusmodi, appposito emplastro fragranti suprà stomachi regionem. Et Hartmannus laudat epithemata ex chamæmelo, malva, & ex oleo chamæmelino cum terebinthina distillato.

Si verò ex cruditate, aut ex corruptis cibis oriatur, vomitu curari solet, cui succedant roborantia tum interna, tum externa. Quæ ex mentha, absinthio, nuce odorata, mace, cinnamomo parantur, optima sunt. Huius generis fuit medicamentum in attritione ventriculi à Galeno exhibitum: nempe epotum vinum cum pipere; & oleum nardinum lana exceptum, & ori ventris applicitum. Cavendum autem ne medicamento- rum importunorum usu magis magisque ventriculus delaxetur, & langueat cum manifesto vitæ periculo.

A cæteris causis, putà vermibus, abscessibus, & adjacentium partium affectionibus inducta cardialgia remediis suprà memoratis curanda, aliisque suo loco referendis. In fragmentis Vitri devoratis adnotat Ke-

ckermannus, & Helidæus apud Hofmannum prodesse pulmentum ex frumento saracenico, & terebinthina confectum. Sed & Terebinthina sola efficax est.

Eisdem remediis ardor stomachi corrigendus erit, ac præterea instituto victu simplici, & mediocri, cavendo acria, & acida; quamvis hæc in picrocholis sint profutura: sed potissimum juvat spiritus salis dulcis, & vitrioli purificatus, itemque spiritus sulphuris per campanam elicitus, ad guttas aliquot in primo potu.

Postremò ad ventriculi tumorem cum inflammatione commendatur aqua plantaginis cum syr. papaveris erratici, extractum hyperici, ejusque sal; tinctura florum, & seminum utriusque, saccharum Saturni cum nitro præparatum, & nitrum ad grana iv. vel v. in aqua rosarum, vel plantaginis. Deinceps verò, ut tumor dissolvatur, Antimonium diaphoreticum Bezoardicum minerale, spiritus tartari in aqua scabiosæ, atque alia curandis inflammationibus opportuna usui esse possunt. Dolores denique ventriculi mirificè sedare dicitur ex Platero gummi Hederæ à scr. i. ad dr. i. in convenienti aliquo liquore sumptum.

## DE SINGULTU.

**M**ulti Medicorum singultum fieri putant, cum ventriculi orificium superius, & sinistrum, tantummodò afficitur; Alii verò ad totius structuræ vitium referunt. At Platerus diaphragmati illum attribuit, cui inhæret Deleboe Sylvius lib. i. prax. cap. 23. n. 9. affirmans motum esse voluntarium, atque à se, pluribusque aliis pro libitu excitari: In quam eandem sententiam descendit Richardus Lovver tract. de Corde c. 2.

Hip-

T. Ina-  
go Fer-  
menti  
impr.

V. Bayr.  
l. ii. c. 9.

Ex Gal.  
5. de loc.  
aff. cap. 6  
& 6. aph.  
com. 39.  
2. de sym  
pt. caus.  
cap. 6. &  
7. Aph.  
comm. 3.

6. Aph.

39.



Hippocrates etiam, cum illum ad genus convulsionis reducat, videtur potius in muscoli, hoc est, diaphragmatis læsionem, irritationemque revocare. Convulsionem quoque appellat Galenus 5. *Aph. comm.* 4. & 7. *Aph. comm.* 3. vel saltem motionem convulsionis speciem referentem 4. *derat. vict. in acut.* 69. & 1. *prorrh.*

1. Aphor.  
com. 39.

23. Convulsio autem, seu convulsionis motio propria musculorum affectio est, ex doctrina ejusdem. Cujuscumque verò partis affectus sit, certè haud fit sine irritamento, undè motus percipitur molestus, licet interruptus, quo scilicet nifus repetuntur ad excutiendum id, quod partes illas vellicat, & compungit; quinimò conveniunt omnes, facilè inter se invicem compati septum transversum, & ventriculum, cum hic juxta stomachum illi alligetur, & hæreat, atque ab eodem extima tunicam mutuetur. Hinc Villisius tùm ventriculum, tùm diaphragma affici ait in singultu, ejusque reciprocationes propter ventriculum per suas fibras modò inflatum, & per diaphragmatis systolen modò depulsum contingere. Quin & ipsemet Franciscus Deleboe Sylvius irritationem in singultu docet, ut plurimum esse in ventriculi orificio superiori, atque exindè in consensum diaphragma trahi: quare utramque partem affici quoque existimat. Observatum autem pluries singultum subsequi ab affecto œsophago, qua parte diaphragma pertingit, & perforat: A cibo enim illi, cum deglutitur, hærescente, singultus accidit, compressis, contractisque œsophagi fibris, unàque simul diaphragmatis motum impredientibus; epoto autem liquore aliquo, cibus delabitur, & singultus desinit.

In causis singultus assignandis longè admodum dissentiant à veteri-

bus recentiores. Siquidem Hippocrates 6. *Aph.* 39. easdem statuit singultus causas, ac convulsionis, nimirum *Inanitionem, & Repletionem*. Addit verò Galenus in *commentario*, molestiam à re acri, veluti pipere, ventriculum stimulantem. At Sennertus, quem alii sequuntur, solam vellicationem, veram, & proximam hujus affectus causam constituit, & supervacaneas putat causas ex inanitione, & repletionem desumptas: nec insuper admittit excusationem Mercurialis, quam is pro Hippocrate afferre conatus est. Præterea Deleboe Sylvius veram singultus causam arbitratur quidquid ad violentam, non tamen durantem, sed mox interruptam, cessantemve, itemque sæpenumero repetentem sui contractionem, diaphragma cogere aptum est; sive id ventriculum occupet de genere medicamentorum, aut noxiorum, & acrium ciborum, aut potius venenorum; sive ex tenui intestino à vitiosorum humorum confluxu, & fermentatione, elatus humor, vel vapor, in superius ventriculi orificium, & diaphragma feratur; sive in ipso thorace consistens proximè diaphragma mordicet, aut etiam ex abdomine per consuetos, propriosque ductus traducatur, prædictasque partes vellicet, & ad molestam, inordinatamque contractionem illas adigat, ac sollicitet. Idemque confirmans in Appendice, causas hæc proritantes esse ait: quemcumque humorem, halitum, flatumve acrem, sive à re nuper assumpta, sive ab humoribus in corpore jam existentibus eleventur. Alii denique cum singultum, vel idiopathicum, vel sympathicum existiment, causas illius propterea vel in ipso ventriculo esse putant, si nimirum assumpta sint alimenta acria, medicamenta, aut ve-

1. prax. c.  
23. n. 11.

Tract. 1.  
c. 4.



na; vellumbricos gigni contigerit, aut cibos corrumpi: vel si è liene, intestinis, pancreate, utero, cæterisque vapores acres, & inolesti in stomachum ferantur, illumque vellacent, & laceffant. Ab affecto cerebro singultus nonnunquam etiam oritur; sicut etiam à pulmonibus; Unde Hippocrates 1. *prorrh.* 23. Aphoniam cum singultu pessimam esse scribit, compatiante nimirum stomacho, per nervos à sexto pari vago, ut interpretatur Galenus.

Hæ insuper ex Anatome singultus causæ innotuere: Inflammatio jecoris, undè ventriculus comprimere-  
tur; nimia omenti crassities, & obesitas; intestinorum prolapsus, sed potissimum jejuni, & hernia; renum, & vesicæ inflammatio, aliorumque viscerum in imo ventre affectiones. Prætereo causas externas, piperis, aliufve rei acris esum, solidorum, vel tenacium, facileque hærentium ciborum ingestionem, ut à mollibus, elixisque castaneis non rarò evenit: quoniam singultus ab his proveniens, vel spontè sua definit, vel potu, sternutamento, veletiam repentino timore, cohibitoque per aliquod tempus spiritu; ideòque nullius periculi.

Periculosissimus verò est, qui cum febre jungitur, quæ propterea Singultuosa appellatur; itemque ab Hepatis inflammatione, ab ileo, vomitu, hæmorrhagia, & ex hypercatharsi senibus præcipuè contingens; vel cum delirio, aphonia, aliisque cerebri, & cordis affectibus gravioribus, tetano præsertim, & animi deliquio. Cæterum singultum patienti sternutatio superveniens remedio est: concussione enim, ea, quæ ventriculi tunicas vellicant, facile excutiuntur, & ablegantur.

Ad hujus affectus curationem conatus Medicorum eò diriguntur, ut

causam vellicantem à tunicis, fibrisque ventriculi removeant, vel saltem obtundant, hebetemque reddant sensum partium affectarum, sive ad ventriculum, sive ad Diaphragma illæ pertineant. Ad causæ remoti-  
nem, si illa ventriculo adhæreat, nonnulli vomitum commendant, neque solum ex levioribus pharmacis, sed etiam ex Antimonio, quod sanè amicissimum humanæ naturæ dicitur Sylvio. Alii potius dejectiones molliuntur medicamentis laxantibus, ac lenientibus; quinimmò Riverius exhibuit pulverem calomelanos, & diagridii. Ad ejusdem verò correctionem, utuntur in humorum acritudine lacte ex quatuor seminibus majoribus, item psyllii, cydoniorum, amygdalarum dulcium, & papaveris albi expressis, elicito, cum decocto tamarindorum, syrupo de portulaca, de papavere albo, de nymphæa. Hæc eadem exhibent in singultu à medicamentis acris, & venenis, ac prætereà oleum amygdalarum dulcium recens, butyrum, lac, cremorem ptisanæ, juscula pingua. Si à verminibus, illos enecantia. Si ex febre maligna, alexipharmaca. Et si ex consensu aliorum viscerum, propria remedia illis succurrentia administrant, præsertim verò inflammationi Hepatis, aliufve, si indè singultus oriri videatur. Sensum denique singultientis partis obtundunt per opiata, theriacam recentem, pilulas de cynoglossa, & laudanum opiatum dosi convenienti, quo solo ante cibum ad granum j. pluries exhibito, diuturnum, & contumacem singultum curavimus.

Forestus in singultu, post febrem continuam, profluvium ventris, & vomitum, exhibuit decoctum seminum anethi, cari, portulacæ; & papaveris albi in cerevisia tenuiori, felicissi-

V. Plater. l. 1. observ.

Cent. 3. obs. 42.

Obs. 13. lib. 18.

7. Aph.  
17. & 5.  
Aph. 58.  
& 7. Aph.  
10. & 3.  
5. Aph. 3.  
7. Aph.  
41.  
In Coac.  
prænot.  
& 1. pror-  
rhet.  
Aet. te-  
trab. 3.  
ser. 1. c. 5.  
6. Aph.  
13.



licissimo successu. Et Horstius post  
 Obs. 25. lib. 1. usum tartari vitriolati cum vino ab-  
 sinthite, singultum pertinacissimum  
 sedavit bolo ex granis iij. laudani o-  
 piati, dr. ss. theriacæ, & dr. j. condi-  
 turæ rosaceæ. Riverius verò lauda-  
 num opiatum cum expresso liquore  
 Ob f. 78. cent. 4. seminum quatuor frigidorum mayo-  
 rum miscuit, addita dr. j. salis pru-  
 nellæ. Platerus singultientem pue-  
 rum curavit aqua stillatitia nucum  
 viridium cum raphano in aceto prius  
 Lib. 1. ob- maceratarum. A Francisco Sylvio  
 servat. magna vis in compescendo singultu  
 Append. tribuitur menthæ, ejusque aquæ, ex  
 tr. 1. c. 4. Lib. 1. qua misturam conficit cum ejusdem  
 prax. cap syrupo, aqua vitæ Matthioli, vel the-  
 23. n. 23. riacali, confectioe alchermes, &  
 laudano opiato ad cochleare unum  
 per intervalla assumendam, donec  
 ad somnum æger disponatur. Addit  
 etiam spiritus nitri guttas aliquot, si  
 flatus unâ simul ægrotantem dive-  
 xent. In omni denique singultu præ-  
 sens creditur remedium Francisco  
 Pract. lib. 4. f. 2. Joeli cornu Cervi ustum ad dr. j. in vi-  
 no rubro: aliis etiam ebur.

Externè verò, amuletum existima-  
 tur Castoreum ex Tralliano; idem-  
 que creditur præstare Alyssum ex  
 Dioscoride: similiter & cuminum  
 linteo inditum, & carpo sinistræ ma-  
 nus alligatum ex Sennerio. Ab aliis  
 potius olea, vel decocta ex his elici-  
 ta, commendantur; additis etiam  
 styrace, & mastiche, ut apud Clau-  
 dinum. Describit Adrianus à Myn-  
 sicht cataplasma, quod singulare ex-  
 perimentum adversus singultum esse  
 dicit; illique addit Fridericus Hof-  
 mannus oleum stillatitium zedoariæ,  
 chamæmeli, & anisorum. Alia ex-  
 terna memorat Hartmannus, quem  
 vide. Advertit autem Langius au-  
 thoritate Galeni, & Aetii, topica  
 ejusmodi remedia non epigastrio, sed  
 dorso esse admovenda, præsertim ad

Tozzi Op. Med; Tom. 1.

septi transversæ vertebrae: idemque  
 pari ratione observandum monet in  
 cæteris gulæ, & stomachi affectioni-  
 bus, cum hæ partes spinæ superin-  
 cumbant, & hæreant.

## DE NAUSEA, ET VOMITU.

Ventriculus recipiendis, reti-  
 nendisque alimentis natura  
 destinatus, aliquandò si gravetur,  
 vel à noxiis humoribus irritetur,  
 nausea primùm, mox vomitu affici-  
 tur, ut ab ejusmodi molestia seipsum  
 allevet; quamobrem concitatur,  
 turbaturque solùm nausea; vomitu  
 verò eiicit, quæcumque illius cavum  
 occupant. Incipit autem hic motus  
 expulsionis à fundo ventriculi, &  
 pyloro, & nonnunquam intestinum  
 quoque duodenum simul unâ contor-  
 quetur; undè fit, ut non rarò in vom-  
 itu vehementiori præter ea, quæ in  
 ventriculo innatant, atque plicis  
 ejusdem tenaciùs hærescunt, egeran-  
 tur quoque humores, qui in prædi-  
 ctum intestinum confluant, quando-  
 que synceri, putà biliosi ex cholido-  
 cho ductu profluentes, interdum  
 etiam permisti, & heterogenei varios  
 colores referentes ob adjunctum suc-  
 cum pancreaticum, & fortassè vitia-  
 tum: quod sæpiùs observare est in  
 vomitibus ab emeticis, & cathartici-  
 medicamentis fortioribus provoca-  
 tis, si nimirum acriùs, quàm par sit,  
 illæ partes, & pylorus in suis fibris  
 motricibus irritentur, atque ab ima  
 parte sursum contrahantur.

Et si nausea, & vomitus ab iisdem  
 omninò causis fieri perhibeantur,  
 gradu solùm differentibus; verisimile  
 tamen admodum est in nausea sto-  
 machum potius, à vaporibus dum-  
 taxat, & præsertim è bile magis vola-  
 tilielevatis commoveri, & laxari;  
 unde levis ad vomitum incitatio, &



quandoque etiam irrita. In Vomitu verò potius ventriculi fundum, & pylorum affici, & quidem ab humoribus acrimonia vellicantibus, atque stimulantibus ad vomendum.

Nedum autem ventriculus ab humoribus acris ad vomitum concitatur, verum etiam à quibusvis alterius conditionis vitiosis succis, gravantibus, laxantibus, aliove modo fibras, plicasque illius quaquaratione turbantibus. Unde cibi abundantius ingesti, oleosi, pingues, itemque acres, acidi, serosi, aliive; necnon humores phlegmatici, tum ex degeneratis alimentis ibidem progeniti, tum aliundè confluentes, ex apertis vasis, disruptisque tumoribus, sanguinei, purulenti, & similes nauseam, & vomitum promovere possunt. Ab inflammatione insuper, tumore, abscessu, ulcere, vel in seipso, vel in adjacentibus partibus, præsertim Pancreate, vomitus aliquoties molestissimus observatus est: pariterque à vermibus, à tussi violentiori, & à quibusdam morborum generibus, nephritide potissimum, variolis, & morbillis impetens vomitio succedit. Taceo denique venena, & medicamenta purgantia, quibus plerumque ventriculus adeò laceffitur, ut iteratis vomitionibus, cibum non capiens, tandem deficiat, & mortem arcessat.

Hinc vomitus multigeni esse solent, sanguinei, purulenti, biliosi, phlegmatici, ciborum, vermium, idiopathici, sympathici, faciles, difficiles; interdum salutare, non rarò etiam lethales.

Et quidem consuetus vomitus eorum, quæ à cibi digestionem in ventriculo relicta sunt; vel etiam insipidi phlegmatis, vel subamari humoris, utilis plerumque est; sicut pariter à navigatione, & à crapula, unde ven-

trculus gravetur, aut torqueatur; itemque à venenis, & cathartici molestioribus, si tamen modum servant, nec alii egerantur humores, quàm qui circa ventriculum stagnabant. Prætereà salutaris est vomitus in febribus, præsertim periodicis inter initia accessionum sponte contingens: eo enim causa morbi, vel omninò, vel magna ex parte educitur. Eadem ratione confert spontaneus vomitus longo alvi profluvio laboranti. Similiter si præcedant oris amarities, ructus nidorem olentes, ciborum fastidium, vertigo, dummodò subindè levamen consequatur. At contrà malus est, & eò magis si modicus, hærentem nimis, contumacemque humorem indicans, aut inflammationem, vellicationemque assiduam in ventriculo, adjunctisque visceribus, in quibus inflatio, dolor, ardor, aliudve symptoma observabitur. Sic etiam si fuerit lividus, niger, multorumque colorum, foetidus, pariterque sanguineus (quamvis hunc Hippocrates sine febre salutarem dicat, præsertim in foeminis ex suppressis menstruis ex Langio, & Brasavola) chylosus, syncerus, saniosus, verminosus, & stercore foedus, ut in morbo Ileo. Ex capitis vulnere, aut contusione pessimus quoque est; sicut etiam in capitis doloribus cum vigilia, & surditate: imminentem etenim insaniam denunciat. Denique post vomitum singultus, aut oculorum rubor, malum.

Nauseam citissime solvi scribit Hartmannus comestazedoaria, vel sumpto illius extracto, mirabilemque ejusdem radicem, & acetum prædicat in omnibus ventriculi affectibus cum languore conjunctis. In vomitu verò commendat aquam menthæ ad uncias duas, semel atque iterum epotam, & succum cydoniorum crudum ad

6. Aph.

15.

4. Aph.

17.

V. Galen

1. prorrh.

comm. 3.

25.

7. Aph.

37.

2. Progn.

38. &amp; seq.

7. Aph.

10.

6. Aph.

50.

1. Prorrh.

comm. 1.

10.

7. Aph. 3.



ad cochleare unum, vel alterum, ac postremò laudanum opiatum, si cætera non profint. Et externè emplastrum theriacæ, aut epithema ex decocto absinthii, menthæ, & lupulorum in aqua ferrariorum, vel aceto.

At verò vomitus non semper sistendus est, immò & aliquandò promovendus: & quidem pro varia ejusdem conditione, atque causarum diversitate. In consueto, critico, à crapula, navigatione, aliisque causis externis inducto, roborato ventre, nil amplius tentandum. Immoderatus, chylosus, sanguineus, & vires deliciens quantò citiùs temperandus, & cohibendus; distracta deindè, correctaque materia, ne aliò irruens, aut ibidem aggesta gravius damnum moliatur; quare si acres, irritantesque humores vigeant, acidis temperentur, & stomacho suavibus, syrupo, & rob ribium, succo cydoniorum, & punicorum acidorum, aqua myrtearum baccarum, aqua imperiali Quercetani, & Sennerti, elixire citrii, & proprietatis Crollii, spiritu sulphuris per campanam, spiritu salis dulci, & vitrioli depurato, sale prunellæ, cæterisque, additis quoque, si opus sit, opiatibus, theriaca recenti, diascordio Fracastorii, nepenthe; ex quibus grata ori, & ventriculo mistura confici poterit, etiam cum aqua, vel elæosaccharo cinnamomi. Quæ proponitur à Riverio efficax quoque est ex sale absinthii ad scr. j. cum cochleare uno succi mali limonii; sicut pariter quæ à Villisio, ex succo ejusdem limonii ad unc. iv. coralliorum præparatorum drachmis duabus, & salis absinthii sesquidrachma, additis unciis duabus aque cinnamomi. Vult autem ad cochleare j. vel alterum, bis in die esse assuendam.

Si verò humores acidum referant

proderit pulvis stomachicus Quercetani, sal absinthii, & centaurii minoris, ebur, oculi cancrorum, tormentilla, bistorta, C. C. ustum, lignum aloes, bezoarticum martiale, elixir proprietatis, & syrupus de absinthio, de mentha, julep vitale, julep de cinnamomo. In quorumvis autem humorum acrimonia magnificat Sylvius diascordium Fracastorii ad dr. ij. cum altera confectionis hyacinthinæ, dilutum in syrupo papaveris albi, & aqua fœniculi, singulorum unc. j. duplaque dosi aquæ plantaginis. Alias medicamentorum formulas præscribit, tum ad succum acidum, tum ad bilis acrimoniam corrigendam, de quibus infra. Cæterum si vitiosi ejusmodi humores, etiam ex corruptis cibis, exuperare videantur, convenientibus cathartice blandè educendos commonet, rhabarbaro, mechoacan, & similibus. Riverius autem in vomitu vehementissimo exhibet laudani grana iij. & pilularum cochiarum min. scr. ij. ff.

Si præterea humores phlegmatici, crassique fuerint, (quod tamen rarius) post incidentia, attenuantia, atque etiam per vomitum educantia, conferant aromata, & stomacho grata ex mentha, cinnamomo, nuce myristica, galanga: omne genus elixiris, ut & spiritus vini, vinum ipsum, præsertim medicatum, quale describit Deckers *hoc loco*.

At si vomitio cum hypercatharsi à pharmaco inducta sit; foveatur ventriculus emplastro de crusta panis, cataplasmate è succo absinthii, & menthæ, cum theriaca, & modico vini rubri austeri; vel emplastro Deckersiano ex mentha, mastiche, nuce odorata, cinnamomo, & fermento. Essentia menthæ, & mastiches optima est. Interea verò offeratur offa panis vino veteri, & odorifero intincta; vel

Cap. 15.  
n. 27.

n. 31. &  
32.

Lib. 5. c.  
7.

Cent. 1.  
obs. 15.

Phar-  
mac. rat.  
f. 2. c. 3.



theriaca recens cum confectione alcherines, aqua cinnamomi cum syr. menthæ; vel aqua stomachica Mynsicht; vel vinum malvaticum spiritu vitrioli dilutum ad gratum saporem, aliudve simile.

Vomitum ab importuno usu Antimonii illicò sedatur spiritu vini ad cochleare unum, vel simplici, vel cum julapio cinnamomi, aut succo cydoniorum depurato, ejusque syrupo.

In cibi, & chyli vomitu ex imbecillitate ventriculi, vitiatisque fermentis illius, cum exinde fibræ laxæ nimis, & flaccescentes fiant, atque iners coctio, & ventriculi turbatio insequatur: conferunt styptica, & acido-acria stomacho gratiora, ut elixir vitrioli Mynsicht, aut acetum aromaticum, spiritus salis, & vitrioli coagulatus ejusdem Mynsicht, itemque species, & haustus stomachicus ejusdem. Externè verò essentia menthæ, & absinthii, emplastrum mastiches, ejusque spiritus, oleum nucis myristicæ, &c.

Vomitum cruentum compescit succus urticæ, ejusque aqua stillatitia unà cum radicibus, & spiritu vitrioli acidula reddita; itemque aqua plantaginis, centinodiæ, consolidæ majoris, bistortæ, & bursæ pastoris; Aqua plantaginis cum spiritu vitrioli, nec non tinctura rosarum sæpius profuit, ex Petro Castello *in epist.* Pulvis coralliorum rubrorum, & sanguinis draconis, colchotar vitrioli, bolus Armenia, terra sigillata, crocus Martis adstringens dictus, lapis hæmatites, trochisci de carabe, sperniola Crollii. Suum locum hic habet mistura Sylviana tam ab eodem Authore commendata, nedum in hac, sed in cæteris aliis sanguinis egestionibus, atque ex aqua plantaginis, & cinnamomi, aceto stillatitio, coral-

liis rubris, sanguine draconis, syrupo myrtino, & laudano opiato composita. Addit autem, ad dissolvendum sanguinem coagulatum, spermaceti, oculos cancrorum, & stibium diaphoreticum. Prodest quoque mixtura à Friderico Deckers descripta *in notis ad Praxim Barbetianam*, cujus meminimus capite de pleuritide. Subitò sisti vomitum cruentum testatur Hartmannus frigida potione ex aqua stillatitia radicum urticæ majoris ad unc. j. & spiritu vitrioli ad sensibilem acorem. Unà simul verò applicat ventriculo panem tostum, & pulvere caryophyllorum aspersum, atque vino Cretico, & aceto madefactum. Præstantissimum quoque remedium scribit esse Rondeletius potum aquæ plantaginis, vel poscæ ad unc. iij. in aqua camphoræ semisrupulus sit dissolutus.

Confil.  
68.

Quamquam autem Aceti usus in sanguinis rejectionibus suspectus merito dicatur Fr. Hofmanno, utilis tamen summoperè observatur, si aqua, syrupis, cæterisque temperetur: mirè enim relaxata, & aperta vasa, quibus sanguis fertur, corrugat, & comprimit; sanguinem verò effusum, & coagulatum dissolvit, ac diluit, atque ad exitum disponit.

Vomitum à venenis, venenosisque humoribus, ut in malignis, ac pestilentibus febribus, temperant, & infringunt omnia Alexiteria, & Bezoartica, Theriaca, Mithridatium, diascordium, aqua, & spiritus theriacalis, aqua vitæ Matthioli. Efficax remedium dicitur Hofmanno sal absinthii ad scr. j. cum unc. ss. succi mali citrii recentis: pariterque conferre margaritas præparatas, corallia, terram sigillatam, bolum Armeniam, cum rob Ribium, vel Berberum, in aqua acetosæ. A venenis verò erodentibus auripigmento, mercurio subli-



sublimato, aliisque, conferunt oleo-  
sa quævis, & pingua, lac, butyrum,  
cum quibus etiam aliquid opiatum per-  
misceri tutò potest.

Vomitum ex obstructione Lienis,  
aut uteri, & ex suppressis Menstruis,  
vel ex affectione Hypochondriaca, ac  
Scorbutica, temperatur chalybis usu,  
ac antiscorbuticis medicamentis, ex-  
tracto, aut spiritu nasturtii aquatici,  
raphani agrestis, & cochleariæ, cæ-  
terisque alkalice acrioribus.

Ab inflammatione, tumore, ab-  
cessu; itemque ab ulcere, vermibus,  
tussi, cæterisque ægritudinibus pro-  
veniens, sedabitur, si peculiaribus re-  
mediis causa mali removeatur, vi-  
sceribusque affectis congruentibus  
auxiliis succurratur, quæ partim ex  
suprà dictis, partim ex infrà dicendis  
palàm fient. Ex ulcere autem, mistu-  
ram conficit Deckers satis efficacem,  
nec non balsamum sulphuris anisa-  
tum, & Peruvianum cum tinctura  
florum hyperici commendat: quod  
& Sylvius approbat *loco citato*.

Illud postremò notandum cibos in  
omni vomitu jucundos, gratosque  
ventriculo esse exhibendos, neque  
multos, & digestionem resistentes, ne  
scilicet is exindè gravetur, & crudos  
succos generet, incidatque in alias  
peiores affectiones. Hinc consulit  
Avicenna vomentes non debere cogi  
ad comedendum, donec avidè fame-  
scant: quamquàm hoc valde pericu-  
losum. Sensim itaque reficiendæ vi-  
res erunt, & in pristinum statum ju-  
cundis alimentis reducendus venter.  
De usu etiam vini specialiter adver-  
tendum, quod quamvis plerumque  
eo ventriculus roboretur, interdum  
tamen indè nocumenta persentit, &  
melius se habet aquæ, quàm vini po-  
tu, cum scilicet succi dissolventes te-  
nues nimium sunt, facilèque ex fer-  
mentatione evanescunt, & resolvun-

tur, unde chylus acescit; vel etiam  
quia fibræ, rugæque ventriculi villosa  
crusta orbatæ promptè in seipsis ad-  
mittunt tenuiores vini particulas, ex  
quibus deinceps vellicantur, & ante  
tempus sollicitantur ad nondum con-  
fectum cibum protrudendum; cum-  
que exindè etiam bilis è ductu choli-  
docho derivans infringatur, dilua-  
turque, vel etiam acuatur, aut cras-  
cescat, vigeat, vel hebescat, indebi-  
tam cum succo pancreatico mistu-  
ram efficit; unde acores, ardores,  
anxietates, irritationes, malæ secre-  
tiones, flatus, alvi durities, aliaque  
mala, pro eorundem succorum vitio,  
pedetentim ingravescencia conse-  
quuntur; quæ sanè ab usu aquæ de-  
mulcentur, & remittuntur. Quod  
pariter observare licet in iis omni-  
bus, qui à nativitate debilem ventri-  
culum sortiti sunt: in his enim salu-  
brior aquæ usus est, quàm vini, licet  
de languido stomacho conqueran-  
tur, modò vinum imbecillum non sit,  
quale Græcis oligophoron dicitur.  
Hinc si fortassè illud expetatur, mo-  
deratum, & leve sit.

## DE FAME, ET SITI LÆSA.

FAMem multipliciter lædi posse in  
comperto est: aboletur in ἀνορε-  
ξία, ἀσιτία, & ἀποσιτία: diminuitur  
in δυσορεξία: augetur in βούλιμω, &  
in appetitu Canino, aut Lupino: de-  
pravatur demum in κίττα, vulgò Pi-  
ca, & in Malacia gravidarum. Sunt  
quippe nonnulli, qui non modò ci-  
bum non expetunt, sed etiam aver-  
santur, immò ad aspectum, ac no-  
men ciborum nauseam patiuntur: un-  
de memorantur aliqui ad longissi-  
mum tempus omni cibo abstinuisse.  
Alii verò certos solum cibos fasti-  
diunt, cæteros vel aliquantulum ap-  
petunt, vel saltem non nauseant. Alii

4. Aphor.  
com. 17.  
2. Aphor.  
com. 21.

V. Sen-  
nert. l. 3.  
p. 1. f. 2. c.  
2. & 3.

præter



præter morem avidè famescunt, & citra saturitatem devorant, quamvis mox assumpta evomant, vel deiciant. Alii demùm res etiam extraneas, & ab usu hominum alienas exquirunt, & ingerunt, testas, cretam, carbones, paleas, ceram, sulphur: quod Virginibus familiare esse consuevit, & magna etiam ex parte gravidis, quibus non rarò contingit, ut assumi solita respuant, & fastidiant; insueta verò, nova, quæque alioqui si benè valerent, abhorrent, avidissimè appetant, & suavissimè comedant.

1. De  
sympt.  
caus. 7.

Galenì dogmatibus addicti dejecti appetitus causam retulere ad deficientem suctionis sensum in orificio superiori ventriculi, cùm naturalem famem fieri credant ab ejusmodi suctione ex prævia in omnibus partibus corporis consumptione. Deficere autem hunc suctionis sensum in stomacho arbitrantur à crudis, crassisque humoribus in ventriculo stagnantibus, vel etiam è toto illuc confluentibus, ut in obesibus, & inutilibus humoribus gravatis; sicut pariter à sensu ejus partis resolutò, aut impedito. Aucti verò appetitus causam faciunt vitiosos succos ventriculum mordicantes, corrugantesque, quales potissimùm putant melancholicos, quibus Platerus aliam qualitatem, & quidem venenatam affingit. Addunt alii continuam suctionem, immò & absorptionem subitam alimenti habitam à vermibus, iisque potissimùm, qui de genere Platiarum referuntur. Depravatum denique appetitum induci putant à vitiosis humoribus præva qualitate præditis, atque tunicis ventriculi hærentibus: quamvis hi sæpiùs ex utero ferantur in fœminis ex suppressis menstruis.

At recentiores, his posthabitis, ducti experimento, & Anatome, cau-

sas famis universas ad quosdam succos in ventriculum exudantes retulerunt: qui si natura acido acres sint, famem humanæ exigentiæ consentaneam excitant, ventriculo cibis vacuo; & si solito acidiores, acrioresque fiant, excedentem inducunt: dummodò acorem talem non contrahant, ut aquam stygiam æmulentur, adeoque tunicas, fibrasque ventriculi veluti exedant, & obtundant, unde sensus aboleatur. Si verò omninò deficient, vel dilutiores, aut consistentiores evadant, constipatis præsertim poris, glandulisque, undè transudant succi isti, fames vel definit, vel elanguet, retusa nimirum, atque infracta vi, qua stomachum vellicare queant. Si denique cum his alii, & quidem heterogenei humores commisceantur ab aliis visceribus confluentes, vitiantes solum, non autem hebetantes vim, & acutiem eorumdem, fames depravata exoritur, & rerum sanè exoticarum pro diversitate concurrentium succorum. A tunicis etiam, fibrisque ventriculi glutine, tenacique substantia oblitis, fames, vel nulla, vel hebes fit, undè cibi frustrà quoque conficiantur, ut in obesioribus, ac otiosam vitam ducentibus. Aliquibus etiam hebetantur, ac stupent nervi per stomachum diffusi, qui & aliquoties in sua origine tam exiles sunt, ut vix partem illam irrigent, & superficie tenus tantum attingant, quam obrem à nativitate inappetentes observantur.

Acidum autem Fami, & ciborum dissolutioni necessarium alii ex glandulis ventriculi deducunt; alii à Lienè; & à reliquiis ciborum ex præcedenti digestionem alii, aut à Pancreate exoriri arbitrantur; inter quos præcipuus Deleboe Sylvius, qui Auctæ famis causam succo Pancreatis acidiori ad intestinum tenue delato attribuit,

Lib. 1.  
prax. cap.



tribuit, undè halitus ad ventriculum assurgant, & famis sensum intendant; Diminutæ verò, putat esse salivam viscosiorem, vel etiam bilem pinguiorem acidum succum Pancreatis obtundentem. Depravatæ demum, esse ait vitiosos humores, in mulieribus potissimum ex suppressis menstruis, dependentes. A salivario etiam humore digestionem, & famem promoveri alibi asseruit, quam sententiam nuperrimè amplexus est Diemerbroek, qui famem à particulis acribus fermenti genitis ex deglutito salivario liquore, aliisque quibusdam subsalsis, acidisque ventriculi tunicis hærentibus, atque ad acorem perductis, oriri docet. Fieri autem famem Caninam à copiosioribus hisce succis; diminutam, aut abolitam ab iisdem crassioribus, vel omninò deficientibus, aut etiam ab effusa in ventriculum è cysti amara bile, ut in picrocholis, ictericis, & febre laborantibus. Depravatæ demum famis causam non in ventriculo, sed in cerebro quærit, quod ex pravis, absurdisque imaginationibus res pravas, & absurdas, tamquam gratissimas appetat. Hinc gravidas ait res etiam absurdissimas appetentes, si illis potiri nequeant, notas fortibus imprimere; atque hinc etiam fieri, cur non semper eadem exoptent, quia indifferenter varia cogitant, quod uni alicui pravo humori in ventriculo hærenti imputari non posse subdit; quippe diversarum rerum appetitus à diversis humoribus procedere deberet. Hinc postremò concludit ejusmodi exoticam ciborum cupiditatem se aliquibus abstulisse prohibita recordatione, a motisque è domo picturis earum rerum, quas avidè illi expetebant, oblatis interea sæpiùs per diem laudabilibus alimentis, ut indè esuriendi occasio deesset. Ve-

rùm quamvis imaginationi plurimum tribuendum sit, non tamen citrà succorum in ventriculo stagnantium, vel etiam aliundè suggestorum irritationem ejusmodi Picam induci posse crediderim, cum adhuc de imaginatione ipsa ambigere liceat, cur in hanc potius, quam in aliam rem appetendam impellatur, atque multoties in una solum delectetur, cum tamen in plurimis oberrarit.

Sed mirum quidem est, quòd aliquandò in longum tempus ciborum abstinentia feratur, & absque fame: cujus rei causa cognosci fortè poterit, si animadvertatur, quòd passim serpentes, testudines, talpæ, atque insecta penè omnia vivant multos menses absque cibo; & si aliquandò cibum capiant, vix mutatum diutissimè in ventriculo detineant, ac deindè indigestum, ex succum tamen, egerant. Reperi aliquandò in ventre Viperæ, ad plures hebdomadas in capsula conservatæ, integrum bufonem: aliàs etiam murem villis omnibus obtectum, qui confici nondum potuerat, licet sesquimensis à captu illius præteriisset. Abundant quippe Viperæ multo alkali, at exiguum acidum, tenuissimumque sortitæ sunt, & modicum sanguinem, qui neque facile concrescit, cujus motus simul, & cordis tardissimus est; fermentum quoque ventriculi longè admodum iners; quo scilicet is nec sollicitatur ad famem, nec roboratur in dissolutione ciborum; idque potissimum hyberno tempore; cum omnia in ipsis, & insectis torpent. In id multum confert perspiratio impedita; vel si fortè nulla, aut levis à natura sit: unde modica fiat sanguinis exolutio. Angustia quoque ventriculi famem minuit; quam obrem compertum est, helluonibus latiore ventriculum, expansioresque illius tunicas inesse; sobriis

Disput.  
de Fer-  
ment.

Lib. I. A-  
nat. cap.  
6.

Frid.  
Hofm.  
M.M.I.I.  
cap. 19.  
ait:  
Hic affe-  
ctus pro-  
venit ex  
phanta-  
sia cor-  
rupta à  
fermen-  
to ven-  
triculi vi-  
tioso.



Phyfiol.  
cap. 9.  
V. Gel-  
lium lib.  
16. c. 3.

sobriis verò, & cibis abstinentibus plurimum coarctari. Quamobrem qui costas, & stomachum strictis fasciis devinciunt, non multum famescunt, & pauxillo cibo saturantur. Scythæ, ex Erasistrato, referente Mœbio, jejunaturi, stomachum, & intestinorum regionem de industria fasciis strictioribus obligabant ad eludendum appetitus stimulum.

Bulimum patiuntur, quibus ingenti fame cruciatis ventriculus arctissime corrugatur, ut tandem famescere definat, insequente etiam leipothymia: atque hac de causa iis præcipuè, ex Plutarcho *Sympos. lib. 5. c. 8.* Bulimus accidit, qui per altam nivem iter longum faciunt. Quare Bulimos à fame quidem inchoat, sed non habet eam amplius adjunctam, ut docet Galenus 2. *Aph. comm. 21.*

Praet. 1.  
3. p. 1. f. 2.  
c. 3.

De Nausea demum, & fastidio certorum ciborum tres causas tradit Sennertus. Primò peculiarem ventriculi constitutionem à primo ortu contractam, & sæpè ab imaginatione Matrum procedentem, quæ cum gravidæ essent, certos cibos fastidierunt; atque huius generis nonnullos ego novi. Secundò consuetudinem: sicut enim ab ineunte pueritia assuescimus, ita hos, vel alios cibos appetere, aut nauseare solemus. Tertiò Imaginationem: quibus enim cibi semel displicuerunt ex impressio illorum menti phantasmate, deinceps quoque fastidiuntur, quos si inscii comedant, minimè nauseant; at assumptos regerunt, si de illis moneantur. Sunt qui, licet meribibuli forent, à cathartico in vino assumpto, in posterum abstemii evaserint, vinum, vinique odorem averfantes. Est adhuc in vivis, qui cum ex carne suilla pinguiori aliquandò cibum evomisset, nunc si alium pinguiora comedentem aspiciat, ad nauseam,

& vomitum illicò concitatur. Hoc pacto aliquibus etiam accidere comperimus, ut aspectu, vel odore medicamenti purgantis alvo turbentur, & stomacho, cum vomitu, & iteratis dejectionibus, quia ab ejuscemodi genere medicamentorum passi aliàs sunt consimiles corporisurbationes.

Quamvis aucta fames nullum plerumque periculum minetur, si tamen cum aliis ægitudinibus jungatur, vel illas consequatur, mala censenda est; Hinc hæctica febris consociata non sine periculo est; & in aliis morbis obstructions parit, vel cruditates, adeoque illorum longitudinem, vel celiacum morbum, aut assiduam vomendi necessitatem. Adhuc periculosior est Bulimos ob insequentem animi defectionem, atque eò magis, si alios morbos, & præsertim chronicos consequatur. Anorexia etiam mala est, nam 2. *Aphor.* dicitur, in quovis morbo mentem constare, & benè se habere ad ea, quæ offeruntur, bonum; contrà verò se habere, malum. Et 7. *Aphor. 6.* in morbo diuturno fastidium cibi, & dejectiones synceræ, malum. Malacia in gravidis partu sæpissimè definit; in cæteris verò Pica, præter obstructionem, affert cachexiam, chlorosim, aliaque mala sanè gravissima.

Quoniam ergo famem lædi contingit ob acidi fermenti vitium, defectum, aut excessum, remedia Medici præscribunt, quæ illi excedenti infringendo, temperandoque, deficienti cumulando, & acuendo, ac depravato, vitiatoque repurgando, corrigendoque idonea sint. Franciscus Sylvius in fame adaucta exhibet salia ex lixivio elicita, tum fixa, tum volatilia, corallia, margaritas, oculos cancrorum, cretam, lapidem hæmatitem, succinum, chalybem limatum, quæ acidum infringunt; item-

que



que pingua, & oleosa, quæ idem obtundunt: nec non spiritum vini, & tincturas aromatum, quæ temperant: & aquea, quæ diluunt; abstinendo interim ab acidis, sicut etiam à purgantibus, à quibus testatur irritari potius cum summis torminibus, quàm evacuari noxios acidos humores. In Fame diminuta, vel abolita, quæ pituitosum, viscosumque succum attenuant, ut sunt acida, sale tam fixo, quàm volatili prædita, & omnis generis aromata; sic etiam purgantia, ut colocynthis, turpethum, hermodactyli, mercurius tam præcipitatus, quàm sublimatus. Si bilis pinguior in causa morbi fuerit, commendat elixir proprietatis; absinthium, & vinum in quo illud sit infusum, vel etiam calamintum montana, amaracus, rosmarinus, hyssopus, salvia; mox verò eandem bilem evacuantia, per vomitum quidem, crocum metallorum, vitrum antimonii, atque inde præparatam sapam vomitoriam, oxysaccharum, vel oxymel; per alvum verò, rhabarbarum, scammonium, tamarindos. In Fame depravata præscribit sanguinem, cæterosque humores mundantia, præsertim salia volatilia, & menses provocantia, (à quibus suppressis frequentissime Pica foeminis contingit) ac sudores blandè moventia, ut antimonium diaphoreticum, bezoardicum minerale.

Hartmanno laudatur in ciborum fastidio spiritus vitrioli philosophicus in aqua menthæ, aut acetosæ, in vino, vel jure; atque in Bulimo, succo mali punici, syr. limonii, & acidi citrii, vel cum tinctura rosarum. Externè verò, epithema ex vino Cretico, & aceto, cum crusta panis pulvere caryophyllorum aspersa, & aliquoties calidè supra ven-

triculum apposita. Appetitum caninum autem adimi, per essentiam melissæ cum spiritu vini extractam, ad cochleare unum, cum aliquot guttis olei cari; itemque per vitellos ovorum aqua ad ignem induratos, & sæpius comestos. Postremò ad Picam, prodesse aquam cinnamomi, & corticum malorum aureorum, sal eorumdem, cum magisterio coralliorum, & margaritarum.

Apud Riverium *in observationibus communicatis* à Pachequo describitur hoc decoctum tanquam efficacissimum, quod habet: *fol. agrim. absinth. vulg. & centur. minor. m.ß.* hæc decoquantur, & expressus liquor ad selibram cum paucis saccharo exhibetur. At verendum ne præ nimio amarore potari nequeat.

Angelus Sala conficit aquam vitæ menthæ ex foliis illius, spiritu vini, & aqua communi cum saccharo, quam mirabilem prædicat in pluribus ægitudinibus, sed potissimum in appetitu promovendo, & ciborum coctione adjuvanda. Ex eadem mentha elicitur essentia in hunc eundem usum; sicut etiam essentia absinthii, & spiritus mastiches. Ex zingibere, cinnamomo, & galanga, paris virtutis remedia colliguntur. Refert Borellus *cent. 1. obs. 41.* Civem quendam Monspeliensem famam sibi comparasse syrupo absinthii purgante, quem non differre ait ab eo, qui in Officinis paratur, nisi additione modica Rhei electi, & absinthii collectione mense Majo ante Solis ortum, ut scilicet simul cum illo ros colligatur. Efficacem quoque nonnulli experti sunt bolum ex *terebinth. Ven. dr. ij. mastich. dr. ss. & aromat. ros. scr.ß.* quo remedio nullum ex internis valentius testatur Zecchius. At Prævotius mastichen ad dr. j. in ovo forbili, addito cinnamomo, vel

Obs. 1.

In Append.  
Hydrel.  
c. 12.



zingibere propinat. A Quercetano commendatur pulvis stomachicus, qui tamen potius confert in Anorexia ex crudis, viscosisque succis; itemque sal Philosophorum, & Sacerdotale dictum apud Schroderum: nec non spiritus vini stomachicus, & aqua stomachica calida Mynsicht. Conferunt etiam electuarium baccharum juniperi, syrupus de mentha, diacurcuma, diagalanga, diacinnamomum.

Effrænata appetentia Vini potum solvere scribit Hippocrates 2. *Aph.* 21. atque efficacius, si in eo salvia, melissa, absinthium, fuerint infusa; undè vinum salviatum commendatur à Sennerto. Temperat eandem pulvis descriptus à Deckers in *notis ad Praxim Barbett.* qui constat coralliis rubris præparatis, antimonio diaphoretico, cinnamomo acuto, & saccharo albo. Idem præstat ambra grisea in ovo sorbili ex Riverio. At pingua alimenta tutiora erunt.

In Bulimo quàm citius fieri potest reficiatur æger, præsertim intrita panis ex vino veteri, & odorifero. Aquam carbunculi Imp. Maximiliani cum vino commendat Sennertus. Naribus verò adhibeantur aquæ odoriferæ, acetum, vinum, ejusque spiritus, atque alia in syncope relata.

Quod si à vermibus immodica appetentia oriatur, ut refert Trallianus, hieræ usum salutarem ipsemet expertus est. Succus etiam Nasturtii creditur efficacissimus. Pulvis verò aloes cum felle Tauri mistus, & umbilico impositus, fertur vermes enecare. At quæ ex Mercurio conficiuntur efficaciora sunt, de quibus aliàs.

Ex morbis chronicis, inedia diuturna, & immodicis evacuationi-

bus, lentè reficiendi erunt ægroti: inquit enim Hipp. 2. *Aph.* 7. *Quæ longo tempore extenuata sunt corpora, lentè reficere oportet.* Cæterum appetentia ab his proveniens morbosa dicenda non est, cum spontè sua temperetur ab instaurato corpore.

Ad depravatum appetitum, & Picam, prodesse dicuntur syrupus menthæ, & cydoniorum, cum aqua cinnamomi, electuarium corticum majorum aureorum, aqua pampinorum vitis albæ, seu bryoniæ, quam etiam propinandam prægnanti consulit Hartmannus, ne ex frustrato desiderio aliquid mali foetui contingat. Semina citrii saccharo incrustata pro pauperibus laudat Frid. Hofmannus; itemque decoctum polygoni, & anethi, ac majoris chamæmeli ex Michaele. Et Horatius Augenius semina ammeos ad semidrachmam per quatrimum. Verùm remedia ex chalybe cæteris antecellunt, nisi tamen patiens utero gerat. Sed de his latius, cum de morbis mulierum agemus.

Pari modo Sitis, non secus ac Fames, lædi potest: crebrius verò augetur; nonnunquàm etiam minuitur; & interdum quoque, licet rarò, prorsus aboletur, neque solum in delirantibus, verùm etiam in benè, & mente valentibus. Est mihi notus Sacerdos, qui cum alioqui avidè famescat, & comedat, per hebdomadas tamen nil potat, & si aliquando, potius amicorum suasu, quàm ex Ventriculi indigentia, tantillum bibit, nec unquam se sitire fatetur. Alium refert Platerus à teneris annis nihil penitus bibisse. Depravatæ autem Sitis, qua quis potum omninò naturæ dissentaneum, & insuetum appetat, exempla non suppetunt; nam qui memorantur Mercurium cru-



crudum, urinam, similesque liquores sorbuisse, non ex proprio illorum appetitu, sed casu, aut errore, vel etiam necessitate cogente ad id ducti, impulsique referuntur.

r. de  
simpl.  
med. fac.  
c. 30.

Augeri sitim scribit Galenus, vel ob humoris inopiam, vel ob caloris copiam. Ob humoris inopiam quidem, ex laboribus, vigiliis, sudoribus, cæterisque evacuationibus immodicis; ob caloris copiam verò, ex febribus præsertim ardentibus, inflammationibus internis, aere æstivo, cibis calefacientibus, & exsiccantibus, potissimum sale, & pipere conditis, medicamentis purgantibus, venenis erodentibus, & inflammantibus, aliisque. At qui Sitim in hydropicis consideraverit, quæ nec ab humiditatis inopia, neque à caloris copia dependet, procul dubio alias Sitis causas sciscitari cogetur.

Sylvius Deleboe auctam Sitim fieri ait à bile acriore in tenue intestinum delata, ibidemque cum succo pancreatico ita effervescente, ut inde halitus falsi ad fauces eleventur, atque ariditatis sensum inferant; & si per vasa lactea ad cor penetrent, & sanguinem nimia falsugine inficiant, salivam falsam, vel acrem gignent, Sitim potius augentem, quam temperantem.

Ex Platone.

Verùm citrà falsos halitus, salivamque salivam sæpissimè sitimus, ut à cantu, nimia locutione, terrore, motu; quin & febrientes, pulmonarii, renibus affecti, absque eo quòd falsedinem in faucibus percipiant, ingenti Siti cruciantur. Nec insuper perpetuò Ventriculus in morbosa Siti afficitur; sed plerumque Pulmo; immò Aristoteles hunc potius Sitis sedem constituere videtur, atque eos, qui thorace ampliori, longiorique à nativitate sunt præditi, Siti

magis infestari docet, sicut Fame, qui latiore ventrem nacti sunt. Hippocrates etiam, & Galenus per laryngis rimam aliquid potulenti in tracheam, & Pulmones delabi fassi sunt ad eosdem irrorandos; hinc tunc Sitim extinctam experimur, cum guttur permaduerit: & quidem per ductus illos aquosos nuperrimè Anatomicorum solertia detectos, qui per jugulum ad utrumque asperæ arteriæ latus serpunt, atque œsophago superincumbunt, & linguæ salivarium rorem suggerunt. Hac de causa notat Hippocrates 4. *Aph.* 54. non multum Siti infestari eos, qui etiam si ardentem febricitent, tussi leviter irritante tenentur; irrigata nimirum à distillante lymphæ larynge, & aspera arteria.

Lib. de  
cor. 8. de  
plac.  
Hippocr.  
& Pl. &  
15. Plat.  
in Timæo.

A lymphæ itaque defectu, vel vitio, crediderim ego Sitim immodicam oriri: à defectu quidem, non solum in Ventriculo, sed etiam in Pulmonibus, totoque corpore exhaustæ; vitio verò, si eadem glutinosior, salsior, acrior, acidior reddita nequeat fauces, & guttur, immò & linguam convenienter irrorare; cum experiamur ab arefactis potissimum faucibus, & gutture, Sitim intolerabilem exoriri, Ventriculo licet elanguido, inappetente, crudis, aqueisque humoribus obdito, quem ipsimet patientes sitientem non accusant. Sæpissimè etiam evenit, ut pitissando, sorbillando, & gargarizando, Sitim sedemus, quam poculis liberalioribus remittere non potuimus. Defectus lymphæ cuiusque parti contingens Sitim certè afferet, at principalius cum faucibus, & gutturi accidit, molestiorem illam efficit, immò etiam si cunctæ partes corporis, ipseque Ventriculus plurimo scateat humore; si tamen fauces solum, & guttur exarescant,



scant, fortè quia salivariore minimè irrigentur, Sitis exoritur molestissima. Sic à pastu ut plurimum sitire solemus, quamvis Venter, & cibo humectante, & potu copioso sit saturus: In hydrope etiam, in catarrhis, & urinæ profluvio, quia aliò effunditur lympa, quàm ut os, & guttur irriget, aut extra proprios ductus restagnans, glutinosior evadit, & falsedinem contrahit; Sitis intensior observatur. Fiet quoque Sitis, cum lympa deficit, & absumitur in inedia, nimia locutione, sudoribus, motibus, evacuationibus, vel cum tenax, & viscosa evadit, & glandulis faucium hæret, nec è suis ductibus extillat; vel cum falsa nimis, & acris sit in febribus, tussicum phthisi, ubi sanguinem indebitæ fermentationi subiicit, & partes potius vellicat, ac exasperat, quàm humefaciat, & irroret. Atque hinc tam diversimodè Sitim sedari comperimus, largo haustu aquæ interdum, quandoque vino, ejusque spiritu ore abluto, & aliquando spiritu vitrioli, aut salis, sale prunellæ, aliove acido: exactissima etiam dicta; vel diaphoreticorum, atque opiatorum usu: quæ cum maximè disparia sint, summam ignaris admirationem pariunt.

Quemadmodum ab his Sitis augeatur, ita minuitur, vel etiam aboletur, cum lympa, & salivarius ros superabundat. Accidit quoque deficere Sitim ex hebetudine sensus, & resolutione nervorum per fauces, & guttur, aliasque partes inferiores perreptantium; ve etiam ex depravata mente, ut in Phreneticis ex Hippocr. 3. *epidem. sect. 3. t. 44.*

Diminuta Sitis sicuti nil mali portendit, ita neque curationem exposcit. Abolita si cum delirio jungatur, delirii medelam expostulabit: & si ex

resolutione nervorum dependeat, paralyfi curata restituetur. Aucta igitur solum temperanda superest. Et quidem tribus remediorum generibus illi occurrendum putat Sylvius, videlicet aqueis, bilis salem diluentibus, & ad urinæ vias ducentibus: acidis ejusdem acrimoniam retundentibus, atque invertentibus: ac oleosis hanc eandem lenientibus, ex seminibus plantarum potissimum elicitis.

At congruentius Sitis immodica ex defectu lymphæ, laboribus, sudoribus, febribus absumptæ, sedabitur aquis acido liquore medicatis, præsertim si febris adjungatur de genere Ardentis, ut sunt potiones acidulæ è spiritu vitrioli, sulphuris, salis, aut nitri, succo malicitræ, aut limonii, sale prunellæ, cæterisque.

Si tenax, & viscosa lympa sit, ut subindè salivarius ros in fauces, & guttur nequeat extillare, præter acida temperata, conferet vinum, ejusque spiritus, vel syncerus, vel cum aqua permixtus. Profunt quoque, quæ dentibus mansa salivam provocant, nec non gargarismi ex iisdem compositi cum sale prunellæ, aut spiritu sulphuris per campanam elicitio.

Si falsa, & acris illa sit, convenient opiata, pilulæ de cynoglossa, de styrace; diacodion, pulvis Haly cum syr. papaveris rhœados, & albi, de portulaca, de nymphæa, de glycyrrhiza, de violis, itemque decocto hordei seminum cydoniorum, & psyllii, aqua amyli, vel cassiæ. In Siti à phlegmate falso exhibuit Rhafis salitos cappares. Hæc autem locum quoque habebunt in siti ex diabete, cui plerique opportunam etiam existimant aquam ex pulpa tamarindorum stillatitiam.

Si ab immoderatis evacuationibus Sitis oriatur, temperanda simul una Sitis,



Sitis, & restaurandum corpus erit alibilibus sorbitionibus, documento Hippocratis 2. *Aph.* 11. Facilius est impleri potu, idest humido alimento, quàm cibis. Mox verò somnus moderatè conciliandus.

V. Hol-  
ler. com.  
in Aph.  
27. 5.

Sidenique Sitis cum hydrope copuletur, vel cum catarrho, prodeunt diaphoretica, & diuretica, virtus attenuans, & aperiens. De qua realibi. Cæterum ad omnem Sitim proficit ex Hippocrate, os claudere, & tacere.

### DE LÆSA CHYLOSI.

Gal. 1. de  
differ.  
sympt.  
cap. 1.

**C**hylosis, seu ciborum in chylum dissolutio, & permutatio, multipliciter etiam lædi solet. Cum aboletur dicitur ἀπεψία: cum diminuitur, βραδύπεψία: cum depravatur, ut in alios humores cibus, quàm in chylum, commutetur, appellatur δυσπεψία. His tribus vitiis addit Franciscus Deleboe Sylvius quartum, cum scilicet citius, quàm deceat, Chylosis perficitur, licet id tunc nocuum homini existimet, cum diutius perseverat, indèque Plethora, & habitus athleticus consequitur, ex Hippocrate valdè periculosus: quod sanè rarissimum.

Lib. 1.  
prax. c. 7.

2. Aph. 3.

In abolita autem Chylosi, cibi, quo prorsus modo ingesti fuere, crudi, vel fursum, vel deorsum, egeruntur. In diminuta parumper immutantur, & solum in indigestam, phlegmaticamq; materiam convertuntur, quæ ventriculo gravamen, cæteris verò visceribus obstructionem affert: quin & aliquando ita sensim cruda hæc, & tenax materia interiori ventriculi tunicæ inhæret, ut crustam limosam imitetur, impediatque illius coarctationem, amplificationemque; undè appetitus infringitur, & alia plura sympto-

Tozzi Op. Med. Tom. I.

mata insequuntur, præsertim inflatio, tumor, & hebetudo ventriculi. In depravata commutantur in acidos, nidore graves, corruptosq; succos; undè cruditates illæ emergunt, à quibus acidum eructatur, & nidoris species refertur, qualis ovorum corruptorum, vel similium.

Veteres ciborum coctionem arbitrati ope caloris fieri, cruditates, & Chylosis vitia, in ventriculi imbecillitatem, & caloris languorem retulere; quamvis cruditatem cum nidore, calori exuperanti, præsertim jecoris, attribuant. Ob externos etiam errores coctionem lædi citra ullum ventriculi vitium docet Galenus 3. *de sympt. Causis* cap. 1. videlicet ob excrementa ventriculi cavum occupantia, cibos substantia vitiosos, quantitate immodicos, qualitate excedentes, potissimum calore, aut frigore, tempore importunos, & sine debito ordine assumptos; ac denique ob somnum, cujus defectu coctio graviter interturbatur.

Recentiores verò à Fermento Ventriculi dissolvente vitiato ejusmodi Chylosis læsiones deducunt. Unde Sylvius Deleboe abolitam, & diminutam fermentationem, seu Chylosim, fieri ait, nunc ipsorum alimentorum quantitate, vel qualitate excedentium culpa; nunc fermenti defectu, aut inertia; nunc etiam à confluxu vitiosorum humorum in ventriculum. Auctam contra fermentationem promoveri à Fermento acidiori, à cibis facile fermentescentibus, & ab humoribus acido volatili præditis aliundè in ventriculum pervenientibus. Depravari verò Fermentationem, & in nidorem abire à bile acriori, nimisque volatili ad ventriculum delata; atque in acorem ab acidis humoribus, ac potissimum pancreatico acidiori, & abundantiori.

P

Non



Non aliter alii causas læsæ Chylofi à succis dissolventibus, excedentibus, aut deficientibus, infractis, inertibus, commistis, similiterve affectis deducunt; siue illi è glandulis, tunicisque Ventriculi, siue ex arteriis, aliisque ductibus, ac visceribus deferantur.

Anatome autem compertum est, Ventriculos ejusmodi languentium repertos fuisse plurimum distentos; atque in suis tunicis, plicisque relaxatos, aut villosa crusta, crassiori, densiorique obritos: vel etiam Omento malè affectos: ut est exemplum apud Galenum cujusdam gladiatoris, qui ob resectum Omentum de ventriculo, & Chylofi conquerebatur, coactus illam juvare laneis integumentis.

Non rarò læsam Chylofim comitatur vomitus, vel alvi dejectio, aliquando mox à pastu, aliquando post aliquot horas. Adjungitur quoque ventriculi gravamen, ructus, inflatio, languor, inappetentia, fluctuatio, præter alia, quæ intestinis, aliisque visceribus contingere solent, incommoda: quam ob rem origo plurimorum morborum cruditas esse consuevit, cum ex Hippocrate *Ventris torpor, omnium confusio, vasorum immunditia, cerebri consumptio*.

Auctam, citamque ciborum coctionem, & contrà diminutam, ac depravatam Chylofim à causis externis, atque ex errore in victus genere commisso, nemo unquam medicamentis prudenter subiiciet: siquidem illa firmam salutem, roburque Ventriculi designat; hæ verò, præscripta solum convenienti diætâ, vitatisque iis, è quibus venter læditur, facillimè corriguntur; immò etiam spontè sua in consentaneum Naturæ usum reducuntur. Igitur tribus reliquis

dumtaxat vitiis occurrendum, ne alias graviores ægri tudines arcessant. Perutile autem fuerit causam primum malæ Chylofi intèroscere, & tollere; mox verò languentem Ventriculum fovere, ac roborare, dissolventesque ipsius succos, si deficient, recreare, si inertes sint, acuire, & si ab aliis pravis humoribus inficiantur, commodis remediis repurgare.

In usu medicamentorum fermentationem promoventum proponit Sylvius acida, & sale lixivio prædita, ac per spiritum volatilem alterata: spiritum salis cohobatum, & cum spiritu vini dulcem redditum; itemque saltartari, succini, urinæ, & C. C. sal ammoniacum crudum, ejusque spiritum, seu sal volatile: vitatis intèr cibus, potibusque fermentum Ventriculi figentibus, vel obtundentibus. Speciatim verò cruditas nidorem præferens curari dicitur per bilem corrigentia, & præsertim spiritum salis dulcem: & si opus sit, etiam per eandem evacuantia, siue per os, siue per alvum, modica tamen dosi, ne indè Cholera Morbus, vel Diarrhœa insequatur. At cruditas acida, a corem temperantia, tum quoque educentia expostulabit: in quem finem describit suum electuarium Hydragogum, & vinum quoddam medicatum, quo fermentum iners acuitur, & humores pituitosi simul emendantur.

Roborant præterea Ventriculum, & coctioni opitulantur zingiber, & nux myristica, piper, & caryophylli ante cibum, vel etiam cum ipso cibo assumpti ex Platero. Hinc diatrion pipereon insigne remedium à Galeno celebratur 8. *meth.* licet reprobetur à Tralliano. Mastiche etiam summo perè prodest ad dr. j. in ovo sorbili, vel vino tribus horis ante cibum. Vi-

num

Pract. to.  
2. c. 15. &  
obs. 1. 2.  
V. River.  
cent. 4.  
obs. ult.  
de usu  
piperis.



num absinthites, elixir proprietatis, aromaticum rosatum, diambra, diarodon, & similia salutaria observata sunt; quamobrem licet acida fermentum Ventriculi mirifice acuant, cum tamen is crudis succis gravatur, atque acore inficitur, proderunt potius aromata, & amarorem præferentia. Extractum aloes, & myrrhæ simul corrigit, & sensim abradet è tunicis Ventriculi impactos ejusce modi succos. Commendatur quoque ab Hartmanno sal ammoniacum purificatum, aqua, seu balsamum ventriculi, aqua cinnamomi, essentia melissæ, pulegii, menthæ, absinthii, & spiritus mastiches: sal absinthii, & cinnamomi. Theriaca quoque, & Mithridatium suum hic locum habent, præter alia plura passim à Medicis memorata.

Acidis succis dissolventibus acue-  
dis usui esse possunt spiritus vitrioli philosophicus, acetum esurinum, spiritus sulphuris per campanam elicitus, elixir vitrioli Mynsicht. Verum hæc moderatè exhibenda, vel cum aliis stomacho utilibus, commista. Parantur etiam ad hoc diversi generis condimenta ex rebus salitis, & acidis, unà cum aromatibus, ut nimirum ab his adjutus Ventriculus arctius cibos complectatur, & suavius illos conficiat: quæ sanè in cæteris hujus visceris affectibus opportuna erunt, & maximè conducibilia; unde Hippocrates 2. Aphor. 38. docet, *parum deterio-rem cibum, aut potum, at suaviorem, melioribus, sed minus suavibus esse præferendum*. Ceterum quamvis somnus maximo juvamento languenti Ventriculo esse soleat, non tamen exercitium omnino interdiciendum erit, immò summo perè commendandum matutinis præsertim horis, & ante prandium. Unde coctioni, dissolutionique ci-

borum in Ventriculo somnus, & quies; distributioni verò, secretionique conferet magis motus, & vigilia.

Denique si cruditati solis corrigentibus videatur satisfieri minimè posse, evacuantibus quoque incumbendum per superiora, vel inferiora, prout æger uni, vel alteri evacuationi fuerit proclivior. In his autem modus servandus est, ne nimia dosi, incongruenti medicamine; & immodica ventris turbatione is gravius afficiatur, & magis elangueat. Quod si de ejus laxitate dubitetur, roborandus ille omnino erit, iis præsertim medicamentorum generibus, quæ corrugandi, adstringendique vim habere dicuntur; cydoniis scilicet, myrtorumbaccis, sorbis, mespilis, conditura ribium, pulvere coralliorum rubrorum, terra Armenia, cholcotare vitrioli, aliisque. Narcotica verò vitanda, vel parcè admodum, & cum aliis permiscenda, ob Ventriculi languorem; vel solum usurpentur opiata leviora, theriaca recens, diascordium, philonium.

Inflatio, & ructus non dissimiliter curantur, præter ea, quæ dicuntur inferius de Hypochondriaca affectione.

## DE CHOLERA Morbo.

**C**holeram ab humore cholerico, seu bilioso dictam putat Galenus; Trallianus verò ab intestinis, quæ *χολάδες* Veteribus appellabantur. Vocamus autem morbum illum, in quo simul dejectio, & vomitus patientem torquent, & prætereà ventris inflatio: sæpè etiam crura, manusque contrahuntur, urget sitis, anima deficit, ut loquitur Celsus. Neque verò omnino necesse est, ut quam vocant bilem, solum ægro-  
2. meth. 2  
Lib. 7. c.  
14.  
Lib. 4. c.  
11.



Hipp. 4.  
de rat.  
Vid. in  
acut.

tantes egerant, cum & varii, ac dif-  
formes humores expurgari possint,  
flavi, virides, atrii, dummodò a-  
cres, mordacesque sint, una simul  
Ventriculum, & intestina lancinan-  
tes. Cum autem soli flatus suprà, &  
infra cum impetu erumpunt, impro-  
pria, & sicca Cholera nuncupatur.

V. Hip.  
poc. 7.  
epid. &  
Gal. de  
cibis bo-  
ni, & ma-  
li suce.  
cap. 4.  
Anat. l. 1.  
cap. 5.

L. 1. prax.  
cap. 15.

Hujus morbi causam ad humorem  
cholericum, seu biliosum Galenus  
refert. At ejus origo censetur aliis  
acer quicumque, & pravus humor,  
sive in Ventriculo genitus ex corrup-  
tis cibis, præsertim horariis dictis,  
aut venenosis, sive qui ex adjacenti-  
bus visceribus confluerit. Quam-  
quàm Isbrandus Diemerbr. nunquam  
ejusmodi humorem in Ventriculo  
generari arbitratur, sed è folliculo  
fellis, poro bilario, aliisque vicinis  
locis in duodenum erumpere; mox  
verò partim per Ventriculum, par-  
tim per reliqua intestina protrudi.  
Sylvius verò à succo tum bilario,  
tum pancreatico violenter fermenten-  
tibus unà cum saliva vitiata, in  
intestino tenui, irritationem pri-  
mum, & turbationem intestinorum,  
mox etiam Ventriculi subversionem,  
cum præcordiorum anxietate, con-  
citari ait, indèque Cholera mor-  
bum oriri, quem frequenter quoque  
horarios fructus, cerasa, pruna,  
melones, mala persica excitare no-  
tat. Nec improbandus Helmontius,  
qui Pyloro ejusmodi vitium attribuit,  
in cujus gratiam referenda huc sunt,  
quæ alibi memoravimus, cum de  
Vomitu.

Verum quotquot hætenus Chole-  
ra affectos vidimus, omnes à cibis,  
vel pravis, vel immodicis in ventri-  
culo corruptis, vel in tenui intestino  
depravatis, violentam hanc alvi, &  
stomachi turbationem, egestionemq;  
passi sunt, prætereos, qui à cathar-  
ticis potentioribus hypercatharsim

superam simul, & inferam subiere.  
Semel autem corruptus cibus fer-  
menti vice alios ex aliis partibus con-  
fluentes humores inficit, & deprava-  
vat; undè tam ingens, & iterata  
heterogeneorum humorum evacua-  
tio in hoc affectu aliquando contin-  
git. Porro ab his potissimum Chole-  
ram morbum induci advertit Hip-  
pocrates 7. *epidem.* 90. nempe ex usu  
carnis svisillæ crudioris, cicerum, se-  
piæ, locustarum, gammarorum, o-  
lerumque, maximè porri, & cæpa-  
rum: itemque ex lactucis coctis, bras-  
sica, lapatho, bellariis, pomis, cu-  
cumere, pepone, & potione ex vi-  
no, & lacte mistis, eruo, & polenta  
recenti; pariterque ex ebrietate, &  
insolatione.

Tanta autem plerumque est hujus v. cels.  
morbi sævitia, ut ægros brevi inte- l.c.  
rimat, sive quòd immodicam hanc  
evacuationem vires sufferre non pos-  
sint; sive, quòd laceffita viscera flac-  
cescant, aut inflammentur; sive, quòd  
sanguis etiam ex immensa illa eva-  
cuatione dissolutus, simulque infe-  
ctus exhauriatur; sive, quòd dela-  
xatus tandem venter nequeat corru-  
ptos humores egerere, qui propte-  
reà detenti, præcordia, immò &  
cor ipsum inquinant, ac suffocent;  
sive demum (ut existimat Sylvius)  
quia inanito felleo humore, desinit  
vitalis fermentatio. Hinc rectè mo-  
net Trallianus in hoc affectu exi-  
guam etiam, & levem curandi mo-  
ram pessimam esse. Observat autem  
Galenus quibusdam salutarem illum  
esse, repurgato nimirum exindè  
corpore à multitudine gravantium  
humorum: quod & Nos in quodam  
Adolescente ferè ab infantia explora-  
tum habemus: is enim per certa in-  
tervalla vomitu, & dejectione, tan-  
tam humorum colore, & sapore dif-  
ferentium copiam egerit, ut neque

Lib. 1.  
prax. c.  
19. n. 6.

Lib. 7. c.  
14.

7. meth.  
cap. 11.

tan-



tantillum cibi sumere possit; post tri-  
dum verò sensim convalescit, ac se-  
dato vomitu, intermissaque alvi tur-  
batione, alimenta capit, atque in  
pristinum restituitur: quod autem  
admirabilius est, hæreditariam à  
Patre hujusmodi Choleram ejus ma-  
ter attestatur.

Cùm igitur in hoc morbo cuncta-  
tio periculosa sit, quàm citissimè suc-  
currendum, scilicet causæ remotio-  
ne, correctioneque; mox verò vo-  
mitus, & dejectionis temperatione,  
ac virium restauratione. Licebit au-  
tem aliquandò, blandioribus tamen  
medicamentis, vomitum, aut ven-  
tris subductionem promovere, cùm  
natura videbitur constabunda, & æ-  
ger gravamen in ventriculo persen-  
tiet: at in reliquis satius erit absti-  
nere, & solis corrigentibus uti, qui-  
bus retundatur vis, & molestia irri-  
tantis humoris: idque potissimum  
observandum, si vires ferendo non  
sint; nam in turbationibus alvi, &  
vomitibus ultroneis, si alia purgen-  
tur, qualia oportet, confert, & levi-  
ter ferunt. Opiata communi voto  
commendantur, theriaca recens,  
diascordium, philonium, ut in cu-  
ratione Vomitus dictum est.

Sedato vomitu, virium refectioni  
deinceps incumbendum, nec tamen  
subitò, & immoderatè, sed paula-  
tim, ne gravamen indè sequatur;  
atque interea tum extrinsecus, tum  
intrinsecus fovendus venter erit. Vi-  
num Celso commendatur, sed tenue,  
& odoratum cum aqua frigida mi-  
stum: refert præterea Erasistratum,  
qui primò tribus vini guttis, aut qui-  
nis aspergendam potionem esse di-  
xit, deindè paulatim merum adii-  
ciendum. Scribitque Trallianus mul-  
tos solo vino præter spem evasisse: &  
quidem si calidum illud exhibeatur,  
præsentaneum remedium est, cùm &

calidas potiones unicè prodesse, si  
reliqua omnia æger evomat, adver-  
tit Aretæus. A vino etiam, cui lapis  
porcinus infusus sit, testatur Bon-  
tius apud Du-Hamel Choleram mor-  
bum sanari.

Petrus Jo: Faber aceto rosaceo ex  
aqua fontis, compescendum vomitum  
esse consulit, ter, aut quater  
iterato; deindè suadet tincturam  
violarum cum syrupo violaceo. Ri-  
verius etiam oxycrati exhibitione,  
Vomitum, & alvi profluvium in fœ-  
mina quadam statim cohibuit. Et  
Langius, cui quoque assentitur Sen-  
nertus, præsentissimum, & proba-  
tissimum in Cholera humida reme-  
dium testatur esse crySTALLUM ad se-  
midrachmam exhibitum, præsertim  
in succo citrii, & berberum, ut vult  
Henricus ab Heers. Et Panarolus  
vomitum, & dejectionem sangui-  
neam ad virium jacturam usque cum  
sudore frigido compescuit lapide he-  
matite in succo punicorum. Reliqui  
demum omnes refrigerantibus, &  
acidis universaliter insistant. Verum  
hæc opportuna erunt ad humorum  
acritudinem temperandam, atque  
in sedanda Cholera in picrocholis.

Si maligna febris affectum hunc  
comitetur, Bezoardica proderunt,  
& antimonium diaphoreticum, ma-  
gisterium coralliorum, C. C. ustum,  
bolus Armenia, terra sigillata, ebur,  
crocus Martis, tormentilla, bistor-  
ta, & alia hujus generis.

Cæterum quæcumque stomachum  
roborant, non levem opem in hac  
affectione præstabunt, præsertim ve-  
rò, quæ ex mentha conficiuntur, ex  
absinthio, & mastiche.

Ad siccam verò, quam appellant  
Choleram, itemque ad ructus, ru-  
gitus, & tormina ventris, quæ com-  
munem videntur habere conditio-  
nem, & causam eandem, conferunt

V. Hipp.  
5. epid. in  
histor.  
Vir. A-  
then.  
Vallef. &  
Prosp.  
Mart.

2. Aph. 2.

2. Acur.  
C. 4.

Centur.  
4. obs. 8.

1. 3. p. 5. f.  
2. C. 13.

Obs. 1.

Pentec.  
obs. 11.



Lib. 1.  
prax. c. 9.  
nu. 29.

à Tex.  
104. infe-  
rius.

flatus discutientia, diacinnamomum, dianisum, diacuminum, diatrionpipereon, diambra, philonium utrumque, theriaca, mithridatium. Commendatur à Sylvio spiritus nitri in aqua fœniculi, & syrupo menthæ; itemque spiritus carminativus ab eodem descriptus. Aliis ambra efficacissima dicitur cum quadruplo sacchari. Aliis vinum Malvaticum, & Cretense, in quo fœniculi, & petroselini semina, aut frondes incocta sint. Præcellit verò oleum cinnamomi, & essentia caryophyllorum, ac roris marini: Rusticis familiare est allium coctum cum ruta: quæ nisi profuerint, etiam enemata ex iisdem parata sunt in usu. Hippocrates 4. *derat. vit. in acut.* Cholerae siccae medelam describit per usum clysterum, vini meracioris, olei, & lactis Asinae, præter somnum, quem illi conferentem esse dicit.

## DE AFFECTIBUS INTESTINORUM:

Et primò

### DE LIENTERIA, ET COELIACA Affectione.

**L**axatur quandoque plus justo alvus, & non solum excrementa, aut humores sive vitiosos, sive salutare, sed & cibos indigestos, aut vix mutatos intempestivè deponit; unde Lienteria, & Cœliaca affectio exoritur: quæ licet ventriculo sæpè numero quoque debeantur; frequentius tamen intestinorum culpa contingunt, ut propterea Hippocrati sub nomine lævitatæ intestinorum vocitentur: Hæc namque, & præsertim tenuia, interiùs rugosa, glandulis innumerabilibus exiguis incrustantur, quibus nimirum vasorum illuc

repentium oscula obturantur, & transiens chylus propterea inhærens, à lacteis venis excipitur; si verò emuncta, & complanata villosam istiusmodi crustam, obliteratis nempe glandulis, amiserint, lævorem adeptæ, chylo sine ulla mora præterlabente, hujus ægritudinis sunt causa. Unde Lienteria dicitur Galeno celer esculentorum, potulentorumque exitus, quæ talia deliciuntur, qualia fuere devorata.

At mirum sanè quàm discordes in natura, & causis Lienterici, & Cœliaci fluxus Authores fuerint. Imbecillitati ventriculi, ut coquere, & retinere nequeat, illos Antiquiores attribuerunt. Alii Lienteriam à ventriculo nec concoquente, nec retinente cibos; Cœliacam verò affectionem à venis lacteis obstructis, atque à mala distributione pendere opinati sunt. Alii mesenterium, ejusque glandulas crassiori chylo turgidas, aut etiam tuberculis obstitas hujus mali causam constituerunt. Placuit quibusdam excretionis istius celerioris vitium glandulis intestinorum, aut laxioribus, aut justo densioribus adscribere: ac nonnullis aliis, in consortium venas Mesenterii, aut lacteas advocare. Neque defuerunt, qui & jecur, lienem, aut pancreas, tumoribus, ac scirrhus affecta, in hujus mali causam concurrere sint arbitrati.

Verum ex quacumque causa cibi indigesti remaneant, aut jam confecti non distribuuntur, nec in venas lacteas, & glandulas lumbares permeent, hæc ægritudo exoritur. Si namque laxetur ventriculus, suasque fibras amittat; dissolventes succi desint, vel hebescant; pylorus, aut Ventriculi fundum à recepto cibo, aliisque succis proritetur; intestina laxiora fiant, aut ipsorum glandulæ,

Comm. 1.  
in 6. Aph.  
& de diff.  
sympt. c.  
4.

V. Fernel  
Path. 1. 6.  
c. 10.

V. Ballō.  
in epidē.  
Diemerb.  
1. Anat. c.  
8.

Ex' Con-  
rad. Pe-  
yer.

Sylv. 1. 1.  
c. 16.



ac villosa crusta obdurescat, vel obstruatur; comprimantur, constipentur, vel flaccescant venæ lacteæ, cum adjunctis glandulis mesenterii; si succus pancreaticus, & bilis debitam fermentationem non ineant, aut alteruter acidior, acrior, glutinosior, aliove modo intemperantior fiat, & reliqua, si quæ sunt, dissolutioni, distributionique necessaria, vitium incurrant, quo minus suo munere defungantur, Lientericus, & Cœliacus fluxus procul dubio accidet; unde uniuscujusque sententia, & observatio, super hac re, vera esse poterit.

Hinc propterea cum cibis indigestus egeritur, vitium ventriculi, & succorum dissolventium designabit. At verò si mutatus in chylum deiciatur, malam potius secretionem denotabit, provenientem à succorum in tenuia intestina confluentium defectu, vel inertia, unde purior chyli portio ab inutili minimè secernatur; vel etiam ex obstructis, obduratisque glandulis intestinorum, lacteisque tubulis, purioris chyli ingressum impredientibus. Mutatus denique in alios humores, corruptionem, indebitamque fermentationem in utrisque significabit: Num autem ab hac, vel illa ex prænarra-  
tis causis dependeat, sedulus Medicus ex adjunctis aliis tum symptomatis, tum ægritudinibus coniiciet.

Quanti autem periculi sint ejusmodi fluxus, satis perspectum fiet ex eo, quòd inde vires sensim labascant, & corpus universum contabescat: quamobrem si alium affectum, & præsertim chronicum, insequantur, lethum prænunciabunt; aut hærente alicubi in glandulis, & lacteis mesenterii permixto cum fecibus chylo ventosam hydropisim, & cachexiam adducent. Ab externis

verò causis exorti, crudis præsertim, aut fugacibus alimentis, minus mali sunt, nam spontè sua salubriter terminantur, redditis iis, quæ ventrem aggravant. Notabile quoque est, quod scribit Hippocr. 6. *Aph. i.* Ructum acidum longis lævitatibus intestinorum supervenientem, bonum signum esse: quoniam exinde inchoari ciborum coctionem significatur, quam ab acidis succis proficisci, alibi notatum est.

Medelam quidem admittent variam Lienteria, & Cœliaca affectio pro varietate causarum. Ventriculi languorem, & succorum fermentationem, dissolutionemque promoventium inertiam si consequantur, remedia expostulabuntur roborantia, & succos prædictos acuentia superius relata: Et si ab inflammatione, ulcere, acribusve humoribus Ventriculus ad depositionem ciborum fortasse proritetur, huc revocanda erunt, quæ inflammationi curandæ, & humoribus corrigendis, educendisque conferentia jam antea dicta sunt. A secretionem læsa, convenient, quæ bilem acuunt, & augent, ut sunt amara ex aromatibus selecta.

Obstructionem viarum lactearum, tumoresque glandularum, & villosam crustam intestinorum crassiores redditam emendabunt, deobstruentia, & attenuantia, simulque, si opus sit, evacuantia. Aromata optima sunt, quæque potissimum subamara observantur; vitentur verò oleosa, & pingua, itemque acida, quæ si fortassis grata Ventriculo videantur, parcè, & cum aromatibus permixta exhibere licebit: cæterum nocua in his existimanda sunt.

Villosam intestinorum crustam ab-  
rasam consequens Lienteria, ut aliquando ex Dysenteria evenire ad-



Lib. 1. prax. cap. 16. & tract. V. Append. vertit Sylvius, insanabilis ab eodem reputatur, cum nulla medicamenta norit, quæ crustam illam renovare valeant, & quidem talem, quæ transitum concedat chylo ad lacteas venas propellendo: proderunt autem, quæ vulgò adstringentia dicuntur, & austera, vel sola, vel cum aliis commista, præsertim opiatis.

Lib. 22. obs. 24. Cent. 2. cur. 56. Cæterum fluenti alvo indiscriminatim opitulantur, quæ stomachum roborare superius sunt memorata; itemque bolus Armenia, terra sigillata, colchotar vitrioli, crocus Martis, cornu C.ustum, corallia, tormentilla, bistorta, ribes, baccæ myrtæ. Saccharo ros. veteri stetit Lienteriam in sene fatetur Forestus: eodemque cum theriaca optima, & succo cydoniorum in formam electuarii redactio, curatum alium testatur Amatus Lusitanus. Cum conditura rosarum punicarum miscet Sylvius Deleboe diascordium Fracastorii, confectionem hyacinth. terram sigillatam, & sanguinem draconis. Commendatur ab aliis Mithridatium ad dr. j. cum scr. ss. croci Martis. Hepar lupi magnificat Hartmannus cum eodem mithridatio, additis magisterio coralliorum, C. C. usto, & mastiche. Ab electuario ex baccis juniperi descriptione Paracelsi, & croco Martis magnum juvamentum non rarò prodiit. Aqua cinnamomi efficacissima quoque est, & longè efficacior illius essentia, & elæosaccharum. Pulvis, aut sal pelliculæ interioris ventriculi gallorum optimus etiam plerisque dicitur in cibis.

Externè verò confert emplastrum ex Tacamahaca, mastiche, stypticum Mynsicht, Jo. de Prochyte, ex crusta panis cum succo, vel pulvere menthæ, & absinthii, mastiche, & nuce myristica. Olea insuper, & essentia

inde elicita valdè etiam profunt.

Cibis interea ægrotus minimè gravetur, sed pauca exhibeantur, sæpius tamen, & grata Ventriculo. Liquor expressus ex carnibus assis, cum aromatibus, & succo cydoniorum, vel cerasorum laureorum subacidorum conditus salutaris est. Aliquando memini sanatum vidisse lentericum graviter affectum sumpta halece salita aceto inspersa. Memorantur alii non dissimiliter curati, appetitis prius, mox comestis rebus insuetis, & extraordinariis. At de his latius in sequentibus.

### DE DIARRHOEA, & Dysenteria.

CUM liquidius, quàm ex consuetudine Alvus, haud cibum, vel chylum, sed humores reddit, cum dolore, febre, siti, ciborum fastidio, torminibus, iteratisque cum interdiu, tum noctu molestissimis dejectionibus, undè vires sensim consumuntur, & corpus extenuatur; quin & aliquando, ingravescente in dies morbo, emunguntur intestinorum glandulæ, & albicans illorum crusta abraditur, unàque simul cum variegatis humoribus egeritur, quam tandem consequuntur cruentæ evacuationes, quæ modò cum liquidis fecibus, modò cum quibusdam, quasi mucosis, comparent, & interdum simul quædam carnosa, seu membranacea descendunt: quare frequens deiciendi cupiditas, dolorque in ano fit, & cum eodem dolore exiguum quid emittitur, atque eo quoque cruciatus intenditur; Diarrhœa primùm, mox etiam Dysenteria exoriuntur, Morbi planè acerbissimi æquè, ac periculosissimi, immò sæpenumero lethales.

Species Diarrhœæ plures recens-



sentur à veteribus. Alia enim à fluente chylo: Alia ab humoribus, & præsertim biliosis: Alia ab eliquatis carnibus. Sic pariter alia à Mesenterio, alia à ventriculo, alia ab Hepate, Liene, Utero, Cerebro, itemque à vermibus, à pharmaco, à veneno.

Lib. 1. prax. c. 13. Verùm fluxus omnes Alvi distinguit congruentius Deleboe Sylvius in Lientericum, cùm alimenta cruda egeruntur: in Ictericum, seu Cœliacam affectionem, cùm alimenta fermentata, non tamen secreta, & in chylum, fœcesque separata excernuntur: in Chylosum, cùm alimenta tùm fermentata, tùm in chylum, fœcesque secreta, sed simul adhuc confusa deponuntur: in Biliosum, cùm humores biliosi repurgantur: in Pituitosum, cùm crassi, & viscosi, vel etiam tenues, ac serosi evacuantur: in Pinguem, seu unguentosum, cùm pingua, & oleosa deiciuntur: in Cruentum, vel purum, ut in hæmorrhoidibus; vel loturæ carniū similem, ut in fluxu Hepatico dicto: & demùm in Purulentum, seu saniosum, ut in Dysenteria, & Tenesmo graviore.

At quamvis Diarrhœæ nomen latiori significatione comprehendat omnem fluxum, & specialius qui ex alvo liquidiori provenit; sumitur nihilominus hoc loco pro eo, qui humorum est, & præsertim acrium, cum dolore intestinorum, & febre; quique nisi opportunè sedetur, mox comitem trahit Dysenteriam, cum torminibus ventris, strigmetorum, & cruoris frequenti evacuatione conjunctam. Cæteros verò alvi fluxus peculiari nomine donatos, partim suprâ cùm de Lienteria, & Cœliaca affectione; partim infrâ cùm de fluxu Hepatico, & alibi examinabimus. Qui autem à cerebro procedere putatur, Schneiderus in sanguinem re-

fert per intestinorum arterias recrementa alba, & spumosa repurgantem.

Hanc itaque Diarrhœam ab acribus, acidisque humoribus dolorem simul, & irritamentum intestinis afferentibus pendere in confesso est apud omnes. Hos autem licet antiqui Jecori ad calidum intemperato adscripserint; Ratio tamen, & experimentum contrarium evincit: neque enim in Mesenterium quidquam è Jecore per venas effluit; neque si efflueret, aliud quid à sanguine esset, cùm tamen alii humores per alvum efferantur in Diarrhœis, qui certè si è venis exilirent, hæmorrhagiam perennem parerent: at verò ligatis venis per mesenterium, & intestina perreptantibus, infra, non supra ligaturam sanguis restagnat: Experimento etiam constitit, nullam inflammationem in Hepate observatam, nullumque ardorem, aut dolorem, quæ sanè febrim attulissent vehementissimam, cùm cæteroqui sæpenumero Diarrhœæ sine febre fiant. Humores pariter excreti virides, seu porracei, atrii, flavi, variegati, non leve etiam argumentum præbent illæsi Jecoris, quia cum tanta humorum corruptione, & pravitate, quanta dicitur ab illis haberi, minimè posset diù innoxium, & vita constare.

Probabile itaque magis est ejusmodi fluxus frequentes, dolorificos, & variegatos procedere à succis biliaris, & pancreatico, vel ex se vitiosis, vel in tenuia intestina confluxis, ibique quantitate, aut qualitate inconvenienter commistis, atque indubitè fermentescentibus, adeoque proritantibus ad sui depositionem intestina; qui sive ab excessu bilis acrioris, sive à copia succi pancreatici acidioris redditi, nedum semetipsos depravent, chylumque pertranseuntem vitient, sed & alios quo-

V. Graeff. de Nat. & usu succ. pancr. 2. Isbrand. Diemerb. 1. Anat. cap. 3. 5. V Villif. pharm. rat. 1. 3. c. 1.

scum-



V. Con-  
rad. Pe-  
yer de  
gland.  
intest. c.  
9.

scumque humores illuc delatos; quin etiam alimentum, & quidquid sponte, vel adigente natura eo loci deducitur, corrumpant, mucum intestinorum, & glandulas emungant, atque abradant, cruorem eliciant, & substantiam eorumdem erodant cum doloribus lancinantibus, & torminibus ferocissimis; undè fit, ut Diarrhœam pertinacem inevitabiliter Dysenteria subsequatur plerumque immedicabilis.

Pharm.  
rat. f. 3. c.  
3.

Quamvis autem plerumque Dysenteria cruenta esse soleat, observata tamen aliquandò incruenta est. V Villisus enim memorat quotannis ineunte Autumno Londini sævire consuevisse popularem, & incruentam Dysenteriam, in qua aquosæ dejectiones cum torminibus, & subita virium jactura observantur. Neque solum incruenta, sed interdum indolens quoque refertur ab Hippocrate 2. *epidem. sect. 6.* & extat exemplum in *Ephemer. German. ann. 1671. observ. 43.*

Præter horum succorum vitium, ab abscessibus etiam, & inflammationibus viscerum naturalium, præsertim Mesenterii, Intestinorum, & glandularum, Diarrhœam, & Dysenteriam oriri, jam satis exploratum est: atque plures extant historiæ apud Th. Bartholinum, Riverium, Hildanum, Rhodium, Platerum, Fontanum, & alios.

Hipp. 3.  
Aphor.

Consueverunt potissimum humores isti vitari à cibis, & potibus, qui facile corrumpuntur, & fermentationem immoderatam promovent, quales præsertim sunt fructus, horarii dicti, & potus nimium relaxantes, ac frigefacientes, importuna, & subita aeris inclementia è nitrosa, & boreali, in aluminosam, & austrinam constitutionem; undè non rarò Dysenteria epidemica. Huc etiam accensum

da est Rubigo, & Uredo supra fruges, vineasque decidua, cujus meminit Plinius *lib. 18. cap. 1. & 28.* & alibi; quamobrem infecti fructus alvum movent, & tormina pariunt, ut non semel visum in locis ad Vesevum sitis. Immoderatas pariter animi curas Diarrhœam inferre, ostendere conatur V Villisus, per inordinatam spirituum animalium motionem, undè intestina violenter perturbentur: porro experimur ab ingenti timore alvum repentè laxari.

Præterea non rarò accidit Diarrhœas, ac Dysenterias febribus acutissimis, & mali moris accidere à vitio sanguinis; undè sicuti hæmorrhagiæ, sputa sanguinis, vomitus; ita Dysenteria cruenta contingere possunt, læsis exindè potius Intestinis, ac Mesenterio cum venarum, aut arteriarum erosionibus. Internoscere verò summoperè oportebit has sanguinis evacuationes ab iis, quæ ex hæmorrhoidibus accidunt, quia in hoc Medicos falli contingit: de qua re legendus Galenus 3. *de sympt. caus. 2. & 2. de loc. aff. 5.* cruenta namque evacuatio in Dysenteria sequens est, & modica, cum ventris torminibus, febreque plerumque acutissima; secus in hæmorrhoidibus.

Tradit Galenus 4. *Aph. 26. & 6. de loc. aff. cap. 2.* plures Dysenteria gradus ab excretorum varietate, quamobrem Diarrhœam Dysenteria prodromum constituit. At quam ex adiposa substantia excreta deducit, verè talem non esse alii plures, & gravissimi Auctores ex Anatome evincunt: A muscosa enim, & villosa crusta Intestinorum abrafa videri aliquandò pinguem substantiam excerni docet V Villisus; & Peyer à glandulis intestinorum derivari arbitrat; atque Sennertus viscosos esse humores ait diù in intestinis coacervatos.

V. Pana-  
rol. Pe-  
tec. 1.  
obs. 9.



tos. Insuper cruorem excerni solitum in Dysenteriis plerumque ab intestinis crassis, & præsertim à Recto manare vero-similius est; undè Dysenteria affiduus comes Tenesmus esse solet, quo tam crebriter coguntur patientes desidere, irritò sæpissimè conatu. Accidit quoque à Mesenterio sanguinem unà cum recrementis, & pure, quia fortassè ibidem substitit, effluere, atque Dysenteriam mentiri, ut nonnunquam ex Abscessibus illius maturatis, ac diruptis observatum est, quos adhuc in ipsis intestinis obortos memorat Aetius.

Tetrab.  
3. f. 1. c. 42

Undecumque autem ejusmodi dejectiones oriantur, (criticis tantum Diarrhœis exceptis) semper malæ existimantur: frequens enim desidendi labor infomnem facit, & periculum defectionis animi minatur. Gravius insuper erit, si quod egeritur, omninò præternaturam fuerit, undè facilius intestina possint exedi. Quare porri speciem referentes, nigras, variegatas, graveolentes egestionem peiores putat Aetius, de quibus Hippocrates 2. *prognost.* Quod si veluti carunculæ deiiciantur, vicina mors portenditur. Malum quoque est ciborum fastidium, & cum febre, (quæ tamen non semper juncta Dysenteria putatur Hollerio) pejor; sicut etiam Lienteria. Bonum verò dicitur, si maniacis contingat, ac lienosis: Vomitus prætereà, si multo post tempore superveniat, salutaris; at secus inter initia. Cæterum *uno die fluere alvum*, inquit Celsus, *sæpè pro valetudine est, atque etiam pluribus, dum febris absit, & intra septimum diem id conquiescat: purgatur enim corpus, & quod intus læsurum erat, utiliter effunditur: periculosum est, cum ulterius producit, etenim tormina, & febriculas excitat, viresque consumit.*

2. Prog.

14. Aph.

4. Aph.

24. Aph.

7. Aph.

23.

4. Aph.

26. Aph.

7. Aph.

78.

7. Aph. 5.

& 6. Aph.

ph. 48.

6. Aph.

15.

Coac.

prænot.

Lib. 4. c.

19.

Ab affectis prætereà partibus, creduntur longè graviores Dysenteria tenuium, quàm crassorum intestinorum, quia in illis dolor intensior fit, cum torminibus, siti, & virium exsolutione: pro quibus internoscendis adnotat Galenus c. 6. *de loc. aff.* cruorem exactius cum fæcibus commisceri, qui tamen ab intestinis crassis descendens alvi excrementis supernatatè conspicitur. At hæc fallacem conjecturam exhibent, nisi ab ulcerato ano sanguis puri similis prodeat, ut in Tenesmo.

Aet. re-  
trab. 3. f.  
1. c. 43.

Curationem denique quod attinet, illam variis, diversisque medicamentorum generibus Medici moliuntur. Et quidem, cum Dysenteria intra limites Diarrhœæ versatur, sunt, qui vomitum præcipiant, quique etiam dejectionem, ex rebus astringentibus dictis, rhabarbaro acerbato, vel modicè torrefacto, tamarindis, myrobalanis, syrupo ex pluribus infusionibus rosarum punicarum. Alii ab his abstinent, at clysteriis lenientibus, & pinguibus fluentes humores retundere conantur, atque affecta intestina demulcere. Alii verò, solis corrigentibus humorum acrimoniam uti malunt, ut hi in meliorem statum revocati desinant fluere, & intestinis nocere.

Vallef.  
Massar.  
Angel.  
Sala, &  
River.

Hippocrates in victus ratione, & exercitiis universam Dysenteriam medelam collocat: cibum enim detrahittum in prandio, tum in coena; atque exercitia indicit vehementiora: quippe existimat à ciborum repletionem illam plerumque fieri. Et alibi, lac decoctum tantummodò exhibet. At Celsus, motu inhibito, vini cyathum, cui contrita radix quinquefolii sit adjecta, jejuno stomacho sorbendum præcipit, atque intereà imponenda cataplasmata super ventrem, quæ reprimunt.

Lib. 3. de  
diata.

1. de  
Morb.

Lib. 4. c.  
15.

Atqui



Lib. 1.  
prax. c.  
13. n. 33.  
& infe-  
rius.

Atqui distinctius in his procedendum alii suadent, & cum alvi fluxus abundantes humores indicat, ut neque victus ratione exacta, neque solis corrigitibus cedat, etiam leviter evacuantibus utuntur; atque Sylvius, post alios plurimos, in hanc rem primas tribuit Rhabarbaro tosto, cui vim inesse scribit benignè evacuandi, & laxiorem alvum sua austeritate sistendi: miscet autem illud cum subdupla portione nucis myristicæ, vel cum pari dosi radicis jalapæ, & modico cinnamomi, ita tamen ut universa dosis vix drachmam attingat. Neque timendum ex torrefacto rhabarbaro empyreuma, & acritudinem excitari; nam exsolvitur, non acuitur inde rhabarbarum, atque ustione potentiùs corrigit, infringitque vitiosos humores: quod omninò in hoc affectu exoptandum. Timor autem omnis aberit, si rhabarbarum austeriusculum exhibeatur citrà torrefactionem, cum nuce odorata, & si placuerit, etiam cum pulpa tamarindorum, quæ mirificè retundit bilis acrimoniam. Qua ratione ejusmodi medicamenta prodesse credendum, non autem, ut quidam arbitrantur, vi, qua pollere dicuntur, astringentia. Nos illo hoc pacto exhibitio feliciter multoties usi sumus. Temere verò, imprudenterque à quibusdam fieri solet, qui cum comprimendæ alvo dant operam, Diarrhœa tamen, ac Dysenteria affectis in dies præscribunt cathartica largiora ex manna, syrupo ros. julapio ros. aureo, aliisque, cum solventibus decoctis ad plures uncias, quæ à bene valentibus vix sufferri possent: per hæc enim fluxus non sistitur, sed potiùs promovetur, ducunturque ad intestina ab aliis partibus humores medicamento commoti, ac corrupti, non sine graviore illorum affectione. Quamo-

V. Gal. 1.  
de Art.  
eur. ad  
Glauc.  
cap. 14.  
Qui auctu-  
erunt  
sanguine  
mittere,  
vel pur-  
gare in  
majora  
pericula  
a gros  
perduxe-  
re.  
V. Val-  
les. in 4.  
epid.

brem hos meritò reprehendit Fuchsius *lib. 2. Paradox. cap. 13.* atque in probationem, Hippocratem, Galenum, aliosque veteres adducit, qui ab ejusmodi medicamentorum generibus prorsus abstinerunt. Quæ verò adversus rhabarbarum tostum ipse affert, eluduntur à Matthiolo, quid perutile Dysentericis evincit rationibus, & experimentis.

Apolog.  
adv. A-  
mat. Lu-  
sit.

Si verò evacuatione non sit opus, fortasse quia vitiosos humores constat multitudine non excedere; quin immò fermento cysti felleæ, pancreatis, ipsorumque ductibus, aut etiam intestinorum glandulis insito, ac subindè sensim exudanti continenter præterfuentes succos depravari, depravatosque alvum ad sui exonerationem sollicitare: tunc sedulò illi temperando, absumendoque incumbendum. Celsus Asclepiadem refert frigidissima potione usum, atque ipsemet aquæ benè frigidæ potum proponit, cum cætera non juverint. Riverius aliquandò exhibuit in potu sal prunellæ ex aqua lactucæ, & portulacæ, ter in die. Sed tutiùs uti licebit misturis unà simul roborantibus, & corrigitibus, ex aqua cinnamomi, plantaginis, consolidæ, bursæ pastoris, confectio de hyacinthis, vel diamargarit, diascordio, & similibus. Helmontius Diarrhœam sanari inquit duobus ovorum vitellis duris aceto rosaceo temperatis, & patienti exhibitis. Theriaca recens optima est, aliudve opiatum medicamentum. Summè etiam prodest electuarius baccarum myrtearum, vel rosarum punicarum cum pulvere C. C. usti, tormentillæ, bistortæ, & plantaginis ante cibum pluries iteratum; itemque pulvis coralliorum rubrorum, boli armeniacæ, terræ figillatæ, croci Martis adstringentis dicti, colchotaris vitrioli, seminum plantaginis,

Cent. 1.  
obs. 33.



ginis, baccarum sambuci, thuris, mastiches, balsami Peruviani. Cera alba pyro, vel cotoneo indita, simulque excocta efficacissima est; sicut pariter gummi Arabicum, & pix, præcipuè si Diarrhœa in Dysenteriam transferit: Quo casu Robertus Boyle terebinthinam cum saccharo optimè in pilulas redactam mirabiliter commendat; quam, & cum mercurio dulci commistam, egregium inquit esse antidyntericum,

Specialiùs autem Dysenteria conferre scribit Hartmannus essentiam, seu tincturam Smaragdi, essentiam croci Martis à Crollio descriptam, tincturam coralliorum, & alumen crudum ad dr. j. in aqua plantaginis dissolutum pro potu. Et Anselmus Boetius laudat etiam crystallum in tenuissimum pulverem redactum, & cum vino propinatum: quod & fluxum album uteri, cholericum, & cœliacum citissimè compescere ait. Pulverem radices filipendulae ad dr. j. in vino, aut vitello ovi mirabilem prædicat Velschius ex Mercato, & Prævotio. Sanguis Leporis, qui venatu per canum morsus interiit, in vino exhibitus, speciale remedium dicitur Helmontio: ut & ungula Equi non luxuriantis in butyro frixa; deindè in pulverem contrita; si autem is lasciviat, dysenteriam magis promovet, & mortem afferre subdit. Hædi coagulum summum etiam arcanum creditur Michaeli. Priapus Cervi, vel Tauri pulveratus, vel elixus; itemque priapus Cati, & talus porcinus in calcis formam redactus; pariterque pulvis pedum perdicis tostorum ad dr. j. ex vino rubro mane, & vespere; atque hepar Serpentis apud Fridericum Hofmannum; necnon ster-  
cus Canis ossibus nutriti cum lacte caprillo ex Fr. Joele. Brevi, & miraculo quasi curatum quemdam dysen-

tericum testatur Borellus potu aquæ, in qua suber ebullierat: id ipsum ex pulvere aliis feliciter successisse refert Riverius. Usus pulveris tragacanthi ad dr. j. cum nuce myristica, & coralliis, ana ad dr. ss. in ovo sorbili, præstantissimus notatur à Cratone. Recentes Dysenterias, cruentas licet, statim sanari fatetur H. Saxonia hoc pulvere, in quo sunt, *offis sepia ustæ dr. ij. spongiae pice imbutæ, & in olla crematæ, & putaminum ovorum induratorum, detracta pellicula interiori, singulorum unc. ss. margaritarum præparatarum, & boli Armeniae singul. dr. j.* Hæc in pulverem contrita exhibentur in lacte, vel cocto, vel ignito chalybe medicato, vel etiam in aqua polygoni, ad dr. j. Riverius inquit: quidam dysentericus omnia remedia respuens, solo usus est pimpinellæ decocto, cum aqua, & butyro confecto, cujus scutellam sumebat manè, & sero, & intra triduum curatus est. Commendat etiam pilulas ex bdellio alternis diebus, vel bis, aut ter in hebdomade. De Cive quodam Hafniensi meminit Bartholinus, qui selibram calidæ cerevisiæ propinabat, in qua summitates absinthii, & sal album decocta forent, nucemque odoratam tritam cochleari ultimo superbibendam dabat; atque ita innumeros curasse gloriabatur. Hinc non mirum videbitur, si Themison apud Celsum muria dura quàm asperrima in his affectibus uteretur: quodque Galenus refert de eo, qui dysentericos uno lanabat die, cæpis *Cartis* nimirum cum pane exhibitis, & parco potu primum, postridie muria acerrima per inferiora infusa. Apud Borellum alia describuntur medicamenta antidynterica; quemadmodum est aqua chalybe medicata ex decocto lentium cum pulvere fabarum, & caryophyl-

lorum;

Valler.  
lib. 3. obs.  
4.

In praxi.

Lib. 2.  
delap. &  
gemm.  
cap. 74.

Obs. 44.

T. Pote-  
stas Me-  
dic. &  
Pylorus  
rector.

Lib. 4.  
pract. f. 3.

Cent. 1.  
obs. 57.

Lib. 5.  
consil. 22

Pract. p. 2  
cap. 19.

Cent. 3.  
obs. 84.

Prax. l. 10  
cap. 5.

Cent. 2.  
hist. 65.

Lib. 4.  
c. 15. 12.  
meth. 1.

V. Mer-  
curial. 1.  
var. lect.  
cap. 4.  
Qui cre-  
ticas, vel  
enidias  
exponit.

Cent. 1.  
obs. 13.



lorum; itemque oleum olivarum cum  
 Cent. 1. saccharo, ac vitellis ovorum, & lac  
 obs. 36. caprinum haustum cum saccharo.  
 Verùm in usu lactis cautiùs agen-  
 dum, ne in ventriculo acefcat, aut  
 corrumpatur, monitu Hippocratis,  
 5. Aph. & Tralliani.

64. lib. 8. cap. 8. Ulcere in tenuibus intestinis hæ-  
 rente, commendat Sylvius apozema  
 Lib. 1. vulnerarium ex decocto *radicis con-*  
 prax. c. *solida Sarac. foliorum pyrolæ, alchi-*  
 13. n. 52. *millæ, hederæ terrestris, saniculæ*  
*maris, summitatum hyperici, rasu-*  
*ræ C. C. in aqua ferr. cum syrupo de*  
*althæa Fernelii, & tinctura cinna-*  
*moni, addito balsamo sulphuris anis.*  
*vel cum succini oleo parato ad guttas*  
*aliquot.* Describit etiam mylturam  
 valdè efficacem, & eclegma in eun-  
 dem finem, apud quem vide.

A verbasco, plantagine, sangui-  
 naria, hyperico, & bistorta compa-  
 ratur optimum sanè medicamentum,  
 qui pro usu addere solemus, vel Be-  
 zoardicum martiale, vel antimonium  
 diaphoreticum. Succum hederæ, ut  
 efficacissimum magnificat Hollerius.  
 Lib. 7. E verbasco, & sanguinaria aqua eli-  
 confil. cita, & in potum data, multum va-  
 Craton. let, & si huic addatur parum aquæ ju-  
 niperi longè efficacior dicitur ad se-  
 danda ventris tormina. Ad idem  
 Lib. de conficit Hildanus electuarium ex  
 dysent. c. oleo amygdalarum dulcium, & sac-  
 2. charo miscello, addito modico oleo  
 recenti vitellorum ovorum. Effert  
 Mynsicht species diaplantaginis: &  
 Quercetanus trageam antidysente-  
 ricam. Thus demùm, mastiche, suc-  
 cinum, tragacanthum, & gummi  
 Arabicum; itemque sperniosa, san-  
 guis draconis, hæmatites, suber, &  
 Cornu C. ustum, vel mista, vel singu-  
 latim sumpta efficaciter profunt. Ex  
 America nuperrimè advecta est radix  
 cujusdam plantæ *Ipecacuanba*, vel  
*Ippepaquana* dictæ, quæ ad dr. ij. in

pulverem contrita mirabiliter dysen-  
 tericos fluxus curare dicitur: Lauda-  
 tur autem quæ rufi coloris est, non  
 alba, nec nigra.

Extrinfecus verò, pro arcano ha-  
 bet idem Hildanus, Argentinae, seu  
 Anserinae folium plantis pedum ad-  
 motum omnes Dysenterias intra  
 xxiv. horas sistere. Eandem herbam  
 butyro frixam, & ventri applicitam  
 commendat Michael, apud Hofman-  
 num, qui & Persicariam pulsibus alli-  
 gatam, offi sacro, & umbilico, col-  
 laudat. A Martino Rulando sedatus  
 olim fuit dolor, & fluxus dysentericus  
 fumo glandium quernarum in aceto  
 asperrimo decoctarum, ano per se-  
 dem perforatam excepto: pariter-  
 que sacculis ex furfuribus aceto quo-  
 que incoctis, & crebrò, calidè que  
 ano applicatis. Fertur à Roberto  
 Boyleo, quemdam dysentericos cer-  
 tò curasse fumo zingiberis itidem per  
 anum excepto: atque alium, fumum  
 C. C. prætulisse. Commendat Plate-  
 rus lotionem pedum cum vino rubro  
 styptico, & suffitum ex decocto radi-  
 cum tapfi barbati, bistortæ, gallarum,  
 plantaginis, rosarum punicarum, &  
 chamameli in aqua ferraria. Flores  
 roris marini in aceto acri leviter de-  
 cocti, mox expressi, & calentes ven-  
 tri impositi mirificè prodesse dicun-  
 tur Solenandro. Si prima excremen-  
 ta sanguine intincta salis manipulo  
 misceantur, magnetica vi curare  
 scribit Frid. Hofmannus: sicut etiam  
 insperfo cholcotare vitrioli. Et Crol-  
 lius Acori aquatici lutei radicem  
 mense Majo effossam Amuletum hu-  
 jus morbi esse docet, si appensa fera-  
 tur supra ventriculi regionem. Car-  
 dilucius etiam frustulum ligni vulne-  
 rarii, seu fraxini, excrementis cruen-  
 tis intinctum in frustulum laridi infi-  
 git, ibique detinet, quousque æger  
 convalescat.

Cent. 7.  
cur. 40.

Cent. 5  
cur. 18.

De util.  
Philos. p.  
2. f. 5. c. 14.

Lib. 3.  
observ.

l. 4. con-  
fil. 9.

Designat  
rer.

Hoc loc.



Præterea plurimum plerique fidunt clysteribus ex rebus emollientibus, & anodynis, decocto hordei, lacte, jure, oleo, melle, vitellis ovorum, & similibus. At Guil. Ballonius horum usum improbat: dum enim, inquit, sic intestina proluuntur, & diluuntur, mollia fiunt; undè diathesis illa, quam Galenus *πυματικὴν* vocat. Cautius procedere videtur Sylvius, qui enemata adhibet solum affectis crassius intestinis, quò scilicet illa pervadere possunt; eaque conficit ex lacte bubulo recenti, in quo chalybs ignitus extinctus sit, & terebinthina Veneta ovivitello dissoluta, cum modico mellis ros. Tentzelius clyisma describit ex jure capitis ovini, in quo summitates hyperici, & radices tormentillæ infundit, atque tres, vel quatuor horas supra cineres calidos detinet; Idque in desperatis alvi profluviis præstantissimum esse dicit. In Ephemeridibus Germanicis anni III. describitur & aliud enema à Luca Schrockio, ex decocto *radicis tormentillæ, & symphyti, itemque ex plantagine, bursa pastoris, equiseti, mentha rubra, rosis punicis, balauistiis, & anth. cum seminibus sumach.* cui deindè adiicit *sacch. Thom. & balsam. Peruv. cum vitell. ovi solut.* & tandem *succ. plantag. recenter express.* At paratus clyster ex simplici decocto corticum ligni juniperini virentis mirificè quibusdam profuit: sicut & qui conficitur ex solo decocto plantæ *Lyfimachia* in oleo communi, vel ex decocto urticæ, centinodii, & verbasci, aut cynoglossi in eodem oleo. Addit quoque enematis diascordium Barbette, & alii Theriacam, aut opium; quin immò ex ipso glandem podici inserit Fr. Joel. sed ultra horæ quadrantem in intestinis non dimittit. Guainerius verò admiscet thus, mastichen, crocum, &

Lib. I.  
eph. & c-  
pid.

In Ter.  
Bezoard.  
cap. 4.

Ex Rhal.  
lib. 4. f. 3.

Lib. 5.  
consil. 22

styracem liquidam cum paucio opio.

Opiatorum usus nec ab omnibus in Dysenteria commendatur. Crato enim ad illa non nisi urgente summa necessitate deveniendum esse suadet, prius tamen quàm vires infractæ sint. Suspecta quoque statuit Zecchius; ni fortè maximè urgeat dolor, & vigilia. De laudano autem opiato speciàtim monet Th. Minadous, ejus usu ulcera sordidiora reddi, & mortem arcessiri, referente Thonnero.

Consult.  
37.

Lib. 3.  
obs. 10.

Contrarium autem testantur Horstius, & Riverius, qui ab illo plurimos sanatos memorant. Satiùs propterea erit opiata cum liquidis miscere, ut scilicet acritudinem succorum temperent, & citrà partis affectæ noxam, aut vitiosorum humorum retentionem, (ut isti suspicantur) ventris dolorem, ac tormina sedent: quin & theriaca, ac Diascordium omninò innoxia existimanda sunt, ob maximam aromatum misturam, tenuissimam verò opii partem. Cæterum laudanum ipsum opiatum à perita manu confectum nunquam fallere visum est, si præsertim omittantur in illius compositione ea, quæ à plerisque inutiliter commiscentur. Neque insuper temerè, atque cum primùm alvus fluere cœperit, & gravamen in ventre ex congestis forsan humoribus percipitur, exhibendum: etenim non rarò juvat per duos, aut tres dies alvum solutam habere, documento Celsi, ad repurganda excrementa ventri onerosa.

Diuretica denique, & diaphoretica miram opem dysentericis sæpè sæpiùs contulere. Sicut enim Vomitus ex Hippocrate spontè contingens à longo alvi profluvio, malum solvit; utque *lib. 2. de dieta* dicitur, alvum plus æquo fluidam sistit, quoniam humores ab affectis partibus avertit; ità quia à diaphoreticis, ac diureticis,

6. Aph.  
15.

V. River.  
cent. 3.  
obs. 9.



cis, par, immò tutius emolumentum sperare licet, procul dubio utilia erunt existimanda; eoque magis si popularem, malignamque constitutionem Dysenteria consequatur. His præterea omninò insitendum multis suadent Hildanus, Riverius, Sylvius, & Villifius; atque hic præ cæteris describens epidemiam Dysenteriam incruentam Londini grassatam, testatur remediis cardiacis, & calidissimis tantummodò cessisse.

Lib. 10.  
prax. c. 5.  
De dyf.  
cap. 7.

Inter cætera diuretica huic morbo peculiariùs conferentia creduntur decoctum granorum juniperi in vino, ex Riverio: & decoctum lumbricorum terrestrium cum carne vervecum ex Hildano. Terebinthina, ejusque spiritus, & oleum à nonnullis etiam commendatur; itemque ebur, oculi Cancrorum, decoctum cornu C. gelu coactum, aqua graminis, in qua filices igniti pluries fuerint extincti: atque id genus alia.

Cap. de  
Dysent.

Præcipua verò diaphoretica Dysentericis apta recensentur, mercurius diaphoreticus ex eodem Riverio, lapis Bezaar ex Hildano. Pariterque antimonium diaphoreticum, Bezoardicum quodcumque, præsertim solare, & martiale: Theriaca, & spiritus theriacalis, sal volatile C. C. extractum scordii, & diascordium Fracastorii, sal volatile, & pulvis ipse viperarum, aliaque plura, quæ sanè non semel visa sunt in hoc morbo profuisse; præsertim si febris jungeretur mali moris; aut epidemica constitutio vigeret. Singula demùm simplicia ex vegetalibus, fossilibus, & animalibus desumpta, atque huic affectui speciatim opitulantia, & ex his composita, ex pluribus collegit Sennerthus, quem videsis.

Non dissimili modo Tenesmo (qui à Galeno inter Dysenterię species refertur 3. de sympt. causis 2.) occur-

rendum, cui curando vix æquè præstantius remedium est Sylvio Deleboe balsamo sulphuris, si cum terebinthinæ Venetæ spiritu oleoso, vel succini, anisive oleo, ritè fuerit comparatum, ac per se solum, vel aliis admistum, & podici inditum. Suffimentum ex thure commendat Matthiolus: additque præterea Forestus mastichen, semina myrti, & flores rosarum punicarum arefactarum. Suffitus conorum Abietis præsentissimum remedium dicitur Rumlero. Hinc omnia resinosa prosunt, pix, terebinthina, mastiche, thus, styrax, gummi tragacanthum, & Arabicum, myrrha. Tapus barbatus decoctus, & suffumigatus etiam juvat cum absinthio, anetho, chamæmelo, foliis quercus, & seminibus Kermes. A Dysenteria sejunctum sæpè solis fomentis calidis sanatum vidimus, stomacho interea roborato. Quin & nonnulli in fessu super lateres æstivo Sole excalectos curati sunt. Oleum ceræ, & vitellorum ovorum quoque prodest; sicut etiam oleum hyperici ex aqua ardente destillatum: Vinumque myrrhatum, camphoratum, & aloeticum. Internè verò, oleum mastiches ad guttas aliquot in aqua menthæ, plantaginis, vel pulegii, subito Tenesmum solve notat Hartmannus. Cæterum antidysenterica hic quoque locum habent, ut propterea plura alia congerere superfedeam.

### DE ALVI FLUXU CRUENTO, & Hepatico dicto.

**N**ON modò humores vitiosi, & à natura degeneres, sed aliquandò etiam sanguis per alvum egeritur impermixtus, atque à fæcibus, cæterisque mucosis dejectionibus omninò sejunctus, & citrà dolorem, aut inte-



intestinatorum tormina. Fluere autem è vasis cohærentibus intestinis ferè omnes ajunt; indeque hæmorrhoides oriri, quæ venæ juxta anum turgidæ sanguinem fundant. Harveius arterias ibidem adnexas indè depleri existimat, quæ arteriæ cœliacæ ramuli sunt per mesenterium, & lienem sparsæ. Verisimilius tamen putat Congringius, eos, qui secundum naturam sunt, effluxus, apertis venarum orificiis fieri, eo quòd solæ venæ videantur ad extrema partium hiare, arteriarum finibus conjunctæ. Et Rolfinckius *in dissert. Anatom.* non omninò necessarium arbitratur, ut quemadmodum humorum affluxus per arterias fit, ita etiam effluxus. Undè Highmorus fieri posse credit has sanguinis evacuationes per venas in magnis naturæ conatibus, mutato sanguinis cursu; & quidem à locis vicinis, Hepate, Liene, Pancreate: motus enim ille Naturæ in humorum expulsionem est præter naturam, & violentus, viamque non semper sibi consuetam quærit, sæpiusque, & aliæ actiones naturales Naturæ necessitati cedunt, cum laceffitur, ut in vomitu. Porro certissimum est, nedum in his evacuationibus, verum etiam in hæmorrhagiis narium, venas aperiri, & sanguinem effundere, quamvis iste in has ab arteriis profluat. Non tamen impossibile putandum, interdum etiam ab apicibus arteriolarum sanguinem exudare, & quandoque largas hæmorrhagias oriri, quæ non tam facilè cohiberi possint. Neque quòd subsultim sanguinem quis profluere non conspiciat, rectè coniciet ab arteriis minimè prodire; quandoquidem exiles illæ, præsertim in suis extremitatibus, non pulsant; undè illas à venulis vix licet internoscere.

De Hepatico verò fluxu, quem  
Tozzi Op. Med: Tom. I.

nimirum loturæ carniū similem esse ait Galenus, gravius dubitare contingit, undè procedat. Nam quod idem Galenus deduxit à Jecore in frigidam, humidamque dyscrasiam delapso, adeoque sanguinem serosum, aquosumque generante, veritati minimè cohæret, & jam notius est, quàm ut demonstrari possit. Quare vel ad vitium aliorum viscerum, Pancreatis scilicet, aut Mesenterii, vel ad mixturam copiosi serici cum sanguine, aliis referre visum est. Verosimile autem videtur, si quando albicans ejusmodi sanguis egeritur, Mesenterii, sicut & intestinatorum glandulas nimium relaxari, atque vasa lymphatica dicta, illuc confluentia, extillare lympham non benè à sanguine secretam, adeoque rubore aliquo suffusam, in intestina. Credibile quoque est, sanguinem per arterias cœliacas, è quibus splenicæ, & mesentericæ deducuntur, in intestina crassa, quo loci hæmorrhoides cæcæ erumpere solent, multa lymphâ saturatum deponi, qui mox per alvum excretus loturam carniū æmuletur, cum non semel viderim diuturnis hæmorrhoidibus affectos in ejusmodi fluxum, ac postremò in Cachexiam incidisse: quin & lymphâ falsior, ab acido quocumque eidem suggesto, vel quomodocumque permixto, ruborem induit ut sanguineum colorem mentiatur. Fieri etiam potest, ut succi in tenuia intestina confluentes non dissimilem nanciscantur conditionem, ut præterfluentem liquidiorē chylum immutent, & ex sale muriatico, aut è lixivio oriundo simili, tincturam quadantenus rubentem extrahant, immò etiam chylum ipsum adhuc dilutiorem reddant; undè Paracelsus fluxus omnes à sale resoluti provenire fas est: Nec rarum, hoc morbi genere detentos faeces deicere, veluti

V. Vvalæum in Meth. cū animadv. Velschii De Sang. gen. & mot. c. 38 Lib. 6. cap. 29.

Lib. I. p. 2. c. 6.

V. Barth. Anat. Ren. libell. 2. cap. I.



T. Pylori  
Re-  
mor.

luti in aqueum liquorem exolutas, modò pallidas, modò rufas, quamvis solidiora alimenta assumant. Hoc idem febricitantibus sæpè etiam accidit diarrhœa correptis, & multoties ab assumpto cathartico. Atque huc respexisse videtur Helmontius, cum dixit ex dissensu Fellis, & Pylori, Diarrhœas, Dysenterias, & hæmorrhoides oriri. Nil prætereà moror sanguinis universi vitium, cum scilicet marcidus, effœtusque redditus, suoque etiam glutine solutus, hæc, & graviora mala affert.

6. Aph.  
12.

Quamquam autem quicumque sanguinis fluxus periculosissimus sit, istamen, qui ab hæmorrhoidibus est; si modum fervare videatur, consuevit sæpenuerò prodesse. Advertit insuper Hippocrates à diuturnis sanato hæmorroidibus, nisi una servetur, aquam intercutem, vel tabem imminere: hæc autem certò superveniunt, cum immoderatè fluunt, aut ichores indè perpetim exudant, ut pluries experientia comprobavit.

Obs. 20.

Lib. 4.  
obs. 50.

Tument autem, & rubent nonnumquam hæmorrhoides, & dolorem acerbissimum afferunt, immò & capiti gravamen, cordi, & pectori oppressionem, stomacho nauseam, & alvo duritiem pariunt. Huic incommodo variis occurrere consueverunt Medici: conferentiora verò putantur linimenta ex oleo vitellorum ovorum, seminum lini, buxi, balsaminæ, balsamo sulphuris Rulandi, lacte aureo sambuceo, unguento linariæ, populeo, & malorum insanorum. Scribit Henricus ab Heers, seipsum à Castrensi Pastore edoctum, expertum esse, minimum quid scrophulariæ, sive radicis, sive foliorum cum cibo, aut potu assumptæ, statim dolorem hæmorrhoidum sedare. Hartmannus, & Horstius maximi faciunt liniariam, quam in linimentum redigunt

cum vitello ovi. Et apud Riverium Pachequs ex Arnaldo Villanov. sum-  
me commendat infusum millefolii in  
aqua fervente, & per mensem inte-  
grum epotum. Chelidonium minus  
mirabile prædicat in omnibus hæ-  
morrhoidum vitiis Solenander. Mil-  
lepedes effert Quercetanus, & Hœ-  
ferus, in oleo nucum excoctos. Ali-  
ter ex illis oleum conficit Borellus,  
illudque sæpius in die frigidum ad-  
movet dolentibus, tumentibusque  
hæmorrhoidibus. Plantaginis aqua-  
ticæ radix dextra manu gestata do-  
nec incalescat è vestigio dolorem hæ-  
morrhoidum sedat ex Prævotio. Hart-  
mannus utitur decocto scarabeorum  
rotundorum in oleo lini; itemque ci-  
nere suberis cum axungia capi, vel  
oleo myrtino. Decoctum tapsi bar-  
bati, malvæ, althææ, parietariæ, &  
quatuor anodynorum efficax aliis  
dicitur, itemque cæpa alba sub cine-  
ribus cocta, & cum butyro recenti  
subacta instar cataplasmati. Hel-  
montio commendantur annulus den-  
tis Equimarini, & morientium su-  
dor, quo hæmorrhoides, & extube-  
rationes quascunque solo contactu  
comprimi, & complanari scribit.  
Oleum ex floribus sambuci, vel ex  
cortice ejusdem interiori in oleo se-  
minum lini, vel nucum incocto, cum  
modico croci, ex voto aliquandò fe-  
liciter profecit. Cardilucius in Hart-  
mannum, excellentissimum se exper-  
tum dicit emplastrum Apostolicum,  
quod dolorem sedet, & sanguinem  
effluere sinat. Cornu Vervæcis nigri  
ustum, pulveratum, & per setam tra-  
jectum tumentibus hæmorrhoidibus  
admotum, certò sanat, ut experi-  
mento pluries constitit. Scrophula-  
ria viridis contusa, & in modum ca-  
taplasmati tumidis mariscis applici-  
ta, dolorem sedat, & illas extenuat.  
Ad cæcas autem hæmorrhoidas, cer-  
tum

Cent. 4.  
conf. 20.

Cent. 1.  
obs. 63.

Select.  
Remed.

T. latex.  
hum. ne-  
gl. n. 17.



tum Amuletum est Fabaria, seu Telephium ex V Vedel. *obs.* 195. *Ann.* 2. *Ephem. Germ.* Appenditur radix Telephii recens cum filo in dorso inter scapulas; cum marcescente radice tabescit etiam tuberculum omne.

His præterea immodicè fluentibus medentur millefolium infusum; radix scrophulariæ; tormentilla, bistorta, C.C.ustum, ut & suber; essentia Martis in aqua sempervivii stillatitia, & alia sistendo sanguini opportuna superius relata. Conficit Solenander pilulas ex bdellio, trochiscis terræ sigillatæ, & carabe, cum liquore è seminibus cotoneorum ex aqua rosarum expresso; quas mirabiles fatetur: scribit etiam, tribus seminibus genistæ manè quotidie sumptis, hæmorrhoidum, & cujusvis sanguinis profluvium sisti; itemque epota aqua stillatitia chelidonii, aut etiam (quod tutius ait) vino, in quo chelidonium ipsum fuerit maceratum. Externè verò fluentem sanguinem cohibere referuntur fumigationes ex thure, aloe, mastiche, pice, carabe, verbasco, foliis quercus, crepitu lupi, qui solus ficcatus, & venis sanguinem fundentibus admotus, remedio est: fluxum quoque inhiberi ex croco Martis insperso testantur alii: & Heurnius pulvere colchotaris, seu vitrioliusti. Si tangantur, inquit Frid. Hofmannus, hæmorrhoides tuberosa radice chondrillæ, ficcantur, si chondrilla ficcatur; corrumpuntur, si corrumpatur; quare sub camino exiccandam consulit. Cingulum conficit Hartmannus ex foliis hellebori nigri recentibus, quo nudum corpus circumdari ait successu felicissimo, atque hoc eodem cohiberi etiam menses immoderatè fluentes. Succus plantaginis injectus cæcas quoque hæmorrhoides sanare fertur. Lotio ex urina propria, mox fumus sulphu-

ris per tritorium exceptus dolori, & fluxui aliquandò medela fuit ex Velschio. Poligono sub axillis posito nimium hæmorrhoidum fluxum sisti testatur V Vedelius. Cætera alibi ad sistendum sanguinem descripta ex vitriolo, alumine, marte, opio, hic etiam adhiberi possunt.

Si denique à suppressis hæmorrhoidibus mala in corpus universum proficiscantur, ac propterea opus sit illas referare, indeque sanguinem elicere, præcipuum erit elixir proprietatis Paracelsi simplici etiam infusione paratum. Conferunt pariter pilulæ Aloephanginæ, Rufi, Rhafis; Aloe, croco, & succo absinthii subacta, & quidquid ex Aloe est compositum. Interim adhibenda, quæ venas ipsas emolliant, ac relaxent, uti potissimum sunt balnea ex decoctura laxantium herbarum, malvæ, althææ, anethi, violarum, quatuor anodynorum, & similium. Post hæc solent nonnulli foliis ficus, aut frondibus parietariæ illas perfricare, ut sanguinem deponant. Id ipsum alii tentant succo caparum Aloe misto. At cavendum ne nimio affricu partes illæ exasperentur, & inflammationem contrahant, quam non rarò gangræna comitatur: quamobrem satius erit medicamentis internis sanguinis exitum promovere, vel ejusdem vitium moderari; exterius vero blandioribus uti, laxantibus, & vaporosis.

Serosum denique fluxum, & Hepaticum dictum, qui viderint, pauci sunt: curandum autem sibi persuadent per antidysenterica admista cum Hepaticis, quæ scilicet roborent, & calefaciant. Hepati lupi plerique magnam vim in hoc affectu tribuunt, illudque variè præparatum exhibent. Sunt qui aquam ex illo cum aliis simplicibus commisto per alembicum

Eph. Ger-  
man. t. 3.  
obs. 22.

V. Hart-  
man. in  
praxi.



Pag. 71.  
select. re-  
med.
 eliciant: alii electuarius; alii pulve-  
 rem: Apud Prævotium describitur  
 electuarius à radice consolidæ majo-  
 ris, & saccharo ros. quod expertum  
 dicitur. At aromata, quocumque  
 modo exhibeantur, optima erunt,  
 cinnamomum, galanga, piper, zin-  
 giber, caryophylli, cubebæ, horum-  
 que essentia, spiritus, aquæ. Vinum  
 absinthites, aliudve, è ligno guajaco,  
 cinnamomo, & pipere conditum:  
 conditura, & electuaria è baccis ju-  
 niperi, uvis passis, nuce odorata, cæ-  
 terisque etiam proficient. Hydroti-  
 ca moderatè sumpta à nonnullis com-  
 mendantur ad superabundantis feri  
 evacuationem. Tutiora verò viden-  
 tur diuretica, & sudorifica, quæque  
 alkali plurimo constant. Vitanda au-  
 tem sunt humectantia, cathartica  
 valentiora, acida, pingua, oleosa.  
 Narcotica, si moderata fuerint, &  
 cum roborantibus mista, pro rata  
 sua quoque proderunt. Cætera cum  
 superiùs dictis communia sunt.

### DE COLICA, ET ILIACA Affectione.

Lib. 4.  
cap. 13. &  
14.
**A** Cerbè nimis aliquando intesti-  
 na dolent, atque retentis unà  
 simul fæcibus, constipataque alvo,  
 cruciatibus insensissimis vehementer  
 contorquentur, & inflantur, adeò ut  
 potius per os stercus erumpat, quàm  
 ne quidem spiritus infrà transmitta-  
 tur; quamobrem Colicus dolor, mox  
 etiam Iliacus oritur: Et quamvis uni-  
 versa penè intestina sæpè sæpiùs utro-  
 que morbo affici soleant, creditur  
 tamen frequentius in priori crassa,  
 in posteriori tenuia cruciari, atque  
 ex his Ileon, ex illis Colon potissi-  
 mum; undè nomen utrique affectui  
 inditum est, qui Celso plenioris, &  
 tenuioris intestini morbus dicitur, ac  
 quibusdam ex Græcis *χολδαλός*.

Dolere intestina, & inflari anti-  
 quitus creditum ab obduratis fæci-  
 bus, crassis humoribus, ac flatibus, 6. de loc.  
aff. 2.  
 cavum illorum occupantibus, disten-  
 dentibusque; contorqueri verò, at-  
 que insuper revolvi, etiam propter  
 eorundem inflammationem. Ma-  
 vult autem Sennertus Ileum morbum Lib. 3. pr.  
p. 2. f. 2. c.  
1.  
 oriri à motu præter naturam inverso  
 intestinorum, quorum fibræ; non  
 quidem in inferiora, ut moris est, sed  
 versus superiora sese contrahentes,  
 etiam in alvum immissa, aut injecta;  
 per os propellant, & reiiciant. In-  
 versi verò istius motus causam refert  
 1. in intestinorum inflammationem,  
 abscessum, tumorem, & herniam. 2.  
 in fæcum retentionem, undè Natura  
 ad præposteram evacuationem irri-  
 tetur. 3. in quæcumque alia vellicare,  
 ac mordere apta: humores nimirum  
 acres, venena, ulcera, & similia. In  
 hanc eandem sententiam descendit  
 Deleboe Sylvius, qui motum intesti-  
 norum peristalticum inverti in Ileo  
 existimat, propter gangrænam, ip-  
 samque comitantem intestini corru-  
 pti coarctationem, aut propter in-  
 testini tenuis coarctati ingressum in  
 partem proximam, & flatu solito ma-  
 gis expansam; præter Herniam, fæ-  
 cum delapsum impedientem. Vix  
 autem fieri posse putat, ut intestina  
 tenuia complicantur, aut convolvantur,  
 ut à plerisque memoratum est.  
 Quod pariter confirmat Kerckringius  
*obs. Anatom.* 42. excusatque Ri-  
 verium, qui contrarium ex Anatome  
 deduci scribit: quamvis alii non de-  
 sint, qui convulutorum intestinorum  
 in Ileo meminerint, facta cadaverum  
 sectione. At Paulus Barbette Ilei cau-  
 sam ferè semper esse ait bilem, aut  
 acriorem, dolorem, inflammatio-  
 nem, motumque intestinorum inver-  
 sum inferentem; aut crassiorem, al-  
 vum minimè sollicitantem, undè fæ-  
 ces

I. 1. pr. c. 9  
n. 12. & c.  
15. n. 16.

Cent. 3.  
obs. 26.  
V. Ge-  
rard.  
Blas. in  
cap. 3.  
Anat.  
Vesling.  
In prax.



ces indurentur: fatetur tamen se vidisse aliquandò septem diversis in locis intestinum Ileum convolutum.

Verùm enim verò observationes Anatomicæ ostendunt, non uniusmodi Colicos dolores, & Iliacas affectiones evenire. Feruntur aliqui Colici doloris violentia perempti habuisse in intestinis non solum crassis, sed etiam tenuibus, varia è genere vitiosarum rerum hærentia: mucum tenacissimum, Galeno pituitam vitream dictum, bilem, lapides, vermes, flatus, ceraforum, & prunorum nucleos: In aliis reperti sunt abscessus in mesenterio, pancreate, ipsismet intestinis, omento, peritonæo, cæterisque. Ab Ileo verò demortuos, infestasse inflammationes, tumores, gangrænas, quas potissimas hujus morbi causas, ac frequentiores volunt Riolanus, Platerus, Sylvius, Patinus, & Hildanus, qui ad finem Ilei, & Coli principium, circa intestinum Cæcum, affectus istius causam se perpetuò observasse testatur; quare existimat valvulam à Bauhino in initio Coli detectam, primum ex intestini Cæci inflammatione adeò contrahi, & constringi, ut planè nihil excrementorum permeare patiatur.

Ad modum quidem probabile videtur, quod suspicatur Conradus Peyer, serum videlicet in plexibus glandulosis Intestinorum, indolem austeram, stypticam, atque tincturæ gallarum æmulam sortiri, proinde ut manipulus circularium intestini fibrarum ejusmodi tinctura imbutus, facta pertinaci constrictione, neque excrementis, neque flatibus transitum largiatur; undè his in molem illic aggestis, ac perpetuo stimulo ad excretionem irritantibus; sæcum, ciborumque rejectio per superiora, extremo Naturæ conatu, excitetur: Intestini autem constrictione pertinaci-

Tozzi Op. Med: Tom. I.

ter perseverante, inflammatio, febris, ac tandem gangræna oboritur. His arcessere non abs re erit, vitia succorum in tenuia intestina confluentium, præsertim cum acidiores, glutinosioresque illi evaserint, ut alibi dictum.

Neque insuper improbable est, interdum Colicos dolores, sicut & Ilicos, pendere à Mesenterio, ut arbitratur Villisius, sive quòd recrementa humoris nervei à cerebro per nervos decidua, & in Mesenterium, aliosque abdominis plexus delapsa, ibique stagnantia, & vitiosa reddita, nervorum propagines, fibrasque, quibus Mesenterium innumeris scattet, corrugationibus valdè molestis, & dolorificis torqueant, sive quòd aliundè pravi humores illuc decumbant, & fermentatione excitata, tum Mesenterium ipsum convellant, & compungant, tum eidem adjuncta intestina, cum propè illa præsertim congeri contingit, sed ob tenacitatem nec regeri, nec ultra in cavum illorum protrudi queunt, ut in alvum deturbentur. At hos Colicos propriè appellare communis loquendi usus omninò vetat; quamobrem Fernellius nothos, Riolanus Pictonicos, & Pictavienses dolores nominat, qui peritonæum, omentum, cæterasque membranas, quæ Abdominis, ventrisque partibus obtenduntur, obsident, & excruciant.

Quoniam vero intestinum Colon à dextra Ilium regione subter ventriculum retorquetur, & in sinistrum renem, cui etiam adnectitur, excurrit; fit ea propter, ut à plerisque Colicus dolor Nephriticus credatur, & vicissim: eoque magis quia per nervos inter sese quoque partes istæ communicant. At cum dolor Colicus plerumque vagus esse soleat, atque zonæ instar ventrem ipsum coarctare, qui

De An.  
brut. p. 2.  
c. 15.  
VVarth.  
Adeno-  
gr. c. 11.

6. pathol.  
c. 10.  
Anthrop  
p. 656.

Galenus  
se in hoc  
deceptū  
fatetur.  
de loc.  
aff. c. 5.

V. Jac.  
Thevart  
in conf.  
Ball. ex  
Hipp. 3.  
epid. f. 2.  
hist. 9.  
Fernel. 6.  
path. c. 9.  
& P. Sal.  
de aff.  
part. c. 11  
Cent. 1.  
obs. 61.

De  
gland.  
intest.



& à cibo, eodem compresso, intensius augeatur, undè ad vomendum ventriculus cogitur, alvus etiam adstrictior sit, angustato Colo, clysterisque laxata levamen persentiat, facile à Nephritico internoscetur: qui reni semper infixus per adjunctum solummodò ureterem ad testem illi respondentem protenditur, ac consentienti cruri stuporem affert, nec præterea à vomitu desinit, aut plurimum mitescit, sicut colicus, quin & aliquandò à parco cibo sedatur, delata scilicet fluidiori ad renes alimenti portione nonnihil eosdem demulcente. Urinæ demùm tenues primùm, & aqueæ, mox verò turbatæ, atque saturatæ contentis, in Nephritico dolore comparent; in Colico verò etiam inter initia crassæ, & sedimento gravatæ, præter alia, quæ memorat Galenus 6. de loc. aff. cap. 2.

Quamvis autem Colicam affectionem vomitus frequenter comitetur; istamen, vel non admodum violentus, vel puri phlegmatis, aut cibi nuper assumpti erit; dolor verò plurimum urgebit, & sæpissimè cum alvi astrictione, vel parca nimis dejectione stercoreis bubuli, vel caprilli similitudinem referente. At verò in Ileo nil penitus per alvum dimittitur, sed omnia, tum fæces, tum injecti clysteres per os (rupta forsan, aut laxata valvula Coli, ut suspicatur Spigelius) reiciuntur; immò etiam immixta ano balani, ut ex Gradio refert Sennertus. Quamobrem Galenus proprium, & inseparabile signum in Ileis esse docet, nihil ad inferiora descendere; vomitum autem non semper adesse, sed cum exitiales sunt. Verùm Hipp. 3. epidem. sect. 2. in historia mulieris volvulosa ægr. 9. adhuc aliquarum dejectionum tenuium, & crudarum meminit: licèt has in principio solum haberi posse inter-

pretentur Petrus Salius, & Riverius, ex fæcibus fortassè infra intestinum affectum contentis.

Maximè periculosus uterque affectus est, & quidem alter altero gravior: quippè diù ferri nequeunt intensissimi, & lancinantes illarum partium dolores, nausæ, vomitus, quos tandem consequitur virium languor, partium extimarum frigus, & Mors. Aliquando Colica affectio Paralysem contrahit, aut etiam Epilepsiam, percussis, contortisque nervis intestina pertingentibus. Visa est etiam in Ischiadem desinere; sicut ex adverso experti sumus hanc curatam usu clysterium acriorum ex bryonia, & colocynthide, deposita materia mucosa, & per alvum excreta. In abscessum etiam terminatam memorat Hildanus, qua parte Colon hypochondrium sinistrum spectat; In hydropem siccum, sive Tympanitem quoque desinere docet Hippocrates 4. Aph. t. II. Quòd si vomitus stercoreis superveniat, & Colicus dolor in Iliacum commutetur, omninò exitialis dicitur Galeno 6. de loc. aff. 2. quamquàm ex prolapsu intestini in scrotum, aliquandò sanatum referat Petrus Salius. Ab Ileo insuper vomitus, singultus, convulsio, aut desipientia, malum. 7. Aphor. 10. & 1. prorrh. s. 3. 66. Ex volvulis male olentibus cum febre acuta, hypochondrioque sublimi diutius perleverante, parotides exurgentes perimunt; sicut etiam si vomitus, & surditas accidat, in Coac. pranot. & 6. Aph. 44. Quibus ex stillicidio urinæ Ileos supervenerit, in septem diebus pereunt, nisi febre superveniente, satis urina fluxerit: quoniam à crassis, & phlegmaticis humoribus uterque hic affectus progigni potest, ut docetur à P. Salio, Ballonio, & Thevartio.

Cent. 2.  
obs. 74.

Lib. 8.  
Anat. c.  
19.

Lib. 7.  
Aph. 10.

De aff.  
part. c. II  
Lib. I.  
conf. An.  
not. in  
eumd.

Dupli-



Duplici præsidiorum genere Colici doloris curationem explendam Medici arbitrantur: primò quidem remonentibus causam; deindè occurrentibus dolori; ad quem etiam statim aliquandò respiciunt, si propter vehementiam induciæ minimè præbeantur.

Nedùm autem dolori obtundendo, sedandoque, etiam cùm illius causam corrigendam, aut removen- dam sibi proponit, omni studio adnititur Franciscus Deleboe Sylvius; verùm etiam ab ipsius doloris varietate causas universas deducere satagit, unàque simul adhibet, quæ humores, & dolorem ab humoribus procedentem eliminant. Distinguit namque dolores omnes primùm à partibus affectis, tenuibus scilicet, & crassis intestinis; itemque à lumbis; deindè à modo; atque à sensu; illosque nominat ardentes, algentes, perterebrantes, lancinantes, pungentes, distendentes, rodentes, lacerantes, pulsantes, contorquentes, contundentes, gravantes, fixos, vagos, aliosque atque ardentes, à bile pinguiori, & succo pancreatico acidiori; vel etiam à sanguine in vasis intestinorum capillaribus stagnante, aut extrà effuso, & inflammationem pariente: algentes, à succo pancreatico valde acidò, & acri, cum bile minus pingui, vel pauca, vel cum pituitosis humoribus mista; perterebrantes, ac fixos à succo quidem pancreatico acriori, sed cum viscosa pituita misto; undè pituita vitrea: contorquentes ab eodem humore, at multùm acri, & austero: gravantes, à copiosa, viscosaque pituita: distendentes, ab eadem in flatus exsoluta, propter misturam bilis acrimonia muriatica, & oleosa conditione volatili peccantis lancinantes, & vagos, ab halitibus acris à succo pancrea-

tis acidiori cum bile indebitè effervescente: urentes, ac rodentes ab utroque humore acriori, falsiorique reddito: contundentes à pituita multa succo acidò pauco conjuncta: lacerantes, ab acidò puriori, & neutiquàm infracto: aliosque similes pro diversitate vitiosorum succorum oriri arbitratur. Quamobrem præscripto ordine eorundem medelam instituit per acidà bilem pinguiorem temperantia: per inflammationem auferentia: per corrigentia acidò-acrem succum pancreaticum, ut sunt spiritus vini aromaticus, aqua theriacalis cum spiritu vini parata, antimonium diaphoreticum, oculi cancrorum, corallia: per ea, quæ vitream pituitam domant, & educunt, gummi galbanum, sagapenum, bdellium, opopanax, mastiche, myrrha; itemque per salia volatilia præsertim oleosa: per spiritum salis ammoniaci temperandæ austeritati aptissimum: per viscosam pituitam incidentia, & evacuantia: per flatus discutientia, præcipuè emplastrum carminans ejusdem: per aromata cum opiatis commista: per acidò-austera, omphacium, succum punicorum acidorum, expressiones: per phlegmagoga, & salia tùm fixa, tùm volatilia: & denique per opiata, & aromata oleosa, & volatilia.

Ileum verò morbum cùm ipse patet speciatim fieri ab intestini tenuis inflammatione, ac gangræna, atque ab intrusa una in alteram intestini parte, præter Herniam: remediis inflammationi, & gangrænae occurrentibus; & globulis aureis, vel plumbeis (si tamen inferior pars in superiorem immissa sit) curandam tradit, aliò intereà remissa Herniæ medela.

At alii, & quidem communiùs, Colicæ curationem expleri omninò



posse sibi persuadent, flatus discutientibus, ac fæces obduratas, dentatasque lubricantibus, crassos, viscososque succos attenuantibus, encantibus lumbricos, & solventibus inflammationem; quibus alii addidere humores acres, & biliosos educentia, & castigantia: quippe ab his solum causis ejusmodi affectionem provenire posse sunt opinati.

Progenitam à flatibus intestina distendentibus Colicam cum inflatione, rugitu, murmure conjunctam, atque à retentis, obduratisque fæcibus, tractant alvum laxantibus, & emollientibus clysteriis, ex decoctura malvæ, althææ, parietariæ, violarum, mercurialis, chamæmeli, fœnugræci, meliloti, rutæ, florum sambuci, baccarum lauri, & juniperi, seminum lini, anethi, cari, addito oleo amygdalarum dulcium, chamæmeli, liliorum, rutæ, anethi: admiscunt alii cuminum, origanum, rorem marinum, absinthium, nicotianam, & veronicam summè commendatam à Cratone; quin & nonnulli hæc incoquant in vino albo veteri, vel saltem sapam adiiciunt; aut jus gallinaceum, columbinum, & palumbinum. Mox theriacam exhibent, mithridatium, diacinnamomum, dianisum, in aqua origani, anisorum, aut cinnamomi. Ad Colicam à flatibus vinum exhibuit Hippocr. 2. *epidem.* §. 6.

Si his fæces minimè secedant, lenientibus catharticiis utuntur, oleo amygdalarum dulcium, & amararum, recenter expresso, manna, diapruno; cavendo acria, & vehementiora. Singulare remedium, scribit Matthiolus, esse oleum, in quo folia hederæ terrestris sint infusa ad Solem æstivum, idque sive injectum, sive epotum: At Crato laudat oleum amygdalarum cum vino Cretenfi haustum, cui & semidrachmam sper-

matidis ceti non rancidi adiicit: & Paræus aquam parietariæ commiscet; Platerus verò modicum syrupi papaveris. Ad subducendas fæces Hipp. *lib. de affect.* clysterem iniicit, qui nisi fortè admittatur, instrumento ad id comparato flatum plurimum in ventrem jubet immittendum, statimque infundendum clysterem, ubi is fuerit cum intestinis inflatus; nam certò inquit exindè alvum laxari. Id ipsum etiam *lib. 3. de Morbis* faciendum per follem fabilem præcipit, ut injecto postmodum clystere, venter exoneretur: huic Hippoc. documento potissimum inhæret Trallianus *in curatione Colicæ*; quod etiam sequuti sunt Amatus Lusitanus, & Epiphanius Ferdinandus; licèt improbetur ab Aureliano, quòd ventus frigidus nocuus futurus sit intestinis: at huic incommodo occurrit Riverius admonens follem juxta ignem aere implendum esse. Martinus Rulandus extracto esulæ ad dr. ss. cum unc. iv. aquæ fontis dissoluto, & colato calidè usus est in adolescente, qui indè expurgatus sanitatem adeptus fuit. Alium etiam infuso trochiscorum alhandal in sero lactis sanum evasisse testatur: & alium spiritu vini aureo, quem pariter commendat Hartmannus, qui tamen in pituita educenda speciatim præstare inquit essentiam trochiscorum alhandal; ad flatus verò dissipandos specialius valere misturam spiritus vini, & spiritus nitri ad dr. ss. vel scr. ij. in aqua cumini tepida, ægro interim quiescente. Riverius pilulas præscripsit ex dr. j. aloes, diagridii gr. vii i i, & laudani opiatii gr. v. quarum usu, sedato protinùs dolore, & alvo soluta, æger omninò convaluit. Hollerius etiam cum philonio exhibet scammonium; quin & Helidæus cum purgantibus miscenda semper esse narcotica consulit,

De fumo  
Nicotianæ.

V. Barthol. ceter.  
4. Epist.  
92.

Lib. 1.  
consil. 10.

Lib. 5.  
consil. 21.

Lib. 16.  
cap. 28.

Lib. 10.  
cap. 1. ceter.  
1. cur. 100  
hist. 74.

Cent. 7.  
cur. 45.

Cent. 10.  
cur. 61.

Cent. 3.  
cur. 5.

Cent. 2.  
obs. 1.



fulit, ut unâ simul causâ, & dolori occurratur.

Obf. 2. At nullo injecto clystere, aut exhibito cathartico, testatur Pachyquus apud Riverium certò sanari colicos pulvere intestini lupi ad dr. j. ex paucò vino generoso sumpto: quod remedii genus divinum appellat Amatus Lusitanus. Utiliter etiam ab aliis exhibetur jecur lupinum in pulverem redactum, sicut & testes equini in vino, vel jure; itemque sterces eorumdem animalium pulveratum ex Panarolo, & Riverio; cujus meminit Galenus 10. *de simpl. med. fac.* & Helidæus de Paduanis præservare etiam scribit à Colico dolore intestinum lupi exiccatum, & zonæ instar per ventrem circumductum. Apud Riverium *observ. hinc inde decerpt.* 7. præsentaneum medicamentum est cinis suberis, quod dolii vini obturamento ultra annum usui fuit: exhibetur autem in vino albo ad dr. j. urgente dolore: ut & pulvis corticum avellanarum sylvestrium, & cinnamomi æquis partibus ex vino Cretico exhibitus. Zingiber etiam ad eandem dosim ex vino calido datur pari efficacia: Quin & Boyle asserit etiam fumum zingiberis ter, vel quater de die, ex fistula instar tabaci hauriendum, Colicam, & hystericam passionem sedare. Cunctis verò præcellere ait Nicolaus Piso Castoreum, si tantundem illius exhibeatur. Expertum quoque scribit Borellus jusculum cum allio, & oleo olivarum calidum haustum, adjecta subdupla parte vini generosi. Solet pariter allium decoctum umbilico admoveri, & aliud devorari; undè Galeno Theriacæ æmulum illud dicitur. Refert Thomas Bartholinus Jacobum Finckium avunculum suum à coli dolore sanatum imposito ventri cane Milesio, qui cum incaluisse, exitum urgebat, &

tormina remittebantur. Lactentium catulorum ventri dolenti admotorum usum vetustissimum fuisse scimus malum enim ipsos contrahere, atque colicis doloribus tandem mori Veteribus est creditum; in quorum fidem etiam Crato ventrem auratis vivæ depilumem, ac ventri patientis appositum; itemque ranam vivam, experimento idem præstare testatur. At Galenus cum flatus urgerent admovendam consulit umbilico cucurbitulam magnam, & pro incantamento illam habet. Hoc idem adscribitur magneti ab Hartmanno. Verum tutius erit ventrem inungere galbaneto Paracelsi descriptione Cratonis, commendato summopere à Riverio *in sua praxi*: & oleo ex lateribus, aut sapone Hispaniensi. Avena in sartagine frixa, & sacco indita, atque abdomini iterato applicata, fertur Gaspar Hofmannus aliquando hujusmodi dolorem sedasse: dicitur enim attenuare flatus, alvumque laxare. Notabile est, quod à Roberto Boyle memoratur, aurifabrum colica affectione sæpius vexatum in sessu ad longum tempus super incudem insigniter calidam illicò curari solitum: atqui novi ego quendam, qui cum atroci dolore ventris cruciaretur, admotis sæpius sæpiusque pannis coccineis calidis ano, sensim convalesceret. Credendum tamen à flatibus, crudisque humoribus, & acidis, in his colicam affectionem evenisse.

Hæceadem juvamento quoque erunt Colico dolori ex pituita crassa, & tenaci, quam vitream nuncupant, seu potius ex acido, lentoque humore; at specialius conferunt philonium, theriaca, electuarium è bacis juniperi, aqua cinnamomi, essentia zedoariæ, & chamæmeli. Neque abs re erit supponere alumen crudum cari-

Lib. 3.  
consil. 13

In Consi.  
Crat.  
apud  
Schol-  
zium.

De util.  
philos. p.  
2. f. 5. c. 14

Prevot.  
select.  
rem. p.  
78. Exper  
medic.

Cent. 4.  
obs. 92.

12. meth.  
c. 8.  
Cent. 6.  
hist. 53.



caricæ inditum, vel cerato aliquo oblitum: mirificè enim mucosum phlegmâ, lentosque succos dissolvit, & allicit; per os verò utilia dicuntur hiera picra, infusum colocynthidis in vino, extractum trochiscorum alhandal, & catholicum, pilulæ aloephanginæ, & Arabicæ. Clysterium ex oleo rutæ benè aliquando cessit Galeno 2. *de loc. aff. cap. 5.* Et Forestus vinum dictum Hippocratium injectum profuisse scribit: atque alii puerorum urinam.

V. Act.  
tetrab. 3.  
f. 1. c. 31.

Lib. 21.  
obs. 7.  
schol.

A vermibus orta Colica affectio sedabitur medicamentis illos enecantibus, & expellentibus, de quibus infra; Ita pariter ab inflammatione, tumore, & abscessu, propriis ad id tractabitur remediis, quamvis sæpe numero parum feliciter.

Coli dolorem postremo ab acribus humoribus inductum, & biliosum, ac scorbuticum dictum, endemicum inquit esse Sennertus in Moravia, Austria, Franconia, ubi vina validiora, & non benè defæcata sunt in usu: eumque frequenter in Paralyfim, Arthritidem, & Epilepsiam desinere, evomique etiam in illo infusos clysteres, injectasque glandes: atque hujus generis videtur fuisse Colica Pictaviensis, & ea, quam per universam Italiam vagatam memorat P. Ægineta. Probabiliter autem conjectat Vvillifius à liquoris nervorum, & sanguinis recrementis acidis circa Mesenterii plexus, aliasque regionis illius partes nervosas aggestis, ejusmodi colicas affectiones provenire. Sæpè enim, inquit Sebastianus Nasius, qui dolores intestinorum tribuuntur, in illis non sunt, sed in adjunctis partibus, nimirum Pancreate, Mesenterio, Omento, & aliquando etiam in Peritonæo (quamvis à Peritonæo affecto Colicam fieri neget Vvillifius) si nimirum in eas partes,

De scorbut.  
cap. 4. &  
de Antra.  
Brut. p. 2.  
cap. 15.

P. 2. met.

cæterasque sensu præditas, acres, & vitiosi humores deponantur. Hinc meminit Fernelius, Colicum dolorem diuturnas febres, aliosque morbos biliosos aliquando subsequutum, depulsa materia morbifica in abdominis viscera, undè non tam facilis per alvum exitus pateret, coadjuvante pariter prava illius conditione acidoaustera fibras intestinorum coarctante, & egestionem impediante, etiamsi in alvi ductus deflueret. Hinc pariter Paralysis ex Colica sæpè numero visa est; itemque & motus convulsivi dicti, scilicet proritatis, percussisque, aliterve affectis nervosis partibus imi ventris: quamobrem non absre Vvillifius inter affectus, quos spasmodicos voluit appellare, ejusmodi ægrotudines numerare ausus est, sicuti sæpè in hysteriis affectionibus contingit experiri, quæ cum illis maximam habent analogiam. Istiusmodi verò Colicam affectionem cum ingenti Siti, oris amaritie, urinæ ardore, feбри, ictero, aliisque symptomatis conjunctam, curatam referunt Auctores usu aquæ, & potuum refrigerantium, immò & frigidis epithematis, linteisque frigida aqua imbutis, ac ventri sæpius sæpiusque admotis. At Riverius quendam narrat Colicæ biliosæ contumaci obnoxium, frustulo butyri recentis per plures dies manè sumpto, ac mox epoto modico vini, liberum evasisse: pro purgante verò medicamento diagridium cum Mercurio dulci commendat. Et Hartmannus catharsi primùm promota, cum extracto rhabarbari, vel panchymagogo vegetabili, Cretense vinum cum oleo amygdalarum dulcium semel, atque iterum exhibet: indè enim bilem acrem infringi, & dolores sopiri ait. Ad præcautionem verò adhibenda suadet Sennertus,

Lib. 6.  
pathol.  
cap. 10.

V. Gal.  
12. meth.  
cap. 7. &  
ult.  
Ægin. 1. 3  
cap. 43.  
Amat.  
Lusit.  
cent. 1.  
cur. 48. &  
cent. 7.  
cur. 21.  
Forest. 1.  
21. obs. 12  
Thom.  
Barth.  
de Niv.  
ul. in  
Med.  
cent. 2.  
obs. 71.

quæ



quæ obstructa referant, humoresque vitiosos eliminant: dolore autem urgente, statim ad narcotica confugiendum esse docet; verum vires constantes sint, ne sensus omnis, & vita ipsa pereat. Denique in Paralyfi ex Colica, & in Colica scorbutica, diuretica, & sudorifica optima sunt, præter ea, quæ suis locis referuntur.

Ad Volvulum eadem ferè faciunt, quæ Colico dolori adversa dicta sunt, respectis tamen causis, ex quibus ille ortum ducere videbitur. Hydrargyri usus ad plures uncias epoti mirificus ab innumeris tum Veteribus, tum Recentioribus prædicatur, cum mobilitate sua, ac pondere, ventri laxando plurimum conferat; quinimò nonnulli cum cathartici illum exhibuerunt, ut apud Rhodium.

Qua autem ratione præparandus sit Mercurius in hunc usum affert Velschius. Alii posthabito Mercurio, globulos plumbeos, aut aureos devorandos jubent, agroto interim stante, vel ambulante, inter quos est Helmontius. Ab Hofmanno laudatur etiam globulus deglutitus ex Regulo Antimonii; sicut & pinguedo circa intestina, & omentum vituli hærens cum jure exhibita. Itemque sanguis vespertilionis, qui dicitur quoque efficacissimus ad inflammationem, doloremque Ileï sedandum. Pilulæ Iliacæ Rhasis à nonnullis etiam commendantur, & præsertim à P. Barbette. Externè verò sterco bovinum, vel caprinum abdomini applicatum, & zibethum umbilico, fæces propellere dicuntur; itemque unguentum de arthanita dictum, & oleum diacolocynthidos: atque ex hernia, emplastrum magneticum ejusdem Authoris lumbis appositum mirabile recensetur.

Pervetusto huic usui exhibendi globulos plumbeos, aut hydrargyrum,

solus, quod sciam, obsistit Sydenham, qui potius universum ventriculi, & intestinorum motum sistere studet ope salis absinthii ad scr. j. ex cochleari succi limonii manè, & vespere; intermediis verò temporibus usu aquæ menthæ stillatitiæ; interea tamen catulum vivum nudo ventri indefinenter accumbere jubet: sedatoque postmodum dolore, post diem unum, vel alterum, pilulas cochias in aqua menthæ dissolutas ad dr. j. exhibet: Victum autem instituit tenuem ex solo jure pulli gallinacei, bis vel ter in die sumendo, non intermisso usu aquæ menthæ, & ventre calidis pannis assidue foto. Verum quamvis hæc methodus medendi Iliacis ex inverso motu peristaltico Intestinorum rationabilis videatur; nil tamen prohibet, ut in Volvulo ex induratis, constipatisque fæcibus, aut ex intrusa inferiore intestini parte in superiorem, ut adnotat Sylvius, tutò etiam hydrargyri usus institui possit, quemadmodum à gravissimis Authoribus felici cum successu factitatum legimus.

Pro coronide tandem adducemus ea, quæ duriori, ac tardiori alvo, undè potissimum Colica, & Iliaca affectio originem sumunt, utilia observata sunt. Borellus hoc ad pigram alvum sollicitandam proponit: Torreatur, inquit, mica panis, & oleo olivarum irroretur, ac manè deglutatur: effectum experieris optatum, si bis, vel ter idem repetas. Et alibi: Guttæ duæ olei nuclei pinei Indici, seu Ricini Americani prælo educti, in potu, vel in jure exhibitæ alvum lubricant. Alii eodem umbilicum fricant. Riverius quendam refert astrictam alvum sibi laxare consuevisse sumptis per duas horas ante cœnam prunis coctis, atque itidem epoto eorundem decocto: modicum etiam vini

Cent. 2.  
obs. 80.

Obs. 43.  
V. etiam  
obs. 1.  
comm.  
Riv. à  
Fr. Chomel  
T. de flatib.  
Meth.  
med.

Cent. 2.  
obs. 14.

Cent. 3.  
obs. 129.

Cent. 3.  
obs. 6.

Tr. de  
Febrib.



vinibenè diluti potabat ante, & alterum tantum postea. A butyro recenti ad nucis majusculæ magnitudinem sumpto, & mox hausto vino diluto idipsum experiebatur. Sorbilia ova in prandio data alvum citare scribit Brasavolus, & Bartholinus. E pane furfureo comeso idem præstari à plerisque experimento comprobatum; itemque illito umbilico butyro recenti cum sale minutissimè contrito. Oleum è seminibus colocynthidis expressum idem efficacius operatur; quin & Sennertus memorat Medicum pomo colocynthidis manu detento, quousque incalesceret, ventrem exonerare solitum. Essentiam salis tartari spiritu vini extractam, & spissiore redditam, ad guttas v. vel viij. singulis diebus vespere per horas duas à cœna ex vino, vel alio liquore exhibitam alvum solvere ab Hartmanno proditum est. Magnifit Rulando electuarium ex uvis passis Κομπόγωρον dictum, & Alexandrinum: immò solam earundem pulpam alvum subducere scribit Hoffmannus Frid. Infusum Sennæ in vino, & passæ uvæ in decoctura Sennæ elixæ; itemque summitates Mercurialis herbæ cum oleribus excoctæ, si in cibo sumantur, blandè etiam ventrem emolliunt. Tussis, & sternutatio non levem opem ferre consueverunt ex Platero. Quod denique refert Brasavolus, Ducem Ferrariensem, constipata alvo graviter ægrotantem, ex nudis pedibus supra marmoreum pavementum frigida aqua conspersum incessu, fæces abundanter ejecisse, periculo non vacat: sicut etiam panicus timor, & inopinus; quo aliquando memini periisse quendam, cui à Medico, ut hac arte alvum laxam redderet, fatalis mortis dies indictus fuit: is autem, utpotè qui illi maximam fidem haberet, ex

subito indictæ mortis terrore, verè paulò post fato cessit.

Si demùm styptica alvus sit ex affectione scorbutica, aut hypochondriaca, remedia his conferentia, exonerandis quoque intestinis opem ferent, quæ scilicet acidum infringant, & corrigant; bilem verò inertem, dilutamque acuant, augeantque; & si fortassè lentus succus glandulis intestinorum hæreat, incidant, & attenuent: in quem usum, mirificum experiri sæpius contigit alumen crudum ano inditum, sed linimento aliquo oblitum, aliterve obvolutum, ne noceat. A cibis denique austeris, forbis, mespilis, ut & à parco potu, urina verò, aut sudore copiosiori; laxantia, & humida proderunt.

## DE LUMBRICIS.

**T**Ametsi ubique locorum in dissectis cadaveribus Lumbrici inventi sint, & passim ab Authoribus historiæ referantur, quas recollectas habes in Ephemeridibus Germanicis; frequentius tamen intestina occupant, ex quibus præterea à plerisque putatur in alias partes permeasse. At quomodò in Cor, ejusque Pericardium, in Cerebrum, Pulmones, venas, cystim felleam, vesicam indè discesserint, haud facilè captu. Quocumque autem modò se res habeat, illud semper inquisitu dignissimum, per arduum tamen habitum est, undè ortum illi recognoscerent. Qui à putrescentibus humoribus genitos credunt, ac potissimum à phlegmate in vermem degenerato; sicuti facillimè ab hac difficultate se expediunt, ita longè nimis à veritate aberrare deprehensi sunt: cum viventia quæcumque suis seminibus natalia debeant. In quam rem pulcherrima planè, & scitu dignissima à pluribus nostri

De med.  
purg. c. 6.  
Cent. 6.  
hist. 65.

L. 3. prac.  
p. 2. f. 2.  
oap. 4.

Cent. 10.  
cur. 79.

Lib. 1.  
observ.



Licet. de nostri sæculi accuratissimis Naturæ  
spont. scrutatoribus congesta sunt; præser-  
Viv. or- tim verò ab industrio, & perquàm di-  
tu. Scalig- ligenti viro Francisco Redio *peculia-*  
de subtil. *ri opusculo de Insectis*.

Diff. De speciebus Vermium non con-  
Chym. & venit inter Authores: Nam aliqui  
Gal. c. 12 duas, communiustres, alii quatuor  
V. Helm. species constituunt; undè Teretes,  
Tumul. seu rotundos, Ascarides, Latos, &  
pest. Cucurbitinos nominant. At frequen-  
Form. at- tiores sunt teretes, & rotundi, qui  
que Mat. nonnunquam visi etiam sunt hirsuti,  
Hipp. 4. capitati, bicipites.

Ab ipsis autem omnes propemodum ægritudines provenire putantur, epilepsiæ, vertigines, sopores, deliria, convulsiones, dolores capitis, syncopæ, palpitationes, mœores, pavores, tussis, vomitus, nausæ, diarrhœæ, singultus, punctiões, tormina ventris, inquietationes, erosiones, tabes, febres acutæ, & chronicæ, aliæque innumeræ affectiones de quibus passim referuntur exempla. Ex enarratis verò speciebus, lativermes peiores creduntur, quòd universa intestina plerumque occupent, & difficilius egerantur. Pessimi etiam sunt teretes, cùm loco moventur, & superas partes petunt: At verò Ascarides, quia ultimum intestinum inhabitant, ac promptissimè deiiciuntur, minus mali esse solent. In febribus autem malum adaugent, atque eò potissimum si per os excernantur, aut vivi prodeant, ut vult Aetius; vel contra mortui, ut suspicatur Rhasis, & Avicenna. Si verò declinantibus febribus, cùm alvi excrementis deponantur, bonum ex Hippocrate 2. *Prognost.* 18.

Hi vomitu, aut dejectione se prodere solent. Sunt tamen, qui à morfu, vellicatione, pavore, oculorum squalore, oris fœtore, narium pruri-

tu, genarum nunc rubore, nunc pallore, tussi sicca, dentium stridore, nausea, vomitu, sopore, motibus convulsivis, aliisque symptomatis illos suspicentur. At conjecturæ istæ non rarò fallunt: quamquàm sæpius in pueris fideliores sunt, quibus vermes familiares esse consueverunt. Cæterum in nonnullis symptomata planè insueta, & his longè admodum disparia excitare visi sunt.

Statim verò necandi sunt, & expellendi. Distinguit autem Senner-tus, num febris adsit, vel absit, & num alvus fluida sit, vel adstricta; timet enim usum medicamentorum acrium, & amarorum febre præsentē, sicut etiam evacuantium in alvo lubriciori. Verùm timor omnis aberit, si ea speciatim exhibeantur, quæ vermibus sunt inimica: enim verò sæpenumerò accidit, enectis vermibus propulsisque, spontè sua desisse febres, & alvi fluxus, qui ab ipsis tum ventriculum, tum intestina vellicantibus, atque cibos assumptos, humoresque eò confluentes turbantibus, agitantibusque proficiscebantur.

Lumbricis adversa multa recensentur: ex simplicibus quidem angelica, absinthium, abrotanum, dictamnium, centaureum minus, contrayerva, gentiana, gramen, folia persici, filix, marrubium, scordium, tanacetum, tormentilla, semen citrii, zedoaria, rasura eboris, & C. cortex ovorum, aloë, rhabarbarum, myrrha, semen fantonici, muscus marinus, vulgò corallina. Ex compositis Theriaca, Mithridatium, Orvietanum, Diascordium, aqua alexipharmaca, & alia hujus generis plura; undè formulæ medicamentorum variæ à Practicis præscribuntur.

At primum, & præcipuum contra ver-



vermes remedium creditur Amato Lusitano semen fantonici saccharo incrustatum, quo scilicet lumbrici alliciantur: Licet non desint, qui exinde potius oriri vermes autument Sennertus corallinam prefert. Borellus pulvere corticum malorum aureorum ad dr. j. per tres vices quandam innumeros vermes eiecisse, atque ita à tabe liberum evasisse refert. Ibi dem etiam commendat essentiam seminis fantonici umbilico applicitam. Apud Schenckium efficacissimum dicitur Vveckero semen tanacetii ex syrupo violarum: addendam autem consulit Hoeferus radicem primulae veris. Comprobatum remedium adversum vermes testatur Baricellus aquam oleo sulphuris, vel vitrioli acidulam redditam, atque in potum datam. Laudat pariter ex Arnaldo Villanova aquam portulacae stillatitiam, ejusque semen ad dr. ss. cum lacte in puerulis. Forestus ex succi puniceorum unc. j. & olei olivarum unc. ss. conficit haustum, quo alvum laxari, simulque vermes educi memorat: quippe oleum antidotum est ex Petræo; nedum enim illos non admittit, sed suffocat. Hinc sagaciores foeminae cibos infantibus multo oleo condire solent, adjectis allio, & foliis lauri simul una incoctis. At Bartholinus nihil vino, & spiritu vini ad lumbricos enecandos praestantius esse ait; quod experimento confirmatum vidit eruditissimus Reditus. At omnibus palmam praecepit Mercurius, tum crudus, tum diversimodè praeparatus. Crudus exhibetur ab Hartmanno ad scr. j. alteratus tamen, domitus, ac coercitus cum succo mali limonii, postmodum commistus cum semiuncia conditurae rosarum persicarum, & modico flor. benzoini. Et Baricellus cum saccharo rubro illum praeparat in mortario vitreo,

commiscetque ol. amygdalarum dulcium guttas aliquot, & ex saccharo viol. vel ros. exhibet à scr. j. ad dr. j. Riverius verò curatos multos narrat usu Mercurii dulcis ad grana vj. viij. & xij. cum pari, vel subdupla dosi diagridii vapore sulphuris correcti: confirmatque id ipsum Simeon Jacoz, & Cardilucius in *Hartm.* Helmontio autem satis est potendam dare aquam, quæ cum Mercurio crudo ebullierit; efficacius tamen erit si in aqua radicum graminis, vel acetosellæ is incoquatur. Hac eadem Mercurii aqua se quoque fuisse usum pro puerulis fatetur Baricellus; atque nunc nostrates etiam sine ullo metu illam indiscriminatim exhibent, ubi suspicio vermium est. Oleum raparum saccharo conditum, & cum Mercurio vivo excoctum efficacissimum dicitur Hannemannio. Utuntur alii aqua, in qua stamnum ignitum pluries extinctum sit. De pulvere eorumdem lumbricorum valdè dubitat Henricus ab Heers: nam inquit, materiam vermibus generandis ab illo potius suppeditari: Quamquam Fredericus Hofmannus vanum ejus metum dicat.

Speciatim verò ad lumbricos latos efficaciter valere plerique confitentur radicem filicis in pulverem redactam ad dr. j. praesertim si cum aqua rutæ caprariae exhibeatur. Ab aliis commendatur succus nasturtii, & decoctum radiceis bryoniae, & graminis, addito spiritu vitrioli, vel sulphuris. Efficax quoque est elixir proprietatis, extractum aloes, & rhabbarbari, vel mechoacan, aut trochiscorum alhandal, & hieræ picrae: quæ sanè cum simul lumbricos interficiant, expellant, & alvum moveant, locum in adultioribus habebunt.

Ventri, & umbilico admota profunt

In obser.

In addit. obs.

Sextupl. dig. alim.

In Eph. Germ. Ann. iv. obs. 83.

obs. 9.

Cent. 1. obs. 90.

Lib. 3. obser. Herc. Med. 1. 7. cap. 8. Hortul. genial.

Cent. 4. dist. 19.

Offer. in torno à gli Animi.

In prax.



Offer.  
int. à gli  
Anim.  
che si  
trov. ne-  
gli Ani-  
mal.

sunt etiam oleum thuris stillatitium, essentia absinthii, oleum diacolocynthidis, ligni corylini, nucleorum persicorum. Apud Monachos Cassinenses præparatur oleum viride ex diversis herbis medicatum, quo passim uti solent nostrates fœminæ. Paratur item malum aureum succo absinthii, menthæ utriusque, foliorum persici, & portulacæ repletum, adjecto pulvere aloes, & seminum colocynthidis, cum felle Tauri, fuligine camini, & theriaca; mox ad ignem excalesfactum ventri, & lumbis adhibetur. Sunt, qui verminosos curant verme vivo ventriculi regioni superalligato, donec moriatur: subinde enim ajunt vermes omnes in corpore pariter commori, symbolismo Naturæ.

Cæterum Ascarides jumentis potius familiares, si aliquando in hominibus gignantur, facile pelluntur Aloe, succo absinthii inspissato excepta, atque ad dr.j. exhibita. Aqua ardente irroretur venter, & umbilicus, mox pulvere myrrhæ inspergatur, deinde supinus jaceat puer, videbis vermes inortuos exire, inquit Alexius. Theriaca etiam vino veteri, vel ejusdem spiritu dissoluta, & umbilico imposita idem præstat; & si adiiciatur modicum unguenti de Arthanita, alvus quoque laxabitur. Postremò ad lumbricos cum febre mali moris, alexipharmaca alibi tradenda opportuna erunt.

At de his, quæ hætenus credita sunt adversus lumbricos antidota efficacissima, dubitandi ansam præbuit diligentissimus Reditus, eo quòd illis non adeò adversari nuperrimè expertus est; saccharum verò, & mel, quæ unanimi Medicorum consensu vermibus amica putantur, deprehendit eisdem esse summè nocua, & mortifera: Quamobrem Therapejam hu-

cusque medicis usitatam in hac parte, vehementer exagitare, & evertere videtur. Verùm an ab his, quæ extra Corpus humanum ex affusis liquoribus, cæterisque medicamentis adhibitis, vermibus accidunt, jure liceat id ipsum deducere futurum intra corpus, haud ausim determinare: quippè assumpta medicamenta plurimum in illo immutantur ex mistura innumerabilium succorum, qui in ventriculum, & adjuncta intestina confluunt; undè haudquaquam constat, qualem mutationem illa sint ibidem subitura, cum & non rarò experiamur dulcia palato, in ventriculo postmodum acescere, aut amara fieri, & vicissim: sed & falsitatis suspitione non vacat lumbricos saccharo necari, cum compertum habeamus etiam in saccharo, & bellariis cujusvis generis vermiculos progigni, ibique hospitari, atque innocuam vitam vivere.

## DE AFFECTIBUS

### M E S E N T E R I I,

*Pancreatis, Fecoris, Cystis felleæ, & Lienis.*

**A** Deò inter se affines sunt horum viscerum affectiones, ut nedum aliquando reciprocè illa compati contingat; verùm etiam communes causas, eandemque ferè curandi rationem admittant; quin non rarò evenit, ut morbus unius visceris, alteri tribuatur: & sæpissimè Medici Jecur criminantur, vel Ventriculum; cum tamen Pancreas, vel Omentum affecta sint. Quòd igitur per Anatomen licuit experiri, breviter hic expediemus.



*DE VENARUM LACTEARUM obstructione.*

**D**Uctus quicumque corporis, cum à crassis; tenacibusque humoribus, aliisve, impediuntur, subire dicuntur obstructionem. Præcipuè verò ejusmodi malum accidere solet venis lacteis, per quas chyli purior portio ad saccum lacteum ducitur, indeque per tubulos thoracis in cor fertur, ut ex nuperrimis observationibus innotuit.

Adeno-  
graph. c.  
II. Observat autem Vvarthonus quinque modis obstructionem vasorum Mesenterii contingere posse. Primò in ipso aditu, atque in orificiis venarum lactearum, ut proindè chylus ex intestinis minimè exsugiqueat, sed per alvum egeratur, corpore intereà contabescente. Secundò, in ipsismet ductibus. Tertiò, in transitu sanguinis ex arteriis in venas per glandulas Mesenterii; undè ex impedito sanguinis motu, illæ protinus intumescunt, sanguine suffunduntur, atque promananti chylo impedimento sunt. Quartò in lymphæ ductibus, qui si fragiles sint, facile rumpuntur, & aquam in Abdominis cavum effundunt, undè Ascites consequitur; Sin verò duriores sint, ut minimè rumpantur, distenti tamen plurimùm, hydatidas efformant inter binas vasorum valvulas; quamobrem intestinis intumescuntibus, trajectio chyli impeditur per exiles lacteas venas ab ipsismet tuberculis oppressas, & coarctatas. Quintò in Nervis, qui fortassè obstructi stupent, & resolvuntur, ut in paralyfi, quæ sicut reliquas partes corporis invadere solet, ita non dissimiliter potest nervos solùm in Mesenterium tendentes afficere. In omnibus autem ejuscemodi vasorum Mesenterii

obstructionum speciebus, semper tabem, & extenuationem conjungi contingit. Hinc non immeritò Paulus Barbette tabem quamcumque ab obstructione glandularum Mesenterii exoriri opinatus est.

c. de Ph-  
thisi.

Quæ Mesenterii vasis accidere memorata sunt, etiam glandulis Lumbaribus, seu Sacco lacteo, & tubulis Thoracicis contingere possunt; pariterque glandulis intestinorum, quarum superius meminimus, cum obdurescunt, constipantur, obstruuntur, relaxantur, aut eroduntur; unde fit, ut alimentum non traducatur, sed hæreat, veletiam corrumpatur, & degeneret in humores omninò naturæ dissimilaneos.

Hinc non solùm credere licet alibilem chylum minime in cor traici, quia isthæc vasa obstrui, & impediiri contingit à viscosis, tenacibusque humoribus, qui hærentes infarciunt ductus, per quos alimentum deferri opus est; verùm etiam ab aliis innumeris causis, densantibus, aut plus justo laxantibus, comprimantibus, distendentibus, erodentibus, corrumpentibus, tum vasa ipsa, tum chylum; unde postmodum, præter marcorem, insequatur cachexia, tumor ventris, & pedum, difficilis anhelitus, præcordiorum anxietas, sitis, languor universalis, febris lenta, ingravescent præsertim post quatuor, aut quinque horas à pastu, alvi profluvium cum fæcibus albicantibus, urina aquea, & decolor, vel hypostasi inutili saturata. Quamobrem obstructio in Mesenterio meritò cunctorum malorum origo dicitur. Quin & Fernelius affirmare non veretur, plurimorum morborum causas in uno Mesenterio plerumque latere: quod & Anatomæ cadaverum sæpe sæpius approbavit.

Lib. 6. de  
Morb.  
part. c. 7.

Perperam verò plerique agunt, qui à con-



V. Sanct.  
meth.  
vit. err. 2.  
cap. 8.

à contrectatione Abdominis de obstructione Mesenterii, temerè iudicium ferre audent, præsertim autem decepti à musculis utrinque per ventrem in longum extensis: equidem tactu nequit certò decerni tumefactum, vel obstructum esse Mesenterium, quod profunde admodum sub musculis, peritoneo, omento, intestinisque reconditur. Vix autem tactu percipi potest lien, aut hepar, cum insigniter intumuerint.

In praxi.  
Derect.  
præsid.  
usu lib. 2.  
observ.

Mesenterii, ejusque vasorum, & glandularum obstructiones, ac tumores, attenuantibus dissolventibus, atque humores inde deducuntibus Medentes tollere adnituntur. Purgantia rarò proficere adnotat Hartmannus, consentitque Mercatus, & Skenchius; quin & isti multò gravius à catharticiis ægrotos affici attestantur. Medelam propterea petit idem Hartmannus a resolventibus, & emollientibus; resolventia autem mitiora probat ex tartaro vitriolato, vino, in quo chalybs infusus sit, pulvere cachectico, & acidulis tum naturalibus, tum artificialibus; emollientia verò extrinsecus adhibenda, atque in primis emplastrum de cicuta. At comparente per alvum pure, enematis insistit, quibus alvus ab inquinamenti mitissimè repurgetur.

Sennertus etiam à potentioribus purgantibus abstinet, & solum utendum monet lenioribus, quæ venarum orificia detergant, & humores blandè educant, quales sunt pilulæ Tartaræ, & Aloeticæ.

Verum non rarò, tutò, feliciterque curantur obstructiones sola victus ratione convenienter instituta, cavendo acida, glutinosa, cruda, potationes immoderatas aquarum præsertim gelidarum, otium. Juvat motus horis matutinis, vel longè admodum à pastu: aromata cum

Tozzi Op. Med: Tom. I.

cibis: vinum absinthites, vel ex chalybe per ignem pulverato medicatum: sal absinthii: pulvis stomachicus, & cachecticus Quercetani; admoto interea cerato ex ammoniaco, tacamahaca composito, aliove.

Neque verò semper expedit indiscriminatim usu chalybis, ejusque salis, vasa viscerum obstructa reserare; si potissimum ad glandulas pertineat, vel ad partes multum à ventriculo distitas: tum quia longiorem moram in ventriculo sal chalybis patitur, dissolutumque statim in alvum deiicitur ab acido præcipitatum; tum quia glandulæ id maximè expetunt, ut aromatis roborentur, undè impactos succos attenuent, diluantque, haudquaquam verò vehementer proritatæ exsolvantur, & flaccescant. Quare juvabit potius aromata exhibere, vel essentiæ Martis, ejusdemque vitrioli dextero usu ejusmodi obstructiones curare.

In hanc rem maximè à nonnullis commendatur terebinthina Cypria ad unc. ss. quater lota aqua absinthii, & rutæ, deindè adiiciunt pulverem cinnamomi, & nucis myristicæ ad pondus unius drachmæ. Effertur aliis hoc electuarium, quod habet: *chalybis limati, & super lapidem porphiritem tenuiter cum aceto contriti, mox ad solem, aut ignem siccati, & septies pari modo pulverati selibram, cinnamomi, & nucis odoratæ singul. dr. iij. rhabarbari electi dr. ii. specier. aromat. ros. dr. vi. Hac melle optimo, & saccharo albißimo excepta rediguntur ad lentum ignem in form. Elect. & singulo mane ad pondus semiunciæ exhib. præscripta convenienti corporis exercitatione.* Quod si unà simul deobstruere, & leniter evacuare expediat potissimum in corporibus succi plenis, & ad cachexiam proclivibus, proderunt se-

R quen-



quentes pilulæ composita ex tribus partibus gummi ammoniaci vino albo, vel aceto communi per decoctionem, quousque in lactescentem liquorem abeat; dissoluti, mox colati, fortiter expressi, ac depurati; scammonii vapore sulphuris præparati parte una, & croci Martis aperientis parte dimidia, conficiendo pilulas ad gr. xv. vel xx. pro qualibet vice, iterandas ad plures dies, prout opus fuerit.

Quæ denique Cachexiæ, & Asciti curandæ, aliisque ægritudinibus ab obstructione pendentibus usui esse possunt, alibi trademus.

*DE INFLAMMATIONIBUS,  
Tumoribus, atque Abscessibus  
in Mesenterio, & Pancreate.*

**O**bstuctionem Mesenterii, ejusque vasorum, & glandularum non raro Inflammatio sequitur, aliusve Tumor, & Abscessus, potissimum cum sanguinis cursus impeditur, retardaturque, ut præsertim in illius glandulis restagnet. Cumque in his exiguus sensus habeatur, eò quandoque tumor devenit, ut in ingentem molem attollatur, ac diutissime persistat, pondus, & dolorem intestinis inferens, quandoque etiam lumbis, quousque tandem membranas adjunctas pertingens, vel etiam processus nervorum, & Peritonæi comprimens, dolorem inducat intolerabilem.

Nedum autem in uno solùm loco contingit Mesenterium inflammari, ac tumere, sed in cunctis ferè illius glandulis, ubi nimirum facilè humores impingunt, & adhærescunt: quamobrem totum tuberculis repletum aliquandò Anatomici detexerunt, immò & scirrhus, gangrænaque affectum, pure repletum, atque lym-

pha plurima perfusum. Hinc dolores profundius ventrem excruciant, inquietudines, nausæ, vomitus, alvidurities, chyli dejectiones, febres, tabes, aliaque gravissima symptomata, etiam cerebro infensa, plerumque observantur, quæ falsò Intestinis, Jecori, Lieni, Renibus, aliisque à nonnullis adscribuntur.

Pari modo Pancreas affici multoties compertum: nam & obstrui, & inflammari, & obdurescere, & abscessus pati observatum est.

Horum viscerum affectiones propriis signis internoscere difficillimum. Suspiciari autem aliquando licebit de inflammatione, aut abscessu in Mesenterio, & Pancreate, postquam ad maturitatem pervenerint, & purulentæ egestionis comparere cœperint, neque jecore, neque liene in tumorem elato. Affecti autem Pancreatis longè difficilior conjectura erit, etiam si à positu subter ventriculum, quis non se fallere arbitretur, cum à diaphragmate id ipsum prodire possit; itemque à musculis lumborum, & spinæ adjacentibus.

Sicut autem ista cognitu per ardua sunt, ita & curatu difficillima; nam etiam si maturuerint, non tamen facile aut per alvum, aut per vias urinæ ibidem congesta repurgantur, quamobrem retentum pus vel corruptionem afferet, vel si aliò deferatur, novum, & quidem graviolem morbum pariet, Colicam affectionem, Paralysem, Ischiadem, Dysenteriam. Quin & postquam Abscessus fuerit emundatus, etiam induratum ulcus, vitæ periculum minatur, cum nequeat convenienter abstergi, & consolidari, licet opportuna remedia adhibeantur. Verumtamen Naturæ opera in hoc plurimum valet, illamque proinde Medicus promovere debet, exhibendo primum, quæ in-

flam-



flammationem, si fortassè prænosca-  
tur, impedian, & sanguinem remo-  
rari non sinant, qualia sunt pluries  
memorata diaphoretica: mox quæ  
maturitati illam subiiciant, & di-  
rumpant, si jam facta sit. Præcellunt  
sanguis hirci, sperma ceti, mumia,  
coagulum leporis, aut hædi, extra-  
ctum hyperici, & baccarum junipe-  
ri, omnis generis Bezoardica, sti-  
bium diaphoreticum, sal volatile C.  
C. viperarum, & succini, spiritus sa-  
lis ammoniaci dulcis redditus, elixir  
proprietas, tinctura Martis, &  
Antimonii. Potiones vulnerariæ op-  
timæ quoque sunt, præcipuè dirup-  
to jam apostemate. Terebinthina  
pariter fructuosa est, ut & balsamum  
Peruvianum, Tolutanum, & ligni  
guajaci. Quod si necesse sit inchoa-  
tum Naturæ motum per vias urinæ  
promovere, conducent diuretica, a-  
quæ thermæ, oculi cancrorum, sal  
cardui benedicti, & centaurei mino-  
ris, verum salis balsamum colore au-  
reum, sapore dulce, & contactu lin-  
guæ volatile; pulvis, & essentia ma-  
cis, extractum glycyrrhizæ, trochi-  
sci Gordonii. Si demùm remaneat  
ulcus, suffitus ex cinnabari cum bal-  
samis miram opem afferre consueve-  
runt, atque horum usu quosdam  
brevis saluti restitutos vidi: etenim ab  
inducto sensim ptyalismo è ductibus  
salivariis educitur humor ille, qui in  
Pancreate, & Mesenterio restagnat,  
ob communionem glandularum in-  
ter sese, & præcipuè illarum, quæ in  
Mesenterio sunt, cum colli glandulis.  
Neque verendum de interno Mercurii  
usu, modò ritè præparatus sit, &  
diaphoreticus evaserit.

*DE HEPATIS, ET LIENIS  
Obstructione, & Inflammatione.*

**N**on dissimiliter accidunt obstru-  
ctiones, inflammationes, tu-  
mores, & abscessus Jecori, ac Lieni,  
qui tamen facilius dignoscuntur ex  
situ tumidæ regionis ad dextrum, vel  
sinistrum hypochondrium. Obstru-  
cto namque, tumefacto que Hepate,  
præter duritiem, & inflationem in  
dextro hypochondrio, percipitur  
sensus ponderis, præsertim in am-  
pliori respiratione, & motu post as-  
sumptum cibum, quoniam Diaphra-  
gmatis Hepar alligatur. Si verò in-  
flammatione corripitur, etiam febris  
cum arida tussi comitatur, & respi-  
ratio difficilior, cum pulsu celeriori,  
frequentiorique. Unde deceptus  
Medicus ille Siculus 5. *de loc. aff. cap. 7.*  
arbitratur se pleuriticum esse, cum  
Jecoris affectu laboraret. Memorat  
pariter Galenus *eodem loco* alia signa,  
quibus affectiones Jecinoris ab illis  
vicinarum partium internoscantur,  
ut & à Musculorum Abdominis tu-  
more, vel inflammatione, quem-  
admodum refert evenisse Stesiano  
Abscessum inter musculos abdominis  
passo, quem Hepati reliqui Medici  
adscripserant.

Cæterum Lienis accidit frequentius  
scirrhus, hoc est tumore duro, & in-  
dolente, gravari: aitque Hippocrates  
*lib. de Aere, aquis, & locis* à potibus  
aquarum palustrum, & immobilium,  
magnos Lienes, & plenos effici, ven-  
tresque duros. Indè autem univer-  
sum corpus macrescere contingit, ac  
decolorari, ut notavit idem Hippo-  
crates *lib. de loc. in hom.* & Galen. 2. *de  
natural. fac. cap. 9.*

Quod ad obstructions pertinet  
cum Jecoris, tum Lienis, eadem



Apud  
Schrod.

proderunt, quæ in Mesenterii ejusq; ductuum obstructionibus memorata sunt. Speciatim verò in scirrho adhibentur emollentia, & leviter dissolventia ex gummi præsertim ammoniaco parata, qualia sunt pilulæ tartareæ Bontii, & de ammoniaco Quercetani, atque emplastrum ejusdem. Quæ item ex chalybe conficiuntur, salubriter conferunt, cum & incidendo obstructas vias referent, & acidum corrigendo sanguinem repurgent. Ab Hartmanno conficitur aqua æquivalens spiritui aperitivo Penoti; itemque alia philosophica dicta, seu spiritus vini tartarificatus. Apud nostrates est in usu vinum medicatum ex chalybe, & vitriolo ad subrufum colorem igne pulveratis ope sulphuris, & nitri. Efficacius est vitriolum Martis. Vinum etiam absinthites optimum, ut & aqua absinthii stillatitia, & ferraria. In cibum profunt nasturtium, eruca, asparagus, fœniculum, petroselinum, filer, capparis; itemque crocus, cinnamomum, zingiber. Sæpenumerò tamen scirrhus cum egrotante confenescit, præcipuè si diutius opportunis remediis obstiterit; quin immò ex Hipp. *lib. de affect.* in hydropem mutari solet.

Minimè verò prætereundum, ab obstructo, tumidoque jecore, aut liene; sæpissimè hæmorrhagias oriri: quod etiam animadversum à Volchero Coitero: Etenim ab horum viscerum obstructionibus, cum non benè fecernatur, repurgeturque sanguis, in causa est, ut acrem, acidamque conditionem nactus, oscilla arteriarum, & venarum aperiat, sibi que viam faciat. Unde ejusmodi sanguinis fluxum nonnisi obstruentes humores indè deducuntibus, acidumq; temperantibus potissimùm ex chalybe medicamentis, brevissimè cohi-

beri contingit, non sine vulgi admiratione.

His prætereà curatum scirrhum narrat Forestus: *Radici filicis unc. i. & radic. cuscute dr. ii. ebullire iubet in unc. viii. vini albi veteris ad tertie partis consumptionem*; decoctum autem colatum patienti exhibet. Hoc etiam cerato lienis regionem inungendam mandat: *ol. cappar. unc. i. lilior. alb. amygdal. dulc. chamamel. & butyri recent. singul. unc. β. succ. beyoniae, & cyclam. unc. i. bull. ad consumpt. succor. deinde add. gumm. ammon. aceto sol. dr. ii. ss. pingued. gall. medull. crur. vitul. æsyp. humid. singul. unc. β. pulver. cort. rad. tamar. capp. ceterach. rad. filic. singul. dr. i. pulver. sem. agn. cast. & genist. singul. scr. i. ceræ parum f. cer.* Testatur insuper minui lienem fotu a ceti acerrimi, in quo lapis pyrites candens extinctus sit, cum spongia in regione lienis. Et Benivenius utitur capparibus pro cibo, & aqua ferrariorum pro potu: & quidem illis capras, hac verò canes lienibus diminui comperitum est. Apud Heurnium mirabile dicitur emplastrum ex cicuta, & ammoniaco aceto dissoluto, ad duritiem quamcumque emolliendam. Et ab Hildano conficitur, commendaturq; unguentum de Cicuta dictum. Aliud proponitur ab Aquapendente compositum ex duabus partibus ammoniaci aceto dissoluti, una succi nicotianæ, terebinth. & succi ebuli altera, dimidia resinæ pini cum ol. cappar. & ceræ novæ q. s. Plerisque splen peracuta securi iteratis ictibus scinditur, cute non dissecta; mox verò cataplasma apponitur ex verbenæ, sinapi, capparibus, & farina hordei, quo per alvum magna atri sanguinis quantitas exturbatur, & lien in suam naturalem molem restituitur: quod remedii genus Rusticis est familiare; idque vidi

Lib. 20.  
obs. 8.

De ocul.  
morb. &  
san. caus.  
cap. 105.  
Lib. 2.  
meth. ad  
prax. cap  
10.

Lib. 1.  
Chirurg.  
cap. 51.



vidi aliquandò tam dextrè actum, ut certè admirationi esset. Hanc etiam medendi duri lienis rationem commemorat Cardanus *de Rer. variet.* De cætero purgantia validiora, vehementerque exagitantia, & obstructos ductus commoventia monitu Hartmanni vitanda sunt.

Postremò ad inflammationem Jecinoris, cautiones à Galeno traditas summoperè observandas velim ab illis potissimum, qui credunt nimium refrigerantibus, & acidis potionibus, & lituris relaxantibus, facile citòque illam sanatum iri: cum cæteroqui ab his mors certò expectanda sit, scilicet recrudescantibus humoribus, aut promota suppuratione, quæ huic visceri infensissima est: nam ex suppurato Jecore ii solùm evadere dicuntur Hippocrati 7. *Aph.* 45. quibus in tunica pus continetur; omninò verò pereunt, cum ad parenchyma usque corruptio pertingit, ex Galeno *ibidem*. Interdum etiam singultus, aut alvi fluxus inde subortus, est uterque lethalis, alter ex Hipp. alter ex Avicenna.

Ea igitur conducibilia dumtaxat putanda sunt, quæ hærentes humores dissolvant, & per sudorem, vel urinam educant: quamquam, inquit Galenus, diuretica potius convenire in affecta parte Jecinoris gibba. Cum cibis commisceantur herbæ detentos succos ad vias urinæ deducentes. Victus autem tenuis sit, neque glutinosa, neque acida, neque dulcia, & constipantia admittat.

Quamvis autem dissolventia cæteris præferenda videantur, ea tamen acria nimis haud sint; quamobrem sedulò iis tantummodò incumbendum, quæ blande congestos succos diluant, & in proprios ductus promoveant. Sic quoque danda opera est, ne suppuratio insequatur. Quare

*Tozzi Op. Med. Tomo I.*

ab initio suadet Petrus adhibenda esse epithemata ex saccharo Saturni dissoluto in aquis, vel succis depuratis solani, plantaginis, rosarum, fragariæ, quibus utile erit addere succum absinthii ex documento Galeni. At ab his parum, vel nihil emolumenti sperare licebit.

Quod si suppuratio inhiberi nequeat, videaturque congestus sanguis in pus abire: quod dignoscetur ex superveniente insolito rigore, cum febris incremento, doloris reditu, & sensu fluctuationis sub dextro hypochondrio; ac patentiùs ex urina, vel dejectione purulenta, aut etiam ex anacatharsi, quod rarius; tunc, quoad fieri poterit, promovebitur puris evacuatio per eam viam, quam Natura indigitaverit, exhibitis quoque, quæ roborent, & abstergant, ut & potionibus vulnerariis cum balsamo sulphuris anis. vel terebinth. Vinum medicatum ex medulla ligni guajaci, floribus roris marini, & hyperici mirè aliquando contulit; sicut pariter extractum hyperici irroratum oleo macis, vel cinnamomi. At in hoc Naturæ solertia præ cæteris valentior erit, quæ ex Hipp. *prima Morborum Medicatrix* dicitur; & ut inquit Galenus, *mille sibi parat vias; regenerandæque carnis præcipuus opifex existit.*

### DE AFFECTIONE HYPOCHONDRIACA, & Scorbutica.

Sicuti nomine Hypochondriorum intelliguntur, quæ utrinque in imo ventre viscera reconduntur, ita horum affectiones Hypochondriacæ à Medicis appellantur, quas comitantur stomachi languor, & cruditas, præsertim acida, cum ructibus, ac rugitibus, ventrisque inflatione, & præcordiorum oppressione:

R 3 ubi



ubi fæces constipantur, & alvus styptica evadit, totum abdomen tenditur, molesta pulsatio percipitur in sinistro hypochondrio, nec non cœliaca arteria crebrius, celeriusque salit: quandoque etiam cordis palpitatio, capitis vertigo, anhelitus, dolores, vigiliæ, pavores, anxietates, decolorationes, tabes, quibus postremò superaccidunt Timor, atq; Mœstitia absque causa, cum desipientia illa, quam Melancholiam Hypochondriacam communiter Practici nuncupant.

Admonet autem, & rectè Sennertus malè à quibusdam confundi Hypochondriacam Affectionem cum Hypochondriaca Melancholia, excusatque Dioclem perperam à Galeno reprehensum 3. *de loc. aff.* 7. quòd cum omnia symptomata istius ægritudinis enarrasset, Timoris tamen, atque Mœstitiæ non meminerit. Forſan enim, inquit, Diocli non propositum fuit Melancholiam Hypochondriacam in specie; sed Hypochondriacam Affectionem in genere describere. Constat namque Affectionem Hypochondriacam multò latius extendi, quàm Melancholia Hypochondriaca; atque experientia patet, plurimos hoc morbo laborare, qui tamen haudquaquàm Melancholia afficiuntur: Suntque non pauci, qui Melancholia laborant, Hypochondriaca verò Affectione minimè detinentur.

Unde autem ortum suum ducat hæc affectio, & cujus visceris culpa, non convenit inter Authores. Plerique stomachum hujus mali causam accusant, quòd cibum non bene concoquat, sed in crudos, acidosque succos, aliosque heterogeneous, commutet. Alii Jecur intemperie calida, vel etiam venam portam; Ventriculum verò frigida affectum. Visum

nonnullis, ex documento Ferneli, Mesenterio, ac Pancreati obstructis, aliterve vitiatis, causam adscribere: & plerisque etiam arteriis mesentericis, atque cœliacis, illisque quæ per Omentum sparguntur. Communiùs demum Lienem incusant, atros, tartareos, melancholicosque succos generantem, immò & calidos, adustos, atrabilarios dictos. At Vvillisius è de Morb. convuls. cap. 9. Liene quidem vitium sanguini communicari fatetur, sed illud deinceps in Cerebrum efferri, quòd reciprocè cum Liene in hoc morbo affici arbitratur; undè & liquorem nervorum, & animale spiritum, universamq; cerebri œconomiam deturpari ait. Quamobrem Hypochondriacam affectionem inter morbos convulsivos numerare non veretur: qua de causa lis gravissima mota est inter ipsum, & N. Highmorum: hic enim potius in vitiosam ventriculi constitutionem ejusmodi ægritudinem referendam esse evincere nititur. In quam eandem sententiam concedere videtur Append. tr. 7. Deleboe Sylvius, qui sedem, focusque hujus mali putat esse, si non ipsum ventriculum, vicinas saltem ejus partes, quòd symptomata affectionem Hypochondriacam comitari solita, maximè post partum exacerbentur. Ea verò potissimum deducit ex fermentatione humoris biliosi, & pituitosi sejunctim vitiati.

Veruntamen credere fas est, Hypochondriacas affectiones, sicuti non semper iisdem omninò symptomatis stipatas observare licet; ita neque perpetuò unius tantum visceris vitium consequi oportere. Quandoque secti Hypochondriaci memorantur Lienis vitio caruisse, à Glissonio, Borrichio, Highmoro: atque interdum alii graviter læsi in Omento, Pylo, Ventriculo, Mesenterio, Jecinore, Pancreate, deprehenſi sunt.

Quam-

[Anat. Hepat. c. 45. apud Barthol cent. 3. ep. 97. de Aff. hypoch. c. 4. V. Bonet. Anat. pract. l. 1. f. 9.



Quamquam in cæteris plerisque visus Splen nedum tumidior, sed & scirrhus, atroque humore refertus, & obstruetus.

Illud autem videtur commune omnibus in hoc affectu, ut semper sanguis acidum quid, & quandoque etiam austerum ex imi ventris visceribus nanciscatur, ut attestantur ructus acidi, alvus styptica, fuscus cutis color, pulsuum debilitas, præcordiorum oppressio, ventris inflatio, pavor, mœror. Et quamvis interdum aliquibus molestus nimium sit in ventre calor, in Hypochondriis æstus, immò & in plantis pedum, ac frequentius in volis manuum; ut hinc suspicentur vulgares Medici calidam intemperiem viscerum, & præsertim Jecoris: Qui tamen cujusvis acidi liquoris vim, & actionem perspectam habuerit, cum alteri heterogeneo humori adiicitur, istius phænomeni causam protinus intelliget. Hinc sanguis, aut si mavis, succus nervorum, a core infectus, cum in partes influit, fermentationem, & calorem parit; quamobrem quibusdam è Splenis vitio hypochondriacis familiaris esse solet, præter hypochondriorum exæstuationem, genarum rubor: & aliquando observantur Hypochondriaci lienosi rubentem vultum gestare, atque longè rubicundiorè à pastu, etsi pulsus tenuis sit.

Verisimile igitur admodum est, ab acido exaltato, & è Liene, vel Pancreate deciduo, ac cum sanguine commisto, enarrata incommoda proficisci. At ab aliis quoque visceribus manare posse non est alienum, si videlicet propria eorundem fermenta in acidum degeneraverint. Sic & glandulis Mesenterii, atque intestinorum, itemque Ventriculi, cæterisque, simile damnum accidere poterit, cum fortassè in illis fæculenti hu-

mores hæserint, mutuaque simul actione inita, concrecentem, acidamque conditionem sortiantur. A lymphâ quoque id ipsum orietur; si acidâ evaserit, simili fermè modo, ac nonnulli ex mistura salis, & aquæ, in modico vino vapido, vel in phlegmate spiritus vini, acetum sibi comparant artificiale.

Hinc evenit, cur disparia admodum symptomata Hypochondriacis sæpius contingant: Quibusdam enim stomachus elanguet, spuitio copiosior fit, urina aquea, alvus lubrica; nonnullis contra, alvus styptica est, oris amarities, sitis ingens, & stomachi ardor à cibo supervenit: alios ructus, tormina, vomitus, anhelitus, cordis palpitatio, capitis dolor excruciant: alios ciborum fastidium, Ventriculi inflatio, anxietas, obstructio, atque id genus alia tenent: Metus, & mœror in quibusdam observantur; in aliis desunt. Quidam sunt cogitabundi, solitarii, scrupulosi: alii loquaces, suavioresque jucunda, & læta expetentes: quidam bibaces, sitientes, & è converso: alii meribubuli, alii hydropotæ, atque alterutrius tantum potus cupidi: nonnulli certa victus ratione gaudent, quæ aliis infensa esse solet: quidam ab uno medicamento genere levantur, quod aliis est perniciosum; immò quod aliquando eidem patienti contulit, alias non leviter obesse visum est. Varii itaque, & diversi videntur in pathematis, & accidentibus Hypochondriaci, pro varia scilicet partium affectarum, & humorum vitiosorum diversitate; quamobrem non immeritò Proteus Morbus hic à quibusdam dici consuevit, cum multiformis in dies appareat. Quare aliqui in Mesentericam, Splenicam, Hepaticam, Stomachicam, Pancreaticam, Hystericam, Hæmorrhoidalem, & Phant-

V. Colic.  
l. 12, c. 5

V. Avic.  
l. 3, f. 53.  
tr. 2, c. 1.



tasticam ejusmodi affectionem Hypochondriacam subdividere. Undè mirari subit eos, qui tam anxie exquirere adnituntur hujus mali originem, cum nil non sit, quod ejus causa esse non possit, dummodò acorem contrahat, & succos viscerum, ipsumque sanguinem inficiat, & acido-austero, aut salito coinquinet.

2. de  
Morb.

Quamvis autem affectio ista vetustissima dicatur, quod illius, vel alterius valdè similis meminerit Hippocrates, sub nomine Morbi Siccatorii, & Ructuosi; ac post Hippocratem expressius illam descripserit Diocles Carystius apud Galenum 3. *de loc. aff.* 7. Nostra tamen ætate longè gravior, & frequentior in his regionibus, quam unquam fuerit, observatur; quippe paucissimi sunt, qui se ab ea immunes gloriari possint; idque fortassè ab intemperantia in victus genere, à tot, tantisque gulæ libidinibus, itemq; ex acidis, gelidissimisque potionibus iteratis, atque præposterè, importunèque sumptis, jejuno stomacho, à pastu, æstate, hyeme, etiam si nulla sitis urgeat, aliave necessitas cogat, citrà quascumque corporis exercitationes.

V. Hipp.  
de inter.  
affect. &  
2. prorrh.  
Celsi 1. 2.  
c. 6. & 1. 4.  
c. 9. aliq;  
apud  
Sennert.  
1. 3. p. 5. f.  
2. c. 1. l. 2.  
ep. 14. 1.  
de magn.  
lien.  
Hipp. 1.  
25. cap. 3.

Huic affectui affinis est, & alter Morbus jam pridem Hollandis, Anglis, atque Germanis, cæterisque Aquilonaribus populis maximè familiaris, *Scorbutus* dictus, & ad nostras adhuc Regiones non multis ab hinc annis advectus, licèt hic non adeò immanis sit, ut in cæteris regionibus perhibetur. Hunc etiam pervetustum morbum esse Sennertus, Langius, Ronseus, aliique pluribus ex locis Hippocratis, aliorumque veterum monumentis scitè admodum deducunt, quamvis apud illos aliis nominibus fuerit appellatus. Creditur etiam convenire cum Stomacace, & Sceletyrbe Plinii.

Convenit in plurimis cum Hypochondriaca affectione, sed præterea aliis, & gravioribus symptomatis stipatur; præcipuè verò doloribus crurum, maculis in cute, ulceribus in tibiis, tuberculis cutaneis, oris fœtore, dentium erosione, sputis cruentis, cephalalgia, pectoris angustia, respirationis difficultate, cachexia, corporis lassitudine. Sæpe etiam alios morbos excitat, qui curari nequeunt, nisi speciatim de Scorbutimedela ratio habeatur; unde Paralysis, Convulsio, Arthritis, Epilepsia, Leipothymia, dolor Colicus, Hydrops, Febris, aliæque plures ægritudines consequuntur, quas Scorbuticas quis meritò appellaverit, cum & antiscorbuticis medicamentis remitti soleant.

V. Sever.  
Eugal. de  
Scorb.  
Sennert.  
13. p. 5. f. 2  
Vvill.  
path. Cer  
High.  
Charlet.  
Mollen-  
broc.

Medicis, qui hætenus de Scorbutovolumina conscripserunt, semper in culpa Lien est habitus, qui scilicet fæculentum è sanguine humorem melancholicum dictum, repurgare nequiret; immò in suis ductibus detentum depravaret, commutaretque potissimum in atrabilarium. Aliquibus etiam creditum est à Liene haud emungi, nec excipi serosiores, aquosioresque chyli portiones, quæ deinde cum sanguine commistæ, hujus affectus causa evadant: quamobrem Horstio visum, crudo, atque ichoroso sanguini, speciali quodam modo, corrupto, Scorbuticam affectionem adscribere.

At qui uni tantum visceri istius morbi originem appingunt, fortè non perpenderunt, quod ab eo cunctæ propemodum corporis partes vehementer afficiantur. Undè Vvillius præter sanguinis vitium, adiicit quoque liquoris nervorum labem in acidum, effœtumque vergentis: quippe existimat sanguinis dyscrasiam in Scorbuto parimodo, atque vini, duplicem



plicem esse posse, nempe *sulphureo-salinam*, ac *salino-sulphuream*: si namque sanguis miasmate scorbutico infectus, præfervidus fiat, in quo nempè sulphur prævaleat, maculas exterius excitabit, exanthemata, tubercula, ulcera; interiùs verò vomitus, cardialgias, diarrhoeas, dysenterias, doloresque atrocissimos, atque in his temperata solùm remedia admittit, vitatque acria, & acuta, cochleariam, raphanum sylvestrem, & similia. At vero si sal prædominetur, fiatque sanguis crassus, & quasi mucosus, sine cutaneis eruptionibus ægri torpidi, anhelii, & enerves fiunt, cum lassitudinibus corporis, & pectoris angustia, quin & anxietatibus cordis, deliquiis, vertigini, & convulsionibus obnoxii observantur; & in his remedia probat calidiora, sale volatili prædita, immò & ex chalybe parata, quæ sanguinem solvant, & exagitent. A sanguine præterea ita vitiato, atque ad cerebrum appulso procedere quoque ait liquoris nervorum vitium: & quidem illo effæcto, liquorem hunc tenuiorem progigni ad acidum declinantem, immò ab eodem fæculento particulas heterogeneas plurimùm illi infestas suggeri. Quare labem scorbuticam succo nervo affixam in his consistere idem Author concludit, & quòd liquor cerebri, & nervorum irriguus multò tenuior, seu pauperior evadat, & quòd à crasi *spirituo-salina* in acidam degeneret, & quòd particulis heterogeneis, ac morbificis refertiatur.

Quòd autem humor scorbuti causa acidam conditionem fortiatur, non secùs, ac cum ex vino fit acetum, multò antea Sennertus edocuerat, qui & aceti generationem, aliaque plura ad hanc rem facientia adducit, & examinat. Neque enim aliud videtur esse Scorbutus ab affectu Hypo-

chondriaco, nisi quòd gravior, immaniorque sit, profectus à causis potentioribus, tenaciusque ob id inhærens visceribus cum sensibiliore sanguinis vitio. Hinc plerisque locis Endemius morbus est, quibus scilicet usui sunt cibi multo sale conditi, fumoque exiccati, meracius vinum, temetumque, vel aqua palustris, & corrupta bibitur, itemque panis nauticus, legumina, caseus vetus, acida quæque salita, rancida, mucida, cruda, crassa, glutinosa, dura in alimentum veniunt: quo fit ut Nautæ, & ad mare Balticum habitantes, cæterique populi Septentrionales ejusmodi victus genere utentes, tam facilè in Scorbutum incidant, ut refert Balduinus Ronfseus. In aliquibus observatur etiam hæreditarius, aut contagiosus, pari modo ac ex lue Venerea, & scabie accidit. In reliquis convenit cum Hypochondriaco affectu, sed pertinaciori, maximèque inveterato.

Ex his igitur facilè nunc erit utrumque affectum internoscere. Solùm autem advertere oportebit non statim à principio scorbutum prædictis omnibus symptomatis invadere, at plurima ipsorum ingravescente solùm morbo comparere, atque alia aliis accidere. De hypochondriaca verò affectione monet Galenus subinde ab illa cerebrum turbari, atque Melancholiam exoriri, quam Timor, & Mœror comitantur sine causa manifesta.

Statim ac in conspectum sese produnt affectiones istæ, adnitendum vitiosos humores præsertim acidos, sive in visceribus hærentes, sive cum sanguine commistos, quoad fieri possit, sensim corrigere, & blandè educere. Conferunt in hunc finem pilulæ tartareæ Bontii, aloeticæ, de ammoniaco Quercetani, electuarium

Ale-



Alexandrinum. Mox verò obstru-  
ctionem tollentia commendantur,  
præsertim ex chalybe; cui vis magna  
inest acidum in sanguine corrigendi,  
atque obstruētos meatus referandi.

Hippocr.  
chym.

De ejus autem usu monet Tachenius,  
quòd nisi excrementa ab illo tingan-  
tur, temerè exhibendus non fit, quia  
tunc non reperit idoneum humorem,  
qui illum solvat. Optima quoque  
sunt subamara, absinthium, centau-  
rium minus, gentiana, cortices ma-  
lorum aureorum, eorumque sales, ac  
tincturæ; itemque elixir proprietatis,  
vinum absinthites, decoctum Coffè,  
& herbæ Thè.

De morb  
convuls.  
p. m. 206.

Distinguit autem Villisius reme-  
dia pro duplici sanguinis vitio. Vel  
enim sanguis crassus est, subfrigidus,  
cum lienis obstructione: & sanè me-  
dicamenta ex chalybe parata exquiri  
ait. Vel contrà fervidus supra mo-  
dum fermentescit, simulque hypo-  
chondria æstuantia inflat; & remedia  
tunc solum temperata, ac fervorem  
sedantia indicari docet: fugienda  
verò, quæ in sui compositione chaly-  
bem admittunt.

At verò Deleboe Sylvius, quoniam  
à bile per choledochum ductum de-  
lata, unaque simul permista, atque  
fermentescite cum pituita vitiosa,  
morbum hunc oriri arbitratur, utri-  
usque correctioni, purgationique in-  
cumbit, potissimum per salia lixivia,  
itemque galbanum, sagapenum, am-  
moniacum, mastichen, succinum,  
castoreum, myrrham, ac spiritus,  
salesque volatiles indè elicitos: De  
usu autem Acidorum, quæ videren-  
tur profutura ad bilem temperan-  
dam, id speciatim monet, non com-  
modè exhibenda, nisi spiritu aliquo  
volatili castigata. Quin Sennertus  
etiam è Tartaro parata medicamen-  
ta nocua interdum esse testatur, im-  
probatque cappare, præsertim quia

aceto condiuntur. Purgantia præte-  
reà non reprobant Sylvius, tum quæ  
pituitam, tum quæ bilem educant.  
Et Hartmannus etiam vomitum com-  
mendavit ex aqua benedicta; Immo  
Hippocrates utrumque evacuationis  
genus in curatione Morbi Siccatorii  
indicare non est veritus.

Cautius tamen in hac parte agen-  
dum est, quippe non rarò à purgan-  
tibus medicamentis hypochondrio-  
rum affectiones exacerbari consueve-  
runt: ut propterea satius existiment  
alii ab his abstinendum ex Galeno,  
qui 3. de loc. aff. 7. ait: *Monendi sunt  
mibi Amici, qui me curantem vide-  
runt, frequentibus balneis, victu-  
que humido, bonique succi, nullo  
alio adhibito præsidio, huiusmodi  
morbum me curasse.*

Diuretica, & sudorifica à plerisque  
valdè conferentia dicuntur, quòd illa  
incidendi, & aperiendi vi polleant,  
valeantque saburram humorum, tum  
è liene, tum à reliquis glandulis imi  
ventris ad vias urinæ deducere; cum  
etiam ex Hippoc. & Galeno pateat  
lienem per urinarios meatus repur-  
gari: quod & Anatome evidentissimè  
testatur. Sudorifica verò præter vir-  
tutem dissolvendi, attenuandique,  
acido infringendo utilissima sunt.  
Præfertur autem cæteris Antimo-  
nium diaphoreticum à Sennerto in  
*Epistolis.*

Epist. 35.  
ad Do-  
ring.

Quoniam verò superius innuimus  
non semper hunc affectum ab uno  
viscere proficisci, nec perpetuò de-  
terminatum humorem ejus causam  
esse; propterea operæ pretium erit  
exactè perpendere, cui potissimum  
parti succurrendum sit, cuique hu-  
mori oppugnandum. Si itaque è sto-  
machi vitio oriri videatur, ea præci-  
puè opportuno usui erunt, quæ sto-  
machi fermentum adjuvent, atque  
extraneos succos corrigant, & extur-  
bent.



bent. Optima planè dicuntur sal absinthii, elæosaccharum citrii, & cinnamomi, spiritus mastiches, essentia menthæ, pulvis stomachicus, & cachecticus Quercetani, sal stomachicus Mynsichti, syrupus menthæ compositus, elixir proprietatis Helmontii. Si Hepar compatiatur, proderit ebur, diarhodon, sal hepaticus Mynsichti, essentia Martis, sal fumarix, absinthii, fraxini, nitri. Sic pariter proderunt splenica, hysterica, nephritica, si hoc, vel illud viscus gravius affectum prospiciatur. Idem quoque observandum in vitioforum humorum varietate: quamquam hæc plerumque communia sunt, & vices sibi mutuò commutant, nisi plurimum à mediocritate declinent, aut vim, actionemque exserant violentam, vehementerque irritantem.

Scorbuto demum, quæ hæcenus sunt recensita, commodè quoque opitulabuntur. Sed specialius proderunt acria, & subamara, ut cochlearia, nasturtium aquaticum, beccabunga, chelidonium utrumque, trifolium, chærefolium, petasitis, sinapi, eruca, fumarix, hydropiper, raphanus rusticanus, seu armoracia, cortices malorum aureorum, zedoaria, ruta muraria, zingiber, bacca juniperi, gummilacca; atque ex his elicti spiritus, tincturæ, essentiæ; ut & essentia, ac spiritus turionum pini, salis ammoniaci, & ceraforum nigrorum sylvestrium. Saletiam, & essentia viperarum à plerisque commendatur; atque ab aliis spiritus tartari volatilis, tinctura Antimonii Bezoarticum Martiale.

Rectè autem, inquit Sennertus, monent Authores succis prædictarum herbarum majorem efficaciam inesse, quàm in decoctis, quoniam vis in illis provenit à sale volatili, qui coctione dissipatur; Quare præstabit

ejusmodi succos spissare, & ne ventriculo noceant, saccharo, & cinnamomo condire.

Neque verò semper utendum acribus, & sale volatili præditis, ut consultit hic VVillisius, præsertim ubi causa morbifica in calidiori sanguinis dyscrasia, vini rancidi æmula, consistit: Mavult enim medicamenta temperata opportuno usui fore, quæ humorum particulas per se effervescent aptas, minùsexagitant, immò potius compescant: quod etiam notavit Sennertus, qui propterea in his cum sero lactis exhibenda esse scribit medicamenta antiscorbutica dicta.

Cæterum in aliis præstantissimum esse scribit Forestus syrupum sceletyrbicum, quem ita conficit: *succi cochlear. & beccabung. singul. lib. iij. sacch. opt. lib. ij. cum ovi albumine depur. mox simul decoq. & f. syr. f. a.* Exhibet autem illum ad unc. j. ss. cum unc. ij. aq. cochleariæ, & unc. j. aq. beccabungæ per plures vices. Gingivas verò erosas, & sanguivomas solo succo cochleariæ confricandas jubet, vel abluendas cum aqua stillatitia ejusdem, & beccabungæ. A Velschio refertur Othonem Heurnium usum quotidiano potu vini, in quo brassica rubra, cum zingibere, & cinnamomo fuerat macerata: atque hoc jucundissimo remedio vinum Hippocraticum ferè æmulante, addito præsertim saccharo, intra xv. dies, in pristinam sanitatem ægros restituit. Alia vina medicata præscribit VVillisius, apud quem vide.

Acida etiam prodesse scribit Sylvius Deleboe, succum mali citrii, & aurei, & punici, trifolium aquaticum, spiritum salis, & nitri dulcem. Quinimmò P. Barbette reliquis omnibus præstare ait spiritum salis dulcem, ammoniaci, & cochleariæ. Lister quoque miscet succos cochleariæ, limo-

Lib. 2.  
Obs. 11. &  
12.

Obs. 55.

De  
Scorb.  
cap. 7.

Append.  
tr. 10. n.  
864.

Lib. 4.  
pract. c. 3



limoniorum, & aurantiorum; immò & efficacius putat acétum, & spiritum vitrioli, memoratque utilitates ex aceto relatas à Dioscoride, & ex limoniis à Pisone. At dexterè acidis utendum, & nonnisi cum aliis medicamentis antiscorbuticis.

Symptomatis denique scorbutum comitantibus, qua ratione occurrendum sit, legere erit apud Eugalenum, Sennertum, Villisium, aliosque fusè nimis de *hoc affectu* pertractantes, vel restrictiùs apud Fridericum Deckers *in notis ad Prax. Barbett. cap. de Scorbuto*. Nobis enim fat est hæc attigisse de hoc affectu, qui in nostris regionibus non adeò vulgaris est.

### DE CACHEXIA, & Hydrope.

**E**A corporis habitudo, in qua ob malam nutritionem color cutis, atque in primis faciei, à naturali, & consueto declinat, pallet, flavet, vel in fuscum vertitur, & quandoque etiam impetiginibus, crustisque inficitur, cachexia à Medicis appellatur, malusque corporis habitus.

Sequi plerumque solet obstructionem, & affectionem hypochondriacam; aut scorbuticam, ve etiam diuturnam in fœminis menstruorum suppressionem, & in maribus immodicam hæmorrhoidum evacuationem.

Hepatis imbecillitati, atque intemperiei frigida, immò etiam humida ab Antiquioribus tribuebatur: sanguis enim ab illo gigni putabatur crudus, pituitosus, aqueus, aliquando etiam bile, vel melancholia permixtus, quideindè ad partes delatus gravamini, & inquinamento foret, illasque nunc albo, pallidoque, nunc etiam luteo, livido, vel croceo, aliove simili colore fœdaret, quin & in tumorem attolleret, atque Anasar-

cam, & Leucophlegmatiam inferret.

At post inventa vasa lymphatica Recentiores ejusmodi vitium lymphæ, ejusque ductibus adscribunt, quòd nimirum comprimantur, obstruantur, unde lymphæ cursus impeditur; vel si rumpantur, indè illa effluens alicubi decumbat, aut per totum corpus diffundatur.

Crediderim autem in his affectibus lympham à suis ductibus non exugì, sed unà cum sanguine in venas traduci, atque in cor remeare; quomobrem cum is partes nutriendas petit, multa aqua plenus in eas effunditur, quæ propterea gravatæ, turgidaque compareant. Cum verò è disruptis, relaxatisque aquosis ductibus illa effluit; in Abdomine Ascitem, in Capite Hydrocephalum, in pectore, artubus, scroto, particulares alias Hydropis species parturit; hærente nimirum in his partibus lymphæ, quæ sæpissimè glutinis instar concrevit, atque ubi restagnaverit in tumorem attollitur, & digito compressæ partes foveam relinquunt. Hinc ab infecto, vitiosoque sanguine, ac nutritioni inepto Cachexiam, & Anasarcam facillimè deducimus. Vitium autem istud advenire sanguini putat Sylvius Deleboe à bile, succo pancreatico, lymphæ, & saliva, diversimodè affectis, & in tenui intestino commixtis; undè multifariam affici cutim, universumque corporis habitum colorari opinatur, pro diversitate prædictorum succorum prædominantium. Sed & fermenta viscerum, glandularum, & singularum partium, immò & solius lymphæ prava constitutio, ac affectio, id ipsum inferre possunt; Visa namque aliquandò est pravo colore cutis infici, sanguine non vitiatò: Novi siquidem nonnullos ad extremum usque senium salubriter vixisse, cum ejusmodi fœdo cutis colore,

V.  
VVarth.  
Aden. c.  
11.

L. I. prax  
cap. 39.



re, ac penè dixerim cadaveroso; quod certè non contigisset, si sanguis illis inesset, qualis in hoc morbo fieri assollet, phlegmaticus, effœtus, ac evanidus: hi, velut scabiosi, in omnibus benè valent, licèt cutim infectam habeant.

Tamet si verò à cute, & à glandulis per illam dispersis isthæc fieri possint; plerùmque tamen sanguinis vitium consequuntur, cùm præter fœdum cutis colorem, difficili respiratione, præcordium anxietate, corporis lassitudine, atque ad motum impotentia, marcore, febrilenta, pedum tumore, aliisque symptomatis cachectici afficiantur: quæ sanè à cutaneo tantùm vitio, citrà viscerum inter-norum, itemque sanguinis, atque alibilis succi depravationem esse non possunt; quamobrem cachexia valde est affinis Hydropisi.

In fœminis autem sæpenumero hæc mala oriuntur ab utero, vel ob immodicum menstruum profluvium, vel ob eorundem suppressionem, utroque enim casu sanguis vitiosus est, atque adeò acidus, serosus, crudus, aliterve effectus, cum uteri, aliorumque viscerum naturalium obstructione, aut laxitate. Ad quod vitium emendandum, præter alia superius memorata adversus obstructiones viscerum; summè proderit hæc tinctura Martis pluries manè prout necessitas exegerit, repetita, quæ sic habet: *Limaturæ Martis q. v. & Tartari albißimi duplum, decoquantur in octuplo, vel decuplo aquæ pluvie repurgatæ ad omnimodam consumptionem, quousque pulvis in fundo vasis siccus remaneat: Mox verò extrahatur exindè cum spiritu vini tinctura, & seorsim servetur. Residuum iterum cum sufficienti quantitate ejusdem Aquæ pluvie ad siccitatem usque decoquatur,*

*& tincturam parimodo, ut supra, extractam priori adice, & tertio idipsum denuò repete. Tandem per filtrum traice, & in vase vitreo Tincturam ipsam ad usum serva.* Hac enim ad unciam semis exhibita nedum obstructa viscera blandè nimis referantur, verùm etiam in his functionibus roborantur, emendatis intereà vitiosis humoribus, atque in pristinum naturalem statum revocatis.

Neque verò solùm fœminis, sed viris quoque viscerum infartus Cachexiam attulere, ex observationibus Anatomicis Bartholini, Lotichii, Highmori, Hildani, Heurnii, & aliorum. Obstructa namque viscera non modò sanguinem minimè repurgant, ut decet, sed etiã inficiunt, infectumque per alios ductus amandant, qui deindè laxantur, aperiuntur, vel eroduntur, & sanguis effluit, ut etiam superius meminimus.

Cachexiam diutiùs protractam insequitur Hydrops, qui in Ascitem, Tympanitem, & Anasarcam communiter dividitur. Ascites solius Abdominis tumor est aquosus. In Tympanite solus etiam venter intumescit, sed à flatibus; quamobrem instar Tympani resonat. Anasarca demùm tumor est totius corporis exterioris. Adnotat tamen Sylvius totius corporis tumorem à seroso humore quidem Anasarcam, & à viscosiori Leucophlegmatiam progigni: quamvis L. Doldius Leucophlegmatiam morbi materiam indicare ait; Anasarcam verò locum; cæterùm unam, eandemque speciem esse.

Ascitis prætereà generationem tribuit idem Author venis lacteis obstructis primùm, mox ruptis, ac aperlis, effusoque inde in abdominis cavum chylo cum suo sero permisto. Verumtamen V Villisius præter hanc vaso-

Cist.  
Med. e-  
pist. 242.

L. 1. prax  
c. 17. n. 89  
& in App.  
pend. tr.  
6.



vasorum lacteorum ruptionem, atque in Abdominis cavum contenti humoris effusionem, adiicit quoque consimilem lymphæ è suis ductibus illapsum; itemque feri è sanguine ab arteriæ Cœliacæ, & Mesentericæ ramulis decidui, ex præpedito ibidem sanguinis circuitu: quod qua ratione contingat, ex multiplici cum sanguinis, tum vasorum vitio idem Author deducit. Experimento quoque id ipsum evincere studet; quoniam, inquit, si in vivo animali, venis jugularibus filo exceptis, & ligatis, sanguinis reductio inhibetur, tota capitis regio aqua intercute, & planè hydropica, brevi intumescit.

Pharm.  
rat. p. 2. f.  
2. cap. 2.  
& 3.

Tympanitis causam insuper ipse <sup>43. cap. 1.</sup> negat esse flatus ventris membranas, aut intestina distendentes, ut communius creditur, admittiturque ab eodem Sylvio; sed inquit esse spiritus animales irregulariter, ac tumultuariè motos, partesque membranaceas inflantes, immò etiam Mesenterium, cæteraque viscera membranis obsita: similemque furorem, sive œstrum virulentum spiritibus alicubi impressum, & inde mox longè, latèque diffusum à toxicis quibusdam epotis, telorum, aut ferarum ictibus, vel moribus venenosis, indèque tumores, vel particulares, vel universales induci opinatur; quorum deinceps vacuitates à flatibus impleri posse minimè inficiatur.

Lib. 1.  
prax. c.  
14. n. 26.

Anasarcam denique deberi docet aquoso humori extra suos ductus effuso, atque tum intra musculorum interstitia, tum intra carniū, cutis, & glandularum, ac membranarum poros aggesto, & quidem in habitu corporis potissimum; undè illud exterius albicat, & si digitis prematur, foveam à compressione relinquit. Is autem humor à sanguine præsertim derivans, ex arteriarum finibus in

majori copia profunditur, quam ut per venas, & lymphæ-ductus excipi, & reduci, ac per renes, & poros cutis, aliaque serosi laticis emissaria amandari queat. Causas verò superabundantis istius humoris plures ipsemet reddit, sed præcipuè præcedentem immodicam hæmorrhagiam, tenuiorem consueta victus rationem, vel contrà lautiolem, retentas evacuationes fieri solitas, tumores interiorius genitos, ac sanguinis circuitum impediētes, & lymphæ è suis ductibus profusionem promoventes, atque humores heterogeneos in sanguinem traductos, illumque pervertentes, atque inquinantes, ut latius apud eundem legere est.

Quæ de Hepate ad frigidum, & humidum intemperato, adeoque crudum, aqueumque humorem generante plurimi cum Galeno commenti sunt, non modò recentioribus, sed nec veteribus quamplurimis placuerunt, qui in sectionibus Hydropicorum sæpè Hepar omni labe immune reperiunt attestantur, & vel Lienem, vel Renes, vel Uterum, vel intestina, aliaque viscera imi ventris affecta deprehenderunt, ut apud Sennertum præcæteris memoratur. Neque defuerunt, qui ab intemperie potius callida Jecinoris Hydropem oriri asseruerint, ut est Trallianus, Avicenna, Cardanus, Fernelius, Platerus. Quin & Carolus Piso, quem sequitur Sennertus, opinatus est, Ascitem generari ex materia serosa sanguini ex potu, & cibis injecta, mox vero in vena porta, & cava diutius retenta, & ob malam distributionem in abdominis cavum illapsa. Vesiculis quoque aqua turgidis (quas Græci Hydatidas vocant) universa ferè Abdominis viscera referta non rarò deprehensa sunt. Notabile equidem est, quod scribit Galenus exponens Aphorismum

q. 1.  
V. Barth.  
De lact.  
thor. c.  
ub.

L. 9. cap.  
3. lib. 3. f.  
14. tr. 4. c.  
13. 1. progn.  
2. aph.  
12. f. 1. 7.  
de part.  
morb. c. 8  
in prax.



mum 55. *sect.* 7. Quibus Hepar aqua  
 plenum in Omentum eruperit, iis  
 venter aqua repletur, & moriuntur:  
*Aptissimum*, inquit, *Hepar est hy-*  
*datidas, idest vesicas aqua plenas, in*  
*ea, quæ ipsum ambit exterius, mem-*  
*brana, generare. Si quandò igitur*  
*contingat vesicas aquosas rumpi, ef-*  
*funditur aqua ad locum membranæ*  
*abdominis interioris ad epigastrium,*  
*in quo etiam aqua hydropicorum*  
*congregatur.* Vesiculas autem istas  
 recentiores Anatomici, præeunte  
 Th. Bartholino, à tumidioribus aque  
 ductibus, qui plurimi per Jecoris ex-  
 timam superficiem perreptant, indu-  
 ci nuperrimè agnoverunt, ut pro-  
 pterea jam dubitationi locus amplius  
 non sit de modo generationis, deque  
 parte affecta in Ascite, ut superius  
 ex VVillisio, & Sylvio meminimus.

Hinc insuper facilè erit intelligere,  
 hanc eandem Hydropis speciem à  
 causis calefacientibus, non minùs, ac  
 à refrigerantibus oriri posse: nam  
 quæcumque possunt lympham auge-  
 re, salsam, acrem, glutinosam, te-  
 nuem, similemve reddere, itemque  
 vasa lymphatica dicta obstruere,  
 comprimere, delaxare, erodere, aut  
 alio modo vitare, undè lymphæ ipsa  
 effluat, & alicubi restagnet, Hydro-  
 pem afferent, neque solum in imo  
 ventre, verùm etiam in pectore, ca-  
 pite, artubus, scroto, utero, aliisque  
 partibus, quas istius aquæ ductus  
 pervadunt, & irrigant.

Agnovit autem Helmontius ex  
 pluribus cadaverum sectionibus, Je-  
 cur omni culpa in Hydropicis care-  
 re: at causam ægritudinis retulit in  
 Renes, qui cum moderatores laticis  
 ab ipso appellentur, si malè affecti sui  
 muneris veluti obliviscantur, laticem  
 minimè à cruore repurgant, ac sepa-  
 rant, sed in Abdominis cavum di-  
 mittunt.

Neque hic prætereunda Hippo-  
 cratis sententia, qui censuit Hydro-  
 pem ex Liene affecto plerumque in  
 foeminis oriri: & Dodonæus tam fre-  
 quenter Ascitem à Liene procedere  
 ait, ut nullum corpus ex Ascite de-  
 functum, dissectum vidisse referat,  
 cui non tumidus, & magnus Lien  
 fuerit. Idemque confirmat Duretus,  
 & alii plurimi consentunt. A Pan-  
 create quoque vitato, ab Omento,  
 Mesenterio alii Hydropem deducunt,  
 quare iniquè nimis à quibusdam Je-  
 cinori tribuitur, nedum hujus, sed &  
 aliarum ægritudinum origo.

Tanta autem sitis Hydropicos ur-  
 get, ut illam nullatenus ferre possint,  
 etsi aquis quodammodò innatent.  
 Salsedini humoris eam ferè omnes  
 adscribunt; & Paracelsi Affeclæ salem  
 resolutum insimulant. Verùm quam-  
 vis lymphæ in Hydropicis salsa obser-  
 vetur, præsertim cum è suis ductibus  
 exsilierit, verisimilius tamen videtur  
 sitire insigniter Hydropicos, quia ir-  
 riguis ejusmodi liquoribus & sanguis,  
 & viscera universa penitus orbantur,  
 lymphæque ipsa aliò prorsus influit,  
 quàm deceat, disruptis præsertim il-  
 lius ductibus. Cum igitur tali humo-  
 re destituuntur viscera, tabescunt, &  
 ubi venter aqueo humore repletur,  
 vel etiam in Hyposarca universus  
 corporis habitus exterius ab inun-  
 dante sero intumescit, partes reli-  
 quæ collabascunt, exarescunt, &  
 emaciantur.

Aqueus hic liquor è suis vasis pro-  
 fluens in Ascite, inter Peritonæum,  
 & Omentum frequentius colligi cre-  
 ditur Hipp. inquit enim: *Quibus Je-*  
*cur aqua refertum in omentum eru-*  
*perit, his venter aqua repletur.* At  
 quoniam non semper aqua effluit è  
 Jecore, aut è Liene, sed sæpè sæpius à  
 Mesenterio, ejusque glandulis, Reni-  
 bus, Utero, cæterisque partibus,  
 quas

V. Are-  
 teum lib.  
 4. cap. 1.  
 de sign.  
 & caus.  
 diurn.  
 morb. de  
 vesiculis  
 aq. plenis  
 & quòd  
 Perito-  
 næum  
 Ascitis  
 conce-  
 ptaculū  
 sit, ibi  
 de aqua  
 exūdans.

5. De  
 morb.  
 mulier.

6. prak.

7. Aph.  
 55.



quas aquæ ductus præterfluunt, proinde de loco collectionis aquosi humoris adhuc ambigitur. Ab Hippocrate etiam *Aph. 7. 54.* dicitur: *Quibus inter ventriculum, & septum transversum pituita reposita est.*

Inter cutem, musculos abdominis, & Peritonæum, colligi posse existimat quoque Olaus Rudbeck. Intra Peritonæum, & musculos imi ventris, aut etiam intra duplicaturam Peritonæi aquam observavit Gerardus Blasius. Et Spigelius apud Rhodium inter Abdomen, & musculos. In glandulis Mesenterii, & Omenti tumefactis, itemque in vesiculis ibidem expansis, sicut, & in Utero, atque alibi aqueus humor collectus aliis visus est.

Quoniam itaque in diversis partibus serum istud aqueum è disruptis, vel distentis vasis lymphaticis colligi, & restagnare contingit, diversas Hydropis differentias quis meritò à variis partibus affectis denominabit; atque præter pectoris, & pulmonis Hydropem, de quo alibi mentio facta est, & capitis, & faciei, & oculorum, & uteri, & ventriculi, & mesenterii, & renum, & scroti, & cujusvis alterius partis Hydropisim appellabit. Cæterum, & in causis planè convenient inter sese, & in natura, si tumor albicans prementibus digitis cedit.

Illud etiam omnibus Hydropis speciebus commune esse consuevit, quòd pedes lento, crassoque humore tumeant, potissimum interdiu, non adeò verò noctu, & in lecto jacentibus ægris; vel quòd lymphæ in pedes illapsa quodammodo per suos ductus circuitum perficiat, atque in universum corpus dispergatur, quò fit, ut manè facies decolor plus justo appareat, & oculorum palpebræ aqueo humoræ turgidæ observentur, quæ postmodum sensim restituantur à motu; vel quia è somno, & calore in

sudorem abit, præsertim ex plantis pedum, ut in aliquibus vidi; aut etiam insensibiliter dissolvitur; vel quia in ductus urinæ traducitur, indèque expurgatur. Adnectitur quoque spirandi difficultas, ad motum impotentia, faciei pallor, totius corporis gravamen, appetitus dejectio, pulsuum debilitas, atque id genus alia. Prætereà speciatim in Ascite venter intumescit, & cum æger de latere in latus commovetur, ibidem murmur, & fluctuatio percipitur. Quò verò Abdomen magis, magisque tumet, eò reliquæ partes superè gracilescent, & emaciantur. Sitis insigniter augeatur, neque ab iteratis potibus vel minimum minuitur; quin, quò plus sunt potæ, plus sitiuntur aquæ. Undè Horatius

*Crescit indulgens sibi dirus Hydrops,*

*Nec sitim pellit, nisi causa morbi  
Fugerit venis, & aquosus albo  
Corpore languor.*

Tussis etiam sicca succedit, alvus styptica fit, atque urinæ deficiunt, colorantur, vel crassescunt; quamvis aliquandò illa lubricior, & hæ copiosiores, aquosioresque fiant. In Tympanite demum venter percussus instar Tympani resonat, solentque præcedere rugitus, & tormina circa umbilicum; quamobrem dicitur 4. *Aph. 11. Quibus tormina adsunt, & circa umbilicum cruciatus, & lumborum dolor, qui neque medicamento, neque aliter solvuntur, Hydrops siccus contrahitur. Vocatur autem hic morbus,* subdit Galenus *in comm. à posterioribus Medicis Tympanias, quoniam imus venter percussus talem sonum edit, qualem Tympana.*

Non modò ab his Hydropis speciebus, verum etiam à Cachexia vitæ periculum imminet, quamvis plerumque in longum tempus protrahantur

Tr. de  
vas. glâd  
fer. cap. 9

Obs. med  
18. Cent.  
3. obs. 6.

V. Aræ-  
tæum l. 4.  
cap. 1.

Plat. Vol  
ch. Coi-  
ter. obs.  
Anat.  
M. Cor-  
dæus  
comm. 5.  
in 1. Hip.  
de morb.  
mul. Val-  
ler. obs.  
10. l. 2.  
Isbr.  
Diébr. l.  
1. cap. 12.  
V. Varth.  
Adenogr  
c. 12.

V. Hipp.  
4. de  
morb. in  
fin.

Lib. 2.  
od. 2.



hantur ægroti. Augetur autem periculum, si tussis superveniat: si abscessus, vel maculæ in cruribus erumpant, ut accidit Bioni, & Ctesiphoni *7. epidem.* si lienosis post dysenteriam accidat: si alvus plurimum fluat: si cum febre urina modica, turbataque compareat: aut in sicco Hydrope stillicidium urinæ fiat. Contrà verò salutis spes affulget, si aqua, quæ per corpus diffusa est, in alvum confluerit, stomacho tamen benè se habente: si à furore contingat: si plus humoris per urinam excernatur, quàm sit potus, qui assumitur. Notat autem Celsus Hydropem faciliùs in servis, quàm in liberis tolli: *quia cum desideret famem, sitim, mille alia tædia, longamque patientiam, promptius his succurritur, qui faciliè coguntur, quàm quibus inutilis libertas est. Sed ne hi quidem, qui sub alio sunt, si ex toto sibi temperare non possunt, ad salutem perduntur.* Undè edocemur minimè sanari posse Hydropicos intemperantes, quique sibi vim non inferunt, ferendo scilicet famem, & sitim.

V. Hipp.  
5. epid.  
& Spon.  
in Aph.  
novis  
sect. 5.

At verò mirari subit plerosque Medicorum, qui sibi persuadent Hydropem quemcumque felicissimè tolli repetitis evacuationibus per alvum, cum interea ægrotos alant carnibus contusis, assis, & elixis, cum oleribus, victuque, quàm par sit, pleniori. Laudandus sanè Medicus ille Chryssippi discipulus, cujus idem Celsus meminit, qui notæ intemperantiæ quendam mediocriter hoc morbo implicitum negavit posse sanari, quem alter Medicus se sanaturum pollicebatur; quia hic ad morbum ægri respexit, ille verò ad animum: & quidem æger nec famis, nec sitis patiens, malagmata sua devorando, bibendoque propriam urinam, in exitium se præcipitavit.

Tozzi Op. Med: Tom. I.

Admonet quoque Fridericus Hofmannus in Hydrope, Ascite, Tympanite, & Cachexia purgantia validiora non esse usurpanda, ex Gale-  
no, quia corpus admodum debilitant, ut postea major aquarum, & flatuum proventus fiat; ideòque roborantia, & aperientia frequentius, quàm purgantia erunt præscribenda. Hydrops etiam Leucophlegmatia dictus per concoctionem, & non per evacuationem subigitur. Nec Cachecticis purgantia ullo modo danda, cum ab iis lædi Hepar, & bilis fermentum debilitari certissimum sit. Hæc, & alia Hofmannus.

Meth. med.  
cap. 7.

River. in  
prax.

Cæteri verò omnes purgantia præsertim hydragoga dicta in omni Hydrope absque ullo metu præscribunt; immò & Villisius in Anasarca cathartica validiora commendat, tum emetica, gummi guttæ, esulam, Herculem Bovii, pilulas Lunares; tum alvum moventia, sambucum, & ebulum, soldanellam, gratiolam, succum ireos, elaterium: quorum medicamentorum formulas, & præparationes latius ipse prosequitur: quamquam cautiùs in Ascite illis utitur, & in Tympanite à catharticis vehementibus omninò abstinet. Iisdem purgantibus insistit Sylvius Deleboe; at solum per epicrasim evacuandum docet Barbette.

L. 1. prax  
C. 17. n. 16  
L. 4. prax.  
cap. 4.

De Diureticis etiam summoperè ambigendum in Ascite, & Tympanite. Nam qua via ex Abdominis cavo in renes materia ibidem collecta deponi possit, non facile designare licet. Juvabunt autem illa plurimum in Anasarca, sicut etiam diaphoretica, sudorifica, cum ex glandulis per universam cutim dispersis, porisque partium, facile lymphæ superabundans è vasis sanguiferis, & lymphaticis resorberi possit, atque ad renes deferri, vel per poros cutis in sudorem



rem ablegari. Verùm cùm aliquan-  
 dò observatum sit Asciticos ab urinæ  
 profluvio convaluisse, non abs re quo-  
 que fore arbitrandum, si illis inter-  
 dùm quis utatur, præcipuè cùm spon-  
 te sua aqua per eos ductus ferri vide-  
 bitur. Ea autem tutiora semper  
 erunt, quæ ex animalibus, & vegeta-  
 libus petuntur, modò sale volatili  
 abundant. A Nitro quoque consulit  
 VVillisius perutile diureticum præ-  
 stari: atque inter plura, quæ ex illo  
 parantur, sal illud in crysalli formam  
 redactum, quod ex iteratis ablutio-  
 nibus cerussæ Antimonii emergit, op-  
 portunum est. In Anasarca verò diu-  
 retica è lixiviis elicitæ cæteris præfert  
 idem VVillisius, ac potissimùm ex ci-  
 neribus absinthii, vel genistæ cum vi-  
 no albo ad unc. vj. vel viij. bis, vel ter  
 in die. Servanda tamen in primis  
 cautela VVedelii, ut scilicet lixivium  
 minimè exhibeantur ventriculo de-  
 bilibus, & emaciatis, urinam rubi-  
 cundam, & quasi lixivio similem red-  
 dentibus: his enim deficit fermentum  
 dissolvendis cibis additum, & visce-  
 ra cuncta laxantur; quare aromati-  
 ca, & sale volatili prædita istis confe-  
 rent.

Cæterùm Narcotica, Cauteria,  
 Vesicantia, Scarificationes, un-  
 guium ad vivum usque resectiones,  
 sanguinis missiones, & similia peri-  
 culosissima sunt. Ab his enim facile  
 imminet Gangræna: quamvis non de-  
 fuerint, qui ab istorum usu Hydropi-  
 cum curatam fateantur. At si ex Hipp.  
 6. Aph. 8. aqua intercute laborantibus  
 ulcera in corpore facta difficulter sa-  
 nantur, sine metu mali gravioris hæc  
 in Hydropicis numquàm erunt.  
 Superest consideranda Paracente-  
 sis, quam vetustissimam quisque ex eo  
 potissimùm coniiciet, quòd illius  
 meminert Hipp. Monet autem citò  
 faciendam esse, sed non affatima-

quam esse educendam: citò quidem,  
 antequàm vires delabantur, & visce-  
 ra languida sint reddita, à morbi diu-  
 turnitate, & à longiori mora lymphæ  
 in abdomine; At non affatim, quippe  
 omnis subita evacuatio non tam faci-  
 lè toleratur. Cum ferro candenti  
 haudquaquàm instituendam consulit  
 Panarolus; indè enim Peritonæum  
 inflammari reformidat. Neque cau-  
 stico, ne ex latiori foramine, magno  
 impetu aqua resiliat, atque subindè  
 grande ulcus excitetur, non sine no-  
 xa viscerum subjectorum. Tutissima  
 methodus à Sylvio Deleboe, Paulo  
 Barbette, & Jo: Van-Horne præscri-  
 bitur per acum argenteam cavam,  
 quatuor circiter transversis infra um-  
 bilicum digitis, totidemque ad ejus-  
 dem latera in abdomen immissam.  
 Vult tamen Formius apud Riverium  
 haudquaquàm secandos Hydropi-  
 cos, nisi ex omphalos appareat, na-  
 tura viam ad exclusionem aquarum  
 affectantes, alioqui omnes, qui ape-  
 riuntur, non prominente umbilico,  
 interire ait. Suadet propterea in  
 hunc finem admovendas esse umbili-  
 co cucurbitulas cum fomentis emol-  
 lientibus, & ubi intumuerit, sectio-  
 nem faciendam. At verò inutilem,  
 vel non omninò necessariam putat  
 Carolus Raygerus: inutilem, si visce-  
 ra malè se habeant; etsi benè, non ne-  
 cessariam, cum possit Natura medi-  
 camentis adjuta seipsam exonerare.

Quamvis autem Hippocrates di-  
 xerit aquam non subito, neque to-  
 tam simul educendam esse, non ta-  
 men adeò parcè, (si fortasse sectio fa-  
 cienda sit) illi exitum concedi debere  
 adnotat Fienus, ut irruens in adaper-  
 tum foramen aqua gangrænæ causa  
 fiat, quemadmodum aliquandò acci-  
 disse memorat. Quamobrem ejus ip-  
 se voti est, ut mox ab apertione, ad  
 aquæ dimidium, vel tertiam saltem  
 par-

Rondel.  
M. cur.  
morb. l. 2  
cap. 36.  
VVier.  
de præ-  
stigi. dām  
l. 3. c. 35.

In Phar-  
mac.

V. VVa-  
laus me-  
th. M. &  
F. Hof-  
man. Ca-  
pivac. pr.  
l. 3. c. 39.  
Hild. c. 6.  
Herc.  
Sax. l. 2.  
cur.  
morb. c.  
27.  
Henric.  
ab Heerf.  
obs. 12.  
Botall.  
de cur.  
per S. M.  
Rhod. c.  
3. obs. 17.  
Zecch.  
conf. 77.  
6. Aph.  
27. & 6.  
epid. 57.

Pentec. 1  
obs. 17.

L. 1. prax  
c. 17. Chi-  
rurg. p. 1.  
c. 15. Mi-  
crore-  
chn.

Obs.  
comm. 4.  
V. Helm.  
tr. ign.  
Hydrops  
§. 11.

Obs. 3.  
Eph.  
Germ.  
to. 4.  
V. River.  
in praxi  
l. 2. cap. 6.

De cōtr.  
Chirurg.  
tr. 6. c. 7.



partem evacuatio promoveatur, donec venter notabiliter detumerit, reſecto interea patiente oleo caryophyllorum, aqua cinnamomi, vel ſimili; deinceps verò minori, & minori quantitate: at poſtremam diù relinquendam ob contractam ex diuturno tempore in abdomine conſuetudinem.

Loco Paracentesis ſcroti ſectionem nonnulli ſubrogant, ubi, etiam ſi gangræna ſuperveniât, minùs periculofa eſſe ſolet, ut etiam obſervat Hildanus.

Cent. 1.  
obſ. 48.

Clyſteribus quoque, & emplaſtris ad Aſcitem viñi plurimam tribuit VVillifius, quòd illi commodè aquas ex Aſcitis educant abſque totius maſſæ ſanguineæ fuſione, quam Cathartica fortiora cient. Præ cæteris verò hunc efficaciorẽ deſcribit: *In Urina hominis ſani, & vinum bibentis lib. j. diſſol. terebinthinæ Venetæ vitello ovi ſolutæ unc. j. ſſ. adieſta ſeſquidrachma ſalis prunellæ.* Vult autem quotidie repetendum.

Emplaſtra verò proponit, quæ roborent viſcera, & vaſorum oſcula, ne ichores ſtillent, conſtringant; in quem uſum emplaſtrum diaſaponis ipſe commendat. Aliud efficacius affert Valleriola ex ſtercore bubulo, & caprino in aceto fervefactis, adieſto ſulphure, alumine, ſale, baccis lauri, ſucco ebuli, ſimulque ſubactis cum pice navali. Sylviuſ ſal toſtum adhibet; itemque ex cineribus clavellatis, multoque ſale præditis potentiffimè aquas allici ſubdit. Emplaſtrum è cochleis ab aliis paratur, quod ventri Hydropicorum admotum creditur efficaciffimum ex Dioſcoride, & Galeno. At vult Plateruſ teſtas eſſe priùs in cinerem redigendas, mox cum earundem carne eſſe permiscendas. Et Zecchiuſ cochleas cum teſtis exactè contritas cum aqua

Lib. 2.  
obſ. 5.  
Enchir.  
med.  
pract.

App. tr. 6.  
m. 125.

Conſil.  
77.

ardente, oleo irino, & terebinthinæ ſtillatio commiſcet, & emplaſtrum conficit.

Prætereà ad Aſcitem mirificæ traduntur à Jacchino pilulæ compoſitæ ex ſquama æris, vel ex ære uſto cum melle, additis caryophyllis, aut cinnamomo. Efficaciſſima dicitur Rulando aqua terræ ſanctæ ex bolo orient. & terra ſigill. in aq. leviftici maceratis elicitæ. Amato Luſitano commendantur pilulæ ex nitro Alexandri, & trochiſcis alhandal. Matthioluſ optimum remedium dicit eſſe ſacharum abſinthii pontici. Et Fridericuſ Deckers conficit condituram ex abſinthio, mentha, corticibus mali citrii, diacalamento, ſale ſambuc. ſpiritu nitri oleo ſtillatio cinnamomi, & macis. Pulvere bufonis uſticutatum præter ſpem Hydropicum narrat VVieriuſ; quin & bufonem diſciſſum, & renibus impoſitum Hydropicorum aquas per vias urinæ expellere ait. Uſu electuarii paſſularum in vino albo decoctarum ſanata me-  
morat puellam Riveriuſ; atque alium ſolo vino è baccis juniperi ſingulo mane ad ſelibram epoto, Simeon Jacoz; & alioſ uſu ſalis prunellæ per menſem, ſale ſilicum, & millepedum. Deſcribuntur à Roberto Boyleo pilulæ lunares, quæ unicè commendantur ad Hydropem, tùm quoque ad Paralyſimetiam à Du-Hamel. Alias deſcribit Schroderuſ Bontio Principis Auriaci Medico debitas, quibus aquam efficaciter educi teſtatur. A Riverio commendatur Mercuriuſ vitæ correctuſ cum ſpiritu ſalis; itemque ſuccuſ chærefolii ad unc. ij. in vino albo, & decoctum radicis bruſci. A Cratone ſuccuſ cochleariæ quotidie ſumptuſ. Et à Borello ſuccuſ ſaturejæ quotidie pariter ſumptuſ, itemque ſuccuſ ſaturejæ, petroſelini, & aqua veronicæ; ab aliis decoctum

Centur.  
3. cur. 88.  
Centur.  
1. cur. 30.  
Ad prax.  
Barbett.  
Cache-  
cticis ex  
mēſtruo  
rum ſup-  
preſſione  
confert  
ſal corti-  
cum au-  
ratiōrū,  
& citrio-  
rum ex  
Querc.  
additis  
eſſentiæ  
croci  
guttulis  
Ateſſica-  
cior eit  
illorum  
tinctura.

Cent. 4.  
obſ. 44. &  
37.

Obſ. 82.

Obſ. 8. &  
9. hinc  
inde de-  
cerpt.  
De util.  
philof.  
exper.  
Lib. 2. de  
Corpor.  
affect.  
L. 2. phar-  
m. cap. 73  
Cent. 4.  
obſer. 32.  
Prax. 141  
cap. 6. &  
cent. 3.  
obſ. 52.  
Lib. 5. cō.  
ſil. Cent.  
2. obſ. 53.  
in Eph.  
German.  
ann. 1.  
obſ. 8.



radicis vincetoxici, & urticæ. Apud eundem Riverium *in observationibus hinc inde decerptis* memorantur plerique Ascite curati usu vini, in quo filices candentes forent extincti. Laudatur quoque à multis lotium, ejusque spiritus, & sal volatile, quò diuresim efficaciter promoveat. Mirabile remedium fertur Epiphanio Ferdinando autoritate Plinii, & Galeni Triticum, si in illud solaribus radiis excalesfactum æger toto corpore immergatur. Refert Forestus vetulam ab oleo, ubi ranæ vivæ incoctæ fuerant, ventre inuncto, intra tri-duum sanata. Fumo tabaci per fistulam hausto Asciticum convaluisse testatur Bartholinus. Aquas ex abdomine insensibiliter inaniri asseverat Fabritius ab Aquapendente applicita spongia magna, quæ illud undequaque comprehendat, expressa primum in aqua calcis vivæ, & superligata. Ex sapone Veneto cum spiritu vini, & ramentis raphani misto fit cataplasma Asciticis salutare, sed sæpius repetendum. Lapis evomitur à colubro aquatico alligatus ventri hydropici aquam paulatim absumere dicitur Hollerio. Adiicit Helmontius ex angujum senecta per ventrem, & renes alligata Ascitem curari, itemque usum mercurii præcipitati, ut & stibii diaphoretici quemcumque Hydropem tolli; pariterque bryoniæ albæ per ebullitionem in aceto correctæ; atque infuso ligni juniperi cum baccis ejusdem: lixivium etiam ex cineribus de extremitatibus frondium juniperi cum vino paratum Hydropicos per diuresin curat, inquit Hofmannus. A Cinnabari Antimonii cum elixire baccarum juniperi sanatum quendam ab Ascite ipse novi.

Transplantari quoque posse creditur Hydrops Ascites exhibito in cibum Cani, vel Sui, sanguine ægri ovi

Hist. 38.  
Schol. obs. 31. lib. 9.  
Cent. 6. hist. 17. Chirurg. p. 1. c. 54.  
Lib. 1. c. 39.  
Tr. ign. hydrops.  
Pharm. Schrod. 1. 4. cap. 192.  
V. Frid. Hofman. Meth. med. ex Helm.

putamine incluso, mox foto, tandem carnibus admisto. Itemque fumo exposita urina patientis in vesica suilla: quò enim Urina ipsa in halitus extenuatur, eò etiam venter Hydropici sensim detumere fertur.

Ad Tympanitem, quæcumque flatus discutiunt, à Medicis commendantur, licet ista vana dicantur Helmontio. Hartmanno speciale remedium est liquor elicitus ex floribus tapsi barbati, atque ad scr. j. exhibitus in decocto seminum, & radicis fœniculi; intereà foto ventre urina pueri calida, in qua sal prunellæ fuerit dilutus. Excumino, & caro medicamentum quoque paratur arcani loco. A Villisio magnifit fots alter ex floribus salis ammoniaci, & crystalli fossilis, dissolutis in vini spiritu multo phlegmate imbuto; postmodum adhibetur cataplasma ex fimo vaccino cum pulvere stercoreis canini, vel emplastrum ex minio, & sapone Veneto. Ab aliis commendatur emplastrum ex baccis lauri cum oleo nard. & rut. atque à Mynsicht unguentum carminativum dictum. Refert Helmontius Cabrollium Anatomicum Montispeffulanum sanasse octogenarium fomento bis in die adhibito supra ventrem ex lixivio, quo sal, alumen, & sulphur incoxerat; superimposito deindè fimo vaccino. Mirificè etiam effert Mercurium diaphoreticum: & Paracelsus suum præcipiolum. Præscribitur ab Epiphanio Ferdinando vinum quoddam, quod mirabile, sæpiusque expertum dicitur ad educendos flatus, esseque tutum, & saluberrimum remedium tam in Ascite, quàm in Tympanite: id autem conficitur. *Cucumer. agrestis, seu asinini, sambuc. ireos, & soldanella, singul. unc. iij. incid. & infund. per horas xij. in lib. vj. vin. albi, & clari; deindè bull. ad consumpt.*

L. c.

Ignot. hydrops n. 45.

Hist. 41.



*sumpt. tertiae partis, mox add. cumin. anis. sem. faenicul. ammeos, dauc. seseleos, ruth. aneth. singul. p. i. cortic. citr. dr. ij. cinnam. elect. unc. ss. tragac. & mastich. singul. dr. j. iterum bull. tandem col. & serv. Dosis unc. vi. vel vii.*

4. Acat. Vino etiam meraco usum legimus Hippocratem ad flatus discutiendos, & Galenum confectione ex tribus generibus piperis.

Phylogr. cap. i. Alia plura decoctorum genera in vino ab aliis ad eundem usum conficiuntur; his tamen moderatè utendum monet Fienus, ne venter à flatibus insigniter attollatur, & thoracis motu impedito, repentè æger suffocetur. Fetus etiam, & balneationes calentes adhibitas supra ventrem, vel flatibus, vel aquis distentum, obfuisse quoque novimus, majori nimirum inducta ibidem commotione, & æstu; ut etiam observat Carolus Piso *hoc loco*; quamobrem cautus sit in his Medicus.

## DE ICTERO.

**M**Orbus Icterus, quem & Regium, Arquatum, & Auriginosum appellant, adeò facilis est cognitu, ut solo intuitu cuilibet pateat. Eo enim, flavo plerumque colore tingitur cutis; sed & non rarò nigricat, ac virefcit; undè flavum, nigrum, & viridem mistum ex ambobus nonnulli constituerunt.

Communiùs putatur infici hisce coloribus cutim, ex poro felleo obstructo nequeunte bilem è Jecore in vesicam fellis traducere, quæ propterea per universum habitum corporis diffundatur. At quamvis hæc obstructio sæpius contigerit, non videtur tamen tanta bilis copia cumulari posse in ejusmodi ægrotantibus, quæ valeat totum corpus nedum ex-

*Tozzi Op. Med. Tom. I.*

teriùs, sed & interiùs flavo colore contaminare, immò & urinam, aliasque excrementa supra modum ad plures dies inficere; si præsertim spectes bilem, quæ in cysti colligitur, & ea, quæ per cutim, vias urinæ, nares, & os egeruntur, cum interea felleus humor ibidem non deficiat, immò & aliquandò cystim ipsam plus justo aggravet. In dissectione prætereà Ictericorum non semper inventi sunt obstructi ductus fellei, cysticus, aut intestinalis. Neque semper faeces albicantes egeruntur, cum interdum etiam flavescant: evidens signum meatus ipsos esse repletos, admittereque illapsam bilis in Intestina tenuia. Sed & quæ obstructio tam subito poterit cystim, ejusque ductus invade-  
Sextupl. dig. ign. act. reg. & pass. humor. decept.  
re in demorsis à vipera, qui momento temporis toto corpore flavescent? Hinc moti Helmontius, & Deleboe Sylvius assignatam Icteri à Veteribus causam refutarunt. Et ille quidem ad Icterus concurrere docet *alienationem secundæ digestionis, qua chylus pervertitur, & alienationem distributivæ, & digestivæ stomachi*; undè fermentum præter naturam virulentum inter Pylorum, & duodenum intestinum constituit. Hic verò in bilem acriorem, tenuioremque redditam, atque adeò ad immodicè effervescendum aptam, ejus causam revocat.

Sed nec in bilem, aut felleum humorem universam hujus morbi causam revocare solum licet. Nam quamvis possit nedum cysticus, & intestinalis ductus obstrui, sed & cystis ipsa oppleri, gravari, tumefieri, ab humore etiam felleo in lapillos concreto; compertum tamen est, citrà biliosi humoris vitium, prædictorumque ductuum obstructionem Arquatum morbum accidisse, ex lymphæ, & sero sanguinis exaltato, atque

Sextupl. dig. ign. act. reg. & pass. humor. decept.

I. d. prax. cap. 46.



flavum colorem adepto ob misturam salis acore præditi, seu succi acidum cum lymphâ suo etiam sale imbuta, simili fermè modo, ac experimur lixivium ex cineribus plantarum in aqua elixis paratum flavescere, vergereque in croceum colorem, si acidum iusta mensura superaffundatur; quin & lixivium ipsum si multo, & acricinere aspersum, plusquam deceat, efferbuerit, non leviter rubescere solet, & rufum colorem induere. Lympham verò plerumque in Ictero vitari ostendit præ cæteris curatio Rusticis familiarissima; qui usu cucumeris sylvestris naribus appliciti, brevi huic affectui medentur, inde elicitâ maxima lymphæ copia luteo colore saturæ, præter eam, quæ per vias urinæ abundantissimè deponitur. Confirmant id ipsum observationes habitæ in plerisque cadaveribus hoc morbi genere defunctorum. Sylvius enim Deleboe (referente Matthia Paisenio) secuit aliquando Ictericum, atque in illius Abdomine insignem quantitatem aquosi humoris invenit, qui croceum colorem referebat: Additque Regnerus Graaf bilem universam planè serosam fuisse. Paulus etiam Zacchias refert se animadvertisse in Ictérico Pericardium omni humore destitutum. At verò carnosa viscera, & carnes ipsæ vix, aut nunquam in Ictericis flaventia deprehensa sunt, & solum membranacea, per quæ lymphæ ductus plurimi diffunduntur. Accedit, quod Icterus sæpissimè subsequitur Hydrops Ascites, qui vitiatæ lymphæ, & lymphaticis vasis nunc communi voto tribuitur.

Non igitur uniusmodi Auriginosum morbum esse dicendum, cum & ab obstructo, tumefactoque Jecore, aut etiam cholidochæ ductu, à sanguinis vitio, ex corrumpente vene-

no, & à lymphâ vitiatâ lixivii conditionem adepta, & mistura acidum exsoluta, atque in rufum, croceumque colorem mutata, cui vitio serum quoque sanguinis subiicitur, oriri possit. Memini quoque, me aliquandò observasse Ictericum quendam, momento ferè temporis factum à cohibita seminis emissionem. Atque hinc est, quod symptomata varia Icterus comitentur, variisque medicamentorum generibus ille desinere visus sit, vel contrà penitus obstiterit. Sic Hippoc. 6. *Aph.* 42. Si Jecur durum sit, malum pronunciat, & si ante septimum in febribus appareat: quamquam 4. *de rat. Vi&.* in acut. 81. cum rigore contingens etiam ante septimum salutaris referatur. Observavi pariter periculosissimum esse cum nausea, & ciborum fastidio junctum, atque cum urinæ primùm croceis, mox verò decoloribus: anxietates enim, præcordiorum oppressiones, atque anhelitus graves, ac tandem mortem minatur. Sed cum hæc scriberem, accidit, ut Nobilis, ac Ill. vir D. Antonius de Gaeta Marchio Montis Pagani, gravi, malignaque febre correptus quarta die Ictericus evaserit, cum tumore, ac duritie in dextro hypochondrio, virenti sputo, nausea, inquietudine, mentis motionem, pulsu intermittente, tactu frigidus, (quæ omnia mortem portendebant) solo diaphoreticorum usu, brevi tamen convaluerit, non sine plurimorum admiratione, qui & cathartica, & vesicantia omninò necessaria, ac dumtaxat profutura prædicabant.

Curatio hujus affectus varia instituitur. Equidem cum obstructo, tumefacto, obduratoque Jecore junctum, ex hoc deducuntur humores, stagnantesque dissolventia moderantur; inter quæ præcipua censentur

Miscellan. Cur. ann. 4. & 5. obi. 194.

De nat. & us. suc. panc. c. 8. l. 9. q. Me dicoleg. cons. 15.

v. Gal. 5. de loc. aff. 7.

4. Aph. 62.



V. Sylv. l.  
1. prax. c.  
45. n. 12.  
& infr.

tur tartarum vitriolatum, sal prunellæ, sal tartari, cardui benedicti, & absinthii, bezoardicum Martis, stibium diaphoreticum cum extracto hyperici, baccarum juniperi, spermate ceti, sanguine hirci, aliisque diuresim unâ simul promoventibus, decocto chelidonii, graminis, apii, fragariæ, marrubii, cum spiritu salis dulci. Si verò suspicio sit concretæ lapidis in cysti, commendat Sylvius aquam, & decoctum graminis, ejusque succum cum saccharo, vel melle permixtum. Conferre quoque ait spiritum nitri spiritu vini dulcem redditum, ad gutt. x. xij. & ultra in vino, aliove potu. At verò impediunt illius concretionem salia volatilia quævis, sed præsertim oleosa, quippe quæ bilem puram reddunt, defæcatamque. Cum à veneno Viperæ, aliove accidit, sudorifera volanti sale abundantia maximo usui erunt, quibus simul corrigi, & expelli illud possit: cujus census sunt sal volatile C. C. viperarum, succini, salis ammoniaci, spiritus theriacalis, theriaca ipsa, & quam vocant Germanicam, aliaque ex viperis confecta. Depravatam autem, & vitiatam bilem emendari idem Auctor inquit per oleosa, & pingua, testaturque à solo cannabis femine in lacte bubulo pingui, donec rumpatur, cocto, & colato, atque bis, terve in die ad unc. v. vel vj. sumpto, se plurimos Ictericos curasse. Idemque præstari à quovis sapone ad dr. j. in calente lacte dissoluto cum saccharo, bis, aut semel in die exhibitum.

Specialia denique remedia ab Authoribus plurima referuntur. Apud Hartmannum præsentaneum remedium est Mercurius præcipitatus luteus cum theriaca, ejusque extracto; nec non decoctum fragariæ. Aliis prædicatur egregium deco-

ctum marrubii, chelidonii, abrotani, hyperici, radicis rubiæ tinctorum, lapathi acuti, aut lentis palustris. Croco pariter maxima in hoc tribuitur vis, itemque lumbricis terræ, millepedibus, stercore anserino, aut gallinaceo, salis urinæ, lapillis repertis in felle bovis, aliisque similibus. A Cardilucio describitur pulvis D. Alsteini ex floribus sulphuris, & modico croci cum æquis partibus sacchari albi: eo enim intra triduum Icterus pelli perhibetur.

De sale  
urinæ  
Helm. de  
lith. c. 3.

Neque desunt qui magica præscribant: per linteam urinæ patientis intinctum, & Soli expositum quousque siccat: per Tincam vivam umbilico impositam, donec moriatur: per Aranearum vivam testa nucis inclusam, & è collo ægrotantis suspensam: per vesicam felleam Vervæcis adjectis unâ guttulis aliquot urinæ calidæ ægrotantis aeri expositam, dentemque Leonis, cæteraque alia à Petræo, Friderico Hofmanno, & Helmontio memorata.

Experientissimus noster Thomas Cornelius, insigni rei literariæ damno, nuper nobis tristi fato ereptus, inter plurima alia remedium generat, illud præcipuum sibi arcanum servabat, ad hunc morbum, admirandum, Aquam videlicet *ex Albo Albi*, quam gelidam potandam exhibebat jejuno stomacho per hebdomadam.

V. de Ea  
comm.  
nostr. in  
62. Aph.  
4.

Rusticis demùm usui est succus cucumeris sylvestris naribus exceptus; itemque succus marrubii è foliis contusis ex Dioscoride.

Expertum mihi nuper tradidit Vir fide dignus, solo succo è pulpa cinaræ elicito ad unc. j. cum dupla aquæ calentis parte, epoto, Ictericos illicò sanari: si verum, idem præstabit succus radicis ejusdem pari modo cum



aqua epotus, vel decoctione expressus ex Matthiolo.

## DE RENUM DOLORE, & Nephritide.

**R**enes interius exquisitissimo sensu præditi cum à re quapiam vellicantur, compungunturque, vel etiam inflantur, & tumescunt, acutissime dolent: cumque ferè semper à calculis, & arenulis conglobatis hoc ægritudinis genere afficiantur, proinde græco nomine Νεφριτις (quamquam hæc propriè Renum inflammationem significat) hic morbus à Medicis dicitur.

Lapidum in Humano corpore generatio mirabilis semper est habita, atque inter arcana Naturæ. Neque solum in renibus, & vesica, sed etiam in reliquis partibus, totoque penè corpore deprehensi sunt. Ex Galeno vetustiores Medici illorum generationem attribuerunt calori pituitosos, crassosque succos induranti. At cæteri melioris notæ Medici, ut præ cæteris Fernelius, & Sennertus, cuidam spiritui lapidifico ejusmodi vim concesserunt; neutiquam verò explicarunt undè spiritui isti tanta vis adveniret, & succos, humoresque corporis in lapideam naturam commutaret. Verùm si attentè considerentur, quæ in cæteris Naturæ, & Artis operibus super hac re contingunt, procul dubio lapidum generatio clarissimè innotescet. Experimur quippe liquores ferè universos acidam participantes conditionem, in res crassiusculas, mucosasque instillatos momento ferè temporis præcipitare compactiores illarum partes in arenulas, aut sabulum: id quod in oleo tartari, mercurii, vel terebinthinæ potissimum videre licet, si fortassè superaffundatur spiritus vitrioli, spi-

ritus nitri, aliusque acidus liquor.

Acidum autem ejusmodi vult Deleboe Sylvius non qualecumque, sed austerum esse debere. Quamquam Helmontius, analysi in urinis instituta, detexit etiam in urinis sanorum latere quidpiam spiritui vini analogum, quod spiritus urinæ coagulationem, atque in lapidem concretionem promoveat, experimento edoctus, quòd spiritus urinæ cum aqua ardente suo phlegmate spoliata permistus, mutuò concreverint, & coagulationem subierint; in morbosis verò, pollui Renes, & infici fermento quodam urinæ corruptivo, undè tam facilè in ipsis calculi progignantur. Hinc nonnulli calculum existimant congelari ab urinæ alkali, aut ab alkali cujusvis visceris (cum in omnibus ferè visceribus hærentes calculi deprehensi sint) & acido excedenti commistis: quod succo acido pancreatico, & humori bilioso falso alii adscribunt; At à sanguine materiam lapidum deducit J. Daniel Major; cuius scilicet limosæ, & tartareæ partes in renibus detineantur. A sanguine quoque, immò & à chylo, ciboque ipso, quo vescimur, terream amurcam, seu tartarum relinqui, undè calculi enascantur, docet Schneiderus; proindeque fieri, ut non in solis renibus, & vesica, illi generentur.

Nephritici doloris à calculo hæc indicia ab Hippoc. traduntur 6. *epidem. In renem*, inquit, *dolor gravis, cum, ægri, cibo implentur, vomuntque pituitam; cum verò redundarint dolores, æruginosa, & melius quidem habent: solvuntur autem, cum cibis evacuati fuerint, arenulaeque fulvæ subsident, & cruentum mingunt, fitque torpor femoris è directo.* Additque lib. de internis aff. quòd *dolor acutus incidit in renem, & in lumbos, & in testem, secundum rectum*

Lib. 1.  
prax. c.  
55. n. 50.  
De lithiasi.

V. Tachen.  
Hippoc.  
chym.  
cap. 14.

V. Platter. h. 1.

Lib. 3. de  
Catarrh.  
c. 7.  
V. Galen. cōm.  
26. in 3.  
Aph. &  
2. progn.

f. i. t. 46.

V. Hipp.  
4. de  
morb. &  
lib. de  
Nat.  
hum.



*Etum situm, & frequenter mingit, & adstringitur paulatim, & suppressitur urina: cum urina procedit arena, & ubi per urinæ meatum exit arena, dolorem acutum in meatu affert.* Hæc Hippoc.

At quamvis renes plerumque doleant à calculis, non rarò tamen hi in illorum cavo reperti sunt, qui nulum doloris sensum antea calculosis attulerint. In ureteres autem decidui lapides semper cruciant, præsertim cum angustum illorum meatum intercludunt, ac distendunt, vel etiam ab asperitate, inæqualitateque compungunt, & irritant. Hinc etiam fit, ut testis respondens reni affecto retrahatur, distenta nimirum membrana, atque irritato musculo cremastere. Accidit etiam nausea, & vomitus à cibo ob communionem renum cum ventriculo per membranas peritonæi, & nervorum plexus vagæ conjugationis per stomachum, & ventriculum excurrentis; vel etiam ex consensu Renum cum Colo, atque hujus cum Ventriculo. Stupet quoque femur è regione Renis affecti, non ob compressionem venarum cruralium, ut voluit Galenus, sed ob compressionem nervorum per musculos crurum excurrentium; quin & musculus ipse, cui Ren incumbit, atque cruri flectendo dicatus est, ab expanso Rene, gravanteque calculo comprimitur. Adiicit & alium nervum Villisius medium inter Hepaticum, & Renale eas ad partes protensum undè viscera ista mutuò consentiant. Urina insuper suppressitur, vel tenuis, & decolor comparet, veluti per cribrum, ut loquitur Galenus, percolata; mox verò crassa, & turbida mingitur, depositis nimirum arenulis, excretaque universa materia, quæ à calculo obstruente detenta fuerat: Quin & acidum ip-

sum figens sicuti crassiores urinæ partes coarctat, & comprimit in lapillos, ita serosiores in aqueum veluti liquorem fundit, & extenuat.

Contingit verò sæpenumerò decipi Medicos in Nephritico dolore à Colico internoscendo, cum alter alterum non rarò mentiatur. At vagus solet esse Colicus, universamque ferè abdominis regionem, præsertim eam, quæ subter ventriculum est, infestare, & contorquere, aliquando etiam cum inflatione, murmure, inversoque intestinorum motu. Qui verò Renes cruciat, uni lateri, vel dextro, vel sinistro fixus est; & si quandoque deorsum obrepit, recta per ureteres ad pubem, & testes protenditur. Urinæ præterea in Nephritico dolore vel supprimuntur, vel tenues minguntur; in dolore verò Colico detinentur fæces, & si quid excernitur, modicum est, obduratum, mucosum, vel flatibus permixtum. Fieri tamen potest, ut à complicato utriusque partis affectu hæc simul confundantur, & Colico-nephriticam, aut Nephritico-colicam affectionem referant. Quamobrem periclitantur subindè patientes, cum ex ejusmodi retentis excrementis, & acerbissimo dolore, sæpe vigilia diuturna, inedia, virium languor, & febris insequatur perniciosissima, cum partium extimarum refrigeratione, frigido, glutinosoque circa faciem, collum, & frontem sudore. Cæterum absque his etiam immedicabiles censentur in senibus Renum, & Vesicæ ægri tudines 6. *Aphor. 6.* quamvis per intervalla recurrentes debitis præsidiis cedant, & tùm arenulæ, tum calculi egerantur, quoniam ex causis superius traditis regenerantur, & vehementiùs repetunt. At verò Nephriticis hæmorrhoides supervenientes salutares inquit Hipp.

V. Gal. 1.  
de loc.  
aff. 2. & 3.

In comm.  
cit. l.

Pathol.  
Cec. c. 27.

6. Aph. 21  
de



deposito nimirum ad eas partes, excretoque humore acido-salfo, qui istius affectionis causa esse consuevit.

Genitum jam calculum conterere, comminuere, atque confractum per urinam educere primum oportebit; mox verò alterius generationem, quo ad fieri poterit, inhibere.

Atterere, comminuereque calculum, atque unà cum sabulo foras educere, feruntur quælibet adianthi species, chærefolium, hederæ terrestres, parietaria, veronica, saxifragia, filipendula, petroselinum, milium folis, raphanus, allium, cæpa, cortices, floresque fabarum, radices asari, baccæ hederæ, nuclei persicorum, & mespilorum, etiam rubentium, quæ nobis *Azarolæ*, dicuntur, fructus cynosbati, halicacabi, ciceres rubri, lignum nephriticum, terebinthina, succinum; lapis judaicus, nitrum fixum, sal prunellæ, tartarum vitriolatum, oculi cancrorum, sanguis, & urina hirci calida, sanguis vituli cervini, lumbrici terrestres, aselli, cantharidum, & bufonum pulvis, electuarium Justini, & aquæ ex prædictis herbis stillatitiæ; itemque spiritus salis, & spiritus nitri dulcis redditus, tinctura Martis Zvvel feri, terra tartari foliata, sal tartari volatile, arcanum duplicatum Mynsichti, spiritus salis ammoniaci, balsamum salis verum cum spiritu raphani sylvestris elicitum, spiritus urinæ volatilis, sal ex calce viva, parietaria, & saxifragia, & alia hujus generis apud Hofmannum. Singularis dicitur pulvis radicis ononidis cum ejusdem aqua stillatitia. Testas ovorum in calcis formam redactas, & ad dr. j. assumptas præcellere scribit Barbette in urinæ à calculo suppressione. Ab exclusis pullis collecta ovorum putamina perutilia esse docet etiam Bartholinus. Apud Forestum

mirificus refertur pulvis leporis in-furno exiccati; itemque avis Troglodytes. E testis ovorum ustris, & in calcis formam redactis, ac lixivio instar incoctis sal elicitur præstantissimum. Infusum cantharidum integrarum in spiritu vini efficacissimum etiam est, si ad cochleare exhibeatur longè à cibo. In singulis libris spiritus vini satis est si infundatur dr. j. cantharidum: Subsidentibus deindè cantharidibus solus vini spiritus exhibetur. Cicindelæ pulveratæ commendantur ab Augenio *to. i. epist. lib. 4. epist. 2.* Efficax etiam memoratur lixivium cinerum fabarum in vino paratum, atque cum fimo columbino epotum; pariterque decoctum radicis lape, & ononidis. Calculos è Renum cavo se deturbasse fatetur Zacutus usu aquæ stillatitiæ ex nicotiana viridi, vel ex ejusdem siccæ decocto. Hoc idem præstasse testatur Borellus ope fructus cynorrhodi, seu rosæ sylvestris. E semine dauci Cretici id ipsum parat Helmontius felici cum successu. Laudat quoque liquorem Aroph Paracelsi, seu aroma Philosophorum, & succum Betulæ. Scribit pariter rarissimum diureticum ex lapidibus cancrorum colligi, quod etiam vulnerarium, & febrifugum esse ait, modò resolvatur in formam pristinam lactis. Efficaciores tamen vires tribuit balsamo salis marini, quin sexagenarium refert immunem à Renum calculo annos sexdecim servasse largo salis marini usu, quod & in multis deinceps confirmatum ait. Demùm primas obtinere concludit ludum Paracelsi, idest calculum ex humano corpore exsectum, ut interpretatur Hartmannus. Mercurium dulcem quoque idem Hartmannus in hoc affectu extollit, aitque Nephriticum dolorem rarò infestare solere eos, qui pilulis Mercur. singulis mensibus utun-

De Troglodyti-  
de V.  
Cam.  
cent. 8.  
memora.  
part. 80.  
p. 613.  
Prax. 1. 4.  
cap. 8.  
Cent. 4.  
hist. 23.  
Lib. 24.  
scho. obs.  
25.  
A pelle  
leporina  
combu-  
sta cal-  
culos ex-  
pelli Au-  
dor est  
Gal. de  
Ren. af-  
fect.  
Lib. 2.  
praxi  
obs. 66.  
Cent. 5.  
obs. 22. &  
cent. 4.  
obs. 73.  
De lith.  
c. 1. & 7.

Aroph  
describi-  
tur à  
Gnæffe-  
lio 4. E-  
phemer  
Germ.  
obs. 209.

De lith.  
cap. 3.

Prax.  
chymiat.



tuntur . Omnibus commendatum  
 Ad cap. 8. lib. 4. prax. Bar bett. vult Fridericus Deckers spiritum salis ammoniaci cum vino Rhenano, vel simili liquore sumptum. Spiritus calcis vivæ atterendo, depellendoque calculo efficax, dicitur Basilio Valentino; quin & aqua ipsa calcis vivæ Ostreorum, Mytilorumque calculum solvere plerisque fertur. A spiritu baccarum juniperi ad unc. ss. propinato, cum guttis aliquot balsami salis volantis, & aurei redditus Nos mira sæpius vidimus; sicut & ab opiatis conveniente quantitate exhibitis, cum dolor nimium urgeret. Vitriolo quoque mirabilis vis inest calculum frangendi, deturbandi, si præfertim cum philonio alterutro, aliove simili permisceatur. Epoto vino Rhenano, in quo igniti lapilli albi in litore maris inventi sexies extincti fuerint, calculos excerni narrat Forestus. Nitrum fixum, sanguis leporis, pulvis virgæ aureæ in succo raphani expresso exhibitus, oleum ex nucibus expressum, & ultra annum asservatum ad unc. ii. vel iij. in conveniente vehiculo, vel cum ol. amygd. dulc. permistum, & epotum, vel clysteribus injectum optimum ex Boyle.

Verum in ejusmodi Nephriticorum remediorum generibus præscribendis habenda est ante oculos Helmontii admonitio *tract. de lithiasi* tradita: nam non omnia diuretica eodem modo, parique ratione operantur. Quare internoscere oportebit, cujus culpa diuresis impediatur, & per quænam medicamenta illa promovenda sit, tartareis interea recrementis expurgatis. Speciatim autem admonet remedia fermentum felleum roborantia, & acuentia præprimis esse conducibilia, ne debilitato felle, acores in vias urinæ ferantur indomiti, indeque renes gravius afficiantur, & doleant. Unde verò

Acida, alioqui renibus inimica, & calculo gignendo accommoda, maximam opem ferant, si volatilem naturam acquisierint, perbellè quidem explicat idem Helmontius *eodem loco*, & latius prosequitur Hofmannus *in methodo*.

Quoniam verò plerumque dolor <sup>Helm. de lith. c. 5.</sup> vehementissimus est, impeditque lapidis per ureteres in vesicam illapsum, juvabit lithontriptica cum anodynis, & narcoticis, quantitate tamen mediocri, miscere, quibus sopita natura, laxatisque ductibus, facilius illa operentur, & calculus lubricum iter nanciscatur. Ad id etiam convenire videntur foci emollientes ex malva, parietaria, althæa, ejusdemque generis lituræ, quibus partes irritatæ demulcentur, & à fibrarum contractione desciscunt. In hunc usum commendantur unguentum Althææ, unguentum, & anodynum Mynsicht, oleum seminum hyoscyami, scorpionum, amygdalarum dulcium, & amararum, cum axungia cuniculi. Commendat Panarolus <sup>Pent. 2. obs. 2.</sup> petroleum naturale. Profunt etiam clysteres emollientes, sed non in magna quantitate, neque ex variis simplicibus, nec ex cassia compositi, ut præ cæteris monet Saxonia, & Simon Pauli: qua de causa Crato simplex veronicæ decoctum, vel florum chamæmeli omnibus aliis præfert adjecto adipe vervecis, cuniculi, vel capi, vel etiam butyro recenti. Nedum <sup>Lib. de lithot. c. ult.</sup> autem injecta vituperatur cassia, verum etiam per os exhibita, ut multis admonet Hildanus, memoratque <sup>Chirurg. l. 7. c. 4.</sup> Petrum Pigray asserentem calculosis cassiam malè conducere.

Non sunt insuper Diuretica cum cibis exhibenda, ne illorum vis à mistura ciborum retudatur, aut in urinæ vias eos nondum digestos protrudat, indeque renes, alique ductus gra-

Ad cap. 8. lib. 4. prax. Bar bett.

V. Tentzel in Exeg. chym.

L. 24. schol. ad obs. 25. V. Libar. synt. Arc. l. 1. c. 14.

Pent. 2. obs. 2.

Quadrup. botan. conf. 136.

Lib. de lithot. c. ult.

Chirurg. l. 7. c. 4.



graventur, & infarciuntur. Hinc perperam, inquit Hofmannus, faciunt, cum decoquunt quidam cum carnibus radices petroselini, vel aliud diureticum, & decoctum illud sumunt in prandio, vel cœna.

Gravius peccant, qui in Nephritide cathartica præscribunt, & quandoque vehementiora: ab his enim tantum abest, ut calculi, aut calculorum materia per alvum deturbetur, ut potius ad affectos renes violentissime deducatur, non sine manifesto periculo inflammationis, aut urgentioris doloris: non raro etiam alienis omnino, atque utilibus humoribus eductis, vires adeo infringuntur, ut impotens natura reddita, neque calculum exturbare, neque vitam diutius sustinere valeat. Et licet vehementia medicamenta, inquit Mercatus, quale est peplium, ad lapidis commotionem præcipiat Hipp. tutius tamen erit lenientibus, quæ partes potius dilatent, quam vehementioribus uti, quæ ad partem affectam fortè majorem humorum copiam alliciant. At verò nec ista omnino tuta sunt.

De rect.  
presid.  
usu l. r.  
cap. 6.

Cent. r.  
ep. 55. ad  
P. Ca-  
stell.

De Vomitu etiam plurimum ambigit Bartholinus, aitque diligenter cavendum, ne temerè ille excitetur iis, qui ferendo non sunt, adeoque morbus morbo addatur: Testatur enim seipsum ferè pleuritidem à vomitu passum in consimili ægritudine.

A calculis prætereà præcavere ægros Medici adnituntur indicta primum convenienti diæta attenuante, vitatisque cibis crassum succum generare valentibus, crudis, oleosis, acerbis, & difficilis coctionis, ac distributionis. Sunt deindè qui per intervalla purgantia repetunt ad inanendum stomachum; sed præstabit vomitus, si ventriculus gravari cœperit, fueritque ad vomendum pro-

clivis. Solo usu Terebinthinæ singulis quibusque diebus assumptæ ad magnitudinem castanæ cum modico sacchari, Monachum quendam à Nephritico, & Arthritico dolore intra sex menses liberum evasisse narrat Amatus Lusitanus. Eandem quoque commendant L. Lemnius, H. Augenius, L. Riverius: Vult tamen Capivacceus maximè Cypriam eligendam esse. Nil præstantius ad Renum calculos arcendos aqua tepida scribit Zecchius, si ante cibum manè, & vesperè sumatur ad unc. vj. vel vij. Non tamen hinc quis deducat refrigerantia Nephriticis opitulari, ut plerique nostratum credunt, & quotannis præscribere solent: Hos enim acerrimè increpat Sanctorius inquitens: *Errant, qui refrigerant miseros senes nephriticos, qui sunt calore exuti, præbentes aquas thermales, serum lactis, quia credunt excessum caloris necessario concurrere ad gignendum calculum. Nec obiciant necessario calorem conspirare debere, ut tennes partes resolvantur, crassæ relinquantur. Quandoquidem modicus calor, temporis spatio lentorem illapsus potest cogere, & densare, ut patet ex Galeno 6. epidem. 3. t. 15. Calor, ait, vel mediocris ad hanc cogendam materiam satis est, siquidem in calidis aquis spontè scaturientibus, et si tepidiores sint moderatis, concrescere tophi conspiciuntur. Sic in vesica, quæ longè frigidior est renibus, lapides concrescunt.* Hæc Sanctorius.

Cent. 2.  
cur. 68.

Consul.  
13. 17.

Meth. vi.  
tand. err.  
1. 3. c. 7.

Neque solum interna, sed etiam externa refrigerantia vituperat Zecchius. *Mos est, inquit, tum veterum, tum recentiorum Medicorum Renum regionem, quo ingens eorum calor remittatur, vel rosaceo, vel santalino unguento refrigerante illinire: quod quidem suspectum mihi sem-*

Consul.  
17.



*semper visum est nonnihil, quia refrigerantia, & adstringentia extrinsecus admota supervacanea excrementa magis compingunt.* In hanc eandem sententiam concedunt Capivaccus, & Jo. Fortis, qui propterea aquas thermales, & balnea aquæ dulcis improbant.

Apud Scholz. conf. 154 Cent. 3. conf. 95. & 98. L. 5. conf. fil. 17.

Ne verò calculi regenerentur, refert Crato probatum sumere nucas avellanas novem, vel decem antè prandium, vel cœnam; itemque radicem eryngii, & fructus, ac spongiam cynosbati saccharo conditos; pariterque succum veronicæ itidem saccharo spissatum, & cum seminibus violarum congestum. Infusum ligni Nephritici, (unde aqua cœrulea, ex Monard.) & argentina in jusculis excocta id ipsum præstare feruntur. Apud Schroderum describitur elixir granorum juniperi, quod certum, & infallibile medicamentum contra calculum testatur Grulingius, qui plura alia commemorat præsertim ex sambuco elicita. E baccis quoque sambuci in vino græco veteri cum pari dosi aquæ stillatitiæ rosarum infusis, & maceratis elicitur leni calore per alembicum aqua, quæ ad unc. ij. vel iij. manè sumpta mirifica est. Efficacissimus quoque est liquor contra arenas Angeli Salæ, quo ad dr. j. vel alteram assumpto in jure, in quo radices petroselini, aut pimpinellæ hortensis incoctæ sint, arenas mirificè expelli, viscosos succos attenuari, & renes, ac vesicam à calculis tueri confitetur.

Medic. simpl. c. 34.

De lapide Nephritico nuper ad nos allato magna prædicat Monardes: is enim brachio gestatus urinam cum arenulis pellere fertur; esseque tum curando, tum præcavendo præstantissimum, testatur Hieronymus Donzellinus. Alterius lapidis meminit Hollerius mollis, & laxi, per quem

transcolata aqua, & epota urinam suppressam promoveat, & calculos expellat. Plurimum quoque tribuit crystallo Paracelsus, sed usum, & præparationem non adiicit.

Quamquam Nephriticus dolor plerumque à calculo fit, potest tamen ab aliis causis inferri, & quidem à cruda viscosaque materia, flatibus permixta, ab inflammatione, aliove tumore, ulcere, vermibus.

A crudis, crassisque humoribus inductus in Renibus dolor erit gravans, mucosa in urinis apparebunt (ni tamen ex Gonorrhœa virulenta proveniant) urinæ ipsæ decolores, aut crassæ cum inutili sedimento, quod etiam aliquando pilorum, aut capillorum figuram referet; si verò unâ flatibus conjungantur, dolor per intervalla redibit. Solent tamen interdum talem, ac tantam pati obstructionem Renes, eorumque glandulæ, aut arteriæ emulgentes, ut præter gravantis doloris sensum cum quadam inflammatione, urinarium serum nequeant secernere, & in ureteres, ac vesicam deponere; unde urina, vel omnino supprimitur, vel difficulter, & guttatim redditur; quin & cum remeante sanguine commixta, plurima alia damna parit, quorum mentio fit apud Schenckium, & Marcellum Donatum. Observatum insuper, urinam ante septimum diem non excretam mortem afferre, etiamsi deindè reddatur. Quamquam Tulpius ad undecimum diem proroget. Mavult autem Villisius diuresim minutam, & debito parciolem sepe numero à sanguinis compage nimis stricta, & velut obliterata pendere, adeò ut laticem aquosum intimè permixtum è sinu suo ægrè dimittat: quod etiam notavit Sylvius *Append. tract. 5. num. 294.* His quoque adicienda Renum, & adjacentium glandularum in secernendo

Schol. ad cap. 48. l. de morb. intern.

4. Aph. com. 76. & 6. de loc. aff.

Lib. 3. Lib. 4. c. 38. V. obs. 30. Eph. ger. to. 2.

Lib. 2. obs. 45. Lib. 4. obs. 26. Pharm. rat. p. 1.

fero



fero urinario imbecillitas, è languido præsertim, aut inerte eorundem fermento ejusmodi secretionis muneri dicato.

Ab inflammatione dolor erit vehemens, & continuus, gravis, aut pulsans, impedietque tum motum, tum corporis erectionem, immò ex tussi, sternutamento, ventris compressione, aut alia quacumque motione acutissimè exasperatur; sensus ardoris, & quidem ingentis juxta lumbos, infra jecur, vel supra lienem, percipitur: stupet etiam crus è regione, cum extremorum frigore: urina difficulter redditur, licet crebrò micturiant æger, & sæpiùs levandæ vesicæ gratia assurgat: tenuis in principio illa erit, mox rubens, & acris: alvus adstringitur compresso colò: venter inflatur, ac tumet, ea præsertim parte, quæ reni affecto responderit: Febris tandem adjungitur acuta, cum siti, lingua scabra, nausea, vomitu, inquietudine, vigiliis. Multa verò ex his deerunt, si tumeant solùm Renes citra inflammationem, aut ex sola obstructione, potissimùm in canaliculis illis à Malpighio, & Bellino memoratis.

Ab ulcere, urina erit cruenta, mox etiam purulenta, cum mingendi difficultate, præter dolorem alterutrum ex renibus occupantem. Malo autem in longum protracto Tabes succedere solet.

V. Fer. nel. 6. de morb. pa. cap. 10. Holler. schol. 50. lib. 1. de Morb. Inf. A vermibus denique, si simul cum urina purulenta illi comparent, similes iis, quos in caseo veteri, & rancido observare est; licet & grandiores excreti visi sint.

Cùm crudi, crassique succi renes occupaverint, medicamenta illa salutaria erunt, quæ attenuandi, dissolvendique vim habent, atque in vias urinæ deducendi: qualia sunt tartarum vitriolatum, sal tartari, ab-

sinthii, & corticum fabarum, nitrum fixum, sal prunellæ, elixir proprietatis, & similia, adjectis quoque discutientibus, atque subducta alvopilulis aloeticis, tartareis, Rufi. Mirificum est decoctum gummi ammoniaci ad dr. j. circiter in unc. iij. vini albi, adjectis deindè granis aliquot nitri rectificati. Cùm gummi ammoniaci jungi etiam posset gummi Arabicum pari modo decoctum, & dissolutum. Exhibetur manè per tres, aut quatuor horas ante cibum: mirabiliter enim viscosos succos, arenulas, lapides, & quidquid in viis urinæ est, efficaciter depellit, ut experientia testis est. Quòd si urinarium serum per Renes minimè secernatur, præter alia diuretica, summè proderit sal volatile urinæ, ejusque vice spiritus salis ammoniaci illi analogus, in aqua baccarum juniperi, aliove liquore. Sudorifica locum habebunt, ut aliò serum prædictum distrahant, ac per cutim educant, suaque vi diaphoretica materiam urinæ extenuent, & ductus amplificent. Cæterùm spiritus nitri, vel salis marini, & sal volatile quodvis utilia sunt: vitæ interea iis, quæ urinam cumulare possunt, ac præsertim potu.

Ad inflammationem Renum conferent illa eadem, quæ adversus cæteras inflammationes internas memorata sunt; potissimùm verò sanguis hirci, pulvis glycyrrhizæ, semina cardui, succus cichorii sylvestris, rasura eboris, sperma Ceti, C.C. Macis. Sal prunellæ, cum Saturno fixus redditus magnoperè etiam commendatur, itemque saccharum Saturni, tinctura rosarum, & violarum è spiritu salis, extractum florum hyperici, & papaverum rubrorum, eorumque salia. Arcanum inquit esse Hartmannus succum Astarcorum, seu Cancrorum fluviatilium



crudum, scilicet ex ipsis contusis expressum, & aliquo jusclo, vel decocto prunorum assumptum semel, aut bis ad cochleare unum.

Si verò citrà inflammationem obstructi solùm videantur renum ductus præstabit tartarum vitriolatum, sal tartari, lapis prunellæ, sal elicatum ex calculo humano, & alia superiùs relata.

V. Sylv. M.M.L.2. cap. 24. Si inflammationem suppuratio sequatur, atque puris per urinam excretio, signum erit evidens rupti apostematis. Detergendum autem illud primò erit, deinceps verò consolidandum. Proderunt propterea decocta vulneraria cum balsamo sulphuris terebinthin. vel succin. Plurisque est in usu Terebinthina ipsa, vellota, vel cum vitello ovi dissoluta, vel, ut Hofmanno placet, commista cum oculis cancrorum, & floribus hyperici. Aqua hederæ terrestris cum syrupo de symphyto Fernelii conducibilis etiam dicitur.

Q.3. dec. 8. Ferè communiter lac commendant; sed ambiguus exindè speratur eventus; quamobrem multa in ejus usu exquirat Horstius; & alii, vel candente chalybe exustum, vel cum herbis vulnerariis incoctum exhibendum volunt.

Prax. chym. Magnifit Hartmanno Mercurius dulcis bis, vel ter in hebdomade exhibitus, ejusque spiritus ab eodem descriptus: hujus enim guttæ duæ, vel tres quotidie semel, atque iterùm in aqua radicum nymphææ, equiseti, plantaginis, exhibitæ mirabiliter operari feruntur. At Angelus Sala Mercurio vitæ ad grana aliquot utitur, eoque nephriticos dolores citò se debellasse confitetur. Consolidationem verò ulceris tempestivè absolvi conditura rosarum, cum subdupla quantitate seminum hyperici sub vesperam per aliquot dies sumpta idem

Hartmannus affirmat. Atqui usu medicamentorum Mercurialium nonnunquam curatum quendam vidimus diù Renis ulcere conflictatum. Cætera quæ his auxiliari creduntur bolus Armenia, corallium, consolida, & varii generis trochisci, plerumque inutilia sunt.

Hæc eadem medicamenta Mercurialia unicè conferent in dolore à Vermibus inducto, præter alia adversus lumbricos superiùs recensita.

## DE DIABETE.

**M**Orbus; in quo statim à potu, & copiosius mingitur, Diabetes ob urinæ facilem transitum appellatur: atque Hydrops ad matulam, ob frequentem lotii redditionem: & *δυσλαχός* ob adjunctam vehementem sitim, quæ acriter patientes excruciat. Creditur à plurimis excretam urinam nil prorsus ab assumpto potu differre; quamobrem ita se habere Diabetem ad Renes ajunt, sicuti Lienteria ad Ventriculum; & quemadmodum in lenteria cibi nulla ratione mutati per alvum egeruntur, sic pariter potatiliquores per renes, & vesicam. At hos falli ait Villisius, qui urinam in hoc morbo à potu, & à quovis humore plurimum differre observavit, immò dulcescere quasi melle, & saccharo imbutam, quamvis cruda, & aquea videatur; Quin & Urina semper aquea, & subpallida est, licet vinum rubrum potetur. Comitantur etiam hunc affectum febris, quæ hecticæ naturam æmuletur, & totius corporis marcor sensim invalescens: fauces exarescunt, præcordia æstuant, gravantur lumbi, testes intumescunt, præsertim cum ægri urinæ mictum aliquantisper remorantur. Tanta autem solet esse Urinæ copia, ut non solum potum lon-

Phar. rat. f. 4. cap. 3.



longè admodum excedat, sed etiam libras viginti, triginta, quadraginta, & amplius, in singulos dies æquet, ut de puella quadam refert Cardanus *lib. 8. de Rer. variet. cap. 44.* & Dodonæus de alio, *observ. medic. cap. 42.*

S. 4. c. 3.  
Pharm.  
rat. p. 1.

Putat Vvillisius Diabetem sanguinis potius, quàm Renum affectionem esse, suamque originem sumere à cruoris massa in serum copiosius fusa. Sanguinis enim crassim ita laxari opinatur, & quadantenus dissolvi, ut particulæ aquosæ à crassioribus contineri nequeant, quin illæ harum amplexibus citò elapsæ, & falsedine imbutæ, per vias renum maximè patentes excurrant. Adiicit prætereà fermentum renum vitiatum, ut sanguis non contineatur salis lixivii influxu in debita mistione, ac fluiditate, sed à fale acido in serum copiosius præcipitetur. Neque improbabile esse dicit Renum tubulos, nimis amplos, & patentes fieri, proindeque ferosum laticem promptè admodum excipere, & sine remora celeriter transmittere, ut propterea major ejus quantitas in urinam excurrat: quamquam indè lotium cruentum potius, quàm copiosum excerni subdat. Hinc procatarcticas hujus affectus, atque adeò solutæ, & laxæ sanguinis compagis causas refert in falem acidum particulas illius salinofixas, & volatiles exagitantem, dissolventemque; unde fieri ait, quòd vinum Rhenanum, Pomaceum, alii-que liquores acidie poti diuresim copiosiore provocent. Acidum autem istud non ab assumptis tantum, sed ab humoribus intus genitis, præsertim verò à succo nervorum, manare concludit.

Append.  
tract. 5. n.  
325. usq;  
ad 339.

In sanguine etiam ejusmodi vitium constituit Deleboe Sylvius, sed illum ait in serum converti à fale volatili, & valdè acri, cui vis inest res quasvis

corrumpere, & fluidas reddere, præsertim si cum illo commisceatur acidum acerrimum.

In lymphæ vitium quoque non vereretur Diabetis causam referre, cum illa acritudinem indebitam subierit, atque à sua conditione ad concrendum apta desciverit, ut proinde cum acido renum fermento commista fluorem in urinis pariat, subdulcem saporem acquirat, & colorem ferè aqueum sæpè sæpius æmuletur, aliquando etiam oleum; ut in Cachecticis, & Hydropicis visum est. Hinc communem causam à lymphæ superabundanti, sed vitiosa fortiri putatur à quibusdam. Liquari verò, atque insigniter exolvi glutinosam sanguinis portionem in Diabete conjecturæ plurimæ suadent, potissimum febris, quæ adjungitur de genere hecticarum, totius corporis macies, sanguis, qui in venis est, fluidior, motus cordis, & arteriarum celerior, in tactu mordacitas, & acritudo, vigilia, atque hujus generis alia. Hinc meritò improbat, & deridet Sennertus eos, qui Diabetem ab intenso calore renum, atque vitiata vi eorumdem attractrice commenti sūt. At verò verisimilius creditur M. Listero in  *suis exercitationibus*  auctoritate Aretæi primùm in hoc morbo malè affici stomachum, eo quòd specialius contingat cum ardore, siti, fastidio plurimum vexari. Sed & verisimile quoque putat deleteriam quandam, & venenatam vim eidem affigi cum tenuibus intestinis, quæ qualemcumque potionem inficiat.

Quamquam autem superius ex Vvillisio retulimus urinam in Diabete correptis omninò à potu nuper assumpto differre; sunt tamen plurimi, qui testantur non solum potatos liquores nihil mutatos per urinam ejectos esse, sed & portiones ciborum indi-



Opusc. de Hep. exauth. indigestas, & quidem solidas. Quamobrem suspicatus est post inventa lactearum Th. Bartholinus, per lacteas venas in emulgentes hæc efferri, via sanè perquam brevi, & compendiosa. Hujus Authoris opinionem confirmare postremò visum est nuperum inventum Domini Gayant, cujus ineminere Acta Anglica anni 1667. Is enim detexit ductum lacteum Thoracicum cum vena emulgente communicari. Fortassè & alii ductus sunt, nondùm tamen solertia Anatomicorum detecti.

Est hic morbus valdè periculosus, & plerumque lethalis, licèt in aliquod tempus protrahatur; undè sensim patientes tabefacit, & ad mortem perducit, nisi citò congruis auxiliis occurratur.

Non probat adstringentia Vvillius; quia, inquit, horum virtus in sanguine nihil valet, atque illa ad renes, & vesicam minimè pertingit. Quæ verò maximè juvare deprehenduntur, alia sunt, quæ salium combinationes, & sanguinis fusionem impediunt, cujusmodi sunt, quæ vulgò incrassantia dicuntur; alia, quæ salium accretiones dissolvunt, proindeq; sanguinis missionem restitunt, veluti quæ alterius indolis salii acido coherere, ipsumque à combinationibus intra sanguinem initis, avocare apta sunt, uti in primis sunt medicamenta sale fixo, necnon volatili, & alkalifato prædita.

At verò Deleboe Sylvius contemperationi salis volatilis acrioris incumbit, tum per oleosa, expressiones, puta, hordei, amygdalarum dulcium, seminum papaverum alborum, melonum, cucumerum, &c. per lac dulce vaccinum, ovillum, caprillum, humanum, asininum; tum per acida, sed sale volatili contemperata, nempe spiritum salis dulcem,

*Tozzi Op. Med. Tom. I.*

miscendum cum potu conveniente, jusculis, aliisque, non item cum prædictis expressiõibus, aut lacte, cum hæc ab omni acido concreescere soleant. Vidi equidem aliquando quendam à Diabete sanatum solo lactis caprilli usu.

Apud Zacutum Lusitanum memorantur duo Diabete correpti, qui, postquam plurima frustra fuissent tentata, lactis tandem Asinini candenti chalybe exusti potu, integri mensis spatio, nutriti, & philonio Persico per intervalla sumpto, convalescere.

Cancris etiam fluviatilibus in clibano siccatis, atque in pulverem reductis, ad pondus unius drachmæ cum semialtera olibani, & modico sacchari exhibitis, alium curatum vidit Achilles Gasserius.

In essentia croci Martis à Crollio descripta vim maximam collocat Hartmannus; sed felicius operari ait tincturam smaragdi. Præstare quoque tincturam, & sal coralliorum affirmat. Cæterum pro potu aquam ferrariam, immò & cibos in eadem incoquendos, atque etiam regioni renum admovendam commendat, posthabitis purgantibus, & diaphoreticis.

Medicamenta item ex Marte parata approbat Hofmannus, præsertim essentiam Martis adstringentem, crocum ejusdem, & tincturam Veneris vitrioli; extrinsecus verò unguentum Comitissæ cum croco Martis adstringente, & oleo mastiches.

A Mynsicht commendantur species diplantaginis ad dr. j. species diamartis ad dr. ss. syrupus stypticus ad unc. ij. & aqua ad ardorem urinæ ab unc. j. ad unc. iv.

Demùm à Vvillifio inter cætera laudatur aqua solutionis calcis vivæ, & tinctura Antimonii.

Verùm juxta placita Aretæi duæ præ-

Prax. ad. l. 2. obs. 80.

Obs. 36.

In Ephe. Germ. ann. 2. obs. 129. commentatur, Catechu seu Terra Japonica.

M. M. l. i. c. 19.

Pharm. rat. p. i. cap. de Diabet.



præcipuè videntur esse intentiones curativæ: prima ut stomacho, sitis fonti, atque malorum omnium origini opem feramus. Altera, ut colliquationem à veneno ortam sedemus. Primæ indicationi, inquit Aretæus, satisfacit Hiera, quæ licet multiplex fuerit tempore Galeni, Aretæo tamen cognita solum videtur, quæ simplex dicitur, aut Hiera Pacchii. Hiera namque Pacchii autoritate Scribonii Largi ad tollendam sitim maximè commendatur. Unde ad dr.j. vel semidrachmam exhibita cum aquæ frigidæ cyathis duobus sitim mirificè sedat. Secundæ indicationi conferunt lac, poma granata, limonia, fraga, cerasa, &c. quæ aquis incoquantur. Item vinum meracius astringens ad roborandum stomachum, quod omnibus venenis est antidotum, authore Celso.

### DE VESICÆ CALCULO.

Lib.6.  
pathol.c.  
13.

**P**ROPRIA Calculi Vesicæ signa hæc tradit Fernelius: Vagam, & oberrantem circa pubem, & perinæum titillationem: mox verò incumbētis gravitatis sensum, ut idcirco difficilis, & doloris plenus per salebrosa loca sit incessus, multoque difficilior saltatio: mictionem crebrescere adeo, ut tandem assiduò mejendum sit, vixque possit urina cohiberi, cum mejendum est: urinæ fluorem repente intercipi, obviam quidem impulso calculo, sicque minimè continuatam, sed intercisam esse mictionem: ac tum dolorem aliàs universum pudendi ductum, aliàs glandem solam affligere, eumque acerrimum esse sub emissionis finem, cum calculus urinæ cursu incitatus quasi proditurus spincterem violentius comprimit: mejendi conatum comitari desidendi cupiditatem, quod calculi magnitu-

do è primæo rectum intestinum, ut vesicæ cervicem extimulet: urinam albam, crassam, & turbidam reddi, cum grandior calculus jam diu est in Vesica detentus, in qua sedimentum purulentum est, aut narium mucori persimile. Sed & legendus quoque de Calculi Vesicæ signis Hippoc. 4. de Morb. & lib. de aere, aq. & loc. & 4. Aph. 79.

At ab his dubiæ quidem, & maximè fallaces exurgunt conjecturæ. Nam præterquam quod ipsemet Fernelius adnotat nonnunquam summæ Vesicæ adhærescentem calculum, & quasi ex ista propendentem vix ullum ex calculi signis manifestè exhibere, & visos esse, quinullo dolore diu illum gesta-verint; atque horum signorum plurima etiam observari in cavo, & sordido cervicis ulcere, quale Venerea Gonorrhœa profert. Alii plures illis fidendum non esse suadent. Sic ab excretis arenulis Lithiasim minimè certò deducendam monet Charletonius, cum plerique hypochondriacæ affectioni obnoxii urinas effundant tartareis coagulis luculenter conspersas citra Nephritidis paroxysmos. Observat præterea Beverovicus, Calculos, quamdiu in vesica continentur, molliores exteriori præsertim superficie esse; unde facile illis arenulæ adhærescunt, proindeque cum urinis non excernuntur. Quare advertit

V. Jo.  
Bapt. Sil-  
vat. cõt.  
31. Card.  
in Aph.  
79. 4.  
Diatib.  
de lith.  
cap. 3. §. 1  
Exerc. de  
Calcul.

In 4. Aph

Mercurialis sæpè usu venire, ut ubi lapis est in vesica, arenæ, quæ antea eiiciebantur, non amplius compareant, scilicet iis ipsi lapidi adhærescentibus, & conglutinis.

Neque fidendum explorationi, quæ fieri solet digito in anum immisso, ut iudicium inde admissum factum dicas: etenim admonet Hildanus iis in partibus duos tumores, ac scirrhos, nonnunquam progigni, qui Calculos mentiuntur, afferuntque

De li-  
thot. Veli.

sym-



symptomata calculis non dissimilia .  
Neque pondus in imo ventre , aut  
in ani , & testium intercapedine cer-  
tum se prodit indicium : id enim non  
semper accidit , nam Calculosos ob-  
servasse testatur Sebastianus Nasius ,  
qui se nunquam tale pondus adver-  
tisse asseruerunt , quoniam lapide  
paulatim concrecente sensim ejus  
gestationi assuescunt ; & plurimi post  
mortem dissecti prægrandes calculos  
in Vesica habuisse deprehensi sunt ,  
cùm tamen viventes neque de urinæ  
suppressione , nec de dolore unquam  
conquesti fuerint . Et quamvis urina  
supprimatur , neque tamen calculò  
obstipanti illicò tribuendum , cùm  
possit illa supprimi , & impediri à  
mucoso , glutinosoque humore , gru-  
mo , pure , caruncula , vel simili .

Putant nonnulli Vesicæ Calculo  
magis pueros , senes verò potius Re-  
num infestari . Verum & huic illos  
quoque frequenter obnoxios ostendit  
Ballonius , qui signa etiam affert , qui-  
bus prudens Medicus in illius digno-  
tionem pervenire possit . Et quidem  
ex Anatome satis superque constitit ,  
eos à renum calculo minimè immunes  
esse , immò sæpè sæpiùs exindè inter-  
iisse , causà tamen mortis nonnisi ex  
cadaverum sectione detecta : quorum  
historias ex quamplurimis collegit  
Bonetus in suo Sepulchreto .

Tametsi plerumque Vesicæ Calculi  
in ipsiusmet cavo initia habeant ; nil  
tamen vetat quin etiam à Renibus  
delapsi , primum exigui , sensim de-  
inceps incrementos , diùque ibidem  
detenti adeò coagmententur , & plu-  
ribus veluti lamellis obducantur , ut  
tandem ovicolumbini , adhuc etiam  
anserini magnitudinem exæquent .  
Hinc jure optimo ad Calculi Vesicæ  
generationem glutinosum quidpiam ,  
præter copiam terrestris materiæ , &  
salis soluti , exigit G. Harvejus ex

Hippoc. *epidem.* 5. in historia pueri  
Theophorbi ; in cujus rei testimo-  
nium affert exemplum fœminæ cujus-  
dam , quæ ex tali materia in sua urina  
subsidente pilulas propriis manibus  
concinnare consuevit , easque in py-  
xide reservatas spontè in calculos a-  
bire edocuit ; quamobrem existima-  
vit Beverovicius calculos , cùm pri-  
mum externum aerem excipiunt , tum  
obdurescere , & densari , cùm tamen in  
Vesica molliores extiterint .

Quoniam verò Vesicæ Calculi præ-  
ter gravantem dolorem mictui sunt  
impedimento ob oppletum illius ori-  
ficium , aut etiam Urethræ ductum ;  
Omnis propterea industria adhiben-  
da est , ut ille primum removeatur  
ad concedendum urinæ exitum ; dein-  
dè verò vel comminutus egeratur ,  
vel opera lithotomi extrahatur .

Removetur Calculus à Vesicæ ori-  
ficio , vel à ductu Urethræ , dextrè  
adhibito cathetere , vel candela ce-  
rea , aliove simili instrumento .

Ad illius verò comminutionem li-  
cèt omnis opera quandoque eluda-  
tur , ut plurimi sint , qui lapidem in  
Vesica frangi non posse autument , ob  
remediorum inefficaciam , & partis  
affectæ à stomacho distantiam ; spe  
tamen æger non erit destituendus ,  
cùm plurimi memorentur congruis  
medicamentis comminuisse calculos ,  
& in perfectam sanitatem patientes  
restituisse . Notabilis est historia Lau-  
renbergii relata à Sennerto hoc loco ,  
qui ab usu medicamenti ex pulvere a-  
fellorum , leporis , sanguinis hircini ,  
spongiæ rosarum sylvestrium , semi-  
num violarum purpurearum , & spe-  
ciebus lithontribi aliquot hebdoma-  
darum spatium à Vesicæ Calculo liber-  
evasit . Id ipsum refertur à Camerario  
*Memorab. cent.* 8. *part.* 77. sed reme-  
dium ex asellis murariis spongiis cy-  
norrhodi , & sanguine hirci , præpa-

Apul.  
Beverov.  
spicil. de  
Calculo.

V. Hipp.  
in Coac.  
prænot.

V. Mo-  
nar. l. 3.  
de simpl.  
ex nov.  
orb. all.  
cap. de  
cochl.  
Rhaf. l. 9.  
Aet. lib. 2.  
Rollinch  
l. 9. cōf. 9.



ratis, ac æquis partibus in pulverem  
 redactis confectum dicitur, & ad scr.  
 ij. assumptum ex aquis diureticis cum  
 syr. de althæa. Alios memorat Hora-  
 tius Augenius simili ferè medicamen-  
 to curatos. Describitur etiam ab  
 Hartmanno *in notis ad Crollium*  
 pulvis millepedum in hunc usum val-  
 dè commendabilis. Effertur ab aliis  
 pulvis scorpionum, si præsertim spi-  
 ritu salis corrigatur, ut ex Michaele  
 refert Fridericus Hofmannus. A pti-  
 sana fructus cynorrhodi, seu rosæ  
 sylvestris in furno siccati, & in pulve-  
 rem redacti, multos quoque à calcu-  
 lis evasisse testatur Borellus. Ex potu  
 illius liquoris, qui in vesica Tauri  
 embryonis nondum nati ad unc. ij. sin-  
 gulo manè, cum totidem partibus  
 vini; itemque elicti ex embryone  
 Hirco feliciter alios curatos narrat  
 Helmontius. A liquore etiam è cor-  
 tice vulneratæ betulæ mense Martii  
 collecto, & quotidie epoto mense  
 Majo Germaniæ Principes Lithiasis  
 immunes esse idem Author scribit.  
 Memorat præterea Robertus Boyle  
 Gerardum Boot Medicum doctrina,  
 & experientia præclarum aqua perfi-  
 cariæ stillatitia singulo manè ad hau-  
 stum unum exhibita quendam Vesicæ  
 Calculo laborantem pristinæ sanitati  
 restituisse. A Bartholomæo Turriano  
 aliquandò confractus, & comminu-  
 tus est Vesicæ Calculus, cujus causa  
 sectio jam indicta fuerat, propinato  
 crystallo in liquorem soluto. Lique-  
 rem autem istum fieri ait, si vel mini-  
 mum novies in fornace figuli crystal-  
 lus calcis formam nanciscatur, in ox  
 verò in cella supra marmor liquecat  
 instar olei tartari; vel etiam ignita  
 septies extingatur in aqua, vel spiri-  
 tu urticæ minoris. Decoctum urticæ  
 mortuæ, & feminum ejusdem ad unc.  
 v. vel vj. calens epotum singulo manè  
 per plures hebdomadas mirificè Cal-

culum in Vesica atterit, & cum urinis  
 educit, ut expertum in pluribus.  
 Commendantur ab aliis aquæ stillati-  
 tiæ raphani, nicotianæ, parietariæ,  
 veronicæ, cancrorum fluvialium, &  
 cæparum albarum ex vino albo: & à  
 Schrodero urinæ spiritus, vel è cal-  
 culo humano elicitus, quem etiam  
 magnificat Vvolfgangus Hoeferus *In*  
*Miscell. Curios.* 1676. refertur medi-  
 camentum Calculum Vesicæ commi-  
 nuens, & expellens à Vvinclero con-  
 cinnatum, quod habet: *sem. viol.*  
*purpur. unc. ss. fragar. ononid. alke-*  
*keng. singul. quant. s. Fit s. a. express.*  
*& add. asell. præpar dr. j. sang hirc. dr.*  
*ij. spec. lithontr. scr. i. spir. terebinth.*  
*scr. ss. & m.* Dentur sæpè cochl. ij.

Conficit Prævotius malagma ex  
 cæpa alba cocta pectini imponendum.  
 Et Zecchius sanguinem vulpis, & hir-  
 ci calentem adhibet, atque etiam per  
 fistulam argenteam iniicit. Opinatur  
 autem Deleboe Sylvius magnoperè  
 profuturum spiritum Nitri, vel vul-  
 garem, vel dulcem redditum, ac mo-  
 derata quantitate commistum cum  
 decocto graminis, & pari modo in-  
 jectum, dummodò Vesica non sit ul-  
 cerata. Aquarum per Catheterem in  
 Vesicam immiſsionem alii quoque  
 commendarunt, approbatque Car-  
 danus modò Vesica innoxia sit.  
 Quamquam Rolfinchius hos decep-  
 tores vocat, & Zecchius ejusmodi  
 injectiones inanes judicat.

Cæteris omnibus minimè suffra-  
 gantibus, ad Lithotomiam devenien-  
 dum Medici suadent. Hanc autem  
 non temerè, neque subito tentan-  
 dam monent, sed cum certi sumus  
 de Calculo Vesicæ cavum occupante,  
 nam plerumque decipi contingit, ut  
 à caruncula in collo Vesicæ reperta  
 memorat Scholiograph. Hollerii. Con-  
 sulendi præterea sunt in hoc opere  
 Hildanus, Barbette, Van-Horne,  
 Scul-

Tom. 2.  
 conf. &  
 epist. 1.9.  
 epist. pe-  
 nul. al. 4.  
 epist. 2.

Cent. 3.  
 obs. 22.

De li-  
 thias. c. 7.  
 & 8.

De util.  
 natur.  
 philos. p.  
 2. l. 3.

Jatt. l. 4.

Hercul.  
 med. 1. 3.  
 c. 4.

Obs. 102.

Consult.  
 31.

M. M. l. 2.  
 c. 15.



Scultetus, Panarolus, Paræus, Rouffetus, ut debitis cautionibus servatis vitentur ea, quæ mortis causa esse solent, ob supervenientem ex ejusmodi sectione hæmorrhagiam, inflammationem, & gangrænam.

*DE ISCHURIA, STRANGURIA, & Dysuria.*

**I**N Ischuria supprimitur omnino urina, aut ob Vesicæ languorem, quæ nequeat urinam propellere, aut ob ipsius meatus angustiam, & obstructionem; ideoque, vel à paralyfi, seu resolutione musculi spincteris, vel à nimia ejusdem distentione ex immodico urinæ confluxu, unde nequeat illa seipsam exonerare; vel à calculo Vesicæ collo hærente; vel ab ejusdem inflammatione, aut tumore; vel à viscosa, tenacique materia, pure, grumo sanguinis urethræ ductum opplente; sicut etiam à callo ibidem genito; vel denique à verme, alioque corpore per eas partes delato, atque ob loci angustiam in transitu hærente; quæ sanè pro curatione internoscenda sunt. Ea verò, quæ ex impedita urinarii feri secretionem à perdita Renum actione, ut existimat Galenus *3. de sympt. caus. c. 3.* vel ab obstructione vasorum emulgentium, ut vult River. *l. 1. obs. 1.* contingit Ischuria, superius est recensita *cap. de Neph.*

V. Gal. 1.  
de loc.  
aff. 1. & 6.  
de loc.  
aff. & 3.  
de sym-  
pt. caus.  
cap. 2.

Et quidem si à paralyfi; stupor, atque sensus hebetudo in ea parte aderit, itemque in aliis, per quas ramuli vagæ conjugationis, & nervi ab osse sacro prodeuntes, deducuntur; unde sensu, motuque orbatus sphincter musculus voluntatis imperio ad meatus urinarii reclusionem non obsequitur.

Si à calculo Vesicæ orificio infixio urina remoretur; aderunt indicia calculi superius memorata.

*Tozzi Op. Med. Tom. I.*

Si à nimia Vesicæ distentione, atque urinæ repletionem; diutius illa retenta est, & tactu percipietur inflatio in perinæo, ubi pondus, & mendi desiderium cum conatu irritum.

Si ab inflammatione, aut tumore; alterutrius signa tum per tactum, tum per visum, innotescunt, præter febrim, sitim, dolorem, & alia accidentia inflammationem comitari solita. Neque verò omnino necesse est, ut Vesica ipsa inflammetur, aut tumeat; cum etiam à superincumbentium aliarum partium tumore compressa nequeat urinam egerere.

Si à viscoso, tenacique humore: urina per diu sabulo, mucosisque succis saturata, mox tenuis, & veluti percolata excernitur, ac tandem sensim supprimitur.

Si à grumo sanguinis, aut pure; præcessit mictus ejusdem ex vasis alicujus apertione, erosionem, ictu, vulnere.

A vermibus denique; eventu ipso potius, quam certa nota designabitur.

Quod si, vesica vacua, urina supprimatur; vitium in renibus querendum, de quo supra.

In Stranguria guttatim urina mingitur, & Vesica ad illam reddendam assiduò sollicitatur; quocirca urinæ Stillicidium ægritudo hæc dicitur, cum dolore, & conatu præsertim in fine mictionis. Hujus causa est nimia ipsius urinæ acritudo, ac mordacitas; unde Vesica in suo orificio, vel sphinctere ulcerata, statim ac illuc urina appulerit, micturire cogitur. Fit autem aliquando, ut illa inaniter ad expulsionem stimuletur, à solo scilicet vapore acri, vel à muco, pure, arenulis, calculo, aliave re simili tenaciter hærente; nec dissimili modo, ac in Tenesmo fit Ex Gonorrhœa Gallica plerisque etiam experiri contigit Stranguria molestissima

V. Gal. 7.  
Aphor.  
côm. 48.

V. Gal. 3.  
Aphor.  
côm. 16.



laborasse, adnata nimirum inutili caruncula Vesicę urethram occupante. Ab uteri quoque, vel recti intestini inflammatione urinę Stillicidium fieri docet Hipp. 5. Aph. 58. tracta scilicet in consensum Vesica ipsis adjacente.

V. Gal. 1.  
Epid.  
comm. 2.  
& Chesn.  
l. 3. obs.  
c. 10.

Dysuria demum, seu mejendi difficultas, quamvis à nonnullis cum Stranguria confundatur; propriè tamen ab illa differt: etenim in Dysuria non cogitur Vesica tam frequenter, & guttatim urinam reddere, cum possit nedum justo tempore illam continere, sed etiam diutius, quàm deceat. At verò cum emittitur, difficilis simul, & dolorifica est, quamvis cum prodierit, ubertim profluat. Hujus causa refertur quoque, vel ad vitium urinę, quę mordax, & acris sit; unde dici consuevit Ardor urinę; vel ad Vesicę cervicem, & urethram erosam, & ulceratam fortassè à calculo, arenulis grandioribus, & asperis, lue Gallica, medicamentis acribus, præsertim ex cantharidibus, injectionibus in penis ductum aquarum erodentium, aliisque. Quòd autem urina tam infensa Vesicę sit in Stranguria, ut illam illicò ad mingendum sollicitet, & lacessat: referendum videtur ad acidum falsum lixivium urinę permistum, quod vel è succo pancreatico non convenienter correcto à fermento felleo procedat, vel à potu, ciboque acidiori, nec dum bene fermentato, ut de cerevisia novella, & vino Rhenano Germani ferunt. Cum itaque senibus deficiat, vel langueat fermentum hoc felleum, quo succus pancreaticus, atque acres alii ex languore viscerum orti nequeant corrigi, & temperari; fit propterea, ut in Stranguriam patiantur; eoque magis, quia acidum falsum crudis, viscosisque succis adjungitur, quibus senes plurimum scatere so-

V. Hipp.  
3. Aph.  
31.

lent; unde isti tenacius sphincteri, atque Vesicę cervici hærentes, etiam citra lotium ad micturiendum crebrò stimulant, & compungunt. Hinc Helmontius ait, senum Stranguria fit, quoties fermentum bilis justo debilius est, & non potest acidum stomachi chylum in salem falsum commutare.

De lith.  
c. 4. §. 19.

Tam itaque Stranguria, quàm Dysuria ad mortem sæpè ægros comitantur, cum præsertim in senibus immedicabiles sint; Si verò Stranguriæ Ileum superveniat intra septem dies lethum minatur, ex Hipp. 6. Aph. 44. nisi febris superveniens urinam promoveat affluentior. Longè autem periculosior Ischuria, nam retenta diutius urina sanguinem, & viscera quæcumque coinquinat; & corrumpit; nonnunquam etiam soporem affert, & apoplexiam. Ceterum ex causis, gravior, vel levior erit, prout illæ facilius, vel difficilius removeri possunt.

V. Vvep-  
fer de  
Caus.  
Apopl.

Suppressa urina omni industria promovenda est, amotis primùm causis, quæ illam remorantur. Quare si ex paralyfi nervorum, & musculi sphincteris, suppressio oriatur, adhibenda sunt, quæ paralyfi occurrant; interea verò per catheterem aditus urinę præbeatur, non neglectis topicis medicamentis, quæ robur, sensum, motumque musculo recludenti impartiantur. Cumque sæpe numero resolutio ista sphincteri accidat ab ictu, contusione, aut vulnere ossi sacro inflctis, unde nervi ejus motui conferentes promanant, peropportuno, summèque utile erit, ad citam urinę egestionem, contusæ, aut vulneratæ parti specialius opitulari, ut vis per nervos Vesicę suggeratur, atque unà simul vulneri, aut contusioni, perquam ocysimè succurratur.



Append.  
tract. 5.

Animia Vesicæ distentione obtentam diutiùs urinam, (qua de causa Tychonem Brahe Daniæ lumen, atq; Astronomiæ restauratorem occubuisse ferunt) si fieri possit, usu catheteris, vel ut mavult Sylvius ex Helmontio, ope candelæ cereæ, illa educatur; adhibitis intereà extrinsecus medicamentis emollientibus, & laxantibus ex decocto malvæ, althææ, violarum, parietariæ, florum chamæmeli, seminum lini, illitoque oleo amygdal. dulcium, scorpionum, & similium. Clysteres quoque emollientes proderunt ob consensum recti intestini cum Vesica. At ab internis remediis abstinendum quousque urina profluxerit, sicut pariter à potibus præsertim diureticorum, ne magis urina cumuletur, & affluentius in Vesicam irruat. Postquàm verò eger minxerit, si inflammationis suspicio adsit, locum habebunt, quæcumque in gratiam Vesicæ demulcendi vim habent, ut sunt lenientes expressiones, ex condituris violarum, florum nymphææ, lactucæ, seminibus hordei, melonum, halicacabi; quibus & sanguis hircinus, & sal prunellæ, & saccharum Saturni, atque alia ad inflammationem sedandam peculiariùs conducentia adiici poterunt. Si verò à superincumbente alterius generis tumore Vesica comprimatur, huic omninò diversis, & pro re nata, congruis remediis, occurrendum, prout perito, expertoque Chirurgo melius visum fuerit; sicut pariter cum à callo urinæ egestio impeditur.

Si à calculo, ea conferent, quæ suprà ad Vesicæ, & Renum calculum sunt memorata: quamquàm, ut urinæ exitus promptè paretur, catheter necessarius videatur, dextrè tamen adhibitus. Ex Cantharidibus integris infusis in spiritu vini quousque macerentur, indeque tinctura ex-

trahatur, elicitur remedium valdè efficax, sed non omninò tutum, Ischuria sanata, & calculus dissolutus fertur usu pulveris virgæ aureæ cum succo raphani expresso, si pluries repetantur, *ut in Ephem. Germ. ann. 2. obs. 30.*

At cum retentionis istius causa fuerit tenax, & viscosus humor, ad ejus attenuationem, remotionemque incumbendum; quamobrem quæ superius in impedita feri urinarii è renibus secretionem sunt recensita, hîc quoque optima erunt, vitatis insuper alimentis crassos succos cumulare valentibus, imminutoque potu, quoad fieri poterit, ne plus justo vesica gravetur, & oppleatur.

Ad grumum sanguinis, & pus, proderunt dissolventia: neque ab his verendum, quòd sanguinis mictus magis promoveatur: gravius quippè damnum imminet ex grumo, & pure, quàm ex sanguinis exitu; & consultò admonet Fridericus Hofmannus, neque subito sanguinem supprimentibus utendum, cum urina cruenta ex calculo provenit. Verùm si hæc diutiùs perseveret, speciatim prodesse scribit Hartmannus arcanum agrimonix, & quinque folii ad grana aliquot exhibitum; itemque tabulas Plateri, & species diplantaginis Mynsichti, atque ex Marte, & Saturno medicamentum Cardilucii, ad sistendam hæmorrhagiam, trochiscos Gordonii, aliaque superius memorata. Hippocrati commendabatur lac ovillum epotum, sicut & posca ad grumos dissolvendos, ejusque loco oxymel. Aliis est in usu rhabarbarum torrefactum, & cum succo portulacæ exhibitum, atque ivæ arthetice decoctum. Essentiæ hyperici, agrimonix, bursæ pastoris, & plantaginis ab aliis magnifunt; sicut pariter tinctura, & syrupus coralliorum,

Libr. 1.  
meth.  
cap. 19.



Henr. ab  
Heers  
obser. 5.  
Riv. 2.  
obf. 13.  
pulvis hæmatitæ, & croci Martis. A  
Cantharidibus verò, lac, expressiones  
seminum melonum, & cucurbitarum,  
jura, cæteraque demulcentia pro-  
sunt. Ad urinam verò sanguinolentam  
sapo Venetus ad dr. j. bis, terve  
per diem sumptus cum aliquo vehi-  
culo, multum valere dicitur ex Boyle;  
ut & flores consolidæ majoris in  
vino rubro cocti, & bis in die assum-  
pti.

M.M. 1.1.  
cap. 6.  
Ulceri fortassis relicto abstergen-  
do conducunt, quæ de ulcere renum  
dicta sunt, præsertim decocta vulne-  
raria cum balsamo sulphuris, extra-  
ctum hyperici, consolidæ, verbasci,  
pulveres sarcotici dicti, terebinthina,  
tragacanthum, cera. Sylvio peruti-  
les censentur injectiones ex decoctu-  
ris plantarum aromaticarum in a-  
qua, vino, vel hydromelle, addito  
balsamo sulphuris, vel Peruviano.  
Seligit autem ex plantis Rondeletius  
radicem consolidæ majoris, caudam  
equinam, plantaginem, hypericum.  
Immitti autem prius debet catheter,  
mox aptandus siphon, seu syringa, ut  
liquor iniiciendus Vesicæ cavum sub-  
eat, ex Primerosio *de vulgi error. lib.*  
*4. cap. 54.*

Vermium denique Curatio ex ali-  
bi traditis petenda quoque erit.

Schol.  
obf. 19. l.  
15.  
Nulla autem causarum Ischuriæ  
ratione habita, nonnulla recensentur,  
quibus illa affecti curati referuntur.  
Narrat Forestus quosdam, post  
multa frustra tentata, fimo equino  
cum vino calido Rhenano per filtrum  
trajecto, & epoto, illicò minxisse.  
Et Formius apud Riverium efficax  
remedium esse ait cerebrum picæ  
exiccatum, & cum vino albo propi-  
natum: eo enim intra horam urinæ  
exitum promoveri subdit. Proditum  
est ab Helmontio Mercatorem urinæ  
suppressionem octiduo passum, jam-  
que morti vicinum, sumpto succo

V. Du-  
Hamel  
de corp.  
aff. lib. 2.

Obf. 33.

millepedum, & conchyliorum ni-  
grorum, in quo granum unum can-  
tharidum fuerat incoctum, sanitati  
fuisse restitutum. Fatetur Hartman-  
nus urinam hirci calidè epotam, ejus  
verò omento, & intestinis ventri in-  
tereà applicatis, retentam urinam  
subitò propellere, unaque etiam cal-  
culum, si is fortassè suppressionis  
causa fuerit. Magnificiunt alii infu-  
sum calcatrippæ in vino: expressione  
è seminibus violarum, & nucleis per-  
ficis cum aqua radice urticæ, vel ra-  
phani: testas ovorum: essentiam  
lumbricorum terrestrium, vel eorum-  
dem pulverem cum vino mulso: suc-  
cum cancrorum fluviatilium itidem  
in vino; sicut, & sal radice lupino-  
rum à scr. ss. ad scr. j. ex eodem Hart-  
manno. Decoctum plantaginis a-  
quaticæ cum pari quantitate vini græ-  
ci ad cyathum unum, ferè post ho-  
ram urinam promovet. Decoctum  
pariter abrotani, in quo salnitrum  
fit dissolutum efficacissimum dicitur  
Jo: Assuer. *apud Camer. C. 8. memora-  
bilibus*. Decoctum etiam glycypticri  
ad similacem lævem à Dioscoride re-  
lati Ischuriæ contumaci commenda-  
tur Prevotio ex Dalecampio. Hale-  
cum salitarum intestina decem in  
pulverem redacta, & cum vino epota  
urinam aliquot dies retentam, una  
cum arenulis phlegmati inhærentibus  
promovisse vidit Schniz ad Libavium  
*epist. 39*. Cinis item fabarum cum  
vino Pictaviensi instar lixivii colatus,  
& addito fimo columbino epotus ad  
duo, vel tria cochlearia Arcanum  
est ad Ischuriam ex calculo. Apes  
siccata n. iij. & in pulverem redacta  
propinata ex vino albo urinam paulò  
post provocant: Expertum in Hi-  
berniciæ Primate Armegliano refert  
Theodor. de Mayerne.

Extrinsècùs, Parietaria decocta,  
& cum oleo scorpionum instar cata-  
plaf-

Prax.  
chymic.

V. eundè  
Libav. e-  
pistol. 41.

Forest. 1.  
24. schol.  
ad obf. 25.  
Paræus 1.  
16. c. 37.  
1. 3. c. 13.  
de Vesicæ  
calc.



plasmatis pubi apposita proficere plurimum dicitur Foresto : quam eandem oleo frixam, & nedum pubi, sed etiam perinæo superimpositam laudat Amatus Lusitanus; pariterque capam excavatam, & oleo anethino imbutam, supra cineres calidos excoctam, ac pari modo applicatam. In pueris verò commendat radicem Mei, seu dauci Cretici oleo decoctam. A lapide Nephritico brachio patientis alligato calculum vesicæ excretum vidit in Nicolao Trevisano Medicinæ Theoreticæ Professore Jacobus Zabarella, indeque nunquam amplius urinæ retentæ incommoda eum passum testatur. Eandemque opem ab eodem lapide coxæ interiori admoto persentiisse alium fassus est Jo: Andreas Schogargus Medicus Patavinus, ex testimonio Jo. Rhodii. Sed admiratione dignum est, quod scribit Nicolaus Monardes de lapide Nephritico ex nova Hispania nuper ad nos delato, quem Prasio lapidi similem esse, atque ad viridem colorem lacteo permixtum tendere notat; præferri verò viridiorem. Is enim tantæ dicitur virtutis, & efficaciæ, ut brachio gestatus ingentem arenularum quantitatem per urinam promoveat, atque ab renum dolore, & calculo tutetur. Verùm plures ex his mihi contigit experiri, sed frustra; nisi fortè illi adulterini fuere, ne aliis Observatoribus fidem derogem.

Ad Stranguriam ea potissimum convenire videntur, quæ urinæ acritudinem temperant. Hinc Helmontius salia è lixivio parata conferre scribit, qualia sunt sal stipitum fabarum, aut glandium in decocto cicerum rubrorum. In spiritu salis summum etiam arcanum latere ait. De succo betulæ magna etiam prædicat, sicut etiam de oculis cancrorum. Vinum etiam plerisque efficacissimum

dicitur, in quo igniti silices pluries fuerint extincti. A spiritu vini ex floribus roris marini in julapii formam redacto, & mane ad cochleare unum assumpto, aliquot etiam vidi in melius abiisse: quamquam plerique medicantium refrigerantibus, & humectantibus insistant ex malva, viola, portulaca, quatuor seminibus majoribus, lacte, sero, aliisque, quæ potius ad acrimoniam urinæ temperandam usui esse possent. A seminibus halicacabi, glycyrrhizæ, & floribus chamæmeli cum modico pulveris nucis odoratæ, vel macis, magnum confici remedium plerisque creditur. Et Foresto decoctum foliorum ribium nigr. expertum dicitur. Olei ceræ guttæ tres, vel quatuor in decocto cicerum rubrorum exhibitæ, inquit Hartmannus, Stranguriam solvunt. Crocus, & macis stranguriæ medentur Helm. *de Lith. cap. 2. n. 9.* Externè verò axungia Hirci umbilico applicata, & oleum mastiches stillatitium; nec non in fessus, & fomentationes ex herbis emollientibus elixis. Cùm denique calculum, arenulas, inflammationem, aut veneream luem Stranguria consequitur, medicamenta his opportuna in usum ducenda erunt.

Speciatim autem in Dysuria danda opera est, ut urinæ mordacitas temperetur, illaque quodammodò dulcescat; quamobrem expressiones aliàs memoratæ ex seminibus, & condituris anodynis hic locum habebunt, & multò magis si urinæ ardor ex cantharidum usu oriatur. Gummi Arabicum pulveratum optimum ad urinæ ardorem dicitur ex Boyle. Item Gummi Tragacanthum, gummi Cerasorum, & Prunorum, cum albumine ovi inspissato, & siccato, rad. altheæ, & symphyti, & succus glycyrrhizæ. At verò si ulcus in vesicæ orificio timeatur, inutilia ista erunt, si-

cut

Lib. 25.  
obs. 3.De lith.  
c. 4. ibid.  
c. 8. & ap.  
sed A-  
nim. de  
Morb.



6. Aphor. com. 36.  
 Dec. 8. q. 6.  
 L. 3. obs. c. 10. obs. 4. 5. & 6.

cut etiam in senibus ex languore, & mucosis, acidisque succis; in quibus expostulantur roborantia, attenuantia, & aromatica subamara, vinum, vini que spiritus. Commendat Heurnius vinum tenue cum nuce myristica, & lixivium ex cineribus roris marini, & vino albo. Thonnerus oleum succini purissimum ad guttas vj. in aqua petroselini. Et Horstius etiam aromata in urinæ ardore præscribit, quamvis vitiosus humor acer, & calidus videatur. Apud Nicolaum Chesneau refertur arcanum mirabile ex pulvere vitri ad dr. j. cum unc. iij. aquæ rosarum manè jejuno stomacho exhibito, quo multos fatetur à Dysuria curatos, excretis per urinam fæculentis sordibus.

Tr. fed. An. ad morb. §. 25.

Illud postremò superest, in hisce urinarum vitiis observandum, ut victus ratio ejus sit conditionis, ut neque urinam, crudosque succos cumulet, nec ad vias urinæ recrementa deducat; undè Helmontius nonnisi post pituitæ evacuationem, diuretica exhibenda docet. Modico igitur cibo, & pariori potu utatur æger, acria, & acida devitet, ne urinam acriorem, molestioremque faciat, quæ potius, quoad fieri poterit demulcenda; ea namque temperata sæpiissimè hujus generis ægri tudines, citrà alius medicamenti opem, sponte sua desiere: nec aliud quidpiam præstant quæcumque ex expressionibus seminum plantarum conficiuntur. Cæterum Narcotica, & opiata tuta non sunt, nisi dolor urgeat nimis. Et in cibum urtica minor, sylvibrium aquaticum, raphanus, siller, cæpa, aliaque his similia in jurebus excocta sæpe sæpius contulere.

## DE URINÆ INCONTINENTIA.

**A**liquandò urina contineri non potest, ut debito tempore egeratur; non rarò etiam dormientibus spontè sua profluit; quod plerumque pueris accidit.

Hoc quoque vitium tribuitur musculo sphincteri Vescicæ orificium claudere nequeunti, vel quia paralyti affectus, vel quia à maligno ulcere erosus, & consumptus urinæ exitum ex arbitrio non moderatur. Pueris verò potissimùm à laxitate ejusdem urina profilit; quamvis aliquandò ob vehementem imaginatricis vim illa in dormientibus per retractionem musculi propellatur, adjuvante ejusdem irritamento. Quamobrem noviquendam, qui quoties in somno mingeret, seipsum reverà mingere somniabat, atque ità, recluso sphinctere, urina effluebat; cum verò inter mingendum expergisceretur, illicò contracto musculo mictum continebat. Non rarò etiam accidit, ut oppleta nimium vesica per fibras suas carneas, & motrices, urinam promoveat, obsequente interea musculo; sicut pariter cum à comprimantibus musculis abdominis laceffitur, aut etiam ab inflatis, tumefactisque intestinis, præsertim Recto, cogitur, & coarctatur; itemque à dolore vehementi; à risu, à repentino timore, in quibus illa vel concitatur, vel laxatur.

Cum pueris, & senibus accidit, minus malum; in illis enim plerumque solet ætatis mutatione desinere; in his verò quamvis insanabilis sit, non tamen mortem affert: cum ità affectos multos viderim diutinam vitam protraxisse; in juvenibus autem gravius, & eò magis, si alia ægritudine illi teneantur.

V. Hipp. in Coac. prænot.



Ea igitur danda opera est, ut causa primùm languoris in sphinctere removeatur; deindè verò peculiari-  
 bus auxiliis is roboretur, suoque munere ex arbitrio fungatur. Paraly-  
 si autem in primis occurrendum, si ab illa malum oriri videatur, fota speciatim spina, qua parte nervi in vesicam proficiscuntur, adhibitisque etiam interiùs remediis suo loco memoratis. Verumtamen referuntur nonnulla peculiariùs huic affectui profuisse; Guttur galli tostum, exiccatumque, atque in pulverem redactum, & in vino rubro ante cœnam exhibitum: Vesica Capræ, aut Apri pari modo exiccata, & pulverata, atque ad dr. j. in vino rubello epota, sæpiùsque repetita, ut de vesica vervecina in clybano ficcata, ac deinde in pulverem redacta scribit Boyle: Pu-  
 dendum Suis cum brassica capitata; necnon & piscis in ventre lucii inventus: cinis erinacei, gummi Arabicum, styrax calamita, cera, myrrha, mentha, glans, hypericum. Vinum, in quo decocta sint ruta, castoreum, calyces glandium quernarum, semen myrti, & thus commendatur à P. Bayro. Magnificiunt alii pulverem à Rhasi descriptum. Mus decortica-  
 tus, & in cibum exhibitus perutilis dicitur ex eodem Bayro; fateturque se hoc idem edoctum à mulierculis Delphenibus Forestus. Fomenta quoque ex verbalco, mentha, myrtho, absinthio, balauistiis, rosis punicis, adjecto alumnine, profunt. Balneum, & unguentum valdè efficax conficit Hartmannus: & Bayrus emplastrum, quod habet: *Ladani, & massich. singul. dr. ij. ligni aloes, styracis calamit. cinnam. & terebinthinae singul. dr. j.* & cum succo menthæ rubi, & perinæo applicatur.

Sed elegans fanè, atque admirandum remedium memorat Henricus

ab Heers observatum in Puella Malmundariensi, quæ ob ulceratam ab imperita obstetrice in primo partu vesicam, in urinæ incontinentiam inciderat; sanata tandem fuit consilio Cingari, suspenso è collo sacculo, in quo erat pulvis bufonis vivi in nova olla usti: quod & remedium expertum ipse deinceps vidit in quodam Mercatore Leodiensi eadem urinæ ægritudine laborante.

## DE ARTHRITIDE.

**A**rticulorum dolor, Græcis Arthritis dicitur, in qua sensiles artuum partes acriter cruciantur, præsertim verò membranæ ipsos amicientes.

Sumitur autem aliquandò Arthritis pro cujusvis Articuli dolore, atque ità confunditur cum Chiragra, Podagra, Ischiade. Aliquandò generalius accipitur; vel cùm Artus cuncti dolent, vel cùm ex uno in alium dolor vagatur. Pro partium verò affectarum varietate peculiare nomen sortitur; quamobrem ex laborante manu Chiragra, ex læsis pedibus Podagra, ex Coxa Ischias, & Coxendix, ex Genu Gonagra appellari consuevit. Videtur etiam Paræo-Trachelagra, Rachisagra, Homagra, appellanda, cùm cervicem, spinam, humerum vexaverit.

Causam Arthritidis veteres putabant, fluentes à capite humores, potissimùm pituitosos, in Articulos, illosque è ventriculo primùm, aut etiam Hepate, si biliosi concurrerent, in cerebrum elatos; mox verò per nervos in Artus fieri deciduos. Im-  
 mò Fernelius non interiores partes capitis, aut cerebrum, sed extra cal-  
 vam positas Arthritidis originem putat, è quibus supervacaneos humores pituitosos solum per summa corpo-

V. Hipp. de affect. de loc. in hom. & epist. ad Demetr. Gal. 10. de comp. med. s. l. cap. 2. & 2. de diff. febr. 10. Lib. 6. de par. Morb. c. 18.



Deliram  
Catarrh.

De Anim  
brut. p. 2.  
c. de Ar-  
thr.

Append.  
tr. 8.

T. Volup  
vivent. à  
fed. an.  
ad morb.  
morb.  
fed. in an  
sens. &  
alibi.

Traçt.  
de morb.  
Princ.

ris sub cute deorsum decurrere ait. Et Sennertus serosos hos humores vult salfos, & acres, in liene, & hepate genitos, atque à Natura per venas, & arterias in partes circa articulos protrusos. At Schneiderus à tota sanguinis massa circumflua secerni asserit. Helmontius verò à quibusvis partibus proprium alimentum depravantibus, illudque in articulos deindè deturbantibus deducit. Visum est præterea Villisio sanguinis, & liquoris nervorum simul unà vitium accusare, prout materies *salina*, & *tartarea* à sanguine arterioso circa ossium intercapedines deposita, à defluentis nervorum liquoris recrementis acidis, in motum, & fermentationem subigitur, ob degenerem utriusque naturam articulis infensam, undè membranarum, & tendinum fibræ vellicantur, & compunguntur: Acoris autem istius vitium potius à lymphâ, & succo pancreatico derivatum vult Deleboe Sylvius; etenim ad dolorem Arthritidis exigit humores acido-acres, & ad ardorem biliosos, saltem ex indebita fermentatione vitiatos.

Verùm Helmontius seminium quoddam, characterem podagricum ab ipso appellatum, Articulis inesse contendit, quod plerùmque à semine parentum transfusum in longum tempus latitat, quousque acidum in sanguine excitatum, vel potius in stomacho exaltatum ad eas partes deferatur, & fermentatione promota spermaticum illud gluten inter ligamenta, & ossium intercapedines situm acido inficiat, & ad dolorem, ardoremque inducendum excitet, & quandoque etiam in tophos commutet. In hanc eandem sententiam inclinat Tachenius; nisi quòd expressius memoret in articulis, eorumque internodiis mucum quendam, seu

gluten spermaticum, *Synoviam* à Paracelsi affeclis dictum, in Arthritide ab illabente acido vitiari, & in indebitam fermentationem promoveri: Quæ sanè à Paracelso multò antea prodita sunt. Is enim putat, falsum minerale, vel succum acidum, si in microcosmo progignatur, & in synoviam impingat, dolorem podagricum inferre. Pro *Synovia* verò intelligit substantiam illam, quæ proximè ab it in alimentum partis; ac speciatim in Podagra putat esse gluten album, quo nutriuntur ligamenta, vel etiam aquam Articulorum irriguam. Hinc P. Fuhemmanus apud Horstium cohaerenter his, inquit, proximam morbi hujus causam esse sale volatilem, qui cum fluxionibus, & catarrhis capitis in ligamenta, & tendines articularum sese insinuat, & vehementi acrimonia dolores intolerabiles excitat. Quamquam Paracelsus podagram quoque ex sanguine furente constituit. Quercetanus etiam, Tartarum congestum in juncturis accusat, quod ob novum fluentem humorem commotum paroxysmum suscitet, non aliter, ac si calci vivæ aqua affunderetur.

Etsi verò tam discordes inter sese videantur Authores in origine, & causis Arthritidis assignandis, in hoc tamen omnes conveniunt, ut acidum exaltatum recenseant Artubus infensum: nec abs re, cum affines admodum sint Nephriticus, & Articularis dolor, ut vix aliquem invenire liceat Nephriticum, qui non pariter Podagricus, vel Chiragricus sit, & humores pari modo in tophos, ac lapides concrecant. Crediderim autem plerumque lympham ejusce ægritudinis causam, cum plurima vasa lymphatica dicta per articulos corporis excurrant: Illa verò acorem nacta, adhuc se sola, & dolorem ingentem, &

Tr. de  
Podagr.  
& l. i. de  
tartar. c.  
2. tr. 4.

L. 8. obs.

De utro-  
que hel-  
leb. c. 2.

Conf. de  
Arthrit.

V. Sen-  
ner. q. 6.  
de Ar-  
thritide.

tumo-



De Morb.  
ab illuv.  
serof.  
conf. de  
Arthrit.

tumorem partibus inferet. Quamobrem Carolus Piso existimavit hanc unicam esse Arthritidis causam; in ea etenim concurrunt quaecumque Arthritidi inferendæ necessaria referuntur. Haud tamen inficiabor dolorem cum ardore conjunctum lympham arguere acriorem multo sale saturatam; absque ardore verò potius acidior; at cum uterque deest, copia solum lympa nocebit, & tenacitate.

Neque verò humores isti serosi in Articulos illabentes Arthritidem omnino excitabunt, sed solum cum penitiores partes, membranas ossium, nervos, tendones, ligamenta, infestaverint: quippè sæpè confluunt hi, vel similes alii humores in artuum confinia, at Arthritidem non pariunt. Sic qui abscessus circa eas partes experiuntur, & qui tumores, ut cachectici, & hydropici, propriè Arthritici non sunt. Doloꝛe igitur interno scire oportebit Arthritidem à cæteris tumoribus Articulorum: is enim præ primis patientes torquet; tumor verò si accedat, & partium rubor, dolorem subsequetur; at in cæteris, à tumore potius partes dolebunt, vel illarum motus impiedietur; cum tamen in Arthritide non rarò acerrimè partes doleant citra tumorem manifestum à solo vapore acido per articulos diffuso, mox fermentationem allaturo.

Neque insuper de loco, undè serosi isti humores in Artus defluant, valdè dubitandum, quin glandulæ omnes, & adenosa corpora statuenda non sint, quippè quæ facilè lympham admittunt, & aquæductus corporis excipiunt. Quare arbitratus est Deleboe Sylvius etiam glandulas pancreatis conglomeratas in id mali genus convenire, præsertim quia paroxysmus articularius cum febre, quæ ca-

tharrhos comitari solet, rigorificafere semper invadit. Hinc & ab hypochondriis vehementer perturbatis quandoque vidimus immanes articularum dolores successisse. Acidæ etiam lymphæ, Arthritidem vagam scorbuticam, primordia sua debere, suademur conjecturis sanè non improbabilibus. Quæ de Arthritide universim dicta sunt facilè Podagræ, Chiragræ, Ischiadi, cæterisque particularibus Artuum doloribus aptabuntur. Porro hi variant sola partium affectarum diversitate, cæterum in reliquis conveniunt.

Analogus Arthritidi morbus est Rheumatismus, quo Articuli pariter dolent, sed magis in partibus circumjacentibus; præsertim in finibus musculorum, qua parte ligamenta, & tendones ossa amplexantur, ipsique muscoli mutuo nexu fulciuntur. Est quoque Rheumatismus dolor vagus universum ferè corpus pererrans, immò etiam interna viscera, ac ferè momento temporis ab una in aliam partem transfiliens; quamobrem à plerisque Arthritidis vaga appellatur. Pendere videtur à vitio sanguinis, ob lympham abundantiorē simul, & acriorem, vel acidiorē, illi suggestam. Experiri enim aliquandò contigit venas in his aliquantulum turgere, & arterias pulsationes suas edere elatiores, & vibratas. Et quamvis à sola lymphâ vitiata, nec adjecta sanguini id ipsum esse possit, quia tamen Rheumatismus plerumque febris comitatur, videtur sanguis quoque in fermentationem adactus unâ simul cum lymphâ vitiari. Atque hinc etiam differt Rheumatismus ab Arthritide: cum illo enim ferè semper febris jungitur; cum hac vel nunquam, vel rarissimè, nisi solum cum primùm Artus adoritur. Præterea cum in Rheumatismo dolor desinit, par-

V Villis.  
de Arthr.  
c. 14. p. 2.  
de An.  
Brut. cō-  
tra Sen-  
nert. &  
Horl.



partes ad motum faciles remanent; secus in Arthritide, quæ postquam defuerit, articulos deserit tam graviter affectos, atque imbecilles, ut ægrè motum ferant. Rarò denique Rheumatismus repetit; at verò Arthritidis nedum per certa tempora reddit, sed suos invehit paroxysmos subindè atrociores.

Sæpissimè hi morbi victus intemperantiam sequuntur, vitam otiosam, immodicam venerem, suppressas evacuationes præsertim per cutim, vias urinæ, & menstruorum. Unde Hipp. 6. Aphor. 29. fœminas dixit podagra non laborare, nisi menstrua defecerint. Vehementes item, ac diuturnas animi perturbationes, constitutiones aeris Austrinas, inæquales, & æstuosas, quandoque etiam Aquilonares, & frigidas; ex quibus, illæ sanguinem attenuando, hæ verò cutis poros constipando, atque perspirationem impediendo Arthritidis causam promoverè possunt. Ab hæreditaria contagione Podagram, Chiragram, cæterosque Articulares dolores in posteros transfundi res est notissima; quamvis non rarò visi sunt à parentibus ejusmodi morbo affectis processisse, qui fuerint omni dolore articulario immunes. Multum quippe hic valet ratio servata in cibo, potu, Venere, & exercitiis opportunis: quo profectò fit, ut numquam, vel rarò extrà Urbes, & Principum aulas Podagra spatietur. Neque verò Eunuchis, fœminis, & pueris parcit, si otio, luxui, & voluptatibus indulgeant, ut docet Galenus 6. Aphor. comm. 28. 29. & 30.

Quamquàm autem Podagra, Chiragra, Gonagra, Ischias, alique dolores particulares, ob adjunctam vigiliam, ciborum nauseam, virium dejectionem, aliaque symptomata graves sint, & atroces, longè tamen

pejor Arthritidis universalis, quæ corpus reddit semianime, & in longum tempus protracta fit immedicabilis, atque febrisociata periculo non vacat. Ischiade etiam laborantes summis, assiduisque doloribus cruciantur, & quidem altiùs à summa nate interdum per totum crus adusque genu, & in extremum pedem. Pars illa pariter universa contabescit, & sæpe sæpius decurtatur, luxato articulo, femoreque à suo sinu dimoto. Ex Podagra, & Chiragra potissimum diuturniori, adeò pedum, & manuum digiti contorquentur, ut immobiles, & tabidi remaneant; quin & tuberculos tophaceos exserant planè irresolubiles. Et licet ab Hipp. proditum sit ex varicibus supervenientibus averti ab articulis fluentes humores: id tamen vel numquam visum, vel rarerè admodum.

Verumtamen à Podagra, & Chiragra per certa intervalla recurrente plerique à gravissimis ægritudinibus fuere præservati. Neque desunt, qui tot, & tanta beneficia è Podagra proficisci autument, ut ex multigena illorum varietate encomium Podagræ concinnaverint, ac illam ferè optabilem effinxerint, eleganter magis, & facundè, quàm verè.

Quandoquidem diuturna, & inveterata Podagra medicamentis non cedit, immò ab illorum usu præsertim importuno, gravior, & periculosior sæpissimè evadit, ut propterea, in proverbium jam transferit Ovidii carmen.

*Tollere nodosam nescit Medicina Podagram.*

Et vulgò opprobrium Medicorum dici soleat: omnis proindè industria adhibenda est, ut cum recens invaserit, profigetur, ne deinceps altas radices figens, omnem Medicinæ operam eludat. Illi igitur protinus oc-

V. Hippoc. 6. Aph. 60.

V. 6. Epist. dem. f. 8. r. 55. de Pythææ, & Geor-gippi cõjugibus.

V. Senec. epist. 95. de Fœminar. intemper.

Hippoc. 2. prædict.



currendum, nec tam multis, variisque medicamentorum generibus, quam exacta victus ratione. Primum autem paroxysmum Arthriticum retundere, atque dolorem, tumoremque inductum demulcere, & minuere oportebit; mox verò alios imminentes, & futuros antevertere, & præcavere.

At de victu præcipua ratio habenda est, cum per hanc plurimi incolumes evaserint, & à Podagræ tyrannide prærepti, scilicet repudiatis, crudis, fæculentis, acidis, multis, variis, & difficilis dissolutionis alimentis. Hinc Crato: *Ego, inquit, in recta victus ratione, & abstinentia, totam rationem præcautionis positam existimo*. Sunt qui neque carnes admittunt, quæque in sanguinem converti apta sunt; licet ista moderatè sumpta vix nocere possint, cum tanta abstinentia sufferri nequeat, quantam morbus exposcit, & Veteres præcepere. Minimè verò præscribenda videntur contusa, consumpta, aliaque hujus generis fercula, quæ plerumque corrupta, vel indigesta, nihilque mutata egeruntur, aut alvo gravamen, & partibus, affectis excrementorum aggeriem afferunt. Cum verò vires constantes sunt, commendabilem quarundam Regionum morem arbitrarer, ubi ægrotantibus extrema fermè inedia indicitur in his, aliisque ægritudinibus articulorum, veluti ex Venerea contagione, & quidem summo cum emolumento, atque ægrotantium valetudine.

Vinum adeò nocuum in Arthritide nonnulli putant, ut toto corpore contractos referant, qui illo usi sint; ab aquæ verò potu pristinae sanitati restitutos. Id autem licet quibusdam expertum referatur, non tamen crediderim tanta mala ab usu vini proficisci, ut plerisque etiam non juve-

rit; neque secus aqua ita salutaris est, ut aliquandò non noceat. Novi enim aliquos non minus ab aquæ, quam à vini usu crudeliter afflictos Podagra, & quod gravius longè diuturniori, ac penè irresolubili: quin immò crediderim à vino potissimum albo, non tamen acido, & austero, diuresi promota, veletiam diaphoresi, Podagricos, & Chiragricos in melius abituros. Experiri namque contigit breviores paroxysmos à vino, longiores, difficiliorefque ab aqua successisse. Quod si præterea vinum comparetur medicatum, quale est antipodagricum Paracelsi, vel ex mellissa, rore marino, salvia, betonica, aliisque compositum, certius proderit. Verum in his peculiare corporum constitutiones spectandæ sunt, ex quibus conicere licebit vinum nè potius, an aqua sit profutura; quamquam mediocritas semper est tutior, & salubrior in utrisque. De alvo tamen lubriciori sollicitos oportere esse Podagricos, nemo unquam dubitavit.

Si Podagricis statim à principio vena fuerit secta, mira vulgò prædicantur: quibusdam scilicet illicò desisse dolorem; aliis numquam amplius rediisse; nonnullos protinùs ambulasse. Nos verò compertum habemus à venarum sectione plerosque toto corpore convulsos, atque omninò motu privatos remansisse, vel etiam extremum obiisse diem. Neque verò solum his, quibus à principio sanguis detrahitur, damna ejusmodi imminet, sed etiam aliis, qui per annum, verè, & autumnò, aliquoties permiserunt sibi venas aperiri. Scribit enim Crato, istos languidos nimis, miserosque factos observasse; indeque violentiorem novi humoris affluxum, vehementioremque paroxysmum consequutum adiicit Hoferus *in Herc.*

Brassica  
Podagricis  
utilis  
scribit  
Plin. l. 10  
cap. 9. E-  
pist. 52.

V. Paul.  
Ægin. l. 3  
c. 78.

V. Solenand. l. 4.  
conf. 24.

Lib. 4.  
confil.

Lib. 4.  
cap. 1.



*cul. Med.* confirmatque Ballonius, qui à sanguinis detractiōe corpus refrigerescere, nervos debilitari, & facultatem retentricem infirmari subdit. Nec prætereà ulla ratio suppetit, cur illa conferre possit. Sed & contrà situs doloris, vitiosorum humorum conditio, partium affectarum natura, plerumque etiam ætas, anni tempus, stomachi languor, & alia plura prorsus refragantur.

Saluberrimum autem foret instante paroxysmo, irruentes humores, vomitu, vel dejectione, ad os, aut alvum allicere, pro varia ægrorum habitudine: prævertitur siquidem impetus humorum in articulos, atque extra corpus avocatur, attestantibus id ipsum Sylvio Deleboe, Riverio, Hildano, cæterisque. At laxantia inutilia, immò etiam nocua observantur, ut de cassia præsertim notat Heurnius. Suum Caryocostinum commendat Bayrus. Alii pilulas ex Hermodactylis. Alii resinam jalapæ. Alii pulverem Arthriticum, & specificum purgans Paracelsi apud Crollium, atque arcanum corallinum dictum. Laudat Hartmannus essentiam hellebori nigri sæpius repetitam. At Pachequus apud Riverium Arthritidem universalem refert usu croci metallorum.

Sunt qui magnoperè salutaria etiam dicant diuretica, & sudorifica medicamenta confluentes humores ab articulis avertentia; præsertim quia Hipp. 4. Aph. 74. scribit: *Quibus timetur futurus abscessus ad Articulos, hos urinam multa, & alba liberat ab abscessu*: quod etiam edocet lib. de Humor. in fine.

Per solius Lactis usum continuatum Podagrici sanati referuntur. At valdè de illo dubitat Fr. Ignatius Thiermair, & quòd Catarrhis, ac defluxionibus obnoxiiis non profit, ex Mat-

thiolo: & quòd calculosis obsit, ex Galeno 3. de alim. fac. 15. & quòd in nervorum vitiis nocuum sit ex Dioscoride lib. 2. cap. 64. & quòd obstructions afferat ex eodem. Undè idem Author illius usum in Podagra suadere non audet, cum neminem illo sublevatum viderit. Fatetur quoque ingenuè Villisius quosdam à lacte insigne juvamentum accepisse; alios verò multò deterius habuisse, & Arthritide nullatenus curata, viscerum obstructions, & cacochymiam contraxisse. Sed & infelices ex lactis usu in Podagra eventus aliquot refert pariter Jo: Fortis in suis consultationibus.

Vigente prætereà paroxysmo, ad doloris ferociam leniendam Anodyna commendantur; & internè Narcotica exhibere non veretur Th. de Mayerne, ipsumque etiam laudanum; quo pariter feliciter se usum testatur Hildanus, & Riverius non dissentitur. Neque motum humorum ab illo impediri putandum, cum opium inter sudorifera referatur. Compertum autem est in ipsa doloris vehementia lanuginem verbasco nigro adnatam, aut, verbascum ipsum arefactum, in frustula discissum; & instar ellychnii contortum, mox incensum, atque urentem parti dolenti admotum Podagricis mirè profuisse, non solum ad citam Arthritidis solutionem, verum etiam ad ejusdem in posterum præcautionem. In ejus locum suffecta salvia idem præstare posset.

A F. Hofmanno summè commendatur spiritus salis ammoniaci salsus, cum spiritu liliorum convallium, pari quantitate, & spiritu Arthritico mixtus, addito parum camphoræ loco dolenti aliquoties illinendus. Hunc eundem spiritum laudat Hartmann. in sua praxi chymiatr. Alii juvare experti sunt aquam florum sambuci,

isper-

Append.  
tr. 8. cap.  
de Ar-  
thritide  
Cent. 6.  
obs. 84.  
Bayr.  
Sennert.  
Mayer  
V Villis.  
M. M. l. 2.  
c. 22.

Obs. 31.

V. Hipp.  
l. de af-  
fect. de  
lactis usu  
in Podag-  
ric. consil.  
l. 1. c. 4.

Cent. 4.  
73.

Traët. de  
Arthrit.

Cent. 6.  
85. Prax.  
l. 16. c. 1.

V. Vall.  
Meth.  
Med.

Clav.  
Schrod.



V. Vill.  
de Arthr.

spermatistarum, & antipodagricam Rulandi, & Hartmanni; itemque folia hyoscyami, cicutæ, mandragoræ, necnon lac recens mulctum, oleum amygdalarum, & vitellorum ovorum, carnem bubulam recentem, cataplasma è mica panis, lacte, vitellis ovorum, & modico croci apud Hartmannum, emplastrum Arthriticum Mynsichti. Verùm non omnibus omnia juvamen afferunt, cum & aliquandò viderim spiritum vini ardentissimum profuisse, aut lixivium acre ex cineribus sarmentorum; aquam calcis, salis, aut nitri, & phlegma vitrioli. Tam varia quippè sunt, quæ ex humore, dolore, parte affecta, tempore afflictionis, cæterisque momento ferè accidunt, ut vel accuratissimum, oculatissimumque decipiant.

2. de sim-  
pl. med.  
fac. 18.  
Tetrab.  
3. f. 4. c.  
21.

At verò declinante podagra, & dolore prorsus ablegato, si tumor in parte restiterit, atque ad motum ineptitudo, discutientia, ac dissolventia convenient, qualia præsertim recensentur lixivium è cineribus sarmentorum, caulium, quercus, & similium, adjectis quoque medicamentis ex vitriolo, in quo latet anodynum sal, & sulphur; undè vitriolum album in aqua stillatitia caulium dissolutum efficax dicitur Th. de Mayerne. Galenus, Aetius, & Ægineta articulos podagricorum perfricandos jubent linimento ex sale, & oleo mistis. Idem Mayerne commendat emplastra ex hermodactylis, minio, gummi caranna, tacamahaca, quibus articuli affecti etiam roborentur. Ab oleo ex violis luteis, & floribus verbasci firmari eos pariter mirificè, testatur. In idem conferre inquit Villisius emplastrum ex minio, cerusa, & sapone cum oleo coctis; vel quod habet, emplastri de minio part. ij. Paracelsi part. iij. Et Hartmannus aliud descri-

Tozzi Op. Med: Tom. I.

bit ex vitriolo, alumine, & nitro, atque aliud ad tophos extrahendos, dissolvendosque. Vituperatur tamen à nonnullis Alumen, quod constipando poros claudat, & impedita diaphoresi dolorem augeat. Neque solum emplastra istiusmodi ad movenda monet citatus Th. de Mayerne; sed etiam ad tophorum dissolutionem celebrat sal ammoniacum, sal urinæ volatile crebris depuratum sublimationibus, & cum optimo vini spiritu mistum, quo deindè artus foveantur, referatis primùm poris ope balnei, vel vaporis lixivii ex fæcibus, aut scoriiis flavis reguli Antimon. Magnificat quoque oleum arsenici cum butyro majali, vel alia pinguedine commistum, & artubus illitum.

V. Hildan.

Antipodagricæ denique plurimæ apud Auctores memorantur. Spigelius expertum ait pulverem foliorum cichorii sylvestris, mense Maio collectorum, & in umbra ficcatorum ad scr. ij. vel dr. j. in jure pulli non salito manè quatuor horis ante prandium, & vespere cum æger vadit dormitum. In Miscell. curios. ann. 1676. proponit speciale quoddam remedium Andreas Cnœffelius ex *cinnabaris nat. scr. ss. pulver. ocul. cancror. & conch. singul. gr. xv. laud. opiat. gr. iij. in pulver. red. aliquoties assum.* Decoctum Cerevisiæ, in qua radix lappæ incocta sit epotum, mirabile fertur Foresto: ab illo enim lotium promoveri album instar lactis dicitur. A betonicæ usu familiari, vel in pulverem redactæ, vel in tabellas, aut electuarium; ve etiam in jusculis excoctæ magnam opem ad futuram in Arthritide scribit Hildanus: Et Capivaccus à foliis salviæ. Perutile dicit esse Poterius decoctum chinæ, visci quercici, ivæ arthriticæ, granorum acanth. glycyrrhizæ, & coriandrorum ad xv. dies sumptum. Electuarium gra-

V. Tral-  
lian. &  
Valeriā.  
de Po-  
dagr.  
Antid.

Obs. 84.

Lib. 29.  
obs. 7.Cent. 6.  
obs. 32.  
1.7. conf.  
26. apud  
Scholz.  
Cent. 1. c.  
92.



Lib. 8. de morb. ext. obs. 3  
 norum juniperi per bimestre tempus manè, & serò à cibo exhibitum etiam præcavet ex Paracelso. Et Horstius has pilulas præscribit in solstitiis ad semidrachmam fumendas per mensem integrum. Conficiuntur autem ex pulver. chamap. & chamadr. singul. dr. ij. centaur. minor. aristol. rotund. rhap. gent. sem. hyper. & cran. hum. præp. singul. dr. j. ß. rad. cichor. fantal. rubr. singul. dr. j. cum succ. iuvæ arthet. & par. terebinth. excip. in mass. pilul. Decoctum chamædryos lx. diebus exhibitum penitus à podagra liberare testatur Solenander. Meminit Sennertus cujusdam aquæ vitæ à Gisberto Horstio ex pluribus simplicibus in spiritu vini primum infusis, deindè in B. M. destillatis, elicita; quam nonnulli salutarem experti sunt. A Cratone etiam, & Donzellino pulveres quidam describuntur sanè præstantes, quos idem Sennertus refert, & commendat. Memoratur in *Ephem. Germ. ann. 4. obs. 123*. Antiarthriticum efficacissimum trifolium palustre Dodonæi incoctum Cerevisia, vel aqua, & sæpius assumptum.

Aph. 16. f. 3. & Aph. 25. f. 5.  
 Prax. t. 2. c. 16.  
 V. Ron- del. 1. 3. rax. cap. 81.  
 Obs. 115.  
 Forinsecus verò adhibita, sive ad sedandum dolorem, sive ad resolvendos humores artubus hærentes opportuna plura alia subiiciuntur: Heurnio usui fuere Ranæ vivæ in butyro insulso excoctæ, & applicitæ; sicut pariter fots aquæ spermatis ranarum, cum ardor nimius urgeret. Platero Nix dicitur aliquibus profuisse, ut & acetum frigidum, suasu Hipp. 5. *Aph. 25*. qui aqua frigida dolentem locum perfundendum docet. At Bal-lonius vult illinendas esse partes dolentes oleo catellorum, easque deindè integendas pelle arietina recens detracta. Et Reusnerus, pinguedine Herinacei, quam in doloribus podagricis arcanum esse refert. Sen-

Pa&. l. 16. c. 1.  
 L. a. epi st  
 Hercul. med. 1. 4.  
 Apud Ri- ver. obs. 39.  
 Phar- mac. rest. c. 7.  
 V. Crat. l. 2. conf. 26.  
 L. 7. conf. 34. L. 19. obs. 10.  
 nertus laudat ex Spigelio aquam ulmaria, cum radicibus, & floribus destillatam. Et Riverius liquorem limacum à seipso descriptum. Nonnulli ex Andernaco lixivium parant ex cineribus fagi, cui tantundem vini adiiciunt, cum portione aluminis crudi; atque eo pedum lavacrum manè, & vesperè repetunt, etiamsi subindè illi tumidi, rubentesque fiant. Apud Cratonem memoratur balneum, quod in usu est in Silesia, ex ovis formicarum. Et à VVolfango Hoefero, nedum ex his, sed ex integro illarum globo cum ovis, & parte terræ collecto conficitur. Idem præstare fertur decoctum ligni juniperi. Dolorem quoque citissimè sedari scribit Formius, fots partibus affectis aqua foliorum fraxini destillata in alembico plumbeo. Alias aquas antipodagricas describit Quercetanus, easque dolenti parti admotas magnoperè conferre ait, si plures ex illis lotiones iterentur. Reusnerus narrat vetulam quandam Ulmensis omnis generis Arthriticos dolores miro effectū hac ratione curare consuevisse. Primum ex senecione, agrimonia, artemisia, scolopendrio, summitatibus juniperi, hederæ, & filicis in aqua fontis simul incoctis fomentum parabat, agro undique circumfecto; mox verò affectas partes inungebat pinguedine canis, oleo lini, & lauri cum medulla cervi simul mistis. Lotionem à senecione per xv. dies, dimidiam ferè horam ante coenam, sicut etiam è ligno juniperi, alii quoque commendarunt; recensetque etiam Crato, qui usum pariter vinaceorum ad roborandos artus prædicat utilissimum. Describitur à Foresto unguentum, quo multi sanati perhibentur articulis illito. Fit autem ex stipitibus sambuci (è quibus medulla interior sit extracta, atque in ejus



ejus locum sal intrusum, occlusis utrinque luto foraminibus, ne illud excidat) combustis, atque in pulverem redactis, ac unâ cum oleo lavedulæ, & ros. commistis. Apud Hartmannum extollitur Balsamum Podagricum, spiritus salis ammoniaci ab eodem descriptus, aqua antipodagrica ejusdem, & altera Rulandi, atque Petroleum, in quo radices hellebori incoctæ sint. Ad tophos autem dissolvendos, sedandumque dolorem unicè commendatur emplastrum ex vitriolo Romano, alumine, & nitro in calcem simul solutis, atque cum farina hordei, & facibus vini commistis. Tophos articularum emolliiri, ac tandem discuti scribit Rulandus balsamo sulphuris calidè illito manè, meridie, & vespere, admoto desuper emplastro diasulphuris excalesfacto. In nodosa denique podagra causticum ex Mercurio sublimato primùm adhibendum; deindè emplastrum attractivum dictum ab eodem Auctore descriptum.

Cent. 2.  
obs. 10.

Radix tormentillæ Mōtanæ frōde totūda alligata tibiis præservare à podagra, & alligata brachiis à chiragra nonnullis dicitur.  
Cent. 3.  
obs. 28.

Radix sigilli B. Mariæ exactè contusa genuum tumoribus, & doloribus mirè conferre dicitur à Borello. Ab aliis magnifit decoctum radiceis, & foliorum urticæ in lixivio. Liqueur radiceis vitis nigræ, dum adhuc viret, aliquantulum digestus, sicut etiam tapfi barbati, menthastri, parietariæ, cicutæ. Verùm hæc non temerè adhibenda, cum oporteat omninò, pro opportuno illorum usu, tempora Arthritidis internosse.

Nonnulla hic postremò de Podagræ transplantatione pro coronide memorabimus, omiffis tamen quæ fusiùs retulere Jo: Loselius, Salmuthius, Fluddius, Th. Bartolinus, alique, solùm referam, quod in hanc rem tradit Borellus, Podagram mirè levare, sicatelli cum Podagrigo recumbant, & ciborum reliquias, ac

sputa deglutiant: futurum enim, ut morbum illi contrahant, æger verò convalescat; pari modo ac pueri cum senibus dormientes, halitu seniles morbos concipiunt. At longè admirabiliùs est, quod narrat Reinerus Solenander, se propriis oculis vidisse in quodam Episcopo Arthritide graviter laborante. Amputata crura Testudini masculæ vivæ priusquam Luna cum Sole congrediretur, & confuta sacculis ex pelle hedina æquè pro illorum magnitudine capacibus, singulis membris patientibus respondentia, dextrum dextro, sinistrum sinistro, anterius antico, & postico posterius, alligata, tantam opem attulere, ut sensim tumidi articuli detumere cœperint, & agiliores evaserint. Cumque hujus experimenti Author nil quicquam de Testudinum differentiis tradiderit, arbitratur Solenander, in podagra frigida putata, esse in usum adhibendas testudines terrestres; in calida verò aquaticas. Neque istiusmodi remedium vult parvifaciendum, quòd ab usu communi; aut à ratione alienum videatur; nam multa, inquit, sunt in rerum natura, quæ experientia talia comprobant, licet ratio nihil inveniat, quo illa dijudicet. Meminit etiam Helmontius magneticæ curationis Podagræ, aliarumque ægri tudinum ex Paracelso, quam haberi inquit per sanguinem calentem ægri in ovi putamine fotum, mox cani, vel sui in cibum exhibitum commistum carnibus: futurum enim ait, ut ægri tudo in canem, vel suam transfiliat.

Ad Ischiadem specialius conferre consueverunt clysteres injecti ex decocto centaurii minoris, ut Fernelius testatur, vel ex decocto bryoniæ, aut colocynthidis; necnon rutæ, salviæ, stachados, betonicæ, hyperici, rorismarini, baccarum juniperi, lauri,



ivæ artheticae, meliloti, chamæmeli; itemque ex vino albo veteri, sapa, urina pueri, quousque sanguis cum mucosis excrementis egeratur. Ex Catharticis potius commendantur quæ vomitum, quàm quæ dejectionem moliuntur, tanquàm à parte affecta commotos ex pharmaco humores removentia. At verò omninò discernere oportebit, an non tenuibus humoribus in coxam confluentibus Ischias debeatur, ut notat Hippoc. *lib. de affect.* Undè monet Prosp. Martianus, aliam exigere curationem dolores ad Ischium attinentes, qui huc, illucque vagantur, ab his, qui fixi, stabilesque sunt: proptereaque Hippocratem, advertit, diversam in utrisque medendi rationem instituisse: Fixos enim dolores abigere ille conatur clysteribus acerrimis; mobiles verò mollientibus; in illis motum, unctionemque adhibet; at neutrum in his approbat.

In com.

6. Aph.  
60. l. 4. c.  
22. l. 6.  
cap. 76.

L. 29. obs.  
20.

Lib. 29.  
obs. 22.

Cùm cætera non profecerint, consueverunt Antiquiores documento Hippoc. Celsi, Æginetæ, & aliorum ferro candenti partem inurere: quod ex Recentioribus multi quoque salutare se expertos confitentur. At Nostrates nunquam id tentare sunt ausi, sed ejus loco emplastrum admove solent ex pice, sulphure, & sinapi. Quibusdamefficax dicitur, quod ex iberide, piperite, & nasturtio conficitur, describiturque præsertim à Sennerto hoc loco. Aliis Lacunæ unguentum ex ebulo commendatur. Ceratum oxycroceum etiam prodest, cui præterea addit Forestus subduplam picis portionem cum sulphure, & oleo lumbricorum. Ex urtica cocta cum cerevisia, & in modum cataplasmatismatis applicata quosdam curatos etiam narrat; refertque Guainerium expertum pluries ab urticis mordentibus tam manè, quàm ves-

perè, coxam adusque pustulas verberatam in pristinum restitutam esse. Idque remedii genus admittit pariter Volfangus Hoeferus; at vero partem cæsam spiritu vini abluendam deindè jubet. Verùm Rhasis cum allio, & cæpa locum affectum perfricat, postmodum aqua salsa lavat. Cæterum apud Nostrates in usu sunt Vinacea, atque hypocausta, & balnea Puteolana, præcipuèque illud, quod est ad Lacum, qui Agnanus dicitur, ac sulphuris fumum exhibet vehementissimum. At admirabilem hinc non reticebo pilularum ex Mercurio diaphoretico efficaciam, quarum non solum in his, verum etiam in cæteris omnibus Articulorum doloribus, etiam ex venerea lue progenitis, utilitas singularis observatur. At verò si fortè ab unctionibus, aut suffumigiis relictus in articulis, & nervis Mercurius Arthritidis causa putetur, efficax medicamentum, & expertum plerisque dicitur sequens decoctum: *Radici enulæ campanæ unc. ij. & corticis radici faniculi sylvestris unc. j. β. bullian in libris v. aquæ, & vini veteris usque ad consumptionem medietatis, & de colatura exhibeatur lib. ss. pro qualibet vice manè calida, antequam æger ingrediatur Laconicum naturale ad sudorem excitandum: idque iteretur septies, vel prout necessitas exposulaverit.*

Hercul.  
med. l. 4.  
c. 1.

Ad Arthritidem denique vagam scorbuticam facient quæcumq; scorbuto prodesse alibi dicta sunt: cùmque apud Nos non adeò frequens sit, consultò illam omittimus. Legi autem præ cæteris poterit Andreas Moltenbrocius *de Arthritide vaga scorbutica*, ubi fusè nimis, & eruditè ex compluribus aliis Authoribus Naturam, causas, signa, & curationem ejus proponit, & examinat.



## DE ERYSIPELATE.

**A** Crebra nimis, nec absque periculo, Erysipelatis in hisce Regionibus observatione, specialem de illo sermonē inire cogimur, eòq; magis, quia partes ad Artus sæpius, plerumque etiam ad caput, & faciem spectantes invadit: neque cæteræ aliæ ab ipso immunes sunt, cum indiscriminatim, & superæ, & inferæ, itemque extimæ, & intimæ Erysipelate affici possint.

Ejus autem nomine intelligunt Medici tumorem illum in partibus cutaneum, tubentem, æqualem, cum ardore conjunctum, tactu dolentem, ac veluti refugientem, mox atque redeuntem, febre plerumque præeunte, vel subsequente, cum aliis symptomatibus cum illo copulari solitis.

De ejusdem causa non benè convenit inter Authores. Quamvis enim vulgò sit creditum à bile, & quidem acriori, calidiorique pendere; Galenus tamen pluribus in locis potius sanguini tenuissimo, ac ferventi illam adsciscit; à bile verò Herpetem excitari ait. Inquam eandem sententiam complures alii concesserunt, & præ cæteris Sennertus, considerato nimirum colore partis Erysipelate affectæ, roseo, non flavo, cum quo nec acritudo, nec calor, nec dolor vehemens jungitur, qui à bile induci deberet.

At neque à sanguine tenuiori solum Erysipelas fieri, nisi ab acido quodam vapore, vel humore in motum adigatur, & fermentescat, existimat Helmontius, qui pariter observat, liquorem ex Erysipelate manantem non esse amarum, sed planè ex acido salsum.

Quoniam autem Erysipelas non rarò exhibet roseum, rubeumque colorem, aliquandò etiam album, pal-

lidumque cum modico ardore, nulloque ferè dolore: unde Medici phlegmonoden, & œdematoden appellant; immò etiam & scirrholden, si ad fuscum vergere videatur. Hinc crediderim, ejusmodi varietatem haberi à vario humore cum sanguine commisto, cui acidum inexistentis expulsiōnem in cutim promoverit. Lymphæ etiam hujusmodi vitium aliquando debetur, cum experiamur à detentis sudoribus sæpenuerò Erysipelata suboriri, præsertim si obesiora corpora ad sudorem jam disposita frigido ambienti se exposuerint, unde salsum lymphæ frigore aeris acorem contrahat, & irritamentum. Idipsum accidere poterit, cum acidum succi Pancreatici à debili fermento felleo non sufficienter temperatum in chylum, & sanguinem irreperit; quare fermentationem in corde, & sanguine promovet vehementiorem, itemque parit nedum Erysipelata, sed etiam febres urentissimas, aliasque ægitudines propemodum acutissimas. Quòd si prætereà ab acido isto retardetur quadantenus sanguis in apicibus arteriolarum, vel in poris carniū; ille in grumulos coactus, Erysipelas ingenerabit, in gangrænam, vel in suppurationem terminandum.

Solet febris sæpius præcedere, nonnumquam etiam subsequi: immò aliquandò, eo apparente, desinit, frequentius verò ad finem usque conitatur. Quamobrem & morbi, & symptomatis vicem gerit; vel ex adverso criticam, & salutarem depositionem causæ morbificæ ad cutim promovet. Hinc licet vitium in sanguine, vel in lymphâ designet, quia tamen, propulsa ad cutim materia, sanguis ipse, & viscera interna subinde repurgantur, proindè scribit Hippoc. Erysipelas ab interioribus ad ex-

2. Ad  
Glauc. c.  
1. & 1. de  
tumor. c.  
9.

Praet. 1.5  
p. 1. c. 7. &  
de febr.  
1. 2. c. 16.

Pass. hu-  
mor. de-  
cept. c. 1.  
& 2.

6. Aph.  
25.



teriora verti bonum; contrà verò malum: quandoquidem & pulmonem, & pleuram, & diaphragma, & jecur, & alia quaecumque viscera Erysipelate affici sæpius ex anatome compertum est; & Hipp: de utero speciatim meminit, cum inquit: *si prœgnanti in utero fiat Erysipelas, lethale*. At verò etiam ab hoc externas partes occupante, periclitantur ægrotantes, si exinde interiora non levantur, nec febris remittatur, aut desinat; itemque si putredo, vel suppuratio contingat. Hæc autem sæpius supervenire visa sunt à refrigerantibus temerè adhibitis. Denique Erysipelas vulneribus, fracturis, luxationibus denudationibus ossium si accidat, semper est periculosum; nam etsi nil aliud mali accedat, sanationem saltem turbat, & impedit.

Meminit de quodam Erysipelate M. Aurel. Severinus, Zona Herpetis appellato. Differt autem ab Erysipelate, quòd hoc uni tantum loco hæreat, ibique persistat; In Zona verò rubor priorem locum deferens, alium invadit, ac perpetim excurrit, & serpit, immò hinc inde multoties vagatur, quale aliquando observavimus in nobili quodam Duce, ac nuperrimè in Epidemica constitutione Autumni 1700. & sequentis Hyemis 1701. hic Neapoli, qua plurimi periere: Volaticam nonnulli appellant.

Curationem explendam putant in praxi evacuatione humoris biliosi, neque solum per cholagoga medicamenta, verum etiam per iteratas sanguinis missiones, quibus ejus fervorem, & febrim ipsam comitem obtundi, & extinguere arbitrantur; exhibitis pariter summe refrigerantibus, & humectantibus, itemque acidis cujusvis generis.

At ista maximè nocent, aut vehementiori motu in sanguine concita-

to, aut impedita illius resolutione, ab infractis per phlebotomiam viribus, aut ob languentem in parte affecta vigorem, deducto in suppurationem, & non rarò etiam in gangrænam Erysipelate: quæ sanè potissimum accidisse visa sunt, cum post febrim Erysipelas irrupit, si non extincta, saltem magna ex parte remissa febre. Quare prudenter quidem Galenus 14. meth. 3. & 2. ad Glauc. 2. à Phlebotomia abstinet. Neque minora mala consequi solent à medicamentis purgantibus: ea enim humores plurimum agitando in partes affectas adigunt, febrim exasperant, sitim augent, & interdum etiam phrenitidem, aut internam inflammationem inducunt. Hinc nonnulli non nisi in declinatione solum purgantibus blandioribus licere uti pluribus contendunt.

De noxa ab adhibitis refrigerantibus, tam clara, & cunctis obvia res est, ut nemo uspiam ambigat. Galenus ab horum usu in scirrhum Erysipelas abire docet: constipatis namque poris, humoris difflatio impeditur, immò & pars ipsa insigniter refrigerata stupet, & gangrænam incurrit. Longè majus damnum sequitur, si oleosa, & pingua admoveantur, attestante quoque Sennerto, qui gangrænam, aut suppurationem subinde futuram scribit, ac potius more ambustarum partium tractandum esse Erysipelas suadet, admotis nimirum calidis, quæ cutim laxent, poros referent, serosos humores in pustulas erupturos resolvant. Quamobrem tantum adest, ut refrigerantia ista consentanea sint, ut maximè repugnent; & contrà applicito spiritu vini inter initia, Erysipelas illicò tolli fateantur plurimi, idque in praxi sæpius experti. Narrat præterea Riverius juvenem Erysipelati fre-

5. Aph.  
43.

7. Aph.  
20.

7. Aph.  
19.

4. de no-  
vis. obs.  
Absces-  
sum c.9

V. obs.4.  
Eph. Ger-  
man.  
Ann.3.

V. Forti  
consult.  
95.c.1.

2. Ad  
Glauc.c.  
4.

V. Thom  
Barth. c.  
6.  
Lib.2. de  
febr.c.16  
V. Sancti-  
meth. vit  
err. l.8.c.  
15.

V. Val.  
meth.  
med.

Helm-  
nat. cõtri-  
nesc.  
Du-Ha-  
mel. de  
Corp. af-  
fect. &c.  
Cent. 2.  
obs.41.



frequenter obnoxium ab usu vini meracioris prorsus immunem evasisse.

Quæ igitur tutò Erysipelata curare, immò & alia inflammationum genera dissolvere, & citrà suppurationem sæpissimè depellere visa sunt, multo alkali sunt prædita, atque, præ primis ex vegetalibus, Taraxacum, sylvestre, cichorium, semina cardui benedicti, radix tormentillæ, absinthium, centaurium, gentiana, nasturtium aquaticum, pulvis sorborum sylvestrium villosorum cum maturuerint, & in furno leni calore exaruerint. Ex animalibus verò Cornu C. mumia, sperma ceti, coagulum hædi, oculi cancrorum, pulvis, & sal viperarum, sanguis leporinus, & hircinus. Atque ex fossilibus cujuscunque generis bezoardica, præsertim ex Marte; Mercurius, & stibium diaphoreticum, testacea quævis, atque in calcis formam redacta. Ab his enim omnem in sanguine malitiam ab acido inductam certò corrigi, & emendari sæpius observatum.

At pleraque etiam externè adhibita acidum frænando, & absumendo Erysipelati tutissimè medentur. Ex Helmontio cruor leporis admotus certò sanat; immò & lintheum leporino cruore intinctum, etiam si siccum alligetur. Novimus etiam sanguinem calentem felium, canum, similiumque animalium ferè momento juvare; quare vulgò quoque solitum sanguinem exceptum è cauda felis, vel canis recisa, in ejusmodi usus adhiberi; Et Lotichius affirmat id ipsum præstari per sanguinem ex auricula vulnerata stillantem. Ab eodem Helmontio proditum est Erysipelatis curationem sitam esse in sapone, & lixivio, aliisque analogis, indeque dependentibus, quoniam hæc acidum combunt, & extinguunt. Stercus item humanum calidè applicatum una no-

te omn: acidum extrahere, & abolere dicitur. Præclarum etiam remedium esse scribit Heurnius stercus recens bubulum in sartagine coctum cum aceto; adjectis floribus chamæmeli, & sambuci, si instar cataplasmatistepidum admoveatur. Aquam hujus stillatitiam mense Majo elicit Solenander. Probatissimum refert Bartholinus vulgi remedium esse, & nunquam fallere visum, urinam propriam melle subactam, summo mane, tribus diebus continuis, assumptam; externè verò lithargyrium tritum tela linea exceptum, & parti laboranti impositum. Saponem album Venetum in aqua scabiosæ calente dissolvit Solenander, eaque imbuit pannos lineos mundos, mox siccatos admoveat. Apud Jo: VVierum plura referuntur Erysipelati conferentia ex cortice sambuci abrafo, & membro patienti obvoluto; vel ex interno cortice tiliæ macerato in aqua florum sambuci; pariterque ex vitellis ovorum, sale, & bolo Armenia commistis: quod remedii genus approbat quoque Forestus. Suffitus ex foliis, & ramusculis sabinae in pulverem crassiusculum contritis salubriter adhibitos memorat Reusnerus; & cum ulceratio adfuisset, emplastrum ex cera fulva aqua calida manibus subacta. Sedatum dolorem, & curatum Erysipelas narrat idem Forestus admoto malagmate ex lacte, pane filigineo contrito, & pulvere terræ Cimoliæ, quæ exterius furnis circumducitur. Verùm cum hac miscet Lotichius micam panis albi cum paucò croco, & vitello ovi, vultque incoquendam in s. q. lactis vaccini quousque spissescat: At aliis satis est ad novere farinam è secale sacculo inclusam. Arcanum etiam Foresto est aqua spermatis ranarum, cum lintheis applicita. At hanc periculo non va-

6. Aph. 25.

Centur. 6. hist.

Sect. 5. conf. 12. &amp; 13.

Lib. 2. obs.

L. 2. obs. Chirurg. 2.

Obs. 124.

Obs. 9. 11. c. 5.

Tr. Imag. Ferm.

Obs. 9. c. 6. lib. 1.

De febr. cap. 9.



In chi-  
rurg.Floril. p.  
29. c. 17.

care affirmat Hartmannus, qui potius commendat decoctum myrrhæ, & olibani in vino, & aceto calidum. Decoctum quoque parat Heurn. Myrrhæ, thuris sing. ad unc. j. in aquæ solani cyathis duobus, & aceti cyatho uno additis caphuræ, & croci singul. dr. j. idque adhibet parti rubenti. Pulverem quendam Erysipelatodem conficit Mynsicht, & pannum lineum Crocatum dictum, & utrumque mirabilem prædicat, si parti affectæ admoveatur. P. Barbette cretam in pulverem redactam cum charta emporetica adhibet, ac citò, & tutò sanare dicit: laudat quoque fomenta ex myrrha, saccharo Saturni camphora, & opio in vino, vel ex trochiscis albis Rhafis, camphora, spiritu vini, & aqua sambuci. Apud Philippum Grulingium, inter alia plura, describitur lac aureum ex lixivio, & oleo sambuceo paratum instar lactis, quo Erysipelata non solum feliciter curantur, sed etiam adversus corruptionem, & gangrænam muniuntur. Multa alia ex cortice, baccis, & floribus sambuci conficiuntur medicamenta, tam interna, quam externa, usu, atque experimento comprobata, ut potissimum est illud, etiam ad Erysipelatis præcautionem, ex decocto florum sambuci recentium in lacte vaccino; cujus meminere Solenander, Sennertus, idemque Grulingius, aliique.

Postremò victus ratio sit temperata. A carnibus utile erit abstinere. Corporis, & animi motus nocui, præsertim ira, & mœstitia consuetæ evacuationes salutare, & si spontè non cesserint, arte promoveri blandè poterunt.

Centur.  
i. cur. 43.  
V. Hart-  
man n. in  
prax.

Gangræna, & ulceri ex Erysipelate occurrent diaphysur. Rulandi, Balsamum sulphuris, lixivium acre è cineribus quernis, in quo ebullierint

scordium, nasturtium aquaticum, vincetoxicum, absinthium, scabiosa, filix: Spiritus vini camphora imbutus, linimentum à Barbette descriptum, aliaque plura passim Chirurgis consueta.

Ad contusiones, tumoresque à re stagnante, concretoque sanguine, mirificè valet emplastrum de spermate ceti descriptum ab Adriano à Mynsicht; itemque cataplasma ex bryonia minutim derafa, mox contusa, & simul cum farina hordei subacta instar pultis. Plura alia videsis apud Grulingium in suo Florilegio.

## DE FEBRIBUS.

**F**ebrium naturam Neoterici inquirentes, congruentiora argumenta deduxerunt à fermento, & fermentatione, potissimum in vino, cæterisque liquoribus habita. Videntur enim illa eadem sanguini in febrientibus accidere, quæ musto, vinoque doliis concluso experimur: equidem, ut vinum fermentatione subactum disjungitur à partibus faculentis subsidentibus in ima, nitamen fermentatio interturbetur; ita sanguis heterogenea mistura vitiat in motum fermentationis adigitur, quousque inutilia, & impura fecernantur, & repurgentur, remanentibus utilibus, & salubribus: quæ mobrem non incongruè febrim plerique sanguipurgium appellarunt, illamque non à ferreo, sed à februo, quod est expurgo, & sejungo dictam maluerunt, aptissima planè etymologia.

Perperam autem nonnulli fermentationem cum ebullitione, & fervore confundunt. Quamquam etenim aliquandò soleant res calore citius, vehementiusque fermentescere; non tamen illum omninò exigunt, cum plu-  
rima



rima sponte sua, sine ullo caloris ad-  
miniculo fermentationem contra-  
hant. Nec insuper cum fermentes-  
cunt, perpetuò etiam incalescunt,  
& fervent saltem sensibilibiter: succi  
namque plantarum, uti & fructuum,  
ac feminum fermentescentes nullum  
caloris sensum exhibent; sicut nec  
massa farinacea fermento subacta; ne-  
que vinum ipsum fugiens, aut ace-  
scens. Motum quidem, & actionem in-  
ter sese partes heterogenee subeunt,  
at non semper nostris sensibus ob-  
viàm; unde non raro pro calore fri-  
gus potius persentitur.

Hinc itaque non benè per sangui-  
nis fervorem, caloremque corporis  
adauctum, Febris quaecumque inter-  
nosci poterit: quippe Febres mali-  
gnæ, & pestilentes, quæque Flan-  
dricæ, & Castrenses vocantur, cum  
syncope conjunctæ, Horrificæ, Ri-  
gorificæ, aliæque similes, ut & Epia-  
læ Galeni, tantum abest, ut calorem  
excedentem præferant, ut potius  
ingenti frigore sint stipatæ: neque  
solum inter initia, sed etiam per uni-  
versam ferè accessionem. Argumen-  
tum prætereà à Vvalæo, & Sylvio pro-  
motum, quo urgent calorem auctum  
nec omni, nec soli, nec semper Fe-  
bri competere, id ipsum satis mani-  
festè evincere videtur: quod latius  
est prosequutus Thomas Bartholinus  
in epistolis ad Holstium datis, qui-  
bus etiam ex pluribus ostendit Rigo-  
rem, atque Horrorem in Febris  
intermittentibus ad ipsas revera per-  
tinere, esseque verissimam paroxys-  
morum partem; præter alia quam  
plurima, quæ in eandem rem colle-  
git Franciscus Pienf. *de febris*, c. 2.

Videtur ergo Febris affectus cor-  
poris, in quo ob indebitam fermen-  
tationem in sanguine inductam, mo-  
tus ejusdem, & cordis perturbatur:  
afficitur equidem per ejusmodi fer-

mentationem nedum cor, sed corpus  
universum quousque repurgetur co-  
inquinatus sanguis; unde Campa-  
nella vocavit Febrim Bellum Naturæ  
adversus causam morbificam: & cer-  
tum quidem est, cum vires illam fe-  
runt, prodesse; pari modo ac fer-  
mentatio in musto utilis observatur.  
Ea enim quidquid in sanguine hete-  
rogeneum, & prave conditionis, ad-  
mixtum est, salubriter plerumque se-  
cernitur. Hinc experimur plerosque  
jam diù malè affectos, ferèque à na-  
tivitate morbosos per Febrim salu-  
briores evadere, atque meliori in-  
posterum frui cum corporis, tum ani-  
mi constitutione, ut adhuc in vulgi  
adagium abierit, Febres per tempo-  
ra pueritiæ contingentes vegetatio-  
ni, & speciositati maximoperè con-  
ferre. Qua etiam ratione à nonnullis  
proditum est; quosdam ad extremum  
senium perductos ex gravi deindè Fe-  
bre refluuisse, & veluti repuerascere  
visos; quandoquidem per Febrim,  
repurgato sanguine, veterem, & la-  
xam habitudinem corpora exuta, no-  
vam, solidioremque induunt. Mor-  
bos insuper curatu difficiles, ve etiam  
insanabiles superveniente Febre cu-  
rari testatur Hippocrates: Sic Epile-  
psiam, Apoplexiam, Convulsionem,  
Tetanium, Aphoniam, Hypochon-  
driorum dolores, similesque ægritu-  
dines ex Febre solvi, & desinere plu-  
ries edocet: ut hic fileam catarrhos,  
dolores articulorum, ventris crudi-  
tates, tumores, à Febris citius,  
faciliusque terminari; adeò ut idem  
Hipp. & Galenus scripserint in affecti-  
bus capitis, & nervorum, cum torpo-  
re, & motus impotentia à crassis,  
lentisque humoribus ortis, Febrim  
esse excitandam.

Non igitur Fermentatio, & Febris  
morbus est, sed causa, quæ fermen-  
tationis in debita in sanguine origo  
fuit,

V. etiam  
Helm. de  
febr. c. 3.  
de febr.  
disquis.  
med. r.  
de febr.

Centur. 3  
epist. 71.  
& 73. &  
Cent. 4.  
epist. 47.

Deloc. in  
hom. 6. e-  
pidem. 5.  
6. 4. Aph.  
57. 5. Aph.  
5. & 70. 6.  
Aph. 40.  
44. & 51.  
6. Aph. 52  
de judic.  
in fine e-  
pist. ad  
Demetr.  
6. epidem.  
comm. 2.  
prorh.  
comm. 2.



fuit, plures, diversasque egritudines affert; ut propterea cum sanguine circumflua estum, atque organum universalem pariat; alicui verò parti infixæ, & hærens, inflammationes; erysipelata, & pro partis affectæ varietate pleuritidem, anginam, hepatidem.

4. Aph. 55

Veteres Medici Febres aliarum egritudinum symptomata appellarunt, cum illæ has consequuntur. Hippocrates ex inguinum tumoribus Febres malas fieri, aliisque affectibus illas supervenire scribit, ut carbunculis, apostematibus, abscessibus: sic quoque à vulneribus, contusionibus, & spina digito infixæ ortæ Febres symptomatum vices gerere videntur; quamobrem illæ spontè desinunt detracta spina, eductoque stagnante sanguine, atque ad cicatricem perductis partibus vulneratis. Hinc

2. Aph. 47  
V. Gal. in  
comm.

Hipp. inquit: *Dum pus conficitur, dolores, ac Febres accidunt magis, quamiam confecto.* Verumtamen si quis eas cum Placero Concomitatas appellaverit, per me planè licebit, cum non rarò fiat, quòd illa eadem causa, quæ in sanguine permixta Febrim excitavit, alicubi etiam hærens, aut humorem figens, alium morbum pariat, ut in inflammationibus.

Quandoquidem Febris à sanguinis indebita fermentatione est, causæ ejus innumeræ penè erunt; excedens cum animi, tum corporis motus: res in cibum assumptæ, si consuetum, cui Natura assuefacta est, modum excedant; undè non solum ab usu rerum, quas vulgò calidas putant, sed etiam sæpius à nimia quiete, & ab otio, atque ab alimentis, sive medicamentis frigefacientibus Febres exoriuntur gravissimæ, periculosissimæque. At verò putredo, quæ humoribus affingitur, præcipuaque fertur Februm causa, si tam familia-

ris sanguini foret, quàm vulgò creditur, certè nulla Febris in salutem desineret, cum animalium vita, putrefacto sanguine, non possit esse superstes.

Indebita autem in sanguine Fermentatio erit à succis non benè à sanguine secretis, vel eidem, præter id, quod deceat, communicatis. Hi autem plures, & varii esse possunt: excibo, potuque, adeoque ex chylo, lymphæ, succo pancreatico, felleo humore, cutaneis recrementis, aliisque ex alvo, renibus, & vesica, propriisque viscerum fermentis. Sanguis ipse si fortassè ab aere, & halitibus per aera dispersis inficiatur, accescat, acrior, falsior, serosior, crassior, aut aliter vitiosus evadat: si impetuosius irruat, vel aliquatenus inoretur, & subsistat in apicibus arteriarum, vel poris partium, aut in ventribus cordis, pulmonumque vasculis, ac cerebri plexibus hæreat, ut in malignis, ac mortiferis Febris sepe numero observatum est, male fermentationis causa fit. Itaque quæcumque sanguini dissentanea consociantur, sicuti indebitam motionem in illo excitant, ita & cordis, arteriarumque motum turbant, & depravant, magis tamen, aut minus, prout magis, vel minus fuerint ad fermentationem promovendam idonea.

Quamvis verò differentiæ Februm innumere dicantur, præcipue tamen revocantur ad continuas, & intermittentes, prout fermentum fuerit in ipso sanguine, aut aliunde suggestum, & per singulas accessiones repurgatum. A duratione etiam brevès, & longè appellari solent; atque à modo, increscentes, decrescentes, & in eodem semper vigore perseverantes. Insuper ab adjunctis symptomatis, frigorificæ, calorificæ, affodes, helo-



he'odes, marasmodes, lipyrie; nec non cum syncope, delirio, sopore, exanthematibus, inquietudine, lassitudine, alvi fluxu, hæmorrhagia, & consimilibus conjunctæ. A periodis, quotidianæ, tertianæ, quartanæ, quintanæ. A causis pariter dici solent lymphicæ, biliosæ, glandulares, hypochondriacæ, epidemicæ, malignæ, pestilentes, legitimæ, aut nothæ, aliæque.

Illas à solo pulsu celeri, & frequentiori, ut plerisque creditur, tuto coniecere non licet: nam non omnibus febrientibus commune est, ut celer, & frequens pulsus fiat, nisi simul inæqualis, irregularis, inordinatusque sit, vel alia adjungantur symptomata fermentationem indebitam in sanguine attestantia, adeoque reliquas corporis operationes subinde læsas, & à consueto naturali statu recedentes, ostendentia. Plerisque pulsus sunt natura celeres, & frequentes, vel etiam à quacumque levi animi perturbatione concitantur, quin & cunctis à pastu, atque ab haustu vini meracioris, ab aromatibus, à medicamentis, à motu, agitantur, & tument, citra Febrim. At contra in Febris malignis, & pestilentibus, ac non rarò etiam in hecticis cum marasmo, aliisque vix à consuetis, & salubribus desciscunt, vel parvissimi, & tardissimi persentiuntur. Id autem fit, quia Fermentatio, vel in coagulationem, vel in resolutionem tendit; unde partes sanguinis vivide, & tenues figuntur, aut dissolvuntur, & avolant: quare concrecente sanguine, vel effæcto remanente, motus ejusdem, & cordis, unde vita, & calor, sensim elanguet, & deficit.

De offici-  
cin. Chi-  
urg.

Hippocratis igitur vestigiis inherendo, pluribus signis observatis de febrientis corporis statu conjecturam faciemus. Et quidem febrile illud

dignoscemus per mutationem coloris potissimum faciei, quæ in principiis paroxysmorum plerumque pallet; in augmento verò rubet, lingua arida observatur, aspera, siticulosa; & si mali moris febris fuerit, etiam nigra, & fissa. Nares, & aures albicant, vel rubent; ungues livescunt, & in febribus hecticis incurvantur. Arteriæ circa jugulum, cervicem, & tempora vehementer, & crebrò pulsare conspiciuntur; rubent, & inflantur oculi. Aderunt præterea vomitus aliquandò amari, acidi; interdum flavi, aut nigri; urinæ vel tenues, vel confusæ, & insigniter coloratæ. Universum corpus horrore, rigore, algore corripitur, vel contra ingenti ardore, & æstu. Cutis nonnunquam arida, interdum etiam madida apparebit. Demùm de Febre judicium feremus examinatis primum causis, quæ valuerint malam in sanguine fermentationem excitare; mox verò consideratis symptomatis ægrotum infestantibus, cujusmodi sunt crebra respiratio, dolor capitis, delirium, pervigilium, ciborum fastidium, oris amarities, ingens sitis, faucium ardor, alvi durities, emaciatio, inquietudo, aliæque hujus generis plura.

Februm verò tempora tum universalialia, tum particularia pari modo <sup>2. Aph 30.</sup> internoscere poterimus: etenim in principio symptomata sunt leviora, & vires validæ observantur, nondum scilicet diuturnitate ægritudinis infractæ. Augmentum autem accessisse indicio erit symptomatum incrementum, vitiosorum succorum inchoata secretio, (si tamen Febris in salutem sit desitura) & salutarium evacuationum apparitio, viribus parumper infractis: At contra omnia in deterius abibunt si æger ad interitum festinet. In melius autem in dies pro-



procedent, cū ad statum Febris devenerit: quippè salutaresegestiones, aut per sudorem, aut per alvum, aut per vias urinæ sensim causam morbificam diminuent citra virium jacturam, undè symptomata mitescent, aut desinent. Tandem Febrim declinasse dicemus, cū hæc omnia ita in melius processerint, ut causa morifica jam evicta extra corpus expellatur, aut saltem alicubi deposita à visceribus abscefferit, undè eger in pristinum sanitatis statum rediens convalescere manifestò videatur.

Non dissimiliter singulorum paroxysmorum particulare principium indicabitur ex invadente rigore, horrore, aut ubi extremæ partes membrorum inalgescunt post frequentes, & iteratas oscitationes. Nasus, aures, labia pallescunt, ungues livescunt, pulsus contrahuntur, & inæquales redditivix tactu percipiuntur: in lumbis, & circa intestina dolebit æger, & genua quasi fatigata sentiet; nonnunquam etiam in soporem delapsus difficulter excitabitur, aut de dolore capitis conqueretur. Aliquando etiam vomitus, alvi dejectio, stillæ sanguinis, inutilis sudor, tussicula, & non rarò animi defectio, dolor stomachi, & præcordiorum anxietas initium accessionis comitabuntur. Augmentum verò, & statum designabunt dolor capitis vehementior, faciei, & oculorum rubor, linguæ ariditas, & scabrities, ingens sitis, inquietudo, æstuatio. Pulsus fient elatiores, celeriores, & frequentiores, respiratio crebra, & symptomata universa erunt urgentiora: Quæ tamen prorsus desinent à superveniente sudore, aliave critica evacuatione, si Febris intermiserit; vel plurimum minuuntur, si illa in declinationem deducta mox alteram accessionem

excipiat, & admittat sine ulla intermissione. Verum hæc indicia licet plerumque per febricitantium corpora vagentur, non tamen cum omnibus febrium generibus junguntur: variant enim pro illarum varietate; peculiaribus causis, propriisque ægrotantium constitutionibus.

A symptomatum etiam Febres comitantium diversitate, & vehementia majori, minorive, non vanæ conjecturæ desumi poterunt salutaris, vel lethalis eorundem exitus. Quam-  
 Lib. 2. c. 6  
 quamenim, ut loquitur Celsus, spes interdum frustratur, & moritur aliquis, de quo Medicus securus primò fuit; neque ignorare oportet in acutis morbis (quales plerumque febres  
 2. Aph. 19  
 sunt) fallaces magis notas esse, & salutis, & mortis: sæpe sæpius tamen respondere consueverunt. Febres siquidem intermittentes periculo vacare in dies experimur (quicquid aliis se contrarium expertos autument) si præsertim cum rigore incipiant, &  
 4. Aph. 43  
 cum aliqua evacuatione in singulis  
 4. Aph. 59  
 accessionibus finiantur. Item nullis, vel levibus symptomatis stipatæ securæ sunt, atque eo breviores, quo statim à quarta die prævalens natura  
 4. Aph. 63  
 4. Aph. 58  
 1. Epid. 1.  
 coctionem in excrementis demonstraverit: etenim ex Hippoc. Coctiones judicii securitatem, & morbi brevitatem denunciant. Quamobrem à viribus constantibus præcipuum salutis indicium petendum est. At contra verendum nimis de malo eventu, si Febris continua sit, atque in dies ingravescens gravibus symptomatis comitata videatur: si æger viribus deficiat: si nausea teneatur: si exterius algeat, interius uratur: si sudorem à principio subeat, qui non levet, vel invadentem accessionem comitetur non declinantem, vel frigidus emanet, aut non ex toto corpore: si paroxysmus cum rigore ado-



riatur citra intermissionem: si cum delirio, sopore, caligatione, squalore, & oculorum fulgore, surditate, respiratione offendente, deglutitione impedita, stomachi ardore, ac dolore, hypochondriorum inflatione, aliisque symptomatibus in suis circuitibus repetat. Ista enim egrum in vitæ periculum deducunt.

Generalem postremo Februm curationem expleri arbitrantur Veteres ex Galeno per frigefacientia, & humectantia: quamquam is indicatione à causis desumpta nonnumquam etiam calefacientia adhibuerit, absinthium, theriacam, & hujus generis alia. Et Hippoc. 2. *de Morb.* aqua mulsa in febre continua ex bile utitur cum vino albo, & decocto milii, & 4. *de morb.* aqua ex favo mellis etiam in ardente.

At verò si à Fermentatione sanguinis varia, variæ Febres oriuntur, atque illa à diversi generis fermento, certè curatio Februm universè perficietur, aut remediis, quæ fermentum ipsum moderentur, & compescant; aut iis, quæ Fermentationem occlusus promoveant, & fermentantem succum veluti à sanguine alienum repurgent, secretumque per consentaneos naturæ ductus depellant, præsertim verò per sudorem, qui videtur in febrientibus frequentior, & salubrior. Cumque primus modus non adeò tutus quibusdam visus sit, cum subinde Febres à fermento deinceps excitato reviviscere soleant, ac vehementius invadere, factum est ut potior Medentum pars posteriori methodo inhæserit: Immò Helmontius propria, & specialia Februm remedia inquit esse diaphoretica, præcipuè verò suum Mercurium. Verum tamen est quandoque sudorifica parum, aut nihil profuisse, præsertim cum fermentum Febris alicubi in primis ducti-

bus hæsit; vomitum autem momento temporis abstulisse ex vino emetico, aliove promotum. Hinc animadversione dignum censeo, an Febres à fermento aliundè sanguini suggesto, vel à restagnante humore circa pylorum in pancreate, ipsoque ventriculo originem ducant: illæ enim desinent ab assumpto vomitorio, quod una simul blandè alvum movebit, ut pluries experimento confirmatum. In id ipsum convenire video Thomam Sydenham *in methodo curandarum Februm*, qui ex infuso croci metalorum, oxymelle scillitico, & syr. scabiosæ emeticum conficit, atque in ipso Febris initio exhibet.

At in ratione victus febrientium nostra ætate longè admodum à Veterum præceptis Medici recedunt. Et quidem si Febres acutæ sint, si chronicæ, & si intermittentes, si continuæ, eadem prorsus & invariata ciborum conditio, & quantitas apud illos semper est, cum manè contusæ, vespere verò consumptæ, & expressæ carnes pullorum indiscriminatim offerantur. Neque istæ solum, sed & elixæ cum oleribus, quæ calorem infringere creduntur; itemque assæ, & multifariam conditæ, præter bellaria omnis generis. Verum hæc cibandi norma his summoperè nocua est, cum exinde gravetur potius Natura, quam juvetur, excrementa plurima cumulentur, & Febris ipsa saltem protrahitur, nisi etiam deterior fiat. Si quis etenim, inquit Hippoc. cibum febricitanti dederit, si- 7. Aph. 67 cut sano robur, ita laboranti morbus fit.

Tametsi tam larga cibandi egrotos ratio perperam nostratibus instituta videatur; non tamen illos laudandos arbitror, qui indifferenter febricitantibus omnibus extremam inediam præscribunt. Porro observanda est



corporum affectorum varietas, num pueri, graciles, imbecilles, senes; an adulti, succi pleni, robusti sint egrotantes, & pro eorum dem ratione, nunc paulò plenior, nunc parior offeratur. Gracilibus enim, & Picrocholis adhuc instante paroxysmo, & inter ipsius Febris initia cibum in gratiam virium, & languentis stomachi, exhibendum esse suadet Galenus; quamquam Hippocrati per id temporis nocuus videatur. A viribus itaque victus ratio mensuranda: *Unum quippè illud est*, inquit Celsus, *quod semper ubique servandum, ut agrid vires subindè assidens Medicus inspiciat, & quandiu supere-runt abstinencia pugnet, si imbecillitatem vereri ceperit, cibo subveniat: id enim eius officium est, ut agrum neque supervacua materia oneret, neque imbecillitatem fame prodat*. Nec insuper statim victum permutare conveniet, documento ejusdem Hippoc. nisi tamen præcedens illius ratio morbi causa extiterit.

Mirum verò, quàm plerique nostratum vini usum damnent, ut nec illud gustare permittant; hinc factum est, ut adhuc ab ejus nomine vulgus hominum deterreatur. Verùm Hippocrates innumeris ferè in locis vinum febricitantibus commendat, & exhibendum esse præcipit similiter, & Galenus. Neque de illius calore verendum: nam præterquam quòd in horum corpore calor exoptatur, ultroque exquiritur, præsertim si syncope copuletur, ex documento ejusdem Galeni, qui vino utendum docet adhuc in febre ardente, quàm syncope comitatur, ex bile amara progenita; ab ejus usu moderato diuresis, & diaphoresis sollicitatur, & prætereà stomacho succurritur.

Quod denique plerique putant præcipuum, & præsentaneum Febriū

omnium remedium esse sanguinis missionem, autoritate Galeni dicentis, saluberrimum esse in omnibus putridis Febribus sanguinem mittere: tam est ab Hipp. mente alienum, ut potius in quolibet affectu, cui Febris juncta foret, à venæ sectione is abstinendum esse voluerit; Ut notat etiam Prosper Martianus *comm. in Coac. 79. sect. 3.* A sanguinis etiam detractio abstinendum docent Zacutus, Paschalius, alique licet Hispani, quibus cæteroqui sanguinis missio familiaris admodum esse consuevit. Atqui longè graviora obstant argumenta, aliàs à nobis recensita.

### DE FEBRIBUS INTERMITTENTIBUS.

**Q**Uandoquidem Febres omnes à mala, atque indebita sanguinis Fermentatione, sive mavis dicere, commotione, exoriuntur, atque ideò Ephemeræ, seu Diariæ, immò etiam Hecticæ ab eodem fonte manant, eam solùm Febrium differentiam retinebimus, per quam, vel intermittenter, vel continuè affligere observantur. Ad has verò facile etiam revocabimus, quæ ex periodis, symptomatis, fine, atque agendi modo fermentationis desumuntur. At primum Intermittentes prosequemur cognitu, & solutu faciliores.

Illud equidem cunctis perspectum est Intermittentes à Continuis Febribus differre, quòd hæ sic remissiones, seu declinationes succedentibus aliorum paroxysmorum initiis adnexas habeant, ut numquam agrum liberum deserant, & sæpenumero perpetim affligant, ut unicam referant accessionem, illamque aut semper crescendo ad plures dies protrahant, ut sunt Febres Græcis Anabaticæ, atque Epacmasticæ dictæ; aut semper

11. meth. c. 15. V. 2. epid. f. 5. v. 10. & 18. f. 2. coac. 72. Avic. de Ardent. Tert. Primer. l. 2. de febr. cap. 9. apud Pered. cap. de Ard. Fort. centur. 2. conf. 51. V. Helm. l. de febr. cap. 4. & comm. nostr. sup. 3. i. aph. Hippoc.

L. 8. mer. c. 2. & l. 10. c. 3. 4. & 5.

L. 3. c. 4.

2. Acut. 12. L. de nat. hum. 18. 19.

V. Cels. l. 3. cap. 9. 3. Acut. l. 40. & 2. de morb. 7. meth. c. 6. & l. 8. c. 3. i. ad Glauc. c. de tertiana, & quartana & 11. meth. c. 9. 11. meth. cap. 4.

V. Gal. 2. de differ. feb. 2. & 9. Meth. c. 4.



decrecendo ut Paracmaſtica; aut uniformem, continentemque noxam ſervando, ut Homotona, atque Acmaſtica. Illæ verò ſuas fortiantur repetentes acceſſiones, quarum inter declinationem unius, & ſequentis alterius principium, tempus aliquod interſit, quo æger omninò Febre vacet; quemadmodum ſunt Tertianæ, & Quartanæ ſimplices, & legitimæ dictæ.

Prætereà ſicut Continuæ à cauſa morifica ſanguini junctæ, aut perenniter eidem ſuggeſta exoriuntur; ita ab eadem per intervalla accedente, & recedente, Intermittentes Febres. Quamobrem ſi fermentum febrile ſanguini communicatum tenaciùs hæreat, ut ad longius tempus acceſſionem protrahat, quæ novum paroxyſmum, antequam precedens deſierit, excipiat, Febris Continua fiet; immò aliquando ſtatum unius, ſubingreditur altera acceſſio, cum fortaiſe illud citiùs, quàm conſueverit, cumulatur, & ſanguini adiicitur; At verò ſi febrile fermentum poſt aliquot horas à ſanguine ſecernatur, & per conſueta corporis emunctoria expurgetur, vel etiam inſenſibiliter per cutis ſpiramenta effluxerit; particulares acceſſiones nedum intermittent, ſed breves quoque erunt, ut in Tertianis intermittendis, Exquiſitis dictis, experimur, quarum paroxyſmi octo horis terminari ſolent, & vix ad duodecim, cum longiſſimi ſunt, extenduntur, neque repetunt, priuſquam humor certa quantitate cumlatus, & cum ſanguine permiſtus fermentationem denuo excitaverit. Evenire etiam poteſt, ut humor aliquis vitioſus ſanguini permiſceatur, illumque ſimili planè vitio infectum reddat; unde quæ Febris primò viſa eſt intermittens, progreſſu temporis continua fiat; ſicut etiam cum

ejusmodi vitium jamdudum in ſanguinis particulis contractum ſpontè fermenteſcendi cauſam attulerit, ut ſæpiſſimè accidit iis, qui ex mala corporis habitudine, vitiatoque ſanguine facilè in Febres incidunt, & ex quacumque levi cauſa morbos incurrun ab eodem ſanguine oriundos. Hinc autem fit, cur Quartana diuturniori laborantes ſenſim atrum cutis colorem induant, & lienis obſtructione afficiantur; quia ſcilicet acido ſucco jugiter ſanguis inſicitur, nec deinceps convenienter repurgatur; unde habitus corporis melancholicus evadit. Nec diſſimiliter accidit, cum aliter ſanguis inquinatur in cæteris Febris chronicis.

Intermittentes autem Febres Quotidianæ, Tertianæ, aut Quartanæ, quæ quotidie, vel alternis diebus, aut de quarto in quartum diem redeunt, vel ſunt ſimplices, vel compoſitæ, vel una, vel plures, ut ſunt duplices, triplicesque Tertianæ, aut Quartanæ, cum duo, vel tres paroxyſmi uno die contingunt, vel cum ſingulis diebus ſinguli reſpondent. De Quintanis, Sextanis, Septimanis, Nonanis, licet expreſſè ineminerit Hippoc. tamen Galenus illi contradixit, inde motus, quòd alios humores præter pituitam, bilem, ac melancholiam, ex quibus Quotidianas, Tertianas, & Quartanas pendere arbitratus eſt, in venis minimè reperiri exiſtimaverit: At fallaci planè conjectura, cum omnes febres à quolibet vitioſo humore fieri poſſint, ſi modò iſta tanta quantitate cumuletur, ut in dies ſingulos, vel alternos, vel etiam intervallo duorum dierum fermentationem promoveat ſanguini inconvenientem. Quare ſi ea alicujus corporis habitudo ſit, ut humorem progignat ſanguini diſſentaneum, cum quo permiſtus Fermentationem

1. Epid. f.  
3. V. Avi.  
1. 4. f. 1. tr.  
2. c. 68.



malam inducat, nonnisi quinto quoque die, vel etiam sexto, septimo, aliove, proculdubio is erit Febrem Quintanam, Sextanam, Septimanam, similemve excitaturus. Parum autem refert, an humor hic biliosus, pancreaticus, aqueus, aliufve sit.

Et sanè haudquaquam Quotidianæ, Tertianæ, & Quartanæ Febres à certis, & peculiaribus humoribus deducendæ: quasi quòd quotidie repetentes nonnisi pituitam, aut ejus locolympham, pro fomite recognoscant, & tertio, aut quarto die redeuntessolambilem, aut melancholiam, ut vulgò creditur, ex peculiari uniuscujusq; enarratorum humorum proprietate. Quandoquidem Quotidianæ, Tertianæ, & Quartanæ Febres à periodis, quas referunt, ita dicuntur: & plerumque symptomata bilem attestantia in quotidianis Febris observantur; & pituitosi humoris indicia sæpèpius sunt in quartanis, & è converso. Non semel contingit experiri Quartanas, & quidem diuturniores in hominibus, qui habitu obesi, ac phlegmatici erant; aut etiam sanguineo, roseoque colore præditi. Plerique etiam sunt, qui à Tertianis longissimis, inveteratisque Quartanis, incolumes evasere, vomitu crudorum, tenaciumque succorum, sicut contra, à Quotidianis, egesto acido, aut amaro, flavoque humore. Porro vulgarium iste Medicorum error non aliundè prodiit, quàm à coloribus, quibus excreti in ejuscemodi Februm generibus succi intincti videntur, unde decepti Tertianas dixere à bile progenitas, à phlegmate Quotidianas, & Quartanas à melancholia. Verum humores isti revera nulli sunt in sanguine; & colores in excretis apparentes à varia succorum mistura, & fermentatione fiunt, potissimum ve-

rò ejus, quæ ex succo pancreatis, & cystis felleæ, unà cum illabente chylo in tenui intestino peragitur; ideòque pro varia eorumdem succorum, aliorumque fortassis è glandulis intestinorum extillantium affectione, admistione, atque agendi vi, modò flavus, & croceus, si bilis; modò viridis, aquilus, & niger, si pancreaticus liquor; modò albicans, & cineraceus, si crudus, & indigestus chylus, aut alius succus in commistione præcellat. Pari ratione tenues, & crassi, fluentes, & tenaces, mordicantes, & inertes, alique similesegeruntur, pro diversa eorumdem vi, & conditione, in acrem, acidum, austerum, falsum, aliumve saporem inclinante, sicuti cuilibet Chymi ægnaro, qui varios liquores miscuerit, notum esse potest.

Hinc Februm Intermittentium fomitem è primis ductibus in imo ventre suppeditari, potissimum verò ex pancreate, cysti fellea, mesenterio, ejusque glandulis, & intestinorum, aliarumque partium adjacentium, primus omnium suspicatus est Fernelius, ac post ipsum ex anatome deduxerunt Sylvius Deleboe, Regnerus Graaffius, alique. Et quidem rigores, horrores, lancinantes dolores in lumbis, & intestinis, vomitus, dejectionesque, oscitationes, anhelitus, pulsuum contractiones, & alia, quæ Febres intermittentes inter initia comitantur, id ipsum ostendunt. Nam quæ de fuliginibus, de effusa è venis per habitum corporis bile, de retracto in cor calore, & spiritu finguntur, tam vana, & futilia sunt, ut examinari non mereantur. Neque insuper plenè satisfacit Villisius, qui in succum alibilem è cibis suggestum, & sanguini jam vitiato commistum, adeoque depravatam, hujus rei causam refert: Hac

enim

V. Averr  
4. coll. 28.  
Hipp. 2.  
de morb.  
Sibile,  
inquit,  
infesta-  
tur ho-  
mo, fe-  
bris ipsū  
corripit  
quotidie  
ac dimit.  
V. Rhod.  
obs. med.  
Cent. 2.  
obs. 11.  
de quar-  
tana ex  
pituita;  
id ipsum  
observa-  
tum à me  
in Duce  
S. Mauri  
Pigna-  
tello



enim ratione cibo prorsus abstinendum esset, ut Februm repetentes accessiones desinerent; cum tamen extrema servata inedia adhuc ingruant; & aliquando desierint cum graviter in victus genere ægrotantes erraverint. At tamen eidem plurimum quoque negotii facessit multiplex per unicum diem febrilium accessionum repetitio, & intermissio, in cujusvis generis Febris periodicis.

Itaque ab incongrua mistura succi pancreatici, & biliosi cum chylo, aliisque succis in tenuia intestina confluentibus potior videtur Intermittentium Februm petenda causa: & quidem si exinde acritudo sanguini accedat ex excedente, vitiataque portione biliosa, una cum acriori succo pancreatico, Febres consequentur cum rigore, quem mox sequetur ingens calor, sitis, inquietudo, si verò potius acidum exorbitet, Febris erit cum horrore; si denique crassitudo, & glutinamentum prævaleat, cum sola extimarum partium refrigeratione. Hinc quoque Febres biliosæ dictæ, cæteris breviores, pituitosæ longiores, & melancholicæ nuncupatæ mediæ inter utrasque in suis accessionibus esse solent. Ab hac autem succorum æquabili compage Febres orientur heterogeneæ multigenam varietatem referentes, cum difformibus symptomatis, varioque procedendi modo, quæ propterea vocari solent spurix, & illegitimæ. Quòd si bilis iners sit, aut glutinosa reddita concreseat, ut acidum succum pancreatis moderari minimè possit, sicuti chylum in salum liquorem non commutat, & crassum, compactumque alibilem succum efficit, ita crassioris humoris naturam ad apta Febres parere poterit, quæ à pituita progigni putantur; sicut è con-

verso lymphæ acrior, aut falsior facta, Febres aliquando exhibebit, veluti à bile progenitas; itemque si consistentiore evaserit, acorem nata, etiam referre poterit eas, quæ vulgò melancholiæ tribuuntur.

Unde verò citius, aut tardius, semel, aut pluries repetant singulo quoque die, tertio, aut quarto, itemque quinto, sexto, septimo, & in suis circuitibus brevius, aut diutius perdurare soleant; Causa deducenda videtur à citiori, vel tardiori fermentorum conventu, & cum sanguine mistura; necnon ab eorumdem conditione varia, per quam fermentationem subito excitent, & absolvant, an potius in longius tempus differant, modo, quo experimur quædam vina brevi fermentescere, alia per diu: nonnulla facilius, alia difficilius. Plurimum quoque ad id conducit loci, unde fermentum promovetur, habitudo, & cum ductibus chyli, aut sanguinis communio, & societas; robur pariter, & sensus, quo partes affectæ præditæ sunt: quamobrem à fermentante succo tenui, vel crasso, inerti, aut vegeto, paucò, vel multo, à vasis chyloferis, & sanguineis remoto, vel proximo, atque à partibus imbecillis, & insensibilibus, validis, exquisitèque sentientibus, variæ admodum contingunt, & quidem tardæ, vel celeres, breves, vel longæ, quæ faciliè, vel difficilè resolvuntur.

Accidit autem non solum in confluxu tenuium intestinorum depravatos succos pancreaticum, & felleum indebitam fermentationem excitare; verum etiam in vasis lacteis, Receptaculo Pecqueti, ipsoque transitu ductus Thoracis: quo fit, ut aliquando inæquales rigores, dolores, & inter Februm æstus varias subeant concussiones, commotionesque cum frigo-

V. Gal. 2.  
de diff.  
febr. c. 11



re, & oscitatione ægrotantes; vel etiam inter horrores, algoresque veluti evaporationes calorificas cum rubore faciei: Quamquam hæc non rarò à vaporibus ipsorum fermentescentium humorum oriantur. Repetunt verò plerumque paroxysmi statim horis, & temporum intervallis, quoniam succi isti febrile fermentum sanguini subministrantes æquabili mensura ab indicto motu, & circuitu, in certum tempus secernuntur, & cumulantur, ut repetitis observationibus deprehendit de succo pancreatico, & bilioso in vivis canibus Graafius, deque sanguine ipso jam cunctis notissimum, atque pari ratione de lymphæ, cæterisque judicandum: quæ si fortasse prævertantur, & à consueto declinent; Erraticæ proculdubio Febres prodibunt, licet istæ adhuc in vago suo reditu ordinem quoquo modo servare soleant.

Non rarò etiam Febres consequuntur unius solum humoris vitium, si modò is cum sanguine commisceatur. Sic namque Febres à lymphæ, bilioso, aut pancreatico liquore se junctim vitiatis, atque in vasa sanguinea traductis, passim observantur; aut quia illi non bene à sanguine secernuntur, & in sua conceptacula percolantur; aut quia denuò ope circumeuntis sanguinis à venis resorbentur. Verùm istæ Febres plerumque synochæ esse consueverunt, nec si semel desierint, amplius repetunt, repurgato scilicet sanguine per crissim.

Redeunt, & Periodicæ febres sive intermittentes, sive continuæ illæ sint, ejusdem generis, & naturæ tunc dicuntur, cum repetentes paroxysmi sibi invicem respondent in modo invasionis, tempore durationis, & in adjunctis symptomatis; unde si quotidie sibi mutuò in his respon-

deant, Quotidiana; si alternis tantum diebus, Tertianæ Febris dicitur. At si una uno die invadens secum ferat symptomata alteri non respondentia, hæc profectò dux Tertianæ dicuntur: Sic & Quartanæ duplices, triplicesque appellantur, cum per binos dies accessiones redeunt, sequenti tertio die vacuo; vel singulis quibusque diebus novi semper ingruunt paroxysmi. At verò nil e quidem verat, quin & quotidie repetentes dicantur Quotidiani, si scilicet singuli in dies compareantur; pariterque Tertiani, si alternatim solum; & sic porro de aliis.

Quoniam autem Intermittentium periodicarum Februm comes indissolubilis est Rigor, Horror, vel levis extimarum partium Refrigeratio, aut mistum quidpiam uni, aut alteri magis analogum in spuris, confusisque febribus; Verisimile admodum existimamus Rigorem à fermento acriori, Horrorem ab acidiori, & levem Refrigerationem à viscosiori pendere. Id autem haberi poterit à solo succo pancreatico, vel etiam à congressu cum aliis; si nimirum inde acrior, acidior, vel consistentior mistura fiat; quæ ductus chyli, & sanguinis pervadens, eam excitet fermentationem, ut referat symptomata Quotidianis, Tertianis, aut Quartanis respondentia. Si bilis prætereà acorem succi pancreatici temperare nequeat, hic chylo commistus, & in cor delatus sanguinem reddet glutinosiorem, & acescentem; unde Febres diffformes periodos referentes cum symptomatis dissimilibus. Neque rationi, & experimento dissentaneum, posse etiam fermentum febrile cordi, & sanguini communicari à glandulis lumbaribus, & mesentericis, cum jam apud plerosque constet, in his, sicut & in reliquis

De Rigor. V. Hippoc. I. de morbis: ibi Rigor quidem in morbis fit.



V. Ephē.  
Germ.  
ann. 70.  
obfer.  
Elifneri.

visceribus, propria, & peculiaria inesse fermenta, quibus succos illuc confluentes, chylum, lympham, sanguinem ipsum diluant, purificent, transmutent. Observatum quoque aliquando est, chylum per lactea vasa in eas glandulas deductum, vitio eorumdem in humorem degenerasse foetidum puri non dissimilem, cordi, & sanguini quammaximè infensum, qui cum post aliquot horas à pastu ductum Thoracicum transiliret, febres, anxietates, dolores, rigores, syncopas, aliaque graviora symptomata afferret; ut & in quodam Monacho interdum Nos observavimus. Itaque fermenta Februm non solum suggeri possunt ab his, quæ nuper memorata sunt, partibus, sed ab innumeris penè aliis.

At verò licet Intermittentes Febres cum signis plerumque manifestis, rigoris, horroris, & frigoris invadant, non tamen hoc perpetuum, & inseparabile signum censendum est: etenim Continuas adhuc febres rigore, & frigore comitari sæpe contingit: quod etiam observavit Hipp. 4. *Aphor. 46.* inquit, *si Rigor incidat. Febre non intermittente, agro iam debili, lethale.* Sicut enim retuso acido acrisucco pancreatis Rigor, vel non fit, vel levissimus, ita eodem acriori reddito vehementior ille fieri solet, qui si una simul acrior, & multus sit, ut proinde accessionem in longius tempus protrahat, quam mox altera excipiat, ob citam prædicti succi congestionem, & cum bile repetentem fermentationem, certè continuam quoque Febrem pariet. Cæterum quousque fermentum cum sanguine commistum repetitis circuitibus in sua conceptacula secernatur, aut per alvum, urinam, sudorem expurgetur, eo usque Febris perdurabit. Quamobrem pro varietate fermen-

tantium humorum, qui citius, vel tardius, facilius, vel difficilius à sanguine repurgantur, breviores, aut longiores accessiones oriuntur.

Sicuti fermenta febrilia, seu humores præter naturam geniti indebitam fermentationem, & Febrim inferre valentes, varii, diversique esse possunt; ita causæ procætarctice non unius generis erunt, neque semper eodem modo ejusmodi perturbationem in sanguine excitabunt. Aer quippè non semper calore, sed plerumque etiam frigore Febris occasio fiet; immò etiam ob varios, diversosque halitus, & vapores per ipsum dispersos. Cibi pariter, & Potus diversimodè idem præstabunt, præsertim verò quantitate, qualitate, & tempore nocui. Motus item immodicus, & Otium. Somnus, atque Vigilia si modum exceßerint; necnon Evacuationes consuetæ retentæ, & Animi pathemata vehementia, ac diuturna, de quibus alibi dictum. Hæc autem pro varia in corporibus impressione, eorumque habitudine; modò Intermittentium, modò Continuarum Februm occasiones erunt, prout in sanguine diathesim levio-rem, graviolemque induxerint.

Intermittentes à Continuis Febris internoscere, quamvis facillimum videatur, non rarò tamen seniores rei Medicæ Professores in hoc falsi sunt. Siquidem Febres aliquando declinationem adeptæ, plurimum planè remittuntur, at nequiquam omninò intermittunt. Neque solum à pulsu tardiori, & rariori tutò licebit de intermissione februm conicere, sed potissimum à recessu symptomatum, quæ Febrim comitantur. Quare fucata dicenda erit illa intermissio, cum licet calor temperatior appareat, & laxior pulsus, capitis tamen, vel lumborum dolor, sitis,



vigilia, aliudque symptoma adhuc perseveret. Debent itaque Febres adeo per intermissionem desinere, ut nullum sui vestigium relinquant, & ægroti omni noxa vacantes, veluti in salutis statum videantur reverti. Sæpè sæpius etiam Febres cum manifestis signis rigoris, aut horroris invadentes, sudore, dejectione, vomitu promptè terminantur, & intermittunt; aitque Hipp. *quibus in Febris quotidianè rigores fiunt, quotidianè Febres solvuntur*. Quotidianæ verò, Tertianæ, & Quartanæ non solum periodis distinguuntur, sed etiam quia Tertianarum comes solet esse Rigor, sicuti Quartanarum Horror, qui ex Galeno inter se invicem differunt duratione, & sensu illato: Rigor enim vix horam attingit; at Horror, etiam duas, tres, aut quatuor transcendit. Rigor sensum incutit punctiōis, & acritudinis; Horror verò congelantis frigoris; in utrisque autem patientis corpus insigniter intremat, & concutitur. Hinc ait Galenus, rigentes veluti spinis pungi videntur; horrentes verò veluti glacie perfundi. Paroxysmi duodecim horas non excedunt; ultra hoc tempus protracti, spurias, & illegitimas Febres denunciant.

Febres verè Intermittentes periculo vacare scribit Hipp. atque ex his Tertianam exquisitam septem circuitibus terminari. A rigore etiam superveniente continuis febribus eas solutum iri admonet, nisi tamen sexto die accidat, aut æger post ipsū non facilè recalescat, aut sopore corripitur, cum levi sudore, torpore, ac vocis defectione, cervicis dolore, refrigerationeque, aut citrà sensibilem succedentem evacuationem. De Quartanis autem ait, æstivas breviores, autumnales longiores, & præsertim quæ hyemem attingunt; easq;

nisi Vere, rarò solvi subdit Celsus, diutiusque protrahi, quæ cum obstructione, aut lienis scirrho conjunguntur: & quamvis convulsis auxiliari dicantur; visum tamen aliquando contrarium est. Cæterum Quotidianæ reliquis semper periculosiores sunt ob afflictiones quotidie repentes, & longas satis accessiones, quæ vix immunem ægrum à Febre relinquant, cum & xviii. xx. & amplius horas perdurent. Quòd si statis horis redeant, per diem ingruant, & noctu deindè exacerbentur, longè graviores erunt.

Pleræque hujus generis Febres non rarò certis tempestatibus contingunt, quæ spontè sua absque ullo medicamentorum usu sensim remittuntur, ac tandem salubriter desinunt, sudore, dejectione, vomitu, aut urina copiosiori; ab adhibitis verò remediis potissimum evacuantibus, in longius tempus protrahuntur aut in peiores commutantur, impedito nimirum fermentationis, & secretionis motu. Aliquando verò omninò expediet congruum propinare medicamentū, quod febrile fermentum aut exturbet, aut corrigat, & refrænet; immò & sanguinem ipsum à contracto vitio depuret, repurgetque. Inter ea, quæ febrile fermentum, seu degenerem à sanguine humorem extra corpus eliminant, tutiora plerumque sunt Vomitoria ex infuso croci metallorum, Reguli Antimonii, aliisque similis. Jucundum autem, & perquam accommodum experti sumus aliquoties oxysaccharum emeticum Angeli Salæ. Post finitam Emetici operationem, exhibendam suadet Thomas Sydenham paulò ante paroxysmum largam diascordii quantitatem, ut ejus impetus infringatur; si tamen Febres istiusmodi vere, & æstate contingant. Neque solum inter initia, &

2. Aph. 25  
L. 3. cap.  
16. 1.  
epid. 5. 5.  
Aph. 70.

4. Aph. 30

4. Aph.  
43. Eod.  
59. Ibid.  
58. Ibid.  
29. & 1.  
prorrh. 2.

In Coac.  
prænor.

Moth.  
cur. febr.  
f. 3.



in Febris acutis, sed etiam in chronicis, & contumacibus unice prodesse vomitum testatur Galenus *lib. I. ad Glau.* ipsumque alii plurimi salutarem se expertos confitentur. Quod si alicui vomitus insuetus sit, aut non ferendo videatur, maxime utilis erit pulvis Comitidis de Vvarvich qui solus plurimas Intermittentes, immo & Continuas Febres, adhuc in principio solvit per æstatem, & autumnum. Cavendum autem, ne ab intempestivo, & inconvenienti medicamento purgante vires deiciantur, agitentur magis humores, aut alii, quam qui peccant, inutiliter educantur, succedente etiam hypercatharsi. Nec prætereà fidendum iis, quæ vulgò benedicta appellantur, quasi quod solum leniant alvum, & primos, ut ipsi dicunt, ductus abstergant, ideòque innocue sumi possint, ut Manna, Viola, Rosa: Hæc enim tam nocua sunt in Febris, quam quæ alia, cum facile corrumpantur, stomachum relaxent, & febrile fermentum augeant; unde diarrhœa, cardialgia, cibi fastidium, & ingens sitis, præter alia, sæpissime suboriuntur. Quare Riverius in his Febris, etiam diuturnis, ipsaque Quartana usus est Mercurio dulci sexies sublimato cum resina jalapæ, vel scammonio vapore sulphuris correcto, seque optatum ex hoc remedio eventum, ac propositum assequutum innumeris planè exemplis testatur, *in centuriis Observationum Medicarum*.

Cum à glutinosis, crassisque succis foveri Febres videbuntur, Diæta attenuans sit, & medicamenta quæcumque diuresim, aut diaphoresim quoque moveant, unaque simul stomacho opitulentur. Verumtamen non statim à principio sudorifica exhibeantur præsertim potentiora, cum

non facile crassi humores sudore possint educi; juvabit propterea primum illos sensim attenuare, deinde per cutim educere, nisi tamen à vomitu fuerint magna ex parte discussi, & excreti. Si verò humores acres sint, illos temperabunt partim alimenta molliora, partim etiam medicamenta humectantia levioribus acidis commista, ut etiam anodyna, & narcotica blandiora: quæ etiam acidum infringent, si id præcellere videatur, præter ea, quæ sale volatili sunt prædita, minimè verò oleosa, ne inde æstus, & sitis inducatur. Quibus verò signis ejusmodi humorum vitia dignoscantur, alibi dictum.

A sanguinis missione nil quidquam juvaminis unquam sperare licebit in Febris Intermittentibus, cum hæc somitem extra venas, & arterias habeant in imo ventre. Nec insuper illa videtur Galeno commendata, nec minus Aetio, Æginetæ, aliisque Græcis Authoribus; sed nec Arabibus plerisque, præsertim Avicennæ, & Averroi, cæterisque ex Latinis Scriptoribus innumeris. Indè enim nulum febrientibus juvamen evenire, ratio, & experimentum pluries evicit, infracto scilicet robore vitali, quo Natura causam morificam debellat. Notissima est Historia Cardinalis Toletani ab Helmontio memorata, cui sanguis licet ad omnem venarum depletionem fuisset exhaustus, nunquam tamen potuit Tertianæ Febris adimi, ut tandem infelicitè perierit.

Quoniam verò sæpè sæpius spontè naturæ solent Febres copioso sudore desinere, postquam illæ aliquatenus deflagraverint, sudorificis sine ullo metu utendum; attento autem præprimis motu naturæ. Inter varia tamen, & innumera, ex carduo benedicto, dictamno, scordio, contra-

De usu  
Narcoti-  
corum.-  
V. Hipp.  
2. de  
Morb.



yerva, angelica, carlina, scorzoneria, vipera, cornu cervi, camphora, succino, nitro, sale ammoniaco, vitriolo, tartaro, stibio, mercurio, parata, salia, pulveres, electuaria, spiritus, elixires, tincturas, aquas, magisteria, tutiora, jucundiora, & efficaciora fuere hæc hæc hactenus observata: sal cardui benedicti, absinthii, & prunellæ, tartarum vitriolatum, sal volatile succini, & viperinum, spiritus salis ammoniaci dulcis redditus, stibium diaphoreticum, & omnia Bezoardica, & Mercurialia fixa, ritè præparata. Summis laudibus extollitur ab Helmontio Mercurius diaphoreticus; at ejus præparatio inter arcana reservatur; decoctum tamen asari ad Febres chronicas, & ad Quartanam spiritus salis marini commendatur. Ex sale polychresto è fuligine camini elicito, sale prunellæ, & stibio diaphoretico pulvis efficacissimus conficitur, quo non solum Febres Intermittentes, sed etiam Continuæ mirabiliter curantur, promotò sudore, aut diuresi. Febrifugum Riverii creditur Rolfinchio componi ex Sole, Mercurio, & vitro Antimonii solutis, cohobatione iterata destillatis, & in pulverem redactis, cui additur diagridium, cum alvi solutio desideratur. Apud Grulingium describitur sal quoddam antifebrile, cujus usu ad dr.j. duabus, vel tribus horis ante accessionem in aqua centaurii minoris, vel simili sudor sub declinatione paroxysmi manare dicitur, & Febris aboleri. Conficitur id ex sale ammoniaco sublimato, nitro præparato, sale cardui benedicti, absinthii, & centaurii minoris in aqua cichorii solutis, atque in salem crystallinum secundum artem commutatis. Proponitur quoque ab eodem pulvis ad Febres omnis generis ex septem rebus compositus, qui

valdè utilis observatus est. Jam nunc frequentissimus est apud omnes usus pulveris corticis Peruviani in vino primum infusi, mox antè accessionem exhibiti, quo ingruens paroxysmus coercetur, & fermentatio impeditur, licet post aliquot dies redire soleat. Tanta autem nonnullis in hoc pulvere fiducia est, ut etiam in Continuis Febribus illum offerre non dubitent: at non semper res ex voto succedit, ut subindè Febris, quæ continua est intermittat, quamquam his temporibus genuinus cortex vix inveniatur. Quare in ejus locum suffectus est in publico Nosocomio D. Virginis M. Annunciatae alius ex corticibus cupressi, & malorum aureorum dulcium, cum radice gentianæ, cui prout necessitas postulaverit, etiam addere solemus tartarum vitriolatum, & stibium diaphoreticum: eo autem ter exhibito Febris desinere solet. Id ipsum etiam experti sumus ex pulvere corticum radice arboris Persicæ pari modo in vino albo veteri exhibito cum sale absinthii, vel centaurii minoris; pariterque ex nitro fixo in aqua calenti soluto, & dum hæc evaporat, in tenuem pulverem redacto, ad scr.j. cum scr. ss. pulv. Coffe ante accessionem. Aliam ex nitro misturam, & singularem præparationem Ausfeldianam recensent *Eph. German. annot. ad obs.* 196. *Ann. 2.* adversus Febres Intermittentes efficacissimam. Meminit alterius pulveris Bartholinus de ganaperide dicti, ad eundem usum. Commendatur etiam à Friderico Deckers pulvis alius ex corticibus ligni guajaci, & fraxini, extracto radice gentianæ, & angelicæ, stibio diaphoretico, sale volatili ammoniaco, seu floribus ejusdem cum myrrha. Franciscus Piens multos à Tertianâ liberasse fatetur. haustu febrifugo

Crol-

Chym. in  
ar. for.  
red. l. 5. f.  
6. c. 12.  
Gruling.  
Flor.  
Med. p.  
23.

Cent. 2.  
epist. 42.



Crolliano aquæ cichorii ad unc. ij. fal-  
lis absinthii ad dr. ff. & spiritus sulphu-  
ris ad scr. j. Ad Quartanam verò me-  
morat medicamentum sibi à Jacobo  
Cochio communicatum, quod habet:  
*Aq. card. bened. unc. iij. alum. crud.*  
*pulv. dr. i. olei sulphur per campanam*  
*elicti scr. i. sal. centaur. minor. dr. ff.*  
fiat haustus calidus. Hoc & ipse sæ-  
pius feliciter usus sum, etiam si Quar-  
tana hyemem attigisset. Hydrodia-  
phoreticum, & Hydrocatharticum  
Turqueti, quoniam nil præstantius ad e-  
jusmodi Febres debellandas inveniri  
idem Piens testatur, voluit, ut alios  
lateret. Alia plurima proponuntur  
ab aliis, quæ consultò omittere vi-  
sum est, sicut & externa medica-  
menta carpis manuum applicanda,  
ut est emplastrum Strobelbergeri de-  
scriptum à Schrodero in *sua Phar-*  
*macopœa*, & à Grulingio in *suo Flo-*  
*rilegio*; itemque cataplasma febrifu-  
gum Principis Anhaltini: Fetus à  
Lotichio relatus; & oleum febrifu-  
gum ejusdem Strobelbergeri. Refert  
se à duplici Tertianâ curatum Boyle  
circa manuum carpos apposita mi-  
stura ex sale, lupulo, & resinis co-  
rinthiacis. A spinæ inunctione cum  
oleo seminum colocynthidis Tertia-  
nam aliquando curatam vidi; sicut  
etiam à cataplasmate lumbis admoto  
ex albumine ovi, croco, & mirrha,  
cum modico camphoræ. Quo autem  
pacto ista Febrem tollant explicare  
conatus est Th. Villisius *de Febribus*  
*Intermittentibus cap. 3.*

### DE FEBRIBUS CONTINUIS.

**C**ontinuæ Febres sunt, quibus e-  
grotiusque laborant, nec inter-  
mittere observantur, nisi morbus  
omniñò solvatur, quamvis remissio-  
nis, & exacerbationis tempora quo-  
que habeant, cum nunquam, vel ra-

rener admodum videantur, singulis,  
vel alternis diebus, paroxysmis certa  
hora repetentibus destitui. Ad has  
reduci possunt Diariæ tum legitimæ,  
tum nothæ, itemque singulo die, vel  
etiam alternis, citra ἀπυρεξίαν inva-  
lescentes, uti præ cæteris est, quæ  
Græcis Tritæophyes, ac Tritæus no-  
minatur, nimirum quia tertio quo-  
que die exacerbatur, sed unius Ter-  
tianiæ naturam refert: necnon Febris  
Ardens, & Lipyria, quæque Maligna,  
atque etiam Pestilens dici solet.

Tribus autem modis putat Villi-  
sius Febres continuas fieri; videlicet  
à tenui sanguinis fervefacti portione,  
seu spirituum ebullitione; unde Ephe-  
mera, & Synochus unius, aut plu-  
rium dierum: à sulphurea, seu oleosa  
ejusdem sanguinis parte nimis exca-  
lescens, & accensa; unde Febris Pu-  
trida dicta: & demum à miasmate  
venenato sanguinem inficiente, ejusque  
liquorem congelante; unde Febres  
Malignæ, Variolæ, Morbilli, Pestis  
ipsa. Paroxysmos autem, inæquali-  
tates, & motus criticos varios, cum  
his jungi solitos, oriri arbitratur à  
succis alibilis recens in sanguinem  
congesti depravatione, seu potius  
corruptione, ut fusiùs apud eun-  
dem.

Verum Deleboe Sylvius, Continuas  
Febres quolibet, tertio, vel quarto  
quoque die exacerbationes, mox e-  
tiam remissiones habentes, non sim-  
plices, sed compositas existimat, ex  
Synocha æquabiliter procedente, &  
ex Tertianâ frequentius, rarius ex  
Quotidiana, rarissimè ex Quartana  
Intermittente; more quo Galenus  
Hemitritæum ex Hippocrate descri-  
psit Quotidiana Continua, & Ter-  
tiana Intermittente constantem.

Non prætereundum tamen, Con-  
tinuas fieri posse dupliciter: primò à  
fermento sanguini intraneo, sive à

De febr.  
c. 7. &  
seq.

L. i. prax.  
cap. 27. &  
31.



propriis ejusdem particulis disparibus in fermentationis motum actis; puta cum portio sanguinis glutinosa, & alibilis non benè à tenuiori subigitur; vel contra, tenuior hæc illam indebitè exagitat, & perturbat; vel cum partes chyli impuriore iteratis circuitibus à sanguine secernendæ non repurgantur, sed detentæ illius naturam vitiant, & inquinant. Secundò à fermento sanguini extraneo, sed affiduo eidem, & cordi suggesto, ut est chylus, lymphæ, succus pancreaticus, & felleus, aliisque, si fortassè in sanguinis ductus feratur. Ad primam classem videntur revocari posse Ephemeræ, seu Diariæ Febres, & quæ Synochi, Continentesque Febres appellantur. Ad secundam verò Synochæ, & Continuæ, quas vulgò Quotidianas, Tertianas, & Quartanas continuas nuncupare solent.

Et quidem Diariæ Febres levem in sanguine fermentationem designant promotam à particulis ejusdem tenuioribus aliquantulum exaltatis, potissimùm à causis externis, æstu aeris, insolatu, motu immodico, potu vini meracioris, crapula, animi pathematis, præsertim ira, & similibus. Cumque suapte natura, commotus sine sui vitio sanguis, post aliquod tempus consistat, atque in suum statum remittatur, solent propterea Febres istæ spontè terminari post unum, duos, vel tres dies, nisi aliud accesserit, quod in longius fermentationem protrahat. At si ejusmodi in sanguine exagitatio, & partium tenuiorum exaltatio, acrem, sulphuream, vel biliosam conditionem consequatur, talem certè orgasmum, & æstum afferet, ut præter Febrim exurentissimam, ingentem quoque sitim, inquietudinem, vigiliam, dolorem, anxietatem, & alia graviora symptomata arceat: id

quod plerumque fieri solet, cum in sanguine acres partes adaugentur, nec pro ratione secernuntur; quamobrem duratura Febris tamdiu erit, & planè continenter, quamdiu partes ejusmodi acriores fuerint in cystis percolatæ, aut etiam per reliqua corporis emunctoria foras expulsæ. Contingit pariter, Ardentis Febres referre typum Continuarum repetitas accessiones, & tempora sensibilis exacerbationis habentium, cum novæ portiones ex cibo, & chylo suggeruntur, vel etiam ipse sanguis in citiorem motum adigitur; itemque lymphæ acrior, vel felleus humor compari vitio affectus sanguini refluente commiscetur, & per venam cavam in cor defertur, aliisque succus acer, tenuis, falsus, aliter vitiatum è visceribus communicatur. Quod si fortassè fermentum ejusmodi à sanguine deinceps secernatur, atque in sua conceptacula vi quadam irritante deponatur, quæ primùm Continens, vel Continua fuit, Intermitte Febris evadet, aut omnino desinet, ut dicitur 4. *Aph.* 58. A detentis etiam partium recrementis sudore, sero urinario, sanguinis ichore, pure, diversisque halitibus, & vaporibus, itemque veneno, vel epoto, vel infuso, medicamentis præsertim catharticis, & similibus Continuæ Febres sæpè sæpius oriuntur. Sed & hæ Synochorum naturam referentes accidunt, cum in finibus Arteriarum, ubi pulsus, vel nullus, vel inconspicuus fit, hæret sanguis, & concrevit in grumos, pariterque in Jecinore, Liene, Mesenterio, Pancreate, Pulmone, cæterisque visceribus; quin & aliquoties compertum est Febres Malignas, Pestilentesque subortas à concreto, grumefactoque sanguine in Arteria pulmonica, immò etiam in cordis

V. Gal. 2.  
de cris.  
c. 6.



ventribus, & auriculis ex pravis halitibus per aera dispersis sanguinem figentibus; unde syncopæ, pulsuum languores, corporis refrigerationes, & interitus.

Ab internis prætereà inflammatio- nibus, si potissimum illæ Erysipelato- des sint, Febres Continuas, & acutas progigni apud omnes in confesso est, cum adhuc à spina digito infixæ ve- hementissimas, continentisque Fe- bres oriri experiamur, quamquam nullum sensibile vitium in sanguine præextitisse constiterit. Neque sunt raræ ejusmodi Febres ab inflamma- tionibus, & abscessibus internis in- ductæ; immò pleræque ab interno- rum viscerum affectionibus prove- niunt, & sæpissimè in lethum desi- nunt, ut passim cadaverum disse- ctionibus innotuit. Quin Erasistra- tus Febrem nullam sine inflammatio- ne esse dixit: quod saltem in conti- nuis verum existimat VVepferus. Hæ verò inflammationes, & abscessus non tam facilè sensibus patefiunt, vel quia exiguæ molis, & erysipelatis conditionem referunt; vel quia glan- dulas, aliasque insensiles, aut pro- fundiores corporis partes occupant; vel quia demùm in gangrænam, & sphacelum deducuntur, propterea- que sensum doloris adimunt. Porro hæc quamvis exigua videantur, in- sensissima tamen sunt, & Malignas Febres arcessunt propemodùm im- medicabiles, cum symptomatis vene- ni notas referentibus.

Cæteræ verò febres continuæ, Sy- nechæ Græcis dictæ, suis peculiari- bus accessionibus, cum manifesta ex- acerbatione, & succedente remissio- ne repetentes plerumque à fermento sanguini extraneo, & aliundè sugge- sto pendere solent, præsertim autem succo pancreatico, & felleo, lymphæ, chylo, ciboque in ventriculo, inte-

stinis tenuibus, ductibus chyloferis, glandulis, pulmone, corde ipso de- generatis, depravatisque. Quoniam enim hi humores statim temporibus secerni, repurgari, & in suis conce- ptaculis colligi solent; cibus verò, pe- culiaribus fermentis confectus, di- stributus, & secretus in suos ductus traducitur, & in alibilem succum commutatur, fit propterea, ut per certa tempora paroxysmos moveant & incrementa, ac decrementa feбри- lia disponant, & moderentur. An- tequam autem una accessio desinat, altera subingreditur, quoniam prius- quàm iteratis circuitibus sanguis à fermento depuretur, illudque extra se in emunctoria corporis amandet, novum certa quantitate coaduna- tum denuò cum eodem commisce- tur, & in novam fermentationem priori non dissimilem illum excitat, qui rursus, pari recursum, & percola- tione iterata, ab illo seipsum extri- cat, quod iterum collectum, & san- guini commistum aliam fermentatio- nem, & febrim parit, sicque deinceps, quousque fermentum febrile omnino absumptum, expulsum, vel coerci- tum fuerit. Hæc autem certa lege, & ordine, statutoque tempore plerum- que contingunt, ut ferè admirationi sint, sed tamen normam, & modera- men capiunt à circulante sanguine, & subinde à collectione ejus humoris, qui fermentationem in sanguine pro- movet; unde fit, ut aliquandò novus paroxysmus priorem insequatur in statu, quandoque in principio, vel fine declinationis, cum vix febrile ægrum dicas; prout citius, vel tar- dius febrile fermentum fuerit cumu- latum, paucioribus scilicet, aut plu- ribus sanguinis circuitibus, & secre- tionibus.

Accidit autem aliquandò, ut re- currentes febres alternis solum acces- sioni-



fionibus sibi invicem respondeant, videlicet tertia primæ, & quinta tertiæ; quarta secundæ, & sexta quartæ; idque vel ex fermento dissimili, ac heterogeneo, eoque duplici, quorum unum per dies impares, alterum per pares colligatur; & cum sanguine commistum fermentationem excitet; vel quòd unum, idemque fermentum diversimodè in memoratis diebus afficiatur ex accessu, & commistione alterius succi statò quoque tempore remeantis à circulante sanguine depositi. Fieri etiam potest, ut impuritates à sanguine secretæ alicubi, & præsertim in glandulis Mesenterii, aliisque deponantur, ac subsistant circa remissionem primæ accessionis, ibique novam levem fermentationem excitent, breviori adhuc tempore duraturam; sicque pariter in declinatione tertiæ, quintæ, septimæ; cum tamen istæ accessiones longè graviores fiant, veluti inductæ à succo pancreatico, & bilioso vitiatis, & cum sanguine commistis. Peculiares autem ejusmodi partes, ubi humores in febribus recolligantur, & adunentur, Focos, & Mineras Veteres appellarunt, ex quorum multiplicitate, multiplices accessiones provenirent.

A Fermentorum itaque, seu succorum, qui cum sanguine miscentur, varietate, oriuntur febres diversæ conditionis, & naturæ, uti sunt quæ vulgò appellari solent Biliosæ, Melancholicæ, Pituitosæ; & à Sylvio Pancreaticæ, Lymphaticæ, Glandulares, Salivares; atque à symptomatis adjunctis Æstuosæ, Lipyriæ, Colliquantes, Siticulosæ, Syncopales, Anhelosæ, Helodes, Affodes, Phricodes, Algidæ, Epialæ, Lentæ, Ureticæ, Arthriticæ, & similes, quas longo ordine idem Auctor memorat, & examinat.

Speciatim verò Epialam febrim

(qua ægrotantes simul rigere, & æstuarè dicuntur) putat idem Sylvius esse duplicem intermittentem, & utramque à succo pancreatico acriorè, bileque itidem acri inductam, itaut continuò frigus unius concurrat cum alterius ardore: atque prioris paroxysmus novus, & frigus revertatur, quando posterioris calor incipit incrementum, & ægrum affligere.

De Hæmitritæo autem sentit Franciscus Piens malè referri à Galeno ad compositas ex Quotidiana continua, & Tertianâ intermittente; sed potius revocari debere ad febrem Horrificam (quæ Græcis *Φριχώδης*, & *Τριταίον* dicitur) seu Continuum cum multis rigoribus ingruentem; vel ad plures intermittentes sibi invicem succedentes. At verò A. Spigelius *l. de Semitert.* pluribus contendit non sine inflammatione ventriculi, vel saltem hærentis ibidem sanguinis illam accidere.

Falsum quoque existimat Piens Ardentem spuriam, cum ardore invadentem, sed absque siti, oriri, ut vulgò creditur, à pituita salsa putrescente. Inquit enim fieri non posse, ut pituita salsa putrescat, & febrim afferat, quia salsa, tantum abest, ut putredinem contrahant, ut etiam procul arceant: ita muriam numquam putrescere videmus; At verò si fieret Ardens à pituita salsa dum putrescit, sequeretur omnem febrim à pituita putrescente Ardentem fieri; quoniam si pituita, cum putrescit, salsa evadit, & putrescens febrim efficit; omnis pituita putrescens febrim induceret Ardentem, cum ex vi putredinis falsedinem conciperet. Verisimilius igitur nothæ istæ Ardentes febres (si ita illas appellare fas est), à lymphâ acriori inferentur, vel à sero sanguinis non benè percolato, atque in fluorem nimium adducto, ut adhuc falsi-

V. Gal. 2.  
de diff.  
Febr. 6.

L. 2. de  
Febr. In-  
term. in  
genere.



salilaginem cruoris diluat, exagitet, & depravet.

4. Aph.  
48.

Eod.  
Aph. 54.

Nec insuper certò de Ardentibus legitimis conicerelicebit à nimio ardore, æstuationeque ægrotantis, & ab ingenti siti. In febribus namque Lipyriis dictis calor tactu vix sentitur; atque sitis etiam deest, cum siccæ tusses febrientes irritant, quemadmodum contigit filiæ Euryanactis 3. *Epidem.* Quare potius à reliquis symptomatis, à pulsu celerrimo, & inæquali, ab ægrotantis inquietudine, à vigiliis, cæterisque illæ erunt internoscendæ.

Sicuti intermittentes plerumque securiores observantur, ita continuæ, & continentes febres periculosæ sunt, potissimum si gravibus symptomatis stipentur, delirio, aut sopore, respiratione crebra, interrupta, aut difficili, nausea, singultu, stomachi morfu, sudore frigido, vel nimium fluente, sine febris levamine, rigore præsertim sexta die superveniente, motibus convulsivis, ictero ante septimum, viscerum dolore, ex somno pavoribus, extremorum refrigeratione, & similibus.

At verò hæ febres ut salutarem nanciscantur eventum, fermentum febrile removendum, corrigendumque est. Hinc plerique diaphoreticis insistent, quibus possint illud dissolvere, & repurgare, unaque simul per diaphoresim protrudere, quæ sanè in febribus universis familiaris Naturæ esse consuevit; intereà nec oppressis, nec exolutis ægri viribus per pharmaca, phlebotomias, cæterasque similes evacuationes Naturæ motum, vel impediunt, vel distrahentes. Utile tamen fuerit, si ductu symptomatum, præsertim in excretis, aut retentis, & in qualitatibus mutatis, quamnam sit causa febrilis fermentationis conici possit, ut in

eam exhibenda remedia colliment.

Verumtamen in curandis febribus Ephemeris, seu Diariis hæc notitia contemni solet, cum illæ suapte natura sæpissimè, unica die salubriter terminentur, & satis sit aerem temperatum quærere, si fortassè ab illo febris ortum duxerit; moderatam diætam, si à crapula, & cruditatibus; quietem, ac somnum, si diurna vigilia, & immoderatum exercitium præcesserit; itemque consuetas evacuationes promovere, si ex iisdem suppressis, vel retardatis proficiscatur.

Protractas autem Diarias, Synochos, & ardentes febres retundere, ac tollere oportebit, vel compescendo fermentationem in sanguine indurctam, vel particulas ejusdem aciores fermentum excitantes in præcipitationem disponendo per diaphoresim, aut diuresim. Et sanè cum videbitur vehemens in sanguine commotio à partibus ejusdem mobilibus nimium exaltatis, ea, quæ diluunt, & acido moderato temperant, peropportuna sunt, ut potiones ex aquis diaphoreticis, vel diureticis, speciatim verò cardui benedicti, scorzone-ræ, vincetoxici, cornu cervi, rutæ capraræ, cum spiritu salis dulci, vitrioli, sulphuris; itemque expressiones ex seminibus peponum, papaverum, cydoniorum; sales quoque nitri in crystallos redacti, tartari, prunellæ, atque ex lotionibus cerussæ stibii eliciti, aliive. Ab his enim sæpè Febres, cæteroqui exurentissimæ statim desiere, partibus in sanguine fermentescentibus coercitis, aut per sudorem, & urinam propulsis, aut etiam insensibiliter difflatis; atque hac ratione, quia nitro sunt saturatæ, gelidæ aquæ, largiùs epotæ, non rarò ardenter febrientibus profunt. Neque verò acida moderatè sumpta semper sunt fugien-

V. Barthol. de Nivis usu in Medic.



gienda, cum sæpenumerò etiam contulerint, cum scilicet tenuiores sanguinis partes in motum nimium concitæ quodammodò coerceri debent, & cum crassioribus, & glutinosis confociari, pari modo ac Helmontius ab acido mali citrii minimè cavet in lithiasi; nec acida in febribus reformidant Sylvius Deleboe, Paulus Barbette, Piens, alique, si præsertim cum potionibus commista, & temperata fuerint.

A recrementis verò cum sanguine mistis inducta fermentatio sedabitur, iisdem secretis, & in sua conceptacula, vel extra corpus expulsis. Fæces blandè clysteribus subducentur: urina per diuretica alibi tradita promovebitur; sicut pariter sudor. Detenti halitus, & vapores cute rarefacta frictionibus, atque diaphoresi excitata, aere calido, integumentis, & attenuantibus medicamentis sale volatili præditis elicientur. Venena assumpta; per alexipharmaca, & antidota propria. Concretus, restagnansque sanguis ope dissolventium multo alkali abundantium, sanguinis hircini, C.C. dictamni, scordii, contrayervæ, angelicæ, carlinæ, stibii diaphoretici, oculorum cancrorum, salis absinthii, volatilis succini, cornu C. & viperarum, quorumcumque bezoardicorum, spirituum theriacalium, & similia. At verò in pus conversus sanguis purgabitur potionibus vulnerariis cum balsamo sulphuris, atque remediis ex Mercurio paratis.

Si præterea fermentescat sanguis fermentis aliunde suggestis potissimum è pancreate, cysti fellea, aquæ, & chyli ductibus, aliisque, eadem ferè Methodus servanda erit, quam superius in intermittentibus proposuimus; educto primum, si licuerit, de genere illo humore, unde fermentationem promoveri conjectabimus;

mox verò repurgato sanguine à simili succo in eundem inserto usu remedium sudorem moventium, & impuritates fecernentium in consuetam corporis emundatoria.

Peculiaris autem ratio habenda semper erit de ventriculo, ejusque succis cibum conficientibus, ut exinde chylus progignatur sedans, & obtundens fermentationem à confluxu succorum in intestinis tenuibus excitatam. Siquidem eludetur omnis opera in usu cæterorum medicamentorum, nisi ventriculus suo munere fungatur: eo namque languido, cruditates cumulantur, quæ febris fomittem addunt, vel saltem ejus resolutionem impediunt, & retardant.

Providendum quoque symptomatis febres hæc comitantibus, cum illa plerumque his longè graviora esse soleant; quin & ab illis ritè perspectis in causæ morbi conjecturam adducimur.

Cæterum in reliquis febribus continuis scire refert, num vitiosus humor fermentationem indebitam in sanguine promovens, acer, acidus, austerus, salsus, tenuis, crassus, volatilis, fixus, aquosus, tartareus, aliusque sit; itemque an multus, vel paucus, an unus, & simplex, aut multiplex, & implexus, an hærens, aut fluens, & vagus, an alicubi stagnet, aut cum sanguine circumeat; an partes ventriculo proximiores, aut potius remotiores occupet, & an præterea solidarum partium vitium, affectionemque consequatur, præsertim in ductibus obstructis, aut compressis, relaxatis, aut erosis. Ab his enim variant plurimum indicationes, exhibitionesque remedium.

Verum enim verò felicius, & facilius febribus ferè omnibus prodesse in dies experimur salem polychrestum, stibium diaphoreticum, & mercurium



curium præcipitatum fixum, qui vomitum non movet, nec dejectionem, nisi cum catharticis jungatur, illamque blandam nimis, & moderatam. Colore is rubet, ut coralliorum pulverem æmuletur, comminuitur in pollinem, & instar cinnabaris tingit, igni resistit, neque à lixivio reviviscit, aut permutatur; levis est, nec temporis diuturnitate quidquam aut mole, aut virtute diminuitur. Mirabiliter autem operatur per diaphoresim in dosi trium, aut quatuor granorum cum aliquo electuario commistus; vel cum modico extracti catholici, si exinde alvi subductio desideretur. Luem etiam Veneream, quamvis diuturnam, & inveteratam, doloribus articulariis, ulceribus, tumoribus, cæterisque symptomatis comitatam brevi depellit, & curat, nec unquam memini septies ejus dosim repetiisse, quin certò morbum hunc funditus debellaverit. Qualis autem sit, facile his innotescet. Exactè prius sublimatus, omnique prorsus impuritate exutus, mox super laminam ferream stamno illitam expansus, sub terram eousque declivis detineatur, quousque totus fuerit in suppositam phialam exsolutus, atque in viridem, ponderosumque liquorem conversus. In vitreo deinde vase justo capaciori, & patentioris oris, ab infuso per vices spiritu N. erodente deflagrari permittatur, ac præcipitari in rubentem pulverem. Evaporato postmodum super cineres calidos spiritu, qui subsidet, iteratis ablutionibus, suo convenienti liquore, omni prorsus acritate spoliatur, ut nec linguæ sensum faciat. Tandem siccatus fervetur ad usum. Dos. gr. j. ij. vel iij. ad summum.

## DE FEBRIBUS MALIGNIS, & Pestilentibus.

**Q**Uæ febres reverà dicendæ sint malignæ, non apud omnes convenit. Quibusdam placuit malignam febrim vocare, quæ statim vires deiecit. Aliis, quæ gravioribus, & mortiferis symptomatis, aut etiam interesse dissimilibus, ac disparibus consociatur. Maluerunt alii eam malignam dicere, quæ congruis adhibitis remediis non cedit, & in necem terminatur. Verùm multæ febres periculosæ, immò lethales esse consueverunt, etiamsi malignitatis nota caruerint; & contrà malignæ non rarò in salutem desinunt; quocirca Galenus inquit malignos morbos vitæ periculum minari, sed spem salutis non adimere. Vires pariter momento temporis labascunt in leipothymiis, cardialgiis, cardiacis affectionibus, choleris, hæmorrhagiis, & similibus, cum tamen ejuscemodi ægri tudines malignæ minimè dicantur. Febris ardens sæpissimè stipatur gravissimis symptomatis, delirio, inquietudine, nausea, singultu, vomitu, diarrhœa; at verò longè admodum à maligna differre dicitur, quin & ipsam disparia symptomata aliquandò comitantur, ardor nimius cum nulla siti, internorum viscerum æstus cum extimarum partium algore, urina tenuis, & pellucida, cum lingua arida, & scabra, ac eadem mollis, multoque salivario rore perfusa, cum siti. Sic quoque Lethargus, Apoplexia, suffocans Angina, Peripneumonia, Phthisis, Hydrops, rarò medicamentis licet exquisitis cedunt, sed fermè certam mortem afferunt, quamquam nemo hosce morbos malignos nuncupet: Ità enim morbus malignus di-

r. prorhet. 14.



cendus foret quicumque ægrum subindè periturum invadit.

At verò illas nos malignas febres appellamus, quæ dolosè, ac fraudulenter adoriuntur, & quales Græci Παλίμβολας dixere, quòd speciem quidem, & spem levationis faciant, sed tamen in vitæ periculum ægrotautes coniiciunt, & nisi opportunè succurratur, etiam necem afferunt. De his extat effatum illud Arabum: *Pulsus bonus, urina bona, & æger tendit ad interitum*. In his pariter videntur ægri in melius abire, & penè febre vacare, qui paulò post succumbunt, & pereunt. Quare Hippocrates scriptum reliquit: *Qui morbi in malis signis levantur, & qui in bonis non remittunt, difficiles sunt*: immò & plerumque mali moris.

Et quidem in Fermenti febrilis conditionem coagulantem, aut nimis dissolventem hæc referenda sunt. Anatome enim, ex febris malignis, sanguis concretus inventus est; ex pestilentibus verò adeò dissolutus, attenuatusque, ut nullo modo concreceret. Id itaque sanguini accidit in malignis febribus, quod experimur à veneno Viperæ, & ab infusione olei vitrioli in venas; in pestilentibus verò quod ab olei tartari, aut peti. Hinc febres istiusmodi quandoque sopori, sensuum hebetudini, linguæ nigrori, exanthematibus, maculis, frigidisque sudoribus conjunguntur; aliquandò verò delirio, stillicidio sanguinis è naribus, pustulis, dissolutione, marcori, diarrhœæ.

Norunt equidem in his febribus virulentam vim inesse Veteres Medici, at illam non benè posteris explicarunt. Et quidem è venenis, quædam partibus solidis corporis infensa sunt, ut Cantharides Vesicæ, Solanum Faucibus, Lepus marinus Pulmoni, Auripigmentum, & sublimatum ven-

triculo, Colocynthis intestinis. Quædam verò nisi sanguinem inficiant, nullam noxam inferunt. Rursus hæc sanguinem vel extenuant, dissolvuntque, quemadmodum oleum Tartari, & Peti, ac virus Canis rabidi; vel figunt, & in grumos convertunt, ut oleum vitrioli, Viperæ, & Scorpii venenum, compluraque ex vegetabilibus, præsertim succus Nappelli, Cicutæ, Mandragoræ, Papaveris albi: quamvis & ista adhuc ore mansa, & deglutita nocua fiant, obtundendo, atque hebetando partium vigorem. Quoties igitur accidit, ut vel halitibus per aerem dispersis pulmo, & sanguis indè præterfluens inficiatur; vel etiam à contactu rei venenatæ; itemque à cibo, potuve, medicamentis, venenisque assumptis, vel inflictis, sanguis à sua crasi perturbatus exolvatur, aut concre scat, & viscera ejus labe infecta flaccescant, febres malignæ, pestilentesque exorientur à venenoso miasmate progenitæ, ideòque virulentæ dictæ.

Animadversione autem dignum est, quòd in febribus malignis plerumque, saltem inter initia, vel etiam in ipso augmento universali, contingunt symptomata valde disparia, æstus, & frigoris notas referentia, quia partes volatiles, sive spiritus in sanguine, & succo nerveo delitescentes, à veneno coagulante irretiti, internam, ingentemque excitant commotionem, quippe qui implexi, se extricare nequeunt, tumultuariè commoventur: unde orgasinum, inquietudinem, & affectus spasmodicos pariunt cum sensuum hebetudine, & virium languore, propter vim veneni coagulantis: Hinc etiam delirium, & sopor; tactus frigidus, & ardor internus; pulsus languidus, & urina flammea, cum lingua arida, & scabra, atque alia hujusmodi.

Itaque

In Coac.  
pranot.

V. Rioli.  
Antrop.  
& En-  
chir. A-  
nat. l. 2. c.  
27. Fer-  
nel. 6.  
Phys. c. 7.  
Consen-  
tit his e-  
tiam Ca-  
rolus de  
la Font,  
de vene-  
no pesti-  
lenti.

2. Aph.  
28. & 35.



Itaque à Fermento Febrili acidiori, ideòque coagulante, inductas febres, malignas appellamus; atque ab acriori, sale volatili prædito, ac propterea dissolvente, pestilentes, easque etiam Epidemias, si à communi, & generali causa, præsertim cibo, aut aere, originem sumpserint. Tanta quippe aeris vis est, atque halituum, sive vaporum per aerem diffusorum efficacia, ut hinc potissimum populares, pestilentesque morbos manare compèriamus. Quo etiam fit, cur tam facile in Italia, & præsertim in Tractu Romano, & Neapolitano, febres ejusmodi per æstatem, & autumnum contingant iis, qui itinera per eadem tempora aggrediuntur, audentque de una in aliam Regionem transmigrare. Abundant siquidem nostræ Regionibus, tot tantisque fodinis, iisque variis, & multigenis, ferri, mercurii, æris, vitrioli, sulphuris, bituminis, salis, aluminis, quin & eructat undique pessimos, heterogeneosque halitus terra, non ubique similis, quibus aer diversimodè inficitur; ut nunc sileam stagnantes aquas, lacus, paludes, mephites sulphurarias, aquasque thermales innumeras, unde varii, diversique vapores exhalant, & per aerem diffunduntur; quamobrem is dissimilis omnino est, & alicubi nitri, aut salis refertus est halitibus, alibi sulphuris, aut bituminis, ideòque variè inspiratus pulmones, & sanguinem non æquabiliter afficit, illumque modò coarctat, modò diluit, talemque fermentationem excitat, ut præter febrim, etiam veneno similes pariat effectus, ut passim ex misturis diversorum liquorum experimur.

Pestilentes autem febres non raro sunt etiam contagiosæ, quoties venenati halitus è corpore in corpus transmissi pari modo inficiunt, atque

alios, & alios eodem ægritudinis genere corripunt, & quidem vel per contactum, vel per fomitem, præsertim mediis utensilibus communicatum, vel ad distans halitibus per aerem diffusis. Hinc Epidemii, & populariter grassantes morbi sequuntur plerumque vitium aeris, aut cibi, & potus; & sæpè observantur varii pro varia corporum habitudine. Testatur etiam P. Kircher. *in scrut. Pestis*, exiguos vermiculos ex infectis corporibus in alia exiliisse, qui cuti infixi, contagium communicarent: De Contagio Scabiei id ipsum refert Cosimus Bononus *peculiari Epist. ad Franc. Redium data 18. Julii 1687. & typis impressa Florentiæ.*

Ex his nunc facile erit colligere causas Procatareæ, tum malignarum, tum pestilentium febrium. Quæcumque etenim sanguinem ita afficiunt, ut vel ad coagulationem, vel ad exsolutionem deducant, viscera verò labefactent, ejusmodi febres inducent. Præsertim autem id malignum intulit aer variis halitibus, & vaporibus inquinatus è fodinis, & voraginibus erumpentibus, ab aquis stagnantibus, ab insepultis cadaveribus, aliisque. Neque minoris damni consuevit esse Cibus, & Potus vitiosus; quamobrem in annonæ caritatibus sæpissimè febres malignas, pestilentesque grassantes observamus; unde Hesiodo λοιμός μετὰ λιμόν, idest pestis post Famem, dicitur; manusque sibi mutuò dant Bellum, Fames, Pestis. Præterea diuturna Animi pathemata solent etiam ejusmodi febres promovere, quandoquidem ab illis sanguis, cor, cerebrum, ac penè universum corpus violenter exagitur. A timore potissimum pestem contrahi arbitratur Helmontius.

Ab adjunctis symptomatis has febres cognoscemus. Et sanè cum illa con-

Tumul.  
Pest.

V. Hipp.  
1. de flatib. &  
Lucret.  
lib. 6. de  
Nat. rer.



concreſcentis ſanguinis notas referunt, malignam judicabimus febrim: ea verò eſſe conſueverunt calor infra-ctus, pulſus languidi, & inæquales, torpor in motu, & ſenſu, leves eruptiones humorum per cutim effloreſcentium, tenues urinæ, alvus ſtyptica, lingua nigra. At contrà peſtilentes potiùs appellabimus ſi exanthemata, & puſtulæ latæ compareant, parotidēs, bubones, ſtillæ ſanguinis è naribus, colliquationes, inquietudines, anxietates, ac poſt æſtuationem laxitas, & virium jactura, cum ſqualore faciei, & oculorum: quamquàm ſæpenumerò iſta viciffim permutantur, & ancipitem conjecturam faciant, ut etiam accuratiſſimos Medicos decipiant: Cùm autem eadem febris ſpecie corripitur contingat eos, qui familiariter cum febrientibus uſi ſunt, velut enſilia tractarunt, nedùm peſtilentes, ſed etiam contagioſæ dicendæ erunt, atque eò magis ſi externis notis, putà puſtulis, maculis lividis, aut nigris, ulceribus, bubonibus, aliisſque aſſidentes inficiant.

Quanti igitur ſint periculi febres iſtiusmodi, quiſque nullo negotio conjectabitur. In cæteris enim à concepta fermentatione ſanguis repurgatur, ac deinceps corpus reſtoreſcit; in his verò corrumpitur, & fatiſcit, veluti à veneno infectum. Jure igitur optimo Galenus ſcripſit generari non rarò in humano corpore humores veneno ſimiles, qui ſolo vapore, aut halitu partes inficiant, gignantque ſymptomata deleteria, & violentiſſima, quæ aliquandò breviffimè interimant, exſoluto ſcilicet, aut coagulato ſanguine vitæ fomite.

Quoniam verò diſſolvens, aut coagulans venenum tam potens, & efficacis gigni poteſt, ut ferè momento cor inficiat, & ſanguinem velociſſimè coagulet, aut diſſolvat, idcirco

fit, ut interdum homines repente vita privet. Sic etiam fieri poteſt ut à conditione coagulantis, vel diſſolventis veneni ſanguis non ita interturbetur, & fermenteſcat, ut febrem ſenſibiliter oſtentet, cùm plerique referant contigiffe aliquando peſtilentias ſine ulla febre, atque ii præſertim, qui hanc ex ſignis adaucti caloris, & pulſu celeriori dignoſcendam autumant.

Quandoquidem ergo ſanguis in his febris veneno inficitur, aut coagulante, aut exolvante, certè Medela omnis ad illius correctionem dirigenda erit per ea, quæ Alexipharmaca, & Alexiteria dicuntur, dummodò coagulans, aut exolvens fermentum evertant, ac præcipitent, ſanguinem concreſcentem ſolvant, a volentem verò frænent, & in ſua naturali compage detineant.

Quamquàm autem coagulans, acidumque fermentum emendari, & repurgari poteſt diluentibus aqueis, obtudentibus alkalicis, & opiatis: congruentiora tamen, & potiora ſemper erunt, quæ ſale volatili ſunt prædita, quæque ſua energia valent floridum, vegetumque ſanguinem reddere, ac vitale robur adaugere, unàque ſimul alexiteria vi veneno reſiſtere, & fermentum febrile præcipitare, ac ſecernere. Cujus generis ſunt omnia Theriacalia dicta, Bezoardica, & Diaphoretica, Diaſcordium Fracaſtorii, & Sylvii, Theriaca vetus, & Germanorum. Antidotus Orvietani, & Matthioli, ſpiritus Theriacalis, aqua Saliæ, Stapedii, & Riverii, aqua vitæ Matthioli, & Magnanimitatis, Bezoardicum Minerale, Joviale, Martiale, Solare dictum, lapis Bezaar, ſal volatile ſuccini, cornu cervi, & viperarum, extractum ligni aloes, hyperici, juniperi, oleum cinnamomi, & ambari, tinctura tar-

tari

3. De loc.  
aff. cap.  
7. & 6.  
ejusd. o-  
per. c. 5.

V. Gal.  
de Ther.  
ad Piſo-  
nem.



tari essentialis dicta, flores salis ammoniaci, ejusque spiritus, camphora, idque genus alia; ex quibus componi poterunt potiones, pilulæ, conditus, prolibitu ægrotantium, & symptomatum varietate. Fetus etiam externi ejusdem censuerunt. Margaritæ, Smaragdi, Corallia, & gemmæ quæcumque, eatenus convenire poterunt, quatenus alkali fixo præditæ acidum, quod exorbitat in ventriculo, adjunctisque partibus, absorbere valent; quamobrem satius erit in illorum locum pulverem cornu cervi, oculorum cancrorum, boli Armeniæ, terræ sigillatæ, terræ Samiæ, & Melitenensis subrogare; sicut etiam contrayervam, scordium, dictamnium, carlinam, angelicam, rutam caprariam, carduum, vincetoxicum, veronicam, valerianam.

Epithemata adeò vulgò commendata in malignis febribus cavenda suadent Mercatus, & V Vedelius, ne scilicet ab illis diaphoresis impediatur, eoque magis si frigida adhibeantur. Verùm si quandoque applicanda videntur, calida sint, ex spiritibus, tenuibusque liquoribus concinnata. Idipsum admonet Riverius in usu oxyrhodinorum. Multò autem utiliora sunt calida epithemata, & balnea plantis pedum, & pudendis admota ex vino calenti, ejusque spiritu, elixire quolibet, & similibus: ab his enim universum corpus roboratur, sanguinis motus promovetur, futuri abscessus, delirium, aut sopor imminens præcaventur: quod etiam adnotavit Hofmannus in Schroderum.

Frictiones utiles erunt, si præsertim adhibeantur, cum cutis laxanda est, ad faciliorem halituum perspirationem, atque ad promovendam exanthematum eruptionem, quæ sæpèpiùs febres istas salubriter comitantur.

Tozzi Op. Med: Tom. I.

Diætam denique quod spectat, illam quàm optimè institutam esse oportet, perpurgato inprimis aere à cujusvis generis inquinamentis, adhibito quoque, si fuerit opus, igne ex plantis odoriferis. Cibus laudabilis sit, facilis digestionis, & mediocris quantitatis. Vinum perquàm optimum, sed modicum, & dilutum; vel ejus loco, si æger sit abstemius, aqua C. C. in balneo Roris parata, scorzonera, vel cardui benedicti. Solo quippe vini usu plerique à febribus Malignis liberati referuntur: est enim cardiacum, simulque alexiterium, & sudorificum. Cætera prout prudenti, ac sagaci Medico visum fuerit, resque ipsa tulerit, opportunè præscribantur, ut in cæteris febribus dictum est.

In dissolvente fermento febrili alexipharmaca temperatè acidis jungantur: Acria enim, & salia volatila nocua sunt, nisi aceto, aut acidis temperentur, & commisceantur: expertum autem in his febribus sanguinem eductum minimè concreescere, sed liquatum, fluidumque diutius perseverare. Utilis idcirco est aqua prophylactica Sylvii, & Barbette, atque extractum ex relictis facibus ejusdem; itemque spiritus vitrioli volatilis, & antiepilecticus Hartmanni, arcanum duplicatum Mynsichti, tinctura violarum, aut rosarum cum spiritu vitrioli, vel sulphuris parata, addita confectioe alkermes, vel de hyacinthis. In pestilenti, & contagiosa febre efficacissimum dicitur hoc Acetum, quod ex his fit: *Summitatum scordii cum floribus m.ß. verbenæ, & galegæ singul. m.j. rutæ unc. ss. corticum mali citrii unc. iij. malorum aureorum dr. ij. ligni aloes optimi, macis, & caryophyllorum singul. scr. iv. santalorum rubrorum dr. iij. radicis zedoariæ unc. j. petasitidos,*

V. Graaff  
de Nat.  
& usu  
succ.  
pancr.

Y

car-

Tr. 4. de  
cur. febr.  
malign.  
De med.  
comp.  
ext.

Clav.  
Schro-  
der. §. 62.



*carlinæ, & angelicæ singul. dr. vi. meulsenicii, scorzonera, dictamni albi, & imperatoricæ singul. unc. ss. enulæ dr. ij. ss. myrrha rubra electæ dr. ij. theriacæ, mithridatii, & discordii Fracastorii singul. dr. vi. camphoræ dr. j. ss. baccarum juniperi unc. ss. auri dr. j. ss. croci scr. j. Hæc incisa, & confusa in aceti vini acerrimi cantbar. ij. & vaso clauso, detineantur in loco tepido. Sumitur ad co-  
cbleare unum.*

L. 3. de  
peste.  
L. 5. conf.  
28. hoc l.  
Tumul.  
pest.

Describitur etiam à Crollio, & Hartmanno elixir adversus pestem, atque aliud à Tychone Brahe summo sui temporis Astronomo, cujus meminit Thomas Bartholinus in *Cista Medica*. Apud Isbrandum Diemerbroeck notatur & aqua Theriacalis, quæ mirabilis dicitur simul cum extracto quodam magistrali. Aliæ referuntur à Cratone, & Sennerto. Inquit Helmontius, Hippocratem Pestis antidotum habuisse vinum fumo sulphuris suffitum, vel vinum falsum fervidum cum sulphure; sal etenim abstergit, & à putredine tutatur; sulphur verò venenum cohibet. Promoto deindè sudore patientes alebat cremore hordei, & pro potu exhibebat vinum græcum picatum, cui inerant aliquot grana salis, & sulphuris: folia autem Asari aceto macerata calida superponebat bubonibus, itemque plantis pedum, & manuum, quæ post singulas horas duodecim humo contegendas præcipiebat. Ab usu quoque vini picati, subdit, Hispaniam rarò peste affici, cum ibi vina coriis picatis conserventur. Ad stigmata admovebat lintea calida generoso vino intincta, cui sulphur incoxerat. Postremò exhibebat electuarium viperinum ex carne, & corde, & hepate compositum; ut latius apud eundem Helmontium. Insignes pariter vires ad pellendam pestem tri-

Lib. de  
pestil. c.  
20.

buit Mindererus sulphuri ac vitriolo: nullam enim putredinem, nullam infectionem, nullam humorum depravationem ab his non corrigi fatetur. A vitriolo etiam præstantissimum remedium deduxerunt alii teste Rodérico à Fonseca. Vitriolum album in pulverem conteritur, & ter infunditur in aqua rosarum, totiesque siccat ad solem, adjecto modico camphoræ; deindè cum æquis portionibus dictamni albi, & radicis tormentillæ commiscetur, & in tenuissimum pulverem redigitur. Datur ad dr. j. cum unc. ij. aquæ plantaginis, rosarum, vel acetosellæ, manè, & vespere. Commendatur à nonnullis veluti summum remedium Muria carnis porcinae despumata; & à Paræo Muria Encrasicholorum piscium. At Crato certissimo experimento sibi constare ait, ad præcautionem, tincturam succini; ipsumque succinum, si eo tempora, carpi, malleoli, & sinistra mamma ad ruborem usque confricentur, unicum fuisse amuletum cuidam Chirurgo Hispano testatur Helmontius. Hartmannus electuarium ex saccharo candido cum spiritu salis per spiritum vini dulci reddito conficit, & commendat. De le Fevre succum Calendulæ cum vino albo propinabat felici cum successu. Id ipsum Arcanum fuit Veslingio.

T. 2. consult. 10.

Camphora Alexiteria est efficacissimum in Peste.

Plerique Arsenicum, aut Sublimatum linteolo inclusum, & sub sinistra mamma appensum, homines à Peste tueri affirmant. Addunt alii pulverem Bufonum, cujus præparationem memorat Helmontius: Et refert quoque Camer. cent. 9. memorab. p. 27. A pellibus quoque Bufonum siccatis, & ulceribus pestilentibus applicatis venenum extrahi scribit Kircherius; idque in communem usum verti apud Germanos. Includunt alii Mercurium crudum in cortice avellanæ, & col-

Tumul. pest.

De pest.



Apud  
Scholz.  
ep. 248.

& collo suspendunt, ut cordis regionem tangat, ex Marsilio Ficino. Et alii radicem plantaginis majoris faculo contentam gestandam suadent. At quis unquam his solum fidet? Sicut neque fumo tabaci ab Isbrando Diemerbroek plurimum commendato, aut olenti urinæ hirci, quam magnificat Avenzoar.

Postremò bubonibus, anthracibus, pustulis, ulceribus, maculis, aliisque symptomatis, notisque pestilentibus, quæ in cute erumpunt, specialibus quoque medicamentis occurrere consueverunt emplastris, cerotis, lituris, oleis, quæ multa præsertim referuntur à Sennerto, & Hartmanno. Illud verò potissimum videtur adnotandum non statim ulcera ista ad cicatricem esse perducenda, nisi postquam pestilens virus omninò fuerit resolutum, & expurgatum.

Cæterum ad præcautionem contagiosarum febrium nil conducibilius, quam citò abscedere, ac longè admodum ab infectis locis secedere, & nonnisi tardissimè ad eadem redire; vel si id peraginequeat, procul saltem ab aliis versari, nec penitus illorum utensilibus uti.

### DE FEBRE HECTICA.

**H**ECTICA febris quotidianæ Diarriæ morem imitatur; pusilla, & lenta est, sed continua; paulo post cibum exacerbatur, cum pulsu crebriori, absque manifesto signo rigoris, horroris, refrigerationis, oscitationis, doloris: & quamvis aliquandò genæ rubere soleant, in cæteris æquabilis perpetuò observatur. Temporis autem progressu tantam maciem affert, ut tempora collabantur, nares acuantur, oculi squalcant, collum producat, ungues incurventur, & totum corpus adeò macrescat, ut ossa sola pellis contegat.

Illam aliis febribus, & ægritudinibus succedere testatur Galenus 2. *de crisib. cap. ult. in fine*, ubi postquam de dignoscendis Ephemeris edisseruerit, tandem hæc subdit: *De Hecticis autem non est præsentis temporis sermo: nulla enim earum in primis diebus, sed in progressu temporis fit, postquam scilicet aliæ febres diutiusculè durarunt*: Scribit etiam 1. *de febr. differ. cap. 8*. Hecticas febres magna quidem ex parte, ex Ardentibus, quæ multum protrahuntur, oriri, nonnullas verò post Ephemerarum subsequi. Galeni sententiam probant experimenta: quotquot enim Febre-Hectica obiere, sectis cadaveribus, alias ægritudines subiisse inventi sunt.

V. Bonetum in Sepulcr.

Quod Galenus putat 1. *de diff. febr. cap. 7*. à calore febrili per modum habitus cordis solidæ substantiæ hærenti consumi primò roridam, deinde adiposam, postremò fibrosam corporis substantiam, falsum evincitur ex eo, quia Hecticorum calor tenuis, & pusillus est, qui nullatenus potest ejusmodi consumptionem inferre, cum tamen ex adversò exurentissimus calor in ardente febre laborantibus nullam, vel insensibilem consumptionem inferat, etiamsi ad plures dies perduret: Sed & in hypochondriacis, scorbuticis, aliisque citrà febrilem calorem non dissimilis emaciatio observatur; qui verò salsas, & acres patiuntur destillationes, quique diabete affecti sunt, statim & intrà paucos dies manifestissimè contabescunt: igitur à sanguine dissoluto potius, causa fermenti acris, & dissolventis, Hectica febris accidit, cujus ratione illius glutinosa substantia diluitur, & eliquatur.

Pluribus autem ex causis Tabæ confici, extenuari, atque omninò consumi contingit. Observamus si-



V. Fernel. h. l. & Valles. in 5. Epid.

quidem plerisque extremo marcore affici ab obstructione venarum lactearum, ac ex tuberculis glandularum Mesenterii, & adjacentium viscerum, atque à turbato ventriculo, ejusque fermento vitiato, quorum causa alimentum partibus vel non suggeritur, vel vitiosum, & inutile. Nonnullos etiam à suppuratis apostematibus sensim tabescere experimur, si præsertim illa Renibus, Utero, Vesicæ, Ano, Thoraci, accidant. Cum his jungenda sunt ulcera interna, præsertim eorum viscerum, per quæ sanguis affluentiùs meare debet. Quosdam Tabidos quoque fieri ex assidua, & immodica evacuatione, putà sudoris, feminis, sanguinis, atque etiam urinæ, ut in Diabete. Sed & alii à falsa, & acri stillante in os, & guttur lymphæ, cum frequenti, & molesta tussi contabescunt; undè Pulmo sensim exhauriatur, & areat, vel multa feri acrioris, aut lymphæ falsæ copia gravetur, infarciatur, vel erodatur. Alios pariter à vehementibus, ac diuturnis cum animi, tum corporis motionibus, vigiliis, inedia, cæterisque similibus causis tabidos effectos vidimus, inducta nimirum in sanguine dyscrasia tali, qua sensim ineptus nutritioni evaderet. A Vermibus quoque, præsertim Platiis, intestina ferè universa occupantibus, atque alimenta mox è ventriculo delabentia exhaurientibus, nonnulli marcorem contraxisse perhibentur. At hos Tabidos potius, vel Atrophos, quàm Hectica febre affectos, licebit appellare, facta nimirum contradistinctione Hecticæ febris à Phthisi, & ab his, quæ Schematicæ Febres Græcis appellantur.

Prætereà ad sanguinis vitium hujus morbi causa referri debet. Is enim ex mala fermentatione acrem, & falsam conditionem nactus sensim in

Hecticis diluitur; quamobrem neque partes reficit, aut congruenter irrorat; sed potius infensa acritudine muriatica eliquat, pari modo ac à pure in Empyicis experimur: pus autem acritudinem falsam contrahere patet, cum & erodens, & ulcerans evadat. Verumtamen malam hanc conditionem subit sanguis à sero, atque ab intermixta lymphæ, quæ plerumque in Hecticis acris, & falsa est, ut ostendunt urinæ copiosæ, flavescentes, & acres, mordax, & falsa saliva cum siti, sudores valdè faciles, cutim tamen asperam, & aridam reddentes. Hinc quoque fit, ut falsæ distillationi, & salivario rheumatismo obnoxii Hectici, Tabidique fiant.

Cura autem invalescat, & exacerbetur febris hæc post unam, aut alteram horam à pastu, causam retulit Galenus in irriguam, tenuioremque chyli portionem statim è cibo delapsam, atque à partibus hectico calore affectis attractam; undè quo pacto aqua calci vivæ superaffusa calorem ingentem excitat, & halitus; sic partes cibi humidiores solidis corporis partibus applicitæ consimilem calorem promovent, & vapores quoquo versum effundunt. At illi obiicit Helmontius, non posse tam citò post unam, aut alteram horam cibum in Hecticis confici, qui in sanis multas horas exigit, ut digeratur, cedatque in partium nutrimentum. Nec prætereà congruè comparari possunt calci vivæ solidæ partes corporis, quæ instar illius, humore aspergi, & accendi queant, cum non aliundè calx viva per aquam soluta fervorem, motionemque concipiat, nisi quia duplici sale potita est lixivio, & acido, ex quorum mutua actione motus, & fervor exurgit, pari modo, ac si salis tartari spiritus vitrioli acidus superaffundatur. Quid insuper, inquit,

r. de diff. febr. 9.

De Febr. cap. 9.

in



Med. pra  
dic. c. II.

in vivis est, quod calcis siccitatem æmuletur, & non quotidiano rore, continuòque permadeat? Nec quod Piens ex VValæo in gratiam Galeni affert, oleum vitrioli manu detentum, & modico aquæ inspersum ingentem calorem excitare, ut ferri nequeat, quidquam suffragatur.

Judicare autem non absre fuerit, simili vitio infici fermenta viscerum, & glandularum in Hecticis, quo sanguis ipse febrim fovens depravatur: præsertim verò ventriculi, intestinorum, & glandularum Mesenterii, contagione affici acrem salis conditionem redolente, conicere licet ex eo, quòd fæces plerumque laxiores, & alvus ipsa lubricior in ipsis observetur. Cum igitur fluidior chyli portio cum fermentis istiusmodi vitiatas commiscetur, fervorem concitat, immò in cor per tubulum Thoracis delata pulsus crebriores efficit: diluitur autem exindè multò citius chylus, & venas lacteas statim subit, undè non mirum si post horam unam, aut alteram molestiam cum ardore Hectici patiantur, quam Galenus *Annotationem incompressam* appellavit. Hinc non immeritò arbitratur Helmontius Hecticam à corrupta cibi parte in stomacho relicta pendere, ideoque à pastu exacerbari.

Quam verò Deleboe Sylvius causam Hecticæ febris adscripsit viscosæ tenacitati omnium humorum, præprimis verò salivæ, succique Pancreatici sanguinem ineptum nutritioni reddenti, fortè veriùs Hecticæ per consensum, seu symptomaticæ dictæ, tribueretur, cum scilicet ab illa venæ lacteæ, tubuli Thoracis, glandulæ Mesenterii, & lumbares, intimiùs obstitæ neque confectum chylum admittere, neque ad cor, aliasque partes traducere valent; unde corpus alimento destitutum macrescit, &

*Tozzi Op. Med. Tom. I.*

sensim elanguet. Simili vitio affici quoque solent non rarò pulmones, vel cum lymphâ glutinosiori opplentur, vel cum pure suffunduntur, tuberculis gravantur, aut in vena, & arteria pneumatica infarciuntur, ut sanguinis trajectioni impedimento sint; quod & aliquando accidisse venæ cavæ ascendenti observationes Anatomicorum plurimè confirmarunt. Equidem sanguis ab Hecticis eductus plus justo fluitat, atque difficulter, vel nullo modo concrevit. Quin etiam Senibus Marasmo, ut vocant frigido, affectis, cunctisque Animantibus macilentam naturam, habitudinemque sortitis fluentior sanguis inest. Unde verisimiliùs videtur maciem in Hecticis à dissoluto, suoque glutine privato, quàm à glutinoso sanguine provenire. Accedit quòd in his pulsus crebrior sit, qui sanè tardus esset, si glutinosus sanguis foret, ut in Cachecticis, & Hydropicis observatur.

A Macie, quæ subindè Hecticis accidit, sensim accrescente, licebit gradus, quos Medici illis attribuunt, internoscere. Quò enim febris hæc diutiùs protrahitur, eò marcor sensibilior apparebit, quamobrem à principio vix spectabitur; at verò confirmata Marasmodi cuilibet nota fiet. Hinc dici vulgò solet, primum gradum facilis esse curationis, sed difficilis cognitionis; facillimæ verò cognitionis postremum, sed curationis difficillimæ. Confirmatum insuper Marasmodi comitantur vigiliæ immodicæ, urinæ colliquatæ, sudores noctu repetentes, vox rauca, & submissa, ac fames immoderata, ex quibus mortem præsto esse conjectandum.

In Curatione distinguendi sunt ejus status varii. Et enim primis diebus tractanda est febris hæc more fe-



brium Diariarum protractarum, remotis tamen primis causis externis, unde ipsa originem ducit; mox verò adhibitis iis, quæ sanguinem fermento febrili infectum repurgare valent. Cumque sapissimè febris hæc arden-tes, & acutas consequatur, sanè illa eadem erunt exhibenda, quæ in ardentibus sunt memorata, considerata tamen viribus, & propria ægro-antis constitutione. Tunc enim si- cuti marcor nullus, vel insensibilis est, ita febris ipsa vix Hecticæ nomen me- retur, nisi tantum ex suspitione habi- tudinis patientis, & febris æquabili- tate. At verò quoniam ex acritate muriatica in sanguine inducta pen- dere speciatim illa dicta est, erit pri- mum ab eadem sanguis specialibus præfidiis repurgandus, non neglectis interea iis, quæ eundem unà simul se- cundum partem glutinosam restaura- re valent. Et quidem ad consumpti corporis refectionem commendant potissimum Medici congruam Victus rationem, Aeris mutationem, & La- ctis usum. Et primò Victus rationem ejus generis instituunt, ut modicè re- frigeret, valenter verò humectet, & efficacius impinguet; unde jura, & contusa testudinum, limacum, & ra- narum à plerisque præscribuntur; itemque aquæ ex his medicatæ, ele- ctuaria, & similia. At congruentiora sunt jura ex carnibus viperarum, & cancrorum fluviatilium. Cerebella quoque, & interanea animalium, car- nes hædinæ, vitulinæ, gallinacæ. Et si namque ab illis glutinosior chylus e- xoriatur, vegetior tamen ventriculus in ipsis conficiendis exquiritur; qua- mobrem satius erit delicatioribus ali- mentis Hecticorum corpora alere, iisque nec immodicis, sed per inter- valla assumptis: nam quæ longo tem- pore extenuata sunt corpora, lentè reficere oportet ex Hipp. 2. *Aphor.* 7.

Pro potu utile erit vinum stomacho gratum congruenter dilutum, & tem- peratè epotum. Saluberrima erit quies cum somno; neque multum de evacuationibus adhuc consuetis solli- citum esse decet, cum satis sit alter- nis diebus ventris onera deponere: alvus quippè lubrica nocua est in eju- scemodi ægritudinibus.

Aeris mutationem, si præsertim in coelum patrium fiat, vel in salubrius, maximèque purum, omnes in hoc af- fectu commendarunt. Cavendum autem ab eo, qui subindè variat, ac ventis plurimum agitur: sive enim austrini illi sint, sive borei, mali sunt, ægrèque feruntur ab Hecticis. In no- stris Regionibus præ cæteris magni- fit Aer Stabiensis in Agro Pompejano ad radices montis Vesevi, & littus maris, quò Galenus suos ægros mit-tere consuevit.

5. Meth.  
c. 12.

A Lacte plerique Tabidi convalue- re, illo usi pro cibo, potuque, sine al- terius alimenti mistura. Præcellere dicitur Humanum, succedit Asini- num, tertio Caprillum, postremo lo- co habetur Ovinum, vel Vaccinum. Statim ac è mammis fuerit expressum potari debet, ne coaguletur, & ace- scat; quare stomacho vacuo, & omni humore repurgato sumendum est, ali- ter a corem contrahit, & concrescit in caseum, vel etiam corrumpitur, & ventrem solvit, non sine vitæ pericu- lo. Docet præterea Hippocr. 5. *Aph.* 64. abstinere illo oportere capitis do- loribus obnoxios, insigniter febrici- tantes, & siticulosos, murmura, dolo- res, tumores, obstructions, aliasque ægritudinis in alterutro hypochon- drio patientes, eosque omnes, quibus multa sanguinis dejectio facta est. Quantum enim utilitatis ex ejus usu sperare licet, cum benè cedit, tantun- dem & irreparabilis nocumenti acci- det, si ace scat, & corrumpatur in ven- triculi-



I. 3. prax.  
adm. obs.  
36.

triculo; quamobrem ex Galeno admittunt practici mel, saccharum, vel sal. Cautè igitur illo utendum erit, etenim res est solliciti plena timoris; quãvis plerique nil mali ab illo vereantur, ac temerè adhuc Empyicis, & Phthificis exhibeant. Pro eo nonnulli lacte amygdalarum dulcium, nucleorum pineorum, & seminum melopeponum utuntur eventu feliciori. Et alii aquis ex carnibus vituli, capri, aut viperarum; itemque ex pulmone vervecis recenter exempto; sicut etiam ex serpentibus, quos nostrates Cervones vocant, per alembicum elicitis, qualis præcipuè est aqua illa, quæ ab Authore suo Capocefali dicitur; pariterque sanguinis lactentis vituli, vel agni, ex B. M. Ptisana etiam hordeacea in frequenti usu est, necnon syrupus ex cancris fluviatilibus concinnatus. Fertur Zacuto summè profuisse cuidam Tabido, cui nec balneum, nec lac, nec aliud quidpiam humectans, & reficiens contulerat, Aqua Ranarum per B. M. elicitæ, & cum syrupo violaceo permixta, atque in potum quotidianum exhibita; iisque elixis cum oleo, sale, saccharo, & salamentis in cœna, & prandio, unà simul assumptis, ac prætereà interdium jure ex illarum carne contusa parato, cum amygdalis, lacte, butyro, farina hordei, saccharo, & vitellis ovorum, ac denique cinnamomo, & aqua rosacea irroratis, lenique igne unà decoctis. A Balneis etiam aquarum dulcium, & ab inunctionibus butyri Saturni cum sanguine testudinis, aliisque, aliqui etiam convalere.

Verum præter ea, quæ humectant, & alunt, glutinosamque sanguinis portionem restaurant in usum ducenda quoque sunt, quæ acritudinem ejusdem muriaticam corrigere, & e-

mendare possunt. Et quidem ex Hartmanno efficax proponitur sal coralliorum, & unionum ritè præparatus; itemque pulvis cachecticus Quercetani, (si Cachexia jungatur) saccharum è margaritis in condituram redactis cum ebore, & oculis cancrorum. Cerussa etiam stibii in aqua plantaginis, vel rhapontici mira quoque præstat, si tamen opportunè detur saltem per mensem. Ejusdem quoque efficaciam est Antihecticum P. Poterii ad plures dies exhibitum, itemque sal Jovis, & Saturni dulce redditum. Lixivium quoque è calce viva concharum, tellinarum, & silicum fluviatilium, paratum efficacissimum est ad corrigendam acritudinem salis muriaticam: de quo Sylvio Deleboe *Prax. lib. 1. c. 6. nu. 14*. Ejus loco suffici potest aqua calcis clarificata: Aqua pariter sanguinis suilli destillata cum succo expresso gammarorum fluviatilium, adjecto saccharo clarificato, summè etiam prodest Marasmo affectis ex Prævotio. Nitrum fixum mirabiliter quoque sanguinis acritudinem retundit in Hecticis; unde Panacea confici poterit ex æquis partibus istius, & cerussæ stibii: quinimò adjecto sale volatili Tartari, nedum Hecticis, sed aliis quoque morbosis corporibus conferet. Cæterum pulvis Haly, decoctum Cacao, ejusque pars butyrosa, lac amyli ex tritico, avena, & hordeo; aqua stillatitia ex pulpa, & seminibus cucurbitæ; summitatibus tenerioribus salicis, hisque similia, non rarò etiam conferre consueverunt.

Tabes demum à reliquis causis indurctas, obstructione, apostemate, ulcere, evacuatione, pervigilio, vermibus, pathematis animi, ceterisque curare oportebit remediis ad hæc congruenter comparatis, de quibus alibi dictum est.

F I N I S.



# I N D E X

## R E R U M N O T A B I L I U M .

### A

- |   |  |
|---|--|
| <p><b>A</b> Bolita actio quæ. pag. 58</p> <p>Abcessus quid. 62</p> <p>Abcessus præcauentia remedia. 92</p> <p>Abcessuum internorum causa, &amp; curatio. 258. &amp; seq.</p> <p>Abcessus interni non tam facile deprehenduntur. 329</p> <p>Abcessus interni in febribus malignis plerumque fiunt. ibid.</p> <p>Acetum in pestilentibus febribus efficacissimum. 337</p> <p>Acidum, &amp; Alkali morborum causæ. 50</p> <p>Acida quandoque stomachica. 227</p> <p>Acidorum usus quandoque proficiuus, præcipue in febribus. 331. 332.</p> <p>Acmaesticæ febres quæ. 319</p> <p>Actionum læsarum symptomata, illarumque differentia. 58</p> <p>Acuti morbi qui. 48</p> <p>Adaucta actio quæ. 58</p> <p>Ægilopis remedia. 164. &amp; seq.</p> <p>Æquivoca generatio. 13</p> <p>Aer respirationi idoneus quis. 29</p> <p>Aeris undulationes in sono. 40</p> <p>Aer à corporibus cœlestibus alteratur. 51</p> <p>Aeris differentia. 52</p> <p>Aeris mutatio æstivo tempore facta cur in Italia febres malignas pariat. 335</p> <p>Aeris mutatio Hecticis proficiua. 342</p> <p>Æstimationis sedes. 38</p> <p>Ætatum variatio unde. 19. quid per eam corpori accidat. 20</p> <p>Ætatum progressio. 45</p> | <p>Agnina membrana quæ. 8</p> <p>Alcolæ quid. 171</p> <p>Alexipharmaca dissolventia. 336. &amp; seq.</p> <p>Alexipharmaca coagulantia. 337. &amp; seq.</p> <p>Alexiteria. Vide Alexipharmaca.</p> <p>Alkali, &amp; Acidum morborum causæ. 50</p> <p>Alkalia quibus morbis profint. 86</p> <p>Allantoides membrana quæ. 8</p> <p>Alvi fluxus species. 230. &amp; seq. 232. &amp; seq.</p> <p>Alvum blandè laxantia medicamentata. 251. &amp; seq.</p> <p>Amatoria infania. 144. &amp; seq.</p> <p>Amatoriæ infaniæ curatio. 149</p> <p>Amaurosis quid. 161</p> <p>Amblyopia quid. ibid.</p> <p>Amnion quid. 8</p> <p>Amoris effectus. 44</p> <p>Amuleta an morbos curare possint. 166</p> <p>Amuleta contra pestem. 338</p> <p>Anabaticæ febres quæ. 319</p> <p>Anæsthesia quid. 120</p> <p>Analogismus quid, &amp; ejus usus. 74</p> <p>Anasarca quid. 268. 269.</p> <p>Vide Hydrops.</p> <p>Anasarca causa. 270</p> <p>Anastomosis quid. 25. 166. 191</p> <p>Anadrogyni an sint. 13</p> <p>Angina quid, ejusque differentia. 173</p> <p>Anginæ causa. 174</p> <p>Anginæ signa prognostica. ibid.</p> <p>Anginæ curatio. 174. &amp; seq.</p> <p>Anginæ specifica remedia. 175. &amp; seq.</p> <p>Animæ natura juxta varios Philosophos. 18</p> |
|---|--|



# RERUM NOTABILIMUM.

- Animi motus, seu passiones quæ, & quo pacto contigant. 44. & seq.  
 Animi pathemata morborum causæ. 55  
 Animi passio quænam possit efficiens mortem inferre. 55  
 Animi defectus. Vide Syncope.  
 Animalia omnia ex ovo prodeunt. 1. & seq.  
 Animalia longæva. 47  
 Animalia diu à cibis abstinentia. 219  
 Annotatio incompressa quæ, ejusque causa. 341  
 Anodyna medicamenta quæ. 93  
 Anorexia quid. 217. Vide Fames.  
 Anthelminthica medicamenta. 253 & seq.  
 Antimonio vomitum ciente quæ pro sint. 216  
 Antiepilepticorum sylvæ. 108. & seq.  
 Antiapoplectica. 118. & seq.  
 Antiparalytica. 125. & seq.  
 Antispasmodica remedia. 131. & seq.  
 Antiscotodinica remedia. 138. & seq.  
 Antiphrenitica. 142  
 Antimelancholica remedia. 151  
 Antiscorbutica remedia. 266. & seq.  
 Antinephritica. 282. & seq.  
 Antipodagrica. 305. & sequent. Vide Arthritis.  
 Antifebrilia remedia. 326. & seq.  
 Anxietas quid. 208  
 Apepsia quid. 225. Vide Chylifis.  
 Aphonia quid, ex Hipp. & Sennerto. 112  
 Aphthæ quid, illarum causa, & curatio. 171  
 Apnus quid. 28  
 Apoplexia quid. 112  
 Apoplexiæ differentiæ ex Galeno. 112  
 Apoplexiæ causa proxima juxta Galenum, Hermeticos, Sylvium, Vvillium, Helmontium, atque alios. 112. & seq.  
 Apoplexia accidentalis, & habitualis ex Vvillio. 113  
 Apoplexiæ causæ internæ, & externæ. 114  
 Apoplexia ex interceptione vasorum. ibid.  
 Apoplexiæ signa præcedentia, & concomitantia. 114. 115  
 Apoplexiæ prognosis. 115  
 Apoplectici an absque respiratione vivant. 115  
 Apoplexiæ curatio juxta Dogmaticos, & Galenicos. 115. & seq.  
 Apoplexia an Venæ sectionem admittat. 116  
 Apoplexiæ curatio juxta Hermeticos, Barbette, & Blasium. 116  
 Apoplexiæ curatio ex Sylvio, & Vvelfero. 117  
 Apoplexiæ curatio, & prophylaxis ex Vvillio. 117. 118  
 Apoplexiæ curatio ex Helmontio, & Fabro. 118. 119  
 Apoplexiæ specifica. 119. & seq.  
 Apositia quid. 217. Vide Fames.  
 Apozema Sylvii vulnerarium ad ulcus intestinorum tenuium. 238  
 Appetitus læsiones, earumque causæ, & remedia. 217. & seq.  
 Aqua Antiepileptica Barbette. 109  
 Aqua Antiepileptica Rondeletii duplex. ibid.  
 Aqua Antiepileptica Salieni. 111  
 Aqua ad Apoplexiam, Paralysem, & Epilepsiam ex Solenandro. 118  
 Aqua ad Apoplexiam Rolfinchii. 119  
 Aqua vitæ ad loquelam Apoplecticorum deperditam Hartmanni. 119  
 Aqua ad pervigilium Langii. 143  
 Aqua Ophthalmica efficax. 157  
 Aqua Arterialis. 168  
 Aqua Cantzmeyrana ex Hartmanno. 174  
 Aqua salis ammoniaci ad Asthma. 180  
 Aqua ex albo albi Cornelii. 289  
 Aquæ potiones quandoque utiles. 74  
 Arborum diversitas ratione soli. 13  
 Archeus universale morborum principium ex Helm. 50. 66  
 Ardentis febris natura, & causa. 328. Ar-



Ardens febris spuria minimè à pituita falsa.	330	Ascarides vermium species.	253
Ardentis febris signa.	331	Ascarides pellentia.	255
Ardentis febris curatio.	335. & seq.	Ascites quid.	268. 269. v. Hydrops.
Ardentes febres subacidis sepe curantur.	331	Ascitis causa.	269
Ardor stomachi unde.	209	Asciticorum aqua ubinam colligatur.	271
Ardor Urinæ. Vide Dysuria.		Ascitis curatio.	273. 275. & seq.
Arquatus morbus quid.	72	Ascitis transplantatio.	276
Arteriarum pulsus unde.	22	Asclepiadis de Catharticis sententia.	75
Arteriarum pulsus quare in universo corpore eodem tempore fiat.	22	Asitia quid.	217. v. Fames.
Arteriæ exiles non pulsant.	22	Asphyxia quid.	204
Arthritis quid, ejusque differentia.	299	Asthma quid.	178
Arthritidis causa juxta varios Auctores.	300	Asthma convulsivum, ejusque causa.	178
Arthritidis causa ex Helmontio, & Paracelso.	300	Asthma Muliebre, & Promiscuum ex Helmontio.	178
Arthritidis causa juxta propriam sententiam.	301	Asthmatis causæ juxta varios Auctores.	178. & seq.
Arthritidis, & Rheumatismi discrimen.	302	Asthmatis curatio.	180. & seq.
Arthritidis causæ præcatartice.	302	Astrales morbi ex Paracelso.	49
Arthritis nec fœminis, nec eunuchis, neque pueris parcit.	ibid.	Atrophia quid.	195
Arthritidis prognosis.	302	Attonitus morbus qui.	112
Arthritidis curatio difficilis.	ibid.	Attritio ventriculi quid.	208
Arthritis quam Victus rationem exigat.	303	Attritionis ventriculi curatio.	210
Arthriticis vinum an aqua conferat.	ibi.	Auditus quid.	39
Arthritis an Venæ sectione curari possit.	303	Auditus organum, & objectum.	40
Arthritis catharticis opportunè exhibitis curari potest.	304	Auditus gravis remedia.	165
Arthritis an lacte curetur.	ibid.	Augmentum morborum.	61
Arthriticos dolores sedantia remedia.	304	Augmentum morborum an medicamenta admittat.	72
Arthriticos tumores tollentia.	305	Avicennæ de catharticis sententia.	76
Arthritidis specifica remedia.	305.	Aurium inflammatio.	164
& seq.		Aurium dolorem sedantia.	ibid.
Arthritidis transplantatio.	307	Aurium tinnitum tollentia medicamenta.	166
Arthritidis ex mercurio in articulis relicto curatio.	308	Auriginosus morbus qui.	277
Arthritidis vagæ scorbuticæ causa.	301		
Arthritidis vagæ scorbuticæ curatio.	308		

B

<b>B</b> Allamum antiepilepticum ex Platero.	III
Benigni morbi medicamentis non sunt tractandi.	72
Bilis usus in intestinis.	33
Bilis quid ex Galeno.	34
Bilis quo modo morbos parere possit.	



# RERUM NOTABILIMUM.

Bilis an in ventriculum ascendat. 208  
 Biliosus fluxus. 233  
 Bocium. Vide Bronchocele.  
 Bolus ad Tremorem Bayri. 132  
 Bradypepsia quid. 225. v. Chylosis.  
 Branchos quid. 152  
 Bronchocele quid. 176  
 Bronchoceles curatio. 176  
 Bubonum pestilentialium curatio.  
 338  
 Bulimus quid. 217

## C

**C**Achexia quæ. 55. 196. 268  
 Cachexiæ causa. 268  
 Cachexia in fœminis plerumque ab  
 utero. 269. v. Hydrops.  
 Cacochymia quæ. 55  
 Cacoethia quæ. 55  
 Caducus morbus quid. 101  
 Cæcitas quid. 161  
 Cæcitatis causæ. 162  
 Cæsareus partus qui. 17  
 Calculorum in humano corpore ge-  
 neratio quomodo contingat. 280  
 281  
 Calculorum in renibus signa. 281.  
 Vide Nephritis.  
 Calculum conterentia remedia. 282.  
 & seq. 292. & seq. eorumque rectus  
 usus. 283  
 Calculum etiam acida volatilia fran-  
 gere possunt. 283  
 Calculorum generationem impedi-  
 entia. 284. & seq.  
 Calculorum generatio refrigeranti-  
 bus minimè impeditur. 284  
 Caculi vesicæ signa. 290  
 Calculi vesicæ signa fallacia sunt. 291  
 Calculi vesicæ ab aere externo obdu-  
 rescunt ex Beverovicio. 291  
 Calculi vesicæ curatio. 291. & seq.  
 Calidum nativum quid. 46  
 Calida remedia plerumque proficua.  
 71. 72  
 Cantharides quomodo partibus ex-

tremis corporis applicata vesicam  
 ledant. 24  
 Canum rabies. 145. 146  
 Canis rabidi morsus curatio. 147.  
 & seq.  
 Canina fames quid. 217. v. Bulimus.  
 Capitis dolor. v. Cephalalgia.  
 Cardiaca remedia. 205. & seq.  
 Cardiacus morbus quid Celso. 208  
 Cardialgia quid. 207  
 Cardialgiæ causæ. 208. & seq.  
 Cardialgiæ prognosis, & curatio.  
 209. & seq.  
 Cardiognos quid. 208  
 Carus quid. 94  
 Catalepsis quid. 96. 133  
 Catalepsis causa juxta variorum sen-  
 tentiam. 134  
 Catalepsis genuina causa. ibid. 135  
 Catalepsis signa diagnostica, & pro-  
 gnostica. ibid.  
 Cataphora quid. 94  
 Cataplasma ad catarrhum Rulandi.  
 155  
 Catarrha. Vide Suffusio.  
 Catarrhus quid. 152  
 Catarrhorum origo an cerebrum.  
 142  
 Catarrhi sedes glandulæ. 153  
 Catarrhi signa diagnostica, & pro-  
 gnostica. 153  
 Catarrhi curatio Galenica noxia.  
 154  
 Catarrhi genuina curatio. ibid.  
 Catarrhi specifica remedia. 155. 156  
 Cathartica quo tempore morborum  
 convenient. 71. 72  
 Cathartorum historia, & invento-  
 res. 74. & seq.  
 Cathartorum vires explicatæ juxta  
 Asclepiadem, Aristotelem, Gale-  
 num, Avicennam. 77. & seq.  
 Cathartica irritando evacuationem  
 promovent. 76  
 Cathartica peculiare humores non  
 seligunt. 76  
 Cathartica in venas infusa. 77



Cathartica vim faciunt in sanguinem.		Chiragra quid .	296.v.Arthritis.
ibid.		Cholera morbus quid, ejusque causa.	
Cathartica vim habere possunt partes determinatas expurgandi.	77	227	
Cathartica qua methodo exhibenda.		Cholera ut plurimum à cibis corruptis.	228
77.& seq.		Cholerae prognosis.	229
Cathartica venenum sapiunt.	76.77	Cholera hæreditaria.	229
Cathartica in febribus ardentibus, inflammationibus, & omnibus morbis acutis noxia.	78	Cholerae curatio.	229.& seq.
Cathartica nonnisi concocta materia exhibenda.	78	Cholera quando nam acidis curari possit.	230
Cathartica qua anni tempestate vitanda.	78	Cholera sicca, quæ.	227
Catochus quid.	133	Cholerae sicca curatio.	230
Causa morbi quæ.	57	Chordapfos quid.	244
Cauteria noxia.	85	Chorion quid.	8
Cephalalgia quid, & ejus differentia.	89	Chronici morbi qui.	48
Cephalalgia causa ex Galenicis, & Recentioribus.	89.& seq.	Chylosis quid.	30
Cephalalgia periodica à succo nervo.	90	Chylosis non est elixatio.	30.& seq.
Cephalalgia per consensum frequentissima.	ibid.	Chylosis per attritionem non fit.	30
Cephalalgia, ejusque causarum signa.	90.91	Chylosis fermentationis ope perficitur.	31. solvuntur argumenta
Cephalalgia à calculis, vermibus, cæterisque.	90.91	Plempii, & Piens.	31
Cephalalgia prognosis.	91	Chyli iter.	32.& seq.
Cephalalgia in surditatem desinens.	91	Chyli è ventriculo expulsio.	32
Cephalalgia curatio ex variis.	ibid.	Chyli à facibus in intestinis secretio.	33
& seq.		Chylus ad Hepar non defertur.	34
Cephalalgia specifica remedia.	93	Chyli color.	32
Ceratum A. Lusitani ad Ægilopem.	164	Chylus quomodo rubescat.	34
Ceratum ad scirrhum lienis.	260	Chylus in venis lacteis remoratus rubere evasit ex Elsnero.	ibid.
Cerebri ventriculi excrementorum educationi destinati.	37	Chyloseos læsiones, earumque causæ, & remedia.	225.& seq.
Cerebri cortex in bove perefactus.	38	Chylosim quænam promoveant medicamenta.	226.& seq.
Chalybis in obstructionibus usus.	257.266	Chylosus fluxus.	233.v. Coeliaca.
Characteres an morbos curare possint.	66	Ciborum digestio.	v. Chylosis.
Chemosis quid.	155	Cibi quomodo possint morbos inferre.	53.& seq.
		Cibus in paroxysmis non exhibendus.	73
		Circulatio sanguinis.	v. Sanguis.
		Citta quid.	217.v. Pica.
		Clysterum usum Ibis avis primò monstravit.	79
		Clysterum differentia, & usus.	79
		Clysteres Helmontius improbat.	79
		Clysterum in alvi fluxibus usus.	238
		Cly-	



# RERUM NOTABILIMUM.

Clyster ad dysenteriam Schrockii.  
239  
Clyster ad hydropem Vvillifii. 275  
Clysteres, & balani ano inditæ per os  
in Iliaca affectione ejectæ. 246  
Coagulati morbi ex Paracelfo. 49  
Cœliaca affectio, quæ. 230.232  
Cœliacæ affectionis causæ. 230  
Cœliacæ affectionis signa. 231  
Cœliacæ affectionis curatio. 231.  
& seq.  
ex Cogastro morbi qui. 50  
Coindicantia, quæ. 65  
Colica affectio, quæ. 244  
Colicæ affectionis causæ. 245. & seq.  
Colicæ affectionis sedes. 245  
Colica affectio quomodo à Nephriti-  
de dignoscatur. 246.281  
Colicæ affectionis prognosis. 246  
Colicæ affectionis curatio. 247. &  
sequent.  
Colicæ affectionis à flatibus curatio.  
248  
Colicæ affectionis à fecibus retentis  
curatio. 248  
Colicæ affectionis specifica remedia.  
249  
Colicæ affectionis à vermibus, &  
crassis, acribusque humoribus cu-  
ratio. 250  
Colicæ biliosæ curatio. 250  
Colicæ scorbuticæ curatio. 251  
Colicus dolor. v. Colica affectio.  
Colliquatio quid. 195  
Colorum origo, & varietas. 41.42  
Colores à lumine non differunt. ibid.  
Columella. v. Gurgulio.  
Coma quid. 94  
Coma vigil, & somnolentum. 94  
utriusque causæ. 96  
Comatis febrem comitantis remedia.  
99  
Comitialis morbus qui. 101  
Compressivorum vulgò dictorum u-  
sus in alvi fluxibus. 235. & seq.  
Conceptionis tempus. 6  
Concocti humores qui dicantur. 78

Confectio ad Apoplexiam, &c. ex  
Solenandro. 118  
Congelatio quid. 133  
Contagium in quonam consistat.  
335  
Contagium vermiculis communica-  
tum ex Kircherio. 335  
Contagiosæ febres. v. Pestilentes.  
Continua febris. v. Febris.  
Continentes febres. 328. v. Febris.  
Contrariorum contraria sunt reme-  
dia ex Galeno. 65.69  
Contraria nulla in natura ex Hel-  
montio. 69  
Contraindicantia quæ. 65  
Contusionum remedia. 312  
Convulsio quid. 126  
Convulsi motus. ibid. & seq.  
Convulsionis differentiæ. 126  
Convulsio ex punctis nervis potius,  
quàm resectis oritur. 104  
Convulsio an ex inanitione, & reple-  
tione. 127  
Convulsionis causa ex Paracelfo Vvil-  
lisio, atque aliis. 127.128  
Convulsio quandoque affectis mus-  
culis. 128  
Convulsionis causæ proximæ, & re-  
motæ. 128  
Convulsionis signa. ibid.  
Convulsionis prognosis. 128.129  
Convulsionis curatio ex Hippocrate.  
129  
Convulsionis curatio ex Sennerto.  
130  
Convulsionis curatio ex Vvillifio,  
Sylvio, aliisque. 130.131  
Convulsionis specifica remedia. 131.  
& seq.  
Cor veluti punctum saliens ab Harveo  
in fœtu conspectum. 6  
Cordis motus ex quanam causa oria-  
tur juxta varios Authores. 21  
Cordis, & Arteriarum systole, &  
diastole non eodem tempore fit. 23  
Cor pectus ferit systole, non diastole.  
ibid.



Cor quot ictus unica hora edat.	24
Cordis motus usus.	26
Cor est musculus.	28
Cor sanguinis non est officina.	34
Cordis Palpitatio .v. Palpitatio.	
Corticis Peruviani usus in febribus, ejusque succedanea.	326
Coryza quid.	152
Coxendix morbus qui.	304
Vide Arthritis.	
Cramfus quid.	124
Crisis quid.	66
Crises salutares quando accidant.	62
& seq.	
Crises salutares omnibus diebus ex Hippocrate.	62. & seq.
Crises expectandæ, an præveniendæ.	78
Critici dies qui.	62. & seq.
Criticorum dierum doctrinam va- nam existimavit Celsus.	64
Cruditates acidæ, & nidorosæ cibo- rum.	225. & seq. v. Chylosis.
Cruentus alvi fluxus.	233. 240
Cryptæ ad paludem Agnanam sitæ effectus.	52
Cubiculi clausi curiosum phænomenon.	41
Cucurbitulæ medicæ nullius usus.	85
Cucurbitulæ scarificatæ noxiæ.	45
Cucurbitini vermes.	253
Curatio per contraria fit ex Galeno.	65
Curatio neque contrariis, neque si- milibus multoties fit.	69. & seq.
Cynanche quid.	173
Cynanthropia quid.	144
Cynicus spasmus.	126

D

<b>D</b> eales morbi ex Paracelso.	49
Declinatio morborum.	62
Declinatio morborum an remedia exigat.	72
Decoctum ad scirrhum lienis Foresti.	260

Decoctum Pachequi ad Picam.	221
Decoctum ad dentium mobilitatem Hartmanni. 170. aliud ex Zecchio.	ibid.
Decretorii dies qui.	62. & seq.
Decubitus humorum quid.	62
Deleboe de causis morborum opinio.	51
Delirii natura, ejusque differentia.	139. & seq.
Dementia. v. Mania.	
Dentium dolorem sedantia remedia.	168. & seq.
Dentes extrahentia medicamenta.	169
Dentium stupor quibus tollatur.	ibid.
Dentium erosio quibus vitetur.	169. 170.
Dentes firmantia medicamenta.	ibid.
Dentium vermes enecantia.	170
Depravata actio quæ.	58
Desperatio unde.	45
Destillatio quid.	152
Destillationum falsarum curatio.	155
Destillationes tussim, & phthisim excitantes an à capite delabantur.	196. 197
Diabetes quid.	287
Diabetis causa.	288
Diabetes à sanguinis, & lymphæ vitio dependens.	288
Diabetis curatio.	289. & seq.
Diabetes lactis usu curatus.	289
Diabetis curatio ex Aretæo.	290
Diabrosis quid.	191
Diæresis quid.	166. 191
Diapedesis quid.	ibid.
Diaphoretica dysentericis profunt.	240
Diaphoretica medicamenta. v. Hy- drotica.	
Diariæ febres ad continuas reducun- tur.	327. v. Ephemera.
Diarrhœa quid, ejusque species.	232
Diarrhœæ causæ.	233. & seq.
	Diar-



# RERUM NOTABILIMUM.

Diarrhœæ prognosîs .	234.235
Diarrhœæ curatio .	235. & seq.
Diaſtoles cordis uſus .	26
Dies omnes critici ex Hippocrate .	62. & ſeq.
Digeſtionis ciborum vitia.v. Chyloſis.	
Diminuta actio, quæ .	58
Diorthotica medicamenta , quæ .	85.86
Dipſacos quid .	287
Diuretica medicamenta, quæ .	80.81
Diuretica quomodo urinam moveant ex Helmontio, & Vvillio.	81
Diureticorum differentiæ .	81
Diuretica cum Hydroticis conveniunt .	82
Diuretica dyſentericis proſunt .	240
Diuretica cum cibis non ſunt commiſcenda .	283
Doloris cauſæ .	90
Dolorem ſedantia medicamenta .	93
Dolorum differentiæ variæ, & cauſæ ex Sylvio .	247
Dorſalis tabes quid .	196
Duumviratus Cephalalgie cauſa ex Helmontio .	89
Dyſenteria quid .	232
Dyſenteria incruenta .	233
Dyſenterie cauſæ .	234
Dyſenterie gradus .	234
Dyſenterie prognosîs .	234.235
Dyſenterie ſedes quomodo dignoſcatur .	235
Dyſenterie remedia .	237. & ſeq.
Dyſorexia quid .	217
Dyſpepſia quid .	225.v. Chyloſis.
Dyſpnœa quid .	178
Dyſuria quid , ejuſque cauſæ .	294
Dyſuria cur ſenes potiſſimum vexet .	ibid.
Dyſurie prognosîs .	294
Dyſurie curatio .	298. & ſeq.

## E

E Cho quomodò fiat .	40
Eclyſis quid .	204
Ecſtaſis quid .	133
Efferveſcentia inteſtinalis pro chyli à ſæcibus ſequeſtratione .	33
Electuarium ad vertiginem Solenandri .	139
Electuarium ad hæmorrhagiam ex Boyle .	167
Electuarium Antiepilepticum ex Montagnana, & Riverio .	110
Electuarium Cratonis ad ſedandum Catarrhum .	155
Electuarium ad ſputum ſanguinis .	193
Electuarium Copragogon .	252
Electuarium Alexandrinum .	ibid.
Electuarium ad obſtructiones .	257
Emeticorum differentiæ, & uſus .	79
Emeticorum adminiſtrandorum methodus .	79.80
Emeticorum indicantia, & contra-indicantia .	80
Emplaſtrum antiepilepticum ex Cratone, & Horſtio .	110
Emplaſtrum antiepilepticum ex Salieno .	111
Emplaſtrum ad Apoplexiam Valeriole .	119
Emplaſtrum Montagnanæ ad catarrhos .	155
Emplaſtrum ſtomachicum Deckers .	216
Emplaſtrum Bayri ad urine incontinentiam .	299
Emplaſtra ad lienis tumorem .	260
Emplaſtra ad Aſcitem .	275
Emproſthotonos quid .	126
Empyema quid , ejuſque cauſæ .	187
Empyema aquoſum .	188
Empyici quomodo pus è cavo thoracis extuſſiant .	187.188
Empyematis ſigna .	188.189
Empyicorum paracenteſis .	ibid.
Em-	



# I N D E X

Empyematis curatio.      ibid. & seq.  
 Empyicorum pus per alvum ductum. 189  
 Endemici morbi qui.      48  
 Enematum in alvi fluxibus usus. 239.  
   Vide Clyster.  
 Epacinaſticę febres quę.      318  
 Ephemerę febris causa.      327. 328  
 Ephemerę febris curatio.      331  
 Epiala febris quę.      313  
 Epiala febris, ejusque causa. 330.  
   331  
 Epidemici morbi qui.      49  
 Epidemicus morbus in pueros olim  
   ſeviens.      172  
 Epidemici morbi ſequuntur plerum-  
   que vitium aeris.      335  
 Epilepsia quid.      100  
 Epilepsię differentię.      ibid.  
 Epilepsię cauſę ex Galeno, & plerif-  
   que Dogmaticis.      100  
 Epilepsia non fit obſtructis cerebri  
   ventriculis.      101. 103.  
 Epilepsię causa ex Sennerto, Deleboe,  
   Blasio, Barbette, Deckers, Vvil-  
   liſio.      102  
 Epilepsię causa ex Chesnau, Hermeti-  
   cis, & Paracelsitis.      102. 103  
 Epilepsia inter Archeales morbos  
   connumerata ex Helmontio. 103  
 Epilepsię causa minimę potest cada-  
   verum diſſectione innotescere.  
   103  
 Epilepsię causa proxima. 103. & seq.  
 Epilepsię cur pueri ſint magis obno-  
   xii.      103  
 Epileptici cur ingenio præpolleant.  
   104  
 Epilepsia ſepiſſimę per conſenſum.  
   ibid.  
 Epilepsia morbus etiam hereditarius.  
   104  
 Epilepsię prænuncia.      ibid.  
 Epilepsię cauſarum ſigna.      ibid.  
 Epilepsię prognosis.      105  
 Epilepsię curatio in paroxyſmo. 105  
 Epilepsię curatio extra paroxyſmum

juxta varios Authores. 106. & seq.  
 Epilepsia helleboro, & pyrethro cu-  
   rata ab Hippocrate.      106  
 Epilepsię curatio instituenda ratione  
   cauſarum.      107. & seq.  
 Epilepsię ſpecifica remedia. 108.  
   & seq.  
 Epilepsię quęnam victus ratio conve-  
   niat ex Paracelſo.      111  
 Epiphora quid, ejusque remedia.  
   163  
 Epithema ad phrenitidem.      143  
 Epithemata an in febribus malignis  
   convenient.      337  
 Eraſiſtratus phlebotomię oſor.      83  
 Eroticum delirium. v. Amatorium.  
 Erratici morbi quomodo tractandi.  
   73  
 Erysipelas quid, ejusque causa. 309  
 Erysipelatis differentię.      309  
 Erysipelas qua ratione cum febre  
   jungatur.      309  
 Erysipelas epidemicum anno 1700.  
   1701.      310  
 Erysipelatis curatio refrigerantibus  
   non eſt perficienda.      310. & 311  
 Erysipelas an venę ſectione curetur.  
   310. & seq.  
 Erysipelatis genuina curatio.      311  
 Erysipelatis externa remedia.      311  
 Erysipelas in ulcus, & gangręnam  
   mutatum quomodo tractandum.  
   312  
 Exceſſus morbus quid.      133  
 Excrementis nequeunt nutriri con-  
   ceptacula, in quibus continentur.  
   35  
 Excrementa retenta, & vitiata mor-  
   bos efficiunt.      56. 57  
 Excretorum ſymptomata.      58  
 Experientia, & Ratio duo crura Me-  
   dicinę.      69. 70. & seq.  
 Expiratio quid.      28

F

**F**Aciei Hippocraticę deſcriptio.  
 58. 59

Fe-



# RERUM NOTABILIMUM.

Fæcum in intestinis secretio.	33	di.	318
Fæcum colores unde oriantur.	320	Febres venæ sectione non curantur	
Famis causa.	32.218	ex Hippocrate.	ibid.
Famis læsiones, earumque causæ, & remedia.	217.& seq.	Febres intermittentes, quæ dicantur.	318
Fames Canina, & Lupina quid.	217	Febrium intermittentium natura, & quomodo continuæ evadere possint.	319
Faucium tumores, & ulcera; quibus curentur.	172	Febrium intermittentium differentiæ.	319.322
Febris etymologia.	312	Febres Quintanæ, Sextanæ, &c. quonam pacto explicandæ.	320
Febris natura fermentatione explicata.	ibid.	Febres intermittentes omnes possunt ab uno, eodemque humore ortum habere.	319.320
Febris natura in calore non consistit.	313	Febrium intermittentium fomes in imo ventre latet.	320
Febris descriptio.	ibid.	Febrium intermittentium paroxysmi non ob succum alibilem sanguini commixtum excitantur, ut putavit Vvillis.	ibid.
Febris multoties corpori emolumentum affert.	313	Febrium intermittentium genuina causa.	320.321
Febres Symptomaticæ, vel Concomitatae.	314	Febrium intermittentium rigores, & horrores unde.	321.322
Febris causa proxima.	ibid.	Febrium intermittentium periodi explicantur.	321.322. & continuarum.
Febres si à putredine humorum fierent, essent insanabiles.	314	Febres intermittentes erraticæ quomodo fiant.	322
Febres ab inflammationibus, & internis abscessibus quamplurimæ oriuntur.	329	Febres intermittentes simplices, & compositæ.	322
Febris causæ remotæ.	315	Febrium intermittentium causæ procatarticae.	323
Febrium differentiæ.	ibid.	Febrium intermittentium signa.	323
Febris à solo pulsu celeri tutò non dignoscitur.	315	Febrium intermittentium prognosis.	323.324
Febrientium mala signa.	59	Febrium intermittentium curatio.	324.& seq.
Febris varia signa.	315.316	Febres intermittentes vomitoriis plerumque trucidantur.	325
Febris tempora universalialia quomodo dignoscantur.	316	Febres intermittentes an, & qualia Cathartica exigant.	ibid.
Febrilium paroxysmorum tempora quomodo dignosci possint.	316	Febres intermittentes venæ sectione non curantur.	325
Febris prognosticum.	316.317	Febres intermittentes an, & quando cathartica admittant.	325.326
Febris curatio in refrigeratione non consistit.	317		
Febrium curatio in quonam consistat.	317		
Febres præcipuè Ardentes cathartica respuunt.	78		
Febricitantes quo victu tractandi.	317.318		
Febricitantes quandoque in ipso paroxysmo cibum assumere debent ex Galeno.	318		
Febricitantes an vino sint tractandi.			



# I N D E X

- |  |   |
|--|---|
| <p>Febrium intermittentium specifica remedia. 326.327</p> <p>Febres continuæ, quæ dicantur. 319.327</p> <p>Febres continuæ rigore quandoque aggrediuntur. 322</p> <p>Febris continuæ causæ. 327.&amp; seq.</p> <p>Febres continuæ diversi generis, earumque causæ. 328.&amp; seq.</p> <p>Febrium propriè continuarum, vel synècharum causæ. 329</p> <p>Febrium continuarum prognosis. 331</p> <p>Febrium continuarum curatio. ibid. &amp; seq.</p> <p>Febrium continuarum diversa curatio, ratione diversitatis symptomatum, &amp; causarum. 332</p> <p>Febres multiplices quomodo explicentur. 330</p> <p>Febris Ardens. v. Ardens.</p> <p>Febris Diaria. v. Ephemera.</p> <p>Febris Ephemera. v. Ephemera.</p> <p>Febris Epiala, ejusque causa. 330</p> <p>Febris Hæctica. v. Hæctica.</p> <p>Febris Hemitritæus quid. 328. ejus causa. 330</p> <p>Febris Horrifica, quæ. 330</p> <p>Febris Lipyria, quæ. 331</p> <p>Febris Maligna. v. Maligna.</p> <p>Febres Palimbolæ quæ. 333</p> <p>Febres Pancreaticæ, Lymphaticæ, Syncopales, &amp;c. juxta Sylvium. 330</p> <p>Febris Pestilens. v. Pestilens.</p> <p>Febris Phricodes, quæ. 330</p> <p>Febris Tritæophyes, quæ. 330.327</p> <p>Febrifugum Cochii. 327</p> <p>Febrifugum Crollianum. ibid.</p> <p>Fermentum digestionis ciborum quodnam. 31</p> <p>Fermenta vitiata sunt morborum causæ. 56.57</p> <p>Fermentationes sanguinis calidis potius tractandæ. 71</p> <p>Fermentatio ab ebullitione, &amp; fervore differt. 312</p> <p>Fistulæ Lacrymalis curatio. 164</p> | <p>Flatus quomodo generentur &amp; morbos pariant. 57</p> <p>Flatulentus spasmus quid. 127</p> <p>Foci Febrium quid antiquis. 330</p> <p>Fœminæ nullum semen pro generatione subministrant. 4</p> <p>Fœminæ ova, &amp; ovaria habent. 3.4</p> <p>Fœtus generatio. 4</p> <p>Fœtus conceptio, &amp; formatio. 6. &amp; seq.</p> <p>Fœtus vita, &amp; nutritio. 7. &amp; seq.</p> <p>Fœtus cum utero Matris connexio. 7</p> <p>Fœtus membranæ, &amp; placenta. ibid.</p> <p>Fœtus in utero fugit ex Hippocrate. 9</p> <p>Fœtus situs in utero. 10</p> <p>Fœtus in utero an respiret. 10.11</p> <p>Fœtus in utero an moveatur, an vigilet, an sensus externos exerceat. 11</p> <p>Fœtus an in utero cogitet. 11</p> <p>Formationis fœtus tempus, &amp; ordo. 6.&amp; seq.</p> <p>Fœtus ad soporem ex Paracelso, &amp; Riverio. 99</p> <p>Frigida remedia plerumque noxia, &amp; quare. 71.72</p> <p>Frumentum à formicis defossus cur non germinet. 7</p> <p>Fulmine percussus quomodo tractandi. 135</p> <p>Furor quid Latinis. 143</p> <p>Furor Uterinus. ibid.</p> |
|--|---|
- 
- G**
- |  |  |
|--|--|
| <p>Galeatus infans qui. 16</p> <p>Galenus methodus. 64.&amp; seq.</p> <p>Galenus de cathartici sententia. 75</p> <p>Galenicorum nostræ ætatis methodus. 68.&amp; seq.</p> <p>Gallinacei pulli in ovo incubato formatio. 23.</p> <p>Gargarismus Sculteti ad Anginam. 175</p> <p>Gaudii effectus. 44</p> |  |
|--|--|



# RERUM NOTABILIMUM.

**Generatio hominis, & reliquorum animalium, immò & plantarum ex ovo.** 1. & seq.  
**Generatio ex putri nulla.** 2  
**Gigantes an fuerint.** 13  
**Glandularum tumores quibus præcipuè tollantur.** 177  
**Glaucoma, & Glaucoſis quid.** 163  
**Gonagra quid.** 299. v. Arthritis.  
**Græci Medici in Romanorum odium malam medendi methodum invexerunt.** 73  
**Granco vulgò quid.** 127  
**Gravedo quid.** 151  
**Gurgulionis relaxatio quibus tollatur.** 172  
**Gurgulionis inflammationem tollentia.** ibid.  
**Gurgulionis ulcerum curatio.** 172  
**Gustatus quid.** 39  
**Gustatus organum, & objecta.** 39  
**Gutta Serena quid.** 155  
**Guttæ Serenæ cauſæ.** 162

## H

**Hæmatosis. v. Sanguinis generatio.**  
**Hæmoptoe quid.** 191  
**Hæmoptoes cauſæ.** 191. 192  
**Hæmoptoes fedes.** 192  
**Hæmoptoes prognostica.** 193  
**Hæmoptoes curatio.** 193. & seq.  
**Hymoptysis. v. Hæmoptoe.**  
**Hæmorrhagiæ ſpecies, & cauſæ.** 166  
**Hæmorrhagia quando ſiſtenda.** 166  
**Hæmorrhagiam ſiſtentia medicamentata.** 167. & seq.  
**Hæmorrhagiæ ab obſtructo hepate, & liene.** 260  
**Hæmorrhoidum affectus.** 241. & seq.  
**Hæmorrhoidum dolores lenientia.** 242  
**Hæmorrhoidum fluxum ſiſtentia.** 242  
**Hæmorrhoides aperientia medicamentata.** 243

**Hæreditarii morbi qui.** 48  
**Hecticæ febris deſcriptio.** 339  
**Hectica febris aliis febribus, & ægritudinibus ſuccedit, ex Galeno. ibid.**  
**Hecticæ febris cauſa.** 339  
**Hectica febris ex ſanguine dilutiore.** 340  
**Hectica febris cur à paſtu exacerbetur.** 340  
**Hectica febris an ab humorum omnium viſcoſitate oriatur, ut ait Sylvius.** 341  
**Hecticorum ſanguis è venis educus valdè fluidus eſt.** 341  
**Hecticæ febris gradus.** 341  
**Hecticæ febris curatio.** 341. & seq.  
**Hecticis quænam victus ratio conveniat.** 342  
**Hectici Aeris mutatione juvantur.** 342  
**Hecticis an lac conveniat.** 342  
**Hecticorum ſpecifica remedia.** 343. & seq.  
**Helmontii de cauſis morborum opinio.** 50  
**Helmontii methodus.** 66  
**Helvetii de cauſis morborum opinio.** 51  
**Hemicrania quid.** 89  
**Hemiplegia quid.** 120  
**Hemiplexia quid.** ibid.  
**Hemitritæus quænam febris ſpecies.** 328  
**Hemitritæi cauſa.** 330  
**Hepar Uterinum. v. Placenta.**  
**Hepar ſanguinis non eſt officina,** 34  
**Hepar in alvi fluxibus immune,** 233. & seq.  
**Hepatis obſtructiones, & inflammationes.** 259. & seq.  
**Hepatis ab inflammatione ſuppurationio.** 261  
**Hepatis ſuppurati ſigna, & remedia.** 261  
**Hepaticus fluxus.** 233. 241  
**Hepatici fluxus cauſa.** 241. & seq.  
**Hepatici fluxus curatio.** 243



# I N D E X

Herculeus morbus qui .	100	Hydrops prognosticum.	272
Hermaphroditian sint .	13	Hydrops curatio .	273. & seq.
Hippocratis testimonio omnibus die- bus crises salutare acciderunt.		Hydropici quomodò, & quibus pur- gandi .	273
62. & seq.		Hydrops diureticis tolli potest.	273
Hirudinum appositio noxia. -	84.85	Hydrops paracentesi curari potest .	274
Hirundines in Istri, & maris Baltici fundo hyemem transigunt.	115	Hydrops ad matulam quid .	287
Fr. Hofmanni methodus.	67	Hydrotica medicamenta quæ.	82
Homagra quid.	299.v.Arthritis.	Hydrotica cum diureticis conveni- unt.	82
Hominis generatio ex ovo.	1. & seq.	Hypnotica medicamenta.	143
Homotonæ febres quæ.	319	Hypochondriacæ affectionis descrip- tio.	261
Horror febrium Intermittentium un- de .	321.322.323	Hypochondriaca affectio à Melan- cholia Hypochondriaca differt.	262
Humidum radicale quid.	46	Hypochondriacæ affectionis sedes.	262
Humores in foetus membranis con- tenti an sint alibiles . 8. & quomo- do reparentur.	9	Hypochondriaca affectio inter mor- bos convulsivos à Villifio recensi- ta.	262
Humorum juxta Galenicis quaterna- rius numerus improbatur.	34	Hypochondriacæ affectionis causa.	263
Humores quatuor ex Galenicis om- nium morborum causæ.	55	Hypochondriacæ affectionis variæ differentiæ .	264
Humorum cathartico eductorum co- lores unde .	76	Hypochondriacæ affectionis curatio .	265. & seq.
Hydatides in Hydropicorum pulmo- nibus.	191	Hypochondriaca affectio purganti- bus exasperatur.	266. & seq.
Hydatides quid, earumque causa.	270	Hypochoyma quid.	158
Hydrargyri usus in Iliaca affectione.	251	Hypochoymis quid.	ibid.
Hydrocephalus quid .	268		
Hydrophobia quid.	145		
Hydrophobiæ causæ.	145.146		
Hydrophobiæ remedia.	147. & seq.		
Hydrops pulmonum, & pectoris.	190		
Hydrops quid, ejusque differentiæ.	269		
Hydrops causæ.	269.270		
Hydrops minimè ab Hepatis intem- perie.	270		
Hydrops an vitio renum ex Helmon- tio.	271		
Hydrops an affecto Liene, aliisque vi- sceribus abdominis.	271		
Hydropici cur valdè sitiant.	271		
Hydrops, ejusque specierum signa.	272		

## I

Icterus quid.	277
Icterus non semper fit ab obstructo- poro felleo.	ibid.
Icterus non fit propriè à bile.	277
Icteri genuina causa.	277.278
Ictericus momento temporis factus à cohibita seminis effusione.	278
Icteri prognosticum.	ibid.
Icterus ante septimum periculosissi- mus, curatus tamen ope diapho- reticorum.	278.279
Icteri curatio.	279. & seq.
Icteri specifica remedia.	279
Ictericus fluxus quid Sylvio.	233
Idio-	



# RERUM NOTABILIMUM.

Idiopathici morbi qui. 48  
 Jecur. v. Hepar.  
 Jejunium quomodo quędam anima-  
 lia diu ferant; immo & homines.  
 219  
 Ἰερόν νόσημα. quid Hippocrati. 100  
 Ileus morbus. v. Iliaca affectio.  
 Iliaca affectio quid, ejusque causę.  
 244. & seq.  
 Ilicę affectionis prognosis. 246  
 Ilicę affectionis curatio. 248. & seq.  
 251. & seq.  
 ex Iliastro morbi qui Paracelso. 50  
 Illacrymatio quid, ejusque remedia.  
 163  
 Imaginationis vis ad maculas fętui  
 imprimendas, ex Gassendo, Fabri,  
 Kircherō, Vallesio. 14.15  
 Imaginationis sedes. 38  
 Inanitiones indebitę morborum cau-  
 sę. 55  
 Incantationes an morbos curare  
 possint. 66  
 Inconstantes morbi quomodo tractan-  
 di. 73  
 Indices dies qui. 62  
 Indicatio quid, & ejus differentię.  
 64  
 Indicantia quę. 65  
 Inflammationes quomodo tractan-  
 de. 71.72  
 Inflammationes cathartica contra-  
 indicant. 78  
 Inflammationes pręcauentia reme-  
 dia. 92  
 Inflammationes interne plerumque  
 febrium continuarum causę. 151  
 Ingenii hebetudinis remedia. 151  
 Infania quid. 143  
 Infecta animalia ex ovis gignuntur.  
 2  
 Inspiratio quid. 28  
 Intermittens febris. v. Febris.  
 Intestina an inverti, & convolvi pos-  
 sint. 244.245.  
 Ipecacuanbę radix ad dysenteriam.  
 253

Tozzi Op. Med: Tomo I.

Irę effectus. 28  
 Ira quandoque utilis. 45  
 Ischias quid. 299. v. Arthritis.  
 Ischiadis specialiora remedia. 307  
 Ischias inustione sanata. 308  
 Ischuria quid, ejusque causę. 293  
 Ischurię prognosis. 294. & seq.  
 Ischurię pro varietate causarum cu-  
 ratio. 295. & seq.  
 Ischurię specifica remedia. 296. &  
 sequen.  
 Ischurię remedia externa. 297  
 Juvenum corpus quale. 20

## L

**L** Actis ab infantibus exucti vis ad  
 animi mores. 13  
 Lac an Arthriticis competat. 304  
 Lactis in Hęcticis usus. 342  
 Lactis in Phthisi usus. 201  
 Lactę venę ad amnium pertingen-  
 tes. 9  
 Lactęa vasa Asellii, & Pecqueti. 33  
 Lactęus ductus ad emulgentem ve-  
 nam pertingens ex Actis Anglicis.  
 289  
 Letitię effectus. 44  
 Levitas intestinorum quid. 230  
 Lapis Imperialis quid. 169  
 Lapides in diversis corporis partibus  
 quomodo generentur. 280. v. Cal-  
 culus.  
 Lateralis morbus quis. 184  
 Lati vermes. 253  
 Latos vermes enecantia. 254  
 Lethargus quid. 93  
 Lethargi causa non est frigida cerebri  
 intemperies. 94  
 Lethargum qua ratione febris comi-  
 tetur. 95.96  
 Lethargi genuina causa. 95  
 Lethargi causę remotę. 95. & seq.  
 Lethargi, ejusque causarum signa.  
 96. & seq.  
 Lethargus quomodo à Catalepsi, &  
 Apoplexia distinguatur. 96

Z

3

Le-



Lethargi prognos. 97  
 Lethargi curatio Galenica improba-  
 tur. 97.98  
 Lethargi curatio causas respicere de-  
 bet. 98.& seq.  
 Lethargus evacuantibus quandoque  
 curandus. 98  
 Lethargi specifica remedia. 99.100  
 Leucophlegmatia quid. 268.269.  
 Vide Hydrops.  
 Lienis obstructiones, & scirrhi. 259.  
 & seq.  
 Lienteria quid. 230  
 Lienteriæ causa. 230  
 Lienteriæ signa. 231  
 Lienteriæ curatio. 231.& seq.  
 Linctus Gesneri ad Asthma. 180  
 Linimenta quatuor ad Convulsionem  
 ex Rolfinchio, Pachequo, Foresto,  
 & Penoto. 131.132  
 Linimentum ad Strumas Jouberti.  
 177  
 Lipopsychia quid. 204  
 Lipothymia quid. ibid.  
 Lippitudo quid Celso. 156  
 Lipyriæ febres quæ. 331  
 Liquor Stypticus Jo. Corn. Meber.  
 168  
 Lithiasis. v. Nephritis, & Calculus.  
 Lithotomiæ recta administratio. 292  
 Lithonriptica remedia. 282. & seq.  
 291. v. Calculus.  
 Ludus Paracelsi quid. 282  
 Lumbricorum generatio à putredine,  
 an ex ovis. 252.253  
 Lumbricorum species. 253  
 Lumbricorum effectus, & signa. 253  
 Lumbricos enecantia. 253  
 Lumbrici an Saccharo enecentur.  
 255  
 Lunaticus morbus qui. 101  
 Lupina fames quid. 217. v. Bulimus.  
 Lux innata oculis inest. 162.40  
 Lycanthropia quid. 144  
 Lympha morbos parit. 56  
 Lymphatica vasa à glandulis potissi-  
 mum originem ducunt. 35

## M

**M**Acies. v. Phthisis, Tabes, He-  
 ctica.  
 Macularum foetus causæ. 12.& seq.  
 Macularum foetus causa præcipua  
 matris imaginatio. 14.&c.  
 Magisterium succini ad Epilepsiam.  
 111  
 Magni morbi quomodo tractandi.  
 84  
 Major morbus quid Celso. 101  
 Malacia quid. 217  
 Malaciæ causa. 219. v. Pica.  
 Maligna febris, quæ juxta varios Au-  
 thores. 333  
 Malignæ febris vera acceptio. ibid.  
 Malignæ febres à veneno coagulante  
 fiunt. 334  
 Malignæ febris causæ. 334  
 Malignæ febres cur in Italia æstivo  
 tempore ob aeris mutationem  
 grassentur. 335  
 Malignæ febris causæ procatacticæ.  
 335  
 Malignæ febris signa. ibid.  
 Malignæ febris prognos. 336  
 Malignæ febris curatio. 336.& seq.  
 Malignæ febres quo victu tractandæ.  
 337  
 Mania quid, ejusque differentiæ.  
 143  
 Maniæ causæ internæ, & externæ.  
 143.144  
 Maniæ prognos. 145  
 Maniæ curatio. 146.& seq.  
 Marasmus quid. 195  
 Meconium quid, & ejus origo. 9  
 Medicina est adjectio, & detractio  
 ex Hippocrate. 49  
 Melancholia humor quid ex Galeno.  
 34  
 Melancholicum delirium quid. 149  
 Melancholicorum species. 149  
 Melancholici delirii causæ proximæ,  
 & remotæ. 150  
 Me-



# RERUM NOTABILIMUM.

Melancholici delirii prognosis. 150	Mortis causę. 45.46
Melancholici delirii curatio . ibid. & seq.	Motus animales, naturales, & mix- ti, eorumque instrumenta. 45
Melancholici delirii specifica reme- dia. 151	Motus quando noxius. 53
Melancholia Hypochondriaca differt ab affectione Hypochondriaca . 262	Mulę non semper steriles. 13
Memorię sedes. 38	Mulieres ova, & ovaria habent. 3.4
Memoriam juvantia remedia. 151	Multipararum historie. 13
Mens quid, juxta variorum opinio- nem. 18	Mures gravidı ex utero editi ex Ari- stotele, & quomodo id accidere potuit. 5.6
Mens est, quę re vera sentit. 36	Musculus an sit instrumentum motus voluntarii. 27
Mentales morbi ex Paracelso. 49	Myopia quid. 160
Mercurius. v. Hydrargyrus.	Myopię causę. 161
Mercurius præcipitatus fixus, ejusque preparatio, & vires. 332.333	Myopię remedia. 162.& seq.
Mesenterii abscessus, & inflammatio- nes. 258.& seq.	N
Meseraicę venę chylum non transmit- tunt ad hepar. 33	<b>N</b> Arcoticorum noxę quibus tol- lantur. 98
Methodus medendi secundum varios 64.& seq.	Narcotica maniacis noxia. 142.146
Mictus cruenti remedia. 295	Narium hæmorrhagia. 165.& seq.
Minera Febrium quid antiquis. 330	Naturę vis in morbis curandis. 71
Mixtura Sylvii ad sputum sanguinis. 194.216	Naturales morbi ex Paracelso. 49
Mixtura Sylvii ad sanguinis grumos dissolvendos. 195	Nausea quid. 213
Mixtura ad calculum confringendum Vvincleri. 292	Nauseę curatio. 215
Mœroris effectus. 45	Nausea certis quibusdam cibis unde. 220
Monstrorum species, & causę. 11.12. & seq.	Nephritis quid. 280
Morbus in quonam consistat. 47.57	Nephritis à culculo quomodo digno- scatur. 281
Morbus in quonam à Vitio differat. 47	Nephritici quare vomitu tententur. 281
Morborum differentię. 47.& seq.	Nephritis quomodo à Colico dolore dignoscatur. 281.246
Morborum causę juxta variorum sententiam. 49.& seq.	Nephritidis prognosticum. 281
Morborum signa in genere. 58	Nephritidis curatio. 282.& seq.
Morborum tempora. 61	Nephriticos dolores mulcentia . 283
Morbus, qui inspuitur quid Plauto, & Plinio. 101	Nephritis an purgantia, vel vomito- ria cathartica indicet. 284
Morosis quid, ejusque curatio. 151	Nephritidem præcaventia remedia. 284.& seq.
Mors à quam animi passione effi- cacius induci possit. 55	Nephritici refrigerantibus non ju- vantur. 284
	Nephritis à crudis, crassisque humo- ribus. 285. ejus curatio. 286



# I N D E X

Nephritis ab inflammatione .	285.
286. ejus curatio .	286
Nephritis ab ulcere , à vermibus , &c.	
286. ejus curatio .	287
Nerveus succus haud nutritivus .	36
Nonana febris quomodo accidere possit .	319
Nonnaturales , & indifferentes morborum causæ .	51
Nothi abdominis dolores .	219
Nutritio fœtus quomodo peragatur .	
7. & seq.	
Nutricatio quomodo contingat .	30
& seq.	
Nutricationis materia .	35
Nyctalopia quid .	160
Nyctalopiæ causa .	161
Nyctalopes qui ex Hippocrate .	161
Nyctalopiæ remedia .	163

## O

<b>O</b> bstitutio quid , & quot modis accidere possit .	256
Obstructiones mesenterii tactu deprehendi non possunt .	256. 257
Obstructiones quibus remediis tollantur .	257. & seq.
Obstructiones Hepatis , & Lienis .	259
& seq.	
Octimestris partus an vitalis .	17
Oculis lumen inest .	40. 162
Oculi , cum gemini sint , quomodo ad idem objectum videndum concurrant .	42
Oculi frigidis læduntur .	157
Odi effectus .	44
Odontalgia . v. Dentium dolor .	
Odorum differentia .	39
Odor etiam per aquam diffunditur .	39
Oleum Antipleuriticum Petri à Castro .	187
Olea Antiepileptica ex Platero , & Henrico ab Heers .	111
Olfactus quid .	39
Olfactus organum , & objectum .	39

Ophthalmiæ natura , causæ , & curatio .	156. 157
Ophthalmia frigidis nequaquam tractanda .	157
Ophthalmica remedia .	157
Ophthalmicum stupendum Hartmanni .	159
Opisthotonos quid .	126
Opium delirantibus noxium ex Helmontio .	142. 146
Opio immodicè assumpto quæ resistant .	98
Opiata Borelli ad dentium morbos .	170
Opiatorum in dysenteria usus .	239
Oris ulcera quibus curentur .	171
Orthopnæa quid .	178
Otii damna .	54
Ova sunt primordia generationis omnium animalium , immò & plantarum .	1
Ova humana ab Hippocrate memorata .	ibid.
Ova omnium animalium ab Aristotele recensita .	3
Ovi Gallinacei incubati mutationes .	2. 3.
Ova in multis viviparis animalibus observata à Stenone , & aliis .	3. 4
Ova muliebria à semine masculeo fecundantur pro generatione .	4
Ovum continet omnia fœtus futuri rudimenta , immò & nova illius ova .	6
Oxyrhodinorum usus an in malignis febribus permittendus .	337

## P

<b>P</b> alimbolæ febres quæ .	334
Palpitatio cordis quid , ejusque causæ .	202. & seq.
Palpitationis cordis causa venæ cavæ infartus .	202
Palpitationis cordis curatio .	203.
& seq.	
Pancreatici succi usus in intestinis .	33
Pan-	



# RERUM NOTABILIMUM

Pancreaticus succus quomodo morbos producat.	56	incertum.	17
Pancreatis inflammationes, & abscessus.	258. 259	Partus octimestris an vitalis.	17
Paracelsi de causis morborum opinio.	49	Passionum animæ differentiæ, & causæ.	44
Paracelsi methodus.	65. & seq.	Pectoris descriptio.	177
Paracentesis in Empyemate.	189	Pectoris in empyemate incisio.	189
Paracentesis in Hydrope pectoris.	191	Periodi febrium explicantur.	231. 322. 329
Paracentesis in Hydrope.	274	Peripneumonia quid, ejusque causa.	182
Paracmasticæ febres quæ.	319	Peripneumoniæ sedes.	182
Paracynanche quid.	173	Peripneumonia in quonam à Pleuritis differat.	182. 183
Paralysis quid.	120	Peripneumoniæ signa.	183
Paralysis causæ juxta varios Auctores.	120. 121	Peripneumoniæ curatio.	184
Paralysis causæ proximæ, & remotæ.	121	Pervigilii remedia.	143
Paralysis signa.	121. & seq.	Pestilens febris à veneno dissolvente fit.	334
Paralyti cur quandoque sensus, quandoque motus, quandoque uterque lædatur.	122	Pestilentium febrium causæ.	334
Paralyti affecta membra cur atrophiam quoque corripiantur.	122	Pestilentes febres cur sint contagiosæ.	335
Paralysis prognosis.	123	Pestilentium febrium contagium vermiculis transmissum ex Kirchero.	335
Paralysis curatio ex Galenicis, Helmontio, Sylvio.	123	Pestilentium febrium causæ procatacticae.	335
Paralysis curatio ex Villisio.	124	Pestilentium febrium signa.	335
Paralysis curatio ex Hermeticis, & Paracelsistis.	124	Pestilentium febrium prognosis.	336
Paralysis specifica remedia.	125	Pestilentium febrium curatio.	337
Paralysis ex colica curatio.	126. 250	& seq.	
Paraphrenitis an ab inflammatione diaphragmatis.	140	Pestilentes febres quibus amuletis præcaveantur.	338
Paraplegia quid.	120	Pestilentialium bubonum curatio.	338
Paraplexia quid.	ibid.	Pestis à timore potissimum contrahitur ex Helmontio.	335
Parasynanche quid.	173	Pestis quandoque absque ulla febre.	336
Paresis quid.	120	Pestem vitantia remedia.	337. & seq.
Paristhmia quæ.	172		339
Parotides abscessus quid.	164	Philtrea an sint.	144. 145
Paroxysmi morborum medicamenta, & cibum respuunt.	73	Phlebotomiam facturi quare venam supra locum sectionis constringimus.	
Partus foeti quandoque editi, & quomodo id accidere potuerit.	5. 6	Phlebotomia noxia.	72
Partus causa est foetus maturitas.	16	Phlebotomiæ inventio, ejusque primus usus.	82
Partus naturalis modus.	16		
Partus naturalis tempus hominibus			



# I N D E X

- Phlebotomiæ ofores Chrysippus Cnidi-  
dius, Erasistratus, alique. 82
- Phlebotomiam sensati Recentiores  
respuunt. 83
- Phlebotomiam quibus rationibus as-  
serat Galenus. 83. &c.
- Phlebotomiam è medio tollentia ar-  
gumenta. 83. &c.
- Plebotomia putredinem non tollit.  
84
- Phlebotomia tanquam præsidium re-  
frigerans, & ventilans non conve-  
nit. 84
- Phlebotomia revellere nequit. 84
- Plebotomia in extremis morbis non  
instituenda. 84
- Phlegma v. Pituita.
- Phrenitis quid. 139
- Phrenitidis differentiæ. 140
- Phrenitis an à cerebri inflammatio-  
ne. 140
- Phrenitidis causa proxima. 141
- Phrenitidis signa. 141
- Phrenitidis curatio Galenica. 141.  
142
- Phrenitidis curatio juxtà Hermeti-  
cos, Helmontium, aliosque. 142.  
143
- Phrenitidis specifica remedia. 143
- Phricodes febris quæ. 330
- Phthisis quid. 195
- Phthiseos causæ. 196. &c.
- Phthisis absque pulmonis ulcere. 195  
196
- Phthisis an destillationibus è capite  
delabentibus accidere possit. 196.  
197
- Phthisis morbus an hæreditarius, &  
quomodo. 197
- Phthisi quinam obnoxii sint. 198
- Phthiseos sedes ex Barbette. 198
- Phthiseos species juxtà Rich. Mor-  
ton. 199
- Phthiseos imminētis, & præsentis  
signa. 199. 200
- Phthiseos prognosis. 199. 200
- Phthiseos imminētis, & inchoatæ  
curatio. 200. & seq.
- Phthisis an usu lactis curari possit.  
201
- Phthisiciaere quam maximè juvan-  
tur. 201
- Φυσώδης spasmus quid. 127
- Pica quid. 217
- Picæ causa. 219
- Picæ remedia. 220. & seq.
- Pictonici dolores qui. 245
- Pictavienses dolores qui. 245
- Pilulæ ad cephalalgiam à fero factam.  
92
- Pilulæ Fernelii specificæ ad cephalal-  
giam. 94
- Pilulæ ad arcendam apoplexiam Sey-  
leri. 120
- Pilulæ ad tremorem Bayri. 132
- Pilulæ ad phrenitim ex Zacuto. 142
- Pilulæ ex succino Cratonis. 155
- Pilulæ deobstruentes. 257
- Pilulæ Horstii ad arthritidem. 306
- Pinealis glandula non est sensuum in-  
ternorum sedes, & quare. 37
- Pinguis alvi fluxus. 233
- Pisces respirant ex Plinio. 29
- Pituita quid ex Galeno. 34
- Pituitosus alvi fluxus. 233
- Placentæ uterinæ usus. 8. 9
- Plantæ omnes ex ovo prodeunt. 1
- Plantæ ex suis salibus regeneratæ. 5
- Plantarum semina continent nova-  
rum plantarum rudimenta. 6
- Pleripneumonia quid. 182
- Plethora quid. 55
- Plethora an possibilis. 83
- Pleuritis quid, ejusque sedes. 184
- Pleuritidis signa pathognomonica  
expenduntur. 184
- Pleuritidis causæ, & differentiæ. 184
- Pleuritidis prognosticum. 185
- Pleuritis an venæ sectione curetur.  
185. 186
- Pleuritidis specifica remedia. 186.  
& seq.
- Podagra quid. 299. v. Arthritis.
- Podagræ transplantatio. 307



# RERUM NOTABILIMUM.

Potus quomodò morbos inferre possit. 53  
 Potio ad Epilepsiam Chesnau. 107  
 Potiones antiepilepticæ Deckers, & Chesnau. 109  
 Potio Grulingii ad Asthma. 181  
 Primogenita pars in foetus formatione an detur, & quænam sit juxta varios Authores. 6. & seq.  
 Principium morborum. 61  
 Principium morborum quæ medicamenta exigat. 72. 78  
 Pruritus oculorum remedia. 163  
 Pterygii remedia. 159. & seq.  
 Puerorum habitus qui. 20  
 Pueri cur ad epilepsiam magis proni. 104  
 Puerilis morbus quid. 100  
 Pulmones an moveantur, & qua ex causa. 26  
 Pulmonum yomicæ curatio. 190  
 Pulmo sitis sedes ex Aristotele. 223  
 Pulmonia quid. 182  
 Pulsus cordis, & arteriarum causa juxta varios Authores. 21. 22. & seq.  
 Pulsus, & respiratio proportionem inter se servant. 27  
 Pulsuum observatio ab Hippocrate, Asclepiade, & Celso neglecta. 59  
 Pulsuum doctrina varia, & intricata à Galeno proposita. 60  
 Pulsuum observatio parùm fida. 61  
 Pulvis antiepilepticus ex Grulingio. 109. ex Henr. ab Heers. 110. atque alius longè efficacior. ibid.  
 Pulvis ad vertiginem. 139  
 Pulvis alius ad vertiginem VVillifii. 139  
 Pulvis ad canis rabidi morsum. 148  
 Pulvis ad catarrhi materiam è naribus eliciendam. 156  
 Pulvis ad visus hebetudinem Montagnanæ. 163  
 Pulvis Sympathicus quid. 167  
 Pulvis ad bocium Helmontii. 176  
 Pulvis ad bocium Arn. Villanovani. 176

Pulvis asthmaticus purgans Rulandi. 175  
 Pulvis Cardinalis Paliotti. 186  
 Pulvis Ducis Aquæspartæ. 186  
 Pulvis ad famem auctam Deckers. 222  
 Pulvis Saxonie ad dysenterias. 237  
 Pulvis Arthriticus Cnoeffelii. 305  
 Purgantia. v. Cathartica.  
 Putredo phlebotomia non tollitur. 84  
 Putredo malè pro febrium causa habita. 314  
 Putridæ febris causa ex VVillis. 327. v. Febris.  
 Pygmæi an sint. 13  
 Pygmæi arte facti. 13

Q

**Q**ualitatis mutata symptomata. 58  
 Quartana febris quæ. 319  
 Quartana febris an à melancholia. 320  
 Quartana febris à pituita. 320  
 Quartana febris duplex, & triplex. 322. v. Febris intermittens.  
 Quies quomodò noxia. 54  
 Quintana febris quomodò accidere possit. 319  
 Quotidiana febris quæ. 319. 322  
 Quotidiana febris minimè à pituita. 320. v. Febris intermittens.

R

**R**abies canina. 145. 146  
 Rabiei remedia. 147. & seq.  
 Rachisagra quid. 299. v. Arthritis.  
 Ranæ minimè ex pluvia gignuntur. 1. 2  
 Ranarum generatio ex Jacobæo. 2  
 Ratio, & experientia duo crura medicina. 69. 70  
 Raucedo quid. 152  
 Refrigeratio in febribus intermittens unde. 321. 322. 324  
 Re-



Regius morbus qui.	277. v. Icterus.
Remissio morborum.	62
Renum inflammatio, ejusque curatio.	286
Renum apostemata, & ulcera, eorumque curatio.	287. 295.
Repletiones indebitæ morbos inferunt.	54
Resoluti morbi ex Paracelso.	49
Respiratio fœtus in utero an possibilis.	10. 11
Respirationis instrumenta.	26
Respiratio pulsui cordis correspondet.	27
Respiratio animalis motus sit, an naturalis.	27
Respirationis usus ex Aristotele, Cartesio, Gassendo, Paracelso, & aliis.	28. 29.
Respirationis usus juxta nostram sententiam.	29
Respiratione an careant Apoplectici, ii, qui aquis submersi sunt, atque alia animalia.	114. 115.
Respirationis læsiones.	177. v. Asthma.
Retentorum Symptomata.	58
Rhabbarbari usus in alvi fluxibus.	236
Rheuma quid.	152
Rheumatismus quid, ejusque causa.	301
Rheumatismus in quonam ab Arthritide differat.	302
Rigor febrium intermittentium unde.	321. 322. 324
Rigores apud Celsum quid.	126
Rixis quid.	191
Ructuosus morbus quid Hippocrati.	264

## S

<b>S</b> accharum an vermes enecet.	255
Sacer morbus quid.	100
Sal cur fœcundum.	4. 5
Sal antifebrile Grulingii.	326
Salium ope plantarum, & animalium regeneratio.	5

Saliva multum ad chylosim conducit.	31
Sanguinis vigor à falsilagine quadam. 19. hujus falsilaginis origo Kerckringio.	20
Sanguinis in corde effervescentia.	20
Sanguinis in glandulis percolatio.	ibid.
Sanguinis in corde ebullitio ope fermenti fieri nequit ex Lovvero.	21
Sanguinis circuitus explicatur.	23
Sanguinis circuitus rationibus adstruitur.	23. & seq.
Sanguinis transfusio.	24
Sanguis quomodo ex arteriolis in venas transeat.	26
Sanguinis circuitus non in omnibus eodem tempore absolvitur.	26
Sanguinis generatio ubi, & quomodo.	34
Sanguis educus quomodo varios humores exhibeat.	34
Sanguis portione alba, & auctificaturget.	35
Sanguis quomodo morbos efficiat.	56. 57
Sanguis an abundare possit.	83
Sanguis putrescere vitæ superstite nequit.	84
Sanguinem fluentem sistentia medicamenta.	167. & c. 168. & c.
Sanguinis grumos dissolventia remedia.	194
Sanguinis mictum tollentia.	295
Sanguinis vomitum quæ compescant. 216. & seq. v. Hæmorrhagia, & Hæmoptoe.	
Sanguinis sputum. v. Hæmoptoe.	
Sanguinis missio. v. Phlebotomia.	
Sanguineus alvi fluxus.	241
Sanitas in quonam consistat.	47
Saporum differentia.	39
Sardonius risus quid.	127
Satyri an fuerint.	13
Satyriasis quid.	127
Scabiei contagium vermiculis communicatur ex Bonomo.	335



# RERUM NOTABILIMUM.

Scelotyrbe Plinii quid.	264	Singultus causa, & sedes.	210. & seq.
Scirrhus lienis quid, ejusque remedia.		Singultus prognosis.	211
259. 260.		Singultus curatio.	212
Scorbutus quid.	264	Sirenes an fuerint.	13
Scorbuti sedes.	264	Sitis unde.	33
Scorbuti causa ex Villisio, & Sen- nerto.	264. 265	Sitis non tam frigidus sedatur, quam calido potu.	33
Scorbuti curatio.	267. & seq. 74	Sitis spiritu vini compesci potest.	33
Scorbutus quandoque acidis curatur ex Sylvio.	267	Sitis læsiones, earumque causæ, & remedia.	217. & seq.
Scotomia. v. Vertigo Tenebricosa.		Sitis morbosæ causa.	222. 223
Scrofulæ. v. Strumæ.		Sitis quibus extinguenda.	224. & seq.
Semen à fœminis non suggeritur pro generatione, sed ovum.	4. 5	Sitim silentium curat ex Hippocrate.	225
Seminis vis prolifica in sale ejusdem volatili consistit.	7. & seq.	Sitis Hydropicorum causa.	271
Seminis materia quæ.	6	Situs fœtus in utero.	10
Senum corpus quale.	20	Solutio quomodo à crisi differat.	62
Sensuum divisio in internos, & ex- ternos.	35	Somno mens non ociatur, immò nec corpus.	42
Sensuum origo cerebrum est, non cor.	35. 36	Somni causa ex Aristotele, Galeno, Cartesio, atque aliis.	43
Sensus mediis speciebus intentionali- bus non fiunt.	36	Somni causa juxta nostram senten- tiam.	43. 95
Sensuum internorum sedes ex variis.	36. juxta nostram sententiam.	Somnus quando noxius.	53. 54
37		Somni meridiani damna.	53
Sensus omnes ad tactum reducuntur.	38	Somni causa non est frigida cerebri intemperies.	95
Septimana febris quomodo accidere possit.	320	Somnambuli.	42
Sextana febris quomodo contingere possit.	320	Sonticus morbus quid Cœlio.	101
Siccatorius morbus quid Hippocra- ti.	264	Sonus per os percipi quoque potest.	40
Sidera an in sublunaria influant.	52	Soni generatio, & propagatio.	ibid.
Sideratus morbus qui.	112	Soporosi affectus.	94. & seq. v. Le- thargus.
Sigilla an morbos curare possint.	66	Spasmus quid.	126
Signa morborum in genere.	58. & seq.	Spasmodici motus.	ibid.
Signorum fontes.	ibid.	Spasmus Cynicus.	ibid.
Signaturæ an morbos curare possint.	66	Species intentionales meræ nugæ ex Gassendo.	37. 41
Similitudo natorum parentibus un- de.	7	Spei effectus.	45
Similibus an fieri possit curatio.	69. 70	Sphinges an fuerint.	13
Similibus an fiat conservatio.	70	Spirituosa remedia plerumque profi- cua.	72
		Status morborum.	62
		Status morborum quæ medicamenta exigat, quæ respuat.	72
		Sternutatoria in Lethargo.	99. 100
		Stil-	



# I N D E X

Stillicidium Urinæ v. Stranguria.		Syrupus absinthii purgans.	221
Stomachica externa dorso potius , quàm Epigastrio sunt applicanda ex Galeno.	213	Syrupus Scelotyrbicus Foresti.	267
Stomachica remedia. 220. & seq. 226 & seq.		Systoles cordis usus.	26
Stomacace Plinii quid.	264	T	
Strabismus quid.	126. 160	<b>T</b> Abes quid, ejusque species.	195
Strabismi remedia.	160. & seq.	v. Phthisis.	
Stranguria quid, ejusque causæ.	293	Tabis causæ.	339. 340
Stranguria an à dysuria differat.	294	Tabellæ ad sputum sanguinis ex Pla- tero.	193
Stranguriæ prognosis.	294	Tachenii de causis morborum opi- nio.	50
Stranguriæ curatio.	297	Tactus quid.	38
Strumæ quid, earumque causa, & curatio.	176. & seq.	Tactus organa, & objecta.	38
Stupor quid.	120. 133	Taraxis quid.	156
Stupiditatis remedia.	151	Tarentini morbi descriptio.	48. 49
Stypticitatem alvi tollentia medica- menta.	241. & seq.	Tarentinus morbus est species delirii.	144
Sudorifera. v. Hydrotica.		Tarentini morbi curatio.	149
Suffocationes repentinæ absque ullo colli tumore.	173	Temperamentum quid, ejusque dif- ferentiæ.	20. 21
Suffusio quid, ejusque causæ.	158	Tempora morborum.	61
Suffusionis signa, & curatio. 159. & seq.		Tenescmus quid, ejusque causa.	233.
Superfoetatio an detur.	11	234	
Surditatis remedia.	165	Tenesmi curatio.	240
Sympathici morbi qui.	49	Teretes vermes.	253
Symptoma quid.	57. & seq.	Tertiana febris quæ.	319. 322
Symptomatum differentiæ.	57	Tertiana febris an à bile.	320
Synanche quid.	173. 174	Tertiana febris duplex. 322. v. Febris intermittens.	
Syncope quid.	204	Tetanos quid.	126
Synopes causæ.	205	Timoris effectus.	45
Synopes signa.	205. 206	Tinctura gummi laccæ.	170
Synopes curatio.	206	Tinctura Martis efficacissima.	269
Syncope stomachica.	208	Tinctura traumatica VVepferi.	117
Synecha febris quæ. 328. 329. v. Fe- bris continua.		Tinnitus aurium remedia.	165
Synecicæ morborum causæ quæ.	55	Tophi arthriticorum quibus tollan- tur.	306. 307
& seq.		Torpor quid.	120
Synocha febris quæ.	328	Trachelagra quid.	299. v. Arthritis.
Synochus unius, vel plurium dierum, ejusque causa ex V Villisio.	327. v.	Transfusionis sanguinis inventum.	24
Febris.		Transplantatoriæ curationes.	66
Synovia quid Paracelsistis.	300	Travagini de causis morborum opi- nio.	50
Syrupus S. Ambrosii.	125	Treabræ quonam à convulsione dif- ferat.	126
Syrupus ad sputum cruentum effica- cissimus.	194		

Tre-



# RERUM NOTABILIMUM.

Tremoris manuum, & capitis remedia. 132. & seq.  
 Tremoris membrorum causæ, & differentia. 132. 133  
 Trismus quid. 127  
 Tristitiæ effectus. 44  
 Tritæophyes febris quæ. 327. 330  
 Tritæus febris quæ. 327  
 Triumviralis humor Sylvii. 51  
 Turgentes humores an evacuandi in principio. 78  
 Tympanites quid. 269. v. Hydrops.  
 Tympanitis causa. 270  
 Tympanitis curatio. 276  
 Typhomania quid. 96

## V

**V** Agitus foetus in utero. 10. 11  
 Vegetatio quomodo contingat. 30  
 Venæ quare non pulsant. 23  
 Vena quacumque secta universus sanguis effluere potest. 24  
 Venæ sectio. v. Phlebotomia.  
 Venenosi morbi ex Paracelso. 49  
 Veneno in ventriculo assumpto quæ resistent. 209  
 Venena vomitum moventia quibus domentur. 216. & seq.  
 Venenorum variæ sunt species. 334  
 Veneno similes in humano corpore generari possunt humores ex Galeno. 336  
 Venerem extimulant sale volatili prædita. 5  
 Ventriculi attritio quid Galeno. 208  
 210  
 Ventriculi maxima habenda est in febribus cur. 332  
 Vergentes ad alvum humores expurgandi. 78  
 Vermes. v. Lumbrici.  
 Vertigo quid, & ejus causæ externæ. 135  
 Vertiginis causa juxta varios. 136  
 Vertiginis genuina causa. 136. 137

Vertigo ut plurimum à ventriculo. ibid.  
 Vertigo vomitu plerumque curatur. 137  
 Vertiginis differentia. 137  
 Vertiginis causæ remotæ. 137. 138  
 Vertiginis signa. 138  
 Vertiginis curatio, & præservatio juxta varios Authores. 138. & seq.  
 Vertigo tenebricosa. 137  
 Vesicæ calculus. v. Calculus.  
 Vesicæ ulcerum curatio. 295  
 Vesicantia noxia. 85  
 Vetrerus quid. 94  
 Vigilia cur somnum consequatur, & contra. 44  
 Vigilia quando noxia. 54  
 Vinum an, & quando noxium. 53  
 Vinum medicatum Plateri ad Vertiginem. 139  
 Vinum an stomacho conferat. 217  
 Vinum medicatum ad Ascitem, & Tympanitem. 276  
 Vinum magnum in malignis febribus remedium. 337  
 Vipera quomodo per longum tempus jejunium ferat. 219  
 Virilitatis habitus qui. 20  
 Visionis præcipuum organum. 40  
 Visio quomodo peragatur. 40. & seq.  
 Visio duplex non fit, quamvis gemini sint oculi, & quare. 42  
 Visio objectorum inverforum ex Senerto. 161  
 Visus hebetudo, & caligo. 161. & seq.  
 Visio cur noctu à quibusdam animalibus peragatur. 162  
 Visus hebetudinis remedia. 162. & seq.  
 Vita per quid à Mente, seu Anima differat. 18  
 Vita quid. 19  
 Vita an in sanguine. 19  
 Vita an à calore. ibid.  
 Vita in sanguinis motu. ibid.  
 Vita à sanguinis, & cordis motu dependet. 21

Vitæ



# INDEX RERUM NOTABILIU.

Vitæ dissolutio, ejusque causæ.	45	Urinæ à causis tum internis, tum ex-	
Vita an possit longissimè produci.	47	ternis mutationes.	61
Vitium quid, & in quonam à morbo		Urinam moventia. v. Diuretica.	
differat.	47	Urina diabete affectorum an reverà	
Vitro devorato quæ resistent.	210	fit potus.	287
Unguentum ophthalmicum.	158	Urinæ suppressio. v. Ischuria.	
Unguentum Plateri ad Epiphoram.		Urinæ ardor. v. Dysuria.	
163		Urinæ stillicidium. v. Stranguria.	
Unguentum ad Bronchocelen Hel-		Urinæ cruentæ remedia.	296
montii.	176	Urinæ incontinentia, ejusque causæ.	
Unguentum ad strumas apertas A-		298	
quapendentis.	177	Urinæ incontinentiæ remedia speci-	
Unguentum Foresti ad Arthritidem.		fica.	298
306		Urinæ profluvium. v. Diabetes.	
Volatica quid.	310	Uula. v. Gurgulio.	
Volvulus. v. Iliaca affectio.			
Vomicæ pulmonum curatio.	190		
Vomitoria. v. Emetica.			
Vomitùs quomodò contingat.	213		
Vomitùs causæ, & differentiæ.	214		
Vomitùs prognosis.	214		
Vomitùs non semper sistendus.	215		
Vomitùs curatio.	215. & seq.		
Vomitùs sanguinis curatio.	216. &		
seq.			
Urina fœtus omni falsedine caret ex			
Aldes.	9		
Urinarum vana inspectio.	61		
Urinæ viæ breviores ex ventriculo, &			
lacteis,	61, 289		

W

**V** Valœi methodus. 66

X

**X** Erophthalmia quid. 156

Z

**Z** Ona Herpetis quid Severino. 310

**F I N I S.**



L U C Æ  
T O Z Z I  
NEAPOLITANI  
IN HIPPOCRATIS APHORISMOS  
COMMENTARIA.  
*PARS PRIMA:*

UBI UNIVERSÆ MEDICINÆ,  
tum Theoreticæ, tum Practicæ celebriores Quæ-  
stiones perpenduntur, atque nedùm Recentiorum  
inventis, sed & genuinæ ejusdem Hippocratis menti  
congruentes, quàm dilucidè explicantur.

TOMUS SECUNDUS.



VENETIIS, MDCCXI.

Apud Nicolaum Pezzana.

*SUPERIORUM PERMISSU, AC PRIVILEGIIS.*





YRWEITZ - MDCCLX

Library of the Wisconsin Historical Society

Acquired from the collection of the Wisconsin Historical Society



# AD LECTOREM.



Uæ nunc habes , Amice Lector , in Hippocratis Aphorismos Commentaria, fuere à me jam pridem meis Auditoribus publicis lectionibus ore tradita ; cùmque per aliquorum dumtaxat manus versarentur , essentque à plerisque aliis expetita , in animum induxi, ut illa publici juris facerem, ac typis evulgarem , daturus brevi , Deo favente , reliqua , in totius Operis complementum. Interea his fruire, & Vale.





# IN LIBROS APHORISMORUM HIPPOCRATIS PRÆFATIO.



*U* I primus de Re Medica scripserit, atque medendi præcepta literis, consignaverit, communi voto fertur Hippocrates, patria Cous, ex familia Asclepiadeorum oriundus, vigesimus à Jove, decimus octavus ab Æsculapio, & nonus à Chrysamide Rege.

Fuit in Rhetorica Gorgiæ Leontini, sui temporis celeberrimi, atque in Philosophia, eximii Viri Democriti Abderitæ, Auditoris in Medicina verò à Patre suo Heraclide, & ab Herodico Selybriano edoctus: sed tam postea in illa profecit, actantam

apud omnes adeptus est venerationem, ut nedum Veteribus, immò & Principibus maximo tum sit habitus in honore, ac Deitatis simulacrum promeruerit, sed & nec in posterum nemo uspiam ausus sit, illum vel leviter laceffere, aut ejusdem dictatis, ne verbo quidem, contradicere. Quin & Paracelsus ipse, Priscorum omnium Censor cæteroqui severissimus, eundem ultro reveretur, & commendat, ejusque sententias, præsertim aphoristicas, recipit, & interpretari non dedignatur: Quod & Helmontius quoque passim facit, illumque rarissimi doni Virum appellat. At magnificentiora de ipso loquutus Macrobius, scribit, tam fallere, quam falli nescivisse; ut propterea non mirum, si Galenus pluries veritus non sit illius sententias Dei vocibus equiparare.

Sed si in reliquis suis operibus Divinus planè videtur Hippocrates, procul dubio in libris Aphorismorum maximus omninò est, & supra humanæ mentis aciem se extulit; unde non defuere, qui illos, veluti decreta ex Oraculis deprompta, etiam ad res Theologicas, Morales, ac Politicas, non incongruenter retulerint.

Livore itaque, & malignitate non caret, quod vulgò ex Plinio circumfertur, sententias has in Aphorismis exaratas, ex Tabulis in Æsculapii, Apollinis, cæterorumque Deorum ædibus, affixis, vel ex Bibliotheca Cnidia, illum excerpisse: etenim haudquaquam continent Aphorismi nudas, simplicesque Morborum observationes, sed documenta, ac præcepta sanè firmissima, quæ sparsim relata inveniuntur in cæteris ejusdem voluminibus, in quibus summum planè ipsius Auctoris ingenium, maximumque optimarum Artium studium apertissimè relucet, ut etiam ex observationibus longousu, atque experientia comprobatis, utilissimas, præclarissimasque sententias generales colligere sci verit.

Inscribitur Opus hoc Aphorismorum, seu Selectarum Sententiarum: id enim sonat græcè Aphorismus, quod latine Oratio Selecta. Unde Galenus comm. 1. pr. Aphor., & comm. 28. secundi, & alibi, Aphorismum, inquit, esse sermonem, qui brevissimis verbis omnes rei proprietates explicat, ac circumscribit. Et Philotheus antiquissimus Aphorismorum Interpres subdit, Aphorismum esse sermonem verborum quidem inopem, sensibus autem locupletem. Hinc quantitas sit hujus operis præstantia, atque utilitas, quisque facile coniiciet, cum in eo summa Medicinæ Capita comprehendantur, & qua graviora sparsim alibi Hippocrates edocuit, in hoc uno Opere colligantur, veluti generaliora, ac principaliora Medicinæ Theoremata: quippè satis is putavit in Arte planè aamodum longa, vitæque brevi, utilitatem quærere, tradereque ea, quæ necessaria forent ad Rem Medicam faciendam, non disputandam. Eos igitur ad genuinam ejusdem Auctoris mentem explicare conabimur, potissimum coherentè his, quæ accurata Seculi nostri diligentia detexit, atque in lucem protulit, sectantes interea vulgatam Leonicieni è græco Codice versionem, ni tamen alicubi Ratio aliter suaserit.





# LUCAE TOZZI

In Primum Aphorismorum

## HIPPOCRATIS COMMENTARIA.

### APHORISMUS I.

*Vita brevis, Ars longa, Occasio praecipua, Experimentum periculosum, Judicium difficile. Non solum autem seipsum praestare oportet opportuna facientem, sed & Aegrum, & Assidentes, & Exteriora.*



Ubi in ipso limine Galenus, an hic unus sit, an plures aphorismi; sed istius tamen haesitantiae illum increpat Cardanus: *hoc enim esset*, in-

quit, ipsum Hippocratem accusare, qui duo diversa in unum compegerit. Conveniunt ea propter cum eodem Salvus Sclanus, Fuchsius, Argenterius, Heurnius, Moralis, & Sanctorius, unicum hunc esse aphorismum duas tamen partes comprehendentem, & quidem primam Aphoristicam Tozzi Op. Med: Tom. II.

doctrinae necessitudinem continere, quoniam Vita humana brevis est ad tam arduam, & longam Artem addiscendam; alteram verò, requisita, ad intenti operis consequutionem; scilicet obtemperationem Aegri, Assistentium diligentiam, & externorum debitam praeparationem, administrationemque. Quamobrem videtur hic aphorismus universi operis prodromus, atque prooemium.

Quoniam vero Artem longam dixit, & Vitam brevem, videtur subinde Hippocrates nedum Auditores dehortari, sed etiam ab omni Medicinae studio homines avocare. Verum his potius perbellè suadet, & adhortatur: *extrema enim*, inquit Galenus, *dementia foret, simul scribere commentationes, & tradere posteritati ad Vitae utilitatem, & simul ab initio non solum à legendo, atque discendo ea, quae scripseris, dehortari; sed ab Arte universa, cujus doctrinam profitearis, ab alienare.* Id

A

igitur



igitur potius summo iudicio videtur ab Hippocrate notatum, ut ratio inde pateret, cur doctrinam aphoristicam ad Medicinam tradendam selegerit, hoc quodammodo usus rationis, ut interpretatur Cardanus: *Curatio Ægri perficitur ex Medico præcipiente opportuna, & ut talia adhibeantur; sed ut adhibeantur, oportet, ut sit Causa efficiens, & sunt Adstantes: Materia, idest Æger, qui consentiat: Forma, & sunt res externæ, quæ adhibentur.* Igitur ad consequendum finem, seu sanitatem, præter Medici officium, illa tria quoque sunt necessaria. Verum cum illa ad opus ipsum sint directæ, non ad Artem, non est necesse ut doceantur hic; at ut Medicus in Arte sit instructus, necessarium est, ut possit præcipere, quæ conveniunt; minimè verò poterit, nisi sit instructus aphoristica doctrina; igitur doctrina aphoristica in Arte Medica necessaria est, adeoque necessarium componere, & conscribere aphorismos. Hæc Cardanus. Addit præterea Argenterius hac oratione Hippocratem Medicinæ studiosos hortari ad rem hanc diligentius capeffendam; alios vero negligentiores, hebetiorisque ingenii admonere, ne rem tot, tantisque difficultatibus implicitam aggrediantur.

Ob maximas autem, innumerabilesque, quibus Medica facultas implicatur, arduitates, atque ob longum tempus, quod ad illam addiscendam exquiritur, Vita humana brevis dicitur. Et quamvis præci prisci homines ad centenos annos vixisse ferantur, & jam adhuc de plerisque perhibeatur quod ultra centesimum vitam protraxerint, illa tamen si comparatur ad Medicinæ difficultatem, ac multigenam, quæ pro ipla expostulatur, rerum cognitionem, sanè

brevis dicenda est. Atqui non solum unius hominis ætas, sed & multorum seculorum, vix hætenus sufficere potuit. Quot, & quanta in usum Medicum nostris temporibus inuenta, atque industria Anatomicorum detecta sunt, quæ Veteres latuere! utquæ omittam, quæ à Paracelso, atque Helmontio sunt prodita, præclara quotidie inventa medendi notitiam mirum quantum amplificaverint, cuiusmodi sunt, quæ de motu Cordis, & sanguinis, nec non de Animalium generatione non ita pridem pervulgavit Harveus, quæque de Venis lacteis, seu chyli feris Asellius, quæ de Chyli conceptaculo, ejusque ductibus per Thoracem serpentibus Pecquetus, quæ de vasis aqueis, lymphaticis dictis, patefecit Bartholinus, & quæ de structura, usu, connexione, & fermentis viscerum observarunt Malpighæus, Glissonius, VVarrhonus, Lovverius, Sylvius, Graëssius, aliique de Re Medica Viri optimè meriti. Nec dum verò finis videtur impositus, sed & post mille secula neque præcludetur occasio aliquid adhuc addiscendi; quamobrem sicut hætenus medendi Ars non benè patuit, nec profectò in posterum omninò patebit, cum circumfusa tenebris alia maneant innumera, tum ex corporum constitutionibus, & usibus partium, tum ex morborum, & causarum, atque Medicamentorum notitia, & proprietate. Difficilis præterea, & longa nimis censenda est Medendi scientia ob multarum, variarumque rerum discendarum, quæ ad illam ritè faciendam requiruntur, copiam, ut scitè ostendit Galenus pluribus in locis, præsertim verò *lib. quod Optimus Medicus debeat esse Philosophus.*

At verò animadversione dignum est, quod in hanc rem innuit idem



Galenus *in Commentario*, promoveri quàm maximè posse Medicinæ studium, si Veterum excogitatis Recentiorum inventa adiiciantur, ut hac ratione quæ à principio imperfecta erant, progressu saltem temporis perficiantur. *Et si* (is inquit) *nemo nostrum sufficiat ad Artem simul constituendam, & absolvendam, sat tamen videri debet, si quæ multorum annorum spatio priores invenerint, posterii accipientes, atque his addentes aliquid, illam aliquando compleant, atque perficiant*. Hinc discant à Galeno, qui se Galenicos appellant, Medicinam eo tempore valdè mutilam, maximè nunc locupletem, Recentiorum Anatomicorum inventis, & spargiricæ Artis remediis evasisse.

Augent præterea Medicæ facultatis difficultatem occasio præceps, experimentum periculolum, seu fallax, Judicium difficile. Pro occasione intelligenda Temporis opportunitas in exhibendis medicamentis: etenim Corpus humanum labile admodum est, innumerisque obnoxium mutationibus, ut propterea quæ nunc exposcit, mox jam non admittet, agendi opportunitate præterlabente; quamobrem rectè comparavit Orbisius occasionis præcipitem lapsum fluenti aquæ Fluvii, ut quemadmodum quis digitum in fluvium immergens, mox elevans, ac subindè denuò immergens non eandem tangit aquam, ita singulis horarum momentis corpus ægrotantis variat, & agendorum occasio præterit. Ægritudines etiam cum plerumque oriantur, foveanturque ab humoribus, velut à Causis, & isti sensim mutantur, fit propterea ut agendi occasio, atque eorumdem fugandorum, aut corrigendorum opportunitas facillimè effugiat; unde haud immeritò Antiqui

occasionem describere occipitio calvam, fronte vero capillatam, & Galenus *primo prognost. Ita volat*, inquit, *Occasio, ut aliqui moriantur, priusquam vocetur Medicus*. Illam equidem tantifecit Hippocrates, ut libro de Arte doceat, omnem morbum curari posse, si Medicus occasionem opportunam agendorum non omittat.

Experimentum insuper periculolum dicitur, tum propter Humani Corporis dignitatem, tum ob variam ægrotantium habitudinem, & symptomatum conditionem; unde fit, ut quod uni aliquando profuit, alii obfit. Experientia enim definitur à Galeno *lib. de opt. sect. ad Trasylb. Memoria ejus, quod sæpius, & eodem modo visum est*. Hinc subdit idem Auctor *in Commentario huius aphorismi. In Corpore humano illa experiri, quæ non sunt experientia comprobata, non est citrà periculum, cum mala experientia ad totius animalis interitum terminetur*, & eleganter dixit Plinius *lib. 29. cap. 1. Medicos insectatus: Negotiantur animas nostras, & experimenta per mortes agunt*.

Nedùm autem experimentum periculolum dicitur, sed & fallax, etenim variant sæpè numero causæ morborum, habitudines corporum, temporum constitutiones, ægrotantium ætates, etsi morbus, quem probato alias medicamento pepulimus, idem vel valdè similis videatur. Sed plura in hanc rem fuere alibi à nobis recensita.

Denique Judicium difficile est, quoniam, ut Galenus subdit, *Vera Ratio non facillè invenitur, quod multitudo sectarum, & opinionum in Arte ostendit medicinali: neque enim si veritas esset inventu facilis, tot, ac tanti viri, qui illam perquisierunt,*



*fierunt, unquam fuissent in tam contrarias sectas dispertiti; nam, ut verum fatear, hæc difficilis est, & fermè inexplorata. Quare esto remedium profecerit, ambigendum adhuc, quomodò, quibus viis, quave efficacitate contulerit.*

Neque solum difficultates contingunt in Re Medica ex longitudine Artis, occasione præcipiti, experimento periculoso, atque ratione fallaci, quæ ad Medicum pertinere videntur, sed supersunt aliæ spectantes ægrotum, adstantes, & exteriora. Id enim designant verba illa: *non solum autem seipsum præstare oportet opportuna facientem &c.* Siquidem etsi Medicus suo munere fungatur, atque opportunam agendi occasionem non prætereant, nec in experimentis, aut ratione decipiatur, adhuc tamen poterit suo fine frustrari, si nimirum Æger non fuerit obtemperans, nec adstantes sint diligentes, nec exteriora ritè comparata, & exhibita. *Ars*, dicebat Hippocrates, *primò epidem. sect. 2. t. 51. tribus constat, Morbo, Ægro, & Medico Artis ministro: Ægri autem est unà cum Medico morbo reluctari*, in cuius Commentario Gal. hæc habet. *Oppugnant sese mutuò, &, ut ita dicam, inter sese depugnant, ac dimicant Medicus, & morbus: Morbum enim studet Medicus evertere, illi contra, ne sit inferior, propositum est. Tertius est præter illos Æger, qui, si quidem Medico sit obtemperans, & faciat imperata, socius in certamine efficitur huic, morbo hostis; si autem ab eo desciverit, ac quæ dicat morbus exequatur, duobus nominibus Medico facit injuriam, uno quidem, quòd destituerit solum, altero, quòd duos fecerit, qui erat antè unus. Idemque confirmans 6. epidem. comm. 4. t. 9. repetit. Adver-*

*sari morbo ægrotum unà cum Medico oportet, cumque tres sint, Medicus, Morbus, & Ægrotus, si Medicum solum cum morbo pugnans ægrotus deserat, vel etiam ad Morbum transfugiens Medico repugnet, Medicum à morbo superari continget. Secundo etiam prognost. 43. & 6. epidem. 5. ait, paucos morbos esse mortiferos, si neque Medici errent, neque ægri, neque ministri, neque aliquod noxium extrinsecus accidat. Confidentiam pariter ægroti in Medicum valdè conferre ad morborum curationem docuit idem Galenus 6. epidem. comm. 4. t. 8. & Conciliator diff. 135. Unde Paracelsus adeò characteribus, imaginibus, & periaptis incubuit, ut nimirum vim Imaginatricis in ægrotantibus vehementer commoveret, & spem recuperandæ salutis sublevaret. Quamobrem refert idem Galenus quosdam Pergami pro deploratis habitos, à Præstigatoribus sanatos fuisse, quoniam horum præceptis propter confidentiam obsequebantur, cum Medicis non paruissem. Quare nec ægroti se curari permittant à Medicis, quibus non fidunt, nec Medici curandos suscipiant diffidentes.*

Assidentium prætereà curam, ac diligentiam qualem esse oporteat perbellè notat Hippocrates lib. de decenti ornatu prope finem his verbis: *oportet ut eligatur unus ex discipulis, qui diu sit exercitatus, & patienter ægro serviat, & quod mandatum est, faciat. Et Galenus primo de diebus decretoriis cap. 11. Oportet ut adstantes sint prudentes, periti, patientes, diligentes, hilares, & ægrotantibus grati.*

Quod ad exteriora denique, illa, inquit Galenus tùm hic, tùm primo de diebus decretoriis, esse, quæ ægrotum turbare possunt, & crîsim impedire,

4. in 6.  
Epid. 8.



dire, ut habitationes inidoneas, turbarum plenas, vicinorum tumultus, strepitum curruum, canum latratus, & quaecumque nocturnum somnum, aut quietem abrumpunt: quiete siquidem; ac somno ne dum vires consistunt, & conservantur, sed & sudores potissimum in febribus salutare, blandè admodum promoventur. Impediunt quoque crisim importunæ medicamentorum exhibitiones ab imperitis Medicis in improbum morem inductæ, qui cum se credant magna præstare, ægrotantibus summo perè officiant. In hos acriter invehitur Hippocrates *lib. de alimento*, & Galenus *II. meth. cap. 15.* & *I. de diebus decretor. II.* unde ejus verba transcribere non gravabor: *Quædam peccata*, inquit, à Medicis his admirandis committuntur, putantibus, nisi quis ingressus ad ægrotum, deinde succingens se, vel cataplasma imposuerit, vel perfuderit, adusserit, vel clysterem indiderit, vel venam incidit, vel cucurbitulas adjunxerit, vel confricuerit, vel nutrit, aut hujusmodi aliud factitaverit, nihil ab ipso gestum esse artificiosum: hi enim quoties ad ægrum accedunt, toties peccant. An hi Medici sint, vel potius Carnifices, cæteri judicent, subdit Sanctorius.

Ad exteriora potissimum revocanda sunt Pharmacopæorum opera, Electuaria, Syrupi, Catapotia, Cerota, Emplastra, idque genus alia, quæ non raro adulterina, rancida, malèque præparata esse solent, cum tamen his adversus morbos, eorumque causas pugnandum sit; undè non mirum, si frequenter Medici suo fine frustrantur. Si igitur hæc omnia benè, & rectè se habuerint, nihil eorum, quæ in hoc libro scribuntur, falsum esse invenietur, concludit tandem Galenus.

Tozzi Op. Med: Tom. II.

## APHORISMUS II.

*In perturbationibus ventris, & vomitibus spontinis, si talia purgentur, qualia purgari oportet, confert, & leviter ferunt; sin minus, contra. Sic & vasorum inanitio, si talis fiat, qualis fieri debet, confert, & benè tolerant; sin minus, contra. Inspicere itaque oportet & regionem, & tempus, & ætatem, & morbos, in quibus conveniat, aut non.*

**D**Efinierat Medicinam Hippocrates *libro de flatibus* Adjectionem eorum, quæ deficiunt, & Detractionem eorum, quæ excedunt: ut autem suæ Medicinæ per doctrinam aphoristicam tradendæ initium faceret, quæ detractione, per evacuationes, quæque adjectione, per victus rationem observanda forent, primum recenset, exordiumque facit ab evacuationibus; cumque istæ vel qualitatem, vel quantitatem evacuandorum respiciant, propterea hic qualitatem potissimum considerat, relaturus speciatim in sequenti quantitatem. At quoniam evacuationes in universum, vel sponte Naturæ, vel Artis adminiculo contingunt, ac priores, vel Criticæ, vel Symptomaticæ, de iis primum sermonem habens, inquit; si in illis talia purgentur, qualia purgari oportet, & conferre simul, & tolerari, documentum exindè tradens generale cujuscumque evacuationis, ut illa salutaris, & critica reputetur. Sed sigillatim dictiones explicemus.

Primum inquit *in Perturbationibus ventris*. Vertunt alii in ventris commotionibus, & profluviiis, ut Heurnius; clariùs verò Fuchsius, in dejectionibus per inferiora; undè pro *Ventre* alvi regionem intelligit, non



autem ventrem superiorem, seu thoracem, neque ventriculum. Addit, & *Vomitibus*, idest evacuationibus per superiora: Neque verò de arte promotis, sed sponte exortis, seu à sola Natura excitatis. Num autem sub spontaneis evacuationibus hoc loco comprehendantur egestiones etiam symptomaticæ, quæ fiunt quidam à Natura, sed irritata, vel gravata, dubium esse potest, præsertim quia Galenus *lib. de differ. symptom.* illas ad naturales revocavit, immò quandoque perutiles esse dixit, diminuta nimirum causa morbifica. Et quamvis negare videatur Sanctorius, asserens eas fieri vi morbi; dicendum tamen cohærenter sententiæ Hippocratis, sub evacuationibus spontinis, etiam symptomaticas hoc loco intelligi; siquidem dicitur in textu: *sin minus, contra*. Modò per hæc verba designatur excretio quoque nocens, & symptomatica, quæ nimirum nec confert, nec toleratur:

*Si, prætereà subdit, talia purgentur, qualia purgari oportet.* Quibus verbis manifestè declarat, se vitia purgandorum humorum commemorare, atque adeò de eorum qualitate, non quantitate agere. At quænam sint ejusmodi qualitates designatæ sub his verbis, *qualia, & talia*? Qui omnia qualitatibus metiuntur, de calore, frigore, humiditate, & siccitate, illa facilè interpretantur. Verùm qualitates istæ, si unquam in humoribus considerandæ sunt, haud quaquam evacuatione tolluntur, sed potiùs alteratione, correctioneque, ut passim docet Galenus *in libris Meth. M. & de causis morborum*; quin & Hippocrates ipse *lib. de Vet. M.* expressè notat, *non calidum, non frigidum, non humidum, non siccum, magnam vim habere in morbis inferendis*. Quid igitur pro qualita-

te intelligendum sit, exponit idem Galenus 4. *aphor. comm.* 2. significari superabundantiam superfluitatum sua qualitate infestantium ægrotantem; & clariùs *lib. 1. aphor. comm.* 23. humorem noxium interpretatur, qui cacochymiam constituit; unde definit purgationem, *evacuationem esse humorum sua qualitate molestantium, seu noxiorum*. Itaque speciem potiùs vitiosi humoris, putà acrioris, vulgò biliosi, crassioris, seu pituitosi, aliùsvè, quàm nudas qualitates per *qualia, & talia* Hippocrates intellexit; itaut sensus fiat, tunc alvi dejectiones, ac vomitus sponte naturæ habitos salutare esse, cum illi humores educuntur, qui morbum faciebant, vel fovebant, sive multi, sive pauci illi sint, etenim hoc loco nullam quantitatis rationem habendam voluit, sed solum cacochymiam consideravit; ejusmodi autem evacuationis genus, talis nimirum humoris, qui nocet, necessariò conferet, & tolerabitur, quoniam morbus cum symptomaticis aut desinet, aut intermittet, & vires vel nullam, vel levem jacturam patientur; secùs verò, si alterius ab eo, qui noxius est, evacuatio contingat.

Sed gravior difficultas viget in sensu Aphorismi, attenta sententiæ phrasi, & serie verborum. Etenim videtur Hippocrates inutilem, immò ridiculum concinnasse aphorismum, qui prognosim contineat pendentem à successu ipsius evacuationis; nam quis unquam potuisset addubitare de eventu salutari ex evacuatione spontina, si ejus humoris facta sit, qui purgari debuerit? quamobrem post egestionem noxii humoris, ejusdem utilitatem determinare, veluti rem cunctis obviam, vanum omninò existimandum est. Arduam hanc difficultatem solus, quod sciam, inter Ex-

posi-



positoires subodoravit Sanctorius, illamque solvere conatus est, vertendo ex græco codice *Qualia in qualiter* adverbium, ut exindè sensus fiat, illam evacuationem esse bonam, quæ fit qualiter oportet, nimirum servatis debitis conditionibus Crisis, putà concocta materia, in die critico, cum debita quantitate, & qualitate. Post hanc solum inquit fieri, ut conferat, & ægri ferant verè, & salutariter. Verum enim verò voluit Hippocrates Medicos admonere, ut exindè discant esse imitatores Naturæ, quæ tunc salubriter evacuat, cùm ea educit, quæ vitiosa sunt, & morbum faciunt, vel fovent, haudquaquam inspecta quantitate humoris excreti, de qua *aph. 23.* hujus dicitur: *Dejectiones non sunt multitudine aestimandæ, sed si talia eiiciantur, qualia conveniunt*; quamobrem videntur hinc recensitæ conditiones requisitæ ad bonam evacuationem sponte habitam, si secum adjunctam habeat excreti humoris copiam, vel inopiam, undè Medicus de ea, quæ Artis ope promovenda est, judicium ferre valeat.

Sicut autem evacuatio, si ejus humoris fiat, qui morbum fovet, confert, & leviter fertur; ita vicissim si facilè feratur, & conferat, ejus humoris itidem erit, qui nocebat; videtur enim ex uno in alterum necessaria illatio, veluti à causa ad effectum, & vice versa; ut propterea nullum sit certius salutaris egestionis indicium, quàm subindè ægrotum morbo, & symptomatis levare citrà virium exsolutionem. Quod si aliquando vitiosi humores egerantur, videaturque æger exindè exonerari, nec tamen ad morbum conferat, ut in vomitionibus ex calculo Renum, aut ex veneno assumpto, vel inflicto; id accidit, quia neutiquam excernitur

ille humor, qui morbum facit, vel fovet, sed alius, qui à visceribus præter naturam affectis ingeneratus, vel à vitiatis fermentis corruptus, velut ex accidenti cum principali causa morbi jungitur, ut cùm E.G. ex spina digito infixum tumor, dolor, & febris accidit, quam vigilia consequitur, undè ventris cruditas, & ex cruditate vomitus, vel alvi fluxus, qui etsi ægrotum allevet, & conferat, non tamen dolorem, & febrim à spina inductam removet, quia non est ejus humoris, qui principalem morbum fovet, qualis esset purulentus sanguis, si ex digito dolente, & tumefacto prodiret; hic enim propriè est, qualis educi debet, ut omninò conferat, & tolereatur; quamquàm & is, qui per alvum egeritur vitio ventriculi, depravatus, & corruptus, suo quoque modo conducatur, quemadmodum de Symptomaticis excretionibus superius est notatum; si namque is detineretur, majus procul dubio damnum inferret.

Emolumentum præterea hinc notatum ab Hippocrate, firmum, stabile, & perseverans esse debet, si namque fugax, & momentaneum sit, timendum, relabente mox in pejus ægrotum; nulla enim evacuatio tam mala est, quæ saltem ipso eodem die, ægro contulisse non videatur. Hinc monendi sunt, qui statim ab egestionibus quodammodo relevantibus certam infirmis salutem pollicentur, ne tam faciles sint in ferendis ejusmodi præsagiis, nisi de firmitate constiterit.

At quoniam salutaris evacuationis indicium desumptum ab ægri levamine, & virium constantia sequitur, non præcedit excreta, quæret aliquis, quibus signis manuduci possit ad prænoscentiam futuram evacuationem salutarem. Idem Hippocrates 6. *epidem. s. 2. t. 33.* ibique Galenus hæc præ-



oculis habenda proponit: *Quid*, quantum, quando, quomodo, & ubi. *Quid*, idest morbus, ejusque causa, num scilicet egestionem, an correctione egeat; siquidem nonnulli morbi, veluti à corpulenta materia pendent, ejusdem evacuatione conquiescent; alii, sola correctione. *Quantum* fit evacuandum coniecere licebit à copia noxiorum humorum; hi etenim, si multi sint, copiosiores egestionem exoptulabunt, modò vires permiserint; quemadmodum enim conferens evacuatio parca, & diminuta esse non debet, ita nec excedat, oportet. *Tempus* evacuandorum humorum opportunum judicabitur à præsentia, & promptitudine eorumdem, qui ab utilibus, & salutaribus secreti, in consueta, & naturalia emissaria deponuntur. *Modus* colligitur ab eorundem humorum dispositione, si nimirum faciles sint ad exitum, per patentes, resecatosque ductus deducti, citrà molestiam, aut erosionem. *Locus* denique considerandus, num per alvum, aut os, vias urinæ, aut poros cutis noxius humor commodè educi queat. His perpensis, Medicus futuram evacuationem prænoscat, num sit collatura sine virium detrimento, atque illam importunis medicamentis non distrahet: quod plerumque fit magno ægrotantium periculo; cum non semel videam ab impedita, vel promota nimium, aliterve turbata crisi, illos perierisse, etiam in ipsa ægritudinis declinatione.

Quod hucusque Hippocrates in ultionibus egestionibus, ut conferant, & tolerentur, adnotavit, non dissimili ratione in 2. *huius aph. par.* de evacuationibus arte promovendis admonet, aitque veluti per comparationem vasorum inanitiones tunc utiles fore, unàque simul sufferri, & con-

ferre, cum tales sunt, quales fieri debent. Medicus enim, ut imitator Naturæ, debet medicamentorum usu eos humores, & per illos ductus educere, quos Natura tentaret, si sponte sua ageret.

At verò quid per vasorum inanitionem intelligat, controvertitur ab Interpretibus. Galenus in *comm.* de omni evacuatione exponit, cui assentitur Fuchsius. Oribasius verò solum de sanguinis missione. At Heurnius cibi abstinentiam, & eam evacuationem, quæ medicamentis purgantibus peragitur, memoratam hinc ab Hippocrate putat. Verum cum vasorum inanitio non minùs dici debeat, quæ per venæ sectionem, & cathartici exhibitionem fit, quam quæ per sudorem, urinam, aliasve, haud quaquam contrahenda videtur Hippocratis sententia ad hanc, vel illam solummodò; ut propterea crediderim illum voluisse Medicos Naturæ ministros admonere, ut in cujuscumque generis evacuationibus perficiendis, eos contentur humores educere, qui morborum fomites sunt, & per illa vasa, quæ sunt congruentiora: futurum enim, ut exindè promota evacuatio feratur, & conferat. Itaque Vasorum inanitiones quæcumque Arte faciendæ, Naturæ operibus, quoad fieri poterit, conformentur, ut salutares evadant; unde quemadmodum naturales, & spontaneæ evacuationes salubriter contingunt, cum coctionem, secretionemque convenientem sequuntur, cum antea recensitis conditionibus; sic & Vasorum inanitiones artis auxilio promovendas, cum iisdem conditionibus fieri necessum est; ut latius in methodo medendi dictum.

Cæterum postremo loco docet Hippocrates, habendam esse, in ejusmodi egestionibus perficiendis, rationem



nem Regionis, Temporis, Ætatis, & Morborum, in quibus talia vacuari conveniat, ut inde manuducamur in cognitionem quarundam circumstantiarum, quæ, sive intrinsecus, sive extrinsecus, evacuationes impedire, aut turbare possunt.

Primò quidem Regionem considerandam esse præcipit; quoniam ex Galeno *lib. de sect. c. 8.* nec in valdè calidis, nec in valdè frigidis Regionibus evacuatio multa, aut affatim facta convenit. Sic pariter quædam Regionem largam sanguinis missionem facile tolerant, quædam verò ægrè admodum, præsertim quæ ventis australibus sunt expositæ, undè membra delaxantur, vitale robur infringitur, & sanguis redditur effectus. Fatetur quoque Galenus *3. epidem.* Venæ Sectionem Romæ, & Athenis non valdè pleuriticis convenire, quia utraque Civitas ventis Australibus, adeoque fluxionibus obnoxia est, ut speciatim de Roma refert *5. meth. cap. 8.* idemque ait observatum ab Asclepiade. Atqui compertum habemus hic Neapoli, Austro perpetim agitata, nedum egrefsi sanguinis missionem, sed malè omninò cedere ægrotantibus, & sæpissimè in perniciem. In locis etiam supra modum calidis, aut frigidis, sanguinem mittere non audemus, inquit idem Galenus *1. de Arte Cur. ad Glauc. cap. 14.* quoniam quemadmodum multum variat corporum habitudines, & animi mores, Regionum incolatus varius, ita & variæ, differentesque ægritudines in illis observantur, quæ diversis medicamentorum generibus tractandæ sunt, ut de Scorbuto, Plica Polona, Sudore Anglico, cuique perspectum.

Habenda præterea est Ratio Anni temporis; undè idem Hippocrates *4. aph. 5.* dixit, sub cane, & ante ca-

nem difficiles, & molestas evadere purgationes; & Galenus *ibidem* subdit, plures sub cane purgatos incidere in acutas febres, & naturam ex æstu imbecillam, magis ex purgatione dissolvi; quod pariter confirmat *10. meth. ult.* quoniam ex eodem *2. aph. comm. 16.* duæ evacuationes simul tolerari nequeunt. De Temporibus nimium frigidis par ratio militat, ut propterea dixerit idem Autor *comm. 47. 6. aphor.* & *lib. Quos, Quibus, & Quando*, tempus opportunum esse Vernum, & Autumnale. Cavendum etiam esse præcipit à purgantibus medicamentis Hippocrates, in utroque Solstitio, & Æquinoctio, *lib. de Aer. Aq. & loc.* atque in subitis Aeris mutationibus, ac vicissitudinibus. Adhuc autem urgente necessitate, temporis ratio habenda est, cum non nisi in his leviori cathartico uti liceat, ut commodè feratur. De venæ sectione verò importuno tempore indicta hæc habet *1. de Arte Cur. ad Glauc. cap. 14.* *Quibus Medicis nihil omninò de temporum statu cogitantes, sanguinem abstulerunt, interierunt; quamobrem ambientis aeris temperatura loco accidentis cuiusdam habenda.*

Similiter ad ætatem ægrotantis respicere oportebit; siquidem ex Gal. *comm. 4. de rat. vict. 19.* neque Puer, neque Senex, sanguinis sustinent detractionem, etiamsi morbus, quo ipsi laboraverint, magnus fuerit. Et *11. meth. cap. 14.* agens de sanguinis mittendi ratione in febre synocha putri, excipit à phlebotomia pueritiam, inquit: *At si in puerum incidat, qui quartumdecimum annum hætenus non attigit, mitti illi sanguis non debet.* Et mox subdit: *Si corpus decimumquartum annum excefferit, æstimandum est, qualisnam ejus sit habitudo, num*



gracilis, spissa, & dura, & copiosi sanguinis; an contra; atque ita in priori missionem sanguinis adhibebis, in secunda nequaquam. Si in super, cui sanguis mittitur, 30. annos natus sit, sed laxus, & mollis, & pinguis, & albus, ac gracilibus venis, huic aut planè sanguinem non mittes, aut parum detrahes; & omninò quidem non mittes in tempore æstatis, & regione æstiosa, & cœli statu calido, & sicco; parum detrahes in reliquis tum anni temporibus, tum regione, tum cœli statu. Et 8. meth. cap. 4. etiam de curandis febribus loquens, ait. *At si quidem vel puer, vel senex sit, sanguinem detrahere non licet.* Idem repetit 1. de Art. Curat. ad Glauc. cap. 14. & lib. de Cur. rat. per sang. miss. cap. 6. 9. & 13. Eximit etiam à purgatione puerilem ætatem 9. meth. cap. ult. quoniam, inquit, *puerorum substantia omnium facillimè digeritur, ac dissipatur, quominus vacuantis præsidii eget, cum habeat ex seipsa, undè naturaliter vacuetur.* Cautè etiam in senibus agendum est, nè à purgatione langueant, cum vires illis admodum labiles insint, atque ab alvi fluxu plurimum lædantur, ut deducitur ex eodem Gal. 5. de san. tuend. cap. 6. & 9. Vides igitur, quàm longè à Galeni mente nostrates Medici recedant, tam facili purgantium medicamentorum, & phlebotomiæ usu, in omni indiscriminatim ætate, cum tamen se Galenicos jactent. Ut verò se tueatur, Celsum appellant, lib. 2. cap. 10. dicentem: *Interest enim, non quæ ætas sit, neque quid in Corpore intus geratur, sed quæ vires sint: Firmus puer, robustus senex, & gravida mulier valens, tuto curantur.* At verò minimè animadvertunt, quod idem Author subjungit: *Maximè tamen in his Medicus im-*

*peritus falli potest, quia ferè minus roboris illis ætatibus subest, mulieri-que pregnantis post curationem quoque viribus opus est, non tantum ad se, sed etiam ad partum sustinendum; non autem protinùs faciendum est, quicquid intentionem animi, aut prudentiam exigit.*

Denique perpendendos quoque morbos esse docet, antequam evacuatio tentetur. Tabes enim, Hydrops, Syncope, Cardialgia, alvi fluxus, alique plures morbi, sanguinis detractionem minimè admittunt. Febres ardentes, inflammationes internæ, dolores vehementes, & similes, usum purgantium medicamentorum recusant, ex Hippocrate 4. de rat. victus, & Gal. 1. de Art. Cur. ad Glauc. 14. Ab accidentibus etiam, seu symptomatis adjunctis, utraque evacuatio plerumque impeditur, ut si jungatur cum vomitu sitis, cum dolore vigilia, cum febre syncope, cum hydrope pulsuum exilitas. De obstructione etiam, & putredine habet expressè Galenus 11. Meth. c. 14. illas phlebotomia non tolli: inquit enim: *neque obstructio, nec putredo curari per sanguinis missionem potest.* Viscera pariter digestionis ciborum dicata si langueant, quodcumque evacuationis genus interdicatur, documento ejusdem Gal. 13. meth. cap. 15. & 16. quoniam illa omninò roborari expostulant. Morborum præterea tempora internoscenda sunt, nam multa inter initia utiliter adhiberi possunt, quæ in augmento, & statu nocent; & alia opportuna sunt in declinatione, secus verò in cæteris temporibus. Sic Hippocrates 2. aph. 29. scribit: *cum morbi inchoant, si quid videtur movendum, move; cum verò consistunt, ac vigent, melius est quietem habere.* Sed de hac re alibi fusiùs.



Quæ hucusque exposita sunt, satis manifestè declarant, cur Hippocrates voluerit inspiciendas esse Regionem, ætatem, Annitempestates, & ægritudines. At non defuere, (ut præ cæteris est Sclanus) qui pro dignoscendis solum vitiosis humoribus salubriter expurgandis, isthæc in aphorismo adjecta fuisse opinantur. Equidem ex Regione conici posse ajunt humores purgandos, cum in Regionibus calidis, & siccis, bilis; in frigidis, & humidis, pituita; in frigidis siccis, melancholia; & in calidis, humidisque sanguis prævaleat; adeoque pro illarum varietate congeneres humores educendi sint. Ita quoque Tempore calido, & æstivo calidos, & biliosos humores vacuare expediet, quia hos morbum gignere, vel fovere, probabiliter conjecturant; pituitosos verò, & melancholicos, Hyeme, & Autumno; sanguineos denique Vere, ob conformem temperierum habitudinem. Sic pariter ex ætatibus varietatem humorum deducunt: nam voraces Pueri, ob nimiam ciborum ingluviem, crudis, pituitosisque humoribus scatere solent; Juvenes verò biliosis; Viri melancholicis; & Senes phlegmaticis. Ex morbis denique eosdem humores dignosci posse opinantur; etenim tertianas febres bilem indicare, quotidianas pituitam, quartanas melancholiam, & sanguinem excedentem synochas. Sed & potuissent isti adiacere colores Cutis, & capillorum, habitum corporis, vitæ conditionem, suetam vitæ rationem, celi statum, insomnia, aliaque plura, quæ Galenus proponere consuevit, veluti indicia generalia prædominantes humores attestantia, ut *lib. de humoribus, lib. 2. microtechni, 2. de Art. Cur. ad Glauc. 2. de naturalibus facult.* & alibi spar-

sim. At hæc, quàm absint ab Hippocratis mente, ex nuper dictis clarissimè patet.

## APHORISMUS III.

*Habitus Athletarum, qui ad summum bonitatis attingunt, periculosi, si in extremo constiterint: neque enim possunt in eodem permanere, neque quiescere; cum verò non quiescant, neque possint proficere in melius, reliquum est igitur, ut decidant in deterius. His de causis bonum habitum statim solvere expedit, ut corpus rursus nutriri incipiat. Neque Compressiones ad extremum ducendæ; (periculosum enim) Sed qualis natura fuerit ejus, qui debet perferre, ad hoc ducere convenit. Sic & evacuationes, quæ ad extremum deducunt, periculosæ; & rursus refectioes, cum extrema fuerint, periculosæ.*

**N**Otant hic inprimis nonnulli Hippocratem prolixitatis, quòd orationem tam productam inter Aphorismos reposuerit, cum cæteroqui Aphorismus sit oratio brevis, & selecta. Sed excusatione is dignus est: etenim cum rem arduam, & vix fide dignam enarrare debuisset, qualis est, quæ de summo bonitatis gradu, & de extrema sanguinis, & carni plenitudine, hoc loco memoratur: initium propterea facit huic aphorismo ab exemplo, ut nimirum tacitè quærenti respondeat, quorum unquam esse possit ejusmodi habitus ad extremum bonitatis perductus, cum tamen apud cordatiores Medicos satis constet, vix inveniri in hominibus perfectam sanitatem, & habitum corporis adeò exquisitum, ut solutione, detractioeque opus habeat.



Inquit ergo ejusmodi habitum inveniri posse in Athletis, quorum scilicet institutum erat luctari, & in palestris sese variis certaminum generibus exercere, quamobrem alimentis vescebantur multis, & optimis, ut specioso corpore jucundum Populo spectaculum exhiberent, & luctaturi, robore, viribusque præpollerent. Cum igitur hi multa euchymorum ciborum copia sese ingurgitarent, tantam carniū, & sanguinis plenitudinem sepe sepius adipiscebantur, ut non rarò subita, inopinataque morte succumberent.

Sumpto itaque ab his exemplo, Hippocrates ait, Athletarum habitum, cum ad summum bonitatis pervenerit, solvendum statim esse: quoniam in extremo constituti, nec possunt in eodem statu permanere, atque quiescere, neque possunt in melius proficere, unde necesse est, ut decendant in deterius. Ne autem in deteriorem statum incidant, subdit, tantum sanguinis, & carniū excessum diminui oportere, ut rursus corpus nutriri incipiat. Unde deducitur, memorari hoc aphorismo evacuationem illam, quæ à quantitate, seu plenitudine indicatur, quemadmodum in præcedenti aliam à qualitate deduxerat. Summa autem aphoristicę sententię eo collimare videtur, ut repletiones, refectiōnesque, sicut & evacuationes, ad extremum ductas, periculosas esse discernat.

Sed quęnam sint pericula ex habitu athletico imminetia, inquiremus, cum ceteroqui videatur ejusmodi constitutio valdè salubris. Verum ob id ipsum, quod summum bonitatis gradum attigisse videntur Athletarum Corpora, periculosissima dicenda sunt. Primò ob assignatam in textu rationem, quia neque

in eodem habitu subsistere, neque ultra progredi possunt; unde Celsus lib. 2. cap. 2. scribit: *Si plenior aliquis, & speciosior, & coloratior factus est, suspecta habere bona sua debet, quæ, quia neque in eodem habitu subsistere, neque ultra progredi possunt, ferè retrò, quasi ruina quadam, revolvuntur.* Et Galenus in orat. suasoria ad bonas artes cap. 6. hoc genus hominum vocat miserimum. Secundò quia Athletę in quatuor magni momenti pericula incidere solent ex Hippocrate, ejusque Commentatore Galeno 4. de rat. vict. 23. v. 3. in venarum disruptionem, præsertim verò thoracis, & pulmonis; in earumdem, & arteriarum interceptionem, unde Aphoniæ, Apoplexię, & similes perniciosę ægritudines; in suffocationem, ab affluxu nimio irruentis sanguinis in cor; & denique in ejusdem sanguinis concretionem, putrefactionemque, ob impeditum illius motum, retardatamque perspirationem. Hæc autem facillimè Athleticis corporibus accidunt; quoniam sanguinea vasa ob nimiam plenitudinem summè turgent, adeoque vel dirumpi, vel comprimī necesse est, impedito intereà cordis, & sanguinis motu.

Sed hic dubitare contingit ex Gal. in comm. cur Athletæ, quorum venæ adeò sanguine turgidæ putantur, ut disruptionem, & suffocationis periculum minentur, famescere possent, immò pluries in die cibum sumere, quemadmodum de more illis erat? cum tamen ex Gal. 1. de symptomatum causis cap. 7. fames naturalis à privatione alimenti in partibus, è venarum suctione, atque ab oris ventriculi corrugatione proficisci dicitur: quæ sanè in Athleticis Corporibus deesse videntur.

Huic difficultati respondent nonnulli



nulli cum Brasavolo, famem in Athletis excitari à Melancholia è splene ad Ventriculum transmissa, citantes ad id Avicennam 1. *primi* dicentem, Melancholiam famem afferre. At ductus ille ex Anatome, non quidem è Splene ad Ventriculum, sed è Ventriculo in Splenem tendit, ut ostendit ligatura in vivis animantibus. Neque Avicenna ibidem statuit, à Melancholia famem naturalem excitari, sed morbosam, & quam caninam, aut lupinam appellant, cum tamen Corpora Athletica sanguinea potius dicenda sint, quam melancholica, etiam ex testimonio Galenicorum, eaque famescant fame naturali, non morbosa. Argenterius famem in illis oriri inquit à calore interno, qui ambientem partium humorem dissolvendo, cogit extimas ab intimis nutrimentum trahere. Sed difficultati non satisfacit, cum venæ omnes in Athletis sanguine turgent, & Corpus undequaque pinguefactum existimetur, si ad summum bonitatis statum pervenerit. At verò quis non deridebit appetitum illum voluptuosum, quem in Athletis effinxit Marsilius Cagnatus, sequentem, ut ipse inquit, ciborum recordationem: Qua enim ratione voluptuosus hic appetitus, aut ciborum recordatio, haberi poterit absque sensu? Sensus autem undè erit ad famem excitandam? sanè ex Ventriculo. Quidpiam igitur ibi inesse dicendum, quod famem voluptuosam concitet. Adde, quòd plerique ægrotantium tametsi recordentur se cibis egere, haud nihilominus famescunt, sed potius ad illorum memoriam stomachantur.

Verum Recentioribus innotuit, famem in Viventibus oriri à succis quibusdam in Ventriculi cavum exudantibus, qui etiam si venæ omninò

turgeant, & Corpus undequaque pinguefiat, sensum tamen in ejus orificio superiori movent, & ad famescendum sollicitant; de qua re fusiùs alibi à Nobis actum est. Hinc cadit quoque Responsio Sanctorii, qui distinguit ex græco codice Athletas ad summum, græcè τὸ ἄκρον, plenitudinis perductos, ab his, qui sunt in extremo, græcè ἐν τῷ ἐσχάτῳ: nam inquit, eos, qui perveniunt ad summum, seu τὸ ἄκρον, adhuc esse in motu, adeoque famescere; qui verò sunt in extremo, veluti terminum adeptos, in quiete persistere, & fame destitui; quin immò, subdit, otiante anima vegetativa illos occumbere. Etenim parum, vel nihil interest, an summum, vel extremum attigerint Athletæ, cum isti ex mente Hippocratis, neque quiescere, aut in eodem statu permanere, neque in melius proficere dicuntur, quando cumque ad summum bonitatis pervenerint.

Sed & ex verbis textus ulterius dubitare licebit, cur nequeant Athletæ in eodem bonitatis statu permanere, & quiescere? Et quidem ad summum bonitatis eVectos in melius proficere non posse, resest captu facilius; at verò non posse in eodem statu permanere, & quiescere, omninò intelligibile videtur. Quid enim obstat, summum bonitatis statum adeptos, in eodem conservari non posse? Verum responsio deducitur ex Gal. in *comm. hujus aph. & lib. de bono Corporis habitu*; siquidem in Athletis semper fit major sanguinis accretio, ex nova ab alimentis assumptis additione, undè postremò arteriæ, & venæ novi sanguinis incapaces, alterum ex duobus incurrent, discindi scilicet, vel intercipi; quamobrem sanguinis, & cordis motu interrupto, animal perit. Et sanè quosdam



novimus, ex ejusmodi Vasorum, & sanguinis interceptione, veluti repente suffocatos occubuisse. Ceterum nutritionis opus absque ingenti vitæ incommodo diutius ferari, omnino est impossibile.

Quid autem agendum sit, nè ejusmodi damna Athleticis Corporibus eveniant, docet in secunda Aphorismi parte Hippocrates. Et quidem bonum habitum solvendum statim admonet, ut Corpus rursus nutrirī incipiat. At quo pacto, quoque evacuationis genere, non explicat. Verum si Athletarum Corpora carniū, & sanguinis incrementum extremum nacta sunt, ea erunt adhibenda, quæ maximam minuere valent plethoriam, quam ad vasa Galenus appellavit *lib. de plenitudine*. Sunt autem hæc ex documento ejusdem Diæta, & sanguinis Missio. Missione quidem sanguinis, venæ inaniantur; Diæta verò carnes macrescunt: utrumque in illis optandum; atque eo magis, si ex interceptione vasorum in plexibus Cerebri, Aphoni, vel Apoplectici jam evaserint, promotum nimirum per phlebotomiam sanguinis circuitu, subinde impedito, de quibus idem Hippocrates *4. de rat. victus in Acutis*, & Celsus *lib. 3. cap. 27*.

At verò hæc evacuationes consulit ad extremum ducendas non esse; *periculosum enim*: sed faciendas, prout natura fuerit ejus, qui debet perferre, id est secundum, quod vires tulerint, nam omne nimium Naturæ inimicum *2. aphor. 51*. Verum quid per *Compressiones* intellexerit? cum inquit: *neque Compressiones ad extremum ducendæ sunt*. In textu græco scribitur τὰς συμπτώσις, quod licet Leonicens vertat Compressionem; Fuchsius tamen Extenuationem exponit, & Heurnius Inanitionem

talem, ac tantam, ut ex ea Vasa concidant: nam si evacuatio immodica fieret, & ad extremum, Vasa procul dubio inanita conciderent; immò & ipsa moles Corporis labaceret, non sine vitæ periculo: subinde enim Syncope, aut Apoplexia certò immineret.

Sed undè est, quòd hoc loco Hippocrates extremas evacuationes caveat; *Aph. verò 23. huius Libri* illas commendat, inquit: *Atque ubi usque ad animi defectionem expedit ducere, faciendum*. Ubi Galenus subdit, *in maximis doloribus, & vehementissimis febribus, nullum majus inveniri remedium, quam usque ad animi defectionem evacuare*.

Et licet Brasavolus, Hippocratem, & Galenum commendasse dicat evacuationes sanguinis ad animi deliquium usque *exclusivè*, non *inclusivè*; id tamen alienum omnino est à Galeni mente; is enim *citato loco*, & *9. Meth. cap. 4. & lib. de cur. rat. per Sang. miss. cap. 12*. Sanguinis de tractionem adhortatur animi deliquium includere; siquidem describens ibidem deficientis animi ex Venæ sectione accidentia, memorat totius Corporis refrigerationem, sudorem, vomitum, dejectionem, & similia, quæ sanè Syncopem presentem attestantur. Hinc aliter Sanctorius Hippocratem interpretatus, illum vituperasse, inquit, extremas evacuationes, non quidem in Corporibus quadratis, & absolutè robustis, sed in Athleticis tantum, qui non omnino boni, perfectique corporis habitus erant, quoniam sanguis in iis superabat aliorum humorum proportionem; cum tamen Virtus vitalis solum in illis robusta sit, quibus inest quatuor humorum Symetria, & optima partium commensuratio, quam



quam in Athletis defuisse idem Auctor arbitratur, eo quòd pars sanguinea, & carnosa, præcelleret aliorum humorum, reliquarumque partium proportionem. At quàm absurda sit hæc Sanctorii expositio, non est, quòd multis suadeam, quippè qui multa fingit, multa supponit de quaternario humorum numero, jam satis reprobata, & à Peritioribus manifestæ falsitatis redarguta. Præterquàm quòd Hippocrates nomine Athletarum intelligit, qui ad summum bonitatis pervenerint; undè igitur habet Sanctorius, ut mentem Hippocratis retorqueat ad Corpora Athletarum, quorum habitus absolute bonus non sit?

Per easdem, immò & graviores ambages, versantur, qui Hippocratem interpretantur, caventem in hoc Aphorismo evacuationes, quæ eò deducunt Vasa, ut inanita subsidere cogantur, undè Syncopès, & repentinus interitus; At verò in *Aph. 23.* commendasse eas ad Lipothymiam usque, non ad Syncopem: differre autem dicunt Syncopem, & Lipothymiam, quòd illa sit præceptum virium lapsus, ex pulsu deficiente indicatus; hæc verò sit quidem casus virium, sed pulsu superstitite. At omni crimine, supplicioque dignus foret Hippocrates, si vires, & hominum vitam, in tam ancipiti periculo per ejusmodi evacuationes, libratas voluisset, qui in suo Jurejurando sponderat, se dubia quæque, & periculosa vitaturum, qualia planè sunt cujusvis animi defectiones, undè difficilis admodum est reditus in Vitam; atqui ex Lipothymia in Syncopem, ac denique in Mortem, facillimè transitur, nullis ex adverso suffragantibus auxiliis.

Melius dicendum eapropter, nupiam sua sententia commendasse

Hippocratem cujusvis generis evacuationes, ad animi defectionem usque, sed loquutum esse dumtaxat sub conditione: etenim *c. aphor. 23. primi* hæc habet: *Atque ubi ad animi defectionem expedit ducere, faciendum, si ager possit tolerare.* Cumque rarissimè, vel numquam egri tolerent ejusmodi evacuationes, idcirco numquam pariter tentandæ illæ erunt. Adde, quòd eo loco non agit Hippocrates de Venæ sectione, & sanguinis detractio, sed de dejectionibus multitudine haudquam existimandis, quæ cacochymiam humorum respiciunt, neque tantam virium dissolutionem minantur, quanta ex sanguinis missione timetur. Verum de hac re longior sermo redibit in prædicti Aphorismi expositione.

Quandoquidem videtur Hippocrates sumere præterea indicationem detrahendi sanguinem, atque ad præfinitam quandam quantitatem evacuandi, ex Viribus solummodò; dum inquit: *sed qualis natura fuerit ejus, &c.* cum tamen indicationes istæ sumi debeant vel à Morbo, vel à causa Morbi, juxta ea, quæ fusè traduntur in Methodo medendi; idcirco de ejus mente hic ulterius addubitandum. Et communis responsio est cum Galeno *lib. de opt. sect. ad Trasylbul. cap. 22.* robur non indicare remedium, sed tantummodò tolerare, ac permittere: cumque remedium, ut ritè administretur, sit à viribus tolerandum, propterea Hippocrates tantam inquit faciendam esse evacuationem, quantam Vires tulerint: quod etiam pluries edocuit Galenus *9. Meth. cap. 12. & 13. & lib. de cur. rat. per sang. miss. cap. 14.*

At hic controversi potest, quidnam illud sit, quod principaliter Venæ sectionem indicet? Etsi enim non desint,



defint, qui sanguinem in cunctis ferè morbis educendum jubeant; non tamen adhuc inter eos benè convenit, quodnam sit primum, præcipuum, atque immediatum indicans missionis sanguinis.

Putarunt aliqui cum *Massaria lib. de scopis mittendi sanguinem*, proprium, & adæquatum indicans Missionis sanguinis esse morbi magnitudinem, moti autoritate Hippocratis 4. *de rat. vict. t. 19.* dicentis: *In acutis sanguinem detrahas, si Morbus vehemens sit, atque floruerit, & virium robur adsit.* Cui consentit etiam Galenus 4. *meth. cap. 6.* At verò morbum magnum exponit idem Autor ibidem, tripliciter intelligi, *vel ob afflictæ partis præstantiam, vel ob cacoethiam, malumve morem, aut propter affectus magnitudinem, & læsæ partis expansionem.* Quare perperam confundunt nonnulli magnum cum acuto; nam etiam in chronicis misit sanguinem Galenus, videlicet in febre Quartana, in Anasarca, in Arthritide, Sputo sanguinis, aliisque chronicis ægitudinibus. Hisce autoritatibus efficacissimum se putant isti addere argumentum, quòd scilicet magnis morbis magna conveniant remedia: Atqui sanguinis missio magnum remedium est; Igitur illa magnis morbis omninò convenire dicenda videtur.

Verum quàm longè isti aberrent à verò, ex eo potissimum deducitur, quia plerique morbi magni, acuti, & vehementes sunt, venæ tamen sectionem nedum non admittunt, sed respuunt: cujusmodi sunt, etiam ex Galenicorum sententia, Apoplexia, Vertigo, Syncope, Cholera, Volvulus, Lienteria. Neque verò omninò verum est Axioma illud: magnis morbis magna remedia convenire, præsertim si ea vocemus magna, quæ

magnam in visceribus, humoribus, & Vita, commotionem pariunt, non sine ingenti discrimine: hæc enim tantum abest, ut magna remedia, quin potius perniciosissima pharmaca sint appellanda. Immò sæpè numero usu venit, ut maximos, & gravissimos morbos, levissimis remediis arceamus: sic Alysson, & pulvis Cancrorum fluvatilium, sanat morsum canis rabidi, & hydrophobiam præcavet: sic à sanguine hirci Pleuritidem, à subere Dysenteriam, à gummi arabico Dysuriam, à nitro Nephritidem, à cortice peruviano Febres, ab Opio dolores, sæpissimè fugari videmus. Quamobrem, cum verissimum sit, Naturam esse morborum medicatricem, ea dumtaxat magna remedia appellare licebit, quæ illi haudquaquam infensa, atque molesta sunt, nec vitale robur infringunt; sed potius, quæ grata, atque amica, ejusdem vim, facultatemque promonent, ad superandam, propulsandamque morbificam causam. Hinc illud remedium magnum appellabitur, quod ad morbi curationem efficacius conducit, quamvis sine violentia operetur. Accedit, quòd non valet illatio ab indicante generali ad indicatum speciale; unde non rectè infertur: est morbus magnus, ergo indicatur phlebotomia.

Arbitrati sunt alii cum Capivaceo, vehemens peccatum sanguinis indicare primo, & per se phlebotomiam: vehemens autem peccatum sanguinis, inquiunt, considerari posse trifariam: aut secundum formam, cum scilicet putrescit, & corrumpitur: aut secundum quantitatem, cum excedit: aut secundum motum, cum de parte in partem fluit, quò fluere non debet. Hinc subdunt, vitium sanguinis secundum formam indicare evacuationem illius *eradicativam*;



vitium verò quantitatis indicare evacuationem *minorativam*; secundum motum denique indicare evacuationem *revulsivam*.

Sed & hi suis quoque implicantur difficultatibus. Et quidem cum sanguis peccat secundum formam, degenerat in alios humores, qui cacochymiam constituentes, purgatione potius, quam sanguinis missione egebunt; quin & vires languentes admodum ex ejusmodi sanguinis mutatione, corruptioneque, procul dubio missionem minimè tolerabunt. Attamen si hæc unquam in corrupto sanguine foret admittenda, ut vult Capivaccus, *eradicativa*, deberet planè universum sanguinem exhausti ad Viventis internecionem. Excedens præterea quantitate sanguis in venis, & arteriis, ut evacuatione egeat, nuspiam visus est; nam quemadmodum Natura in necessariis non deficit, sic in superfluis non abundat; & si quandoque à copia ciborum abundantior fortasse sanguis progigni videatur, moles inde potius corporis, & carnum incrementum habebitur, chylosa scilicet Sanguinis portione in alimentum partium cedente, cui sola frugalitas medebitur. Vitium denique in motu omninò commentitium est, & falsò Veteribus creditum, qui putabant sanguinem in venis contineri, sicut vinum in utre: perenniter quippè ille circumit, & si fortasse aliquando remoretur, aut alicubi restagner, graves excitat ægritudines, febres, inflammationes, aliasve, aliter omninò subigendas.

Existimarunt alii cum Vallesio 7. *controv. cap. 2.* venæ sectionem non esse unicum remedium, seù indicatum, sed multiplex, immò multorum remediorum aggregatum, adeoque indicari ab aggregato multorum

indicantium; Quinimò addit Sanctorius, huic insistens opinioni, verum, propriumque indicans venæ sectionis esse *innominatum*, atque *ineffabile*, eò quòd ab unico denominari non possit: Octo autem ipse enumerat indicata, seù remedia, ex phlebotomia provenientia. Primum vocat *Eradicans*. Secundum *tollens plenitudinem*. Tertium *auferens malignam qualitatem*. Quartum *temperans calorem*. Quintum *revelans*. Sextum *derivans*. Septimum *præbens motum sanguini, quiete peccanti*. Octavum denique *deobstruens*. Concludit ea propter, phlebotomiam humores peccantes *eradicare*, abundantes *minuere*, putridos *corrigere*, fluentes *revellere*, stagnantes *derivare*; itemque *aperire, refrigerare, ventilare, deobstruere*, & mille alias utilitates asferre.

At si hæc bona omnia ex unica provenirent phlebotomia; sanè nullus foret morbus, cui illa non esset profutura: cum nullus morbus sit, in quo, vel eradicandum, vel minuendum, vel corrigendum, vel revellendum, vel derivandum, vel refrigerandum, vel deobstruendum, vel aperiendum, aliterve operandum, alterandumve non sit. Atqui nec ipsi, quibus tam cordi illa est, audent eandem Vertiginosis, Epilepticis, Empyicis, Tabidis, Asciticis, Obstructis, Asthmaticis, œdemate, & scirrho affectis, aliisque præscribere; in quibus eradicare, minuere, corrigere, revellere, derivare, aperire, deobstruere, aut aliter alterare expedit.

Utcumque præterea consideretur Phlebotomia, numquam utiliter poterit, & sine ingenti periculo, in ægrorum auxilium duci: etenim, ut præsidium eradicans, deberet universum vitio affectum sanguinem è ve-



nis, & arteriis exhaurire, ut omnem illius labem, si præsertim in totum Corpus irrepsit, eradicaret; & si alicubi tantum lateat, divinandum prius foret, unde is extrahendus, citrà alius dispendium, aut infectionem. Sed & ejusmodi putrefactiones in sanguine, superstitè vita, quis unquam rationabiliter admiserit?

Ut præsidium, plenitudinem diminuens, in sanis potius, quàm in morbofis corporibus, locum habere potest, ut hic Hippocrates de Athletis innuit, cum ad extremum bonitatis devenerint; at verò in morbofis omnia aliter prorsus se habent, cum & sanguis, & reliqui humores multum evarient, atque in alios, aliosq; degenerent, minimè per phlebotomiam educibiles, per quam non tam mali, quàm boni plerumque, non sine gravi vitæ incommodo, educuntur; unde Hippocrates solum commendare visus est evacuationes in Athletis, cum intra limites sanitatis versantur: nec solum educatione, sed potius diætâ, solvendo illos esse præcepit, detractioe procul dubio tutiori, magisque Veteribus commendata. Cæterum plethoriam in agris, & potissimum febrientibus, haudquaquam inveniri, ex eo speciatim satis, superque evincit Helmontius, quia Cauteria in iis spontè excantur, nullumque sanguinem fundunt.

Quòd insuper possit per phlebotomiam maligna qualitas ex humoribus abscindi, incredibile omnino est: Maligna enim qualitas haud evacuantibus, sed corrigentibus, subigitur; ut propterea solum alexipharmaca, & antidota, à Cordationibus commendentur, quibus illius vis immanis infringatur. In malignis autem ægritudinibus bonus sanguis paucus esse solet, isque sæpi-

simè effectus, ut testantur pulsus debiles, tactus frigidus, propensio ad somnum, & totius corporis languor; unde Galenus 4. *de san. tuenda cap. 4.* agens de dignotione, & Curatione vitiosorum succorum, ait: *si bonus sanguis modicus sit, reliquus verò succus plurimus; utique in his abstinentium à detractioe sanguinis est.* Amplius, cum dicatur maligna qualitas ab ingenti humorum putrefactione pendere, sanè repugnabit omnis sanguinis detractio, tum quia per illam putredo minimè curatur, documento Galeni 11. *meth. cap. 14.* tum quia educto tenuiori, floridiorique, qui remanet, fit magis obnoxius corruptioni; quare idem Galenus 9. *meth. cap. 10.* inquit: *In morbis maximè est periculosa evacuatio, veluti si ea fortè incidit ex corruptela humorum.* Si prætereà ingens hæc putredo in venas, & arterias nondum irrepsit, ut cum pulsus est bonus, & urina, ex Rhasi; sed vel in glandulis Corporis, vel in exilibus vasis, & apicibus arteriarum hæreat, ab educto sanguine illa interius protrusa, cominus cor adoritur, & necem infert. In hanc rem Sennertus *cap. de febribus malignis, & pestilentibus*, conferens quotquot ante sua tempora rem Medicam sunt professi, & malignas, pestilentesque febres curare aggressi sunt; longa seriè memorat, testatos, extremum obiisse diem ægrotos omnes, quibus in pestilentiis sanguis detractus fuerat; quibus verò secus, feliciter convalescuisse; quin & Galenus ipse *lib. de cibis boni, & mali succi*, id ipsum, expressè fatetur, suo tempore accidisse in quadam pestilenti constitutione, ex ciborum vitio. Vires enim plerumque in his extremè languent, quibus cæteroqui, oppugnandæ malignitatis gratia, validissimis opus esset,



set, haudquaquam venæ sectione dissipandis.

Quam præterea perperam agatur in mittendo sanguine, ut exinde calor adimatur, & vita refrigescat; notius est, quam ut hic fusa oratione ostendi possit. Vita nostra calore eget, & calore conservatur: frigore verò languet, & fatiscit; unde ex utriusque excessu, sanè gravior, periculosiorque censendus est, qui ex frigore, quam qui ex calore: cum, quoad usque calor vigeat, vita perseveret. Neque verò perpetuò, ex missione sanguinis, calor, qui febrilis dicitur, remittitur: cum & aliquando, immò sæpè sæpius, augeatur, ut experiimur in febribus, quæ non rarò ab ejus detractioe ingravescent, & exacerbantur. Refert quippè Helmontius *lib. de febribus cap. 4.* Cardinalem Toletanum ab iteratis phlebotomiis, universo penè sanguine exhausto, prius vita defunctum, quam febre. At verò, si phlebotomia ejus virtutis esset, ut calorem excedentem, ad naturalem, & vitæ consentaneum reduceret, esset procul dubio remedium febrientibus omninò præsentaneum; cum tamen plerique in pejus ruant, atque ab illa intensius excandescant. Porro scitè admodum inquit Helmontius: *tantum sanguinis missio refrigerat, quantum de calido vitali furatur.* Et Galenus *12. meth. cap. 1.* multò antea admonuit, *non rarò ab ejusmodi evacuatione, priorem quidem morbum desinere: sed agrum remanere decolorem, viribus imbecillum, exilem, ut vix pristinum habitum in posterum recuperet.* Quemadmodum igitur dubius est eventus, in curandis febribus, à largo potu aquæ gelidæ, quæ specialius æstum febrilem temperare valet: cum subindè plurimi ab illa perierint, ad extre-

um frigefacti; sic, & longè gravius periculum timetur à venæ sectione, sedandi fervoris causa, indicta, per quam nedum excedens, & qui febrilis putatur, adimitur: sed &, qui salutaris est, à sanguine oriundus, quique vitam tutatur, & fovet. Sed Ecquis unquam sciverit, quantum sanguinis sit educendum, quod æstui solùm temperando sine vitæ jactura satis sit? Verùm & hæc, quæ de caloribus sunt à Veteribus conficta, alibi latius examinabuntur.

Quòd ulterius creditur, posse per Venæ sectionem fluentem sanguinem retrahi, atque in contrarium cursum distrahi, ac derivari; vanum omninò est: is etenim, continenter excurrens per arterias, & venas, indeque rediens in Cor, perenni circuitu vitam promovet, nec sine gravi ejusdem incommodo retardari potest; undè si fortassè alicubi hæreat, febres, & inflammationes parit, quæ potius dissolventibus medicamentis, quam sanguinis detractioe curantur; cum stagnans extra propria vasa sanguis, venæ incisione neuriquam educi, aut alio distrahi queat: immò potius ex dispendio vividioris portionis facilius concrescit, & difficilius dissolvitur, aut suppuratur: quibus sanè modis vitæ incolumitati consülitur.

Denique quòd obstructioni minimè possit venæ incisio opitulari, docemur ab eodem Galeno *cit. 11. meth. cap. 14.* dicente: *Nec obstructio, nec putredo curari potest per sanguinis missionem.* Et quidem si unquam à sanguine obstructio fit, certè in apicibus arteriarum contingit, quæ nimia exilitate nequeunt tam facile impulsam à corde sanguinem excipere; idque potissimum, si à contracto acore facile concreseat, aut glutinosior evaserit; modò per venæ sectio-



nem nulla ratione ejusmodi arteriolarum obstructions removentur, sed magis, ac magis à concrefcente sanguine increscunt: ut propterea rarò illa contingat, quin comitem non habeat febrem acutissimam, & malimoris, si præsertim præcordia occupet.

En igitur quàm debili fundamento innituntur, quæ tot, tantæque ex sanguinis missione memorantur utilitates; & si aliquando referatur illa juvisse, indeque convaluisse ægrotautes: certè, quos illa non peremit, sortem servasse dicendum. Quibus autem rationibus plerique inducantur, ut obfirmato animo huic magno putato remedio emancipentur, hætenus mente concipere non potui. Excusandi planè sunt Veteres, quos nova Medicinæ inventa, quibus jam locupletata est, latuerè; at non video, quam veniam Recentiores unquam sint promerituri. Si experientiam appellent, qua plurimos per phlebotomiam sanatos fateantur; testor ex adverso ipse, multos me annos Medicinam factitasse, & in Xenodochio Parthenopæo Divæ Mariæ Annunciatæ centenos, & milenos brevi curasse, sine ulla sanguinis evacuatione; licèt phrenesi, pleuritide, angina, hepatide, hæmoptoe, erysipelate, omnisque generis febribus, fuerint correpti; ut proindè jam in propatulo sit, quamlibet posse ægritudinem citò, tutoque curari, absque ulla sanguinis effusione; & si aliquando illa locum habeat, in sanis potiùs, & in Athleticis, plethoricisque Corporibus, ad plenitudinem minuendam, juxta mentem Hippocratis, commendanda, nè in immedicabiles ægritudines incidant, & suffocationis periculum incurrant. Undè Galenus 2.aph.comm.8. cohærenter Hippocratis sententiæ, hæc

habet: *Hippocrates non hic tantum, sed etiam in aliis suis commentariis, quando invicem proportionem servata humores omnes augentur, missione sanguinis auxiliatur; ubi verò unus aliquis ex ipsis superabundat, illi purgatorium dat medicamen.* Et eodem 2.aph.comment. 17. *Evacuatio autem omnium humorum aequaliter (quæ quidem exquisitissima est) fit per venæ sectionem.* His inhæret Avicenna sen.4.primi cap.20. ubi definit phlebotomiam, *evacuationem esse multitudinis detractivam*: multitudinem autem humorum, subdit, *augmentum esse super aequalitate ipsorum in venis.* Cùm itaque ejusmodi plethoria, atque humorum in venis plenitudo, nonnisi in sanis haberi possit, cùm ægra Corpora per hoc ipsum, quòd ægra sunt, sanguinis, & carniū incrementum nequeant adipisci; fit ea propter, ut venarum sectiones sanis, & plethoricis tantum convenient, ne in ægritudines labantur, aut suffocationis periculum incurrant, si id quoque verum sit, ut de Athleticis consulit hic Hippocrates.

Claudit denique Aphorismum Hippocrates, inquiens: *Et rursus refectiones, cùm extremæ fuerint, periculose.* Quibus verbis admonet, quòd sicuti evacuationes ad extremum ducendæ non sunt, nè vasa exindè comprimantur, & concidant; sic & refectiones extremæ esse non debent, quemadmodum 2.aph.51. scribitur: *Plurimum, atque repentè evacuare, vel replere, vel calefacere, vel refrigerare, sive quovis alio modo Corpus movere, periculosum: omne enim nimium naturæ inimicum, sed, quòd paulatim fit, tutum est.* Per extremas autem refectiones, non solum intelligi possunt, quæ ad extremum ducuntur, adeoque illicò, &



ingenti copia ciborum à plerisque tentari solent: sed etiam, quæ adeò diminutæ sunt, ut vix reficere valeant, ac propterea sub tenui victu comprehenduntur, quippè Natura nostra mediocritate semper gaudet; de quo tenui victu mox.

## APHORISMUS IV.

*Victus tenuis, atque exquisitus, in morbis quidem longis semper; in acutis verò, in quibus non convenit, periculosus. Et rursus, qui ad extremum devenit tenuitatis, gravis est; nam & repletiones, quæ ad extremum deveniunt, graves sunt.*

**D**E victu egrotantibus exhibendo verba facturus Hippocrates, considerat primùm detrimenta victus tenuis, tam in morbis acutis, quàm in chronicis; atque ait, tenuem, & exquisitum victum in morbis longis semper esse periculosum, adeòque damnandum; in acutis verò, in quibus, ex aliquo accidenti, non convenit, adhuc periculosum existimari: idque magis, quo ratio victus ad extremum tenuitatis devenit; & rationem assignans, subdit, quoniam repletiones, quæ ad extremum deveniunt, periculosæ etiam sunt.

Verùm ad horum notitiam præscire decet, Victum apud Veteres fuisse distinctum in Plenum, Tenuem, & Mediocre. Rursus tenuem, in exactè tenuissimum, in tenuissimum, in exactè tenuem, & in tenuem non exactè: ut meminit Galenus *in comm. hujus aph.* & super libros *de ratione victus in morbis acutis*. Plenus victus intelligitur, qui sanorum est, & viribus, ac carnibus augmentum præstat: licet majori, vel minori

quantitate sumptus, magis quoque, aut minùs pro corporum, & ætatis diversitate nutriat: puta, qui ex carnibus, ovis, cæterisque usualibus alimentis frequentior esse solet. Mediocris est, qui vires quidem tuetur, sed non multùm auget, quinimò ex rebus labilibus, quæ citam in Ventriculo dissolutionem subeunt, paratur: ut sunt ova recentia, panis elixus, pastilli è mica triticei panis edules. Tenuis denique, vires potius minuit, quàm augeat, vel servet. Hic præterea denuò dividitur in victum extremè tenuissimum, qui proximè accedit ad jejunium: ut, cum spiritus tantùm, elixires, confectionesq; restaurantes, commistæ liquoribus, ad cochlear unum, vel alterum, exhibentur: quemadmodùm fieri solet in morbis vehementioribus, qui citò in salutem, vel mortem desinunt. In victum simpliciter tenuissimum, ut erat aqua mulsa, & melicraton temporibus Hippocratis. In cibum exquisitè tenuem, ut cremor ptisanæ. Et demùm in tenuem non exquisitè, ut erat tota ptisana.

Sed, & præscire juvat, apud veteriores Medicos variè victus rationem fuisse institutam. Quorumdam mos fuit extremam in ediam, saltem per triduum, ægrotantibus imperare, utierant Diatritarii, quorum Princeps Thessalus *4. meth. cap. 4.* Alii erat in usu victus plenissimus, ut fuit Petronas, cujus meminit Galenus *comment. 1. de ratione victus t. 13.* Alii aliter, pro Sectarum varietate. At Hippocrates victus rationem sic instituit, ut in acutis morbis tenuem: in longis verò pleniorẽ præscriberet. Neque ante illius tempora inter medicinalia præsidia Diæta fuit: etenim, referente Galeno *lib. de Arte tuendæ sanitatis ad Trasibul. cap. 33.* Plato, antiquos Asclepiadas,



ideſt *Medicos*, hac medicinae parte non admodum uſos eſſe, aſſeverat. Et Hippocrates *primo de ratione victus in acutis t.6.* ait: *de Dieta, id eſt victus ratione, nihil, quod effatu dignum ſit, conſcripſerunt Veteres: quamquam id magnum eſſet.* Hippocrates ergo ejuſmodi auxilio Medicinam locupletavit, quo congrua victus ratio aegrotantibus præſcribatur, & quidem ſummo cum emolumento.

Quamquam autem Diætæ nomine apud Hippocratem, & Galenum *comment. 3. in 3. epidem. t. 9. & 1. de rat. vict. in acut.* & citato lib. *ad Traſybul.* & alibi, ſex cauſæ, ſeu res non naturales dictæ, intelligantur; hoc tamen loco propriè ſumitur Victus, græcè *ἡ Δίαιτα*, pro cibo, ut explicat idem Galenus *in comm. huius Aphorismi*; ut propterea eidem adiiciat tenuem, atque exquisitum, ſicut pariter in ſequenti illum diſcriminat à pleniori.

Nec eſt inſuper prætereundum, duas præcipuè conditiones exigi à Galeno *2. aphor. comm. 23.* ad acutam ægritudinem, ſymptomatum ſcilicet incrementum, & ipſius ægritudinis brevitatem; unde acuti morbi ab eodem, & magni dicuntur, &, qui ad ſuum vigorem celerrimè properant. Ex defectu primæ conditionis, febres diariæ acuti morbi non ſunt: quamvis enim breviffime terminentur, puta intra ſpatium ad ſummum trium dierum; vehementibus tamen ſymptomatibus carent. Ex defectu ſecundæ conditionis, Hæticæ febres, Hydrops, Empyema, alique, neque acuti appellantur: quia, licèt gravibus ſymptomatis ægros affligant, adiunctam tamen brevitatem non habent.

At verò potiffima Cauſa chronicarum ægritudinum ex Galeno *2. de*

*diff. febrium cap. ult.* triplex recenſetur, humorum ſcilicet multitudo, craſſities, & viſcoſitas: in his enim multum temporis conſumitur, ut multi diminuantur, craſſi attenuentur, & viſcoſi humores incidantur, adeoque ægritudo longa evadit, ut tandem, evicta, expulſaque cauſa, deſinat. His addidere nonnulli vitioſorum ſuccorum ab excrementorum viis diſtantiā, & altiùs infixam in Viſceribus diſcraſiam; Unde Morbi articulares, & ægritudines nervorum, ſolent eſſe diuturniores: ſicut pariter Viſcerum obſtructiones, & tumores Splenis, Meſenterii, & Uteri, indeque quartanæ febres, ſcirrhi, affectiones hypochondriacæ, & ſimiles. Contrà verò, breves ægritudines ab humoribus plerumque oriuntur paucis, tenuibus, & fluxilibus. Cæterum ad morbos contrahendos conferet indifcriminatim virium robur, & ductuum corporis laxitas: à robore etenim vitioſi humores citiùs evincuntur, & debellantur, atque è ductibus liberis, & expeditis, promptius perſpirant, & facilius expurgantur; unde eſt, quòd quartanæ febres æſtivæ ab Hippocrate dicantur breviores: longiores verò autumnales, & potiffimùm, quæ hyemem attingunt *2. aph. t. 25.*

His modò præmonitis, damnat Hippocrates victum tenuem, atque exquisitum ( qui ſcilicet vires non auget, ſed minuit, cujuſmodi erat ſuo tempore ptiſanæ cremor ) in omnibus morbis longis; & meritò, quoniam in his, præ temporis diuturnitate, ad cauſam morbificam evincendam, vires validæ exquiruntur; atqui hæ nonniſi pleniori victu foven-  
tur. In acutis verò, licèt videatur victus tenuis commendandus, cùm ob brevitatem vigor ſtatim imminet, in quo frugalitas conducibilior eſt:



est: ut propterea doceat *in comm.* Galenus, quod *in omnibus morbis, quibus maximus vigor, & iudicatio primis quatuor diebus futura est, modò Natura sit fortior, integram in ediam servare debemus, quæ est victus extremè tenuis; in quibus verò non ultra primam septimanam protrahitur, forti existente natura, solo utendum est melicrato, qui fuerit & ipse victus tenuissimus, non tamen in extremo; nihilominus, si cum acutis morbis aliquid conjungatur, quod ejusmodi extremam diætam ferre non possit; plenior victus est concedendus: quare subdit idem Galenus: si Naturæ robori non satis fidamus, ptisanæ utemur succo.* Hinc nocuus semper est victus exquisitè tenuis in chronicis, & quandoque etiam in acutis.

At quinam sint acuti morbi, in quibus tenuis victus non convenit, jure dubitare licet hoc loco. Et quidem negat Galenus, haudquaquam propter peracutos adjectas esse has particulas; nam de illis infra scribitur: *ubi Morbus peracutus est, victu extremè tenuissimo utendum.* Sed pro his intelligendi sunt, qui cum ingenti evacuatione junguntur, & à principio vires atterunt: ut sunt febres cum alvi fluxu, animi deliquio, hæmorrhagiis, in quibus ab exactè tenui victu vires prorsus conciderent, & ægri ad interitum festinarent. Quamobrem idem Hippocrates 2. *aphor.* 7. admonuit: *quæ longo tempore extenuata sunt Corpora, lentè reficere oportere; quæ verò brevi, breviter.* Id ipsum etiam confirmat Celsus *lib.* 1. *cap.* 3. inquit: *In morbis, in quibus initium est ab evacuatione, sicut nullum majus remedium veloci refectio; ita nullum majus damnum jejunio, aut parco cibo.*

Verum obstare his videtur, quòd

in morbis à maxima evacuatione pendentibus, summè quoque Vires langueant, quæ, licet exigant pleniorrem victum, quo refici possint; illum tamen non sufferunt, quoniam nequit imbecilla virtus largiorem cibum conficere. Veruntamen, esto vires brevi extenuentur, solidæ partes vigent, à quibus plenior cibus conficiatur: etenim ciborum digestio potius ad solidas partes, earumque fermenta, pertinet, quàm ad spiritus. Accedit, quòd hic damnatur solùm victus tenuis exquisitus, idest exactè talis, qualis erat cremor ptisanæ, unde vires multum deficerent; at ex Galeno in acutis, tantam diætam non admittentibus, concedi debet plenior victus, qui scilicet vires, quas invenit, tueatur. Itaque in prædictis morbis acutis, licet concedendus non sit victus plenus simpliciter ob virium languorem; non tamen exhibendus erit tenuissimus, qui magis illas infirmet, sed medius inter utrosque, vires servans, ne magis infringantur.

Dubitare in super contingit ex Galeno *in comm.* quare dicat, in acutis morbis cibum oportere esse minuentem vires; etenim, si vires minuet, quomodo istæ morbum superabunt? At cibus, vires minuens, morbum, & causam morbi multò magis diminuit, & extenuat; nam modica cibi quantitate nec Natura distrahitur à digestionem causæ morbificæ, nec copiosiora excrementa cumulantur: cum ex Hippocrate: *non pura Corpora, quanto plus nutris, tanto magis ledis* 2. *aphor.* 10. Hinc cibus vires minuens dicitur relatus ad sanam corporis constitutionem, à qua certe plenior expostularetur, si omninò bene valeret; in adversa verò valetudine multus cibus confici nequit, infractis, mutatisque fermentis viscerum huic muneri destinatorum;



quamobrem jure optimo diminuitur.

Quamquam autem Hippocratis ætate, cibus adeò parcus acutè egrotantibus exhiberetur, ut etiam extremam inediam interdum attingeret; nostra tamen tempestate plenior semper in acutissimis adhuc ægritudinibus permittitur: aut quia robustiora tunc Corpora tantam potuerint inediam tolerare, assueta frugalitati; nunc verò debiliora, & molliora evaserint, & largiori cibo uti consueverint; aut quia, ut notavit Montanus *hoc eod. Aphor. primo comm. 5.* generalia Hippocratis præcepta diversimodè intelligi debent, pro diversitate regionum, & consuetudinum: cum ipsemet dixerit, condonandum aliquid esse Regioni, Anni tempori, Ætati, Consuetudini; idque potissimum, cum in morbis de Virium lapsu timetur. Sed tamen, quamvis paulò plenior victus tuto nostratibus in gratiam virium conservandarum concedi possit, liberalior permittendus non est, ut à plerisque fieri solet; siquidem non exinde vires, sed morbus increfcit, aut producit, vel saltem illius Curatio retardatur, ut advertit etiam Galenus *3. de crisiibus, & 1. de diebus decretoriis.*

Est autem distinguendum inter victum tenuem, & attenuantem. Tenuis enim, nedum parcum, sed & nullius substantiæ alibilis cibum significat; attenuans verò substantiæ nutritibilis est, sed virtutis attenuantis, & aperientis. Sic vinum album, fœniculus, filer, petroselinum, cinnamomum, crocus, aves montanæ, attenuare dicuntur, quamvis liberalius assumantur; unde Avicenna in Ascite, Ischiade, Arthritide, & similibus, attenuantem, non tenuem victum commendavit. Sic quoque

Venerea lues, hydrops pulmonis, & paralyfis, morbi chronici, nec pleniori, nec valdè tenui victu tractandi sunt, sed attenuante: ni aliud à viribus, ætate, aut peculiari Corporis constitutione, expostuletur.

Quoniam verò parcior, vel plenior victus, ut in morbis præscribi possit, illorum brevitatem, & longitudinem prænoscere opus est; operæ pretium existimavi, breviter hoc loco referre signa, quibus prudens Medicus statim inter initia exactam, congruentemque victus rationem ægrotantibus definire sciat: quod tanti sanè momenti existimandum, ut, si fortasse ignoretur, etiam ignorare contingat usum ciborum in morbis. Hinc Galenus *3. de crisiibus cap. 5.* scripsit, Medicum in hac re potissimum oportere esse versatum: tum, ne cibum cum detrimento virium importunè exhibeat, vel justo tenuiorem, vel pleniorum: tum, ne morbum protrahat, vel deteriore faciat. Et quamvis idem Auctor *8. meth. cap. 3.* dicat: *Ego verò, nec in omnibus ægrotantibus, fateor, exactè me scire in primo die affectum;* poterit saltem futura morbi constitutio secundo, vel tertio die prævideri: notando scilicet morbi impetum, symptomatum vigorem, recurrentes accessiones, & exacerbationes, motum, & robur Naturæ, causam tum externam, tum internam, quæ morbum, vel efficit, vel fovet, anni tempestatem, & constitutionem, partem affectam, egrotantis ætatem, ac temperaturam. Cum Morbus impetum facit sta tim prima, vel secunda die, & symptomata profert vehementia, accessiones exacerbantur, anni tempus est æstivum, ægri constitutio valida, & juvenilis; procul dubio morbus acutissimus erit, ante septimum terminandus. Si verò tertio, vel quarto die



die contingant, ad septimum protrahetur, ut deducitur ex historiis Philisci, Uxoris Dromeadae, & Adolescentis, qui decumbebat in foro Mendacium. In chronicis autem ægritudinibus, præter nuper memorata, observabitur ætas senilis, anni tempus hyemale, aer crassus, pluviosa tempestas, & hujus generis alia.

*Et rursus*, pergit Hippocrates, *qui ad extremum devenit tenuitatis, gravis est*. Quibus verbis significare videtur, non solum victum exquisitè tenuem, sed etiam, qui ad extremum devenit tenuitatis, quique cum jejuniis coincidit, in valdè acutis morbis, si non conveniat, maximè periculosum esse, cum Natura tantam in ediam ferre nequeat. Et sensus est, quòd, licet morbi acutissimi, ob extremam brevitatem, extrema inedia tractandi forent; quia tamen major ratio de viribus, quàm de morbo habenda est, periculo proinde minimè vacabit victus extremè tenuis, utpote qui vires tueri nequit. Hinc optimè advertit Sanctorius, Hippocratem hic intelligendum de robustis, quibus jejunium nec grave, nec molestum est. Quare semper in ægrotis observanda erit propria constitutio, ætas, consuetudo, regio, anni tempus, aliudve, an non possit ejusmodi victus tenuis tolerari; etenim picrocholi, Pueri, helluones, siccas regiones incolentes, jejunium tam facile ferre nequeunt, ut obesi, Senes, consueti, & crassum aerem habitantes.

Neque solum victus extremè tenuis gravis, & periculosus est: sed etiam, qui maximè nutrit; unde concludit, repletiones quoque ad extremum deductas graves esse; igitur decernere videtur, moderatum cibum tutiorem semper esse. At quoniam poterat quis quærere, nùm majus damnum

futurum sit ægrotantibus acutè, à cibo tenui, an à paulò pleniori: proinde Hippocrates hæc mox subjungit.

## A P H O R I S M U S. V.

*Intenui victu ægri delinquant, quo fit, ut magis lædantur. Quicumque enim error committitur magnus, major in hoc fit, quàm in paulò pleniori victu; propterea & sanis periculosus existit valdè exquisitus, & constitutus, quoniam errores gravius ferunt. Ob hoc igitur tenuis victus, atque admodum exquisitus eo, qui sit paulò plenior, magis periculosus.*

Cunctis ferè expositoribus visus est Hippocrates, in hoc Aphorismo victum tenuem, & paulò pleniorē inter sese comparare, adeoque asserere, majus damnum ægrotantibus futurum ex tenui, quàm ex paulò pleniori.

Sed his omninò adversatur Sanctorius; qui ex eodem Hippocrate, atque ex Galeno, deducit, tenuem potius, quàm pleniorē in acutis exhibendum. Afferit autem non leve argumentum ex 2. *de rat. victus* t. 37. ubi, semper in acutis *studendum esse detractioni, & non adjectioni ciborum*, consulit Hippocrates, donec morbus mature scat. Cui inhærens Galenus in *comm.* subdit: *Victus, qui plus est, in acutis efficit noxas inemendabiles; qui verò minus est, emendari potest, cibi pauxillum præbendo.* Id ipsum etiam confirmat 10. *meth. cap.* 13. exemplo ejus, cui ob inediam à Theffali Sæctatoribus præscriptam, tantus languor acciderat, ut vix oculos attollere posset; mox autem paucis cibis cum tenui vino reffectus, oculos subtulit, & vires recuperavit. At error ex victu pleniori com-



commissus nonnisi longa inedia, & iteratis evacuationibus emendari potest; undè facilis dicitur adjectio, difficillima detractio. Idem etiam inquit edoceri ab eodem Hippocrate, & Galeno, 2. *de rat. vict.* 19. quòd *in acutis illi minùs ledantur, qui accipiunt potum solum, quàm qui ptisanam*. Corpora præterea acutè febricitantia, malis succis plerumque referta sunt, ideoque ex pleniori cibomagis inquinantur, ut dicitur 2. *aphor.* 10. cùm ex morbo illa malè digerant, undè postmodùm corruptiones.

Ut contradicentia hæc Hippocratis loca conciliarent, & ad rectum sensum revocarent Interpretes, multa, & varia commenti sunt. Fuchsius, & Sclanus inquirunt, voluisse hic Hippocratem illorum morem reprobare, qui statim à principio ægros per triduum inedia macerabant, adeò ut apud Ægyptios (ut author est Aristoteles 3. *politic. cap.* 11.) cautum fuerit, gravi pœna mulctandos, qui antè tertium diem cibum cujusvis generis ægrotantibus porrigerent. Sed quàm sit hoc ab Hippocratis mente alienum, ex verbis Aphorismi apertissimè deducitur. Neque insuper de victu tenui inter initia exhibendo meminit Hippocrates, sed de tenui comparato ad pleniorē, quocumquē morbi tempore.

Triverius sic se satisfacisse putat, scilicet Hippocratem 2. *de rat. vict. cit.* de acutis sermonem habuisse, hic verò de morbis chronicis. Sed cùm textu præcedenti, aliisque sequentibus, verba faciat de victu tenui, qui suapte natura convenit in morbis acutis; ratio postulat, ut etiam de illis hic loquatur, in quibus ejusmodi victus convenire possit: modò convenit ille in acutis, non in chronicis.

In eisdem quoque ambagibus ver-

santur Cardanus, & Capivaccus; Ille quidem, quia putat, Hippocratem in 2. *de rat. victus* loqui de cibi quantitate: in hoc autem Aphorismo de qualitate; Hic verò, quoniam arbitratur priorem locum intelligendum de statu morbi, in quo victus tenuis expedit; at verò posteriorem, de toto morbo, in quo victus tenuis periculosior est. Hæc enim finguntur potius ab his, quàm revera menti Hippocratis cohæreant.

Galenus simili quodam modo sensum Aphorismi interpretatur, etenim inquit: *Quicumque error contingit agrotantibus, qui tenui victu reguntur, hic profectò majus affert periculum*. At hic subit equidem admirari, cur Hippocrates sententiam, quam paucissimis verbis exprimere poterat, tam proluxa oratione, contrà aphoristicam brevitatē, & tot verborum ambagibus, reddiderit difficiliorem: cùm tamen Galenus Asiatica sua loquacitate illam brevissimè complexus sit.

Verisimilius, & cohærentius Hippocratis menti existimamus nos, contulisse re ipsa Hippocratem in hoc Aphorismo damna victus tenuis, & plenioris, atque rationabiliter pronunciasse, periculosiorem esse tenuem paulò pleniori, quia ille viribus detrimento est, hic autem prodest; adeoque perperam à Sanctorio oppugnari allatum ex 2. *de rat. vict. in acutis* textum 37. Siquidem ibi commendavit tenuem victum, exiguum ab acutie morborum, indicatione desumpta ab ipso morbo acuto, qui velociter ad statum properat cum virium firmitudine; hic verò, cùm eandem specialiore habuerit rationem, proindè periculosiorem inquit tenuiorem esse victum in acutis paulò pleniori. Atque hinc Galenus 8. *meth. cap. ult.* docet, magis incumbendum



V. etiam  
Manar-  
dum lib.  
4. epist. 2.

dum viribus debilibus, quàm morbo, quia multò magis vires prævalent pro cibo pleniori, quàm morbi pro tenuiori. Et in *comm. hujus Aph.* rationem reddens, ait, errata esse majora in tenui victu, quia ægri cum illo ob debilitatem ad statum non perveniunt. Quare à viribus definienda est ciborum quantitas, & substantia. Sensus itaque Aphorismi erit: in acutis morbis, si ex æquo comparentur errata, & detrimenta, imminetia ex victu, ab acutè ægrotantibus assumendo: quia ex virium languore majus futurum esset damnum, idcirco in tenui victu magis ægri delinquere dicuntur. Notat etiam Valles. *epidem. 7. comm. 4.* quòd tenuior cibus, licèt interdum sit utilior, sæpè tamen est minus securus; at plenior, licèt Crisim differat, à morte tamen præcavet, quæ, ex tenuiori victu priùs exhibito, ante Crisim insequi potuisset. Et ratio indè delumpta videtur, quia alimenta haud secus exhibentur, quàm ad vires conservandas, vel reficiendas; ergò ubi vel non adest, vel non imminet virium lapsus, copiosus cibus exhibendus non est; contrà verò, cum de viribus ambigitur, an non persistere possint, donec morbus maturescat, in gratiam illarum victus plenior præscribi debet: non enim victus respicit morbum, sed vires, adeoque à viribus principaliter determinandus erit. Quare non immeritò Hippocrates indulgendum, ait, paulò pleniori, quoniam vires in morbis facilè labi possunt, quæ cæteroqui constantes esse debent, usquè quo causa morbi evicta, & expulsa fuerit, & si unquam error aliquis committeretur in victu, major procul dubio foret in tenui, quàm in paulò pleniori: nam de pleno simpliciter, vel plenissimo victu, certè par error committeretur, quo

scilicet vires non reficerentur, sed gravarentur, immo obruerentur.

Neque verò præter rem foret Hippocratis mentem explicare, talem illam fuisse, ut ostenderet, tum ægrotantes, tum sanos, qui tenui cibo utuntur, ægriùs ferre delicta, quæ non circà victum, sed circà res alias committunt, quàm eos, qui plenius nutriuntur: putà si æger, vel sanus, qui tenuiter cibatur, delinquat in Venere, similive: hunc equidem, docet Hippocrates, graviùs lædi, quàm, qui uberiori alimento vescatur. Multum in id facere videtur Cornarii versio, quæ græci Codicis fidem accuratius prosequitur. Illa enim sic se habet: *In tenui victu delinquentes ægrotantes magis læduntur. Omne enim delictum, quod committitur, magis magnū committitur in tenui, quàm in paulò pleniori victu; quapropter etiam in sanis periculosus est valdè tenuis, & constitutus, ac exactus victus, quoniam delicta graviùs ferunt. Ob hoc igitur tenuis, & exactus victus, periculosus est magis, quàm paulò plenior.*

Nedum autem victus tenuis periculosus dicitur ægrotantibus, sed, si fortassè valdè exquisitus sit, & constitutus, etiam sanis nocet, quoniam hi errores graviùs ferunt. Ubi notandum, quòd sanis periculosus dicitur cibus, non quidem tenuis simpliciter, sed exquisitè tenuis, nam tenuis posset faciliùs à sanis tolerari, cum, ex dictis, vires quodammodò conservet, vel non multum minuat. Hinc posset argumentum à fortiori deduci, quòd, si tenuis exquisitè à sanis minimè toleratur, ideòque valdè periculosus est, quanto magis ægris noxius judicandus erit, in quibus vires validæ expostulantur, quousque Morbus, & Causa morbi maturuerit. Addit tamen, periculosum esse sanis tenuem



nuem victum exquisitè, si constitutus fuerit, idest si illis diætâ exacta, statuta, & continens, præscripta sit; etenim, si semel, aut bis, aut etiam alternis vicibus, sanum Corpus exacto, tenuiquæ victu uteretur, nullum inde futurum esset grave detrimentum. Quapropter Cellus admonet: *sanum hominem nullis obligare se legibus debere, nec ullum cibigenus fugere, quo Populus utatur; interdum in convictu esse, interdum ab eo se retrahere: modò plus iusto, modò non amplius assumere; bis die potiùs, quàm semel cibum capere, & semper quamplurimum, dummodò hunc concoquat.* Quin Avicenna sanis corporibus præcipit, ut saltem in hebdomada jejulent, exactamque diætâ servant, ad digerendas superfluitates, quæ ex præcedenti cibo fortè cumulatae in Ventre fuerint.

Sed non levis difficultas emergit ex ratione, quam tradidit Hippocrates in hoc Aphorismo: *Quoniam errores graviùs ferunt.* Nam videtur falsum, quòd sani graviùs ferant errata ex victu exquisitè tenui: cum enim illi benè valeant, & viribus præpolleant, sanè videntur melius inediâ sufferre posse, quàm si ægrota-verint. Ad quam tamen dicendum, graviùs affici sanos, quàm ægros, à tenui victu: cum sani, per hoc idem, quòd sani sunt, & benè valent, jejuniomagis macerentur, undè solida etiam membra delaxantur, consumuntur, & elanguent: quod secùs ægrotis accidit, in quibus viscera alimentorum addicta digestionì plurimum hebetantur, & à consuetis muneribus deficiunt. Hinc benè valentes, à longa inedia, bulimon incur-runt, & lipothymiam; ægrotantes verò ad dies integros citrà noxam à cibis abstinent.

Quemadmodum tenuis victus pe-

riculosus est debilibus, etiamsi acutè febricitent; sic pariter plenior nocuus censendus est robustis, & succiplenis, licèt chronicis ægritudinibus laborent. Ratio deducitur ex mox dictis, quoniam cibus postulatur à viribus, non à morbo; nec aliundè pleniorè victum in chronicis morbis commendat Hippocrates, nisi, ut vires perdurent, quousque morbus, ejusque causa fuerit evicta. Cum igitur vires constant, & cum tenui victu, vel mediocri, benè consistunt, non erit, cur plenior importunè exhibeatur.

Postremò inquit, tenuem idcirco victum, atque admodum exquisitum, periculosiorem esse paulò pleniori, ut pro coronide decernat detrimenta ex illo imminetia: quasi dicat, si tenuis victus sanis, & robustis nocet, procul dubio nocebit etiam acuto morbo laborantibus, ac proinde longè periculosior erit paulò pleniori. Quænam autem inediæ damna sint, explicuit idem Hippocrates *lib. de veteri Medicina, & 2. de ratione vict. in acutis.*

At quamvis hæc in tenuem victum scripta sint, animadversione tamen dignum erit, longè utiliorem nostris temporibus esse tenuem cibum ægrotantibus quibuscumque, & potissimum febrientibus: etenim plerumque infirmantur homines, ex crapulis, comestationibus, nimiaque esculentorum luxurie; unde venter universus ægrè admodum multitudinem, & ciborum varietatem conficit, quinimò excrementis, multisque cruditatibus onustus, eas excitat ægritudines, quæ exacta diætâ egent, ut removeantur.



## APHORISMUS VI.

*Extremis morbis extrema exquisitè remedia optima sunt.*

**H**unc Aphorismum imperfectum putat *in comm.* Cardanus; ideòque cum sequenti jungendum. Quod pariter visus est innuere Galenus hoc eodem loco. Quamobrem, si de tenuissimo victu in morbis peracutis exhibendo inferius agitur, quoniam hi extremos statim labores habent; profectò hic etiam de extremo victu sermonem fieri dicere necessumerit: Cum autem superius de victu exquisitè tenui in acutis morbis egisset Hippocrates, nunc qualisnam in peracutis, & acutissimis conveniat, decernit. Unde mens Auctoris hoc loco est, de Diætâ solum sermonem continuare, non autem de cæteris remediis, ut vulgò creditur, quemadmodum & Galenus ipse interpretatur. Quin Heurnius existimat, præsentem Aphorismum in correctionem, limitationemque præcedentis, scriptum esse: atque in eo exactam curationem comprehendendi, designatam per dictionem græcam αἱ Θεραπεῖαι, quæ curationes, non remedia significat.

Verùm quoniam plerique contendunt, præter victus rationem in morbis peracutis servandam, statui quoque hoc Aphorismo magnorum remediòrum usum in morbis extremis; videamus, quid unquam ex hac aphoristica sententia possint isti pro reliquis medicamentis, ut vocant, magnis concludere.

Extremos appellant morbos, qui magni, & summi observantur, sive breves sint, sive diuturni, magnitudinem solummodò sumentes à symptomatibus, conjunctis cum vehe-

mentia, ex quibus Natura graviter afficiatur, cum manifesto vitæ periculo. Hos autem tanquàm summos, & extremos, subdunt, magnis, & extremis remediis debere curari. Atqui magna, & extrema remedia, ajunt, esse ex Galeno 2. *aphor. comm.* 29. Venæ sectionem, nonnunquam etiam & purgationem; undè concludunt, non solum Hippocratem hoc Aphorismo extremam in diætâ designasse, sed etiam sanguinis missionem, & purgationem, veluti auxilia medica extrema, & præsentanea, quibus morbus quilibet gravissimus, momento ferè, abigi possit.

Sed difficile est conicere, undè hi habeant, purgationem, & Venæ sectionem, extrema remedia esse. Si enim nomine extremorum intelligere velint contraria distantissima, ut usurpat cum Aristotele 10. *metaph.* Themistius 1. *physicorum tex.* 49. certè phlebotomia, & pharmacia, nullam habent cum morbis contrarietatem, cum vera contrarietas solum versari dicatur inter qualitates. Nec insuper, si ejusmodi forent, tutò possent adhiberi; nam præter alia alibi demonstrata, Galenus expressè docet 3. *simpl. medic.* 12. & 2. *de arte Cur. ad Glauc. cap.* 3. ab his omninò cavendum, nè morbus alter priore pejor insequatur. Si verò extrema remedia appellentur, quia extremam Corporibus commotionem inferunt, humores concitando, & educendo, sub quo sensu solertiores Medici illa exponere consueverunt; sanè non erit, ut à prudenti viro, sub ancipiti eventu, illa tam facillè possint commendari; cum eadem celeritate, quæ juvare possunt, soleant pariter, & frequentius irreparabiliter interimere. Quare, si periculis implicita sæpissimè fallant, rarissimè, & maxima cum præmeditatione administranda,



ut insinuavit Hippocrates *hoc eod. lib. t. 24.* Neque verò Galenus *cit. loco* absolute asseruit, venæ sectionem, & purgationem, extrema, seu magna esse remedia, sed solum hæc esse præcipuè, & nonnunquam, atque in genere evacuantium, cum ibi Hippocrates de evacuantibus, seu moventibus medicamentis meminerit, inquiens: *si quid videtur movendum, move.* Undè *5. meth. cap. 14.* agens de sputo sanguinis, & ulcere pulmonis ab ipso inter morbos magnos, & extremos, recensito, extrema remedia pro curatione retulit Diaspermaton medicamentum, compositum ex feminibus papaveris, & Ceratum ex thapsia, syncipiti admovendum; & alibi extremum remedium febris ardentis dixit esse potum Aquæ frigide; & in dolore colico, præsentaneum remedium, ac veluti incantamentum esse Cucurbitulam magnam, ventri, & umbilico adhibitam, *12. meth. cap. ult.* Aliquandò etiam commendat balnea, tanquam exquisitissima medicamenta, ut præsertim *comm. 42. 7. aph.* nonnunquam etiam meri positionem, ac fomentum *6. aphor. 31. & 7. aphor. 46.* Quamobrem sana ratione evincere quis poterit, quodcumque medicamentum, cum juverit, extremum, & maximum dici posse. Potius ergò sanguinis missio, & purgatio extrema, & magna remedia dicentur, quia magnam, & ingentem in toto corpore commotionem excitant; aut quia generalia præsidia sunt, quamcumque partem respicientia; aut quia in reliquorum medicamentorum locum, cum ignorantur, sufficiuntur: si enim unicuique morbo congruentia, propria, & specialia remedia; adhibere sciremus, minimè generalibus ejuscemodi medicamentis egeremus, phlebotomia, & pharmacia, nisi solum illa ad venas

deplendas, hac verò ad alvum laxandam. Atqui huc spectarunt, omnemque sollicitudinem, atque operam adhibuerunt tum Prisci, tum Recentiores Medici, ut singulis morbis propria, & particularia remedia singulatim coaptarent, quæ extrema forent, & illicò conferrent, ut colligere est ex Galeno in libris *de composit. medic. per loca, & de medicinis facile parabilibus.* Hippocratem præterea si consulamus, magnum, & extremum remedium, is constituit Ignem, *7. aphor. ult. Quæ medicamentum non sanat, sanat ferrum: & quæ non ferrum, ignis: quæ non ignis, sunt insanabilia.* Sic in sphacelo, gangræna, cæterisque Ustio extremum remedium est, ut & in præduro Jecore *7. aphor. 45.* Sectio in Empyemate, & Hydrope, extremum, & magnum remedium est *lib. de internis affectionibus.* Nec dissimiliter Sternutamentum in retentis secundinis, & in extincto foetu: Somnus in Delirio: Aquæ frigidæ profusio in Tetano: Timor vehemens, & repentinus, in Colica passione, & alia hujus generis innumera, extrema remedia dicuntur; ut propterea nequeat quis ex mente Hippocratis ad hæc duo dumtaxat, phlebotomiam, & pharmaciam, illa rationabiliter coarctare.

Quod verò nec semper, nec ubique, his duobus medicamentorum generibus tanquam extremis, adversus extremos morbos pugnandum sit, patet in curatione quamplurimum extremarum ægritudinum, præsertim verò Hæctica febris, immodicè fluentis sanguinis, Canceri, & Scirrhi inveterati, confirmatæ Dysenteriae, Diabetes, Lienteria, Volvuli, Syncopes, aliarumque similium, in quibus, tametsi extremis, & magnis, neque phlebotomia, neque pharmacia, locum habent. Igitur extrema, & ma-



gna remedia intelligenda sunt, quæ statim prodesse possunt, cujusque generis illa sint, etiam citrà evacuationem; adeoque perperam à nonnullis ejusmodi dumtaxat dici, Venæ sectionem, & purgationem.

Quoniam autem superius de Ustione mentio facta est, posset hinc quis ansam arripere, inter magna præsidia jure collocandi Cauteria, & *Vesicantia*, quibus morbos, cæteroqui gravissimos curari posse contendat. Cum enim Cauteria in musculorum finibus inflicta, vias aperiant præterfluentibus humoribus, verisimile admodum videtur, posse ex illis vitiosos etiam succos è toto corpore educi: exemplo ab Arboribus desumpto, quæ in caudicibus incisæ, veluti cauterio notatæ, ubi primum fructus, vel nullos, vel malos gignerent, mox plures, & saposos afferant. De Vesicantibus deinde longè major ratio videtur habenda, quoniam ex rebus acerbis, & causticis, composita, efficacius possunt è centro corporis, quæ interiorius latent, ad superficiem evocare, citrà virium dispendium; ut proinde perhibeatur, & calorem nativum ab illis excitari, & humores aliò decumbentes revelli, & ichores malignos educi, & quoscunque pestiferos, deleteriosque morbos tutò, jucundèque sanari; Hinc sacra salutis Anchora, & morborum deploratorum subsidium appellantur.

At si verum fateri licet, nil aliud à Cauteriis sperandum, quàm circum-eunti sanguini aditum extrà Corpus aperire: sanguis etenim, qui ad musculos, adjacentesque partes nutriendas excurrit, ob inductum ulcus, exilit, & si fortassè ibidem aliquantulum detineatur, corrumpitur; undè quæ exindè profluunt, vel sanguinem, vel purulentum humorem, referunt, quemadmodum in cæteris ulceribus

experimur; cumque sæpissimè tractu temporis partes hoc malo affectæ languere soleant, magis proinde obnoxia fiunt suscipiendis humoribus, iisque corrumpendis. Hinc plurimum decipiuntur, qui credunt, ulceratas ejusmodi partes ob dolorem, & calorem, aut etiam ob metum vacui, excrementa trahere; nam & Galenus ipse *lib. de causis morborum* 6. & 13. *meth. ultimo, naturam depellere id*, inquit, *quod abundat, in partes imbecilliores*; & antè ipsum Asclepiades edocuit, succos in partem dolore affectam confluere, non autem ab illa attrahi. Quare à Cauteriis sola sanguinis, aut lymphæ per suos ductus præterfluentis evacuatio haberi potest, ideoque in Corporibus succiplenis, edacibus, obesis, & sedentariam vitam ducentibus, toleranda; secus verò in gracilibus, extenuatis, & morbo depressis, si potissimum distillationibus molestantur: in his siquidem, promota perpetim per cauterio affectas partes sanguinis egestionem, concitatur, celeraturque ejusdem motus, undè distillationes ingravescunt, macrescit corpus, & non raro, languore nimio in partibus inducto, Erysipelas, & Gangræna succedit.

Quòd ad *Vesicantia* verò, non adeò illa magnificienda sunt, ut magnum emolumentum ex illis sit sperandum in ægrotantibus, quin potius non leve detrimentum inde futurum timendum sit. Vim tractoriam, quam illis attribuunt, omninò vanam existimant, qui Philosphiæ fontes pliusquàm leviter degustarunt, cum jam compertum sit, tractionem nullam rebus inesse, sed omnia ad pulsionem reduci; undè & revellendi facultas obsolevit. Etiam si prætereà traherent, procul dubio ab arteriis educere deberent, ut à centro ad corporis extre-



extremas partes humores évocarent, quoniam in venis valvulæ impediunt; cùmque vitiosi humores, ichoresque maligni vulgò intrà venas à Medicis collocentur, sanè, ut per arterias ad cutim ferri possent, Cor ipsum pervadere primùm deberent, damno longè graviori. Amplius, tenuiores, acrioresque vesiculas in cute excitantium istiusmodi medicamentorum particulæ, cùm in sanguinem ferantur, & cum eodem circulent, ut patet ex pulsu citatiori, mictu sanguinolento, urinæ ardore, cum dolore Vesicæ urinariæ; potiùs ab his credere licet noxam sanguini, cunctisque Visceribus affuturam; undè vigilia, urentior calor, sitis molestior, solutior sanguis cum virium languore exoriuntur: ideo quia ejuscemodi medicamenti genus conficitur ex Euphorbio, Sinapi, Cantharidibus, aliisque acribus, & humano corpori infensis, nocuisque rebus. Atqui majus damnum procul dubio inferrent, cùm vitiosos humores in alvum decumbere, aut per vias urinarias expurgari, aut alios patentiores aditus petere contingat, veluti per loca conferentiora, quemadmodum ex Hippocrate edocet Galenus *primo aphor. comm. 2 r.* inquit: *conferentia loca esse solere intestina, ventrem, vesicam, uterum, cutim, nares.* Mox subdit: *Medicum Naturæ imitationem ejusdem inclinationem observare debere.* Si igitur Natura nihilum in cutim deponere videatur, & ut loquitur Sanctorius, *nullam ad illam habeat inclinationem*, ad quid vesicantibus uti licebit? Sic apud Hippocratem *in lib. epidem.* Meton, sanguine è naribus fluente, quinta die judicatus est: Mulier morosa per menstruas purgationes à maligna febre convaluit; & alii plurimi sanati referuntur per urinas, sputa, parotidas,

in quibus cutim urentia ista medicamenta Naturæ crîsim impediunt, ac distrahunt, adeòque deteriorem, & lethalem morbum reddunt. Ichor autem ille, qui nonnunquàm exsudare solet ab ulceratis partibus, portio lymphæ est, per glandulas subcutaneas excurrentis, vel etiam ejus humoris, qui in alimentum cutis cedere debuisset, quique cum liquato linimento commistus sæpenumero degenerat in foetidam materiam, quæ pro maligno humore solet ostentari, cùm cæteroqui profuisset, si retenta, & partibus applicita, saltem irrorando, & humefaciendo, à suo munere non declinasset.

Sed & neque graviora, quæ imminet mala, ab illorum usu, omittenda sunt. Et quidem, præter dolorem, vigiliam, urinæ ardorem, ulcus, ex languore partis, non rarò insanabile, solent ægrotantes exindè tam graviter affici, ut motui inhabiles, & lecto decumbere coacti, longè pejus se habeant, quàm à morbo, quem evaserunt, & non sine mortiferæ plagæ periculo; quamobrem contulisset his plurimùm morbum morbo non curasse, nè in graviolem, molestioremque inciderent: nonnulli etiam periire à relictis ejuscemodi ulceribus in gangrænam versis; aliis necesse fuit sectioni, ustionique succumbere, ac mille alia incommoda pati, & cruciatus acerbissimos. Quæ denique ab illis beneficia efferuntur, nulla sunt: Etenim sponte sua plerumque exsiccantur, etiam si iteratis vicibus affectæ partes proritentur. Grassante hîc Neapoli anno 1679. morbosa nimis, & pestilenti ferè constitutione, expertum est, eos, quibus partes Vesiculas excitantibus inusta nihil profunderent, & spontè sanescerent, brevi convaluisse; periisse verò, qui benè ab illis haberi credebantur, plurimùm



rimùm ichoris effundentes; sic à Medicis decepti, qui salutaria putant, quæ madafacta comparent, ac multo ichore scatentia: quo sane factum, ut non infimæ notæ Viri, & præ cæteris solertiores agnoverint, ægrotantes, quos Sors per ulcerantia hæc medicamenta non sustulit, consanuisse quidem, at non ab illis. Jure igitur optimo vocat hoc medicamenti genus *Helmontius stulta subsidia circa Corporis superficiem, ubi centralia laborant, & obsessa sunt, à Spiritu nequam Moloch excogitata.*

Mirari autem hoc loco subit, ple-rosque Medicorum, qui commendare cum non soleant, nisi quæ à Galeno, & Vetustioribus, memorata sunt, in hoc tamen negligunt Antiquiorum monumenta. Illi enim nec hujusmodi medicamenta habuere in usu, neque illorum unquam memine-  
re. Primus fertur Oribasius (licet Sinapismi ad Archigenem referantur) inter chirurgica præsidia illa retulisse, ad revellendum à capite, *lib. 7. collect. cap. 19.* his verbis: *Acrida etiam medicamenta, brachiis, & cruribus imposita, succos ad caput, & viscera vergentes revellunt.* Et quamvis nonnulli contendant etiam Hippocrati, & Galeno innotuisse, falsi tamen isti sunt ex mala eorumdem interpretatione, qui haudquaquam de ulceribus arte promotis, sed dumtaxat de spontè enatis, in pestilentiis, verba faciunt. Sic namque Galenus de quadam pestilenti contagione agens, *lib. de cibis boni, & mali succi,* habet: *Qui servati sunt, id fuit factum, vel ob eruptiones in cutim, si-ve per sudorem, si-ve per erysipelata, ulcera, phlegmones, herpes, impetigines, psoras, & lepras.* Et 5. *Meth. cap. 12.* *Qui evasuri erant, his pustula, quas exanthemata vocant, nigra, toto corpore multæ, confestim appa-*  
*Tozzi Op. Med: Tom. II.*

*ruerunt, ulceroſæ quidem plurimis, omnibus certè sicca.* Quod & contigisse notatur ab Hippocrate Simoni, Horophonti, & Sileno, in quibus papulæ ad cutim, & abscessus ad crura, eruperunt. At hæc ad Naturæ expellentis motum referenda sunt. Et licet abscessus, & ulcera in cute erumpentia, potuerint postmodum ope medica vel promoveri, vel diutius servari; nil tamen exindè pro hujus generis medicamentis rationabiliter deducere fas est; cum Naturæ motum adjuvare, vel promovere, prudentis Medici sit, insulsi verò, & temerarii eamdem præposterè, aut importunè concitare. Hinc advertit in hanc rem *Septalius Animadvers. & Caution. Medic. lib. 5. n. 44. & 45.* neque Oribasium, Æginetam, & Aretæum, primos horum medicamentorum promotores, in omnibus indiscriminatim pestilentiis, nec semper in peste illis usos esse, sed solum in soporosis affectibus, vel cum externa algerent, & æstuant interna; ea fortassis spe freti, ut ad dolentes, labefactasque partes externas, extremasque, qui humores internas obsiderent, decumberent, indeque ægrotantes fortè fortuna resipiscerent. Sed de his satis.

## APHORISMUS VII.

*Ubi Morbus peracutus est, statim extremos habet labores, & extremè tenuissimo victu utendum est. Ubi verò non, sed pleniorẽ victum contingit adhibere, tantum cibi indulgendum est, quanto morbus extremis est mollior.*

Cum Hippocrates extremis morbis summam diætam convenire dixerit, nunc veluti rationem adii-  
ciens, subdit, quoniam Morbus, ubi  
C pera-



peracutus est, statim extremos labores affert, & ex cita ad augmentum, & statum festinatione, gravibus afflicta symptomatis Natura, conficiendis, dissolvendisque cibis vacare non potest; quamobrem his potius gravari, quam refici contingit. Peracuti autem morbi haudquaquam intelligendi, qui ad septimum usque diem protrahuntur, ut censuit Brasavolus, sed qui non prætergrediuntur quartum; nam hi statim extremos labores habent, ut exigit Hippocrates. Subdit insuper, extremè tenuissimo victu utendum esse: tenuissimus autem victus penè accedit ad inedia, quæ ad septimum sufferri nequiret; Unde Galenus in comm. ait: *cum vires tolerant, vel inedia meram, vel solius melicrati exhibitionem, vel paucum omninò ptisanæ; talis quidem est tenuissimus victus*. Itaque de peracutis exactè, sive acutissimis, qui ad quartum, vel paulò ulterius, finiuntur, & quintum diem non transcendunt, intelligendus. Extremos denique labores vocat symptomata vehementia; etenim ab his morborum tempora internoscuntur, juxta ac idem Hippocrates 2. aphor. t. 30. scribit: *Circa initia, & fines, omnia sunt imbecilliora; circa statum vehementiora*.

At cum dicatur in textu: *extremè tenuissimo victu utendum*, qui, ex suprà traditis, coincidit cum jejunio; dubitandi occasio datur Expositoribus, an reverà in morbis acutissimis jejunio tractandi sint ægrotantes. Et sanè ob stare videntur, quæ ex eodem Hippocrate refert Galenus 3. epidem. comm. 3. ex quadam pestilentia eos solùm evasisse, qui sibi ipsis vim inferentes, cibum assumpsissent. Et Avicenna 1. 4. tr. 4. cap. 4. docet, in febribus pestilentibus, quæ acutissimæ sunt, cogendos esse ægrotantes ad capien-

dum cibum, nam qui cibum sumunt in ejusmodi acutissimis morbis, sanantur.

Sunt, qui dicunt pestilentes affectiones inter acutissimas recensendas non esse. At hi falluntur, quoniam interdum prima statim die perimunt, vel ad summum tertia, aut quarta finiuntur, intrà terminum scilicet acutissimorum morborum; quare, quæ ratione distrahenda Natura non est per cibum largiorem in acutissimis ægritudinibus, eadem omninò nec in pestilentiis cibis videtur plenior exhibendus.

Verùm ex superiùs traditis, indicatio cibandi ægrotantes tenuiori, vel pleniori victu, à viribus sumenda, non à morbo; undè si illæ in peracutis consistant, tenuiorem, vel etiam tenuissimum admittent, secus si fatiscant, vel deficient: cumque in pestilentibus febribus adhuc inter initia concidant, deleterio miasmate cor, & sanguinem invadente, fit propterea, ut in illis victus plenior commendabilis sit. Eo prætereà retundi sæpissimè solet miasmatis immanitas, & pestilentis humoris acritudo, pari modo, quo experimur plurimùm à lacteis, glutinosisque cibariis infringi, & castigari erodentia, & exulcerantia venena, Arsenicum, Sublimatum, Auripigmentum, cujus ferme naturæ, & conditionis, seminia pestis esse consueverunt. Quæ etiam arte se tuentur, qui ex Agyrtis, & Circumforaneis rubi plebeculæ imponunt, venena istiusmodi citrà noxam assumentes, postquam benè his alimentorum generibus se impleverint.

Sicuti Morbus, cum acutissimus est, statim extremos habet labores, & tenuissimo victu utendum; ità è converso victus plenior exhibendus, cum ejusmodi non est. Hinc subiicitur in Aphorismo: *Ubi verò non*; videlicet cum



cùm morbus non est peracutus, nec statim extremos labores habet, & plenior victum contingit adhibere. Ut autem determinet quantitatem lautioris victus in morbis non adeò peracutis, subdit Hippocrates, id deducendum esse à majori, vel minori eorumdem acutie, & brevitate, ut propterea in ægitudinibus ultra quartum duraturis, ad quintum, vel sextum diem, laxior diætā instituenda sit, & adhuc laxior, ac liberalior in his, quæ ad septimum protrahuntur, pro ratione. Quamquam Galenus malit id intelligendum de recessu à vigore summo, de quo mox.

## APHORISMUS VIII.

*Quando Morbus in suo vigore constitit, tunc victu tenuissimo utendum est.*

**D**E quibus morbis hunc Aphorismum scripserit Hippocrates, non est adeò facile divinare. Etenim si de omnibus sermo sit, planè errore non vacabit, quoniam in morbis longis vigor, aut status, ad plures dies sæpissimè protrahitur, ut potissimum in Quartanis annuis, quarum vigor, aut status universalis menses completitur: modò si per mensem victu tenuissimo uteremur in ejusmodi generibus morborum, procul dubio vires conciderent, & æger præ summa inedia periret. Nec insuper de solis peracutis intelligendus; is namque supervacaneus foret, cùm jam superiori Aphorismo dictum sit, in peracutis victum extremè tenuissimum exhibendum esse. Et quamvis dici possit, ibi de toto Morbo, hìc solùm de illius vigore sermonem haberi; quia tamen totus Morbus tempus etiam vigoris comprehendit, profectò si in toto modò præcipitur victus extremè te-

nuius, etiam in vigore, & statu, credendus erit imperatus. Probabilius ergo dicendum videtur, loquutum hoc loco Hippocratem de victu tenuissimo, exhibendo in vigore omnium acutorum, etiam si ex aliquo accidenti commendabilis esset paulò plenior; ut propterea in omnibus Morbis acutis, licet inter initia, & declinationis tempora, paulò plenior victus foret adhibendus, indicatione à viribus desumpta; cùm nihilominus ad vigorem, & statum ii pervenerint, extremis laboribus stipati, nè ex pleniori cibo Natura distrahatur à concoctione, secretionemque causæ morbificæ, cui plurimum tunc temporis vacare cogitur; tenuissimus victus præscribendus est. Voluit autem hìc primùm de Acutis tantùm ægitudinibus sermonem habere, in quibus majus vitæ periculum imminet, à symptomatibus eo tempore augescentibus, & citiori mutatione, quæ contingere solet, comprehensurus in sequenti etiam Chronicas.

Neque tamen de victu solùm in vigore morborum minuendo intelligendus est Aphorismus, sed etiam de medicamentorum propè omnium administratione, atque eorum potissimum, quæ Naturam salubriter operantem avertere possunt: eo enim tempore omnia fere importunè exhibentur, nisi illius motum adjuvent, si fortassè deficere videatur.

Advertit autem, & prudenter Galenus *in comm.* hanc Hippocratis doctrinam iis dumtaxat morbis aptandam, quorum causas superare Natura, atque depellere possit, & in quibus post vigorem sequitur declinatio; nam in illis, quorum vigorem mors excipit, exactam hanc inediam nequaquam præscribemus, ne infestus eventus nostro adscribatur errori. Quare in his casibus rem omnem solo



prognostico exequemur, memores illius enunciati Vallesiani, *quod ad Medici honorem, & Artis admirationem magis referat prædicere mortem in morituris, quam salutem in convalituris*; cum etiam doceamur ab eodem Galeno 11. *meth. cap. 9.* ubi omnino salus desperata est, imprudentis consilii esse apud vulgum infamare præsidia, quæ multis fuere salutis; & 2. *aphor. comm. 29.* deploratos attingere non oportere, sed magis abscedere, eventu morbi prænunciato.

Verum quando, & unde vigor in Morbis habeatur, inquisitione dignum est. Et quidem, cum symptomata crescunt, vel nova, & graviora superveniunt, vigere Morbus dicitur, juxta id, quod scripsit Hippocrates 2. *aph. 30.* *Circà initia, & fines omnia imbecilliora; circà statum verò vehementiora*, id est symptomata, ut interpretatur Galenus. In Febribus autem potissimum, & in morbis cum febre copulatis, hæc accidunt à commotione, fermentationeque vehementiori succorum, illos gignentium, & ab eorumdem inversione tunc temporis contingente; propterea fit, ut si secretis inutilibus, & pravis humoribus fermentatio in præcipationem, quam coctionem appellant, desinat, Morbi, & Febris statum excipiet declinatio, cum pristino salutis statu; sin secus, in graveſcentibus symptomatis, à sanguine, cæterisque liquoribus, Vitæ tuendæ necessariis, in degenerem à naturali statum adactis, & aliquandò etiam corruptis, partes cunctæ corporis elanguent, sed præsertim Cor in suo motu fatiscit, & Vita desinit; cumque inter initia febrium fermentatio indebita humorum nondum commotionem talem, ac tantam in sanguine, & visceribus induxerit, ut extremam

inversionem, in præcipationem, dissolutionem, aut in coagulationem vergere videatur; proinde illis initiantibus, symptomata leviora comparent; atque hinc etiam signa coctionis, & crisi nonnisi circà statum comparent, quo tempore per fermentationem secerni incipiunt, ac repurgari inutiles ab utilibus humoribus, quemadmodum in abscessibus, & inflammationibus quoque accidit, cum ad suppurationem perducuntur. Contrà verò lethalia symptomata exorientur, concreſcente, vel dissolutionem subeunte sanguine, aut si aliter vitietur, & invertatur, ut ad motum exercendum inefficax evadat.

#### APHORISMUS IX.

*Conjectari autem oportet, an Æger cum victu sufficiat perdurare, donec Morbus consistat, & num prius ille deficiat, nec possit cum victu perdurare, vel Morbus antea deficiat, & obtundatur.*

**H** Atenus Hippocrates victus rationem in acutis præscripsit, desumpta indicatione ab ipsis Morbis, morborumque temporibus; nunc verò à viribus illam deducens, inquit, conjectari oportere, num illæ sufferre possint ejusmodi victus tenuitatem, quousque morbus constiterit, quo tempore, evicta causa morbifica, tutò, ac salubriter fugari queat; si enim ejus sit roboris æger, ut citrà cibi mutationem morbum sustinere valeat, diætæ innovatio nulla facienda est; sin secus, pro illius varietate, variè quoque alendus erit.

At verò quamvis sensus hujus Aphorismi clarissimus videatur, adhuc tamen multa in illo animadvertenda supersunt. Et quidem primùm conii-



ciendum docet Hippocrates, num qui præscribitur cibus, ejusmodi sit, ut cum eo æger ad vigorem, statumque morbi usque perdurare possit; collatis nimirum Morbi viribus cum viribus Ægrotantis: quod licet per arduum planè sit, solent tamen Medici id ipsum ex facultatum robore dimetiri; unde Galenus de triplici Virium genere agens *9. meth. cap. 10.* docet has omnes facultates (putà Vitales, Animales, & Naturales) servare, nihil planè aliud esse, quàm Vitam ipsam tueri, & qualibet earum amissa, necesse esse, reliquas quoque unà perire; atqui potior ratio habenda semper erit de vitali virtute, quippe quæ Vitam potissimum sustinet; quamquam & Naturalem in Morbis materialibus principalem dixerit idem Galenus *4. de præfag. ex puls. cap. 12.* eo quòd in illis judicationes faciat. Vitalis autem facultatis vim ex pulsu speciatim conjectamus, perpendentes illius magnitudinem, æqualitatem, impetum, ac vehementiam; etenim pulsus vehemens, magnus, & æquabilis in suo motu, vigorem vitalis facultatis denunciat. Sed & non solum vires per ea dumtaxat tempora constantes esse debent, sed etiam in posterum valituræ, quousque tandem morbus omninò desierit; pervestigatis nimirum habitu Corporis ægrotantis, temperamento, ætate, unà cum facili, vel difficili excrementorum egestionem: siquidem, cum elatum pulsum comitantur carnis firmitas, constitutio corporis sanguinea, ætas juvenilis, cum facili excrementorum evacuatione; planè virium perseverantiam probabiliter conjectabimus; secus verò, si habitus Corporis sit picrocholus, ætas senilis, vel puerilis, stomachus elanguet, alvus laxiora deiciat excrementa, & vehementibus animi pathematis æ-

Tozzi Op. Med: Tom. II.

ger afficiatur, de futura virium jactura plurimum ambigendum, atque eo magis, si cum his conjungantur causæ longam ægritudinem designantes, superius recensitæ. Quamobrem tametsi morbus tenuem victum exigat, in his tamen paulò pleniori indulgendum.

Cum igitur ægrotantis vires ejusmodi fuerint, ut spes sit, illas cum tenui victu usque ad summum morbi vigorem perduraturas, tali quidem victus forma utemur; At verò adiciemus aliquid, si eousque ferendo non sint, atque imbecilliores extiterint: & quidem tantum, quantum imbecillitas ipsa videbitur expostulare; quocirca aliquando in ipso morbi vigore, ut notat Galenus, plenius nutrire cogemur, si casus ita ferat, ut interea Naturæ robur dissolvatur.

Nedum autem conjecturam faciendam esse monet Hippocrates de Ægro, an cum victu tenui, vel tenuissimo, perdurare possit ad vigorem usque, & statum Morbi, viribus Naturæ cum illo comparatis; verum etiam, si morbus ipse sensim mitescere, & per epicrasim, seu per evacuationes paulatim factas, tandem desinere debeat, ut dicitur *cit. 1. de nat. vict. t. 23.* & 25. in his namque casibus, quoniam evacuationes ante statum incipere solent, & quandoque inter initia, quibus vires non leviter infirmari contingit: procul dubio cibus plenior in vigore, & statu morbi expostulabitur, ut idem Hippocrates *ibidem* inquit; tales enim acuti morbi ante vigorem deficiunt, & hebescent, quem sanè graviores essent subituri, nisi, detracta causa materiali, hebetiores evasissent. Advertit pariter, & scitè Sanctorius, non abs re ab Hippocrate dictum, *an Æger*, & non *Virtus* cum victu sufficiat perdurare; quoniam in



agro considerantur simul Vires, & Morbus: in virtute verò solum vires; cum tamen ad conjectandum, num aeger possit perdurare, quousque morbus consistat, vires ex una, & agritudo, ejusque causa ex altera parte sint perpendendæ. Quamobrem subditur in appendice Aphorismi, *conjectari etiam oportere, numquid prius ille deficiat, atque obtundatur, quam Morbus ipse defecerit, atque defierit, nè Medicus in cibando decipiatur.*

## APHORISMUS X.

*Quibus igitur statim morbus consistit, iis statim tenuis victus adhibendus est; quibus verò posterius debet consistere, iis & in ipso consistendi tempore, & parum ante illud, cibus subtrahendus; prius verò uberius agendum, ut aeger sufficiat.*

**P**erstringit tandem Hippocrates hoc Aphorismo congruam cibandi rationem in Morbis acutis, illorumque temporibus, atque generaliore regulam describit à citiori, vel tardiori morbi vigore, & statu desumptam: ut propterea, si statim morbus ad statum sit perventurus, protinus quoque tenuis Victus sit adhibendus; cum verò vigoris, & status tempora longius distare videntur, non statim subtrahendus cibus est: sed prius quidem uberius, postea verò frugalius cibandum, instante morbi vigore, & adhuc parcius in vigore ipso. Itaque à duobus videtur ejusmodi in cibis exhibendis rationem, indicationemque desumpsisse, nimirum à virium constantia, & à morbi summo vigore: ut proinde, cum Vires constant, & morbi status imminet, cibum subducendum velit; At verò

imbecillis viribus, & fortè non duraturis ad Morbi usque vigorem, plenior exhibendum. Quæ cum, ex superius traditis, clarissimè pateant, non est, cur fusiori oratione explicentur.

## APHORISMUS XI.

*In Accessionibus abstinere oportet, nam cibum dare nocuum est: & quibus per circuitum fiunt accessiones, in ipsa accessione abstinere oportet.*

**H**Actenus de temporibus morborum universalibus, in quibus cibus vel parcius, vel plenior, est exhibendus, canones tradidit Hippocrates; nunc cibandi rationem examinat in temporibus eorumdem particularibus: atque primum monet, à cibo abstinendum in ipso accessionis tempore; mox etiam cibi exhibitionem inhibet in ipsa accessione, cum per circuitum redit.

At videtur Hippocrates idem prorsus repetere in utraque Aphorismi parte: quare, nè ejusmodi notam eidem impingamus, explicare decet, quid per accessionem in prima, quidque per accessionem in secunda, intelligere voluerit. Philotheus illum exponendum inquit, in priori Aphorismi parte de paroxysmis febrium quarumcumque, in posteriori verò de paroxysmis morborum redeuntium per circuitus. Sed nulla in victu exhibendo differentia est inter paroxysmos Febrium, & Morborum, cum eadem ratio militet in utrisque. Oribasius, & Sclanus, ut difficultatem dirimant, in secunda Aphorismi parte addendam volunt particulam *ante*, quam obrem textum ita legunt: *in ipsa accessione, & paulò ante abstinere oportet.* Verum, præterquam quod



quòd id gratis fingant, neque tamen difficultatis nodum solvunt, cum idipsum dici quoque possit de priori parte Aphorismi, quoniam par ratio viget in utrisque enim verò non modo in ipsa accessione à cibo est abstinendum, sed etiam aliquot horis ante illam; attamen non tam facile poterit id ad praxim deduci, nisi quando accessionis tempus fuerit præcognitum.

Rationi autem, & menti Hippocratis, fortassè consentaneum magis videbitur, si dicatur, primam Aphorismi partem comprehendere accessiones febrium continuarum, quas Galenus non semel ex Veterum monumentis, cum principio, augmento, & statu particulari convenire fassus est; alteram verò partem invasiones dumtaxat continere febrium, & morborum intermittentium, qui per statutos circuitus redeunt: Et sanè idem Hippocrates 4. de rat. vict. in acut. 39. similem Sententiam protulit, inquiens: *Cibum neque tunc dandum, cum accessiones adsunt: neque cum iam illæ instant, aut non multò post sunt invasuræ; sed cum declinant, aut cessant.* Et primo eiusdem operis 46. hæc habet: *cum frigidi fuerint pedes, non modò à sorbitione, sed etiam à potu est maximè temperandum; sed cum caliditas ad pedes descenderit, & caput, cor, ac thoracem reliquerit, dandus est cibus.* Idipsum repetit Galenus in comm. bujus aph. asserens ex eodem Hippocrate, dandum esse cibum, cum declinant, aut cum cessant paroxysmi: cum declinant quidem, veluti in horis quietioribus, si febres continuæ sint; cum cessant verò, idest in horis omninò à febre vacuis, si fuerint intermittentes.

Sed non inutile erit causam inquirere, cur tam multum noxia sit cibi

exhibitio in paroxysmis, & præsertim inter initia. Et quidem multiplex ab Expositoribus affertur. Primò, quia initiantibus paroxysmis, frigus sæpenuerò corpus ægrotantis excruciat, cum rigore, vel horrore, & cor sive humoribus, sive vaporibus insensis, adversisque, plurimum gravatur, & angitur; unde, si cibus tunc temporis exhiberetur, graviora procul dubio hæc omnia evaderent, cum majori febris incremento, & non sine manifesto vitæ periculo; quamobrem 7. aphor. 67. dicitur, cibum febricitantibus morbum fieri; & Galenus 1. ad Glaucon. cap. 10. monet, in tertiana notha ægros non quotidie, sed alternis solum diebus alendos esse; aliter virtus, quæ in principio febris obruitur, multò magis à cibo suffocaretur, ut subdit 3. progn. 3. Secundò, quia tunc Natura symptomatis lacerata, non debet ingestis cibis opprimi, cum utrisque æquè intenta esse non possit; eoque magis ingruente vigore, in quo omnia evadunt fortiora: & quemadmodum in augmento universalis summa diæta expostuiatur, ita in particulari inedia omninò commendabilis erit. Tertiò, quia accessionis tempore morbificam causam agitari contingit, omnemque naturæ conatum adversus eandem promoveri, unde cæteræ functiones quodammodo feriantur, ac deficiunt, præsertim verò ea, quæ in ventriculo peragitur, cum in unam ciborum confectionem complures causas concurrere necesse sit, quæ per id tempus plurimum immutantur, & languent; quamobrem facillimè evenit, eos corrumpi potius, & in alienam, dissentaneamque substantiam degenerare, quam in alibilem humorem verti, & commutari, potissimum in confluxu succorum è Pancreate, & Cysti fellea derivantium, qui in febribus ferè semper



depravantur, & à naturali, convenientique conditione plurimum recedunt, ut aliàs ostendimus.

Quemadmodum cibi prohibentur in principiis accessionum, immò in toto paroxysmo, comprehendente principium, augmentum, & statum; ita & cujusvis generis medicamenta, & longè magis, si ægrum exagitent, ac turbent: inde enim vires imminui, sanguinem liquari, viscera infici, aut proritari, facillimum. Quamobrem idem Hippocrates *cit. 1. & 4. de rat. vict.* consulit, nec sorbitionem, nec aliud quidpiam exhibendum, priusquam calor ad pedes descenderit, & reliquerit cor. Neque alia de causa obisse testatur Philonis filiam, & Ægrum innominatum, aliosque in *epidemiis*, nisi quia febricitantes intempestivè cœnarunt, aut medicamenta in paroxysmis assumpserunt; in his enim venter necessariò calet, fastiditque cibum, intenduntur hypochondria, lumbi, & caput dolent; æger lancinatur, vellicatur, & vomere affectat; unde sorbitio quæcumque evadit perniciofa, ut subdit *c. l. de rat. vict.*

Verùm hæc non tam generaliter sunt servanda, ut saltem aliquando non fallant. Et quidem prudenter Galenus monet *10. meth. cap. 3. & 4.* cibandos quandoque esse ægrotantes in ipso accessionis initio: memoratque Juvenem quemdam ab imminente marasmo præcautum, exhibita per recurrentes accessiones sorbitione. Itaque generalis hæc Hippocratis Regula limitatur in Picrocholis, in stomacho debilibus, & in quibus, ex virium languore, syncope timeatur; in pueris item, ac senibus, iisque omnibus, qui levi quacumque de causa dissolvuntur, & animo deficiunt, aut per intervalla refici consueverunt, vel etiam pluri, & frequentiori

cibo vesci; ac denique in locis calidissimis, atque in pestilenti constitutione: in his namque, aliisque casibus consimilibus, nè vires infirmantur, aut omnino deficient, etiam inter initia febrilium accessionum, levis saltem cibus exhiberi poterit, documento Galeni *cit. loco*: is autem ejus sit conditionis, ut facilè digeri, & vires statim restaurare valeat, juxta id, quod Hippocrates ipse scribit *2. aphor. 11. facilius est impleri potu, idest sorbitionibus, quam cibis*. Sic pariter & medicamenta, quæ febrilium periodicarum rigorem, vel horrorem retundunt, possunt, instante paroxysmo, tutissimè propinari, monitu ejusdem Galeni *lib. de præagit. ad Posthumum*, qui adversus quartanam febrim, ante paroxysmum, theriacam exhibuit. Et nostra ætate, ad retundendas quascumque febres per circuitum redeunt, felicissimo cum successu, paulò ante futuram accessionem, potandum dāmus vinum cum infuso pulvere Corticis Peruviani, ut & pleraque alia febrifuga dicta; quin & Zacutus Lusitanus arbitratur, etiam in cæteris medicamentis administrandis, invasionis impetum esse expectandum, veluti tempus maximè opportunum ad causæ morbificæ correctionem, expulsionemque. Unde plerique ingruentem febrilium paroxysmum adoriuntur medicamentis vomitum moventibus, ut quem vitiosum humorem, fermentumque febrile tunc temporis natura excutere solet, facilius extrahant, & educant.

Simile quid inter vetustiores Medicos factitatum in curatione Tertianæ febris à Cleophanto memorat Celsus *l. 3. c. 14.* eumque habuisse in usu multò ante accessionem Caput ægri aqua calida perfundere, deinde Vinum propinare. Sed & Celsus ipse

eodem



*eodem l.c. 16.* ad curationem duarum Quartanarum commendat calefactionem ante accessionem sorbere, vel aceti cyathos duos, vel unum sinapis, cum tribus græci vini falsi, vel mista paribus portionibus; & in aqua diluta, piper, castoreum, laser, myrrham. *Et cap. 12. ejusdem lib.* ad Horrorem in febribus aquam tepidam exhibet, ut vomitum cieat; & sub expectatione proximæ accessionis, quæ instare tertia potest, ægrum in balneum deducendum jubet: idemq; repetendum sub expectatione quartæ accessionis. Quod si nec balneum profuit, ante accessionem allium edat, aut bibat calidam aquam cum pipere. Si quid verò evomit, danda aqua tepida, iterumque vomere cogendus æger est, eisdemque utendum, donec horror finiatur.

Cæterum quando in febribus sit cibandum, paucis expressit Hippocrates 4. *de rat. vict. in acut. cit.* nimirum cum declinant, aut cessant; & quidem expectandam jubet declinationem in continuis, in intermittentibus verò cessationem, & vacuum tempus: tanto tamen intervallo à futura accessione, ut, ea adventante, Venter inveniatur vacuus, documento Avicennæ 1. 4. At verò distinctiorem cibandi rationem eleganter descripsit Celsus lib. 3. cap. 5. his verbis: *Cum febris instet, incipiat, augeatur, consistat, decedat, deinde in decessione consistat, aut finiatur; scire licet, optimum cibo tempus esse, febre finita: deinde, cum decessio eius consistit: tertium, si necesse est, quandocumque decedit: cætera omnia periculosa esse. Sitamen propter infirmitatem necessitas urget, satius esse, consistente iam incremento febris, aliquid offerre, quam incrementum: & satius esse, instante, quam incipiente: cum eo tamen, ut nullo*

*tempore is, qui deficit, non sit sustinendus.* Hæc eadem prorsus aptanda cæteris aliis ægritudinibus, quæ per circuitus exacerbari solent, ut sunt catarrhi, hemicrania, colici dolores, melancholiæ hypochondriacæ, calculorum affectiones, podagræ, vertigines, palpitationes, passionēs hysteriæ, & similes, ut advertunt cum Galeno Cardanus, Heurnius, alique.

## APHORISMUS XII.

*Accessiones verò, & Constitutiones morbi indicabunt & anni tempora, & circuituum successiva incrementa, sive quotidie, sive alternis diebus, sive per majora intervalla fiant. Sed ex iis, quæ mox apparent, indicia sumuntur; quemadmodum in morbo laterali, si circa initia statim sputum appareat, morbum breviat; si verò postea appareat, producit. Et urina, & alvi excrementa, & sudores, quæcumque apparuerint, vel bonam morborum judicationem, vel malam, vel breves, vel longos fore morbos ostendunt.*

**N**unc ad signa progreditur Hippocrates, quibus Accessiones, & Constitutiones, sive futuros morborum vigores, liceat præcognoscere. Cum enim ex Galeno in *comm.* tria sint considerata in victu rite exhibendo, Vires nimirum, Accessiones, & Vigores morborum, vel citius, vel ferius futuri; idcirco, omissis indiciis Virium, de quibus supra, reliquum erat, ut traderet signa prænoscentiarum Accessionum, & Constitutionum morborum; quæ hoc Aphorismo commemorans, ad quatuor classes revocat: atque alia desumit à Morbis ipsis, alia ab Anni



temporibus, quædam ex Circuituum incrementis, inter se invicem collatis, & demum pleraque alia ab his, quæ mox apparent.

Primum quidem proponit, observandos esse morbos: cumque de febribus potissima ratio habeatur, idcirco Galenus juxta divisionem febrium intermittentium, & continuarum, illarum præsertim exempla profert: Tertianæ enim intermittens exquisita, paroxysmos breves futuros indicat, atque vigorem citò adventurum, docente Hippocrate 4. *apb.* 59. illam septem circuitibus ad summum terminari; Nothæ verò Tertianæ, sicut etiam Quartanæ, & longos paroxysmos, & tardos vigores, prænunciat. Inter continuas autem, quæ cum sudore à principio invadunt, ut sunt, quæ à Græcis Elodes dicuntur, diuturnæ præsignantur: quæque pariter cum vomitu, nausea, aut ciborum fastidio, citra sitim, & absque carniū marcore, junguntur, ab obstructione, crudisque succis exortæ, longitudinem portendunt: quemadmodum de Hemitritæ, de Quotidianæ continua, aliisque in praxi est experiri.

Proponit deinde considerata Annitempora: etenim, pro eorundem varietate, compertum est, accessiones, constitutionesque morborum breves, vel longas accidere, ac vigores citius, vel seriùs, adventare. Morbi Vere, aut Æstate contingentes, ut plurimum breves sunt; qui verò Autumno, vel Hyeme vagantur, sæpius in longum protrahuntur, ut de Quartanis febribus ab Hippocrate est animadversum 2. *apb.* 25. Ipsæ quoque Tertianæ suapte natura breves, si in Autumnum incidant, diutissime prolongari solent. Non dissimili ratione conjectandum, subdit Galenus, de morbis omnibus, si

hanc, vel illam ætatem, temperiemque invadant, aut sub una, vel alia tempestate, regioneve accendant, ut colligitur ex 3. *apb.* & ex 1. ac 3. *epidemiorum*.

Insuper observanda proponit circuituum inter se collata incrementa. Siquidem, cum ægritudines in suis paroxysmis per circuitus increfcunt, aut protinùs, cum redeunt, exacerbantur, citò ad augmentum perveniunt, & finiuntur. At verò, quæ statas, & uniformes accessiones fervant, statuto quodam tempore redeuntes, diuturniores esse solent, tardè admodum vigorem subitura, ut ex 4. *apb.* 30. Pari modo, quæ celerius revertuntur, anticipantes dictæ, breviores: quæ verò seriùs, longiores esse solent, præsertim si lentè procedant, & vix quidquam, aut nihil remittant. In his itaque conferantur inter se paroxysmi, num scilicet alter sit altero levior, vel gravior, mitioribus, vel violentis symptomatis stipatus, celerior, vel tardior, brevior, vel longior: inde enim facile coniciemus Morbi durationem, ejusque vigorem universalem, vel propinquum, vel remotum. A periodis etiam accessiones febrium, & vigores futuri, citius, vel seriùs præsignantur; nam Tertianæ febres in accessionibus comitem habent Rigorem, Quartanæ Horrorem, & Quotidianæ partium extremarum algorem; vigores verò tardiores sunt in his, ocyores in illis; hinc addit Hippocrates: *sive quotidie, sive alternis diebus, sive per majora intervalla fiant*. Et quidem, ut comprehenderet nedum Quartanas febres, sed etiam Quintanas, Sextanas, & similes, de quibus meminit 1. *epidem.* f. 3. t. 2. 7. & 9. ubi Septimanam, & Nonanam longam esse scribit, verum non lethalem: licet Galenus illas admittere nolit, com-



mendetque Dioclem, qui in hoc Hippocrati audacter contradixit.

Amplius spectanda proponit ea, quæ mox apparent. Dicuntur autem mox apparentia signa, quæ nequaquam à principio, sed vel in augmento, vel in statu comparent, ad differentiam assidentium signorum, quæ statim ab initio cum morbo conjunguntur. Exemplum dat Hippocrates in textu de sputo in morbo laterali: illud enim inter initia deesse solet, at verò in vigore comparet, & quò citius apparuerit, eo brevior morbus designabitur; cùmque Anaxion pleuriticus *Æger VIII. 3. epidem.* non nisi decima septima die cœpisset pauca expuere, trigesima quarta copioso sudore liber evasit.

Ad hæc revocat sudores, aliaque hujus generis epiphænomena, seu mox apparentia signa, qualia quoque sunt Criseos, desumpta ex coctionibus vitiosorum humorum, morbos foventium, de quibus idem Hippocrates hæc habet *I. epidem. s. 2. t. 45. Coctiones Judicii celeritatem, & salutis securitatem indicant; Cruda verò, & incocta ostendunt futuros abscessus, vel morbi longitudinem, vel recidivas, vel mortem*; prout reliqua indicia mitiora, vel graviora fuerint.

Quæ verò de Urinis memorantur à Medicis, sapissime fallunt, præsertim quia nuperis observationibus Anatomis compertum est, non omnem urinæ materiam unâ cum sanguine permanere, neque per venas emulgentes dictas in Renes corrivari, ibique secerni, ut à Veteribus proditum est, sed per compendiosiores vias, quas Pecquetus, & Bartholinus primi indicarunt, ad Renes, Ureteres, & Vesicam deferri; quod vel hinc etiam constare potest, quoniam ubi quis asparagos, aliaque

olera, diuresim moventia, vel etiam terebinthinam, assumpserit, statim urinam egerat, peculiari odore, & colore inquinatam; quin & in potu quarundam aquarum thermalium, mox statim mictum promoveri observamus, atque epotas aquas vix, ac ne vix quidem immutatas excerni. Unde conjecturæ ab urina, quæ venarum exploratrix fida antiquitus credebatur, desumptæ, fallacissimæ evadunt. Quæ à spurcioribus excrementis signa petuntur, idem judicium habent, ut alias in nostra Theoretice demonstravimus.

In calce demum hujus Aphorismi dubitare contingit, cur Hippocrates omiserit indicia ex virium robore desumpta, sicut etiam ab operationibus, tum vitalibus, tum animalibus, & naturalibus: cùm nullum fidelius signum peti possit pro dignotione, & præcognitione accessionum, ac vigorum in morbis, itemque salutis, aut mortis, coctionis, aut cruditatis, & crismus, quàm quod ab operationibus desumitur, autoritate Galeni, tum *2. Artis Medicæ cap. 2.* tum etiam *2. de differ. febr. ult.* & alibi.

Sunt, qui dicant cum Galeno in *comm.* proposuisse hoc loco Hippocratem signa ex minùs obviis petita, atque adeò inquisitu difficiliora; Vires autem facile dignosci posse ex pulsibus, patentibus unicuique. At qui Hippocratem ajunt, doctrinam de pulsibus ignorasse, vel saltem non magnificasse, procul dubio allatæ responsioni haud quaquam acquiescunt. Quin Galenus ipse *3. de crisi- bus cap. 11.* scribit: *omnia ab Hippocrate, exceptis pulsibus, dicta sunt.* Et inferius: *signa ex pulsibus sumpta, Hippocrates, vel quia non noverat, vel quia non magni momenti existimavit, idcirco non est exequutus.* Verùm quidquid sit de hoc, sanè de



de viribus rationem tacite habendam voluit superiori *Aph. IX.* ubi indicia ab illis desumenda, nos magna ex parte notavimus, ut proinde de iis denuò agere non sit opus.

### APHORISMUS XIII.

*Senes facillimè jejunium ferunt : secundo loco, qui ætatem consistentem habent : minùs Adolescentes : omnium minimè Pueri, præsertim, qui inter ipsos sunt vividiores.*

**N**on inter omnes Expositores convenit, num de sanis, an de ægrotantibus, per ætatum differentias, scriptus sit hic Aphorismus. Siquidem nonnulli existimant, Hippocratem hæcenus loquutum de ratione victus ægrorum : in posterum de victu sanorum, ad Aphorismum usque undevigesimum, sermonem instituerè. Alii verò de victu, ægrotantibus solum per ætates præscribendo, canones hic descripsisse contendunt, cum non omnes æquè jejunium, summamque diætam sufferant propter virium, & corporis variam habitudinem ; Adolescentium enim corpora robustissima sunt : debilissima verò Senum, & Puerorum.

At utralibet sit mens Hippocratis in hoc Aphorismo, id tamen certum erit, peculiarem ætatum rationem hic illum habere voluisse, in victus administratione. Quamobrem Senes, ait, facillimè jejunium tolerare, deinde in ætate consistenti constitutos, minùs Juvenes, & Adolescentes, minimè omnium Pueros, atque inter hos, qui vividiores, agilioresque sunt.

Nomine Senum intelligit, & quidem sanà ratione, Galenus, qui sunt in principio senilis ætatis, nam de iis,

qui ad extremam pervenerunt senectutem, seu decrepitam, non rectè videtur pronunciatum, quòd jejunium ferant : quamvis enim modico cibo sustineri possint, non tamen summam inediàm ferre valent, quæ penitus deficerent : *Tale quiddam istipatiuntur*, (inquit Galenus in comm.) *quale lucernis penè extinctis accidit, quæ continuam exigunt olei suffectionem, multam autem, & cumulatam nequeunt sustinere* : Hinc Celsus lib. I. cap. 3. hunc Aphorismum ab Hippocrate resumens, aliquantulum ab illius mente deflectere videtur, nam inquit : *inediam facillimè sustinent mediæ ætates, minùs Juvenes, minimè Pueri, & senectute confecti*. Quare pro senibus, non decrepitos, ut Celsus, sed in prima, seu viridi senectute constitutos intellexit Hippocrates, quam à septimo annorum septenniq. ad nonum usque septenarium protendi communiter arbitrantur. Quòd si pro jejunio intelligere velimus cum eodem Galeno, non quidem inediàm summam, & omnem à cibis abstinentiam, sed tantummodò parcitatem ; profectò Aphorismus de quacumque senectute erit exponendus : cum revera etiam decrepiti, & extremo senio confecti, modico cibo sustineri debeant, quo scilicet salubriter conservantur ; multo verò potius opprimuntur.

Triplici ex causa dicuntur Senes facillè jejunium ferre. Prima est, quia in illis naturalis calor elanguet, & levissimam consumptionem in partibus facit, propter quam communiter putatur restauratione ex alimentis corpus indigere. Secunda est, quia ipsi humoribus abundant phlegmaticis, nimium obsistentibus tenui calori concoquenti ; quamobrem nec dissolutio, nec suctio, neque fa-

mes



mes iis admodum molesta esse solet. Tertia demum, quia senile Corpus densum, rugosumque, distributioni, adjectionique alibilis humoris, non adeò facile patet. Verum Ego existimarim, illos famem diutius pati, quia succi in ventriculum confluentes, atque ciborum dissolutioni destinati, per ætatem hebetes evadunt, veluti à sanguine, cæterisque liquoribus effæctis, provenientes; proindeque nec famem, nec chylosim potenter promovent. Carnes quoque per illam ætatem constipantur, atque Viscera universa indurantur, & obri-gescunt, quinimò sensu quodammodò obtunduntur. Duo quippè videntur in universum exigi ad famem excitandam, acrior quædam vis illorum succorum, qui è tunicis, ac lenticularibus glandulis Ventriculi sensim in ejus cavum extillant; atque exquisitus ejusdem stomachi sensus: utrumque autem in senio hebescit. Neque verò Animantium Corpora cibus idcirco egent, quia ab intrinseco diffillantur, quemadmodum opinatus est Galenus I. *de rat. vict.* 44. & *comm.* 15. I. *aph.* inquit: *si nihil è nostro efflueret corpore, alimento opus non esset*; quia licet nihilum è Viventibus efflueret, adhuc tamen pro rata nutriri, & crescere deberent. Verum de hac re fusiùs infra. }

Post Senes, jejunium ferre dicuntur, qui in ætate sunt consistenti, à trigésimo quinto nimirum anno ad quinquagesimum; non tamen adeò, ut illi, quemadmodum denotant adjecta in textu verba: *secundo loco*; & quidem pari ratione, ac de Senibus dictum est. Minus adhuc Adolescentes, & Juvenes, summum corporis robur adepti: sanguis enim in utrisque vegetior est, & succi digestionem, dissolutionemque ciborum promoventes, atque aviditatem excitantes,

acriores, acutioresque sunt, ipseque stomachus præcellentis sensus, propterea & famescunt magis, & exactius cibos conficiunt.

Omniùm minimè Pueri jejunium tolerant, quoniam præ cæteris maximè augescunt, adeoque multo alimento egent, ut conveniens incrementum adipiscantur: quamobrem & famescunt, & avidè comedunt, & assumptos cibos quammaximè conficiunt. Addit autem Hippocrates: *Et præsertim, qui inter ipsos sunt vividiores*: his namque sanguis floridior inest, & succi dissolvendis cibis necessarii, acutiores, efficacioresque sunt, atque ad Corporis motum agilior habitudo; quocirca præter citam alimenti digestionem, facilis quoque accidit distributio, atque excrementorum cujusvis generis subita, ac prompta repurgatio. Porro id sonat in græco Codice *προθυμότερα*, (quo vocabulo usus est Hippocrates) ætatis scilicet vivacitatem, & promptitudinem ad agendum, quæ nonnisi à robore Viscerum, & sanguinis floriditate provenit, ex Galeno *lib. Artis medic. cap. 29.*

Non est denique prætereundum, fuisse hîc solum ad faciliorem, difficilioremque jejunii tolerantiam, comparatas inter se invicem ætates, non homines singulatim consideratos: nempè quòd Sortes puer difficilius in ediam patiatur, quàm cum idem ad juventutem pervenerit, & facilius in Senio, quàm in ætate consistenti. Nam si comparatio fieret inter ætates differentium hominum, si ve individuorum, vereri plurimum liceret de veritate istius Aphorismi: quippè posset Sortes juvenis facilius sufferre jejunium, quàm Sophroniscus senex, ex peculiari corporis constitutione, quæ à varietate regionum, exercitiorum, ciborum, & simi-



similium potest plurimum variari. Hinc Corpora jejunii patientiora solent esse obesa, & succiplena, sedentariam vitam ducentia, ferendis laboribus addicta, & cibis abstinere consueta, ac merobiba; secus. verò gracilia, picrochola, exercitata, & pluries intra diem cibum assumere solita.

#### APHORISMUS XIV.

*Qui crescunt, plurimum habent calidi innati; plurimo igitur egent alimento, alioquin corpus absumitur; Senibus verò parum calidi innati inest, paucis propterea fomitibus egent, quia à multis extinguuntur. Hanc etiam ob causam febres Senibus non similiter acutæ fiunt: frigidum enim eorum est corpus.*

**R** Eddidit in hoc Aphorismo Hippocrates præcedentis rationem: cum enim jam proximè scripsisset, Senes facile in ediam sustinere, Pueros autem difficulter, ejus rei rationem nunc subjungens, inquit: qui crescunt, nempe Pueros, plurimum habere calidi nativi, parum verò Senes. Verum difficultates tum ex dictionibus, tum ex ipso Aphorismi sensu exorientes singulatim enucleemus.

Primum autem ait: *Qui crescunt.* Sub his procul dubio comprehenduntur Pueri, & Adolescentes, quòd in illis dumtaxat incrementum uniuscujusque partis habeatur, juxta triplicem corporis dimensionem, hoc est in longum, latum, & profundum; nam qui jam adulti sunt, alimentorum ope pinguioribus tantum fiunt, & carnibus magis, atque magis repleri possunt: non autem secundum longitudinem augescere; unde Senes,

quamvis nutriantur, minimè tamen incrementum capeffunt. Sic pariter plerique, licet in ætate consistenti obefiores fiant, re ipsa augeri minimè dicuntur; quin & non rarò obesitas illa malè parata, & morbosa esse solet, & quandoque etiam particularis, puta solius imi Ventris.

At hinc non modica lis orta est inter Expositores. Nonnulli putant, Pueris, & Adolescentibus inesse quidem plurimum calidi innati, quod ad substantiam, minimè verò, quod ad qualitatem, cum calor, roburque Juvenum longè majus sit, quàm Puerorum. Lycus insuper Macedo, ut refert Galenus lib. adversus Lycum, & in comm. istius Aph. pluribus etiam contendit, intensiorem esse Juvenum, quàm Puerorum nativum calorem, cui consentire videtur Cæsar Cremolinus. Is autem adversus Hippocratem hoc protulit argumentum: Plurimum innati calidi, ex ejus mente, vel intelligendum secundum substantiam, sive, ut ajunt, *extensivè*: vel secundum qualitatem, & *intensivè*: vel secundum robur, id est secundum vires, & exercitium; at verò in pueris neque major, & extensior est substantia calidi innati: neque qualitas intensior: neque robur majus, quàm in juvenibus; ergo perperam ab Hippocrate videtur pronunciatum, pueros plurimum habere calidi nativi. Extensior equidem substantia calidi innati in pueris, subdit Lycus, fingi non potest, quoniam in minori corpore, quale puerorum est, parcius procul dubio esse debet calidi innati substantia: abundantior verò in Corporibus juvenum, longè, latèque grandioribus. Nec insuper Puerorum, quàm Juvenum intensior calor esse potest, etenim Juvenes calidiores observantur, ad motum, cæterasque actiones obeundas agiliores, ve-



getioresque, & cibos adhuc duriores facilius, citiusque conficiunt, quàm Pueri. Accedit, quòd qualitatibus competit intensio, & remissio, non autem pluralitas, & paucitas, quæ sola debetur quantitati, ideòque perperam videtur dictum *plurimum calidi innati*; quinimmò, etsi propria significatione usus Hippocrates dixisset validum, & intensum calorem, neque tamen is in pueris constitui deberet, quoniam operationes salubriores, perfectioresque non à calore intenso, sed à moderato proficiuntur, quippe sanitas in mediocritate consistit. Neque demum Pueri Juvenibus robore præstant, sed omninò hi sunt illis robustiores; Nihil est igitur, quamobrem Hippocrati concedendum sit, quòd Pueri ingenito calore Juvenibus præcellant. Verumtamen ejusmodi argumentationem satis diluisse videtur Galenus, proposita innati, atque ascititii caloris differentia. Siquidem fatetur, juvenes ascititio calore præpollere pueris, atque adeò illos, & ad tactum calidiores videri, & in motu agiliores, atque itidem robore præstare; sed esse tamen substantiam innati calidi copiosiore in recens natis, quàm longo post ortum tempore in adultis, & senibus. Cæterum, quamvis plurimum calidi innati pueris inesse scribat Hippocrates, haud tamen immoderatum, & incongruens existimandum illud est, sed eidem ætati omninò consentaneum: at verò dicitur, magis vigere in pueris, quàm in juvenibus, & adultis, comparatè, quia in his sensim mutatione ætatum deficit.

Præterea valdè ambigitur apud Physiologos, quidnam sit calidum istud innatum, & unde originem fortiatur in Viventibus. Equidem nil frequentius audias in Scholis, quàm

calidi innati exaggerationem, cujus præstantiam maximoperè extollunt: cum tamen nemo ejusdem naturam hætenus sit assequutus; credidit ea propter Petrus Garcias, fingi solum illud à Medicis; & Montanus ingenue fassus est *in hujus Aph. comm.* se ipsum jam senem factum nondum illius naturam percepisse. Galenus etiam anceps videtur in illo describendo: siquidem 5. *de simpl. med. fac. c. 8.* confundit calidum innatum cum spiritu: & *lib. adversus Lycum*, atque *in hoc comm.* illud asserit oriri ex semine, & sanguine menstruo in Animalibus, in cæteris verò mistis ex eorumdem principiis, semini, & sanguini æquipollentibus; atque *in libris de usu partium, & de Placitis Hippocratis, & Platonis*, similaribus particulis corporum idem affingit. Insuper 1. *ad Glauconem cap. 2.* vocat calidum innatum substantiam, quod confirmans *in hoc comm. & lib. 1. de temper. cap. 6.* ait, calidum innatum significare non nudam qualitatem, sed subjectum, & qualitatem simul, puta substantiam calidam: at alibi, & præsertim *adversus Lycum*, sumit illud aliquando sub nomine substantiæ, interdum etiam sub nomine qualitatis.

Si reliquos Authores tum Veteres, tum Recentiores consulamus, hi rem magis, magisque implicarunt. Siquidem Hippocrates *lib. de Carnibus*, vocat illud immortale. Plato in *Timæo* quasi igneum esse putavit: sive, ut Galenus explicat *in lib. de plac. Hipp. & Plat.* ignem refractum. Aristoteles 2. *de partib. Animal. 7.* & 2. *de generat. eorumdem cap. 3.* elemento stellarum illud respondere docet; unde plerique apud B. Albertum Magnum *lib. 20. de Animalib.* Cœli substantiam in corporibus Animalium reperiri crediderunt, eamque esse calidum



lidum nativum: cui opinioni inhærens Fernelius *lib.4. suæ physiologiae cap.1. & 1. de abdit. rerum Causis c.4.* acriter contendit, calidum innatum haud quaquam elementaris, sed cœlestis originis esse. Dandinus *lib.1. de Hum.corp.temper.cap.12.* innatum calorem non omninò elementarem, nec tantum cœlestem ait, sed igneo multò nobiliorem, superioremque. Averroes denique mistum ex ambo-  
bus putat, *12. metaph.comm.18.* ideòque non abs re dixisse Aristotelem, Hominem genitum ex Sole, & Homine, quia calor vitalis, & insitus illius, pendet quidem ex Terra, & Aqua, ceterisque elementis, sed præterea calorem Solis admittit admistum cum calore aliarum Stellarum.

Sed non facilè foret singula recensere, quæ de calido innato à Medicis, & Physiologis sunt conficta. Minimè verò præterire decet, quod Harvejus in hanc rem præclarissimis suis observationibus detexit, & in Exercitationibus de Generatione Animalium dilucidavit. Is enim, cum iterata vivarum Animantium Anatome ostendisset, sanguinem esse primigeniam partem in illarum conformatione, & omnem Corporis calorem à sanguine proficisci; tandem statuit, dotes omnes illas, quas vulgò innato calido tribuunt, revera debere sanguini, nec quidquam in Animalium Corpore illo præstantius inveniri.

Et quidem alius calor in Animalibus nullus est præter eum, qui à Cordis, & sanguinis motu proficiscitur. Constat siquidem ex Anatome in primo Embryonis ortu vesiculam rubicundo liquore turgidam, micantem observari, indeque per tubulos consimilem humorem sensim adigi in corpus universum, quo statim incipiunt partes reliquæ vivere, & opera-

ri: & tandiù in vita perseverant; quandiù sanguis ipse per proprios ductus in ipsas diffunditur; cùmque vividior, plurimisque is sit halitibus acri falsilagine præditis, abundans in prima ætate: effœtus verò, & languidus evadat in postrema; idcirco vegetiores, agilioresque Pueri, & Adolescentes; debiliores verò, & tardi admodum Senes. Et quamvis in juventute, & in consistenti ætate sanguis adhuc vegetus observetur; ille tamen insitus, atque à primordiis generationis oriundus, tum ciborum, tum exercitiorum, aliarumque rerum externarum alteratione, plurimum immutatur, coadjuvante pariter ea, quæ fit in textura partium per ætates, mutatione: cùm membra, & Corpus universum in pueritia laxius, molliusque, fiat in senectute rigidum, durumque adeò, ut pene in poris omnibus constipetur, ac exarescat. Hac autem membrorum firmitate, & constantia, itemque summo incremento, quod ex alimentis in prioribus ætatibus Juvenes, & Viri adepti sunt, præcellunt, præstantque Pueris, & Adolescentibus: non ita verò calore innato, & primigenio.

Calidum igitur innatum in sanguine residere Hippocratem quoque existimasse credendum, quoniam eo per arterias, & venas in totum Corpus diffuso, partes cunctæ vivificantur, & calent: frigescunt verò, & emoriuntur, cùm effœtus redditur, aut illius motus retardatur. Alium præterea calorem ab isto distinctum, quem influentem vocant, in Animalibus effingere opus non est, cujus nec ipse Hippocrates unquam meminit, qui ingenitum dumtaxat tum hic, tum alibi memoravit. Eget autem primævus ille, & ingenitus sanguis assiduo pabulo, quo foveatur, sui que dispendium instauretur; unde  
ite-



iterata alimenta, & quidem majora, frequentioraque per eas ætates, in quibus incrementum secundum triplicem dimensionem capeßere contingit, natura exiguntur. Quod si quis primævum, & ingenitum illum sanguinem in Embryonis micante bullula statim ab ortu conspicuum, Calidum innatum; à cibis verò perpetim suggestum, atque iuxta variam ciborum conditionem, & exercitiorum, anni temporum, regionum, aliarumque rerum diversitatem, varium, influentem velit appellare, per me hoc illi absque controversia licebit.

Quoniam verò mutatione ætatum vividus, qui à primordiis vitæ erat, sanguis, spiritibus abundans, & vi, ac robore præcellens, sensim evanescit, & hebetatur; proindè fit, ut quo magis in senectutem tendimus, eo paucioribus alimentis indigeamus, sed melioribus, quæ nimirum vivificam illius portionem reficiant, & balsamo vitali repleant, sine ullo inutilium succorum gravamine. At verò Adolescentium corpora copiosiori alimento sunt nutrienda, quippè quæ nutriri, & augescere simul debent; adeoque vivifica, & auctifica portione sanguis est reficiendus: aliter eo nimis dissoluto, & utraque portione depauperato, illa macrescerent, & consumerentur. Hinc Aristoteles *lib. de vita, & morte* docet, finiri Vitam aut resolutione, cum alimenta deficiunt, suffocatione, cum plus justo assumuntur, indeque excrementa cumulantur. Qua ratione Senibus servanda vita est paucis fomitibus, atque alimento spiritibus vegeto, ut idemmet Hippocrates hic consulit. Nec abs re nomine fomitis usus ille est in Senibus; alimenti verò in Pueris: ut scilicet denotet, in adolescentia convenire cibum aptum nutritioni, accretionique, quæ per id tempus sum-

moperè exiguntur; at verò in senectute opus esse rebus omninò tenuibus, quæ spiritibus, non mole reficere queant. Hinc experimur, Senes vino, ejusque spiritu, elixire, cæterisque similibus, statim instaurari: atque in longius Vitam ducere salubriorem parco, & tenuiori victu, qui facile conficiatur, & vertatur in halitus; multis autem alimentis utentes suffocari, & perire. *Sicuti enim, inquit in comm. Galenus, lucernarum flammæ, quarum tamen oleum est alimentum, si quis id totum simul superfundat, extinguuntur potius, quam nutriantur; eodem modo & in Senibus calidum, sui fomentum quidem habet alimenta; sed si multis, & confertis cumuletur, ac quodammodo suffocetur, periculum est, ne extinguatur; non aliter, ac si parvæ scintillæ ignis lignorum multitudinem superacerves.*

Hanc postremò ob causam, concludit Hippocrates, febres Senibus non similiter acutas fieri: *frigidum enim eorum est Corpus*. Unde notare videtur, non eodem modo febres Senibus accidere, quo Juvenibus, & Adolescentibus; quippè febres Senum pusillæ esse solent, & vix conspicuæ; Juvenum verò vehementes, & æstuolæ. Ne autem quis hinc suspicetur, febres propterea omninò, & per se calorem præferre, tamen si Hippocrates à frigido corpore Senum acutas febres excluserit: etenim frigus consideratur ab eodem, ut signum, non ut causa, cur Senes febribus acutis difficulter corripiantur; quandoquidem corpora Senum frigida observantur, quoniam sanguis in illis effæctus est, vivida, floridaque portione imminutus, ut vehementem commotionem, fermentationemque febrilem subire nequeat; unde, quemadmodum oligopharum vinum, le-



ven nimis patitur fermentationem. Sed & hac de causa febres Senibus cum accidunt, perniciose fiunt, quia tenuis ille sanguinis spiritus fermentatione facile dissipatur. Si verò à calore febris oriretur, sanè is Senibus prodesset, foto scilicet, roboratoque pusillo eorundem ingenito calore, qui à febrili non differt, etiam ex mente Hippocratis hoc loco, nisi solum intensione, per quam infensum illorum frigus, quo tandem ad interitum perducuntur, procul dubio retunderetur: atqui conservantur potius senilia corpora usu vini, aquæ ardentis, aromatum, quæ calorem excitare solent intensiorem iis febribus, quas in ipsis pusillas, frigidas, & sepultas Avicennas appellavit. Scitè igitur Galenus *comm. 34. 2. Aph.* febres dixit Senibus periculosas fieri, ob virium imbecillitatem, quæ vappescentem sanguinem, fugientemque vitalem spiritum, consequitur.

Sed qui fit, ut quo innato calido Animantes cunctæ vivunt, eodem perire Hippocrati dicantur; unde ex eodem *lib. de alim.* effatum illud prodit, quòd idem calor, qui omnia generat, omnia pariter consumat; & quòd principium omnium unum sit, & finis unus: Quamquam contrarium tueatur Galenus *lib. de Mac-core cap. 3.* ubi reprobatur sententia eorum, qui asserunt, nativum calorem causam esse consumptionis in Viventibus; cum enim sit principium conservans, & augens, nequit ea ratione fieri consumens. Quamobrem censuit potius Avicenna *sen. 1. pr. doct. 3. cap. 3.* consumentes Viventium causas esse circumambientem Aerem, corporales, & spiritales motiones, atque excrementorum congeriem. At Galenus ipse *lib. 2. de temper. cap. 2.* putavit, ex inæquali deperditæ substantiæ restauratione

sensim vitam imminui, ac postremò extingui. Et quidem sanguis jugiter commotus sensim rarescit, extenuatur, & consumitur, nec unquam ex quo potest, etiam optimorum alimentorum ope, refici, æqualitate exquisita, & exacta. Aptissimum exemplum affert ex Platone in *Atlantico Ficus*: Si generosum è dolio merum in singulos dies ad certam mensuram exhauriatur, atque in ejus locum sufficiatur peioris notæ vinum, aliusve liquor: certè diuturnitate temporis illud vapidum, nullarumque virium evadet. Sic sanguinem ad resolutionem vergentem, quamvis accurata victus ratione fovere, ac instaurare assiduo conemur, nunquam tamen possumus omni ex parte reficere; unde procedente ætate tandem hebescit. Sed de his alibi à Nobis est actum in *par. Medicinæ Theoreticæ.*

#### APHORISMUS XV.

*Ventres Hyeme, & Vere natura calidissimi sunt, & somni longissimi: quare per ea tempora alimenta copiosiora sunt exhibenda; etenim tunc calor innatus plurimus est, unde & pluribus egent alimentis: indicio sunt ætates, & Athletæ.*

**N**Edum per ætates varias, varium cibum exhibendum docet Hippocrates, sed etiam propter Anni temporum diversitatem: quippè nemo est, qui nesciat, Homines potissimum ita esse à Natura comparatos, ut hyberno, & vernali tempore plus cibi appetant, & ingesta alimenta facilius concoquant, quàm in Æstate. Cujus rei causam examinans idem Auctor, inquit, hyemali, & verno tempore Ventres fieri calidissimos, ac præterea somnos longissimos esse, inna-



innatumque calorem plurimum vigere; quæ omnia conspirare videntur in usum uberius alituræ.

Ventres dixit sine ulla adjectione; unde propriè intelligit Ventriculum, & Intestina, juxta morem, ut deducitur ex 6. *Aph.* 14. ubi dicitur: *Hydrope correpto, si aqua è venis in ventrem defluerit*, idest in cavum Ventriculi, & Intestinorum, solvitur morbus: educto nimirum humore Hydropem faciente. At verò cavum Thoracis designat 7. *Aphor.* 38. cum inquit: *destillationes, in ventrem superiorem decedentes, suppurantur intra viginti dies.*

Hyeme, & Vere calidissimos illos esse docet. Hyems autem quamvis ab Astronomis spatium illud temporis intelligatur, quod comprehenditur inter Solstitium Hyemale, & Vernalis Equinoctium, lustrante Sole Signa Capricorni, Aquarii, & Piscium: Atque Vernalis tempus, quod interiacet inter illius Equinoctium, & Solstitium æstivum, peragente Sole reliqua tria Signa Arietis, Tauri, & Geminorum. Hippocrati tamen (cui Annum dividere aliter arrisit, & quidem in septem tempora) ab occasu Vergiliarum, seu Plejadum, usque ad adventum Hirundinum, nempe à fine Novembris, usque ad medium Martii Hyems erat; Ver autem à ingressu Solis in Signum Arietis, usque ad ortum Hyadum, qui contingit circa finem Maii, & initium Junii. Voluit itaque sub Hyeme, & Vere is comprehendere tempora Anni æqualia, & constantia, magis, minusque calida, exclusis Æstate calidissima, & Autumno inconstanti, & inæquali.

At unde calidissimi tunc temporis Ventres evadant, non temerè dubitari potest. Vulgò ex Aristotele ad Antiperistasis confugiunt, sive ad

contrarii circumobstantiam: quoniam inquit, calorem à circumobstante frigore magis, magisque intendi, suasque vires exercere fortiores, veluti adversus hostilem qualitatem dimicaturum. Hinc cryptas, puteos, & subterranea quæque loca Hyeme calere testantur, Æstate verò frigere; qua etiam ratione problema illud enucleavit Aristoteles, cur Aquæ puteales hyberno tempore incalescerent, in algerent autem Æstate.

Verum non parum falsi sunt, qui ejusmodi Antiperistasis vim, & efficaciam sunt commenti, ex superius memoratis experimentis: etenim cryptæ, & loca quæcumque subterranea haudquaquam calida sunt Hyeme, & per Æstatem frigida, sed potius frigidiora sunt Hyeme, quam Æstate, ut ope Thermoscopii est animadvertere; quin & compactior Aer iis in locis hyberno tempore observatur; unde & aqua, cæterique liquores magis ibidem attolluntur. Verum tamen decepti isti sunt à sensu ejus frigoris, quod æstivo tempore percipere solemus, cum ex externo Aere calidissimo cryptas adimus longè minus calidas, in quibus scilicet Aer à radiis solaribus æstivis remotior invenitur.

Sed etsi Antiperistasis aliquam vim haberet; procul dubio non Vere, sed potius Autumno illa intensior fieret, cum noctes longiores, & Solis remotior discessus à nostro vertice, frigidior aerem reddant; ut propterea frigidæ quoque ægritudines per id tempus vagari fateatur Hippocrates, ejusque Commentator Galenus 3. *aph.* 22. & Quartana se evadere longiores 2. *aph.* 25. Atqui de Autumno hic nihil meminit, sed solius Hyemis, & Veris; igitur non à frigore obsidente caloris incrementum in Ventribus sed aliundè deducendum erit.

Et quidem ejus incrementi ratio



apertissimè traditur ab eodem Hippocrate in hoc *Aph.* inquit enim: *quia tunc calor innatus plurimus est.* Plurimus quidem est in Hyeme, quia sanguis, unde calor innatus provenit, minùs diffatur, constipata per externum frigus Cutis: & quemadmodum in Vino partes mobilissimæ, tenuissimæque, sive ejusdem spiritus, per hyemem meliùs conservatur, & viget, qui ex calore ambientis æstivo facillimè perspirat, & dissipatur, quamobrem eo exhalante promptè illud acescit, aut vapidum fit; sic pariter sanguinis spiritus, ejusque portio vivida, tenuis, & mobilis facile per æstatem exhalat, & disperditur; colligitur verò, ac plurimùm viget in hyeme, undè calor internus vegetior evadit. Plurimus quoque est in Vere, sed alia de causa: nimirum quia eo tempore non modò in hominibus, sed etiam in stirpibus nutritius abundat humor, qui tamen Æstate, & Autumno magna ex parte imminuitur: porrò nutritius iste succus abundantior è sanguine per id tempus vegetiori, puriorique, proficiscitur, quamobrem dicitur Ver ab Hippocrate saluberrimum, ob salubrem, quam efficit in Viventibus constitutionem. Jure ergo excipiuntur Æstas, & Autumnus; quoniam per illam sanguis plurimus absumentur, ejusque spiritus, seu portio vivifica, per laxiores Cutis poros evaporat, & dissipatur, unde Corpus universum languet; per hunc verò varium, & inæqualem, multifariam afficitur, ac plerisque impuritatibus inquinatur, nec bene patent emuntoria Corporis; quo deindè fit, ut ægritudines Autumno contingentes, vel longæ, vel exitiosæ evadant. 3. *aph. 9.* Verumtamen comparate solum ad cæteras Anni tempestates, & in corporibus bene valentibus, ac ro-

bustis, hæc sunt intelligenda; cum & non desint, qui meliùs, & robustius se habeant nedum Ventriculo, sed toto Corpore, Æstate, aut Autumno, quàm Hyeme, & Vere. Unde idem Hippocrates 3. *aphor. 2.* animadvertit, Naturarum, alias ad Æstatem, alias ad Hyemem bene, malève se habere; atque pluries observamus, sortitos imbecillas vires, languidosque Ventres, in valdè frigida tempestate, vitali calore pene deficere, æstivis verò temporibus fieri vividiores: quod & iis Animantibus quoque accidit, quæ hyemali tempore, vel in latibulis præ frigore immobiles jacent, vel omninò emoriuntur; at verò Æstate viviscunt, & vigent, summisque viribus præpollent.

Fiunt etiam in hybernis, vernisque temporibus somni longissimi: Hyeme quidem, conferente plurimùm diuturna noctium quiete, cum alimentaria humiditate; & Vere, abundantiori succo sanguinis nutritio, cum clementiori, salubriorique Aeris constitutione: sicut enim calor ingens, sive externus, sive internus ille sit, somnum perturbat, & corpori molestiam affert; sic contra frigus condensando, & comprimendo, humores interiùs propellit, & somnum conciliat: qua etiam ratione experimur, inter initia paroxysmorum somnum ægrotantes opprimere, externis partibus non leviter refrigeratis. Contingit pariter somnus longior Hyeme, & Vere, quoniam, ut dictum, sanguis per ea tempora glutinosior evadit, quo partes Corporis sensibilibus nutriuntur, & humescunt: modò ex alibi traditis somnus sæpissimè accidit à Nervorum, & Cerebri madore, majoreque irrotatione, ut potissimùm à pastu licet observare.

Ab his ergo deducit Hippocrates, quòd per ea tempora sint alimenta exhi-



exhibenda copiosiora, quoniam natus Calor plurimus tunc est, à sanguine scilicet abundantiori, vegetiorique. Quòd autem de Calore à sanguine pendente explicandus sit hic Hippocrates, suaderi potest ex eo, quia quamlibet ætatem, & unamquamque corporis constitutionem comprehendit, ex ingenito calore Hyeme, & Vere abundantiori. Modò si de eo, qui ex principiis seminalibus oriri vulgò creditur, exponatur, aptari haud sanè posset ætati senili, quæ cum maximè omnium elongetur à primigenia seminum constitutione cum evidentia carniū marcore, ideòque pauxillo, vel minimo ejuscemodi innati calidi, quod solidis partibus inesse ponitur, freta, Ventres haudquaquam per ea tempora calidiores fortiretur, maximèque hyeme, qua calor potenter infrangitur, ac hebetatur à circumambiente frigore. Dixit insuper *Natura*, quoniam de naturali calore, non autem de eo, qui præter naturam est, & aliam causam habet, quàm ætatum mutationem, agit: hic namque indifferenter potest quocumque tempore Ventriculū alterare, & calefacere, sed ad exitium.

Quoniam verò subindè Hippocrates, inquit, alimenta copiosiora Hyeme, & Vere esse exhibenda, cum nimirum somni longissimi sunt; videtur tacitè insinuare, Somnum potius, quàm Vigiliam ad ciborum confectionem persolvendam proficere; opportunum fore existimavi, pauca de hac re in medium afferre. Galenus 7. *meth* c. 6. morem fortassè sequutus Veterum, qui parce admodum prandebant: cœnabant verò lautius, somnum, & quietem summopere conferre coctioni in Ventriculo peragenda docet, cui ferè omnes antiquiores Medici consentiunt, moti potissi-

mum ex eo, quia per somnum calor cujusvis coctionis opifex intrò collectus roboratur, qui per vigiliam dissolvitur, & dissipatur. Ex adverso contendunt alii, quorum præcipuus est Laurentius Joubertus *decad. 1. paradox.* 8. vigiliæ potius coctionem promoveri, quoniam ex eodem Hippocrate, 6. *epidem.* §. 4. Vigilia edax dicitur: ea etenim calor acuitur magis, ideòque efficacius in cibos agit. At cum ciborum confectio, & concoctio dissolutionem ex fermentatione in Ventriculo habita, & secretionem, distributionemque in intestinis tenuibus, ex confluxu succi fellei, & pancreatici, complectatur, existimaverim Ego, & Somnum, ac Vigiliam, & Quietem, ac Motum perficiendæ coctioni omninò prodesse: Somnum quidem, ac Quietem ad eam, quæ in Ventriculo fit, persolvendam; at verò Vigiliam, ac Motum ad eam, quæ in Intestinis tenuibus peragitur, utilium ab inutilibus Chyli partibus secretionem, atque in lacteas venas protrusionem. Cum enim cibus nondum sit in chylum versus, quousque Ventriculi cavum occupat, nisi deinceps nova dissolutione in gracilibus Intestinis subactus à recrementis nutritioni ineptis penitus, penitusque repurgetur, atque in albicantem liquorem convertatur, ut facilius oscilla venarum lactearum subeat, profectò chylosis utramque mutationem exposcit, & quæ in Ventriculo inchoatur sola dissolutione, & quæ in gracilibus Intestinis perficitur per integram, absolutamque cibi in chylum transmutationem: Atqui prior melius quiete, & somno, posterior citius motu, & vigilia peragitur, ut consideranti patet. Hinc modò notum fit, cur alterutrius vitio ciborum concoctio sæpè sæpius interturbetur,

V. Pancirol. l. 1. tit. 54.



& alvi dejectiones accidant, aut indigesti, necdum bene secreti alimenti, aut etiam corrupti, & depravati, in Lienteriis, vel Diarrhœis, ut alibi est à Nobis explicatum. Verumtamen variant quidem non rarò hæc ob variam Corporum habitudinem, itemque Regionum, Anni temporum, & assumptorum Ciborum conditionem.

Confirmat postremò aphoristicam hanc sententiam Hippocrates exemplo desumpto à Pueris, & Athletis; siquidem in his uberior exquiritur alimonia, quàm in cæteris, à vegetiori, plurimoque nativo Calore, ut jam antea demonstratum est. Ipsum autem Athletarum habitum natura calidum esse manifestum est, nam multo, atque optimo sanguine abundant, Adjicit quoque Galenus exercitia, quibus nativus calor augetur, quemadmodum latius ostendit 1. *de san. tuend. cap. 14.* & 2. *eiusd. oper. cap. 2.* At per exercitia sanguis solum tenuior, & vividior fit, unde calor intensior; secus verò, qui in partibus solidis inhærescere fingitur: quippè is potius motu dissolveretur, & evanesceret.

## APHORISMUS XVI.

*Viētus humidus febricitantibus omnibus confert, maximè verò Pueris, & aliis, qui tali viētū uti consueverunt.*

**C**ibi quantitatem in præcedentibus Aphorismis præscripsit Hippocrates variam, pro varietate Anni temporum, & Ætatum; nunc verò de ejusdem qualitate sententiam profert, potissimum in febricantibus, quibus humidum convenire docet: cui inhærens Celsus *lib. 3. cap. 6.* inquit: *febricitantibus cibus humidus est*

*aptissimus, aut humoricertè quamproximus.*

Quid autem pro victu humido intelligere voluerit, non abs redubitari potest. Et Expositores ferè omnes cum Galeno re ipsa humidum arbitrantur, eumque convenire febricitantibus, propterea quòd febris affectio sit calida sicca, cui per contrariam cibi qualitatem obsistendum est. Sed cur non etiam frigidum victum commendavit? cum febris ex eodem Galeno *in commentario istius aphor.* sit *conversio native caliditatis ad igneam*, nihilque febricitantibus calore molestius. Sed & quavis hoc loco febrim calidam siccam passionem appellet, alibi tamen sæpius calorem dumtaxat illam præferre docet; Nam *lib. de differ. morbor. cap. 5.* intemperiem calidam simplicem totum Corpus occupantem relaturus, exemplum dat febris, quæ nimirum solo immoderato calore molestat, nulla de siccitate mentione facta: quod etiam confirmat *lib. de Causis morborum cap. 2.* & *meth. in principio*, ubi febrim calorem immodicum nuncupat, ejusque solius vi operationes vitæ lædi testatur. Id ipsum sentit etiam Avicenna *pr. 4. cap. 1.* definiens febrim, *calorem extraneum accensum in corde.*

Qua præterea ratione si de curandis febribus per victum humidum sermonem facere voluisset Hippocrates, commendasset illum Pueris, qui humidi existimantur; ideòque conservandi potius gratia, quàm curandi? Plurimum autem hallucinantur, qui putant, fuisse hic præscriptum humidum cibum Pueris in statu sano, adeòque voluisse Hippocratem unico Aphorismo omnes simul indicationes à victu humido desumptas comprehendere, quasi verò Pueri eo cibi genere in salubri constitutio-



ne servandi, febrientes curandi, & consueti illo uti, muniendi sint, ne in calidas egritudines labantur. Nam ex contextu verborum clarè deducitur, Pueros hìc considerari non sanos, sed febrientes: quippè victus humidus febricitantibus omnibus conferre dicitur, *maximè verò Pueris*; undè iis febricitantibus potissimum commendatur, itemque eo uti consuetis, si fortassè febribus laborent; quoniam his convenit ex peculiari puerilis corporis constitutione, atque ex veteri consuetudine; cùmque mutationes in universum subito inductæ periculosæ admodum sint, ex 1. *aphor.* 3. & 2. *aphor.* 51. & *lib. de vict. rat. in morbis acutis*, atque in iis præcipuè graviores; propterea consuetudo ipsa servanda est; Pueris verò, ne in emendabile detrimentum in nutritione, & carniū laxitate patiantur, iidem, vel consimiles cibi, quibus per ætatum initia usi sunt, exhibendi erunt: primum autem illorum alimentum lac fuit; cibo itaque illi analogo, etiamsi febre corripiantur, erunt alendi.

Verum enim verò Hippocratis mentem rectius interpretatur Heurnius ex *lib. 1. de diæta*, unde per similem sententiam transcribit: *cibus humidus, imbecillis, sitis expers, coctus facilis, & liquidus febricitantibus convenit*; cuiusmodi erat ptisana, ejusque cremor. Et quidem *humidus* esse debet, idest fluidus, & potabilis; *imbecillis*, qui scilicet non sit fortis, durus, aut solidus, quique nec acritudinem stomacho afferat, nec vapores ad caput attollat, nec Ventriculū plurimum fatiget: *sitis expers*, puta qui sitim potius minuat: *coctus facilis*, ut citò in chylum commutari possit, atque in aliti substantiam converti: postremo sit *liquidus*, facilisque distribu-

tionis, nam hoc pacto promptè diluitur, & celerrimè in venas lacteas traicitur. Quare idem Hippocrates inquit 2. *aphor.* 11. *facilius est refici potu*, idest alimento liquido, *quàm cibo*: seu alimento duro, solidoque. Rectè igitur à Galeno *lib. de opt. sect. ad Trasibul. cap. 4.* & 1. *de rat. vict. comm.* 18. scriptum est, Hippocratem pro humido victu, liquidum intelligere, qui potest esse cujuscunque conditionis, & qualitatis; ut propterea idemmet Galenus *eod. lib. 1. de rat. victus c.* his, qui imbecilliores sortiti sunt Ventriculi concoctionem, præscribit cibum liquidum, quoniam ejusmodi alimenta facilius peraguntur; quippè illud videtur esse præcipuum Ventriculi concoquentis opus, ingesta scilicet dissolvere, colliquare, & in substantiam fluidam redigere; quocirca cibus liquidus promptissimus est, ac ita præparatus ad concoctionem, ut nullo penè negotio conficiatur; cùmque in febricitantibus vis Ventriculi ad ciborum digestionem plerumque e-langueat, exhibenda proinde erunt, quæ facile concoquantur, qualia profectò sunt liquida, & in pultis veluti formam dissoluta: ut hac ratione promptissimè confecta facilius in venas, & arterias distribuuntur. Atque hinc etiam deducere licet, cur non frigidum cibum commendaverit Hippocrates: quoniam non ab indicatione curandi febrem per contrarias qualitates, sed à viribus reficiendis, & à facilitate, ac promptitudine coctionis, & distributionis, victus humidus præscribitur, veluti conducibilior febrientibus; eoque magis, quia superius dixerat, in accessionibus abstinere à cibo oportere, & præsertim si per iteratos paroxysmos febres redeant, ut subditur quoque *Aphorismo XIX.*



Qua ergo ratione victus humidus febricitantibus omnibus convenit, longè graviori videtur commendandus Pueris, si fortassè in febrem incidant: siquidem non aliundè probatum est, humidum victum febrientibus convenire, quàm ex eo quia faciliùs hic digeritur, citiùsque distribuitur, Ventriculum non fatigat, nec sitim præ cæteris molestissimam auget; atqui hæc in Pueris majus sanè negotium faceßunt, quoniam tennerrimæ illorum carnes facilè per febrim extenuantur, & gluten sanguinis nutritioni, qua cæteroqui summè egent, omninò necessarium, diluitur, & liquatur, nec alioqui inediam sustinent, & alimenta duriora vix conficere queunt, quorum usu cruditates cumulantur; quamobrem humidus, liquidusque victus his videtur convenientissimus.

Similiter qui longo usu liquidis cibis fuerunt assueti, ægrè duriores conficient, qui suaptè natura laboriosius concoquuntur: vis autem Consuetudinis tanta est, ut etiam deteriora, si consueta sint, minùs mala evadant, immò faciliùs ferantur, quàm insueta, ut dicitur 2, *aph.* 50. & 2. *de rat. vict. in acut.* 33. 8. *meth. cap. 9.* & 6. *de loc. aff. cap. 4.*

Hinc modò patet, quàm malè sentiant, qui de victu omninò humido, frigidoque aphoristicam hanc doctrinam interpretantur, quippè qui generale hoc Hippocratis documentum omnibus febricitantibus conveniens, non admittunt, puta in febris Ephemeris à cruditate, in Quotidianis, Quartanis, & Epialis, aliisque, cum ulceribus, tumoribus, alvi profluviiis, catarrhîs, & sopore copulatis; cum tamen ille indiscriminatim cibum humidum omnibus febricitantibus commendat, & quidem prudentissimè, præ-

sertim si pro humido, cibum liquidum, fluidum, facilisque coctionis, ac distributionis, intelligamus.

## APHORISMUS XVII.

*Et quibus semel, aut bis, & quibus pluramè, an pauciora, & particulatim oporteat offerre, considerandum. Condonandum autem aliquid Tempori, Regioni, Ætati, & Consuetudini.*

**A** Quantitate, & Qualitate ciborum, pergit Hippocrates ad tempus, partitionemque eorumdem, cum non satis sit, ad rectam Victus rationem præscribendam, nosse quid, & quantum cibi sit exhibendum, ni etiam, semel, an bis in die, & num parum, ac sæpè, an verò multum, & rarò cibare oporteat, prospiciatur. Quamobrem Medicos admonet, ut & id pariter advertant, ne in recta ciborum administratione fallantur.

Quoniam verò prima indicatio semper à Viribus sumenda est, pro illarum propterea ratione, cibi erunt offerendi. Et quidem parum alimenti, sed sæpiùs exhibendum, consulit Galenus *in comm.* cum ægrotantis Vires imbecillæ fuerint, & ea, quæ in corpore est affectio, sit ex humorum corruptione, vel defectu: quippè languidæ vires, etsi restauratione egeant, multum tamenimenti sufferre nequeunt, à quo potiùs obrutæ succumberent, quàm crescerent: alimentum autem parum, & sæpè exhibitum æquivalet multo. Parum, & rarò cibandum subdit, si vires debiles sint, nullus tamen defectus adsit, neque corruptio; sed & humores naturales moderati fuerint, vel etiam superabundaverint, ut propterea coniecere possimus comprimi potiùs vires ab humorum copia, quàm



quàm re ipsa deficere. Præterea multum, ac sæpius vult alendum, si cum humorum defectu, aut corruptione vires fuerint validæ; etenim multos cibos exigit ejusmodi dispositio, nè vigorem amittat, & hi benè confici possunt à constanti robore. Multum denique, & rarò cibandum docet, cum vires robustæ sunt, & plethorica adest dispositio; nam etsi hæc corporis constitutio potenter cibos conficere valeat, quia tamen multis, & frequentioribus non eget, rationabile est, ut rariùs alatur, nè ex plethorica dispositione in Athletarum discrimina incidat, si liberaliùs nutriatur.

At quamvis hæc in recta victus ratione à viribus, & à morbo desumpta, specialius considerare necesse sit, adiiicit nihilominus Hippocrates, indulgendum aliquid semper esse tempori, regioni, ætati, & consuetudini. Et quidem Hyeme uberiori utendum cibo, sed rariùs: quoniam tunc ex dictis ventres sunt validiores; unde homines magis appetunt, meliusque digerunt; at quoniam multam ciborum copiam non nisi post longius tempus conficere possunt, propterea rariùs alendi sunt. Æstate verò ob virium, & ventriculi languorem ciborum multitudo minùs toleratur; idcirco parciùs, sed sæpiùs alendum, ne vires alimenti paucitate deficient. Sic non dissimiliter Vere, ac in Hyeme, & Autumno, ac in Æstate cibi erunt assumendi; eo tamen discrimine, ut quo magis Ver ad Æstatem accesserit, frugaliùs; & quo magis Autumnus ad Hyemem inclinaverit, liberaliùs offerantur: sæpiùs autem, aut rariùs pro varia corporum habitudine, & conditione. In Regionibus quoque variis, Aeris, aut Aquarum ratione, cibi faciliùs, citiusque concoquuntur; vel contrà tardè admodum, & diffi-

cultur; unde homines alicubi, vel multum, atque avidiùs appetunt, vel, modico licèt cibo, gravantur: quamquam & esculenta, ac potulenta magis, minusque nutritui conferentia, plurimum in hoc valeant. Præterea qui adolescunt, sæpiùs, uberiusque sunt reficiendi; sicut etiam consueti frequentiores, abundantioresve cibos sumere; seriùs verò, & parciùs Senes, quique contrariæ consuetudini se addixerunt.

Sed & de corporibus quoque, eorumque constitutionibus, peculiaris ratio habenda est: quippè Gracilia copiosioribus, & humentibus alimentis: Obesa tenuioribus, ac extenuantibus: & carnosa solidioribus, ac moderatis nutrienda sunt; atque pro virium, & ventris robore, rariùs etiam, ac frequentius, his, aliisque ciborum generibus, prout humores, & fermenta viscerum multigena conditione variaverint.

Hinc deducere licebit, quòd tamen, si Vires ægrotantis, Morbi, & causæ morbificæ, itemque illorum tempora, circuitus, incrementa, symptomata, & proprietates, statutam quamdam cibandi rationem exposcant, juxtà regulas superiùs traditas; illam tamen quodammodò laxare expediet Anni, Temporis, Regionis, Ætatis, Corporis constitutionis, & Consuetudinis ergo; adeoque paululum inde in hanc, vel aliam declinandum, & semel, aut bis, & parciùs, aut uberius, & seriùs, aut citiùs, & sæpiùs, aut rariùs cibandum, prout ipsa exposulaverint.



## APHORISMUS XVIII.

*Æstate, & Autumno cibos difficillimè ferunt, Hyeme facillimè, secundum locum Ver habet.*

**C**UM dixerit Hippocrates, con-  
donandum aliquid esse Anni  
tempori, Regioni, Ætati, & Con-  
suetudini, nunc docet, quibus in An-  
ni Temporibus sit hoc agendum in  
usu ciborum. Nihil autem prætereà  
de regionibus, ætatibus, & consue-  
tudine meminit; quoniam facile erat  
de his decernere, ubi ratio ab Anni  
tempore desumpta constitisset. In-  
quit ergo, Æstate, & Autumno, ci-  
bos difficillimè ferri; facillimè verò  
Hyeme, cujus causam Aphorismo  
XV. prodidit. Viget enim natus,  
seu vitalis animalium Calor hyberno  
tempore; quamobrem tunc cibis  
plurimus exhibendus est: at verò  
Æstate, & Autumno, is languet;  
ideoque multo cibo abstinendum.  
Quare si in statu sano pluri alimento  
homines per ea tempora gravandi  
non sunt, languescere nimirum in-  
genito, & naturali calore; profectò  
in statu morbofo longè magis offen-  
duntur, si multo cibo repleantur.

Verum quamvis in Æstate, & Au-  
tumno indiscriminatim ab Hippo-  
crate sit prolatum, multos cibos mi-  
nimè sufferri, fortè quia, ex superius  
explicatis, Vitalis calor diffatur, &  
ventriculi Animalium tum maximè  
in concoctione fatiscunt; adhuc aliæ  
per Autumnum vigent causæ, quibus  
corpora specialius afficiantur. Et qui-  
dem inæqualis ambientis Aeris habi-  
tudo Viventia plurimum turbat, &  
veluti ad motus oppositos repente  
exagitat, non sine gravi vitæ incom-  
modo; unde Hippocrates 3. aphor. 4.  
notavit, Autumnales morbos expe-

ctare oportere, quandò eadem die  
modò calor, modò frigus viget, il-  
losque prætereà acutissimos, & exi-  
tiales dixit t. 9. ejusdem libri, eoque  
magis, quia halituum perspiratio per  
Cutim, tantoperè viventibus neces-  
saria, plurimum per id tempus inter-  
turbatur, quo circà sanguis non le-  
viter inficitur; quin & detenti sudo-  
res, & cumulata ex intemperanti vi-  
ctu, & fructuum esu, excrementa,  
majora propemodum damna visceri-  
bus afferunt, ut etiam advertit Gale-  
nus in comm. illius Aphorismi.

Medium locum Ver habere inquit,  
inter difficillimam in Æstate, & Au-  
tumno, ac facillimam ciborum in  
Hyeme tolerantiam, atque hanc ab  
illo disjunxit Hippocrates, quamvis  
Aphorismo XV. per ea tempora scrip-  
sisset, alimenta exigi æquè copiosiora;  
quia ventris robur, & ingeniti caloris  
vis, atque efficacia, in utroque tem-  
pore, etsi non eadem ex causa, ube-  
rius alimentum exquirunt, & specia-  
tim in sanis. Sed & ciborum grava-  
men facilius, vel difficilius tolerabile  
in diversis Anni temporibus conside-  
rans, ægrè admodum illos sustineri  
inquit Æstate, & Autumno; Hyeme  
verò nullo penè labore. Neque præ-  
tereà in Medicina novum est, quòd  
medicamentum, sive alimentum ali-  
cui indicatum, aliundè non tolere-  
tur. Atqui non æquè ferendus vide-  
tur cibus Vere, & Hyeme: siquidem  
verno tempore turgent abundantiori  
sanguine Vasa, proindeque disruptio-  
ni, pressuræque facilius subiiciuntur,  
ex humorum, & carniū laxitate, ac  
plenitudine, ut de Athletis, qui ad  
summum bonitatis pervenere, jam  
anteà est demonstratum. Jure ergo  
medium locum verno tempore con-  
cessit Hippocrates, illudque ab hy-  
berno disjunxit, comparata nimirum  
facillima tolerantia ciborum in Hye-  
me



me cum ea, quæ minùs tuta videtur in Vere. Sed & hac de causa cibum partiri expedit, ut qui non sustinetur semel exhibitus, iteratò resumatur distributus, sæpiùs, & parce; quod edocere visus planè est Hippocrates hoc loco, intentus partitioni ciborum potiùs, quàm quantitati.

## A P H O R I S M U S XIX.

*Iis, qui per circuitus accessiones habent, nihil dare oportet, neque cogere; sed subtrahere adjectioni ante iudicationes.*

**V**idetur hic Aphorismus omninò coincidere cum undecimo, in quo consimilis fermè sententia repetitur. Sunt verò, qui putant hunc esse epilogum præcedentium. Sed penitus falluntur; quia sententiæ aphoristicæ epilogum non admittunt, neque hic quidpiam eorum continetur, quæ superioribus Aphorismis memorata sunt, nisi solum, quòd videantur resumpta documenta undecimi. Neque licet opinari, fuisse illum incautè repetitum, vel ab aliis imprudenter adjectum: Nam pleraque hic notantur, quæ ibi nullatenus sunt recensita, ut est, quod speciatim dicitur de subtractione cibi ante iudicationes. Satiùs igitur erit ita cum Sclano, & Sanctorio hunc Aphorismum interpretari, ut etiam cum præcedenti congruenter necti possit. Nuper scripserat Hippocrates, Æstate, & Autumno difficillimè cibos ferri, adeoque partiendos esse; excipit nunc Accessiones, & tempus paulò antè Judicationes morborum, ita ut in ipsis Accessionibus, etiamsi Hyems vigeat, nihil cibi exhibeatur, sicut pariter paulò antè Judicationes: quæ mobrem quod condonandum est Tempori, Regioni, Ætati, & Con-

suetudini, locum haudquaquam habebit in Accessione ipsa, & imminente Crisi.

Quamvis autem indefinitè scribat Hippocrates: *Iis, qui per circuitus accessiones habent*, adeòque videatur quamcumque morbi accessionem periodicam complecti, specialius tamen intelligit recurrentes febrium invasiones, quas Galenus *lib. de tempor. morbor. cap. 6.* divisit in Accessiones, ac remissiones; & rursus accessiones in principium, inæqualitatem, augmentum, & statum: Remissiones verò in declinationem, & interval- lum. Modò cum Hippocrates inquit, nil dandum in accessionibus, intelligendus in principio, inæqualitate, augmento, & statu; Sed tamen posse tutò exhiberi cibum in declinatione, vel intervallo. Et quidem non in principio, nè distrahatur, aut gravetur Natura, cibo interea nihilum proficiente, immò potiùs lædente, ut contigit ægroto innominato, & filia Philonis, qui cum febre calentes cœnassent, obierunt. Neque in inæqualitate, cum scilicet inæqualibus motibus caloris, & frigoris, corpus ægro- tantis afficitur, & pulsus varii in systole, & diastole observantur: tunc enim graviùs laceffiti febricitantes rem quamlibet fastidiunt. Nec in augmento, in quo cerebrum, & cor increbrescentibus symptomatis afflicta, magis, magisque à cibo læderentur, non parùm promota febrilium fermentorum tumultuaria commotione. Nihil postremò exhibendum in statu, quo tempore particulares Crises disponuntur, præsertim verò sudores, qui à cibo impediti procul dubio nocumento forent. Hinc sanatione Galenus ex documento Hippocratis *1. de rat. vict. in ac. 46.* inculcat, cibum nullatenus præbendum, nisi calor thoracem dimiserit, & de-

scen-



scenderit ad pedes: quod solum in declinatione accidit, aut in intervallo, cum symptomata defunt, vel magna ex parte remittuntur. At verò si stomachi languor urgeat, vel syncope immineat, non nihil pro viribus offereendum, instante adhuc paroxysmo, ut jam antea notavimus.

Addit Hippocrates, nec cogendos esse ægrotantes ad sumendum cibum ante judicationem, seu crism, nè impediatur; siquidem ex Galeno 3. *de Crisibus*, plerumque perturbantur motus Critici, vel cum interitu ægrotantis accidunt, ob errores in victu: cumque ex eodem Hippocrate 2. *Aphor.* 13. *Quibuscumque Crisis fit, iis nox gravis ante accessionem*, ideoque nec cibus appetitur; nulla planè ratione cogendi sunt, ut cibum sumant; quemadmodum imprudenter plerisque fieri solet, qui ægros, vel invitos compellunt epulari, ut pugnam cum morbo, ut ipsi dicunt, strenuè possint sustinere. Porro Hippocrates nedum cogendos non esse ait, sed detractioni potius incumbendum, ita ut ex priori, & consueto cibo aliquid demendum sit, proximè accedendo victui tenuissimo, nè futura Crisis impediatur, aut interturbetur.

Tempus hoc ante Judicationes, in quo cogere non oportet ægrotantes, ut cibum sumant, Galenus exponit ante accessiones. Verum reprehenditur à Triverio, & Montano, quòd Hippocratem nugatorium faciat, quippè qui superius cibum in accessionibus non dissimiliter inhibuerit; undè concludit Triverius, Judicationem hic reverà intelligi Crism, qua morbus in suo statu judicantur. Hinc autem fit, ut per id tempus subtrahere adjectioni ille consulat; & quidem si Crises sint universales, totique morbo finem imponant, si sint par-

ticulares, & accessiones tantummodo singulatim removeant; ut dicitur 4. *Aphor.* 63. ne scilicet Natura à suo munere distrahatur, & causa morbifica per Crism expellenda, ciborum multitudine, retardetur, recrudescat, ac evicto morbo suppetias ferat.

Attamen adnotare decet, non dixisse Hippocratem nil cibi his dandum esse ante judicationes, præsertim universales, sed subtrahendum adjectioni; idest demendum esse aliquid ex cibo antea exhiberi solito; aliter si de integra subtractione, & inedia intelligeretur, maximum vitæ periculum ægrotantes subirent, essetque hoc Hippocratis documentum ad perniciem potius, quàm ad salutem indictum.

#### APHORISMUS XX.

*Quæ judicantur, & judicata sunt integrè, neque movere, neque novare aliquid, sive medicamentis, sive aliter irritando; sed sinere oportet.*

**Q**Uoniam tribus præsidiorum generibus universa Medicina fulcitur, Diætetico, Pharmaceutico, & Chirurgico; Hippocrates postquam de priori superioribus Aphorismis fusè disseruit, pergit nunc canones quosdam generales tradere, summo-pere conferentes ad usum Chirurgicum, & Pharmaceuticum: atque primum Medicos monet, nè quid eo tempore agant, quo Crises perfectè accidunt, & Morbi omninò judicantur, ac desinunt; unde nihil omninò tentare, aut aliqua ratione movere expedit, tum medicamentis evacuationes promoventibus, tum irritantibus, ac perturbantibus Crises motum, sed inchoatum opus, vel absolutum



Intum à Natura, Naturæ ipsi omnino committere.

Principiò inquit, *Quæ judicantur*: idest, quæ salubriter à Victrice Natura, convenienter morbificam causam expellente, peraguntur. Judicium enim, seu Crisis à Galeno *comm. 13. 2. lib. Aphor.* definitur subita in morbo, vel ad salutem, vel ad mortem, mutatio; ac fit Natura separante à bonis mala, atque ad evacuationem disponente. Subita quippè debet esse mutatio, nam mutationes in morbis sensim factę solutiones potius ab eodem Galeno appellantur: At verò Crises accidunt, tota simul expulsa causa morbifica, vel saltem ad ignobiles corporis partes translata. Cum itaque ægritudines judicantur, vel etiam judicatæ, & finitæ sunt, Medicus tamquam Naturæ minister aliud quid tentare, aut innovare non debet; etenim non minoris prudentiæ erit, tùm cessare, & ab omni opere quiescere. cum Natura satis perfectè suum opus explet, & morbum, morbiq; causam profligat, quàm subsidiarias eidem manus porrigere, quoties ope medica, atque externo auxilio indigere videtur. Quare Galenus comparat Medicum perito Naclero, qui opportunis temporibus vela aptat, ac demittit: præposterus enim illorum usus profectò naufragium pareret. Hinc patet, quàm longissimè à ratione, & recta Methodo medendi juxta præscriptum Hippocratis, & Galeni deflectant, qui, quo tempore Natura Crisim aggreditur, & labores ingentes subit in ipso morbi vigore, ægrum importuna remediorum multitudine, ac varietate obruunt, & nè parùm solliciti, aut diligentes videantur, ipsam vexant, atque à proprio, salutarique munere distrahunt; nec ideò meminerunt, illam esse morbo-

rum medicatricem, neque indigere remediis, Medicique opera, nisi cum impedita nequit opus absolvere; quomobrem idem Galenus 9. *de plac. Hipp. & Plat. cap. 8.* ex mente ejusdem Hippocratis hæc habet: *erudita Natura est, licet rectè facere non didicerit*: & alibi: *Naturæ morborum Medici sunt*. Eodem modo se habet & illud: *Natura sufficet prorsus*, &c. Prudenter itaque consulit Hippocrates, nihil penitus movendum esse, ullo medicamentorum genere, quotiescumque morbus integrè judicari videtur, sed opus omne committendum Naturæ.

Nec solum Hippocrates movendum inhibuit, verum etiam nullatenus innovandum; ut propterea vellet, non modò abstinere oportere ab his, quæ evacuandi, & quocumque modo alterandi, atque naturæ motum concitandi vim habent, sed etiam à cuiusvis alterius generis medicamentis novam, atque ab inchoata differentem motionem inducentibus. Quare nec quæ promoveant, nec quæ turbent: nec quæ distrahant, aut impediant, adhibenda sunt: sed & nec ægrotantes ambienti frigido exponantur, si per sudorem Crisis imminet; nec cibos constipantes assument, si dejectiones futuræ coniiciantur; nec plurimis integumentis cooperiantur, ut æstuent, si per vias urinæ speretur exitus causæ morbosæ; nec gelidam nimis potent aquam, si hæmorrhagia è naribus prænoscat; ideòque vitentur ea omnia, quæ salutarem Naturæ motum remorari, aut prævertere possunt; undè non abs re addidit Hippocrates: *sed sine re oportet*.

Integrè autem ægritudines judicari, ac desinere debent, adeòque omnino causæ morbificæ depelli, ut opus universum soli Naturæ absolvendum relin-



relinquatur. At secus si imperfectæ motiones, evacuationesque contingerent; tunc enim, quia Natura quoquo modo deficit, auxiliis egebit, & ope medica, ut inchoatum opus perficiat, & compleat. Fiunt autem ejusmodi imperfectæ judicationes, seu crises, vel ob virium languorem, vel ob morbificæ Causæ repugnantiam, aut ob viarum, per quas motiones, evacuationesque tentantur, impedimenta; præter ea, quæ ex erroribus Medici, vel ægroti proficiuntur. Unde prout hoc, vel illud noverit Naturæ impedimento esse, totis viribus per congruentia, & opportuna remedia prudens Medicus remove conetur.

Quoniam verò specialius Crises distrahi, aut impediri possunt usu medicamentorum, vel evacuantium, vel irritantium saltem, propterea dicitur in Aph. *sive medicamentis, sive aliter irritando*: atque hæc duo dumtaxat medicamentorum genera notantur. Excipiuntur autem, quæ Naturam non turbant, sed roborant, ut efficacius inchoatum opus perficiat. Sic in ipsa etiam Crisi ad reficiendas vires tutissimè exhibentur tinctura Alkermes, julapium vitale, omne genus Elixiris, aqua Cinnamomi, Ambra grisea, & his similia.

Verum huic sententiæ obstare videtur sequens Aphorismus, quo admonet Hippocrates, eo ducere oportere vitiosos humores, *quò Natura vergit per loca conferentia*; Unde quis inferre posset, licere Medico congrua adhibere remedia, quæ crisin per loca conferentia adjuvent, ac promoveant. At nullam in Hippocrate contradictionem inveniet, quicumque consideraverit, hinc Crisin integram, perfectamque memorari, ut patet ex dictione illa *integre*, quæ licet in græco Codice exprima-

tur per *ἀπρίως*, quod plura solet significare, 2. tamen *de Humoribus* t. 13. unde transcriptus est hic Aphorismus, vice *ἀπρίως* scribitur *ἀπαρτί*, quod perfectè, & integrè sonat, ut notat etiam Galenus *in comm.* In sequenti autem Aphorif. agitur de Crisi imperfecta, qua non ex integro morbifica Causa depellitur, ut propterea opus medicum exquiratur. Quare Avicenna *prima* 4. in unum recolligens ambas has Hippocratis sententias dixit; *si Natura non movet, move tu motu ejus; at si ipsa movet, & actu movet, dimitte eam, & operationem ejus.*

Conditiones autem perfectè Crisis refert Galenus 1. *de diebus decret.* cap. 2. & *in comm. hujus aph.* easque ad sex revocat: primum exigit, ut per evacuationem fiat potius, quam per Abscessum, & per partes infernas melius, quam per supernas: tum ut noxius tantum humor, isque omnino excernatur, minimè verò quivis alius: fervetur deindè locorum necessitudo, ut per vasa consentientia, ac recto tramite, ejusmodi evacuatio fiat: post has, quæ facillè toleretur: & postremò, prævia coctione, atque in die decretorio. Cum his enim conditionibus Crisis contingens denotat, devictam fuisse causam morbificam, atque omnino extrà corpuseductam absque periculo Recidivæ, & sine ullo virium detrimento. Ex defectu primæ conditionis licet abscessus inter Crises referantur, quia tamen vitiosus humor non evacuat, nec extrà Corpus depellitur, facillè recrudescere potest, & denuò sanguinem, ac principalia viscera inquinare, ut accidit Critoni: sic pariter cum fiunt per partes superas, inopinanter Cor, Pulmones, Cerebrum, & alia membra nobiliora infici possunt; unde ex Crisi per vomitum non raro



rarò accidit Cardialgia. Ex defectu secundæ conditionis perniciosæ sunt evacuationes diminutæ, vel immodicæ: etenim ob illas relabuntur ægrotantes; nam quæ relinquuntur in morbis post judicationem, redivas facere consueverunt 2. *Aph.* 12. ob has verò vitæ periculum imminet ex Virium languore. Cum insuper alii humores, quam vitiosi evacuantur, contingit planè ex una vires infirmari, & ex altera morbificam causam incrementum, ac vehementius adoriri Naturam, quæ proculdubio ex inutili egestionem languidior reddita tandem succumbet: atqui oportet post coctionem fieri discretionem, & postea evacuationem, ut bona sit Crisis 4. *Aphor. comm.* 22. Ex defectu tertiæ conditionis damnantur evacuationes per eas partes habitæ, quæ cum affecto viscere non consentiunt, per meatus sibi mutuò respondententes: sic in affectibus pectoris, vomitus, vel alvi profluvium, malum est. Ex defectu quartæ conditionis pessimæ sunt Crises, vitale robur dissolventes, quippe ab his unà simul morbus desinit, & Vita; unde dicebat Hippocrates in *Coacis prænotionibus*: aliquandò in optimis Crisibus ægri pereunt; cum scilicet vires illas non sufferunt. Ex defectu quintæ conditionis malæ sunt egestionem humorum inter morborum initia, nondum concocta, nec secreta causa materiali eorundem; quam obrem Galenus c. *comm.* 22. 4. *Aph.* inquit: Quando aliquis incipit Morbus, si quid excernitur, nihil tunc excernitur Naturæ ratione, sed sunt omnia symptomata earum, quæ præter Naturam sunt in corpore dispositionum: quo enim in tempore à causis morborum facientibus Natura gravatur, & adest cruditas humorum, tunc aliquid utiliter evacuari est impossibile: siquidem oportet

coctionem præire, subsequi verò discretionem, & postea evacuationem, ut bona sit Crisis, sive Judicium. Et *comm.* 13. 2. *aphor.* Fit autem judicatio, Natura separante à bonis mala, & ad excernendum præparante. Ex defectu demùm sextæ conditionis suspectæ sunt Galeno Crises in diebus paribus contingentes; ut propterea miretur, cur citrà recidivam judicata fuerit Virgo Larissæa in sexta die, quandoquidem ex eodem 1. *de diebus decretor.* c. 7. nullo signum futuræ recidivæ fortius est, quam dùm Crisis fit in die non critico. Et Hippocrates 4. *aph.* 36. *Sudores*, docet, febricitanti si inciperint, boni, tertia die, quinta, septima, octava, nona, undecima, decimaquarta, decima septima, vigesima prima, vigesima septima, trigesima prima, & trigesima quarta. Hi enim sudores judicant morbos. Qui verò non ita fiunt, laborem significant, & morbi longitudinem, ac recidivam.

Verùm adversus hanc ultimam bonæ Crisis conditionem pugnare videntur plurima exempla ægrotantium, qui in libris Epidemiorum ab Hippocrate memorantur judicati aliis, quam in diebus decretoriis; ut propterea Averroes 4. *collect.* 4. has easdem perfectæ Crisis condiciones referens, pro die critico habeat illum, in quo bona Crisis accidit, ex præcedente coctione, & succedente evacuatione conferente. Et Celsus lib. 3. c. 4. inhærens Asclepiadi hæc habet: Id Asclepiades jure, ut vanum, repudiavit, neque in ullo die, quia par, imparve esset, his, vel majus, vel minus periculum esse dixit. Interdum enim peiores dies pares fiunt, nonnunquam etiam in ipso morbo dierum ratio mutatur, fitque gravior, qui remissior esse consueverat, atque



atque ipse quartusdecimus par est, in quo esse magnam vim antiqui fatebantur, quicū octavum primi naturam habere contenderent, ut ab eo secundus septenarius numerus inciperet, ipsi sibi repugnabant, non octavum, neque decimum, neque duodecimum diem sumendum quasi potentio-rem; plus enim tribuebant nono, & undecimo: quod cum fecissent sine ulla probabili ratione, ab undecimo non ad tertiumdecimum, sed ad quartumdecimum transibant. Est etiam apud Hippocratem, ei, quem septimus dies liberaturus sit, quartum esse gravissimum, ita, illo quoque Authore, in die pari, & gravior febris esse potest, & certa futuri nota; atque idem alio loco quartum quemquē diem, ut in utrumque efficacissimum apprehendit, id est, quartum, septimum, undecimum, quartumdecimum, decimumseptimum, in quo & ab impari ad paris rationem transit, & nē hoc quidem propositum conservavit, cum à septimo die undecimus, non quartus, sed quintus sit: adeo apparet, quacumque ratione ad numerum respexerimus, nihil rationis sub illo quidem Authore reperiri. Hactenus Celsus.

Hæc igitur cum ita se habeant, facile prudens Medicus conicere poterit, quando nam operantem Naturam sinere debeat, & contra quando ejusdem diminutos motus adjuvare, vel excedentes cohibere oporteat. Et quidem in perfecta Crisi nil aliud tentandum præter id, quod Viribus instaurandis inservit; In Crisi verò imperfecta, cum scilicet Natura inchoatam evacuationem absolvere nequit, Medicus illius adjutor sit, & inchoatum motum perficiat, Viribus interea refectionis. Symptomaticæ demum egestionem non impediendæ, si ferantur, & causam morbificam qua-

qua ratione diminuant, at si Vires infirmant, & ad morbum, morbi que causam nihilum conferant, cohibendæ sunt. Porro in omnibus peculiaris ratio de Ægrotantis virtute habenda semper est.

## APHORISMUS XXI.

*Quæ ducere oportet, quò maximè Natura vergit per loca conferentia, eò ducere convenit.*

**S**icuti quæ judicantur, & judicata sunt integrè, neque movere, neque novare oportet, sed sinere; ita cum imperfectè moventur, aut mota sunt, toto conatu adjuvare expediet, ut propterea hic Aphorismus sit veluti appendix antecedentis. Cumque imperfectè judicata à Natura, sint Arte perficienda, ut omninò causa morbi depellatur, & morbus ipse planè desinat, docet nunc Hippocrates per eadem loca, quæ Natura ipsa indicaverit, esse promovendam totius causæ morbificæ evacuationem. Hinc tria potissimum videntur hoc Aphorismo comprehensa: primum oportere Medicum Arte perficere, quod Natura explere non potuit: tum ut per loca conferentia, & quæ Natura ipsa in Crisi jam inchoata indigitaverit: deinde ut ex variis fortasse illius motionibus, ea speciatim seligatur; ad quam maximè vergere videtur, & humor ipse deponendus promptior, paratior, magisque dispositus est.

Quænam sint ista, quæ ducere oportet, explicat Galenus in comm. quæ v3. neque judicantur, neque sunt integrè judicata, nempe causæ materiales ægritudinum, quoniam Crises non accidunt, nisi morbis pendentibus à materia, sive humoribus, qui degenerarunt: & nisi sensibili evacuatione hi tollantur, illi non desinunt: modò



modò si imperfectè contingant ejusmodi vitiosos humores morborum causas repurgari ope Naturæ, beneficio Artis oportebit diminutam eorumdem evacuationem absolvere, ut Æger in pristinum salutis statum reducatur, & non recidat.

At quoniam, quæ educenda sunt, per quas vias educi debeant, sæpissimè ignoramus, admonet Hippocrates, ut per ea loca promoveatur evacuatio, per quæ Natura illam inchoaverat; proindè subdit: *Quò Natura maximè vergit*. Naturæ verò nomine intelligitur hic ab Hippocrate vis illa, internusque motus tam partium fluidarum, quàm solidarum rectam Corporis œconomiam constituentium, unde fermentationibus, dissolutionibus, secretionibusque, coctiones, nutritiones, mutationes, atque salubrium ab insalubribus humoribus repurgationes absolvuntur, indeque Cordis, & Arteriarum motus, ac totius Animalis Vita persistit. Hunc ergo partium omnium mutuò cohærentium, atque in unum consentientium complexum, & structuram, meditatus aliquandò idem Hippocrates, dixit, esse in homine, ejusque partibus consensum unum, conspirationem unam, per quam sibi vicissim auxiliantur, diversis fermentorum proprietatibus, atque excedentium humorum propensionibus, viscerum secerniculis, mutuisque succorum actionibus, ac fermentationibus, ut exindè huc, aut illuc ferantur subacta, inversa, & mutata quæcumque morbosam fortassè corporis constitutionem reddiderant, pro varia partium affectarum habitudine, & vitiosorum succorum inclinatione; Unde observamus tenues, acres, sulphureos, seu biliosos appellatos humores, sponte sua stomachum, & partes supernas petere; crassos verò,

*Tozzi Op. Med: Tom. II.*

seu phlegmaticos, potiùs alvum, & intestina, ex 4. *Aph.* 4. & 6. quomobrem eodem 4. *Aph.* 2. utile dicitur talia in medicationibus è corpore educere, qualia spontè prodeunt, putà humores vitiosi, cùm ultrò per Corporis emissaria defluunt. Hinc non semel etiam expertum in Cadaveribus, humores sponte sua per os, nares, vel per alvum prodiisse, nulla intereà vi illos intrinsecùs adigente.

Cùm aliquandò Sudores, Vomitus, & Dejectiones, aliæque evacuationes unà simul promoveantur, illa potissimùm ex ipsis adjuvanda, quæ convenientior, facilior, & securior visa fuerit. Si verò loca, per quæ humorum expulsionem inchoantur, idonea non sint, præsertim si gravia symptomata sociantur, ut cùm per vomitum vitiosi humores educuntur, qui Cardialgiam, Singultum, aut Lipothymiam afferunt; vel cùm à cerebro deponuntur in aures, cum periculo surditatis; vel cùm per vias urinæ, dolorem, ardorem, ulcerationemve inducunt, eas sagax Medicus avertere, atque in alios ductus deducere poterit, præcavendo intereà mala subindè imminencia. Sic sudores diaphoreticos dictos, & frigidos, passim comprimere conamur, & sistere hæmorrhagias narium, ac hæmorrhoidum, si modum illæ non servant. Cùm igitur Natura per poros cutis morbi causam expellere nititur, apparentque signa sudoris imminentis, omni conatu studebit Medicus illum promovere; si verò alterius evacuationis signa præluceant, in illam, prout occasio feret, specialius incumbet, perpensis intereà propriis, peculiaribusque ægrotantium corporum constitutionibus, dispositionibus humorum, partium affectarum, & ductuum earumdem conditionibus, aliisque, quæ sanè plurima esse possunt,

E



possunt, cum non omnibus æquè contingat pari evacuationis genere ab iisdem ægritudinibus vindicari. Hinc perperam agunt, qui morbos omnes, omnemque noxium humorem, per alvum dumtaxat conantur educere, putantes se hac sola ratione omnem medelam cunctis ægrotis afferre posse.

Loca insuper congruentia, per quæ noxii humores ducendi sint, recenset Galenus *in comm.* scilicet illa sunt Os, nares, aures, ventriculus, intestina, uterus, vesica, & cutis universa, unde fit perspiratio, & sudor: itemque meatus omnes corporis insensibiles, quos idem Galenus *comm.* 54.7. *lib. aphor.* Naturam, ad depellendos vitiosos humores, sibi parare, & invenire dixit. Excipiuntur autem loca affecta, seu partes læsæ corporis, per quas nullo modo educere convenit, nè humores ad illas magis confluant, ex Galeno *f.2. in 6. epidem.* 29. Hinc in Dysenteria per alvum evacuare, & per vias urinæ in Nephritide, & Diabete, nulla ratione expedit.

Ut autem convenientia illa existimentur, sex videntur exigere conditiones. Primò, ut sint illæsa, ex 13. *meth. cap. 11.* ubi inflammatis intestinis, vel aliter affectis, Galenus præcipit per alvum non esse evacuandum, sed per ductus urinæ; & læsis Renibus, non per urinam, sed per alvum purgandum esse: quod pariter confirmat 2. *epidem. comm.* 7. & ante ipsum edocuit Hippocrates 6. *epidem.* 2.29. inquit: *Revellere oportet, si non qua oportet, repunt; si verò qua oportet, his oscula aperire oportet, qualiter singula repunt.* Secundò, ut nullum incommodum, ex evacuatione promovenda, loca ipsa patiantur, quemadmodum rectè monet *in comm. huius aphor.* Galenus. Advertit tamen idem Auctor 1. *ad Glauc. c.*

*de Quartana*, cum per vomitum omninò ducendus humor est, nè ab illius acritudine, ac pravitate stomachus offendatur, cibum, vel jusculum pingue, aut aliud quid, quod retundere queat mordentis humoris acritatem, præsumere oportere. Quamobrem in urinæ vitiis exhibere solemus diuretica, illius acritudinem unà simul temperantia. Tertiò, ut nedùm damna partium affectarum, sed etiam cohærentium, & consentientium evitentur, nè scilicet à promota per has egestionem illæ quodammodò coafficiantur, & doleant. Hinc vomitus prohibetur in affectibus oculorum, & cerebri, quia hæ partes plurimum compatiuntur à vomitu. Sic pariter affecto utero, alvus proritanda non est, nè ab intestinorum irritatione ille concutiat, & furat. Quartò, loca, per quæ ducere expedit, proxima sint visceribus, unde humores sunt deducendi: hac enim ratione citò, tutò, & jucundè assumpta medicamenta conferent, quod summum est in Medicina faciendum, documento Asclepiadis summoperè à Galeno hac de re commendati; unde idem Galenus 7. *meth. cap. ult.* affecta parte cava Hepatis, educit per alvum; laborante verò gibba, per renes. Hippocrates etiam 2. *epidem. f.2.27.* urinæ profluvio Lienis tumorem in Bione curatum refert; propter consensum Renum cum Liene per arterias splenicæ, & emulgentes dictas. Quintò, ut tramite, quo fieri potest, compendiosiori, humores egerantur: nimirum, citius vomitu, quàm dejectione ventriculus inanitur, & pectus facilius per tussim, quàm per urinam. Sextò demùm, ut loca, per quæ promovenda est evacuatio, communicent cum partibus affectis, & consueta emissaria illa sint, unde aliàs corpus fuerit repurgatum. Sive autem ductus isti patentes

Ex Gal.  
13. meth.  
cap. 11.



tes sint, & Anatome cogniti, sive prorsus ignoti, & inconspicui, parum referet, modò in similibus contulerint: dicitur enim 4. *aphor.* 28. *Quibus biliosæ sunt dejectiones, hæc, superveniente surditate, cessant; & quibus surditas adest, supervenientibus biliosis dejectionibus, cessat.* Et 7. *aphor.* 54. *Quibus inter ventriculum, & Septum transversum pituita reposita est, & dolorem affert, non habens viam ad alterutrum ventrem, iis per venas in vesicam pituita versa, solvitur morbus.* Et lib. de humoribus refertur hæmorrhoidas pleuriticis prodesse; atque aliis alia: cum tamen consensus per vasa nullus in his pateat.

Sed & non rarò conferre solent evacuationes promotæ per speciales quosdam ductus, & magis uni, quàm alteri, ex habitu, & peculiari corporis constitutione, itemque à varia anni tempestate, & humorum copia. De habitu corporis scribit Hippocrates 4. *aph.* 6. & 7. Graciles per vomitum facilè purgari, Carnosos verò, & Pingues potiùs per alvum. Sunt insuper, qui ex peculiari habitudine respuunt cujusvis generis cathartica, atque ab illis perquam malè se habent: alii agrè nimis ferunt clysteria, ut etiam aliquandò in animi deliquia incidant: Nonnulli certa quædam remediorum genera, quibus humores in particulares meatus feruntur, abhorrent; aliis verò suaviùs delectantur. Quare in his oportebit ea dumtaxat præscribere medicamenta, quæ experimentis conferentiora probata sunt; quinimò per eas solùm vias præstabit evacuare, unde nullum incommodum sit probabiliùs consequuturum, perquisita priùs propria cujusvis patientis constitutione, cui magis ferendo sit, & per quos ductus. Quòd ad anni tempora, inquit

idem Hippocrates 4. *aph.* 4. *Ætate per superiora, Hyeme verò per inferiora potiùs esse evacuandum.* In humorum denique copia, & multitudine, potiùs dejectiora, quàm vomitoria commendantur, & hæc magis, quàm diuretica, vel sudorifica.

Quoniam verò antea dictum est, oportere aliquandò Medicum aliò commotos humores divertere, monendi propterea illi sunt, qui indiscriminatim in morbis, Naturæ motum prosequi adnituntur: nimirum quia aberrat non rarò illa, & vergit, quòducere salutare non est. *Oportet itaque, ex Galeno, Medicum Naturæ motum animadvertere, & si quidem idoneus fuerit, ei convenit administrari, & cooperari, si verò contrarius, & noxius, hunc prohibere, transferre, atque divertere oportet.* Atqui idoneus, & utilis tùm maximè existimabitur, cum citrà virium dispendium, & viscerum incommodum evenit, ac morbum vel tollit, vel magna ex parte diminuit.

## APHORISMUS XXII.

*Concocta medicari, atque movere, non cruda, neque in principiis, modò non turgeant: plurimum verò non turgent.*

Quamvis in quibusdam exemplaribus Aphorismus hic scriptus non sit, ut notat in *commentario* Galenus, ipso tamen auctore, negari non potest, quòd Hippocratis non sit, quippè qui passim notatus invenitur in *libro de humoribus*. Et lib. 4. *de san. tuend. cap.* 5. nedùm Hippocratis esse, idem subdit, verùm etiam totius Medicinæ oraculum: id quod speciatim præmonendum duxi ad redarguendos eos, qui vim istius præcepti effugere tentarunt.



Proponitur autem in illo opportuna occasio purgandi, & tempus aptum egestioni vitiosorum humorum, ut tuta, & conveniens morbificæ Causæ propulsio succedat, absque ulla innoxii humoris evacuatione; equidem non semper humores nocui evacuante medicamento utiliter educuntur, cum primum concoqui, deinde secerni, ac postremò debeant evacuari. At verò de purgatione ope medica promovenda hic agitur; etenim cum antea sermo fuerit institutus de evacuatione spontè Naturæ inducta, sed imperfectè, quæque à Medico foret adjuvanda per loca conferentia, quò scilicet humores ipsi vergerent, propterea hoc Aphorismo ea solum obicitur examinanda, quæ omninò Medici ministerio peragitur. Nè autem quis putaret quocumque morbi tempore licere Medico morbos purgante medicamento aggredi, præcipit Hippocrates, non nisi concocta convenire medicari, non autem cruda, nec in principiis, modò non turgeant. Quare generalem regulam purgante dumtaxat medicamento utendi, cum concoctio humorum præcesserit, excipit solum in crudis turgentibus, quos tamen & rarò turgere dicit.

Arabes, alique Barbari, coctionem, in hominibus potissimum, contemplantur duplicem, pro duplici eorumdem statu. Primam fieri ajunt, mutatione alimenti in alibiles humores, atque in corporis nutritum, ut cum ex cibo chylus, & ex chylo sanguis conficitur, ut is in aliti substantiam transeat. Alteram, mutatione noxiorum humorum, non tamen ut nutriant, sed ut subacti, ac domiti, immò etiam à salubribus secreti, faciliùs possint per consueta emissaria expurgari: quò spectat effatum illud Medicorum ex Galeno antea memo-

ratum: *oportere primum præire coctionem, subsequi verò discretionem, & postea evacuationem*. Et sanè hæc, quæ in nocentibus, & inutilibus humoribus sæpissimè observatur, haudquaquam à Calore, qui universalis opifex Coctionum statuitur, perfici potest, quippè qui in statu corporis morbofo evadit excedens, vel deficiens, adeòque ineptus coctioni noxiorum humorum peragenda, quæ tamen potentior plerumque est potissimum in febribus, in quibus non rarò sponte sua morbofi humores concoquuntur, atque ab utilibus secreti per convenientia emissaria sensim repurgantur. Subolevit fortassè hoc Vallesio, qui propterea *super quartum Meteor. Aristotelis* arbitratus est, coctiones perfici potius intrinseco calore, ac vi propria mistorum, vel succorum, quam alieno, nempe ventriculi, aut alterius visceris: quod pariter existimarunt Horatius Augenius 2. *epistol. lib. 10. cap. 1.* & Argenterius 3. *Artis Med. comm.* 38. eo præsertim argumento ducti, quòd fructus ex arboribus decerpti, sponte sua concoquantur, ac maturerentur, itemque interna vi Mustum in perfectum, generosumque vinum commutetur. Atque hinc jure optimo melioris notæ Philosophi, quam coctionem veteres appellarunt, maluerunt dissolutionem ex fermentatione nuncupare, voce planè congruentiori; quin & Galenus ipse coctionem cum secretionem sæpè confundere non est veritus, & alteram sine altera inveniri minimè posse testatus est 3. *de naturalibus facult.* & *alibi*.

Hanc ergo coctionem ad opportunam purgantis medicamenti exhibitionem exquirat in hoc Aphorismo Hippocrates, ut exinde inutilium, & noxiorum dumtaxat humorum sequatur



quatur evacuatio, quique utiles sunt, & salutare corpori, in suis vasis consistent ad vitæ sustentationem. Illi propterea promovendæ sedulo vacandum, nec unquam aggredi licere Morbos purgantibus medicamentis, nisi prius humores evacuandi dispositi, & ad exitum parati fuerint, pluries animadvertit idem Auctor, sed præsertim 2. aphor. 9. inquit: *Corpora cum quispiam purgare voluerit, oportet fluida facere*: quem textum exponens Galenus, ait: *Erit autem fluidum corpus, omnibus meatibus quidem reſeratis, humoribus verò incisis, absterſis, atque extenuatis, si quis fuerit humor in corpore crassus, ac glutinosus*. Hinc duo videtur in universon exigi ad coctionem, promptamque humorum purgationem, viarum scilicet laxitatem, & humorum extenuationem. Id ipsum etiam edocet lib. quos, quibus, & quando purgare oportet, inquit: *oportet autem priusquam purgans exhibeamus medicamentum, crassos humores attenuare, tenacesque diffecare, & meatus recludere*. At alii plura in humoribus considerantes, plura quoque in præparationibus, coctionibusque desiderant, pro varia eorundem conditione. Et quidem humores crassos esse attenuandos, tenaces incidendos, calidos refrigerandos, frigidos calefaciendos, & pariratione alios ad naturalem constitutionem reduciendos esse affirmant. Sed tamen de tenuibus humoribus controvertunt, quo pacto præparandi, atque ad coctionem disponendi sint. Et Avicenna fen. I. 4. tract. I. cap. 7. illos, eadem lege, vult crassiores efficiendos, documento Galeni lib. de constit. Artis c. 19. qui jubet crassum, & lentum humorem esse attenuandum, tenuem verò densandum. At contrarius est

Tozzi Op. Med: Tom. II.

Averroes, qui acriter Avicennam reprehendit, asserentem tenuia concoqui, cum crassescunt: & ratio videtur, quoniam quo tenuior humor est, eò facilius purgante medicamento educitur: quippe propria tenuitate facile quosque ductus subire, & pervadere potest, unde suapte natura purgabitur; atque hinc Galenus ipse lib. 14. meth. cap. 17. flavæ bilis evacuationem facilem esse scripsit, pituitæ verò, & melancholiæ difficilem; quod pariter confirmans lib. quos, quibus, & quando purgare conveniat, subdit: *inter initia morbi tenues, & aquosos humores evacuabis: ubi crassi, & tenaces fuerint, quales suapte natura sunt pituita, & nigrabilis, concoctionem expectabis*. Unde tenues, & aquosos humores ad catharsin præparatione, coctioneque non egere, manifestè videtur insinuare; Experimenta nihilominus contraria suadent.

Ex his itaque deducere fas est, aliam hinc intelligi ab Hippocrate coctionem, quam ut vulgò solent interpretari, per mutuam qualitatum attemperationem, & quemadmodum ex Galeno 3. de natural. facult. cap. 7. definiendam putant: Alterationem in propriam ejus, quod nutritur, qualitatem. Ibi enim coctionem naturalem in statu salutis, per quam alimentum in nutritionem vertitur, sibi tantummodò examinandam proposuit; non verò quæ in statu morboſo in humores evacuandos peragitur: de ea equidem specialius agens 1. epidem. comm. 2. t. 44. & 2. de rat. vict. in acut. comm. 44. inquit, Concoctionem haberi, Natura morboſas Causas evincente, atque ad expulsionem disponente; cumque id calorificis, & dissolventibus tantummodò perfici possit, jure optimo proinde Alexander Trallianus lib. I. c. 10. etiam bilio-

V. etiam  
lib. de  
differ.  
symp.



V. Gal. 5.  
de simpl.  
med. fac.  
c. 5. & 1.  
epidem.  
f. 2. const.  
3. comm.  
41. Ari-  
stot. 4.  
meteor.  
2. & c.

sum humorem per mediocriter calefacientia, non verò per frigorifica concoquendum esse docet: quod & Galenus ipse *lib. 2. de compos. medic. per loca cap. 11.* admonet; etenim coctio à calorificis tantum, sed temperatis, non autem à frigorificis perficitur. Et licet ab his quoque aliquando emolumentum consequatur in affectibus biliosis dictis, ea tamen non conferunt, quòd coctionem promoveant, sed quia fervorem, ac sitim sedant, symptomata planè aëgris molestissima; unde postmodum Natura melius possit morbosam Causam concoquere, & superare: quemadmodum notavit etiam Actuarius *lib. de compos. medicam. agens de usu syrumporum infrigidantium in febris.*

Concoctio igitur ab Hippocrate hic memorata erit solum dissolutio, ac Secretio inutilium humorum ab utilibus, & præsertim à sanguine, eo prorsus modo, quo in Musto, cum in vinum perfectum prævia fermentatione transit, experimur: sepositis etenim partibus inutilibus, & fæculentis, veluti Naturæ dissentaneis, Causa Morbi evicta dicitur, & concocta. Jubet autem Hippocrates concocta esse medicanda, non cruda, quoniam si antè ejusmodi dissolutionem, secretionemque, purgatio institueretur, tum boni, tum mali humores à Cathartico indiscriminatim educerentur, vel boni solum, magisque fluentes, magna cum virium jactura; Quod idem Hippocrates 4. *de rat. vict. 44.* nedum expressè insinuat, sed etiam rationem addens, subdit: *nempè si ventrem moveris, urina non maturabitur, febrisque citrà tum sudorem, tum iudicationem in longum tempus protrahetur.* Cui Galenus inhærens in *comm.* in eandem planè sententiam concedit. Ut igitur evacuatio accidat talis, qualis

exigitur, quæ nimirum conferat, & toleretur, expectanda erit concoctio, idest dissolutio, & secretio morbosorum humorum à salutaribus, ut his relictis, illi solummodò educantur, & æger absque ulla vitium noxa in pristinum sanitatis statum citissime redeat.

Advertit autem Galenus in *hoc comm. & comm. 37. 2. lib. Aphor. non cuiuscumque medicamenti assumptionem solere Hippocratem medicationem nominare, sed tali vocabulo in sola uti purgatione.* Atqui ille humor à purganti pharmaco commodè potest educi, qui concoctus, atque ab aliis secretus fuerit, non autem crudus, & cum utilibus, ac salubribus commistus. At cur addidit, *atque movere non cruda?* Satis enim esse videbatur affirmando dixisse, *concocta medicari.* Ut quid igitur opus fuit negantem adicere dictionem? Ansam proinde præbuit expositoribus dubitandi quid per *movere*, quidque per *non cruda*, is intelligere voluerit.

Sanctorius existimat dictiones has superfluas esse in Aphorismo latine reddito; fuisse autem opportunè adjectas in græco Codice ad tollendam ambiguitatem, & æquivocationem, quæ continebatur in verbo Πέποικα, quod potest significare *cocta*, & *matura*; ideòque vult ita legendum esse Aphorismum: *Matura medicari, & movere*, deleta dictione, *non cruda*, tanquam superflua. Montanus *non cruda* putat esse nomen indefinitum, comprehendens quidquid crudum non est; unde opinatur, voluisse Hippocratem movenda esse non cruda, idest omnia præter ea, quæ cruda sunt. Arbitrantur alii idem prorsus significare, *movere non cruda*, ac *medicari concocta*: fuisse autem bis idem ab Hippocrate repetitum subdiver-



diversa phrasi, veluti effatum, ac documentum magni in Medicina momenti. Aliis cum Zecchio sic legere placuit: *concocta medicari, atque non movere cruda expedit*: cruda autem interpretantur quaecumque concoctione transmutari possunt in substantiam alibilem, ut fertur esse pituita in venis contineri credita. Sed & visum est Marfilio Cagnato universam hanc sententiam invertere, ut sensus fiat, minimè convenire concocta medicari, atque movere, sed cruda solum, quia concocta, uti evicta à Natura, sponte sua difflantur, & egeruntur, sine ulla Medici opera. Sunt qui verbum *movere* exponunt pro *minuere*, seu uti medicamentis blandè subducentibus, & lenientibus dictis, adeòque Aphorismum interpretantur: medicanda, seu purganda esse medicamentis eradicantibus, quæ concocta sunt, movenda verò, seu diminuenda, quæ adhuc cruda persistunt. Neque desunt, qui pro non crudis intelligunt *semicocta*, ut propterea sententiam aphoristicam explicent de purgandis perfectè concoctis, movendis verò, seu diminuendis crudis, seu semicoctis; Quin & Fuchsius de crassis, & frigidis humoribus dumtaxat interpretatur. Nonnulli apud Argenterium non crudos intelligendos existimant humores infra sanguinem, qui nimirum per ulteriorem coctionem in sanguinem ipsum commutari possunt; sub verbo autem *movere* comprehendere ajunt quodcumque genus medicamenti motum in corpore efficientis, etiam perfrictiones, & cucurbitulas. Denique alii *movere* exponunt, sanguinem mittere, ut proinde sicuti concocta purgante medicamento educenda sunt, ita cruda moveri possint sanguinis detractione per venæ sectionem.

Sed tam variæ, ac multæ sunt hujus Aphorismi expositiones, ut mirum sit, quàm mentem Hippocratis in alienos, differentesque sensus extorqueant anxii isti Commentatores; cum tamen facillimè pateat, voluisse illum concocta, idest ab utilibus humoribus secreta, catharticis medicamentis licere dumtaxat evacuari, minimè verò cruda, nondum dissoluta, nec sejuncta, sed simul cum salutaribus commista, ut propterea Aphorismus legendus sit: Concocta medicari, atque movere convenit, non autem cruda: Quæ expositio nedum genuina Hippocratis est, ut deducitur ex 4. *de rat. victus* 44. verum etiam expressissima Galeni 4. *de sanit. tuend. cap. 5. Quando corpora* (is inquit) *abundant crudis humoribus, his nec sanguis mittendus; nec alvi dejectio, aut exercitatio, aut omninò motus, aut balneum adhibendum, quippe incisa vena bonum sanguinem emittit, malum, qui in primis maximè venis circa Jecur, & quod Mesenterium vocant, colligitur, in totum attrahit corpus; dejectio verò in talibus, tormina, & erosiones creat, animique deliquia, cum eo, quod nec notatu quidpiam dignum educit, quando crudi omnes succi pigri, atque ad motum inepti propter crassitudinem, frigiditatemque sunt; quò fit, ut etiam omnes angustas vias obstruant, per quas id, quod medicamentum deiecit, ferri ad alvum debeat, atque ita nec ipsi educantur, & aliis sint impedimento: id quod sanè Hippocrates illo oraculo præcavit; quo brevissimè præcipit, concocta medicamento tentanda esse, non cruda. Eadem de causa nec exercitare, nec omninò movere, sed nec lavare expedit eos, qui in primis venis crudorum copiam habent, siquidem omnes id genus motus succos illos in totum cor-*



pus agunt. Servandi igitur hi sunt in omni quiete, dandaque ipsis cibis, potio, medicamenta que sunt, singula ejus generis, quæ attenuent, dissecant, & conficiant succorum crassitudinem, idque citrà manifestum calorem. Et lib. quos, quibus, & quando purgare convenit: Qui humores jam aliqua in parte corporis consederint, neque ullo alio auxilio, neque purganti medicamento prius movendi sunt, quàm concocti fuerint; tunc enim & Naturam evacuationi adjutricem habebimus: quod etiam repetit in hujus Aphorismi commentario. Ex his itaque manifestè colligitur quid pro *movere* intelligendum sit: Quippè non solùm voluit Hippocrates purgandum non esse cruda, sed nec aliud omninò medicamentum quomodolibet movens, aut agitans corpus, & humores, exhibendum; idcirco dixit, concoctione persistente, & *medicari*, idest purgare, & *movere*, hoc est balneis, sudorificis, exercitiis, aliisque similibus uti posse; in crudis verò humoribus nil horum movendum, aut tentandum: *κινῆεν* namque verbum, ut acutè observat Fuchsius, generatim omnia jam dicta auxilia excludit, quippè singula aliqua ratione corpus commovent. Atque hinc perperam nonnulli exponunt verbum *movere* referendum esse ad non cruda, adeoque intelligendum de medicamento, non quidem (ut ipsi dicunt) *eradicante* sub verbo *medicari* designato, sed de *minuente*; tùm quia notaretur Hippocrates manifesta Tautologia; nam medicari concocta, & movere non cruda, in idem fermè recidunt; tùm etiam quia Gal. 2. de humor. comm. 21. verbum

V. Fuch. annot. in com. Gal. 29. 2. lib. A- phor. *movere* interpretatur evacuare per sudores, urinas, & similia, non verò per purgantia diminuere. Et *comm.* 29. 2. *Aphor.* venæ sectionem expo-

suit, & nonnumquàm solùm, purgationem. Accedit, non benè inter se convenire sententias hoc, & Aphorismo 29. 2. prolatas, si *movere* pro diminuere, seu leviter purgare intelligatur: quod enim hic in morborum principiis penitus inhibetur, ibi suadetur, & commendatur.

At quoniam ferè communiter in praxi existimant, Hippocratem damnassem solùm purgantia medicamenta inter morborum initia, quæ suo tempore vehementiora erant, ut Colocynthis, Scammonium, Helleborus, quibus re ipsa uti non licet, nisi postquam concocti fuerint humores; neutiquam verò leviora, Casiam, Rosam, Manna, Rhabarbarum, si fortè illa novisset: operæ pretium propterea existimavi breviter hic etiam examinare, an tutò liceat crudos humores ejusmodi medicamentorum purgantium generibus aggredi, & evacuare, eosque speciatim, qui cum sanguine commisti indebitam fermentationem excitant, ac per eam coctioni, secretionique subiiciuntur, ut plerumque in febribus evenit, quippè illos, qui alicubi restagnant, & à sanguine sunt sejuncti, neque coctionem, secretionemque admittere possunt, ut Aqua in Hydropicis, acre Serum in Arthriticis, retentæ fæces in Colicis, procul dubio omni tempore educere expedit, & quocumque medicamenti genere.

Et quidem juxtà Hippocratis, & Galeni documenta non convenire dicendum. Ille enim concocta solùm medicari, seu purgare oportere hoc loco docet, cruda verò minimè: Modò hæc purgarentur usu horum catharticonum lenientium, quæ nedùm leviter solent evacuare, sed etiam non rarò hypercatharsim inducere, cùm præsertim dosi majori exhibentur; Quare si inter initia morborum prohi-



prohibentur Diuretica, Sudorifica, & alio quocumque modo moventia medicamenta, longè magis inhibita censenda erunt minuentia ista cathartica. Præterea 4. de rat. vict. in acut. 43. & 44. in principiis morborum, & materiæ morbificæ cruditate, licere dumtaxat uti clystere, & non pharmaco docet; nam si ventrem moveris, urina non maturabitur, febrisque citratum sudorem, tum judicationem in longum tempus protrahetur. Ubi Galenus subdit: non quidem pharmaco, quia impediretur concoctio; igitur de leviori cathartico id pronunciatum fateri oportet, eo quod integrè, & omninò morbosam causam non educat: Si enim de evellente, & penitus expurgante cathartico solummodò meminisset, concoctio haud per ipsum videretur posse impediri, cum subindè totus humor vitiosus ejus ope expulsum iri speraretur, ut rectè etiam notat Sanctorius hoc loco.

Galenus insuper 2. aphor. comm. 9. commendans Hippocratis documentum de præparandis corporibus ad humorum evacuationem, hæc habet: si quis extenuet, atque incidat crassos, & tenaces humores, qui in corpore sunt, & meatus aperiat, per quos isti transmittuntur, atque trahuntur (sit venia verbo) à medicamentis, quæ vim purgatoriam habent, tunc purgatio in omnibus rectè procedit: qui verò istud neglexerint, & vomitus, atque alvi subductionem procuraverint, in difficiles veniunt purgationes, non sine torminibus aliquando, & quadam vertigine, fastidio multo, & malo pulsu, imbecillitate, & difficultate. Quoniam ex eodem 2. de humorib. comm. 14. quæ sunt incocta, sunt stabilia, & infixa, ita ut maxima cum difficultate educi possint; quocirca

ob medicamenti violentiam colliquationes exoriuntur, mali pulsus, vertigines, febres, & alia graviora symptomata. Amplius 4. aph. comm. 22. docet: quo tempore à Causis morbum facientibus Natura gravatur, & adest cruditas humorum, tunc aliquid utiliter evacuari est impossibile. Ubi speciatim notanda sunt verba illa, Natura gravatur, idest à multitudine, & adest cruditas humorum, scilicet in principio, tunc aliquid evacuari, hoc est leviter, sive diminute purgari, est impossibile. Et 4. de rat. vict. in acut. 44. Sicut quies juvat coctionem, ita quælibet commotio coctionem impedit: pharmaca autem maximam faciunt agitationem; unde & coctionibus adversantur, & vires quammaximè atterunt. Et comm. 2. proorrh. 58. Alvus in quo vis morbo profluens, sine signis coctionis, nihil juvat, & si implacidiùs adhuc promoveatur, præter id, quod nihil juvat, noxam etiam affert. Si igitur non prodest, etiam si spontè profluat, cur est, quod juverit ab agitante medicamento? Denique comm. 24. hujus libri fusa oratione prosequitur, quàm cautos esse oporteat medicos in exhibendis purgantibus medicamentis, ut proindè Hippocratem rectè adjecisse animadvertat, multa cum cautione, & præmeditatione licere iisdem uti inter egritudinum initia, & quàm se circumspèctum manifestet in ejusmodi purgationibus peragendis: Neque enim, ait, periculum minimum in morbo acuto est malè uti purgante medicamento. Quare majorem oportet ex noxiorum humorum evacuatione fieri utilitatem, quàm (id quod necessariò consequitur) ex purgantibus medicamentis detrimentum. Est autem major utilitas, si absque molestia omnis in-



*festans, ac molestand humor sit evacuatus; ut verò hoc fiat, primò oportet considerare, nunquid æger idoneè se habeat ad huiusmodi purgationem; nam quicumque multa cruditate laborant, vel qui tenaces, & crassos cibos assumpserunt, sicuti etiam quibus hypochondria distenta, atque inflata sunt, aut supra modum calida, atque ignea existunt, & hoc ipso in loco aliqua est viscerum inflammatio, omnes ii haud quam sunt apti ad purgationes. Hac itaque abesse oportet, & humores, quam maximè fieri potest, esse fluxui paratos, hoc est tenues, & nullum lentorem participantes, & aperta esse foramina, per quæ debet purgatio fieri, & nullam habere obstructionem; nam & nos ista antea paramus, cum quempiam sumus purgaturi. Hactenus Galenus.*

His auctoritatibus non levia accedunt argumenta. Equidem importuna hæc, etsi blanda purgantia, in principiis morborum exhibita, tenuiores solummodò humores, eosque non vitiosos, sed utiles, & plerumque etiam alibiles educunt, corpus exagitant, coctionem interturbant, Naturam ab incepto opere secretionis distrahunt, Vires infringunt, Stomacho refragantur, febrim, & sitim augent, obstructiones, & quandoque etiam inflammationes pariunt, &, quod gravius, talem non rarò fermentis viscerum, & sanguini commotionem, inversionemque afferunt, ut dissolutionem is omninò subeat, aut, exsolutis tenuioribus particulis, per reliquas crassiores, concretioni subiiciatur, summo cum Vitæ periculo.

Sed & experimenta quoque attestantur, nulla esse medicamenta, quæ diminuunt solum, aut quæ detergant, integrèque expurgent, seli-

gantque peculiare humores; cum omnia indifferenter unumquemque educere, & parcius, & affluentius evacuare apta sint, si præsertim dosi deficient, vel excedant, & hoc, vel alio artificio fuerint præparata, aut correctæ. Constat siquidem, quæ leviora creduntur, ut Rhabarbarum, Manna, Rosa, dosi adaucta, nonnunquam hypercatharsim inducere, & cathartica vehementiora Scammonium, Helleborum, Colocynthidem Artis Chimiæ industria tam exactè castigata, levem, & blandam alvi subductionem promovere; Quin & idem medicamentum pro varia corporum constitutione modò copiosiores, modò pauciores dejectiones excitat, & nunc per superiora, nunc verò per inferiora movet; unde scitè Hippocrates *lib. de medicamentis purgantibus* admonet, *Medicamentorum purgantium res non ita se habere, quemadmodum vulgò putatur: eodem enim medicamento purgantur, & non purgantur; quandoque verò alia purgat, quàm quæ purgare solet; aliquando nimium purgat; aliquando ea, quæ debet, facit; quare fieri non potest, ut quis medicamentis confusus ea temere exhibeat.* Et *lib. de Natura Hominis: Si eidem homini idem pharmacum quater in anno exhibueris; Hyeme quidem pituitosissima, Vere autem liquidissima, Æstate biliosissima, & Autumno nigerrima evacuabit.* Quamobrem non video, unde isti habeant, quædam cathartica medicamenta sibi proprios, & peculiare humores educere, alia evellere, & radicitus extirpare, & nonnulla alia mitius purgare, ac leviter solum ventrem solvere, sive, ut ipsi dicunt, primos ductus corporis detergere, & inanire: Porro hac ratione nunquam à purgantibus fallerentur: nunquam  
fana



sana corpora ab his læderentur: nunquam hypercatharsis accideret: & tutò illorum usu cunctos morbos expellere liceret.

Sed, qui purgandi legem statim ab initio planam, certamque sibi constituerunt per cathartica dumtaxat leviora, quòd vehementiora nocua sint inter initia, cùm concoctio in humoribus nulla apparet, &, ex eodem Hippocrate, materia morbifica omninò cruda est, adeòque infixa, & impacta, nec dum ab utilibus humoribus secreta, non vident, si crudi succi hærentes, & infixi nequeunt medicamentis vehementioribus expurgari, qui fieri possit, ut debilioribus educantur? Certè vitiosos humores ne quidem attingent, sed alios ab his exagitabunt, & corrumpent, non sine Ventriculi, & Intestinorum noxa; unde postmodum nausea, fitis, pulsus concitior, æstuosior febris, cæteraque graviora mala exoriuntur. Sic pluries vidimus febrientes ab ejusmodi purgatiunculis, potissimum ex Manna, aut Casia, in maximum vitæ discrimen deductos, cùm tamen crederent nil unquam damni ex hujusmodi cathartorum generibus sibi accidere potuisse.

In summo prætereà errore, atque in maxima rerum ignoratione versantur, quicumque putant, blandè subducentium medicamentorum usum Hippocratem, & Galenum latuisse. Siquidem luculenter percipiet, qui istorum Auctorum libros evolvere non gravabitur, eos habuisse in usu Betam, Fumariam, Mercurialem, Serum Lactis, Epithymum, Aloem, idque genus alia, quorum beneficio ventrem solvere, & molli-ter humores, atque excrementa de-icere consueverunt. Hac ratione Cydis Filius usu Mercurialis purga-

tus fertur 7. *epidem.* sicut etiam ibidem Filius Nicolai, & Andreas, atq; uxor Polemarchi à Betæ succo. Et lib. de *internis affectionibus* commendatur ad subpurgationem lac Asininum coctum, Bubulum, vel Caprinum: itemque succus Betæ, & Brassicæ; necnon Serum caprinum cum melle, & sale, aut aut lac etiam Equinum decoctum. Pluries etiam sparsim is memorat, & præscribit Fumariam, Aloem, & Epithymum, & gummi Ammoniacum, quæ leniter alvum solvere observantur. Non dissimiliter Galenus leviora istiusmodi purgantia recenset, atque à catharticis vehementioribus sejungit: ut 3. *meth. cap. 7. & lib. 4. cap. 5. & 6. & lib. 7. cap. 11. & lib. 11. cap. 19. & lib. 13. cap. 20. & clariùs lib. 14. cap. 9. & alibi.*

Neque verò prætereundum videtur, quod Hippocrates 4. *de rat. vict. in acut. 64.* vel ad deplendam humorum multitudinem, vel ad juvandum Naturæ motum vergentis in alvum, ante quintum Morbi diem purgandum suadet cathartico ex Scammonio; ut vel hinc saltem discant, qui solum Manna, Casiam, Rosam, Violas adhibendas inter egritudinum initia contendunt, licere etiam Morbos aggredi Scammonio, Helleboro, Antimonio, Mercurio convenienter præparatis, & justa dosi exhibitis: cùm revera nihilum differant in educendis, aut seligendis humoribus; Et non rarò damnum, quod à Manna, aut Casia, quæ facile corrumpuntur, & ventrem inflant, inducitur, neutiquam à Scammonio ritè, rectèque correcto timere est: quinimmò Chimiæ ope eò res in conficiendis medicamentis delata videtur, ut longè tutiora, & mitiora observentur Extracta, Resinæ, Magisteria, quàm sint ista, quæ vulgò appellantur benedicta medicamenta.



Verum, ut revertamur, unde digressi sumus: adjecit Hippocrates in Aphorismo: *Neque in principiis*, ut nimirum ostenderet, non solum purgantia medicamenta exhibenda non esse in augmento, & statu morborum, in quibus ex eodem 2. *aph.* 29. melius est quietem habere, nempe ab omni medicamento abstinere; sed neque in principiis: principia autem complectuntur totum tempus cruditis ex 1. *de crisi* cap. 9. cum scilicet nullum coctionis vestigium compareret. Et quamvis cit. 2. *aph.* 29. dicatur, *inchoantibus morbis si quid videtur movendum, move*: de evacuationibus solum per ceteros corporis ductus intelligendum, si necessitas urgeat, minimè verò de purgatione per alvum ope cathartorum, quæ omnino coctionem, secretionemque in humoribus evacuandis exigunt, ut feliciter operentur.

At hanc generalem purgandi normam, excipit idem Hippocrates in turgentibus humoribus, quos statim à principio sine ulla prævia coctione evacuari oportere animadvertit. Quamobrem quinam illi sint, & qua conditione præditi, internosse necessumerit.

Galenus tum hic, tum comm. 10. 4. *aph.* & alibi, verbum *turgere* exponit, loco moveri, & vagari, aitque esse translatum ab Animalibus turgentibus ad humores; nam sicuti illa stare loco non possunt quodammodo titillata, atque impulsæ, concitataque à passione; sic & humores plerumque in motu vehementiore, atque transfluxu, ab una parte ad aliam in morbi principio hominem infestant, moventes, titillantes, & quiescere non permittentes; sed cum ipsi pariter moveantur, & transfluant, tanto motu de loco ad locum, ægrum molestant. Hinc subditur

*aph.* 4. t. 10. illicò medicari oportere, etenim tardare malum est; ne scilicet (ut commentatur ibidem Galenus) *robur Corporis dissolvatur, ne febris augeatur, & ne in aliquod principale membrum decumbant ii, qui per corpus vagantur humores.*

At quam communem, & ratam jam fecerunt Scholæ hanc Galeni expositionem, evertere videtur detecta nuper sanguinis, aliorumque humorum Circulatio, per quam satis, superque constat, eos perenni motu per sua vasa circumire, cunctaque membra Corporis pervadere. Quamobrem turgentes humores potius exponendi sunt, qui moventur quidem, sed impetuosius, quam par est, per venas, & arterias excurrunt, atque illas inæqualiter agitant, & in tumorem attollunt, simulque multitudine, & pravitate concitant, irritant, gravant viscera, per quæ transeunt; unde periculum suffocationis minantur, nisi citò evacuentur. Quam sanè sententiam clariùs videtur explicasse idem Galenus, sive ejus compiler Oribasius, lib. quos, quibus, & quando purgare conveniat, dum ait: *Concitari, & turgere humores dicuntur, cum motu vehementi agitantur, ac ab uno loco ad aliud confluentes, inter principia morbi hominem vexant, doloresque, ac titillationes afferendo, ægrum quiescere non permittunt.* Quò fit, ut ægrotantes in turgentibus humoribus percipiant dolores per viscera vagantes, cum quadam oppressione, & anxietudine. Equidem Orgasmus hic provenit ab humoribus, multitudine, & pravitate molestantibus, sed magis pertinere videtur ad Viscera, quæ lacerata propellunt, & illos veluti infensos extrudere, atque exterminare adnituntur: nisi enim à seipsis removerent, quod affatim irruit, procul dubio in-



tumorem elata imminens Vitæ periculum afferrent.

Quoniam verò ejusmodi Orgasmus, five impetens, & fluctuosus humorum motus rarò accidit, quia rarò sanguis cum adjunctis humoribus adeò multitudine turget, & gravat, ut venas, & arterias distendendo, & tumefaciendo, irruat in Viscera Corporis, propterea subdit Hippocrates, *plurimum verò non turgent*, etsi in motu perpetuò sint, ne quis inde temerè, atq; inconsideratè statim à principio sub specie turgentis humoris ad purgans pharmacum deveniat. Rarò etiam ita turgent, ut cathartico educi debeant, quippè qui non semper ad alvum vergunt. Quamobrem etsi humores turgerent in Critone, Herophonte, & Larissa calvo, non tamen fuere ab Hippocrate purgante medicamento educti; quoniam, ut colligitur ex Galeno 4. de rat. vi& comm. 64. illi solùm dejectione purgari possunt, qui ad Mesenterium, & Intestina impetum faciunt, adeòque in alvum vergunt, ut ex conjuncto murmure coniici potest. Hinc prudenter monet Sanctorius, non esse exhibendum medicamentum purgans in turgente materia, nisi ea inclinationem habeat ad intestina, quo scilicet ferri videatur, juxta doctrinam ab eodem Hippocrate traditam Aphorismo superiori, ubi duo præcipiuntur observanda, pro recto medicamentorum usu; quorum alterum spectat ad noxii humoris inclinationem, alterum ad loca convenientia. At nostris temporibus vagantes humores illicò evacuare adnituntur, saltem ad deplendam multitudinem, priusquam particularia viscera impetant, & alicubi decumbant cum vitæ discrimine. Quòd si fortassè vergere viderentur in vias urinæ, aut in articulis, aliisque externis partibus,

cùm abscefferint, immorari, procul dubio in alvum ducere, & aliorsum distrahere non liceret.

Denique animadvertendum, aliquando ægrotantes summa inquietudine, & molestia affici, absque eo quòd humores turgeant, & cum impetu vagentur: cùm nimirum præcordia æstuant, & phlogosi, aut inflammatione corripuntur; unde gravis anxietas, ingens sitis, ardens febris, pervigilium, & aliqua in parte dolor exoriuntur. In his planè purgans medicamentum mortiferum omninò est. Id ipsum sæpèpiùs hypochondriacis accidere solet, cùm in febres incidunt, quæ illis sunt præcæteris molestissimæ.

## APHORISMUS XXIII.

*Dejectiones non multitudine sunt æstimandæ, sed si talia deiciantur, qualia conveniunt, & ægri faciliè tolerant. Atque ubi usque ad animi defectionem expedit ducere, faciendum, si æger possit tolerare.*

**V**idetur hic Aphorismus, quod ad primam sui partem, plurimum convenire cum secundo, in quo dejectiones pariter commendavit Hippocrates eorum dumtaxat humorum, quos convenit evacuare, & ægri faciliè ferunt. Verùm ibi de egestionibus meminit spontè Naturæ habitis; hic verò de Arte promotis: quoniam superiori Aphorismo dixerat concocta solùm esse medicanda, & quidem ope medica, atque medicamenti purgantis adminiculo. Quamvis autem multum ex eo humoris excernatur, non tamen semper ejusmodi evacuatio, ut decet, erit; quandoquidem excretorum non quantitas, sed qualitas, & natura inspicienda est, si ea sit, quæ morbo ref-



respondeat, ut subindè conferre possit. Tacitè ergo reprehendit, ut observat Fuchsius, stultam Vulgi, & imperitorum Medicorum opinionem, qui in evacuationibus copiam dumtaxat eorum, quæ excernuntur, expendunt, parum de aliis solliciti: Sunt enim quædam medicamenta, quæ & noxios, & innoxios simul humores plerumque educunt, & aliquando etiam alibilem substantiam extenuant, & carnes eliquant. Igitur irrisione digni sunt, qui magnopere admirantur, quamobrem quis egrotet, postquam oppidò multa dejece- rit; quasi verò ita fuerit natura comparatum, ut aliud quid, nisi vitiosus humor, per cathartica educi ne- queat.

Prætereundum autem non est, quòd in græco Codice habetur Τὰ χαρμύοντα, quòd non significat dejectiones, sed quamcumque evacuationem, ut præ cæteris advertunt Fuchsius, & Cenomanus; Unde congruentius legendum foret juxta interpretationem Jani Cornarii: *Quæ prodeunt, seu excernuntur, non multitudine æstimare oportet, sed quandiù prodeant, qualia oportet, & facile æger ferat.* Quamvis specialius dejectiones, sive per alvum egestionem sub hoc nomine comprehendantur, veluti illæ, quæ frequentius eveniunt, atque vulgò plausibilius commendari solent.

Erunt igitur quæcumque evacuationes, ac cujuslibet medicamenti ope, commendabiles, si ejusmodi sint, ut per eas peccantes humores egerantur, recuperandæ salutis ergo. Et licet in vulgata latina translatione legatur: *Si italia deiiciantur, qualia conveniunt*, ut videantur qualitates solummodò humorum designari; nihilominus juxta ea, quæ in commentario Aphorismi secundi al-

lata sunt, denotantur præcipuè illorum species, conditio, & natura. Quin in græco Codice scribitur οἷα, quòd *convenienter* exponitur à Santorio, ut inde modus, locus, & tempus opportunum, cum aliis conditionibus ad bonam, salutaremque evacuationem requisitis, designentur, quemadmodum etiam adnotarunt Cardanus, & à Veiga. Hinc proindè est dicere, si italia eiiciantur, qualia conveniunt, ac si illi humores, qui morbum faciunt, egerantur, & insuper tempore opportuno, prævia coctione, per loca conferentia, atq; citra ullam Symptomatum supervenientium molestiam. Ab his etenim evacuationibus præsto erit salutaris eventus, unde Morbus desinat, & consistentibus viribus æger sufferat.

Sed quamvis, cogente necessitate, ut omninò causa morbi educatur, usque ad animi defectionem evacuationem consulere videatur Hippocrates, atque illi adhæreat Galenus; prudentius tamen utrique adversatur Averroes 2. collect. cap. 8. atque tribus argumentis evacuationem quamcumque, & præsertim Sanguinis, ad lipothymiam usque, vituperat. Medicus, inquit, Naturam rectè operantem debet imitari: at hæc rectè operans nunquam ad animi defectionem educit; quare nec Medicus eandem tentare audebit. Medici prætereà intentio in Curationibus esse solum debet, superfluum, atque inutile evacuare: modò per evacuationem ad lipothymiam usque, nedum superfluum, & inutile, sed utile, & necessarium inanitur, unde omninò nocua censenda est. Postremo Medicum oportet, ut nedum ægrorum salutem, verum etiam vitæ tuitioni prospiciat; atqui evacuatio usque ad animi defectionem non est cum vitæ custodia, quin potius illam in grave dis-

V. etiam  
9. Meth.  
cap. 4.



discrimen adducit, igitur prorsus evitanda. Hinc communiter Arabes, cum ipsorum principe Avicenna, contendunt, meliorem, tutioremque esse parcam, sed iteratam, quam semel actam, & immoderatam quamcumque evacuationem.

Sunt, qui pro Galeno dicant, ne-tiquam ab eodem commendari sanguinis detractio ad lipothymiam usque in quacumque indiscriminatim ægritudine; sed solum in febribus ardentissimis, in vehementissimis doloribus, & in maximis inflammationibus, ut idemmet Auctor memorat in *commentario huius Aphorismi*: quibus addidit Montanus febrem synocham: quamquam hæc ad arduos quoque referatur, 2. de differ. febr. cap. 2. & 2. de Crisib. cap. 6. At non ideo isti Averrois argumentis satisfaciunt. Cautius ergo se gerunt nostris temporibus, qui ad tantam evacuationem nunquam deveniunt, excusantque Hippocratem, quippe qui faciendam tantum dixit, si æger toleraverit; minimè verò illam vires sustinent, quæ facile concidunt, nostra præsertim ætate, propter Corporum, & Regionum laxitatem. Quod si idem Hippocrates *Aphorismo secundo huius* inspicere oportere dixit Regiones, Anni tempus, & Ætates in evacuationibus, sanè & hic æque horum, atque status Corporum habendam esse rationem voluisse credendum, ut luculenter edocuit 4. de ratione vict. 19.

Sed & Cardanus, nec de evacuatione per venæ sectionem quacumque de causa præscribendam, sed per alvum solum; nec insuper de vera animi defectione loquutum Hippocratem, arbitratur: Quamobrem in his omnibus Galenum reprehendit mentem Hippocratis perperam interpretatum. Quod non loquatur de missione

Sanguinis, deducit ex priori parte Aphorismi, ubi de dejectionibus primum agere est aggressus: Quare rationi consentaneum videtur de illis quoque continuasse sermonem, cum & evacuationes per alvum, immò per reliquos etiam Corporis ductus, accidant non rarò usque ad animi defectionem; unde in *Coacis prænotionibus* dixerat: *liquida alvi egestio seu sensim, seu simul, si contingat, mala est: altera enim vigilias, altera exsolutionem facit*. Quod insuper nec de syncope, aut lipothymia strictim sumpta, sed de vulgari illo animi deliquio, quod superpurgati ægri sine magno periculo incurrere solent, intelligendus sit, colligit ex adjunctis verbis: *Si æger possit ferre: Quomodo enim* (ipse subdit) *si ad virium defectum æger deducatur, ferre potuisse dici debebit?* Quod denique tres casus à Galeno recensiti de mittendo sanguine ad lipothymiam usque falsi quoque sint, probat: & primò de missione sanguinis in febribus ardentissimis, inquit: *si intelligat Galenus ardentissimam febrem, id est à flava bile factam, aberrat toto, ut ajunt, cælo: hoc enim esset scelerata manu hominem interficere. Sin autem de ea, quæ fit à sanguine, adhuc generale præceptum non est, vel ipso teste, 9. Art. Cur. ubi de duobus agris narrat, quibus secta vena, ab aliis Medicis exsoluti nunquam amplius revixerunt. In secundo casu phlegmonis, vel ipso teste, multo minus convenit sectio venæ, cum dicat tantum esse relinquendum sanguinis, & virium, ut abscessus concoqui possit. In tertio casu, in dolore Coli, vel Renum lapidis, si ad exsolutionem sanguinem mittat, feretrum iubeat afferri Medicus, & Carnificem se missum testetur. Nec excusant verba illa: adhibita distictione:*

V. Avic.  
cur. febr.  
putrid. in  
comm.  
cap. de  
phlebotomia. 9  
meth.  
cap. 10.



*Etione: Nam in dolore Coli sapè purgatio talis eadem die occidit. Sed ut ut sit, melius est, ut expositione hac Aphorismorum à Galeno facta relicta, ad illius libros de Arte curandi te conferas, hinc enim aut toties aberrat, aut si nolis hoc verbum admittere, tot præbet aberrandi causas, ut omninò latronis sit propter paucula verba, seu ab illo malè scripta, seu posterius temporum vitio corrupta, seu à nobis perperam intellecta, tot in fontium vitam in manifestum periculum vocare. Hæc de Galeni expositione Cardanus.*

Hinc concludere nobis licebit, voluisse hoc Aphorismo Hippocratem in evacuationibus arte promovendis Medicos admonere, ne illas ab humorum multitudine æstiment conducibiles, sed si talia educantur, qualia pro salute ægrotantis prodire debent, facilèque ab ægro feruntur; scilicet, ut qui morbum facit humor, excernatur, & vires ejuscemodi evacuationem facilè tolerant. Quòd si vires tam validæ non sint, ut humores multitudine quoque peccantes semel educendos non sufferant, potiùs ad illarum tolerantiam expediet sensim, & iteratò purgare, quàm ad animi defectionem ægrum deducere; nisi verò usque ad anxietatem, labefactionemque illam, quæ post ingentes evacuationes subsequi solet, Hippocratem exponamus.

#### APHORISMUS XXIV.

*In acutis morbis rarò, & in principiis, medicinis purgantibus uti convenit, & hoc cum præmeditatione faciendum.*

**Q**Uandoquidem turgens humor præcedenti Aphorismo expurgari permittitur, etsi coctio nulla

appareat, atque acutæ plerumque ægritudines ejuscemodi molesta anxietudine stipantur; de his propterea speciatim nunc admonet Hippocrates, qua ratione, quo tempore, & quibus cum cautionibus purgantia medicamenta sint exhibenda.

De chronicis autem ægritudinibus non meminit, vel quia *Aph. XXII.* illas comprehensas voluit, si fortassè ab humorum multitudine, & copia sint progenitæ; vel quia sub illarum initia peccans materia neque concocta, & secreta esse potest, neque tam facilè turgere solet; ideòque minimè ad evacuationem est prompta: Unde in illis semper (ut habet Galenus,) oportet expectare coctionem; In acutis autem solummodò inter initia convenire sapiùs videtur catharticum, ob majus, quod exindè imminet, vitæ periculum; proindè de his specialius sententiam protulit, sed adeò angustis finibus coercitam, ut non nisi rarò, & maxima cum circumspectione, ac præmeditatione illud exhibendum esse decreverit. Cæterùm adhuc in chronicis, si cum multitudine humorum, atque veluti orgasmo jungantur, ut non rarò Quartanis febribus accidit, etiam sub initia illas cathartici aggredi licebit; sin minus per inferiora, per superiora saltem, prout humor faciliùs per unam, quàm per alteram viam educi posse videbitur, juxta illius impetum, & inclinationem, aut etiam patientis promptitudinem.

Quinam autem sint morbi acuti, cunctis liquet, & alibi explicatum est. At quodnam illorum principium hic sumendum sit, quæri potest: etenim Galenus *1. de Crisibus cap. 9. & 1. Aphor. comm. 12.* Morbi principium tripliciter sumi posse testatur, vel pro primo insultu, vel pro primis tribus diebus, vel quousque cruditas in hu-



humoribus perseverat, sine ullo coctionis signo. Cum autem ratio purgandi in principiis morborum, citra coctionem, desumatur ex imminente vitæ periculo, quod ab humoribus impetentibus timetur; sanè quo citius catharticum exhibebitur, eò conducibilius erit, juxta documentum ejusdem Hippocratis 4. *Aph.* 10. Quare Galenus hic exponit, principium sumendum pro primo die, vel non ultra secundum, ne scilicet agendi occasio, quæ in his præceptis admodum esse solet, prætermittatur.

Sed quid est, quod cum præmeditatione faciendum esse dicat? Nempè quia ex medicamentis purgantibus plurimum Natura divexatur, distrahiturque ab opere coctionis, quod summopere necessarium est ad expulsionem causæ morbificæ, unde spes salutis affulget. Porro quæ magni momenti sunt, magna quoque circumspeditione egent, & non nisi maturo judicio examinanda: atqui in morbis nihil est periculosum magis, inquit Seneca, quam immatura medicina: Et ante ipsum Plato, tum solum permittebam censuit, cum summa necessitas urgeret; aliter autem nullo modo.

Quæ verò oporteat Medicum præmeditari, antequam purgans medicamentum exhibeat, licet hic non memorentur, colliguntur tamen ex aliis tum Hippocratis, tum Galeni monumentis, quæ reducuntur ad quinque capita generaliora, spectantia Ægrotum, Morbum, Medicamentum, Humorem turgentem purgandum, & Vires.

Ægrotus nec Puer, nec Senex sit: uterque enim facile ab evacuationibus concidit: ille quidem ob promptam carniū dissolutionem, hic verò ob virium languorem. Non sit insuper obnoxius Cardialgiæ, Leipothymiæ, cæterisque similibus affectioni-

bus, in quas planè ex purgantem medicamento laberetur. Excipit quoque Galenus eos, qui multa cruditate laborant; qui tenaces, ac crassos cibos assumpserunt; & quibus hypochondria distenta, atque inflata sunt, aut supra modum calida, & æstuosa; & hoc ipso in loco aliqua est viscerum inflammatio: hi siquidem haud quam purgationes ferunt. Quod etiam confirmat 1. *de humor. comm.* 2. & 12. Alibi etiam cavet his, quibus alvus adstricta nimis est, aut Venter languet, pravusque victus in usu fuit. Huc etiam pertinent utero gerentes, stomacho imbecilles, nuper à cibo repleti, lubriciorem alvum, & cruda delicientem sortiti, atrophia affecti, Insueti, Rauciloqui, Lienosi, Asthmatici, IctERICI, sicca Tussi laborantes, Stranguria vexati, atque hæmorrhagiis obnoxii, aliique similes, quos omninò purgandos vetat idem Hippocrates, ejusque interpres Galenus pluribus in locis.

Morbus non sit cum inflammatione viscerum, præsertim imi Ventris ex Gal. 13. *Meth. cap.* 11. neque cum febre copulatus, ex eodem in *comm. hujus Aph.* neque cum obstructione, aut dolore vehementi; nec in tempore æstivo, aut nimis algido.

Medicamentum Morbo, & Causæ morbificæ respondeat oportet, sitque convenienter correctum, & præparatum, gratum, ac jucundum tum Stomacho, tum Palato; itemque experimentis comprobatum, atque decenti dosi exhibitum.

Humor turgens, ut citrà molestiam educatur, in alvum vergat, atque ductus expeditos inveniat. Si namque humores aliorsum inclinent, quam ad Intestina, pharmacum anceps erit: Unde Hippocrates 4. *de rat. vict.* 64. turgentes humores purgandos consulit cum ventris murmure; sin secus,

V. 4. aph.  
1. 2. aph.  
35. de  
rat. vict.  
in acut.  
in epist.

4. aph. 5.  
Libr.

quos,  
quibus,  
& quando.

Conf. ad  
Helv.  
V. Val.  
1. ep. 5.  
34

V. 9. meth.  
17. &  
2. Aphor.  
comm. 16

in com.



inquit, impurgatos finito, ut in Pericle, Metone, Muliere morosa, Virgine Larissæa, aliisque, in quibus licet turgerent humores, quia tamen ad alvum non vergebant, medicamento purgante protrudere non est ausus: quippe Medicum oportet Naturæ motum consecrari, & adjuvare; minime verò distrahere, aut impedire. Si præterea Corpus crudis, crassisque humoribus abundet, à cathartico abstinendum, ut monet hic Galenus: *nam & nos, inquit, ista antea paramus, cum quempiam sumus purgaturi. Et quamvis cum turgent, non datur facultas ista preparandi; tamen quis fortè arripiat occasionem propinandi melicratum, in quo decoctum sit aliquid hyssopi, vel origani, vel tragorigani, vel thymi, vel pullegii sive quid huiusmodi, vim habens humores extenuandi.*

Denique viribus debilibus, purgans medicamentum inhibetur 7. *meth. cap. 4.* Sicut pariter languente aliquo viscere, præsertim imi ventris: etenim commoti à cathartico humores in debilem illam partem potius ferrentur, quàm in alvum, non sine periculo ingentis alicujus tumoris. Hæc itaque omnia præmeditari, & circumspicere oportebit, antequam pharmacum præscribatur. Sed & tempus quoque opportunum, & modus, & habitudo, ac forma Medicamenti similiter erunt consideranda, ut tutior, & jucundior, quò fieri possit, illius exhibitio succedat.

At unde est, quòd tam accurata, & diligens inquisitio præcipiatur ab Hippocrate pro usu medicamenti purgantis, in acutis ægritudinibus sub initia, etiamsi materia turgeat? Galenus in *comm.* circumspèctum fuisse Hippocratem ait, in ejusmodi purgationibus, *quoniam non minimum imminet periculum in morbo*

*acuto malè uti purgante medicamento; cum omnia id generis sint potentia calida.* Alibi etiam, dubium inquit esse eventum Medicamenti purgantis: nam alii difficulter purgari solent, alii, modica potione ebibita, copiosè evacuantur; unde comparatur lapillo in mare projecto. Alibi etiam universum Corpus turbare, agitareque ait: Et alibi naturam sapere veneni; quippè infensum, molestumque est partibus ejusdem universis; etenim sanguinem attenuat, carnes eliquat, fermenta omnia depravat, Ventriculum subvertit, & nauseam movet, Intestina proritat, tormina, & erosiones creat, sitim, & æstum affert, viscera delaxat, spiritus dissipat, motum Cordis, & arteriarum perturbat, & alia plurima incommoda excitat; ut propterea dixerit Celsus *lib. 8. cap. 10.* omnem medicinam solutivam mali succi esse, & Ventriculo inimicam; cui assentitur Serapio, rationem addens: cum enim, inquit, non aliter alvus subducatur, nisi prius ad Ventriculum, contractis humoribus, ac demum expressis; necesse est ipsum, & humorum qualitate, & motuum diversitate, non parum lædi, ac etiam temperamentum solvi; cujus etiam signa sunt fastidium subsequens, antecedens plerumque nausea, malus sapor in ore, quem tandem extrema comitatur sitis. Galenus pariter, qui omnium laxantium innocentissimum Serum esse dixit, mellis tamen, & salis societate corrigit 5. *Aph. 64.* & neque ab his, flatus, quos excitat, discutuntur. Si igitur innocentissimum medicamentum non omninò vitio caret, quid de aliis vehementioribus dicendum erit? Sanè concludere oportebit cum eodem Galeno 5. *de simplic. medic. facul.* paria esse in purgantibus detrimenta adjuventis, im-

L. quos,  
quibus,  
& quan-  
p. c. d.



V.2.de  
rat.vict.  
in acut.  
cōm. 12.

mò aliquandò majora, veluti ex adversis inflicta. Jure optimo ergo Hippocrates hìc docet, rarò medicinis purgantibus uti oportere, & nonnisi maxima cum præmeditatione: & Galenus in commentario subdit: *Quare majorem oportet ex noxiorum humorum evacuatione fieri utilitatem, quàm ( id quod necessariò consequitur ) ex purgantibus medicamentis detrimentum: habebitur autem major utilitas, si absque molestia omnis infestans, ac molestans humor sit evacuatus.*

Animadversione quoque dignum videtur, quod adnotat idem Galenus lib. quos, quibus, & quando purgare conveniat, in malum cedere purgans medicamentum, cum suum evacuandi opus ritè non exerit: & quidem vel ob peculiarem ægri naturam, vel quia tenue nimis, & exiguum fuit: Fæces etiam obduratæ, & in aliquo intestino detentæ, atque exiccatae, quæ propterea clystere priùserantemolliendæ, ac subducendæ, evacuationem prohibent, & non rarò interturbant; itemque commoti antea humores, in ductus urinarios vergentes, unde catharticum medicamentum in alvum ducere nequeat: interdum quoque, quòd id in nutrimentum abeat, vel invertatur, atque in alienam degeneret naturam; immò quandoque transeat in perniciem, & commutetur in venenum.

Ob peculiarem ægrotantium constitutionem non rarò accidit, ut assumpta medicamenta nihil evacuent fortè quia succi dissolutionibus destinati diluunt, & infringunt eorum vim, atque efficaciam; cumque medicamenta purgantia irritando plerumque subducant, si fortassè à fermentis Ventriculi, & intestinorum retundantur, atque extenuentur, votis non respondent. Hac ratione ex-

perimur cathartica, cæteroqui violentissima, quibusdam liquoribus chemicè præparatis immersa, vim omnem purgandi amittere. Pari modo Spiritus, & Olea, aliaque hujus generis magisteria, Arte Chimica è medicamentis solventibus elicta, movendæ alvo penitus sunt inefficacia: Constat autem assumpta quævis medicamenta dissolvi quidem in Ventriculo, ibique primam actionem cum fermento ejusdem inire, unde anxietas, sitis, nausea, & quandoque etiam vomitus exoritur; sed evacuationem potissimum humorum in intestinis gracilibus moliri, ex fermentatione habita cum succo Pancreatico, & Felleo, aliisque è glandulis intestinorum extillantibus. Ejusmodi autem constitutionis plerisque novi, qui certa medicamentorum purgantium genera sic innoxie assument, & citrà ullam ventris molestiam, aut evacuationem, ut penè dixeris illos aquam simplicem ebibisse.

Quoties assumptum Catharticum, dosi, aut vi exiguum est relatè ad Corpus, & habitudinem assumentis, certè nihil, vel modicè nimis operatur: quippè vincitur potius à præfatis succis Ventriculi, & Intestinorum, atque adeò præcipitatione quadam, statim ad inferiora intestina deturbatur, & cum fæcibus commiscetur, ac prorumpit in flatum, vel etiam per vias urinæ præversus abigitur.

Ab obduratis, densatisque fæcibus non rarò purgantis medicamenti actio impeditur; quin immò gravia incommoda suboriuntur, inflationis, doloris, vertiginis, & vomitus. Quamobrem rectè monet Galenus, in his emolliendam antea alvum, subducendasque fæces esse, & postea Catharticum exhibendum. Atqui ex his nonnulli Volvulo mox correpti periere; alii ab inflammatione subor-



ta, & alii à præcipiti virium casu maxima vitæ discrimina passi sunt.

Qui præterea humores in urinæ meatus sunt deducti, purgationi obicem sæpissimè ponunt, vel quòd jam excreti exuccum ferè ventrem reliquerint; vel quòd Naturam aliò intentam ostendant; vel quòd commotos à medicamento humores per easdem urinæ vias conferant. Hinc solent vicissim hæ duæ evacuationum species sibi mutuò refragari, & altera alteram, vel removet, vel diminuit.

Sed & non rarò epotum purgans medicamentum in nutrimentum abit, si præcipuè ejus sit conditionis, ut alimentariam participet substantiam, quemadmodum sunt Pruna, Casia, Manna, Uvæ passæ, Tamarindi. Compertum enim habemus, qui per æstatem Manna colligunt, principio quidem alvo turbari, deindè verò, atque in posterum nullam percipere ventris commotionem, etsi illius libras integras assumant. Alia verò genera Cathartorum in quibusdam saltem Corporibus solent inverti, & in alienam naturam transire, ex mutua commistione, actioneque, quam ineunt cum succis Intestinatorum: debet enim assumptum Catharticum ejus esse virtutis, & efficaciam, ut per actionem, fermentationemque initam cum succis Ventriculi, & Intestinatorum, prævalentius consistat, quinimò ceu in sui naturam commutatos succos felleum, & pancreaticum, acrius, & præcellentius adoriatur, ac laceffat partes intestinatorum sensibiliores, quæ subindè irritatæ, quadam veluti corrugatione, contractioneq; utrosque protrudant, & reliquos omnes in iisdem ductibus stagnantes sine ullo discrimine depellant. At verò si inertes succi isti sint, ut fermentationem nequeant ingentem excitare, aut contra præpotentes admodum

vincant, præcipitent, debellent particulas Cathartorum acriores, & mobiliore in super retundant, aut figant, aliterve prævertant, nulla, vel levis inde purgatio suborietur. Fieri etiam potest, ut ex vi, impetu, atque energia tum assumpti Cathartici, tum dissolventium succorum, utriq; infracti consistant, in præcipitationem adacti, sicuti in quibusdam artificialibus liquoribus experimur. Acidum quoque, quod in succis prædictis sæpè sæpius exorbitat, in causa est, ut nonnunquam solutivæ Medicinæ inefficaces evadant: ab illo enim statim demittuntur acriores, mobilioreque partes, unde inertes, & effætæ istæ subsistunt. Qua ratione crediderim difficillimè purgari, etiam à vehementissimis catharticiis, Hypochondriacos, & Scorbuticos, quibus acidum, & multum, & præcellens inest, & sæpè etiam à naturali constitutione devium; ideòque sicuti innumera illis accidunt symptomata propemodum admiranda, ita in usu medicamentorum purgantium rara admodum obtingunt.

Denique venenum aliquando evadit, & transit in perniciem; cum nimirum ex malo succorum apparatu evertitur, & corrumpitur in Ventriculo, tametsi sua natura lene illud sit, & innocuum: quemadmodum enim cibi, ex mala Corporis habitudine, quandoque vertuntur in exitiosos humores, planè longè pejus degenerare solent cathartica in deleteriam, & mortiferam conditionem; quinimò existimavit Asclepiades, ab assumptis purgantibus medicamentis, perpetuò corrumpi humores Corporis, commutarique in eos, qui sæpissimè nedum olent excreti, sed referunt pessimam, venenatamque naturam. Hinc autem sæpenumero evenit evo-

mi

Lib. 1. de  
nat. fac.  
cap. 13.  
14.



mi nuper assumpta medicamenta, adeò immutata, & corrupta, ut præter stomachi dolorem, anxietatem, subversionem, deliquium, afferant, cum egeruntur, œsophagi ardorem, faucium, & gutturi attritum, redoleantque multigenas saporum, & colorum species. Si verò deorsum deposita in tenuibus intestinis cum fermentis eorundem malam subeant fermentationem, atque per corruptionem degenerent in extraneam, dissentaneamque naturam, tunc inverso rerum ordine, inficiunt nedum succos ipsos, & intestina divexant, verum etiam per partes saltem tenuiores, magisque volantes, circumgyrantem coinquinant sanguinem, unde damna fermè inemendabilia, veluti à venenis illata exoriuntur. At quæ ratione, operæ pretium erit hîc etiam breviter explicare.

Varia Venenorum genera commodè ad duas classes in universum revocari possunt. Aut enim partibus solidis corporis infensa sunt, illasque vel ulcerant, vel mortificant; aut liquidis, hoc est humoribus, adversantur, & potissimum sanguini vitæ fomiti. Prioris generis multa sunt, prout diversæ sunt partes, quæ speciatim ab illis lædi solent; & quidem in Hominibus, (cum & pleraque certis quibusdam solum Animalibus obesse videantur; cæteris verò vel innocua sint, vel etiam utilia: unde cicuta, quæ hominibus venenum est, cedit in alimentum Sturnis, & Asinis, sicuti Coturnicibus helleborum) stupefcit Cerebrum ab opio; coarctantur Fauces, & Guttur solano; lepore marino Pulmones. Colocynthis nocua potissimum est Intestinis, & Veratrum Nervis. Cantharides sive assumptæ, sive admotæ, Vesicam

*Tozzi Op. Med. Tomo II.*

speciatim cruciant, & mixtum Sanguinis provocant; atque id genus alia plurima sunt, quæ aliquibus partibus, iisque solidis potissimum adversantur. Ad hanc quoque classem sunt referenda Arsenicum, Sublimatum, Auripigmentum, Sandaracha, Ærugo, & Caustica quæcumque, quibus Fauces, & Ventrículum contingit ulcerari, ac inflammari, & quod pejus, gangrenam incurrere. Posterioris verò generis sunt, quæ sanguinem contagione labefactant, illumque vel dissolvunt, & in halitus extenuant, vel coagulant, & in grumos vertunt; sed utraque motui ineptum, & vitæ inutilem reddunt. Ejusmodi planè sunt morsus ab Animalibus venenatis inflati, Vipera, Scorpio, Phalangio, Stellione, Cane rabido. Plerique infusi liquores per venas, aut arterias id ipsum efficiunt, ut de Aqua Stygia, de Oleo Tartari, de Spiritu Vitrioli, cæterisque, periculum fecere Viri unde quaque celeberrimi, atque de Re Medica optimè meriti. Constat autem ab ejusmodi Venenis, vel inflatis, vel assumptis, infectum sanguinem, aut plus justo fluidiorem evadere, aut concrecere in grumos, adeoque extincto, vel resolutu spiritu, inhabilem reddi motui Cordis, & Vitæ tuendæ.

Atque hinc non omnia venena pari modo inficiunt, & enecant. Quædam enim, ut maleficam suam vim exferant, cum sanguine omninò misceri debent, & si fortassè ore sumantur, ac ventriculū petant, qualiacumque illa sint, nullum damnum inferunt. Hoc pacto venena viperarum, & scorpionum si bibantur, vel ingerantur, non interimunt; at verò inflata furore, & sanguini immista, statim exitiales



excitant affectus. Non semel etiam animalcula venenosa fortè fortuna deglutita nil mali attulerunt: de qua remulta referuntur exempla ab Auctoribus, sed præcipuè ab Ephemeridum Germanicarum Collectoribus.

At unde fit, ut à certis venenis, certæ solùm, & peculiare partes afficiantur, reliquæ non item? ut de cantharidibus præsertim, siue exterius admotis, siue intrinsecùs assumptis, experimur, quòd Vesicæ solùm officiant. Sanè aliundè congruentior ratio peti non potest, quàm à consentanea, & dissentanea actione, quam excitant cum fermentis, & poris partium, quas pervadunt. Porro Cantharides magnam ineunt fermentationem cum sero, & sale urinario, cujus causa tantum id contrahit acritudinem, ut Vesicam nedum vellicet, & compungat, sed etiam corrodat, & motum sanguinis inducat, qui deindè usu lactis sedatur. Ita pariter solanum suo succo adeò salivam crassam reddit, & tonsillas constipat, ac tumefacit, ut veluti strangulationem afferat, quæ aceto mox dissolvitur.

Non tamen hinc inficiabor, venena illa, quæ inflammationem, ulcerationemque in Ventriculo pariunt, si interiora vasa, & sanguinem pertingant, vitare quoque illum, & vel exsolvere, vel coagulare. Observatum quippè est in venenatis Cadaveribus ab Arsenico, & Sublimato, non semel venam Cavam ascendentem, & auriculam Cordis dexteram, cum adjunctis valvulis, erosas apparuisse, à circulante veneno, una cum infecto chylo, & sanguine. A Cicuta autem, Nappello, Mandragora, Hyoscyamo adeò infringuntur succi Ventriculi

dissolventes, & Intestinorum, ut etiam adjacentes partes hebetent, ac mortificent, indeque pariter præterfluentem sanguinem inficiant, & tandem congelent.

Clarè nunc ergo ex his liquere potest, cur ab aliquibus venenis febris, ardor, sitis, inquietudo; ab aliis verò frigus, languor, sopor exoriantur, atque etiam magis in uno, quàm in alio viscere: quoniam non æquè ab illis sanguis inficitur, neque parem fermenta Corporis depravationem, perturbationemque subeunt. Habitudo quoque, & textura membrorum plurimùm sanè in his valere potest: Quamobrem Cerebrum, suapte natura debilius, magis affici, & gravari ab Opio videmus, quo crassescens sanguis oneri partibus esse solet. Alibi autem à nobis est ostensum, succos Ventriculi, & Intestinorum, quamplurima, vel nullatenus, vel non bene dissolvere posse, adeòque infringi, turbari, & quandoque etiam corrumpi.

Cùm itaque cathartica medicamenta ejusmodi plerumque sint constitutionis, ut, saltem in aliquibus Corporibus, Ventriculo, & dissolventibus liquoribus obsint, ob indubitam fermentationem, commotione ingenti excitata, totius Corporis œconomiam turbant, & sanguinis motum pervertunt, unde postmodum naturam venenorum, quibus quàm proximè accedunt, induta, Vitæ exitium parant.



## APHORISMUS XXV.

*Si qualia oportet purgari, purgentur, confert, & facile ferunt; si contra, difficulter.*

**M**irum quàm anxie studeant Interpretes hunc Aphorismum præcedentibus adnectere, eumque non fuisse inutiliter repetitum; quemadmodum deduci videtur ex Galeno, qui illum existimat omninò contineri in Secundo, in quo hæc ipsa verba leguntur. At ipse crediderim, alia ex causa fuisse ab Hippocrate denuò pronunciatum, quippè qui laconica dicendi methodo summè præcellens, nonnisi premente

necessitate, plusquam semel idem repetere nunquam consuevit. Id hoc autem illum fecisse, sive quòd ibi de spontè habitis, hìc de arte promotis tantum evacuationibus; sive quòd de evacuatione in communi eo loci, in hoc autem de purgationibus, quæ fieri solent in principiis Morborum solum turgente materia; sive quòd hoc ultimo Aphorismo generaliter comprehensas omnes simul conditiones ad bonam evacuationem per quasunque vias Artis auxilio promovendam requisitas, atque adeò epilògi loco hìc tandem relatas voluerit, non diutiùs morabor, cùm non multum intersit, longiùs examinare.





# LUCAE TOZZI

In Secundum librum Aphorismorum

## HIPPOCRATIS COMMENTARIA.

### APHORISMUS I.

*In quo morbo Somnus laborem facit, mortale: Si verò iuvat, non mortale.*



Unctis liquet, Somnum, seu quietem illam, qua sensus omnes ligati, & consopiti jacent, Animantibus fuisse concessam, ut membra Corporis defatigata restaurentur, & vires per vigiliam, atque laborem effœtæ reficiantur. Sic enim provida Natura comparatum est, ut alternatim Vigiliæ Somnus succedat, & quod Somno torpidum, emortuumque ferè Corpus evaserat, Vigilia veluti revivisceret, atque vicissim hac quodammodò extenuatum, exsolutumque, opportuno Somno reficeretur. Unde Ovidius.

*Quod caret alterna requie, durabile non est.*

Verùm ubi Somnus ita se habet, ut inde Vivens magis debilitetur, atque infirmetur, tunc lethale signum censendum est: quo enim tempore id, quod suaptè Natura prodesse aptum est, officit, læditque, procul dubio pessimi signi testimonium est, ideòq; inversam naturalis œconomiae rationem, atque insuper vitæ dissolutio-

nem prænunciat. Si igitur præter id, quod nihil prodest, noceat etiam somnus ægrotanti, qui omninò restauratione eget, ut morbo obsistat, mortem non sine ratione significat.

Dicitur autem Somnus in morbis laborem facere, & nocere, ex Galeno, cùm febres exacerbant, difficilem anhelitum, & inflammationem affert, deliria, aut somnia perturbata inducit, dolores, inquietudines, & defluxiones suscitatur, quibus ægri plurimùm divexati vires amittunt. Sed & quandoque tam gravis Somnus ægrotantes invadit, ut vix ab illo expergiscantur, quamobrem exindè eos opprimi potius, quàm levare contingit; unde meritò timeatur, ne oblonga quiescendi tempora fato cedant, & in interitum delabantur.

At verò si somnus, ut par est, vires instauret, febrem deprimat, moderatum, & conferentem sudorem promoveat, dolores, & deliria sedet, atque adeò unde quaque egrotantibus conferat, melius exindè sperandum, sed non propterea certa salutis spes expectanda: Unde Hippocrates non dixit, signum esse salutare, sed non mortale; siquidem somnus suaptè natura ægritudinem lenire potest, at verò delere, nequaquam. Quare nihil mali profectò portendit, si laborem in morbis non affe-



afferat, sed potius profit, verum non idcirco salutare signum erit, cum possit æger ex alia causa perire.

Unde autem hæc mala ægris ex somno proveniant, inquisitione dignum videtur. Et sanè credere licet, juxta ea, quæ alibi à nobis explicata sunt, roridam illam substantiam, qua cerebrum in ejusmodi ægrotantibus perfunditur, suggeri à sanguine depravatam, malèque affectam, ut proinde nervorum fibræ, ubi à blanda, & consentanea suaviter irrorantur in statu naturali, ab illa graventur, obtundantur, veletiam vellicentur, & doleant in morbo: ejus enim conditionis ros ille è cerebro in nervos defluens esse debet, ut leni quadam, aptaque irrotatione demulceat, & flexiles illos faciat; quamobrem cum ab hac naturali constitutione recesserit, potius conturbat, extorquet, exasperat, adeoque animalibus operationibus obeundis ineptos eos reddit, unde postmodum dolores, lassitudines, distillationes, aliaque graviora mala exoriuntur. Porro roridus hic humor plurimum per vigiliam extenuatur, & dissolvitur, qui propterea ex somno potius reficitur, quadam veluti ex arteriis per cerebrum transcolatione ejus potissimum liquoris, qui in ipsis albicat, & à concoctiori chyli portione procedit, perenni planè suggestu. Quare si per id tempus nocuus omnino sufficiatur, procul dubio cerebro, nervis, cunctisque partibus infensus, molestusque accedet.

Quoniam verò non satis est laborem ex somno exitialem præfagire, nisi etiam solerti industria imminens exinde vitæ periculum, infaustumque exitum, quoad fieri poterit, prudens Medicus præcavere nitatur, operæ pretium duxi, ea hic in medium afferre, quæ valeant ejusmodi

infortunato omini occurrere, & sanguinem, liquoremque nervorum ab inquinamenti mortiferis repurgare. Et quidem quæ sudorem blandum, atque urinam movere valent, optima sunt, uti omnia Bezoardica appellata, sulphur auratum Antimonii, Antimonium diaphoreticum, Tinctura Zuelferiana, panacea duplicata Mynsichti, Sal volatile succini, viperarum, & Cornu Cervi, Sales volatiles plantarum ab Helmontio memorati, atque descripti à Vvolfango, peculiari libello *de Sale volatili plantarum*. Per vias urinæ verò specialius conferent spiritus urinæ volatilis, necnon Salis Ammoniaci falsus, ad aliquot guttas in aqua Juniperi; itemque balsamum Salis marini verum, idque genus alia, quæ sanguini, cæterisque humoribus corporis repurgandis non semel contulisse observata sunt.

## APHORISMUS II.

*Ubi somnus delirium sedat, bonum.*

**Q**UAMVIS somnus in morbis prodesse solitus non mortale signum dicatur Hippocrati; attamen, si delirium sedet, non modò mortem non indicare, sed omnino utilem esse hic statuitur. Est autem delirium aberratio à recta rationis semita, ut cum ægrotantes absurda, & vana loquuntur, aut imaginantur: Neque solum delirant, cum vigilant, sed etiam ubi somno detinentur, quocirca non immerito inquit Hippocrates: ubi somnus delirium sedat; nam non semper per somnum delirium sedatur, immò & dormientes aliquando obloquuntur, & delirant.

Fit autem delirium, cum sanguis per arterias Carotidas in plexus cerebri delatus, nimiaque fermentatione subactus, extillat in vaporem acrem,



acrem, & exardescentem, qui deinde per cerebri substantiam diffusus, continua, & inæquali agitatione, internam, & medullarem ipsius substantiam percellit, atque quaquaversum ejus poros pervadens, ad delirium, & vigiliam laceffit; quin & roridam substantiam, qua ipsum, & nervorum fibræ irrorantur, adeò exagitat, & perturbat, ut subindè omnes prope modum operationes animales depraventur, & vacillent.

In lib.  
epidem.

Colligit Cardanus ex Hippocrate septem deliramentorum genera, nimirum phrenitidem, insaniam, delirium, mentis motionem, stuporem, melancholiam, & furorem. Phrenitidem vocat continentem mentis alienationem; interruptam verò delirium; & mentis motionem, levem solum, ac inconspicuum ejusdem perturbationem. Furorem autem appellat, delirium cum ira, & impetu; atque insaniam, in cogitationibus, & apprehensionibus læsionem; at verò melancholiam, delirium timore, & mœrore conjunctum; Stuporem, denique cum oblivione. Sed & videtur insuper idem Hippocrates duas alias deliriorum species considerasse 6. *Aphor. 53.* quæ videlicet cum risu sunt, & quæ cum studio, inquiens: *De sapientia, quæ cum risu sunt, securiores; quæ verò cum studio, periculosiores*, eo quòd illæ leviores in sanguine mutationem, & minorem cerebri læsionem designent; hæ verò graviores, majoremque à statu naturali utriusque recessum arguant.

At ex memoratis his omnibus deliriorum speciebus advertit Heurnius, eam solum hic ab Hippocrate somno sedari posse intelligendam, quæ propriè delirium dicitur, & interrupta mentis læsio est, ut præsertim evenit in vigore febrium ardentium, à pravis halitibus, atque ex-

spirationibus ex ventriculo, mesenterio, aut præcordiis, in cerebrum sublatis; secus vero cum per idiopathiam accidit, quoniam tunc somno delirium increbrescit magis, cum causa in cerebro hæret.

Verum quamvis hæc Heurnii expositio Hippocratis menti valdè consentanea videatur, non tamen est, cur etiam somnus summoperè utilis dicendus non sit in reliquis deliriorum generibus; Etenim cum unumquodque delirium pervigilio plerumque consocietur, & vigilantibus quibuscumque somnus profit; procul dubio & hic delirantibus conferet, modò profundus sopor, & Vetus non sit. Neque indè timeri debet, humorem in cerebro collectum, ac delirii causam, magis per somnum insigi, & adhærescere: siquidem delirium à sanguine solito acriori excitatur, ut propterea acritudine vellicans, & extimulans, cerebrum, ejusque fibras percellat ad depravatas functiones obeundas; Somnus autem fit ab humida potius, mollique irrotatione per cerebri substantiam diffusa, quæ agitationem illam acrium particularem lenire, & compescere valet, atque adeò si ejusmodi somnus fiat, qualis natura fieri consuevit, indicio est, fervidos halitus, acresque evaporationes, quæ delirandi causa fuerant, jam esse edomitæ, aut etiam resolutæ. Quòd si ex somno delirium nequaquam sedetur, signum erit altiores, consistentioresque esse delirii Causas, putà mordaces humores in cerebrum delatos, quorum vim, effrænataque potestatem somnus demulcere nequeat. Atque hinc putaverim differre delirium interruptum in Paraphrenitide, à perpetuo in Phrenitide, quia vitium hoc in sanguine inductum, & cerebro per roridum ejus liquorem communicatum non



non semper intrarium est, & persistens, ut etiam quamdam in cerebro veluti phlogosim pariat; sed plerumque in febribus ab indebita, & vehementi sanguinis fermentatione promotum, qua deinde mitescendo sedatur. Quod autem inquit interruptum delirium Diaphragmatis inflammationem sequi, rationi, & experimento non cohæret: etenim pari modo stomachus, pleura, intestina, dum inflammantur, ob nervorum communionem cum cerebro, delirium inferrent, atque in Peripneumonia nulla mentis motio contingeret, cum pulmo nervis careat, quin immò nihil vetat, quin continens Diaphragmatis inflammatio continuum quoque delirium non inducat, & omnino exitiosum, cum inflammationes illius periculosissimæ sint, atque curatu difficillimæ. Sed & neque experimento constat Paraphrenitide affectos fuisse unquam dolentes, ac tumidos in illius regione; neque præterea purulentam, aut cruentam materiam excrevisse, uti Pleuriticis accidit, cum convaluerint: Atqui compertum non semel ex adverso est, ab inflammato Septo transverso nullam mentis motionem prodiisse, cum tamen Hepatide, & Peripneumonia laborantes deliri sæpissimè observati sint.

In omni igitur delirio somnus ex Hippocrate prodesse poterit, quamvis potior juvandi causa videatur in his, quæ in vigore febrium ardentium accidunt, cum scilicet præter acres evaporationes nulla phlogosis cerebrum occupat. Sed enim plurimas sanè utilitates affert somnus ægrotantibus quibuscumque, sed delirantibus potissimum, quippè placida quiete, & molli irroratione acritatem sanguinis, & roridæ cerebri substantiæ retundit, vaporesque illud, &

fibras nervorum pervadentes, lenes admodum, & blandos reddit, qui proinde nequeant percellere, & extimulare; vires quoque ex vigilia immoderata fatiscentes commodè instaurat, coctionem quamcumque adjuvat, perspirationem adeo vitæ necessariam, & sudorem sæpè etiam promovet, ut propterea nil magis exoptandum deliris, & vigilibus ægrotis, quam blando sopore affici, quo nimirum sensus omnes, nedum conquiescunt, & reficiuntur, verum etiam morbosis molestiis vacant. Jure ergo optimo Paracelsus somnum existimavit maximum in Medicina Arcanum, quod in omnibus morbis præsentaneum sit auxilium, superans omnia Arcana gemmarum, & lapillorum pretiosorum, ut propterea non solum ubi delirium sedaverit, sed etiam si alias ægri tudines cohibeat, & moderetur, bonum. Unde meritò Seneca cecinit:

— *Tu, ò Domitor*

*Somne malorum, requies animi,  
Pars humanæ melior vitæ.*

Hinc itaque edocemur, oportere in deliriis, atque vigiliis immoderatis, somnum conciliantibus remediis uti, cautè tamen, & opportunè, ne scilicet pro delirio Lethargus, & pro vigilia Carus inducatur. Quamobrem & dosis, & tempus, & modus in somniferis maximopere erit attendendus.

Et quidem feligenda erunt ea ad hunc usum medicamenta, quæ sensim, & blandè tranquillam quietem inducant, ne utiquam verò subitam, violentam, & immoderatam; atque ex his primùm externa per balneationes, & lituras, ut præ cæteris est Epithema somniferum Penoti, cujus etiam meminit Riverius; mox verò, si ista non sint satis, interna, quæ nimirum ex Opio conficiuntur, adhibeantur.

Here.  
Fur.



tur. Oportet autem, illud ritè, re-  
ctèque esse paratum; etenim nisi fue-  
rit à sulphure suo narcotico, ac stu-  
pefaciente vindicatum, non innoxie  
intrà corpus assumetur. At verò in-  
ter plurimas Opium præparationes,  
compositionesque, præstare videtur  
illa, quam descripsit idem Paracelsus  
in suo Anodyno specifico, *lib. 7. Ar-  
chidox.* Quamquàm & facilius cum  
spiritu vini paratur, corrigiturque  
hac ratione. Opium purum, & pul-  
veratum in septupla; vel octupla  
quantitate spiritus vini probè depu-  
rati, atque ab omni phlegmate sepa-  
rati, tandiù digeratur, quoadusque  
tinctura per quàm benè fuerit elicita;  
mox hæc per filtrum trajecta, atque  
deinde spiritu vini exuta, abibit in  
extractum ad formam consistentioris  
mellis, cui, si lubet, adiici poterit  
subdupla extracti croci portio, non  
tàm corrigendi gratia, quàm juvandi  
vim Opium soporiferam. Cæterum  
Margaritæ, Corallia, Hyacinthus,  
Bezoar, Unicornu, nihil planè con-  
ferunt. Commendant alii cum Gla-  
fero, & Hamelio præparationem,  
correctionemque Opium per rorem  
mense Majo collectum, & distillatum,  
illamque reliquis omnibus præferunt.  
In Ephemeridibus quoque Germani-  
cis Anni 1672. alia memoratur ex  
Joele Langelotto per succum Cydo-  
niorum, & salem Tartari. Sed & quæ  
affertur ab Angelo Sala optima est, &  
usu frequentissimo mihi probata.

Dosis Opium quamvis variet penes  
diversos Auctores, pro varia ejusdem  
præparatione, frequentius tamen vix  
unum, aut alterum granum excedit.  
Quæ verò præscribuntur Opiata ad  
grana xx. & ultra; ad quam dosim vi-  
sus est Avicenna, & Serapio illud  
commendare, Opium licèt admit-  
tant, sunt tamen ex pluribus aliis me-  
dicamentorum generibus commista,

quinimmò ex his sunt, quæ minimam  
sanè Opium partem excipiunt, quem-  
admodum Theriaca, Mitridatum;  
Philonium, Diascordium, Triphera  
magna, & similia. Verumtamen &  
in hoc plurimum valet consuetudo:  
nam apud Turcas, Persas, Ægyptios,  
etiam ad drachmas integras sumitur,  
immò his tàm familiaris est opium usus,  
ut eo abstinere diutiùs nequeant, sine  
evidenti vitæ discrimine, ut testantur  
Garcias ab Horto, & Prosper Alpinus.

In omnibus ferè ægitudinibus lau-  
datum hoc medicamentum utile esse  
consuevit, ut propterea ad catarrhos,  
ad Hæmorrhagias, ad Febres, ini-  
tiantem pleuritidem, sanguinis spu-  
tum, palpitationem, cardialgiam,  
dysenteriam, diarrhœam, ileum, re-  
num dolores, podagram, hystericas  
passiones, affectiones hypochondria-  
cas, & scorbuticas, aliasque hujus ge-  
neris ægitudines, ferè communiter,  
& cum utilitate, præscribatur. Meri-  
tò proinde à quibusdam comparatur  
Nepenthes Homérico, quo fertur,  
Helenam tristes convivas reddidisse  
hilares, omnemque luctum ex animo  
non semel abstulisse, sedato nimirum  
cordis dolore. Nec desunt qui de Re  
medica optimè meriti Scriptores in  
omni ferè Medicamentorum compo-  
sitione illud admiscere non vereantur.

Ut autem omni culpa vacet, &  
nonnisi magno cum emolumento  
perpetuò exhibeatur, vires ægrotan-  
tis erunt primum perpendendæ: ete-  
nim summè debilibus, & quibus san-  
guis nuper detractus, aut proximè  
detrahendus est, exhibere nefas; si-  
cut & infantibus, ac puerulis, quique  
facile in somnum prolabuntur, ex  
peculiari corporis constitutione.  
Præterea cachecticis, hydropicis,  
empyicis, crudis, pituitosis, stypti-  
cis, periculosa sunt Opio commista;  
vel quia crudos, crassosque succos  
magis



magis sistunt, effœtumque sanguinem figunt, & coagulant; vel quia excrementorum expulsionem impediunt, ac retardant. Cœterum præstabit semper dilutum aliquo liquore Opium exhibere, ut facilius somnum conciliet; quippè evaporationibus potissimum, cerebri poros opplentibus, soporem inferre videtur, veluti experimur ex mero, spiritu vini, croco, aliisque plurimum effumantibus, calce, musto, cerevisia, moscho, & similibus, id ipsum pariter evenire. Neque solum suas vires exerit opium, cum stomachum subierit, verum etiam ore detentum, aut aliquo liquore dissolutum, & vix lingua degustatum; quamobrem credere licet per istius porulos, & papillas facillimè nervos, & cerebrum tenui evaporatione pertingere, ac soporare; unde etiam compertum habemus extrinsecus admotum, vel manibus diutius detentum, somnum allicere consuevisse.

## APHORISMUS III.

*Somnus, atque vigilia, utrumque si modum exceſſerit, malum.*

**Q**Uoniam sanitas in moderatione sita est, ideò quæ mediocria sunt, valetudini conservandæ, atque Naturæ ipsi sunt valdè consentanea. Hanc ergo mediocritatem in vigilia quoque, & somno veluti necessariam tacitè hic Hippocrates videtur commendare, præsertim quia nedum ad salutem, sed etiam ad vitam, debent somnus, atque vigilia sibi invicem succedere, & productam utriusque continuitatem vicissim interrompere; unde exuberantes somnos, diutinasque vigilias meritò nocuas existimat; nam profectò ubi quis vel immodicè dormiat, vel nimium plus-

quàm oporteat, vigilet, contrà valetudinis præscripta operabitur: sicut enim moderato somno nil utilius, quo nimirum membra omnia instaurantur, & vires per motum, atque vigiliam fatiscentes, reficiuntur, ita nihil deterius eodem, cum extrà limites mediocritatis excurrit, atque in longius tempus, quàm par sit, protrahitur; quoniam exinde cerebrum gravatur, torpent membra, sanguis hebescit, & cor quodammodò in suo motu desidet. Vigilia pariter conveniens, & opportuna, sensus omnes vivificat, sanguinem floridiorem, vividiorumque reddit, excrementorum secretionem, expulsionemque promovet; diuturnior verò vires infringit, membra delaxat, & corpus univsum extenuat. Hinc jure optimo pronuntiavit Hippocrates, utrumque si modum exceſſerit, malum: omne enim nimium Naturæ inimicum est.

Sed quamvis in determinanda somni, atque vigiliæ mensura, certam, statutamque rationem assignare difficillimum planè sit, si nihilominus ætati, consuetudini, propriæque corporis, aut regionis constitutioni prospiciatur, poterit magna ex parte de longioris, aut brevioris somni usu determinari. Pueri enim, & qui humidiores nacti sunt temperaturam, longiori indigent somno, ut & illi, qui frigidiores plagas inhabitant, & crassioribus vescuntur alimentis. Contrà verò alii, ita natura sunt comparati, ut brevior somnum exposcant, veluti senes, & habitu graciliores. Sed & quidam morbi nonnisi prolixiori somno curantur, in aliis verò quibusdam potius longior vigilia prodest, pro humorum scilicet peccantium varia conditione. Quisquis autem omnes ejusmodi circumstantias consideraverit, poterit ex pro-



probabili conjectura decernere quantum cuique somnus debeatur, ut de immoderato possit probabiliter iudicare.

At verò nūm deterius sit plus æquo soporari, quàm vigilare, curiosè quis exquiret. Et sanè si experimenta, & rationem consulamus, facilè coniciemus longè deteriore esse somnum immoderatum pervigilio; Etenim Lethargici, & Comatosi, per vetusta Medicorum observatione, infra septem dies pereunt; & apoplectici vix quartum pertingunt, immò sæpiùs uno, aut altero die moriuntur: At verò vigiles plures dies, & menses vivere visi sunt. Fernelius delirum quendam menses quatuordecim infomnes duxisse memorat: & Heurnius de Nizolio sibi relatum narrat, quòd per decennium somno caruerit. Seneca etiam Meccenatem refert integro triennio ex somno permansisse, atque vix tandem placida, lenique harmonia per symphoniarum cantum redormiisse, quod testatur quoque Plinius *lib. 7. cap. 51*. Porro somnus morti comparatur, vigilia vitæ, quippè per somnum hebetantur sensus, & motus cordis, ac sanguinis cunctatur; per vigiliam verò illi accuuntur, hic incitatur, & viget.

#### A P H O R I S M U S I V.

*Non satietas, non fames, neque aliud quidquam, quod modum Naturæ excesserit, bonum.*

**N**on solùm somnus, atque vigilia immoderata, sed etiam satietas, & fames, aut aliud quidpiam, si Naturæ modum excesserit, nocua sunt: Nam profectò, quod ad valetudinem conservandam, vitamque prorogandam conferre videtur, id quidem in mediocritate versatur.

Quemadmodum autem in structura, & constitutione corporis, omnia membra, partesque, certam exigunt mensuram, atque extensionem, quam si excefferint, vitiosa fiunt, ita pariter quæcumque nutritioni, atque conservationi eorundem usui esse possunt, certum modum, & æquabilem quandam mensuram, quæ ipsis congruat, exposcunt. Et quidem à satietate, seu ciborum plenitudine, gravatur ventriculus, diaphragmatis motus impeditur, adeoque respiratio offenditur, viscera circumjacentia comprimuntur, & succi dissolventes infringuntur; unde mala digestio, & cruditas exoritur, atque subindè innumera propemodum detrimenta. A fame verò, seu nimia à cibis abstinence, præter morbum illud, quem Bulimon Græci vocant, macies, languor, stomachi morsus, leipothymia, & similes ægritudines proficiuntur.

Quoniam autem videtur hinc Hippocrates famem considerasse naturalem, præter rem haud erit, quo pacto illa in animantibus excitetur, quàm brevissimè explicare. Creditum est Galeno, famem oriri in orificio superiori ventriculi à pravia suctione universalis partium corporis, trahentium à venis sanguinem, atque harum à Jecore, hujus autem per venas mesaraicas ab intestinis tenuibus, & à ventriculo, ejusque stomacho, qui cum non habeat, unde ulterius fugat, in seipso coarctatus sensum quaqua ratione molestum subeat, qui fames dicitur.

Verùm faciliùs se expediunt, qui famem oriri ajunt titillatione quadam inducta in tunicis ventriculi, ea potissimum in parte, quæ nervosior est, & stomachus appellatur, à succis quibusdam acido-acribus illuc confluentibus, vel è Liene, ut placuit Hel-



Helmontio, & Petro Castello, vel, ut aliis visum est, ab arteriis gastricis, & cœliacis, vel probabilius à glandulis in cavum, plicaturasque ejusdem ventriculi desinentibus, ut aliàs quoque meminimus. Etsi autem isti succi in statu salutis perpetim exinde extillant pro ciborum dissolutione, si tamen contingat ventriculum vacuum inveniri, proritatione quadam stomachum vellicant, & ad alimenta exquirenda sollicitant; quin & non rarò acritate, atque acore plurimum excedente, nec cibis ipsis infringuntur, sed eos veluti momento extenuant, & colliquant, ac mox iterum, iterumque ad nova alimenta ingurgitanda laceffunt, inexplebili sanè appetitu, quem Caninum, aut Lupinum appellant. Quare ab hac etiam fame, quam non improbabilius quis dixerit Hippocratem hic commemorasse, plurimum corpus affici contingit, cum in confinia ægritudinum per ipsam transeat. Hinc scitè Horatius ce-

Lib. 1. cinit.

Satyr. 1.

*Est modus in rebus, sunt certi denique fines,*

*Quos ultra, citràque nequit consistere rectum.*

Atque Hippocrates quoque in Epidemiis scribit: Cibus, motus, somnus, Venus, omnia mediocria: quippe sanitas ipsa in mediocritate consistit, à qua si fortassè recedatur, statim ægrotare contingit. Verumtamen minus peccare videntur illi, qui sensim modum, mediocritatemque excedere assuescunt; longè gravius verò qui, cum jam diù se à repletionem cibi, & potus, vel à Venere, exercitiisque, abstinerint, aut plus justo cauti omnem Aeris inclementiam vitaverint, quandoque tamen cibis copiosius implentur, vel nimio coitu exsolvuntur, vel laboribus delaxantur: tunc enim æquabilitas destruitur

cum ex indigentia corporis, tum etiam ratione consuetudinis. Sed & his non rarò accidit, ut si aliquandò sub dio morentur, vel tantillum à consueto declinent, statim in morbos incidant, & miserrimam planè ducant vitam.

## APHORISMUS V.

*Spontaneæ Lassitudines Morbos prænunciant.*

**A**D prognosim pertinet hic Aphorismus, cum per eum prælagire doceamur imminentes ex spontaneis lassitudinibus ægritudines. Sunt autem spontaneæ lassitudines, quæ citrà causam manifestam exercitii, ac laboris, eveniunt; nam quòd ex labore, motuque vehementiori, corpus lassescere contingat, etiam si sanitate fruatur, res est manifesta, at verò si artus, membraque corporis citrà ejusmodi patentes causas lassitudinem persentiant, ac impotentia ad motum evadant, spontè lassari dicuntur, atque ita instantem morbum præsignant: ejusmodi enim lassitudo, cum ex causis manifestis, & naturalibus non fiat, procul dubio ab occultis, & morbois exoritur.

Galenus tum in *commentario hujus Aph.* tum 4. *de Sanit. tuenda cap. 2.* tres enumerat spontaneæ lassitudinis species, à triplici molestia, sensuque corporis desumptas. Primam ulcerosam vocat, quæ nimirum cum sensu ulceris fit; Alteram, quæ cum sensu tensionis; Tertiam cum sensu inflammationis, cum scilicet partes veluti inflammatae percipiuntur, & æstu quodam interius conflagrant. Ulcerosam à cacochymia, sive à vitiosis humoribus membra laceffentibus; Secundam à plethora, seu humorum infantium, & distendentium nimia



nimia plenitudine; Phlegmonosam denique ab utraque causa, superfluitate scilicet, & vitio humorum, qui repleant simul, distendantque, & vellicent, proritentque partes, & artus corporis, oriri ait.

Quandoquidem à sanguine præter naturam vitiato spontaneæ istæ lassitudines oriuntur, qui diversimodè affectus, diversas infert partibus molestias, proindè fit, ut ægritudines portendantur. Et quidem ab illius plenitudine vasa corporis tumescunt, & inflantur, undè sensus ponderis, atque ad motum ineptitudo, imminetque mala 1. *Aphor.* 3. memorata; cum verò acritatem, falsedinem, aliamve pravam conditionem contraxerit, pruritus, febres, inflammationes, ulcera, aliasque similes ægritudines excitare potest. At verò oportet musculos potissimum, & artus, ejusmodi vitiis humorum affici, ut lassitudines habeantur, quippè per has motus speciatim offenditur, & corpus ad se regendum, & exercendum impotens evadit.

Sed nec à sanguine solum vitiato, sed à lymphâ quoque, & nervorum liquore, immò à reliquis etiam succis præter naturam affectis, possunt lassitudines oriri, quamobrem catarrhos, arthritides, hystericas affectiones, cardialgias, epilepsias, apoplexias, sæpè sæpius illæ præcedunt, & comitantur. Peculiaris etiam quarundam ægritudinum natura ea est, ut, antequam invadant, & sensibiliter affligant, veluti prodromos, lassitudines præmittant, quemadmodum de Renum dolore à calculo experientia testatur; ejuscemodi enim morbi genere laborantes multos antè dies accidit lassescere, quàm dolore afficiantur. Quarundam pariter regionum incolatus id ipsum præferre consuevit, ut citrà quamcumque aliam cau-

sam, ex sola Aeris mutatione, aut sub certo ventorum afflatu, lassitudines afferat: Ut sæpissimè nos Parthenopæi, flantibus Austris, experimur. Hinc rectè notavit Hippocrates 3. *Aphor.* 5. *Austri auditum hebetant, caligine visum offundunt, caput gravant, fluxiones movent, tarditatem, & languorem inducunt.*

Cum igitur à sanguine, cæterisque humoribus, veluti à causis internis vitiatis, lassitudines fiunt, ægritudines vel instantes, vel etiam præsentès denunciant, oportebit, iis edomitis, correctis, ac repurgatis, morbos ipsos adventantes avertere, & impedire, prout species lassitudinis designaverit. In primis autem perpetuò conferent omnia alkalia tum fixa, tum volatilia, & quæ diaphoresim, ac diuresim promovere apta sunt; unde Hippocrates 2. *prædict.* adnotavit, sanguinis mictu solvi lassitudines, si præsertim absque dolore, & febre contingat. Ita etiam, si cacochymia vigeat, & corpus excrementis abundet, adhuc cathartica convenientiora prodesse possunt; instituta interea diætâ, quæ præfatis causis, & patientis constitutioni, ac ætati, melius congruere videbitur.

#### APHORISMUS VI.

*Quicumque dolentes aliqua parte corporis omninò dolorem non sentiunt, iis Mens agrotat.*

**P**Ugnantia, atque omninò absurda videtur hîc loquutus Hippocrates, quippè qui dolentem asserat posse dolorem non sentire. Qui enim fieri potest, ut quis dolorem non sentiat, cum reverà doleat? Quamobrem Celsus, & Galenus de causa doloris potius, quàm de dolore ipso sententiam hanc interpretantur. Sed profe-



perfectò sic exponendus erat Aphorismus: *Quicumque in aliqua corporis parte doloris causam habentes, omninò dolorem non sentiunt, iis Mens agrotat*. Fortassè Heurnius id ipsum meditatus, præ reliquis Interpretibus, è græco Codice vertit: *Quicumque ex parte aliqua corporis laborant, & nullo modo eam læsionem percipiunt, iis Mens laborat*.

Neque verò pro dolore quamcumque morbosam affectionem quis hìc intelligat, ut malè pleriquè arbitrantur; sed eam solùm læsionem, quæ cum molesto sensu affectæ partis à re vehementer tactum percellente, ac divexante fit, ut clarè deducitur ex contextu ejusdem Aphorismi; ita ut sensus sit, eos, qui à re dolorem, sive molestam sensationem in tactu inferre valente, afficiuntur, si fortassè dolorem illum non percipiant, mente laborare. At verò si de quacumque læsione sermonem hunc protulisset Hippocrates, procul dubio maligna febre affecti, Hectici, & Tabidi, qui se febrile non sentiunt, mente quoque laborarent. Itaque de dolore propriè sumpto exponendus ipse est, putà cum quis inflammationem, vulnus, ulcus, vel quid simile, quod dolorem inferre aptum est, re ipsa non persentit, is planè mente læsus est.

Mirari autem subit, quàm sicco transeant pede Interpretes causam ejusmodi læsionis in mente à partis laborantis indolentia, cum hæc non semper illam ægrotantem arguat, ut in gangrænis. Verùm qui noverit sensationes omnes in cerebro fieri, ut aliàs à nobis est ostensum, facile difficultatem diluet: quippe sensationes omnes excitantur quidem in membris corporis, sed percipiuntur à mente in cerebro: hac autem distracta, ecstasi abducta, minimeque advertente, licèt partes reliquæ acriter

*Tozzi Op. Med: Tom. II.*

afficiantur, sensio nihilominus nulla fit: quæ ratione lethargici, apoplectici, phrenetici, cataleptici, ligaturas, ustiones, aliaque id genus tormenta, si adhibeantur, minimè persentiunt. Sæpe etiam evenit, ut sani licèt homines aliò intenti, & cogitabundi, adstantes nec videant, nec audiant, licet in oculos, & aures, color, & sonus appulerit. Mens igitur advertere debet in ea, quæ est perceptura; quippe, ut Epicharmus agebat: Sola Mens audit, & videt, reliqua surda, & cæca. Quamobrem cerebrum, illius sedes, bene se oportet habere, ut sensationes istæ fiant, quæ tametsi per propria organa ab externis objectis promoveantur, reverà tamen in cerebro perficiuntur. Hinc autem sagax natura nervos omnes, quibus sensationes peraguntur, in cerebri medulla colligavit, ut in id ipsum, quæ ex organis excipiuntur, rectà pertingant, atque in commune sensorium devolvantur, quod de illis judicium ferat. Hoc autem si fortassè consopiri, aliterve ægrotare contingat, motiones, percussionesque etsi vehementes, & dolorificæ, minimè percipientur, ut proinde rectè dictum sit ab Hippocrate, cerebri, & mentis læsionem indè designari.

#### APHORISMUS VII.

*Quæ longo tempore extenuata sunt corpora, lentè reficere oportet: quæ verò brevi, breviter.*

**N**On de ea agit hìc Hippocrates extenuatione, quæ viventibus, etiam sanis, ad extremum senium, atque ad interitum usque perenniter accidit, cum ex alibi dictis Animalium corpora, donec vivunt, continuò absumantur, ac propterea perenni indigeant per cibos restaura-

G

tio-



tione, ne omninò contabescant, & citius quàm deceat, extenuata emoriantur; Sed solùm, quæ à Morbis inducta est, ex quibus quandoque tanta fit brevi tempore corporis consumptio, ut indicio sit ipsam carniū substantiam colliquari, & absumi. Hæc autem corpora, inquit, si diuturna ægritudine sint extenuata, non esse illicò, & violenter, sed lentè, ac pedetentim reficienda; si verò brevi, breviter. Hinc ad eam Medicinæ partem videtur hic Aphorismus pertinere, quæ analeptice appellatur; siquidem ipso docemur, quò pacto nos gerere oporteat in reficiendis iis, qui nuper à Morbo convaluere.

Et quidem ejusmodi corporum ex Morbis extenuatio non uniusmodi est, aut æquabiliter omnibus contingit: molliora enim Puerorum corpora facillimè ex inedia, vel levi etiam ægritudine, extenuantur; difficilius verò Senum, aliorumque. In Gracilibus etiam, atque ex morbis urentioribus, major planè fit carniū consumptio; at verò longè minor in Obesibus, & succiplenis, atque ubi morbi accidunt ex crassiori humore progeneriti. Quamobrem non immeritò tradit in hoc Aphorismo Hippocrates generalem quendam Canonem reficiendi eos, qui à Morbis jam contabuerunt, aitque sensim, ac lentè reficienda esse, quotiescumque sensim, longoque temporis spatio, corpora ægrotantium consumpta sunt; affatim verò, atque brevi tempore restauranda, si illa brevi fuerint extenuata. Et sanè corpora diuturno tempore consumpta languidiora cæteris evadunt, atque fermentis viscerum exsolutis, nequeunt tam benè ingestum uberius alimentum conficere, & in nutritum commutare; quamobrem multo cibo gravantur potius, quàm reficiantur, ideòque in cruditates la-

buntur, & non rarò etiam in obstruções, cachexias, tumores. Oportet itaque sensim illa nutrire, & parùm, ac sæpè potius alere, quàm plurimò cibo statim gravare: hac enim ratione ventriculus melius conficit, & reliqua viscera conferentiùs admittunt, repurgantque confecta alimenta, sine molestia, aut periculosa partium inutilium retentione. Sed & solidæ partes, ac membra corporis jam diu à morbo conflictata veluti exaruerunt, alvusque præ morbi diuturnitate redditur ignava, & negligentius in ea, quæ nutritioni inserviunt, incumbit, conniventque valvulæ, ac ostiola meatuum corporis, atque extabefactæ glandulæ suo quoque defunt officio: unde expedit illa sensim in consueta munera revocare, per lentam, productamque refectiōnem. At verò in his, in quibus celerior facta est extenuatio, quoniam robur viscerum non tam graviter labefactatum est, uberius reficere licebit statim à principio, postquàm convaluerint. Atqui semper facilius erit absumptos humores, & sanguinem ipsum restaurare, quàm membra, & solidas corporis partes, quæ ex diuturniori morbo omninò exarefacta, longè difficilius reficiuntur, segniusque consumptam substantiam recuperant.

Neque solùm ex longa ægritudine tabefacta corpora sensim, lentèque reficienda sunt, sed iis præsertim alimentorum generibus, quæ alendo humefaciant, & exsuccas partes irrorent, illarumque poros promptius subeant, & repleant. Idcirco inductus est ulus jurium, præsertim ex viperarum carnibus, quàm maximè utilis ad reficienda convalescentium, & tabidorum corpora.

Hinc patet, quàm malè plerique Medicorum agunt, qui, famem ut



expleant convalescentium, illos permittunt multo cibo gravari, putantes, oportere plurimum eos ali, ut vires amissas, & carnes absumptas resumant; cum tamen eo hebetentur magis, atque in ægritudines recidant; etenim propterea quod langueant, moderato cibo, atque paulatim nutriendi sunt.

## A P H O R I S M U S VIII.

*Si à morbo cibum assumens quis non corroboratur, pluri alimento corpus uti significatur: quod si non assumenti cibum hoc accadat, scire oportet, quod indiget evacuatione.*

**D**E convalescentibus quoque verba hic facit Hippocrates, illosque considerat, num ab assumptis alimentis reficiantur, atque inquit, cibos appetentes simul, & esitantes, postquam morbo evaserint, nisi pariratione restaurentur, & robur resumant, plurimo sanè cibo, quem conficere nequeunt, repleti, adeoque opprimi potius, quam nutriri. Siquidem assumptum alimentum minimè in succum alibilem commutatur, sed majori ex parte degenerat in excrementum, veluti non rectè à concoquente vi, ex præcedenti morbo, labefactata, confectum, & elaboratum. Quamobrem oportebit parcior cibum assumere, quantum scilicet vis concoctrix viscerum conficere, & congruenter transmutare queat.

At verò si à morbo quis convaluisse videatur, nec tamen largiori cibo indulgeat, quo fortassè gravatus, minimè nutriatur, & confirmetur; si numerit, malis humoribus, atque excrementis esse refertum, unde partes congruo alimento refici nequeant proindeque repurgatione, & illorum

evacuatione indigere, ut deinceps melius possit ventriculus apperere, & ingestos cibos exactius conficere: quippè in corporibus impuris assumptum alimentum in succum inutilem solet degenerare.

An autem ejusmodi malorum succorum evacuatio per vomitum potius, an per dejectionem facienda sit, internoscere oportebit ab eorundem humorum inclinatione, & loco, constitutione, & consuetudine ægrotantis; itemque anni tempore, aliisque ab eodem Hippocrate notatis lib. 4. præsertim *Aphorismorum* 4. 6. 7. 8. & 9. etenim Graciles, & facile vomentes, æstate, per superiora; hyeme verò, & vomentes difficulter, ac carnosì, per inferiora opportunius purgantur. Sic pariter eò ducere conveniet, quò maximè Natura vergit, & per loca conferentia, ut dicitur 1. *aphorism.* 21. Quæ sanè in convalescentibus potissimum, præcedenti morbo non leviter conflictatis, observanda sunt.

## A P H O R I S M U S IX.

*Corpora cum quispiam purgare voluerit, oportet fluida facere.*

**P**Rævertunt hic nonnulli consuetum Aphorismorum ordinem, atque huic sequentem decimum præponunt, quem veluti rationem præ-narrati octavi faciunt, ut propterea adiiciendum dicant, hac de causa convalescentes nihilum à cibo proficientes purgandos voluisse Hippocratem, etsi viribus deficere videantur, quia nimirum impura corpora quò magis nutries, eò magis lædes. In quam sententiam videtur etiam Galenus inclinare in *comm. Aphorismi octavi*. Ut ut autem se habeat illorum connexio, quam tam anxie non

V. Fuchf.  
& Heurn.



est, ut perquiramus, illud certum videri solum debet, notari in hoc Aphorismo ab Hippocrate purgandorum corporum dispositionem, ut prospera subindè succedat evacuatio adhuc etiam in convalescentibus, si fortassè contingat illos purgari oportere, cum ab alimentis, licèt moderatis, non reficiuntur.

Videtur autem generaliter pronuntiatum, corpora esse præparanda, priusquàm pharmacum assumant; & quidem sive illa nuper à morbis convaluerint, sive etiam re ipsa ægrotent, modò cacochema sint. Sed tamen quomodò disponi debeant, non est expressum. Verùm crediderim, & vias, per quas evacuatio promovenda est, debitis, opportunisque remediis esse referendas, ac leniendas; & vitiosos humores reddendos esse ad exitum paratos, ut facilior, promptior, & tolerabilior contingat evacuatio. Hinc Hippocrates 4. *Aphor.* 13. præhumeftanda esse corpora eorum consulit, qui helleborum sunt assumpturi, ne pharmacum magna vi, atque inani conatu, parùm, aut nihil educat: Quem commendabilem plane morem plerique sequuti, antequàm dejectorium medicamentum exhibeant, alvum solent injectis clysteribus iteratò lenire, ut nimirum pateant ductus ad humorum illuviem expurgandam: in vomitoriis autem, ventriculum curant jusculis madefacere, atque in nauseam deducere, ne humoribus vacuus inutiliter concitetur; vel, iisdem tenaciter hærentibus, plus æquo ad evacuationem, non sine gravi noxa, exagitetur: quapropter illum, & finitimas partes, præstat humoribus scatere, ut facilior, & felicior vomitio subsequatur. Succique, & humores ipsi evacuandi faciles, & parati ad exitum esse debent; quamobrem crassos,

tenacesque attenuare, & incidere, itemque inutiles ab utilibus separare, atque in propria emissaria deducere expediet, ut aliàs cum Galeno hoc ex loco meminimus: hac enim ratione fluere ii facilè poterunt, atque adeò, vi purgantis medicamenti, nullo pene negotio educi. Id autem præstare, quæ vulgò exhiberi solent, ex melle, & saccharo parata medicamenta, julapia, syrupos, potionelque conditas, credat, qui velit. Mihi verò persuadeo opportuna potius, convenientique diætâ posse id ipsum efficacius haberi; quippè compertum est, ea sola digeri, attenuari, & absumi quascumque corporis impuritates; quamquàm non omnibus indiscriminatum pari modo præscribenda, sed pro varietate corporum, Ætatum, regionum, aliarumque circumstantiarum varianda sit. Verumtamen si unquam medicamentis præparantibus utendum, satis erit adhibere Tartarum Vitriolatum, Cremorem ejusdem descriptione Quercetani, Electuarium ex Absynthio, Menta, vel baccis Juniperi, in humoribus crassioribus; in tenuioribus verò pulverem oculorum Cancrorum, Sal Cardui benedicti, vel Centaurii minoris, Nitrum fixum, Salein prunellæ, idque genus alia, soluta in aliquo liquore, ut melius vitiosos humores diluant, & citius ductus corporis pervadant.

Neque verò omnes quoscumque educendos humores regula hîc ab Hippocrate tradita excipit, sed eos dumtaxat, qui præter naturam cum sanguine sunt commisti, atque inducias præbent, ut prævia coctione, secretionequè tutius repurgentur, atque educantur, ut potissimum in febribus accidit. Qui enim turgent, aut alicubi hærentes urgent, nec moram patiuntur, quo citius fieri potest, ante-



antequam majora damna, & lethum afferant, exturbandi, & educendi; quemadmodum in Apoplexia, Hydrope, doloribus Articulorum, affectione Colica, aliisque, communis praxis observat.

## APHORISMUS X.

*Non pura corpora quanto plus nutries, tanto magis lades.*

**S**Ive Aphorismus hic referatur ad præcedentem, sive ad superiorem octavum, non est, ut tam solliciti simus examinare, quemadmodum anxie admodum nonnulli allaborant, ordinem in hisce sententiis perquirentes, cum unicuique perspectum esse putemus, doctrinam hic ab Hippocrate traditam, semper, & ubique consideratam, veram esse. Corpora equidem non pura pravis omnino scatent humoribus, quibus cum sanguis, tum fermenta viscerum perpetim inquinantur, eaque præsertim, quæ coctionibus, secretionibusque sunt dicata: Quamobrem alimentum, quod primò incipit in ventriculi digestionem à naturali conditione desciscere, mox etiam in reliquis visceribus magis, magisque depravatur, ac deinde arterias, venasque ingressus, nec nutrire, nec vitam sustinere valet; unde Cachexiæ, Marcores, Febresque mali moris exoriuntur. Impura ergo corpora quo plus cibis implentur, eo copiosioribus succis inutilibus infarciuntur, ut præinde iisdem gravata lædantur potius, quam nutriantur. Quare præstabit ab inquinamenti primùm ejusmodi corpora repurgare, deinde alere.

Hinc autem manifestè colligitur, non solum corpora convalescentium, & impura, paulatim esse reficienda, sed etiam iis ciborum generibus nu-

*Tozzi Op. Med: Tom. II.*

trienda, quæ succorum in stomacho, aliisque visceribus redundantium pravitatem valeant emendare. Et quamvis Hippocrates referat *primo epidem.* eos solum ex pestilenti quadam constitutione servatos, qui se liberaliter invitarent, ut propterea aliquandò saltem conferre videatur impura licet corpora lautius nutrire, & cibis implere; si tamen lues ejus tempestatis exactius perpendatur, palàm fiet, id. speciatim ægrotantibus tunc accidisse, quòd omni prorsus appetitu destituerentur: quamobrem ii dumtaxat evadebant, qui sibi vim veluti inferentes cibum assumerent, quo nimirum pestiferæ illius luis conditio, & malitia retunderetur, viresque quodammodò servatæ violentiam morbi evaderent, nè omnino extrema inedia fatiscentes corruerent. Cæterum res aliter in aliis tractanda est.

## APHORISMUS XI.

*Facilius est impleri potu, quam cibis.*

**E**Tiam de iis, qui à morbo convalescunt, sermonem hic habet Hippocrates, atque refectiois modum referens, quo illi in pristinum statum tutius redire possint, docet, præstare eos impleri, seu refici potu, quam cibis.

At pro potu, non eam intelligit cujuscumque liquoris sorbitionem, qua potissimum ad sitim extinguendam utimur, sed, cum agat de reficiendis convalescentibus, voluisse indicare videtur alimentum in potioris formam dissolutum, cibum scilicet potabilem, qui facile exsolvatur, & citò in cor, cæterasque corporis partes per arterias traiciatur. Quod sanè liquere potest ex his, quæ ab eodem scripta sunt in libro *de alimento*;

G 3 inquit



inquit enim, *quotiescumque opus est certissima, & promptissima refectio-  
ne, tunc humidum alimentum, ad  
instaurandas vires, valdè est con-  
ducibile: quemadmodum ubi adhuc  
celerius est reficiendum, opus est odo-  
ratu.* A cibis autem, seu solidis ali-  
mentis, gravius planè se habet cor-  
pus, quod nuper convaluit; quippè à  
morbo languidum remanet, illiusque  
operationes universæ hebetes, & im-  
becillæ, unde solida alimenta, nec  
tàm benè, nec tàm citò confici que-  
unt, ut in substantiam aliti commu-  
tentur; quamobrem tutius, cautiuf-  
que labiles, & facilis digestionis cibi,  
quàm duri, & solidi exhibebuntur,  
quales potissimum liquores carniū,  
& jura, ptisanæque cremores ritè  
concinnati.

Quamvis autem, attenta faciliori  
ciborum digestionem, ac distributio-  
ne, in rationabilem sensum Hippo-  
cratis sententia revocetur, non ta-  
men quis hinc generatim existimet,  
liquidum, ac potabile alimentum so-  
lido semper esse præferendum: etc-  
nim quæ dentibus conficiuntur, ne-  
dum citius exsolvi solent, & in perfe-  
ctum chylum commutari, sed etiam  
in accommodatius alimentum verti.  
Valdè siquidem conducit ad ciborum  
in ventriculo dissolutionem saliva,  
quæ sale quodam abundat fermenta-  
tioni promovendæ per opportuno,  
quo videlicet, & panificium ferment-  
um quis posset excitare, ac fortè for-  
tuna amissum restituere. Constat au-  
tem aliundè ocyus salita, quàm in-  
sulsa fermentescere, & exsolvi, atque  
ciborum reliquias in dentium inter-  
capedinibus remansas spontè sua per  
salivam quodammodò chylicari.

Tunc igitur satius erit potulenta  
convalescentibus commendare, cum  
sanguis acrior videtur, & corpora sa-  
livario rore carentia multa macie

confecta sunt, atque viscera imi præ-  
sertim ventris exaruerè, ut potissi-  
mum Hecticis accidit. Quibus verò  
stomachus à muccosis succis languet,  
saliva abundantior est, & acidi ructus  
frequenter accidunt, solidi potius ci-  
bi illorum malitiam temperantes  
commendabuntur.

Non desunt autem, qui Hippocra-  
tem asserant, non de quacumque re-  
fectione loquutum, præsertim verò,  
quæ cum nutritione coincidit, sed  
solum de virium, seu spirituum restau-  
ratione, quibus liquida, & potabilia  
plurimum conferunt: sic Julapium  
Vitale, Elixir vitæ, Aqua magnani-  
mitatis, Spiritus refectionis, Aqua  
vitæ exhilarans, Aqua restaurans,  
Tinctura alkermes, & similia, veluti  
momento temporis cor roborant, &  
distractas vires reficiunt, quoniam  
nulla in ventriculo mora, illicò vita-  
les partes petunt, & cum sanguine  
commista, cordi, totique corpori  
succurrunt. Et quidem nil æquè ac  
vinum, vinique spiritus, eique ana-  
loga, id citissime præstare videntur,  
cùm experiamur vix ore degustata,  
palati, & linguæ papillas, porulosque  
subire, seque in auras extenuata in-  
teriores partes pervadere, & vivi-  
ficare.

Neque verò hinc quis ambigat te-  
nuissimos ejuscemodi halitus nulla  
ratione nequire solida quoque mem-  
bra restaurare; cùm & illi queant de-  
nuò intrà corpus cum cæteris liquo-  
ribus subacti in concrecentem suc-  
cum verti, nutritioni aptissimum:  
Hoc pacto Arborea è terræ succo, in  
vaporem elato, immò & pleræque  
plantæ solo vapore aqueo augefcunt,  
& nutriuntur. Atque ex Phycis me-  
lioris notæ viri sunt, qui volunt ani-  
malium partes tenuissimo solum suc-  
co, ex chyli portionibus purioribus  
elicto, ali, atque compingi. Sic  
etiam



etiam ex durissimis corporibus tenuissimos liquores ope chymica extrahi videmus, ipsosque in duriora deinde corpora coagulari, ut propterea vicissim nullo penè negotio res quascumque & dilui, & concre-scere posse, jam satis unicuique notum sit.

## APHORISMUS XII.

*Quæ relinquuntur in morbis post iudicationem, recidivas facere consueverunt.*

**J**Udicantur plerumque morbi salubriter criticis evacuationibus per sudorem, vomitum, dejectionem, urinam, similesque egestionem, quibus eorumdem causæ omninò subactæ, & secretæ, à Natura extra corpus expelluntur. At verò aliquando licet exactè terminati, ac devicti videantur, ob reliquias tamen vitiosorum humorum alicubi relictas, post aliquod tempus redeunt, & recidivi morbi appellantur. De his ergo monet Hippocrates, nè omninò fidant Medici ejusmodi ægritudinum remissionibus, quoties Crises perfectæ non sunt, nec Causæ morborum fuerint penitus secretæ, atque extra corpus expulsæ.

Et quidem morbos omnes, quos materiales appellant, eoque perseverare, quousque Causæ illos foventes, & conservantes in corpore perduraverint, in confesso est apud omnes: Hæ autem vitium in sanguine, & visceribus inducentes fermentationem procul dubio indebitam promovent, qua portiones utiles, & salutare cum inutilibus, & nocuis commistæ commotionem non levem universo corpori inferunt, unde febris, inquietudo, vigilia, dolor, aliaque graviora symptomata exoriuntur.

Concitata modo fermentationem subsequi necesse est inutilium ab utilibus secretionem, præcipationemque, ut morbus in salutem desinat; sin secus, mors præsto erit.

Debent itaque Causæ morbificæ, & fermenta viscerum præter naturam excitata, omninò ab utilibus, & salubribus humoribus sejungi, ac tandem eliminari, ut corpus in naturalem statum redeat, idque Crisis est, seu Judicium, de quo idem Hippocrates aliàs protulit: *Quæ judicantur, & judicata sunt integrè, neque movere, neque novare oportet, sed sinere*, 1. Aphor. 20. Quòd si contingat, reliquias saltem præternaturalium fermentorum in corpore remanere, atque alicubi latitare, procul dubio morbus ex nova inconvenienti fermentatione eVectus brevi redibit.

Non tamen dixit Hippocrates, quæ relinquuntur in morbis post iudicationem, recidivas necessariò facere, sed tantummodò solere. Interdum enim reliquæ istæ sensim post iudicium dissipantur, cum observemus lentè admodum à morbo convalescentes, fortè ex istiusmodi reliquiis, paulatim appetitum, consuetum colorem, robur, & carnes recuperare, absumptis interea, atque evanescentibus his, quæ in corpore relictæ erant. Jure ergo Recidivæ timendæ sunt, cum evacuationes naturales, & consuetæ denuò supprimuntur; vires nihilum reficiuntur, stomachus adhuc languet, vel nausea tenetur, nec benè cibum conficit, etsi convenienter alatur, non tamen in melius proficit convaliturus. Si præterea Morbus sine causa evidenti, aut manifesta Crisi remittatur, haud erit de recidiva dubitandum, nam his, quæ non ex iusta causa fiunt, fidere non oportet, *hoc eod. lib. t. 27.* Adicit & aliud relabentis morbi indicium Hippocrates



crates in *Coacis prænotionibus*, si videlicet Urina in febrientibus densum, crassumque sedimentum contineat, divulsum tamen, atque distractum: etenim quod densum est, difficile dissolvitur, difficiliusque repurgatur, quocirca saltem ex parte in venis, & arteriis remanens, febrem facillimè revocabit, ni sudor ubertim profluat, aut alvi fluxus superveniat; quibus scilicet crassiores succi egeri queant.

Quæ de Revertentibus Morbis scribit Hippocrates, nos ad commutantes quoque protrahimus exemplo à Pleuritide, & Peripneumonia desumpto. Siquidem non rarò experimur depressam, ex pleuritide, aut peripneumonia subacta, febrem protinus redire, inducto nimirum empyemate; quoniam purulentus humor ex pleuritide domita relictus, Thoracis cavum occupans febrem denuò promovet, & quandoque priore pejorem. Differt autem recidivus Morbus à commutato, quoniam in hoc causa variat cum symptomatis, at in illo utraque invariata perseverant.

Cur autem morbificæ causæ post morborum judicationes relinquantur, ratio multiplex esse potest, quæ tamen ad Medici, aut Ægrotantis errores, ad naturæ imbecillitatem, vel ad fermenti morbifici repugnantiam, rationabiliter refertur. Ad Medicum quidem, si fortasse in declinatione morbi inchoatam crisin impediat, vel prævertat, putà si, comparente sudore critico, pharmacum exhibeat, cohibentia medicamenta propinet, cutim, & humores constipantia. Ad Ægrum, si diætam debitam non servet, seque frigido ambienti exponat. Ad naturam, si præ languore non valeat Crisim perficere, atque universa recrementa morbosa repurgare. Denique ad fermenti

morbifici repugnantiam, si tenax, viscosum, multum, rebelle, malignum illud sit, ut in parotidibus, cæterisque abscessibus, plerumque contingit. Verumtamen speciales quandoque temporum constitutiones recedentes morbos afferre solent, ut dicitur i. *epidem.* tanta est vis aeris in perturbanda humani corporis œconomia, nedum inspiratione, sed ambitu.

Ut his ergo incommodis, ac recurrenti Morbo solers Medicus occurrat, inchoatam, imperfectamque crisin expleat, rebelles, ac viscosos succos attenuet, ac dissolvat, obstructos meatus referet, Naturæ robur adiciat, nervosque omnes unà intendat, ut relictæ inquinamenta per conferentia emissaria educat. Atqui fieri potest, ut protrusus magna ex parte vitiosus humor criticè per vias Urinæ, vel Sudoris, residuus per alvum sit egerendus, fortè quia crassior, compactiorque, non aliter quàm cathartico medicamento exturbari queat. Sed & non rarò etiam accidit, ut reliquæ istiusmodi morborum certam quamdam fermenti vim, conditionemque nanciscantur, aptam utiles quoque liquores inquinare, quæ sensim adeò increbescere solet, ut tractu temporis potentior reddita majora detrimenta pariat. In his autem ægritudinibus etsi magna promoveatur evacuatio, nisi ejusmodi quoque fermentum educatur, nunquam ægri bene convalescent. Quò fit, ut sæpissimè modico sudore, levi vomitu, pauca dejectione, veletiam per urinam excretionem, graves cæteroqui morbi desinant, qui magnis, iteratisque evacuationibus abigi non potuerunt. Porro jam satis liquet, febrile fermentum, in febribus præsertim periodicis, extinguì à Cortice peruviano,



viano, quod valido purgante pharmaco adhuc iterato, nunquam cederet. Hos equidem contumaces morbos à latentibus hisce fermentis inductos, efficacius præ cæteris fugari experti sumus Antimonio diaphoretico, & Bezoarticis, cujusvis generis ritè præparatis, quæ nimirum efficacius pervadunt, & vi, potestateque potius corrigendi, quam evacuandi, latentes hos, & rebelles succos extenuant, & eliminant.

## APHORISMUS XIII.

*Quibuscumque Crisis fit, iis nox gravis ante accessionem; quæ verò subsequitur, magna ex parte levior existit.*

**Q**UAMVIS Morbi plerumque iteratis paulatim solvantur egestionibus, rærenter verò judicentur; non est tamen, ut aliquando saltem perfecta Crisi subito desinant, quæ propterea Medicis dicitur: *Subita in Morbo, vel ad salutem, vel ad Mortem mutatio, cum notabili materia motione.* Illam autem non aliter fieri contingit, quam concoquente, & segregante Natura à bonis mala, adeoque per fermentationem subigente, quæ ipsi adversa totius Corporis æconomiam perturbant, ut in Apostematum maturatione, atque puris concoctione, manifestè patet. At verò in hac concoctione, secretionemque, magna percipitur agitatio, pari ferme modo, ac in musto fermentescente experimur, cujus partes tenues, & mobiles à crassioribus, & sæculentis necesse est extricari, ut in perfectum Vinum commutetur. Hac ergo de causa futuram crisin accedit agitationes, molestiasque præire, quibus ægrinoctes plurimum insomnes, &

inquietas patiuntur. Hinc quod plerisque dicitur ante accessionem, verunt alii ante judicationem. Sed revera nunquam Crises accidunt, nisi in paroxysmis ægritudinum, cum nimirum Natura Causam morbosam adoritur, ac subigere conatur; unde perindè erit ante accessionem, ac ante judicationem, in accessione contingentem, molestias, inquietudinesque persentiri.

Meminit autem Hippocrates potius noctis, quam diei: quoniam nocte, etiam levia graviora percipiuntur, cum id tempus quieti destinatum sit, & mens minus distracta esse soleat; quam obrem dolores, perturbationes, & cætera symptomata per noctem experimur molestiora. Accedit, quòd noctu ex Aere densiori, & frigidiori, perspirationes in nobis quodammodò inpediuntur, ac retardantur, unde sanguis ipse, & viscera Corporis, magis infici, & divexari solent.

Quæ verò sint mala Crisim præcedere solita, refert idem Hippocrates *1. epidem. & lib. prænotionum*: & quidem, si futura sit hæmorrhagia ex naribus, præcedet vertigo, oculorum rubor, squallor, hebetudo, & illacrymatio, aurium tinnitus, pruritus narium, Capitis dolor, temporum pulsatio, venarum Colli inflatio, & phantasmata per Somnum erunt repræsentantia prælia, rixas, ignem, resque ignitas, ut de eo memorat Galenus, qui volentem ignitum draconem somniaverat. Si Vomitus, præerunt Nausea, & ciborum fastidium, dolor, & morsus stomachi, oris amarities, inferioris labii tremor, & contractio, faciei rubor, Somni turbulenti, Corporis jactatio, Cordis palpitatio. At verò si alvi fluxus; ventris onus, tormina, ac rugitus, hypochondrio-



driorum inflatio, cum deiiciendi cupiditate. Si prætereà per Urinam Crisis immineat; illa repentè turbabitur, æger sæpius micturiet, Renum, & Vesicæ dolore gravabitur, interque mingendum ardore afficietur. Si demùm per Sudorem; difficilis, & crebra respiratio, præcordiorum æstus, partiumque externarum calor, & mador præcedent, æger ad somnum inclinabit, urina parrior fiet, atque arteriarum pulsus, majori quadam expansione, fluctantis motum referet.

Hæc, & id genus alia, pro Crisium varietate accident nocte præcedente; sequenti verò, leviora planè erunt omnia, & æger ipse melius se habebit; immò, si critica evacuatio perfecta fuerit, atque Causa morbi omninò fuerit evicta, & expulsa, non solum Nox, quæ sequitur magna ex parte levior fiet, sed etiam ægrotus convalescet. Hunc autem ferendo esse oportet, nam viribus ex Crisi infractis, de vita verendum; unde dicebat Hippocrates *in Coacis prænotationibus: quandoque in optimis Crisibus ægri pereunt*: Nimirum ubi vires non sufferunt.

Atque hinc salutaris Criseos indicia patebunt, nec non cujuscumque evacuationis exitus. Quippè si subindè morbus cum adjunctis symptomatibus penitus, vel magna ex parte cesserit, & vires tulerint, profectò res succedet ex voto; sin secus, omnia ruent in interitum.

#### APHORISMUS XIV.

*In profluvii Alvi mutationes excrementorum juvant, nisi ad mala mutatio fiat.*

**E**Gestiones per alvum habitæ, quemadmodum sæpenumero sa-

lutares sunt, ita nonnunquam valdè perniciosæ. Neque solum, ut habet hoc loco Hippocrates, malæ debent existimari, cum succedentes fiunt ad mala mutationes, verum etiam cum immoderatæ sunt, & tormina, ac dolores inducunt, internamque intestinorum tunicam erodunt; siquidem præter Diarrhœam, & Dysenteriam, solent Tabem, & totius Corporis consumptionem afferre.

Distinguere consueverunt plerique Medicorum ejuscemodi per alvum evacuationes, in Stomachicas, & Jecorarias, atque illas à Ventriculo malè concoquente, & in excrementa cibos commutante oriri ajunt; has verò è Jecore intemperato ad frigidum quidem, ut in fluxu, quem Hepaticum vocant; ad calidum verò, ut in Diarrhœa, & Dysenteria.

Verum licèt aliquando in Lienteria, & Coeliaca affectione deiician- tur cibi non dum digesti, qui Ventriculi defectum arguant, haud tamen putandum, ejusdem semper vitio hujus generis dejectiones haberi. Siquidem non rarò à depravatis succis pancreatico, & felleo, importunæ, ac immodicæ evacuationes oriuntur: cum enim in eum usum succi isti à Natura sint destinati, ut transeuntem chylum per intestina gracilia diluant, atque à fæculentis portionibus repurgent, si fortassè aquei, viscosi, inertes, aut aliter præter Naturam sint affecti, vel illorum ductus obstructi, nulla, vel mala secretio fit, unde simul cum fæculentis partibus, chylosæ, & alibiles pariter egeruntur. Atque hinc est, quòd in his conferant salita, acida, acria, austera, quibus scilicet succi illi corrigantur, vigorentur, vel per proprios ductus confluant in Intestina.

De Fluxu verò Jecorario, nemo est, vel leviter in rebus Anatomicis ver-



versatus, qui nesciat omni culpa carere Jecur in ejuscemodi alvi profluviis, cum jam satis, superque constet, nec ipsum sanguificandi munere fungi, nec ex illo per venas sanguinem ad Intestina permeare, sed potius ab his in illud revehi. Atqui in Dysenteria, & Diarrhœa, si ab Hepate per venas in Intestina acres illi, & erodentes humores derivarent, procul dubio laxatis, apertisque venis, una simul cum humoribus sanguis ipse affluenter profliret. Verum hæc fusiùs à nobis discussa sunt in Praxi cap. proprio de Alvi fluxu.

Ut ut autem ista se habeant, memorat hic Hippocrates mutationes excrementorum juvare in alvi profluviis, nisi ad mala mutatio fiat: etenim cum in Lienterico, ac Celiacò fluxu egestionibus, quæ antea albæ, chylosæ, & fluentes admodum erant, coloratæ comparent, repurgatæ, & consistentes, naturalem conditionem induunt; ut etiam de acido ructu superveniente protulit idem Hippocrates. Sic pariter excrementa Diarrhœam, ac Dysenteriam comitantia, nigra, fætida, purulenta, ubi malitiam horum exuerint, atque in flavum, minusque olentem humorem commutantur, argumento sunt, Naturam in pristinum sanitatis statum redire, facileque in posterum moderari posse fluentium excrementorum malitiam, & originem. At verò quotiescumque evacuationes uniusmodi sunt, & sibi similes continenter prodeunt, Morbum, causamque Morbi persistentem, contumacemque significant.

Meliùs igitur erit in alvi profluviis excrementa sensim apparere mutata, neutiquam verò in pejorem deducta conditionem, ut cum è flavo in nigrum, è minus olente in fætidum, è

consistente in corruptum humorem abeunt; ut propterea prudenter sanè adjecerit Hippocrates, *nisi ad mala mutatio fiat*. Hac de causa exitiosæ sunt dejectiones in Dysenteriiis, quæ è pallidis in croceas, in virides, in atras; è crassis in dilutas, & putridas; è stercorariis in pingues, & strigimentosas transeunt. Mutationes etenim istæ nulla ratione prodesse possunt, utpote à naturali statu plurimum recedentes; quamobrem utiles solummodò censendæ erunt, quæ ad Naturæ consuetum redeunt, vel saltem non multum à sanitatis statu deflectunt.

## APHORISMUS XV.

*Ubi fauces agrotant, aut tubercula nascuntur in Corpore, excretionibus inspicere oportet; nam si biliosæ fuerint, Corpus unum agrotat; si verò similes sanis fiant, tutum est Corpus nutrire.*

**A**t tulit præcedenti Aphorismo Hippocrates, loco exempli, Crises per dejectionem factas, nunc eas, quæ per abscessum contingunt examinans, utitur exemplo glandularum tumefactarum, atque tuberculorum in corpore erumpentium, aitq; intumescantibus faucium glandulis, vel erumpentibus tuberculis in Corpore, an non idem nutriendum sit, excretionibus observandas esse: etenim si illæ biliosæ fuerint, indicium erit, Corpus, ejusque interna viscera una simul ægrotare; si verò sanorum egestionibus similes sint, tutum erit Corpus nutrire.

Conjecturas hic itaque recenset ab apparentibus ad recondita, quibus de nutritu, refectiōneque Convalescentium à morbis certò statuatur, si fortassè consanescant, facta vitiosi



humoris in glandulas, & cutim Corporis depositione, num inde impurum adhuc illud remaneat; idque ab excretionibus conicere fatagit, unde omninò repurgatum possit tutò pleniori cibo nutriri; sin secùs, purgare priùs expediat, mox alere, juxta regulas superius traditas.

Neque verò de Angina intelligendus est Aphorismus, ut malè pleriq; interpretantur. Etenim si de ea, quæ musculorum gutturis, & faucium inflammatio est, sermonem Hippocrates instituisse, non planè de convalescentibus ex Abscessu, sed de omninò morbofis Corporibus ageret; adeòque malè fuisset adjectum: *Si verò sanis similes, tutum est Corpus nutrire*. Igitur de Abscessibus ad glandulas faucium, & colli, itemque de tumoribus erumpentibus ad cutim omninò loquutus est. Et quidem iteratis observationibus est compertum, solere glandulas tum internas, tum subtercutaneas, quibus univ-  
V. Hipp. lib. de Glandul
sum ferè Corpus refertum est, in plerisque egritudinibus vitari, immò reliquorum omnium viscerum affectiones promptè subire, quòd vasa quæcumque tum sanguinem, & nervorum liquorem, tum lympham deducunt, in se excipiant, & moderentur, unde harum malè affectarum causa plerumque accidit ægròtare, vel ægritudinum crises per abscessus admittere. Quamobrem non immeritò Hippocrates tumefactarum adenum, & tuberculorum in habitu Corporis prodeuntium exemplo speciatim hic usus est; quippè humores quicumque per vasa Corporis excurrentes in ipsas deducuntur, ibique commiscuntur, atque ab impuritatibus repurgantur. Hinc tripliciter de causa nedum faucium glandulas, sed cunctas propemodum contingit ægròtare, indeque tubercula progi-

gni; vel scilicet vitio sanguinis, lymphæ, & liquoris nervorum minime à recrementis repurgati; vel impedita per poros cutis perspiratione; vel denique earundem glandularum vitio, quæ nimirum nec excipiant, nec deducant, nec bene permeantes succos repurgent, aut emendent. Meminit autem Hippocrates biliosarum hic solummodò excretionum, non quòd à reliquis aliis excrementorum vitiis illas affici non contingat, sed quia in acutis ægritudinibus hujus generis excrementa plerumque excitari solent; quippe quæ acriorem sanguinis constitutionem, & inflammabilem naturam consequuntur, unde febres æstuosæ, sitis, oris amarities, dolor, vigilia, & consimilia symptomata exoriuntur. Cum itaque excreta ista mala sunt, totum corpus adhuc infectum denunciant, nec sufficienter ex abscessibus fuisse repurgatum, ideòque tutò nutriri non posse, nisi fuerit omninò ab inquinamenti detersum, & evacuationes similes sanis habeantur.

Sub excretionibus autem, quas inspiciendas vult Hippocrates, non solum, quæ per alvum, sed etiam quæ per vias urinæ, aliosque ductus fiunt, comprehenduntur; undecumque enim illæ prodeant, corporis statum designant.

Notantur pariter hic tubercula speciatim extrinsecus apparentia; licet consimilibus tumoribus ferè semper interiora quoque afficiantur. Anatome quippè pluries observatum est, tumores in collo, & faucibus erumpentes occupasse primùm Mesenterium, Pancreas, aliaque viscera adenosa, ut in Variolis quosque accidit; quamobrem non mirum si, ob consensum partium per glandulas, putaverint plerique ab ipsis bene,



ne, vel malè affectis de totius habitudine iudicium ferri posse. Frustrà igitur ejusmodi tubercula tollere adnituntur, qui toti sunt in lituris, lotionibus, & emplastris adhibendis, cum tamen oporteat internis medicamentis concretos ibidem humores dissolvere, & extenuare, repurgatis quoque à sanguine, cæterisque utilibus humoribus, quæ retenta sunt, excrementis. In hunc sane usum valdè conferunt (præ cæteris, adhuc purgantibus) Antimonium diaphoreticum, Sanguis hircinus, Cornu Cervi, Sperma Ceti, Nitrum fixum, extractum hyperici, pulvis Viperarum, & omnia salia volatilia, quibus scilicet, & diaphoresis, & diuresis facilè possit promoveri.

## APHORISMUS XVI.

*Ubi Fames, laborandum non est.*

**R**edit Hippocrates ad enarrandas cautiones reficiendorum Corporum, atque hoc Aphorismo docet, non esse simul, convalescentibus potissimum, injungenda inedia, & laborem, cum Natura duplicem evacuationem ferre nequeat; unde ait: *Ubi fames, laborandum non est*; vel ut vertere visum est aliis: *ubi Corpus inedia conficitur, vel confectum est, laborare non debet.*

Quamvis autem de fame solum videatur loquutus, tacite tamen (ut monet *in comment. Galen.*) cætera quoque inanientia subintellecta voluit, ut proinde hujus sententiæ summa sit, duplici simul evacuatione nunquam utendum, ne vires dissolvantur, & Natura omninò succumbat, cum aliàs ex eodem Hippocrate doceamur, magnum studium habendum esse, præsertim in ægrotantibus, fortem servare Virtutem.

Atque hinc sanè non leve argumentum sumere licet ad redarguendos eos, qui ex Hippocrate cum præcipiant victum valdè tenuem, & quandoque etiam tenuissimum, in morbis acutis, iteratas tamen phlebotomias, aliasque evacuationes præscribere non verentur, magno Virium dispendio. At verò prudenter hic Galenus admonet: *Sanis non sunt præcipienda exercitia simul, & inedia, neque etiam agris aliquis vehementior motus adhibendus, unà cum cibi abstinentia, neque sanguinem mittere oportet, neque citare vomitum, neque purgare, neque multa uti frictione, neque in universum aliquo forti motu, vel Corporis alteratione: In talibus siquidem motibus omnibus, ubi cibus defuturus sit, vires dissolvuntur, sive agrotent, sive etiam sani sint homines.* Haftenus Galenus.

Verum non quemcumque motum, laborem vocat, sed qui lassitudinem inferat: etenim solent Medici simplicem motum, ab exercitio, & labore, distinguere, ac per sudorem, & lassitudinem dimetiri; & quidem levem Corporis agitationem, motum appellant; cum sudore, & anhelitu, exercitium; laborem denique, ad lassitudinem, & defatigationem usque deductum. Hoc autem loco specialius videtur notatus Labor, quo nimirum Corpora virium dispendium patiuntur, quas plurimum licet credere inedia resolutas. Modò per laborem sanguis citatior redditur, ac tenuior, qui profectò facilimè expirat per poros Corporis, eadem occasione patentiores, unde sudores etiam affluentius emanant, universaque fere membra fatiscunt.

Quoniam verò famis mentio ab Hippocrate facta est, jure posset quis dubitare, de qua fame expo-

nen-



nendus ille sit. Et sanè cùm de Convalescentibus reficiendis agat, famem potiùs naturalem intelligere fas est, cujus nimirùm causa sollicitamur ad exquirenda alimenta. Aliàs enim meminimus, à succis quibusdam acido-acribus Ventriculi os superius proritari, cùm is vacuus est; alimenta verò ingesta dissolvi, cùm est repletus. Cùmque per laborem sanguis potenter extenuetur, & vires langueant, si fortassè è vacuo per famem Ventriculo nil possit suggeri, quod sanguinem, & vires reficere queat, profectò ex languore nimio totum Corpus grave vitæ periculum subiret. Verumtamen famem idem Auctor consuluit solùm in humidioribus temperaturis. 7. *Aphor. 59.*

Quousque autem Vita, summa cum inedia, & absque ullo cibo, ac potu, sustineri queat, jam diù quæsitum est apud Medicos. Et licèt ab Hippocrate scriptum sit *lib. de Carnibus*, seù *de Principiis*, non ante septimum diem illam esse exitialem; & Plinius *lib. 11. cap. 54.* adhuc ultra undecimum pleròque durasse referat: experimentis nihilominùs innumeris observatum ab aliis est, etiam ad menses integros, atque ad annos, incolumem fuisse productam. At quamvis id factum crediderim in quibusdam ex peculiari Corporum, & succorum constitutione, fortè etiam non sine eorumdem vitio, atque ægrimonia: in cæteris tamen universim non diutius Vitam naturaliter prorogari posse, ut sine cibo, ac potu hebdomadas transcendat, vix induci possum, ut credam, si potissimum succi ciborum dissolutionibus destinati, & Ventriculus in suis operibus bene se habeant. In multis Animalibus expertum se fatetur Clarissimus Reditus infrà quadragesimū

diem dumtaxat perduratam; verumtamen Homines, beneque valentes, ipse existimaverim, haud difficulter quartumdecimum transilire posse; quin & post octavum bulimon incurrere, quo nec ampliùs deindè famefcant, nec cibum capiant, illumque fortassè assumptum, vel per vim inditum, nec retineant, nec conficiant, ut aliquando observavi. Qui ergo referuntur ad plures menses, & annos sine ullo cibo vixisse, præter naturam planè affecti, in succis Ventriculi, & intestinorum dissolventibus, vitium aliquod passi sunt; unde ad cibos exquirendos minimè sollicitarentur. Sed & sanguis pariter ejusmodi sanè constitutionis fieri potest, ut vel minimum, vel nihil admodum extenuetur, & absumatur, æquè ac animalibus iis accidit, quæ per hyemem in latibulis degunt absque cibo. Viscerum quoque, & membrorum textura plurimum in idipsum confert, si non tam laxa, ac tenuis sit, ut celeri consumptioni subiiciatur: etenim quibus cutis densior est, nec facilè perspirationi patet, leviorè planè patiuntur corporis dissolutionem. Simile quid accidit iis, qui ingenti timore, ac vehementi mœstitia correpti, omni penè ciborum desiderio destituuntur, & inediam ad plures dies sufferunt. Qua ratione crediderim, quamobrem nonnulli sub ædificiorum ruina ad hebdomadas supervixerint: & pleræque volucres intra nives semestri spatio immobiles persistant, sed adhuc in vita perdurent. Porro in his, impedita perspiratione, sanguis non diffatur, ideòque nec novo pabulo eget, ut continenter reficiatur. Quamquam & Aer ipse sive inspiratus, sive per poros cutis, aut aliter exceptus, potest in aliquibus ita sanguinem temperare, ut sine



evidenti consumptione, is diutiùs perennet; & sicut peculiares quædam Aeris constitutiones solent quibusdam talem famem excitare, ut pluries in die cibum sumere cogantur; ita ex adverso aliæ poterunt, in certis saltem habitudinibus corporum, illam obtundere, ut queant absque cibis in longum tempus perdurare; Cujus fortè constitutionis fuit ille, quem memorat Olympiodorus ex Aristotele solo Aere, & Sole sustentatum. Hinc non omninò fabulosum putandum est, quod scribit Plinius lib. 7. cap. 2. confirmatq; Strabo lib. 15. de situ Orbis: *ad extremos fines Indiæ ab Oriente circa fontem Gangis Astomorum gentem sine ore, halitu tantum viventem, & odore, quem naribus trahunt, nullum illis cibum, nullumque potum esse* Odore etiam plurimos sibi vitam prorogasse, posteritati traditum, ut de Democrito Laertius, & de Homero, qui ejus vitam descripsit, memorant. Refert quoque Xiphilinus ex Dione, Britannos cibum parare consuevisse, qui ad unius fabæ quantitatem gustatus, & famem, & sitim penitus inhiberet. Feruntur & Indi beneficio cujusdam herbæ, *Coca* ipsis dictæ, ac ore gestatæ, famem à seipsis repellere: quod etiam à Scythis factitatum meminit Matthiolus in *Præfatione ad Dioscor.* Cæterum in aliis, qui diutiùs cibis caruisse narrantur, vel impostura locum habuit, vel virtus Divina præluxit.

## APHORISMUS XVII.

*Ubi Cibus præter naturam plus ingestus est, hic morbum facit: ostendit autem sanatio.*

**M**ediocritatem omninò servandam esse in Natura certissi-

um est apud omnes, præsertim verò in alimentorum sumptione, ut propterea superioribus Aphorismis dixerit idem Hippocrates: *Non satietas, non fames, nec quidquam aliud, quod modum Naturæ excesserit, bonum.* Nunc verò Cibi quantitatem in Convalescentibus præscribens, nocuum inquit esse cibum præter naturam ingestum, quoniam morbum facit, ut patet ex illius sanatione. Dixit autem *præter naturam*, sive ut alii legunt, *ultra Naturæ exigentiam*, ut nimirum designaret cibi ingesti quantitatem mensurandam esse à peculiari cujusvis Corporis constitutione: quæ enim quantitas uni indebita, & excedens videtur, alii erit naturalis, & consentanea; quamobrem habendus semper est respectus ad ætatem, propriam Constitutionem, exercitia, incolatum, in ciborum administratione.

Sed & *præter naturam* explicari quoque potest, prout vires gravat, & Ventriculum plus justo replet: concoquentis quippè Ventriculi vis limitata est, & succi ejusdem non omnem ciborum copiam dissolvere queunt, sicuti nec certa aquæ stygiæ quantitas illimitatam metallorum molem diluere, & erodere valet. Fortè quoque dixerit *præter naturam*, habito respectu ad eorundem qualitatem, conditionemque. Siquidem multa sunt, quæ pravitate solum nocent, & sanguinem, ac viscera coinquinant, si tamen moderate sumantur innocua fiunt: extra modum verò, omninò infensa evadunt. Quamquam consuetudo in his plurimum valet.

Quoniam verò Hippocrates inquit, ex cibo præter naturam plus ingesto Morbum fieri, non Mortem, adeoque admittere sanationem; inde pro-



profec̃tò deducere possumus, excessum dumtaxat cibi assumpti illum hic notare voluisse; sive autem excessus sit relatus ad cibum solito abundantior, ut de famina quadam idem Auctor in epidemiis testatur, quæ liberalius pasta, quo die iudicata fuerat, recidit; sive ad vim, facultatemque Ventriculi, etiam moderatam ejusdem quantitatem exactè conficere nequeuntis, cum multum, & paucum ad aliquid referantur, parum intererit. Nam & importunus, & insuetus, & imparatus, & crudus, atque nec debito ordine, nec convenienti modo sumptus cibus, nedum convalescentibus, sed etiam sanis nocuus, & periculosus esse solet. *Cibus profec̃tò*, inquit idem Hippocrates *lib. de loc. in hom. si vincit Naturam, efficit morbum*; Quare quocumque modo Naturam superet, præter naturam erit, atque adeò Morbum faciet.

Quòd denique ex cibo præter naturam plus ingesto morbus oriatur, subdit Hippocrates ostendere sanationem, nulla tamen mentione facta de morbi specie, aut de ejusdem sanatione. Fortassè voluit subintelligendas ægritudines ex cruditate, quam ferè omnes morbi consequi possunt, nisi etiam eamdem prægressam ægritudinem, & graviolem, ex indigestis, corruptisque cibis, redire existimaverit; aut etiam morbi nomine abusus, damnum, atque detrimentum indefinitè expresserit. Sanationem verò per vomitum, aut dejectionem, vel per inedia, implicitè complexus est: etenim mala ex cibis uberioribus, vel infestis orta, quam citius vomitu, aut exacta diæta corriguntur. Quòd si interiores corporis ductus subierint, & viscera, ac sanguinem infecerint, non nisi alexipharmacis curabuntur. Cæterum à

cibis abundantius ingestis, depravatis, aut corruptis, præter cruditates, proficiscuntur obstructions, tumores, alvi profluvia, Cholerae, colici dolores, febres, idque genus alia, & pejora mala. Si prætereà cacochymia sint, seu insalubres, malique succi, etiam febres pestilentes oriri consueverunt, itemque vertigines, synopes, Lethargi, Apoplexiæ, aliæque perniciosæ ægritudines, quas memorat Galenus, præsertim *libro de cibis boni, & mali succi*. Quamobrem si ex his morbi provenerint, pro illorum ratione varia, diversimodè quoque tractandi erunt.

### APHORISMUS XVIII.

*Eorum, quæ universim, & velociter nutriunt, veloces quoque fiunt excretiones.*

Sic habet vulgata lectio Leonici, ut proinde sensus istius Aphorismi sit: eorum, quæ universim, hoc est secundum totam substantiam, & velociter nutriunt, veloces quoque fieri residuorum excretiones. At aliis arridet ἀθροῦς, non universim, sed affatim, seu non sensim, exponere, adeoque Aphorismum ita interpretari, quòd ea, quæ abundantem, & celerem suggerunt nutrientem substantiam, celerem quoque patiantur excretionem.

Quòd velox nutritio velocem quoque excretionem referat, suaderi ex eo potest, quia sicut se habet digestio ad nutritionem, ita se habebit secretio, ac distributio ad evacuationem: modò si velox facta est nutritio, velox quoque designabitur absoluta digestio, ac distributio, adeoque excrementorum repurgatio, & expulsio.

At qua ratione universim, seu affatim



tim nutrientia celerem subeant evacuationem, non bene intelligi potest, cum pleraque nutrant, & abundanter, nec tamen celeriter evacuantur: sic carnes melius, & abundantius nutriunt, quam olera, cum tamen ista facilius sint, & celerioris excretionis; multa alia, ut spondyli, Locustæ, Astaci, tardius planè concoquuntur, mox verò in intestinum tenue delapsa statim ventrem movere solent, & plusquam ratio exigat, egeri. Ova insuper facilis, & citæ dicuntur coctionis, multumque nutrire, cum tamen robustum quid habeant, & inflect, ut dicitur 2. de diæta; Quin & Galenûs ipse multa alia in hunc locum congerit, quibus Hippocratis effatum non levibus videatur implexum difficultatibus.

Sed tamen ipse crediderim, voluisse hîc Hippocratem indicare, quod alia phrasi dixerat in *lib. de alimento, cibum, scilicet, qui difficulter transmutatur, agrè consumi, qui verò facile alteratur, & apponitur, absumi etiam facile*. Cum enim refectionis virium celerrimè habeatur à vino, vinique spiritu, aut à rebus con- similem naturam participantibus, profectò quemadmodum ista velociter restaurant, ita velociter quoque sua tenuitate dissolvuntur. Alimenta pariter tenuiorem substantiam nata, & labilis appositionis, celeris etiam sunt dissolutionis, adhuc per poros Cutis perspiratione. Contrà verò succum sortita crassiorem, compactioremque, sicuti difficilius in ventriculo dissolvuntur, ita tardius in succum nutritium transmutantur, acyusque partibus apponuntur, atque pari ratione seriùs absumuntur, & perspirant. Cæterum hoc Aphorismo censuit Hippocrates generale quoddam documentum tradere, quo sciamus, quibus alimentis oporteat

Tozzi Op. Med: Tom. II.

ægros, & convalescentes reficere, & quibus indiciis utiliora internoscamus. At verò à liquiditate, & molli- tie ciborum fallax iudicium sumitur facilis, & citæ refectionis, nam si vini spiritum excipias, ipsumque vinum, reliqua propemodum omnia non æque cunctis conferunt, nec pari modo se habent, cum non desint, qui melius, promptiusque restaurentur solidioribus, quam mollioribus cibariis.

### APHORISMUS XIX.

*Acutorum Morborum non omninò sunt certæ prænunciationes aut Salutis, aut Mortis.*

**I**Nter alias morborum divisiones, notissima illa est, qua alii acuti, alii Chronici dicuntur; cumque acuti ob citæ eorumdem solutionem, intrà breve tempus de ægrotantis vita decernant, cujus eventus præ- sagitio ab ignominia plerumque Medicos vindicat, ne tamen exindè multum faciles in prædicendo illi sint, idcirco accuratissimus Hippocrates, ut quorundam conjectorum impudentiam, arrogantiamque reprimat, qui etiam à prima die se jactant morborum exitum prænunciare, hîc monet, non omninò certas esse, & infal- libiles acutorum morborum vel ad salutem, vel ad mortem prædictio- nes. Hinc idem Hippocrates *lib. 2. prædict.* postquam hos derisit, sub- dit: *Consulo autem, ut quàm pru- dentiissimè agant, tum in reliqua arte, tum in huiusmodi prædictio- nibus, illius probè memores, quod si cui successerit prædictio, is apud ægro- tum intelligentiæ præditum in admi- ratione fuerit; si verò quis aberravit, suprà hoc, quòd odio habetur, fortasse etiam insanire videbitur;*

H

qua-



*quapropter jubeo, ut cum alias omnes, tum has prædictiones prudenter faciant, quamquam sanè & audiam, & videam, neque judicare rectè homines ea, quæ dicuntur, ac fiunt in arte, neque narrare.*

Quinam autem acuti morbi dicendi sint, aliàs à nobis est ostensum. Equidem simul breves, ac symptomatum magnitudine, & vehementia sociati esse debent; etenim febres Ephemeræ dictæ, quamvis brevissimæ sint, ob defectum tamen symptomatum graviorum, acutæ minimè dicuntur; sed & nec Hydrops, Empyema, Tabes, aliæque ægritudines vehementissimis, perniciosissimisque symptomatis conjunctæ acutæ nominantur, quia breves non sunt. Quamobrem meritò notavit Hippocrates 1. aphor. 7. morbos acutos statim extremos afferre labores.

Unde præterea Morbis accidat acutè lædere, & ægrotantes affligere, profectò à partis affectæ præstantia, & à vitiosi humoris conditione deducere licet. A partis præstantia quidem, nam hæc diù molestiam, gravemque noxam sustinere non potest; qua ratione Apoplexiæ, Lethargi, Phrenitides, Syncopes, Palpitationes, ob cerebri, & cordis cum vita necessitudinem, non multum protrahuntur. A noxii humoris natura verò, qui plerumque in acutis ægritudinibus sanguini infensus vitæ conservandæ ineptum illum reddit, sive quòd dissolvat, & corrumpat, sive quòd cogat, aut aliter inficiat, ut solutus, concretus, effætusve nequeat tandem motum cordis tueri. Hæc planè damna sæpenumerò eveniunt è degenerantibus, inversis, corruptisque fermentis viscerum, quibus sanguis permeans inficitur.

Quoniam verò Morbi quicumque, inchoant, augescunt, consistunt, &

declinant, nedum inter initia de illorum exitu certò prælagire nequimus, verum etiam fallax judicium, & incerta prædictio erit, quousque exactè non constiterint, cœperintque declinare: cum enim nondum devicti, pugnantes causam in corpore latentem adhuc habent, vitæ possunt insidias moliri, & ob agendi rapiditatem quacumque de causa momento temporis permutantur, & symptomata, quæ remitti visa sunt, denudò exasperantur, immò quandoque graviora redeunt.

Hujus incertitudinis causam referunt ferè communiter Interpretes in Humoribus peccantium mobilitatem, tenuitatemque; quoniam scilicet facile ii de loco in locum feruntur, & quascumque corporis partes pervadunt, ut propterea chronici Morbi à crassis humoribus progeniti, cum lentè procedant, soleant facilius, tutiusque futuri eventus indicia prodeire. At potius petenda videtur causa à motu particularum in sanguine, cæterisque liquoribus fermentescen-  
tium; etenim donec fermentatio perseveraverit, & in depressionem, secretionemque non desierit, quæ sola salutarem exitum ægrotantibus prænunciat, morbus ipse in ancipiti est: quandoquidem in coagulationem, aut resolutionem abire potest.

Adjectum est *non omnino*: nè Medici prorsus desperent de prognosi; cum cæteroqui magnam laudem exinde consequi soleant, testimonio ejusdem Hippocratis *primo prognost.* Quare, ut quis rationabiliter coniciat de successu ægrotantium, docuit Gal. 3. de Crisib. 4. ad tria hæc respicere debere, *ad Ideam Morbi, ad Magnitudinem, & ad Morem*: nempe cujus generis ægritudo sit, quæ symptomata illam comitentur, & num à benignis, vel malignis succis ortum ducat.



ducat. Perpendat etiam sagax Medicus naturæ vires, an validæ, vel imbecillæ sint, & quidem examinando singulas corporis operationes, Animales, Vitales, & Naturales. Ab his namque benè, vel malè se habentibus, levius, graviusque, probabiliter cujuscumque Morbi eventum conjectabit.

Subditur insuper, *non omninò sunt certæ prænuntiationes*. Medicina siquidem tota conjecturalis est, & universa conjecturis inhæret; quomobrem *primo aphor. 1.* iudicium fallax dicitur. Et Celsus *lib. 2. cap. 6.* inquit: *Spes ejus interdum frustratur, & moritur aliquis, de quo Medicus securus primò fuit*. Attamen non sunt ex hoc omninò parvifaciendæ ejusmodi conjecturæ; nam etsi aliquandò fallant, sæpè tamen collimant. Unde idem Celsus. *Sed est tamen Medicinæ fides, quæ multò sapius, perque multò plures ægrotos prodest.*

Postremò quamvis meminerit Hippocrates salutis dumtaxat, & Mortis, sub his nihilominus aliæ in Morbis mutationes comprehenduntur, ut proindè non modò cauti simus in præfagiendo salutis, aut mortis eventum, verum etiam omnium accidentium, & mutationum, quæ in morborum decursu contingere possunt. Notavit autem speciatim acutos, quibus præbrevitate, & impetu, faciliior accidit mutatio. At verò chronici, cum in longius protrahantur, nec tam subitam motionem subeant. nec sine alicujus visceris affectu divergent, certiora, & firmiora signa imminenti quandoque interitus proferunt.

## APHORISMUS XX.

*Quibus Juvenibus alvus humecta est, iis senescentibus exsiccat. Quibus verò Juvenibus alvus sicca est, iis senescentibus humectatur.*

Quòd Hippocrates has sententias, sicut & pleraque ferè omnia ab observationibus, atque experimentis potius deduxerit, quam rationibus conquiescit, velex hoc liquere potest Aphorismo, in quo explicando tandiù Interpretes allaborant, certam, constantemque rationem exquirentes à vario ætatum temperamento, sicciori, aut humidiori; cum tamen exindè oporteret invertere illarum temperaturas, & siccis senibus humidam, humidis adolescentibus siccam temperiem asciscere, adversus omnium veterum placita. Sed & nec tam facilè humiditas Juvenibus posset affingi, ut qua de causa lubriciorem alvum aliquandò fortiantur, ratio posset indicari, qui tamen communi voto calidi ficci statuuntur. Hinc fortassè Galenus in *Commentario* huic argumento non sisus, *longiorem*, dixit, *rem banc exigere sermonem, ita ut liber integer necessariò sit futurus*: Quamquam de intemperata, aut labefacta facultate Retentricæ, & Attractricæ ventriculi, atque Hepatis, multa etiam comminiscantur. Verumtamen rectè postremò concludit: *Quantum autem ad usum artis attinet, hoc solum scisse sufficiat, quod est ab Hippocrate dictum, etiamsi causa non adiiciatur.*

Quamvis ergo res difficilis explicatu videatur, si tamen ea, quæ ad ciborum confectionem, dissolutionemque, atque ad excrementorum



alvi secretionem, sunt alibi à nobis memorata, hic in memoriam revocentur, profectò causæ ejusmodi permutationis in ætatum varietate rationabilius quæri poterunt.

Ciborum dissolutionem, atque utilium ab inutilibus partibus secretionem, promovent potissimum confluentes succi illi è Pancreate per Vvirsungi ductum, e Cysti fellea per cholidochum in Intestina: debent autem ita hi natura esse comparati, ut alter alterum nec mole, nec conditione prævaleat, aut exuperet. Si verò felleus humor fortassè præcellat, & acrior, tenuiorque sit, alvus lubricior redditur; at contrà adstrictior fit, si præpolleat è Pancreate deductus. Quandoque etiam serosus humor, qui è potu, & humidis cibis derivat, totus ferè in Intestina delabitur, & cum fæcibus commiscetur ad alvi lubricitatem; aliquandò verò majori ex parte ad renes percolatur, & ad vesicam; unde urina copiosior fit, alvus verò siccior evadit. Quamobrem experimur in urinæ profluviiis ventrem constipari, & fæces durissimas excerni; Hinc dicebat Hippocrates: *multa urinæ profusio paucam significat dejectionem*.

Cùm itaque in Juvenibus bilis abundantior gignitur, suaque viget acritate volatili, qua Pancreatis succum temperet, & moderetur, profectò venter laxior fit; Secùs verò, ubi illa parcior fuerit, aut austerior. Sic quoque à varia conditione succi pancreatici acidioris, vel falsioris, fluxilioris, aut consistentioris, variabit Intestinorum repurgatio. Hinc quoties felleus humor austeritate alvum in Juventute constipat, succedente Senectute aquosior redditus eandem delaxat. Idipsum parcite, & copia evenit, quibus nimirum diversimodè afficitur, ac permutatur con-

fluens alter succus pancreaticus; ut proindè egestionem excrementorum ex Intestinis varient pro eorundem succorum varia affectione, permutationeque. Constat autem experimento plurimum infringi Pancreatis liquorem à Felleo acriori, & volatili; sicut contrà illum augescere, & exaltari, ubi hic hebes, & effæctus evaserit. Multum etiam in hanc rem valet habitudo lactearum venarum, an non partes chyli puriores admittant, vel respuant. Inde enim non rarò accidit, fæces diminui, & obdurari, vel contrà multiplicari, & humescere: quod etiam ex urina parciori, aut abundantiori superius cum Hippocrate notatum est.

Constat prætereà, felleum humorem plurimum ad alvi exonerationem conferre, ut proptereà persuasum sit plerisque, non alia de causa Pueros solito lubriciorem alvum habere, nisi quia fæces congerunt multabile saturas: quamquàm Helmontius in Pylori, & fermentorum ventriculi mutationem ejusmodi varietatem refert, quippè qui creditur Rector omnium operationum, præsertim naturalium.

Quòd autem mutationes ejusmodi, ætatum varietate, contingant, planè liquet, cùm & coctiones, nutritiones, secretionisque pro ætatum diversitate, diversimodè habeantur: quo etiam fit, ut sæpenumero, qui in juventute graciles fuerant, in ætate consistenti, & senili pinguescant; & qui juvenes obeso fuerant corpore, procedente ætate gracilescent: Atqui obesorum alvi plerumque laxiores esse solent.

Pro Coronide tandem advertere oportebit, quod etiam notavit Galenus hoc loco, hunc Aphorismum non simpliciter, & absolutè esse intelligendum, sed magna ex parte, collatis invi-



invicem ætatibus, ut deducitur ex *Aph. 53. huius*, ubi non nisi comparatè in eandem ferè sententiam concessit. Sed & eadem victus ratione servata, sub eodem Cœli statu, & cum eisdem exercitiis, nulla que intereà per ætates ægritudine suborta, quæ viscerum fermenta immutaverit, ejusmodi permutationes alternè contingent. *Si quis enim*, inquit Galenus, *in juventute Alexandrinorum victu uteretur, salsis utens cibus, & porris, Zythumque superbibens; in senectute verò nihil horum assumeret, lentem autem esitaret, & vinum austerum potaret, quo pacto dicemus huius hominis defectiones ætatis ratione permutari? sic & qui in juventute lentibus vesceretur, & mespilis, & vinum austerum potaret; in senectute autem victu uteretur Alexandrinorum, atque ita cum victu excretiones mutaret, non rectè ex defectionibus iudicium fecerimus. Sed cum omnia alia, non solum quæ ad cibos attinent, paria agentur, & defectiones commutabuntur, tunc rectum fiet iudicium de his, quæ ab Hippocrate in hoc Aphorismo dicuntur.* Hactenus Galenus. Id ipsum ex regionibus, exercitiis, medicamentorum usu, atque ex contracta aliqua viscerum naturalium ægritudine, ut de hypochondriaca affectione experimur, intelligendum est.

## APHORISMUS XXI.

*Famem Vini potio solvit.*

**N**ON eam hic vult Galenus solvi ex vini potione famem, quæ Naturalis dicitur, & quæ ex longa inedia, vel alvi profluvio, fluxu sanguinis, aut aliqua alia, facta est, evacuatione; sed quam caninam vocant, cum insedabili ciborum appetentia

*Tozzi Op. Med: Tomo II.*

conjunctam. Huic appetitui canino adicere licet Lupinum quoque, & Picaceum, quo potissimum utero gerentes afficiuntur, res omninò insuetas, & extraneas appetentes, & quem Plinius gravidarum Malaciam nuncupat. Addunt alii Bulimon, sed reverà Bulimos est affectus ille syncopticus, quia fame quidem incipit, sed non habet eam ampliùs adjunctam, ut idem Galenus interpretatur.

At quamvis ad famem morbosam curandam Galenus id exponat: nil tamen vetat, quin etiam naturalem à Vini potione solvi posse arbitremur; immò cum superiùs de reficiendis convalescentibus Hippocrates meminerit, probabiliùs videtur in illorum gratiam fuisse hunc Aphorismum adjectum, quippè qui à morbis vindicti spontè solent avidiùs famescere. Hi verò si jejuni meracum vinum potent, procul dubio famem solvunt, unde alimentum capere nequeunt, deinceps refici non possunt. Constat autem experimento, etiam sanos, beneque se habentes ab epoto vino, illicò delaxari, & ciborum fastidium incurrere, si illud dulce simul, & generosum jejuno stomacho assumant. Atque hac eadem ratione fit, ut malè se habeant, qui instante fame, ac ventriculo cibus vacuo, aquam ardentem bibunt, qua nimirum non solum fames ipsa desinit, sed etiam fermentum ciborum confectioni additum dissolvitur, & extenuatur, non sine gravioris mali periculo. Cunctis quoque notum est, voraciores solere esse abstemios, & hydropotas, citiusque cibos conficere, quàm cœnopotæ; Quamobrem Hippocrati aqua edax dicitur.

Sed quamvis ad quamcumque famem compescendam vinum videatur aptissimum, præsertim merum, & generosum, dicitur tamen præstan-



tiffimum remedium Galeno adversus caninam speciatim appetentiam, & longè efficacius erit, si in illo infundantur, aut decoquantur Salvia, Melissa, Chamemælum majus, Abrotanum. Sunt & alia, quæ id ipsum operantur, inter quæ præstat anisi oleum, cujus quatuor, aut quinque guttæ cum saccharo exhibitæ, atque identidem iteratæ, omnem famem mirabiliter sedant.

V. etiam Gal. de fame ex acidis humorib. auctis in comm.  
Nedùm autem Merum vinum Caninæ appetentiæ adversatur, cùm ex acidiori fermento ventriculi provenit, quod sanè diluere, & emendare valet sæpiùs epotum; sed etiam si fortè à vermibus, qui Platiæ appellantur, excitetur. Contigit enim mihi non multis ab hinc annis observare Juvenem quemdam extrema macie confectum, etsi avidè, atque opiparè vesceretur, pristinas carnes recuperasse, sedata primùm ejusmodi ciborum cupiditate, ab excreto per alvum magno, latoque verme in frustra dissecto, longitudinis ferè palmorum sex, postquàm aliquoties assumpsisset pilulas quasdam ex Aloe, & pulvere secundinæ primiparæ juxtà præscriptum Hartmanni; itemque vinum meracum, largiùs ebibisset, cùm reliqua nihil admodum proficerent.

## APHORISMUS XXII.

*Quicumque Morbi ex repletionem fiunt, curat evacuatio, & quicumque ex evacuatione, repletio: & aliorum contrarietas.*

**N**on quamcumque repletionem videtur hic Hippocrates indicare, sed eam solùm, quæ ex copiosiori ciborum ingestione est, ut proindè meliùs vertat Heurnius, *satieta-tem*; cujus etiam vocabulo usus idem Hippocrates est Aphorismo IV.

hujus, ut patet ex græci Codicis lectione. Quamobrem genuinus Aphorismi sensus erit, morbos à satietate, atque ciborum ingluvie inductos, evacuatione tollendos esse; qui verò evacuationem sequuntur, repletionem, nec tamen omni, aut subita; sed mediocri, ac paulatim promota, ut ex alibi traditis colligere est: siquidem evacuationi est protinùs per restau-rantia succurrendum, sed non tam repentè multis, ut obruant; omne enim nimium Naturæ est inimicum.

Verùm Galenus non eam tantùm hic intelligit repletionem, quæ ex alimentis in ventriculo fit uberiùs ingestis, sed omnem in aliis quoque cavitatibus, & ductibus corporis inductam. Quare generaliori significatione, per cujusvis Causæ replentis evacuationem, aphoristicam hanc sententiam exponit. Et quidem par ratio suadere videtur in omnibus, ut quæ Causa Morbum repletionem attulerit, evacuatione tollenda sit, & è converso: ea tamen differentia, ut in ventriculo, per vomitum; in Intestinis, aut Mesenterio, per dejectionem, in meatibus urinariis, per diuresim; in aliis ductibus, & conceptaculis, eorundem refectione. Atque hinc adjectum videtur: *Et aliorum contrarietas*: quæ sane à Causis petenda est, ut idem Hippocrates docuit lib. de Natura humana, inquiens: *Quoscumque Morbos repletio facit, evacuatio sanat, & quicumque ex evacuatione fiunt morbi, repletio. Quicumque verò à labore fiunt, quies sanat, & quos otium parit, labor sanat. In summa, Medicum scire oportet opponere se contrarium instatibus, & Morbis, & Naturis, & temporibus, & ætatibus, & distendentia solvere, & soluta distendere.* Et inferiùs subdit: *Curationem morborum ita instituere oportet, ut causa*



*ſæ morbi nos opponamus.* Id quod paſſim etiam repetit *lib. de Flatib. & 2. Epidem. ſ. 4.* Hac autem ratione componere licebit litem illam jam diù in ſcholis exagitatam inter Galenicos, & Paraceliſtas de Morborum curatione inſtituenda per contraria, an per ſimilia: quippe ſi contrarietas per qualitatum oppoſitionem in morbis intelligatur, hæc proſectò nulla erit. At verò, ſi recto medicamento- rum uſu Cauſæ morbificæ occurratur, unde tandem Morbus deſinat, procul dubio Curatio habebitur, tam contrariis putatis, quàm ſimilibus; verumtamen ſimilitudo in eo potiffimùm conſiſtere videtur, quòd per medicamenta Natura, prima Morborum Medicatrix, adjuta, ac vigorata, morbificam cauſam efficacius adoriatur, & deprimat. Quidquid ergo cauſam Morbi corrigit, removet, aut depellit, ipſis contrariari dicetur, ſive cæteroqui ſimilia, vel diſſimilia, conſentanea, vel diſſentanea reiſa ſint, qualitate, conditione, natura.

Quamvis autem dixerit Hippocrates morbos ex repletione factos evacuatione ſanari, ſi tamen iſta non perſiſtat, & proximè illos foveat, haudquaquam evacuantibus deſinent. Sic Calculi renum, ac veſicæ, ex ciborum ſatietate, atque adeò ex cruditatibus progeneriti, itemque tumores, obſtructiones, febres, nequaquam curabuntur ſola ventriculi inanitione, ſed neceſſe erit aliis, aliſque remediis calculum conterere, vias aperire, diaphoreſim, vel diureſim movere, ut curatio abſolvatur. Itaque conferet ſolùm inanitio, perſiſtente Cauſa in ventriculo, aut in inteſtinorum ductibus, quæ Morbum inducat, vel foveat; cæterùm in aliis, evacuationes, potiùs præcavendo, quàm curando conferent.

## APHORISMUS XXIII.

*Acuti Morbi in quatuordecim diebus judicantur.*

**A**Cutos morbos antea diximus eos eſſe, qui ſimul cum brevitate ſymptomatibus conſociantur vehementioribus. Horum autem terminum conſtituit hic Hippocrates dies quatuordecim, ſive ad ſalutem, ſive ad mortem deſinant, ſi propriè acuti ſint, ſimpliciter dicti, nulla interea mentione facta acutorum ex decidentia; qui ad quadrageſimum producuntur, neque peracutorum, & acutiſſimorum, qui intra limites quatuor, aut ſeptem dierum, finiuntur; Atque hinc fortè non dixit Acutos decimaquarta die judicari, ſed in diebus quatuordecim, ut nimirum designaret, citrà, non ultrà hoc tempus illorum judicium protendi, ſed tamen & undecimo, & nono, & ſeptimo, criticè deſinere poſſe. Qui verò ultrà decimumquartum diem, ſed intra quadrageſimum judicantur, ſi conferantur ad eam, in qua exacui cœperunt, diem, terminum quoque quatuordecim dierum prætergredi nec invenientur, atque hac ratione ad decimumſeptimum, vigefimumprimum, aut vigefimumoctavum producti obſervabuntur: quippe multi morbi debiles inter initia comparent, deindè quarto, ſeptimo, undecimo, aliſque vehementiores fiunt, hi proſectò ex prima ſui invaſione, judicari videbuntur ultrà quartumdecimum, ſed à die exacerbationis, & ſenſibilis acutiei, atque continuitatis, adhuc intra eundem terminum quatuordecim dierum, vel ad ſalutem, vel ad mortem deſinent, vel ſaltem in chronicorum naturam declinabunt; Omnes itaque (ut hic



benè advertit Galenus ) qui duas septimas velociter moventur, nunquam ad exteriorè terminum progredi inveniuntur.

Dixit autem *iudicari* Hippocrates, quoniam extremum terminum acutorum designare voluit, cum illi perfecta Crisi absolvuntur, & desinunt, eventu salutari, aut lethali. Undè de Tertianâ exquisita scripsit 4. *aphor.* 59. septenis circuitibus iudicari. Porro si ulterius protrahantur, id ab imperfectis evacuationibus, vel ab importunis remediis, errorisque in victus genere, causæ morbificæ secretionem, & crisin impredientibus, aut prævertentibus accidit.

Sed quare Acuti morbi intra dies quatuordecim finiantur, causa in promptu est, velox eorundem motus, atque cita ad vigorem properatio; cumque ejuscemodi impetum, symptomatum acerbicatem, atque morbificæ causæ violentiam diù Natura sufferre non possit, alterum ex duobus sequetur, vel quòd impotens ipsa succumbat, vel quòd valida præcellat, atque per crisin Morbum, morbiq; causam vincat, & exturbet. Atqui humores acutos morbos excitantes ultrò tenues, mobiles, & facilè fermentescentes cum sint, citò commoventur, & permutantur, citòque spontè sua non rarò exolvuntur, nisi aliundè concreverint, potissimum per errata in victus genere.

#### APHORISMUS XXIV.

*Septenorum quartus est Iudex: alterius septimanæ octavus principium. Est autem & undecimus considerandus, ipse enim quartus est secundæ septimanæ. Rursus verò & decimus septimus considerandus, ipse siquidem quartus est*

*à quartodecimo, septimus verò ab undecimo.*

**D**ies in decursu Acutorum Morborum observabiles enumerat in hoc Aphorismo Hippocrates, in quibus Crises præsignari, atque accidere solere ferè communiter creditur, adeò ut nulla Crisis salutaris putetur, quæ non die Critico fiat, atque in die Indice non sit prædemonstrata.

Quoniam verò septenariis solum illa salubriter affingitur, recensentur idcirco inter Criticos septimus, decimus quartus, vigesimus, aut vigesimus primus, vigesimus septimus, aut vigesimus octavus, trigesimus quartus, & quadragesimus. Inter hos verò medii, Indices, & contemplabiles appellantur, ut quartus in prima hebdomade, undecimus in secunda, decimus septimus in tertia, & sic deinceps, in quibus scilicet si coctionis indicia præluceant, futura Crisis post quatuor dies portenditur.

Tantâ autem Indicibus his, & Iudicibus diebus vis hætenus est præstita, ut evacuationes quascumque in his evenientes solummodò commendent, in cæteris verò damnent, tanquam perniciosas, vel saltem infidas. Hinc idem Hippocrates *aph.* 36.4. notavit sudores in aliis fortasse diebus, præterquam in his contingentes, morbi longitudinem, & recidivam significare. Et Galenus valdè demiratur, quomodo Larissæa mulier non recidisset, quæ sexta die iudicata fuerat, cum cæteroqui sextus dies ab eodem Tyranno compareretur.

Verùm si exactam tum Indicem, tum Criticorum dierum rationem ab illorum fautoribus exigere velimus, procul dubio inveniemus æque fore,



ac Climactericorum Annorum commentitiam. Et quidem qui fit, ut quartus Index esse possit, cum in illo accessiones febrium vel non accidunt, vel non ingravescant, cum tamen criticæ motiones non nisi in febrium paroxysmis fiant? Quomodo octavus principium evadat secundæ septimanæ, cum quo aliæ accessiones per dies impares succedentes nullam rationem ineunt, idque potissimum in intermittentibus tertianis? Quo etiam pacto criticus decimiquarti diei motus præsignari possit ab undecimo, cui febriles paroxysmi non respondent? Quomodo insuper decimus septimus quartus dicatur à quartodecimo, qui terminus est secundæ septimanæ? & quomodo idem decimus septimus Index esse possit vigesimi, & vigesimi primi; sicut & vigesimus quartus, vigesimi septimi, & vigesimi octavi? Præterea cum ex Hippocrate 1. *epidem. s. 2.* Morbi, qui per dies impares exacerbantur, in imparibus etiam judicentur, quomodo judicari deinde possunt in diebus paribus, decimo quarto, vigesimo, vigesimo octavo, trigesimo quarto, quadragesimo? quod etiam animadvertit Galenus 4. *aph. comm. 61.* Et si per septenarios circuitus critici fiunt, cur est, ut vigesimus, vigesimus septimus, trigessimus quartus, & quadragesimus critici etiam statuatur? quin immò transacto quadragesimo, ad vicenos dumtaxat referantur, ut LX, LXXX, C, CXX? Quæ sanè adeò Galeni mentem extorsere, ut illum coegerint, nedum uni diei duplicem faciem appingere, alteram præcedentibus, alteram succedentibus hebdomadibus, sed etiam numerum, ordinemque prævertere, illasque in longius protrahere, aut vicissim, ubi oportuerit, decurtare. Confu-

git is propterea ad Lunæ motum, qui velocior, & tardior, ad Zodiaci signa relatus, cum sit, velocius proinde ejus quadrantes peragrans, vigesimum, & vigesimum septimum ad Crisim disponat; in tardiori verò motu, vigesimum primum, indeque vigesimum octavum, criticos efficiat. At hoc pacto sextus, & octavus, decimus tertius, & decimus quintus, similesque dies, pari ratione Critici esse poterunt. Sed & nec mensis, quem ipse compositum fingit, ex Synodico, & Periodico, aut quem Illuminationis appellat, assignato criticorum dierum computo bene quadrat, cum alicubi is etiam excedat, alicubi deficiat.

Hippocratem præterea ipsum, si in cæteris suis operibus consulamus, varium planè comperiemus, quippe qui omnibus diebus crises accidisse commemoret. *Primo enim epidem. comm. 3. t. 14.* hæc habet; *Est autem primus decretorius circuituum, qui diebus paribus judicant, quartus dies, deinde sextus, decimus, decimus quartus, decimus octavus, vigesimus, vigesimus quartus, vigesimus octavus, trigessimus, trigessimus quartus, quadragesimus, sexagesimus, octogessimus, & centesimus vigesimus. Ex circuitibus verò in imparibus diebus judicantibus, primus est dies tertius, deinde quintus, septimus, nonus, undecimus, decimus septimus, vigesimus primus, vigesimus septimus, & trigessimus primus, &c.* In die sexto judicati referuntur Virgo Larissæa, Heraclides, Eurianactis filia, peregrinus quidam Adolefcens, alique plures: Et Gorgiæ uxor in quadragesimo primo: Fulloni in Syro phrenitico decima octava die Morbus remisit; & Polycrati in quintadecima: Decimo die Pythio judicatus est, & Hic-



Hieron in decimoquinto : Scribit quoque 4. *epid.t.11. in his temporibus sexta, & octava, judicabantur omnia circa Plejadum occasum*. Et 1. *epidem. sect. 3. multi morbi judicabantur perfecte decimo octavo*. Sic pariter alios, & alios memorat, & paribus, & imparibus diebus, adhuc extra Criticorum dierum seriem ab ægritudinibus salubriter evasos, ut latius alibi meminimus. Quamobrem jure optimo Celsus ex sententia Asclepiadis vanam statuit Criticorum dierum observationem, atque oportere Medicos non dies in Morbis numerare, sed ipsas accessiones intueri.

Ad Hippocratem autem hoc loco Indices, & Judices dies memorantem dicemus, voluisse illum Veterum in hac re morem sectari, qui multum his credebant; adeoque potius ex aliorum mente, quam ex propria sententia, eos exscripsisse, nec tamen omnes, sed præcipuos, in acutis vehementioribus, veluti criticas motiones frequentius subeuntes, & finem morbis imponentes.

#### APHORISMUS XXV.

*Æstivæ Quartanæ magna ex parte breves, Autumnales longæ, & maximè quæ Hyemem attingunt.*

**F**EBRIUM brevitatem, aut longitudinem à natura, & conditione fermentorum, five peccantium humorum, præter loci, aut affectæ partis habitudinem, oriri, in confesso est apud omnes. Quemadmodum enim Vinum, pro varia sui conditione, consistentiori, aut tenuiori, citius, vel tardius fermentationi subiicitur, ita sanguis fermentatione indebita subactus in febribus, ex varietate succorum, qui cum illo

commiscentur, celerius, vel serius, inutilibus, & excrementosis partibus exiit; unde breves, vel longæ ægritudines suboriuntur. Ejus certè generis febrile fermentum in Quartanis est, ut acore, & glutine tenacius hæreat, & nonnisi post longum tempus edomitum secernatur, corrigaturque, quod fortassè suggeritur à visceribus morbosa diathesi affectis, veluti Pancreate, ut existimant Sylvius, & Graæffius; aut Lienæ, ut alii cum Galeno arbitrati sunt, cæterisque visceribus imi ventris, quæ sanè plura, & varia esse possunt, cum ex alibi probatis, non unus specie humor Quartanas, aliasque periodicas febres pariat, sed multiplex, & varius esse possit, modò statutis intervallis colligatur, moveatur, & præter naturam fermentescat.

Quartanæ ergo febres sua natura diuturniores, magna ex parte breves fieri solent, si æstivo tempore accidant, cum scilicet ob Ambientis æstum illarum causa attenuatur, & per Cutis poros patentiores facilius evaporat. At si in Autumnum incidant, quo tempore pori cutis constipantur, sanguis minus fluitat, inæqualitates vigent, & excrementa sunt cumulatiora, longiores procul dubio evadunt, & eo magis si Hyemem attigerint, quæ nimio frigore sudores supprimit, motum sanguinis tardiores efficit, humores crassos, & febrilia fermenta reddit longè difficilior exsolubilia.

Quamvis autem Hippocrates Quartanarum febrium solummodò hoc loco meminerit, solent tamen, & reliquæ febres; immò plerique alii morbi, cum ex Autumno in Hyemem excurrerint, fieri diuturniores, qui sanè per æstatem breviarentur. Ea enim est Aeris, qui  
nos



nos ambit, vis, & efficacia, ut, præ cæteris causis humana Corpora alterare valentibus, primas obtineat; quamobrem secundum varias illius affectiones, diversimodè quoque illa afficiantur; unde experimur tempestatum mutatione quasdam ægritudines desinere, alias invadere, siquidem non modò extimo contactu, verùm etiam inspiratione, intimas Corporis partes pervadit, & cum sanguine ipso commistus plurimùm valet vel inficere, vel emendare. Accedit summa illa utilitas, quæ ex perspiratione est, quæque promota multas ægritudines delet, impedita advocat, vel confirmat. Sudores etiam tantopere conducibiles in febribus, aeris calore plerumque promptè emanant, algore verò reconduntur.

Verùm animadversione dignum videtur, hæc ex Hippocrate memorata tum potissimùm accidere, cum anni tempora suas proprias, debitas, suetasque servant constitutiones: nam si fortassè Æstas à suo calore desciscat, Autumnus verò exstuet, procul dubio ea, quæ hic ab Hippocrate sunt proscripta, non rectè experimento cohærent. Sed & Quartanæ ab infartu viscerum progeneritæ hoc Aphorismo nequeunt comprehendere, quippe quæ sive per Æstatem, sive per Autumnum minimè curabuntur, nisi prius obstructa viscera fuerint reſerata.

Tametsi autem Quartanæ febres longissimæ hæctenus putatæ, atque à prioris ævi Medicis ferè immedicabiles creditæ, veluti per exemplum chronicorum morborum ab Hippocrate hic recenseantur, nostra tamen ætate tam citò, ac tutò fugari solent, ut hinc liquidò patere possit, quàm hæc Veterum, in Medicina facienda, temporibus præcellant.

Et sanè, præsentaneum adversus Quartanas remedium, nuperrimè inventum est, Cortex Peruvianus, ex Vino, vel aliqua aqua medicata, aut etiam in formam pilularum cum Theriaca veteri, similive confectio- ne exhibitus. Neque solùm in Quartanis, sed etiam in Tertianis, cæterisque intermittentibus febribus, cum primùm sunt invasuræ, utiliter adhibetur. Quinimmodò compertum habemus, adhuc continuas, si opportunè offeratur, infringere, atque intercipere, etiam si mali moris illæ sint, nullumque catharticum præmissum; modò dies aliquot præterierint, quibus febrile fermentum fuerit quodammodò extenuatum, exagitatum, aut dissolutum. Sed tamen in his oportebit, nedum ingruente paroxysmo, verùm etiam quotidie manè per horas tres saltem ante cibum cum antidotis permixtum illum iterare.

Quoniam verò Cortex iste gustu amarus percipitur, & parumper astringentius, pleraque alia consimilem saporem cum aliqua astringentia nata, id ipsum posse efficere Medici suspicati sunt, & felici quidem successu, veluti Radices Gentianæ, Contrayervæ, & Cardui benedicti, itemque libri Persicæ arboris, & induvia Cupressi, nec non cortices Mali Aurei, quibus aliquando meminime parasse pulverem, Peruviani corticis succedaneum, summo- perè periodicis febribus intermittentibus conferentem. Sunt præterea alia plura ab Authoribus commendata: Myrrha ex Matthiolo ad drachmam unam in Vino veteri, & generoso per horam ante accessionem: Vinum, in quo ebullierit Piper, Cinnamomum, & Macis: Elixir proprietatis simplici infusione paratum in spiritu Vini: Extractum



**Centaurei minoris:** Pulvis Zedoariæ, Galangæ, & Zinziberis, singulorum drachma una: Antimonium diaphoreticum, Bezoardicum Minerale, Joviale, vel Martiale, & similia. At quid plura? Sunt etiam Recentiores adnisi, Emplastris, aut Linimentis, febres istas fugare, ut alibi est à nobis memoratum. De inopino Timore, qui diutinas Quartanas sæpissimè tollere visus est, id solùm adiciam, quòd quemadmodum per ipsum. fæces, urina, sudores spontè sua, laxatis ductibus, profluunt; ita febrium intermittentium fermentum, cum inter initia paroxysmorum commovetur, facilè discuti, atque à partibus, quibus fortè hæret, eodem subitò, ac violenter incusso, seponi, & repurgari potest.

#### APHORISMUS XXVI.

*Febrem Convulsioni supervenire melius est, quàm Febri Convulsionem.*

**F**ebbris non est Morbus, ut vulgò creditur, sed ejus beneficio morborum Causæ subiguntur, ac debellantur; Morbi enim ab humoribus pendentes, febre vacui, longiores plerumque observantur, qui per eam cæteroquin plurimum subacti breviarentur. Sic Apostemata, Catarrhi, & quæcumque ex lentis, crassisque succis progenitæ ægritudines, maturationi promptius subiiciuntur febre superveniente, utque omnes ferè Causæ morbosæ citius egerantur. Natura febrem concitat; nec unquam crises evenirent, febre vehementi non promota: ea enim internus motus Naturæ est, secernere, & expurgare conantis, quidquid ipsi adversum insolescit in Corpore. Non

sunt itaque Febres sua natura malæ, sed prout Causam Morbificam in Corpore latentem, ac Vitæ infensam, arguunt, unde operationes cunctas depravari contingit, & de exitu periclitari.

Febris ergo commodum considerans in hoc Aphorismo Hippocrates, ait, præstare illam Convulsioni supervenire, quàm vice versa. Febris etenim Convulsioni superveniens Naturam designat conatus suos adhibere in exsolvenda, depellendaque materia, quæ Convulsionem parit: excitata scilicet in humoribus, nervos, & musculos afficientibus, fermentatione, per quam discussi, extenuatique, extra Corpus, vel diaphoresi, vel diuresi, propelluntur. Hinc idem Hippocrates 5. aphor. 5. inquit: *Si ebrius quispiam repente obmutuerit, convulsus moritur, nisi febre corripiatur.* Et 4. aph. 57. *Qui à convulsione, aut distensione nervorum tenetur, febre superveniente, liberatur.* Et lib. de locis in homine: *A convulsione, si febris invaserit, sedatur eadem die, aut sequenti, aut omninò tertia.* At verò Febri superveniens Convulsio causam febrilem designat tantæ pravitatis, ut nedum febrem concitando Naturam exagitet, sed & Cerebrum, & nervos divexando, convulsionem inferat; adeoque utilitas, quæ ex febre fortassè speraretur, cedat in noxiam, si eadem die, qua invadit, non remittat, & febrem terminet, ut dicitur lib. Coacar. prænot. Hinc non dixit Hippocrates bonum simpliciter esse, sed melius; nam aliquid mali adhuc per Febrim Corpore accessisse denotatur, quod Naturam non leviter lacestat: quamquam etiam ex febre nervorum succus cum fibris notabiliter exarescit, unde supervenientem Convulsionem vereri licebit ortam



ex inanitione, documento ejusdem Hippocratis 6. *aphor.* 39. Eam verò restaurare est omninò difficillimum. In Pueris autem hæc omnia semper evadunt mitiora, quippè qui ex quacumque levi causa convelluntur, modò id Cerebri vitio non patiantur.

Plerique Interpretes non quamcumque Febrem Convulsioni supervenientem hic volunt Hippocratem utilem existimasse, sed tantummodò de genere Quartanarum, quarum superiori Aphorismo mentio est habita: idque potissimum ex eo, quia *aphor.* 70. *Quinti* dicitur. A Quartanis capti non admodum convulsionibus corripiuntur; si verò prius capiantur, & Quartana supervenerit, liberantur: utreque enim ab uno, eodemque humore acido videntur oriri, qui sive inferius deponatur, sive per corporis concussionem dissolvatur, sive etiam sudore, aliave evacuatione egeratur, nequit in Quartanis febribus nervorum fibras laceßere, & convulsionem excitare. Eadem ratione accidit, nec Comitiali morbo corripi Quartanarios, & correptos per ipsas sanari. Verum crediderim alias quoque febres convulsis profuturas, modò leviores sint, intermittentes, & symptomatis vehementioribus exutæ, quæ nimirum levi fermentatione, blandoque calore, humores nervos replentes, aut vellicantes, sensim valeant solvere, ac per sudorem potissimum amandare: quamobrem quos febris minimè apprehendit, prolecto in hypocauftis sudore, feliciter curare solemus.

Disceptant autem Medici, an tutò liceat in Convulsione, Paralyfi, aliisque Nervorum affectionibus febrim excitare? Et quamvis non desint, qui affirmant, eo argumento

ducti, quòd possit Medicus, ut Imitator Naturæ, prosequi, aut tentare, quæ Natura ipsa salubriter agere consuevit: Ipse tamen opinor, medicamenta quidem extenuantia, atque diaphoresim moventia posse, debereque exhiberi, minimè verò ad febrem usque: Non enim, quod salubriter Natura promovere solet, potest tutò à Medico excitari, ignorata præsertim agendi opportunitate, quantitate, & qualitate medicamenti, atque via, per quam utiliter educendum est: sic non semper ab exhibito purgante medicamento evacuatio succedit, qualis, & quanta spontè Naturæ contingeret; nec ab epoto sudatorio certa spes est futuri sudoris: Profectò nisi remedium assumptum Naturam habeat adjuvantem, vanum, irritumque erit, immò quandoque etiam nocuum. Atqui ea, qua decet, dexteritate ejus generis medicamenta præbere, quæ febrim asserant convulsis profuturam, omninò difficillimum. Poterimus ergo solum ipsis opitulari, medicamentis attenuantibus, & diaphoreticis, quæ sub nomine Ignis, & Febris, fuere ab Hippocrate commemorata. Cæterum etsi febris juvamento esse soleat convulsioni, non tamen data opera illa concitanda est: sicuti nec gelidis liquoribus perfundenda sunt membra affecta, licet idem asserat 5. *aph.* 21. Tetanum Aquæ frigida multa profusione sanari.

At juvamen multo securius sperare licet à specificis remediis. Idem Hippocrates *lib. de locis in homine* pro curatione Convulsionis hæc affert: *Convulsioni sic mederi oportet. Ignis ab utraque lecti parte succendatur, & Mandragoræ radix in potu præbeatur, minore pondere, quam quod insaniam facit; & ad tendines posteriores sacculi calidi*

2. pro-  
rhet; &  
1. epid.



*diimponantur.* Sed non solum Mandragoræ radix huic morbo medicinalis est, sed omnia simplicia (ut testatur Petrus in *Nosol. Harm.*) in aquis crescentia convulsa membra restaurant. Referunt Botanicorum plerique Nymphæam flavo, & albo flore, ad umbram arefactam convulsione laborantes brevi tempore sanare, si lecto, vel parieti, ubi illi jacuerint, suspendatur. Id ipsum alii præstare ajunt radicem Imperatoriam majoris in vino decoctam, & epotam. Liquor ille elicited ex Theriaca in tincturam spiritu Vinisecundum Artem exactè deducta, atque simul una cum spiritu Cornu Cervi, & Vitrioli in digestionem detentus, mox verò à guttis xxx. ad Lx. in iusculo calido manè, & vespere exhibitus summopere conferre dicitur. Castorei etiam essentia cum aqua salviæ mirificè prodest, nec non pulvis ejusdem Castorei ad scrupulum semis in vino. Spiritus sanguinis ad guttas aliquot epotus efficax quoque est. Non minoris efficaciam creditur spiritus Cerasorum nigrorum, Elixir magnanimitatis, Aqua picarum, & hirundinum, Magisterium succini, Sal volatile ejusdem, Extractum ligni visci quercini, idque genus alia, cum lituris per spinam habitis ex oleo Lavendulæ, Castorei, Salviæ, Rutæ; Unguento nervino, Galbaneto Paracelsi, aliisque, de quibus latius in nostra Praxi.

#### APHORISMUS XXVII.

*His, quæ absque ratione levant, non oportet fidere, neque multum formidare mala, quæ præter rationem eveniunt: talium enim multa stabilia non sunt, neque multum durare, & permanere consueverunt.*

**L**ibenter assentiar his, qui malunt sermonem hunc esse referendum ad signa, & auxilia, quam ad ægros, ut propterea legant: *His, quæ sine evidenti ratione, certa quæ causa, levant, fidere non oportet.* Sic enim clarius fit sensus Aphorismi, quo fidendum non esse his admone-mur, quæ absque causa manifesta videntur allevasse. De Hermocrate ægroto 2. sect. 1.3. *Epidem.* hæc scribit idem Hippocrates: *Circa undecimam omnia visa sunt allevata: sopor coepit. Decima quarta à febre liber, non sudavit. Circa decimam septimam rediit febris. Rursus autem vigesima die judicatus est, à febre liber, non sudavit, cibum fastidiebat per totum tempus, resipiscebat, loqui non poterat, lingua arida non sitiebat, dormiebat soporosus. Circa vigesimam quartam calefactus est, & sequentibus diebus febris acuta. Vigesima septima mortuus est.* Hinc in *Coacis prænot.* brevius consimilem sententiam protulit. *Qui morbi cum malis signis levantur, & qui in bonis non remittunt; difficiles.*

Dicuntur autem allevationes absque ratione esse, cum criticam evacuationem non sequuntur, vel si fortasse illa præcessit, diminuta, & imperfecta fuit, nec per eas vias, per quas fieri oporteret, aut non ejus humoris, qui expurgandus est. Hac de causa dejectiones in morbis pectoris non conferunt: stillæ sanguinis in febribus pravitate indicant: sudores frigidi in internis inflammationibus lethum portendunt: idque genus alia. Si præterea absque ulla evacuatione videantur Morbi ab humoribus pendentes declinare, & subito remitti, procul dubio redibunt, & fortasse impetuosiores; quoniam illorum Causa ejecta non est, sed in Corpore latens, fieri non



potest, quin denuò resurgat, & vehementius invadat. Ejusmodi ergo mutationibus, quibus ægri videntur melius se habere, haudquaquam oportet fidere, quoniam allevamenta hæc stabilia non sunt, & persistente adhuc in corpore causa morbifica, necesse est, ut morbus redeat, non sine vitæ periculo. Indubitatum porro est eatenus morbos, morborumque symptomata duratura, quoad Causæ eorumdem non fuerint è Corpore penitus eliminatæ.

Verùmenimverò vitæ sunt aliquando Febres, immò & Pleuritides, ac Anginæ, aliæque similes ægritudines ex humoribus progeneratæ, sponte, ac sine ulla sensibili, & manifesta evacuatione salubriter desisse citrà recidivam, aut alterius morbi impetum: fortè quia soluti, atque attenuati insensibiliter perspirarunt. Hinc, ut in his judicium rectè feratur, perpendere oportebit, num Morbus omninò desinat, simulque symptomata omnia recedant: ipsis enim penitus ablegatis, indicio erit, Causam quoque morbi funditus fuisse deletam. At verò si unum, vel alterum perduraverit, de regressu morbi timendum.

Quemadmodum non fidendum iis, inquit, quæ absque ratione fiunt, ita non metuenda mala subdit, quæ præter rationem eveniunt, cujusmodi sunt symptomata crises comitantia, & antecedentia, de quibus superius meminit *Aphor. XIII.* Cum enim hæc accidunt ex instante Crisi, instabilia meritò dicuntur, scilicet quia mox ab illa desinunt. Quòd si præterea perdurarent, non omninò parvifacienda forent, utpotè aliud quid indicantia, quàm quod ex motu Naturæ critico contingere solet. Utraque autem debent Morbo, morbi que Causæ respondere, ne spes infida sequatur.

## APHORISMUS XXVIII.

*Febricitantium non omninò leviter permanere Corpus, & nihil minui; vel etiam plusquam ratio postulat, contabescere; malum: Illud enim morbi longitudinem, hoc verò imbecillitatem significat.*

**D**iagnosticus simul, & Prognosticus est hic Aphorismus, cum eo mala in febricitantibus nuncientur, sive Corpus plus justo contabescat, sive nihilum minuatur à febre; Siquidem in priori casu imbecillitas, in posteriori morbi longitudo designatur.

Hæc autem signa in febricitantibus tantum notanda dixit, fortè quia febricitantium Corpora majorem pati solent carniū consumptionem: Neque ex quacumque levi febre, puta diaria, similive, sed ex paulò graviore; Unde speciatim addidit: *non omninò leviter*. Si namque febris omninò levis foret, nullum ex non contabescente Corpore judicium sumere liceret, quoniam à levi febre, nil mirum, si non gracilesceret, & permanentem sui constitutionem servaret. Sed & nec vehementissima illa sit, quippe quæ facilè, urenti calore, vigilia, dolore, nausea, dejectione, possit extenuare. Quare media esse debet inter utrasque.

In hoc itaque febrium genere, cum Corpora nihil gracilescunt, immò in eadem carniū habitudine consistunt, Morbum indicio est fore longum, veluti à crassioribus succis dependentem, cum solida partium constitutione, quæ non tam facilè absumatur. At contra si eadem sensibilibiter emacientur, tenues humores, imbecillam membrorum texturam, languidamque temperaturam designant.



Quoniam verò Morbi longitudini opponit Hippocrates Corporis imbecillitatem, suspicari fas est, quidpiam aliud in textu subintelligendum, ut ex humoribus consistentioribus, & crassis, in textura Viscerum firmiori, marcor nullus ex febribus non levibus appareat; atque in constitutione carniū molliori, debiliorique, macies præter rationem manifestior videatur, ex prava morbificæ Causæ conditione; proindeque non irrationabiliter adiici posset, ab immodica Corporis contabescencia, nedum ejusdem imbecillitatem significari, sed & Morbi, morbosæque causæ pravitatem, quæ & nutritionem impediatur, & membra jam nutrita inficiat, & emaciet. Hac planè de Causa experimur, ex febribus malignis statim inter initia fœdari Cutim, Oculos excavari, liquari carnes, & faciem fermè cadaverosam apparere. Istiusmodi autem vitia plerumque ab infecto sanguine oriuntur, unde mala reliqua derivant.

Adjectum est tamen: *plusquam ratio postulat*, nec immeritò: quoniam aliqua extenuatio in febrientibus perpetua est. Atqui Hippocrates eam solum hinc considerandam voluit, quæ modum excedit, estque plusquam febris ipsa exigit, ut si levis cum videatur, brevi tempore multum consumat, si statim à principio, si citrà evacuationes, per alvum, aut vias urinæ, sudores, inediam, vigilias, aliasque causas extenuare valentes, in tabem Corpus deducere observetur. Profectò cum, præter ejusmodi causas, Corpora febricitantium contabescunt, signum est, majorem, quàm oporteat, fieri insensibilem perspirationem, sanguinem, & Carnes plurimum exolubiles esse, sicut & poros cutis laxiores;

unde sequitur necessario Corporis imbecillitas cum virium jactura.

Quibus denique auxiliis, his malis occurrere possimus, morbi nimirum longitudini, cum Corpus ex febre nihilum minuitur, ejusque imbecillitati, cum plurimum contabescit, facile ex adjecta Causarum distinctione palàm fit: etenim crassos humores attenuare, atque incidere conabimur, & reſeratis interea ductibus, illos educemus per loca conferentia. Virium languorem, & Carnium laxitatem, quoad fieri poterit, roborabimus, adhibitis quoque, prout res ipsa postulaverit, alexipharmacis medicamentis.

#### APHORISMUS XXIX.

*Cum Morbi inchoant, si quid movendum videtur, move; cum verò consistunt, ac vigent, melius est quietem habere.*

**M**orbi non rarò, cum inchoant, ab humoribus pendent, qui in primis ductibus consistunt, nec dum in arterias, & venas permanserunt: quandoque etiam multi sunt, atque ad exitum parati, ut quocumque levi auxilio promptissimè egerantur. Hos autem, antequam Naturam opprimant, interiora viscera inficiant, & graviora pariant symptomata, monet Hippocrates, statim inter initia, ne altiores figant radices, posse promoveri. At verò ubi constiterint, quiescere satius esse putat.

Et quidem Morbi in principio esse dicuntur, cum nondum vires per symptomata adepti sunt: Quamvis nonnulli primos tantum tres, vel quatuor dies, ex eodem Hippocrate interpretentur, qui 4. acutor. 64. *Hos si ab initio, inquit, purgare*



4. Epid.  
3. Epid. 5.  
3. volueris, id ante diem quintum facito. Cum tamen famulæ Aristidis idem Auctor purgans medicamentum propinaverit, & Anaxioni sanguinem detraxerit, octava die.

Cum dixerit Hippocrates: *si quid videtur movendum, move*; Galenus in *commentario* Venæ sectionem, & Purgationem interpretatur, quarum ope diminuta materia, facilius, quod superest, possit Natura concoquere. Sed cohærenter his, quæ aliàs superiori libro sunt recensita, illa videntur movenda, quæ coctionem, secretionemque promovere possunt, & per quascumque vias disponere, ut, si Orgasmus adsit, vomitus, vel dejectio tentari debeat, præsertim cum humores ad alterutram evacuationem inclinaverint, occupaverintq; primos ductus. Hinc Hippocrates non dixit, simpliciter, & omnino movendum esse, sed si videatur prudenti Medico, faciendum. Quare non perpetuò edocet ejusmodi evacuationes promoveri oportere, sed cum occasio tulerit, sintque humores ad exitum dispositi, nec prætereà solis purgantibus, & catharticis, sed iis omnibus, quibus congruenter Naturæ moventi succurrere valeamus. Cæterum ipsemet Auctor 1. *aph.* 24. existimavit, raro, & in principiis, medicinis purgantibus licere uti: idque si aliquando fieri necessum sit, maxima cum præmeditatione faciendum.

Quod initiantibus morbis movendum consulit, dehortatur, cum consistunt, ac vigent, atque ad augmentum, & statum pervenerint: his enim temporibus Natura maximè à symptomatis tunc ingruentibus affligitur, vires languescunt, & coctio, ac secretio, quæ tantoperè desideratur, usu medicamentorum, præsertim purgantium, plurimum interturbatur.

Tozzi Op. Med. Tom. II.

Verumtamen non omnino malum esse ait aliquid movere, sed solum melius esse, si per id temporis quiescamus, nam si fortassè necessitas urgeat, vel opportuna agendi occasio præstetur, nil prohibet, quin & per eadem tempora moveamus: Indicationes enim operandi non à temporibus, sed à motu Naturæ, ab indicantium dispositione, & virtutis robore, sumuntur.

Quamvis autem de Morbis omnibus sententiam hanc protulerit Hippocrates, magis tamen illa febribus congruit, in quibus quatuor illa tempora sensibilius observantur, & propter acutiem, atque symptomatum incrementum, majus imminet vitæ discrimen; cum ob intempestivam medicamentorum exhibitionem, Natura plurimum avertatur ab opere coctionis, & secretionis, quibus Valetudo recuperatur: compertum enim habemus, se pejus semper habuisse febrientes ab importuno usu medicamentorum purgantium, vel saltem ferò admodum convaluisset, quàm à solis corrigentibus, & coctionem morbigicæ causæ adjuvantibus. Si quid verò unquam primam ventris regionem occuparit, planè feliciter primo, secundo, aut tertio die, vomitoriis eductum, febrim vel extinxit, vel remisit: At hæc ex Antimonio parata præcellunt cæteris, veluti tutiora, & efficaciora, quæque simul superne, & infernè vitiosos succos extrudunt.

#### APHORISMUS XXX.

*Circa initia, & fines omnia imbecilliora; circa statum verò vehementiora.*

**R**ationem eorum, quæ præcedenti Aphorismo edocuit Hippocrates.



crates, in hoc reddere videtur : etenim interroganti, cur inchoantibus morbis aliquid movere conveniat, in vigore verò, & statu potius quiescere, aptè responderi potest, quia circa principia, & fines omnia symptomata sunt imbecilliora, circa statum verò validiora. Cum enim evacuationes, ut conferant, & facile tolerentur, robustas vires exigunt, Naturamque, vel nullatenus, velleviter symptomatis divexatam, proindè rectè ab Hippocrate hæc duo tempora veluti minus infensa, ad evacuationem ritè absolvendam opportuna putantur. At verò in statu, & vigore morborum Natura maximè affligitur, & à causa morbosa vehementer exagitur, idcirco non est ampliùs medicamentis laceßenda, & quod pejus, avocanda ab opere coctionis, & Criseos.

Unde autem Tempora ista Morborum internosci possint, ne alterum pro altero sumatur, breviter recensamus. Quatuor potissimùm signorum genera traduntur: Primum desumitur à Viribus: Alterum à symptomatis: Tertium à motibus Criticis: Ultimum à cruditate, vel coctione Causæ morbosæ. Et quidem cum vires ægrotantis validæ sunt, symptomata nulla, vel levia, & motus critici non apparent; immò sæpè numero omnes ferè evacuationes consuetæ magna ex parte deficiunt, ac demùm cruditas viget, Principium morbi universale dicitur. Concussis verò viribus, augescantibus symptomatis, vel consistentibus, apparentibusque Criticis evacuationibus, Augmentum, & Status appellatur. Denique cum symptomata remittuntur, vel desinunt, criticæ evacuationes liberè prodeunt, & coctiones in unoquoque genere persistunt, quamvis vires remaneant imbecillæ, universa-

lis Declinatio erit. Quia ergo in Principio Morbifica causa nondum per fermentationem in arterias, & in sanguinem irrepsit, vel saltem non plurimùm exagitavit, vel infecit, nec viscerum operationes deturpavit; In Declinatione verò subacta, atque evicta foras extruditur, idcirco circa initia, & fines omnia sunt debiliora.

### APHORISMUS XXXI.

*Ejus, qui à morbo cupidè comedit, nihil proficere Corpus, malum.*

Quamquam hic Aphorismus cū octavo convenire videatur, ubi in consimilem planè sententiam loquutus est Hippocrates: *Si à morbo cibum assumens quis non corroboratur, pluri alimento Corpus uti significatur; si verò, non assumenti, nec appetenti, hoc accadat, scire oportet, quòd indiget evacuatione.* Nihilominus hic in signum tantum, ille in Causam etiam adductus est, quo nimirum & Causam sciamus, cur quis per cibum non corroboretur, & medelam simul adhibeamus auxilio evacuationis. Addit pariter Cardanus, *majus, & deterius esse nihil proficere, quàm non corroborari: non corroborari enim, necessariò non est malum, sed nihil proficere nec viribus, nec carne, nec colore, quia tria in morbis deperire solent, hoc malum est.*

Malum, inquit, simpliciter; sed in quo genere, non explicuit. Arbitror ego in digestionem, traiectionem, atque nutritum: siquidem avidè comedentes, nil tamen inde proficientes, incidere solent in ciborum fastidium, & vomitum, mox etiam in obstructions, cachexiam, ventris profluvia, aliaque hujus generis mala.

Spe-



Specialius autem meminit Hippocrates sequenti Aphorismo prostrati appetitus, veluti ab opposito provenientis: etenim ubi primum avidè comedentes nihil profecerint, tandem cibum fastidientes non ampliùs appetent, ab excrementis in ventriculo congestis.

Sed nec procul aberrant à vero, qui existimant, Hippocratem hic non de Convalescentibus, de quibus *Aph. VIII.* sed de Ægrotantibus sermonem habere, si fortassè ex morbo, seu morbi causa avidè comedant, & nihil inde proficiant, quandoquidem malum erit, cum universa illa ciborum quantitas cupidè ingesta nec in alimentum transmutata, necessariò in excrementosos succos sit convertenda, qui deinceps nedum morbo priori suppetias dabunt, sed etiam novum ingenerantes, Naturam oppriment, cum vitæ discrimine: De qua re mox latius.

## APHORISMUS XXXII.

*Omnes ferè, qui malè se habent, circa initia cupidè comedentes, nec quicquam proficientes, ad postremum rursus cibum non appetunt: qui verò circa initia cibum valde fastidiunt, postea bene appetentes, ii in melius vadunt.*

**L**icèt Galenus de Convalescentibus quoque hunc Aphorismum scriptum affirmet in *Commentario*, non alienum tamen à ratione est, posse etiam de morbo affectis interpretari, quòd scilicet ægròtantes, si circa initia ægritudinis cupidè comedant, nec inde quicquam proficiant, in declinationem perducti cibos non appetant. Si verò ineunte morbo cibum valde fastidiant, postea bene appetentes proficiant, in melius

procedunt. Quamquam & Heurnius initia hæc nolit ad principium morbi referre, sed ad principium usus ciborum, cum scilicet, nescio qua necessitate, cogantur convalescentes cibum capere, qua antea caruerint. Ut ut autem se res habeat, & Hippocrates si de convalescentibus, si de ægris exponetur, certum illud erit, præstare illos inter initia fame destitui, mox progressu temporis appetere, atque edendo proficere, quam à principio citra commodum avidè comedere, & postremò non appetere. Ratio desumenda videtur ex eo, quia avidè ab initio cibum assumentes, nec proficientes, illum nec benè conficiunt, nec in aliti substantiam convertunt, unde necessariò excrementosos, & viscosos succos cumulant, qui Ventriculum opplentes, nauseam tandem, & stomachi fastidium inferent; Qui verò circa initia cibos abhorrent, diffusos per Ventriculi cavum humores, quibus fames obtunditur, inedia tandem corrigunt, ac digerunt, hisque exsolutis appetitus redit, quo per cibum convenienter ingestum planè reficiuntur. Succum pariter ciborum digestionem, & dissolutionem addicti, licèt inter initia inertes sint, sensim per inediam acuuntur, & vegetiores fiunt; unde postmodum appetitum excitant, & assumptos cibos in succos alibiles permutant, pro virium, & Carnium instauratione.

Hinc modò colligere est, perperam eos agere, qui statim à principiis morborum immodicè cibos ingurgitant, putantes hoc pacto se viribus pro toto morbi decursu opportunè prospicere: tantum enim abest, ut id assequantur, ut potius excrementa multiplicantes, morificam Causam adaugeant, & morbum ipsum si non deteriore, certè longio-



giorem reddant. Ita Cleanactides *ager. VI. primi Epidem.* quia toto ægritudinis tempore cibum non fastidivit, usque ad octogesimum ægrotavit. Non tamen hinc quis existimet cibos ab initio morbi appetere, malum esse, cum aliàs in quovis morbo mente constare, & bene se habere ad ea, quæ offeruntur, bonum dicatur in sequenti Aphorismo; sed solum malum esse, ut ægri statim inter initia multum ex appetitu comedant, quod plane digerere exactè nequeunt; præsertim quia appetitus in principiis morborum vigens, naturalis, & verus plerumque non est, quippè qui fieri solet à vitiosis, acidisque humoribus Ventriculum occupantibus; Quòd si adhuc consentaneus, & naturalis sit, neque tamen multo cibo gravandus, ne plenitudine distrahatur Natura ab opere coctionis Causæ morbosæ, quæ sæpè etiam increbrescit à cibis, eorumque recrementis; unde postremò nausea, Ventriculi torpor, & diutius saltem ægritudo perdurat.

Cæterum sententia hæc non tam est universalis, ut aliquando non fallat; quocirca Hippocrates dixit: *Omnes ferè*: ut nimirum significaret, non semper, sed plerumque fieri, ut, quod ipse notavit, eveniat.

Postremò his, qui à principio multum appetunt, nec quicquam proficientes cupide comedunt, moderata diæta remedio erit; purgatio verò, vel vomitus his, qui cibos fastidiunt, si fortasse stomachum roborantia non profecerint.

#### APHORISMUS XXXIII.

*In quovis morbo mente constare, & bene se habere ad illa, quæ offeruntur, bonum: contra verò se habere, malum.*

**E**X majori, vel minori recessu à consueto salutis statu, morbos graviores, vel leviores conicere solemus: illum autem à læsis operationibus metimur; & quidem quo magis, vel minùs, & plures, vel pauciores, illæ offendantur. Id ergo considerans hic Hippocrates, inquit, bonum signum esse in ægritudinibus quibuscumque operationes tum ad partem animalem, tum ad naturalem spectantes, bene se habere, quippe quæ leviolem, minoremque recessum à naturali statu fecissè ægrotantem arguant.

Meminit autem operationum animalium, quæ Mentis, & Rationis, ac naturalium, quæ Ventriculi appetentis, & concoquentis sunt; tacuit verò vitales: Fortassè quia fuit illi in animo eas potissimum ægritudines commemorare, quæ vitæ comminùs insidiantur; vel quia vitales non omninò labefactatas putavit, cum naturales, & animales constant; vel quia, vitalibus læsis comparare voluit naturales, & animales bene valentes; vel demum quia non omnes ad Cerebrum, & ad viscera naturalia pertinentes, sed dumtaxat Ratiocinationi, atque Appetitui intervenientes operationes specialius perpendendas existimavit: dixit enim, *mente constare, & bene se habere ad ea, quæ offeruntur*: quasi his duabus constantibus, reliquæ etsi deficient, sint ægrotantes convalituri. Tantum autem ejusmodi facultatibus videtur tribuendum, ut ad Vitam quoque spectantes inde foveri, sint, qui crediderint, cum & Cor moveri non posse dicatur, nisi per nervos, & roriferum nervorum liquorem à Cerebro, ac puriorem chyli substantiam è Ventriculo suggestam. Atqui non solum hic, sed superioribus Aphorismis plurimi fecit



cit Hippocrates appetentis, & concoquentis virtutis, quam, prout bene, vel malè se habeat, ceteræ pariter eodem modo affectæ consequantur.

Atque hinc sicuti bonum dixit, si æger mente constet, & bene se habeat ad ea, quæ offeruntur; ita ex adverso malum, si ad utrumque se malè habeat; quandoquidem præter læsas alias vitæ operationes, contingit quoque animales, & naturales depravari; unde profectò diù Vita prorogari nequit, ob maximum, remotissimumque recessum à consueto sanitatis statu. Modò his duobus veluti generibus signorum, & gravioris, vel levioris Morbi fidelioribus testimoniis, verisimile est voluisse Hippocratem de morborum acutorum eventum tradere prædictiones, de quibus antea meminerat, non licere tam certò præfagire.

#### APHORISMUS XXXIV.

*In Morbis minùs periclitantur, quorum naturæ, aut ætati, aut consuetudini, aut anni temporis, magis congruit morbus, quàm ubi nulli istorum congruit.*

**A**D prognosim quoque hic Aphorismus pertinere videtur, cum ex illo eventus in morbis præfagiri possit. Quamvis enim exitus morborum in ancipiti perpetuò sint, nihilo minus si illi congruant naturæ, ætati, consuetudini, aut anni temporis, minùs de vita ægrotantis vereri contingit, quàm si omninò dissentiant. Nominè autem Naturæ intelligit Galenus temperiem, seu potius propriam cujusque Corporis constitutionem; unde Morbi ad hanc relati dici solent consentientes, & dissentientes. Qua ratione idem Hippocrates primo aph. 14. Senes dixit rarò, ac diffi-

*Fozzi Op. Med: Tom. II.*

cultus acutis, atque ardentibus febribus corripì, facillimè verò Juvenes. Id ipsum omninò dicendum de ætate, habitu Corporis, consuetudine, & anni tempore, ut proinde levius accidat febre æstate, quàm hyeme, & gravius affici insuetos, quàm assuetos. Quando cumque igitur Juvenes, & acriori sanguine præditi Morbis pariter juvenili ætati familiaribus, & ex acriori humore pendebus corripuntur, atque ejus propemodum conditionis, qualis ea anni tempestate grassatur, certè hi minùs periclitantur, quàm si alio morbi genere laborent, qui nulla ratione ætati, constitutioni, habitui, tempestatì, & consuetudini congruat.

At contrarium visum est Diocli Carystio, qui proximis post Hippocratem temporibus claruit, existimans longè pejus se habere ægrotantes à similibus, quàm à contrariis, quippe qui à similibus afficiantur, ab oppositis verò curentur, ut ipsemet Hippocrates statuit lib. de flatibus: & quidem videntur minùs resistentes facilius succumbere, quàm qui dissentientem nacti sunt temperaturam, corporis constitutionem, ac habitudinem; unde graciles facillimè evadunt tabidi, & obesi, ac otiosi quacumque levi ex causa incidunt in hydropem, & pituitosi Senes gravedines, ac raucedines immedicabiles incurrunt.

Verùm his, aliisque argumentis satis, superque fecisse videtur Galenus in commentario, qui aliter ac Diocles à Causa, temporis, ætatis, & habitudinis contrarietatem superante, Hippocratis sententiam hic tuetur. Cum enim, ipse inquit, anni tempus cohibere non potuerit Causæ magnitudinem, cum tamen haberet sanitatem sibi suffragantem, multo



*minus morbo iam facto superaverit, non assistente sanitatis robore.* Atqui Hippocrates minùs dixit periclitari eos, quibus aliqua ratione morbus congruit, quia minorem recessum patiuntur à sanitatis statu; qui verò in dissentientes sibi morbos incidunt, à potentiori sanè causa corripuntur, quæ scilicet valuerit omninò dissimilem ætati, naturæ, consuetudini, & anni temporì morbum inferre. Finge Senem incidisse in ardentem febrem, aliamve acutū morbum, procul dubio Causa, quæ acutam ejusmodi ægritudinem intulit, validissima existimanda est, quæ senilem ætatem cum tanto recessu à suo statu deturbavit. Sic etiam quòd senibus contingant Podagræ, Renum Calculi, Catarrhi, nil mirum, cum velle vi ex causa has ægritudines incurrant; at iisdem Juvenes vexari, gravius omninò, quoniam Causæ designantur adeò validæ, ut potuerint cum tanto recessu à naturali, & consueto statu juventutem prævertere, & labefactare. Hic animadvertere decet, non dixisse Hippocratem, minùs affici, corripì, aut laborare, sed minùs periclitari, quorum naturæ, ætati, consuetudini, aut anni temporì magis congruit morbus; siquidem licet omninò verum sit, difficilius homines ardenti febre corripì hyemali tempore, quàm æstivo, senes, quàm juvenes, pituitosos, quàm biliosos, sedentarios, quàm exercitatos, tamen quodcumque ardens febris hyeme aliquem invalerit, ea vehementia, qua solet æstate, tum profectò ægrotans in magno discrimine censendus erit, ob causæ vehementiam, quæ potuerit ardentem febrem Hyemè progignere.

Morbos convenientes desumpsit Hippocrates non solum ab his, quæ Corpori insunt, ve ejusdem Consti-

tutionem comitantur, aut consequuntur, sed etiam ab Anni tempore, cujus consideratio magnificienda est in morbis: illos etenim incipere, aut desinere, breviari, vel produci, diminui, aut augeri pro varia temporum habitudine, non semel meminit idem Hippocrates *in libris Epidemior. & de Aer. aq. & locis.* Hinc adjungendæ quoque sunt Aeris, & Regionum varietates, quibus diversimodè Corpora affici, atque alterari, cuique compertum est.

Quinam demùm sint Morbi ætatibus, & constitutionibus temporum congruentes, latè prosequitur idem Auctor 3. *Aph.* ubi singulorum ægritudines enumerat.

#### APHORISMUS XXXV.

*In quovis Morbo partes ad Umbilicum, & imum Ventrem attinentes, crassitudinem habere, melius est: multum verò extenuari, ac contabescere, prævum. Sed & hoc quoque ad inferiores purgationes periculosum.*

**Q**Uæ de operationibus ad salutare se eventus præsagiendos superius Hippocrates adnotarat, nunc è Viscerum imi ventris habitudine desumit, atque in iis crassitudinem, & extenuationem contemplatur, atque ex prioribus bonum, ex posteriori malum indicium deducit.

Partes autem non quascumque considerandas suscipit, sed eas tantum, quæ ad Umbilicum, & imum Ventrem attinent: istæ siquidem specialiter sunt addictæ digestionibus, distributionibus, ac alimenti secretionibus; unde quidquid boni, vel mali toti Corpori accidit, dependet; ut namque primæ pinguescunt, cum Corpora adiposa fiunt; sic



sic primæ quoque contabescunt in gracilescuntibus. Cum igitur imi Ventris Viscera crassitudinem ostendunt, designant nedum ipsas bene se habere, nilque grave ex morbo contraxisse, sed etiam reliquis partibus promptè posse opitulari, alibili succo aptè suggesto. At verò si extenuata videantur, & sui imbecillitatem significant, & ciborum confectionem, ac excrementorum secretionem in totius Corporis incommodum malam portendunt. In eamdem fermè sententiam scripsit idem Auctor *primo prognost.* 37. optimum esse Hypochondria absque dolore esse, & mollia, & æqualia; siquidem Jecur, Ventriculus, Lien, Pancreas, Mesenterium, Omentum, Intestina, & adjacentes glandulæ naturalem servabunt constitutionem nihilum ex morbo immutatam. Porro plerisque ex gallicis præsertim doloribus ferè tabefactis bene sperare non semel ominatus sum ab inspecto Ventre nondum extenuato, sed crasso, & molli; nec spe frustrati consueverunt.

Sed *melius* dixit, non autem omninò bonum: nam nullam pati interanea ista in morbis extenuationem, bonum non est ex superius traditis, sed & obstructionem, hydropem, aliamve similem affectionem præsignarent. Quamobrem subjunxit: *multum verò extenuari, & contabescere malum*: multam opposens extenuationem crassitudini. Quemadmodum enim impossibile est nullam ex morbis quibuscumque subsequi in abdomine extenuationem, ita multam, atque excedentem malam omninò credere oportebit; quippe hæc nedum Viscerum in imo ventre contentorum prægrandem noxam ostendit, sed etiam succi alibilis malitiam, atque ineptitudinem.

Quare ingentes istæ emaciationes in malignis, & perniciosis ægritudinibus plerumque observantur.

Addit, *periculosum hoc etiam esse in inferis purgationibus*: quia sicuti ab evacuationibus per superiora cavendum dixit Tabidis, & qui pectoris angustia laborant, ita purgationes per inferiora sunt periculosæ, cum partes ad Ventrem imum attinentes contabuere: à medicamentis namque purgantibus magis illæ extenuarentur, & elanguerent; quin & expetitæ à Catharticis evacuationes, ob hypochondriorum tenuitatem, vel non succederent, vel majorem molestiam parerent, vel febrim excitarent cum phlogosi, aut inflammatione, ut non semel observatum est.

## APHORISMUS XXXVI.

*Qui sanitate Corporis fruuntur, medicamenta purgantia assumentes, statim debilitantur, & qui pravo utuntur cibo.*

**M**edicamentorum purgantium damna hoc, & sequenti Aphorismo memorat Hippocrates, in sanis præsertim corporibus: illa enim ait à catharticis statim exsolvi, ac debilitari. Cum enim ista irritante quadam vi partibus infensa humores educant, si fortassè vitiosi succi non adsint, utiles liquores ad expulsiorem sollicitari necessum est; unde Corpora labefactari contingit. Ejusmodi autem perturbationis, atque exsolutionis mala attestantur sitis, ciborum fastidium, vomitus, dejectio, Ventris tormina, coloris faciei mutatio, & macies, idque genus alia, quæ catharsim comitantur, vel consequuntur, potissimum importunam. Quòd autem irritante vi purgantia medicamenta humores e-



ducant liquidò constare potest ex eo, quòd glandes podici inditæ à superioribus etiam intestinis ad motum peristalticum laceffit facies submoveant: Mercurius vitæ lingua degustatus vomitum provocat, & dejectiones: Unguentum de Arthanita Abdomini, & Umbilico illitum alvum solvit: Dejectoria in majori dosi exhibita vomitum movent, non alia ex causa, nisi quia vehementius Ventericulum vellicant, & citius quàm dissolutio peragatur, Stomachi tunicas, fibrasque laceffunt, ut etiam notavit Vvallæus in *sua Methodo*.

Denique qui pravis utuntur alimentis etiam à catharticiis offenduntur, quoniam inutilium succorum congeries viribus ab evacuatione fatifcentibus succurrere nequit; quamobrem mox exsolvuntur, ac debilitantur. Hinc æquè peccant, qui sanis Corporibus cathartica exhibent, ac qui cacochema affatim purgare conantur. Satiùs itaque erit in his Corporibus uti purgantibus per epicrasim, quæ paulatim humores vitiosos educunt ab imbecillis viribus sufferantur, ut in unctione, aut sectione hydropicorum idem Hippocrates admonuit.

Neque verò solùm sana omninò Corpora à purgantibus offenduntur, atque debilitantur, sed etiam, quæ nuper à morbo convaluere, post evictam, extrusamque Causam morificam, atque in pristinum sanitatis statum sunt restituta; quinimò longè majus futurum damnum time-re est in restitutis, quæ sanè imbecilliora esse solent, quàm in his, quæ antea ægrotarunt; sicut enim non sunt illa pravis cibis infarcienda, ita neque catharticiis molestanda, cum perindè sit membra suo, convenientique alimento privare, ac malis succis replere.

## APHORISMUS XXXVII.

*Qui Corpore valent, difficulter ferunt medicationes.*

Posset quis prima fronte, aut oblivionis, aut superfluitatis Hippocratem arguere, quasi verò eadem, quæ præcedenti Aphorismo docuerat, hic repetat. At Galenus, unum ex iis, quæ ex ipsa progignuntur purgatione, symptoma voluisse Hippocratem superiori Aphorismo indicare, citam nempe exolutionem; in hoc autem generaliter de omnibus sermonem habere existimat. Alii hinc de sanis Corporibus, ibi de convalescentibus loquutum ajunt. Nonnulli in priori de purgantibus solummodò blandioribus, in posteriori de vehementioribus catharticiis egisse sub nomine Medicationum. Cardanus de *actuali* statu Corporis præcedentem, præsentem de *habituali* interpretatur. Quidam demum hunc illius reddere Rationem saniori judicio arbitrantur, ut propterea utrumque Aphorismum nectant: *Qui sanitate Corporis fruuntur, Medicamenta purgantia assumptes, statim debilitantur*: quoniam, *qui Corpore valent, difficulter ferunt medicationes*.

Et quidem à medicamentis purgantibus benè valentia Corpora turbantur plurimum, & concutiuntur, atque irritatione visceribus illata, fermenta depravantur, sanguis funditur, & succi nutritii exsolvuntur. Sunt enim purgantia, ut aliàs à Nobis est ostensum, de genere venenorum, &, ut Celsus habet, humano Corpori inimica, quæ si fortassè inveniunt, quos extenuent, ac dissolvant pravi humores, levio-  
xam



xaminferunt; si verò, ut in Corporibus sanis, non habeant, quod cacochymum exturbent, utiles, ac salutare humores invertunt, depravant, corrumpunt, undè non sine gravi virium jactura tolerantur, nisi etiam perimant.

Neque verum est, quod Galenus in commentario habet, evenire ejusmodi mala in sanis, quia purgantia medicamenta, cum sibi proprium, quem attrahere appetunt, non inveniant humorem, necessario sanguinem, & carnes eliquant, ut ex ipsis illum seligant. Satis enim, superque liquet, omnes, & quoscumque humores indifferenter educi, quocumque purgante medicamento, nisi quod à benignioribus levius, à vehementioribus efficacius promoveantur, & expurgentur, ut latius alibi est memoratum.

Quamvis autem antea dictum sit, cathartica in sanis difficulter tolerari; non tamen hinc quis existimet, facilius ea sufferri in ægrotantibus: quippè in utrisque eadem, vel paria symptomata comperimus. Id verò in his discrimen aderit, quod purgatio in ægrotis, si rectè, atque opportunè instituat, morbificam causam eliminando, prodesse poterit, licet per irritationem Visceribus molesta sit; in sanis verò, præter noxam ab irritamento, etiam utiles succi evertuntur, & evacuantur, viribus infractis. Quamobrem jure optimo animadversum hinc est ab Hippocrate ægrius ferri à sanis, quàm ab ægrotantibus medicationes, cum revera cacochyma Corpora ex quovis levissimo pharmaco subitas fortiantur evacuationes, Euchymorum verò purgationes difficilius fiant, & maxima cum universi Corporis perturbatione.

## APHORISMUS XXXVIII.

*Parum deterioribus, aut potus, suavior autem, melioribus quidem, sed minus suavis est præferendus.*

Comparat hic Hippocrates cibum, ac potum suaviorem, cum meliori, atque illum ait, etsi deteriorem, meliori, sed insuavi, esse præferendum: Is autem parum deterior sit, nam si omnino pravus foret, procul dubio minimè esset anteponendus.

Rationem deducit à suavitate; quoniam suaviorem cibum, aut potum Ventriculus arctius amplexatur, retinet, meliusque digerit, atque in probum chylum commutat, undè vires, & membra reficiuntur. Similem sententiam tulisse videtur lib. de affectionibus, inquit: *Cibos, potus, aut obsonia, quæcumque ægri concupiscunt, si non damnum Corpori inde accessurum est, exhibeto.* Sed latius de gratificandis ægrotantibus hæc habet, 6. Epidem. §. 4. *Ægrotantibus gratificationes, velut est pure preparare potus, & cibos, & ea, quæ videt, molliter ea, quæ contingit. Aliæ gratificationes, quæ non magnoperè ledunt, aut facile reparari possunt, velut frigida, ubi hac opus est. Aliæ gratificationes sunt, introitus, sermones, habitus, vestitus, ægrotanti tonsura, ungues, odores.* Ubi Galenus: *duplex utilitas habetur ex gratificatione ægri in his, quæ sunt citrà illius jacturam; altera, quod in cibis melius concoquunt, in potibus sitis sedatur, ex odoribus somnus conciliatur, ex balneo quies, virtusque restauratur; Altera est Amor ægri ad Medicum, & observantia, qua fit, ut illi in omnibus pareat.*



Ufus est hic nomine deterioris, sed suavioris: quippè deterior is cibus intelligendus erit, qui minùs vires restaurare valeat, minùsque Causæ morbi adverteretur; at verò suavior, qui gustatum voluptuosius afficiat; & Ventriculus ad appetendum, conficiendumque jucundiùs alliciat, ut si quæ nausea, vel stomachi subversio aderat, tollatur, vel remittatur: eadem profectò tunica Lingua, Fauces, & Ventriculus vestiuntur.

Solent autem suaviores esse cibi, qui tempore Salutis sumi consueverunt, nam quæ consueta sunt, minùs molestare solent, præsertim si materno desiderio ab incunabulis appetivimus, vel ab uberibus depulsi, primos à lacte esitavimus: Undè Hippocrates *de ratione vict. in acutis*, faciliùs ferri, ait, malos cibos consuetos, quàm bonos insuetos; Consuetudo enim altera Natura dicitur. Deteriores etiam cibi, si rité, rectèque condiantur, salubriores fiunt, & aviditatem excitant. Attamen non sunt illa in escam concedenda, à quibus nullus utilis succus elicitur, qualia esse solent, quæ à picacea fame laborantibus expetuntur; ea etenim veluti deterrima, omninò sunt interdicienda; sed & neque permittenda sunt, quæ dulcem succum præferre videntur, ut sunt bellaria omnis generis, ex saccharo potissimùm confecta, hæc enim facillimè amarescunt, & in succos Ventriculo infensos quàm citissimè vertuntur.

Hinc modò colligere licebit, gratificandum esse ægris in ciborum, & potuum delectu, ut si fortassè quædam cibaria, dum modò omninò nocua non sint, expetant, ultrò concedantur, ut & potus vini, aut aque frigidae, itemque salita, acetaria, aliaque hujus generis, prout occasio tulerit, moderatè tamen sumpta.

Idem Hippocrates *lib. de internis affectionibus* ad Morbum Regium, qui ciborum fastidium infert, obsonium parat ex pullo gallinaceo percocto, probe condito cum cæpa, coriandro, caseo, sale, sesamo, & ova passa alba, & vinum bibendum jubet album, austerum, vetustissimum. Perperam ergo agunt, qui nimium severi nullo pacto miseris ægrotantibus in cibis, potibusque indulgere solent, cum cæteroqui cibus, & potus in gratiam virium conservandarum ægrotis debeat, qui si insuaves sint, atque injucundi, tantum abest, ut profint, ut potius in degeneres succos commutati vires non tueantur, sed morbum.

#### APHORISMUS XXXIX.

*Senes Juvenibus plurimum quidem ægrotant minùs; diuturnis verò morbis correpti ferè commoriuntur.*

**C**onfert in hoc Aphorismo ætatem juvenilem cum senili, magis, vel minùs obnoxia ægritudinibus, atque inquit, Senes plerumque ægrotare minùs, quàm Juvenes, morbis præsertim acutis; diuturnis verò correptos magna ex parte commori.

Quòd de acutis primò sermonem habeat, patet ex altera Aphorismi parte, in qua memorat diuturnos. Distinguit namque Hippocrates, ut benè notat Cardanus, ægrotare, idest acutis morbis corripì, ab eo, quod est morbis subiici; cum alioqui Senes pari habitu præditi, ac Juvenes, faciliùs, frequentiusque morbis subiiciantur; at verò ægrotant minùs, hoc est, minùs, seu rarius, quàm illi acutis ægritudinibus corripiuntur; neque tamen id absolutè protulit, sed adjecit plerumque, seu magna ex parte, cum fieri possit, ut contrarium



in aliquibus accidat, peculiare ob causas, five internas, five externas: plerumque autem evenit, comparatione ex æquo habita, ut Senes minùs, seu rariùs, quàm Juvenes ægrotent, servata per ætates unicuique vendi norma.

Sed qui fit, ut rariùs ægrotent, non eadem est apud Interpretes ratiocinatio. Galenus ad continentiam in victus genere causam referre videtur, ut propterea putet, Senes, qui temperatiores non sunt, magis ægrotare, utpotè qui Juvenibus sint debiliores. Cardanus ex temperamento potius frigido sicco rationem deducit, cui etiam adiicit calorem imbecillem morbis acutis repugnantem, promptamque adhuc à debilibus Causis lesionem, ob quam se statim subtrahant, & intemperantias caveant, & quòd putredini non tam facilè obnoxii sint, quoniam frigidum est illorum Corpus. Sunt etiam, qui ad crassos, frigidosque succos, quibus senilis ætas abundat, rationem Aphorismi revocent, quippè acuti morbi ex humoribus calidis, & tenuibus proficiscuntur, undè rarò senes acutis ægreditudinibus laborare contingit.

At quamvis Senes suam consultiùs sciant regere, actueri valetudinem, sintque cæteris prudentiores, temperatioresque, ut quæ prodesse, vel obesse consueverint, longa ætate, iteratisque experimentis, exactè quoque didicerint; nisi alia causa accedat, per quam rariùs illos acutis ægreditudinibus laborare contingat, non plenè Hippocratis sententia censetur explanata. Existimaverim ea propter, senectutem idcirco rariùs acutis morbis corripì, quoniam sanguis ætatum mutatione desciscit ab illa prompta, & facili, quæ per juventutem vigere solet, ac fer-

mentatione; sensim enim hebescit, & alkali suo vivifico, ac volanti spoliatur, quo levi ex causa in Juvenibus excitatur, & effervesceat. Succus etiam ex illo provenientes effoeti fiunt, & in acidum declinant, quo potius concrescit sanguis: quare alibi diximus, rarenter acutas febres Senes invadere. Si namque à temperantia solum victus non ægrotarent, illa profectò non minùs quoque prodesset, nè in chronicos morbos inciderent, cum tamen his frequentius capiantur, & correpti ferè commoriantur. Itaque à conditione potius sanguinis mutata, quæ per ætatem sensim acquiritur, id illis accidere fatendum est. Cæterum quòd ad Cardanum pertinet, frigidum, siccoque Senum temperamento, putredinem excludenti, id tribuentem, non est, ut longiori sermone refutemus; cum hæc apud emunctæ naris Philosophos in derisum jam abierint.

Quoniam verò Senibus Juvenes opposuit, videtur proinde Hippocrates universas ætates ad duas istas revocare, ita ut homines conferat à pueritia ad juventutem ex una, & à juventute ad senectutem ex altera; ideòque sub Juvenibus comprehendantur etiam Adolescentes, & Pueri, & sub Senibus, qui in consistenti ætate sunt, & qui crudam, & qui maturam senectutem attigerunt. Priores enim, sicut sanguine abundant floridiori, vegetiorique, ita carnes habent molliores, & viscerum texturam laxiorem. Posteriores verò sensim in utrisque deficiunt, & sanguinem, & carnes consistentiores adipiscuntur.

Hac sanè de causa etiam fit, ut Senes diuturnis potius corripiantur affectionibus, quas idem Hippocrates enumerat *Tertio Aphor. 31.* inquit: *Senibus, spirandi difficultates, de-  
sillationes cum tussi, urinae stillicidia,*



*dia, & difficultates, articulo-  
dolores, & renum, vertigines, Apo-  
plexia, habitus Corporis depravatio,  
pruritus, Vigilia, alvi, oculorum, &  
narium humiditates, visus obtusus,  
glaucescences, auditus graves.* Hæc  
autem ab effæto, inutilique sanguine  
procedunt, cujus ratione imbecilla  
senectus reddita his, aliisque chroni-  
cis ægritudinibus subiicitur; sed &  
cum in has inciderint, vix, aut rarò  
evadunt; quin potius cum illis con-  
fenescent, ægram vitam ducunt, ac  
tandem commoriuntur.

V. primo  
de diæ-  
ta.

Dixit autem *ferè*; nam non omni-  
nò ex chronicis quibuscumque ægri-  
tudinibus Senes decedunt, cum à qui-  
busdam saltem liberari possint, adhi-  
bita præsertim diligenti curatione.  
Eas verò plerumque insanabiles ex-  
perimur, quæ languorem partium  
consequuntur, atque à perversis, hæ-  
rentibusque humoribus dependent,  
ut Asthma, Hydrops, Renum, & Ve-  
sicæ affectiones, suffusio Oculorum,  
Surditas, aliæque similes.

V. 6. aph.  
6. & 6. e-  
ridem.  
5. 7.

#### APHORISMUS XL.

*Raucedines, & Gravedines in val-  
de Senibus coctionem non admit-  
tunt.*

**E**Xemplum ægritudinum senilium  
in hoc Aphorismo allaturus  
Hippocrates, Raucedinem, & Gra-  
vedinem in medium adducit, quas in-  
quit, in provec̃ta senectute coctionem  
non admittere. Sunt quippè ambæ  
valdè senibus infestæ, ut quacumque  
ex causa etiam ambientis frigoris, vel  
austrini flatus, illos divexent. Et  
quamvis omnes defluxiones, distil-  
lationesque in quamcumque Corpo-  
ris partem decumbentes sub harum  
nomine plerique interpretentur, ni-  
hilominus propriè exponi debent,

quæ in Guttur, & Asperam Arteriam,  
& quæ in Nares, ac Palatum defluunt.  
Quamobrem Raucedo est affectio illa  
gutturis à confluente seroso humore  
tumefacti, ubi Aer à motu Thoracis,  
& Pulmonis propulsus infringitur, &  
vocem raucam reddit; unde in Rau-  
citate vocales ductus, & muscoli La-  
ryngis indebitè irrigantur, ac plus ju-  
sto humescunt, ut nequeat aer im-  
pulsus, ac percussus liberè excurre-  
re, & reflecti, ad vocis modulatio-  
nem, sed tubæ interiùs tumefactæ ad  
instar clangorem edit. Gravedo ve-  
rò, seu Coryza est, in qua similis hu-  
mor in Nares, & Palatum defluens,  
tum olfactum, tum gustatum impedit,  
quamvis etiam Cerebrum à resta-  
gnante humore adeò læpenumero  
gravatur in antica præsertim parte, ut  
etiam non leviter doleat, & Oculi il-  
lacrymentur.

Quæ cum ita sint, non videntur bi-  
næ hæ ægritudines adeò perniciosæ,  
ut insanabiles credantur in Senibus,  
quinimò sapissimè observentur cura-  
tu faciles, præsertim si illi cautiùs res  
suas agant, & in victus genere errata  
non admittant. Lepidè quidem, &  
acutè respondit olim Alberto Sava-  
narolæ, hunc Aphorismum obiicien-  
ti, Leonicens, cum ferè centenarius  
raucedine laboraret, eum non fuisse  
pro Medicis scriptum, indicans pru-  
dentem, temperantemque hominem  
posse infaustum Aphorismi omen ca-  
vere, & à Raucitate liberari, ut eve-  
nit; nam jure Caponum, & seminibus  
gossypii tandem convaluit. Plures alii  
referuntur exacta diæta id ipsum as-  
sequuti, conferente tamen plurimùm  
valida Corporis constitutione, & spi-  
ritualium partium amplitudine, atque  
energia.

V. Car-  
dan. hic.

Verùm etsi Raucitas, & Gravedo  
sua natura inemendabiles non sint,  
evadunt nihilominus plerumque ta-  
les



les in valdè senibus ob languorem ejus ætatis ; quasi dixerit Hippocrates : Raucedines, & Gravedines in aliis ætatibus facilè curabiles, immò nullius ferè momenti, si in ultima senectute contingat, ob viscerum laxitatem, & sanguinis jam effœti, viriumque languorem, coctionem non admittunt, & ferè insanabiles fiunt. Quamobrem animadvertere est, speciatim notasse Hippocratem valdè Senes, idest in summa Senectute constitutos, qui plerumque languidi cum sint, & cadaverosi, etiam levibus superandis ægritudinibus impotentes evadunt, ut hinc facilè inferatur, quòd minimè curationi subiici queant, Asthma, Hydrops, Empyema, Tussis, morbi longè graviores, quos consultò tacuit, si leviores, Raucitas, & Gravedo difficulter in illis maturescunt. Sed & reverà Raucitatem, ac Gravedinem in decrepitis, nec insanabiles ipse asseruit, sed solùm coctionem non admittere, ut postremò prorsùs definant; cum non rarò extremò senio confecti interquiescant quidem, sed non omninò ejuscemodi ægritudinibus, potissimùm productis, convalescant, etsi valentiores videantur, & opportunis remediis sint adjuti. Coctionem autem in his, vel nunquam, vel rarenter admittunt, tum à confluyente continenter humore eas partes delaxante, qui sæpissimè in Senibus tenuior plerumque est, tam à sanguinis vitio, quàm à Cerebri, & glandularum laxitate; tum etiam ob contractum acorem in provecta senectute increbrescentem, qui suo alkali vivifico non coercitus, nec subactus, coctioni refragatur. Id quod nedùm sæpissimè in decrepita senectate, sed etiam aliquando in crudis, & præcanis Senibus, si natura langueant, & valetudinarii sint, experimur.

## APHORISMUS XLI.

*Qui frequenter, ac fortiter absque Causa manifesta deficiunt animo, de repente moriuntur.*

U T hujus Aphorismi veritas perpetuò constet, tria simul hæc ab Hippocrate hic recensita jungi oportere fatendum, ut nimirum frequenter, fortiter, & absque Causa manifesta defectus animi insequatur, cum in hystericis affectionibus, in mæstis, & melancholicis, inedia confectis, aliisque, quos sæpè sæpius linqui animo contingit, vel frequenter, vel fortiter, non certò repentinus interitus timeatur, ut in Aphorismo dicitur. Itaque junctim exposcit Hippocrates frequentiam, idest iteratas animi defectiones, & pluries breviterpetentes: Vehementiam, ob quam pulsus omninò langueant, vires dissolvantur, corpus concidat, palleat vultus, & partes præsertim extremæ refrigerentur, quin & frons, ac collum glutinoso sudore perfundantur: Demum sine causa manifesta; nam si à mœrore, inedia, immodica quacumque evacuatione, aliave evidenti causa animo deficiat æger (quamvis & ab his quoque perire possit) repentinus interitus minimè contingeret. Quamobrem Causa exigitur interna in ipsa sanguine, vel Corde sita, ut subindè de repentino interitu metuatur.

Hujus animi defectionis, tam vehementis, ut subitò, ac repente perimat, causam Medici ferè communiter referunt ad vitalium spirituum dissolutionem, qui vel deleterio humore infecti penitus extinguantur, vel crasso, frigidoque succo suffocentur, vel maxima exolutione dispereant, ut in pestilentiis. At Ana-



tome compertum habemus hæſiſſe in his ſanguinem dextræ Cordis auriculæ, & impetu quodam ſuccedentem, à vena Cava aſcendente ſuggeſtum, irrupiſſe adeò, ut in Pericardium, atque in Thoracis cavum diſflueret, dirupta adhuc eadem vena. Cauſam ergò ejuſcemodi iteratæ defectionis à ſanguinis vitiato pendere exiſtimaverim: iſ enim, cum nimia craſſitie, acore, aliove vitio, in aditu dextri, ſiniſtrive Ventriculi concreſcit, hæretque, ſyncopem mortiferam infert. Sic in multis peſtiferis conſtitutionibus repente concidunt extincti homines, ac belluæ, quia peſtilentes halitus, ſeu vapores per aerem diſfuſi, ejus ſunt conditionis, ut inſpirati, atque in pulmonibus cum ſanguine Cor ingreſſuro commiſti illum concreſcentem, hærentemque reddant inter valvulas Arteriæ venoſæ, vel in ipſo ſiniſtri ventris hiatu, atque ſimul unà ejus cavum exitiali contagione inficiunt, & labefactant; Undè motu Cordis, & Sanguinis intercepto, ſyncope accidit, & Mors. Sed & non raro evenit, ut ſanguinis vaſa, quæ ad Cor tendunt, ſenſim lentis, tenacibusque ſuccis obſtruantur, veluti polyſis, qui poſtmodum præterfluentem ſanguinem retardent, ſintque in cauſa, ut hic in aliàs partes irruens, vel opprimat, vel dirumpat, quæ Cordis motui, ac Vitæ ſunt omninò, penitùſque neceſſaria. Quoniam verò hæc, aliaque valde differentia ſolent plerumque paulatim fieri, & ex variis cauſis augeri, aut miteſcere, propterea eſt; ut iteratò redeant graviùs, vel levius, pro circumſtantiarum varietate; potiffimùm verò, quia ſanguis in ductus Cordis liberè permanere nequit, & quouſque obſtaculum à novo ſuperveniente propulſus vice-rit, animi defectione perdurabit; at verò cum propelli nequit, nedùm ſibi,

ſed etiam ſuccedenti ſanguini impedimento eſt; quare intumeſcens vaſa primùm dilatat, mox diſcindit, unde Mors ſequitur repentina. Si diutiùs prætereà ſanguis grumefactus alicubi remoretur; vel contrà impetuoſius, uberiùſque in dextrum Cordis ventriculum influat, idipſum plane eveniet, ut cum à diuturno mœrore, & ſubito metu, immodico, atque inſperato gaudio, quis deprehenditur.

Hinc autem præter prognofim, qua Hippocrates tùm patientes, tùm Medicos præmonet, ex ejuſmodi iteratis animi defectionibus, oportebit illis nedùm correptis opitulari, ſed ab imminente interitu præcavere. Nunquam verò ſatis demirari queo quorundam credulitatem, qua ſibi perſuadent, ad Cordis vigorem, atque ad ſpirituum refectionem, valere plurimùm ſmaragdos, margaritas, hyacinthos, itemq; julapium ex gemmis, & unionibus conſectum, aliaque hujus generis, quæ nullam analogiam cum ſanguine, & ſpiritibus habent; cum potiùs à ſpiritu Vini, & Aromatibus, Elixire, & Julapio vitali, Aqua cinnamomi, & theriacali ſpiritu Salis Ammoniacy, & Caphuræ, aliisſque ſimilibus id aſſequi liceat, quæ concreſcentem ſanguinem diſſolvunt, & acidum fermentum, illum coagulans, volanti Alkali diluunt, & infringunt. Cæterum animi Exſolutiones, ex Cardialgia, & Cardiogmo, affectione Hyſterica, & Sideratione, aliter medicabimur ſuo loco.

#### APHORISMUS XLII.

*Solvere Apoplexiam fortem impoſſibile; debilem verò non facile.*

**A**liud exemplum inſanabilium Morborum aſſert Hippocrates, & ubi in præcedenti Aphoriſmo à Vitæ



tæ fonte illud desumpfit, hoc ab origine sensuum mutuatur, potissimum in eo affectu, in quo Corpus univ-  
sum immobile, & insensile redditur, vix à mortuis differens, ut illum pro-  
pterea Apoplexiam, sive Siderationem Medici appellent.

Est itaque Apoplexia privatio sen-  
sus, & motus in toto Corpore, super-  
stite respiratione, licet & hæc multum  
quoque offendatur, & ab istius varia  
læsione, majori, vel minori, quadru-  
plicem faciat Galenus illius differen-  
tiam: primam, & fortissimam, cum  
Respiratio omninò prohibetur, vel  
saltem sensibilis non est: Alteram for-  
tem, cum Respiratio graviter quidem  
offenditur, at non prorsus est aboli-  
ta: Tertiam minùs gravem, in qua  
Respiratio adhuc minùs læditur, licet  
anhelitus habeatur, vel interrupta  
Thoracis expansio: Postremam le-  
vem, cum Respiratio vix à naturali, &  
consuetudo motu declinat; quinimò  
nec omninò soporati, nec sensu, mo-  
tuque destituti, patientes obser-  
vantur.

Ex his autem speciebus, primam,  
& secundam impossibile esse curare  
ait Hippocrates; tertiam, & quartam  
non facile, & non nisi paucissimos,  
atque Juvenes, & robustos ab ipsis  
evadere, transpositione habita à Ce-  
rebro in nervos spinæ subjectos, &  
commutata Apoplexia in Paralyfim.

At qua de causa immedicabilis A-  
poplexia censeatur, & alibi etiã idem  
Hippocrates testetur, quartum diem  
illam non transcendere, non inter o-  
mnes æquè convenit. Quæ in hanc  
rem à Veteribus sunt prodita de ob-  
structione Cerebri ventrium, & de im-  
pedito transitu spirituum animalium  
in nervos, tam vana, & levia sunt, ut  
longo examine non indigeant; cum  
jam cunctis innotuerit, Cerebri ven-  
tres repurgandis potiùs excrementis,

quàm in generandis spiritibus usui ef-  
se, qui nec, si ibi gignerentur, in ner-  
vos deduci possent, quòd nulli ductus  
indè pateant in Cerebri Meditullium,  
atque Nervorum principium; quin &  
amplo hiato patuli nequirent illi ge-  
nitos spiritus continere, qui tenues  
cum sint, ac valdè mobiles, sponte sua  
citissimè evolarent.

At verisimiliùs, cum ea potissimum  
Cerebri pars, quæ Nervorum origo  
est, ab humore illuc appellante vitia-  
to obstruitur, aut hebetatur; vel ab  
intercepto sanguinis motu per plexus  
Reticularem, & Choroidem, aliavè  
de causa, malè afficitur, gravatur,  
aut stupet, ut nervis sensui, & motui  
addictis minimè suffragari queat, at-  
tonitum, sideratumq; Corpus evadit.

Ab hoc autem Nervorum princi-  
pio, his, similibusque modis affecto,  
fit, ut Respiratio in Apoplecticis tam  
graviter offendatur, quippè quæ ner-  
vis, & musculis egeat, ut perennet, ea  
verò omninò impedita, sensibiliter læ-  
sa, sive interrupta, nequit sanguis ex  
dextro Cordis Ventriculo liberè per  
Pulmones in sinistrum permeare; qua-  
mobrem is tum in eodem dextro  
Cordis ventre, tum in ipsis Pulmoni-  
bus penitus, vel majori ex parte, re-  
stagnet, exhausto interea sinistro, qui  
exceptum antea sanguinem propelle-  
re non cessat in Aortam Arteriam;  
Unde in extinctis Apoplexia, non ali-  
ter ac in præfocatis, dexter Cordis  
Ventriculus multo, concretoque san-  
guine turgidus invenitur, sinister ve-  
rò penitus inanitus. Liquet igitur  
quamobrem Apoplectici cum gravi  
Respirationis læsione omninò pereant,  
& cum leviori non tam facilè conva-  
lescant; quoniam difficile admodum  
est eos sanguinis ductus medicamen-  
torum ope referare, atque sanguinem  
absque ulla remota circumeuntem  
tueri, cum Pulmones sensim conci-  
dunt,



dunt, & Respirationi inhabiles fiunt. Accedit, quod motus ipse Cordis etiam non sine Nervorum influxu habeatur, ut proinde isto deficiente, ille quoque desinat.

Quamvis autem Hippocrates afferat, impossibile esse fortem solvere Apoplexiam, quod & argumenta nuper adducta suadere videntur, non tamen non tentandum (quoad vires Naturæ tulerint) quodcumque prodesse poterit, aut aliquandò contulisse visum sit. Et quidem sub duplici classe continentur, quæ proficere sunt observata: Evacuantiæ nimirum, quæ respiciunt Causam hebetantem, aut obstruentem; & Corrigentiæ humoris malitiam, ac Cerebri torporem, Antiapoplectica dicta. Inter priora præstat Extractum Catholicum, & Helbori nigri cum modico Castorei. Inter posteriora verò præcellunt spiritus Antiapoplecticus, & Sanguinis, seu Salis Ammoniaci, volatilis Cornu Cervi, & Ceraforum nigrorum, elixir cephalicum, magnanimitatis, & vitæ, oleum Cinnamomi, & Caryophyllorum; atque extrinsecus oleum Succini, Salviæ, Rutæ, & Anisorum, tinctura Nicotianæ, & Roris marini, aliaque his similia, & quæ diaphoresim, ac diuresim moveant. Cætera remedia plerumq; adhiberi nequeunt in Attonitis, omni motu, & sensu privatis; quin immò, etsi illa per vim indantur, ægrè admodum ob hebetem, consopitamque virtutem proficiunt.

### APHORISMUS XLIII.

*Qui suffocantur, & à vita deficiunt, nondum tamen mortui sunt, non referuntur in vitam, si spuma circa os appareat.*

**Q**Uoniam Apoplecticos interire contingit non aliter, ac eos, qui

suffocati moriuntur; propterea Hippocrates, ut signa fortis Apoplexiæ traderet, à qua lethalis exitus imminet, præcipuum indicium à spuma circa os apparente desumit; aitque, eos in vitam non revocari, quibus os oblitum spuma est.

Sed quæ Hippocrates hic de Apoplectica suffocatione videtur indicare, plerique etiam extendunt in strangulatis laqueo, vel Angina, in submersis aqua, aliisque, non dissimili fato enectis; ut proinde generalior sententia prolata videatur de quibuscumque ab intercluso spiritu pereuntibus. Et quidem in his omnibus spuma circa os apparens funestum signum est, denuncians spiritualium partium læsionem, & Respirationis noxam, unde referri in vitam perdifficile.

At verò: *Qui suffocantur*, inquit, *& à vita deficiunt*: non enim satis est suffocari, sive spiritualium ductuum angustia premi, sed etiam est opus vitæ deficere, quod scilicet Cordis, & sanguinis motum interruptum arguat, quamobrem utrumque junctim ægro perpeti necessum est: hac quippe ratione præter spiritualium viscerum læsionem designatur pariter Cordis labefactio. Quare cum res ita se habet, de vita sperare amplius non licebit, ubi spuma os occupaverit.

Sed qua de causa Mors inde certò sit expectanda? cum cæteroqui spuma plerisque accidat sine ullo vitæ periculo, & Epileptici ore spumosi non rarò fiant, attamen reviviscunt.

Galenus in commentario spumæ generationem investigans, illam ex duarum substantiarum mistione oriri ait, altera spirituoza, altera humida, ex quibus in multa perfractis, mutuoque complexu commistis, ampullæ gignantur, & spuma, ut in Mari, cum scopulis alliditur. Cum autem humi-



da substantia tenax est, spiritus, seu substantia aerea conclusa difficulter evolat, diuque consistit; quamobrem spuma diù quoque perdurat. Duplicem autem hanc substantiam esse in Apoplecticis, & suffocatis evidens est, spiritum nimirum, qui expiratione propellitur, atque à compresso Pulmone, per angustos ipsius ductus quodammodo intercipitur; & lymphicum illum humorem, ac salivarium rorem è glandulis faucium, & gutturi exstillantem, qui ex impedito sanguinis circuitu non tam fluidus esse solet, immò aliquantulum crassescit; ut propterea arctius offendentem spiritum, & pulmonis halitus devinciat, atque ampullas, & spumam pariat consistentiorem. Atqui hæc omnia in strangulatis sensibilia esse solent, quippe qui præter crebriorem Respirationis, & violentam Pectoris, & Pulmonis commotionem, loci angustiam, & aeris plus justo perfracti exagitationem, cum impedito prorsus sanguinis, & lymphæ circuitu, subitam, maximamque subeunt in faucibus, & gutture præfocationem.

Atque hinc modò apta ratio deducetur, cur non redeant in vitam, quibus spuma circa os apparet, & consistit: nimirum quia ingentem Pulmonis compressionem, summam respirandi difficultatem, & viarum cum sanguinis, tum Aeris interceptionem maximam denunciat: quod etiam indicare visus est Hippocrates *lib. de morbo sacro*, & *lib. de flatibus*. Cæterum in Epilepticis, vel nulla, vel levis noxa accidit Pulmonis, & Cordis motui, cum Respiratio in illis perennet, & sanguis per Pulmonis ductus in Cor traducatur; quamobrem spuma in ore comparens haudquam sequitur offendentis spiritus, & perfracti ex tracheolis Pulmonum aeris interceptionem, sed solius sali-

varii roris, ob concussionem masculorum mandibularium, expressionem, atque ad dentes, aliasque oris partes collisionem, unà cum intercluso aere in concamerato palati fornice commisti. Itaque, ut de Veritate Aphorismi perpetuò constet, ne utique reviviscant, qui spumam emittunt ab intercepto spiritu in Pulmonis ductibus, atque impedito sanguinis per eosdem motu; Qui verò aliis ex causis spumant, benè possunt in vitam revocari.

Sed & non ita pridem excogitatus est modus, quo isti, & qui sub aquis sunt demersi, in vitam referantur, nisi tamen sint penitus extincti, quod plerumque post duas horas evenit. Sunt primùm in verso Corpore, sublatiisque sursum pedibus, ac capite deorsum pendulo eoque detinendi, circum accenso interea igne, quousque recalescere incipiant, & aquam per vocalem Arteriam eructent, foto sensim Corde, totoque pectore, cum Vini spiritu, elixire vitali, vel pane calente generoso vino irrorato, hisque sæpius, sæpiusque iteratis: futurum enim, ut mox, nisi omninò decesserint, Cor in suo motu restituatur, & paulatim sanguinem admittat, atque in arterias propellat, cum vitæ restitutione. Qui verò laqueo suspensi, ac strangulati nondum periire, in vitam facile redire solent insufflato per Asperam arteriam aere, ut nimirum Pulmonum brochiis turgentibus sanguis possit è dextro in sinistrum Ventrículum protrudi, subindeque restitui motus tum Cordi, tum sanguini, qui ex strangulatu substiterat. Ad promovendum autem sanguinis motum, atque ad dissolvendum eum, qui fortè in dextro Ventrículo, & in vasis Pulmoniacis hære, ac concrecere ceperat, plurimum conferent Elixir magnanimitatis, proprietatis, & vite



14. de  
Rer. Var.  
c. 76.

Quercetani; itemque spiritus Salis ammoniaci, & theriacalis dictus, juplapium vitale cum Croco, oleum Cinnamomi, idque genus alia, sensim, atque iteratò, ut res ipsa tulerit, exhibita. Cæterùm, qui ultrà duas horas præfocati supervixerunt, ut de eo refert Cardanus, cui aspera Arteria offea inerat, sicuti ductuum aeris interclusionem omninò non sunt passi, ita Sanguinis, & Cordis motu reverà non sunt defecti, nisi etiam hi parem cum amphibiiis, & nobili illo Urinatore Cola Catanense, Pisce cognominato, fortiti sint Naturam.

#### APHORISMUS LXIV.

*Qui natura admodum crassi sunt, citius intereunt, quàm qui graciles.*

**S**Ive hic Aphorismus referatur ad præcedentes, eoque Hippocrates indicare voluerit, citius ex Apoplexia, animi defectione, ac suffocatione, obesos interire, quàm graciles; five simpliciter sit prolatus de iisdem inter sese comparatis, parùm interest, cùm alioqui certum sit, valetudinariam perpetuò vitam magis ducere pingues, quàm graciles.

Comparat autem admodum crassos cum gracilibus, & quidem natura, qui nimirum à prima ætate, & primigenia conformatione ejusmodi habitudines sunt sortiti. At verò valdè crassos intelligit, qui nedum multo adipe scatent; sed & venas, atque arterias habent exiles, & ossa tenuia, quæ ingentem Corporis molem ægrè admodum regere valent; sed & his sanguis non solum propter venarum, arteriarumque angustiam modicus esse solet, comparatè saltem ad carniū multitudinem, verum etiam parte illa vivifica magna ex parte de-

ficit, quamvis multò glutine abundet, quo scilicet adeò ii pinguescunt; quamobrem vitæ fomes, & vigor partium imbecillis quoque est, qui possit diutiùs perennare, & causis alterantibus obsistere: atque ideò multa etiam congerunt excrementa, plurimisque adhuc ex non libera propter obestatem per poros cutis transpiratione, scatent inutilibus succis, quibus gravati facilè deindè gravissimis ægritudinibus succumbunt, Asthmatis, Hydropi, Apoplexiæ, Syncopi.

Hi ergo ab ingenita constitutione obesi, quia laxam, languidamque nanciscuntur partium, & sanguinis compagem, universas penè operationes languidè, obtusèque exercent, quæ vitam nec constantem, nec diutinam portendunt, quemadmodum Aristoteles de Æthiopis, eisdem ferè ex causis, testatur.

De long.  
& brev.  
vitæ.

At verò Graciles, non tamen omninò macilenti, & extenuati, sed moderatè carnosì, ob venarum, arteriarumque amplitudinem, & sanguinis vivacitatem, texturamque Corporis perspirabilem, sicut in omnibus sunt agiliores, valentioresque, ita in his, quæ ad vitam, salubritatemque spectant, firmiores, ac longæviores observantur. Verumtamen hos cum obesis collatos sumere convenit sub eadem Regione, in eodem sexu, & ætate constitutos, iisdem exercitiis deditos, & pari utentes victus ratione. Neque insuper obesi cum tabidis, vel ad tabem dispositis, utpotè morbo-sis, quales oblongo collo, excarniervice, angustoque pectore sunt, hic comparantur, quemadmodum nec carnosì, & lacertosi, veluti Athletæ, cum gracilibus: Eufarca enim Corpora cunctis præstant. Sed solum conferuntur Graciles cum Obesis; qui nimirum ab habitu Corporis carnosò, & medio, æquè recedunt, nec dum limi-



limites salubritatis sunt transgressi. Excipiendi præterea sunt, qui obesum habitum progressu temporis sunt adepti, ob vitam sedentariam, & opiparam, cum Hippocrates speciatim notaverit admodum crassos natura; hi siquidem à partium laxitate, & sanguinis pauperie vitam in longum ducere nequeunt; in his verò, qui procedente ætate pinguiore evaserunt, nec venæ tenues sunt, nec sanguis effoetus, quin & ossa, ac viscera solent esse firmiora; undè fortius causis ægrotare facientibus obsistunt. Pariratione graciles natura tales esse debent; nam qui ægritudine, evacuatione, exercitiis, inedia macruerunt; hoc Aphorismo non comprehenduntur, veluti à naturali constitutione recedentes, & morbofi; cum tamen hic comparentur solum graciles, & obesi intra sanitatis confinia positi, ut dictum, ex quibus hi facilius in morbos labuntur, & lapsi difficilius resurgunt, cum nec medicamentis, nec diæta convenienter tractari possint ob carniū, & sanguinis laxitatem.

Cæterum, quia à sanguinis dumtaxat constitutione, atque habitudine debiliori, in pinguioribus hæc accidunt, planè si illa in meliorem conditionem deducatur, poterunt imminutione istiusmodi mala anteverti, ac præcaveri. Quare tenuiori victu instituto, in aere puriori, cum convenienti exercitio, vigilia, sudore, aliisque extenuantibus causis, in meliorem statum illa reducentur, reddito procul dubio per hæc sanguine vividiori. Ubi autem hæc profecerint, non est, ut medicamenta illa adhibeantur, quæ in hanc rem à quibusdam commendari solent, quemadmodum est præ cæteris Acætum scilicet summis laudibus à Galeno exornatum. At verò putaverim ipse

sine ulla mali suspitione præcellere frugalitatem.

## APHORISMUS XLV.

*Quicumque Juvenes morbo comitiali laborant, mutatione maximè ætatis, & temporum, & locorum, & victuum quoque liberantur.*

**A**lteram valdè affinem Apoplexiæ ægritudinem hic memorat Hippocrates, quam Epilepsiam Græci vocant. De hac autem sic scribit Celsus lib. 3. cap. 23. *Inter notissimos morbos est etiam is, qui comitialis, vel major nominatur. Homo subito concidit, ex ore spuma moventur, deinde interposito tempore ad se redit, & per se ipsum consurgit. Id genus sæpius viros, quàm feminas occupat, ac solet quidem etiam longum esse, usque ad mortis diem, & vitæ non periculosum. Interdum tamen cum recensest, hominem consumit, & sæpe eum, si remedia non sustulerunt, in pueris Veneris, in puellis menstruum initium tollit.* Quæ sanè consentiunt cum sententia hoc loco ab Hippocrate recensita, qua monemur Morbum hunc, tametsi non rarò consenscentem, si fortasse pueros invadat, fore, ut mutatione ætatum, victuum, locorum, & temporum, mitescat, aut desinat.

Et quidem quòd Juvenes hic, antequam vigesimum quintum annum attigerint, intelligantur, patet ex Aphorismo 7. *Quinti*, ubi dicitur: *Quibuscumque morbi Comitiales fiunt, ante pubertatem mutationem accipiunt; quibuscumque autem vigesimo quinto anno, fere commoriuntur.* Quamobrem ubi Leonicens vertit τοῖσι Νέοις Juvenes, aptius Cardanus exponit Juniores; & Fuchsius



Pueros; nisi tamen Juvenes intelligere velimus eos omnes, qui primordia Juventutis non sunt prætergressi, cum ex superius notatis, videatur quodammodò Hippocrates universam hominum vitam in duo solum tempora discriminare, Juventutis nimirum, & Senectutis. Qua ratione nedum Juvenes, sed etiam Pueri, & Adolescentes, morbo Comitiali correpti, mutatione ætatis temporum, locorum, & victuum, sanari poterunt.

Etsi autem mutatio ætatis potissimum Epilepticis conferat, non tamen hujus solum meminit Hippocrates, quasi quod sponte sua ætatum mutatione morbus Comitialis curetur, spretis cæteris auxiliis; sed addidit, & mutationem temporum, locorum, & victuum, ut sicut illa interius, Natura operante, prodest, sic ista exterius administrata plurimum coadjuvent ad ejuscemodi affectionis solutionem. Natura quippè prima morborum Medicatrix, in arduis sæpenumerò, ac difficillimis ægritudinibus opem, & suppetias exquirat ab Arte. At verò Cardanus, Heurnius, & alii, particulam *Temporum* adimunt, eamque à Leoniceno perperam adjectam inquiunt, ex malè intellecto Hippocratis sensu; Equidem si temporum mutationes unquam Epilepticis conferrent, multos sanè illis liberatos experiremur; atqui nullum inde beneficium accidit, nisi quod ex mutatione temporum ætatis factum est. Quare putaverim tempora hic ad ætates, non ad recurrentes annos esse referenda, adeoque non annorum, sed ætatum mutationes conferre posse, ut phrasim græci idiomatis perpendenti palàm sit; nisi tamen annorum potius tempestates, seu constitutiones Hippocratem hic considerasse dicamus, quas plurimum valere ad finem mor-

bis chronicis imponendum pluries memorat.

Levamen autem sentiunt Epileptici ab ætatis mutatione, cum Epilepsia idiopathica est, vitio scilicet Cerebri contracta; nam si sympathica illa sit causa Uteri, aut Ventriculi malè affecti, vel etiam à Veneno, & moribus venenatis, non tam facile solet ætatum mutatione desinere, nisi fermenta horum viscerum affectorum sensim beneficio temporis extenuentur. Locorum etiam, & victuum mutatio proderit, si in contrariam causæ morbificæ, & habitus Corporis constitutionem facta sit: puta si ab incolatu palustrum locorum, & ab Aere nubilo, ac Austrino, Epilepticus æger migraverit in Aerem puriorem, tenuiorem, & apricum, & pro abundanti, & crasso cibo, deinceps utatur salubriori. Nilequidem in ejuscemodi generibus ægritudinum conducibilius cœli, & victus mutatione.

At qua ratione Comitialis morbus ex hisce mutationibus desinat, nunc inquiramus. Qui existimant illum ab irruente in Cerebri ventres humore pituitoso, aut melancholico progigni, statim se expediunt, ætatum scilicet mutatione afferentes ejuscemodi humores digeri, & absumi, temperamento in calidius, & siccius abeunte. Verum Epilepsiam haudquaquam ab humoribus, præsertim pituitosis, & melancholicis Ventres Cerebri opplentibus oriri, vel inde potest esse manifestum, quod ægri subito concidant, & convellantur, mox etiam resurgant, liberentur, & in consueta vitæ munia redeant, nullo alio symptomate superstite, præter quamdam Corporis lassitudinem: at verò minime posset lentus, crassusque humor, qualis est pituitosus, vel melancholicus.



licus tam citò dissipari, & evanescere, aut saltem à Cerebri Ventribus in alias partes detrudi, non illis sensibilibiter affectis.

Verisimilius autem est, à vaporibus Nervorum principium, illorumque membranas, infensa quadam vi, vellicantibus, & fibras molestè admodum contorquentibus, Comitiale morbum exoriri, ut propterea repentè invadat, & subito etiam desinere soleat, superstitè solùm quadam mentis hebetudine, & lassitudine totius Corporis, inducta ab ipsa nervorum contractione. Quamquam & ab aliis causis epilepticos insultus proficisci posse alias ostendimus, modò illæ fibras nervorum laceßere valeant; unde Comitialis morbus veluti nervorum affectus absque irritamento non fit: cùmque per puerilem ætatem fibræ illorum molles admodum sint, & tenellæ, fit propterea, ut quacumque etiam levi de causa concitentur, & convellantur.

Quoniam verò ætatum mutatione omnia propemodum Viscera firman-  
tur, & Cerebrum ipsum, atque nervorum principium, eorumque fibræ sensum consolidantur, qui antè pubertatem Comitiali morbo obnoxii erant, facile adventante Juventute, qua robustiores fiunt, etiam ab ejusmodi nervorum molestia liberantur, æquè ac pueri illi, qui, præ partium mictui destinatarum languore, urinam diutiùs continere nequeunt, sæpissimè inviti, aut dormientes mejere solent, ad pubertatem, & Juventutem perducti, nervorum, ac musculorum firmitate, consanescunt. Sed & causæ illæ nervorum fibras proritantes plerumque per ætates corriguntur, ac desinunt, mutato in meliorem crasim sanguinè, cæterisque liquoribus ab illo derivantibus, ac fer-

Tozzi Op. Med: Tomo II.

mentis partium repurgatis; unde sæpissimè experimur fœmellas post menstruorum eruptiones nedùm his, sed etiam aliis gravissimis egritudinibus, quibus antea laborabant, devictis, evalescere; itemque pueros, post repurgatum à variolis sanguinem, meliorem, salubrioremque diathesim adipisci. Rectè ergo notavit Celsus *lococ.* sæpè Comitiale hunc affectum *in Pueris, Veneris, in Puellis, menstruorum initium tollere.*

Quamvis autem verum sit sedari potissimum per ætates hunc morbum Cerebri, & Nervorum vitio inductum, quia tamen ab Utero, Ventriculo, aliisque Visceribus procedens etiam nervorum fibras proprietas consequitur, uti in nostra Medicinæ Praxi monuimus, sanè poterit & hic pari ratione mitescere, ætatis, locorum, ac victuum mutatione; modò Causæ nervos afficientes emendabiles, & Viscerum habitudines permutabiles sint. A mala quippe Ventriculi, aut Uteri conformatione, ortæ Epilepsiæ, atque Hystericæ affectiones, plerumque consanescunt, ut de fœminis infœcundis meminit Hippocrates 5. *aphor.* 62. Comper-  
tum quoque habeo fœminam quamdam scirrhouteri ab adolescentia laborantem, hysterico-epilepticis insultationibus perpetim divexari, quoties sunt menses erupturi, etsi nunc propè quinquagenaria sit, plurimisque identidem usa medicaminibus.

Ut autem faciliùs assequantur, quod Temporis beneficio per ætates sunt ægrotantes opperituri, poterunt plane quorundam medicamentorum, usu, atque experientia comprobatorum, ope, ab hoc morbo liberari. Et quidem ista varia erunt pro Causarum, & Viscerum consentientium varietate, ut alibi etiam est



Pr. p. 1. à nobis indicatum *peculiari cap. de Epilepsia*. Quodcumque enim diligenter fuerint adhibita, & victus, ac loci mutatio consenserint, sperandum ultra Juventutem adhuc productum Comitalem morbum desitutum, si præsertim ex vita in erroribus antea facta proficiscatur, ut aliquandò in Nobili quodam Viro expertum memini.

## APHORISMUS XLVI.

*Duobus doloribus simul non eundem locum infestantibus, vehementior alterum obscurat.*

**Q**UOD Hippocrates de doloribus fatetur, nonnulli de cæteris quibuscumque affectibus intelligendum subdunt, ita ut nedum vehementior debiliorem dolorem obscuret, sed etiam affectus quilibet præter naturam gravior minus gravem insensibilem reddat, adeoque inflammatio Pulmonis, meningum Cerebri, Hepatis, alteriusve interni visceris externos tumores præoccupet. Sed reverà sensus Aphorismi ad dolentes tantum partes videtur congruentius aptari posse, quoniam per dolorem sensibiliter afficiuntur, indeque iudicium ferri potest gravioris, vel levioris affectionis, cum cæteroqui in aliis ægritudinibus falli sæpius posset patientes, æstimantes leviorum morbum aliquo tamen dolore, vel molestia sociatum, longè graviores eo, qui reverà insensibilior foret, sed dolore vacuus.

Dolorifici itaque affectus inter sese hic dumtaxat comparantur, & quidem acerbiores cum mitioribus, qui tales erunt relati ad Causas dolorem inferentes, & ad partes ipsas dolorem subeuntes: quo enim illæ acro-

res, vehementioresque fuerint, atque hæ nervosiores, ac sensibiliores, eo quoque dolor acerbior, ac molestior erit. Hac planè ratione, humores acritate præditi, acidi, falsi, tenues, mobiles, asperius excruciant, dolentq; sensibilibus Membranæ, quàm Parenchymata.

Non debent autem duo dolores eandem omninò partem infestare, nam aliter mutuò confunderentur, & potius alter alterum exaugeret, ut cum dolens membrum inciditur, & cutis ex admotis cucurbitulis, tumida, adeoque dolens, scarificatur; Sed diversas, distinctasque partes afficere, ut comparatio fieri possit: putà si unà simul doleant Cerebri Meninges, & Dentes; Pleura, & Lumbi; Renes, & Femur. Tunc quippè vehementior, aut propter Causæ acerbioritatem, aut ob loci, & sensus præstantiam, alterum debiliorem obscurabit, seu in causa erit, ut minus sentiatur.

Sed undè id eveniat, non est adeò facile explicatu. Sunt qui inquirunt, vim sentientem unius partis distrahi ad vehementiorem, aut spiritus in partem vehementius dolentem subsidii ergo demandari, adeoque in parte minus dolente sensationem impediri, aut infringi. Sed inania verba isthæ sunt eorum, qui rem sibi fingunt pro more sufficienter explicatam, quam revera magis implicant; cum cæteroqui sensationes, quæ fieri videntur in sensibus externis, percipiuntur ab interno, ut alibi est ostensum. Qui insuper id ipsum explicare conantur exemplo Luminis majoris obscurantis lumen minus, longè etiam, latèque falluntur, cum non ex eo, quòd diurno tempore lucente Sole, Stellarum lumen non conspicitur, benè inferri possit, Stellarum lumen obscurari



ri à lumine Solari, nam ex profundo puteo quis Cœlum interdiù suspi- ciens, Stellas saltem primę magnitu- dinis perpendiculariter fitas clarissi- mē intuetur, & non est novum, Ve- nerem per diem conspici posse, ut nu- per hic Neapoli die XXIV. Martii Anni 1689. post Lunæ conjunctionem in Tauro, ab hora XX. Italica ad Vesperam usque visa est sequi Solem, signum Arietis perlustrantem, adeò- que undecumque spectabilis, cunctis fuit admirationi, ac propterea quod pluries de die spectatam Astronomi notarint, Stella Audax meritò ap- pellata est; cæteras autem cernere nequimus ad aspectum Solaris lumi- nis, quia ità eo nostri oculi afficiun- tur, ut ad perceptionem luminis mi- noris, quale Stellarum est, omninò reddantur inidonei. Sic pariter Au- ditus organa ingenti strepitu percul- sa nequeunt exiles sonitus percipere; & Factu ipso non persentiuntur, quæ leniter contrectantur, cùm fortasse ustione, vel sectione percelluntur il- lius Organa.

Hæc autem non alia de causa con- tingunt, nisi quia sensiones omnes in Cerebro fiunt per motum in organis sensuum externis excitatum, atque per nervos, nervorumque fibras illi communicatum, ut propterea quæ molesta partibus subjectis accidunt, percipiuntur à Mente, prout in eas partes intenta est; undè ea ab aliena- ta, vel aliò distracta, dolor, vel vo- luptas nec percipitur. Cùm igitur à vehementiori motu dolorificæ causæ affecta est, nequit profectò leviores persentire: hi quippè mitius nervo- rum fibras commovent, lentiusque Cerebri meditullium concitant, quàm ut valeant mentem avocare in par- tem lenius affectam.

Neque verò hinc licebit dolorem

dolore levare, & ad partes ignobiles referre, quemadmodum deduci vi- detur ex eodem Hippocrate 6. *Epi- dem sect.* 3. cùm Hippocrates hic di- xerit dolorem vehementiorem obscu- rare, non autem tollere, aut sedare minorem, nec boni Medici sit gra- viorem dolorem excitare sub dubia spe, quòd minor desinat. Sed & per- peram, atque inutiliter agere expe- rimur, qui in gravibus ægitudinibus partium supernarum, tibias, pedes- que asperius attrectando, vitiosos humores in artus avocare nituntur, putantes se ità illas exsolvere.

## APHORISMUS XLVII.

*Dum Pus conficitur, dolores, & febres accidunt magis, quàm jam confecto.*

CUM sanguis alicubi restagnat, & tumorem, ac inflammationem parit, concrevit primum, mox sen- sim corrumpitur, & vertitur in pus, in cujus generatione, vehementi qua- dam fermentatione subigitur, & si- mul carnes quodammodo discerpen- do dolorem excitat, atque per com- motionem, disjunctionemque par- tium tenuium à crassioribus, calorem excitat, & febrem accendit. Id au- tem considerans Hippocrates, inquit, dolores, & febres accidere majores, dum conficitur, quàm jam confecto pure. Equidem in ipsa puris confe- ctione partes illæ tenuiores per fer- mentationem adiguntur, & adnit- tuntur crassiores subigere, undè tu- mefactionem, expansionem, pulsa- tionemque molesta inferunt: post- quàm autem pus confectum fuerit, extricatis tenuioribus particulis, agi- tatio, atque commotio cessat, fer- mentatione ad præcipitationem per- ducta;



ducta; nisi quòd solùm molestia illa persistit, quæ ab ipso pure, veluti à re morbosa provenit, cujus causa circumjacentes partes infici, atque in suis operibus deinceps lædi poterunt, nisi citò data porta educatur: Id quod planè expertum in cujuslibet Tumoris suppuratione, & mox à sectione, confecti puris expulsionem. Sed & non rarò per suppurationem egerunt ea, quæ vix, ac ne vix quidem, aliter extrudi poterant omni adhibita diligentia. Sic spina digito infixæ, nisi aliter possit extrahi, suppuratione promota subducitur. Sic etiam ossium squamule in vulneribus, & ulceribus sponte foras educuntur, aliaque plura præternaturam Corpori ingenta, vel adverso casu affixa.

Quoniam verò à suppuratione habita dolores mitescere solent, videmur hinc non inconditè admoneri in tumoribus, atque inflammationibus internis, quæ diris cruciatibus miseros ægrotantes divexarunt, si fortasse deindè sedentur, cautos esse oportere, tum in prognosi facienda, tum in remediis adhibendis, nè rupto apostemate, effusoque in partem vitæ necessariam pure, mors repente accadat, aut saltem gravior morbus insequatur, cum æger se jam curatum credat. In Vomica Pulmonis, Empyemate, Angina, Pleuritide, aut Hepatide suppurationis, aliisque sæpius id evenit.

Quòd Hippocrates hìc junxerit dolores, & febres, manifestum fit, qua ratione alibi dixerit omnem morbum esse ulcus, aut ulceris conditionem præferre: siquidem cuncti planè morbi veluti quidam dolores sunt, & molestæ affectiones, aut etiam cum patente dolore conjuncti, profectò, siis à soluta partium con-

tinuitate, vel manifesta, vel occulta provenit, omnis morbus, aut reverà ulcuserit, aut ulceris quodammodo naturam sapiet. Atqui comperit etiam ex Anatome est, morbos omnes, ipsasque febres, absque internis tuberculis, abscessibus, inflammationibus, pustulis, ulcusculis, idque genus aliis, non exoriri; ut propterea jure optimo sit ab Hippocrate pronunciatum, omnem morbum ulceris conditionem præferre.

Præter dolores, ac febres hìc ab Hippocrate memoratas, addunt alii etiam Rigores ex suppuratione proficisci, qui sanè in suppurationis sæpiùs observari consueverunt, præsertim cum partes membranaceæ sunt affectæ, aut purulenta materia per easdem excurrit, & nervos vellat: quo pacto ex fluentibus humoribus per glandulas subtercutaneas, & cutim ipsam spinæ attiguam, horrores, & Corporis concussiones plerisque accidunt.

Cæterum quæcumque possunt tenues particulas concitando, & exagitando crassas, adhærentesque, fermentationem promovere; atque poros Cutis obturando, perspirationem in partibus tumefactis impedire, valent pariter suppurationis opus adjuvare, qualia sunt pinguis, & calorifica dicta: *Calidum enim*, inquit Hippocrates, *est suppuratorium*.

#### APHORISMUS XLVIII.

*In omni Corporis motu, ubi laborare coeperit, quies statim lassitudinem aufert.*

**V**idetur & hic Aphorismus unus ex eis, qui Hippocrate digni non sint. Quis enim est, qui nesciat, sub-



subortam à motu lassitudinem quiete desinere, & labefactatum Corpus otio restaurari? Quocirca Galenus *in commentario* Aphorismum hunc non de solo labore ex motu interpretatur, sed etiam ampliat ad dolores; atque alii id speciatim ab Hippocrate notatum putant, ut eos argueret, qui contendebant ex motu immodico morbum calidum exoriri, in cujus curationem frigida commendabant, quæ cum omnino nocua sint, propterea illum statuisse ajunt, sola quiete lassitudinem ex labore moderari: Et Cardanus duo inquit in eo contineri: *unum satis notum, non esse in labore perseverandum, ubi quis lassitudinem sentiat; aliud non vulgare, ubi quis ab initio lassitudinis quiescat, & non mitigetur lassitudo, esse immundum Corpus, paratum ad morbos, ideòque purgatione indigere.* Sed enim hinc quoque admonemur, quomodo lassitudinis causas internoscere possimus; an ex motu Corporis pendeat, an verò ab interno ejusdem affectu, si scilicet observaverimus, an ne labor, ac defatigatio quiete adimatur.

Equidem sponte enatæ lassitudines, (de quibus Aphorismo V.) sola quiete non desinunt, sed quæ à laborioso tantum motu contingunt: hic caippe quieti opponitur, & vicissim temperatur; unde quemadmodum immoderati motus, & lassitudinis remedium est quies; sic otii, ac diuturnæ quietis, motus est: utrumque autem moderatum esse decet; nam ut inferius dicitur, *omne nimium Naturæ inimicum.*

Quòd vulgata versione scribitur: *statim lassitudinem auferri*, ansam præbet dubitandi. Siquidem impossibile videtur tam subito lassitudinem adimi per quietem. Præstater-

go non statim, sed brevi, & facile, ex græco Codice sufficere, ut sensus fiat, nullo negotio, ac brevi, lassitudinem desitutam, si quies accedat; quinimmò nec illa aptè dici poterit auferri, sed tantummodò per quietem succedentem sedari, atque mitescere. Neque verò Hippocrates quemcumque motum hinc intelligendum voluit, sed eum tantum, qui cum labore confunditur, atque ad lassitudinem perducit, cum apud Vetères alius foret levis motus, & exercitium, & alius labor: hoc enim non solum Corpora leviter exercebantur, sed ad sudorem usque, ac defatigationem deveniebant. Et quamvis in textu dicat *in omni Corporis motu*, non tamen hinc quis inferat, primam dumtaxat motus speciem comprehendere, cum mox subjungat: *ubi laborare cœperit;* quamobrem tertiam manifestè designat, ut propterea mens illius sit, in omni Corporis motu, sive in omni exercitiorum genere, saltatu, lucta, digladiatione, venatione, ludo parvæ pilæ, aliove simili, quiescendum statim esse, ubi ad defatigationem perventum fuerit.

Quo demum modo quies lassitudinem adimat, perspicuum fiet, si perpendatur musculorum affectio in motibus Animalium: illi enim pro diversa Corporis agitatione diversimodè distenduntur, & contrahuntur, atque adeò diversas figuras efformant, ut observat acutè Stenonius *in sua Myologia*: quamobrem tam fibræ carniæ, quàm nervorum à diuturna commotione delassantur, ut tandem flaccescant, & extenuentur, eo fermè modo, quo stamina telarum ab assidua, & varia distentione, & contractione, distorsione, distractione, ac retorsione, primum lon-



longius extenduntur, mox etiam attenuantur, ac postremò scinduntur, & lacerantur. Cùm autem per quietem fibræ istæ distractionibus liberantur, sensim otio, nedum suis quæque locis restituuntur, & conquiescunt, verùm etiam palibilibus liquoribus, qui labore rursus exsudabant, irrorantur, & amittuntur, immò reficiuntur, roborantur, ac vigent.

### APHORISMUS XLIX.

*Consueti solitos labores ferre, et si sint imbecilles, aut Senes, non consuetis, fortibus, atque Juvenibus, facilius ferunt.*

Quamvis præcedenti Aphorismo dixerit Hippocrates, in omni Corporis motu, ubi illud laborare cœperit, quietem statim lassitudinem adimere, admonet tamen hic ejusmodi lassitudinem non adeò facile sequituram in consuetis; quamobrem inquit, consuetos licet debiles, aut Senes, minùs affici solitis laboribus, quàm insueti, etsi fortes sint, ac Juvenes.

At verò consuetos ait ferre solitos labores; nam assuetus in uno genere laboris, haudquaquam facilius feret aliud laboris genus; sic etsi quis assuetus sit venari, non tamen facile digladiationem, aut saltatum sufferet. Hinc sententia hæc aptanda solum consuetis in certis exercitiorum generibus, quæ usu sibi familiaria compararunt; quamvis & id quoque verum sit, laboriosos Homines facilius semper ferre cujusvis generis exercitia, quàm qui sedentariam, otiosamque vitam ducere consueverunt.

Inquit prætereà, etsi imbecilles,

aut Senes, facilius tolerare: etenim tolerantia laborum non provenit à robore, sed ab assuetudine, qua partes Corporis minùs defatigari solent. Sic imperitus scribere, aut fides tangere, etiamsi robustus sit, digitis dolebit. Sed & Equi meritorii, licet gracilenti, longa adhuc itinera, & quotidianos labores sustinent, quos generosi, sed requieti, sufferre nequeunt. Consuetudine etenim fibræ musculorum motrices aptantur certa seriè ad ejusmodi munera peragenda, immò ex his usu habitis quodammodò roborantur magis, atque virtute cæteris omnibus præcellunt. Quemadmodum ergo Habitus ex pluribus, atque assiduus actibus acquiritur; ita Consuetudo à frequenti ejusdem generis operatione inducitur; & sicuti ex habitu acquisito promptitudinem, ac facilitatem assequimur agendorum; ita Consuetudine tolerantiam adipiscimur: quamobrem alteram Naturam passim illam Galenus appellat. Quid quòd ejus tanta sæpenumero vis est, ut Naturam ipsam, atque ingentem cujusque facultatem & prævertat, & superet. Laboribus namque assueti, si diù otientur, facile in morbos incidunt: qui cibum semel in die capere consueverunt, si fortassè bis assument, protinus cruditates incurrun: Vini potores, si abstinent, de mala concoctione, & Ventriculi languore illicò conqueruntur. Sed enim Naturæ defectus plerumque emendantur, & ultroneæ Animi proensiones sæpissimè corriguntur, & temperantur; At verò, quæ Consuetudine invaluerunt, vel nullatenus, vel difficillimè. Fertur, Ducem quemdam Atheniensium saltare solitum, cùm præ dignitatis assumptæ decore nequivisset consuetum exercitium fre-



frequentare, cum vellet, cogeatur aliquando repente tripudiare, forti totius Corporis concussione, ac tremore deprehensus.

## APHORISMUS L.

*Quæ ex longo tempore consueta sunt, et si deteriora sint, insuetis minus molestare solent. Oportet igitur etiam ad insueta transire.*

**Q**UOD de solis exercitationibus præcedenti Aphorismo notaverat Hippocrates, nunc generaliori sermone de cæteris etiam rebus, quæ humano Corpori possunt adhiberi, aut quocumque modo in Vitæ usum evenire, commonefacit, atque in his ferendis, vim, & efficaciam Consuetudinis inculcans, inquit, ex longo tempore consueta, etsi deteriora, minus, quam insueta, molestare solere.

Ecce sane si præcipua Rerum genera ad Vitam, valetudinemque tuendam necessaria perpendamus; id verissimum comperiemus. Aer frigidissimus, atque incolatus borealium, & nivofarum Regionum, nedum commodè, ac salubriter, ab illorum locorum habitatoribus toleratur, sed etiam valdè proficit ad Corporum firmitudinem; si deinde in calidiorum commutetur, & in Regiones temperatas, graviter afficiet, & noxam afferet. Cibis enutriti solidis, crudis, & inconditis, quique diu peculiaribus quibusdam potibus sunt usi, si diversis deinde potionum, alimentorumque generibus utantur, quantumvis melioribus, læduntur. Assueti pomeridianis horis dormire, vel sub dio, aut Sole sub ardenti, vel ad graves Arborum umbras, incommoda cæteroqui insuetis nocentissi-

ma, bene tolerant. Qui purgantibus medicamentis consueverunt, inde succedentes facillimè sufferunt evacuationes; quo factum, ut Medici inter Coindicantia Purgationis Consuetudinem retulerint. Sic pariter qui toxica sumere consueverat, nullo unquam tempore ab eis visus est damnum perferre. Et ubi Homines, inquit Seneca, majorem Vitæ partem in tenebris agunt, sic fit, ut novissimè Solem, quasi supervacuum fastidiant. Vivit adhuc, qui ad integras hebdomadas compressa alvo citrà fastidium fæces, & urinam remoratur. Hinc jure optimo dicitur Consuetudo Natura adscititia, quæ primævam corrigere, & permutare valet.

Ut autem Consuetudo id præstet, longo temere inducta sit, oportet; quocirca appositè notavit Hippocrates: *Quæ ex longo tempore consueta sunt*: etenim quo vetustior illa est, eo radices altiores figit, atque firmam, ac stabilem in assuetis promptitudinem, ac repugnantiam ad opposita, operatur.

Addidit insuper: *et si deteriora sint insuetis*, per comparisonem: siquidem quæ omnino, & absolute mala, ac perniciofa sunt, potissimum quæ vehementer, & cum violentia afficiunt, haud facile ferri poterunt. Sic assuetus pati incommoda Aeris, somni, vigiliæ, laboris, aut ciborum, non tamen facile tolerabit illa eadem, si immodica, & violenta fuerint, ut & neque contusiones, vulnera, aut mortifera venena. Quin & adiecit, illa *minus molestare solere*, relata scilicet ad insueta, sive Corpora, sive mala extrinsecus occurrentia: quippe semper minus afficientur consueti, quam insueti, & minus quoque molestabunt, quæ sunt in assiduo usu habita, quam quæ omnino



ninò inusitata sunt. Hac profectò ratione, partes eas, quas amictu velare solemus, non sine valetudinis incommodo Aeri frigido exponimus, sicuti neque pedes frigida aqua abluimus, ut manus, & faciem, sine Catarrhi periculo; & pleræque mulieres nudos humeros, pectusque ipsum solent ostentare, absque ullo salutis discrimine; quod sanè insuetis obesset plurimum. Possumus itaque ita assuescere ab ineunte pueritia, ut iis etiam, quæ suapte natura nocere solent, sine valetudinis detrimento, ac vitæ noxa, utamur; quemadmodum de plerisque fertur, qui venenatis rebus Corpus enutrire consueverunt.

Hinc tandem colligit Hippocrates, oportere etiam aliquando ad insueta transire, ut scilicet ab his minùs Corpus afficiatur, si fortassè iisdem alterari contingat. Quare juvabit cunctis indiscriminatim subiici, ad valetudinem tuendam, vitamque prorogandam, ut omnium ferè quamdam veluti consuetudinem, & ex consuetudine tolerantiam acquiramus. Unde Celsus lib. I. cap. I. *sanum hominem, beneque valentem nullis obligare se legibus debere*, monet, & *oportere varium habere vitæ genus, modò Ruri esse, modò in Urbe, sæpiusque in agro, navigare, venari, quiescere interdum, sed frequentius se exercere, interdum balneo, interdum aquis frigidis uti, modò ungi, modò id ipsum negligere, nullum cibigenus fugere, interdum in convivio esse, interdum ab eo se retrahere, modò plus iusto, modò non amplius assumere, &c.* Et Galenus in commentario huius Aphorismi: est, inquit, *uniformis quæque consuetudo periculosa; cum omnes homines inopinatis rerum sortibus subiiciantur.*

*Ne igitur aliquando repente incidentes in insueta, magnopere laedamur, satius esse, inquit, omnia tentare.* Itemque Celsus l. I. cap. 3. *Nimis otiosa vita utilis non est, quia potest incidere laboris necessitas.*

Quamvis autem valdè utile sit varia ad sanitatem tuendam tentare, atque indiscriminatim cunctis uti, quæ in humanæ vitæ decursu Corporibus accidunt, nec tam facilè vitare possumus, immò, ut consulit Hippocrates, etiam ad insueta transire expediat; nihilominus in ejusmodi permutatione, omninò cavendum, ne repentè consueta deferantur, ac subito transeat ad contraria, & insueta, quemadmodum idem Hippocrates sequenti Aphorismo animadvertit: periculosum enim. Sed neq; in maturiori atate permutationes istæ tutæ sunt; tunc enim ægrius feruntur, cum à levissimis etiam Causis senilia Corpora offendantur; quamobrem licebit solum in Adolescentia, ac Juventute sensim Corpora in oppositum assuefacere, quo tempore incommoda quæcumque facilius tolerantur. Verumtamen adhuc in ejusmodi mutationibus perpendere oportebit, num à bonis, vel malis consuetis, ad insueta meliora, vel pejora procedatur, & an etiam à bonis ad mala, aut contra à malis ad bona transitus exoptetur: Equidem à malis ad bona, & à bonis ad meliora, tutior semper mutatio existimabitur, sed non adeò extrema, ut cum voluerimus ad mala, vel pejora redire, penitus sufferre nequeamus; longè verò intolerabilius erit à malis ad pejora procedere, cum inde facilè transmigretur ad ægritudines. Quare multum conferet inter mediocria versari, atque illis rebus potissimum assuescere, quæ pro Cor-



porum habitudine, ac constitutione ferri possunt, & speciatim in malis ita, ut in eis diutius minimè perseveretur, ne certa sanitatis, ac vitæ iactura subeatur. Hæ namque mutationes non alia certè de causa videntur commendatæ, nisi ut valetudinem tueantur, non destruant, minusque, quoad fieri possit, obnoxiam reddant Causis illam alterantibus, atque ad ægritudines deducentibus. Sed propositi Consilii rationem ex sequenti Aphorismo uberius explanemus.

## APHORISMUS LI.

*Plurimum, atque repentè evacua-  
re, vel replere, vel calefacere, vel  
refrigerare, sive quovis alio modo  
Corpus movere, periculosum: Om-  
ne enim nimium Naturæ inimi-  
cum. Sed quod paulatim fit, tu-  
tum est, cum aliàs, tum cum ab  
altero ad alterum transitus fit.*

**Q**Uoniam præcedenti Aphorismo docuerat Hippocrates conferre aliquando ad insueta transire, ne quis crederet statim, ac violenter ejusmodi mutationes esse faciendas, monet nunc illas paulatim fieri oportere, nam quovis modo Corpus movere, plurimum, ac repentè, periculosum.

Inquit autem *plurimum, ac repentè*, ut scilicet denotet vehementiam simul, & violentiam alterationis: quædam enim alterant quidem plurimum, sive calefaciendo, sive refrigerando, at sine violentia, & longo temporis tractu; quædam verò violenter, ac citissimè, at non cum tanto excessu. Si autem utrumque præstent, plurimum sanè exagitant; subitam simul, & ingentem

mutationem inferendo. Et quamvis alterutrum, si humano Corpori accidat, grave sit, potenterque immutet, ac depravet illius œconomiam; ubi tamen utrumque conjungatur, periculum Vitæ minabitur, divexata nimirum impensè Natura, quæ mediocritate solum gaudet, & immoderationem nullatenus ferre potest.

Subdit insuper, *evacuare, vel replere, calefacere, vel refrigerare*. De Evacuationibus, & Repletionibus immoderatis dixerat etiam 1. *Aphor.* 3. illas ad extremum ductas esse periculosas: Siquidem inanitionibus immodicis exsolvitur Corpus; membra lassantur, & vires deficient. Repletionibus verò cuncta gravantur, infarciuntur, suffocantur. Vehementer quoque calefacere, periculosum; quippe à calore nimio, carniū molities, ac laxitas, imbecillitas nervorum, mentis torpor, sanguinis profluvium, & animi defectio exoriantur, quibus tandem Mors succedit, ut dicitur 5. *Aph.* 16. Frigidum verò convulsiones, tetanos, livores, & rigores febriles parit, estque inimicum Ossibus, Dentibus, Nervis, Cerebro, Spinali medullæ, *ibidem* to. 17. & 18.

Utque omnem violentam, ac repentinam mutationem complectatur, addit: *Sive quovis alio modo Corpus movere: Omne enim nimium Naturæ inimicum*; & sanitas in quadam commensuratione, ac mediocritate consistit: quo etiam argumento ductus idem Hippocrates hoc *eodem libro* to. 3. docuit: *Somnum, & vigiliam, utraque excedentia, malum*: Et to. 4. *nec satietatem, nec famem, neque aliud quidquam, quod modum Naturæ excesserit, bonum*.

Tam ergo ad valetudinem tuendam,



dam, quàm ad morbos abigendos, & tum in usu alimentorum, tum etiam in usu medicamentorum sententiam hanc prolatam esse demonstrant adjecta verba, *evacuare, vel replere*. Unde Medicamenta cathartica validiora, Sanguinis detractiones, victus plenioris frequens exhibitio, immoderata quies, idque genus alia, sunt omninò devitanda. Eleganter itaque, & scitè Phocylides hujusmodi effatum ad universos actus humanos transtulit, commendans in ipsis mediocritatem, ut sit modus in rebus cunctis; & Cicero, ad omnem usum, cultumque Vitæ referendam eandem esse censuit, ut in omnibus præ oculis sit ipsa semper habenda.

Cùm igitur repentinæ, & vehementes mutationes periculosæ sint, consulit propterea Hippocrates, sensim illas esse faciendas, quia quod paulatim fit, tutum est; idque sive in eodem statu permanere, sive ad insuetam, & vicissim transire debeamus. Quamobrem in Aphorismo subditur, tum aliàs, tum si ex altero in alterum transitus fiat. Sic qui alternè cibum capere, ac jejunare consueverunt, si ab inedia transitum faciant ad immodicam satietatem, Ventriculum procul dubio gravabunt, & vitam oppriment. Itemque qui œnopota fuit si repentinè hydropota fiat, graviter afficietur. Juvabit ergo gradatim semper in ejusmodi mutationibus procedere, ut illæ ferantur facilius, & profint. Hinc quoque idem Hippocrates *lib. de rat. vict. in acut.* consulit, securius omninò esse ad sanitatem, in similibus, & assuetis consistere, quàm repentinè, etiam in melius, permutare.

## APHORISMUS LII.

*Omnia secundum rationem facienti, si non succedat secundum rationem, non est transeundum ad aliud, suppetente quod ab initio probaveris.*

**N**onnumquam Medicamenta, aliaque in ægrotantis opem à solerti Medico, summo judicio, sanæque ratione sunt præscripta, sive in acutis morbis, sive in chronicis, quæ etsi subito non juverint, non propterea ad alia transeundum imprudenter, monet hoc Aphorismo Hippocrates: quoniam, ut subdit Galenus, *non mediocris prudentiæ est, non discedere ab iis, quæ recta visa sunt, etsi nondum manifesta appareat utilitas ex iis ita factis, consequi;* cum sæpè sæpius quod ab initio manifestè non juvit, possit progressu temporis, sensibilibus proficere.

At verò dicuntur secundum rationem fieri remedia, quoties per suas indicationes ritè, rectèque examinatas, fuerint opportunè adhibita; Siquidem rationabiliter Medicus operari dicetur, cùm, cognita Causa morbi, congruentibus tum in ratione victus, tum in usu medicamentorum, auxiliis utetur, quæ si fortassè brevi tempore eam opem, quæ desideratur, non præstiterint, erunt procul dubio allatura procedente morbo ad statum, ac declinationem, cùm non raro longius tempus exquiratur, ut causa morbi, quæ ob crassitiem, tenacitatemque repugnat, coctioni, secretionique subiiciatur; quamobrem insistendum magis erit iisdem, quæ à principio conferentia judicata sunt, suppetente nimirum eadem ratione, eademque indicatione, quæ efficax visa



visa est ad ejusmodi remedia ministranda . Quòd si temporis decursu Morbus , ejusque Causa cum adjunctis symptomatis mutationem aliquam subierit , non persistente eadem indicatione , certè ad alia transitus tutò faciendus erit .

Non tamen hinc velim , ut quis pertinaciter insistens præconceptæ suæ opinioni , idem prorsùs medicamentum commendare , ac præscribere non desinat , cùm illud visum est non solum non profuisse , sed etiam obfuisse ægrotanti . Non enim desunt , qui errorem semel conceptum , adhuc in perniciem hominum , tueri non verecundantur , & cùm inconstantes , aut falsi videri nolunt , grave dedecus , & propriæ famæ jacturam sibi pariunt . Sed enim , quod gravius est , nec Morbum multoties , nec Causam Morbi cognitam habentes , sibi multa fingunt , multa quoque ex proleteriis Auctoribus congerunt , & perperam conficta , pejusque gesta , in medium afferunt . His quippe effatum hoc Hippocratis nullatenus suffragatur , nilque rationabile suppetit , quod à principio rectum , probatumque sit . Enimverò ex eventu solum , atque successu , dijudicare possumus , num secundum rationem fuerimus operati , in eorum genere , quæ inter Naturæ penetralia latent , cujusmodi sunt Medicæ notiones , & solum à juvantibus , & nocentibus , ad investiganda , quæ ægrotantium salutem pariunt , manuducimur . Quare non esse transeundum ad aliud ex Hippocrate monemur , cùm exhibitum medicamentum , licet omninò non juverit , minimè nihilominus nocuerit ; quippe aliquando juvare subitò non solet , vel ex repugnantia Causæ mor-

bificæ , quæ tempore superabitur , vel ex languore Naturæ , quæ sensim oppressa vigebit , & morbum excutiet . Unde Celsus *lib.3. cap.1. oportet itaque* , inquit , *ubi aliquid non respondit , non tanti putare auctorem , quanti ægrum , & experiri aliud , atque aliud ; sic tamen , ut in acutis morbis citò mutetur , quod nihil prodest ; in longis , quos tempus ut facit , sic etiam solvit , non statim condemnetur , si quid non statim profuit ; minus verò removeatur , si quid paululum saltem juvat , quia profectus tempore expletur .*

At verò , quæ per morborum tempora variant , diversum planè exigunt medicamentorum usum , ut propterea ad alia , atque alia , proratione , transeundum sit ; sicut enim cum re mutare consilium prudentis est , ita expediet omninò in his pro renata permutare medicamenta . Ita quidem in morbis Pectoris , in Tumoribus , Inflammationibus , cæterisque , quæ ab initio probantur proficere coctioni , supurationique , omninò mutanda deinceps erunt in detergentia , expurgantia , consolidantia , postquam maturuerint . Verumtamen ejusmodi mutationes , veluti favorabiles , Rationi adhuc congruentes dicendæ sunt , cùm id ipsum non suppetat , quod ab initio , ex mutatione Causæ morbificæ , probatum fuit .



## APHORISMUS LIII.

*Quicumque alvos humidus habent, si quidem Juvenes sint, in melius commutantur iis, qui siccas habent. Qui verò in Senectute, eo deterius commutantur, nam senescentibus magna ex parte exsiccantur.*

**S**imilis omninò videtur hic Aphorismus illi, in quo dicitur: *Quibus Juvenibus alvus humida est, iis senescentibus exiccatur; quibus verò Juvenibus alvus sicca est, iis senescentibus humectatur.* Attamen differunt, quia in eomutationes solummodò per ætates Hippocrates notavit, alvi humidioris inficiorem, & è converso; in hoc verò meliorem, vel deteriore ex his constitutionem addidit. At verò aberratum ferè communiter faciunt Interpretes Leonicenum, quòd è græco Codice ἀπαλλάσσει malè verterit *commutantur*: legendum propterea malunt, *melius degunt*, quàm *in melius commutantur*; ut inde sensus sit, Juvenes alvos humidus habentes pejus in senectute degere, qua iis tum sponte exiccatur, cum alvus lubrica semper adstricta melior reputetur. Sed tamen, qui in ætate juvenili durior alvum fortiti sunt, constituti tandem in ætate senili magis, & magis exiccabuntur; unde in deteriore statum abibunt. Quamobrem præstaret Juvenes ex arctiori alvo mutationem subire senescentes in lubriciorem, ut excrementa per senectutem cumulationiora promptius deponantur; quamquam Celsus l.i.cap.3. *melior est, inquit, in Juvene fusior, in Sene astrictior.* Atqui hæc tam va-

riè accidunt hominibus, pro varia eorundem habitudine, & peculiari constitutione, ut certa regula ex hoc deduci nequeat: sunt quippe qui melius se habent cum alvo duriori, quàm laxiori, si præsertim laxitas vitium chylosis subsequatur, & Venter non adeò obdurescat, ut quotidianis saltem excrementis non exoneretur. Verumtamen per comparisonem tantum sunt hæc ab Hippocrate in Aphorismo tradita. Immò verò magna ex parte dicitur exiccare alvos senescentibus; nam perpetuò id verum esse non experimur, sive quòd distillationibus corripiantur, sive quòd malè cibos conficiant, sive demum quia laxatis fibris intestinorum, ac musculorum ani, obscuram veluti paralysem in his partibus patiantur. Hanc autem alvi lubricitatem, vel siccitatem, neutiquàm à cibis, vel ab ægritudine, sed à propria illarum ætatum habitudine, & viscerum, ac fermentorum conditione Hippocrates desumit: hæc enim omnia suapte natura decurrentibus annis in nobis variant, etsi perfecta sanitate fruamur; ut aliàs quoque meminimus.

## APHORISMUS LIV.

*Magnitudo Corporis, Juvenem quidem neque indecens, neque illiberalis; Senectæ verò inutilis, & deterior parvitate.*

**C**onvenientem, vel inconvenientem molem Corporis in ætatibus considerans hoc Aphorismo Hippocrates, proceram inquit, & magnam staturam, Juventuti nec indecentem, nec invenustam esse; Senectuti verò inutilem, & parvitate deteriore.

Quam-



Quamvis autem Fuchsius de Corporis potius proceritate, seu longitudine, sententiam hanc interpretetur, fretus etiam autoritate Galeni in commentario, & Celsi lib. 2. cap. 2. dicentis: *longa statura, ut in iuventa decora est, sic matura senectute conficitur*; non tamen video, quin etiam de totius Corporis magnitudine secundum trinam dimensionem adaucti, exponi non possit; quemadmodum scitè quoque existimat Cardanus, qui acriter hac occasione invehitur in Galenum, de sola longitudine sententiam interpretatum. *Quid enim, is inquit, absurdius, quàm dicere, proceram exilitatem neque indecentem, neque illiberalem Juventæ, cum sit ridicula etiam parentibus, & fratribus, vix quæ non contempta in Principibus? deinde quis docuit Galenum hos, non illos vere magnos in senectâ incurvari, cum oppositum ostendat experimentum, & ratio etiam subscribat; majore enim pondere prægravantur, & cum sint etiam humidiores, magis curvantur macilentis, nam & ligna viridia ab igne magis flectuntur, siccis.* Hæc Cardanus.

Hanc ergo magnitudinem Juvenibus indecentem non esse, neque proportionem excedentem scribit Hippocrates; quoniam per hanc ætatem æquè adolescunt, & partium comparatione per omnem ambitum magni evadunt, quamobrem cum secundum naturam incrementum in longum, latum, & profundum æquabiliter suscipiant, illiberalis, excedens, seu non proportionem servans, dici non poterit: Juvenes namque decet simul increfcere, & incrementum naturale æquabiliter suscipere. Ubi

Bozzi Op. Med: Tom. II.

pro Juventute etiam Pueritiam, & Adolescentiam intelligere licebit juxta morem ejusdem Hippocratis, ut superius monuimus. At verò Senibus inutilis illa est, & deterior parvitate. Inutilis quidem, quia à languida senectutis virtute tanta moles sustineri non potest, si fortassè perseveret; si verò, ut natura accidit, debito marcore afficiantur, extenuata crassitudine, per solam longitudinem, ac exilem proceritatem, nedum inelegantes, atque inconcinni remanent, verum etiam capite deorsum incurvati, ac sæpe numero etiam gibbi fiunt. Deterior verò, quoniam propter virium languorem, ac Viscerum, & sanguinis hebetudinem, gravatur magnitudine Corpus, non regitur, & facile vitæ flammula ab opprimente mole, atque obesitate, suffocatur, & extinguitur. At verò qui parvo sunt Corpore, vivaciores, agilioresque esse solent, atque ad quævis vitæ munia promptiores; quamobrem & diutiùs, & salubrius illos vivere experimur, nec prætereà tam obnoxii illi sunt incommodis, quæ ex magnitudine Corporis senibus accidere ostensum est. Verumtamen deterior solum dicitur parvitate, nam si fortassè comparetur cum ea Corporis magnitudine, quæ pinguem habitum consequitur, certè melior censenda est; cum carnosa, & lacertosa Corpora præsentent pinguibus, & obesibus, quæ omnium deterrima esse solent. Atqui nec parva, ac pusilla Corpora senum omni prosus vitio exempta putanda sunt, sed dumtaxat meliora, atque alacriora optimis.

Hinc modò colligere est, lenius

L

nius



niùs tractanda esse , cùm præsertim ægrotaverint , senum Corpora , ingenti carniū , & adipis mole gravata , quàm parva , & gracilia . Illa enim , utpote languidiora , facilè labore , vigilia ,

& quocumque evacuante medicamento , exsolvuntur ; ac viribus deficiunt , si diæta regantur asperiori : utraque autem facilius ferre solent parva , atque adeò vivaciora .

**F I N I S.**



# I N D E X

## R E R U M   N O T A B I L I U M

### Primæ Partis.

#### A

**A**bscessus an Criseos nomine donari possit. pag. 62

Abscessus boni in convalescente signa. 107

Abstemii, voraciores. 119

Accessiones. Vide Paroxysmi.

Accessiones divisit Galenus in Principium, Inæqualitatem, Augmentum, & Statum. 59

Acuti morbi tenuem victum exposulant ex Hippocrate 22. & seq. item 25. & seq.

Acuti morbi qui dicantur à Galeno. 22. 113

Acuti morbi aliquando tenuem victum non exigunt, & quinam hi sint. 23

Acuti morbi quo sensu dicantur cibo minuente vires indigere. 23

Acuti morbi quomodo prænoscantur. 24

Acuti morbi, dum in vigore sunt, tenuissimo victu tractandi, nisi eorum vigorem mors excipiat. 35

Acuti morbi an inter initia purgantibus opus habeant. 80

Acutorum morborum non sunt certæ prænunciationes. 113. & quare. 114

Acuties morbis unde accidat. 114

Acuti morbi in quatuordecim diebus judicantur. 119. & quare. 120

Acuti ex decidentia etiam intra quatuordecim dies judicari dicuntur. 119

Acuti morbi cur aliquando ultra decimum quartum protrahantur. 120

Acutis morbis minus afficiuntur Senes, quam Juvenes. 138

Adolescentes an jejunium ferre possint. 45

Adolescentes an, & quomodo, plurimum calidi innati obtineant. 46

Adolescentes plurimo indigent alimento, & quare. 48

Æger obtemperans, quæ præstet, quæ inobediens. 4

Ægri partes, quæ sint. 4

Æger in cathartici exhibitione considerandus. 81

Ægrorum peculiaris constitutio cathartici vim retundit. 83

Æger recidivæ causa esse potest. 104

Ægrotantes si pluri cibo nihil proficiant, malum. 130

Ægri in melius procedent, si inter morbi initia cibum fastidiant, quam si vehementer appetant, & quare. 131

Ægri levius ferunt purgationem, quam sani. 137

Ægrotantibus gratificandum. 137. 138

Aer & famem adimere, & proritare valet. 111

Aeris vis in perturbanda hamani corporis œconomia. 104. & 122

Æstate an loca subterreanea algeant. 51

Æstate cur langueant corpora. 52

Æstate imbecillia cæteroqui corpora melius se habent, & quare. 52

Æstate cibi minus tolerantur. 57. 58

Ætas in evacuationibus consideranda. 9. 81

Ætatum mutatio varias parit in corporibus mutationes. 116

Ætatum habenda ratio in victus administratione. 44. & 57

Ætati si congruat morbus minus periculosus. 133

Ætates omnes ad duas revocantur ab Hippocrate. 139

Ætatis mutatio Epilepsiam solvit. 147 & seq.

Alimenta v. Cibi, Victus.

Alimenti naturam induit quandoque Catharticum. 84

Allevationibus absque ratione contingentibus non est fidendum. 126

Allevationes sine ratione, quæ dicantur. 126

Alvi fluxus futuri signa. 106

Alvi fluxus species. 106

in Alvi profluviiis excrementorum mutatio, quæ bona. 107

Alvi lubricitas, vel stypticitas, quomodo



# I N D E X

- modo ætatum varietate variari pos-  
sit. 115
- Alvus lubrica, & sicca unde. 116
- Alvus humida an sicca melior. 159.  
160
- Amara, & parumper adstrictoria fe-  
bres fugant. 123
- Analeptice, quæ Medicinæ pars. 98
- Angina quid. 108
- Animi defectio quando lethalis. 141
- Animi defectio quomodo accidat.  
142
- Animi defectio quibus præcaveatur.  
142
- Vide Leipothymia.
- Anni temporis ratio habenda in pur-  
gationibus. 9.81
- Anni tempora morborum accessiones,  
& constitutiones præsignificant. 42
- Anni tempus respicit quoque victus ra-  
tio. 50.58
- Annus in septem tempora ab Hippo-  
crate divisus. 51
- Anni tempori quod ad victus rationem  
aliquid concedendum. 57
- Anni tempus morborum longitudi-  
nem, vel brevitatem parit. 122
- Anni tempori si congruat morbus mi-  
nus periculosus. 133
- Anni tempus an Epilepsiam solvere  
possit. 148
- Anticipantes febres breviores. 42
- Antiperistaseos futile commentum.  
51
- Aphorismorum necessitas. 1.2
- Aphorismorum connexio non est an-  
xiè perquirenda. 99
- Aphorismorum doctrina ab experi-  
mentis potius deducta, quàm ratio-  
nibus conquisita. 115
- Apoplexiam fortem solvere impossibi-  
le; debilem verò non facile. 143
- Apoplexia quid. 143
- Apoplexiæ quatuor differentiæ ex Ga-  
leno. 143
- Apoplexia non fit ab obstructione  
ventriculorum & cerebri. 143
- Apoplexia cur aliquando immedica-  
bilis. 143
- Apoplexia quomodo contingat. ibid.
- Apoplecticis, qui respiratio offenda-  
tur. ibid.
- Apoplecticos quamnam juvare consue-  
verint. 144
- Apoplecticis spuma circa os lethalis.  
144. & quare. 145
- Aquis demersi quomodo restitui pos-  
sint, ni penitus sint extincti. 145
- Aquæ gelidæ potus an æstum febrilem  
temperet. 19
- Aqua ardens instantem famem tollit.  
117
- Aqua, edax ab Hippocrate vocatur,  
& quare. ibid.
- Aqua frigida an perfundendi sint Te-  
tano correpti. 125
- Aspera arteria ossea observata. 145
- Assidentium conditiones ex Hippo-  
crate, & Galeno. 5
- Athletarum institutum. 12
- Athletarum habitus quare solvendus.  
ibid.
- Athletæ quibus subjaceant discrimi-  
nibus. 12
- Athletæ quomodo juxta Galeni sen-  
tentiam famescere possint. ibid.  
& seq.
- Athletæ cur nequeant in eodem boni-  
tatis statu permanere. 13
- Athletis imminetia pericula quomo-  
do præcaveantur. 14
- Athletarum habitus calidus unde. 54
- Attenuans victus qualis, & quibus à  
tenui differat. 24
- Augescentibus accessionibus febrili-  
bus tuto cibus non exhibetur. 59
- Augescentibus morbis melius est à ca-  
thartice abstinere. 129
- Autumno corpora debiliora. 57
- Autumno cur longiores ægitudines,  
& lethales. 52.122
- Autumni cibus parcior. 57.58
- B
- B**ellaria impensè nocua. 138
- Bezoardica medicamenta quando  
utilia. 89
- Bilis, & succus Pancreaticus invicem  
infringuntur. 116
- Bilis usus. 106.115
- Bilis ferè semper in febribus deprava-  
tur. 40
- Biliose evacuationes in convalescenti-  
bus, corpus purgatione indigere si-  
gnificant. 107
- Brevitas accessionis, & morbi, unde  
colligi possit. 42. & seq.
- Bu-



# RERUM NOTABILIMUM.

Bulimos unde. 95  
Bulimos quid ex Galeno. 117

## C

**C**acochyma corpora purgatione affatim instituta debilitantur. 136

Cacochyma corpora per epicrasin purganda. ibid.

Cacochyma corpora copiosiori alimento læduntur magis. 101

Calor corporis an sanguinis missione compesci possit. 18

Calor innatus, atque ascititius, qui. 47

Calidum innatum quid, & innumere, eæque variæ, de illo Auctorum opiniones. 47

Calidum innatum ens quoddam fictum reputatum. ibid.

Calidum innatum an sit quid cœleste, an elementare, an utrumque. 48

Calidum innatum sanguis ex Harvejo. 48

Calor nullus in animantibus præter eum, qui à corde, & sanguine. 48

Calor influens in animalibus nullus; nisi quæstio sit de nomine. 49

Calidum innatum pabulo eget. 49

Calidum innatum an sit & vitæ, & interitus causa. 50

Calor innatus cur Hyeme, & Vere vegetior. 52

Calor hic qualis sit juxta Hippocratis mentem. 53

Calefacere vehementer, periculosum. 157

Cantharides cur Vesicam solum lædant. 86

Cardanus Galenum increpat. 79

Cathartica medicamenta v. Purgatio, & Medicamentum.

Cauteria an sint remedia magna. 31

Cauteria quid præstent. ibid.

Cauteriis inustæ partes, humores, qui illac educuntur, minimè attrahunt. 31

Cauteria sanguinis, aut lymphæ portionem educunt. 31

Cauteria in succiplenis toleranda, secus in extenuatis. 31

Cauteriorum detrimenta. ibid.

Tozzi Op. Med. Tom. II.

Cerebri ventriculi spiritus non continent animales. 143

Χωρεόντων nomine quid veniat. 78

Chronici morbi pleniorē victum requirunt ex Hippocrate. 21. & seq.

Chronici morbi ab humorum multitudine, crassitie, viscositate, &c. 22

Chronicis morbis afficiuntur senes. 139

Chronicorum morborum certiores sunt prænunciationes salutis, aut mortis. 115

Chronici morbi an in principiis medicamentum purgans exquirant. 80

Chronici morbi qui prænoscantur. 24

Chymica medicamenta longè tutiora benedictis vulgò vocatis. 75

Ciborum digestio ad solidas partes potius, quàm ad spiritus pertinet. 23. Vide Victus.

Cibus plenior nostra tempestate egrotantibus exhibetur: secus tempore Hippocratis, & quare. 24

Cibus ad tertiam usque diem apud Ægyptios ægris interdicebatur. 26

Cibus pro mensura virium ægris exhibetur. 27

Cibus inhibendus tempore paroxysmi. 38. & ante illum. 39

Cibus quo tempore in morbis sit exhibendus. ibid.

Cibi in paroxysmo exhibitio cur tam nocua. 39

Cibus qua ratione febricitantibus morbus ex Hippocrate dicatur. ibid.

Cibus qua mensura extenuatis exhibendus. 98

Cibus impuris corporibus nocuus. 101

Ciborum digestionem complures opitulantur causæ. 39

Cibus quandoque exhibendus ex Galeno in ipso accessionis initio. 40. quibus autem hoc conveniat. 40

Cibus quo tempore sit febricitantibus exhibendus. 41

Cibus quo tempore morbo quocumque affectis sit exhibendus. 41

Cibus ætatum. 45. ad 50

Cibus anni temporum. 50

Ciborum confectio somno melius, an vigilia peragatur. 53

L 3 Cibo-



- Ciborum confectionis, & distributionis historia. 53. 116  
 Cibus convalescentium. 98. & seq. 101  
 Cibus quoties sit exhibendus. 56  
 Cibus parum, & sæpè exhibendus, ubi vires defecerint. ibid.  
 Cibus ubi multum, & sæpè concedendus. 57  
 Cibus quando multum, & rarò præscribendus. 57  
 Cibi in exitiosos quandoque degenerant humores. 84  
 Ciborum repletio in peste olim utilis. 101  
 Cibi liquidiores convalescentibus aptiores. 102  
 Cibi solidi, an liquidi præstantiores. ibid.  
 Cibi plus justo ingesti morbum faciunt. 111  
 Cibi quantitas unde mensuranda. 111  
 Cibi præter naturam ingesti qui dicantur. ibid.  
 Ciborum excessus quotuplex. ibid.  
 Ciborum excessus quomodo corrigatur. 112  
 Cibi velociter nutrientes veloces patiuntur excretiones. 112  
 Cibi tenuiores celerioris sunt distillationis, & contra. 113  
 Cibi avidè utentes si nihil proficiant, malum. 130  
 Ciborum nausea in principiis morborum tolerabilior, quàm eorum vehemens appetitus. 131  
 Cibi immodici in principiis morborum perperam offeruntur. 132  
 Cibi pravis utentes à medicamento purgante statim debilitantur. 135  
 Cibus suavior, parum licèt deterior, meliori, sed minùs suavi est præferendus. 137  
 Cibus suavior, & deterior, quinam. 137  
 Cibi consueti faciliùs feruntur. 138  
 Circuituum incrementa, morborum accessiones, & constitutiones præsignificant. 42  
 Circuitus sanguinis. v. Sanguis circulatio.  
 Climactericorum annorum observatio vana. 121  
 Clysteres cathartici præcedere debent. 100  
 Coctio in morbis quid. 36  
 Coctio duplex, utilium, & inutilium. 68. 70  
 Coctio inutilium minimè à calore perfici potest. 68  
 Coctio meliùs dissolutio ex fermentatione vocatur. 69  
 Coctio, quæ requiratur ad humorum vacuationem. ibid.  
 Coctio quacumque calorificis promovendi dicitur. 70  
 Coctionis nomine quid apud Hippocratem. ibid.  
 Coctioni haud subiiciuntur restagnantes humores. 72  
 Coctio medicamenti propinatione remoratur. 73  
 Cœliaci fluxus causæ. 106  
 Cœna intempestiva lethalis. 40  
 Cola Piscis amphibii par. 145  
 Comitialis morbus. v. Epilepsia.  
 Commutantes morbi, unde. 104  
 Compressiones quid significant apud Hippocratem ex Fuchio, Leoniceño, Heurnio. 14  
 Concocta medicari oportet. 67. & quare. 70  
 Conferentia, & tolerantia à vacuationibus perseverans esse debet, non momentanea. 7  
 Confidentia ægri in Medicum quantum præstet. 4  
 Consensus unus, conspiratio una. 65  
 Consensus quidam incompti. 67  
 Consistentes morbi qui dicantur. 133  
 Consistentis ætatis homines quomodo jejunium ferre possint. 44. 45  
 Constitutus victus sanis noxius. 27  
 Constitutiones morborum. v. Status.  
 Consuetudinis efficacia. 56. 95. 138  
 Consuetudini si congruat morbus minùs periculosus. 133  
 Consueti solitos ferre labores, cæteris licèt imparibus, lassitudinem difficilius sentiunt. 154  
 Consuetudo potiùs, quàm robur, laborum parit tolerantiam. ibid.  
 Consuetudo altera Natura à Galeno dicta: immò Naturam ipsam superat. ibid.  
 Consuetà longo tempore, etsi deteriora, insuetis minùs molestare solent. 155. &c.  
 Consuetà si modum excefferint, etiam molesta erunt. 156  
 Con-



# RERUM NOTABILIVM.

- |   |  |
|---|--|
| <p>Consuetudo uniformis periculosa .<br/>ibid.</p> <p>Consuetorum ad insueta mutatio non<br/>repentè fiat, &amp; quacumque etate. ibi.</p> <p>Contabescencia summa in mediocri fe-<br/>bri debilitatem significat. 127. quin<br/>&amp; morbi pravitatem. 128</p> <p>Continuæ febres ex Galeno tempora<br/>particularia habent. 39</p> <p>Contrarietas vera inter qualitates ver-<br/>fatur. 30</p> <p>Contraria an contrariis curentur. 118</p> <p>Convalescentes avidè comedentes, &amp;<br/>cibum fastidientes. 130. &amp;c.</p> <p>Convalescentes cathartici læduntur.<br/>136</p> <p>Convalescentium regimen. 97. &amp; seq.<br/>101</p> <p>Convalescentes cibo haud gravandi.<br/>98</p> <p>Convalescentes quamobrem aliquan-<br/>do cibum non capiant. 99</p> <p>Convalescentes quando purgatione<br/>indigeant. ibid.</p> <p>Convalescentes quæ evacuandi. 99</p> <p>Convalescentes solidis cibis, an liqui-<br/>distractandi. 102</p> <p>Convulsioni si febris superveniat me-<br/>lius, quàm contra. 124</p> <p>Convulsiones pueris familiares. 125</p> <p>Convulsioni quænam febris proficua<br/>fit. ibid.</p> <p>Convulsionis curatio. 125. 126</p> <p>Copia excretorum in evacuationibus,<br/>non est æstimanda, sed si talia, &amp;c.<br/>127</p> <p>Corpus si à febre non gracilescat, vel<br/>si summè contabescat, malum. 127</p> <p>Corporis moles juvenibus decora, fe-<br/>nibus verò inutilis. 160</p> <p>Corpora purganda fluida priùs red-<br/>denda. 99</p> <p>Corticis Peruviani efficacia in feбри-<br/>bus. 123</p> <p>Coryza quid. 140</p> <p>Craffi admodum citius intereunt,<br/>quàm graciles, &amp; id quare. 146</p> <p>Craffis sanguis modicus inest. ibid.</p> <p>Craffities corpori unde accedat. ibid.</p> <p>Craffities quomodo tolli possit. 147</p> <p>Craffi humores catharticum contra-<br/>indicant. 82</p> <p>Crescere qui propriè dicantur. 46</p> <p>Crisis perfectæ conditiones: 7. 64</p> | <p>Crisis signa in morborum statu, &amp; qua-<br/>re. 36</p> <p>Crisis fermentatione perficitur. 105</p> <p>Crises in paro xyfmis accidunt. ibid.</p> <p>Crises nox præcedit molesta, levior<br/>subsequitur. ibid.</p> <p>Crises per quæ loca futuræ sint, qui<br/>prænoscatur. ibid.</p> <p>Crises optimæ, quomodo quandoque<br/>periculosæ. 106</p> <p>Criseos salutaris indicia. ibid.</p> <p>Criseos perfectè per abscessum factæ si-<br/>gna. 107</p> <p>Crisi imminente cibus subtrahendus.<br/>59. 60.</p> <p>Crises dum rectè accidunt, nihil inno-<br/>vandum. 61</p> <p>Crisis quid. 61. 105</p> <p>Crisi imminente, cave Naturam di-<br/>strahas. 61</p> <p>Crisis imperfectæ causæ. 62</p> <p>Crises imperfectæ recidivas faciunt.<br/>103</p> <p>Crisis imperfecta à Medico juvanda.<br/>57. 64</p> <p>Crises imperfectæ quod ad loca. 62</p> <p>Crises imperfectæ quod ad quantita-<br/>tem, vasorum consensum, toleran-<br/>tiam, tempus morbi. 63</p> <p>Crises imperfectæ quod ad dierum nu-<br/>merum. 63</p> <p>Crisis diminuta à Medico promoven-<br/>da per loca conferentiora, &amp; quo<br/>Natura vergit. 65</p> <p>Critici dies qui. 120</p> <p>Criticorum dierum vis Lunæ malè ap-<br/>pingitur à Galeno. 121</p> <p>Criticorum dierum inanis observatio.<br/>63. 121</p> <p>Criticos dies ille, in quo bona crisis<br/>ex Averroe. 63</p> <p>Cruda, &amp; non cruda, Commentato-<br/>rum confusio. 71</p> <p>Crudi humores movendi non sunt ex<br/>mente Hippocratis, &amp; Galeni. 71</p> <p>Crudis humoribus differtos nec lava-<br/>re, nec omninò movere expedit. 72</p> <p>Crudi humores an possint lenientibus<br/>medicamentis moveri. 72. cur non.<br/>74</p> <p>Crudi humores si nequeunt eradican-<br/>tibus medicaminibus educi, qui<br/>poterunt lenientibus? 75</p> <p>Curatio an contrariis instituat. 118</p> |
|---|--|



## D

- D** Eclinatio morborum unde. 36  
 Declinante febre cibo est locus. 60  
 Decrepiti jejunium ferre non valent. 44  
 Decrepiti lucernis penè extinctis à Galeno comparantur. ibid.  
 Decretorii dies superstitiosum commentum. 63  
 Dejectio quando salutaris. 7.v. Evacuaciones. 63  
 Delirium quid. 89  
 Delirium quomodo fiat. 90  
 Deliramentorum genera septem. ibid.  
 Delirium cum risu, & studio. ibid.  
 Delirium quodnam somno compescatur ex Heurnio: an potius omne. 90  
 Derivativa sanguinis missio ineptum cogitatum. 19  
 Diæta sola optimè ad purgationem præparantur corpora. 99  
 Diæta ab Hippocrate primùm inter Medicinæ præsidia connumerata. 21  
 Diæta nomine quid apud Hippocratem, & Galenum veniat. 22  
 Diarrhœa haud à Jecore. 107  
 Diatritarii Medici qui. 21  
 Dierum observatio in morbis. 120.&c.  
 Dies in morbis haud numerandi ex Celso, sed accessiones. 122  
 Diocles Carystius Hippocrati adversatur circa consensum morborum cum ætate, temperie, &c. 133  
 Dissidentes morbi qui. 133  
 Dolentes qui dolorem non sentire possint. 98  
 Dolor quid. ibid.  
 Dolor vehementior leviolem obscurat. 150. & quare. ibid.  
 Dolorum acerbitas, & levitas unde. ibid.  
 Dolorem dolore levare an boni sit Medici. 151  
 Dolores, dum pus conficitur, unde. ibi.  
 Dolores quare, dum confectum jam pus est, remittant. 152  
 Dolor internus si cesserit de suppuratione dubitandum. ibid.  
 Dosis medicamentum purgans inefficax reddere potest. 83  
 Dulces cibi noxii. 138  
 Duratio morborum unde præcognosci

possit.

42. &amp; seq.

Dysenteria neutiquam Hepatis culpa.

107

## E

- E** Lodes febres quæ. 92  
 Embryonis innatum calidum. 48  
 Epilepticis circa os spuma haud letalis, & quare. 145  
 Epilepsia mutatione ætatis, locorum, &c. tolli potest. 147. si idiopathica sit: & quare. 148  
 Epilepsia quo contingat modo. 150  
 Epilepsia non fit cerebri ventriculis pituitosis succis oppletis. 148  
 Epilepsia sympathica. 150  
 Epilepsiæ quæ resistent medicamenta. Ibid.  
 Epiphænomena signa morborum durationem præsignificant. 43  
 Eradicativa sanguinis missio an unquam locum habere possit. 17. 18  
 Eradicantia medicamenta dosis efficit, ac præparatio. 74  
 Evacuacionum divisio. 5. & seq.  
 Evacuaciones symptomaticæ qui fiant; ac earumdem utilitas quæ. 6  
 Evacuatio quæ bona ex Sanctorio. 7  
 Evacuatio sine conferentia qui fiat. 7  
 Evacuacionis utiliter futuræ indicia. 8  
 Evacuaciones arte promotæ quando utiles; itemque spontè naturæ factæ. 8  
 Evacuaciones ut ritè instituantur, quæ considerata. 9. & seqq. & quare, contra Sclanum. 11  
 Evacuaciones an nulla habita ætatis ratione sint celebrandæ, ex Celsi præscripto: locus insignis. 10  
 Evacuaciones ad extremum non perducendæ. 14. 157  
 Evacuaciones extremæ an alibi interdixtæ, alibi commendatæ ab Hippocrate. 14. 15  
 Evacuaciones citæ pleniorum victum expostulant. 23  
 Evacuaciones per loca conferentia, & quò Natura vergit. 64  
 Evacuaciones si modum non fervent cohibendæ. 65  
 Evacuaciones ubi ægrè feruntur quid agendum. Ibid.  
 Evacuaciones per quæ loca congruentio-



# RERUM NOTABILIMUM.

entiores. 66  
 Evacuatione convalescentes quandoque indigent. 99  
 Evacuationes compendiosiori via, minima molestia, &c. sunt promovenda. 66  
 Evacuationes arte promotæ non multitudine æstimandæ. 77. sed si convenienter. 78  
 Evacuationes an ad animi usque deliquium faciendæ. 78  
 Evacuationes hæcæ quo sensu Hippocrates faciendas esse dixerit. 79  
 Evacuationibus levissimis quandoque morbi cedunt, qui potentioribus non cesserunt. 105  
 Evacuationes biliosæ in convalescentibus corpus unâ simul ægrotare significant. 107  
 Evacuatione duplici nunquam utendum. 109  
 Evacuationes celeres fieri dicuntur illorum ciborum, qui affatim nutriunt. 112  
 Evacuationes per alvum factæ & ætatum mutatione variantur, & aliis de causis. 116  
 Evacuationem curat repletio, & vicissim. 118  
 Exercitium quid. 109  
 Exercitiis natus calor augebit. 54  
 Experimentum in Medicina periculosum, & quare. 3  
 Experientia quid sit. Ibid.  
 Experientiæ non ritè institutæ detrimenta. Ibid.  
 Experimentum qui in Medicina fallax. 4  
 Exquisiti victus incommoda. 21. & seqq. v. Tenuis.  
 Extenuata corpora quomodo reficienda. 97  
 Extenuatio corporis quibus breviter, quibus post multum accidat tempus. 98  
 Extenuata corpora quo alimentorum genere reficienda. 98  
 Extenuatio summa imi ventris in morbis malum. 135  
 Exteriora quæ sint. 5. & seq.  
 Extremi morbi, remedia extrema. v. Morbi, Medicamenta.

## F

**F** Acultates animales, & naturales, si in morbis valeant, bonum, non contra. 132. v. Vires.  
 Fæces obduratæ medicamenti purgantis vim præpedire possunt. 83  
 Fames in Athletis undè, ex Brasavolo, Argenterio, & Cagnato. 13  
 Famis genuina causa secundum Recentiores. ibid.  
 Fames modum naturæ excedens mala. 94  
 Famis naturalis causa juxta Galeni sententiam, & Recentiorum. 45. & 94  
 Fames Canina undè. 95  
 Fames laborem recusat. 109  
 Fames quænam laborem recuset. 109  
 Famem quousque vivencia tolerant animalia. 110  
 Fames in principiis morborum an bona. 131  
 Fames quibus modis adimi vivente animali possit. 110  
 Famem quo pacto explere dicantur Britanni, & Indi. 111  
 Fames quænam vini potione sedetur. 117  
 Fames Canina, Lupina, &c. Ibid.  
 Fames naturalis quoque vini potione solvitur. 117  
 Fames aqua ardente tollitur. 117  
 Famis Caninæ curatio. Ibid.  
 Fames Canina à vermibus. 118  
 Faucibus à morbo ægrotantibus, excretionibus inspiciendæ. 107  
 Febrilis calor an sanguinis missione remittatur. 18. 19  
 Febrisfuga ipso accessionis tempore propinata. 40  
 Febricitantes quo tempore sint cibo reficiendi. 41  
 Febres Senum, & Juvenum. 49  
 Febris an calorem omnino, & per se præferat. 49  
 Febres quare senibus periculosæ. 50  
 Febricitantibus victus humidus. 54. & quare. 55  
 Febris natura secundum Veteres. 54  
 Febricitantibus cur victus frigidus non competat. 55  
 Febrium invasiones Galenus in Accessiones, & Remissiones divisit. 59



# I N D E X

Februm brevitās, vel longitudo unde.	122
Febrifuga cujus generis sint.	123
Febris non est morbus.	124
Febres sua natura non malæ.	124
Febris si convulsioni superveniat melius, quàm contra.	124
Febris quàmam convulsioni superveniens proficua.	125
Febris an tutò convulsis excitari possit ab Arte.	125
Febricitantium corpora si nihil gracilescent, vel si contabescant plusquam decet, malum.	127
Febribus incipientibus si quid tibi videtur movendum, move.	129
Febrientes impensè læduntur à cathartico intempestivè exhibito.	Ibid.
Febres extinctæ vomitorio in principiis exhibito.	Ibid.
Febres, dum pus conficitur, unde.	151
Fermentatio ciborum, v. Ciborum confectio.	
Fermenta quædam morborum recondita recidiya quandoque pariunt.	104
Fonticuli, v. Cauteria.	
Frigefacere vehementer, periculosum.	157
Furor quid.	90

## G

<b>G</b> alenus Hippocrati, contra Dioclem Caryltium, patrocina- tur.	133
Galenus Hippocrati injurius: ob id reprehensus à Cardano.	1
Galenus quid sentiat de Medicinæ progressu.	3
Galenus Asiaticæ loquacitatis notatus.	26
Galeno Vesicantia non innotuerunt.	33
Galenus Hippocrati contradicit de Nonanarum febrium existentia.	42
Galenum mitia cathartica haud latuerunt.	75
Galenus à Cardano impugnatur in textu Hippocratis expositione.	79
Galenicorum ad evacuationes indiscriminatim persolvendas ansa à Celso desumpta, ex eodem diffracta.	10

Gemmarum inutile subsidium ad vires reficiendas.	142
Glandulæ internæ, & subtercutanæ in plerisque morbis vitium patiuntur.	108
Glandulæ omnigena excipiunt vasa.	108
Glandulæ quibus de causis ægrotent. Ibidem.	
Gracilibus crassi admodum citius intereunt, & quare.	146
Graciles qui dicantur ab Hippocrate.	146
Gravedines in valdè senibus coctionem an admittant.	140
Gravedo quid.	140

## H

<b>H</b> abitus quidam corporum evacuationes quasdam tolerant, quas alii omninò respuunt.	67
Habitus assiduis actibus acquiritur.	154
Hæmorrhagiæ futuræ signa.	105
Harvejus commendatus, ejusque sententia de calido innato.	48
Hepatici fluxus. 106. inculpato Jecore.	107
Hepar sanguificandi munere non fungitur.	Ibid.
Hippocrates prolixitatis notatus. 11. excusatione tamen dignus.	Ibid.
Hippocrates impietatis nota inustus.	15
Hippocrates dietam in artem Medicam invexit primus.	21
Hippocratis loci adversantes de tenui, & pleno victu, qui ab Interpretibus concilientur.	26
Hippocrates vesicantium non meminit.	33
Hippocrati superfluitatis reo quomodo Philotheus, Oribasius, Sclanus, & nos patrocinemur.	38.39.& 136
Hippocrati contradicit Diocles, & Galenus, de Septimanarum, & Nonanarum febrium existentia.	43
Hippocrates de pulsibus doctrinam vel ignoravit, vel nihil fecit.	43
Hippocrates tautologia notatus.	72
Hippocratem haud latuerunt lenientia Medicamenta.	75
Hippocrates à Cardano contra Galenum defensus de evacuationibus ad de.	



# RERUM NOTABILIVM.

deliquium usque peragendis. 79  
Hippocrates experientiam potius in Aphorismis, quam rationem profectus est. 115  
Hippocrates in Criticorum dierum observatione varius. 121  
Hippocrates an Indicibus, & Judicibus diebus fidem habuerit. 122  
Horror in febribus quomodo à Celso curetur. 41  
Humorum coctio, & præparatio antè purgationem. 69. & seq.  
Humores non crudi, Interpretum hallucinatio. 71. v. Crudi.  
Humores restagnantes coctionem non admittunt. 72  
Humores ut educantur, præparatione indigent, nisi turgeant. 100  
Humores morbifici qui relinquantur in morbis. 104  
Humor turgens in cathartici exhibitione considerandus. 81  
Humorum quaternarius numerus inter aniles fabellas connumeratus. 14  
Humidus victus qui, & quibus conveniat. 104. & seq.  
Hydropotæ voraciores. 117  
Hyeme cur alimenta ingerantur copiosiora. 50. & seq. & 57.  
Hyems, quæ dicatur ab Astronomis. 51  
Hyems, quæ vocetur ab Hippocrate. Ibidem.  
Hyeme an subterranea loca caleant. 51  
Hyeme cur calidum innatum vegetius. 52  
Hyeme cur somni longissimi. 52  
Hypochondriaci quare difficilè purgentur. 84

## I

**I** Chor ex vesicantium ulceribus prodiens, quid. 32  
Jecorarii fluxus. 106. v. Hepatici.  
Jeiunium qui ferre possint, vel non. 25  
Jeiunium semel in hebdomada præcipit Avicenna. 28  
Jeiunio magis macerantur sani, quàm ægri. Ibidem.  
Jeiunium an in peracutis morbis conferat. 34  
Jeiunium quæ ætas ferat magis. 44  
Ignis remedium extremum ex Hippo-

crate. 30  
Impura corpora copiosiori cibo lauduntur magis. 101  
Inæqualitatis tempore cibus non exhibendus. 59  
Inanitiones vasorum quando utiles. 8. & seqq.  
Inanitio vasorum quid comprehendat. Ibidem.  
Indicationis mutatione medicamenta quoque mutanda erunt. 159  
Indicationi, si insistat Medicus, minime transire debet ad aliud, etsi juxta rationem non succedat opus. 158  
Indices dies qui. 120  
Indices dies commentitii. 121  
Indicationes undè desumendæ. 129  
Inedia damna. 28  
Inedia quoto die animal perimat. 110  
Inedia, an, vivente animali, ad annos prorogari possit, & quomodo. 111  
Inflammationes dissolventibus tolluntur, & quare. 19  
in Inflammationibus internis cautè prognosticum est faciendum. 152  
Inflammationes internæ catharticum contraindican. 81  
Insania quid. 90  
Insuetis quandoque utendum ex Hippocrate. 156  
Intervalli tempore cibus permittendus. 60  
Judicium in Medicina difficile, & quare. 4  
Judicationes, v. Crises.  
Juvenes quomodo ferre possint jejuni-um. 41  
Juvenes an majorem, quàm pueri, calorem innatum habeant. 46. idque triplici ratione adversus Hippocratem probatur. 47  
Juvenes ascititio calore pueris præpollent. Ibidem.  
Juvenibus corporis magnitudo decora. 160  
Juvenes alvum humidam habere, melius. 160  
Juvenes styptici, dum senes fiunt, lubrici evadunt, & contra. 116  
Juvenes si senum morbis corripiantur, periclitantur magis. 134  
Juvenibus senes ut plurimum acutè agro-



agrotant minùs ; licèt hi frequentius  
morbis subiiciantur. 138  
Juvenes epileptici mutatione ætatum,  
locorum, &c. liberantur. 147  
Juvenes qui dicantur, 148

## L

**L** Abor fameſcentibus vitandus .  
109  
Laboris nomine quid veniat. 109  
Laborem à motu quies ſolvit. 153  
Labores ſoliti, conſuetis haud facile  
laſſitudinem inferunt. 154  
Laborum tolerantia non à robore, ſed  
ab aſſuetudine. 154  
Laqueo ſuſpenſi quo poſſint modo in  
vitam redire, ſi non dum perie-  
re. 145  
Laſſitudines ſpontaneæ, quæ, & an  
morbos prænuncient. 95  
Laſſitudinum ſpontanearum ſpecies  
tres ex Galenò; Ulcerofæ ſcilicet,  
Tenſivæ, & Phlegmonofæ. 95  
Laſſitudinum harum cauſæ. 95.96  
Laſſitudines ſpontaneæ quos præter-  
tim morbos pronuncient. 96  
Laſſitudines hæ quomodo corrigantur.  
Ibid.  
Laſſitudinem à corporis motu quies an  
ſtatim auferat. 153  
Laſſitudines ſpontaneas quies non au-  
fert. Ibid.  
Leipothymia quibus à Syncope dif-  
ferat. 15  
ad Leipothymiam uſque evacuationes  
an commendandæ. 78  
Leipothymix frequentes, fortes, &  
abſque cauſa manifeſta, lethales,  
141  
Lenientia medicamenta an crudis hu-  
moribus conveniant. 73. cur non,  
74  
Lenientia medicamenta quandoq; Hy-  
percatharſim inducunt. 73  
Lenientia medicamenta doſis ſola effi-  
cit, vel præparatio. 74.&c.  
Lenientia medicamenta Hippocratem,  
& Galenum minimè latuerunt. 75  
Lenientia medicamenta correptione  
etiam indigent. 82  
Leoniceni lepidum de raucedine Se-  
num dictum. 140  
Lienteriæ cauſa. 106

Liquidi cibi an ſolidis præſtantiores.  
102. 113  
Liquidus victus febrientibus. 55  
Loca, quibus Natura ſalubriùs ſe exo-  
nerare ſolet. 32  
Loca evacuationibus congruentiora.  
66. ſex exigunt conditiones. 66  
Longitudo morborum quomodo con-  
iici poſſit. 42.& ſeq. 127  
Lumine majori an obſcuretur mi-  
nus. 150  
Lycus Macedo Hippocrati adverſatur  
de calido innato puerorum, & ju-  
venum. 46

## M

**M** Agnitudo morbi an indicet Ve-  
næ-ſectionem. 16  
Mala præter rationem in morbis acci-  
dentia, non multum formidare o-  
porteret. 127  
Malacia gravidarum quid. 127  
Maligna qualitas Venæ-ſectione ab-  
ſcindi non poteſt. 18  
Mœcenas vigil. 94  
Medicamenta ſecundum rationem  
quæ. 158  
Medicamentorum exhibitiones impor-  
tunæ criſim impediunt. 5  
Medicamenta magna quæ dicantur,  
& qui morbis magnis reſiſtant.  
16. 17  
Medicamenta leviffima morbos ma-  
gnos fugant quandoque. 16  
Medicamenta extrema, & magna quæ  
vocentur. 29  
Medicamentum magnum aliud quid,  
quàm Purgatio, & Venæ-ſectio, à  
Galenò pluries appellatum. 30  
Medicamentum extremum ab Hippo-  
crate Ignis exiſtimatus. 30  
Medicamenta in morborum vigore vi-  
tanda. 35  
Medicamentorum propinatio in paro-  
xyſmis vitanda. 40  
Medicamenta febrifuga, & vomitoria  
in ipſa acceſſione exhibita. 40  
Medicamenta irritantia vitanda dum  
Criſis imminet. 62  
Medicamenta citò, tutò, ac jucundè  
conferre debent. 66  
Medicamenta ea propinanda, quæ de-  
terminatis corporibus conferentiora  
exper-



# RERUM NOTABILIMUM.

experta sunt.	67	Mens si constiterit in morbis , bonum.	132	
Medicamentis levioribus an liceat crude humores movere .	72. v. Lenientia .	Mentis advertentia in sensibus requiritur .	151	
Medicamenti purgantis noxæ , cum crudis humoribus propinatur .	73	Minorativa sanguinis missio , quando locum habeat ex Capivaceo .	16	
Medicamenta Minuentia , & Eradicantia dosis efficit .	74. & præparatio .	74	Minorativa sanguinis missio tantum in Athletis , & sanis corporibus convenit ex Hippocrate .	18
Medicamentorum purgantium infidus eventus .	74	Modus in rebus .	157	
Medicamenta nisi juverint , quid agendum .	319	Morbi , & eorum tempora in evacuationibus perpendenda .	10. & 81	
Medicamenta quædam , & noxios , & innoxios humores simul educunt .	78. v. Purgans medicamentum .	Morbi qui vitent , quive admittant Sanguinis missionem , & Purgationem .	10	
Medicamenta purgantia in principiis morborum magna cum præmeditatione exhibenda , & quare .	81	Morbi magni qui dicantur , & quo sensu magna remedia admittant , vel respuant .	16	
Medicamenti ratio habenda , dum aliquem purgamus .	81	Morbi quicumque citò , tutòque curantur , absque Sanguinis missione .	20	
Medicatio ab Hippocrate de sola Purgatione intelligitur .	70	Morbi Chronici plenior , Acute minus victum expostulant ex Hippocrate .	22	
Medici quos debeant medicandos suscipere .	4	Morbi Acuti , & Chronici .	22. 113	
Medici quantum peccent in exhibendis importunè medicamentis .	5	Morbi extremi , & magni qui .	29	
Medicus Naturæ inclinationem observare debet .	32	Morborum nuntia , spontaneæ lassitudines .	95	
Medici prudentis est Naturæ motum juvare .	33	Morbi singuli particularia extrema remedia habent .	30	
Medicus à Galeno Nauclero comparatus .	61	Morbi extremi absque Pharmacia , vel Phlebotomia curati .	Ibid.	
Medicus recidivarum causa esse potest .	104	Morbi Peracuti tenuissimo tractandi victu .	33. & c.	
Medici gratificari egrotantibus debent .	137. 138	Morbi status , & declinatio unde .	36	
Medicina ex quibus constat .	4	Morbi ipsi futuras accessiones , suamque durationem præsignificant .	42	
Medicinæ difficultas unde .	2. 3. 4	Morborum duratio unde colligi possit .	42. & c.	
Medicinæ progressus .	3	Morborum materialium decursus , & solutio .	103	
Medicina olim mutila , nunc absolutior .	3	Morbi facilius oriuntur , si consenserint ætas , temperies , & c.	134	
Medicinæ definitio .	5	Morbi minus periculosi , si consentientes sint ætati , temperiei , & c.	133	
Medicina conjecturalis tota est : nec ideò parvipendenda .	115	Morbi à ciborum excessu .	111. & quinam .	112
Mediocris victus qui .	21	Morborum à ciborum excessu sanatio .	112	
Mediocritas Naturæ amica .	94. 106. 157	Morbos à repletionem curat evacuatio , & contrà .	118. sed non quæcumque evacuatio .	119
Mediocritas ubi sensim in excessum vertitur , minus nocuum .	95	Morbi quocumque die soluti ex Hippocrate .		
Melancholica quid .	90			
Mentis motio quid .	ibid.			
Mens audit , & videt , ex Epicharmo .	97			



# I N D E X

pocrate .	121.122
Morbi Autumnales longiores .	123
Morbi quandoque citrà manifestam evacuationem solvuntur .	127
Morborum tempora qui dignoscantur .	130
Morbus quicumque ulcus est, vel ulceris conditionem præferet ex Hippocrate .	151
Morbos omnes abscessus interni, inflammationes, pustulæ, &c. comitantur .	152
Mortis naturalis causa, quæ: an calidum innatum .	50
Motus ubi adest fames vitandus, & qualis .	109
Motu partam lassitudinem quies solvit .	152.153
Movere non cruda quid, & quomodo intelligendum .	71.& 72
Movere corpus plurimum, atque repentè, periculosum .	157
Multitudine non sunt æstimandæ evacuationes arte promotæ .	77
Musculorum affectio in motibus animalium .	153
Mutationes sensim faciendæ .	157

## N

<b>N</b> atura morborum medicatrix .	18.
sed suppetias quandoque exquirat ab Arte .	148
Naturalis facultas in morbis materialibus primum occupat locum ex Galeno .	37
Natura quando remediis, & Medici ope indigeat .	61
Naturæ nomine quid apud Hippocratem veniat .	65
Naturæ motum an semper prosequi debeat Medicus .	67
Naturales operationes si in morbis bene se habeant, bonum .	132
Naturæ si congruat morbus minus periculosus .	133
Nepenthes Homericum .	92
Nervosum liquorem repurgantia medicamenta .	89
Nervis sensiones omnes peraguntur .	97
Nimium Naturæ inimicum .	157
Nonanæ febres, an ab Hippocrate observatæ .	43

Nox molesta crises præcedit, quieta insequitur .	105
Nutrire impura corpora est magis lædere .	101

## O

<b>O</b> bstructiones Venæ-sectione non sanantur .	19
Occasio præceps, & quare .	2.3
Occasio similis præterfluenti fluvio, ex Oribasio .	3
Odore gentes quædam vivunt ex Plinio, & Strabone .	111
Oenopotæ minus voraces .	117
Opium, & Opiata medicamenta .	92
Opii elegans cum vini spiritu præparatio .	Ibid.
Opii dosis .	Ibid.
Opii usus apud Turcas, &c. .	Ibid.
Opii utilitates .	Ibid.
Opium Nepenthei Homeri comparatum .	Ibid.
Opium non nisi constantibus viribus est exhibendum .	Ibid.
Opium in quibus interdicitur .	93
Opium aliquo dilutum liquore est propinandum .	Ibid.
Orgasmus humorum quid, & undè .	76
Oribasius primus vesicantia inter præsidia Medica connumeravit .	33
Oribasius Galeni compilator .	76
Otiosa nimis vita minimè utilis, quia potest incidere laboris necessitas ex Celso .	156
Ovorum natura .	113

## P

<b>P</b> ancreatici succi cum Bile actio .	116
Pancreatici succi usus .	107.115
Pancreaticus succus ferè semper in febribus depravatur .	40
Paracelsus cur characteribus incubuerit .	4
Paraphrenitis quid .	91
Paraphrenitis an ab inflammato Diaphragmate .	Ibid.
Paroxysmi tempore à cibo abstinere oportet .	38. immò & dum idem paulò post invasurus est .
Paroxysmi tempore exhibitus cibus, cur tam noxius .	39

Paro-



# RERUM NOTABILIMUM.

Paroxyfmi tempore caufa morbifica agitur. Ibid.  
 Paroxyfmi tempore nec medicamenta propinare convenit. 40  
 Paroxyfmi initio quandoque ægri cibo reficiendi ex Galeno. 40. quia autem hi fint. 40  
 Paroxyfmi initio febrifuga, & vomitoria exhibentur. 40  
 Paroxyfmi morborum quomodo præcognofcantur. 41. & feq.  
 Peracuti morbi tenuiffimo victu tractandi. 33.34  
 Peracuti morbi qui. 34  
 Peracutis morbis an competat jejunium. Ibid.  
 Peracuti morbi quot diebus judicentur. 119  
 Periodi febrium earumdem durationem præfignificant. 42  
 Perfpirationis utilitas. 123  
 Pefte correpti tantum abeft, & à Phlebotomia fubleventur, quin potius ea mortem obeunt. 18  
 Peftilentes affectiones an fint ex genere acutiffimarum ægitudinum: quo proindè cibo tractandæ. 34  
 Pefthis femina ex genere erodentium. Ibidem.  
 Phlebotomia. v. Venæ-fectio.  
 Phrenitis quid. 90  
 Platiæ vermes. 118  
 Plenitudo ἐπὶ τὸ ἄκρον, ad fummum perducta, & in extremo, ἐν τῷ ἐσχατῷ, confiftens ex mente Sanctorii. 13  
 Plenus victus qui. 21  
 Plenior victus quandoque nocuus. 24  
 Plenior victus fitne acutè ægrotantibus exhibendus ex mente Hippocratis, an tenuis. 25. & c.  
 Plenior victus nocuus robustis, etfi chronicis affecti fint affectionibus. 28  
 Plenior victus quandoque ex Galeni confilio in morbi vigore. 37  
 Plethoria in ægris haudquaquam invenitur ex Helmontio. 18  
 Polypus quandoque fyncope caufa. 142  
 Potu faciliùs reficimur, quàm cibis. 101  
 Potus nomine quid hic veniat. 102  
 Potus fuavior, licèt parùm deterior, meliori, fed minùs fuavi præferatur. 137

Præparatio quænam catharticum præcedere debeat. 100  
 Præparantia medicamenta, an quæ vulgò putata. 100  
 Præparatio, dum humores turgent, locum non habet. Ibid.  
 Præfidia Medica tria. 60  
 Præftigiatorum fanationes undè. 4  
 Principio accessionis cibus fubtrahendus. 59  
 in Principiis morborum an, & quæ medicamenta purgantia prohibeantur. 72.76.80.128  
 in Principiis morborum catharticum ex Scammonio juxtà mentem Hippocratis. 75  
 Principia morborum quæ. 76.128  
 Principium morborum tripliciter fumptum. 80  
 in Principiis morborum quæ movenda videntur, moveantur. 128  
 in Principiis morborum quibus medicamentis movendum, fi videbitur. 128  
 in Principiis morborum, & fine, omnia imbecilliora. 129  
 in Principiis morborum prælat ægros fame deftitui, quàm avidè comedere. 131  
 Prognoftico folo deplorati relinquendi. 36  
 Prognoftica non temerè facienda. 113  
 Prognofticum quo morbi tempore faciendum. 114  
 Prognoftica in acutis non omninò funt certa, & hujus caufa. 114  
 Prognoftica dum benè cedunt, fuma Medici laus. Ibid.  
 Prognoftica ut ritè fiant, tria confideranda. Ibid.  
 Prognofticum à viribus quoque defumendum. Ibid.  
 Prognoftica non tantùm falutis, aut mortis facienda, fed reliquorum accidentium. 115  
 Pueris an fanguis detrahendus, an catharticum exhibendum. 9.10.81  
 Pueri, & præfertim προθυμότεροι, vivaciores, minimè jejunium ferunt, & quare. 45  
 Pueri an, & quomodo plurimùm habeant calidi innati. 46  
 Pueri an calore innato juvenibus præftent:



# I N D E X

stent: quæstio Lyci Macedonis ad-  
versus Hippocratem. 47  
Pueri calore innato prævalent juveni-  
bus, non ascititio. 47  
Pueri plurimo egent alimento, &  
quare. 49  
Pueri febrientes victu humido opus  
habent. 54. &c. & quamobrem hi  
maximè. 56  
Pueris somni longiores. 93  
Puerorum corpora faciliùs extenuan-  
tur, proindè brevi reficere oportet. 98  
Pueri cur alvum lubriciorem obti-  
neant. 116  
Pueri facilè convelluntur. 125. 149  
Pueri noctu se commejentes ætatum  
mutatione liberantur, & quare. 149  
Pulsionem ea, quæ vulgò Tractioni  
tribuuntur, philosophicè magis pe-  
ragere creditur. 31  
Pulsuum doctrinam Hippocrates vel  
ignoravit, vel neglexit. 43  
Purgatio quid sit. 6. v. Medicamentum  
Purgans.  
Purgatio quo tempore anni opportu-  
nior. 9  
Purgatio an sit remedium magnum. 29. 30  
Purgationis tempus. 68. & seq.  
Purgationem præcedat humorum co-  
ctio, seu secretio. 69  
Purgationem viarum laxitas, & humo-  
rum extenuatio præcedat. Ibid.  
Purgatio tantum ab Hippocrate Medi-  
catio dicitur. 70  
Purgantia lenientia an crudis humori-  
bus competant. 72  
Purgantium medicamentorum peri-  
cula. 73. 135. 136  
Purgatio per alvum non omni compe-  
tit turgentia. 77  
Purgantibus medicamenti clysteres  
præcedant. 100  
Purgatio in principiis cum præmedita-  
tione. 81. 82  
Purgatione immatura nil periculosius  
ex Seneca. 81  
Purgationem quinque præcedant præ-  
meditationes. Ibid.  
Purgantis medicamenti contraindi-  
cantia. 81

Purgantis medicamenti eventus du-  
bius. 82  
Purgans medicamentum lapillo in ma-  
re projecto comparatur. 82  
Purgans medicamentum naturam sapit  
Veneni. 82  
Purgans medicamentum, vel innocen-  
tissimum, correctione indiget. Ibid.  
Purgantium medicamentorum detri-  
menta, aliquando adjumentis ma-  
jora. 82  
Purgantia medicamenta quibus de cau-  
sis suum opus quandoque ritè non  
exerant. 83. &c.  
Purgantium medicamentorum effica-  
cia potest à succis ventriculi re-  
tundi. 83. 84  
Purgans medicamentum in alimentum  
faceffere potest. 84  
Purgans medicamentum in alienam  
quandoque naturam transit. Ibid.  
Purganda corpora fluida prius facien-  
da. 99  
Purgationem præparantia medicamen-  
ta præcedant. 100  
Purgationes per inferiora periculosa, ubi  
partes imi ventris contabuerint. 135  
Purgans medicamentum irritando vim  
suam exurit. 135  
Purgante medicamento assumpto sana  
corpora debilitantur. 135. 137  
Purgans medicamentum iis, qui pravo  
utuntur cibo, in noxam cedit. 135  
Purgantia per epicrasim cacochymis  
exhibenda. 136  
Purgans medicamentum convalescen-  
tes lædit. 136  
Purgantia medicamenta humano cor-  
pori inimica ex Celso. 136  
Purgans medicamentum non feligen-  
do, sed indiscriminatim humores  
educit. Ibid.  
Puris generatio dolores, ac febres pa-  
rit, & quare. 151  
Putredo sanguinis missione minimè  
curatur. 18

Q

**Q**ualitatum nomine quid veniar. 6  
Qualitates caloris, frigoris, &c.  
qui tollantur in humoribus. 6  
Qua-



# RERUM NOTABILIMUM.

Qualitas eorum, quæ purgantur, con-  
sideranda. 87  
Quartanæ duæ quæ à Celso curatæ. 41  
Quartanæ cur longiores. 122  
Quartanæ Æstivæ breviores. Ibid.  
Quartanæ Autumnales diuturnæ, ma-  
ximè si hyemem attigerint. 122  
Quartanæ quædam anni temporis ra-  
tionem non sequuntur. 123  
Quartanæ ab Antiquis insanabiles cre-  
ditæ, nostris temporibus citò fu-  
gantur. 123  
Quartanarum remedia. 123. 124  
Quartana an convulsioni superveniens  
utilis. 125  
Quartanarii nec convulsioni, nec mor-  
bo comitiali laborant. 125  
Quies lassitudinem à motu partem sta-  
tim aufert. 152  
Quies quæ præstet. 5  
Quintanæ febres ab Hippocrate com-  
memoratæ, à Galeno, & Diocle  
confutatæ. 43

## R

**R**ationi congrua si operetur Me-  
dicus, minimè transire debet ad  
aliud. 158  
Rauces in valdè senibus coctio-  
nem an admittant. 140  
Rauedo quid. 140  
Recidivæ undè. 103  
Recidivæ qui præcaveantur. 104  
Recidivarum signa. 104  
Recidivus morbus à Commutato dif-  
fert. Ibid.  
Refectiones ad extremum non sunt du-  
cendæ: tam de excessu, quàm de de-  
fectu intelligendo. 20  
Refectiones lentæ, & breves quibus  
conveniant. 97  
Reficientia medicamina. 98. 102  
Regio consideranda in evacuationi-  
bus. 9  
Regiones Austris expositæ ægrè tole-  
rant Venæ-sectionem. 9  
Regioni aliquid condonandum circa  
victus rationem. 57  
Regioni si congruat morbus minus pe-  
riculosus. 134  
Relicta in morbis quandoque recidi-  
vas faciunt. 103

*Tozzi Op. Med. Tom. II.*

Remedia. v. Medicamenta.  
Remissiones febrium Galenus divisit  
in Declinationem, & Intervallum.  
59  
Repletiones extremæ graves. 25. 157  
Repletiones in pestilenti constitutione  
quondam proficua. 101  
Repletiones curat evacuatio. 118  
Respiratio quare in Apoplexia offen-  
datur. 143  
Revulsiva Sanguinis missio quando  
competat ex Capivacceo. 16  
Revulsiva Sanguinis missio inane fig-  
mentum. 19  
Rigores ex suppuratione quomodo.  
152  
Robur nisi assumant à cibis convale-  
scentes, quid significetur. 99  
Robusti cur leviores cæteroqui laboras  
non ferant aliquando. 154

## S

**S**aliva ad ciborum digestionem op-  
pidò conducit. 102  
Saliva panificium fermentum excitari  
potest. Ibid.  
Saltandi exercitium à Duce quodam  
Atheniense intermissum, eidem no-  
xam peperit. 154  
Satietatem curat evacuatio, & contra.  
118  
Satietas modum Naturæ excedens  
mala. 94  
Sanguinis motum quæ promoveant.  
145  
Sanguinis missio. v. Venæ-sectio.  
Sanguinis peccatum triplex ex Capi-  
vacceo, secundum formam, quan-  
tatem, & motum. 16. an his ratio-  
nibus sui indicet missionem. 17  
Sanguinis perennis circuitus alicubi  
remoratus Inflammationes parit: 19  
Sanguis est calidum innatum ex Har-  
vejo. 48  
Sanguinis defectiones cur ad æquali-  
tatem refici nequeant: elegans Pla-  
tonis exemplum. 50  
Sanguis Hyeme, & Vere cur vivi-  
dior. 52  
Sanguinem repurgantia medicamen-  
ta. 86  
Sanguinis vitio Syncope accidit. 142

## M

San-



Sanguinis circulatio humorum Tur-  
gentiam juxta Galeni explicationem  
exertit. 76

Sanitas in mediocritate. 93.95.157

Sanitas perfecta vix invenitur. 11

Sanus homo nullis obligare se legibus  
debet ex Celso. 28.& 156

Sani cur gravius afficiantur tenui vi-  
ctu, quam ægri. 28

Sani à purgante medicamento exol-  
vuntur. 136.137

Sectarum in Medicina varietas. 4

Senes quinam dicantur ab Hippocrate  
jejunium tolerare. 44

Senes quare diutius famem tolerant.  
45

Senibus servanda vita paucis fomiti-  
bus. 49

Senum cibus. 49

Senum febres minimè acutæ, & cur.  
49

Senibus cur febres periculosæ fiant.  
50

Senum lubricitas, vel stypticitas al-  
vi. 116

Senes breviori indigent somno. 94

Senes catharticum non admittunt.  
81

Senum corpora, eo quòd lentè exte-  
nuentur, lentè reficienda. 98

Senes si juvenum morbis corripiantur,  
periclitantur magis. 134

Senes ut plurimum juvenibus acutè æ-  
grotant minùs, licèt frequentius  
morbis subiiciantur. 138

Senes quare rariùs ægrotent. 139

Senum Sanguis effœtus. Ibid.

Senes diuturnis affecti morbis ferè  
commoriuntur. 139

Senibus si accidant Gravedines, &  
Rauedines coctionem an admit-  
tant. 140.& 141

Senes magna ex parte alvum siccam  
habent. 159

Senibus corporis moles inutilis. 160.  
& quare. 161

Senes parvo præditi corpore vivacio-  
res. 161

Senes obesi leniùs tractandi cum ægro-  
taverint, quàm graciles. 161

Sensiones omnes in cerebro. 97. &  
quomodò. 151

Septimanæ febres an observentur. 43

Sextanæ febres an unquam fuerint.  
43

Sextus dies in morbis Tyranno à Gale-  
no comparatus. 121

Sideratio. v. Apoplexia.

Signa mox apparentia morbi duratio-  
nem præsignificant. 43

Sinapismi ad Archigenem Auctorem  
referuntur. 33

Solis lumine an lumen stellarum ob-  
scuretur. 151

Somnus quid moliatur. 5

Somnus qui fiat. 52.89

Somnus cur Hyeme, & Vere longissi-  
mus. 52

Somnus potiùs, an Vigilia ciborum  
coctionem juvet. 53

Somnus cur animantibus concessus.  
88

Somnus quando lethalis. 88

Somnus quando laborem in morbis di-  
catur facere. Ibid.

Somnus non est signum salutare, sed  
non mortale. Ibid.

Somnus ægritudinem lenire, non tol-  
lere potest. Ibid.

Somnus quomodò mala parere pos-  
sit. 89

Somni labores emendantia medica-  
menta. 89

Somnus si delirium fedet, bonus. 89

Somnus quare aliquandò delirium non  
fedet. 90

Somni utilitates. 91

Somnus maximum arcanum à Para-  
celso vocatus. Ibid.

Somnum conciliantia medicamenta.  
92

Somnus modum excedens malus. 93

Somni mensura. 93

Somnus aliquibus morbis prodest, ali-  
quibus officit. 94

Somnus-ne deterior sit si excedat, an  
Vigilia. 94

Somnus cur morti comparatus. 94

Spirituosa quomodò corpora reficere  
valeant. 102

Spiritus animales haud in cerebri ven-  
triculis generantur. 143

Spuma suffocatis, nec tamen mortuis,  
circa os apparens lethalis. 144. &

quare. 145

Spumæ generatio in Apoplecticis. 145

Spu-



# RERUM NOTABILIMUM.

Spumæ generatio in Epilepticis. 145  
 Spuma Epilepticis haud lethalis, &  
 quare. Ibid.  
 Status morborum acutorum tenuissi-  
 mum exigit victum. 35.38  
 Status acutorum medicamenti propi-  
 nationem respuit. Ibid.  
 Status morborum qualis. 36  
 Status morbi exigit quandoque ex Ga-  
 leno plenior victum. 37  
 Status morborum quomodo præco-  
 gnoscatur. 41  
 Status febristempore cibus non exhi-  
 bendus. 57  
 Status tempore melius est quietem ha-  
 bere. 129  
 Status tempore omnia vehementio-  
 ra. 130  
 Stellarum lumen an à lumine Solis ob-  
 scuretur. 151  
 Stellæ interdiu è puteis conspiciun-  
 tur. Ibid.  
 Stomachi fluxus. 106  
 Stupor quid. 90  
 Sudoris futuri signa. 106  
 Suffocatis spuma circa os lethalis.  
 144  
 Suppuratio febres, & dolores parit.  
 151  
 Suppuratione egeruntur, quæ aliter  
 extrudi non potuerunt. 152  
 Suppuratoria medicamenta quæ. 152  
 Symptomata morbos comitantia,  
 quando evacuationes prohibeant.  
 10  
 Symptomata in morbi statu vehemen-  
 tiora, & quare. 36  
 Symptomata cur leviora in principiis  
 morborum. 36  
 Symptomata evacuationes an cohi-  
 bendæ. 64  
 Symptomata Crises comitantia non  
 multum formidanda. 127  
 Syncope, & Leipothymia differunt.  
 15  
 Syncopes causæ. 142  
 Syncope quando lethalis. 141

## T

**T**emperamentorum ridicula do-  
 ctrina, nec refutatione digna.  
 139

Tempori aliquid concedendum, quod  
 ad victus rationem. 57  
 Tempora morborum quomodo inter-  
 nosci possint. 130  
 Temporum mutatio an Epilepsiam sol-  
 vat. 148  
 Tenuis victus, & ejus divisiones. 21  
 Tenuis victus in morbis chronicis da-  
 mnatur semper, ut & aliquando in  
 acutis. 22.25  
 Tenuis victus, in quibus acutis morbis  
 nocuus sit. 23  
 Tenuis victus quomodo ab Attenuante  
 differat. 24  
 Tenuis extremè victus periculosus.  
 24  
 Tenuis victus à quibus toleretur, vel  
 non. 25  
 Tenuis-ne victus exhibendus sit acutè  
 ægotantibus ex Hippocratis mente,  
 an plenior. 25  
 Tenuior cibus licet utilior, sapè tamen  
 minus securus, ex Vallesio, &  
 quare. 27  
 Tenui victu, qui utuntur, ægri sint,  
 vel benè valentes, difficilius errata  
 circa res alias commissa ferent, quàm  
 qui utuntur pleniori. 27  
 Tenuis exquisitè victus & sanis no-  
 cuus, & ægris periculosus. Ibid.  
 Tenui victu cur gravius afficiantur sa-  
 ni, quàm ægri. 28  
 Tenuis victus nostra tempestate ægris  
 quibuscumque longè utilior, quàm  
 plenior. 28  
 Tenuissimis victus in peracutis mor-  
 bis. 33  
 Tenuissimus victus in acutorum vigo-  
 re, nisi vigorem mors sequatur.  
 35.38  
 Tenuis humores an præparandi, ut e-  
 vacuentur. 67  
 Tertiana notha affectos Galenus alter-  
 nis diebus aluit. 39  
 Tertiana febris quomodo à Cleophan-  
 to curato. 41  
 Tetano correpti an frigida perfunden-  
 di. 125  
 Tractio nulla in rebus inest. 31  
 Tuberculis enascentibus excretiones  
 inspicere oportet. 107  
 Tubercula externa internam corporis  
 dispositionem demonstrant, & quo-  
 modo.



modò. 108  
 Tubercula ista frustra lituris, & em-  
 plastris, sed internis medicamentis  
 tolluntur. Ibid.  
 Turgentia medicari licet. 67  
 Turgentes humores, qui dicantur ex  
 Galeno. 76  
 Turgentiam Galenicam Sanguinis e-  
 vertit circulatio. 76  
 Turgentia quænam rationabilius di-  
 cenda. 76  
 Turgentia humorum rarò accidit. 76  
 Turgentia quæ medicamentum pur-  
 gans admittat. 77  
 Turgentie signa aliquandò fallacia. 77

V

**V**enæ-sectio Romæ, & Athenis,  
 Pleuriticis non valdè conve-  
 niens ex Galeno, & Asclepiade, ut  
 & Neapoli. 9  
 Venæ-sectio, qua anni tempestate mi-  
 nus nocua. 9  
 Venæ-sectio quibus ætatibus conveniat  
 magis, vel disconveniat. Ibid.  
 Venæ-sectio ad deliquium usque inclu-  
 sivè ex Galeno. 14  
 Venæ-sectionis quoddam præcipuum  
 fit indicans. 15  
 Venæ-sectionis proprium indicans non  
 est morbi magnitudo, ut putavit  
 Massaria. 15. 16  
 Venæ-sectionis præcipuum indicans  
 non est vthemens peccatum Sangu-  
 nis, ut Capi vacceo placuit. 16  
 Venæ-sectio an à pluribus indicetur, ut  
 credidit Vallesius. 17  
 Venæ-sectionis præcipuum indicans,  
 sitne innominatum, atque ineffabi-  
 le, ut voluit Sanctorius. Ibid.  
 Venæ-sectionis octo utilitates à San-  
 ctorio enumeratæ. Ibid.  
 Venæ-sectio numquam utiliter, & sine  
 ingenti periculo fieri poterit. 17  
 Venæ-sectio non competit ut præsi-  
 dium eradicans. Ibid.  
 Venæ-sectio ut remedium plenitudi-  
 nem diminuens in sanis potius,  
 quam in ægris locum habere potest. 17  
 Venæ-sectione maligna qualitas ab-

scindi non potest. 18  
 Venæ-sectio an calorem febrilem adi-  
 mat. 18  
 Venæ-sectio revulsiva commentum  
 est. 19  
 Venæ-sectione obstructions haud  
 tolluntur. 19  
 Venæ-sectio quos non peremit ægros,  
 fors benigna servavit. 19  
 Venæ-sectionis utilitates nec expe-  
 rientia probantur. 20  
 Venæ-sectio quid ex Avicenna. 20  
 Venæ-sectio in athletis, & plethoricis  
 solum locum habere potest. 20  
 Venæ-sectio an remedium extremum,  
 & magnum. 29. 30  
 Venæ-sectio ad deliquium usque an ab  
 Hippocrate laudata: Cardani opi-  
 natum. 79  
 Venæ-sectio usque ad Leipothymiam  
 an in tribus casibus à Galeno recen-  
 sitis conveniat. 79  
 Venena innoxie ab Agyrtis assumpta,  
 quomodo. 34  
 in Venenum quandoque abit medica-  
 mentum purgans. 84  
 Venena ad duas classes revocata. 85  
 Venena quædam hominibus nocua,  
 reliquis animalibus innoxia. 85  
 Venena, quæ partes lædunt solidas. 85  
 Venena, quæ fluidis officiunt. 85  
 Venenum viperarum furore infligen-  
 dum. 85  
 Venena quædam cur determinatas læ-  
 dant partes. Ibid.  
 Venena quandoque & solidas, & flui-  
 das corporis partes lædunt. 86  
 Venenorum symptomata. 86  
 Venena in consuetudinem plerisque  
 abierunt. 155  
 Veneris stella interdiu Neapoli visa. 151  
 Veneris stella audax ab Astronomis  
 dicta, & qua dere. 151  
 Ventris nomine quid intelligat Hip-  
 pocrates. 51  
 Ventres Hyeme, & Vere calidissimi. 51. & quare. 51  
 Ventris crassitudo in morbis melior,  
 quam summa extenuatio. 134  
 Vere alimenta copiosiora ingerenda,  
 & quamobrem. 50. &c. 57. 53  
 Ver quoddam ab Astronomis intelli-  
 gatur.



# RERUM NOTABILIMUM.

gatur.	51	acutie limitandus erit.	35
Veris nomine quid veniat apud Hippocratem.	56	Victus convalescentium. 97. &c. & 101	
Vere calidum innatum vegetius, & cur.	52	Victus tenuissimus in acutorum morborum vigore.	35.38
Ver saluberrimum.	ibid.	Victus plenior quandoque in morbi vigore ex Galeno.	32
Vere cur somni longissimi.	52	Victus ætatem respicere debet.	44
Vermes Platiæ famis caninæ causa.	118	Victus ratio ad anni tempora accommodanda.	50
Veritas haud inventu facilis, & fermè inexplorata ex Galeno.	4	Victus humidus febricitantibus.	104
Vesicantia an sint medicamenta magna.	31	Victus humidus qui.	55
Vesicantia non leve detrimentum inferunt.	31. &c.	Victus ratio Epilepsiam solvere potest.	148
Vesicantia non attrahunt.	ibid.	Vigilia ne melius conficiantur cibi, an somno.	53. &c.
Vesicantia quando majorem inferant noxam.	32	Vigilia modum excedens mala.	93
Vesicantia quid è partibus ulceratis elicient.	32	Vigilia excedens an deterior sit excedente somno.	94
Vesicantia spontè exiccata ægrotantibus quondam salutifera; ichorem verò effundentia lethalia.	32	Vigilia Mecenatis.	94
Vesicantia quo nomine ab Helmontio donata.	33	Vinum, ejusque spiritus reficientium optimum.	102
Vesicantia Hippocrati, & Galeno haud innotuerunt.	33	Vini potio famem solvere dicitur.	117
Vesicantia ab Oribasio primùm usurpata.	33	Vini potio jejunis molesta.	117
Vesicantibus nec ipsorum quidem Auctores indiscriminatim usi fuere.	33	Vini potiores minùs voraces.	117
Victus tenuis detrimenta. Aphorismo 3. primi libri per totum.	21	Vini spiritus famem instantem solvit. ibidem.	
Victus tenuis, plenus, mediocris.	21	Vinum medicatum pro fame Canina.	118
Victus ratio apud Veteres varia.	21	Violentæ mutationes periculosæ.	157
Victus plenior ægris conceditur à nostratibus Medicis, quàm olim à veteribus concedebatur: cur.	23	Vires ex Galeno propriè non indicant remedium, sed tolerant, ac permittunt.	15
Victus tenuis, & attenuans.	24	Virium ratio habenda etiam in acutis in cibo exhibendo.	26
Victus tenuis ad extremum gravis.	24	Vires morbi, & ægrotantis quomodo metiri possimus.	37
Victus maximè nutriens gravis.	25	Vires servare, est vitam tueri.	37
Victus tenuis, an plenior ex mente Hippocratis in acutis sit exhibendus.	25. & seq.	Vires valituræ ne sint, an potius morbus, qui dignoscatur.	37
Victus tenuis, an plenior magis noxius. Aphorismo 5. primi per totum.	25	Vires morborum durationem præmonstrant.	43
Victus non respicit morbum, sed vires.	27.36	Vires languidæ cibum parum, & sæpè expetunt.	56
Victus tenuis nostra tempestate quibuscumque ægrotantibus longè præstantior plenior.	28	Viribus ex Crisi resolutis de vita verendum.	106
Victus extremè tenuissimus in peracutis.	33.34	Vires in cathartici exhibitione considerandæ.	82
Victus pro majori, vel minori morbi		Vires languidæ in causa sunt recidivarum.	104
		Vita brevis ad Medicinam addiscendam.	2
		Vitalis facultatis potissima habenda est	



# INDEX RERUM NOTABILIVM.

est ratio.	37	100	Vomitus futuri signa.	106
Vitalis facultas ex pulsu colligitur.	37		Vomitória in principiis exhibita febres	
Vita à sanguinis motu.	58		fugant ut plurimum.	129
Vita cur extingatur.	50		Urinarum via, & materies alia à Re-	
Vita quousque absque cibo conservari			centioribus inventa ab ea, quæ usq;	
possit.	110		adhuc existimata est.	43
Umbilicalium partium crassitudo in			ab Urinis desumptæ conjecturæ falla-	
morbis melior est, quàm summa			cissimæ.	43
contabescencia.	134		Urinæ vias dum petunt humores, ne-	
Vomitus quando salutaris.	6		queunt per alvum à cathartico sub-	
Vomitória in ipso accessionis initio.	40		duci.	84
Vomitus medicamentorum toto gene-			Urina recidivas præmonstrare potest.	
re immutatorum unde.	84	104		
Vomitóriis, quæ præcedere debeant.			Urinarum profluvii futuri signa.	106

FINIS.



# NICOLAUS CYRILLUS L U C Æ

*Præceptori suo S.P.*



Rimæ Partis Aphorismorum tuorum Elen-  
chum, rudem quidem, & informem, sed  
quem quantulacumque ingenii mei digerere  
valuit tenuitas, jam tandem habes, Luca  
Virorum optime. Illius ergo vel sphalmata  
*ὀβελοῖς* transfigas oportet, vel quod boni in-  
est, notes asterisco. Gratias referre non est ut cogites; ma-  
joribus planè tuis premor beneficiis, quàm ut possim levif-  
simis hisce laboribus paria referre. Verumenimverò illud  
mihi summum erit operæ pretium, si encomiasticam  
istam Epigraphen *νιφάδεσσιν*, fateor, *ὁμοίην χαμερίῃσι*, tuis ty-  
pis dignam feceris. Id equidem non tam in tuam cedit  
gloriam, ( hanc enim conferto scientiarum satellitio jam  
tibi fecisti vectigalem ) quàm mihi summo erit hono-  
re; quippè qua discipulorum tuorum albo accensebunt  
Eruditi. Spero me voti futurum compotem, nec spe  
hac frustratum iri: Cæterùm grati animi hæc excipias  
conamina, nam & falsa mola, ut ajunt, litare credun-  
tur, quibus thura defuerint. Vale.



Huc, sultis,  
 Huc accedite Jatrophili:  
 En  
 Hippocrates ille vester  
 Medicorum Roscius, Philosophorum Homerus,  
 Cujus Thebana ænigmata, ac Libycæ Aphorism. fyrtes,  
 Vel Oedipo interprete, vel Delio indigebant urinatores,  
 Umbrarum jam caret tegmine,  
 Aditusque molestia.  
 Ejus etenim  
 Inaccessum Sophiæ, ac Medicinæ adytum,  
 LUCAS Philosophorum, ut ita dicam, ΑΛΦΑ  
 Detexit, ac referavit.  
 Hic profectò  
 Quas concinnas paraphrases,  
 Quos opportuna eruditione differtos commentarios,  
 In Hippocratem non adinvenit?  
 Quare  
 Si Democriti vulgò putatam insaniam  
 Pro alta rerum scientia patefecit Hippocrates:  
 Hippocratis usque adhuc creditam obscuritatem  
 Fulgentissimum esse jubar  
 LUCAS Democritus alter  
 Commonstravit:  
 Adeò ut innumeris ex Interpretibus Unus  
 Omne tulerit punctum.  
 Adeste, inquam, adeste  
 Qui mores sapitis Pythagoreos  
 Faustoque scientiarum omine λάσιον κῆρ obtinuistis:  
 Fruimini: Auctoremque summis in Cælum extollite laudibus:  
 At procul hinc abeant  
 Cucurbitina capita, maleferiati scioli,  
 Qui aliena lascivientes plumula, Leonis præmuniti corio,  
 Vel cedro digna aliorum studia subodorantes: ὡς μύρακάνθαροι  
 Laureolam in mustaceo quæritant.  
 Abeant igitur ad corvos;  
 Hic enim  
 Illud optimo jure inscribendum,  
 ἕκαστος ἑκὰς ἑσέ βέβηλοι.

Observantiæ ergo

*Humillimus Auditor*  
 Nicolaus Cyrillus A. & M. D.



L U C Æ  
T O Z Z I  
NEAPOLITANI  
IN HIPPOCRATIS APHORISMOS  
COMMENTARIA.  
*PARS SECUNDA:*

UBI UNIVERSÆ MEDICINÆ,  
tum Theoreticæ, tum Practicæ celebriores Quæ-  
stiones perpenduntur, atque nedùm Recentiorum  
inventis, sed & genuinæ ejusdem Hippocratis menti  
congruentes, quàm dilucidè explicantur.

T O M U S T E R T I U S.



VENETIIS, MDCCXI.

Apud Nicolaum Pezzana.


*SUPERIORUM PERMISSU, AC PRIVILEGIIS.*



THE UNIVERSITY OF  
T O L O N  
NEAPOLITANI  
IN THE CATHEDRAL  
COMMENTARIA  
PARK 2222



USI UNIVERSITATIS  
THE UNIVERSITY OF  
T O L O N  
NEAPOLITANI  
IN THE CATHEDRAL  
COMMENTARIA  
PARK 2222



VENETIIS MDCCX  
Apud Nicolai I. I. I.  
LIBRARIUS S. S. S.



LUCAE TOZZIO  
PUBL. MEDIC. PROFESS. CLARISS.  
APHORISMORUM HIPPOCRATIS  
COMMENTARIA  
IN LUCEM EDENTI,

*ita hoc Epigrammate*

PRÆCEPTORI SUO

*auspicatur*

NICOLAUS GRÆCUS A. ET M. D.

**U***T Librum adspexit liquido Sebethus ab alveo,  
Arte nova nitidum, sic stupefactus ait.*

*Est Liber, an Sidus? Prælo, an demittitur Astris?*

*Est Author Phœbus, Tozzius anne meus?*

**TOZZIUS** *est Author: neque enim me ludit imago:*

*Phœbum nosco equidem: non ita, Phœbe, nites.*

*Sic letans Fluvius, letèque sonantibus undis,*

*Complet Fama tuba Solis utramque domum.*

**TOZZI** *quàm felix! Phœbo nam major in Arte,*

*Quòd Famæ vivet plausibus usque Liber.*



AD DOMINUM  
LUCAM TOZZI  
EXCELLENTISSIMUM MEDICUM,

ET PHILOSOPHUM,

*ut suas in HIPPOCRATEM lucu-  
brationes promulget.*

EPIGRAMMA.

**R** Umpe moras calami: quid publica vota moraris?  
Quid Coi differs pandere scripta senis?  
Ille quidem stygiis alios servavit ab umbris,  
Se servare sua non potis arte fuit.  
Ergo age, & exorti redivivum laude Magistrum  
Restituas nobis, restituasque sibi.  
Sic erit, ut debent alii cui munera vita,  
Ipse tibi vitam debeat Hippocrates.

*Addictissimus Servus  
Hieronymus Vitalianus.*

Υ Ω Α Τ Τ Ω

ἑπίγραμμα

Φεῦ, λέγεται πλάττην κείχασα τὸ ἔμβρυον ἄρκτος,  
καὶ κατὰ δὴ μινρὸν σχῆμα ἄγαθὸν δίδοναι.  
Δευκᾶ, δυσμόρφοις χρησιμοῖς Κώσιο γέροντος  
τὴν τε καλὴν μορφήν, ἀσφαλὲς τε δίδως.

Octavii Sanctorii.

LUCAE





# LUCAE TOZZI

In Tertium librum Aphorismorum

## HIPPOCRATIS COMMENTARIA.

### APHORISMUS I.

*Mutationes temporum potissimum  
pariunt morbos : & in quibusdam  
temporibus magnæ mutationes,  
aut frigoris, aut caloris, & alia  
pro ratione eodem modo.*



**I**nter Causas externas morbos inferre valentes præcipuus plane Aer est, qui cum nos perpetuò ambiat, atque assidua inspiratione Viscera vitalia subeat, & cum sanguine in Pulmonibus misceatur, sicuti ubi purus, ac salubris est, Vitam, valetudinemque tutatur, ita si alieno vitio inficiatur, aut halituum labe fœdetur, potenter admodum nostra Corpora alterat, & inquinat. Cum autem innumeris prope modum mutationibus obnoxius sit, & vicissim variis, differentibusque, vaporibus, nebulis, rore,

*Tozzi Op. Med: Tom. III.*

pruina, pluvia, nivibus, ventis, minerarum halitibus, cæterisque depravetur, unde diversimodè quoque nos afficit, propterea factum puto, cur Hippocrates illius rationem maximam præ cæteris habuerit, atque lib. de Natura Hom. decreverit à spiritu, seu Aere, & à cibis, potibusque omnia morborum genera proficisci. Et lib. de Flatib. Aer est, inquit, *maximus in omnibus, quæ Corpori accidunt, author, & dominus*. Atque iterum: *Mortalibus vitæ, & morborum ægrotis, solus is est author*. Et mox: *Subiiciam igitur & illud, quod non aliundè unquam verisimile sit morbos evenire, quàm ab Aere, si is aut plus, aut minus, aut cumulatior, aut morbidis sortibus inquinatior in Corpus se ingerat, sed & nunc etiam demonstrabo omnes morbos ex hoc oriundos Corporibus innasci, ac generari, &c.* Hoc autem libro speciatim memorans mutationes Aeri contingentes



tes à Temporum varietate, primum inquit, illas potissimum morbos parere; ut propterea cæteris aliis Causis externis ægritudines inferre valentibus Temporum mutationes præferat.

At quænam sint ejusmodi mutationes, non levis est inter Interpretes disceptatio. Nonnulli eas solum existimant, quæ in quatuor anni Tempestatibus contingunt, præsertim cum vices illæ commutant. Alii, ubi debitam Temperiem non servant, ut cum Æstas Autumni, & Ver Æstatis morem referre videtur. Plerique ad caloris, ac frigoris inæquales vicissitudines ascribunt. At ipse existimaverim, omnem, & quamcumque mutationem subitam, ac humanis Corporibus incongruentem, comprehendere, cum indefinite illas Hippocrates memoraverit, & ab omnibus pari modo nostra corpora præter naturam affici possint.

Et quidem cum ab Hyeme in Ver mutatur temporis constitutio, quemadmodum Aer incalescit, dies noctes superant, & Soldiutius nostrum Horizontem illustrat; sic pariter humana Corpora ad alia disponuntur, valde differentia ab his, quibus ex præcedenti Hyeme fuerant affecta; & multò magis cum ex temperato Vere fit transitus in Æstatem, per quam ex maximo Aeris æstu ob Solis accessum ad nostrum verticem vehementius Corpora alterantur, & in acutas admodum ægritudines incidunt, quæ & longè graviores accidunt sub Autumno, aliter, aliterque affectis corporibus ex immutato in aliam habitudinem Aere, ut & adventante Hyeme in aliam omninò differentem, uti subsequenter Aphorismis singulatim recensebimus. In his prætereà Temporum Anni mutationibus, periculosissima specialius lib.

*de Aer. & loc.* esse ait Hippocrates; ambo Solstitia, maximè Æstivum, atque utrumque Æquinoctium, præsertim verò Autumnale, quippe tunc valde mutabilis fieri solet Aeris status, & repentinæ plerumque contingunt alterationes ex ingruentibus pluviis, grandinibus, ventis. Oportet autem, subdit idem, & *Astrorum exortus considerare, præcipuè Canis, deinde Arcturi, & Pleiadum occasum: Morbi enim in his maximè diebus judicantur, alique perimunt, alii verò desinunt, aut in aliam speciem, aliumque statum transmutantur*; ut propterea ibidem existimet non minimam partem conferre ad Rem Medicam ipsam Astronomiam, sed omninò plurimam, cum unà cum temporibus, & *Ventriculi in Hominibus mutantur*.

Verumenimverò istiusmodi Quaternaria Anni divisio, quæ nobis Europæis Zonam temperatam incolentibus congruit, minimè cæteris omnibus Terræ habitatoribus pariformiter respondet; cum sub Zona Torrida aliquibus, scilicet sub Æquatore sitis, Æstas duplex accidat, Sole perlustrante signa Arietis, & Libræ, quæ Nobis sunt Æquinoctialia; aliis verò, videlicet Accolis, cum Sol utrinque posita signa migrat, quæ cæteroqui fixa dicuntur, prout in alterutram ab Æquinoctiali partem declinant; in aliis verò signis à vertice remotioribus Hyemes, aut potiùs caloris remissiones, Veri, & Autumno quodammodò respondentes fiunt. Sed & Antæcis diversa quoque accidunt; nam quibus in signis Sol Nobis Æstatem facit, illis parit Hyemem, & contra; & ubi Nobis incipit Ver, illis inchoat Autumno: ut si leam nunc, quas omninò diversas etiam sortiuntur Tempe-



pestatum mutationes, qui Antipodes Nobis sunt, & qui frigidas Zonas inhabitant, ab Astronomis, ac Geographis abundantissimè recollectas. Underidiculus planè fuit ille, qui inter theses quasdam publicè propugnandas, primam fecit, qua indefinitè atque universim se tutaturum asseverabat, quatuor solum esse cunctis Anni Tempora. Huic apprimè cohærebat Plinianum illud ex Apelle: *Nil ultra crepidas*.

Sed tamen omittenda non est, quæ Veteribus fuit in usu Anni Temporum distributio. Illis enim, etsi communem Zonam, eademque Climata nobiscum colerent, Annum aliter partiri visum est, & quidem in septem tempora, ut memorat Galenus hoc eodem *lib. comm. 14.* & latius *1. epidem. comm. 1. tempest. 1.* Primùm autem ab Æquinoctio Verno, sive ab ingressu Solis in signum Arietis, ad ortum Vergiliarum, seu Plejadum, Ver constituebant; Ab istarum ortu ad Solstitium Æstivum, tempus secundum, & quodammodò Æstatis initium. Tertium Æstivum, à Solstitio ad ortum Caniculæ extendebatur. Quartum ab ortu Caniculæ ad ortum Arcturi, Opora dictum. Quintum Autumnale, ab ortu Arcturi ad Plejadum occasum: vocabant *σπωρατόν*. Sextum ab occasu Plejadum ad Solstitium hybernum. Septimùm demùm à Solstitio hyberno ad Vernale æquinoctium: quod *τὴν φουταλίαν* appellabant, seu Tempus infitionis, & cùm à flante Favonio purpureæ Violæ exoriuntur. Et quamvis Cardanus *in comment. istius Aphorismi* summo studio conetur rem hanc à Galeno non satis bene explicatam, nec nostris temporibus congruentem, in meliorem calculum revocare, quia tamen ante Gregorianam correctionem scripsit, quo

tempore Vernale Æquinoctium contingebat ad IV. Idus Martii circiter; ac deinceps Astrorum ortus, atque occasus evariarunt; propterea fit, ut nec illius computus adamussim traditæ rationi, atque Anni partitioni respondeat. Venum namque Æquinoctium nostra hac ætate ex Gregoriana correctione accidit XII. aut XIII. circiter Kal. Aprilis. Ortus primarum Plejadum VIII. Idus circiter Maii, ultimarum ad Kal. Junii. Solstitium æstivum ad IX. Kal. Julii. Ortus Sirii ipsis ferè Kal. Augusti: Procyonis verò ad IX. Kal. ejusdem ferè, quo tempore Etesiae spirare solent. Arcturi exortus ad Nonas Octobris. Occasus Plejadum ad XII. Kal. Decembris. Demum Brumale Solstitium X. Kal. Januarii propè. Porro hæc deinceps etiam evariabunt, cum observationibus summi illius Astronomi Tychonis Brahei, inerrantes stellæ quotannis secunda 51. secundum ordinem signorum progrediantur.

Sed & cum his observabiles quoque sunt dies Caniculares, ab ortu utriusque Canis ad finem usque Augusti, de quibus Hippocrates 4. *Aphor. 5. sub Cane, & ante Canem*: Dies Halcionii, qui circa festum Divi Martini tranquilli, & aprici esse solent. Ortus etiam, & occasus Hyadum elabente Majo, atque imminente Decembre; itemque Lunæ elationes, ac depressiones circa Tellurem in suis Apogæis, & Perigæis, aliaque hujus generis plura ab Agriculis potissimùm, & Nautis passim observata, cùm ex his putent Aerem plurimùm immutari, exoriri ventos, grandines, procelas; unde corpora etiam vehementer affici contingit.

Cùm insuper Anni tempus naturalem, & consuetam non servat constitutionem, varias, diversasque



ægritudines progignit ; puta cùm duntur, diutissimè produrant : sic per Æstatem pluvix ingruunt, & per Hyemem Austri perflant impetuosius, Ver alget, æstuat Autumnus. Ita namque graves, morbosasque constitutiones accidisse refert idem Hippocrates *in libris Epidemiorum*, & notatur *hoc eodem 3. Aphor. à tex. 11. inferius*.

De cæteris verò mutationibus meminit idem Hippocrates *hoc eod. 3. Aphor. 4.* inquit: *In Temporibus quando eadem die modò calor, modò frigus viget, autumnales morbos expectare oportet.* Neque solùm caloris, aut frigoris vehementes, & subitæ alterationes, sed etiam humiditatis, & siccitatis mutationes morbificæ esse consueverunt, ut propterea quacumque de Causa Aer permutetur, aut afficiatur, humana Corpora perturbari contingat; unde si crassus, nebulosus, turbulentus, nimbosus, ventis agitatus; mox omninò tranquillus, apricus, fervidus, densatus, aut laxatus fiat, non leviter nocebit : Natura enim nostra, quemadmodum congruentibus, & assuetis gaudet, ita repentinas, ac incongruentes mutationes, atque vicissitudines ægrè ferre solet. Quamobrem subdit Hippocrates, & *in quibusdam temporibus magnæ mutationes aut frigoris, aut caloris, & alia pro ratione, eodem modo;* quibus comprehendere quoque videntur, quæ incolatu, exercitiis, indumentis, aliisque similibus subitæ mutationes fiunt, ut in dies experimur; ab his etenim repentinè mutatis, diversimodè quoque Aer nos afficit, interturbata præsertim perspiratione.

Quarta autem fit vis Aeris in Corporibus quibuscumque permutandis, alterandisque, vel ex eo quisque conciet, quòd quæ ab eo defen-

Vinum ad annos integros servatur ferens ætatem, atque vigorem inconcussum, cùm oleo ab ambiente Aere præmunitur. Fructus recentes cera oblit ad remotissimas Regionibus devehuntur, & nedum incorrupti, sed perindè ac ab arboribus decerpti. Pari modo multa servantur in melle, vino, ejusque spiritu, cæterisque liquoribus; sed & in milio, arena, cineribus, aliisque, quibus illa ab Aeris contactu præcaveantur; Et in Machina pneumatica Boylei, exhausto Aere, diutissimè carnes, fraga, mora, cerasa, pruna, aliique fructus, floresque varii, adeò illibata asservantur, ut nec marcescant, nec acorem contrahant. Vinum quoque, cervisia, ac sanguis ipse ab animalibus eductus, etsi longo tempore in eadem sint reposita, non aliter indè postea extrahuntur, ac fuerunt inclusa. Aeris quippè vi, atque efficacia, quam Elateris nomine insignitam Recentiores Philosophi voluerunt, suscitantur in Corporibus fermentationes, commotionesque internæ, ut & acerba quæque maturitati subiiciantur, atque in jam maturis mobiles, tenuioresque partes adigantur, exsolvanturque, quinimò pro variorum Corporum, halituum, & vaporum cum ipso intermissione, variæ, multigenæque excitentur mutationes; undè experimur ædificia ad oras maritimas exposita per elaterem cum vaporibus acido-muriaticis Æquoris commissum, sensim corrodi, atque manifestè consumi. Quamobrem jure optimò credi potest vorax Tempus cuncta consumere dentibus ab Aere mutuatis, præsertim cùm diversimodè is affectus per tempestatum vicissitudines, multifariam quoque halituum, & vaporum commistione acui-



acuitur, & erodentior evadit. Atque hinc non temerè Olymp. Nemesian. *Eclog.* 3. cecinit.

*Omniatempus alit, tempus rapit, usus in arcto est.* Ab uno siquidem Aere consumimur simul, & alimur, unde principium alimenti Aer Hippocrati dicitur, & enarratorum hætenus accidentium causa: atqui usus ejus in arcto quoque est; nam sicuti juvat in plerisque, ita in multis aliis nocere solet: undè Causa indifferens statuitur à Medicis, cum quo vario illius usu & obesse, & prodesse possit.

At verò præter Temporum Anni varietates, notabiles quoque in Aere fiunt mutationes, indeque corporum alterationes, atque ægritudines, à Ventis: hi namque non solum Aerem vel repurgant, vel inquinant, adeoque serenitatem, vel nebulas afferunt, æstum, vel algorem; sed etiam variis, multigenisque vaporibus, ac halitibus inficiunt, nitrosis, sulphureis, aluminosis, vitriolicis, mercurialibus, aliisque, quibus respiratio in Animantibus non minimùm offenditur, & permeans sanguis per pulmones inficitur, undè sæpenumerò Catarrhi, Tusses, Hæmaptoes, Pleuritides, Anginæ, Dysenterix, Febres, aliæque ægritudines perniciosissimæ exoriuntur. Sunt autem ex his aliqui statis temporibus perflantes, ut etiam aves ad Nos perducant: sunt & alii, qui indifferenter. Verumtamen & Regiones pleræque certis quibusdam statibus subiiciuntur, ut Urbs hæc nostra Neapolis Australibus ventis ferè perpetim afflata, ut propterea distillationes, atque artuum dolores, & Capitis languores subeat; sed & quidam Telluris tractus peculiare ventos sunt sortiti statis temporibus prosperos, vel adversos.

Historiis est jam notissimùm sæviisse in Græciam diram Pestem ventorum afflatu ex Ægypto delatam, quam perpetuis monimentis descripsere soluta oratione Thucydides, atque heroico carmine Lucretius. Has autem ex depravato Aere affectiones, alterationesque, solus ignis corrigere, atque delere poterit, cum & Hippocrates ipse in Græciæ pestilentibus integras sylvas incendi jusserit ad Aeris repurgationem. Cæterum quia non omnes Homines in ejusmodi Temporum mutationibus, & Aeris alterationibus æquabiliter afficiuntur, vel ægrotant, sed qui solum, aut habitudine, aut humoribus, sunt dispositi, propterea sequentibus Aphorismis, quibus Tempestatibus, ac particularibus Temporum mutationibus Corporum habitudines specialiter subiiciantur, figillatim enucleat.

## APHORISMUS II.

*Naturarum alia quidem ad Aestatem; alia verò ad Hyemem, bene, malève, se habent.*

**I**nnumeris Experimentis est comprobatum, non omnes Homines quavis Anni tempestate æquè bene Vitam degere, atque inculcata valetudine frui, sed quosdam in una, alios in alia salubrius vivere: & quidem lacertosos, atque obesos, ambienti frigido facilius obsistere, meliùsque valere; graciles verò multùm affici, atque offendi: cum tamen contrà hi meliùs se habeant Aestate, illi deterius; Unde ex Temporum mutationibus potius uni, quàm alteri afficiuntur, prout ipsorum habitudo, ac propensio huic, vel illi tempestati magis subiicietur.

Naturas tùm hìc, tùm alibi Galenus



lenus Temperies interpretatur, quippe qui omnia corporibus humanis contingentia, calore, frigore, humiditate, ac siccitate, veluti primis qualitatibus, est metitus: quomobrem in Æstate melius, quam in Hyeme illos habere ait, quorum Temperies frigida, humidaque est; qui verò Temperamento sunt præditi calido sicco, salubrius iu Hyeme, deterius in Æstate. Verum hac ratione obesa Corpora, quæ frigida, & humida, ab ipso dicuntur, salubriorem degerent vitam Æstate, quam Hyeme; & contrà gracilia, veluti calida sicca, malè se haberent in Æstate, & benè in Hyeme; cum tamen obesa Corpora efficacius obfistant hyberno, frigidoque ambienti, à quo graviter gracilia offenduntur.

Naturas hic igitur exponere oportebit, quas alibi nos Corporum constitutiones, & habitudines appellavimus, desumptas à textura partium similarium organicas componentium, unà cum sanguinis illas irrigantis conformatione: quibus enim sanguis inest floridus, vegetus, vividus, qui quaquaversum partes subeat, & ad obeundas operationes agilitet, hos calidam temperiem, seu constitutionem, nactos dicemus; quibus verò, parte potius auctifica refertus est, obefiores erunt, sed minùs calida præditi temperatura. Confert autem ambiens Aer, sive calidior, sive frigidior evadat, ad ejusmodi Corporum constitutiones vigorandas, vel permutandas, inspiratione simul, & perspiratione; quomobrem tempore æstivo, quia tenuior sanguis evadit ex inspirato aere, & ex cute rariori promptius perspirant crassiora ejusdem repurgamenta, propterea hebetes, & humidæ Corporum constitutiones, salubrius tunc degunt; deterius verò hyeme,

impedita ejusmodi perspiratione, & sanguine à frigidiori Aere aliquantulum constipato. Ita pariter reliquæ Corporum habitudines melius Æstate, pejus Hyeme degent, quatenus ab utroque, hoc, vel alterutro Aeris beneficio, emolumentum, aut detrimentum ex adverso sortientur. Neque verò perpetuò verum est frigiditas, quas vocant, aut calidas temperaturas, Æstate benè, Hyeme malè, ac vicissim se habere, nisi ex memoratis Causis inspirationis, transpirationisque, sanguis benè, vel malè afficiatur; siquidem fieri potest, ut frigido præditi temperamento, sicut & calido, obesi simul, & graciles, equè malè se habeant in Hyeme, atque in Æstate, si nimirum effectus in illis sanguis, in his valde tenuis, facile disperdatur, & evanescat, ab ingenti Aeris æstu; & opprimatur, atque hebetetur à Brumæ algore. Unde plerisque novi ex utraque Anni tempestate aspera, ferè quotannis ægrotare, & solum vitam ducere salubriorem tempore verno, aut etiam æstivo, modò calor remissior foret, aut aerem incolerent temperatiorem, zephyrisque perflatum; quoniam in his imbecilla sanguinis constitutio, & laxa textura membrorum, utrumque excessum ferre non poterat. Sic levis lucernæ flammula citò extinguatur, cum si argenti, densa-toque aeris exponatur, tum si distracto, ventilatoque, immò etiam radiis solaribus vehementer verberato, aut aliter intensius excalefacto. Jure ergo optimo Hippocrates Naturas Hominum indiscriminatim commemoravit, nulla caloris, aut frigoris, alteriusve qualitatis facta mentione.



## APHORISMUS III.

*Morbi quoque, alii ad alia benè ,  
vel malè se habent , & quadam  
ætates ad tempora , & loca , &  
victus genera.*

**Q**UOD dixerat de Naturis , & Corporum constitutionibus , nunc de ægritudinibus , deque ipsis ægròtantibus , illorumque ætatibus pronunciat , ut sensus sit , Morbos in quibusdam mitiores evadere , & securiores , in aliis verò graviores , periculosioresque , prout ægrotantes ipsi hac , vel illa habitudine præditi , in unam , vel alteram morborum constitutionem præclives fuerint . Sic graciles ex distillationibus , Tussi , Dysenteria ; obesi verò ex Asthmate , Hydrope , Sopore , Palpitatione gravius afficiuntur : In ætate puerili minùs periculosa sunt Variolæ , quam in ætate consistenti , ac senili . Faciliùs pariter , citiùsque desinunt Quartanæ , Obstructiones , & Articulorum dolores Æstate , quàm Hyeme . Hydropses , & Cachexiæ , in montanis , ac maritimis locis leviùs affligunt , meliusque curantur ; In campestribus verò Phthises , & Atrophiciæ . Attenuans victus gravior in juventute , & in morbis à tenuibus humoribus exortis ; ut & plenior , ac consistenterior in succi plenius . Horum autem omnium latissimè meminit *in libris Epidemiorum* Hippocrates , ubi Epidemios morbos referens populariter grassantes , non omnes tamen ægros æquabiliter affectos narrat , sed pro varia cujusque habitudine , ac natura , itemque ætate , tempore , regione , diætâ , alios gravius , alios leviùs ægrotasse , neque singulos cum uno , eodemque genere symptomatum .

Sed num ad Morbos potiùs , an veriùs ad Causas respexerit Hippocrates , & unde benè , vel malè ægritudines se habere dixerit ad alia , atque alia comparatas , dubitari poterit . Et quidem in textu videtur solum ægritudines memorasse , ut effectus nostris sensibus magis obvios . Sed reverà Causas magis prospexisse dicendum est : nam morbi benè , vel malè se habent ad alia , aut alia , quatenus Causæ illos efficientes , aut conservantes , abscinduntur , vel emendantur ; aut contra augentur , & exasperantur : non enim alia de causa tertianæ febres Æstate breviantur , & ingravescent , nisi quia humor illas fovens promptius dissipatur , aut contra acuitur . Sic pariter dolores articulares citiùs desinere solent Æstate , seriùs Hyeme , quia per æstivum vitiosi succi attenuantur , & exsolvuntur , per hybernium verò frigus detinentur , & incrassantur . Perperam proinde agunt , qui in præscribendo victu ægrotantibus , summo studio adnituntur adversus morbos pugnare , cum in calidis , quas vocant , ægritudinibus frigefactia cibaria præcipiunt , etiam si humores prædicent crudos , & phlegmaticam , tenacemque pituitam ; quam obrem febricitantes omnes pari modo cibant , oleribus , jusculis , consumptis , cum seminibus , syrups , & electuariis refrigerantibus , ut propterea Morbos insanabiles reddant , vel protrahant .

Præterea adjecit Hippocrates quasdam ætates ad quædam tempora , loca , & victus genera , etiam bene , vel male se habere , videlicet quia , *Pueri* , ut inquit Celsus , *proximique his , Vere optimè valent , & Æstate primat utiissimi sunt , Senes Æstate , & Autumni prima parte , Juvenes Hyeme , quique inter juven-*

*tam ,*



*tam, senectutemque sunt: inimicior autem Senibus Hyems, Aestas Adolescentibus est.* Quidam salubriorem ducunt vitam in maritimis, alii in montanis locis: & nonnulli uno victus genere bene valent, alio quamvis perfectiori, non item.

Hinc ergo prudens Medicus pro varia Corporum constitutione, atque habitudine, diversimodè in illorum ægritudinibus se gerat, & prout noverit in hanc, aut aliam, cum morbos, morborumque Causas, tum ægrotos, ipsorumque naturas, atque ætates propendere constitutionem, ita hoc, vel illo utetur victu, ac medicamento, cavensea, quæ omninò dissidentanea ejuscemodi Tempestatibus, & Constitutionibus videbuntur. Non semel autem contigit, populares quosdam morbos feliciter depulisse indicto statim à principio vomitu, sed & alios, propinatis positionibus gelidarum aquarum, quæ vim alexipharmacam participarent. Quandoque præstat morbum protinus validissimis remediis adoriri; interdum verò ejus impetum effugere, ac declinare, Celsi consilio *lib. 2. cap. 5.* dicentis: *Neque ulla alia spes in malis magnis est, quam ut impetum morbi trahendo aliquis effugiat, porrigaturque in id tempus, quod curationi locum præstet.* Qui itaque sciverit ægritudines per suos impetus, ac tempora, in variis Corporum habitudinibus, atque ætatibus, secundum vicissitudines moderari, planè is in Medicina facienda magnus erit.

#### APHORISMUS IV.

*In temporibus, quando eadem die modò calor, modò frigus fit, Autumnales morbos expectare oportet.*

**D**Anna ex mutationibus Temporum universim oriri antea exposuerat, nunc speciatim morbos futuros autumnales pronunciat, quandocumque eadem die modò calor, modò frigus vigeat, idque sive in Vere, sive in Æstate, sive in cæteris Anni temporibus contingat. Neque solùm si eadem die, sed etiam si longa dierum serie, ejuscemodi mutationes fiant; sed enim eodem die contingentes frigoris, & caloris mutationes, periculosiores procul dubio sunt, quippè quæ subitaneæ, & repentinæ, celeriter Corpora agitant, perturbantesque ad opposita; undè speciatim etiam notantur frigoris, & caloris alterationes; veluti quæ sensibiliùs solidas Corporis partes commovent, atque in contraria deducunt: Calore enim humores liquantur, & ad sudorem disponuntur, viscera laxantur, pori cutis rarefiunt, & halituum perspiratio uberior fit: frigore verò ista cohibetur, densantur humores, & promotus sudor impeditur; quare ex inæquali, & subita hac commotione, graves noxas ingruere necessum est, quales sunt Autumnales. Morbi siquidem in Autumno evenientes inconstantes sunt, & mali moris, quandoquidem nullum planè tempus eo majores habet inæqualitates: etenim mane, & circa Solis occasum frigus persentitur, & longè majus noctu; Meridie verò calor nimius invalescit; ut propterea ea tempestate plurimi, gravesque morbi passim ingruant.

Non



Non tamen quis existimet, ex unico dumtaxat die, mutationem è calido in frigidum vicissim habitam, morbos portendere graves, & autumnales, sed cum diu perduraverit: siquidem quod semel accidit, facile à quocumque etiam debili toleratur; neque tantæ efficacitatis esse potest, ut vehementer corpora concutiat, & sensibilem noxam imprimat. Itaque oportet, ut iteratis diebus ejuscemodi permutationes contingant; quemadmodum & Ovidius expressit, 2. *de Arte amandi*.

*Cum modò frigoribus premimur, modò solvimur æstu:*

*Aere non certo, corpora languor habet.*

Et Celsus lib. 2 cap. 1. *ex tempestatibus*, inquit, *optimæ æquales sunt, si ve frigida, si ve calida; pessimæ, quæ maximè variant: quo fit, ut Autumnus plurimos opprimat, nam ferè meridianis temporibus calor, nocturnis, atq; matutinis, simulq; etiam vespertinis frigus est.* Cum & lib. 1. c. 3. dietam per id temporis præscribens, propter Cœli varietatem, maximè periculosam, monuerit, neque sine veste, neque sine calceamentis prodire oportere, præcipuèque diebus frigidioribus, neque sub dio noctu dormire. Ubi præfatos Auctores non de unius diei vicissitudine, sed de pluribus plurimorum dierum, palam est fuisse loquutos.

Subitæ igitur, & repentinæ vicissitudines nedum ipso vigente Autumno, sed etiam extra hoc tempus, quando eumque contingant, timendæ sunt, cum subindè vagari soleant illa morborum genera, quæ ea tempestate grassantur; siquidem non à tempore, sed ab ipsa vicissitudine, morborum Causæ, ipsiq; morbi propter subitas Corporum alterationes progignuntur. Quamobrem pluri-

mum degenerabunt à consueta, & naturali constitutione, reliquæ Anni tempestates, si fortassè non æquabilem servaverint aut caloris, aut frigoris habitudinem; & longè deterior fiet Autumnus, si & ipse in sua inæqualitate adhuc sit inconstans. Ceterum si mutationes istæ, atq; vicissitudines Aeris repentinæ nocent sanis, multò magis afficient egrotos: unde experimur egritudines ceteroqui leves, ac benignas, ob Autumnalis tempestatis varietatem, atq; inconstantiam, protinùs in malignas, & exitiales commutari. Perperam proindè agunt, qui præter aeris inclementiam, ultroneas sibi excitant ejuscemodi permutationes, cum modò calido, modò frigido acri se exponant, modò æstuent, & sudent, modò refrigerant, & frigida la ventur, modò integumentis duplicibus utantur, modò simplicioribus: quod & non rarò Medici à febricitantibus factitatum turpiter & laudant, & commendant.

## APHORISMUS V.

*Austri auditum hebetant, caliginem visui offundunt, caput gravant, tarditatem, & languorem inducunt. Quando igitur invaluerint, talia in morbis accidunt. Contra si aquilonia sit tempestas, tusses vigent, faucium asperitates, alvi duræ, difficultates urinae, horrores, costarum dolores, & pectoris. Quando igitur hæc viget, talia in morbis expectare oportet.*

**D**etrimenta à Ventis oriūda hic enumerat Hippocrates, potissimum autem ab Australibus, & Boreis, qui cæteris infensiores, frequentioresq; esse solent, & quodammodò reliquos alios è collateralibus com-



complectentes, utrumque Ortum, atque Occasum, æstivum, & hyemalem, cum ea amplitudine, quæ Tropiciis, ab Aequatore, & ab Ortum Autumnali, ac Verno, competit: quippe non solum Auster, sed Afri-  
cus, & Notus, Venti Australes appellantur; sicuti Boreales ex adverso, Aquilo, Boreas, & Corus; & quemadmodum illi consimilem in humectando, & calefaciendo vim, facultatemque referunt; ita isti in exsiccando, & frigefaciendo.

At verò sicuti Ventorum vis, atque efficacia, varia observatur, ita Origo diversa esse debet, quæ planè tandiù Physiologorum ingenia fatigavit, ut inter arcana Naturæ illam plerique repositam existiment, cum post longam, continentemque inquisitionem, necdum hætenus patuerit. Certum autem unicuique est, in his Aerem diversimodè agitari, atque huc, vel illuc violentiùs commoveri, unde plerisque putatum, Ventum non esse aliud, quàm Aerem motum: quibus assentitur Hippocrates *lib. de flatib.* definiens Ventum, *Aeris fluxum, & fusionem*. Ut autem Aer impetuosius moveatur, quidpiam omninò alienum, ac differens, quod agitet, atque impellat, cum illo intermisceri necessum est, cujus causa varias quoque excitet alterationes. Aristotelei halitus, è Terraqueo globo erumpentes, causam commoti Aeris dixere, qui vi Solis in altum elati, ubi ad secundam ejus Regionem offenderint, reperiuntur, ac nequeuntes deorsum, contra levium naturam, tendere, in gyrum primùm revolvuntur, deinde huc, aut illuc diffiliunt, & ventos gignunt in hanc, vel illam plagam excurrentes. At si exhalationes istæ uniusmodi sunt, eamdemque semper terræ naturam participant, profectò

Venti omnes siccitatem præferrent, & ejusdem observarentur conditionis. Neque verum est, quod Macrobius asserit *lib. 2. in Somn. Scip. c. 5.* variari ventos à locorum, per quæ transeunt, varietate; adeoque Austrium in sua origine gelidum, per Zonam torridam commeatu, sensim incallescere, atque postremò ad Nos calidum pervenire; ut & ventum Septentrionalem ad eos, qui Australes regiones inhabitant, propter eamdem rationem: Nam deberent quoque, qui Aestate calidi sunt, fieri per Hyemem frigidi, & qui Hyeme frigidi, per Aestatem calidi, cum Regionibus ex opposito rigentes, aut ferventes pervaderent; quin & nulli per Aestatem frigidi forent, & nulli per Hyemem calidi, sed omnes temporis constitutionem sequi deberent, aut etiam locorum conditionem: atque sub Zona Torrida calidissimi, in Temperata moderati, in Frigida frigidissimi semper essent. Atqui falsum omninò est, ventos sub Zona Torrida æstuosos esse, etenim qui eas Regionibus perlustrarunt, referunt suaves Zephyros, ac largos imbres, ventososque, ibi vigere, temperareque plurimùm perpendiculares Solis radios, ut propterea perperam creditum sit Aristoteli, cæterisque Veteribus, Zonam illam esse inhabitabilem. Neque prætereà verum est, Ventos tam vastas, remotasque Regionibus percurrere, cum peculiaribus quibusdam locis concludantur, & suos unaquæque Regio proprios, particularesque habeat flatus, quibus serenitate gaudeat, aut imbris irrigetur, caleat, aut frigeat. Auster, & Notus venti nobis Neapolim incolentibus humidissimi, Apulis afferunt serenitatem, quibus tamen pluit flante Euro, vel Cæcia. Sed & non rarò alicubi Venti perflant levissimi, quo

V. Caff.  
send. 5. 3.  
l. 2. c. 1.



quo tempore alibi, modico Telluris tractu interjecto, neque levis aura persentitur. Cùm hic Neapoli anno 1688. Nonis Junii horribilis ille Terræ tremor accidit, quiescente post di- rum præsterem Aere, viguit Romæ Auster vehementissimus. Unde li- quet, oriri, aut perire flatus, Ventos- que, longè propius, quam ut vulgò putatur, ex specubus, è clivis, fasti- giis, & radicibus Montium, è Mari, Fretis, Sinubus, nec è tam diffitis lo- cis proficisci.

At verò varietas Ventorum, feren- tium sive frigus, sive calorem, refe- renda videtur ad halitus quidem, & vapores, qui è Terra, vel Mari erum- pentes, per Aerem diffunduntur, sed naturam diversam referunt spirituo- salinam halinitri, ammoniaci, alu- minis, sulphuris, vitrioli, bituminis, aliisque, quique sæpenumerò diffi- liunt, atque feruntur, quo radii So- lis impellunt, & Luna Telluri propin- quior deprimit, aut peculiaris quæ- dam loci habitudo coarctat. Equi- dem halinitrosi Aerem infrigidant, aluminosi, sulphurei, & ammoniaci calefaciunt; misti & grandines simul, & procellas adducunt, & bituminosi etiam tonitrua, ac fulmina; Ut pro- ptereà sit, cur primi post æstatem im- bres procellis, grandinibus, toni- truis, ac vehementissimis flatibus confocientur, quia ex præarefacta Tellure varii, diversique salium spiri- tus per Aerem sunt interspersi, qui mox nubibus conclusi, procellas ex- citant. Statis etiam temporibus spi- rant non rarò Venti ejus planè pra- vitatis, ut illis fata, fructus, flores, fo- lia, palmites urantur, & veluti sidera- ta vita priventur, ob hostilem, pessi- mamq; vaporum, aut exhalationum flatus, ipsos promoventium condi- tionem, unde ros etiam, ac pruina ex his decidua infensissima vegetan-

tibus esse solet, transitque in rubigi- nem. Sic quoq; experimur Sale Nitro aquam congelari, & congelatam à spiritibus ex alumine, & ammoniaco elicitis exsolvi, & calefieri. Etesiæ Venti ab Hippocrate memorati cir- cà Solstitium æstivum, cùm Nilus ex- undare incipit, quotannis spirant, atque per eas Regiones æstum Aeris mirificè temperant, quoniam tum aquæ ipsæ, tum spiritus perflantes plurima nitri copia sunt referti. Hinc etiam est, ut Boreales venti Aerem ferenum, & frigidum faciant; Au stri- ni verò conturbent, & nubilum, ac pluviosum reddant, quia vapores a- quei à spiritibus nitrosis congelan- tur, ac præcipitantur; ab aluminosis verò dissolvuntur, & attolluntur. Sed & Radii Solis, ac Lunæ motus pro- pinquior nostræ Telluri solent quo- que sæpe sæpius ventos in hanc, vel illam plagam propellere; unde orien- te Sole Venti plerumque spirant o- rientales, Eurus, Subsolanus, & Vulturnus; & occidui Favonius, Cir- cius, & Zephyrus, ipso in Occasum inclinante: in signis Australibus Au- strini, & in Borealibus Borei sæpissi- me perflant; quinimmò ab Austri- nis flatibus calor in Aere sensibilius persentitur, frigus verò à Borealibus. Luna insuper circa Tellurem depres- sior vim aeris elasticam comprimen- do, & coarctando, Ventos quoque excitat, plerumque turbulentos, & irregulares, ob variam elateris com- motionem, protrusionemq; nisi ta- men recta ex concordii impetu fera- tur. Diversa demùm locorum habi- tudo flatus etiam vel excitat, vel va- riat. Etenim in Montibus, Speluncis, Isthmis, & in cujusvis generis fodi- nis, peculiare quidam flatus obser- vantur; itemque in quibusdam Ma- ris sinubus, Fretis, Scopulis, quia nimirum halitus, aut vapores illinc erum-



erumpunt, aerem commoventes, & magis, minùsque agitantes, huc, aut illuc, pro loci, & vaporum conditione. Hac ratione Venti in montibus plerumque frigorigici esse solent, in oris maritimis humectantes, & calorifici, atque in aliis locis alii, pro fossilium varietate, quibus aer diversimodè refertus, diverso quoque modo nostra corpora afficit.

Hinc modò facilè ratio reddi potest, cur Austri complura Corporibus, præcipuè debilibus, incommoda afferant, præsertim verò Auditum hebetent, caliginem Visui offundant, Caput gravent. Quoniam vapores plurimos concitant, & Aerem turbant, qui propterea viscera delaxat, & inquinat, cunctos liquores fluxiliores reddit, sed speciatim sanguinem à sua compage laxiorem; unde gravedines, catarrhi, hebetudines membrorum, totius Corporis laxitates, gravis auditus, & visus caliginosus. Graviùs autem præ cæteris Caput afficitur, quia debilius, atque externis alterantibus magis obvium, quocircà universo postmodum Corpori torpor accidit; siquidem gravato Cerebro, nervi quoque, membranæ, & muscoli afficiuntur. Accedit, quòd nedum respiratione, sed etiam contactu vapores per Aerem diffusi Corpora madefaciunt, ac poros cutis infarciunt interturbant transpirationem; sed enim tunc etiam marmora exsudare conspiciamus à vaporibus ibi consistentibus in aqua. At verò expertum est, phialam nive repletam exterius in ambitu vapores per Aerem dispersos cogere in Aquam, ut exindè modicum post tempus plures amphoras colligere liceat. Nuperrimè etiam excogitatus est nobis modus (& quidem alius ab eo, quo, per salem plus, minùsve in lance ponderosum, usus est olim Ga-

lileus) internoscendi copiam, vel inopiam humoris in aere, ope cuiusdam Instrumenti in planisphærii formam instructi, atque in XII. partes distributi. Id enim per suum gnomonem indicat in designatis partibus quantus humor cum Aere sit commistus. In pluviosa tempestate usque ad XI. progreditur hic Neapoli; in boreali verò, & æstuosa, nonnisi ad V. solum regreditur. Non mirum igitur, si tantoperè Capitis affectibus, artuum doloribus, & distillationibus obnoxia illa sit, musculi Corporis per id tempus delaxentur, & Organa sensuum obtundantur.

Cùm ergo huiusmodi tempestas Australium flatuum prævaluerit, diùque perduraverit, talia in morbis accidunt: idest ægrotantes, licet aliis morborum generibus sint correpti, his tamen prætereà symptomatibus afficiuntur, quæ sanè non sequuntur eorumdem morborum naturam, sed Austrinam temporis constitutionem. Quamobrem solers Medicus minimè ex his morbo supervenientibus decipietur tam in prognosi, quàm in Curatione, si Tempestatis habitudinem scrutatus, exploratum habuerit, quid vi morbi, & quid vi causarum externarum ægris contingat, ut benè etiam advertit Heurnius.

At contra in Aquilonia tempestate, Tusses vigent, præsertim aride Celsi dictæ, & Faucium asperitates, à frigida, & nitrosa Ventorum Boreali conditione, quæ pectori inimica est, ex eodem Hippocrate §. *Aph.* 18. Fiunt etiam alvi duræ, tum quia felleus humor in ejusmodi Aquilonaribus Tempestatibus minuitur, fitur, aut hebetatur; tum quia absumptis humiditatibus, quæ alvum laxare solent, venter adstringitur, & fæces obdurescunt: nam sicut

non



non exigua humiditas una cum Aere humido per inspirationem in Corpus hauritur; ita cum sicco absumitur; unde flante Borea magis sitire solemus, quàm flantè Austro, etsi hic calidus, ille frigidus percipiatur. Horrores pariter, non quidem ab interna causa inducti, ut in febribus intermittentibus, sed ab eodem ambiente frigido perspirationem comprimente. Denique difficultates urinæ, costarum, & pectoris dolores, sive à concrecente sanguine, qui facilè Pulmonibus, cæterisque partibus Respirationi inservientibus hærescit, sive ab impedita, interturbataque perspiratione; sive etiam quia nitrosi Spiritus inspiratione Aeris hausti acorem Sanguini communicant, ejusque Serum cogunt, ac exprimunt; unde adaugetur urina, & acrior evadit, atque dolores laterales, & quandoque etiam internæ inflammationes ibidem excitantur. Utramque hanc Tempestatem Borealium, & Australium ventorum sic latinus Hippocrates expressit *lib. 2. cap. 1. Ex Tempestatibus Aquilotus sim movet, fauces exasperat, ventrem astringit, urinam supprimit, horrores excitat; Item dolores lateris, & pectoris: sanum tamen Corpus spissat, & mobilius, atque expeditius reddit. Auster aures hebetat, sensus tardat, capitis dolores movet, alvum solvit, totum Corpus efficit hebes, humidum, languidum.*

Ejusmodi autem à Ventis impetuosioribus tum austrinis, tum boreis, incommoda, qua ratione vitari possint, edocuit Vitruvius, Palladius, atque medicè magis Galenus in suis *libris de sanitate tuenda*. Memorabile verò est, quod olim est molitus Acron Agrigentinus (Laertius id etiam factum scribit ab Empedocle ejusdem Acronis auditore)

*Tozzi Op. Med: Tom. III.*

in signis sui temporis Medicus, atque Hippocrate vetustior, ad vindicandam ab immani peste Siciliam. Is enim coriis bubulis, ad id affabrè comparatis, ventos primùm, quorundam montium, unde illi spirabant, angustis interceptis, coercuit, mox ignes plurimos accendi jussit, ut pravi halitus per Aerem dispersi absumerentur, isque meliorem nactus conditionem, remedio in posterum foret sanguini, & Cordi, quod prius infecerat; Id ipsum quoque gestum legimus ab Hippocrate, qui integras sylvas comburi præcepit, cum Græcia pravo Ventorum afflatu pestilentia vexaretur. Cæterum partibus speciatim affectis ex mala earundem Tempestatum Constitutione succurrendum erit iis præsidiorum generibus, quæ à nobis alibi sunt memorata. Solùm hic referam, quod Aristoteles in *suis problematis*, sedari Tussim animadvertit, illamque veluti momento desinere, cohibito spiritu. Verumtamen siccam esse decet, quæ ab Aquilonia tempestate accidit, non autem humidam, quæ cum à concretis humoribus in cavo pectoris, aut pulmonis oriatur, non nisi, anacatharsim moventibus medicamentis, curari poterit.

#### APHORISMUS VI.

*Quando Aestas fit Veri similis, sudores in febribus multos expectare oportet.*

**D**E his, quæ accidunt ægrotantibus, ab Aquilonia, vel Austrina Tempestate, præcedenti Aphorismo egit Hippocrates; nunc ea prosequitur, quæ à mutata, variataque constitutione temporum eveniunt; præsertim verò Æstatis meminit,



nit, cùm Veris naturam æmulatur, aitque febricitantes plurimum sudaturos, cùm Æstas fit Veri similis, id est ingenti suo ardore deficit, & temperiem quamdam refert, non abfimilem ei, quæ in Vere naturaliter contingit: & quoniam Morbi per Æstatem vagantes plerumque sudore finiuntur, quo carere solent ægri- tudines hybernæ, idcirco de Æstate solummodò hæc specialiter notavit.

Neque verò à temperie solum Aeris vernali per Æstatem contingente, plerique volunt futuros in febribus sudores, sed à pluviosa constitutione, quippe quia Ver pluviosum esse solet; unde Aristoteles in *Meteoris* asseruit pluviosum magis esse Tempus Vernum, quàm Hybernium: tunc etenim Sol moderato Calore vapores è Terraqueo globo elicit, elevat, & in imbres commutat, qui sanè per Æstatem extenuati dispe- reunt, & in Hyeme congelascunt, vel aliò ab Aquiloniis Ventis aman- dantur. Cùm igitur Æstas fit Veri similis, imbribus abundans, sudores multi in febribus aderunt consequen- tes ejus tempestatis humidam, & pluviosam constitutionem. Hinc 2. *epidem. sect. I.* dicitur *pluvias minu- tas in Æstate febres sudorificas effi- cere*. Modò minutæ pluviae sunt pro- priæ Vernalis tempestatis.

Ex his autem facile deducere lice- bit, qua ratione Hippocrates sudo- res asserat multos in febribus expe- ctandos: cùm enim Corpora multo humore per id temporis imbuantur, necesse est motu Naturæ, causam morbificam depellere conantis, il- lum subinde educi sudoribus, qui tum febris impetu, tum æstivi tem- poris ratione plurimi fient; quinim- mò etiam à principio comparebunt, exudante nimirum sponte aqueo hu- more, poros Cutis, & glandulas

subtercutaneas occupante, vel im- petente.

Febres autem speciatim memora- vit, non quòd in cæteris ægri- tudinibus, quæ eo tempore contingere possunt, sudores ejusmodi nulli fiant; sed quia hi potissimum febres comi- tantur, & ab æstu febrili promptius erumpunt. At verò non distinxit fe- bris speciem, fortè quia omnes vo- luit comprehensas, ea solum diffe- rentia, quòd in quibusdam sudores isti critici, & salutares sint, in aliis symptomatici, & inutiles. Quam- obrem tacitè Medicos admonet, ne sudoris copiam, ac promptitudi- nem omninò reformident, aut ultro commendent; quasi verò damnum, aut emolumentum pro re nata non sit interdum allaturus: etenim ab humida Temporis constitutione, non verò à causa morbifica, sudor ille provenit. Quamquam possit etiam cum humore febrili conjungi, & si- mul excerni salubriter, si nimirum cætera concurrant, quæ crisim salu- tarem comitantur. Porro quemad- modum præcedenti Aphorismo ad- iectum est: *talia in morbis expecta- re oportet*; sic pariter nunc dicitur, sudores multos in febribus esse expe- ctandos, cùm Æstas fit Veri similis, non quidem à febre, ejusque causa, sed ab ambientis humidi, ac pluviosi constitutione.

Quòd si fortassè ejusmodi verna constitutio vigeat per Æstatem, nec tamen febricitantes sudare videan- tur, oportebit omnem industriam adhibere, ut illi ad sudorem dispo- nantur; secus duplici malo confli- ctabuntur, altero à febrili causa, al- tero à tempestate pluviosa, unde impedita perspiratione, febris in longius producet, vel in pejorem commutabitur.



## APHORISMUS VII.

*In Siccitatibus febres acutæ fiunt.*

*Quòd si amplius talis pergat esse Annus, qualem fecerit constitutionem, tales plurimum morbos oportet expectare.*

**P**Rima fronte videtur hic Aphorismus opponi illi, in quo dicitur: *siccitates sunt imbris salubriores, & minus mortiferae*. Nam si siccitates dicuntur salubriores, cur est, quòd nunc febres acutas parere ferantur? Verùm in Græco Codice scribitur: *Ἐν τοῖσιν αὐχμοῖσι*: idest *in squaloribus*, qui extremam siccitatem, illamque diuturnam significant, ut propterea non quamcumque siccitatem, sed summam, vehementemque adnotat hic Hippocrates, ut accuratiores Interpretes exponunt, quæ scilicet nimio ardore cuncta penè exarefacta, atque ambusta videntur. Neque verò absolute is protulit salutes omnino esse siccitates, sed tantum imbris, seu Austrinis tempestatibus pluviosis, salubriores, facta nimirum inter se invicem comparatione; de qua re postea dicetur.

Sed cur in siccitatibus extremis febres acutæ fiant? Plerique rationem desumendam putant ex ipsamet natura siccitatis, quæ ferè semper cum calore jungitur, ut propterea vigente constitutione calida sicca febres acutas exoriri necessum sit. At non video, quo jure isti mentem Hippocratis sic temerè velint extorquendam. Si enim de tempestatibus calidis siccis hanc sententiam protulisset, sanè dixisset potius, in *caloribus*, aut *æstibus*, quàm in *siccitatibus*, cum cæteroqui Calor habeatur potior, & efficacior qualitas, vi-

prædita excellentiori inter eas, quas primas vocant. At verò videtur congruenter Hippocrates notasse siccitates, non calores, quia mens ejus erat referre detrimenta constitutionis oppositæ ei, quam in præcedenti Aphorismo protulerat de Æstate, in humidum vergente; ut proinde gratia exempli notatum voluerit, quòd quemadmodum ab humida tempestate longi morbi, ita ab arida breves oriantur. Accedit, quòd à siccitate extenuantur humores, absumunturque aquosæ Corporis superfluitates, quæ morbos, vel protrahunt, vel hebetant, unde non immeritò brevitatem, & acutiem illi præferent. Cum insuper Aphorismus singulas Anni tempestates complectatur, æquè enim de Æstate, ac de Autumno, Hyeme, & Vere videtur pronunciatus, propterea usus est Hippocrates ea, loco exempli, constitutione, quæ communis omnibus esse potest, & indifferenter per utraslibet vagari: modò & Ver, & Autumnus, Æstas, & Hyems siccitatem præferre possunt, idest pluviarum vacuitatem: neque enim aliter res sicca fieri dicuntur, nisi quia extenuatæ, atque exsuccæ, omni penitus humore exhauriuntur, ut in expressa, exuctaque spongia palàm fit. Modò per siccitatem extremam pori Cutis suprà modum constipantur, partes obdurescunt, & perspiratio plurimum impeditur; quin & sanguis ipse per Pulmones trajectus, non leviter à sua crasi, & fluiditate declinat, unde alicubi restagnans, & præsertim in apicibus arteriarum, febres excitat vehementissimas, atq; admodum periculosas. Sicut enim præhumidus Aer, & austrinus, nocuus ex una est, sic ex altera parte aquilonius, & plus justo attenuatus, distracto videlicet, ac, ut ita dicam,



nimiùm furente ejus elatere .

Cæterùm secunda pars hujus Aphorismi desumpta est ex libro de humoribus, ubi & plura alia ad Annorum tempestates pertinentia scripta leguntur. Neque aliud ex illa inferre vult Hippocrates, nisi quòd morborum per tempora affectiones magna ex parte sequantur ipsius Anni constitutionem, ut propterea si tempestas sicca admodum esse pergat, per universa Anni tempora, per omnes etiam tempestates, febres acutæ magna ex parte sint expectandæ, sicut quoque alius generis ægritudines pro ratione vagantis constitutionis. Quo enim diutiùs squalor in Aere, ac Tellure perduraverit, eo etiam acutæ ægritudines graviores fient. Scriptum est autem *magna ex parte*: nam satis est, si plerumque Tellus, & Aer imbris non madescat, nec humectetur, adeoque rarerentur pluat: vix enim fieri potest totum, integrumque Annum in nostris Regionibus imbris fore cariturum.

Sed num per idem omninò tempus, quo sicca, & imbris vacua Constitutio viget, acutæ febres, hic ab Hippocrate notatæ, observandæ sint, an verò in posterum, non levis est hujus loci difficultas. Et quamvis aliquibus videri possit, non nisi quo tempore arida tempestas urget, acutæ febres vagari, juxta effatum illud Physicorum, Causas tunc re ipsa effectus parere, cum adsunt, & vi, atque impulsu operationes promovent. Nihilominus si verba Aphorismi perpendantur, planè etiam imminentes, & futuras comprehensas affirmabimus: dicitur enim, *tales morbos oportet expectare*. Si ergo expectandi, igitur per idem tempus, quo sicca viget constitutio, non sunt. Neque verò effatum illud Physico-

rum perpetuò verum est in Causis Procatasticis, & externis, sed solum in Synecticis, conjunctis, & proximis: illæ namque, ut morbos inferant, debent primò internas Causas excitare, quas inter, & morbos est necessaria connexio; secus verò cum Causis Procatasticis: etenim adhuc vitato Aere, atque remoto cibo, aut motu, qui morbus ab his semel inductus est, perseverat, nec desinit, nisi Causa interna, & proxima auferratur. Cùm itaque Hippocrates de Causis externis, & Procatasticis hic agat, nimirum de Anni Constitutionibus, procul dubio non modò de præsentibus, sed & de imminetibus quoque, futurisque ægritudinibus exponendus erit. Rectè ergo dicebat Celsus lib. 2. cap. 1. *Neque solum interest, quales dies sint, sed etiam quales ante præcesserint*.

#### APHORISMUS VIII.

*In legitimis Temporibus, ac convenientem servantibus temperaturam, morbi legitimi, & boni judicii fiunt; intempestivis autem, non legitimi, & mali judicii.*

**D**E Ægritudinum successu in Anni tempestatibus sermonem hic habet Hippocrates, ut nimirum ex his variè procedentibus sagax Medicus prælagire sciat, quem modum illæ sint servaturæ, & quem quoque finem habituræ sint; aitque morbos legitimos, & boni judicii futuros, si Anni tempora convenienter processerint; illegitimos verò, mali que judicii, si præposterè, atque intempestivè se habuerint, & à propria, ac naturali constitutione declinaverint.

Quamobrem inquit primò *in legitimis Temporibus*, vel ut alii ver-

tunt,



tunt, *in Temporibus constantibus*, aut *moderatis*, ut mavult Fuchsius. Legitima autem, & constantia tempora intelligit, cum singula propriam servant naturam, & suis unumquodque limitibus concluditur, ut scilicet stato tempore incipiat, desinatque nec ultra quàm deceat, & consueverit, progrediatur, aut morem, conditionemque naturalem excedat, vel prævertat. Hac ratione si Ver sub Æquinoctio Arietis moderato calore inchoet sensim Aerem ab exceptis Solaribus radiis hyemali exuere rigore, & succedens à Solstitio Cancræ Æstas calorem augeat, qui deindè paulatim mitescat, Sole in Æquinoctium Libræ inflexo, legitima, & constantia tempora dicentur, suamque servare temperaturam, & consuetudinem. Itaque tunc tempora legitima erunt, & constantia, cum tempestivè adveniunt, desinuntque, & convenienti vicissitudine invicem succedunt.

Insuper, & *convenientem*, ait, *servantibus temperaturam*: ubi nimirum Ver moderatum referat calorem, longè majorem, & excedentem Æstas, temperatiorem Autumnus, commutatum verò in algorem Hyems, prout ipsæmet Temporum Constitutiones expostulant: Quæ sanè non alia ratione variant, & vicissitudine regulari commutantur, quàm à motu Solis accedentis, vel recedentis à nostro vertice, qui prout Spiras efficit modò sublimiores, modò humiliores supra nostrum Horizontem, ita radios immittit, vel propè perpendiculares, vel admodum demissos, adeoque Æstatem, & Hyemem parit, atque in mediis temporibus Ver, & Autumnus.

Præterea addit, exindè *morbos legitimos oriri*: legitimi autem Morbi intelligi possunt, aut qui simpli-

ces, & uniformes sunt, eundem semper modum servantes, atque ab eodem fomite pendentes; aut qui cum aliorum morborum symptomatibus non junguntur; aut etiam qui constantes, & synceri observantur, non autem inæquales, fallaces, & varii, ut Autumnales, sicuti exponit Fuchsius; nec malè morati velut maligni, quemadmodum vertit Heurnius.

Et demum *boni judicii*, videlicet salutaris judicationis, & exitus, absque ulla recidiva, neque cum ingenti corporis perturbatione, aut in locis incongruentibus, & periculosiss. Cum enim ab inæquali, & heterogenea materia non dependent, citius planè, ac facilius Naturæ viribus subiguntur, atque coctione, secretionemque extra corpus ablegantur: Quippe non alia de causa spurix, & illegitimæ febres dictæ graviores, difficilioreque solutu esse solent, nisi ex commistione diversorum succorum, aut ex varia fermentorum febrilium conditione. Hippocrates etiam Hemitritæum periculosum dixit, quia unius generis febris non est, sed Quotidianæ, & Tertianæ naturam æmulatur.

Quòd si hæc non servaverint, sed intempestiva, inconstantia, immoderata fuerint, puta si Æstas humida sit, nequaquam calida; Vere nix, aut grandines contingant, aliæque tempestates sibi ipsis pro more non respondeant, inconstantes, illegitimi, & mali judicii, oppositis planè de causis, morbi fient.

Unde autem boni, vel mali judicii signa petenda sint, inquisitione videtur dignum. Et quidem à symptomatibus potissimum adjunctis, atque à coctione, vel cruditate illa facile desumi poterunt. Symptomata enim leviora, vel morbo non dis-



sentanea, salutarem exitum portendere solent; graviora verò, & morbo dissimilia, periculosum denunciant. Coctiones etiam citò comparantes, nedum bonum, sed & brevi futurum Morbi iudicium significant: Coctio siquidem prævalentem Naturam arguit, & Causam morbificam jam evictam, atque secretam, adeoque certam salutem portendit; unde Hippocrates 1. *epidem. sect. 2. Coctiones*, inquit, *iudicii celeritatem, & sanitatis securitatem significant. Cruditates verò iudicationis sublationem, aut diuturnitatem, aut mortem, aut eorumdem recidivas.*

Cæterum sententia hæc clariùs videtur expressa 2. *epidem. sect. 1.* unde desumpta est, his verbis: *In quietis, ac constantibus temporibus, & annis, tempestivè tempestiva præbentibus, boni status, & iudicatu facillimi morbi fiunt. In inconstantibus verò, inconstantes; & qui difficulter iudicantur.* At verò nedum frigus, ardorem, siccitatem, aut pluvias, in his considerandas præcipit, sed etiam Ventos, Ortus, & Occasus syderum, ut ex libro de *Aer. Aq. & loc.* memorat Galeno in *Comment.* de quo legatur Fuchsius hic *Annot. in Gal. Comm.*

Quæ verò in his locis Hippocrates commonuit, sanè experti sumus Anno 1690. in omnibus ferè ægritudinibus. Cum enim ab ineunte Vere Tempestates sibi invicem succedentes inconstantes admodum, atque intempestivæ processerint, nam ipso Vere algores, & imbres, Æstate pruina, nubes, grandines, & venti occidui, nobis frigorifici, potissimum spirarunt. Ad Autumnii principium, æstus ingens meridie, & Sole ad vesperam inclinante, mox noctu, & sub aurora frigus molestum, quod deindè circa finem, dum

hæc scriberem, asperius percerebuit, vicissim flante nunc Borea, nunc Africo; morbi visi sunt, paucilicet, sed varii, inconstantes, & illegitimi simul, atque fallaces, ac malæ iudicationis. Sed & utero gerentes plerumque abortum passæ sunt: puerperæ vehementissimis doloribus vexatæ, vel interierunt, vel variis, atque inopinis symptomatum generibus fuere affectæ, vel saltem post diversas carneas moleculas excretas, tardissimè convaluerunt. Deliria quoque melancholica, tusses efferæ, dolores artuum contumaces, ac sæpius repetentes, febres malignæ cum exanthematibus, & morbillis, capitis dolores, Cerebri hebetudines, & saniei ex aurium ductibus, vel è parotidibus eruptiones, aliæque similes egritudines populariter sunt grassatæ. Atqui Senibus potissimum, & puerulis; hostilis fuit hic annus. Fructus quoque omnes debitam maturitatem non sunt adepti, atque uvæ præsertim acerbæ, ut etiam ad mensem Novembris perductas, tempus apud nos Vindemiæ novissimum, nondum dulcem, gratumque saporem nactas, in usum Vini colligere necessum fuerit.

#### APHORISMUS IX.

*Autumno Morbi acutissimi, atque exitiales maxima ex parte. Ver autem saluberrimum, & minimè exitiale.*

**P**ostquam accidentia legitimorum, & constantium, atque illegitimorum, inconstantiumque temporum retulerit, comparat nunc Hippocrates, quæ Veri, & Autumno, veluti Temporibus mediis, contingunt, atque inquit in Autumno morbos magna ex parte acutissimos,



& exitiales fieri; Vere autem, vel nullos, vel salutare, minimèque exitiosos. Fert igitur iudicium duorum Anni Temporum, quæ apud nos mediocria existimantur.

Non omnes eodem modo Tempus Autumni metiuntur. Nonnulli ex Priscorum monumentis ab ortu Arcturi ad occasum Vergiliarum ejus limites definiunt. Alii cum Astronomis circumscriptum putant Æquinoctio Libræ, & hyberno Solstitio Capricorni. Agricola, & vulgus Hominum à primoribus imbribus Septembris inchoari, & usque ad suprema Sationis tempora protendi. Medicorum denique plerique, cum primum inæquales vicissitudines caloris, & frigoris dies subeunt, & quousque frigus æqualiter in Aere consistere videatur: idque cohærenter Hippocrati *hoc eodem libro to. 4.* qui Autumnales ægrotudines portendit à temporis inæqualitate, & inconstantia. Et sanè potior Causa, cur Morbi in Autumno acutissimi, & exitiales accidant, videtur esse illius vicissitudo, atque inæqualitas.

Quamvis autem vagari per Autunnum dicat morbos acutissimos, qui scilicet brevi finiantur, non tamen omnes, eo tempore evenientes, tales erunt, cum & non rarò plerique in longius tempus protrahantur, ut ex *Aphor. 22.* *hujus* clarè deducitur. Quamobrem adjecit fore etiam magna ex parte exitiales: quasi dicere voluerit, qui acutissimi accidunt, plerumque in exitium terminantur; aut si exitiosi futuri sint, in longum tempus haudquaquam protrahentur; & si fortassè diutius ferantur, vacabunt exitio, ut in quartanis, vel in quartanas desinentibus febribus præsertim experimur. Verùm credere quoque licet paroxysmos dumtaxat ægrotudinum in ejusmodi

extrema morborum acutie voluisse designare, exclusa eorundem remissione, seu declinatione, quare cum dixit acutissimos fieri morbos autumnales, idem fermè intelligere voluit, ac citò ad augmentum illos pervenire: sunt etenim morbi, qui tardè admodum omnia quatuor tempora percurrunt, quales chronici sunt: & alii, qui licet tardum exhibeant principium, celerius tamen augmentum pertranseunt, quemadmodum videntur esse inflammationes, & abscessus interni. Alii denique vix inchoant, ut statim ad augmentum, & statim deducantur, quemadmodum Ardentes febres, & partium principalium ægrotudines Lethargi, Apoplexiæ, atque de his videtur mentionem fecisse hoc loco Hippocrates, statuens morbos autumnales acutissimos, idest ejus fore conditionis, & naturæ, ut postquam inceperint, statim augmentum acquirant. Et quidem si exitiales sunt, procul dubio declinatione carent, cum certum sit apud omnes, lethales morbos declinationem non pertinere, sed vel in augmento, vel in statu interimere ægrotantes.

At verò adjectum est *maxima ex parte*: nam non omninò, ac perpetuò mortem afferunt; quandoquidem in longius tempus perducti, sicuti acutiem amittunt, ita & perniciem: qua ratione observamus ægrotantes Autumno, si mortem effugerint, longissimam pati declinationem, sed tandem convalescere.

Unde autem tanta acuties, & perniciēs Autumnalibus morbis adveniat, hic dubitare contingit. Major pars Medicorum inculcat pravitatem humoris atrabilarii, eo tempore exundantis, qui cum suapte natura virulentus existimetur, morbos proindè lethales progignit. Alii ad im-



moderatum fructuum esum referunt, quibus ajunt plurima congeri in humanis Corporibus excrementa, atque sanguinem generari valde obnoxium corruptioni. Sed Galenus *in comment.* plures causas commemorat: Inquit enim *Autumno hoc in primis inesse, quod eadem die aliquando calor, aliquando frigus percipiatur. Deinde æstivum subsequitur tempus, in quo multis quidem humores affati sunt, quibusdam verò, & vires sunt debilitatæ. Neque solum hac ratione Autumnus malus est, sed etiam quia primum quidem humores movebantur ad cutem, atque difflabantur; Autumno verò ab Aeris ambientis frigidityte trudentur, atque ad interiora impelluntur.*

Verum qui Atrabilem insimulant, coguntur adhuc ejus humoris tunc geniti, ac prævalentis, causam referre; quam enim ab Æstate bilem naturalem adurentem desumunt, non levioribus implicatur difficultatibus, quam ipsiusmet atrabilis generatio; utraque autem fictitia est, fucati coloris specie Nobis imponens, ejusdem omnino aspectus interiorius extitisse. Verumtamen quo pacto se res hæc habeat, explicabimus *in Commentariis IV. libri.*

Qui prætereà ab esu fructuum causam deducunt, Naturam ipsam rerum omnium opificem primam, atque supremam, infamare non verecundantur, quod fructus procreavit, quo tempore in perniciem hominum conspirent, cum tamen compertum habeamus, ipso quoque confirmante Galeno, optimari Rusticos, Agricolas, atque custodes Vinearum ab assiduo uvarum, ficuum, similiumque fructuum esu. Summo quippe consilio, atque divina providentia factum est, Arbores per Æstatem, & Autumnum

fructus suos edere, ut humano forent usui, in alimentum ventribus tunc debilibus valde accommodum. Atqui damna accidunt ex cibis solidioris substantiæ, & difficilioris digestionis, qui cum fructibus commiscantur, atque intemperanter, & intempestivè ingeruntur; unde cruditates, putrefactiones, atque ex his Vomitus, Lienteriæ, Cholera, Diarrhœæ, Dysenteria, Febres, & alia mala exoriuntur.

Vicissitudo verò Aeris videtur quoque Verno Tempori convenire, cum adhuc tum contingat è frigido in calidum Aerem mutari, neque minor mutatio sit frigoris in calorem Vere, quam caloris in frigus Autumno.

Verumtamen quia Sol propius semper accedit nostro vertici, & dies efficit longiores noctibus, sensimque Aerem calefacit, quo congruentius vitæ fovendæ pro usu Respirationis utamur, propterea fit, ut salubrior sit mutatio frigoris in calorem Vere, quam ea, quæ Autumno contingit caloris in frigus. Calore enim cuncta viventia evalescunt, & vigorantur; frigore verò hebetantur, & languent. Aer quoque, qui per æstatem tenuior, & laxior est effectus, confertioribus vaporibus adventante Autumno inficitur, imbribus, & frigore crassescit, ac densatur, unde perspirationes, inspirationesque non leviter interturbantur. Sed & Vere repurgantur in nobis humores, & leni quadam, atque insensibili fermentatione cuncta Viscerum fermenta impuritatum, superfluitatumque secretionibus reflorescunt, & sanguis ipse floridior redditus, atque vegetior, tum vivificandis, tum nutriendis partibus accommodatior evadit, & quemadmodum Annum tum veluti repuerascere observamus,

V. Gal.  
3. de  
tuend.  
valer.  
cap. 10.



ita Viventia quoque omnia repubes-  
cere, & novam videntur induere  
corporis habitudinem.

Non tamen cunctis Terræ habita-  
toribus idipsum eodem tempore e-  
venire fatendum est; nam, ut antea  
est notatum, cum Nobis Zonam  
temperatam Septemtrionalem habi-  
tantibus Ver accidit, Sole perlu-  
strante signa Arietis, Tauri, & Ge-  
minorum, aliis vel Æstas fit, vel  
Hyems, vel etiam Tempestas alia  
Autumno non dissimilis. Neque præ-  
tereà indiscriminatim Ver omnibus  
saluberrimum fit, cum in Ægypto  
mense Majo, vel ineunte Junio Epi-  
demia quadam ægritudine Incolas  
illos affici contingat, qua, non nisi  
*Gutta*, ut vocant, decidente paulò  
ante Nili inundationem, evadere da-  
tum est: Quæ namque Hippocrates  
protulit, non sunt adeò catholica, &  
immutabilia, ut alicubi saltem non  
fallant, quippe is ea, quæ vidit, ac  
pluries observavit, summa, qua de-  
cuit, ingenuitate, literis mandavit,  
ac Posteris in usum Hominum confi-  
deranda tradidit, quæ aut Locorum  
varietate, aut Temporum differen-  
tia, non mirum si varient. Constat  
namque diversis omninò dogmati-  
bus tractari Medicinam apud Ægy-  
ptios, Chineses, Japonenses, Tar-  
taros, Americanos, quæ monu-  
menti Hippocratis parum, vel nulli-  
modè cohærent; cum & his alii mor-  
bi, aliæque tempestates accidant, &  
alia quoque alimentorum, ac medi-  
camentorum genera sint in usu. No-  
bis autem plerumque congruunt,  
quia in pluribus, immò ferè in om-  
nibus cum Græcis, & Asiaticis con-  
venimus, & quæ his accidere Hippo-  
crates expertus est, planè cæteris Eu-  
ropæis nulla, vel modica varietate,  
in singulis Anni tempestatibus con-  
tingunt; At verò reliquis Terræ ha-

bitatoribus, sive Antæcis, sive An-  
tipodibus, non item; sicuti nec aliis  
hinc procul diffitis, aut Soli, aut  
Ventorum, aut Ciborum, & potuum  
varietate, vel propter vitæ genus va-  
rium, differentemque ab incunabulis  
consuetudinem.

## A P H O R I S M U S X.

### *Autumnus Tabidis malus.*

**E**Xitiosum ægotantibus dixit  
Autumnum præcedenti Apho-  
rismo Hippocrates, nunc specialius  
Tabidis nocuum pronunciat, ut ne-  
dum acutos, sed etiam chronicos  
morbos complectatur, atque in ex-  
emplum ducat. Indefinitè autem Ta-  
bidos nominat, haud distinguens,  
qua Marcoris specie affectos velit;  
quocirca Galenus in *Commentario*  
habet: *utrum verò illos solum nomi-  
nat Tabidos, quibus Pulmo est ex-  
ulceratus; vel omnes quomodocumq;  
extrema confectos macie, non possu-  
mus conjectari*. Verumtamen τοῖς  
φθινέσι, qua voce utitur Hippocrates,  
magis propriè significare videtur  
eos, qui ex affecto Pulmonem maciem  
incurrunt. Plura namque Tabis ge-  
nera memorat idem Hippocrates 2.  
*de Morbis, & lib. de Internis affectio-  
nibus*. Senilis una est, in qua abs-  
que ullo Pulmonis ulcere eiiciuntur  
purulenta, seu potius compacta, &  
phlegmatica excrementa, similia pu-  
ri. Altera dicitur Dorsalis, in qua  
juxta dorsum, & spinam, sentiuntur  
titillationes quædam, veluti decur-  
rentes formicæ: de alia huic conge-  
nere eruditum libellum nuperrimè e-  
didit Franciscus Glissonius *de Ra-  
chitide* inscriptum. Tertia appella-  
tur Pulmoniaca, quæ ex ulcere Pul-  
monis oritur, & primum sanguinis,  
mox puris excreatione ægros peri-  
mit.

V. ibi P.  
Saliū,  
& Ront-  
seum in  
Epist.



mit. Aliæ quoque aliis in locis referuntur ab affectis, atque obstructis visceribus; Undè Celsus *libr. 3. cap. 22.* Hippocratis plerumque dogmata sectatus, & Atrophiam, & Cachexiam, præter Phthisim; atque alii Colliquationem, & Marasimum, tum torridum, tum frigidum dictum, ad Tabem, veluti ad genus retulere.

Ex his autem pessima procul dubio reputatur, quæ ulceratum Pulmonem sequitur, ac sputum purulentum, de quo idem Hippocrates in *Coacis prænotionib.* hæc protulit: *Quibus tabidis sputum in igne gravem nidorem olet, & capilli de capite fluunt, pereunt, & quibus in aqua Maris in aeneo vase posita expuentibus, pus ad fundum sedit, breviter pereunt, & quibus Capilli defluunt, à profluvio alvi moriuntur.* Id ipsum etiam animadvertit 5. *Aph. 11. 12. & 14.* Ex quo Celsus *lib. 2. cap. 8. in Tabe,* inquit, *sputum mistum, purulentum, febris assidua, quæ & cibi tempora eripit, & siti affligit, in Corpore tenui, periculum subesse testatur. Si quis etiam in eo morbo diutius traxit, ubi capilli fluunt, ubi urina quadam araneis similia supersidentia ostendit, atque in sputi odor fædus est, maximè que ubi post hæc orta dejectio est, protinus moritur, atque si tempus Autumni est, quo ferè, qui cetera parte anni traxerunt, resolvuntur.* Dicitur etiam 6. *Epidem. sect. 7. Tabescentibus Autumnus malus. Malum item Ver, cum fici folia Cornicis pedibus similia fuerint:* Quo nimirum Tempore algorem spirat Favonius, & inæqualitatem in Vere parit.

Neque verò solum his tabescentibus nocuus est Autumnus, sed etiam emaciatis quibuscumque. Pluries namque experti sumus à Diabete, ab

ulcere Renum, ab obstructione inveterata, à doloribus Coxendicis, ab immodico hæmorrhoidum profluvio, similique ægritudine diuturna extenuatos Autumno periisse, vel etiam mense Martio, cum inæqualitatem refert, atque vicissim modò calore, modò frigore, afflatu Ventorum vario, aer inficitur.

Cur autem Autumnus tabidis malus sit? Galenus in *Comm.* quia siccus simul, frigidus; & inæqualis est, inquit. At sibi ipsi, & Hippocrati contradicere videtur, ex 2. *Aphor. 34.* ubi dicitur: *in Morbiminius periclitantur, quorum naturæ, aut ætati, aut consuetudini, aut Anni tempori magis congruit morbus.* Calidæ enim naturæ, subdit idem Galenus, & ætati, & consuetudini, & tempori, & anni constitutioni, ac regioni, morbi calidiores sunt congruentes, frigidioribus verò frigidiores; eadem ratione & siccioribus sicciores, & humidioribus humidiores. Sed & ob urentem siccitatem, Tabidi periclitarentur quoque Æstate; atque ob siccitatem simul, & algorem, magis Hyeme: At siccus Aer Pulmonis ulceri magnoperè prodesse consuevit ad faniem abstergendam, & ulcus consolidandum, ex eodem 5. *meth. c. 12.* qui propterea Tabiarum Aerem Pulmonis exulcerationibus conferentem scribit.

Potius ergo Tabidis nocuus videtur Autumnus, quia aerem sua inæqualitate perturbans, atque heterogeneis halitibus inficiens, in causa est, ut sanguis per Pulmones trajectus, atque cum eodem Aere commistus, magis, magisque indebita fermentatione exagitetur, & dissolvatur. Constat etenim sanguinem in tabefactis fluidum, dilutumque nimis fieri, atque muriatica quadam acri-



acritate dissolutum, ineptum evadere partium nutritioni: cum autem ambientis Aeris inæqualitate is gravius afficitur, atque tot vicissitudinibus perturbatur, plane nedum Pulmonem ipsum, sed & reliqua alia viscera acrius molestat, ad aucta non minimum præconcepta acritate, ac dissolutione. Atqui hæc longè graviora fiunt in Tabidis ex pure, & ulcere Pulmonis, cum inquinatus, commotusque tam repente Aer proximius partem ipsam affectam pervadens, ulcus, pus, & circumcumentem sanguinem inficiat, undè majora procul dubio mala expectanda sunt. Per idem quoque tempus distillationes vagantur à compresso, gravatoque Aere, perspiratione interruptur bante, & quodammodo coarctante glandulas, atque aquosos liquores per illas excurrentes; unde Catarrhi, Tusses, Gravedines; Sudor quippè per Æstatem uberrimus, omnino, vel magna ex parte supprimitur in Autumno, undè hos, aliosque graviores morbos parere solet. Modò si hæc nocent sanis, quàm acerbius oberunt tabefactis? His planè perniciosissimæ sunt istiusmodi alternationes, atque cujusvis generis vicissitudines, veluti carnibus, & sanguine consumptis.

## APHORISMUS XI.

*De Temporibus: Siquidem Hyems sicca, & aquilonia fuerit; Ver autem pluviosum, & australe, necesse est, Æstate febres acutas fieri, & lippitudines, & intestinorum difficultates, præcipuè verò Mulieribus, & Viris, qui natura sunt humidiores.*

**E**As in posterum prosequitur Hippocrates Morborum constitu-

tiones, quæ mutationes Temporum consequuntur, certa quadam, constantique serie sibi invicem succedentium, ut quemadmodum ex Anno, si uniusmodi sit constitutionis, antea scripserit consimiles futuras ægritudines, ita nunc ex illo per singulas tempestates vario, varias quoque, differentesque successuras prædemonstrat. Initium autem facit ab Hyeme, quam (cum sicca, & Aquilonia est, eique Ver pluviosum, & Australe succedit) parituram ait in Æstate ægritudines acutas. Hanc sententiam sic Celso vertere visum est *lib. 2. cap. 1. si Hyems sicca Septentrionales ventos habuit, Ver autem Austros, & pluvias exhibet, ferè subeunt lippitudines, tormina, febres, maximèque in mollioribus corporibus, præcipuè in muliebribus.* At verò libet illam ex libro de Aere, Aquis, & Locis, unde desumpta est, unà cum ejusdem ratione hic transcribere, ut ex utriusque loci contextu mentem Hippocratis assequamur, *Si quidem Hyems sicca, (ibi inquit) & aquilonia fuerit, Ver autem pluviosum, & australe, necesse est, Æstate febres, & lippitudines fieri.* Et mox addit: *Cum enim Æstas de repente accedat, dum Terra adhuc humida est à Vernis imbribus, & Austris, necesse est æstum duplicatum esse, & à terra irrigua, ac calida, & à Sole urente, cum ventres in Hominibus nondum constrikti sint, neque Cerebrum resiccatum: non enim fieri potest, cum Ver tale existat, ut Corpus, & Caro, non humore fluida fiant, adeòut febres acutissimæ in omnes irruant, maximè autem in pituitosos. At Dysenterias par est fieri, & mulieribus, & viris humidioribus.* Et si circa Canis exortum accedat aqua, ac tempestas,



*stas, & Etesia spiraverint, spes est cessationis, & ut Autumnus salubris fiat; fin minus, periculum est, ne & pueri, & mulieres moriantur, minimè verò Senes; & ne qui superstitesevadunt, in Quartanas desinant, & ex Quartanis in Hydropes. Hæc ille.*

At verò quamvis sententia hæc uberius ex libro *de Aer. aq. & loc.* explicata videatur, non tamen omninò difficultatibus vacat. Et quidem primò dubitare contingit, cur Hippocrates Hyemem voluerit considerandam in ægitudinibus eventuris in Æstate: si enim ægitudines acutæ Æstate contingentes non aliundè deduxit, nisi ab humida Tellure ob imbres, & ventos austrinos in Vere, procul dubio satis erat notasse Verum tempus pluviosum, & australe, nulla mentione facta Hyemis siccæ, & aquiloniæ. Verum, quia ex sicca, & aquilonia constitutione hyemali tellus aridior effecta Vernis imbribus largiùs humescit, neque solùm superficie tenus, sed altius in hiatibus, & voraginibus pluvias excipit, propterea fit, ut per Æstatem vapores inde elevati Aerem inficiant, & coinquinant, unde postmodum ægitudines acutæ.

Cur præterea dixerit Hippocrates, necesse esse Æstate febres acutæ fieri; fortè quia inevitabiles: quippe quod necessarium dicitur, inevitabile quoque est. Sed revera non adeò futura certò est ejusmodi acutarum ægitudinum constitutio, ut penitus vitari non possit, cum & insalubritas illa Aeris correctionem admittat. Neque audiendus Galenus, id asserens pronunciatum ab Hippocrate, veluti ex natura rei persuaso, & non ex observatione: Nam nulla convincens ratio apparet, quæ cogat isthæc omninò eventura. Sed & con-

trarium nuper experti sumus, ab hyberna tempestate sicca, & succedente Vere pluvioso, nullas per Æstatem extitisse ægitudines acutæ, sed, quas antea retulimus, medio ferè Autumno, etsi hujus initium fuerit æstuosissimum. Neque verò Hippocrates, quod scripsit, ex confictis ejuscemodi (ut Galenus ipse) argumentis colligere unquam ausus est, sed potius ex iteratis, accuratisque observationibus, quas fortassè etiam aliis à Vetustioribus habitis comparavit. His ergo solùm fìsus, omìssis fallacibus argumentis, ex necessitate dixit sic morbiferam futuram Æstatem, cum Naturæ effectus plerumq; conformes esse soleant, ubi eadem ad illos gignendos concurrunt. Verum quemadmodum à Ventis Etesiis, & ab imbribus circa Canis exortum supervenientibus, spes est cessationis, ut ipse subdit; ita poterit ejusmodi constitutio aliis quoque de causis, vel infringi, vel aboleri.

Insuper cur dixerit à terra irrigua, & à Vernis imbribus duplicatum æstus fieri, cum potius imbres, & terra humectata calorem, & æstû temperare debeant, ex doctrina Aristotelis, & Galeni, qui volunt humidum, actione saltem indirecta, igni, & calori obsistere. Galenus pro more confugit ad putredinem, *habiles enim*, is inquit, *sunt humiditates modum excedentes, ad putrescendum*. Sed nimis inaniter; inde enim inquinari potest Aer; non incalescere. Potius ergo à vaporibus in Aere confertioribus æstus geminatur. Et enim cum Aer crassior, & densior fit, radii Solis ad Terram trajecti, ex regulis Dioptricæ, magis intenduntur, & impensius nos feriunt; quin & incidentes in madidam Tellurem resiliunt, iterumque deducuntur in Aera, unde tot, tantisque solaribus radiis,



diis, veluti spiculis, nedum Aer ipse exæstuat, sed & Animantes cunctæ urenti ardore molestè admodum laceratæ, graves, ardentesque subeunt ægritudines, ut adhuc in rabiem sæpissimè agantur, in iis præsertim Regionibus, quæ suapte natura calidiores esse solent. Hinc autem contingit, ut ex Aere vaporibus confertiori æstus molestissimum patiamur, atque ab apparentibus per ipsum staminibus veluti in Araneorum telis futuros imbres coniicere soleamus, quos præsentientes quoque Anseres, & Anates impensius obstrepunt, & præter morem volitant; muscæ verò solito infensiores fiunt, unde & ab his futurum imbrem Meteorologici præfagiunt. Eadem ex causa loca quæcumque fluminibus, aut stagnis circumvallata, aut propè palustres aquas extructa, Æstatem patiuntur æstuosissimam ab Aeris crassitudine, quæ non nisi à vaporibus cum illo plurimum intermixtis exoritur.

Amplius, qua ratione subjunxerit febres acutissimas exoriri ab Austris, & imbris, quibus carnes molles, & humores fluidi, & aquosi fiunt: Immò Corpora potissimum pituitosa, ac Mulieres, & Viros humidiores affici doceat. Febres siquidem acutissimæ hic præfagitæ potiùs picricholos, & biliosos, quàm homines pituitosos corripunt: pituitosi namque succi diuturnas, & spurias febres pariunt, ex Galeno 1. *Epidem.* & 2. *de differ. februm*. Verùm hæc difficultas sicuti Galeni doctrinam vulnerat, ita Hippocratis dogmatibus suffragatur. Hic enim nec ab humoribus februm periodos deduxit, nec ab iisdem putrescentibus febres pendere arbitratus est, sed solum à motu sanguinis perturbato, vel ab ejusdem recrementis vitiatis, atque in acidum, salum, amarum, aliumve degenera-

tis, quemadmodum expressè docet *lib. de Veteri Medicina*, ubi non propter calidum simpliciter homines febricitare, neque hoc esse febrium Causam, inquit, sed amarum, acidum, salum, aliaque innumera. A commotis autem, turbatisque humoribus febres, cæterasque ægritudines acutas proficisci pluries repetit *lib. 4. de morbis*. Neque verò acutas febres hic fieri dixit ab humoribus pituitosis, ut putat Galenus, sed futuras febres, aliasque ægritudines acutas ex Temporum inæqualitate, illasque magis scæminas, & humidiores viros afficere, desumpta fortassis ratione, vel à majori horum Corporum impuritate, vel ob minorem ejusmodi causis alterantibus repugnantiam: sunt etenim in his carnes molliores, laxior cutis, & sanguis ipse hebetior, unde facilius alterationibus subii- ciuntur.

Postremò, quare spirantibus Etesiiis spem faciat cessationis malæ Tempestatis æstivæ, causa in promptu est, quoniam Etesia Venti sunt salutare, & spirare solent quotannis ab exortu Caniculæ, quem & alii præcedunt prodromi dicti, quasi præcursores. Inter cætera autem commoda, illud videtur præcipuum, quod serenitatem afferant, & Aerem ab inquinamenti repurgent: participant enim boream, & nitrosam conditionem, valentem superfluitates humorum ab obesitate, & muliebribus Corporibus absumere, atque emendare.

Ceterum speciatim notavit Hippocrates ex processu istiusmodi Tempestatis non solum febres acutas, sed & eventuras lippitudines, seu Oculorum Inflammationes, & Intestinorum difficultates, græcè Dynterias. Acutæ febres non tam ab humore, quàm à loco, ubi is colligitur, & fermentescit, exoriuntur; quippe

V. Plin. l. 2. c. 47. & lib. 37. c. 5. & Aul. Gell. lib. 2. cap. 18.



pe illæ non fiunt, nisi sanguis in citatiorem motum adigatur, ut seipsum exuat à compage alterius in arterias, & venas præter morem intrusi, aut etiam hærentis alicubi. Lippitudines verò non dissimiliter oriuntur à sanguine in adnata tunica restagnante ab impedito illius motu, qui per exiles ejusdem tunicæ arteriolas in venulas foret traducendus. Porro ab importuna ejusmodi Tempestate facilè crassescit sanguis, pori cutis obstruuntur, Cerebrum gravatur, hebetantur oculi, & universæ tunicæ mollescent; unde hæc, & alia mala Caput lædentia, facilè est hominibus evenire, ut antea idem Hippocrates Aphorismo V. animadvertit. Iisdem de causis contingit Dysenterias excitari; siquidem excrementa Corporis ea constitutione procul dubio cumulatiora, & succi dissolventes tum Ventriculi, tum Intestinorum nimium diluti, bene poterunt omnis generis profluvia per alvum conciere. Quò fit, ut Hippocrates referat foeminas potissimum, & viros humidiores hisce alvi egestionibus infestari, quippe qui cæteris excrementosiores, mollioresque, pluviosa, & austrina constitutione magis offenduntur, præsertim in Ventris laxitate, veluti illum à natura nacti reliquis omnibus lubriciorem. Verumtamen his, aliisque ingruentibus ex hac tempestate egri- tudinibus expediet obsistere recto, convenientique usu ciborum attenuantium, parco potu, exercitiis ad sudorem usque promotis, & medicamentis cum Caput, tum Ventrículum roborantibus.

## APHORISMUS XII.

*Si verò Hyems Australis, & pluviosa, (& serena) fuerit; Ver autem siccum, & aquilonium, mulieres, quibus partus in Ver incidit, ex quacumque occasione abortiunt: Quæ verò pariunt, imbecilles, & morbosos infantes pariunt, quare vel statim intereunt, vel tenues, & valetudinarii vivunt. Cæteris verò Mortalibus difficultates Intestinorum, & lippitudines sicce fiunt; Senioribus autem distillationes, quæ citò interiment.*

**H**ic etiam Aphorismus est desumptus ex libro de Aere, Aquis, & Locis, ubi fusiori sermone constitutionem hujusmodi describit, & ægri- tudines subinde futuras cum suis Causis enarrat. Sic autem exponitur à Cornario, & Cardano. *Si verò Hyems Australis fiat, & pluviosa, & clemens (Cardano ex Veteri versione tranquilla, clariùs placida) Ver autem boreale, & siccum, & tempestuosum, primum quidem mulieres, quæ uterum gestant, & partus ipsis ad Ver instat, abortum facturæ esse verisimile est. Quæ verò etiam pepererint, impotentes, ac morbosos pueros parere, ita ut aut statim pereant, aut tenues, & debiles, ac morbosæ vivant. Atque hæc quidem mulieribus, reliquis verò Dysenterias, & lippitudines siccas, & aliquibus defluxiones à Capite in Pulmonem. Pituitosæ igitur Dysenterias fieri verisimile est, & mulieribus, pituita de Cerebro destuente propter Naturæ humiditatem. Biliosæ verò lippitudines siccas, propter Carnis caliditatem, ac siccitatem. Valdè autem Senibus defluxiones propter raritatem, ac elæ-*  
qua-



uationem venarum, adeò ut aliqui quidem de repente pereant; aliqui verò semisiderati, aut dextra, aut sinistra parte fiant. Cùm enim Hyems sit australis, & pluviosa, ac calida, & Corpus non adstringatur, neque venæ, Vere accedente boreali, & sicco, ac frigido, Cerebrum postquàm ipsum dissolvi, ac purgari contigit à gravedine, ac rauedine, tunc simul cum Vere stabilitur, ac costringitur; quare repente Aestate accedente, & ardore, ac mutatione contingente, hi morbi incidunt, & intestinorum levitates, & aqua intercus, ferè reliquis morbis desinentibus, superveniunt, quum non queant facile Ventriculi à concepta humiditate exiccare.

Quoniam ergo in libro de Aere, Aquis; & Locis, unde hic Aphorismus transcriptus est, expressè refertur Hyems Australis, pluviosa, & clemens, seu placida, non videtur expungenda vox hæc *εὐδμος*, licet minùs aptè à Leoniceno *serena* exponatur; unde factum est, ut plerique nedum illam omiserint, sed acriter in eos Interpretes sint inveci, qui retinendam illam omninò voluerunt; quinimmò Cardanus ad confusionem omnium inquit, id pertinere; quamquam postea putet, in libro de Aere, aquis, & locis, utrumque, *tranquillum* scilicet, & *tempestuosum*, veluti invicem opposita, bene convenire; in hoc autem Aphorismo neutrum. Ut ut autem res agatur, non tanti ea momenti est, ut vel mentem Hippocratis extorqueat, vel sententiam depravet, vel Causas morbosæ istius Tempestatis adulteret. Perindè enim est si dictio hæc adiiciatur, aut expungatur, & si clemens, tranquilla, placida, velut aliis placet, tepida, aut etiam serena exponatur, modò id retineamus, voluisse Hippo-

cratem Hyemem ita constitutam, ut à rigida, & consueta sua conditione non minimum defleat: Equidem Hyems, ob extremum Solis recessum à nostro Vertice frigorifica solet esse; at verò, ut morbiferam constitutionem hanc afferat, Australis simul, & pluviosa, atque à consueto rigore declinans, hic ab Hippocrate expostulatur, quo nimirum fiat, ut vices permutet cum succedente Vere, quod eadem de causa oportere siccum, & aquilonium esse is animadvertit. Cæterum posse Hyemem placidam simul, & Austrinam haberi, fatetur idem Auctor 2. epidem. sect. 3. cùm inquit: *in Perinthum circa Solstitium ferè æstivum venimus; facta autem est Hyems clementi Cælo austrina*, &c. Atqui passim in his nostris Regionibus ad Mare Mediterraneum positis experimur Hyemes tam placidas, clementes, & Austrinas simul, ut Vernalis tempus referant. Placida autem, & clemens Hyems dicitur, cùm algida non est; Austrina verò, quæ australibus plerumque ventis, haudquam tamen impetuosius, & per sublimiora discurrentibus perflatur. Sed & Pluviosa quoque erit, si per intervalla imbres admittat exiguos, & fugaces. Aliter etiam Austrinam, & tranquillam Hyemem student alii compositam explicare, documento Galeni lib. 3. epidem. sect. 3. comm. 1. Annum tranquillum, & austrinum, ab Hippocrate ibidem memoratum exponentis, quem vide sis; Nobis autem suffecerit hæc breviter adnotasse.

Talem igitur exigere videtur Hyemem Hippocrates, quæ Cutis poros potius laxet, caput vaporibus repleat, & sanguinem dilutiorem, atque aquositatibus imbutum reddat, universumque Corpus molle, languidum,



dum, & succiplenum efficiat, ut proindè, adventante Vere, frigorigo, & aquilonio, ob compressas, densatasque partes, detentis humoribus, & halitibus, foetus in Utero gerentibus, & Viscera interiora in cæteris Hominibus graviter inficiantur. Neque enim à sola Hyeme Austrina, sed à succedente Vere aquilonio, prædicit Hippocrates futuros abortus in gravidis, aliasque ægritudines in Viris, cum scilicet perspiratio interturbatur, & sanguis nequit convenienter repurgari.

At verò nec ista tempestatum indebita vicissitudo satis est, ut abortum provocet, sed tantum disponit, ut is, quacumque alia de causa, vel interna, vel externa accedente, subsequatur; quamobrem tunc abortient Utero gerentes, cum animi motionibus perturbatæ, aut immodicis exercitationibus commotæ, aut laxiori victu, potuque usæ, cumulatæ, ex præcedenti Temporum vicissitudine, detentæque humorum superfluitates, veluti consopitæ excident, & exagitent; unde Uterus, ejusque vasa laxentur, atque lubriciores viæ redditæ deponant, quod interius est reconditum. Hinc in Aphorismo adjectum est, ex quacumque occasione gravidæ abortire, veluti quæ commoveat, agitetque excrementa, per Hyemem austrinam congesta, atque ab aquilonio Vere detenta, ut hæc commota, & agitata delaxent vasa Uteri, & abortum afferant. Contingit autem, foetum potissimum ab his labefactari, quia, tenerior cum sit, facile quascumque alterationes suscipit, & succumbit.

Quod si Causæ istæ externæ desint, nullamque præbeant Utero gerentes ejusmodi perturbationis occasionem, adeoque ad legitimum parienti tempus perveniant, fore adhuc

subdit Hippocrates, ut ipsæ partus edant imbecilles, & valetudinarios; quippe humores illi antea cumulatæ, per partum fieri nequit, quin commoveantur, & commoti tenellum foetum non inficiant, & perturbent. Sed & verendum valdè, nè per tempora partum præcedentia, ad Uterum cum foetus alimento delati, teneras ejus partes etiam foedaverint, & coinquinarent unam sanguinem; unde postmodum languor, & mala valetudo, vel etiam interitus statim à partu, cum præsertim Aeri, per aquiloniam tempestatem algido, subiiciuntur.

Hæc speciatim de gravidis, atque enixis adnotat; Cæteris verò hominibus difficultates Intestinorum, & siccæ lippitudines accidere subdit. Vocantur autem siccæ lippitudines, ut explicat *in Comm.* Galenus, quæ sunt sine fluxu, nam cum oculis illachrymantibus humidæ dicuntur. At verò lippitudines potius graciles, & picrocholos corripient; obesos verò, & humidos, intestinorum difficultates: quod & idem Hippocrates exposuit *c. lib. de Aer. aq. & loc.* inquit: *Pituitosis igitur difficultates intestinorum fieri, verisimile est, & mulieribus, pituita de Cerebro defluente, propter naturam humidiorum; biliosis autem lippitudines siccæ propter Carnis caliditatem, ac siccitatem.*

Denique Senioribus accidere ait distillationes, quæ citò interiment. Has autem non simplices esse, quales ad os, & nares, feruntur, manifestè deducitur ex eo, quod hic in textu subiicitur, citò interimere; & clariùs explicatur *c. lib. de Aer. Aq. & loc.* ubi *propter raritatem, & eliquationem venarum* ejusmodi defluxiones in Senibus fieri dicitur, quibus *aliqui repente pereant, & alii semisiderati*  
dex-



*dextera, aut sinistra parte fiant.* Modò etsi defluxiones, distillationesque in Senibus difficulter concoquantur, non tamen repentiè interire solent, aut siderationem afferre. Quare putandum, ex aquilonia tempestate Cerebrum, per Hyemem Austrinam humoribus aquosis, & crassis repletum, quodammodò comprimi, ejusque ductus, atque emissaria impediri, quo minùs valeat seipsum ab hisce superfluitatibus repurgare, quæ propterea ex vitio per moram, & per frigidum aerem contracto, si principium nervorum, & nervos ipsos occupent, Apoplexiam, vel Hemiplexiam afferent; si verò venas, aut Vasa lymphatica subeant, levitates Intestinorum, & Hydropes, similesque alios morbos parient; ut ipsemet prosequitur *cit. lib. de Aere, Aq. & Loc.* quin & si in pulmones decumbant, & Cordis vascula pervadant, citò etiam interiment. Hæc autem facilius videntur Senioribus evenire, quippe qui distillationibus obnoxii sunt, & Capite, ac pectore prælanguidi, ambarum partium ægritudinibus sæpenumero laborare solent.

Quoniam verò hæc mala Senioribus accidere inquit, verisimile admodum est prænotata Juniores arripere; quamobrem rationi consentaneum videtur, non solùm pro ætatum diversitate, sed etiam pro cujusque varia constitutione, & Corporis habitudine, vitæque antea acta, diversimodè cum viros, tum fœminas, tum Juvenes, tum Senes, tum pingues, tum macilentos, ab ejusmodi Tempestate laboraturos, iis verò præsertim in partibus, quæ affectæ, debilesque fuerint.

Num autem ægritudines hic ab Hippocrate recensitæ, ipso quidem Vere, an verò succedente Æstate fu-

*Tozzi Op. Med: Tom. III.*

turæ sint, non convenit inter Expositores. Verùm cum in Aphorismo dicatur: *quibus partus in Ver incidit*; Et in *lib. de Aer. aq. & locis* scriptum sit: *Primum quidem mulieres, quibus partus ad Ver instat*: planè fateri oportet, abortus, & funestos exitus infantum, ipso verno tempore eventuros: si enim supervixerint, interitus periculum evasi, atque usu lactis perpurgati conceptam in Utero malitiam futurum ut deponant, & salubriorem induant constitutionem; Multum enim ad id valet, nec non ad permutandas naturas, ac mores ipsos, proba lactis conditio, ut alias ostendimus. Celsus etiam *lib. 2. cap. 1.* hanc Hippocratis sententiam interpretatus sic habet: *si Austri, pluviaeque Hyemem occuparunt; Ver autem frigidum, & siccum est: gravida quidem fœminæ, quibus tum adest partus, abortu periclitantur; hæc verò, quæ gignunt, imbecillos, vixque vitales edunt.* Quibus planè ostendit, fœminas ipso Vere parientes periclitari. Cæteræ verò ægritudines, aliis contingentes, pro Corporum, & habituum varietate, poterunt in sequentem etiam Æstatem protendi, & populariter grassari; Sed enim tunc potissimum morbi inde provenientes observabuntur, cum superfluitates humorum detentæ viscera opprimunt, & inficiunt; istæ verò non nisi ex aquilonio Vere detinentur, adeoque tunc ægritudines parient, citius tamen, vel serius, pro Corporum varietate, & humorum superabundantium dispositione. Si autem ad Æstatem usque protraherentur, facile possent æstivo calore attenuari, dissolvi, atque etiam per sudorem educi.

Quid postremò agendum sit, ut, quoad fieri possit, ejusmodi calamitatibus occurratur, breviter referamus.



mus. Et quidem si ab inquinamentis, & aquositatibus detentis, hæc mala imminet, ratio dictare videtur, illis potissimum repurgandis incumbendum, indicta quoque diætâ, quæ valeat sanguinem puriorem progignere, Capite una simul, & Ventre roboratis. Quamobrem cibi vitentur humectantes, atque obstruentes, potus rerum gelidarum, somnus immoderatus; ipseque Aer aquilonius, & frigorigenicus, & quæcumque possunt sanguinem obtundere, & perspirationem impedire. Venter in Utero gerentibus præsertim assiduò foveatur aromatibus, ac sæpè etiam tumis, tum lumbi spiritu vini purissimo, tinctura Kermes; necnon Emplastro Comitissæ dicto, de crusta panis Montagnanæ, aliisque roborentur, cavendo ab his, quæ vel bene, vel malè olent, itemque trepidatione, saltu, ac vehementibus animi pathematis. Succum Aſtaci contusi, & expressi cum Vino semel, aut bis, singulis mensibus exhibitum ab abortu præcavere scribit Hartmanus. E Vitriolo romano ad Solem in calcis formam redacto, atque pelle Arietina acu pertusa incluso, instar Zonæ, lumbis gestato, præcautas ab abortu plerasque prægnantes vidi, quibus levi quacumque ex causa is aliàs accidisset. Id ipsum haberi à Magnete adnotat Helmontius *de Magnet. vuln. curat.*

Infantes jam editi, si debiles videntur, præter fœtus externos, vegeto lacte ex sanis nutricibus alantur, & oleo macis perungantur, stomacho, & spina, atque interea detineantur in locis calidis, ut Aeris inclementiam evitent.

Cæterum in aliis proderunt, quæ cumulos humores educunt, sudores movent, & Ventriculum, ac Cerebrum roborant, servata in-

terea convenienti diætâ, pro Corporum affectorum diversitate.

### APHORISMUS XIII.

*Si verò Aestas sicca fuerit, & Aquilonia; Autumnus verò pluviosus, & Australis, dolores capitis vehementes ad Hyemem fiunt, & tussēs, Raucedines, atque Gravædines, quibusdam autem & Tabes.*

V. lib. de  
Aere, aq.  
& loc.

**A** Constitutionibus Tempestatis hyemalis, & vernæ, æqualitatem non servantium, transit Hippocrates ad alias duas Æstivam, & Autumnalem examinandas, cum suas quoque patiuntur alterationes. Primum itaque considerat ea, quæ contingunt ex Æstate sicca, & aquilonia, superveniente Autumno pluvioso, & Australi. Cum autem inquirat Constitutiones Æstatis, & Autumni, nullam rationem habet Veris, & Hyemis, fortè quia existimat eas suas habitudines servasse, adeoque præcedentes memoratas vicissitudines haudquaquam subiisse, ne scilicet quis ea ratione putaret ex Æstate sicca, & aquilonia, atque Autumno pluvioso, & australi, una cum inæqualitatibus reliquarum duarum tempestatum, futuras esse ægritudines, quas hic in Hyeme succedente recenset. Quare sicuti bina ibi, sic & hic duo solum inter se comparat Anni tempora vicissim permutata.

Inquit itaque: *si Aestas sicca fuerit*, idest plusquam naturalis illius conditio esse consuevit, atque adeò, vel ob imbrium inopiam, quibus non rarò humescere solet, vel ob ventos boreales per idem tempas spirantes, omnemque Aeris humorem absumentes, vel denique, si Etesia, Venti annivetsarii, Aeris æstus quotannis



nis temperantes, fortassè per Æstatem non spirent, ita sanè dies Caniculares, procul dubio fervidiores observabuntur, ut & Tellus ipsa, præ nimia ariditate, plures in hiatus deducatur. His quoque de causis sic cum Aerem appellamus, cum vaporum est expers, & pluviis caret; ac ventis vapores, & nubes dissipantibus percellitur. Hinc idem Hippocrates adjecit, *si sicca fuerit, & aquilonaris*: sicca planè, à perflantibus Ventis aquilonaribus. In hanc eandem sententiam concessit Celsus *lib.2.cap.1.* qui sic Aphorismum latinè vertit: *si sicca Æstas aquilones habuit, Autumno verò imbres, Austrique sunt, tota Hyeme, quæ proxima est, tussis, destillatio, raucitas; in quibusdam etiam tabes oriuntur.*

Siccam, & Aquiloniam Æstatem si Autumnus exceperit pluviosus, & Australis, ad Hyemem, inquit, dolores capitis vehementes fieri: Non enim satis est Autumnum fore pluviosum, sed Australem pariter esse oportet; quandoquidem solent pluviae per Autumnum ingentes fieri, præsertim sub ortu Arcturi, & Plejadum occasu, quæ tamen absque Ventis austrinis, sed plerumque cum occiduis contingunt; ut propterea peculiarem habendam voluerit rationem ventorum Australium, qui majora, quàm imbres, damna nobis incutiunt: hi enim sæpissimè simplices, ac tempestivi, non leve emolumentum cunctis animantibus afferunt, ipsomet Autumno, vel ineunte, vel vigente, si præcipuè ferantur à Ventis salubrioribus: At verò cum Ventis Australibus, omninò nocent; quippe Austri infestissimi sunt, ex superius traditis. Quamobrem non immeritò conjunxit Hippocrates pluviosam simul, & Australem Autumnus tempestatem, qua scilicet

Caput gravetur, & destillationes promoveantur, cum pulmonis læsione.

Dolores Capitis, qui exindè portentuntur, dicuntur esse vehementes, quoniam ex imbribus, & Austris Autumnalibus Caput multis humoribus, aqueisque succis repleti contingit, qui per meninges, cæterasque partes nervis contextas diffusi dolores pariunt.

Atqui fieri potest, ut ab humentibus succis, & ab aquositatibus dolor excitetur, isque vehemens, ut hic advertit Hippocrates? cum tamen ex doctrina Galenicorum humida intemperies dolorifica esse nequeat, veluti quæ potius hebetet, & obtundat, atque sola corpulentia gravet, quàm molestum sensum inferat, qui est illis Dolor.

Verùm si molesta in sensu Tactus perceptio dolor est, quæcumque vim habent poros Corporis scindere, dilatare, contrahere, aut aliter à consueto situ distorquere, poterunt quoque dolorem inferre, & eo vehementiorem, quo violentius afficient. Modò humores cujusvis generis id præstabunt, si malitia pungant, scindant, erodant; si multitudine comprimant, distendant, ac dirumpant; si motu affatim irruant, vel interciso cursu alicubi hæreant. Porro aquosi humores per pluviosam, & Austriam tempestatem in Capite collecti, ob falsilaginem, aut acritatem subindè contractam, & multitudine, qua sunt cumulati, & violentia, qua sunt intrusi, vellicando, distendendo, opplendo, & tumefaciendo, dolores vehementissimos incutient. Sed etsi nullum suapte natura dolorem excitarent, saltem perspirationem, & circumfluum sanguinem, si sola corpulentia impediunt, & retardent, nocui, & molesti partibus erunt, adeò-



que doloris Causam dantes dolorifici evadent. Sed enim Vasa lymphatica, quæ multa per Caput circumquaque feruntur, & Cerebri corticem, ac Meninges perreptant, plurimum aquosis ejusmodi superfluitatibus, per Austrinam tempestatem à sanguine refluus, oppleri observantur; itemque glandulæ Corporis universæ iisdem imbibunt, quæ deinde à superveniente frigore hyemali compressæ hæc eadem, & graviora mala progignent, corruptiones, Tabes, Hydropes, tumores. Hinc autem contingit desinere non rarò vehementes, ac diuturnos ejusmodi Capitis dolores spontina è naribus hæmorrhagia, vel sanie ex auribus prodeunte, aut acriori ex iisdem naribus destillante, vel per poros Cutis, aut in vias urinarias prolabente, post acutas febres de genere earum, quas Galenus vocavit arduas spurias.

Eadem ratione, & Tusses per Hyemem aderunt, & Raucitates, & Gravedines, prout aquosi humores, vel pectus, vel guttur, vel nasum occupaverint. Siquidem Cerebrum, magnæ glandulæ ab Hippocrate comparatum, cum aquositate repletum hyberno deinde frigore constipatur, & quodammodo costringitur, si protrudat in Nares, Coryzam, si in Guttur, & Asperam Arteriam, Raucitatem, si in Pectus, & Pulmonem, Tussim ingenerabit, aliasque etiam ægritudines, pro vario in alias partes vitioforum humorum illapsu. Has autem solummodo Hippocrates memoravit, veluti eas, quæ partes Cerebro proximiores affectas denotant, promptiusque cum eodem laborante compatientes, & per glandulas attiguas, excurrentes, vel stagnantes humores solitas excipere.

Denique in fine Aphorismi additur: *Quibusdam autem & Tabes.*

Verum de qua Tabe intelligat, potest etiam hic dubitari. Et quamvis de quacumque extenuatione exponi possit; attamen cohærebit magis Hippocratis menti, si ea speciatim explanetur, quæ Pulmoniaca appellatur: siquidem in textu græco scribitur *phthisis*, quæ propriè Pulmonis affectio est, & verisimilius induci videtur ex pluviosa, & Austrina Autumni tempestate, qua nedum Caput, sed etiam Pulmonem superfluitatibus aqueis repleri contingit, ac postmodum illarum repurgationem impediri à superveniente Hyeme Pectori potissimum, & Pulmoni inimica. Quamquam autem humores isti in pulmonibus hærentes sæpenumero acritudinem, acorem, vel falsedinem contrahant, etiam ex vitio partis alimento, & ex consimili conditione, quam sortiri solent detenti halitus, ac vapores è toto Corpore expirantes, itemque sudores, & urinæ; nihilo tamen minus consueverunt adhuc omni malitia exuti sola corpulentia, si diutius restagnent, non leviter Pulmonem inficere, & Tabem, ac Phthisim inferre. Unde Hippocrates 7. *Aphor.* 38. *Destillationes*, inquit, *in Ventrem Superiorem*, (idest in Thoracem), *suppurantur intra viginti dies*. Ubi cum usus sit græca voce *Catarrhi*, profectò ab humoribus vulgò pituitosis dictis, seu lymphaticis, illas pendere existimandum.

Qui autem isti sint, quos Tabes ex hac Constitutione sit vexatura, Hippocrates tacuit. Profectò non omnes eo morbi genere affectum iri liquet, ex dictione, *Quibusdam*, qua aliquos dumtaxat Tabe laboraturos indicatur. Galenus in *Comment.* interpretatur, *qui ad hunc morbum apti natura sunt, utpotè qui angustos sunt pectore, & quibus à Capite*  
ad



*ad Pulmonem fluxio defertur.* Sed clarius ex eodem Hippocrate 1. & 3. *Epidem.* videntur esse, quibus scapulæ inflar alarum sunt exporrectæ, pectus angustum, collum oblongum, caput magnum, ut in gracilibus, qui sanguinem natura nacti sunt acriorem, tenuioremque, modico glutine, & multo fero scatentem; unde cum à præcedenti tempestate pluviosa, & australi, Pulmones, & Cerebrum abundantiori fero perfundantur, facile in Tabem incidunt, labe nimirum per sanguinem illata. Harum imminentium ægritudinum præcautiones ex antea traditis facile innotescunt, præter ea, quæ inferius afferemus.

## APHORISMUS XIV.

*Si verò Aquilonius, & siccus, iis, qui naturam habent humidiorē, & mulieribus conferet; reliquis autem erunt lippitudines siccae, & febres acutæ, & diuturnæ; nonnullis verò morbi melancholici.*

**A**phorismus hic præcedenti adnectendus est, ut ex utroque unica sententia colligatur, veluti serie quadam continuata plures in unum locum transtulit Celsus. c. lib. 2. cap. 1. qui postquam ægritudines ex Æstate aquilonari, & Autumno austrino ex eodem Hippocrate commemoraverit, statim subjunxit: *sin autem Autumnus quoque æquè siccus iisdem aquilonibus perflatur, omnibus quidem mollioribus corporibus, inter quæ muliebria esse proposui, secunda valetudo contingit; durioribus verò instare possunt aridæ lippitudines; & febres partim acutæ partim longæ, & hi morbi, qui ex atrabile nascuntur; quin & Hippocrates ipse cit. lib. de Aere, aquis, & locis, uti*  
*Tozzi Op. Med. Tomo III.*

præcedentis appendicem hanc eandem sententiam his verbis describit: *Quod si Borealis sit Autumnus, & siccus, & neque sub Arcturo pluviosus, confert pituitosis natura, & maxime his, qui humidi sunt, & mulieribus; biliosis autem infestissima est hæc constitutio: valde enim exsiccantur, acciduntque eis lippitudines aridæ, & febres acutæ, ac diuturnæ, & aliquibus bilis atra; siquidem quod liquidissimum, & aquosissimum in bile est, consumitur: densissimum verò, & acerrimum remanet: quod idem accidit, secundum eandem rationem, sanguini, unde hi morbi his accidunt.* Unde sic affectum Autumnum succedere Æstati pari modo siccae, & aquilonari antea descriptæ, manifestissimè demonstrat, ut ex contextu ejusdem loci liquidò patet. Ejusdem quoque sententiæ est Galenus, qui in *comm. hujus Aphorismi*, Apparet, inquit, sermonem nunc habitum non esse integrum Aphorismum, sed partem secundam unius Aphorismi, cujus priorem partem nuper, seu paulò ante destitimus explanare. Conferendus his item est Aristoteles, qui lib. 1. *problem. 11*, Causam secundæ valetudinis in mulieribus, & pituitosis, ex sicca, & aquilonari Æstatis, & Autumni constitutione inquirat. Et mox *probl. 12*. cur biliosi exindè infestentur, examinat, continuata omnino oratione, sub eadem Æstatis, & Autumni sicca, & aquilonia tempestate.

Confert autem sicca hæc, & aquilonaris constitutio Corporibus humidioribus, absumptis nimirum, vel compressis, deductisque ad vias urinæ aquosis superfluitatibus, quibus illa, ut & muliebria, superabundant; Cæteris verò, idest biliosis, ut idem Hippocrates explicat, sive, ut



mavult Celsus, durioribus corporibus infestissima est hæc sicca Temporis constitutio, quæ illa magis extenuat, exsiccat, & obdurat; quinimò aridis lippitudinibus, & febribus acutis, ac diuturnis afficit: acutis quidem, quibus sanguis, & bilis ipsa tenuior, acriorque fit; diuturnis verò, quibus acidior, & consistentior, pro aliarum rerum non naturalium usu vario, ab ejusmodi Corporibus antea servato; unde adjectum est in Aphorismo, *nonnullis etiam Morbi melancholici*: Cujus rationem idem Hippocrates *cap. lib. de Aere, aq. & loc.* afferens, inquit: *quod liquidissimum, & aquosissimum in bile est, consumitur, densissimum verò, & acerrimum remanet; quod idem accidit secundum eandem rationem & sanguini; unde hi morbi his accidunt*. Quemadmodum autem picrocholis, & gracilibus antea dixerat acutas febres, & lippitudines ficas evenire; ita nunc durioris texture Corporibus, & sanguinem nactis consistentiorem, Morbos melancholicos, puta scirrhus, affectiones hypochondriacas, deliria melancholica, idque genus alia accidere portendit.

Hæc quippe longè notiora sunt, quàm ut fusiori egeant explanatione. Verùm quod de longis Gravedinibus à quibusdam memoratur, penitus non consonat: nam quæ unquam ratio afferri poterit, quæ suadeat longas Gravedines ex Æstate, & Autumno ficcis, atque aquilonaribus, futuras? cum per ejusmodi exarefacientem tempestatem, si quæ in Corporibus humidæ superfluitates collectæ erant, satis, superque extenuari, consumi, & egeri possint. Quocirca nec illarum; nec alterius humidæ ægritudinis, ne verbum quidem fecit Hippocrates, *in lib. de*

*Aere, aquis, & locis*. Sed & neque diligentissimus sententiarum ejus Compiler Celsus, qui sic locum hunc, ut antea dictum, est rectissime interpretatus: *durioribus verò instare possunt, & aridæ lippitudines, & febres partim acutæ, partim longæ, & hi morbi, qui ex atrabile nascuntur*. Quamobrem jure optimo Fuchsius existimat *librarium errore quodam, Κόρυζαι scripsisse, pro πολυχρόνιο, quod ab una in aliam dictionem facilis sit lapsus*. Neque verò his contentus Cardanus, hanc errandi Causam Galeno adscribere non veretur, cum inquit: *Galenus suo more, legit in utroque textu Gravedines, seu Κόρυζαι, & utriusque omittit expositionem: Gravis, & accuratus certè Expositor, dignusque pro quo quidam tantum digladiantur*. Et paulò ante scripserat: *legi debet. Et diuturnæ: non Gravedines. Litera enim græcâ corrupta erat ex Πυρετοὶ ὀξέες χρονικαὶ pro Κόρυζαι*.

At verò cur eam hic omiserit Hippocrates constitutionem, quam eodem libro de *Aere, aquis, & locis* inter jam relatas descripserat, ex Æstate nimirum pluviosa, & austrina, similique Autumno, indeque futuram Hyemem morbidam, pituitosis quidem per febres ardentes spurias dictas, biliosis verò per costarum, & pulmonis inflammationes, non est facile divinare: sicut pariter cur alias temporum conjugationes deseruerit quas Galenus comminiscitur, atque artificiali schemate effingit Cardanus, pluribus identidem in eundem Galenum inVectus, de Regionibus temperatis, & de ordine temporum ex ortibus, & occasibus stellarum. Verùm credere licet voluisse has solum veluti in cæterarum exemplum Hippocratem afferre, ut inde discerent

V. Fuch.  
h. l. qui alia plura in idem argumentum congerit.

V. Gal. 1.  
epidem.  
constit. 1.  
comm. 1.  
& 3. epid.  
constit. 3.



Not. su-  
per 11.  
aphor. V.  
etiam  
Hipp. de  
Aer. aq.  
& loc.

Medici, qua de causa ipsemet scripserit initio hujus Libri Temporum mutationes morbos parere. At quid est, quod nobis mortalibus non officiat? Currant, procedantque Anni, Annique tempestates, ea serie, ea salubritate, quam sibi fingit Heurnius, fortè Homines non ægrotabunt, non obibunt? Aer ipse, quem assiduo in ipsiusmet vitæ tuitionem inspiramus, nobis nocumento est: Cibo, quo vescimur, gravamur: Aqua siti sedandæ peraccommoda, si frigidior debilitat, si abundantior opprimit, si importuna delaxat: Vinoreficimur, exacuimur, amissumque resumimus vigorem; Sed & dolemus, inebriamur, stupefcimus: Somnus, qui fessa membra levat, otium parturit, hebetat Cerebrum; & Vigilia, quæ spiritus, & sanguinem accuit, infirmat. Sed & quo tempore re quapiam delectamur, fastidimur; & gaudium ipsum, tam nobis optabile, & jucundum, sæpissimè exanimat; nec ulla res est, quæ profit, quin ex adverso statim, & ultro, non obfit. Quamobrem ruimus adhuc in ægritudines, & in Mortem, etsi Anni tempestates prosperè, salubriterque procedant: *Quotidie enim morimur*, inquit Seneca, *quotidiè demitur aliqua pars vitæ, & tunc quoque cum crescimus, vita decrescit, & hunc ipsum, quem agimus diem, cum morte dividimus*. Et alter Tragicus

V. Sen.  
epist. 24.

*Ubique mors est, optimè hoc cavet Deus:*

*Eripere Vitam nemo non homini potest;*

*At nemo Mortem: mille ad hanc aditus patent.*

## APHORISMUS XV.

*Ex Anni autem Constitutionibus (in universum) siccitates imbribus sunt salubriores, & minùs mortiferae.*

CUM superioribus Aphorismis diversas Temporum Constitutiones retulisset, easque tum siccas, & aquilonias, tum pluviosas, & australes, ex quibus ægritudines varias imminere dixit; nunc omnes simul unico, sed generaliori Aphorismo, inter se comparans decernit, siccitates semper imbribus esse salubriores, minùsque mortiferas. Et generatim inquit, (modò si cætera ex æquo procedant) sicca constitutiones pluviosis sunt salubriores. Aer enim suapte natura talis est conditionis, qualem Animalium vita videtur exigere; quocirca si ex imbribus humidior evadat, sicuti ad complura Vitæ munia, præsertim ad sanguinis floriditatem, & Pulmonis perpurpurationem erit ineptus, ita morbis inducendis materiam suppeditabit: atqui sæpissimè quoque ex humescente sanguine, & aquosis superfluitatibus ægrotamus, quæ nec regi, nec exactè confici queunt, cum sanguinem hebetent, viscera infarciant, & inquinent, & non rarò in quasdam partes vitæ magis necessarias delatæ morbos afferant immedicabiles. Sed prætereà Aer imbribus, & ventis australibus immodicè humefactus, & crassior effectus, non modò obest, dum inspiratur, sed etiam contactu suo impedit, quo minùs insensibilis perspiratio rectè procedat, ut antea quoque monuimus. Contra verò ejuscemodi humore vacuus, & insensibilem perspirationem adjuvat, & meliùs internas superfluitates è san-



guine absorbens per Pulmones expiratione repurgat; unde experimur nedum siccas Temporum constitutiones, sed etiam Regiones, in quibus Aer tenuior, & siccior est, salubriores omninò esse iis, quæ humidiores, & crassiores illum sunt fortitæ.

At plura adversus hanc Hippocratis sententiam pugnare videntur. Primò, quia Vita ex Aristotele dicitur, *Mansio Caloris in humido*; quamobrem videtur salubrior statuenda humida Anni constitutio, veluti Vitæ congener, neutiquam sicca illi contraria. Hinc Senes idcirco ad interitum festinare dicuntur, quia per ætates, sicciores semper fiunt. Deindè, quoniam ex Hippocrate 1. *Aph.* 16. Victus humidus commendatur Pueris: Pueri autem humidi sunt, utque in eadem humida natura conserventur, humidus victus illis præscribitur. Præter ea, hoc eodem 3. *Aph.* 9. dicitur, in Autumno exitiales morbos fieri; Ver autem saluberrimum esse, & minimè exitiosum: atqui Ver humidum est, Autumnus verò siccus, ut propterea Tabidis nocuus dicatur. Insuper. Pueritia omnium ætatum optima censetur, quia humida; Senectus autem pessima, quia sicca. Tandem, propria Aeris qualitas, & Natura, humida ponitur; igitur humida, & non sicca constitutio, veluti salubrior anteferenda est, cum per illam Aer in suo naturali statu servetur.

Verùm hæc facillimè diluuntur iisdem planè Criteriis Aristoteleis, Galenicisque. Et quidem Vitam egere humido dicemus, sed proprio, consentaneo, & alibili, ut idem Aristoteles advertit, non autem extraneo, incongruenti, & aqueo, quo potius illa extinguatur, quàm foveatur; quo circa Vita comparatur ab eisdem

flammulæ, quæ oleo eget, ut conservetur: Modò Hippocrates hic humidum ex imbribus externum insalubre ait. Humidum victum, idest liquidum, & potabilem pueris febrientibus Hippocratem commendasse in commentario illius Aphorismi cum Heurnio exposuimus: Etenim is non vult alendos esse febricitantes cibis duris, solidisque, sed potabilibus, juxta ea, quæ *Aphor.* 11. 2. clariùs explanavit. Autumnus non siccitate, sed summa vicissitudine exitiosos morbos parturit, ut suo loco dictum est. Et Senes ad interitum festinant ab effæcto sanguine, & à Viscerum languore. Sed etsi ex siccitate mors contingeret, illa extrema esse debet, quæ vitæ fomitem exhauriat; secus verò, quæ moderata est, & externa, superfluum humidum absumendo, vitæ potius opitulatur, quàm adversetur. Postremò Aer sua natura nec calidus, nec frigidus, nec humidus est, sed fluidus, & permeabilis, cujuscumque alterationis suscipiendæ capax, atq; tunc solùm à sua naturali conditione desciscere videtur, cum nimium densatur, & crassescit, vel plus justo rarescit, & distrahitur, ut proinde immobilis, ac impermeabilis evadat, quemadmodum Florentinis, & Boylæis experimentis jam satis innotuit: sic enim præter naturam affectus vim patitur, & Animantibus cunctis infensissimus fit, ut etiam illas vita privet.

Constat ergo siccitates esse imbribus salubriores. Sed cur etiam minùs mortiferæ sint, cum cæteroqui dictum sit in siccitatibus febres acutas fieri? Cardanus distinguit febres acutas à morbis acutis, & ex 1. *epid.* *Constit.* 1. & 2. *epid.* *sect.* 3. colligit, acutas febres magna ex parte non esse mortiferas, quemadmodum vel ex



Tertianis intermittentibus deducere est. Verum hujus Ratio petenda est ex Aphorismo sequenti.

## APHORISMUS XVI.

*Morbi in pluviarum multitudine magna ex parte fiunt, febres longæ, alvi profluvia, putredines, morbi Comitiales, & Apoplexiæ, & Anginæ. In siccitatibus autem Tabitudines, lippitudines, articulo- rum dolores, stillicidia urinæ, & difficultates intestinorum.*

UT quisque Rationem præcedentis Aphorismi deducat, enarrat hoc loco Hippocrates ægritudines, quæ ex multis imbris, & quæ ex siccitatibus oriuntur: ex his namque inter se invicem comparatis facile innotescit, longe graviores esse, quæ in imbris, quam quæ in siccitatibus contingunt. Hinc plerisque visum est, & præsertim Heurnio, ita ex græco in latinum sermonem hunc vertere: *Namque assiduis imbris, qui Morbi incidunt, hujusmodi ferè sunt febres diurnæ, &c.* Quare consentaneum videtur voluisse Hippocratem, argumento à morbis ipsis per ejusmodi tempora vagantibus desumpto, præcedentem Aphorismum demonstrare, quod minimè advertit in comment. Galenus.

Febres diurnas pluviosa constitutione oriri posse patet ex antea traditis, quoniam per eam plurimæ aquosæ superfluitates cumulantur, quæ sanguinem inficiunt, atque ad indebitè fermentescendum disponunt: cumque partim multitudine, partim etiam crassitie diuturnum tempus exigant, ut dissolvantur, longas propterea febres pariunt.

Eadem fermè de causa alvi profluvia ex humida constitutione pro-

ficiscuntur. Siquidem istiusmodi excrementa plerumque deferuntur in Intestina, & alvum plus æquo lubricam reddunt. Et quidem alvi profluvia hic, haudquaquam Dysenteria, aut Diarrhœa, sed alvi dejectiones ab accuratioribus Interpretibus exponuntur, ut ex ipso textu græcopalàm fit, ac manifestissimè deducitur ex Celso, qui sententiam istam sic est interpretatus: *In siccitatibus acutæ febres, lippitudines, tormina, urinæ difficultas, articulo- rum dolores oriuntur. Per imbres, longæ febres, alvi dejectiones, angina, cancri, morbi comitiales, resolutio nervorum, quam Paraly- sim Græci nominant.* Quin & Dysenteria connumerantur potius ab Hippocrate inter ægritudines siccae constitutionis. Quare Ventris laxitates, Intestinorum lævores, & citrà dolorem uberiores egestionem designantur.

Putredines hoc loco non solum intelligendæ sunt humorum, sed etiam partium solidarum, quales in Gangræna, & Sphacelo: quippè in Tempestatibus humidioribus nedum humores à naturali sua constitutione declinant, adeoque corrumpi possunt, verum etiam membra Corporis flaccescunt, & in putrefactionem abeunt; unde postmodum Gangrænæ, & ulcera fordida, malique moris.

Morbi Comitiales, & Attoniti, facile etiam ex largis imbris eveniunt, cum ex ipsis graviter Cerebrum afficiatur, & pravis humoribus gravetur; unde sensus, & motus torpor, atque abolitio.

Anginæ, seu gutturis, & faucium tumores ab humoribus eas in partes confluentibus gignuntur. Plerumque autem ex pluvia tempestate Tonsillæ, adenes ibidem sitæ, ab abundan-

c. lib. 2.  
cap. 1.

V. lib. 2.  
prædict.  
V. Pison.  
& Vvep.  
fer de A.  
poplex.



dantioris lymphæ confluxu tumescunt, & Anginas, quas spurias vocant, inferunt; itemque Raucitates, & Tusses, Bronchoceles, & Parotides, pro circumjacentium partium affectarum diversitate, & à varia stagnantis lymphæ conditione.

Neque verò hæc solùm ægritudines ex multis imbribus contingunt, sed & aliæ plures consimilis naturæ accidere possunt, non minùs graves, quàm antedictæ, quippè, ut antea notatum est, videmur ità natura comparati, ut molestius humido, quàm sicco tempore afficiamur, & potius inutilium humorum copia, quàm inopia salutarium: quamobrem merito Hippocrates morbos in pluviarum multitudine contingentes, periculosiores longè iis esse inquit, qui in siccitatibus eveniunt. Tabitudines namque etsi sæpe sæpius ad mortem quoque perducant ægrotantes, in longius tamen tempus protrahuntur, & inducias præbent, quæ sanè sperandæ non sunt à prænarratis ægritudinibus. Præterquamquod Galenus, memoratas hîc Tabitudines ad oculorum lippitudoines ait esse referendas; ut proinde putet in siccitatibus Lippitudoines tabidas fieri, seu ad tabem oculorum terminari: lippitudoines autem periculi sunt expertes. Articulorum dolores, & urinæ stillicidia, non dissimiliter diù producuntur, & ferè cum ægrotantibus consenscunt. At verò ejusmodi affectiones in siccitatibus contingunt potius ab acribus, & falsis humoribus, qui tunc magis exacuuntur, & tenuiores redditì promptius artuum juncturas subeunt, & perioestia laceffunt, vel cum sero urinario commisti, mingendi difficultatem pariunt, sive ad Stranguriam, sive ad Dysuriam illam referamus. Quare collatis invicem siccis, & plu-

viosis tempestatibus, facilè nunc discernere erit, longè graviores, & periculosiores esse, quæ cum imbribus, quàm quæ ex siccitatibus contingunt.

## APHORISMUS XVII.

*Quotidianæ autem constitutiones, aquilonia quidem cogunt Corpora; firmiora, & agilia, coloratoria, & melius audientia faciunt, & alvos exsiccant, oculos mordent, & si peccus dolor aliquis prius obsederit, dolorem augent. Austrinæ diffundunt Corpora, & humectant, auditum obtundunt, capita aggravant, & Vertigines faciunt, oculis, atque Corporibus difficilem motum præstant, & alvos humectant,*

Comparat hoc etiam Aphorismo Hippocrates quosdam alios effectus, qui à constitutionibus siccis, & humidis oriuntur, & fortassè, ut manifestius ostendat humidæ, atque austrinæ tempestatis incommoda, longè graviora esse iis, quæ à sicca, & aquilonari proveniunt. Sed & quæ ex hac accedant Corpori emolumenta, simul una commemorat, ut nimirum omni ex parte concludat salubriores semper esse siccas constitutiones austrinis, & pluviosis.

At hîc non videtur de totius Anni, vel integræ alicujus tempestatis constitutione, sermonem habere, sed de illis tantummodò vicissitudinibus, quæ in dies per quæcumq; Anni tempora contingunt, cum Aer alternè mutatur, & oppositarum alterationum Aquilonis, & Austri vices subit. Verumtamen si quotidianis mutationibus aquiloniis, vel austriis hos effectus parturit, procul dubio majores, diuturnioresque erit

alla-



allaturus, cum integra tempestate non dissimiliter perflatur, ut antea Aphorismo V. notatum est; ut propterea Celsus inter ea, quæ Tempestates consequuntur, retulerit *libr. 2. cap. 1.* Aquilonem Ventrem adstringere, dolores lateris, & pectoris afferre, sanum tamen Corpus spissare, & mobilius, atque expeditius reddere; Austrum verò aures hebetare, alvum solvere, & totum Corpus languidum efficere.

Aquilonares autem Constitutiones Corpora cogere, seu densare, certo certius est: siquidem humidas superfluitates absorbit, poros constipat, & constipando membra condensat; unde totius Corporis firmitudo. Hac etiam de causa frigidas, & septemtrionales Regiones incolentes, durioris, firmiorisque texture observantur, atque laborum omnium patientiores; Unde fortasse finxit etiam Antiquitas fortitudinem, & impenetrabilitatem in Corporibus exoriri. Nedum autem firmitatem, sed etiam agilitatem aquilonares venti conferunt, nam exhaustis humidis superfluitatibus, atque aqueis excrementis, quibus plurimum Corpora gravantur, & hebetantur, illa graciliora reddita, fiunt quoque agilia. Eadem etiam ratione videntur reddi posse coloratiores, quippe obesa, succiplena, & humida, plerumque decolorata, & pallida observantur.

Quod melius audientia fiant, patet similiter ex his, quæ super Aphorismo V. dicta sunt, ubi Austrum auditum hebetare scripsit Hippocrates. Fit namque sæpenumero surditas, vel subsurditas, ob tympanum, seu membranam illam, primum à secundo meatu auditionis determinantem, nimia serositate laxatam, quò appulsus Aer eam non concitat motio-

nem, percussionemque, quæ satis sit auditioni perficiendæ, unde vel sonus non percipitur, vel obtusè admodum, quemadmodum experimur in Tympano bellico madefacto, si tum pulsetur: quod tamen ingentem sonitum edit, cum tensum, siccumque evaserit.

Alvos prætereà exficari in constitutionibus aquiloniis, seu constipari, & obdurescere, ut excrementa promptè non deponant, antea quoque ostensum est, cum & egestionibus quæcumque deficiant per ejusmodi siccam, frigidamque constitutionem, urina solum copiosiori plerumque perseverante, compresso è glandulis, & tubulis aquosis latice per univsum Corpus disperso.

Additur & hic *oculos morderi*, hoc est ardorem, ac pruritus in oculis, & palpebris exficari: aut quia impeditæ perspirationes oculos petunt, & per membranas, præsertim adnatam, diffusæ molestam inferunt motionem; aut quia corrugatione ibidem inducta præterfluentem sanguinem venæ ex arteriis promptè non excipiunt, sed quodammodo retardant; unde etiam aridæ lippitudines. Nec mirum, si præ cæteris partibus oculi in his constitutionibus afficiantur, veluti qui obnoxii sunt cuiuscumque Aeris alterationi, omnemque ejus vim primi sentiunt.

Augent quoque frigidi, siccique Aquilones dolores pectoris, si prius isti partes illas obsederint. Siccitas enim, faucium, & gutturis asperitatem inducit, unde Tussis facile exoritur, quàm deinde dolor pectoris insequitur; cumque frigus eidem quoque infensum sit, profectò si antea doluerit, longè gravius ab aquilonia constitutione afficietur, per quam utrumque jungitur Pectori molestissimum.



A Constitutionibus verò Austrinis Corpora delaxantur, & humefiunt : nam Austri humidi sunt, & pluviosi ; Auditus obtunditur, immò & reliqui sensus omnes hebetantur, Caput gravatur, & multis repletur excrementis, unde Vertigines, & hebetudines oculorum, atque totius Corporis ad motum impotentia, & ad cæteras operationes, præsertim animales, obeundas ineptitudo, ob nervorum scilicet laxitatem, à sanguine, ejusque nutritio liquore ferofiori. Alvi denique lubriciores fiunt, tum ex mala digestionem, quæ, flante Austro, fieri solet, tum ex facili inutilium humorum per humectiores ductus ad alvum depositione, præsertim quia fibræ Intestinorum per idem tempus austrinum promptè admodum laxantur, ipsæq; fæces humidiores redditæ facilius quoque egeruntur. Quæ sanè cum ex antea demonstratis notissima sint, ulteriori non egent explicatione.

Solum paulò uberius Vertiginis causam examinemus. Equidem non benè constare videtur, quòd ex dialibus Austris, & ex diebus austrinis fugacibus, Vertigines oriantur : quippè Hippocrates ægri tudines referens ex austrina, & diuturna tempestate imminentes, nè verbum quidem fecit Vertiginis, quam procul dubio veluti cæteris periculosiorem recensere debuisset, eoque magis si ex diurnis Aeris mutationibus, atque alterationibus ab Austro diali oriundam fateatur. Jure ergo existimat Cardanus legendum cum Theodoro Gaza (*cui unipius credendum esse, inquit, in hac causa, quàm universis Interpretibus latinis, ut qui Græcus natus sit, & exquisitissimam scripserit Græcam Grammaticam, ut rationem dicendi neminem melius calere potuerit :*) *Vertigines in oculis*

*fieri*, pro eo, quod scriptum est se-junctim: *Vertigines faciunt, Oculis, atque Corporibus difficilem motum præstant*. Addit prætereà nequaquam potuisse Hippocratem de Vertiginè Cerebri, quæ cum Comitiali morbo convenit, sermonem habere, eo quòd unius diei constitutio minimè possit materiam congregare Comitiali, aut Siderationi aptam. Verùm quænam sit hæc oculorum Vertigo ipse non explicat. Putaverim Ego esse quandam in visu Trepidationem, cum objecta per Aerem vapidum spectata quasi trepidare, concuti, & vacillare videntur. Id autem quamvis in oculis, ipsisque nervis ocularibus, & in tunica Reticulari fieri possit, perturbata per serositates objectorum representatione : sæpius tamen contingit ex radiorum Solarium in crassiori Aere refractione, atque luminis ad oculos pertingentis quadam veluti inflexione, titubationeque. Sæpius enim id ipsi experimur cum fluctuantem aquam, scintillantes igniculos, & tremulum lumen candelarum ex sevo confectarum attentius intuemur. At verò accidit facillimè per austrinas constitutiones Aerem istiusmodi perturbationem subire, cum turbulentus simul fiat, crassus, & radiis Solaribus confectus; sed & oculi unà quoque per idem tempus hebetantur, & caligine suffunduntur, ut propterea malè objecta corpora cernere queant, vel non nisi cominùs, præsertim cum à densis nubibus Aer fit tenebri-cosus, aut luce crepera vix sublu-cidus.



## APHORISMUS XVIII.

*Quantum ad Tempora Anni. Vere quidem, & prima Aestate Pueri, & qui hos proximè sequuntur ætate, optimè degunt, & sani sunt maximè; Aestate verò, & Autumno aliquatenus Senes: per reliquum autem Autumnus, & Hyemem, qui mediam ætatem habent.*

**P**ROsequitur nunc Hippocrates singulis Hominum ætatibus convenientia Anni Tempora explicare, cum inferius egritudines iisdem contingentes sit enarraturus.

Enumerat autem quatuor tantummodò Temporum mutationes, aut quia istæ sensibiliores sunt, & vulgò magis receptæ; aut quia de Regionibus in Zonis, & Climatibus Temperatis solum sermonem habere voluit; aut quia demùm in his tantum observationes suas instituit, cum ea, quæ experimentis competit, consultò scripserit, & Posteris tradiderit.

Facto itaque initio à prima Anni ætate, seu Vere, Pueros inquit optimè sub illo valere, quibus & Adolescentes adjunxit, ut significare videntur verba illa: *& qui hos proximè sequuntur ætate*. Etenim Hippocrates non quatuor ætates solum in Hominum Vita, quemadmodum visus est edocere Galenus, sed multò plures distinxit; quamobrem Celsus meritò eos hìc interpretatur, qui illis ætate vicini, proximi, conjunctique sunt: atqui proximi, & conjuncti Pueris sunt Adolescentes. Sic pariter cum Vere primam Aestatem, seu illius principium conjunxit, quod ejusdem sit ferè conditionis: quamquam Galenus superstitiosè nimis

Adolescentes Vere, Aestatis verò initio Pueros salubriter vivere commentatus est. Aestate autem, & Autumno non omninò, sed aliqua ex parte Senes sanos degere, & per reliquum Anni tempus, atque succedente Hyeme eos, qui mediam, seu consistentem ætatem habent.

Quibus Hippocratem reprehendere libido est, quique nodum in scirpo quærunt, multa in hoc Aphorismo notant. Primum, illum redarguunt oblivionis, quòd superioribus Aphorismis dixerit Naturarum aliàs quidem ad Aestatem, aliàs verò ad Hyemem benè, malève se habere: quòd sanè inquirunt satis fuisse constitutum, quod hic inutiliter videtur repetitum, cum & Pueri, & Juvenes, & Senes sub generali ætatum consideratione omninò comprehendantur. Addunt insuper non rectè dictum ab eodem: *Vere pueros, & qui proximè sequuntur ætate*, scilicet Adolescentes, *optimè degere*; cum id tempus sua natura sit cunctis saluberrimum, ideòque non solum Pueris, & Adolescentibus, sed etiam Juvenibus, atque inconsistenti, ac senili ætate constitutis, documento ejusdem Hippocratis *Aphorismo* 9. Si præterea, subdunt, Pueri Vere, ob consimilem Naturam, & Temperiei commodationem, benè se habent, cur est, ut etiam primam Aestatem addiderit? quæ cæteroqui calorem præfert aliquanto prævalentior puerili ætati penitus incongruentem, cum hæc undequaque moderamine fruatur, & gaudeat. Sed nec omninò videtur verum, Pueros Vere optimè degere, nam ex infra dicendis constabit per id tempus sanguineis morbis illos corripi.

De Senibus quoque addunt, quòd licèt benè se habeant Aestate, Autumno tamen ii malè vivant: quippè

Autu-



Autumnus tabidis malus dicitur, inter quos Senes ab eodem Hippocrate referuntur, 2. *de Morbis*; isque, utpote inæqualis, utrisque exitiosus esse solet, Senibus autem potissimum, ob maximum ejus ætatis languorem. Sed & perperam illis videtur adjectum, *Æstate verò, & Autumno aliquatenus Senes*: quasi hi non omninò bene se habeant Æstate, cum tamen senilis calor veluti imbecillis, & infractus, quàm maximè foveatur, & adjuvetur ab ambientis Aeris æstivo calore.

Amplius, qui in media, seu consistenti sunt ætate, nec videntur rationabiliter dici posse salubriorem vitam ducere per reliquum Autumni tempus, & in Hyeme; quando quidem hi frigidi quoque, & ficci dicuntur, atque melancholicis ægritudinibus obnoxii, minùsque ferentes Autumnales Aeris vicissitudines, atque inæqualitates.

Denique cum hoc loco Hippocrates de Temporibus agat, quæ singularum ætatum Temperaturis congruant, ut videntur denotare verba illa: *sani sunt maximè*: certe, quemadmodum Puerilis ætas, & quæ proxime hanc sequitur, ob consimilem temperaturam, bene se Vere habebit, & optima sanitate fruetur; ita ex adverso Senilis Hyeme, & Juvenilis Æstate optime degebit, cum aliàs ab eodem dictum sit, minùs periclitari eos, qui Tempori magis congruunt in suis Temperiebus.

At isti injuste nimis Hippocratem arguunt, cui manifestæ rationes, & experientiæ suffragantur. Et quidem *Aphorismo 2. hujus libri*, generalem tantummodò rationem habuit naturarum, quòd aliæ ad Æstatem, & aliæ ad Hyemem bene, malève se haberent; ubi nedùm salubritatis, sed etiam proclivitatis ad ægritudines

contrahendas meminit: At hìc, restrictiori sermone, ætates memorat, quæ in Anni tempestatibus salubriùs degunt; unde quod ibi generaliter protulit, hìc speciatim singulis ætatibus adscribit. Ver, quamvis sua natura saluberrimum sit, maxime tamen puerorum sanitati conducit. Et tametsi Senes bene quoque se habeant Verno tempore, relati scilicet ad cæteras præcedentes tempestates, adhuc tamen salubriorem vitam ducunt Æstate, cum nimirum calidior Aer vividiores reddit cunctas eorumdem operationes. Dixit etiam *prima Æstate* Pueros, & Adolescentes eadem salubritate frui, quoniam principium Æstatis eandem referre solet cum Veris fine temperiem, & conditionem, cum per id tempus Aer non adeò fervidus sit, ut mollem puerilium carniū texturam exsolvere, & eliquare queat, præsertim si initium Æstatis ea distributione sumatur, qua idem Hippocrates juxta morem Antiquorum ab ortu Vergiliarum ad Solstitium æstivum facere consueverat. Cæterum, quòd tunc ægrotare aliquandò illis accidat, non inde fit, ut plerumque, & maxima ex parte salubriùs non degant: quippe cunctis temporibus, omnibus ægritudinum generibus Homines in unaquaque ætate laborare possunt, tum præsertim, cum præpotens causa ægrotare faciens præcesserit.

Autumnus Senibus plane periculosus est. Neque verò, inquit Hippocrates, salubriter illos vivere tempore Autumnali, sed tantum *aliquatenus*, seu *aliquantisper*; si potissimum Æstatis conditionem referat; unde disjunctim legendum, *Æstate verò, & Autumno aliquatenus*: ita ut sensus fiat, Senes Æstate quidem bene degere; Autumno verò ali-



aliquatenus, id est aliqua ex parte, præcipue inter illius initia, & cum consimilem Aestati constitutionem participaverit: id quod præsertim fieri solet, ipso ineunte. Per reliquum autem Autumni tempus, & Hyemem, bene se habebunt consistentem, ac mediam ætatem adepti, qui non solum Viri, sed & Juvenes, intelligendi sunt, utque commentatur Heurnius, etiam à XXV. anno ad XL. producti, comprehendentes nimirum Juventutem, & Virilitatis initia, cum reliquum ætatis virilis referatur Hippocrati ad crudam Senectutem, quæ, ex mente ejusdem Auctoris, initium sumit à septimo annorum septenario: tunc enim vires robustæ sunt, & sanguis vegetior; unde Autumni inæqualitatem nedum ferent, qui in media, constantique ætate sunt, sed etiam superabunt Hyemalis temporis rigorem. Clarius proinde Celsus hanc sententiam est interpretatus, ut Juvenes Hyeme, quique inter Juvenem, & Senectutem sunt, salubriorem vitam ducere scripserit. Accedit, quod consistentem ætatem nati, sunt omni ex parte prudentiores, ut quascunque causas externas vitare, & ab Aeris vicissitudinibus, atque alterationibus se tueri, quam optime calleant. Denique puerilis ætas, veluti in moderamine sita, Vere cæteris temporibus temperationi, melius se habet: porro id mediocritatis est, ut in alterutram partem vergens, à sanitate declinet. At verò intemperatæ Naturæ à mediocritate recedentes, ut in salubritatem revocentur, in oppositum quodammodo statum ducendæ sunt; unde in oppositis sibi tempestatibus melius degunt, ut aliàs etiam meminimus; quamobrem Juvenes, & Viri ante annum quinquagesimum floridiori

sanguine præditi, sicut Aestatis ardorem non bene sufferunt, ita hybernium frigus melius sustinent, immò exinde salubrius vivunt, sanguine in contractiorem crasim restituto.

## APHORISMUS XIX.

*Morbi omnes quidem in omnibus temporibus fiunt, quidam verò magis in quibusdam ipsorum & fiunt, & exacerbantur.*

**Q**Uoniam hucusque Hippocrates ægritudines in diversis Anni constitutionibus, ac tempestatibus evenientes retulit, atque in posterum erat enarraturus, ne quis inde crederet eas non nisi his vigentibus futuras, in reliquis verò nequaquam, admonet hoc Aphorismo Medicos, ut unoquoque tempore, ac vigente quacumque Anni tempestate, constitutioneque, cujusque morbi periculum timeant, cum quolibet tempore illi accidere possint, & vagè omnia Corpora afficere. Sunt tamen illorum plerique, qui magis uno, quam alio Anni tempore observantur, & affligunt; Unde nonnulli potius Aestate, quam Hyeme, alii Autumno potius, quam Aestate: sic experimur pleuritides, catarrhos, paralyses, sopores Hyeme potius evenire, quam Aestate; febres ardentes, tertianas, variolas, morbillas, erysipelata, magis Aestate, quam Hyeme. Sunt & alii, qui licet fieri quidem possint quocumque anni tempore, magis tamen alio increbescunt, & exacerbantur: Hydropes enim aliquandò contingunt Aestate; exacerbantur autem Hyeme: ut & Quartanæ febres Aestate, & sæpe sæpius Autumno invadentes, graviores, infensioresque observantur brumali tempore. Verumtamen à Causis peten-



petenda est istiusmodi morborum varietas; etenim qui omninò ab Aere pendere videntur, licèt soleant esse communes, universales, & Epidemii, possunt nihilominus certò quodam Anni tempore exacerbari, ac vigere; A cibis verò, laboribus, animi pathematibus, aliisque causis inducti, sicuti particulares plerumque sunt, ità peculiaribus mutationibus permutantur, quarum certa ratio haberi nequit, cum ferè indefinitæ illæ sint.

A propriis, & peculiaribus etiam Corporum constitutionibus, atque habitudinibus sæpenumero accidit, ut morbi quosdam solùm arripiant, cum aliqui unius, & alii alius constitutionis, aut habitudinis sint immunes. Atque hinc fit, cur graciles aliquandò ægrotent, & obesi salubriter degant, ut & Pueri infirmentur, non Senes, fœminæ, non mares, sedentariam vitam ducentes, haudquam exercitiis dediti, vel contrà. Refert Cardanus olim Patavii gravi quodam morbi genere fuisse Hebræos solùm affectos, alios minimè, & Basileæ aliàs, pestilenti ægritudine Cives dumtaxat laborasse, non advenas; fortè quia ex vitio à cibis, potibusque jam pridem in communem usum habitis illorum habitudo, atque Corporum constitutio eam contraxerat in humoribus, & sanguine dispositionem, ut luem illam soli Cives incurrerent, non Exteri, alio victus genere usi. Anno 1618. solos pueros per universam ferè Italiam, sed immaniùs per Regnum Neapolitanum Angina maligna sustulit, cujus deinceps contagione interjerunt succedentibus annis omnis ferè generis quadrupedia cornigera, præfertim boves. Huc etiam referri possunt morbi illi, qui Endemii, seu Patrii appellantur, qui scilicet pecu-

liares tantummodò Regiones infestant, ut est Scorbutus, familiaris Germanis; Hollandis, Danis, & Anglis. Sic pariter fuit Lepra apud Hebræos, Elephantiasis apud Græcos, Mentagra Romanis tempore Plinii, Sudor Anglicus, Plica Polona, & Syphillis, seu Morbus Americanus.

Unde autem Morbi omnes omnibus indiscriminatim, & universis Anni temporibus contingere possint, ratio desumenda videtur ex eo, quia Morbi potius ab internis Causis, putà humoribus præter naturam affectis, quàm ab externis, & procatarcticis, quæ vulgò occasiones appellantur, exoriuntur: cumque illi quocumque Anni tempore infici possint, atque diversimodè permutteri, inverti, & à consuetò, ac naturali more desciscere, poterunt quoque, quandocumque malè affecti fuerint, omnes, & quoscumque morbos in quibulvis Corporibus parere. At verò, quia non tam facilè sponte sua vitiantur, nisi ab Aere, cibis, ac potibus, cæterisque causis, non naturalibus dictis, perturbentur; hinc fit, ut sæpenumerò istas diversimodè Corpora alterantes morbi consequantur, & aliquandò magis, aut minùs exacerbantur, pro varia earumdem, & Corporum affectorum conditione.

#### APHORISMUS XX.

*Vere etenim Furores, & Morbi melancholici, & Comitiales, & profluvia sanguinis, & Angine, & Gravédines, & Raucedines, & Lepræ, & Tusses, & Impetigines, & Vitiliginis, & postulæ ulcerosæ plurimæ, & tubercula, & Articulorum dolores.*

**E** Numerat nunc Hippocrates hoc, & sequentibus Aphorismis ægri-



ægritudines ; quæ singulis Anni temporibus plerumque accidunt. Facto autem initio à Vere, inquit, Furores, morbos melancholicos, Comitiales, aliosque eo tempore evenire; non quòd hi solùm, ea Anni tempestate contingant, sed ut plurimum: cùm & alii plures, consimilem naturam participantes, per idem tempus observari possint, ubi præsertim nil obstiterit, quòd ratione propriarum constitutionum, & ætatum, vel etiam peculiaris Climatis, & Regionis, aut demùm causa ciborum, potuum, exercitiorum, cæterarumque Rerum non naturalium, Vernalis temporis dispositionem perverterit, atque immutaverit.

At hìc illicò se exhibet enucleanda non levis in Hippocrate Contradictio. Is enim *Aphor. 9. hujus*, Ver saluberrimum confitetur, & minimè exitiale, indicans exindè vel nullos, vel levissimos morbos Veris tempore evenire: modò enarrati morbi, & multi sunt, & pessimi, quales potissimùm Comitiales, sanguinis profluvia, Anginæ, Lepræ, pustulæ ulcerosæ, à quibus non rarò periclitari, & perire ægrotautes cunctis notum.

Conatur Galenus in *Comm.* contradictionem hanc solve, & utramque sententiam in commodum sensum referre, saluberrimum inquit bene dici Ver, etsi hos pariat Morbos, quoniam à centro Corporis ad ejusdem habitum humores vitiosos educit: nam hoc ipso tempore profundum Corporis expurgatur, vitiosis humoribus à partibus principalibus ad Cutem pervenientibus, vel ad loca viliora transpositis. Sed & alii enarratos morbos à sola sanguinis plenitudine ortos putant, quæ comparata ad cacochymiam levior, & quodammodò salubrior censenda videtur. Verùm adscripsit Hippo-

*Tozzi Op. Med. Tom. III.*

crates Aphorismo IX. Verni temporis constitutionem sanis Corporibus congruentem, quibus proculdubio saluberrima est; At verò Corpora recrementis inquinata, & malè affecta, cùm adventante Vere alterantur, & morbosa fiunt, in ea potissimùm mala incidunt, quæ hoc Aphorismo recensentur: Hæc enim est differentia inter tempus vernale, & cæteras Anni tempestates, ut illud, nisi Corpora impura fuerint, & pravis succis imbuta, in optima salubritate tueatur; reliquæ verò tempestates, etiamsi Corpora bene se habeant, adhuc tamen malè afficiant, & alterent; quippe Æstate sudoribus, oris amarore, fiti, ciborum fastidio, cruditate, lassitudine, anxietate, plurimum vexantur; quin & excandescente sanguine, facillimè corripuntur febribus, doloribus, vigiliis, diarrhœis, cæterisque gravioribus symptomatis, humorum omnium acritatem, tenuitatemque ab æstu consequentibus: & Hyeme catarrhi, tusses, gravedines, raucitates, perfrigerationes fiunt: At Vere nil horum accidit, sed Corpus ab Aere temperato in summa mediocritate constitutum omni ferè vitio caret; quamobrem nisi humores pravi, & excrementa alicubi restagnaverint, sanè morbi nulli per id tempus aderunt.

Quo autem pacto Furores, & Morbi melancholici, ac Comitiales, sicut pariter lepræ, pustulæ, & dolores articulorum Vere accidere possint, quæ ratione inter Vernales ægritudines hìc recenseantur, alia est hujus loci gravior difficultas; cùm alioqui referendæ illæ videantur inter Morbos hyemales, præsertim quia ex superioribus Aphorismis major pars horum in Constitutionibus pluviosis, & Austrinis evenire

D

dicta



dicta est: Austrinæ autem, & pluviosæ Constitutiones, quàm maximè vigere observantur Hyeme, non Vere. At huic facilè occurreret, qui ratum habuerit, Morbos Vere contingentes, ex peculiari ejusdem constitutione, sequi vitium sanguinis, cùm hic eo tempore internam subeat commotionem, atque partium inutilium sensibiliorem planè secretionem, exsolutionemque; quin & manifestius fermentescat, increseat, & moveatur, eo prorùs modo, quo per idem tempus experimur succos alibiles adaugeri, & promptius, uberiusque poros, fibrasque Arborum subire. Quoniam verò sanguis per partium texturam transiens, præcedenti Hyeme, non tam commodè à suis impuritatibus potuit depurari, accedente Vere, quo Carnium textura laxior fit, & ductus, ac secernicula Corporis patentiora evadunt, melius ille repurgatur, ut penè novam videatur induere naturam. Quò etiam fit, ut vagantes per Hyemem Quartanæ, aliæque horridicæ febres, eodem Verno tempore desinant, secretis nimirum, depulsisq; sanguinis inquinamentis. Id ipsum comprobare licèt, analogia Microcosmi cum Macrocosmo, in aquis thermalibus, quæ spontè sua per eadem tempora è Terræ Visceribus erumpunt, & vires suas exerunt longè ceteris temporibus efficaciores. At verò quis non videt Venas, & Arterias Vernali tempore turgere, pulsus fieri elatiores, roseo colore vultum præcipuè decorari, urinas augeri, capillos renasci, & sanguinem ipsum vegetiorem redditum, sponte sua plerisque è naribus extillare. Si ergo sanguis Vere ejusmodi mutationes subit, non mirum si morbi tunc sanguinei exoriantur, quos hoc loco memorat Hippocrates, ubi aliquod

vitium is contraxerit, secretis nimirum, depulsisque impuritatibus. Et quoniam præcedenti Hyeme plerumque sanguis ex constipata cute, ac perspiratione impedita, acorem, aut acritatem contrahit; idcirco furores, morbi melancholici, lepræ, aliæque similes ægritudines contingunt, variæ solùm, pro varietate partium, in quas excrementosi humores deponuntur.

Furores hoc loco memorati, non sunt, qui cum febre accidunt, cujusmodi est Phrenitis; sed solùm communi nomine dicti, Mentis motiones, seu desipientiæ, quas idem Hippocrates unico vocabulo est complexus, cùm inquit 6. *Aphor. 53. desipientiæ, quæ cum risu fiunt, securiores, quæ verò cum studio, periculosiores.* Distinxit autem alibi idem Auctor quatuor classes deliramentorum, quæ scilicet cum feritate, & impetu, ut in Phrenitide, & Mania; quæ cum mœstitia, & timore, ut in Melancholia, cum mansuetudine, & fatuitate, ut in Insania, & Stupiditate; & demùm quæ cum risu, & lætitia, ut in Amore, Gaudio, & Ebrietate. Modò videtur hic, vel, generali quodam delirio, seu mentis depravatione, furorem designasse; vel eam tantum desipientiæ speciem, quæ cum risu, & gaudio evenit; cùm hujusce generis desipientia à sanguine potissimum vegetiori, vividiorique pendere soleat. Non incongruè etiam intelligi posset delirium Melancholicum, quodammodò indicatum in textu: siquidem sanguis acore quodam per præcedentem Hyemem infectus, & adventante Vere repurgatus, facilè ejusmodi acidas superfluitates liberiori meatu per laxiorem viscerum texturam traiecit, & in glandulas per Cerebri corticem dispersas deducit, vel aliò deponit; unde Cerebrum in suis



6. Aphor.  
56.

functionibus animalibus depravetur: quandoquidem, docente eodem Hippocrate, affecto Liene, atque sinistro hypochondrio fortiter pulsante, Mens illicò commovetur: Et alibi, in morbis melancholicis furorem quoque evenire dicitur; & 6. *Epid.*

§. 3. sanguineum Corpus in melancholiam, biliosum in furorem transire fertur. Quamobrem non immeritò hic Furores, vel generatim Mentis motiones, vel desipientias cum gaudio, & amore, vel etiam cum vehementi quadam in hæc applicatione, quæ internos sensus fatiget, sive idiopathicè, sive sympathicè, possumus congruenter interpretari.

Pro morbis autem Melancholicis, nedum deliria melancholica, ut plerique vertunt, sed quæcumque aliæ ægritudines, à melancholicis, tartareis, & acidis succis progenitæ, sumi possunt, ut consueverunt, esse Strumæ, obstructions, tumores duri, hypocondriacæ affectiones, & similes. Acidum enim, quod in fermentis Viscerum, cæterisque liquoribus vi, aut copia exorbitat, & per Hyemem veluti sopitum fortè hæsit, Verno tempore dilutiùs effluit, & varias partes petens patentius inficit, diversasque ægritudines parit, pro Corporum, & ætatum diversitate; Unde lympham, sanguinem, succum alibilem, cæterosque humores in visceribus, & glandulis figens, diversimodè quoque præter naturam afficiet. Jure ergo notantur hic potissimum ab Hippocrate morbi melancholici, puta ab ejusmodi succis melancholicis, & acidis inducti; quoniam hi præsertim Vere in Corporibus malè affectis ex præcedenti hyberno tempore exoriri possunt, repurgato nimirum sanguine à feculentis hisce humoribus acidis, per Hyemem cumulatis. Quæ etiam ra-

tione Comitiales morbos fieri dicendum est, ut qui Hyeme veluti latuere, mox Vere prodeant, exuta quodammodò Natura veterem, sædamque humorum omnium, & præsertim sanguinis conditionem, renascentis Anni beneficio.

Verùm hic dubitare contingit, cur Hippocrates retulerit morbos Verno tempore contingentes ad eos potissimum, qui Caput, & Cerebrum divexant; alius autem interni Visceris ægritudinum non meminerit? At cum Vernales Morbi metastasis, & abscessus naturam referant, quòd impuritates sanguinis tunc temporis secernantur, & istæ plerumque in glandulas abscedant, proindè fit, ut Cerebrum, quod magna glandula dicitur, potissimum ex illarum decubitu afficiatur. Neque verò Cerebrum solùm, sed etiam circumjacentes glandulæ faucium, & colli, non rarò inficiuntur, & ejusmodi superfluitatibus imbuuntur. Quòd autem Abscessus morbi isti rationem referant, clarè deduci potest ex eo, quòd Hippocrates inter Vernales ægritudines retulerit quoque Impetigines, Vitilignes, Lepras, pustulas, & tubercula, quæ sanè decubitus sunt vitiosorum succorum in glandulas subtercutaneas; quin & articularii dolores, hoc eodem loco memorati, pari modo ad Abscessus reducuntur, ut liquet. Sed tamen, non hinc quis credat, has solùm hoc Aphorismo descriptas ægritudines Verno tempore exoriri, cum & aliæ, aliæque similes non dissimiliter prodire possint, si fortassè in alias, aliasque partes vitiosi illi humores, à sanguine secreti, transferantur: quippe non rarò compertum est, per idem tempus & Pleuritides, & Peripneumonias, & Choleras, & Febres, aliusque generis acutas ægritudines sæviisse;



quamquam Hippocrates illas solum, ut frequentiores, veluti in exemplum, Medicis objecerit; cum & hæmorrhagias, & gravedines, & raucitates, & tusses pariter adjecerit.

Sanguinis profluvia frequentissima Vere esse solent, nedum per consuetos ductus Uteri in foeminis, & in maribus per mariscas, sed etiam per Nares, & Os: Sunt etenim plerique, qui quotannis, statuto quodam tempore vigentis Veris, hæmorrhagias narium patiuntur, quæ nisi sanguifera vasa ad certam quantitatem depleant, nulla arte cohiberi possunt; at verò spontè sua desinunt, statim atque sanguis deferbuerit, & in pristinam, naturalemque crasim fuerit restitutus. Novi etiam, qui singulis annis mense Majo per aliquot dies sanguinem expueret citrà cujusvis periculi suspicionem, immò cum ante hoc tempus Capite doleret, totoque Corpore anxius, & anhelosus videretur, mox ab excreto sanguine levabatur adeò, ut meliorem habitudinem indueret, & salubriorem deinceps vitam viveret. Contingunt autem hæmorrhagiæ istæ, aut quia sanguis tunc vegetior, floridiorque redditus à suis conceptaculis spontè exilit; atque per teneriora, laxioraque venarum, & arteriolarum oscilla sibi quodammodò vias aperit, majorem fortè exquirens capacitatem, cum illum pori partium satis excipere non valeant: aut quia a core per Hyemem contracto easdem laceffit, ac referat: aut etiam quia partes ipsæ Corporis molliores, laxioresque per id tempus redditæ, liberum luxurianti sanguini aditum præbent. Verum enim verò nec Hippocrates quæcumque sanguinis eruptionem Vere contingentem hoc loco sumendam voluit, sed largam, & copiosam: nam inquit, *sanguinis profluvia*. Et

quamvis non exprefferit modum, & locum istiusmodi profusionis, nihilominus credere licet anastomosi potius proflire, per hiantes venarum, aut arteriolarum fines, ubi illæ mutuò coeunt, & ex his in illas sanguis propellitur. Quòd si ex arteriolis egressus poros partium subeat, & uberius, quàm par sit, effluat, atque restagnet, inflammationes, ac apostemata parit. Hinc non immeritò in textu dicitur, inde Anginas quoque exoriri, cum scilicet in glandulis, ac musculis faucium, & gutturis is hæret.

Non dissimiliter Raucitates, & Gravedines evenire credendum est, sive quòd serosiores diluti sanguinis superfluitates in os, & nares à Cerebro confluant; aut è vasis lymphaticis in eorumdem glandulas derivent; sive quòd solam in Aere mutationem à Solis accessu illæ consequantur. Siquidem ejus vi proximiora nostro Vertici signa perlustrantis ambiens calor sensibilior persentitur, unde attenuantur humores, & aquei vapores è Terraqueo globo uberius elati vapidum, pruinosum, ac nimbosum Aerem efficiunt, catarrhorum certissimum promotorem.

Lepræ hoc loco memoratæ num revera illæ intelligendæ sint, quæ maximi apud Veteres horroris erant, & nedum insanabiles credebantur, sed etiam contagiosæ; dubitari potest: nam si ejusmodi conditionis, & naturæ Lepra foret, non videtur ex vernali constitutione illam posse oriri; quippe sanguis licet Vere à suis impuritatibus repurgetur, nunquam tamen eam pertinget pravitatem, quæ tam horribilem, contagiosamque affectionem pariat, ut non rarò etiam instar pestis miserrimè patientes enecet. Accedit, quòd Hippocrates simul cum Lepra junxit Vitilignes, &



Confe-  
rendus  
est idem  
Avic. l. 3.  
f. 22. tr. 1.  
c. 16. & l.  
4. f. 7. tr.  
2. cap. 9.

Impetigines, quæ longè mitiores sunt  
Cutis ægritudines, utpotè citra vitæ  
periculum tolerabiles, & absque con-  
tagio. Quare alterius generis vide-  
tur statuenda, qualis nostra ætate  
Scabies, & Puerorum Porrigo est.  
Sed enim non eadem fuit Hebræo-  
rum, Græcorum, & Arabum Lepra,  
quamvis Mercurialis *lib. de Morbis*  
*Cutan. 2. cap. 5.* contendat Lepram  
Græcorum, seu Elephantiasim, esse  
Albaram nigram ab Avicenna de-  
scriptam *lib. 4. f. 3. tr. 3. cap. 1.* Eam  
namque differentiam statuit Marcel-  
lus Donatus *lib. 1. de hist. med. mir. c. 4.*  
inter Lepram Arabum, & Elephan-  
tiasim Græcorum, quòd illa tumorem  
pedum, & crurum, cum varicibus  
protuberantibus, & atro colore,  
referret, ex Rhafili *lib. 9. ad Alman-  
sorem cap. 93.* Elephantiasis verò  
Græcorum universi Corporis sedum  
tumorem adjunctum haberet, adeò  
ut Paulus *lib. 4. cap. 1.* universi Corpo-  
ris Cancrum appellaverit, & Galenus  
*lib. 2. de Morbor. Causis cap. 7.* Ele-  
phantiacis totam formam immutari  
tradiderit. At verò hoc morbi ge-  
nus fusiùs describere visus est Aretæus  
*lib. 2. cap. 13.* Tumores enim, inquit,  
*alii juxta alios exurgunt, non dum*  
*quidem continui, sed crassi, & as-*  
*peri, & interstitium tumorum di-*  
*scissum est, ut Elephantis Corium;*  
*venæ latæ sunt non sanguinis re-*  
*dundantia, sed cutis crassitudine:*  
*pili in omni Corpore præmoriuntur,*  
*in mento rari sunt, rara quoque in*  
*Capite casaries, quod verò majus*  
*est, intempestivi, cani, & calvitium*  
*affatim, subitque ingruunt, non*  
*multo post autem pubes, & mentum*  
*glabrescunt; quòd si qui pauci pili*  
*remaneant, hi magis dedecent,*  
*quàm qui defluerunt, capitis cutis*  
*altiùs rescissa est, rimæ autem fre-*  
*quentes, profundæ, asperæ; tumo-*  
*Tozzi Op. Med. Tom. III.*

*res in facie duri, acuti, nonnunquã*  
*fastigio albido, basi viridiore, pul-*  
*sus pusilli. graves, tardi; vix tem-*  
*porum distentæ sunt, & sub lingua*  
*dentes nigricant, aures rubent, ad-*  
*mixta nigræ, ulcera fetida fiunt,*  
*& alia super alia exurgunt, &c.*  
Hæc ille.

V. etiam  
Fuchf. 2.  
paradox.  
c. 16.

Rarissimum nostris temporibus  
hunc morbum, immò & Antiquio-  
ribus ignotum penè in Italia scribit  
Celsus *lib. 3. cap. 25.* peculiarem verò  
Ægypto, & Alexandria testatur Plin.  
*lib. 26. cap. 1.* & Gal. *2. de Arte curat.*  
*ad Glauc. cap. 10.* At nunc in Belgio,  
& Gallia frequentem esse referunt  
Amatus Lusit. *Cent. 2. cur. 34.* & Val-  
leriola *lib. 6. enarr. 5.* Contigit tran-  
sactis annis videre hic Neapoli Mo-  
nachum quemdam Elephantiacum,  
qui licet cum aliis familiariter versa-  
retur, nunquam tamen illos infecit;  
unde veritati consonat, quod ex Ale-  
xandro Tralliano *lib. 2. probl. Med. 42.*  
habet Mercurialis, minùs contagio-  
sam esse Lepram in nostra Italia:  
quod pariter innuere visus est Ari-  
stoteles *Secl. ult. probl. 7:*

Hinc modò deducere licet Lepram  
inter morbos vernos ab Hippocrate  
recensitam, non eam, quæ contagio  
inficit, putaturque incurabilis, sed,  
quæ in fine 2. *prorrhet.* mitior, fa-  
ciliorisque dicitur curationis, esse  
intelligendam, veluti quæ à repurga-  
mento sanguinis oriatur, sitque ad  
scabiei dirioris speciem referenda.  
Sub nomine autem Lepræ hic ab  
Hippocrate indigitatur, ob quam-  
dam solummodò analogiam, quia  
veluti Scabies cutaneus morbus est;  
quamquam Lepra etiam reliquarum  
partiù, & humorù vitiù consequatur.

Impetigines, & Vitilignes morbi  
quoque cutanei sunt, solumque dif-  
ferre ponuntur, quòd non æque cu-  
tim fœdent, aut profundè inficiant.

Alphos,  
& Leucc.



Cæterum in utrisque pili, & capilli radicitus eroduntur, ac defluunt, immò Cutis ipsa quandoque ad album, alipando etiam ad nigrum, aut aliter coloratur. Contagione carent, nec aliud incommodum pariunt, quam turpitudinis. Et licet Veterum plerique scripserint graves esse ægitudines, & Paulus, Aetius, ac Serapion morbos fecerint incurabiles, hi tamen nunquam lethales appellarunt, sed solum difficillime Curationis; unde Celsus fœdas quidem illas nuncupavit, minimè verò periculosas. Fient autem solum deteriores, cum in ulcera desinunt, & præter Cutis læsionem, interiùs pervadunt, & viscera inficiunt. Nec tamen aliter contingunt Vere, quam aliæ ægitudines cutim afficientes, à repurgati scilicet sanguinis in Cutim transpositione.

Nec alia de causa prodeunt Verno tempore pustulæ ulcerosæ, videlicet cum inquinamenta sanguinis in Cutim delata, ibidem hærent, falsam, acrem, acidamve conditionem præferentia; unde simul Cutim fœdant, & ulcerent. Quamobrem diversitas harum omnium cutanearum affectionum tota erit à diversa Cutis, & vitii sanguinis conditione; ut propterea acidus, austerus, crassusq; humor in densiori cute Lepras; Impetigines verò, & Vitilignes, tenuis, & acer; falsus denique, & erodens, in Cute rariori, pustulas ulcerosas exciter.

Verisimile autem admodum est hæc sanguinis superfluitates, priusquam ad Cutim tamquam ad universale Corporis emunctorium deferantur, & simul cum sanguine in venis, & arteriis, continentur, non tantæ esse pravitatis; nam si fortasse ejusmodi vitium interiùs referrent, fieri non posset, quin viscera infice-

rent, & febres, inflammationes, cæterasque graviores ægitudines excitarent; unde credere est hujusmodi gravitatem contrahere, cum ad habitum Corporis eruperint, ambientis Aeris potissimum alteratione, atque succorum in glandulis subcutaneis missione: tunc enim hærentes alienam induunt naturam, coagulationi, & corruptioni subiiciuntur, atque à perspirantibus halitibus exagitata, extraneas, inconvenientesq; fermentationes subeunt, degenerantque in fermenta unde quaque vitæ dissidentanea, & molesta; quò fit, ut ardorem, dolorem, & pruritus afferant, præsertim à pastu, & ex motu, vel cum aeri calido Corpus exponitur.

Tubercula denique, & Articulorum dolores, fiunt pariter Verno tempore, abscedentibus ad cutim, & artus, iisdem excrementosis humoribus à sanguine, qui si serosi fuerint, magisque fluxiles, dolores; si verò crassi, & consistentes, tumores afferent.

Ne autem hæc damna malè affectis istiusmodi Corporibus ingruant, præstabit statim ineunte Vere, sanguinem ab ejusmodi inquinamentis repurgare, iis præsertim medicamentorum generibus, quæ diaphoresim blandè movere apta sunt, sed & per reliqua Corporis emissaria crassiores succos promovere: in quam rem potissimum conferre consueverunt, quæ ex Viperarum carnibus conficiuntur; itemque ex C.C. Antimonio diaphoretico, ejusque cerussa, Chalybe, cæterisque, præter ea, quæ, per alvum, & vias urinæ educendo, opportuniora videbuntur. Quòd si jam mala ista accesserint, proderit speciatim ad Insanias, Melancholias, cæterasque melancholicas affectiones Veratri usus: Ad profluvia sanguinis



Vitriolum, spiritu, & oleo orbatum, atque externè ad calcis formam redactum : Ad Impetigines, & Vitilignes præter diaphoretica, quidquid ex sulphure præparatur; Ad Lepram, & Elephantiasim, omnisque generis pustulas, Vinum Viperinum, ac mixtura Alexipharmaca ex Carnibus, Corde, & Hepate earundem Viperarum concinnata, extrinsecus verò aqua Calcis, & Cerussæ stibii, descriptione Angeli Salæ. Alia plura ad idem facientia peti poterunt ex nostra Praxi jam pridem in lucem edita.

## APHORISMUS XXI.

*Æstate autem nonnulli horum, & febres continuæ, & ardentes, & tertianæ febres, & quartanæ, & vomitus, & alvi profluvia, & lippitudines oculorum, & aurium dolores, & oris ulcerationes, genitalium putredines, & sudores.*

**P**rogreditur Hippocrates æstivas ægritudines enarrare, illasque ait partim Veri convenire, partim proprias, & peculiare Æstatis esse; quare initio hujus inquit: *Æstate autem nonnulli horum*. Quinam autem isti morbi sint, non explicat. Verisimile tamen videtur eos esse, qui majorem retinent analogiam cum æstu illius tempestatis, atque ab humoribus pendere possunt tenuioribus, & acribus, ut sunt profluvia sanguinis, impetigines, pustulæ, ulcera, angine. Sanguis etenim, vel tenuior redditus, vel acrior, facile per Æstatem venas aperire, cutim ulcerare, & musculos gutturis, ac faucium inflammare potest.

Præter hos, fieri etiam Æstate ait febres continuas, & ardentes, & tertianas, non quòd reliquæ adhuc

febres in Æstate fieri nequeant, sed quòd hepotissimum, à vehementi æstu illius Tempestatis. At unde tres hic relatæ febrium species inter sese differant, disquirere supervacaneum non erit, cum distinctis nedum nominibus, sed & proprietatibus, atque effectibus, illas experiamur.

Galenici febres Ardentes, & Tertianas, tum continuas, tum intermittentes, loco solùm differre ajunt, materia verò omninò convenire: quippe bilem, quam in venis collocant, & naturalem appellant, communem harum omnium febrium materiam, cum putruerit, constituunt; verùm si in Venis majoribus, & circa præcordia, Ardentem; si in venis minoribus, aut earundem apicibus, Tertianam continuam; si demum extra venas diffusa in habitu Corporis putredinem contraxerit, Tertianam intermittentem pariat.

Verùm hæc Recentioribus non probantur, qui plurimis rationibus, atque experimentis, evictam, falsamque demonstrarunt hanc de quaternario humorum intra venas numero doctrinam: & si qui unquam in venis, venarumque apicibus putresceret, vicissim per arterias circumiret, & universum sanguinem inficeret; immò adhuc è Venis minoribus in majores immitti oporteret, ut Cor præter naturam alteraret; Sed & neque bilis ista intra venas putrescens posset unquam ad habitum Corporis, aliove extramitti sine vasorum disruptione, atque ingenti sanguinis effusione. Quæ præterea de fuliginibus putridis, effumantibus ad Cor, ipsi commentantur, vana omninò sunt; nam si putridæ essent, excurrento per venas, sanguinem, reliquosque humores inevitabiliter inficerent, perennicum iisdem societate; quin improbabile prorsus est, unum humorem in-



tra venas putrescere, cæteris una simul commistis non æquè in putredinem adactis, præsertim cùm pituita, vel melancholia in Quotidianis, & Quartanis febribus putruerint, immunibus intereà à putredine bile, & sanguine, ad illam contrahendam aptioribus. At de hac re fusiùs egimus in tractatu de Febribus, ubi ad fermenta, fermentationemque variam in sanguine inductam omnia retulimus. Illud autem nunc hisce tribus febrium speciebus hoc loco ab Hippocrate memoratis commune videtur, quòd acritudinem in sanguine inductam consequantur, per quam facillimè is ad fermentescendum disponitur, unde postmodùm ardores, inquietudines, sitis, vigiliæ, insomnia perturbata, deliria, vomitus, cardialgiæ, diarrhœæ, aliæque id genus oriuntur.

Atque hinc est cur Æstate potissimum eveniant, cùm scilicet Aeris æstu attenuantur humores, sanguinis motus celerior fit, aquei liquores per sudorem uberrimè egeruntur, adeòque in cunctis humoribus facilis commotio, ac fermentatio concitatur, cum acritate, ac sulphurea quadam inflammabilitate, quam sæpissimè istiusmodi febres tertianæ, & ardentes comitantur, stipatæ symptomatis id ipsum omninò attestantibus.

At mirum fortassè videbitur, cur Hippocrates inter morbos æstivos Quartanas febres referat, quas idem sequenti Aphorismo cum Autumnalibus junxit. Et quidem plerique Interpretes expungendas esse arbitrantur, quod neque in antiquis exemplaribus, nec apud Theodorum Gazam fidissimum, diligentissimumque Expositorem, nec etiam apud Galenum in hoc Aphorismo memorentur. Sed & neque Celsus hanc eandem sententiam interpretatus

Quartanarum meminit. Quamobrem non immeritò perperam adjectas hoc loco illas existimant. Verùm cùm idem Auctor 2. *Aph.* 25. æstivas Quartanas scripserit magna ex parte breves esse, atque experimentis innumeris compertum habeamus plures per idem tempus vagari, procul dubio nil verabit, quin etiam cum æstivis ægritudinibus illas connumereamus. Fortè autem difficilè visum est Commentatoribus ad æstivos morbos quartanas febres referre, quoniam creditum ipsis est hætenus, à solo humore melancholico, qui æstate vigere non putatur, illas exoriri. At cùm febres istæ non ab humoribus, sed à periodis, quas servant, sint desumptæ, planè poterunt omnes ab omnibus, & singulis humoribus depravatis, ad certum tamen tempus cumulatis, ac fermentescentibus, progigni, ut aliàs à Nobis est demonstratum; sed enim, Hippocratis ætate, maximus error erat velle à succis febres periodicas determinare, cùm tum in confesso cunctis esset ab uno, eodemque humore, quascumque febres proficisci; unde ab eodem Hippocrate proditum est, omnes febres à bile fieri, diversimodè tamen affecta.

Vomitus Æstate faciles esse solent, tum quia Ventriculus eo tempore gravari solet excrementis ex mala ciborum digestionem cumulatis, ab fermentorum dissolventium hebetudine, tum quia malè confectus, degeneratusque chylus, in acres, fastidientesque humores versus, infensa quadam oleositate Ventriculum nausea, & subversione afficit, atque ad vomendum laceffit, cujus indicio est oris amarities, sitis, ciborum fastidium, & quædam stomachi laxitas, ac molesta perturbatio; unde prompta, & facilis vomitio. Quòd si fortassè succi isti vel sponte sua defluant,

vel



vel adigente Ventriculo per fibras in Pylorum, & Intestina protrudantur, eversis una simul humoribus è ductu Pancreatico, & Cholidico eodem confluentibus, alvi profluvia contingunt, quæ hîc græco nomine diarrhœa specialius appellantur; idque potissimum, cum alimenta labiliora fuerint, veluti fructus horarii dicti, qui fermenta ipsa pervertant magis, ac diluant, atque intestina laxent, indeque facillimè secessus moveant. Sed tamen æstivo tempore biliosa superfluitates è sanguine copiosiores cumulantur, atque in Cystim, & cholidochum deducuntur, itemque liquor Pancreaticus acrior, & tenuior esse solet, qui & potentius exsolvit, & vehementiorem cum felleo humore fermentationem excitat, & acrius quoque intestina ad motum peristalticum proritat; undè nedùm diarrhœa, sed etiam dysenteria, atque cholera, aliæque similes egestiones inferri possunt.

De Oculorum lippitudinibus res est evidens, quod sæpius in Æstate vagentur, à nimio Aeris æstu, à pulvere, à lumine tunc confertiori. Num autem humidæ, vel siccæ hîc intelligantur, nonnulli ambigunt. Et quamvis de utrisque sermo videatur habitus, cum ab æstu siccæ, atque à defluente in oculos liquato per calorem feroso humore humidæ dici possint, quia tamen Hippocrates alibi siccas expressit, hîc reticuit, videtur humidas voluisse notare, nam cum illas maluerit intelligere, siccas semper lippitudines in Aphorismis adjecit. Sed tamen opinari licebit, tum humidas, tum siccas hoc loco consideratas, utpote indefinitè sumptas: humidas quidem in obesioribus, & succiplenis; siccas verò in picrocholis, & gracilibus.

At major difficultas est de Aurium doloribus: siquidem hipotius Hyemis, quàm Æstatis ægritudines videntur, quemadmodum idem Hippocrates antea retulit: quippè huiusmodi dolores à delabentibus è Capite in aures excrementosis humoribus progigni solent, qui cum Hyeme potissimum superabundent, & Caput oppleant, non videntur propterea æstivo etiam tempore prevalere, in aures deferri, & dolores incutere: quod si non minùs Hyeme, quàm Æstate vigeant, & ejusmodi mala pariant, profectò nullum tempus ab hac aurium molestia immune erit, cum cæteroqui æstivum tempus vim habeat quascumque ferosas superfluitates, saltem per sudorem, absumendi. Verùm Aurium dolores cum varii esse possint à varietate delabentium humorum, poterunt quoque aliis anni temporibus inferri. Hyeme namque, & in Constitutionibus austrinis à lympha Caput gravante, aures dolebunt, dolore tamen obtusiori, unde etiam subsurditates fieri antea notatum est; At verò Æstate, dolores pungentes, & acerbiores accident, ab humoribus tenuioribus, & acrioribus illati: modò hos aures petere manifeste docuit Hippocrates 4. Aphor. 28. inquit: *Quibus biliosa sunt dejectiones, hæ superveniente surditate cessant, & quibus surditas adest, supervenientibus biliosis dejectionibus, cessat.* Et tex. 60. ejusdem libri: *Quibus in Febris aures obsurduerunt, sanguis ex naribus fluens, aut alvus turbata, solvit morbum.*

Oris exulcerationes fieri etiam possunt Æstate, vel ab illabente ferotunc temporis acriori, vel à consimili salivarii roris vitio, vel ab halitibus è Ventriculo malè affecto elevatis, vel



veleti am à moleſtis acrium, & erodentium ſuccorum vomitionibus, quibus non rarò & os, & fauces, & guttur, & dentes graviter offenduntur.

Genitalium putredines hic memoratæ, exponuntur à quibuſdam purdendorum ulcerationes, ut pubis ſimul, & fedis, adjacentiumque partium vitia denotentur. Illæ autem non ſolùm fieri poſſunt propter decubitum humorum acrium ad eas partes, ſed etiam ob ſudores, furfures, egeſtionesque alias per cutim æſtivo tempore frequentiores, quæ niſi convenienter abſtergantur, & repurgentur, procul dubio puſtulas, & putrefactiones afferent, humida præſertim, & auſtrina conſtitutione; cùmque huiusmodi mala pudendis accidant ab iterato ſudore, proinde addit Hippocrates in textu *Sudores*: Et quidem hi, peculiareſ ſunt ejus tempeſtatis evacuationes, à tenuitate ſimul humorum, & à majori pororum Cutis laxitate. Neque verò ſimplices ſudores intelligit, ſed puſtulas quaſdam, quæ per id tempus à mordacibus ſudoribus in cute erumpere ſolent. Græce enim ſcribitur *ἰδρωα*, latinè ſudamina, quæ puſtulæ ſunt tenues, & rubræ per totum corpus diſperſæ, aquea materia ſudoris emula repletæ, & non rarò ardorem ingentem, ac pruritus moleſtum afferunt. Oriuntur à lymphæ, vel à ſanguinis ſero acriori, falſi ſlagine muriatica præditi, ambientis Aeris æſtu attenuato, atque ad habitum Corporis tranſmiſſo.

Cæterum, quæ aliàs ad fugandas febres à nobis ſunt recensita, hic in uſum revocari poterunt, ut ipsis per Æſtatem imminentibus occurramus: præprimis autem repurgato ſanguine, correctisque fermentis viſcerum, unde ejuſmodi labem exoriri ſuſpicio

eſt. Nec diſſimiliter in cæteris ægritudinibus hoc Aphoriſmo memoratis operandum, cùm omnes ab eodem fonte proficiſcantur. Cùmque hæc ex alibi dictis notiſſima ſint, non eſt ut longiùs in iis enarrandis immoremur.

## APHORISMUS XXII.

*Autumno verò plurimi æſtivi morbi ſunt, & febres Quartanæ, & Erraticæ, & Lienes, Aquæ intercutem, & Tabes, & ſtillicidia Urinæ, & difficultates Intestinorum, & levitates Intestinarum, & Coxendicum dolores, & Anginæ, & Aſthmata, Volvuli, Morbi comitiales, Furores, Melancholia.*

**S**icuti in Æſtate dixerat, nonnullos Vernos morbos eo tempore contingere; ita nunc plurimos æſtivos adhuc Autumno fieri aſſerit. Et quidem credibile eſt, eos Autumno etiam evenire, potiffimum inter illius initia, qui propter communem utriuſque tempeſtatis, deſinentis ſcilicet, & incipientis, habitudinem, maximam cognationem habent, & eorundem ſuccorum vitia, conſequentur, veluti ſunt Tertianæ febres, tum continuæ, tum intermittentes. Sed præterea recenset ſpeciatiim Autumno vagari Quartanas febres, & Erraticas, & Lienes, nimirum tumefactos, & obſtructos, Aquas intercutem, græcè Hydropes, Tabes, Urinæ ſtillicidia, lævitates, & difficultates Intestinorum, aliasque.

De Quartanis febribus nulli dubium eſt, quòd inter autumnales ægritudines ſint recensendæ, cùm ab acidis, tartareis, ſeu melancholicis ſuccis progigni perhibeantur, qui Autumno vigere ſolent. Erraticæ etiam



etiam febres ejusdem tempestatis peculiare dici debent, tum quia Autumnus ob sui inæqualitatem heterogeneorum succorum causa est, qui variè, differenterque corpora inficiunt; tum etiam quia humores ex præcedenti Aestate ad Cutim commoti, atque sudoribus exsoluti, Autumno detinentur, ac sparsim per membra Corporis diffusi, inæqualiter illorum fermenta, & sanguinem ipsum alterant, ideòque Erraticas pariunt ægri tudines. Dicuntur autem febres Erraticæ, quæ certam periodum, & eundem invasionis modum non servant, sed modò diebus singulis, sed diversis horis, modò alternis, & interruptis adoriuntur, & ægros affligunt, aliquandò noctu ingravescent, interdium quandoque, nonnunquam cum rigore, aut horrore, aliquandò sine illo, modò his, modò aliis symptomatis stipatæ, de quibus scripsit Hippocrates *libr. de rat. vict. in acutis: Inconstantes, & erraticos morbos curare non expedit, priusquam constiterint*: id est, certa lege, & periodo invadere cæperint.

His plerique adjungendas esse contendunt febres illas, quæ Quintanæ, Sextanæ, & Septimanæ vocantur ab eodem Hippocrate i. *Epidem.* moti autoritate Galeni negantis ibidem Quintanas, Sextanas, & Septimanas febres, easque ex accidenti tantum haberi posse, putà cum quis ex periodica febre convalescens ob errorem in victus genere commissum, febrem Ephemeram incurrat, quæ ab ultima accessione febris periodicæ distet intervallo quinque, sex, aut septem dierum, unde possit quintana, sextana, aut septimana appellari. At verò isti longè, lateque falluntur: Etenim Hippocrates non febres ibidem ex accidenti, & irre-

gulariter inductas describit, sed periodicas, & ordinatas, illasque veluti sæpius observatas memorat; Erraticas verò febres haudquaquam convenire posse cum quintanis, sextanis, aut septimanis, inter periodicas ab eodem Hippocrate relatis, evincitur clarissimè ex Celso, qui erraticas, incertas vertit, quæ scilicet nullum statum tempus, nec ullum accessionum, & remissionum ordinem servant, quemadmodum habent periodicæ. Error autem istorum inde ortum habuit, quia putarunt cum Galeno à diversis specie humoribus periodicas febres distinguere, putà Tertianas à bile, Quartanas à melancholia, & Quotidianas à pituita, cum tamen potius à reditu, & circuitu, quem referunt, tales appellandæ sint.

Lienis tumores à restagnante ibidem sanguine acidiori, ac melancholico fieri, apud omnes in confesso est; unde lienosi colore livescunt, ventre tument, sinistro præsertim hypochondrio, reliquo Corpore macrescunt, & in cunctis operationibus hebetes evadunt; Hinc notavit idem Hippocrates *lib. de loc. in hom.* eo vivaciores, salubrioresque fieri homines, quo lien magis detumuerit, & mole fuerit imminutus; at contrà valetudinarios esse, quibus increbruerit; quamobrem Alcibiades illum comparavit Fisco, qui alienis opibus ditescit, inquit, *libr. 2. Embl. 97.*

*Splene aucto, reliqui tabescunt  
Corporis artus:*

*Fisco aucto, arguitur civica pauperies.*

Sed unde id accidar, difficile est determinare. Qui illum cum Jecore sanguinis officinam credidere, plus justo per ramum splenicum chylum Hepati subtractum ad se trahere arbitran-

V. histor.  
Cleana-  
tidis i.  
epidem.



bitantur. Thomas Bartholinus, acidum sanguinem fermentantem reliquo Corpori detrahare putat, indeque maciem universalem exoriri. At existimaverim Ego vicissim sanguinem, & lienem infici crassitie, & acore, eoque veluti inutili corpus non ali, sed potius coinquinari, ac macrescere; hunc verò obstrui, & tumesceri.

Et in  
Epist.

Eximi capit nunc ultimò Lien è Canibus in Anglia, & Bartholinus in *Anatome Renov.* refert se ejusmodi extractionem felici cum successu vidisse institutam coram Friderico III. Rege Danorum, animalibus exindè superstitibus sanis, & agilibus. Lienes etiam è Canibus exemptos vita superstitè testatur Barbette *prax. lib. 3. cap. 10.* In Vetula etiam splenis scirrhus laborante tentatam fatetur Leonardus Fioravante, quæ supervixit, atque aliam memorat Clerkius in Rustico quodam apud Bonetum *Med. sept. tom. 1. lib. 3. §. 20. cap. 12.* Fabulosam nihilominus illam putat idem Bartholinus in hominibus, quippe qui subindè vasa plurima frangi necesse dicat, non sine vitæ periculo: additque inveciam esse hanc fabulam à Plinio, & antiqua Eresistrati opinione, qui lienem frustra animantibus à Natura inditum affirmabat, cum quæ urinaria Vesica carent, liene quoque sint orbata. At non video qua ratione id ipsum peragi non possit in hominibus, quod in cæteris animalibus actum ipsemet Bartholinus, alique fatentur, nisi solùm ex imminente vitæ periculo ab infelici ejus operationis eventum: non etenim tam temerè licet humanum corium æquè, ac belluinum negotiari.

V. Gal. 2.  
progn.  
comm. 1.

A tumoribus, & obstructionibus Splenis sæpe Hydrops oritur, latine Aqua intercus, cum exinde aqua in-

ter cutem collecta tumorem efficiat, non rarò etiam universalem, qui si digitis comprimatur, foveam relinquit. Veteres existimarunt aquam hanc in Hydropicis colligi, aut vitio Hepatis in aquosum humorem chylum commutantis, aut ex abundantiori melancholico Lienis humore, qui ab Hippocrate sub nomine aquæ fuit pluries indigitatus. Sed nuperis observationibus jam innotuit à lymphæ, è suis vasis relaxatis, aut diruptis, exiliente provenire, quæ si in toto Corpore colligatur Anasarcam, si in imo Ventre Ascitem, si in solo Capite Hydrocephalon, si in scroto Hydrocelem, atque alibi, alias hydropises particulares pariat; Cumque vasa ista plurima per Jecur, & Lienem diffundantur, propterea fit, ut ex illorum affectionibus sæpe sæpius Hydropes oriantur.

Quòd Tabes in Autumno plerumque contingant, superius quoque notatum est; immò quòd eo tempore tabidi malè se habeant, & periclitentur, docuit hoc eodem libro Hippocrates. Videtur autem macies tunc fieri sensibilior, quoniam ob temporis inæqualitatem sanguis per Pulmonem trajectus diversimodè afficitur, & iteratis Aeris vicissitudinibus perpetim alteratur, atque à blanda sua indole, partibus nutriendis amica, non parùm declinat. Sed & humani Corporis habitudo, non minùs, ac cæterorum viventium, ea anni tempestate, non leviter permutatur; tunc quippe quemadmodum Arbores, & Plantæ universæ defrondent, ac veluti succo nutritio privata, contabescunt; ita promodulo suo humana Corpora nutritionibus deficiunt, eaque potissimum, quæ gracilia sunt, & sanguinem sunt nata morbosiore, vel saltem minùs defæcatum; Atqui longe gravius



viùs degunt, qui tabidi sunt à Pulmonis vitio, ut antea fusiùs ostensum est *Aphor. 10.*

Stillicidia Urinæ, græcè stranguariæ, frequenter Autumno inchoant, & frequentiùs quoque exasperantur. Cùm enim hæ ab humorum in illos ductus confluentium acritate, aut ab ulcere ibidem contracto, aut etiam ab angustia, tuberculis, calculis, arenulis, glutinosisque succis inducta, procedant, sane per Autumnum tempus, quo hæc omnia incrementum solent, vel incipiunt, vel augescunt.

Referuntur insuper inter ægritudines Autumnales difficultates, & lævitates Intestinorum, quæ licet oppositis de causis evenire videantur, ut propterea à Celso *lib. 2. cap. 1.* ac Theodoro Gaza, sint in expositione hujus Aphorismi prætermissæ Dysenterici, non tamen eas simul inferri credendum est, sed prout illæ diversis in Corporibus prævaluerint. Et quidem si in alvum superfluitates humorales per æstatem cumulatae, atque mox Autumnali tempore compressæ, ac depravatae, deponantur, orientur Dysenterici; si verò delaxentur viæ intestinorum, ac succi dissolventes diluantur, contingant Lienterici. Congestæ cruditates ab immodico usu fructuum, ab intempestivis potationibus gelidarum aquarum, idque genus aliis, id ipsum parere possunt, modò invertant, depravent, corrumpant, tum fermenta Stomachi, tum Intestinorum liquores, alimentorum dissolutioni, ac secretiori inservientes. Sed & difficiles, ac dolentes egestionem non rarò insequuntur sæcum duritiem, atque viscosos, hærentesque succos vellicante acore molestos, ut in Tenesmo, qui Autumnali præsertim tempore ab iisdem supra me-

moratis Causis fieri consuevit.

Coxendicum dolores, græcè Ischiades, inferri dicuntur à luxatione ejus articuli, quo Ischium cum Ilio jungitur: luxationem autem hanc efficiunt crassi, glutinosique humores, qui in cavum juncturæ horum ossium inferuntur, & Ischium præsertim, seu Coxam in sensu, motuque divexant, & membranas circumvestientes nervulis fere innumeris refertas acerbissimo dolore excruciant. Solet etiam non rarò insequi vitium depluentis succi in medullarem Ischii substantiam, qui membranulam circumambientem vellicet, & compungat. Non semel quoque observatum est, dolorem hunc oriri ab affecto perioestio, quo deinde fiderato sit, ut coxa universa sensim Paralytim, & totius cruris Tabem incurrat.

De Anginis nil est aliud, quod hic repetamus, cùm de iis alibi à nobis actum sit. Solum adnotare juvabit, progigni illas Autumno partim ab ambiente Aere inæqualiter affecto, & gutturis, ac faucium musculos exasperante, partim etiam à detentis halitibus, qui ad organa vocis potissimum delati inflammationem, & tum deglutitionis, tum respirationis difficultatem pariant.

Si verò decumbant humores in Pulmonem, ac ductus Aeris impediant, graventque sua corpulentia spongiosam, raramque ejus visceris substantiam, Asthma exoritur, seu creber anhelitus, gravior tamen, vel levior, pro majori, vel minori ejusdem infarctu. Videtur autem hoc loco Hippocrates eam solummodò speciem designare voluisse, quæ difficilem quidem efficit spirationem, sed absque multo conatu, & ronchis, ut accidit in Orthopnæa; quæ mobrem non immeritò usus est nomine



mine Asthmatis, quamvis Cardanus anhelationes exponat.

Volvuli græcè Ilei, ab Intestino Ileo, & Volvulo, quod speciatim in his affici putatur, morbi sunt, in quibus nil per alvum egeri potest, sed fæces sursum, inverso motu peristaltico, delatæ, per os excernuntur. Quamquam Hippocrates in Epidemiis memoret fœminam quamdam volvulosam modicos quosdam secessus habuisse, eorum forte humorum, qui postrema intestina occupaverant. Frequentiores causæ hujus affectionis esse consueverunt inflammatio Ilei intestini, aut circumscripti Mesenterii; duriora plus justo excrementa, glutinosisque succis referta; atque ejusdem Intestini convolutio, vel delapsus. Modò, quæ ex his Autumno sæpius accidat, videtur à fæcibus constipatis, compactisque succis oriri; unde etiam delabi, & contorqueri queat Intestinum.

Comitiales Morbi per idem tempus fieri dicuntur à Galeno propter Aeris inæqualitatem, quæ maxime apta esse solet tum ad debilitandum Caput, tum ad heterogeneos humores inducendos, præsertim melancholicos, & acidos; unde illi plerumque excitantur. Hinc Hippocrates in Epidemiis inquit: *Melancholici fiunt Epileptici, & Epileptici Melancholici: Et qui morbo sacro corripuntur quartana superveniente liberantur*, translato scilicet vitioso humore è Cerebro in partes Corporis inferiores, atque per febrem sensim absumpto.

Eodem modò dici possunt progeneri Furores, & Melancholiæ, quæ ægritudines sunt valde Melancholicis familiares, in quibus acidum adeò prævalet, ut sæpenuerò ad timorem, & mœstitiâ cuncta conspirent.

Ne autem mala ista ingruant, oportebit statim ac opportunum tempus incipientis Autumni tulerit, Corpora his obnoxia ejuscemodi superfluitatibus repurgare, atque salubriori, temperatiorique victu alere. Quocirca ex Hippocrate Galenus *Comm. 47. 6. Aphor.* commendat in iis, qui ægri futuri sunt, convenientem purgationem malè affectorum humorum, ut subindè prævertatur illorum malitia, atque imminens, aut futurus Morbus prohibeatur; Neque solum purgatione satis erit superabundantes, vitiososque succos educere, sed & ultra opus erit relictum fortassè in sanguine, aut viscerum fermentis vitium emendare, usu præsertim medicamentorum acido, Autumno vaganti, occurrentium, qualia sunt, quæ ex chalybe conficiuntur. Postquam autem Morbi advenerint, oppugnato iis, quæ in nostra Praxi sigillatim sunt recensita.

#### APHORISMUS XXIII.

*Hyeme verò Morbi laterales, & Pulmonis inflammationes, Gravedines, & Raucedines, Tusses, dolores pectoris, laterum, lumborum, & Capitis Vertigines, & Apoplexiæ.*

**N**Umin hoc etiam Aphorismo inter morbos hyemales referendi sint nonnulli ex Autumnalibus, quemadmodum in cæteris Anni tempestatibus antea notavit Hippocrates, valdè dubitat in *Comm. Gal.* Sed parum refert, *sive ex communi voluerit*, ut ipsemet subdit, *hoc quoque in loco Nos subaudire dictorum aliquid; sive simpliciter pronunciare, tanquam nihil autumnale tempus cum hyemali communicet.*

Ve-



Verum enim verò voluit solum hinc ægri- tudes hybernas referre, quæ frequentiores, urgentioresque esse solent, omiſſis aliis, quæ communes forent, & tacite ſubintelligi viderentur.

Primò autem Pleuritides, ſeu Morbos laterales recenſet; mox addit dolores pectoris, & laterum, ne quis putet, eundem morbum ſub diverſis vocibus inutiliter repetitum ſignificare. Et quidem morbos laterales hinc intelligi proprie pleuritides, græcus Codex manifeſtè declarat; laterum verò, & pectoris dolores ſolummodò ad mufculos, & partes externas Thoracis pertinere putandum eſt, cum non rarò doleant ſolum Coſtæ, & partes exteriores pectoris citrà inflammationem, à ſolo confluxu ſeroſioris lymphæ in glandulas ejuſdem ſubtercutaneas, vel etiam ab impedita perſpiratione. Addidit inſuper Pectoris, & laterum, deſumpta nimirum differentia nominis à loco potiùs, quàm à natura ægri- tudinis, quoniam aliquandò dolent partes Thoracis anteriores, quas pectus appellamus; quandoque verò latera, & partes ejuſdem poſteriores, ſcapulæ, dorſum.

At unde Morbi laterales, qui inflammationem præſeferunt, hyberno tempore algido contingant? Profectò eos progigni fatendum ab impeditis, detentis que halitibus, qui cum pectoris internas partes ab inſpirato frigido aere non leviter affectas, potiſſimum invadant, propterea Pleuritides, & Peripneumoniæ ſuboriantur. Accedit, quòd hyemali tempore ſanguis conſistentior fit, atque glutinoſis, acidiſque ſuc- cis inficitur, qui exiles, anguſtaſque pleuræ arteriolas pervadere neque- untes, facile in his hærent, & in- flammationem inducunt. Eadem

ratione Pulmonis Inflammationes per idem tempus accidunt, atque eo magis, quo Aer impurus, & nitratis vaporibus refertus ejuſmo- di conſistentiam in ſanguine adju- verit, tranſitu per pulmonis vaſa habito, ubi Aer cum illo commiſce- tur, obſervatione Lovverii.

Gravedines, & Raucitates Hyeme potiſſimum vagari notiſſimum eſt, tum à ſeroſis humoribus tunc vigentibus, tum ab humidis, & auſtrinis Aeris alterationibus, Cerebrum, cunctaſque glandulas gra- vantibus, ut alibi etiam notavimus. Cum verò non ſolum Caput aſperæ Arteriæ, ſed etiam bronchia, & Pulmo ipſe immodicè irrigantur, quinimò (ut ſæpe evenit) quo- dammodò obſtruuntur, Tuſſes quo- que fiunt, & Anhelationes, aliæque pejores Pectoris, & Pulmonis ægri- tudines.

Quòd ſi humores iſti, vaporesque internam pectoris partem non occu- pent, ſed potiùs externam, quæ Co- ſtis adjacet, dolores afferent laterum, & lumborum, læſis nimirum muſcu- lis ibidem diſpoſitis; cumque partes iſtæ mutuò communicent inter ſeſe, propterea fit, ut non rarò ſimul unà compatiantur, quare ægròtantes ipſi indifcriminatim de dolore dorſi, ſcapularum, laterum, & lumborum conqueruntur, & viciffim unum pro altero accuſant.

Non diſſimili modò Capitis dolo- res fiunt, cum humores, vaporesque meninges Cerebri, aut pericranium afficiunt. Multoties autem Catar- rhos prænunciant: quippe ii primùm in Capite cumulantur, mox alias partes petunt, & alias, diverſaſque affectiones, pro partium affectarum diverſitate, parturiunt.

Vertigines demùm, & Apoplexias antea quoque retulit Hippocrates eve-



evenire ex constitutionibus Austrinis, & pluviosis, quæ cum potissimum hyemali tempore contingant, non mirum si illæ inter hybernos morbos hoc loco recenseantur. Adjectos quoque legimus in græco Codice Lethargos, quos non dissimiliter oriri per easdem Austrinas Hyemis constitutiones palam unicuique est. Et licet Galenus in *hujus Aphorismi Commentario* illorum non meminert, hanc eandem tamen Hippocratis sententiam referens 8. *de plac. Hipp. & Plat.* cum gravedine, raucitate, & tussi, lethargos etiam connumerat.

Hybernismodò hisce calamitatibus præcipuè occurremus indicta victus ratione, quæ cumulas fortassè humidas superfluitates, atque inductos jam crassos, acidosq; succos diluat, & absumat; itemque exhibitis medicamentis alkali volatili præditis, quæ unà simul valeant Viscera, & præsertim Cerebrum robore, sanguinem vividiorum reddere, crassos succos attenuare, atque per suos ductus, prout res ipsa exigere videbitur, deducere. Hac sanè ratione plures catarrhis obnoxii salubrius Hyeme, quum frequenter ægrotare consueverant, in posterum degerunt, quàm Æstate.

#### APHORISMUS XXIV.

*In Æstatibus autem talia contingunt: Parvis, & nuper natis Puerulis, oris ulcera (quæ Aphthæ vocantur) Vomitus, tusses, vigilie, pavores, umbilici inflammationes, aurium humiditates.*

**A** Morbis Anni temporum, ad eos transit Hippocrates, qui etatibus contingunt, & in iis ordinem,

ac doctrinæ connexionem præ cæteris servat. Distinguit enim illas in septem, ac primam, quæ Infantilis dicitur, ab ortu ad septimum mensem, cum pueruli dentire incipiunt, obnoxiam ait Aphthis, vomitui, tussi, vigiliæ, pavoribus, umbilici inflammationibus, & aurium humiditatibus, non quòd his solum, sed quòd præ cæteris; Quoniam à subita mutatione, quam nuper nati subire coguntur, tum Aeris, tum alimentis, necesse est sanguinem, aliosque liquores, & Viscera universa quandantenus alterari; unde ejusmodi ægritudines prodeant.

Aphthæ illis accidunt, vel à lacte acri, & salso, vel à sero, & lymphæ per ductus salivarios in palatum delabente. Sunt namque Aphthæ oris ulcuscula, quæ palatum, linguam, & fauces non rarò exedunt, si præsertim diutius serpant: albicant, & multoties totum oris cavum occupantes, suctioni impedimento sunt, & nisi citò succurratur, mortem inferunt. Solent etiam subsequi gallicam à parentibus, & nutricibus contagionem, & quandoque etiam ex lue infectorum osculis, amplexibus, halitu, proficisci, cum tenellæ infantium Carnes faciliè quacumque de causa infici possunt. Neque verò solum Pueris, sed etiam adultioribus illas accidisse compertum est, adhuc venenatas, contagiosasque, & Hippocrates 3. *Epidem.* memorat viguisse olim quasdam Aphthas deleterias, & contagiosas à pestilenti constitutione.

A lactis etiam vitio Vomitus sæpissimè Puerulis accidit, vel quia in ventriculo acescit, & coagulatur, vel quia sero abundans fibras laxat, atque adeò ad vomendum lacescit. Potest prætereà è Vermibus vomitus inferri, sicut etiam à Ventriculi languore,



guore, cum non raro qui diu frigido Aeri expositi fuere, vomitionibus corripiantur, quique lac suxerunt à Nutricibus cibos fastidientibus, aut perperam pastis, ob malam esculentorum conditionem.

Ab Aere tusses fiunt: cum enim recens in lucem editi Aerem inspirent inæqualiter affectum, & plerumque frigidum, non mirum si tussi corripiantur, quod si fortasse, præter Aeris alterationem, delabantur etiam serosi humores in Tracheam, & bronchia Pulmonis, non solum Tussis orietur molestior, sed etiam periculosa, à qua facile pueruli suffocari possunt, cum nequeant sufficienter extuffire, & excreare; quamobrem, stagnantibus humoribus in Pulmone, facile opprimuntur, & suffocantur.

Vigiliæ accidunt puerulis, vel causa tussis, vel ob Ventris tormina, quibus plurimum obnoxii sunt, vel propter immodicas egestionem ex corrupto lacte progenitas, quæ illis non levem molestiam afferunt, vel ob easdem retardatas, ac diminutas, unde Intestina distendantur, & dolorem excitent. His accedunt etiam, quæ ab Umbilico recentem exsecto iis accidunt; quippe in eam partem quandoque sanguis irruit, ichores confluunt, & tumefaciendo non raro Exomphalon inducunt. Non tamen vigiliæ istæ diuturnæ admodum erunt, quemadmodum in Adultioribus, & Senibus, sed solum comparatæ ad statum, conditionemque illius ætatis; siquidem puelli proclives sponte natura sunt ad somnum, ut propterea maiorem temporis partem dormiendo consumant. Cum ergo à consueto, naturalique statu recessum faciunt, vigiles dicuntur.

Pavores proprii sunt illius ætatis. Cum enim pueruli insueti sint, com-

*Tozzi Op. Med. Tomo III.*

motiones, strepitus, aliasque perturbationes pati, quacumque proinde de causa percelluntur, contremiscunt, & pavent. Quod si à lacte in Ventriculo, aut Intestinis corrupto, vel coacto, ac ferè in caseum verso, originem trahant, profectò compunctiones præerunt, unde non solum pavores, sed etiam motus spasmodici, atque Epileptici sublequentur, aut sola per fibras nerveas percussione, aut etiam infensa per easdem evaporatione in Cerebrum perlata.

Umbilici Inflammationes Puerulis quoque frequentissimæ sunt, tum ob nuperam umbilicalium vasorum resectionem, ubi sanguis facile stagnat; tum à vagitu, quo partes illæ intumescunt, & inflammantur. Sed & non raro vasa ipsa delaxantur, & sanguinem effundunt, non sine vitæ periculo; quamobrem Obstetrices statim à partu arctè illa vinciunt, & postquam fuerint rescissa pulvere coccineo, aliove astringente inspergunt, ut sanguinem sistant, & inflammationem inhibeant.

Aurium humiditates sæpè etiam Puerulos molestant, Cerebro per eam ætatem laxiori, atque humoribus tum ex Aere, tum ex lacte, scatente. Notavit autem specialiter Hippocrates humiditas Aurium sordes, quia reliquæ per nares, & os, sine dubio ejusmodi sunt; quæ verò ex auribus prodeunt compactiores natura esse solent, & longè cæteris parciores. Neque tamen solum per aures, sed etiam per totum Caput, collum, & faciem serosa excrementa repurgantur, immò aliquando nec satis, ut & colli glandulæ non intumescant, strumarum instar, non sine graviore malo.

Ut igitur ab his infantes præveantur, statim à partu cochleare unum olei amygdalarum dulcium

E

sim-



Lib. 12.  
cap. 1.

simplici expressione elicit, & saccharo rosato commisti sorbeant; mox injurias ambientis Aeris evitent, deinde lac sugant à nutricibus sanis, optimè altis, sobriis, juvenibus, hilaribus, & bonæ constitutionis. Præferendum autem semper foret maternum, veluti magis analogum ei, quod intra Uterum saltem ultimis diebus cessit illis in alimentum; idque nedum ad Corporis salubritatem facere, sed etiam ad mores, ostendere satagit Phavorinus apud Gellium. Inde enim ea præsertim beneficia prodeunt, quæ è Coloastro exsucto oriri palam est, quippe est hoc illis utilissimum medicamentum ad repurgandas universas Ventris sordes, inhibendasque lactis coagulationes; unde tot, ac tanta mala Infantibus contingunt. Sed quis unquam id vulgo, ac ignavis Medicis persuaserit? hi enim primum lac è mammis prodiens adeò nocuum existimant, ut pro veneno habeant. Cæterum omnia alia remedia, aut vana sunt, aut nocua, præsertim si interius adhibeantur; cum tenelli pueruli nil quidpiam aliud sufferant ore assumptum, quàm purum lac; quandoquidem Ventriculi fermentum nulli alii, quàm lacti dissolvendo, tum est aptum, per mollem, laxamque ejus ætatis constitutionem.

#### APHORISMUS XXV.

*In progressu verò, cum iam dentire incipiunt, gingivarum prurigines, febres, convulsiones, alvi profluvia, & maximè cum caninos edunt dentes, & iis præsertim pueris, qui crassissimi sunt, & alvos duras habent.*

**P**lerumque incipiunt dentire Pueri septimo mense; sed tamen &

ante hoc tempus quoque passim experimur, immò & quosdam cum dentibus intra uterum progenitis prodiisse, & vidimus nos, & alii plurimi fatentur; unde dentatos illos dici refert Plinius: Hinc autem non reverà nasci dentes putandum, <sup>lib. 7. c. 19.</sup> quasi verò post aliorum ossium structuram generentur, sed solum per eam ætatem erumpere, & conspicuos fieri, nimirum è maxillarum alveolis, in gingivarum fastigium productos; quamobrem has quodammodò perforari, ac lacerari contingit; unde tantus dolor, cum pruritu, febribus, aliisque symptomatis. Indicio autem est mandendi aviditas, qua nimium anxii, & lac iterato sugunt, & mammarum papillas mordent, & quidquid illis offertur, dolentibus gingivis apponunt, ut veluti à Natura edocti dentium eruptionem coadjuvent. In quam eandem rem peritæ nutrices pastillos huic usui conferentes conficiunt, & dentientibus puerulis data opera mandendos exhibent.

Accidunt hoc eodem quoque tempore febres; sive quòd adveniant symptomatice à dolore, & inquietudine puellorum, sive ab impetu Naturæ, dentium eruptionem promoventis; sive etiam à permutatione fermentorum, quæ in cibos deinceps mandendos in Ventriculo accuuntur; ut proinde fermentatione excedenti in sanguine inducta febris oriatur, quæ illius ætatis comes est indissolubilis. Si tum enim incipiunt Pueri solidiores cibos exquirere, & mandere, planè fermenta exigunt valentiora, quæ illos conficiant. Hac propterea de causa sanguis mutatur, felleus humor cumulatior fit, urinæ coloratiores apparent, fæces compactiores, furfures abundantiores, inno-



innovati, permutatique Corporis argumenta.

Convulsiones, seu motus Convulsivi per hoc etiam tempus accidunt, vellicatis nimirum Nervis à vaporibus, vel humoribus ex mala lactis, aliorumque ciborum commistione progeneritis; siquidem facile lac accescit, & corrumpitur à miscela cuiusvis alterius rei cum illo non consentientis; unde hæc, & alia graviora mala oriri possunt. Non tamen est necesse, ut humores, aut vapores ex vitiato lacte, & cibo degenerati, Cerebrum, & nervorum principium petant, cum sit tantum Intestina vellicent, Pylorum, Ventriculum, in Puerulis, motus excitent convulsivos, ob nimiam partium teneritudinem, vel saltem cruciatus, tormina, inquietudines, dentium stridores, vagitus, & ejulatus.

Quemadmodum vitiosi succi, si Cerebrum, & nervos afficiant, Convulsiones, & Epilepticos motus pariunt; ita si ad alvum vergant, afferunt Diarrhœas, ex levissima etiam causa fieri solitas in illa ætate; unde Hippocrates *peculiari libello de Tentitione* inquit: *Quibus in dentitione alvus plus subducit, minus convelluntur: qui verò dentientes habitiores manent, & altiore somno utuntur, magis obnoxii sunt convulsioni. Qui hyeme dentunt, reliquis similibus existentibus, melius liberantur: non omnes in dentitione convulsi moriuntur, sed multi etiam servantur, &c.* Itaque juxta humoris abundantiam, & in unam, aut aliam partem Corporis inclinationem, diversa contingunt pueris dentientibus accidentia; ut proinde jure dictum sit, quibus alvus plus subducitur, minus convelluntur, deposito nimirum ad alvum humore. Quid autem pro alvi profluviis intellexerit

Hippocrates dubitari potest. In Græco Codice scribitur *διάρρῳα*, ægritudines quidem alvi, atque ex humoribus acris, & biliosis progigni putatæ. Verum pueruli neque humores istos generare dicuntur ex Galeno, neque in alvi profluviis humores egerunt acres, amaros, & biliosos, ut patet ex linctu canum, qui egestas ejusmodi puellorum fæces avidissime devorant. Hinc crediderim Diarrhœam hic intelligi latissima planè significatione, ut omnem, & quamcumque excedentem alvi evacuationem complectatur; quippe in puellis egestiones immoderatæ pendunt solum ab indigesto, & degenerato lacte, quod licet colorem aliquando referat flavescentem, non tamen acritatem, aut amarorem sapit, nec biliosam, felleamque conditionem, sed solius serosæ, nec omnino butyro exutæ portionis depravatæ materia est: serum namque, & butyrum cum permutantur sæpissime flavum colorem exhibent; præterquamquod à varia, diversaque mistura cæterorum succorum, atque à depravatis secretionibus, non raro etiam in adultioribus, hi, alique colores in excretis observari consueverunt, ut propterea nimium coloribus credendum non sit, quod & aliàs à nobis est notatum.

Hæc autem illi potissimum ætati accidere subdit Hippocrates, cui dentes canini erumpunt; suntque hi, quos Græci Cynodontas appellant, vel quod Canum dentibus exercitis similitudinem referant, vel quod soliditate, & acutie ad instar illorum cæteris præstent, & utrinque superni duo, totidemque inferni, quatuor primoribus, & incisioribus adjacent, duritie, firmitate, ac longitudine præcellentiores, cum his res durissimas frangere soleamus. Aliquando,



statim ac anteriores comparuerint, enascuntur; interdum etiam postea ad annum, pro varia scilicet Corporum constitutione: quocumque autem tempore prodeant, semper sunt cæteris molestiores.

Qua autem ratione iis præsertim ista asperius accidant, qui crassissimi sunt, & alvos duras, adstrictasque habent, majoris videtur ponderis difficultas. Galenus in *Commentario* id retulit ad convulsiones tantum, ut proinde velit crassissimos, & alvos duras habentes, convulsionibus magis affici, quoniam, inquit, isti plenum Corpus habent, & abundans superfluitatibus, ideoque convulsionibus facile capiuntur. Sed revera adjecta hæc verba referenda sunt ad omnes antedictas affectiones, ut sensus fiat, eos potissimum puerulos prænaratis ægritudinibus obnoxios esse, qui crassioris, seu obesioris sunt constitutionis, quoniam his humores insunt copiosiores, excrementa serosa cumulatiora, laxiores carnes, & minus sana Corporis habitudo, ut alibi edocet Hippocrates.

Sed cur etiam adjectum sit, *Qui alvos duras habent*: cum cæteroqui alvos duras nacti temperiem, & habitudinem præferant aridam, & exsuccam, carentem excrementis. Verum duras alvos habentes à transfluxu humidarum superfluitatum in alias partes Corporis; hic subaudiuntur, in quibus scilicet arescunt, & constipantur fæces, quia serosiora excrementa detinentur, & alio vergunt, quo confluere non deberent; quamobrem sanguis, lympa, liquor nervorum, aliique peculiare viscerum humores, illis imbuti, ac male affecti, febres excitabunt, convulsiones, dolores, aliaque incommoda graviora; Atqui in intestina fortasse delati, magis vellicabunt, & com-

pungent, acriusque torquentes, nedum alvi profluvia, sed etiam tormina, lancinantesque dolores inferent; cum gravius diarrhœis afficiantur, qui styptica sunt alvo, quam qui lubrica, vel ob desuetudinem, vel ob exquisitiorem partium sensum, vel ob majorem confluentium succorum in illis acritatem. Sunt etiam qui putant dictiones illas disjunctim esse legendas, ut qui crassissimi sunt, obnoxii fiant prædictis affectionibus ex una, atque ex altera, qui alvos duras habent: utraque enim causa efficax esse potest convulsionis, aliarumque ægritudinum in hoc Aphorismo memoratarum: Et quidem hæc indicia tantum sunt prave habitudinis, & exuperantis in Corpore morbificæ superfluitatis. Verumtamen duram alvum habentes non omnino styptici, & suppressione fæcum laborantes intelligendi sunt, sed qui non adeo lubricam alvum sunt sortiti, cum pueruli universim solum Ventrem habeant: quare styptici solum dicentur relati ad eos, qui solito lubriciorem nacti sunt.

Tametsi hos dumtaxat dentitionis morbos recenseat hoc loco Hippocrates, non tamen quis negaverit alios plures præter eos accidere posse: Etenim experimur per hoc idem tempus obnoxios esse puerulos Variolis, & Morbillis, quorum tamen nulla invenitur facta mentio apud Hippocratem, Galenum, cæterosque veteres græcos Medicinæ scriptores, cum ab Arabibus solum in hæc nostra tempora viguisse memorentur, ut latius infra. Cæterum his non aliter ac de aliis antea dictum, convenienti lacte, usuque rerum, dentitionem promovendum, providendum erit.



## APHORISMUS XXVI.

*Cum verò iam magis adoleverint, tonsillæ, & vertebrae, quæ est in occipitio, ad interiora luxationes, crebri anhelitus, calculi, lumbrici rotundi, ascarides, verruce, satyriæ, stranguriæ, strumæ, & alia tubercula, sed præcipuè antedicta.*

**R**ecenset jam tertio Hippocrates ægritudines Pueritiæ provectioris, quæ ad duodecimum, vel decimumquartum annum extenditur, atque in ea ait primùm accidere tonsillas. Sunt autem Tonsillæ, glandulæ illæ, quæ ad radicem linguæ jacent, & cum tumescunt, ac inflammantur, ductum Aeris, & cibi, angustiam afferunt; unde difficiles deglutitiones, & respirationes exoriuntur, quamobrem à Græcis paristhmia appellantur. Ejusmodi ergo inflammationes glandularum, aliarumque partium adjacentium, familiares sunt Adolescentulis, aut quia sanguis per eam ætatem vegetior, & abundantior factus nequit commodè intra proprios ductus contineri, ut propterea in vicinas partes effluat; aut quia refluentes per suos ductus à Capite lymphicos, & pituitosos humores glandulæ istæ excipiunt, & tumescunt, atque impedito aliquatenus in ipsis sanguinis circuitu, nec illo sat benè repurgato, similes exoriuntur inflammationes.

Mox subdit, *Vertebrae occipitis ad interiora luxationes*. Hæ fiunt in pueris, vel à tumoribus, & inflammationibus musculorum, & glandularum colli, siquidem eam ætatem valdè strumis obnoxiam experimur; vel etiam ab illapsu crudorum humorum in interstitia vertebrarum,

*Tozzi Op. Med: Tom. III.*

quandoquidem laxatis, amplificatisque viis, quæ musculos, & ligamenta illarum interjacent, ob ætatem accretioni summè vacantem, promptius à Capite confluunt humores in vertebrae, tunc magis motu exagitatas; unde facile postmodum luxationes exoriuntur. Quòd si ulterius contingat impediri respirationem ab hujusmodi vertebrarum Cervicis luxationibus, lethalis exurgit Angina, ut docet idem Hippocrates 2. *de morbis*.

Crebri prætereà anhelitus iisdem contingunt à congestis crudis humoribus in ductibus Pulmonum. Pueri etenim voracissimi sunt, & facile crudum nec bene elaboratum chylum conficiunt, qui deindè per ramum thoracicum in pulmonem perlatus, præ vasorum angustia, & Visceris laxitate, hærescit, & anhelitum inducit. Sed & comprimitur sæpe numero Pulmo, atque in suo motu quadantenus impeditur à sanguine, tunc temporis vegetius fermentescens, & per Aeris misturam vasa spiritalia efficacius amplificante: quo fortassè argumento Galenus adnotavit 9. *meth. cap. 4. & 5*. Synochas febres ex sanguine progenitas Asthmaticas esse, quoniam effervescentis sanguinis pulmonis ductus vehementer dilatat, ejusque substantiam opprimit, unde anhelitus, & Asthma.

Calculi insuper his fiunt, magis tamen in Vesica, quàm in Renibus: Isti enim molles, & laxi cum sint, meatusque habeant, qui per eam ætatem promptè expanduntur non tam facile crudos, crassosque succos detinent, sed ultrò illos sine ullo impedimento in Vesicæ cavum delabi sinunt, ubi diutius hærentes in calculos vertuntur, adjuvante plurimum sale illo urinario tenaces istos,



tartareosque succos figente, & coagulante. Deponi autem crudos, crassosque succos, & quidem plurimos in Vesicam patet evidenter ex eo, quia puerorum urina multo, inutilique sedimento scatet, quod, cum illa consistit, subsidet, & fundo matulæ hæret.

Lumbrici etiam sunt admodum Pueris familiares, & tum teretes, tum ascarides dicti, de quibus latè Galenus in *Commentario huius*. Modum autem, & locum generationis istorum, diversosque affectus exindè provenientes non est ut hic diutiùs inquiramus; Sat enim ab aliis magnè notæ Viris de illis actum: solum tamen addam, quòd quemadmodum hi familiares sunt pueris, ita nullius periculi esse solent: quamvis si teretes Venter occupent, vomitus, convulsiones, febres, & dolores pariant non omninò contemnendos.

Verrucæ, vulgò porri, sunt tubercula dura in cute erumpentia, rotunda, & sensu expertia. Sponte sua sæpenumero abscedunt, & excantur; aliquando verò etiam acribus, & erodentibus medicamentis non cedunt, atque ad plures annos perdurant. Comparent autem puerili hac ætate transpositis in cutim consistentioribus succis glandularum subtercutanearum, repurgatoque sanguine ab excrementis tartareis, & fæculentis, in callos veluti degenerantibus.

Satyriæ quænam sint, non adhuc benè constat inter Expositores. Galenus in *Commentario* ne verbum quidem de illis facit; meminit tamen earum alibi, referens voces Hippocratis rariores, vocavitque satyriasmos, vel potius satyrismos, tumores scilicet circa aures erumpentes, & 8. *de plac. Hippocrat.* &

*Plat.* ferè cum strumis confundere videtur. Sed & ex eodem Hippocrate satyriasmos, vel satyriasis diversas ægritudines significat; aliquando Elephantiasim, quòd Elephantiaci, more Satyrorum, in Venerem ferantur: quandoque pudendi perpetuam tensionem; & interdum aurium retorsionem, & labiorum tumefactionem, quo etiam vitio Satyri laborabant. Hoc autem loco satyriasim, subdit Heurnius, speciem quamdam esse parotidis. Verùm ex eo, quòd Galenus in contextu vocem hanc omiserit, nonnulli putarunt fuisse perperam in græco Codice adjectam, vel cum strumis convenire, vel etiam pro satyriasmo legendam seiriasim, ut mavult Hieremias Triverius, vel denique phthiriasim, qui morbus est pedicularis, quam maximè familiaris pueris.

Stranguriæ non rarò etiam Pueris accidunt, iis præsertim, qui cum lotio arenulas, & viscosos succos emittunt, aut Vesicæ calculo laborant; quamobrem non dissimili ex causa in his fiunt, ac in aliis dictum est.

Strumæ, & alia tubercula, tum in glandulis cervicis, tum in cæteris aliis partibus glandulosis erumpentia, à decubitu, & secretionem humorum dependent: cumque glandulæ colli potissimum depositos è Capite inutiles succos excipiant, propterea fit, ut strumas, aliosque tumores his consimiles contrahant: ejusmodi autem crassis, crudisque glandularum tumefactionibus pueri præ cæteris subiiciuntur, ob nimiam voracitatem, malamque chylosis elaborationem.

Per hanc eandem ætatem solent Variolæ, & Morbilli comparere, nostra tempestate adeò pueris familiares, ut vix unum, aut alterum invenias ab his immunem. De his apud



apud Hippocratem, Galenum, cæterosque Græcos Auctores nulla mentio facta reperitur: qui autem primi illorum meminere, fuerunt Arabes. Et quamvis ab Hippocrate memorentur in libris Epidemiorum pustulæ, exanthemata, & turbecula cutanea, illa tamen potius pestilentiarum symptomata fuere, omninò differentia à Morbillorum, & Variolarum proprietatibus, quippe indiscriminatim quamcumque ætatem afficiebant; neque verò figuram, circumscriptionem, quantitatem, procedendi modum, resolutionem, & generalem totius Corporis ex illarum eruptione affectionem referebant, quemadmodum nostra ætate servare Morbillos, & Variolas experimur. Hinc Mercurialis 1. *de Puerorum Morbis*, inter morbos noviter inductos Variolas, & Morbillos revocare non veretur, id ipsum quoque deducens ex innumeris Veterum Medicorum testimoniis.

Verùm unde Variolæ, & Morbilli originem traxerint, non modica est inter scriptores controversia. Arabibus addicti ad sanguinem maternum illam referunt, quo nimirum, inquiunt, pravis humoribus inquinato altos intra uterum ultimis saltem mensibus, infantes, fieri postmodum obnoxios ejuscemodi criticæ eruptioni. At hoc vitium in sanguine sicuti fingitur universale, ita universos afficere debuisset, etiam ante Arabum tempora. Sunt quoque qui non semel, sed bis, & ter, & in prima, & in media, & in ultima ætate Variolas passi sunt, atque hi, etsi antea febribus laborassent, cum tamen sanguis priori fermentatione subactus, fuerit omninò repurgatus, & per febrim nihil principio proruperit, sed nonnisi media, vel postrema hominis ætate. Accedit quòd Indi occiden-

talium regionum antequam commercium cum Europæis iniissent, istius contagionis immunes extitere; & sicuti ab ipsis Hispani luem veneream in nostrates, ita in eos nostras variola transtulerunt.

Alii ad malignos syderum influxus causam novæ hujus infectionis retulerunt; quo enim tempore vagari primum visæ illæ sunt, viguisse ajunt trium planetarum, Martis, Veneris, & Saturni conjunctionem in signo Geminorum, pari fermè ratione, ac in aliis pestilentiis, atque in ipsa lue Venerea expertum ajunt. At, estò syderum influentias hæc agere admittamus, quis sibi persuadeat, ut iisdem desinentibus, non fuisse usque adeò defectura, ut cæteris Epidemiis accidisse observatum est? Neque insuper verisimile videtur ejuscemodi malignas syderum conjunctiones superioribus Seculis defuisse, cum pluries adhuc Mars, Venus, & Saturnus ab Orbe condito juncti sint, atque in posterum etiam sint coituri.

Revocant alii cum Fernelio novam hanc Variolarum, & Morbillorum apparitionem ad communes causas Epidemiarum ægritudinum, Aerem nimirum, & Alimenta. Aer siquidem pravis, diversisque vaporibus infectus, variè quoque sanguinem in humanis Corporibus, & præsertim in teneris puellis, alterat, exagitatque; unde novas ægritudines excitet. Cibi etiam id ipsum efficiunt, si mali, si varii, si dissentanei, si insueti, si degeneres sint, atque eo magis in debilioribus corporibus, qualia sunt puerorum, quibus, præ carnum mollitie, & raritate, quodcumque vitium impingitur, & inhæret: cum autem in lucem editos lac paverit, deindè duriuscula alimenta, postmodum solidiora, ac difficiliora, & deinceps multa, & varia,



V. Hipp.  
l. de nat.  
hum. &  
de flat.

proindè fieri, subdunt, ut sanguis diversimodè affectus tandem erumpere cogatur in Variolas, & Morbillos ad sui repurgationem. At sumpta hæc ab Aere, & cibis, nimis lata, & universalis causa videtur cujuscumque ægritudinis. Prætereà alterationes, perturbationesque Aeris semper extitere, atque in cibis per Infantilem, & Puerilem ætatem eadem ubique fuerunt, & perpetuæ mutationes. Cur ergo non antea, quàm à temporibus Arabum, Variolis, & Morbillis pueros subjecerint?

Verumtamen inficias non iverim ad Morbillorum, & Variolarum eruptionem sanguinem omninò in indebitam, ingentemque fermentationem adigi, ut manifestè testantur febres, quæ illas præcedunt, vehementissimæ, inquietudine, vomitu, mentis motione, sopore, motibus convulsivis, pavoribus, anhelationibus, æstuationibus, tussi, siti, aliisque gravissimis symptomatis stipatæ. Fermentum autem istud in sanguine inductum ejus profectò conditionis esse debet, ut veneni, & maligni miasmatis naturam redoleat, cum non solum graviter inficiat affectos, & non rarò ad necem perducatur, cum notis pestilentibus morbis communibus, sed etiam contagione in alios, aliosque pueros, & juniores, & adultiores diffundatur, ut propterea pluries evenerit devastari omninò provincias integras ex puerorum, & quandoque etiam virorum interfectione à Variolis, & Morbillis. Pueri verò plerumque afficiuntur, utpotè qui carnes habent teneriores, facilè ejusmodi miasmata suscipientes, & sanguinem instar musti sponte sua promptissimè fermentescentem. Hinc modò fieri quidem potest, ut primùm ex mala alicujus

habitudine ingeneretur in sanguine, & in fermentis viscerum ejus moris pravitas, ut deindè in pestilens, contagiosumque venenum commutetur, quod in cæteros illius consuetudine usos transmigratione quadam etiam per halitus, vel per fomitem, transfundatur. Non rarò verò semel Variolis, aut Morbillis infecti, iterùm, iterùmque in eosdem relabuntur: quia ex vita perperam in usu sex rerum non naturalium antea tale vitium in sanguine contraxerunt, quod pestilens ejusmodi venenum videatur emulari, & exolvendo sanguinem fermentatione subactum in cutim adigat, & Morbillos, ac Variolas renovet. Atqui diversimodè affectus sanguis, diversas quoque parere potest infectiones, & multiformes referre venenorum naturas, ac proprietates, ut exindè comperiamus à quibusdam figi, & concreescere liquores Corporis, ab aliis dissolvi, & extenuari, ab aliquibus quædam dumtaxat Corpora ægrotare, hujus, non alterius sexus, aut ætatis, gracilia, non obesa, exercitata, non otiosa, certo solum victus genere, non alio alta, sub proprio, non alieno Cælo degentia, unius, non alius ditionis, & quandoque (quod admirabilius) hyeme, non æstate, in locis salubrioribus, non palustribus, in urbibus, non in pagis, contagium diffunditur, & cautos magis, quàm qui sine ulla suspitione cum omnibus versantur, & cunctis indiscriminatim utuntur, inficit; ut propterea plerisque videatur prodigiosum: cum tamen hæc omnia accidere soleant à varia veneni conditione, variaque sanguinis, & carnis habitudine, Corporum constitutione, cutis textura, animi perturbatione, aliisque propemodum



innumerabilibus, quibus humana Corpora perpetim subiiciuntur, alterantur, atque momento ferè permutari possunt. Hac eadem ratione passim experimur obesse uni, quod alteri prodest, & quod semel, aut bis, & pluries contulit, aliàs nocere, senectuti jucundum, & utile fieri, quod puerili, ac juvenili ætati infestum fuerat, plerosque sub uno climate perpetuò ægrotare, sub alio valere, idque genus alia.

Ad sanguinem igitur vario modo affectum omnia ejuscemodi vitia referenda sunt; sed tamen in pueris potissimum, & adolescentibus faciliior est Variolarum, & Morbillorum eruptio, in quibus cutis raritas, & sanguinis floriditas esse solent, pro ejusmodi impuritatum repurgatione, aptiores, cùm enimaliàs à Nobis ostensum sit sponte sua sanguinem, cæterosque liquores Corporis per ætates commutari, repurgarique, indeque texturam partium variari, proinde fieri, ut adolescendi tempora sint hujusmodi cutaneis eruptionibus potissimum obnoxia: confert autem solummodò ad hæc Aer, promovendo in sanguine fermentationem, vel etiam transvehendo ex uno in alium inficientes halitus, ut in plures, vel omnes fermentationi concipiendæ dispositos diffundatur. Et quamvis apud Arabes primùm seviisse perhibeatur hujusce generis pestilens, contagiosumque venenum, non tamen hinc crediderim per vetustiora etiam tempora, si non hujus omninò conditionis, & efficacitatis, consimilis saltem malignitatis, perturbati, repurgatique sanguinis eruptiones extitisse, quas fortassè Hippocrates, aliique Græci Auctores, sub genere exanthematum, pustularum, & papularum, aliarumque cutanearum ægritudi-

num comprehenderunt: sic metastasis, & apostasis apud eundem varia significant: sic satyriasis, & melancholia: sic exanthemata ipsa diversimodè ab eodem Hippocrate, & Galeno usurpantur; ut propterea non temere quis sublimes papulas ad Morbillos, latiores verò ad Variolas referre posset, Non tamen hinc negaverim longe immaniùs illas seviisse Arabum, quàm aliorum ætate, ut tum populariter grassatæ, & universalius infecerint, & inevitabili fato ocyus affectos interemerint, quemadmodum non ita pridem à Majoribus nostris accepimus de Angina pestilenti, quæ pueros quoque, prima hujus sæculi ætate, adeò vexavit, ut pauci fuerint, qui ab ea evaserint, esto Angina vetustissima ægritudo sit. Hoc idem de sudore Anglico, dysenteria pestilenti, cæterisque morbis epidemiis dicendum, qui licet Veteribus cogniti, quandoque tamen fiunt contagiosi, & mortiferi, ut propterea de illis speciatim agere plerique gravissimi Auctores constituerint. Verùm mitiùs quandoque, quandoque crudelius grassantur quorundam morborum genera, quoniam, ut antea animadversum, non eodem semper modo sanguis inficitur, nec semper eandem agendi, ac procedendi vim deleteria in illo concepta lues exserit ob variam causarum dispositionem, coitionem, & efficaciam. Atque hinc Variolas ipsas, & Morbillos una tempestate omninò mortiferos, pestilentesque observamus; alia verò mitissimos, & undequaque salutare.

Cùm Variolæ, aut Morbilli erumpunt, cohibendi non sunt, sed omnistudio promovendi medicamentis diaphoresim adjuvantibus, & sanguinem à compage maligna exuentibus, non tamen adeò, ut exsolvant plus



justo, & par tim illius vivificam dissipent. Quamobrem in Aere moderatè calido patientes detineantur, parcè alantur, & si fortè lac suxerint, nullis aliis ciborum generibus infarciantur, quoniam si in cæteris omnibus moderata diæta semper juvat, in his potissimùm omninò necessaria est: alvus nequaquam solvatur, nam lubrica perniciofa esse solet: oculi solùm foveantur virentibus frondibus absynthii, vel rutæ, aut etiam sæpius perfricentur smaragdo, crysallo, aliisque similibus, ne ab eruptione variolarum visu deficiant, aut aliter vitientur. Quòd si variolæ non promptè prodeant, sed in eruptione cunctentur, fortassè quia fermentum crassius est, nec tam facilè subactus fermentatione sanguis ab inutilibus portionibus extricatur, vel etiam pori Cutis arctiores sunt, quā tenacitas fermenti febrilis exigat, tunc sudorifica locum habebunt, & simul alexipharmaca roborantia; in adultioribus quidem Bezoardicum Minerale, vel Joviale, Antimonium diaphoreticum, Elixir proprietatis, & magnanimitatis, Spiritus salis ammoniaci dulcis redditus, idque genus alia; in tenerioribus verò confectio alkermes, pulvis Viperarum, & Cornu Cervi, Aqua theriacalis Petri Salii, & Cardui benedicti. Neque verò his adeò indiscriminatim utendum, ut postquam eruperint, & maturitati subjæctæ fuerint, adhuc exhibenda sint; cùm in posterum satis sit patientem pannis coopertum detinere, & convenienti victus regimine uti. Falluntur autem, qui in apparitione Variolarum frigorificis ex adverso insistent, ad reprimendum febris æstum; hinc enim cohibetur fermentatio tantopere in ipsis necessaria, & impeditur critica Variolarum eruptio, non sine manifesto vi-

tæ periculo. Juvabit ergo pro renata, summa prudentia uti, & modò efficacioribus, modò levioribus criticam hanc ad Cutim depositionem promovere, si tarda videatur; quandoque verò totum opus Naturæ committere, cum scilicet res ipsa bene processerit, documento Hippocratis *Aph. 20. primi*. Hac etenim ratione auxiliares manus Naturæ imbecilli præstabimus, cùm se sola fuerit impotens, nec tamen eidem salubriter operanti calcar in præcipitium addemus; quandoquidem fermentationes istiusmodi facillimè desinere possunt in totius sanguinis exolutionem, & ægotantis interitum.

Ad strumas, seu scrophulas Hollerius commendat folia cupressi austero vino conspersa, & contusa, donec in unum corpus coeant, ad formam Cataplasmatidis applicata. Linimentum conficit Zacutus ex radice Bryoniæ cum Terebinthina, & Cera, illudque mirabile deprædicat. Pinguedo serpentum à plerisque commendatur, & à Severino nostro emplastrum de baccis lauri oleo chameælino malassatum. Internè verò prodesse feruntur, Radix scrophulariæ in pulverem redacta, cinis spongiarum, & pulvis ad strumas compositus Helmontii, atque arcanum duplicatum Mynsichti.

Ad Verrucas efficax dicitur sanguis Talpæ recens, & calidus: Cinis roris marini, & corticū salicis ex Matthiolo: Chelidoniæ majoris folia contusa, ex Zacuto: & Lunæ radii per vitrum ustorium collecti ex Helmontio *Tr. Form. ort. n. 55. & tract. Magnum oportet n. 29*.

Ad lumbricos summè valet spiritus vini umbilico infusus insperso mox pulvere Myrrhæ. Internè verò aqua, in qua Mercurius crudus ebullierit ex Helmontio, Riverius conficit



cit pilulam ex Mercurio dulci ad gr. iii, cum gr. vi. diagridii vapore sulphuris correcti, atque modico condituræ rosarum persicarum excepti ad formam boli, si tamen patiens a-  
dultior sit. Parat alium Hartmannus ex Mercurio crudo saliva humana, vel acido citrii mortificato ad gr. xx. cui addit bezoini gr. ii. cum modico ejusdem condituræ rosarum. Mirum enim quàm Vermibus Mercurius sit infestus.

## APHORISMUS XXVII.

*Grandioribus autem, & jam accedentibus ad pubertatem plurima ex his, & febres diuturnæ magis, & ex naribus profluvia sanguinis.*

**G**randiores, & accedentes ad pubertatem intelliguntur, qui decimum quartum annum attingunt, cùm scilicet pubescere incipiunt, & semen emittere, quamvis ex Galeno, & ante, & post hoc tempus pubertas possit inchoare, pro varia carniū firmitudine, & viriū robore. His quoque plurimæ ex enarratis præcedentium ætatum ægritudinibus non dissimiliter accidunt, sed præterea febres diuturnæ, & ex naribus profluvia sanguinis: Febres quidem diuturnæ ob majorem crudorum succorum copiam, quoniam, ut dictum voraces pueri cruditates facile incurrunt; unde febres, alii-que morbi durationem diuturnam adipiscuntur. Sed & non rarò in graves, longasque febres incidunt ex ea, quæ per feminis effusionem molestior admodum esse solet, causa, quippe per hanc ætatem ad Venerem acti innumeras subeunt calamitates, & mille patiuntur incommoda, sive quòd abstineant, sive quòd illa im-

penius abutantur, ut fileam, quas ex diversis, ac repentinis animi pathematibus sufferunt alterationes. Ad hanc fortassè classem revocandæ erunt, quæ febres in fœmellis Chloroses, & in maribus Eroticæ appellantur, ad Tabem perducentes. Profluvia verò sanguinis è naribus, non quidem ex eo, quòd abundantius generetur, ut benè notat *in comm.* Galenus, adversus eos, qui stultè putant Naturam in superfluis quandoque abundare, & sanguinem affluentiùs progignere, sed quia per hoc tempus minus ex ipso absumitur, & tenuior, vividior, acriorque fit, utpote qui per ætates sensim permutatur, quamobrem facilè potest exiles narium arteriolas, ac venu-las referare, & hæmorrhagias inferre.

## APHORISMUS XXVIII.

*Plurimi autem morbi puerulis judicantur, nonnulli quidem in quadraginta diebus, nonnulli in septem mensibus, nonnulli verò in annis septem; quidam verò jam ad pubem accedentibus. Qui verò permanserint, nec in pubertate finierint, puerulis, aut fœminis, cùm menstrua erumpunt, consenscere consueverunt.*

**M**irum sanè videri debet, quàm anxii sint Interpretes in per-vestiganda Hippocratis mente, num de acutis, an verò de chronicis ægritudinibus hunc scripserit Aphorismum. Et Galenus *aut de diuturnis morbis prolatum*, inquit, *aut imperfectum sermonem esse*; atque ad eò omninò vult legendum: *Plurimi autem pueris diuturni morbi judicantur*. In quam eandem sententiam reliqui ferè omnes Expositores con-



concefferunt. At Cardanus non semel Galeno conviciatus, hic speciatim illum ignaviæ notat, existimans implicitè diuturnos comprehendi sub græca voce Πάθει, qua hoc loco Hippocrates usus est. Verùm frustrà apud Medicos hæc agitari putaverim, si acutos morbos non rarò protrahi, & in chronicos desinere observamus: sic non rarò tertianæ febres, & ardentes, ut & malignæ acutissimæ, sensim solent mitescere, & in longius tempus ægrotantes affligere, in alias, aliasque ægritudines commutatae. Ita quoque Pleuritides acutæ cæteroqui transeunt in Empyemata: Apoplexiæ in Paralyfes: Phrenitides in Insanias, & Melancholias: Dysenterici in Tenesmos: ut propterea passim experiamur quosdam morbos ab initio esse omninò acutos, procedente mox tempore produci, & chronicos, annuos, ac consenescentes fieri, permutata conditione, causa, parte affecta, aliave simili circumstantia eorum, quæ morbis consociantur. Non immeritò igitur Hippocrates indiscriminatim morbos hic retulit, scilicet ut acutos simul, & chronicos comprehenderet; cujus rei non leve videtur esse argumentum, quod idem in Aphorismo appofuit, nonnullos scilicet morbos judicari in quadraginta diebus, qui extremum acutis terminum constituunt. Profectò æstimabilius est, quod idem Cardanus animadvertit, Menses, & Annos hoc loco memoratos, non à morbi initio, sed à nativitate ipsa puerorum, esse numerandos, ductus ejusdem Hippocratis autoritate, cui & Celsus adhærere interpretatur. Id ipsum quoque videntur indicare verba illa; *quidam verò iam ad pubem accedentibus; qui verò permanferint, nec in pubertate fi-*

*nierint; aut cum menstrua erumpunt.* Quæ sanè ad ætates puerorum, non ad morborum tempora referri possunt.

Sensus itaque Aphorismi est, morbos in Pueri terminum, aut remissionem sortiri ab ipsa ætatum mutatione: cumque hæ mutationem subeant plerumque in septenariis, idcirco de his mentionem faciens Hippocrates dixit, *in septem mensibus: in septem annis:* finem in illis designans ab ætate, non autem à temporibus morborum, aut à criticis diebus. Quod si diù perstiterint, atque ultrà pubertatem perduraverint, adhuc erumpentibus menstruis in fœminis, & postquam ex ephebis excefferunt, in maribus, proculdubio inveterascunt, & cum ægris ipsis consenescent; undè idem Hippocrates 5. aphor. 7. *Quibuscumque, ait, morbi comitiales fiunt, antè pubertatem mutationem accipiunt; quibuscumque autem vicesimo quinto, ferè commoriuntur.*

Ratio horum desumenda est ex sanguinis, aliorumque humorum, successu temporis, mutatione; unde Crasis, & constitutio Corporis variat, atque per meliorem excrementorum repurgationem, viarum laxitatem, viscerum vim, & efficaciam, universa Corporis æconomia in salubriorem statum perducitur. Alibi autem à Nobis est ostensum, sanguinem procedente tempore sensim permutari, ut ubi primùm dulcis nimium, & multò glutine satur est, in pueritia mox attenuatur, & portione vivifica fit prævalentior; deinde verò in pubertate, & adolescentia adhuc floridior, minusque austifica parte præditus observatur, atque in Juvenibus & tenuior, & vegetior, acriorque; in Viris tandem, ac Senibus magis, magisque effectus,



tus, vapidus, & postremo acidus, & adeo exsolutus, ut vitæ tuendæ omnino inutilis evadat. Sic prope-modum Mustum ubi ex uvis recens est expressum, dulcissimum, glutinosumque est, & spiritibus vacuum; mox verò intumescit, & fervet; ubi autem efferbuerit, clarescit, & sensim, deposita facie tartarea, vigorem ex-erit, atque in perfectissimum, robustissimumque Vinum evadit. Si autem, exagitationibus, æstu, flatibus austrinis, aliisque, potissimum verò temporis diuturnitate, evaporet, & evanescant, exolvitur, ac subinde acescit, aut fugit. Porro hæc omnia sanguini contingunt per ætates, & una simul visceribus cunctis, quibus veluti colis traicitur, ac repurgatur: siquidem decurrentibus annis ipsa quoque firmanentur, obdurescunt, amplificantur. At quis unquam ejusmodi in partibus Corporis mutationes per ætates inficiabitur, cum dentium casus, vocis mutatio, menstruorum, & seminis profusio, pilorum eruptio, cutis corrugatio, calvitium, canities, & alia plura id manifestissime attestentur.

At verò verbum illud *judicantur*, non ita accipiendum videtur, ut semper in salutem pueriles morbos definere credendum sit, cum & non raro in iisdem temporibus, ut Celsus advertit, maximè pueri periclitentur; quamobrem & malè, & bene eos per ejusmodi tempora terminari, pro varia eorundem conditione, intelligamus. Cæterum quandocumque pubertatem excesserint, atque à feminis, aut menstruorum eruptione minimè defierint, difficile exitum plerumque nanciscuntur, aut etiam consenscunt.

## APHORISMUS XXIX.

*Juvenibus autem sanguinis spuitiones, tabes, febres acutæ, morbus comitialis, & alii, sed præcipuè antedicti.*

**A**D morbos Juventutis pergens Hippocrates, cum visus sit prætermisisse eos, qui ad Adolescentiam pertinerent, statim à Galeno arguitur oblivionis. Sed neque hujus solum, verum etiam quod nec satis plenè de morbis acutis dixerit, immò tertianas maximè, & febres ardentes omiserit; contra verò adjectit morbum comitiales, qui potius puerilis est, & ætatum mutatione sanatur. Denique Tabes, & sanguinis spuitiones non ætatis ratione, sed ex accidenti Juvenibus evenire contendit. Unde concludit: *Quare melius fuerat ita scribere Aphorismum: Juvenibus autem eveniunt propè omnes alii morbi, quos diximus aliis accidere ætatibus, sed præcipuè ardores, & tertianæ febres.*

Verum non temere is arguendus. Ad primum enim, quamvis non desint, qui pro Juvenibus Adolescentes interpretentur, licebit nihilominus vocem Juvenum ex græco codice congruentius retinere. Neque deinde ætatem Adolescentiæ prætermisit, cum eam ad Pubertatem antea retulerit, quemadmodum Heurnius quoque existimat: Puberes enim, & Adolescentes in idem omnino tempus conveniunt, atque ab anno quarto-decimo ad vigesimum primum, vel vigesimum quintum extenduntur.

Sanguinis spuitiones intelliguntur, quæ ex gingivis, ore, faucibus, vel quæ ex aspera Arteria, & Pulmone emanant; quoniam per hanc ætatem sanguis tenuior, & acrior



crior redditus facile illarum partium arteriolas, & venulas referare, aut erodere potest, præsertim autem cum organa spiritus tum amplificentur, unde Vox gravior, & Respiratio crebrior, ac latior motus Cordis, & sanguis longe citatior observatur.

Tabes, seu Phthises, consequuntur spuitiones sanguinis: nam *ex sanguinis sputo, puris sputum, ex puris sputo phthisis*, 7. aphor. 15. & 16. Possunt quoque Tabes Juvenibus accidere ab acriori, tenuiori; sanguine, qui sensim sua portione auctifica exutus nutriendis partibus inidoneus efficiatur, unde postmodum totius Corporis extenuatio. Quod autem Galenus ex accidenti solum sputa sanguinis, & phthises his evenire crediderit, *aut quia vulnerantur, aut quia franguntur, aut saliant, aut clamant vehementius, vel quia refrigerantur, aut humi cubant, aut replentur, aut propter aliquam ejusmodi causam*; licet verum quoque sit, non tamen huic dumtaxat ætati ab ejusmodi causis spuitiones accidere poterunt, sed cunctis propemodum, potissimum verò ætati puerili, quæ imperita, & inexperta magis, his omnibus ultrò se subiicit.

Febribus acutis Juvenes quacunque ex causa corripuntur, quoniam in illis sanguis acrior, & volatilis, copiosorem felleum humorem cumulat, & in cysti deponit, unde acutos morbos fieri apud Medicos in confesso est; quin eadem acritate, & volatili conditione, facillimè fermentationi, atque acutis, & brevibus ægritudinibus subiicitur; unde idem Hippocrates 1. Aphor. 14. *Senes dixit acutis morbis non corripì, quia frigidum est illorum Corpus*; Juvenes verò utpote calidissimos præ-

cæteris promptius affici. Sub his autem acutis febribus, & tertianas, & ardentes, aliaque similes ægritudines tacitè is comprehensas voluit, quicquid Galenus obgarriat.

Morbus comitialis licet puerilis dicatur, & plerumque pueros afficiat, non hinc tamen cæteris quoque ætatibus contingere non posse fatendum, & præsertim juventuti, de qua speciatim scribit idem Hippocrates lib. de morbo sacro: Si post vigesimum quintum annum morbo sacro homines corripiantur, non sanari: quod etiam repetit Aphor. 5. t. 7. quocirca posse etiam hoc morbo Juvenes infestari, clarissimè demonstrat. Distinguenda autem est duplex Epilepsia, altera quidem Idiopathica vitio Cerebri inducta; altera Sympathica ab affectis aliis visceribus, præsertim Ventriculo, & Utero: Modò licet Epilepsia proximam Cerebri læsione insequens Pueris magis sit familiaris, & mutatione ætatum sæpissimè sanetur, quæ tamen à consentientibus hypochondriis, Ventriculo, & Utero fit, procul dubio Juvenes torquere poterit, quibus scilicet oris amarities, & acida cruditas, nausea, vomitus, atque inde vertigo, & insultationes epilepticæ frequentissimè contingunt.

Denique, cum inquit, & alii, *sed præcipuè antedicti*, præter enarratos intelligit plures alios morbos posse Juvenes invadere, qui nimirum vel affinitate temperiei ipsis congruunt, vel sanguinis, aliorumque humorum acritate promanant, vel à cruditatibus, & intemperantiis exoriuntur, vel denique in fœminis à menstruorum suppressione, atque hysteriis affectionibus originem ducunt, adeoque cæteris ætatibus pro ratione communes esse solent.



lent. Hinc non est, cur Galenus tam malè de Hippocrate sentiat, & Aphorismum hunc prævertat, quippe qui peculiare solum tradidit, alios implicite sub his contentos, tacite subintelligendos voluit; communes denique veluti in aliis Aphorismis memoratos, non sine ratione prætermisit.

## APHORISMUS XXX.

*Ultrà hanc ætatem progressis Asthma, morbi laterales, pulmonis inflammationes, lethargi, phrenitides, ardentes febres, diuturna profluvia, cholerae, difficultates, & levitates Intestinorum, hæmorrhoides.*

**U**ltrà hanc ætatem progressi communi voto exponuntur Viri, & ad ætatem consistentem perducti, à quinto circiter septenario ad septimum, vel octavum, aut paulò post, pro Corporum valetudine. His ergo plurimos quoque morbos accidere asserit hoc Aphorismo Hippocrates, sed præcipuè in sanguine, cæterisque liquoribus mutationem, atque variatam in visceribus texturam insequentes, à quibus ætates hominum mutari alibi à nobis ostensum est.

Et quidem Asthma, seu creber anhelitus, illis fiet ab humoribus crassiss, & glutinosiori lymphæ à sanguine secreta, quæ faciliè pulmonibus hæreat, & si fortassè acorem contrahat, & sanguinem pari vitio affectum præsignet, etiam pleuritidem, & peripneumoniam minetur, aliosve dolores, tumoresque, lateribus, & musculis respirationi inservientibus infensos.

Pari modo lethargi orientur, & phrenitides, si lymphici humores,

aut sanguis ipse, per Cerebri meatus excurrentes, acido concreti, vel glutinosa portione plus justo referti, in meningibus, & plexibus; in Cerebri cortice, aut alibi remorantes, indebitæ fermentationi subiiciantur, & quamdam veluti phlogosim inferant. Neque solum has Cerebri affectiones in ætate virili constitutos pati posse credere licebit, sed etiam deliria melancholica, Ecstases, Catalepses, aliasque ægritudines capitis ab acidis succis, aut halitibus dependentes.

Ardentes febres Juvenibus familiares, Viris quoque evenire posse inter initia saltem consistentis ætatis, ob utriusque analogiam, eadem ratione faciliè deduci potest: sanguis enim promptè in urrisque fermentescit, & in ætate virili ob cutis densitatem ab impedita quadantenus perspiratione, cuicumque alterationi citius subiicitur; unde febres ardentes, & acutæ. Quamquam non rarò etiam acore infectus sanguis hæere solet in apicibus arteriolarum, qui propterea febres excitat vehementissimas, & quandoque etiam mali moris, ut alias in tractatu de febribus adnotavimus.

Diuturna profluvia, specialius per alvum fiunt, ab humorum acritudine, à mala ciborum digestionem, & à confluxu aliorum succorum è cæteris partibus Corporis sensim languentibus.

His addit choleras, idest immodicas, subitasque per os, & alvum diversorum succorum evacuationes propter depravatos Ventriculi, & Intestinorum dissolventes succos, qui si deorsum solummodo ferantur, in erodentes, lancinantesque degenerati, molestas admodum dysenterias; in dilutos verò, ab acido corrupto, & effec-



to, ad chylosim inepto, lenterias excitabunt.

Hæmorrhoides demùm virilem ætatem peculiariùs comitantur: in ea enim sanguis acore magis inficitur, promptiùsque hæret, unde nequit tam liberè remeare. Potissimum autem Lienem, & Mesenterium afficit, è quibus Arteriæ Splenicæ, & Mesentericæ in alvum deductæ hæmorrhoidales efformant, sanguinem sæpiissimè fundentes, ab ejusdem ibidem concreti vitio. Per hanc eandem ætatem varices etiam fieri solent non dissimili ex causa progenitæ, à decubitu scilicet sanguinis fæculenti, & acidi, alicubi stagnantis.

Cæterùm his, qui in præfatas ægritudines lapsum fecerint, opitulamur medicamentis partim acorem in humoribus valentibus infringere, & emendare, cujus præcipuè generis sunt, quæ ex chalybe, & alkalicis conficiuntur, partim etiam specifica virtute unicuique figillatim occurrentibus, de quibus fusè egimus in Praxi.

### APHORISMUS XXXI.

*Senibus spirandi difficultates, de-  
stillationes cum tussi, urinæ stil-  
licidia, & difficultates, articulo-  
rum dolores, & Renum, Verti-  
gines, Apoplexiæ, habitus Cor-  
poris depravatio, pruritus totius  
Corporis, vigilie; alvi, oculo-  
rum, & narium humiditates;  
visus obtusus, glaucedines, au-  
ditus graves.*

**C**laudit postremò hunc Tertium Aphorismorum Librum Hippocrates ægritudinibus, quæ senectutem potissimum solent infestare: principales autem ex innumeris

hìc recenset, quippe nedùm istæ, sed complures aliæ per eam ætatem vagari solent. Quam autem senectutem is proprie voluerit intelligendam, dubitari hoc loco solet; Siquidem Hippocrates senilem ætatem in tres alias distinguere consuevit, crudam, scilicet senectutem, mediam, & decrepitam. Verumtamen cum nulle ejusmodi distinctionem hìc fecerit, sanè videtur, omnes voluisse comprehendere, quamvis ultimæ ægritudines in Aphorismo recensitæ potius ad maturam, quàm ad crudam pertineant, cum nonnisi extremam viscerum, & sensuum labefactionem, ac virium languorem consequantur. Hanc eandem sententiam ita vertit Celsus lib. 2. cap. 1. *In senectute spiritus, & urinae difficultas, gravedo, articulorum, & rerum dolores, nervorum resolutiones, malus Corporis habitus, nocturnæ vigilie, vitia longiora aurium, oculorum, etiam narium, precipueque soluta alvus, & quæ sequuntur hanc tormina, vel levitas intestinorum, ceteraque fusi ventris mala.* Ubi Senectutem voce quoque generaliori usurpavit.

Memoratae hìc spirandi difficultates differunt à præcedentibus, quæ antea aliis ætatibus sunt adscriptæ; quoniam Senes difficilem respirationem à languore potius subeunt: Siquidem, ut rectè monuit Plato in *Timeo*, non semper ab affecto pulmone, atque hærentibus ibidem crassis succis, difficultas respirationis proficiscitur, sed non rarò etiam ab impotentia thoracis, & musculorum intercostalium, ac diaphragmatis, veluti Senibus accidit. Quamquam & laxitas pulmonis, & succorum ibidem concrecentium pondus id ipsum quoque sæpè sæpiùs efficiunt, utraque eidem ætati familiaria; quæ-  
mobrem



mobrem adjectum est in Aphorismo *destillationes cum tussi*, quæ infarctum pulmonem denunciant: enim verò ingravescente ætate cuncta penè viscera imbecilliora fiunt, sanguis hebescit, & lenti, viscosique succi plurimi ubique cumulantur, præsertim in partibus sua natura laxioribus. Sed & Senum Corpora nec bene, ne facile perspirant, quapropter plurima pars eorum, quæ insensibiliter transpirare debent, interiorius detenta, viscera, & sanguinem inficit, unde omnis generis catarrhi.

Cum autem succi isti ad Renes, & Vesicam confluunt, nedum serum urinarium depravant, sed etiam ductus ipsos obstruunt, atque varias in ipsis ægritudines adducunt, præsertim verò Strangurias, & Dysurias: Hæ namque fiunt potissimum in Senibus à viscosis, acidisque succis, qui vel urinæ exitum interdicentes, vel urinam ipsam reddentes acriorem, mictui non levem molestiam afferunt, & non rarò in calculos, arenulasque conversi, gravando, aut vellicando, vehementer sphincterem musculum excruciant: hic autem eo gravius afficitur, & laceffitur, quo Vesicæ habitudo ad propulsionem impotentior evaserit, ob senilis ætatis imbecillitatem.

Iisdem omninò de causis contingunt dolores Articulorum, ut propterea qui humores ad vias urinæ præfatas afferunt affectiones, in artus delati pariunt arthritides, unde congeneres ejusmodi ægritudines experimur, atque iisdem penè medicamentorum generibus curari: Quoniam verò ferosiores plerumque humores, aut egeruntur, aut promtius diffillantur, crassioribus detentis, proinde fit, ut hi in artubus tophos, in Renibus, & Vesica,

*Tozzi Op. Med: Tom. II.*

calculos progignant, atque in aliis, aliisque partibus stagnantes, alias, aliasque inferant gravissimas affectiones, & in Cerebro quidem Vertigines, Apoplexias, mentisque hebetudines, obstructis nimirum vasis, in quibus liquor nervorum à sanguine secernitur; in visceribus imi Ventris Oppilationes, Hydropes, tumores; in oculis glaucedinem, & visum obtusum; in auribus surditatem, atque alibi alias propemodum infinitas.

Neque verò solum quibusdam in partibus peculiare morbi contingunt, sed etiam toti penè Corpori, per cachexiam, seu depravatum habitum, ob malam ejusdem nutritionem, tum propter vitiatum in sanguine alimentum, tum propter defectum viscerum malè transmutantium, repurgantiumque alibilem Corporis substantiam: equidem hæc omnia perperam aguntur in ætate senili, cum & facultates, & spiritus, ac fermenta viscerum sensim, sensimque deficient, ex alibi probatis.

Quoniam autem serum, lymphæ, cæteri que liquores, atque fermenta potissimum glandularum per ultimas ætates sponte sua acorem contrahunt, & cum alicubi detinentur diutius, quam par sit, etiam muratica, austeraque fædine inficiuntur, idcirco sæpissimè quoque accidit, ut Senes acido-salsis ichoribus abundant, qui detentis fuliginibus ex mala transpiratione commisti, longè peiores, molestioresque fiunt; unde postmodum pruritus, pustulæ, & non rarò etiam ulcuscula illis accidunt per universam ferè cutem dispersa. Atque hinc planè evenit, cur tantopere senectus de totius Corporis æstu conqueratur, qui falsò à vulgaribus Medicis calidæ Jecoris intemperiei solet adscribi, cum ta-

F men



men per juventutem nullus viguerit .

Adhuc etiam vigiles admodum sunt Senes: iis enim Cerebrum plurimum exarescit, & liquor ille tum ipsi, tum nervis irrorandis additus, vel multum deficit, vel à naturali, convenientique humefactione desciscit; & quamvis Senes pituitosis scateant humoribus, hi tamen ad somnum conciliandum utiles non sunt, immò si quandoque Cerebrum impingant, gravando, atque obstruendo, potius soporem, atque Apoplexiam inferunt; atqui ros ille somno conciliando peropportunus, lenis, placidus, blandusque esse debet, quo scilicet Pueri potissimum abundant; unde fit, ut somno præ cæteris indulgeant. Sed & senectus curarum plena est, quibus plerumque anxii, ac solliciti, exsomnes sunt, cum alioqui somnus requies animorum appelletur ab Homero .

Ex oculis prætereà, naribusque Senum solet plurimus excrementosus humor extillare, nam illorum Cerebrum multis perpetuò scatet inutilibus succis ex effæto sanguine, ejusque sero, & lymphâ abundantiori, depositis, qui si fortassè detineantur præfatos morbos Capitis afferunt; si verò per consuetos ductus deferantur, & oculos, & nares plus justo humentes efficiunt, immò in os confluentes sputa multiplicant, & labia salivosa reddunt. Iisdem quoque incommodis Ventriculus afficitur, plerumque ex malâ ciborum confectione, quandoque etiam ex illapsu consimilium succorum in glandulas, & meatus intestinorum; unde alvus lubricior evadit .

At verò nunquam ferè non obnoxii sunt Senes visus hebetudini, cum rari admodum sint, qui per eam æ-

tatem videndi acie præpolleant; verum tamen haudquaquam solo languore, aut spirituum inopia, ut plerisque est creditum, sed potius humorum, aut tunicarum crassitie, vel extenuatione, situ, figura, & structura oculi per ætatem evariata, ut aliàs à nobis est ostensum. Cum autem Visus hebetudo triplex observetur, aut in remotis solum, aut in proximis objectis corporibus, aut in utrisque hinc prima dicitur Myopia, secunda Presbytia, tertia Amblyopia . Et quidem Myopes propius admota cernunt, remota vel nullatenus, vel confusè admodum: atque hoc vitii genus familiare potius est Juvenibus, unde ingravescente ætate sæpenumero corrigitur. Presbytæ verò remotiora distinctè, proximiora confusè vident, cujusmodi sunt Senes. Amblyopes tandem tum ad proxima, tum ad remota deficiunt. Hinc autem liquet nequaquam ad spirituum copiam, vel inopiam, robur, aut languorem, visionis vitia esse referenda, quippe imbecilli Senes si proxima cernere nequeunt, multò minus remota discernent; & robusti Juvenes non tam exigenter, ut objecta forent oculis admota. Accidunt ergo ejusmodi visus hebetudines à vitiata tunicarum, humorumque structura, ac dispositione: Etenim in prioribus videndi vitiis CrySTALLINUS humor non habet à Retina justam distantiam, sed vel ad eamdem propius accedit, ut in Presbytiis, vel ab illa longius recedit, ut in Myopiis; quamobrem conspiciendorum ope plurimum adjuvatur alteruter in his videndi defectus; nam in Presbytiis CrySTALLUS in lenticularem formam redacta, seu convexa; in Myopiis verò concava oculos juvat, sive ad proximiora, sive ad remotiora con-



conspicienda. Porrò hæc vel formatione, vel affuetudine, vel sola ætatum mutatione contingere solent, cum sensim humores, & tunicæ oculorum ejusmodi permutationes in situ, ac dispositione, à naturali, debitaque constitutione, plerumque subeant.

Tertia denique hebetudinis species, tum ad proxima, tum ad remota objecta prospicienda, quandoque vitium sequitur illius tunicæ, quæ Cornea appellatur, fortè quia convenienti pelluciditate caret, sed vel crassior, vel rugosior, aliterve affecta, evadit opaca: aliquando ab humore Aqueo, Vitreo, vel CrySTALLINO oritur, qui alieno, atque impuro humore maculatus lumen non benè admittit, ac excipit, nec ad Retinam clarè traiecit. Nonnunquam etiam in Retina ipsa, quæ simulacra rerum debet excipere, vitium latet, & distinctè visioni redditur inutilis.

Glaucedo pariter Senum oculis sæpissimè accidit, cum humores, præsertim CrySTALLINI, crassescunt, & densiores fiunt, ut luminis in ipsos incidentis refractio à debita ratione variet, & glaucus color, cæsius, ac cæruleus, qualis Noctuarum, in oculis observetur. Evenit autem hoc vitium in persenum oculis, exarescentibus quodammodò humoribus, aqueo, & crySTALLINO, ipsa sensim occidente senectute.

Tandem verò cum sensus omnes in Senibus hebescant, tum potissimum Auditus fit gravior; quin & Memoria, ac Mens ipsa in occidua illa æ-

tate paulatim deficit.

Senilibus autem istiusmodi ægritudinibus, quoad ipsa ætas ferre poterit, bono potius victus regimine, quàm multis, & inutilibus medicamentis, occurrere debemus. Et quidem Cachexiam in ipsis moderabimur aromatum usu, atque ex his concinnatis elixiribus, julapiis, tincturis, spiritibus, & aquis, ut est julapium Vitale, Aqua vitæ Matthioli, Tinctura alkermes, Vinum aromaticum, Aroma philosophorum, Oleum cinnamomi, Electuarium è nucleis pineis, & è baccis juniperi compositum, atque id genus alia.

Pruritus Corporis ab effæcto sanguine in acorem vergente inductus exquiret quoque medicamenta, quæ sanguinem ipsum repurgent, atque edulcent, superiùs recensita; cumque ab impedita in Senibus perspiratione pruritus hic eveniat, conferent propterea una simul leves perfrictiones cum pannis excalectis, & aqua ardente irroratis, vel cum aquis thermalibus, potissimum quæ sulphuream, & nitrosam referunt conditionem.

Alvus humida in Senibus, potius optimo victu, quàm remediis curabitur.

Ad Oculorum tandem, & Narium defluxiones, si quæ præscribenda sunt, Ventriculus, & Caput roborent, ac sensus ipsos foveant, & acuant, qualia ex rore marino, succino, caryophyllis, cinnamomo, aliisque volanti alkali præditis, parantur, ut aliàs à nobis est notatum.



# LUCAE TOZZI

In Quartum librum Aphorismorum

## HIPPOCRATIS COMMENTARIA.

### APHORISMUS I.

*Uterogredientes sunt medicandæ, si materia turget, quarto mense, & usque ad septimum, sed hæminius: à juniore autem fœtu, & seniore abstinere oportet.*



Quandoquidem Hippocrates in hoc libro per plures Aphorismos de recta purgantium medicamento- rum ratione in egrotantibus verba faciat, initium ducit ab utero gerentibus, morbo affectis, cujus causa purgatio instituen- da videatur; atque eas docet pur- gante medicamento tractari posse, si tamen materia turgeat, à quarto mense usque ad septimum; has au- tem minùs; in cæteris verò omninò abstinere oportere. Videtur itaque Aphorismus tria universim compre- hendere: morbos nimirum, in qui- bus gravidas purgare conveniat: tempus item opportunum, minus- que periculosum ejuscemodi eva- cuationis: mox etiam tempora gra- viditatis lubriciora, adeoque ca- venda.

Et quidem Catharticis medica- mentis gravidas non esse commo- vendas, nisi gravi, & acuto morbo afficiantur, nemo unquam in du-

bium vertere ausus est, cum subin- dè maximum tum ipsis, tum conce- ptis fœtibus detrimentum sit adfu- turum ab abortu, qui à purgante medicamento procul dubio sequere- tur, & quòd humores innoxios e- duceret; & quòd sanguinem, alios- que liquores funderet, atque alibi- lem succum perturbaret; & quòd Uterum, cæteraque Viscera natura- lia laceffendo plurimum concuteret, & contorqueret, adeòut existima- verit Averroes omnem medicinam solutivam Utero nocuam esse, ut quæ per ejusdem ductus, ac per mea- tus urinarios, vitiolos humores e- tiam promoveat.

Catharticis itaque tunc solùm u- tero gerentes subiiciunt, cum acuto, gravique morbo corripuntur, ac præterea peccans humor, illius cau- sa, efferus est, & motu irrequietus, sive, ut loquitur Hippocrates, tur- get, desumpto vocabulo ab Anima- libus ad coitum concitatis. Cujus rationem tum hic, tum alibi, & *comm. 10. hujus libri*, attulit Gale- nus. Nam cum, is inquit, *super- abundantes humores moventur, & per totum corpus feruntur, non- dùm in aliqua parte firmati, tunc ad eos expellendos Natura incita- tur, & aliquo indiget manum por- rigente, & hunc humorum motum ad alvum deducente, priusquam* robur



*robur Corporis dissolvatur, vel febris caliditas augeatur, aut ad aliquod membrum principale decumbant ii, qui per corpus vagantur humores.* Unde tria exigui videntur ad turgentiam in humoribus inducendam, impetus scilicet humorum, & plusquam Natura postulat, in partes irruptio: Robur earumdem partium, quæ à seipsis illabentes humores propellant: ac denique Multitudo, quæ regi, aut cum reliquis excrementis Corporis sensim simul educi nequeat. Quamobrem turgens materia ex sui copia evacuationem expostulat, & causa mobilitatis facilem, ac promptam illam pollicetur, quæ sanè difficillimè succederet, si alicui parti hæreret, & consisteret; neque verò absque manifesto vitæ periculo, si principem partem occuparet, aut in uterum decumberet, fœtui, & matri noxam certissimam allatura.

Sed quo genere purgantis medicamenti turgentes in utero gerentibus humores educendi sint, gravior videtur difficultas. Et Fuchsius *in expositione istius Aphorismi* præscribit medicamenta verè purgantia, etiam ex colocynthide, scammonio, turpetho, idque genus aliis. *Et quamquam ista medicamenta,* inquit, *vix citrà fœtus noxam sumantur,* cum ex Galeno 2. de victu Acutor. comm. 12. purgantium omnium medicamentorum natura, corporum, quæ expurgantur, naturis contraria, atque deleteria sit; tamen præstat, hunc solum ista ratione ledi, quàm ut nullo prorsus dato, & matrem, & fœtum de vita periclitari patiamur.

Verùm communior praxis ab his abstinet, & tutius putat licere uti levioribus, quæ satis sunt educendis humoribus turgentibus, & sponte

sua mobilibus. Atqui abortus periculum nedum à purgantis medicamenti natura, sed magis imminet ab irritamento, & concussione vehementi à cathartici fortioribus induta: Quamobrem & Aloe, & Rhabbarum quoque vitantur, quorum primum vasorum oscilla facillimè aperit, & hæmorrhoides excitat, alterum verò per vias urinæ humores potenter promovet, ideòque attiguum Uterum facili negotio proritare, & laceffere potest.

De vomitoriis alia potest esse difficultas, num ista in usum purgandarum uterogerentium duci commodè queant. Et crediderim posse illa tutò præscribi, si tamen turgens humor Ventriculum petat, illumque ad nauseam disponat, subvertat, atque ad vomendum sollicitet. Eò namque ducendi sunt humores, quò Natura viam affectat, documento ejusdem Hippocratis 1. aphor. 21. quin & sæpissimè Uterogerentes spontaneas subire solent vomitiones, quibus à plerisque ægritudinibus vel præcaventur, vel vindicantur, quæ etiam ratione partum in debitum tempus salubriter protrahunt, aliàs proculdubio abortituræ. Consentit quoque in id Hippocrates, 5. epidem. 18. ubi Uxorem Antimachi gravidam bimestrem à dejectorio medicamento mortuam scribit, eamque vivere potuisse, si aquam bibisset, & evomisset.

An præterea tutò quoque purgari possint Uterogerentes, si aliis ægritudinibus afficiantur, & vitiosi humores minimè turgeant, sed potius alicubi consistent? Equidem inficias non iverim, cum vitiosus humor partem principem occupat. Quare in Apoplexiis, Convulsionibus, Lethargis, cæterisque Cerebri affectibus soporiferis nemo est, qui non



audacter purgans medicamentum exhibeat gravidis, etiam si exinde periculum abortus immineat: præstat enim opitulari Matri, ne Mater, & foetus simul periclitetur. In Uteri quoque affectionibus, & cum pravus humor in illum irruit, ne abortus inde sequatur, consueverunt peritiores Practici impetentem humorem intercipere, & leni aliquo cathartico ad alvum deducere.

Quod ad tempus verò magis opportunum ejusmodi purgationis, statuit Hippocrates medium illud esse Gestationis, nempe à quarto mense usque ad septimum. Et quidem quartus mensis includitur; cum ex græco Codice τετραμήνια quadrimestres interpretentur Fuchsius, & Heurnius; quasi verò istæ potissimum purgationem sufferant, quod fetus per vasa Umbilicalia tenaciùs Placentæ, & Utero tunc hæreat, nec tam facilè à concutiente cathartico diffocietur. Rectè pariter observat Heurnius quadrimestres foetus intelligendos esse non in spatio temporis, sed in motus inceptioe, cum scilicet moveri cœperint; quippe tunc denotant membra cuncta firmiora jam evasisse: at verò foetus in utero moveri incipiunt, si robore præcellant, circa tertium, & quartum mensem; unde idem Hippocrates *epidem. sect. 3. egr. 13.* spontaneas alvi turbationes in trimestri promovit, & quidem salubriter, quocirca gravis illa à febre decimaquarta die judicata est. De septimo autem mense major est difficultas. Putat Brasavolus etiam ab Hippocrate comprehendi. At excludendum arbitratur Fuchsius, quod Hippocrates dixerit *usque ad septimum*: si enim, inquit, hunc excludere noluiisset, profectò dixisset ad octavum usque: at verò octavus mensis periculosissimus est,

& septimus non rarò partui dicatur. Verùm adjecta verba, *sed he minùs*, manifestè declarant etiam septimum voluisse inclusum, non tamen adeò tutum esse, veluti sextus, quintus, & quartus mensis, ut propterea quò uteri gestatio septimum propius attigerit, eò periculosior purgatio existimetur. Multum autem hic tribuendum est solertiæ Medici, qui pro ratione Morbi, ejusque causæ, atque ægrotantis gravidæ constitutione, septimestrem catharsi subiciet, vel eximet.

Postremò à juniore, & seniore factu abstinere oportere, hoc est omnino catharsim cavere, necessum esse, in primis, & ultimis mensibus graviditatis, admonet Hippocrates, ex evidenti abortus, & vitæ periculo, tum Matris, tum Infantis; quoniam ex Galeno *in comm. Fetus cum connexus cum Vtero eandem habent proportionem, quam fructus cum plantis. Hi siquidem in prima generatione debilioribus pediculis continentur, & ideo facilè decidunt, quando vehementior ventus ipsos concusserit; postea verò aucti difficilem habent à plantis dissolutionem: sicuti rursus cum perfecti sunt, sponte sua sine vi extrinseca decidunt. Eodem modo & conceptus, in primo quidem tempore seminis injectionis, si aliquandò saltare contigerit mulierem, aut in lubrico cadere, sive quovis alio modo, vel secundum animam, vel secundum corpus moveri vehementius, facillimè dirumpuntur; sic etiam quando jam perfecti sunt: tempore verò intermedio, firmiorem habent coalitum; quare mulier utero gerens potest fortiores motus sustinere, sine foetus offensione. Hactenus Galenus. Hinc modò plenè constat, cur media tempora veluti ad purgandum tutiora per-*

mittan-



mittantur, prohibeantur verò priora, & posteriora, tanquam periculosiora.

Illud tamen hìc superesset examinandum, quo pacto, quoque coalitu adhærescat fœtus Utero materno, unde alimentum, & vitam mutuatur. At quoniam id à Nobis luculenter est ostensum in priori nostræ Medicinæ parte Theoretica, idcirco libenter illuc philologos remittimus.

## APHORISMUS II.

*In Medicationibus talia educere è Corpore, qualia sponte prodeunt, utile. Quæ verò contrario modo prodeunt, cohibere oportet.*

**Q**UOD aliàs *Aphor. 2. lib. 1. de* quacumque evacuatione sponte naturæ promota scripserat, nunc de sola purgatione, quæ Cathartici auxilio ab Arte peragitur, sermonem habet, atque inquit, in artificialibus purgationibus talia è Corpore esse educenda, qualia si sponte, & ultrò prodirent, egererentur; at contra, cohibenda esse, si alia ab his, quæ peccant, prodeant. Quare consulit hoc Aphorismo Hippocrates Medicos in Catharticis Naturam imitatuos. *Est autem imitatio*, inquit Galenus *in comm. tales in unoquoque morbo humores evacuare, quales novimus in spontanis prodesse evacuationibus*. Nominè verò talium, & qualium humorum, intelligendi sunt in specie peccantes; putà biliosi, lymphici, crassi, tartarei, acres, acidi, alique, si fortassè plus justo superabundent, Naturam gravent, atque ægrotantem infestent. Afferit Galenus exempla earum, quæ sponte fiunt, salutarium evacuationum, ex eodem Hippocrate desumpta, ut cum aqua

inter cutem laboranti, & lippitudinem, aut surditatem patienti, alvus solvitur; unde has easdem evacuationes arte promovere, utile putare est, cum id peragatur, quod Natura sponte sua salubriter perficere consuevit, quamquam non semper ex voto succedere soleat.

Quoniam verò Hippocrates sponte prodeuntibus, artificiales evacuationes, salutare ut eveniant, comparavit indefinitè, jure hìc dubitare licet, quid pro sponte prodeuntibus intelligere voluerit, cum & criticis, & symptomaticis illa aptari queant. Et quidem de criticis res in confesso est apud omnes, quoniam per illas Natura seipsam à molestiis exonerat, & ægros ab ægritudinibus vindicat: neque aliundè criticæ, & salutare dicuntur evacuationes, nisi quia per ipsas morbi judicantur, ac desinunt: At verò symptomaticæ tales non sunt, quibus non rarò Natura plurimum elanguet, morbi ingravescent, & sæpe etiam mors subsequitur, cum tamen humores in illis sponte prodeant. Quamobrem non videtur Aphorismus indefinitè accipiendus de quibusvis sponte prodeuntibus, etiam symptomaticis. Hinc Fuchsius illum ita scribendum putat: *In usu medicamentorum purgantium talia è Corpore educere oportet, qualia etiam si sponte prodirent, utilia essent*; ita ut sensus fiat: talia è Corpore esse educenda, qualia ubi sponte prodirent, utilia forent, idest qualia à Natura ipsa utiliter evacuarentur. Quo casu etiam symptomaticæ evacuationes salutare censendæ erunt, si ejus sint humoris, qui obest. Quocirca solent communiter dici conferentes in genere causæ, quia morbifica causa per ipsas minuitur; malæ verò in genere signi, quòd signifi-



cent humorum multitudinem, vel pravitatem, unde partes gravatæ, vel irritatæ evacuationem moliantur.

Quemadmodum autem purgationes ope medicamenti ab Arte promotæ salutare, utilesque sunt, si ejus sint humoris, qui peccat, qui que sponte naturæ prodiret, si criticè egereretur; ita è converso malæ, & inutiles existimantur, si ea catharticiis medicamentis vacuentur, quæ Natura non utiliter educeret: quamobrem consulit Hippocrates illas esse cohibendas. Sic oportebit fluentem immodicè sanguinem sistere, & alvum ex hypercatharsi, aut egestionem alius humoris ab eo, qui educendus esset, firmare, & cohibere, remediis in hanc rem planè specialioribus.

Undè verò conicere possit Medicus fore utilem, vel inutilem, artificialem ejusmodi evacuationem, ut finenda, vel inhibenda sit, ab his, quæ conferre, & tolerari probaverint, judicium sumendum esse admonet. Quare sequentem Aphorismum subjungit, veluti istius appendicem.

### APHORISMUS III.

*Si qualia oportet purgari, purgentur, confert, & leviter ferunt. Contraria verò graviter.*

**C**Um dixerit Hippocrates utile esse in purgationibus arte promotis alia educere è Corpore, qualia sponte naturæ prodirent, indicia nunc tradit proficientis ejusce modi purgationis, desumpta ex eo, quòd conferat, morbus remittatur, & æger sufferat, cum vires nullum, vel leve admodum detrimentum ab illa patiantur.

Quamquam autem idipsum ferè docuerit *Aphor. 2. lib. I.* ut propterea hic videatur inutiliter, & frustra repetitus, non tamen eximendus, ut bene advertit Cardanus; nam ita necitur præcedenti, ut oratio omninò mutila remaneret, si deesset: Sicut enim in evacuationibus ultroneis utilitas certa, & perseverans judicatur, si conferat, & toleretur, cum scilicet talia egeruntur, qualia convenit evacuari, ita in evacuationibus medica ope proritatis emulumentum certò futurum coniicitur, si ea purgentur, quæ purgari oportet; & contra, si talia sint, educta qualia erant educenda, certò quidem conferet, & æger sufferet, ut proindè vicissim se res habeat ad utrumque. Qua sanè ratione putaverim facile his responderi posse, qui ausi sunt Hippocratem notare, quòd tum hic, tum *Aphor. 2. pr.* nil quicquam se dignum scripserit, sed lippis, & tonsoribus notissimum, ut fusiùs à nobis alibi est excussum.

Hinc nullo negotio deducetur, neque conferre, neque tolerari evacuationem humorum, qui utiles, aut alibiles cum sint, nullatenus sunt educendi, sed graviolem noxam afferre, commotis, exasperatisque his, qui noxii sunt, & morbum faciunt. Hæc autem notiora sunt, quàm quæ notissima, propterea longiori non egent explicatione.

### APHORISMUS IV.

*Medicari Aestate superiores magis, Hyeme verò inferiores.*

**S**Ubaudire oportet Ventres, subdit *in comment.* Galenus; Ita ut sensus sit, per Ventrem superiorem seu Stomachum magis Aesta-



Æstate, Hyeme verò per Intestina, seu Ventrem inferiorem purgandum esse. Et rationem affert, *quoniam qui tunc superabundat humor, flava bilis est, & tota natura animalis propter ambientem caliditatem magis ad superiora movetur*. Hyeme verò potius prævalent crudi, crassique succi, qui sponte sua deorsum feruntur, & tunicis intestinorum adhærescunt, ut proinde ad superiora difficillime deduci possint; quamobrem melius dejectoriis ad alvum ducuntur. Constat præterea experimentis per Æstatem os facillime amarescere, & Ventriculus, ejusque orificium superius ad vomendum sollicitari, sive quòd fermenta illuc ex arteriis gastricis corrivantia acriora sint; sive quòd sanguis ipse acrioribus, & veluti sulphureis partibus plùs æquo redundans in cystim felleam easdem uberius deponat; unde & urinæ per idem tempus flavescere magis soleant, & fæces, cæteraque Corporis excrementa pari colore inficiantur: quæ sane ex documento ejusdem Hippocratis promptam, & facilem pollicentur vomitionem.

Sed obstare sibi ipsi videtur Hippocrates *lib. de salubri victu* docens, *sex hybernis mensibus vomere utile esse, nam & pituita plus, & capitis gravitas subest; in Æstate verò clysmatum sit usus, & superiores Corporis partes per inferiores purgandæ*. Id ipsum protulit Celsus *lib. I. cap. 3.* vomitum indicens utiliore Hyeme, quàm Æstate, hanc eandem procul dubio Hippocratis sententiam prosequutus. Licet autem plerisque visum sit librum hunc non Hippocrati, sed Polybio adscribere; nil tamen inde deducetur, quòd rationabiliter propositæ objectioni

faciat satis; cùm & Polybius gravissimus quoque Auctor sit, neque sua vel ratione, vel experientia destituatur, ut etiam in hoc Celsum asseclam habere promeruerit. Neque verò satisfacit Galenus distinguens evacuationes vel ad totum Corpus spectantes, vel ad Ventriculus solum, ut propterea velit Aphorismum hunc intelligendum de evacuatione totius Corporis per superiora Æstate promovenda, per inferiora Hyeme; effatum verò *de salubri dieta* restringendum ad solius Ventriculi exonerationem. Quoniam sive Æstas, sive Hyems fuerit, semper ac Ventriculus humoribus gravatur, vomitu exonerandus est, exigente id loci conditione, & humoris expurgandi promptitudine, quippè qui compendiosiori via statim educitur.

Verùm enim verò quocunque humore Ventriculus infarciatur faciliùs planè per vomitum, quàm dejectione exonerabitur, sive tempus æstivum sit, sive hyemale, cùm non à tempore, sed ab humoris evacuandi proclivitate, facilitateque, indicationes desumantur ejusmodi specialium egestionum. Quoniam autem humores sub Æstate plerumque Ventriculus occupant, atque à depravatis ejusdem digestionibus ægritudines inferunt, undè eo tempore faciles cruditates, nausæ, oris amaritudines; propterea fit, ut promptius per vomitum egerantur. Faciunt in idem esus fructuum immoderatus, gelidæ potationes, balneationes, natatus, cæteraque his similia, quibus plurimum Ventriculus elanguet, & impuritatibus oneratur. Hinc compertum habemus cunctas propemodum ægritudines Æstate vagantes ab uno Ventriculo crudis humoribus oppresso exoriri, ut propterea vom-



vomitum opportunè concitatus momento veluti gravissimis cæteroqui ægritudinibus remedio sit. Sed & neque absolutè dixit Hippocrates Æstate per superiora dumtaxat purgandum, etenim usus est voce comparativa *magis*; quasi verò dicere voluerit, plerumque Æstate per vomitum vitiosos humores esse educendos, quoniam isti plurimum primos ductus gravare solent, aut circa Ventriculum stagnare. Quòd si fortassè alibi resideant, per alios ductus erunt evacuandi, quò nimirum illi vergere videbuntur, modò loca ipsa sint conferentia. Ita quoque si Hyeme Ventriculus biliosis, ut vocant, succis, scateret, non infernè, sed supernè vacuandus foret, nulla habita ratione temporis, sed tantum loci præter naturam oppleti, & promptè per superiora exonerandi; quia tamen Hyeme crassi humores intestina sæpius occupant, indè fit, ut facilius deiciantur, cum difficilè admodum foret inverso intestinorum motu per stomachum illos protrudere, & per os expurgare, idque non sine gravi periculo. Cur autem humores vitiosi plerumque in Hyeme intestina, vel glandulas Mesenterii occupent, ratio peti potest nedum ex eorumdem, qui sæpe sæpius crassi, & viscosi esse solent, conditione, sed potissimum ex tardiori secretionem, quæ tunc peragitur: sicut enim Æstate ciborum digestio, seu dissolutio in Ventriculo languet, & tarda est; secretio verò in Intestinis celerrima fit, sive à fermentorum acritate, sive à laxitate viarum: ita vice versa ciborum confectio Hyeme in Ventriculo citior est, cum Ventres Hyeme, & Vere natura calidiores ab Hippocrate dicantur; at verò secretio, seu distributio tardior, unde etiam alvus

adstrictior evadit, & pulsus eo tempore rariores sunt. Accedit quòd somnilongissimi per Hyemem adjuvant coctionem; vigiliæ, & motus per Æstatem facilitant distributionem, ut proindè mirum non sit, cur humores excrementosi Æstate potius Ventriculum occupent, Hyeme verò in Intestinis, & glandulis Mesenterii restagnent: quamobrem illi per vomitum, hi verò per dejectionem facilius educuntur.

Atque hinc modò contradicentia Hippocratis loca facilè erit in unum, concordemque sensum revocare: etenim idcirco hyemali tempore vomitum commendavit, quia Ventriculum multa pituita repletum existimat, ut clariùs ejus latinus Interpres Celsus expressit; siquidem non à tempore, sed ab humore Ventriculum occupante indicatio vomendi desumitur; quare sive Æstas, sive Hyems sit, parum refert, dummodò locus vomitioni paratus videatur.

Quod autem putaverit Musa Bravolus vomitum Æstate commendatum, ad inaniendos superiores ventres, Caput scilicet, & Thoracem; planè nec Hippocrati, nec rationi, aut experimento cohæret. Hippocrates siquidem in diversis Capitis ægritudinibus alvi subductionem consulit, non vomitum; ut in surditate, oculorum dolore, cæterisque; quin & Galenus *in comm. hujus* nonnisi de Ventriculo solum aphoristicam hanc sententiam est commentatus. Ratio verò tantum abest, ut suadeat, Caput, & Thoracem per vomitum inaniri, ut potius expansa repleantur, & graviter ab impetente Ventriculo afficiantur; unde vomitus in affectibus oculorum, & pectoris, communi voto tamquam nocuus reprobat. Experi-



rientia denique pluries constitit in harum partium ægitudinibus plurimum vomitum obfuisse, & quibusdam sputum sanguinis, aliis oculorum inflammationem, & vehementissimum Capitis dolorem attulisse, ut propterea nemo sit, qui in praxi audeat, vomitoria in morbis partium superiorum præscribere, nisi tantum cum illi à laborante Ventriculo proficiuntur, à cujus levamine illæ consanescant.

## APHORISMUS V.

*Sub Cane, & ante Canem, difficiles sunt medicationes.*

**Q**Uam opportunum tempus cōferat in purgantibus medicamentis adhibendis, ut subindè proficiant, & sine ullo incommodo utiliter ferantur, nedum hîc, sed alibi pluries inculcavit Hippocrates, speciatim autem *lib. de Aere, aquis, & locis*, illorum usum inhibuit in magnis temporum mutationibus, itemque in solstitiis, & æquinoctiis. Considerandos quoque voluit inerrantium Astrorum exortus, præcipuè Canis, deinde Arcturi, & Plejadum occasum: unde non minimam partem conferre ad rem medicam Astronomiam ipsam censuit, tum in prænoscentis, tum in curandis ægitudinibus, ut vix errare Medicum posse asserat, qui stellarum congressus præsentire, & observare novit.

Commodum nunc quoque, difficiles, & molestas admonet futuras purgationes sub Cane, & ante Canem: quod etiam edocuit *lib. de medicam. purgant. in fine* inquiens: *Tempore Aestatis à Canis ortu per dies quinquaginta vitare oportet, & non dare medicamentum, sed infusis per clysterem uti.* Quoniam ex

Galeno *in comm. hujus*, exusta tunc nostra natura, eam, quæ à medicamentis purgantibus existit, non fert acritudinem; quare & pluries purgati hoc tempore incidunt in febres, & natura ex aestu imbecillis, magis ex purgatione dissolvitur: & quidem purgatio hæc mala fiet, cum calor aeris ambientis in partem trahat extrinsecam, contrariam ei, ad quam medicina ducit humores.

Quodnam autem sit ejusmodi tempus *sub Cane*, & *ante Canem*, inquisitione dignum. Verum oportet scire ex Astronomicis duos affigi Firmamento Asterismos Canis nomine appellatos, quorum alterum Canem majorem, alterum minorem faciunt. Ambo sunt in plaga Australi extrà Zodiacum, sed minor ab æquinoctiali declinat ad Boream, major verò ad Austrum. Asterismo Canis minoris ad femur appingitur stella primæ magnitudinis Procyon dicta; In Asterismo verò Canis majoris ad mandibulam, & in oris hiatus affigitur Sirius, stella quoque primæ magnitudinis fulgidissima, quam Ptolemæus *in Almagesto*, stellarum pulcherrimam appellavit, quod ob magnitudinem, & splendorem, præ cæteris longe admodum micet, atque scintillet; hæc verò per dies decem circiter post Procyonis ortum ex Horizonte cum Sole emergit. Cum igitur dixit Hippocrates *sub Cane*, tempus illud intelligendum voluit, quo Sirius, & Canis major viget, sive cum Sole cosmicè oritur; *Ante Canem* verò, tempus, quo Procyon exortum Sirii præcedit.

Sed non bene convenit inter Auctores cuiam Cani nomen Canicule propriè tribuendum sit. Equidem si vocem ipsam attendas, videtur convenire Cani minori, quem pro Canicula usurpant Tabulæ Alphonsinæ, Beda,



Beda, aliique: cui sententiæ favet quoque *Horatius libr. 3. ode 29.* in-quiens.

....*Jam Procyon furit,  
Et stella vesani Leonis,  
Sole dies referente siccos.*

Et multò clariùs *Plinius libr. 18. cap. 28.* *Ægypto verò Procyon matu-  
tino æstuosus, quod sidus apud Ro-  
manos non habet nomen, nisi Cani-  
culam hanc velimus intelligi, hoc est  
minorem Canem, sanè ut in astris  
pingitur.* Bayerus in sua *Vranome-  
tria* utrumque Canem vocat Cani-  
culam, quod & alii faciunt. At mul-  
to plures sunt, qui Caniculæ nomen  
Sirio attribuunt, & inter cæteros  
Astronomi, qui propterea Canicu-  
lares mutationes Cani majori, & Si-  
rio adscribunt. Undè *Manilius A-  
stronomic. 5.*

*Cum verò in vastos surgit Ne-  
meus hiatus,  
Exoriturque Canis, latratque  
Canicula, flammæ  
Et rapit igne suo, gemitatque in-  
cendia Solis.  
Qua subdente facem terris, ra-  
dioque movente  
Dimicat in cineres Orbis, fatum-  
que supremum  
Sortitur, languetque suis Nep-  
tunus in undis  
Et viridis nemori sanguis dece-  
dit, & herbis, &c.*

Quamquam *Galenus primo Epidem. comm. 1. const. prima* de Sirio hæc ha-  
bet: *Hunc aliqui, nomine abuten-  
tes totius Sideris, Canem etiam no-  
minant: atqui Cani universo Side-  
ri est nomen; illi verò, quæ in ejus  
est mandibula, Caniculæ, quàm re-  
ctè Anticanem, non Canem appel-  
les.* Idemque indicatum legimus ab  
*Arato vetustissimo Poeta græco, cu-  
jus Phænomena* in latinum vertere  
dignatus est *Cicero*, referuntque

in hanc rem illius carmina *Fuchsius*,  
& *Cardanus*. Sed & luculentius idem  
*Aratus*, *Rufo Festo Paraphraste*, de  
Sirio agens.

*Aetheria Canis ille plage, cui plu-  
rimus ardor  
Æstuat in mento.*

Et mox:

*Qui formidato sub nomine Sirius  
æthram  
Vrit, huic rutilos si Sol adflexe-  
rit axes,  
Quantus corporibus, quantus la-  
bor imminet agris.*

Quo insuper tempore uterque Ca-  
nis oriatur, licèt aliter, aliterque  
apud Veteres scriptum sit, nostris  
tamen temporibus *Cosmicus* ortus  
Sirii incipit initio Augusti, Procyo-  
nis verò ad diem xxiv. Julii. At si or-  
tum Heliacum spectemus, hujus ac-  
cidit iii. Idus Augusti; illius verò  
xvii. Kalendas Septembris. Tempo-  
re autem *Hippocratis*, annis antè  
Christum natum CCCC. & in IV. Cli-  
mate, quod per *Rhodium Insulam*  
transit, ortus Caniculæ referebatur  
ad pridie Idus Julii: & tempore A-  
vicennæ, idest anno Christi MC. cir-  
citer, ad xvi. Kalendas Augusti: id-  
que fortassè ex *Plinio libr. 2. cap. 47.*  
qui ad dies xv. ante Kalendas Au-  
gustas adscribit: & clariùs *libr. 18. cap. 28.* *xvi. Kalendas Augusti Affi-  
riæ Procyon exoritur; dein postri-  
die, ferè ubique confessum inter om-  
nes sidus indicans, quod Canis or-  
tum vocamus, Sole partem primam  
Leonis ingresso: hoc fit post solsti-  
tium xxiii. die.* Et rursus *cap. 29.*  
*Plenilunium nocet ad iv. nonas Ju-  
lii, cum Ægypto Canicula exoritur,  
vel certè xvi. Cal. Augusti, cum Ita-  
liæ.* Circa idem tempus illam oriri  
testatur quoque *Ptolem. lib. de inerr. stell. signif.* At verò *Maginus* anno  
Domini MDC. ad altitudinem Poli  
Gr. 45.



Gr. 45. ortum Caniculæ Cosmicum accidisse scribit iv. nonas Augusti. Et Argolus Romæ, anno MDCXLIII. ad pridie Kalendas ejusdem. Verumtamen variat semper illius ortus ne dum pro varia locorum latitudine, & poli elevatione, verum etiam, quia stellæ fixæ ex accuratissimis observationibus Tychonis, cæterorumque Recentiorum Astronomorum, quotannis in Ortum, secundum signorum ordinem, feruntur secunda 51.

Numerus Canicularium dierum varius adhuc dicitur ab Authoribus. Idem Argolus ad dies dumtaxat xxvi. contrahit, nempe à die xxiii. Julii (cùm Sol ingreditur amplitudinem Orbis lucis Sirii) ad diem xviii. Augusti. Maginus protrahit ad xxx. Keplerus ad xxxv. vel xxx. At verò Hippocrates ad L. dies produxit. Hinc ad Idus usque Septembris ex mente ejusdem purgantia medicamenta veluti toleratu difficilia, ac molesta, in nostris regionibus vitanda erunt.

Num insuper ex solo hujus temporis æstu immoderato existimaverit Hippocrates difficiles, ac molestas futuras purgationes, an etiam ex peculiari Astrorum vi, atque influxu, non ausim determinare. Quippè ex una parte non solum fervida hæc, atque æstuosa tempora vitanda is monuit, sed etiam temperata, cujusmodi sunt Æquinoctia, itemque occasus Arcturi, & Plejadum per Autumnum contingentes; quomobrem non à solo Aeris calore molestiam purgantium deducit. Ex altera verò parte non levis ratio suppetit ex Galeno superius adducta, quam latius sunt prosequuti Fuchsius, & Cardanus hoc loco, quòd eo tempore Natura imbecilla sit, Corpus effuccum, & excalesfactum, atque hu-

mores sponte sua ad habitum Corporis ferantur per sudores, ut propterea non tutò ad interiora duci possint, ne ambobus inter se pugnantibus Natura distrahatur, aut penitus dissipetur. Expertum quoque dicunt in Caniculæ exortu Solem cæteroqui à vertice decliviorē, urentiorem, molestioremque persentiri: quin scribit Plinius *lib. 2. cap. 40.* Maria, exoriente Sirio, plurimum fervere, fluctuare in cellis Vina, Stagna moveri, Canes in rabiem agi, Apes ubertissimè mellificare, Et eas ventos spirare, aliosque plures effectus sanè admirandos in Terris percipi, qui non aliundè, quàm à vi, atque influxu speciali hujus sideris proficisci posse videntur.

Sed, ut verum fatear, non video, qua ratione tot, ac tanta Caniculæ, & Sirio tribuantur, quæ in nostris Regionibus vel nulla sunt, vel potius Soli, quàm ipsi debentur. Ea enim longè admodum à nostro vertice diffita est, amplitudinem habens ortivam perquam proximam Tropico Capricorni, unde vix gr. 33. suprà Horizontem assurgit, & tum potissimum à Sole remotissima fit. Sed & quibus illa in vertice est, non calorem, sed frigus affert, quo tempore cum Sole cosmicè exorrens, nobis sub Zona temperata degentibus æstum congeminare putatur, quippè tunc illis Hyems est. Quod si in errantibus Stellis quidpiã virtutis erga nos unquam inesset, profectò id foret potius conferendum Regulo, Basilisco, seu Cordi Leonis, Stellæ primæ magnitudinis, de natura quoque Martis, quæ tum juncta Soli, signum ipsum Leonis peragranti, per idem tempus suprà Horizontem emergit, Cælum mediat, & iterata circuitione revolvitur. Attamen negari non potest maximè

V. etiam  
lib. 11.  
cap. 14.  
& Mer-  
curial.  
var. lec.  
1. 2. cap.  
24. ex A-  
rist. 1. 5.  
de hist.  
anim. c.  
12.



ximè tunc etiam in urentiorem æstum conferre majorem in aere vaporosiori refractionem. Comperit enim habeo Aerem in his nostris Regionibus per hæc eadem tempora vaporibus fieri confertiores; unde radii Solis, etsi aliquanto decliviores, ad Tellurem trajecti, uberrimè, velut ex vitro ustorio, colliguntur, & quodammodò exurunt. Hinc quodie caliginosum Aerem antelucanis, vel vespertinis horis prospicimus, æstum longè admodum urentiorem futurum prælagire solemus, quem mox per diem experimur. Fieri autem per hæc tempora Aerem vaporibus confertiores ipse crediderim ejusdem Solis vi, qui è Terraqueo globo in hiatus patentissimos dehiscente innumeros, variosque vapores elicit, cumque hi per noctem nequeant deinde discuti, nec præ sui tenuitate in pluviam concrefcere, per circumambientem propterea aerem dispersi, neque multum à Tellure sublimati, iusta distantia, collectos Solis radios arctissimè in nos transfundunt, & ad igneum penè ardorem iterum, iterumque conduplicant. Hac ergo de causa fit, ut manè, & antè Solis exortum non leve frigus per sentiamus, interdium verò exæstuemus: In id quoque referre est, quamobrem per hoc idem tempus tam perniciosæ apud nos sint locorum mutationes: quippè Aer tum quoque ex hiantè Tellure, variis, multigenisque evaporationibus inficitur, quæ non minimum officiunt respirationi, & sanguini per Pulmonem circulanti; & nisi per ingentes, iteratosque imbres, aut à flante Borea Aer omninò repurgetur, exitiosas ægritudines minatur, ut alibi etiam adnotavimus. Dixit autem Hippocrates *sub Cane*, & *ante Canem*, non vires, sed tempus potius

exortus utriusque designans, cum nimirum ea accidunt, quibus Aer æstuosior fit, & Corporum habitudines adeò afficiuntur, ut purgantium medicamentorum vim, commotionemque sufferre nequeant.

Quoniam verò Hippocrates de tempore ortus utriusque Canis expressè hoc Aphorismo meminit, planè audiendi non sunt, qui existimant, *sub Cane* illum voluisse oppositum tempus ortus Canis designare, atque adeò hyberni solstitii, intensiorisque frigoris dies referre: quamquam & hoc etiam tempus importunum Galeno censeatur, *lib. quos, quibus, & quando*, purgantibus adhibendis, cum tum quoque difficiles, & molestæ admodum contingant purgationes, quòd humores non tam sint ad exitum parati, nec viæ laxæ, aut expeditæ. Id enim licet verum sit, non tamen menti Hippocratis hoc in Aphorismo cohæret, cui solùm de tempore ortus Sirii, & Procyonis meminisse in animo fuit.

Verum enim verò non omninò cavenda dixit tempora vigentis utriusque Canis in usu purgantium medicamentorum, sed solùm per ea tempora purgationes difficiles, & molestas, idest non facilè tolerabiles, accidere. Siquidem illa dicitur ab eodem salutaris evacuatio, quæ confert, & toleratur; modò hæc minimè videtur sufferri posse in diebus Canicularibus, ex antea traditis. At si ægritudo talis per hæc tempora contingat, quæ exigat purgationem, profectò illa adhibenda, quoniam potissima indicatio agendi in morbis, non quidem à temporibus sumitur, sed à causis morbificis, atque ab his, quæ intrà Corpus sunt, non extrà. Sic Apoplecticos, Hydropicos, Colico dolore vexatos, aliosque tempore caniculari graviter



ter affectos, absque ullo metu æstus, aut Canicula, communiter in praxi cathartici curare adnituntur, ad humoris vitiosi depulsionem. Quamobrem hunc Aphorismum potius servandum interpretabimur in his, qui ab imminentibus se tueri, quam à præsentibus morbis vindicari fatagunt, & potius in Corporibus sanis, vel neutris, quam in morbofis, quæ ægritudine laborant cathartici usum exoptulante; etenim de his, qui adhuc sunt sani, sed ægri futuri sunt, scripsit Hippocrates 6. *Aphorif.* 47. *Quibuscumque venæ sectio, vel medicatio convenit, hos Vere purgare, vel venam incidere oportet*, ad præveniendas imminentes per Aestatem ægritudines, ut fusè Galenus explicat in *comm. ejusdem Aphor.* Quod autem hos memoret Hippocrates, qui per medicamenta purgantia se tueri cupiunt, manifestè declarat Galenus hoc loco, inquit: *quare & plures purgati hoc tempore incidunt in febres, & Natura ex æstu imbecillis, magis ex purgatione dissolvitur.* Si enim timor est, ne incendant in febres, procul dubio de non febrientibus, & morbofis sermo est habitus.

## APHORISMUS VI.

*Graciles, & facile vomentes, purgare superius, caventes Hyemem.*

**Q**Uemadmodum præcedentibus Aphorismis de temporibus aptis, vel ineptis, ad vomitum, aut dejectionem, egit, ita nunc de Corporibus, illorumque habitudinibus verba facit. Et primùm Graciles, ac facile Vomentes considerat, quos ait per superiora purgandos esse. Pro Gracilibus autem non intelligendi

sunt Tabidi, quique ex morbo graciles evasere; nam de his *Aph. VIII.* sed qui obesi, & carnosæ natura non sunt. Plerumque enim Graciles istiusmodi solent esse Picrocholi, vulgò biliosi, & cholericæ, ut advertit in *comm.* Galenus, quibus venæ, & arteriæ latæ sunt, sanguis tenuior, & acrior, ac stomachus, atque os ingenti amarore suffunditur. Neque solum istos satis est graciles esse, nisi etiam faciles sint ad vomendum; Siquidem nimium valet promptitudo loci, & facilitas, seu dispositio humoris, sponte sua vergentis ad supera: tales autem observantur, qui breve collum habent, thoracem latum, & Pylorum ex irritamento protinùs se invertentem ex coarctatione fibrarum circularium: Anatome quippè expertum est, vomiturientes sortiri cholidochum ductum recta pergentem in pylorum, quò biliaris succus superabundans facile irruit, & vomitum concitat. Itaque cum hæc omnia plerumque concurrant in gracilibus, meritò per superiora purgandi illi erunt. Adiicit tamen idem Galenus adverbium *magis*, nam magna ex parte, inquit, graciles sunt biliosi. Quòd si gracilitas talis sit, qualis in melancholicis corporibus esse solet, quia in illis desunt conditiones mox memoratæ, jure, ut inepta ad vomendum, excluduntur ab eodem Hippocrate *Aph. 9.* inferiùs explicando.

Verùm undè accidat gracilitas ista corporibus, curiosum est quaesitum. At qui consideraverit partem sanguinis glutinosam, & albicantem, in Animalibus obesioribus, & mole, & virtute plurimum valere, tenuem verò, & dilutam nimis esse in gracilibus; planè causam utriusque inveniet. Quæcumque enim animalia sunt obesa, & multo adipe sca-



scatentia, sanguine quoque abundante glutinosiori, qui facile partibus appingitur, & hærescit pro nutrimento; quæ verò macilenta sunt, modico glutine donantur, eoque plerumque dilutiori, ut propterea concreescere non satis sit, & in augmentum partium adhiberi. Hac eadem ratione contingit, Senes sensim extenuari, & contabescere, marasmo, ut vocant, frigido, quoniam sanguis in ipsis, ætatem progressu, tenuior, atque dilutior fit, & si fortasse concreseat, potius à crudo, inutilique phlegmate crassescit, quod partibus gravamen esse solet. Contra verò Pueri, sanguinem fortiori consistentiorem, & glutine abundantem, in dies incrementum suscipiunt, atque ad trinam dimensionem vegetant.

Est tamen verum, quòd licet gracilia Corpora nacta sint sanguinem multo glutine non saturum, adeòque modicè illa nutriantur, & crescant, solent nihilominus esse vegetiora, & validiora; quippe quæ sanguinem habent acriorem, floridiorem, multisque spiritibus refertum, quo sanè privantur obesa; sed & Venæ quoque, ac Arteriæ in his observantur magis exiles, quæ tamen latiores sunt in gracilibus; unde & pulsus in illis fiunt tardiores, minusque validi; in his verò crebriores, & vehementiores; quin immò dicebat Hippocrates 2. *Aph.* 44. natura admodum crassos citius interire, quam graciles: cuius rationem reddens Galenus in *comm.* inquit: *Angustæ enim sunt horum Arteriæ, & Venæ, atque ob id paucum omnino sanguinem habent, spiritumve, adeò ut cum ætate processerint, citò ipsis, vel parva ob causam, calor nativus destruat.*

Quoniam ergo gracilia Corpora

tenuiorem habent sanguinem, fellem humorem plus justo cumulant, qui delatus, ut dictum, ad pylorum, facilem in illis vomitum excitat; cumque bilarius iste succus quodammodo etiam conferat excrementorum per alvum expulsionem, ne ista magis Hyeme impediatur, quæ tardior per id tempus esse solet, proinde consultit Hippocrates, cavendum Hyeme. Præterquamquod eo tempore bilis iners esse consuevit, vel saltem à congestionem excrementi mucosi, ex tardiori distributione, emergentis, plurimum retusa; quamobrem satius erit per eadem tempora alvum, si oportuerit, subducere, & tardas ipsius egestionem promovere, crassos itemque succos, & in plicis intestinorum impactos, detergere, & expurgare.

Sed mirum est, quòd Celsus exactissimus sententiarum Hippocratis Compiler in re hac tam clara, atque ab omnibus recepta, illi contradicere videatur, cum asserat *libr.* 1. *cap.* 3. vomitum gracilibus, & imbecillum stomachum habentibus inutilem esse, utilem verò plenis, & biliosis omnibus, si vel nimium se repleverint, vel parum concoxerint. Sed rectè utrumque conciliat Fuchsius, Celsum interpretatus, de gracilibus, qui vi morbi sunt extenuati, ac Ventriculum languidum, & humoribus vacuum habent. Si enim is vomitum utilem esse ait plenis, & biliosis omnibus, profectò graciles intelligit tabidos, exhaustos, & viribus exsolutos.

Illud tandem erit advertendum, tunc graciles, & facile vomentes per superiora purgandos, cum ægritudine laborant purgationem indicante, atque per vomitum opportuniùs: etenim in omni evacuatione necesse est primum, quòd exigit, inesse;



inesse; mox etiam abesse, quod repugnat, ut illa convenienter instituat, simulque conferat, & toleretur ab ægrotante.

## APHORISMUS VII.

*Vomentes verò difficulter, & mediocriter carnosos, per inferiora, caventes Æstatem.*

**V**idetur hic Aphorismus præcedenti è converso scriptus: Sicut enim facile vomentes ad vomitum inducendi sunt, ut in Ventriculo irruentes egerant humores inde prompte evacuandos; ita vomentes difficulter illum cavebunt, ne periculum dilacerationis venarum incurrant, potissimum in thorace. Quod si prætereà carnosissimi sint, adhuc magis periclitabuntur ob nimiam Ventris compressionem, renixum musculorum, & vasorum exilitatem. Observat etiam Fuchsius non temerè adjectum esse *mediocriter*, græcè μέσως; quoniam qui mediocriter carnosissimi sunt, mediocri corporis habitu præditi, meliori fruuntur sanitate, & quandoque optima; quamobrem nulla evacuatione molestandi, ut dicitur 2. *Aph.* 36. & 37. Cæterum omninò pingues, & obesi, inepti sunt vomitioni, scatentque humoribus pituitosis, & tenacibus, hærentibus potissimum in glandulis Mesenterii, & Intestinorum, qui proinde dejectoriis potius, quam vomitoriis educi possunt.

Additur postremò cavendo Æstatem: & quidem nedum ex nuper traditis, verum etiam quia carnosissimi, & obesi à purgantibus medicamentis facillimè eliquantur, & sanguis in illis funditur ad hypercatharsim usque, si præsertim medicamenta sumantur validiora, ut deducitur ex

*Tozzi Op. Med. Tomo IV.*

Galeno *comment.* 36. & 37. *eiusdem lib.* 2. *Aphor.* cum & per Æstatem ejusmodi Corpora multis, & abundantibus sudoribus perfundantur. At quamquam cavendam dixerit Hippocrates Æstatem, non tamen reliqua anni tempora prohibuit, quæ alibi tutiora, & convenientiora promulgavit.

## APHORISMUS VIII.

*Tabidos verò per inferiora, caventes superiora.*

**N**equis confunderet graciles, de quibus antea, cum Tabidis, & à morbo extenuatis, adiecit hunc Aphorismum Hippocrates, quo admonet, Tabidos, græcè φθινώδεις, seu Phthificos per superiora purgandos non esse, per quas scilicet vias superius dixerat graciles purgari oportere.

At quamvis Galenus *in comm.* pro Tabidis Phthificos, quique phthisim morbum patiuntur, sit interpretatus, videtur tamen inverisimile, hos voluisse Hippocratem comprehendere, nam qua causa, quæ indicatione unquam phthisi laborantes ad vomitum sint deducendi, non bene constat, quippè qui exsuccii, & macilenti, potius repleri, quam evacuari expostulant. Quamobrem verisimilius exponit Cardanus eos hic subintelligendos, qui ad tabem, & phthisim contrahendam proni sunt, quales describuntur ab eodem Galeno ex mente ipsius Hippocratis 1. *epidem.* thorace, & tergo restricti, ac scapulas habentes alarum instar exporrectas, atque ampliori capite præditi, destillationibus, in pulmonem, & thoracem irruentibus, obnoxii: in his enim pulmo mollis, & laxus admodum, cæteraque respira-



tionis instrumenta valdè debilia; facile à confluentibus succis eroduntur; unde sanguinis sputum, Empyema, & Phthisis. Si his ergò vomitus indicitur, proculdubio periclitantur.

Mirari quoque subit, cur in Codice Leonicensi adjectum inveniatur *per inferiora*: cum nec Heurnius, nec Fuchsius, neque Cardanus, aliufve ex recentioribus Aphorismorum Interpretibus id in suis versionibus habeant. Qua enim ratione, siue qui phthisi laborant, siue qui ad phthisim contrahendam sunt dispositi, quocumque medicamenti purgantis genere tractari possint, non facile sibi quispiam persuadebit. Verùm tacite subintelligendum existimaverim, purgationem per inferiora potius moliendam esse, si fortasse Venter cum adjunctis ductibus fuerit aliquo humore gravatus: quamvis enim ex humore in Ventriculo stagnante vomitus foret indicatus, ob malam tamen Pectoris, & Corporis habitudinem, vergentem ad Tabem, potius ad inferiora is ducendus erit, ne periculum disruptionis vasorum, & suffocationis subeatur, ut dictum. Medicamenta autem purgantia ex levioribus seligenda forent, Manna, Casia, Rosa, Rhabbarum, ne per acritudinem major in humoribus commotio exciteretur, cum alioqui satis sit in his blandè alvum subducere, & neque multum, neque universaliter evacuare, sed tantummodò Ventriculum, atque Intestina inutilibus succis oppleta, leniter inanire, & quodammodò abluere.

## APHORISMUS IX.

*Melancholicos verò plenius per inferiora; eadem ratione contraria apponentes.*

**S**icuti Tabidos interpretati sumus eos, qui ad Tabem sunt dispositi, non verò qui jam Tabidi, & Phthisici facti sunt; ita Melancholicos hinc sumere oportebit eos, qui habitus sunt melancholici, siue proclives sunt ad melancholicum habitum contrahendum, ad differentiam eorum, qui solent à Medicis appellari, Biliosi, Sanguinei, Pituitosi, ex dispositione, qua sunt affecti, hunc potius, non alium humorem cumulandi, vel etiam ex conditione sanguinis crassioris, & consistentioris, non verò tenuioris, acriorisque; Quamobrem Galenus visum est *lib. de humoribus: & comm. de Natura humana* biliosos appellare, qui in operationibus agiles nimium sunt, & cutis colore flavescens; sanguineos, qui rubicundiores, & roseo colore suffusi, hilaresque; pituitosos, quibus cutis albicat, aquosa excrementa insunt, & operationes segnes fiunt; melancholicos denique, quorum fuscus color est, mens intenta, & cogitabunda, cum mœrore, & taciturnitate.

Hos itaque ait Hippocrates per inferiora purgandos esse, si necessitas expostulaverit, & quidem plenius, quàm in Tabidis dictum est, ob crassitatem, & densitatem humoris melancholici, qui non tam facile purganti medicamento cedit, nec promptè per angustos meatus Corporis ad exitum deducitur. At verò *plenius*, non *vehementius* scriptum est; ut nimirum edoceamur iteratis potius



potius egestionibus, si oportuerit, melancholicos, & tartareos succos esse educendos, quam unico, vehementique cathartico, quo magis furerent, & excandescerent, vel contrà tenaciùs hærent, serofiori portione seposita: melius ea propter crassi isti, compactique succi blandis subducentibus parere consueverunt, quibus scilicet lubriciores reddit, & laxiores sibi faciunt vias, & commodius in alvum citrà molestiam deducuntur.

Adjecta denique verba: *eadem ratione contraria apponentes*, denunciant, pro varia ratione peccantium humorum, diversimodè Medicum segerere oportere; ut proindè vitiosus humor, si promptus ad exitum videatur vomitu, fortè quia Venter occupat, eo promovendus; si verò tunicis, glandulisque Intestinorum, aut Mesenterii hæserit, dejectione, magis, minusve valida, pro majori, vel minori ipsius, & patientis Corporis habitudine. Nisi etiam dicere velimus cum Argenterio, his in textu adjectis, significare voluisse Hippocratem melancholicum humorem per inferiora vacuandum esse, dummodò nil impediat Æstas, Corporis gracilitas, aut ad vomendum promptitudo, vel quidpiam aliud eorum, quæ pollicentur faciliorem per superiora evacuationem.

## APHORISMUS X.

*Medicari in valdè acutis, si materia turget, eadem die: tardare enim in talibus malum est.*

**J**Ubet hoc Aphorismo Hippocrates statim esse purgandum in valdè acutis morbis, si tamen materia turgeat, nulla expectata co-

actione, quam aliàs, in morbis curandis, evacuandisque humoribus, exigere visus est; atque rationem adiicit, quoniam tardare in his malum est.

Et quidem, quòd de purgatione illicò instituenda loquatur, patet ex verbo *Medicari*, quod alibi diximus sic passim à Græcis, & Latinis Scriptoribus expositum. Neque verò quidpiam aliud videtur posse significare; etenim ex superioribus Aphorismis continuatus semper sermo est habitus de purgatione per cathartica, ut propterea nec de missione sanguinis, nec de diuresi, aut diaphoresi promovenda liceat interpretari, sed solum de dejectione, vel vomitu, prout humor in hanc, vel illam partem vergere videbitur.

Sed & valdè acuti morbi prætereà intelligendi sunt peracuti, qui scilicet septimum diem non transcendunt: hi namque tanto cum impetu aggrediuntur, ut quàm citò omnia quatuor tempora transigant, & non rarò etiam vehementissimis symptomatibus sociantur, de quibus idem Hippocrates *Aph. 7. 1. ubi morbus peracutus est, statim extremos habet labores.*

Vult autem medicandum statim, cum materia turget: quamquam arbitratur Argenterius purgationem esse indicatam subito, non ex turgentia, ut ipse loquitur, humorum, sed ex acutie, & vehementia subitanea ejuscemodi morborum, qui inducias non præbent, ut propterea delendas putet particulas illas, *si materia turget*. Verùm quòd non temerè turgens materia hic sit apposita, suadent potissimum, quæ aliàs à nobis sunt animadversa: Si quidem non omnis peracutus morbus indicat purgationem, cujusmodi sunt suffocans Angina, Ardens



acutissima, & Lipyria febris, quælibet inflammatio interna, idque genus aliæ ægritudines. Præterquam quod idem Hippocrates *Aph.* 22. 1. concocta medicanda docuit, cruda verò non movenda, neque in principiis, modò non turgeant. *Et Aphor.* 24. *eiusdem*: in acutis morbis, dixit, rarò, & in principiis, medicinis purgantibus uti licere. Accedit quòd potior ratio exhibendi cathartica in peracutis desumpta videtur ex imminente periculo decubitus humorum vagantium in membra vitæ principaliora, cum magno ejusdem discrimine: quod sanè deesse solet in acutis morbis, materia non turgente, cum cæteroqui in peracutis æstus febrilis, sitis, humorum cruditas, tenuitas urinarum, vel earumdem turbatio, purgationem contraindicent. Quare prudenter nos admonet Hippocrates 4. *de rat. vict. in acut.* 38: nedum abstinere oportere inter initia febrium, aliorumque morborum acutorum, à purgantibus, sed à quibuscumque medicamentis Naturam turbantibus, & humores dimoventibus. Et *lib. de Medic. purgant.* inhibet usum eorumdem in febribus vehementibus, quales sunt Ardentes, & peracutæ, sed solis clysteribus suadet molliendam alvum, si opus sit. Conferenda huc quoque sunt, quæ fusius attulimus in expositione *Aph.* 22. & 24. *Libri* I.

Cum igitur turget materia, dumtaxat purgare licebit inter initia, immò protinus, nulla data mora, priusquam scilicet robur Corporis dissolvatur, vel æstus febris augeatur, aut ad aliquod membrum principale decumbant ii, qui per Corpus vagantur humores, ut subdit *in comm.* Galenus: Idque profectò est,

quod Hippocrates *in Aph.* inquit: *tardare in talibus malum.* Quòd si humores agitati, & commoti, alibi per decubitum consistant, abstinendum planè à purgante medicamento, ne denuò commoveantur, & interiores, nobilioresque partes petant, modò tamen is sit factus in parte Corporis, quæ universam peccantem materiam capiat, cumque comitetur symptomatum abolitio, vel remissio, juxta ea, quæ de abscessu salutari notantur à Practicis, & fusè referuntur à Galeno 2. & 6. *epidem.*

#### APHORISMUS XI.

*Quibus adsunt tormina, & circa Umbilicum labores, & lumborum dolor, qui neque à medicamento, neque aliter solvitur, Hydrops siccus contrahitur.*

CUM hætenus Hippocrates de temporibus, & constitutionibus Corporum egerit, in quibus purgatio instituenda foret, vel per supera, vel per infera, ad præcautionem, vel curationem morborum, hoc nunc Aphorismo memorateos, qui licet purgationem exigant, non tamen ab illa juvantur, sed ob repugnantem causam, vel partium discrasiam, in morbos graviores, & penè incurabiles delabuntur. Hinc videtur Aphorismus ad prognosim pertinere, qua præmuni possit Medicus, ne suo fine frustratus infamia notetur, simulque prælagire sciat futurum ex mala naturalium viscerum habitudine morbum.

Inquit igitur, quibus tormina contingunt, & circa Umbilicum labores, seu anxietates, ac molestiæ, unà cum doloribus lumborum, undè



undè medicamentis subducentibus, vel aliter solventibus videantur tractandi, si his non proficiant, futurum, ut in siccum Hydropem incidunt.

Tria sunt simul hìc commemoravit Hippocrates, Tormina, circa Umbilicum labores, & Lumborum dolorem; ut nimirum his universam ferè Religionem naturalem affectam comprehenderet: Tormina pertinent ad Intestina; circa Umbilicum labores ad Mesenterium, Omentum, & Peritonæum; Lumborum denique dolores complectuntur utrumque hypochondrium, Jecur, Lienem, Pancreas, cum adjunctis partibus, & glandulis lumbaribus, & ubi potissimum Peritonæum adnectitur. Quoties ergo ejusmodi partes afficiuntur, ac dolent, nec tam facile medicamentis consanescunt, planè denunciant causam omninò rebellem, & contumacem, quæ ob reconditos anfractus, neque facilem inveniat aditum, sed potius exagitata, atque excussa solvatur in flatus, qui deindè distendendo, & inflando, Ventrem tumefaciant, & Hydropem siccum inducant.

Et quidem fiunt tormina à re quæpiam tenaciùs hærente, & sensim in halitus evaporante, ideòque extendente, & contorquente plerumque cavitates Corporis ampliores, quales potissimum Intestinorum, quæ distenta, utpotè sensu prædita acriori, cruciatus subeunt acerbissimos. Neque solum molestantur Intestina ab his, quæ interiùs illorum cavum occupant, sed ab iis etiam, quæ per Mesenterium, ejusque ductus illuc confluunt, atque gravando, irritando, vel inæqualiter afficiendo, non leviter divexant, & excruciant. Debent autem ista ejus esse condi-

tionis, ut acidum austerum redeant; ità enim & concrecentem substantiam in humoribus pariunt, & tormina, atque lancinantes dolores inferunt; Quamobrem Veteribus causa ejusmodi cruciatuum pituita vitrea dicta est, & Recentioribus succus pancreaticus acidior redditus, indebiteque commistus glutinosiori chylo, & oleosiori felleo humori: qui propterea plicis, cellulisque Intestinorum hærentes, & crassitie difficulter removeantur, & austera aciditate vellicent, compungant, & molestè nimis contorqueant universam Abdominis regionem.

Iisdem omninò ex causis contingunt circa Umbilicum labores, sive, ut Heurnius vertit, cruciatus: nam quæ interiùs Intestinorum involucria infestant, circa Umbilicum esse videntur, ubi potissimum Intestinum Ileum omnium longissimum, maximeque anfractibus flexuosum residet, & ubi diutiùs fæces immorantur, innumerisque hiant osculis vasa chyliifera, seu lactea, venæque mesaraicæ dictæ.

Ad lumborum verò dolorem referuntur mala quæcumque pertinentia ad glandulas lumbarès, Mesenterii centrum, Pancreas, utriusque Hypochondrii latera, atque his adjacentia viscera, quorum affectiones hoc loco Hippocrates sub generaliori nomine doloris complexus est. Sunt enim partes istæ sensu non modico præditæ ob innumeras nervorum propagines tum à pari vago, tum à vertebra lumbaribus, & ossis sacri, dependentes. Dolent autem ab humoribus ibidem aggestis, & acidam, acrem, muriaticamque naturam conditionem; undè innumera propemodum mala exoriuntur, ut primus omnium suspicatus est Fer-



nelius, moxque per Anatomem reliqui post ipsum detexerunt.

Cum itaque hæc alicui accidunt, atque ab usu purgantium non desinunt, quæ cæteroqui per evacuationem peccantium humorum desinere deberent, vel saltem infringi, ac sedari, ope aliorum medicamentorum diuresim, aut diaphoresim moventium, siccus Hydrops facillimè succedet: indè enim arguitur mala partium discrasia, & vitiosorum succorum repugnantia, quæ prædictis medicamentorum generibus non cedit. Sed & quamvis genita, ac cummulata ibidem excrementa vi medicamentorum repurgentur, non tamen fieri potest, ut omninò evellantur, ob humorum crassitiem, viarum angustiam, glandularum ineptitudinem, & partium affectarum imbecillitatem, cum neque medicamenta facilem habeant ad eas accessum, sine multa, & valida commotione, ac violentia.

Quod verò siccus Hydrops, græcè Tympanites, indè potius oriatur, causa est, humorum crassities, & acor, unde multi, tenacesque halitus; atqui morbus hic à materia crassa, concretaque, flatibus permixta, dependet, à qua etiam Ventristormina, circa Umbilicum cruciatus, & lumborum dolores exoriuntur, ut antea animadvertum. Sed tamen non solum Hydrops siccus, verum etiam congeneres alii morbi contingere possunt, quales sunt colici dolores, hyponchondriacæ affectiones, passionès hysteriæ, Ischiades. Meminit autem potissimum Hippocrates sicci Hydropis, tamquam morbi patentioris, qui scilicet visu, tactuque percipitur: eo enim imus Venter non solum ingenter intumescit, sed percussus talem sonum edit, qualem Tympana, ut

loquitur Galenus *in comm.* ad differentiam humidi Hydropis, qui Ascites ab Utris similitudine dicitur, in eo enim materia in Ventre collecta non est flatuosus aer, sed humor aquosus.

## APHORISMUS XII.

*Quorum alvi Intestinorum levitate laborant, hybernò tempore per superiora purgari, malum.*

**P**lures hic Aphorismus patitur difficultates, si vulgari commentatione exponatur. Et quidem primò, cum Hippocrates antea generaliter vituperaverit usum purgantium per superiora Hyeme, non erat cur nunc id ipsum repeteret in levitate Intestinorum, quæ multò magis vomitum recusat, cum ex incoctione ciborum oriatur. Non videtur deindè consentaneum Rationi, levitate intestinorum laborantes debere unquam vomitoriis tractari, cum levitas Intestinorum, græcè Lienteria, definiatur à Galeno tum *hic*, tum *comm. i. lib. 6. velox exitus eorum, quæ comeduntur, & bibuntur, quæque talia deiciuntur, quælia fuere devorata*; vel brevius: *Defectio coctionis*. Modò coctionis defectus accidit ex languore Ventriculi, & caloris naturalis concoquentis, ex ejusdem Galeni doctrina; Unde igitur desumi poterit indicatio promovendi vomitum in ejusmodi ægritudine, quæ potius roborantia expostulat? Præterea excluditur in textu usus purgantium per superiora dumtaxat; videtur ergo tacite is admitti per inferiora, ut deducitur ex præcedentibus Aphorismis, in quibus alter semper ex duobus admittitur, & alter uter tantum vituperatur. Quis autem unquam com-

men-



mendaverit purgantia dejectoria in Ventriculi languore? Postremò pugnare videtur præsens Aphorismus cum XV. VI. ubi longo alvi profluvio laboranti spontaneus vomitus superveniens salutaris dicitur. Certè si spontaneus vomitus prodest, poterit quoque prodesse ex arte paratus; nam Medicus Naturæ imitator esse debet.

At hæc omnia solutu difficillima profectò forent, si Lienteriæ incommoda à languido Ventriculi calore deducere niteremur, & ut Antiquioribus est creditum, à vitio concoctricis, retentricis, & expultricis facultatis; nam cum in Lienteria cibi incocti statim egerantur eo ferè modo, quo sunt assumpti, ad imbecillitatem concoquentis facultatis, illos conficere, & in chylum permutare nequeuntis, causam ejuscemodi subitæ egestionis veterum plerique retulere: alii ad defectum etiam retentricis, unde debitum tempus concoctrici denegaretur: & alii ad irritatam simul expultricem, quæ antè tempus sollicitata cogere- tur cibos præpropere propulsione ad alvum deturbare. Quocumque autem modo ciborum hæc cita dejectio explicetur, semper eadem occurrent difficultates. At verò si perpendantur, quæ ab eodem Hippocrate de lævitate Intestinorum dicta sunt, certè faciliorem, verisimilioremque hujus morbi causa inveniemus, atque propositarum difficultatum solutiones. Is enim 6. *Aphor.* I. inquit: *In longis lævitatibus Intestinorum si ructus acidus superveniat, qui prius non erat, signum bonum.* Quoniam, ut subdit in *comm.* Galenus, *significant ructus acidi tantisper cibum in Ventriculo retineri, donec principium mutationis accipiat, & naturam suorum operum*

*reminisci.* Siquidem jam satis anatomicè compertum est, ciborum dissolutionem, seu coctionem in Ventriculo, ope quorundam succorum acidoacrium haberi, quin & distributionem eorumdem jam dissolutorum fieri in Intestinis tenuibus per misturam confluentium succorum, fellei scilicet, & pancreatici. Quoties itaque succi isti hebetes sunt, vel mucore retusi, præpediti, aliterve depravati, nulla, vel mala fit ciborum confectio, dissolutio, distributio, & secretio, sed gravamine intestinis illato sponte sua illi feruntur in alvum, & egeruntur. Neque verò improbabile omninò est, quod ex Vetustiorum Medicorum sententia refert Galenus *ibidem*, fieri ejusmodi ægritudinem propter intrinsecæ superficiei Intestinorum lævitatem. Etenim ex Anatome constat, internam Intestinorum tunicam rugosam, villosamque esse, innumeris glandulis miliaribus refertam, in quas hiant oscilla venarum lactearum, quæ transeuntem chylum à suis facibus secretum exugant, deducendum deinde per proprios ductus in commune Perqueti Receptaculum. Si igitur contingat villosam hanc Intestinorum crustam à re quapiam erodente abradi, & complanari, ut deinceps nequeant lactea vasa præterfluentem chylum exugere, proculdubio sponte sua tota massa chylosa, vel etiam non confecti cibi ad alvum delabentur, & evacuationem promovebunt Lientericam. Idipsum quoque accidet à laxitate fibrarum intestinalium, & cum à vitiatis felleo, & pancreatico liquore mala fit alibilis portionis dissolutio, atque à facibus secretio, ut latius in *nostra praxi* notatum est.

His itaque sic expositis, facili nunc negotio, Hippocratis mens in



præsenti Aphorismo dilucidabitur: eo enim primum insinuare videtur lævitatem Intestinorum saltem aliquandò oriri vitio alicujus humoris, ut etiam videtur adnotasse Galenus *in comm. Aphor. i. lib. 6.* qui propterea evacuatione egeat, sicuti superioribus Aphorismis de aliis meminerat. Mox vomitum non omnino in hac ægritudine prohiberi, si præsertim illa Æstate contingat ex humoribus Ventriculum occupantibus, cum in hoc textu dicat hyberno tempore non licere per superiora purgari; undè in aliis temporibus, & præsertim Æstate fortè aliquandò licebit; aliter indefinitè dixisset in lævitatibus Intestinorum nunquam per superiora purgandum. Quòd hyberno præterea tempore malum sit Lientericos per superiora purgare: tum quia per id tempus vomitus non solet esse facilis; tum quia hyeme coctio, quæ in Ventriculo peragitur, melior esse consuevit distributione, quæ fit in Intestinis, ut antea ostensum est; quare ne vitiosi humores ibidem stagnantes ad Ventriculum per vomitum revocentur, propterea dixit malum hyberno tempore per superiora purgari. Accedit, quòd si Lientericus fluxus ex glandulis Intestinorum mucosis succis obsitis, & veluti incrustatis oriatur, certè illi per inferiora, & non per superiora purgandi erunt, quod & acutè quoque animadvertit Amicus meus semper recolendus Josephus Lanzonus Medicus Ferrariensis *animadv. 22.* Denique difficultati ex *Aphor. XV. VI.* propositæ facillè fiet satis, si dicamus, loquutum ibi Hippocratem non de Lienteria propriè dicta, sed de Diarrhæa, quas inter multum interest. Sed & ibi de vomitu spontaneo diarrhææ contingenti; hic verò

de purgationibus arte promotis sermo est: Atqui non semper licet quocumque morbi tempore idipsum agere, quod aliquandò solet specialis, & provida morborum Rectrix, & Medicatrix Natura sponte sua operari: sic per hæmorrhagias narium, per suppurationes ex auribus, per parotidas, per Umbilici relaxationem, morbos sæpè numero, causasque morbosas abstulit, per quas vias minimè Medico expediret. Ecquis unquam Naturæ solertiam poterit imitari, quæ sibi mille parat vias, ut seipsam à morbis vindicet, quemadmodum Galenus animadvertit.

### APHORISMUS XIII.

*Qui non facillè per superiora purgantur, ad Veratrum admittendi sunt, pleniore cibo, & quiete, corporibus antè potionem humectatis.*

**C**Um antea Hippocrates de temporibus purgationi per supera, vel per infera, aptis, vel ineptis, deque constitutionibus, & habitibus corporum, necnon de morbis, in quibus vel una, vel altera evacuationis via magis, minusve conferret, sermonem fecerit, sequentibus quatuor Aphorismis de usu agit Hellebori Veteribus maximè commendati ad eam, quæ per superiora fit, evacuationem efficacius moliendam, illumque in medium adducit, veluti pro exemplo aliorum medicamentorum per os ducentium; atque inquit Corpora ad vomendum difficilia non esse ad usum Hellebori ducenda, priusquam fuerint humectata, cum cibo, potuque, tum quiete.

Helleborus in officinis duplex semper est habitus, albus unus, niger alter. Albus ad vomitum, niger



ger potius ad dejectiones paratissimus. De albo autem hic mentio facta videtur, quod de evacuatione per vomitum sermo sit, & usui is foret apud Veteres frequentiori, quibus familiarissimæ quoque erant vomitiones; unde Plinius *lib. 25. cap. 5.* illud quondam terribile, postea tam promiscuum evasisse scribit, ut plerique studiorum gratia, ad pervidenda acrius, quæ commentabantur, sæpius sumptitaverint: sed & tutissimè sumi in Anticyra Insula, quoniam Sesamoides admiscent: In ejus autem usu cautionem sanè dignissimam proponit hoc Aphorismo Hippocrates, ne mala indè sequantur, quorum ipsemet aliàs meminit, cum importunus, atque immoderatus est.

Primum considerat nūm Corpora difficulter per superiora purgentur, an verò facilem subeant vomitionem. Si facilè ad vomendum deducantur, non erit, cur ad Hellebori usum deveniendum sit, cum levi quocumque vomitorio Ventriculus possit exonerari. Solùm ergo Veratri usum admittendum consulit in difficulter vomentibus, quorum Ventriculus acriori eget stimulo, quàm ut à quocumque alio blandiori medicamento levius proritetur, ad difficilem vomitionem promovendam. Difficilis autem vomitus contingit, vel à structura Ventriculi se potius per fibras ad infera, quàm ad supra corrugantis; vel à crassiori tunica, qua interiùs ipse vestitur; vel à glutinosis, crassisque succis internam illius partem oblinentibus; vel ab ejusdem Ventriculi fundo distantiore, ut non tam facilè per vomitum subversus se possit per œsophagum exonerari, renitente quodammodò per angustiam, atque stoma-

chum comprimente Diaphragmate, ut in arctis pectore sæpè evenit. Quocumque autem modo vomendi difficultas accidat, semper opus est validiori vomitorio, quo scilicet irritatio sensibilior, molestiorque excitetur ad invertendum Ventriculi, & Intestinorum motum peristalticum, cum vomitus motus Ventriculi sit inversus, conantis expellere ea, quæ illius cavum occupant.

Cum igitur vomitus non facilè succedit his, qui ex allatis causis non omni leviori vomitorio per superiora purgari possunt, monet Hippocrates ad Veratrum esse admittendos: verum tamen pleniori cibo, & longiori quiete esse magnoperè præhumectandos. Siquidem Helleborus tenuis est partium, & inter pharmaca nimia acritudine, & ingenti mordacitate pollet, undè, ne Ventriculo vehementi noceat irritatione, atque inflammationem inducat, expediet illum præmunire humectantibus alimentis; secùs ab utraque facilè sequi posset convulsio, quam ex Helleboro lethalem idem Hippocrates pronunciavit 5. *Aph. 1.* Humectabitur autem convenienter Ventriculus juribus potissimum, & alimentis adiposis: quin & consueverunt plerique antè ejusmodi vomitoriorum exhibitionem cibum ad saturitatem usque, & ex rebus præsertim oleosis, & pinguibus imperare, ut melius crassi, tenacesque succi cibo commisti unà simul evomantur, & medicamentum vomitum inducens quodammodò cibo retusum nequeat Ventriculum vehementius laceffere, & exagitare. Quod sanè nedùm in hellebori usu, sed in cujusvis alterius efficacis, & violenti vomitorii intelligendum: etenim Hippocrates eo solùm hic usus est loco exempli.

Eadem



Eadem ex causa quietem servandam docet, antequam Helleborum fumatur, eamque non solum Corporis, sed Animi. Confert enim utraque quies nedum ad humefaciendum, verum etiam ad vitale robur servandum, quod bene valere necesse est ad ferendam vomitionem: Equidem Corporis, & Animi motus plurimum extenuant, & vires debilitant.

At cum Hellebori usus veluti periculosissimus (tametsi multifariam illum corrigere, & præparare Veteres conati sint, ut apud Dioscoridem lib. 4. *Aetium* libr. 3. c. 124. *Aeginetam* lib. 7. cap. 21. & *Galenum* libr. quos quibus, & quando, & 3. de fractur.) nostris temporibus exoleverit, alia, & quidem mitiora vomitoria excogitata sunt; in quibus tanta cautio, quanta in Helleboro expostulatur, non videtur necessaria. Verum tamen non temerè, & inconsideratè quæcunque vomitum movent usurpanda sunt, cum aliquibus satis sint, quæ ex vegetalibus conficiuntur, aliis verò etiam, quæ ex mineralibus sunt parata: quo pacto hic Hippocrates non omnibus vult Helleborum esse exhibendum, sed solum iis, qui difficulter evomunt; unde pro, varia evacuandorum humorum conditione, vomitoria ista evariare licebit.

#### APHORISMUS XIV.

*Cum biberit quis Helleborum, ad motiones quidem Corporum ducere magis; ad somnos verò, atque quietem, minus. Indicat autem navigatio turbari motione Corpus.*

**P**ostquam Corpora ad Hellebori sumptionem sunt disposita, ut

facilem ex illo nanciscantur evacuationem, consulit Hippocrates ad motiones esse ducenda, sumpto exemplo à navigatione, per quam constat illa turbari, & promptius evomere. Scitè autem advertit Cardanus, hunc Aphorismum scriptum fuisse ad commodam, facilem, celerem, minusque molestatam ab Helleboro evacuationem; sequentem verò adjectum esse ad illam augendam, vel cohibendam, si fortassè diminuta, vel excedens videatur: qua ratione vindicatur Hippocrates à calumniis Galeni in *comm.* dicentis, *liquere, quòd hic sermo eamdem vim habeat cum priore*, quasi verò Hippocrates bis de eadem re verba fecerit.

Confert itaque motus evacuationi promovendæ; tum quia humores attenuat, fluxilesque reddit; tum quia ductus corporis dilatat; tum etiam quia calorem suscitatur, & medicamenti assumpti operationem sollicitat: contrà verò quies, & somnus impedit, cohibetque. Quamobrem experimur sisti somno omnes cujusvis generis evacuationes, uno solum excepto sudore.

Non tamen motus adeò vehemens, & immoderatus esse debet, ut Corpus delasset, vires enervet, & ad cutim commotos humores deducat: hoc enim pacto retardaretur potius evacuatio, quæ ex assumpto vomitorio desideratur; quin immò duceretur vis venefica epoti Hellebori in partes Corporis penitiores, non sine gravi noxa totius. Sed & nec quicumque motus ad vomitum promovendum exquiratur, sed qui corpora turbare valeat, & nauseam movere, cujusmodi est navigatio, per quam inæqualiter illa exagitantur. Unde existimavit Argenterius, conducibiles solum in id esse navigatio-



tionem, equitationem, & ambulationem per circulum. Adderem ego motum illum nostratibus puellis consuetum, quo penfiles è suspensio fune librati in aere ducuntur, reducunturque.

Sed an statim ab assumpto Helleboro, aliove vomitorio medicamento movendum sit Corpus? Putaverim eousq; quiescere oportere, quousque medicamentum fuerit in ventriculo dissolutum, sive, ut practici loquuntur, à potentia deductum in actum: cum verò Ventriculum vellicare, & nauseam movere ceperit, turbatione commovere necessumerit; quod & plerique facere consueverunt sola linguæ, & summitatis œsophagi vellicatione. Verùm hac in re plurimum tribuendum prudentiæ, & sagacitati assidentium, ne diutiùs, crebriùs, aut impensius, quàm par sit, Ventriculus proritatione subvertatur, & mala suboriantur non rarò immedicabilia. Idem quoque servandum erit in usu subducentium medicamentorum, in quibus pro quiete somnus, & pro motu vigilia (si fortassè illum Corpus ferre nequeat) commendabiles erunt, prout medicamentum dilui, aut exacui expostulaverit.

## APHORISMUS XV.

*Cum voles Helleborum magis ducere, move Corpus; cum verò sistere, somnum inducito, nec moveto.*

**Q**Uòd hoc Aphorismo doceat Hippocrates modum, quo assumptum Helleborum evacuationem copiosiore meliciat, patet per adverbium illud, *magis*: nam procul dubio vehementius, uberiusque purgabit Helleborus, si à motu seip-

sum insinuaverit, atque confluentes humores adhuc à Ventriculo, & Intestinis remotiores eduxerit; potissimum si motus ejus sit conditionis, ut præter attenuationem, amplificationemque, agitet, turbet, & nauseam moveat, ut antea dictum est.

Sicut autem motus confert ad copiosiore evacuationem promovendam; ita quies, & somnus eadem, fortassè immoderatam, sistit, & cohibet; quamobrem Hippocrates consulit hoc eodem Aphorismo à motu abstinendum, & somnum esse inducendum, si illam comprimere opus fuerit.

At quo pacto somnus inducatur, Hippocrates non explicat. Et quidem non tam facilè est in egestionibus à purgante medicamento excitatis, quo scilicet Venter assiduò ad secessus proritatur, somnum allicere. Verùm ad compescendas evacuationes per alvum immoderatas non rarò cibus assumptus mirè contulit: eo enim allecta Natura ab evacuatione desistit, & fibræ Ventriculi, ac Intestinorum plurimum eadem de causa delassatæ contrahuntur, & confluxuros humores detinent, quinimò vis medicamenti à portionibus cibi humidioribus nõ leviter infringitur, ipsæque succorum particulae jam antea dissolutæ, & attenuatæ, semmoperè crassescunt, atque consistunt. Attamen in vomitu, quia Ventriculus graviter afficitur, & per plures horas nausea, & subversione tenetur, non videtur opportunum cibum assumere; is quippè subindè gravatus, magis, magisque ad vomendum sollicitaretur, non sine graviori noxa. Proderunt ea propter, quæ stomacho grata, reficere quidem possunt, sed vi quadam opiata vomitum sedant, qualia



qualia sunt vinum, vini spiritus dulcis redditus, Aqua cinnamomi stillatitia, Elæosaccharum ejusdem, vel citrii, tinctura alkermes, aliudve simile, foto quoque interea Ventre rebus aromaticis, puta oleo Mastiches, & Magni Ducis, elixire Quercetani, Aqua ardente, Balsamo orientali, vel Tolutano, idque genusaliiis. Sed & Theriaca præsertim recens vino diluta efficacissima quoque est, sicut etiam Mitridatium, & Diascordium dosi convenienti, pro ratione virium, & ætatis. Laudanum denique opiatum, & aliquo liquore solutum, aut in pilulam cum confectioe hyacinthina redactum in compescendo vomitu, ut & in cæteris evacuationibus cohibendis, præcellere dicitur; cavendum tamen ne importunè, aut excedente dosi exhibeatur, nam consopitis omninò viribus, stupefactoque Cerebro lethum afferret ab evacuatione.

## APHORISMUS XVI.

*Carnes sanas habentibus Helleborus periculosus: facit enim convulsionem.*

**Q**Uòd aliàs Hippocrates de quocumque purgante medicamento in benè valentibus protulit, nunc speciatim de Helleboro adnotat, & quidem albo, quo nimirum vomitus concitatur, ut ex hætenus traditis clarè deducitur.

At mirum videri potest, quòd Helleborus sit unquam sanis exhibendus; ut exindè convulsionis periculum timeatur. Quis enim unquam sanæ mentis Helleboro utetur, aut suo, aut alieno consilio, cum benè valet? Quamobrem videtur hic Aphorismus inutiliter adje-

ctus, quo fortassè debeant benè valentes commonefieri, ne Helleborum assumant. Verum non dixit Hippocrates *benè valentibus*, sed *sanas carnes habentibus* Helleborum esse periculosum: nam possunt Corpora sanas carnes habere, & aliqua ægritudine laborare, præsertim citrà febrim, & absque ullo sanguinis vitio, sed sola quarundam partium affectione, uti est dolor lumborum, genuum gravitas, Ischiades, ardor stomachi, &c. In his enim affectibus solebant Veteres vomitoriis uti, immò quacumque ex occasione Helleborum potare: tam illis familiare, & consuetum erat vomere. Hos ergo consulit Hippocrates ab Helleboro abstinere, si carnes sanas habeant; additque rationem, quoniam Helleborus convulsionem affert.

Sed quomodò ex Helleboro Convulsio oriatur, dubitari non incongruè potest. Et quidem non ex vi purgante id evenire fatendum, ex eo potissimum, quòd cætera cathartica medicamenta etsi vehementissima, uti sunt colocynthis, scammonium, elaterium, convulsionem non afferant. Videtur itaque convulsionem afferre Helleborus acritudine potius Ventriculo, & nervis infensa, quemadmodum Cantharides speciatim nocuæ sunt Vesicæ urinae: Colocynthis, & Scammonium Intestinis, Opium Cerebro. Propter vomitum enim, quem violenter inducit, fibras stomachi laceffit, & nervos ejusdem compungit, ac extorquet, undè fit, ut convulsionem, quæ passio nervorum est, pariat. At verò magis afficit Helleborus habentes carnes sanas, quoniam in his nervorum fibræ exquisitioris sensus sunt, atque adeò faciliùs acris, atque irritantis medicamenti vim, mole-



molestiamque percipiunt, quam minimè persentirent si hebetioris sensus forent, aut multa pinguedine, & crassorum succorum copia infarcirentur. Qua etiam ratione fit, Ventriculum lentis, viscosisque humoribus, aut adiposis cibis oblitum acritatem Hellebori minùs persentire, quàm si omninò vacuus, & benè valens sit. Hinc experimur graviùs affici eos, qui jejuni Arsenicum, Auripigmentum, Sublimatum, aliudve istius generis venenum assumpserunt, leviùs, vel nullimodè, qui à pastu: cujus rei non ignari circumforanei pharmacopolæ, arcanorum jactatores, ut rudem plebeculam illudant, venena sumunt, postquàm se plurimùm ingurgitaverint, & cibis potissimùm oleosis, ac pinguibus, quibus interna Ventriculi tunica ad veneni efficaciam retundendam obliniatur.

Cæterùm Convulsio hìc ab Hippocrate notata, non vera convulsio intelligenda est, sed motus convulsivus: Siquidem per convulsionem veram, nervi, & muscoli ad sua principia retrahuntur, & retracti perdurant, ut in Tetano, Opisthotono, & Emprosthotono; at verò convulsio, quæ ex Helleboro contingit, refert potius inæquales, atque irregulares earumdem partium commotiones, spasmodicas, congruentiori nomine, appellatas, quemadmodùm in Epilepsia.

Sed quibus remediis succurrendum iis sit, qui ex usu Hellebori, aliudve similis medicamenti, motus istiusmodi convulsivos patiuntur, non erit absre hìc breviter memorare, idque lubentiùs, quoniam non sunt hi eisdem omninò remediis tractandi, quæ usui esse solent cæteris convulsionibus, aut motibus convulsivis, ab humore nervos occu-

pante progenitis, in quibus purgantia, dissolventia, & calefacientia dicta à practicis commendantur; sed potius humefacientibus, & obtundentibus acrimoniam ab Helleboro inductam. Quare jura ex vegetalibus, quæ nervis opitulentur, & Stomacho grata sint, proderunt, cujusmodi præcipuè parari solent ex bardana, stœchade, visco quercino, malo cydonio, cum floribus nymphæ, & violarum arefactis. Cydonium ipsum sive crudum, sive coctum fertur Hellebori albi antidotum, itemque Gelatina C.C. & conditura florum nymphæ. Mirificè etiam conferre putantur extractum baccarum sambuci, & hyperici, Theriaca, & Mithridatium recens, cum pulvere seminum pastinacæ. Exteriùs verò proderunt quæcumque leniunt, & partes concitatas demulcere valent; undè oleum hyperici, baccarum lauri, & vitellorum ovorum; itemque radices Angelicæ in Vino excoctæ, & in cataplasmatibus formam applicitæ conferunt; balneationes quoque vel ex aquis thermalibus blandè laxantibus, vel ex artificialibus, cum medicamentis anodynis, præsertim chamæmelo, meliloto, hyperico, aliàs profuisse visæ sunt. Cætera ex communi agendorum methodo petenda erunt.

## APHORISMUS XVII.

*Eum, qui non febricitat, cibi fastidium, morsus oris Ventriculi, vertigo, & oris amaritudo, purgatione indigere per superiora significant.*

**H**Actenùs opportunum, convenientemque vomitoriorum medicamentorum usum, animadversiones, cautionesque, in Hellebori



bori exhibitione descripsit Hippocrates, nunc signa tradit eorum, qui per superiora, vel inferiora purgandi sint: Et primum, eum, inquit, qui non febricitat, sed nausea, ac ciborum fastidio, itemque morfu oris Ventriculi, vertigine, atque oris amaritudine afficitur, purgatione indigere per vomitum significari.

Recenset itaque hic indicia, quibus Medici dignoscere queant, quandoam per superiora vitiosos humores expurgare cogantur, sectantes naturæ motum, ut idem Hippocrates alibi scripserat, quò movendus, ducendusque humor vergeret.

Et quidem ad superiora ferri indicabunt. Primum, *ciborum fastidium*, quo designatur Ventriculus inutilibus humoribus oppletus, unde illius fibræ laxatæ nequeant corrugari, succi dissolventes, digestioni addicti, præpediti, aut retusi, famis sensum non exacuant, & vis ipsa ciborum concoctrix hebescat, & elangueat. Secundum, *morfus oris Ventriculi*, qui nonnisi ab humoribus præter naturam ibidem congestis, acribus, & biliosis dictis, fit, quibus nimirum Stomachus vellicatur, & compungitur, ea doloris specie, qui græcè Cardiogmos, & Cardialgia appellatur. Tertium, *Vertigo* designans, iisdem humoribus in Ventriculo collectis, sive per nervos, sive per arterias Cerebrum affici, & pravishalitibus adeò tentari, ut subindè in suis operationibus turbetur, & vertiginem incurrat, vel simplicem, vel tenebricosam dictam. Quartum, *oris amaritudo*, quæ à degeneratis pariter humoribus, amarorem præseferentibus exoriri; Undè œsophagus, palatum, & lingua pari affectione per consentientes glandulas, tunicasque cum salivario rore depra-

ventur. Quamobrem cum hæc omnia manifestissimè demonstrent vitiosos humores Ventriculi Cavum occupare, meritò per superiora, veluti per loca conferentia, illi erunt exturbandi. Si enim ad inferiores partes deiicerentur, usu purgantis dejectorii, non tam promptè, atque expeditè evacuarentur, & procul dubio infici quodammodò quoque possent, qui in intestina confluunt succi: quin & catharticum ipsum ab eorumdem succorum miscela depravatum, & corruptum graviolem molestiam afferret, atque ex diuturniori mora in Intestinis, venæ lacteæ inquinarentur, facileque oriri possent tormina, diarrhææ, febres, præter alia non leviora reliquorum naturalium viscerum mala, speciatim verò Renum, & Vesicæ, ob transmissionem alicujus portionis dejectorii medicamenti: id enim cujuscunque generis illud sit, diureticum fieri solet, quemadmodum testantur urinæ per id tempus coloratiores, multumque turbatæ.

Hæc autem indicia simul juncta dixit indicare per superiora purgationem, absente tamen febre, nam si fortassè illa feбри sociarentur, certè non à præsentia humoris in Ventriculo, quæ planè vomitum indicat, sed ab ipsa febre oriri possent. Quamobrem si humor Ventriculi cavum occupans desit, evacuatio minimè indicabitur, quæ nonnisi ex postulata videtur ab humore Ventriculum replente: at verò non rarò à febre accidit cuncta hæc oriri, quæ tamen purgationem non exigunt, immò & aliquandò contraindicant, ut cum febris inflammationi, vel phlogosi copulatur.

Verum quamvis ista signa citrà febrim Corpus denuncient per superio-



periora purgandum, eo quòd designent Ventriculum malis humoribus repletum; non tamen si febris adsit, oportebit semper, & omnino à vomitoriis abstinere, si ex iisdem, aliisque signis coniiciamus, humorem Ventriculi cavum occupare; etenim semper ac humores Ventriculum infestant, vomitu eiciendi sunt; undè sensus Aphorismi is erit, ut si absente febre, nausea, morsus oris Ventriculi, vertigo tenebricosa, & oris amaritudo quempiam affecerint, vomitus semper indicetur; si verò hæc omnia à febre habeantur citrà humorem in Ventriculo contentum; ab illo abstinendum, cum hæc eadem à sola febre pendere possint; at si præterea, etiam humoris præsentiam in Ventriculo sequantur, & non à febre exoriantur, vomitus adhuc erit procul dubio indicatus, potissimum inter ejusdem initia. Dixi inter ejusdem initia, nam si fortassè hæc accendant tempore declinantis febris, quoniam significant criticam evacuationem per superiora futuram, oportebit à vomitorio abstinere, & Naturæ motum criticum expectare, ex regula ab eodem Hippocrate tradita *Aph. 20. lib. 1. Quæ judicantur, & judicata sunt integrè, neque movere, neque novare aliquid, sive medicamentis, sive aliter irritando, sed sinere oportet*, de qua etiam re legendus Galenus 3. *de Crisib.* Liceret autem, si præmonitam evacuationem minimè Natura expleret, ut alibi notatum. Verùm inter ea, quæ vomitum movent, & citò, ac tutò conferre solent, præstant ex stibio concinnata.

## APHORISMUS XVIII.

*Dolores, qui sunt suprà præcordia, quicumque egent purgatione, medicari oportere per superiora significant: quicumque autem infra subsistunt, per inferiora.*

**D**Ocet & hoc alio Aphorismo Hippocrates, quando purgandum sit per superiora, & quando per inferiora, idque ex dolore partes supra, vel infra præcordia occupante, potissimum deducit, dummodò purgatione opus sit.

In doloribus itaque, sive (ut exponunt Fuchsius, & Heurnius) in molestiis, seu affectionibus suprà præcordia, vel (ut alii vertunt) suprà Septum transversum, si purgatione egeant, vomitu potius utendum, quia breviori via, & facilius molimine se Natura exonerabit; immò humores ipsi evacuandi promptiores, paratioresque erunt ad exitum. Non tamen dixit in doloribus, seu molestiis quibuscumque, sive in doloribus simpliciter, & absolute: nam neque Pleuritis, aut Peripneumonia, neque Angina, aliæve dolor cum inflammatione, purgationem indicabit; Sed in doloribus, qui purgatione egent, quales scilicet à Ventriculi orificio superiori ex pravis humoribus oriuntur. Sed neque defuerunt, qui etiam in affectibus Pectoris, & Pulmonis, cum inflammatione conjunctis, vomitum commendarint, quemadmodum præ cæteris Rulandus, qui usu cujusdam Aquæ, benedictæ à seipso appellatæ, Pleuritidem, Pulmoniam, Empyema, cæterasque ægitudines Thoracis tutò se curasse testatur; quamobrem hac ratione sensus istius Aphorismi generalissi-



liffimus foret, aptandus cuicumque ægritudini suprâ Septum transversum. Quod si non suprâ septum transversum, sed suprâ præcordia dolores, ac molestiæ hic intelligantur, sententia hæc procul dubio clarior fiet, quippè præcordia sub nomine phrenos græcè nuncupata, comprehendunt etiam Viscera plurima sub septo transverso constituta, ut Hepar, Ventriculum, Lienem, & alia adjacentia, in quorum doloribus, seu molestiis, purgare per superiora tutius licebit, ob consensum, quem ista ineunt cum eodem Ventriculo, in cuius cavum se plerumque exonerant.

Quemadmodum affectiones partium superiorum ob loci promptitudinem indicant per superiora purgandum; ita è converso quæ inferiores partes molestant, exigunt purgationem per infera: difficillimè enim humores in imo Ventre consistentes possent per vomitum expurgari, cum tamen promptissimè in Intestina confluentes ad alvum deponantur. Nec absredixit Hippocrates: *quicumque infrâ subsistunt*, idest stabiles, & firmi sunt; nam si fortassè vagi forent, hanc, vel illam partem impetentes, non temerè purgationem exquirerent, cum non benè constaret per quas vias esset educendum; quin & verendum foret, ne à flatibus orti commoda adhuc purgatione desinerent, sed contrâ potius exacerbarentur.

Neque verò rationi dissentaneum putandum est, nedum de evacuationibus per cathartica tantum Hippocratem loquutum, verum etiam de quibusvis aliis egestionibus, suprâ, vel infrâ, promovendis, ut propterea sensus Aphorismi sit, in doloribus suprâ septum transver-

sum, & vomitione, & anacatharsi, prout alterutra opus fuerit, utendum esse, infrâ septum transversum verò, & dejectione, & diuresi, pro loci, & humoris proclivitate: non minùs enim una, quàm alia evacuatione corpus affectum purgari posse experimur; quamvis hic de catharsi propriè videatur loquutus Hippocrates.

### APHORISMUS XIX.

*Qui in medicamentis purgati non sitiunt, non cessant, priusquam sitiant.*

**P**roponitur in hoc Aphorismo ab Hippocrate signum completæ purgationis à medicamento habitæ, illudque dicitur esse sitis evacuationem subsequens, ut propterea eousque purgationem esse producendam videatur assertum, quousque sitis comparuerit.

Afferit Galenus *in comm.* quatuor causas, ob quas sit futura sitis ex purgante medicamento. I. *Ratione ipsius Ventriculi, qui ex caliditate, vel siccitate, vel ambabus qualitatibus promptè ad sitiendum perducantur.* II. *ratione medicamenti, cum acre fuerit, calidum, & mordax.* III. *propter humorem evacuatam, qui plerumque bilis amara est.* IV. *ex superabundantia evacuatione, per quam rorida substantiaeducta, siccitas deinde subsequitur, & sitis.*

At quamvis hæc, ut plurimum ita se habeant, non tamen semper, & ubique veritati consonant, cum non rarò expertum sit ingentem sitim fuisse subortam absque uila, vel modica evacuatione, atque ab usu medicamenti leviter purgantis, quod sedandæ siti usui esse solet, quemadmodum



modum fatentur de pulpa tamarindorum, de casta, de violis. Contra verò sitis nulla, vel exigua subsequuta est à cathartico vehementiori; Unde fallacem nimis conjecturam plerique existimarunt succedentem ex purgatione sitim; quin & de veritate istius Aphorismi magnoperè sunt veriti. Si prætereà perpendantur, quæ à Galeno sunt in ejus argumentum proposita, planè aliàs, & quidem graviores addere poterimus difficultates: etenim si ex caliditate, & siccitate sitis oriretur, procul dubio febre hectica laborantes immensum sitirent, nullatenus verò hydropici; neque verò propter medicamentum, cum acre fuerit, calidum, & mordax; neque propter humorem evacuatum, etsi biliosus sit, sitis orietur; nam etiam levia, & quæ benedicta appellantur purgantia medicamenta, sitim sæpius excitant molestissimam; & evacuato humore, præsertim bilioso, febrem, & sitim inferente, utraque potius desinere deberet.

Quod prætereà idem Galenus scribit *1. de simpl. med. facult. cap. 30.* augeri sitim vel ob caloris copiam, vel ob humoris inopiam: ob caloris copiam quidem ex febribus, aere æstivo, cibis calefacientibus, & exsiccantibus, purgantibus medicamentis, venenis erodentibus, aliisque; ob humoris inopiam verò, ex laboribus, vigiliis, sudoribus, cæterisque evacuationibus immodicis, neque veritati cohæret; Siquidem Hydropicos intensa, & molesta sitis urget, quæ nec ab humoris inopia, neque à caloris copia dependet.

De organo, seu sitis sede dubitare ulterius contingit: nam quamvis *in comm. hujus Aph.* & alibi, putaverit Galenus esse Ventrículum:

*Tozzi Op. Med. Tom. III.*

Alii tamen nedum ex Recentioribus, sed ex Vetustioribus Philosophis, & Medicis Pulmonem existimarunt: cujus sententiæ fuerunt Plato, & Aristoteles. Unde sicut edaces dixerunt eos, qui latiore Ventrem à nativitate nati sunt, ita bibaces ex adverso, qui ampliore, longioremque thoracem. Hippocrates etiam *lib. de Carnibus* id ipsum manifestè docere videtur asserens per laryngis rimam aliquid potulenti in tracheam, & pulmonis bronchia delabi, ad illum irrorandum, humectandumque; cui consentit pariter Galenus *8. de plac. Hipp. & Plat. cap. 15.* Hinc idem Hippocrates *hoc eodem 4. Aphor. 54.* inquit: *Quibus plurimum sicca tussis leviter irritantes in febribus ardentibus fiunt, non multum siti inestantur.* Quoniam, ut subdit *in comm.* Galenus, *madescunt loca, quæ ad asperam pertinent Arteriam, & ideo minus siticulosi fiunt.* Quamobrem pluries expertum, magis extingui sitim usu gargarismorum, quibus scilicet asperæ Arteriæ ductus humectatur, quam si liberalior potus Ventrículum irroraret. Huc etiam facit quod notavit pariter Hippocrates *in epidemiis* magnoperè ad omnem sitim prodesse os claudere, & tacere; quandoquidem ex loquela non solum salivarius ros extenuatur, & deficit, verum etiam Thorax, Pulmo, & aspera Arteria plurimum defatigantur, & exarescunt: si autem à Ventrículo sitis oriretur, haudquaquam proficeret silentium, eo loco ab Hippocrate commendatum, cum vox, & loquela, ad Thoracem, Tracheam, & Pulmonem pertineat, juxta illud: *Cor ardet, Pulmo loquitur.* Atqui non raro à pastu si diutius eloquamur,

H

vehe-



vehementiùs sitimus, etsi Ventriculus uberiori potu jam inundet.

Ex his igitur, aliisque, quæ consultò omittimus, videntur planè rationes à Galeno pro expositione hujus Aphorismi superiùs adductæ non minimùm enervari. Quamobrem, ut sensum Hippocratis verisimiliùs assequamur, & congruentiùs tueamur à vindiciis, scire oportet, sitim in Animantibus induci ex defectu ejus humoris, qui per sua vasa circumfluus irrorandis partibus addicitur, & latex, ac lymphæ ab Anatomicis vocitatur: etenim in statu naturali pari circuitu partes cunctas Corporis petit, irrigat, & humefacit, quo sanguis in easdem illapsus alit, fovet, atque in vita tutatur: hic idem aqueus humor glandulas salivarias pervadens, fauces, linguam, & guttur irrorat, atque gustui, & loquutioni peragenda plurimùm confert; oculos quoque oblinat, serum in pericardio conservat, & pro pulmonibus aliqua sui parte in pectoris cavo colligitur; immò universas glandulas Corporis alluens, nec non articulos, membranas, parenchymata, non solum nutrit, & incremento proficit, sed etiam à plurimis ægrotudinibus cuncta tuetur. At verò sicuti in statu naturali substantia, qualitate, & quantitate convenienti, cum per suos ductus circuit, omnia hæc Corpori beneficia elargitur; ita in statu morbofo, si in his deficiat, mille propemodùm incommoda parit: potissimùm autem sitim excitat, si desit, totoque ferè corpore exhaustiatur, sudoribus, mictionibus, sputo, lachrymis, aliisque immodicis evacuationibus, sive spontè, sive arte promotis. Similiter si glutinosior, falsior, acrior, acidior redditus, nequeat fauces, guttur,

& linguam convenienter irrigare, ut experimur in catarrhis, in febribus, in subito timore, & aliquandò etiam mox à pastu. Si prætereà aliò confluat, quàm ut decet, aut alicubi restagnans extrà proprios ductus feratur, ut in hydrope, & dyspnoea. Quare non mirum si diversimodè sitim sedari comperiamus, largo nedum aquæ haustu, sed & vino, ejusque spiritu, aliquando spiritu vitrioli, vel salis, cæterisque multum inter se disparibus, quandoquidem non ab una, eademque causa lymphæ vitium exoritur, & sitis.

Naturalis prætereà sitis in Ventriculo quidem, & in faucibus excitatur, ac per sentitur; at verò morbofo, & quæ præter naturam evenit, etiam in gutture, trachea, & pulmonibus; undè sæpenumerò accidit, ut ingenti siti crucientur ægrotantes, etsi Ventriculus multis humoribus, etiam aqueis, sit repletus, immò nonnumquam adhuc languidus, & nausea affectus. Sunt insuper, qui solis gargarismis ab ejusmodi sitis molestia liberantur, & alii inspirato dumtaxat Aere frigidiore: sub quo sensu dixit Hippocrates tusses leviter irritantes in febribus sitim remittere.

Purgantia autem medicamenta postquam dissolutionem in Ventriculo passa sunt, suas operationes plerumque exerunt in Intestinis tenuibus, ubi irritatione simul, ac fermentatione indebita cum liquoribus felleo, & pancreatico perpetim inducta, eos primùm humores diluunt, & extenuant, qui tunicis, & glandulis eorundem impacti sæcum depositionem non rarò etiam remorantur; undè prima Alvi exoneratio, tota ferè stercoraria esse solet. Mox si ejus sint efficacitatis, ut lacteas venas subeant, atq; etiam cum



cum sanguine secundum partes saltem tenuiores misceantur, ipsum fundunt, & glandulas potissimum Mesenterii laxant, exturbant, & extenuant, ideoque vasa lymphica illuc pertingentia pari molestia cogunt lympham ubertim effundere, & quandoque etiam sanguine intinctam, ut in hypercatharsi contingit.

Quoniam verò in glandulis præsertim solent vitiosi, & inutiles humores inhaerere, cum ob spongiosam earumdem substantiam facile suscipiant, & difficulter deponant, quos semel humores exceperere, idcirco fit, ut nunquam à catharticiis congrua purgatio sit successura, nisi glandulæ malis humoribus sint inanitæ, & ex præterlabente lymphâ quodammodo detergæ, ut inde universalis Corporis purgatio, & veluti purificatio, habeatur.

Hinc modò ad expositionem præsentis Aphorismi dicendum, Hippocratem hoc loco de ea purgatione habuisse sermonem, quæ ex medicamentis verè purgantibus, & catharticiis universalibus dictis, peragitur, neutiquam verò de laxantibus solum, & lenitivis appellatis, quænum Antiquis cognita fuerint, alibi discussum. Ea verò cum sint addicta purgandis non solum primis ductibus Corporis, sed etiam intimioribus ejusdem partibus, atque à Ventriculo remotissimis, planè in glandulas Mesenterii, & Pancreatis, immò in arterias, & venas, vires suas diffundunt; quamobrem nedum excrementa in eisdem primis ductibus stagnantia, sed etiam penitiores alios, & alios humores, tum utiles, tum alibiles, sed degeneratos, exturbant, & evacuant; cumque cum his multum lymphæ pariter educatur, emunctis ferè

glandulis universis, proinde ingens sitis ad ejusmodi purgationem subsequitur, quam Hippocrates hoc loco veluti signum completæ purgationis in toto Corpore specialiter consideravit, ut proinde dixerit: qui in medicamentis, scilicet catharticiis, & universalibus purgati, idest humoribus sive quantitate, sive qualitate peccantibus inaniti, non sitiunt, non cessant purgari, priusquam humores ex glandulis, & ex vasis sanguineis, ac lymphicis, educati non fuerint, ut propterea ab horum evacuatione sitire cogantur. Hinc sitis subsequens à medicamento purgationem, non est generale indicium cujuscumque evacuationis à cathartico habitæ, sed ejus dumtaxat, quæ à vehementioribus inducitur, atque totius ferè Corporis est, cum lymphæ, & seri sanguinis educatione. Quod si præterea hypercatharsi subsequatur, procul dubio sitis molestissima accidet, præter alia, & graviora symptomata, immodicam, inconvenientemque evacuationem comitantia, de quibus Galenus *comm. 36. & 37. 2. libr. Aph. & alibi.*

Quamquam autem videatur Hippocrates in hoc Aphorismo ex superveniente siti completam purgationem determinare, non tamen putandum metam exinde præfigi in quibusvis evacuationibus promovendis: sitis enim ex medicamento purgante proveniens designat solum maximam in humoribus, & partibus solidis motionem, unde licet purgationi superveniat, non tamen illam sistit, sed attenuato, dissolutoque nimium sanguine, potius augere potest. Quare si fortasse purgati non eò devenerint, ut sitiant, non idcirco sunt ad sitim subeundam alio fortè medicamento pur-



gante cogendi, ne utiles humores dissolvantur, fundatur sanguis, & hypercatharsis subsequatur, omnino perniciofa: quoniam ex eodem Hippocrate, evacuationes non sunt multitudinis æstimandæ, sed si talia deiciantur, qualia conveniunt; & ægri facile tolerant 1. *Aph.* 23. Præterquamquod infidele signum est in purgationibus sitire, cum interdum sitiant à medicamento ægrotantes, nec tamen bene sint purgati, & aliquando sitiant ex peculiari Ventriculi constitutione, quandoque etiam à conditione medicamenti, ab æstu Aeris, à morbo, aliisque causis innumeris.

Notabile verò est, quod monet Cardanus hoc loco, multum conferre motum ad juvandam purgationem, cum catharticum sitim non inducit, ne scilicet aut penitus non purget, aut parum, & imperfectè, deducto argumento ex præcedenti Aphorismo XV. *cum volueris ducere Helleborum, move Corpus*. Etenim assumpta medicamenta, quæ non purgant, plerumque nocua sunt, & mortifera, nisi eiiciantur, ut contigit Adolescenti Eubæo 5. *epidem*. Verum enim verò pluries expertum in praxi, magnoperè promoveri purgationes cathartorum, epota aqua frigida; quinimò usitatissimum est Medicis Romanis largissimas aquæ gelidæ potiones commendare iis, qui catharticum assumpserunt, ut subinde abundantius egerant, & absque siti, laxatis nimirum, humectatisque ductibus, atque lubriciori alvu reddita, quæ non raro constipatur, & contrahitur à medicamento fibras Intestinarum ex irritamento corrugante.

## APHORISMUS XX.

*Non febricitantibus si tormina acciderint, & genuum gravitas, & lumborum dolor, purgari per inferiora oportere significatur.*

**A**Ntea *Aph.* 17. tradidit Hippocrates signa purgandorum humorum per superiora, nunc indicia profert, quibus internosse liceat purgationem esse faciendam per inferiora; & sicut ibidem de non febricitantibus sententiam protulit; ita hic etiam febricitantes excipit, aitque tormina, seu cruciatus circa umbilicum, gravitatem genuum, & lumborum dolorem, citrà febrim, indicare purgationem per inferiora moliendam; unde oportebat hunc Aphorismum antèriùs scribi, ut connexa oratione notarentur signa utriusque evacuationis per supera, & per infera promovendæ. Recenset itaque tria signa demonstrantia purgationem faciendam per inferiora, tormina nimirum, seu cruciatus circa umbilicum, genuum gravitatem, & lumborum dolorem; quæ sanè denunciant humorem infernas partes occupantem, ut etiam superius ostensum est. At verò speciatim hæc tria memoravit, non quod alia id ipsum non indicent, sed quod per hæc necessariò purgandum sit, ne humores in iisdem partibus affectis firmati graviora mala afferant, vel saltem irrefolubiles deinceps fiant; Quamobrem non immeritò adjectum est verbum *oportere*. Excipiuntur autem febricitantes, quoniam in his ejusmodi signa non semper indicant materiam humoralem, vel omnino purgatione educendam; siquidem non raro in febribus decubitus humorum ad eas

partes



partes denunciant criticas motiones, vel abscessus ad articulos, unde à purgante medicamento esset abstinendum, ne motus criticus Naturæ impediretur, aut aliò distraheretur, non sine febrientis nocumento. Cæterum semper ac ejusmodi accidentia ab humoribus contingunt, qui in inferiores partes tendant, purgatio non poterit non esse salutaris, cum & loci promptitudinem, & humoris vergentiam, & facilem à purgante medicamento evacuationem illa denuncient.

Verumtamen animadvertere oportebit, an non faustus, ac salutaris eventus ejusmodi evacuationem subindè subsequatur. Quippè nisi statim profecerit, verendum, ne à majori commotione humorum, & tumultuaria viscerum naturalium concussione futurus sit gravior affectus in imo Ventre, cujusmodi ficus Hydrops ab Hippocrate *Aphor. XI. bujus libri* præfagitur. Quare vitanda erunt ea, quæ in purgationibus nimium exagitant, & flatus excitant; sed potius in usum ducenda sunt, quæ gratiora visceribus, sine ulla perturbatione, vitiosos humores blandè subducant, & amicaliter alliciant.

## APHORISMUS XXI.

*Dejectiones nigrae sanguini atro similes, & sponte procedentes, sive cum febre, sive sine febre pessimæ: & quantum colores pravi fuerint plures, eò deterius. A medicamento verò procedentes, meliores sunt, idque quantum plures fuerint colores non pravi.*

**D**ejectiones tum sponte naturæ habitas, tum à medicamento promotas considerat hoc loco *Tozzi Op. Med. Tomo III.*

Hippocrates, easque sive nigras solum, sive multicolores: & quidem spontè factas omnino vituperat, sive nigræ compareant, sive alterius coloris à naturali recedentis; meliores verò judicat, si ab assumpto medicamento proveniant, eoque magis si colores plures fuerint, nec multum à naturalibus, & consuetis recesserint.

Prudenter autem existimat Argenterius duas in hoc Aphorismo sententias contineri, alteram quidem pertinentem ad nigras dejectiones spontè procedentes; alteram ad pluralitatem colorum in dejectionibus apparentium; neque enim nigræ evacuationes, plures colores admittere possunt: quamobrem unus Aphorismus in hunc modum scribendus foret: *Dejectiones nigrae, qualis est sanguis niger, sponte procedentes, sive cum febre, sive sine febre pessimæ. Alter verò: Dejectiones, quæ sponte factæ plures habent colores, deteriores sunt, quàm si fiant à medicamento.*

At quænam sunt istæ dejectiones nigrae sanguini atro similes? Certè eas hic Hippocrates non intelligit, quæ atrabiliaria dicuntur; nam de his infra. Nec, quæ concretum, nigrumque sanguinem referunt, aut propriè sanguineæ sunt, quippè non dixisset, *sanguini atro similes*; ubi similitudinem tantummodò, non substantiam, vel qualitatem in excretionibus notavit. Nec præterea humorem illum, quem melancholicum appellant, ut in comm. Galenus interpretatur: etenim dixisset, dejectiones nigra bilis, quemadmodum Veteres melancholiam nuncupare consueverunt; sed & neque ejusmodi melancholicus humor uspiam reperitur, cum satis, superque à Recentioribus ostensum sit,



quaternarium humorum numerum fictitium esse, & qui in Liene fingitur potius acore, quam crassitudine, ac nigritie talis appellatur, & si fortassè in alvum decumberet, non quidem per venas, sed per arterias illuc mearet, adeoque simul cum sanguine effundi deberet, quemadmodum in hamorrhoidibus; cum tamen nullius harum evacuationum meminerit hic Hippocrates. Pari modo reliquæ egestionis nigræ ab adusta bile, vel pituita, perperam à Veteribus excogitatæ, veluti omninò commentitiæ, rejiciendæ sunt, quæ & hic neque aptari possent, ubi istiusmodi nigræ dejectiones etiam sine febre pessimæ referuntur, cum cæteroqui adusta pituita, & bilis, non nisi cum acutis febribus jungi posse perhibeantur.

Verisimilius itaque putandum coherenter Anatome dejectiones nigras in hoc Aphorismo ab Hippocrate memoratas fieri vitio succi pancreatici acido-austerioris redditæ, & præter Naturam fermentantis tum bilem è cholidoco defluentem, sed crassam, & inertem, tum partem cibi depravatam, & corruptam: ea enim est conditio istiusmodi acidi humoris, cum austerior fit, ut compingat simul, & in atrum commutet quidquid crassiusculum adiicitur, eo ferme modò, quo fieri experimur ex acido Vitrioli cum alkali gallarum in atramento scriptorio, & potissimum compactiori: cum enim pancreaticus hic humor à naturali statu recesserit, & ponticam austeritatem acquisierit, sic felleum liquorem combibit, crassa præsertim pituita conjunctum, ut atramentum æmuletur: quamobrem in his, in quibus ejus acor prævalet, uti in Hypochondriacis, Scorbuticis, Lienosis, aliisque, solent

eiuscemodi atræ egestionis apparere, quæ vulgò melancholicæ appellantur. Quod si acidum istud etiam in Liene exorbitet, unde sanguis è ramo splenico in mesentericum derivans traieciatur in Arterias, indeque etiam in venas, quæ turgidæ, & varicosæ hamorrhoidales cæcæ nuncupantur, procul dubio egestionem quoque promovere poterit consimilis atricoloris, & non rarò etiam concreti sanguinis, si diuturniorem moram ibidem contraxerit, ut sæpè apud observatum. Et quamvis in Aphorismo videatur similitudo potius notata, ut propterea non sanguis niger, sed alius humor nigro sanguini similis designetur; si tamen ex græco codice verba textus examinentur, non videtur concretus, & nigricans sanguis ab ejusmodi dejectionibus exclusus; unde Fuchsius exponit, *veluti sanguis niger*: & Heurnius *cujusmodi est sanguis niger*: idest ab acido austeriori concretus, & ater redditus.

Dejectiones prætereà istæ pessimæ censendæ sunt, cum spontè processerint: *sponte* quidem, quoniam significant talem, ac tantam esse humoris virulentiam, ut sponte sua, nullo adigente medicamento, viam faciat, & exitum sibi paret. *Procedentes* verò, idest non semel exeuntes, sed iteratis vicibus, & per universam ferè morbi latitudinem perseverantes, etiam inter initia. Si quidem symptomaticæ evacuationes solum à principio comparent, & continenter perseverant; at verò criticæ, statim absolvuntur, & non nisi circa declinationem accidunt. Unde si dejectiones istæ nigræ semel tantum appareant, non erunt æquè malæ, ac si integra morbi duratione perseverent.

Neque



Neque verò est necesse illas cum febre conjungi, ut malæ sint, quoniam haudquaquam à febris societate malitiam suscipiunt, sed ab humoris exeuntis conditione, ac pravitate, & à viscerum discrasia. Quare perindè erit, si febris adsit, vel absit. Est tamen verum, quòd longè peiores censendæ erunt, si febrim comitem habeant; nam præter morborum, & symptomatum pluralitatem, arguunt quoque sanguinis vitium, indebitamque inductam in illo fermentationem, & Cordis, aliorumque viscerum læsionem: idque sive febris symptomata putetur, sive essentialis dicta.

Cæterum pessimas dixit Hippocrates, non exitiales, sicut de atra bile pronunciavit, & cum ad morbos acutos, vel diuturnos cum extenuatione, ac languore, consequuntur: etenim istæ medelam non admittunt, ut inferius ostendemus: at verò quæ hic memorantur, poterunt artis industria temperari, & corrigi, si potissimum diù non perduraverint, & vires aliundè constiterint, in ætate non admodum protracta: quod sanè præstari poterit usu roborantium medicamentorum, & acidum superabundans corrigentium, qualia præsertim sunt ex chalybe composita, & alkalina appellata.

Verum enim verò pravitas, & pluralitas colorum apparentium in excretis augent malitiam, & periculum affectorum: an quia ex humorum heterogeneitate, varia quoque viscerum discrasia significatur, quæ propterea non tam facile queat artis auxilio emendari; an quia extremam denunciant corruptelam, varii, pluresque humores, degenerati in virides, & porraceos, æruginosos, lividos, & atro. Unde

idem Hippocrates 2. *Aph.* 14. dicebat: *In profluviiis alvi mutationes excrementorum juvant, nisi ad mala mutatio fiat.* Pluralitas autem colorum in excretis hoc loco intelligitur eorum, qui omninò præternaturam sunt, secus verò si secundum naturam forent: quamobrem rectè in textu dicitur: & quanto colores pravi fuerint plures; Pravi autem colores à naturalibus, & consuetis penitus declinant, cujusmodi esse solent vitellini dicti, porracei, æruginosi, lividi, &c. Atque hinc facile occurri poterit difficultati ex præcitato *Aphor.* 14. 2. ubi mutationes excrementorum utiles referuntur, cum hic dicantur perniciosæ: ibi enim mutatio fieri intelligitur in coloribus Naturæ consuetis, & à malis in bonos; hic verò in morbofis, & de malis in peiores, ac pessimos.

Sed cur à medicamento procedentes nigræ dejectiones meliores reputandæ sint? Et quidem nigras non solum, sed & flavas, virentes, aliasve dejectiones vi medicamentorum habitas nemo amplius reformidat, cum unicuique compertum sit eas potissimum consequi conditionem, & tincturam medicamentorum: Rhabarbarum enim ad flavum, senna, & casia ad nigrum, agaricus ad album excretos humores colorant; quin pro varia eorumdem excrementorum vi, & miscela, multi quoque, & varii colores in excrementis comparere solent, & non rarò absque ullo viscerum vitio, aut morbosæ constitutionis vestigio. Sed etsi morbificam causam consequantur, adhuc decedentes ex assumpto medicamento humores pravi validam arguunt Naturam, & se ipsos non adeò rebelles, ut eidem evacuanti obsistant, vel non statim



obsequantur. Non tamen hinc quis existimet; omnino periculo vacare, quæ à medicamento prava, & atra procedunt: etenim Hippocrates non simpliciter nigras dejectiones ope medicamento habitas bonas dixit, sed meliores, comparatè nimirum ad eas, quæ sponte Naturæ contingunt; nam nigræ dejectiones ex pravis humoribus semper malæ existimandæ sunt, eo quod denuncient pravas inesse Corpori dispositiones, undè nigræ illæ prodeant, adeò à naturali statu recedentes.

Postremò advertit Hippocrates, quò plures colores in excretis à medicamento comparuerint, eo minùs malos esse, quoniam universam humorum colluviem, omnemque malum Corporis apparatus indè evacuari significatur, adeoque Naturam medicamento adjunctam potuisse modico temporis intervallo vitiosos humores deponere, & expurgare absque partium solidarum noxa sensibili. Colores autem plures, & non pravi, si omnino secundum Naturam sint, certè nedum meliorem, sed etiam optimam indicabunt egestionem, ut antea ex *Aphor.* 14. 2. memoratum est: si verò præter Naturæ morem accidant, denunciant quidem profuturam evacuationem in genere causæ, cum pravi humores excernantur; at verò in genere signi malam saltem arguunt viscerum dispositionem, unde tam prava colorum varietas exoriatur.

## APHORISMUS XXII.

*Morbis quibuslibet incipientibus, si atrabilis vel supernè, vel infernè exierit, letale.*

**P**Ræcedenti aphorismo Hippocrates nigras simpliciter deje-

ctiones vituperavit; nunc verò specialius, quæ atræ bilis conditionem referunt, omnino exitiales asserit, neque solum per inferas partes, verum etiam per supernas, modò morbus inchoet.

Et quidem initiantibus morbis solummodò, illius evacuationem exitialem esse docet: quandoquidem *niltunc excernitur* (inquit in *comm.* Galenus) *Naturæ ratione, sed omnia sunt symptomata earum, quæ præter Naturam sunt in Corpore dispositionum; unde cum adest cruditas humorum, aliquid utiliter evacuari est impossibile: siquidem oportet coctionem præire, subsequi verò discretionem, & postea evacuationem, ut bona sit crisis.* Hinc communi voto damnantur à Medicis evacuationes habitæ in principiis morborum, cum vel multitudinem, vel pravitatem significent; at verò iisdem declinantibus, & post humorum coctionem, quælibet excretio salutaris est, veluti procedens à victrice Natura corpus à suis impuritatibus repurgante.

At quamvis cujuslibet humoris evacuatio inter initia morborum mala sit, longè tamen periculosior erit, si atram bilem redoleat. Dicitur autem à Medicis Atræ bilis, humor ille, qui colore nigricat, sed non concrefcit, ut sanguis, immò in terram decidens fermentescit, & bullulas excitat, velut Acetum, aut Vinum, lumini objectum splendet, & acrimoniam, mordacitatemque sapit; quamobrem viscera, per quæ transit, erodit, & ulcerat instar aquæ stygiæ. Hinc inter humores omnes, qui statum Corporis morbosum consequuntur, pessimus hic omnino reputatur, & venenosus, veluti extremamactus corruptionem, vitæ penitus inimicam.

Verum



Verum quo pacto ejusmodi deleterius humor Atrabilarius in humano corpore generetur, non inutiliter quæri potest. Haftenus est creditum, Bilem duplicem in humano Corpore reperiri, naturalem unam, & alibilem, in venis unâ cum sanguine contentam; alteram nonnaturalem, & excrementosam in cysti fellea collectam, ac continenter in tenuia intestina confluentem; fieri autem, ut eodem ægrotante, vi, atque pernicie morborum, viscera, & præsertim Jecur intemperetur, atque ejusmodi biliosi humores putredine, & exustione degenerent in vitellinos, croceos, mox etiam in æruginosos, porraceos, ac denique in atrabilarios, extremum corruptionis terminum designantes, qui propterea veluti summè recedentes à consueto Naturæ, ubicumq; comparuerint, lethum prænuncient.

Sed jam satis, superque ab Accurrioribus Medicis, de Bile in venis contenta excogitatum, vanum, & futile detectum est, ut de illa ulterius verba facere pudeat. Solùm Bilem in cysti fellea contentam, & per cholidocum in jejunium intestinum transmissam, gravem, nocuamque mutationem subire posse constat Anatome, si nimirum indebita fermentatione cum aliis humoribus, & præsertim Pancreatico, illuc confluentibus, præter morem invertatur, & nedùm colore, sed etiam acritate, & malitia, commutetur in naturam fermè deleteriam; unde appositè quidem Galenus 6. *de loc. aff. c. 5.* animadvertit generari non rarò posse in humano Corpore humores veneno similes, qui scilicet id ipsum agant, quod à venenis assumptis, vel inflictis fieri experimur.

Et quidem si felleus hic humor

acer, & oleosus redditus cum acido pancreatis, aliove, commisceatur in Intestinis tenuibus, ita ingenti fermentatione exacuitur, ut erodendi vim adipiscatur; neque solum in Intestinis, sed & in Ventriculo ex depravato ejusdem fermento, corruptisque cibis; pariterque ex lymphâ acriori cum fermento glandularum vitatio. Nec dissimilem pati solet serum urinarium depravationem, si acrius sit, & sale acidiori inspergatur; itemque si menstruus sanguis, atque alia Uteri recrementa fermentis hystericiis coinquinentur, & subsistant. Quamobrem ubique ex mala, atque indebita mistura fermentorum poterunt pravi, & deleterii humores progigni, & è diversis egeri emissariis, venenorum Naturam redolentes; unde erosiones, pustulæ, ulcera, gangrænæ, aliaque hujus generis perniciosissima.

Quoties itaque ex inconvenienti mistura, ac fermentatione succorum, alii, & quidem præter Naturam exorti, præsertim acres, atrii, & venenosi, per alvum, aut per os egeruntur, multis ex rationibus mortem prænunciant: quippe significant viscera non bene suos humores secernere, & repurgare, sed potiùs ex vitiata textura, & crassi, illos inficere, unde fermentationes, dissolutiones, distributionesq; alimentorum pessimæ fiunt in prægrande virium dispendium: sed & humores ipsi depravati acritudine veluti arsenicali, & acore fermè vitriolico, partes, quas pervadunt, pungunt, erodunt, ulcerant, & gangrænâ, aut sphacelum inferunt; immò sanguinem ipsum, aut coagulando, aut exsolvendo, ineptum circulationi reddunt: infecto autem sanguine,



ne, & vel concreto, vel exsoluto, motus Cordis definit, & vita. Ceterum egestiones istiusmodi aut suprâ, aut infrâ habitæ, sunt tantum nobis indicia, quibus malam viscerum, & fermentorum constitutionem coniciamus jamjam lethum comminantem, nam non ex eo, quod nigra prodeant, sed quod intus genita vitæ fomitem inficiant, & corrumpant, mors imminet.

### APHORISMUS XXIII.

*Quibuscumque per morbos acutos, vel diuturnos, aut vulnera, aut quemvis alium modum extenuatis, nigrabilis, aut veluti sanguis niger, per inferiora subsederit, postridie moriuntur.*

**V** Idetur hic Aphorismus multum cum XXI. congruere: verum ubi antea dejectiones nigras universim vituperavit Hippocrates, nunc specialius exitiales eas inquit in extenuatis. Decernit enim nigram bilem, aliumve nigrum humorem per inferiora excretum in valde extenuatis postridie mortem portendere.

Cum igitur indefinite afferat paulo post successuram mortem iis, qui extreme extenuati sunt, si nigra dejecerint, inutilis procul dubio censenda est quorundam Interpretum controversia, qua ambigunt, num de atra bile proprie dicta, an verò de melancholia sermonem habuerit. Nam quæ adjecta sunt; *aut veluti sanguis niger*: manifestè declarant, omnem cujuscumque nigri humoris dejectionem voluisse illum comprehendere, ut proinde parum, vel nihil intersit, num bilis atra, an melancholia, vel alius niger humor, egeratur, modò Corpus vi morbi

fit extenuatum; etenim imminentis mortis causa propriè ad languorem, & Corporis extenuationem refertur; undè hujus Aphorismi rationem afferens *in comm.* Galenus, subdit: *est enim in talibus, idest extreme extenuatis, natura imbecillis adeò ut non possit concoquere, neque discernere, neque excernere, quæ ita prava existunt.* Quin Heurnius historiam cujusdam ducis militum refert, qui cum diù quartana febre laborasset, indèque macruisset, tandem à concreti sanguinis per alvum excretionem postridie obiit. Porro in hoc nec atra bilis, nec melancholicus humor prodiit.

Quamvis autem hoc loco, nigræ solum dejectionis, sive atræ bilis, sive melancholiæ, aut sæculenti sanguinis Hippocrates meminerit, veluti omninò exitialis in extreme emaciatis; non tamen hinc erunt eximendi aliorum humorum, immò etiam ipsius sanguinis, & chyli egressus inconvenientes: etenim 5. *Aph. & alibi*, tabidos etiam brevi morturos ait, si alvus immodicè solvatur; sed, si dejectio nigra lethalis est extenuatis, ob extremam maciem, & virium languorem, sanè longè periculosior erit dejectio sanguinis, aut chyli, quòd arguat summam naturæ labefactionem, quæ difficillimè in extenuatis remittitur. Quare in his quælibet evacuatio magnificienda est, sed ejus potissimum humoris, qui tuendæ vitæ magis conferat, cujusmodi est sanguis, & chylus.

Sed quod de dejectione Hippocrates adnotavit, an exponi quoque possit de vomitu, non irrationabiliter ambigitur; cum atram bilem infernè, vel supernè exeuntem mortiferam præcedenti Aphorismo pronunciaverit. Et quidem si causa

in-



instantis mortis provenit ex extrema macie, & summo virium languore, nulli dubium, quod etiam vomitus niger valdè extenuatis lethalis sit: Rarò autem tabefactis, & languidis vomitus accidit, quibus præ summa virium jactura vomendi conatus nullus esse potest; undè factum puto hanc evacuationis speciem Hippocratem tacuisse.

De cæteris evacuationibus veluti per urinam, sputum, itemque furfures, sudamina, tubercula, adhuc dubitari potest, an non citam mortem portendant, si nigra compareant in extenuatis. Et dicendum lethalia plerumque indicia esse, sed non ad tam breve tempus, ut postri-diè mortem afferant; immò dubiam aliquandò fieri conjecturam, cum ob morborum, sive acutorum, sive chronicorum, eorumque temporum varietatem, diversimodè sit prognosticandum; atque aliter in viris, ac in foeminis, & aliter adhuc in epidemiis constitutionibus. De qua re legendus idem Hippocrates *in epidemiis, & in prognost.*

Quoniam verò hic solum nigri cujuscumque humoris lethalem exitum in extenuatis adnotavit, videndum, cujus generis extenuatos intelligere voluerit. Interpretes communiter eos exponunt, quibus nedùm spiritus, & humores consumpti sunt, sed etiam solidæ partes exhaustæ, tum acutie, & pravitate, tum morbi longitudine cum evacuatione conjuncta: etenim extenuatio talis, ac tanta esse debet, quæ virium dissolutionem, & Naturæ languorem inferat, ut proindè vitiosi humores sponte sua effluant. Nisi quippè penitus extenuati forent ægrotantes, profectò non tam citam mortem subirent, ut in Aphorismo dicitur, quandoquidem plurimi ab eodem Hippo-

crate referuntur *in libris epidemiorum*, qui nigra dejecerint, & minime obierint, vel saltem in longius tempus vitam protraxerint. Sic Herophon *ægrotus III. 1. epidem.* quinta die nigra dejecit, & 17. judicatus est. Et *Aeger III. 3. epidem. sect. 1.* qui decumbebat in Dealcis horto, quinta, sexta, & octava die, ac denuò quintadecima, & decima septima, & per universum ferè morbi decursum nigra egressit, & graveolentia, quadragesimā tamen perfectè convaluit.

De tempore tandem jure etiam dubitari potest, num in principio solum, an solum in augmento, & statu, aut in declinatione, comparantes nigrae dejectiones exitiales sint, an verò quocumque tempore indiscriminim. Et sane, cum de extenuatis sermo sit, nequit intelligi de morbi principio, quando omnia symptomata debilia, & levia sunt, nec tantus marcor esse potest, quantus videtur exigitus ad carniū dissolutionem, & virium languorem; quin & Hippocrates ipse *per morbos acutos*, dixit, *vel diuturnos*: modò diuturni morbi dicuntur, qui quadragesimam diem transilierunt. Ad declinationem verò deducti, nunquam morbi lethales esse consueverunt, etiam ex documento Gale-  
ni 3. *de crisib. cap. 5.* dicentis; *Nemo unquam vi morbi, in ejusdem declinatione mortuus est, nisi solum ex accidenti, aut ex aliquo errore commisso, vel à Medico, vel ab ægroto.* Igitur in augmento, & statu morborum id evenire fatendum: in augmento quidem, si morbus fuerit acutus, quippe tunc extenuatio provenit ex virulentia, quemadmodum in Pestilentis; In statu verò, si fuerit chronicus,



nicus, cùm ex ipsa morbi diuturnitate Corpus languefiat, & contabescat.

#### APHORISMUS XXIV.

*Difficultas Intestinorum, si ab atrabile inceperit, letalis est.*

**I**Nter plurima damna, quæ Atra bilis deorsum excreta afferre potest, memorat hoc loco Hippocrates Dysenteriam, veluti frequentius ex illa procedentem, cùm infernas partes petierit in alvum delata. Est enim difficultas Intestinorum, græcè Dysenteria, frequens, cruenta, & dolorosa dejectio; Quamquam nomine Mysenteria quicumque alvi fluxus cum dolore junctus non rarò intelligatur, ut propterea Diarrhœam quoque comprehendat, quemadmodum deducitur ex Galeno 3. *de sympt. caus. cap. 8.* Plerumque illa fieri dicitur ab humoribus acribus, qui vellicando Intestina, & dolorem afferant cum torminibus, & sæpius compellant egrotantes desidere: Nonnumquam etiam à mucosis, & falsis humoribus, qui tenacitate assiduò torqueant, falsedine verò erodant, & ulcus inferant.

Et quidem ab his inducta Dysenteria non tam facile sanatur, immò omninò letalis dicitur, si ab atrabile incæperit, quoniam ab illa non solum Intestina ulcerantur, sed exeduntur, ac mortificantur, ob virulentam ejusdem conditionem. Atque hinc monendi sunt quicumque rem medicam sunt facturi, ut non tam glutinantibus remediis Dysenteria opitulentur, quam corrigentibus, & acidis, ac acres humores temperantibus: quo pacto non semel vidimus dysentericos veluti re-

pente sanatos hujusce generis medicaminibus, tormentilla, bistorta, plantagine, centinodio, verbasco, baccis sambuceis, croco Martis, colchotare Vitrioli, hæmatite, sanguine leporino, & similibus. Hac quippe ratione non solum affectis intestinis consulitur, sed specialius humori ulceranti, & corrumpenti, unde affectio ortum ducit, quemadmodum ex antea traditis facile est deducere. Verum de hac relatiùs in nostra praxi.

#### APHORISMUS XXV.

*Sanguinem quidem supra ferri, qualiscumque sit, malum: infra autem, bonum, cùm niger deiicitur.*

**S**pecialiùs hoc Aphorismo sanguinis excretio consideratur, & tam per superiora, quam per inferiora; sed cùm supra fertur, malum dicitur, cùm infra, bonum, si niger deiiciatur.

De evacuatione itaque sanguinis per os habita, manifeste intelligendus Hippocrates, ut interpretatur Galenus, excepta illa, quæ per nares fit. Siquidem è naribus sanguinem fundi, & sæpissime salubriter, innumeris fere constat experimentis, cùm & febres tertianæ, & continuæ, & ardentes, non rarò etiam malignæ, & pestilentes, critice terminentur, ut extant exempla tum apud Hippocratem, & Galenum, tum etiam apud reliquos rei medicæ professores. Solum vituperantur stillæ sanguinis è naribus erumpentes, veluti signum ingentem pravitatem denuncians, sicut pariter immoderata hæmorrhagia, quæ non facile sistitur: cæterum in reliquis conferre consuevit; unde plerisque novi,



novi, qui à periodica per eas partes sanguinis eruptione nedùm à gravissimis capitis doloribus evaserunt, sed etiam ab aliis pessimis ægritudinibus præservati diutissimè vixerunt.

Sanguis igitur per os excretus hoc loco vituperatur, & quidem tum ratione sui, qui de genere earum rerum est, quæ nunquam egeri debent, tum ratione viscerum, & vasorum, in quibus asservatur, quoniam ea referata, aut erosa credendum, cùm prodit. Et quidem sive è Capite, sive ex Ventriculo, sive demùm ex Thorace profiliat, semper sui, & principalis alicujus visceris noxam arguit, & non levem vitæ labefactionem, quippè quæ suo fomite depauperetur.

Neque verò ab his solùm egrediens cruor malus est, sed, quod majus, quia alicubi stagnans, ut facile est, illicò concrevit, acorem contrahit, & corrumpitur, ac tandem in pus vertitur: ex pure autem innumera propemodùm detrimenta exoriuntur, febres potissimùm, ulcera, marcores; Unde idem Hippocrates 2. *Aph.* 47. *Dum pus conficitur, dolores, ac febres accidunt:* & 6. *Aphor.* 20. *Si in Ventrem sanguis præter naturam effunditur, neceßeeßt suppurari.* Et 7. *Aphor.* 15. *à sanguinis sputo, puris sputum; à puris sputo Tabes, & Mors.*

Quamvis autem sanguis per os excretus semper aliquid mali referat, & sive spumofus sit, & floridus, sive nigricans, & concretus, quemadmodùm colligitur ex adjuncta voce: *Qualiscumq; sit*; idest cujusvis generis, & conditionis; Nilominus levius malum portendit in foeminis, in quibus sanguinis excreationes utiles esse consueverunt,

etiam per tussim, modò à suppressis menstruis purgationibus procedant; quamobrem idem Hippocrates 5. *Aphor.* 32. *Mulier, inquit, sanguinem evomenti, menstruis erumpentibus, solutio fit*; referatis nimirùm uteri ductibus, atque ex eunte sanguine per loca convenientiora. Et *Aph.* 33. *ejusdem: Menstruis deficientibus, sanguis ex naribus fluens, bonum.*

At quod foeminis salubriter accidit ex menstruorum suppressione, non rarò etiam contingit viris ex pleuritide, si nimirùm sputum sanguineum comparuerit, ut dicitur 1. *Aph.* 12. Quare generale hoc Hippocratis effatum in aliquibus excipietur; Verumtamen oportebit diligenter advertere, num sanguis ipse immediatè è suis vasis prodeat, sequaturque alicujus principalis visceris erosionem; an verò ex tumore jam disrupto, vel suppurato, excernatur; etenim sicuti in priori casu semper malum, ità in posteriori sæpißimè bonum; quin immò morbo laterali laborantes si in quatuordecim diebus non repurgantur, ad suppurationem vertuntur, 5. *Aph.* 8. *Suppurati verò nisi in quadraginta diebus purgentur à die, quæruptio facta fuerit, in tabem transeunt, eodem 5. Aphor.* 15. Quòd si sanguis è glandulis faucium exsudet, & sputo excernatur, non solùm nil mali portendere solet, sed sæpenumerò etiam prodest; comperit enim pluries est vehementi capitis dolore vexatos veluti momento convaluisse, excreto è prædictis locis faucium sanguine. Quo sensu exponendus idem Hippocrates 7. *Aphor.* 37. ubi sibi ipsi contradicere visus, inquit: *Quicumque evomunt sanguinem, si sine febre quidem salutare; si verò cum febre, malum:* Adeò-



Adeoque non omnem sanguinis per os evacuationem malam pronunciat, immò salutarem vocat, si sine febre sit. Planè is intelligendus de sanguinis exitu haudquaquam à Ventriculo, cujus vomitus peculiaris actio est, sed à glandulis faucium, & gulæ, è quibus profiliens sanguis evomitur. Quamquam & absq; ulla Ventriculi læsione, ex viscerum naturalium obstructione, aut timore, possit sanguis ubertim evomi, aut excreari, pari modo ac ex utero malè affecto contingit, ut antea notatum est.

Sicuti supra ejectus sanguis, quicumque sit, malum dicitur, ita deorsum excretus, bonum, si tamen niger egeratur: at qua ratione, non benè constat, præsertim si ad memoriam revocentur, quæ præcedentibus Aphorismis sunt recensita, in quibus dejectiones nigras pessimas Hippocrates promulgavit. Quare cum in præsentiarum nigrum sanguinem per inferiora excretum bonum proferat, videtur sibi ipsi manifestissimè repugnare. Verù quamvis hæc apud cæteros Expositores non sint facilia solutu, sic tamen à nobis explicantur, ut quemadmodum Hippocrates superioribus Aphorismis nigras damnaverit dejectiones, ortas ex mala, indebitaque mistura, ac fermentatione succorum fellei, & pancreatici in Intestina tenuia confluentium: ita hic laudabiliorem existimet nigram dejectionem procedentem à sanguine ex venis hæmorrhoidalibus concrecente: manifestè enim hoc loco opponit sanguinem per os excretum sanguini deorsum exeunti, ubi antea non sanguinem, sed dejectiones nigras sanguini atro similes retulerit, easque ab interioribus, & malè affectis visceribus promanantes.

Sed & multum quoque interest nùm sanguis in ipsis visceribus degeneratus concreverit, an solum in venis sedis sua crassitie subsederit, aut tanquam impurus à reliquo sepositus sponte sua prodierit. Quamobrem jure addit Hippocrates, *cum niger deiciatur*: nam si fortasse purus, & floridus egeratur, profectò malum erit, & quidem præter Corporis languorem, ac decolorationem, pulsum imbecillitatem, viscerum labefactionem, minabitur tabem, vel hydropem. At verò si niger deiciatur, & per intervalla, periodo latiori, plurimum proderit, præsertim Melancholicis, & Niphritide laborantibus, ut dicitur 6. *Aph.* 11. immò solet à gravissimis ægitudinibus præcavere 6. *epidem. sect.* 3. ubi, qui hæmorrhoidas habent, neque pleuritide, neque peripneumonia, neque phagædena, neque furunculis, neque tuberculis terebinthi figuram habentibus, neque lepra, neque vitiliginibus correpti referuntur. Iis enim omninò suppressis, Hydrops, aut Tabes subsequitur, ex eodem *cap.* 6. *Aph.* 12. Unde nec supra modum fluere, nec omninò suppressi, salubre erit.

#### APHORISMUS XXVI.

*Difficultatem Intestinorum habenti, si veluti carunculæ deiciantur, lethale est.*

**H**ic iterum de Dyfenteria sermonem habet, quam terminum fortiri lethalem inquit, si inægestionibus carunculæ deiciantur. Neque verò incipientem intelligit, veluti in *Aph.* 24. sed aliquantulum protractam, ut ostendunt verba illa, *difficultatem intestinorum habenti*: quæ sanè ægrotantem diutius



ea affectione detentum significant. Sed enim neque carunculæ, & strigmenta Intestinorum statim inter initia comparere possunt, quippè primùm humores varii, & acres, mox verò mucosa quædam, deinde cruenta, postremò strigmentosa, veluti carunculæ, egeruntur: his autem apparentibus lethale signum est, *quòd neque caro concreescere, neque cicatrix obduci in his possit*, ut subdit in comm. Galenus.

Adnotata autem non ineptè Cardanus lethale hoc loco intelligendum, quod plerumque mortem affert, & natura sua, non tamen necessariò, nec semper, nisi adjungatur virium imbecillitas, materiæ pravitas, vel fragmenti intestini excretio; quo casu æger omninò morietur. Quamobrem in Dysenteriis consideranda sunt quæcumque in ulceribus perpenduntur, conditio videlicet ipsius ulceris, pars ulcerata, & causa vel faciens, vel fovens ulcus: ex his enim oritur, unde ulcera lethalia fiant. Ab ulceris namque conditione prælagire solemus lethalem eventum, si magnum, profundum, malignum, putridum, exedens, cum inflammatione, aut gangræna conjunctum, illud sit. A parte affecta, si principem partem occupet. A causis demùm, si ab acribus, erodentibus, venenosisque humoribus foveatur. Id ipsum planè observandum in Dysenteria, si quidem cum intestina gracilia sunt affecta, à pravis, ac deleteriis humoribus, unde fætida, livida, nigra, egerantur, cum ramentis Intestinorum, ingenti dolore, cibi fastidio, febre, virium jactura, certè mors præsto erit. Porro cum ista desint in Tenesmo, etsi non rarò carunculæ egerantur, mors non idèò necessariò subsequitur. Sub Ca-

runculis autem comprehenduntur nedùm glandulæ internam Intestinorum tunicam occupantes, sed etiam fibræ illæ carneæ, quibus interiorum eorumdem substantiam communiri Anatomicorum nupera diligentia detectum est, ad motum peristalticum perpetuandum. Si ergo ulcus eò pervenerit, ut exesa interna tunica duriori, fibras istiusmodi erodat, & exteriorem pervadat longè molliorem, irreparabile profectò exitium portendetur, & eo citius, quo priora intestina, & tenuia, magis fuerint affecta, cum ista discissa non coalescant, ex eodem Hippocrate 6. Aph. 18. & 24.

## APHORISMUS XXVII.

*Quibus febricitantibus sanguinis fluxerit multitudo quacumq; ex parte, cum reficiuntur, alvi iis humectantur.*

**P**rognosis proponit hoc Aphorismo Hippocrates succedentis alvi humectationis in febricitantibus ex fluxu sanguinis præcedenti, undecumque prodierit: Rem tam rarenter visam, ut per pauci sint, qui illam observaverint; unde factum quoque est, ut Expositores de ejusdem veritate plurimùm etiam dubitaverint; proindè non mirum, si quod Fuchsius non solum in febribus, verùm etiam in aliis morbis fieri dixit, alii ex adverso ad febres dumtaxat contraxerint; & quam sententiam Cardanus universaliter veram falsus est, probabilem solum, neque necessariam, statuerit Argenterius. Sed videamus quomodò illam nos congruis aptemus argumentis.

Sanguinem immodicè fluentem jam antea nocuum adnotavimus, cum



cum inde vita humana sensim fatiscat, ac tandem desinat, si fortasse ad eam pertingat quantitatem, ut motum Cordis intercipiat. Si ergo febrientes accidat larga sanguinis profusione debilitari, etsi extincta febre evaserint, à resumptis viribus facile oriri putandum non levem alvi laxitatem; tum quia ubi antea excrementa cujusvis generis detinebantur, mox statim vigorata natura, deponuntur, & alvus fit lubrica, idque potissimum si à languente Ventriculo cibi nec bene digesti, nec bene sint distributi; tum quia lymphæ, causa febris, tenuior reddita, ac detenta, propter immoderatum sanguinis exitum, incipit deinde, cum Corpus reficitur, ad alvum deponi, ideoque excrementa solvere, atque intestina reddere lubriciora; tum denum quia, refectionis partibus, omnia illarum recrementa, pari modo deferuntur ad alvum, quæ prius vi morbi detenta fuerant: quo scilicet pacto experimur, declinantibus febribus cunctas promoveri evacuationes, tum sensibiles per alvum, urinam, sputum, sudorem, tum etiam insensibiles, per poros cutis perspiratione. Porro ab immodica sanguinis evacuatione fieri plerumque solet, ut multo sero in vasa inanita intruso per febrim scateat, & deinceps revalescens, in alvum, aut vesicam deponat.

Speciatim autem notavit Hippocrates id febricitantibus accidere, quoniam per febrim plerumque Corpora exarescunt, unde serosa excrementa non tam facile per id tempus egeruntur; at verò desinente febre, cum gravamini illa deinde sint toti Corpori, solent à Natura in pristinum statum restituta, per proprios, & patentiores ductus evacuari. Hinc

merito adjecit, id dumtaxat accidere, cum corpora reficiuntur. Atqui non parum in idem conferet fel-leus humor, qui per febrilium accessionum tempora depravatus, ineptus evaserat fecum repurgationi, mox in salubrem statum revocatus consueti usui secretionis, excretionisque intestinalium excrementorum, reficitur.

Verum alvum humectari solummodò animadvertendum, cum memorata excrementa feruntur ad Intestina; at si fortasse in vias urinarias ducerentur, copiosior urina potius, quam lubricior alvus fieret, ut deducitur ex 3. *prophetic.* 40. Sic pariter, si ad convalescentis Corporis refectionem ciborum frugalitas servetur, unde multa excrementa nequeant cumulari, nec profectò alvus humectior evadet: sequitur enim lubricitas alvi immodicam excrementorum collectionem, quæ non nisi largiorem ciborum usum consequi solet, cohærenter his, quæ idem Hippocrates edocuerat 2. *Aphor.* 7. & *Aphor.* 17. *eiusdem*: ubi cibum præter naturam plus ingestum morbum facere dicitur, idque patere sanatione, hoc est, collectorum excrementorum expurgatione, ut subdit *in comm.* Galenus.

#### APHORISMUS XXVIII.

*Quibus biliose sunt dejectiones, hæc superveniente surditate cessant, & quibus surditas adest, supervenientibus biliosis dejectionibus, cessat.*

**A** Translatione humorum de una in aliam Corporis partem varias, diversasque accidere ægritudines, in confesso est apud omnes, cum illi pro varietate partium, in quas ferun-



feruntur, varias quoque excitent operationum læsiones, adeòq; morbos omninò differentes; unde qui humor stomachum vellicando cardialgiam affert, si fortassè in Cerebrum, vel meninges deducatur, phrenitidem, aliumve morbum pariet: & qui suo acre alvum stypticam facit, in renes delatus lapides procreat, in liene restagnans scirrhum, in pleura pleuritidem, atque alibi aliàs promovet affectiones. Hinc perpendens Hippocrates in febribus potissimùm ejusmodi humorum in caput, & aures decubitum, velex his in alvum depositionem, adnotat, surditatem oriri, vel desinere.

Pro biliosis autem dejectionibus eas intelligit, quæ tenuium, & labilium sunt humorum, qui sponte sua mobiles facilè ex una in aliam partem deducuntur. Hæ verò tam sunt frequentes in febrientibus, ut vix unum ex millenis invenias, qui ejusmodi humorum egestionem per alvum non patiatur: cum enim in febribus sanguis indebitè fermentescens, secundùm aliquas sui partes saltem acrior evadat, fit propterea, ut ejusmodi acrium succorum in cysti fellea copiosior secretio, ac repurgatio habeatur, undè fæces, urinæ, immò etiam sudores, cæteraque cutanea spiramenta consimilem referant conditionem, & non rarò cutis ipsa pariformiter inficiatur. Igitur si fortassè per consueta Corporis emissaria recrementa ista minimè repurgentur, sed in sanguine detenta ferantur in caput, & aures, procul dubio surditatem afferent, oppletis nimirum ductibus auditioni conferentibus, cum etiam in statu sano, ejusdem generis excrementa in primam auditus semitam deponantur, unde Cerumen exori-

tur, flavum simul, & salitum. At verò si ab his in alvum deferantur, flavæ dejectiones comparebunt, & quidem affluentiores, desinente interea surditate.

Verùm advertit & rectè Galenus, non de ea hîc surditate Hippocratem locutum, quæ ex habitu difficulter solvitur, & propriè surditas appellatur, sed quæ repentinè in febribus, vel aliter fieri solet, & subsurditas, seu gravis auditus dicitur: illa quippè vitium organi sequitur, vel saltem à tenaci, hærenteque humore dependet: hæc verò, quæ febricitantibus accidit, quoniam à fluente humore procedit, perseverans esse non solet; quomobrem qua facilitate evenit, eadem, detruso inferiùs humore, brevissimè desinit.

Cæterùm hæc tunc solùm eventui præfagito respondebunt, cum surditas, seu subsurditas ex memoratis humoribus provenit; nam si fortassè aliundè illa oriatur, ut accidit Hermocrati *agroto II. 3. epidem.* certè prognosis fallet. Sed & poterit quoque humor in auribus collectus aliò diverti, & per sudorem, aut urinam expurgari, desinetque surditas, absque ulla per alvum evacuatione. Itaque debent ista reciprocè respondere, ut aphoristica hæc sententia ubique vera inveniat.

Undè autem consensum hunc Aurium cum Intestinis deducamus, ut his fluentibus illæ laborantes exaudiant, arduum sanè est ex Anatomie explicare, nisi solùm communes Arteriarum vias recenseamus, & mutuò inter se referentes ambarum partium glandulas; unde non semel vidimus brevi solutas parotidas ingenter tumefactas, egestionibus per alvum habitis. Attamen crediderim



derim istiusmodi subfurditatem febricitantibus evenire ab humoribus dumtaxat circa Ventriculum collectis; sicut enim sæpenumerò experimur aures obsurdescere, & tinnitum, sibilumque pati in vertiginosis ab affecto Ventriculo, immò & dolores, cæterasque capitis affectiones à stagnantibus ibidem humoribus excitari; sic pariter credere licet in surditate hic ab Hippocrate memorata ex suppressis egestionibus obtingere. Neque verò verisimile videtur tantam humorum colluviem posse Aures occupare, quanta solet per alvum deindè in febrientibus egeri. Satis enim est, nervos per eas partes excurrentes præter naturam affici, vellicari, atque à pravorum succorum presentia gravari, aut extorqueri, ut mox Cerebrum, ejusque organa sensuum coafficiantur: fiet autem, ut potius Aures in his lædantur, quàm sensus alii, à conditione vitiosi humoris acris, & biliosi, quippè is, ut antea dictum, multum respondet cerumini, quod Aurium recrementum est felleum, & amarum.

#### APHORISMUS XXIX.

*Quibus febricitantibus sexto die rigores fiunt, difficile iudicium sequitur.*

**A**D prognosim quoque pertinet hic Aphorismus, quo edocemur rigorem febrientibus contingentem sexto die difficile iudicium præmonstrare.

Rigor quidem adeò solet esse febricitantibus familiaris, ut unum ex peculiaribus symptomatis, quæ febres comitantur, recenseatur. Potest autem & Periodicus, & Criticus, & Symptomaticus esse. Periodicus, cum accessiones febrium intermittentium, potissimum tertia-

narum initiat, renovatque, & sicuti is inseparabile, propriumque signum earumdem esse solet, ita quoque bonum existimatur, de quo Hippocrates *hoc eodem libro t. 63. quibus in febribus quotidie rigores fiunt, quotidie febres solvuntur*. Criticus est, cum continuus, vel continentibus febribus supervenit, præcedente coctione: eo namque febres aut desinunt, aut in intermittentes commutantur; unde Hippocrates *Aphor. 58. huius*, inquit: *febre ardente laboranti, rigore superveniente, solutio fit*. Symptomaticus demùm febricitantibus accidit, sed absque ulla febris remissione, irritamentum, ac pravitatem humoris arguens, & si fortasse ægro jam debili accidat, lethale signum dicitur, *tex. 46*. Modò rigor hoc loco memoratus nec periodicus, nec criticus esse potest, sed omninò symptomaticus, adeoque non bonus.

Neque verò ex uno tantùm capite malus ille censendus est, nam sexto die contingens veluti inter initia febris, & vigente cruditate, malignitatis nota esse solet, ut ex Hippocrate pluribus in locis epidemiorum clarissimè deducitur, & quæcumque per hæc tempora contingunt, mala sunt; undè & morbus regius, & sudores sexto die incidentes, pessimi ab eodem Hippocrate proclamantur: quamobrem Galenus tyrannicum illum appellavit.

Sed quàm nocuus, molestusque sit Rigor febricitantibus, ex ipsius natura deducendum: est namque universalis concussio Corporis cum sensu frigoris illata ab humore partes ejusdem sensu præditas irritante. Ex hac autem concussione adeò totum Corpus affligitur, ut veluti à longo itinere defatigatum, ac verberibus casum conqueratur: succeden-

V. Gal. de sym-  
pt. caus. c.  
ult. de  
Rigor.  
trem.  
palp. c. 6.  
& comm.  
63. huius.



cedente verò intermissione, qua omnino febre vacet, quodammodo reficitur, & quiete compensat, quod à febre rigorifica perpeffum est. At verò si febris intermissio nulla sequatur, talem ex rigore molestam concussionem rependere cum non possit, magis, magisque debilitatur, & fatiscit, ut tandem succumbat. Accedit, quod causa rigoris humor est partibus omnibus infensus, itemque sanguini, lymphæ, & liquori nervorum, quapropter nisi deindè repurgetur, & per aliquam evacuationem egeratur, procul dubio mala minabitur periculosiora.

Quamquam autem Hippocrates speciatim notaverit rigorem sexto die malum, non ideo cætera accidentia, si fortè eodem die, aliove non critico, contingant, bona censenda erunt, cum & sudores, & vomitus, & dejectiones, & Icterus, aliaque hujus generis, tum sexto die, tum aliis diebus, nec criticis, nec indicibus, antè coctionem, difficile judicium portendant: quolibet namque evacuatio non ex præcedente coctione, secretioneq; contingens, pro symptomatrica habenda est, veluti ex pravitate, vel multitudine proveniens, nec tamen ejus humoris, qui morbum facit. Hinc Philini uxor i. *epidem.* cum octava die superriguisset, vigesima obiit: & uxor Dromeadae passa rigorem tertia, & sexta, paulò post periit. Sic & Hermocrates 3. *epidem.* morbo regio affectus sexta die, periit vigesima septima. Contra verò Epicratis uxor, quæ superriguit decimaquarta, judicata est quadragesima. Quare, ut rigor, aliufve Naturæ motus, criticus, & salutaris censeatur, coctionem, secretionemque peccantis humoris consequi debet, cum febris intermissione conjuncta, cõcurrentibus quo-

que aliis bonæ judicationis indicis.

Qualenam sit ejusmodi difficile judicium, deduci potest ex i. *epid.* s. 2. *const.* 2. ubi Hippocrates, *cruda, et incocta, & in malos abscessus conversa* inquit, *aut judicationem non futuram, aut dolores, aut diuturnitatem, aut mortem, aut recidivam significare.* Quod & in *comm.* istius Aphorismi rememorans Galenus subdit: *eos qui in hoc die (puta sexto) fiunt rigores, difficile habere judicium, hoc est malum afferre, ac si male judicantes dixisset; vel certè infirmum, ut qui facile recidivam facerent, vel in longum tempus protraherentur, ac si dixisset difficulter solubiles.*

## APHORISMUS XXX.

*Quibuscumq; accessiones fiunt, quacumque hora febris dimiserit, si eadem cras occupaverit, judicium habent difficile.*

**E**T hic Aphorismus ad partem pertinet prognosticam eventus febrium, & quidem ex repetentibus paroxysmis eadem hora inconcussa, & invariata, eas solutu difficiles restatur. Exemplum affert Galenus febris, quæ semper eadem hora, puta tertia, redeat, & tum primo, tum secundo, tertio, ac quarto die initium resumat, & sic deinceps, licet alia quavis hora intermittat, & desinat. Tales enim, inquit, febres horam sui principii in accessionibus inconcussam, & invariata habentes, futuras longas, & difficulter solubiles; idque sive quotidie, sive tertio, sive quarto quoque die, illæ repetant. Et fanè, quod de quibusvis periodicis febribus sermo hic sit, ab Hippocrate prolatus, colligi posse videtur ex adjectis dictionibus. *Quibuscumq; accessiones fiunt.* Accessiones



autem indefinite comprehendunt quotidianas, tertianas, & quartanas. Verum cum idem dicat *si eadem cras occupaverit*: quotidianas potius expressas voluit, vel tertianas, quartanasq; duplices, triplicesq; singulis scilicet diebus affligentes. Quamquam probabile quoq; sit voluisse id exempli loco notatum, quemadmodum a libi consuevit, pari loquendi formula usus, generalia medicinae dogmata singularibus exemplis tradere.

Sed num voluerit sub quacumque hora intermissionis febris designare repetitionem, incæptionemq; sequentis accessionis, ita ut finis unius sit initium alterius; an verò principium singulorum paroxysmorum eadem semper hora contingat, licet finis, & declinatio cum intermissione variet, ab Expositoribus disceptatur. Sub priori sensu interpretatur Heurnius, qui vult casum ab Hippocrate fingi, si sequenti die, invaleat febris eadem hora, qua desiit antecedenti. At verò sub posteriori exponit Galenus, qui servari quidem semper horam, in qua accessio suum faciat initium, non servari verò alias, in quibus finitur, ut antea notatum est, commentatur; parumq; interesse, an quacumq; hora, & citius, & tardius febris desinat, dummodò eadem semper hora redeat, & incipiat. Et quamvis utraq; expositione sensus Aphorismi cohereat experimento, suisq; rationibus fulciatur, longe tamen probabilior videtur, & menti Hippocratis congruentior interpretatio, si finem unius accessionis, alterius principium excipiat, ut cum expectatur intermissio præcedentis, & altera subsequens febris accessio subingreditur. Etenim hic Aphorismus videtur scriptus de febribus continuis, licet periodicis, cum intermittentes *Aph. 43.* dicantur periculo vacare, quæ propterea difficile

judicium habere nequeunt. Cum igitur febres accidunt, quarum remissiones initiantes succedentiæ accessiones excipiunt, ut quotidianæ, tertianæ duplices, hemitritæ, aliæque *per subintrantiam* dictæ, tunc profectò difficile judicium sequitur; in his enim multi, & mali solent esse humores ingeniti, foci febrium fordidi, & fermenta viscerum non minimè depravata. Accidit præterea ex ejusmodi febrium generibus ingens in viribus jactura, cum neq; coctiones ciborum, neq; alimenti distributiones commodè peragantur, & quod gravius, ob accessiones sibi subito succedentes Natura nequeat, ut in intermittibus, restaurari, sed sensim hebescit, & elanguet. Secus autem accideret, si febris omninò intermitteret, desineretque, ut existimat Galenus.

Quam præterea idem Galenus rationem difficilis judicii affert, desumptam ex fixa, firmataq; causa accessionum, quæ idcirco difficulter solubilis sit, multis improbat Argenterius, sed potissimum ex eo, quod erraticæ febres deberent esse facillimè solubiles, ob vagam, instabilemque causam, ex qua oriuntur, cum tamen ex eodem Hippocrate habeatur difficillimè solutionis esse, atque adeò longissimas evadere; quin & illæ, quæ fixam, stabilemque causam recognoscunt, ob id ipsum solvi facilius deberent, quippe quæ melius subiiciantur coctioni, secretioniq; quam si erraticam, vagantemque consequantur; unde concludit facilius concoqui biliosam materiam stagnantem, quam fluentem; vagantemque pituitam; itemq; citius febres continuas ex humore in venis concluso, quam intermittentes, procedentes ex humore per habitum Corporis diffuso, ut idemet Galenus arbitratur: sed enim experimur tertianas, & quartanas in-



termittentes, mensuras, & annuas evadere, cum hyemem præsertim attigerint.

At quamquam hæc adversus Galeni expositionem ab Argenterio proposita non levis momenti videantur, haud tamen improbabilis illa penitus dicenda erit, si repetitiones febrilium accessionum statim semper horis habitæ, invariata temporis invasionem fervent. Siquidem reditus accessionis febrilis eadem semper hora immutabiliter arguit æquabilem, constantemque in vasa sanguinea fermenti febrilis intrusionem, atque in visceribus, seu focus februm, per uniformem, determinatamque fermentescentis sanguinis in sua emissaria depositionem. Verum quo pacto ista accidant, clarius infra explicabuntur.

## APHORISMUS XXXI.

*Febricitantibus lassitudinem habentibus in articulos, et circa maxillas potissimum abscessus fiunt.*

2. Aph. 5. **A** Libi dixerat Hippocrates spontaneas lassitudines morbos prænunciare, iisque propterea usus est veluti signis futuras ægrotudines præmonstrantibus; nunc & easdem assumit in signa prognostica futurorum abscessuum in articulis, & circa maxillas, si febricitantibus accidunt, & absque ulla causa manifesta.

Notavit autem speciatim febricitantes, quoniam licet abscessus quibuscumque ægrotantibus accidere possint ex multa, & tenui materia, cum virium languore, vel ex tenaci, & crassa expulsionem repugnante; frequentius tamen febrientibus contingunt, eo quod humores febrim excitantes per indebitam fermentationem motui magis subii-

ciantur, & de loco in locum ferri possint.

Cum itaque hi citrà quamcumque evidentem causam, membra Corporis defatigare valentem, lassitudinem incurrunt, ut vel si minimum, leviterque moveantur, se impotentes percipiant, abscessibus subiiciuntur; etenim exindè significatur humores ad partes musculosas, itemque ad tendines, & ligamenta articulorum decumbere, unde impedimentum motus, & impotentia regendi Corporis pondus exoritur.

Quoniam verò lassitudo triplex memoratur à Galeno *comm. ejusdem Aph. 5. 2. lib. prima* quæ ulceris, altera quæ tentationis, tertia quæ inflammationis sensum refert, dubitari hoc loco potest, quænam potius hic sit adiicienda, quæ futuros abscessus in loca articulorum prænunciet. Et dicendum, omnem, & quamcumque esse comprehensam, cum unaquæque ab humoribus exoritur, & solum inter sese differant sensu, quem partibus inferunt; quamobrem non immerito Hippocrates indiscriminatim lassitudines nominavit. Porro ad partes lassitudine affectas veluti debiliores facile quicumque humores appellant, & abscessus inferunt.

At verò non ex modica, ac momentanea Corporis lassitudine, hi protinus sunt præfagiendi, sed ex continuata, diuque perseverante afflictione, ut propterea in Aphorismo notentur, qui *habent*, hoc est, qui perpetim patiuntur *lassitudines*, non qui *habuerunt*, vel passi sunt. Indè enim arguitur imbecillitas artuum, qui facillimè ea propter excipere possint decumbentes humores.

Sed & in articulis, & circa maxillas potissimum memorantur abscessus fieri, quoniam humores à



partibus nobilioribus sepositi non alibi promptius recipi, & consistere possunt. Sunt enim in articulis vacuitates; glandulæ verò veluti partes Corporis spongiosæ faciliè etiam excipiunt, & detinent: harum autem præcipuè notavit, quæ circa maxillas sunt, uti in buccis, juxta aures, itemque in collo & in jugulo ad linguæ radicem, quippè in has sæpissimè vitiosos humores à Cerebro, aliisque internis visceribus abscedere experimur.

Quamquam autem articulos, & glandulas circa maxillas abscessus pati retulerit Hippocrates, non tamen reliquas idipsum subire posse negandum: etenim sectis cadaveribus, pluries abscessus inventi sunt in glandulis Mesenterii, & Pancreatis, itemque in glandulis lumborum, & Renum, aliisque, & sanè, qua ratione pone aures, & in collo glandulæ suscipere possunt vitiosos humores, eadem, & cæteræ tum internæ, tum externæ abscessus pati poterunt; quinimò non semel expertum est multò antea quàm exteriores glandulæ tumerent, interiores in Mesenterio intumuisse; undè rationabiliter quidem dissolventia, & diaphoretica medicamenta, in ejusmodi tumoribus à peritioribus Medicis commendantur, quæ scilicet impactos, hærentesque humores incidant, attenuent, dissolvantque, & per patentiores ductus foras amendant, quemadmodum de urina multa, & crassa idem Hippocrates *Aph. 74.* hujus fassus est, inquiens: *Quibus speratur futurus abscessus ad articulos, eos liberat ab abscessu urina multa, crassa, & alba, qualis in laboriosis febribus quarto die quibusdam incipit fieri, &c.* de qua re inferius.

## APHORISMUS XXXII.

*Quibus autem convalescentibus ex morbo pars aliqua dolet, ibi fiunt abscessus.*

**Q**UOD de febricitantibus ex latitudine præcedenti Aphorismo pronunciavit, nunc de convalescentibus ex dolore partem aliquam infestante idipsum profert Hippocrates. Quare & hic Aphorismus prognosticus quoque est, alterum tradens indicium abscessus futuri, & quidem ea in parte, quam dolor ex cruciat.

Proponit autem convalescentes ex morbo, idest, qui nuper è morbo servati sunt, præsertim acuto; nam ex morbis chronicis non tam faciliè abscessus eveniunt, resoluta nimirum sensim materia morbifica ex morbi diuturnitate: quippè ex reliquiis humorum non benè subactis, nec expulsis, ejusmodi abscessus fiunt.

Pro dolente verò parte non solum intelligit, quæ revera dolore, sive pungente, sive gravante afficitur, sed quocumque modo laborantem, imbecillam, & languidam. Cum enim abscessus, translatio sit humoris de una in aliam partem, præsertim ignobilem, certè nisi hæc languida sit, & imbecilla, commotum humorem minimè excipiet; undè sive à dolore re ipsa cruciante, sive ab imbecillitate undecumque inducta, pars aliqua laboret, obnoxia fiet abscessui. Hinc experimur in partes torpidas, exangues, extenuatas, aut doloribus affectas, commotos humores decumbere, & abscessus parere. Quod verò vulgò dicitur dolorem trahere, veluti cucurbitula, ridiculum est, cum & Ga-



genus ipse 3. *de natur. fac.* 13. languorem in partibus, non dolorem accuset.

## APHORISMUS XXXIII.

*Sed si antè morbum aliqua pars doluerit, ibi morbus statuitur.*

**Q**uemadmodum præcedentibus duobus Aphorismis ex indicis concomitantibus, vel consequentibus morbos, conjuncta videlicet lassitudine, aut insequente dolore, prognosim futuri abscessus deduxit Hippocrates; ita hic ex præcedente morbum dolore in aliqua parte Corporis coniicit futurum morbum ibidem consistere, & firmari. Quamobrem inquit Galenus *in comment. si quis velit connectere duobus prioribus sermonibus illum, qui nunc dicitur, ad unius Aphorismi integritatem, sive seorsum unumquemque scribere, nihil refert, nam & communitas eorum ostensa est, & singulorum proprietates in sermone præposito.*

Cum igitur antequam morbus invadat, pars aliqua Corporis ad ægritudinem disposita dolore afficitur, vel aliter molestat, aut languet, ibi futurus morbus firmabitur, sumpta conjectura ex languore ejusdem partis affectæ. Nam sicuti spontaneæ lassitudines, antè morbi invasionem contingentes, Corpus obnoxium ægritudinibus protendunt; ita labor, dolor, languor cujuscvis partis, prænunciat futuram in eadem parte affectionem; quippè pars dolens, aut aliter affecta subiicitur recipiendis humoribus præter naturam adauctis, & vitiatis, qui propterea ibidem consistentes morbum excitabunt, inflammationis, tumoris, aut ab-

cessus naturam referentem; nisi tamen evacuatione per vias urinæ, vel Intestinorum, aut etiam per sudorem, vel narium hæmorrhagiam, aliterve, vitiosus, ac collectus humor egeratur, ut ex eodem Hippocrate deducitur 6. *epidem. sect. 4. inter initia.*

## APHORISMUS XXXIV.

*Si febrem habenti suffocatio repente supervenerit, nullo tumore in faucibus existente, est lethale.*

**P**ertinet quoque hic Aphorismus ad partem prognosticam, atque eo interitus prælagitur febricitanti, si repente suffocatione corripiatur citrà faucium tumorem.

Quandoquidem inquit *febrem habenti*, procul dubio is, cui hæc accidunt, febre multo antea corruptus existimandus est: idque magis, quoniam suffocatio dicitur supervenire; quare eadem repente contingens erit symptoma superveniens febricitanti.

De qua verò febre intelligat Hippocrates, dubitat *in comm.* Galenus. Et quamvis de eo, cui magna insit febris, videatur interpretari; contingit tamen, subdit, etiam si ne magna febre, strangulatione repente superveniente, hominem interire; inevitabilior autem, & citior est mors, ut ne sperari quidem possit illius salus, cum vehemens febris detinet ægotantem, ob majorem respirationis indigentiam.

Sive igitur acuta, & gravi febre, sive etiam leviori æger afficiatur, si nullo tumore fauces occupante videatur repente suffocatione corripì, is prædicatur interiturus. Cum enim citrà causam evidentem suffocatio supervenit, vel in pulmone, vel in as-

V. Hipp. in Coacis prænotat ubi eadē die, vel tertia periturum ægrum scribit.



pera arteria vitium adierit, & quidem ejus conditionis, ut non tam mole, quam venefica pravitate respirandi organa inficiat; vel etiam à Spinæ vertebriis luxatis, atque introrsum inflexis partes respirationi dicatæ comprimuntur: quorum utrumque lethale est, medellam haudquaquam admittens. *Suffocatio* namque non aliud est, inquit Galenus, *nisi interitus subitus propter defectum inspirationis, qui fit ex angustia alicujus instrumenti ex iis, quæ observiunt respirationi*. Quoniam verò dixit nullo tumore in faucibus existente, implicite proinde intelligendum voluit tumorem guttur occupare: quæ enim internam partem asperæ arteriæ infestant, vel exterius circum obsistunt, haudquaquam visu spectari possunt, etiam si os undequaque amplifictur: inflammato autem gutture, ejusque musculis, impeditur inspiratio, & expiratio, vel per compressionem, si fortè exterius inflammatione gravetur, vel per obstructionem, si interius constipetur.

Sed quid, si tumor in faucibus appareat, an non lethale signum existimandum sit? Et quidem sine vitæ periculo ejusmodi in faucibus tumor non erit, cum non minus periclitentur ægrotantes ex impedita respiratione, quam ex impedita ciborum deglutitione. At verò longè periculosior censenda est læsio respirationis, quam deglutitionis; cum sine respiratione, & aere diù vivere nequeamus, absque deglutitione verò, & sine cibo ad plures dies vivere possimus. Accedit, quòd tumor apparens in faucibus, multis, variisque medicamentorum generibus tractari potest, & non rarò ad

murationem, vel resolutionem perductus ægrum incolumem relinquit, secus verò qui guttur, & asperam arteriam occupat; & si fortasse maturitatem subeat, delabente in pulmonem, & thoracem purulenta materia, necem quoque affert.

Dubitari præterea solet, quinam tumor hic ab Hippocrate memoretur, cum apud Medicos tres species tumorum (excepto Erysipelate) communiter recenseantur, phlegmonis, scirrhi, & œdematis. In codice greco scribitur *œdema*, idest tumor mollis factus à phlegmate; undè is videtur speciatim in Aphorismo notatus, eoque magis, quia citrà dolorem est, cujus ne quidem verbum facit Hippocrates in textu. Verum crediderim potius inflammationem intelligendam esse, cum febricitanti superveniat, ubi humores acritudinem, tenuitatemque sortiuntur. Præterquamquod tumores œdematosi veluti à lentis humoribus inducti sensim, & per paulatinam congestionem fiunt, nec facile gutturi, aut asperæ arteriæ adnascuntur; in Aphorismo autem dicitur repente suffocationem fieri oportere, & minime apparentem. Quamquam si fortasse œdema exoriatur adhuc vitæ periculum minetur, ob interclusam respirationis semitam. Usus est autem nomine œdematis Hippocrates, quod omnem tumorem, seu inflammationem significat, ut etiam *in comm.* Galenus advertit.

Non est autem prætereundum periclitari aliquandò ægrotantes, & suffocatos interire, absque ullo tumore, aut inflammatione gutturis, vel faucium, ob malignam solum, venenatamque inspirati aeris conditionem, quemadmodum contigit circa Annum Domini 1618. quod



tempore per Italiam, sed præsertim in hoc Regno Neapolitano sæva lues contagiosa viguit, qua innumeri ferè pueri periere. Id verò potissimum illa affecti patiebantur, ut fauces, & guttur livescerent, & fæto-rem emitterent pestilentem. Com-pertum quoque est suffocari homi-nes, cæteraque animalia peculiari-bus halitibus è quibusdam caver-nis, ac fodinis erumpentibus, non dissimiliter ac iis accidit, qui æ-rem illum exhauriunt è crypta ad lacum Anguianum sita. Ex densio-ri etiam, aut plùs iusto tenuiori aère id ipsum pluries visum, quem-admodum in cellis vinariis ex fer-mentefcente musto, locis occlusis, specubus subterraneis, thermis, hypocaustis, aliisque, ut latius in nostra Medicinæ parte theoretica. Verumtamen suffocatio in hoc A-phorismo memorata non nisi grave Pulmonis vitium sequitur, atque ab interna, non autem ab ex-terna causa illatum, ut antea di-ctum est.

## APHORISMUS XXXV.

*Si febrem habenti repente collum perversatur, ac vix possit devo-rare, non existente tumore, lethale est.*

**U**Bi præcedenti Aphorismo le-thale signum ex subita suffo-catione febricitanti superveniente à læso gutture, vel pulmone, desum-ptum est; nunc ab impedita deglu-titione idem indicium sumitur ob vitium faucium, & gulæ. Equidem sicuti respiratio pertinet ad asperam arteriam, ejusque ductus, ita ad fau-ces, & œsophagum deglutitio.

Et sanè utrumque symptoma con-siderat Hippocrates in febricitanti-

bus, quibus semper gravius, ac pe-riculosius est ejusmodi extraordina-riis accidentibus molestari, cum per febrim vires magis labefactentur, vi-tæ usus, & operationum vitalium commoda sensibilius afficiantur, quæ planè diutius læsa esse non pos-sunt, etsi in cæteris ægritudinibus facilius sufferantur.

Quoties ergo præter incommoda febris, & symptomatum, illam fre-quentius concomitantium, accidit <sup>v. Cels. lib. 2. c. 6.</sup> febrientes rarioribus, insuetisque aliis vexari, longè majus periculum imminet. Et quidem de vita magno-perè ambigendum, si repente illis collum perversatur, contorqueatur-que, ut vix, ac ne vix quidem pos-sit deglutire. Significatur enim, ta-lem, ac tantam læsionem in muscu-lis moventibus, flectentibus, & cir-cumvolventibus collum inductam esse, ut etiam nervi, & vertebræ spi-nalis medullæ coafficiantur; undè etiam gula, quæ per fibras, & mus-culos, spinæ adhæret, suo munere deglutiendi defungatur. Atqui hæc non sine luxatione, inflammatione, paralyfi, aut convulsione contin-gunt, quæ febricitantibus omninò mortifera esse solent. Sed & impedi-mentum deglutitionis non leviter quoque incommodat, cum Corpus alimento, & debita virium instau-ratione privet. Quod autem ab in-flammatione ex luxatis vertebris, a-liave simili affectione spinæ id oria-tur, clariùs expressit idem Hippo-crates 2. *epidem. sect. 2.* & Galenus 4. *de loco affect. c. 3.* Quamobrem quo-mocumque spinæ vertebræ offen-dantur, adhuc contusione, vulne-re, contorsione, valdè de exitu lethali timendum erit.



## APHORISMUS XXXVI.

*Sudores febricitanti si incaperint, boni tertio die, & quinto, & septimo, & nono, & undecimo, & decimoquarto, & septimodecimo, & vigesimoprimo, & vigesimo septimo, & trigesimoprimum, & trigesimoquarto: Hi enim sudores judicant morbos; qui verò non ita fiunt, laborem significant, & morbi longitudinem, & recidivam.*

**P**ergit Hippocrates examinare sudores in febribus evenientes, per quos hæc sæpissimè judicantur: eos autem inquit, si incaperint diebus imparibus, potissimum indicibus, & decretoriis, bonos, & salutares esse; secus in aliis. Quare considerat hic solummodò tempus apparitionis sudoris, nam de substantia, qualitate, loco, & modo, infra.

Quamquam autem ferè omnes Interpretes unanimi consensu generalem hanc Hippocratis sententiam exponant, indeque rationem dierum judicatoriorum tueantur; si nihilominus perpendantur accuratius, quæ hic eorundem serie is complexus est, procul dubio plures, & quidem non levis momenti difficultates occurrent excutiendæ.

Primum autem se offert examinandum, cur ad seriem criticorum, & indicum, quartum diem in hoc Aphorismo non retulerit, recensuerit verò tertium, & quintum; itemque cur vigesimum primum, non vigesimum, qui tamen ab eodem inter potiores criticos alibi refertur, & cur vigesimum septimum, non vigesimum octavum, veluti per septenos comparatum ad vigesimum primum.

Nec deindè difficultate caret, quare tempus sudoris incipientis in febribus sit hic per dies impares, veluti crisimos recensitum, cum tamen idem Auctor *i. epidem.* judicatorios dies diviserit in impares, & pares, eo sanè discrimine, ut si morbi per dies impares exacerbentur, imparibus quoque judicentur, & per pares, diebus paribus.

Sed etsi per dies impares ingravescentes morbos speciatim voluerit hoc Aphorismo designare; unde postmodum non decimum tertium, sed quartumdecimum recensuit, & trigesimum quartum, non trigesimum tertium, vel trigesimum quintum, in quibus accessiones repetunt sensibiliores, graviusque affligentes, cum febres periodum servant tertianarum.

Undè prætereà tantam fidem hoc loco judicatoriis diebus præstitit Hippocrates, qui in *libris epidemiorum* quamlibet diem tum impari, tum pari, decretoriam notat. Equidem Larissæam Virginem sexta die judicatam refert, ut & filiam Eurianactis. Pythion æger primus *i. epidem.* decima die sudavit, & judicatus est; aliique plures pari modo judicati commemorantur, ut latè à nobis ostensum est alibi *cap. de crisibus, & diebus criticis*. Quamobrem Celsus diligentissimus cæteroqui præceptorum Hippocratis observator nullam dierum criticorum rationem habendam voluit, sed tantum accessiones repetentium febrium considerandas, cum ex illis morbi judicium sumant.

Animadversione pariter dignum videtur, cur omiserit quadragesimum diem ultimum criticum acutorum morborum, in quo multi à gravissimis morbis vindicati memorantur, ut præteream reliquos dies



in chronicis considerabiles, sexagesimum, octogesimum, centesimum, & centesimum vigesimum. Hinc traditam criticorum dierum rationem suspectam plerique habuere, neque solum ex Recentioribus, sed apud Vetustiores quoque, ut testis est ipsemet Galenus, qui *in comm. huius Aphorismi* hæc habet: *Non parva est de diebus scriptis in Aphorismo discordia, cum alii alios pro arbitrio scribant.*

Adhuc insuper inquirendum foret, quomodo possit sudor die tertio, vel quinto, criticus, & salutaris esse, cum tunc morbus in principio sit, quo tempore nunquam salubriter Natura movet, quæ tam brevi concoquere, & malos humores secernere nequit. Contra verò qui fieri potest, ut sudor post vigesimumseptimum, vel trigessimumprium erumpens tam malus sit, ut morbi longitudinem, laborem, vel recidivam portendat, si aliter succedat, cum jam per diu is duraverit, ejusque causa morbifica magna ex parte domita putanda sit, cum signis coctionis, & criseos, præsertim quia sudores ab humoribus tenuibus proficiscuntur, & hic ab Hippocrate considerantur, veluti acutis morbis finem imponentes, qui propterea ultra quadragesimum producti non referuntur.

At quamvis hæc plurimi facienda sint, ut aliàs quoque meminimus; aphoristicam hanc tamen Hippocratis sententiam non incommo-  
dant, quippe is sudores hic memorat, qui frequentius febrientes allevant, & potius iteratò febres sensim solvunt, quàm semel per absolutam, exactamque crisin judicant, quemadmodum Galenus 3. *de crisi* lib. adnotavit, rarò nimirum febres præsertim productas unica, perfectaq;

crisi terminari, sed sæpius repetitis evacuationibus desinere, quas idem solutiones appellavit, cohærenter his, quæ Hippocrates ipse *Aph. 63.* hujus, ex rigoribus quotidie recurrentibus, febres quotidie pariter solvi animadvertit, potissimum per sudores. Quoniam verò istæ per dies plerumque impares invadunt, nec quadragesimum transcendunt, ideò factum, ut impares præsertim notaverit, omiseritque quadragesimum. Quòd autem de sudoribus non semel apparentibus, & judicantibus febrim, sed incipientibus apparere, & pluries redeuntibus agere constituerit, patet manifestè ex contextu ejusdem Aphorismi, nam inquit: *Sudores febricitanti si incæperint*: si ergo enarratis diebus incæperint, ac deinceps progrediantur, utiles existimandi erunt. Cum imparibus autem connumeravit quartumdecimum, & trigessimumquartum, an quòd voluerit sequi Priscorum morem, qui ex Pythagoreis hos dies magis commendabiles fecere; an quia sub his adjacentes comprehensos voluit, quos ideò non retulit; an demùm quia, quæ sæpius observavit, scripsit. Atqui anticipantes, aut seriùs redeuntis febres non rarò in causa sunt, ut crises, quæ cæteroqui die impari evenirent, pari accidant; etenim fieri potest, ut tandiù iteratis accessionibus præveniant, aut remorentur, ut tandem dies permutent. Cæterum quarti diei Hippocrates non meminit, quoniam sudores hic consideravit in declinationibus febrium comparentes, quæ cum per dies impares ponantur exacerbari, propterea illi non nisi in diebus imparibus quoque prodibunt. Sed & rarò crises observatas testatur Galenus in quarto die, qui se semel tantum,



tum, & Archigenem bis in tota vita vidisse fatetur.

V. etiam  
Hippocr.  
progn. 2.  
t. 26. &  
Mercur.  
3. de ex-  
crem. 1.

Quod postremò sudores aliis diebus contingentes, quàm in his, qui notantur in Aphorismo, laborem portendant, morbi longitudinem, vel recidivam, intelligendum, cum absque signis coctionis accidunt, neque vi Naturæ post secretionem expellentis; tunc enim humorum multitudinem, aut pravitatem consequuntur, adeoque morbum futurum longum, molestum, redeuntem, ancipitem, & non rarò etiam capitalem, si præsertim alia pravitatis indicia simul copulentur.

### APHORISMUS XXXVII.

*Frigidi sudores cum acuta quidem febre mortem; cum mitiori verò longitudinem morbi significant.*

**Q**ualitatem nunc sudoris in febrientibus considerat Hippocrates, & præsertim eam, quæ ad tactum pertinet; veluti sensibilio-rem, frequentioreque, frigoris videlicet, aut caloris. Inquit autem frigidos sudores semper malos esse, sed tamen cum acuta febre junctos, mortem; cum mitiori verò, solum longitudinem ægritudinis præsignare.

Et quidem oportet sudores in febribus calidos persentiri, tum quia à partibus viventibus calore præditis emanant, tum quia sanguinis, vitæ fomitis, ferositates redolent, & salium misturas, undè sensationem tactui inferunt calorificam: quo scilicet pacto calor è corporibus percipitur, media actione sensui tactus illata: quamobrem quæ acrius tactum afficiunt, patentiusque cutis poros divellunt, discerpuntque, ea

quoque calorem excitant urentiorem. Contrà verò quæ coarctando constipant, vel obtundunt, sicuti tenuiores partes hebetant, ac figunt, ità sensum frigoris inducunt, & non rarò etiam stupefaciunt, si fortassè modum excedant. Hæc autem ab uno, & solo sanguine, vel in motum celeriore adacto, vel contra præpedito, contingunt; siquidem quoadusq; sanguis mediocriter fluidus per venas, & arterias excurrit, atque portione sui florida, & vivifica cunctas Corporis partes irrigat, & quaquaversum inseritur, calor, quem vitalem appellamus, in iisdem persentitur, quæque indè prodeunt, etiam excrementa, caloris quoque sensum exhibent. At verò, ubi præter naturam is afficitur, & vel exsoluta portione volatili, vel etiam coagulata, vel aliter irretita, circuitum æquè benè persolvere nequit, immò effæctus, vapidusque, nec arteriolarum externarum partium subit, nec cutim convenienter fovet; cumque ab acido potissimum serosiores, & lymphicæ portiones ex eodem malè affecto, pressius, infensusque exprimantur, & per glandulas subtercutaneas in exteriorem Corporis ambitum protrusæ, ab ambiente Aere figantur, sudor proindè frigidus exoritur.

Atque hinc sudores frigidi cum acuta, & continua febre conjuncti mortem prænunciant, quippè qui significant eam in sanguine, cæterisque liquoribus Corporis discrasiam, & depravatam affectionem indutam esse, ut jam jam cruorem, floridamque illius portionem figendo, aut exolvendo circuitum remoretur, & pulsationes in corde, & in arteriis intercipiat, magno cum vitæ discrimine. Frigidis quibus sudoribus



doribus legimus periisse Philiscum, Silenum, uxoremque Dromedæ *1. epidem.* Quòd si febris acuta, & continua non fit, sed levis, & pusilla, ut ex adjunctis symptomatis, ab humore potius in glandulis subcutaneis concreto, atque sensim per febrim extenuato, ejusmodi sudor exorietur, quare longitudinem solummodò præsignabit.

Est tamen verum, quòd multum differt sudor frigidus cum febre acuta copulatus, ab eo, qui mitem febrem comitem habet: qui enim feбри acutæ, & continuæ jungitur, veluti ab exsoluto sanguine procedens, præter sensum frigoris, instar glutinis adhærescit, undè liquatæ substantiæ alibilis portionem exhibet; qui verò feбри mitiori sociatur, cum nonnisi lympham crassiore in glandulis hærentem, sensimque contabescentem pro materia recognoscat, procul dubio seriosorem conditionem participabit, adeoque minus malus erit, quoniam nil aliud mali arguit, quam multam, crassam, crudamque materiam, quæ tandem diuturnitate temporis dissolvetur, & superabitur.

Debent autem mites ejusmodi febres tales reverà esse ex sui natura, modicum scilicet, levemque recessum à consueto, & sano statu Corporis inducentes: nam si fortasse mites, & pusillæ forent ex maligna, venenataque conditione, quemadmodum Galenus animadvertit, pusillas febres inquiens quandoque valdè malignas esse, certè majus, celeriusque periculum minantur, an quòd internam alicujus visceris inflammationem consequuntur, an etiam quia corruptionem, & gangrænam.

Quoniam verò indiscriminatim dixit Hippocrates, frigidos sudores

malos esse in febricitantibus, meritò dubitari potest, an de sudore quocumque morbi tempore erumpente intelligere voluerit; an verò de sudore solum in diebus criticis. Et quidem cum superiori Aphorismo sudoris meminerit certis solum diebus prodeuntis, videtur notasse dumtaxat eum, qui, quo die crisis expectatur, erumpat, ut existimat Heurnius. Verum, non est, ut Aphorismum, ad hoc tantummodò sudores contrahamus, cum & reliqui etiam inter initia febrium comparentes, si frigidi sint, id ipsum præsagiant. Immò fatetur Mercurialis rarissimè contingere, quòd ægri in principiis morborum multum sudantes, aut non periclitentur, aut longa ægritudine non corripiantur. Quin & calidi quoque sudores lethales esse consueverunt, si ægrum non allevent, & vires dissolvant. Quamobrem non ideò, quia sudores Hippocrates frigidos vituperavit, calidos perpetuò utiles putandum, cum & hi, nisi modum, quantitatemque servant à viribus tolerabilem, atque universales sint, è toto nimirum Corpore manantes, in febrium declinationibus, quæ propterea subindè intermittant, pessimi quoque censendi sint. Atqui non semel vidimus ejusmodi frigidos, exitialesque sudores cōpescuisse diaphoretica alexipharmaca, veluti Antimonium diaphoreticum ritè preparatum, & convenienti dosi Diascordii Fracastorii commistum, itemque Bezoardicum minerale, aut martiale cum extracto ligni aloes, sal volatile viperarum, aquam magnanimitatis, spiritum salis ammoniaci dulcem redditum, elixir vitæ, idque genus alia; fatis interea partibus extimis spiritu vini, vel simplici, vel cum caphura misto: quod planè plerisque paradoxum, qui

3. de ex-  
crem. 6. 1

V. progn.  
2. 26. &  
aph. 56.  
infra.



qui tamen vel ex ipso Nicolao, ad id *Rosatam novellam* prescribente, discere deberent, quæ ratione istiusmodi mala tractanda sint.

### APHORISMUS XXXVIII.

*Et qua parte Corporis sudor est, ibi significat morbum esse.*

V. Avic.  
1. p. cant.  
tr. 2.

**S**Udores in febribus, ut salutaris sint, nedum calidi, sed è toto Corpore stillantes esse debent, cum inter evacuationes universales à Medicis referantur. Quandoque igitur particulares sunt ex una, vel altera corporis parte manantes, mali putantur ex 2. *prognost.* 26. Damnat itaque illos hic Hippocrates nedum ut causas morbosas, verum etiam ut signa, ostendentia illam partem, undè effluunt, speciatim affectam esse. Non tamen hæc cutanea solum intelligenda, quasi verò sudor ex poris cutis erumpens, eamdem cutim laborantem designet, sed potius viscera interius recondita; quamobrem è capite profluens, Cerebrum, ejusque meninges laborare designabit; è pectore verò Pulmonem, & Cor. Neque insuper ex illo semel erumpente, id ipsum conjectandum erit, sed ex iteratis, recurrentibusque sudoribus; Undè experimureos, qui Cerebro destillationibus obnoxio laborant, in somno circa frontem, & cervicem sudore perfundi, & nares humectiores pati: quæ ratione dicebat Hippocrates 6. *Aphor.* 2. Quibus nares natura humidiores, & genitura humidior, ii minùs integra sanitate fruuntur: quoniam Cerebrum serositatibus abundat. Oportet autem sudorem in his spontè prodire, nulla causa externa impellente, puta

æstu aeris, exercitiis, hypocaustis; quippè à superabundanti humore necesse est, ut is solummodò erumpat; quamobrem sicuti egestionis per alvum, aut per vias urinæ spontè habitæ, & plusquam Natura postulat, excedentes, multitudinem humorum ostendunt, eorum præsertim, quæ inum ventrem occupant: ita pariter exsudationes particulares adauctæ, atque alicubi collectæ serositatis indicia sunt. At verò plerumque in glandulis, quæ innumerabiles per habitum Corporis dispersæ detectæ sunt, serosi isti humores colliguntur, ut præ cæteris prodidit Uvarthonus in *sua Adenographia*: hæ autem vel cum à frigore ambientis exprimuntur, vel cum ab ejusdem æstu attenuantur, & rarescunt, vel cum adeò turgidæ, ulterioris lymphæ incapaces evadunt, solent spontè sua illam in sudorem adigere. Atque hinc obesiora corpora, veluti succiplena, facile ex quacumque levi causa copioso sudore perfunduntur.

Neque verò sudor qua parte erumpit, malè affectam illam solum indicat, sed eam quoque, unde provenit. Expertum enim, Caput aliquando sudare ab affecto Ventriculo, aut Utero, ut in Vertigine sympathica, & hysterica affectione. In his enim non tantum morbus in Capite, & Cerebro designatur, ubi sudor comparet, sed potissimum in Ventriculo, in Utero, unde affectum Cerebrum titubat: sic pariter sudat cervix, & frons ex syncope, inopino timore, Cordis anxietate, aliisque vehementioribus animi pathematis, neutiquam morbo Cerebrum afficiente, sed Cor; quoniam ex Corde vehementer perturbato, sanguis tumultuariè commovetur, & in serositates extillat, caput,



put, & faciem potissimum perfundentes, ob Imaginatricis conturbatæ vim, molestamque impressionem, à tristi, & injucundo objecto susceptam.

Postremò ejusmodi sudores plerumque noctu, & inter dormiendum contingere solent. Comperit enim habemus, eos, qui pectore laborant, vel laxiori, imbecilliorique capite sunt præditi, per noctem sudare circa partes easdem, in quibus se læsos experiuntur, sensim scilicet se exonerante Natura, quibus superfluitatibus opprimitur. Vigilantes quoque consueverunt nonnulli circa Stomachum, & Ventrículum sudare, cum præsertim multò cibo, immoderatòque potu infarciuntur. Qui propterea doloribus articulorum obnoxii sunt, solent sæpius ex nullo, vel levi motu in plantis pedum, & volis manuum crassiori humore interdù madescere. Quare pars sudans significabit morbum in seipsa latentem à susceptis ex imbecillitate humoribus, vel aliundè transmissis, vel ibidem aggestis, & ingenitis. Hinc medicamenta ejusmodi humores abscindentia dirigi debebunt tum ad partem ipsam, quæ sudat, tum ad eam, quæ sudoris materiam procreat, & suppeditat.

## APHORISMUS XXXIX.

*Et qua parte Corporis calor, aut frigus, ibi morbus est.*

**N**Edùm à sudore particulatim erumpente latentis ibidem morbi indicia sumere possumus, verùm etiam ex aliis accidentibus, quæ eidem insueta contingunt; unde ex mutato cutis colore, ex tumore, dolore, alopecia, asperitate, &

duritie, aliisque, idipsum coniicere solemus. Notat autem speciatim in hoc Aphorismo Hippocrates sensum caloris, aut frigoris, qui si fortassè in aliqua parte diutius perseveret, nec facilè cedat, eam ægritudine laborantem, designabit.

Et quidem calor, aut frigus partem affectam indicabunt, si modum, & temperaturam exceßerint, cum recessum arguant à consueto, & naturali: calor etenim alicubi exuperans, sicut & frigus, designant humorem ibidem collectum hæere, qui aut indebitam fermentationem excitet, aut circumeuntem sanguinem retardet, aut consuetam perspirationem impediat, aut alibilem succum depravet, aliudve præter Naturæ morem agat, quod sensum acuat, vel obtundat; quemadmodum à sanguine restagnante plerumque accidit, ut in tumoribus. Sed & aliquandò fit, ut partem exsolutam, vel mortuam denunciet, adeoque præsentem, vel imminentem gangrænâ. In his etiam, qui quartanas, vel tertianas febres patiuntur, frigus molestissimum, quale glaciei, inter initia paroxysmorum circa lumbos perlentitur, designans ad easdem partes ejusmodi februm focos pertinere; quemadmodum novissimè demonstravit Franciscus de leboe Sylvius.

Neceffe autem est, caloris, aut frigoris excessum ita partibus accidere, ut diutius perseveret; nam si fortassè illicò dispareret, cum non à firma, stabiliq; causa procederet, certè vel nullam, vel levem tantummodò partis ægritudinem indicaret, sed solam ejusdem imbecillitatem, qua obnoxia illa denotaretur perturbationibus subeundis, præsertim ex halitibus, è quibus fugaces ejusmodi calores excitari solent.



Pari ratione, si fortibus caloricis sensus frigoris desineret, nec liceret latentem in parte morborum arguere: etenim non raro ab æstu aeris immoderato facies plurimum calere solet, quæ frigida ablutione illico mitescit; & contra sæpissime per hyemem algent manus, pedesque, nullo interius latente morbo, quoniam mox igne, aliove corpore califico in naturalem, consuetumque calorem restituantur. Quare ejusmodi excalefactiones, refrigerationesque, ab internis causis induci debent, neque ut levis momenti sint, oportet, ut proinde obfistant adhibitis extrinsecus medicamentis, secus latentem sub cute morbum non indicabunt.

Morbus denique ex ejusmodi sensu frigoris, vel caloris, in partibus affectis indicatus, materialis esse debet, nam quemadmodum dolor non fit nisi à solvente continuum; ita frigus, & calor in partibus excitatus non sine aliquo sensu doloris, absque causa materiali nequit haberi, puta ab humore sensum frigoris, vel caloris inferre valente. Porro omnes istiusmodi sensationes cum tactu sunt: Tangere autem, vel tangi, nisi Corpus, nulla potest res.

#### APHORISMUS XL.

*Et ubi in toto Corpore mutationes fiunt, si Corpus refrigeretur, vel rursus calefiat, vel color alius ex alio oriatur, longitudinem morbi significat.*

**E**tiam ex coloribus in Corpore apparentibus, mox verò disparentibus, cæterisque mutationibus repente subortis, atque evanidis; morbi conditione judicium ferri posse decernit Hippocrates; & ubi

præcedentibus Aphorismis partem affectam ex sudore, ac sensu caloris, aut frigoris dignoscendam protulit, nunc ex mutationibus Corpori contingentibus, futuri morbi chronici prognosin exhibet.

Mutationes ægris Corporibus evenientes quamvis plurimæ esse possint, sensibiliores tamen, frequentioresque referuntur, quæ visu, & tactu cunctis innotescunt, veluti excalefactiones, refrigerationesque, & colorum mutationes, præsertim in facie. Hæ modò cum subinde fiunt, & sæpius evariant, malè affectam Corporis, & sanguinis, aliorumque humorum, constitutionem designant. Sicut enim colores, qui naturaliter Corporibus accidunt, ex sanguine, cæterisque succis cum sanguine commistis exoriuntur; unde vulgò fertur: *qualis color apparet in cute, talis humor abundat in Corpore*. Ita in statu morbofo, colores varii in cute apparentes varietatem confluentium in sanguinem humorum consequuntur, atque adeò depravatam ejusdem sanguinis habitudinem. Itemque sicut calor moderatus, conformis, & consentaneus vitæ à sanguine convenienti est, ita ab eodem malè affecto, ac vitiato, variæ, differentesque colorum mutationes proficiscuntur.

Non tamen hic intelligendas vult Hippocrates eas Corporis mutationes, quæ sensim, aut progressu temporis ægrotantibus eveniunt, vel certa solum periodo, statutoque ordine redeunt, sed subitaneas, repentinas, inordinatas, quemadmodum colligitur ex eodem *lib. de iudiciis*, unde hic Aphorismus videtur desumptus. Et sanè: Siquidem mutationes periodum servantes, & per intervalla redeunt, cujusmodi in febribus intermittentibus, in quarum



rum initiis cutis friget, & pallet, calet verò, & rubet in augmento, non semper morbi longitudinem portendunt. Quare tunc potius erunt observabiles, cum repentè accidunt, & evanescunt; ut cum facies e.g. mox robet, mox pallet, modò livescit, modò flavescit, calet, & friget; quodque uni parti accidit, contingat quoque reliquis, ac toti corpori, & quidem vel simul juncta partium omnium extimarum, vel unius post aliam, continuata mutatione.

Sed cur hujusmodi repentinæ mutationes morbi longitudinem prænuncient, difficilioris est inquisitionis. Et crediderim id ex mala, variaque sanguinis affectione verisimilius provenire. Cum enim partes acres, acidas, serosas, crassas, exsolventes, coagulantes, aliasq; in se ille suscipit, varias affectiones partibus, quas permeat, imprimit; undè acritudine calorem, & ruborem, acore, pallorem, & frigus, serositate mollitiem, alborem, & madorem, crassitie nigrorem, tumorem, & hebetudinem, & si fortasse salilaginem contrahat, pruritus, asperitatem, & erosionem partibus inferet. Hinc Hippocrates lib. *In fine.* de ossibus scribit: *laxatis venis*, seu potius arteriis, *ex corde fiunt colores rubicundi, ac lucidi; adstrictis verò virides cum pallore, aut etiam lividi.* Laxantur autem, aut constringuntur arteriæ, & venæ, prout sanguis acrior, & floridior, vel contrà acidior, & consistentior evaserit. Modò sanguis, cum varias contrahit affectiones, atque diversorum succorum misturas, certè longius tempus exigit, ut percolatione, secretionequè in emissariis habita, in statum naturalem redigatur. Accedit, quòd ex varia, ac multigena san-

guinis constitutione viscera Corporis diversimodè quoque afficiuntur, illorumque fermenta vitiantur, quocirca ob differentem eorundem discrasiam, non tam facilè potest ægritudo indè deducta removeri, sed in longum tempus necessariò protrahitur; sed & neque periculo vacabit, si præsertim alia copulentur, quæ illius pravitatem, ac malitiam ostendant, quippè non sine vitæ discrimine sit sæpenumero morbi longitudo: neque hic Hippocrates longum morbum attestatus, securum illum, & salutarem est ausus affirmare.

Verùm hæc non ex quacumq; causa profecta putandum, sed ex infixa, ac tenaciter hærente, secus morbi longitudinem minimè portenderent, veluti si à vaporibus tantummodò provenirent memoratæ colorum mutationes: hæc etenim in affectionibus hysteriis, in morbillorum, ac variolarum eruptionibus, in Renum, & Intestinorum doloribus, sæpius accidunt citrà diuturnitatem.

## APHORISMUS XLI.

*Sudor multus ex somno factus absque causa manifesta; Corpus uti pluri cibo significat; Si verò cibum non accipienti hoc accadat, scire oportet, quod evacuatione indiget.*

**P**Er utili sanè documento admonet hoc Aphorismo Hippocrates, quid ex multo sudore conjectandum, quidque agendum sit, tradita causa immoderatæ istiusmodi sudationis. Undè ad diagnosin ille pertinet, qua curatio congruenter institui possit. Verùm sunt hic plura distinctim animadvertenda.



Sudor primùm refertur multus, seu copiosus: quandoquidem salutaris, ut ille sit, non parcus, & imperfectus esse debet, sed qui universam causam morificam extrahere Corpus educat. Jure ergo adnotatur multus, ut exinde ambigere non liceat ab ejus paritate catharsim judicari necessariam, quæ compleat, quod à sudore fortassis perfici non potuit.

Dicitur inductus ex somno; nam ut superiùs innuebamus, sudor salutaris esse debet calidus, universalis, & in somno factus: si modò is calidus, universalis, & copiosus, in somno contingens, non profit, illius malitia aliundè petenda erit, cum iteratò profluat, & non allevet.

Sed & prætereà absque causa manifesta adiicitur: id est, quòd prodeat non ex æstu ambientis aeris, aut hypocausti, nec ab assumpto medicamento sudorem eliciente, nec aliquam aliam causam, quæ ipsum promovere valeat, sed solum internam, reconditamque, consequatur.

Cùm igitur hæc simul junguntur, sudor autem non semel accidat, sed sæpiùs repetat, Corpore intereà nihilum proficiente, suspicari primùm licebit eum à ciborum, & potuum copia provenire, unde tanta ejusdem materia suggeratur: solent quippè partes Corporis, præsertim extenuatæ, aut etiam viribus exolutæ, statim ab assumpto cibo, dilutiores ejus particulas in suis poris excipere, quibus deindè gravatæ, cum nequeant omnes in sui nutrimentum transmutare, coguntur in adjacentes glandulas deponere, & mox per sudorem excernere, qui sanè desinet assumpto cibo, & potu frugaliore, quantus scilicet satis sit viribus reficiendis, absq; ullò partium gra-

vamine. Si autem sudor multus ciborum, & potuum copiam non sequatur, planè designabit ingentem aquei, & serosi humoris collectionem, quæ omninò evacuatione egebit. Verumtamen sudor si modicus foret, languorem potius Naturæ, vel rariorem cutis texturam argueret, cum fortassè diutiùs repeteret.

At quo genere evacuationis impurum ejusmodi Corpus repurgari debeat, in Aphorismo Hippocrates non explicavit. Quare licet pressius intelligi possit, quæ per cathartica peragitur, quibus compactiores, crassioresque succi, à sudationibus relictæ, efficacius educuntur; nihilominus etiam, quæ per vias urinæ fieri solet, admitti poterit, si præsertim ad eas vergere videantur, qui excernendi sunt. Nam qua ratione crassi humores ad articulos deponendi, solent non rarò per vias urinarias expurgari, poterunt & eadem, qui per cutim omninò excerni nequeunt, in Renum ductus transmitti, & evacuari. Sæpè etiam expertum est ex stypticiori alvo, laxatis urinæ meatibus, uberius illam profluxisse, crassam, turbidamque, ac multò sedimine saturam. Verum tutius semper erit catharticis uti, si non semel & vehementioribus, saltem blandioribus, & per intervalla, prout res ipsa, & vires tulerint. Ea autem ejus potissimùm sint generis, ut simul incidant, & attenuent, referantq; conditionem hydroticam, aut phlegmagogam.

Neque verò hic reticebo, quod jam pridem iterato usu comperi, contumaces morbos, atq; reconditas morborum causas, in penitioribus Corporis partibus hærentes, tutò, salubriterque fugari, & quod admirabilius, absque ulla multoties evidenti evacuatione, bicipiti pulvere nostro,



nostro, ex cerussa stibii Salæ, & nitro ex lotionibus ejusdem elicto, atque ad plures dies exhibito, dosi tamen varia pro Corporum, & ætatum diversitate. Mirum enim quàm efficaciter omnes istiusmodi ægritudines depellat, quæ cæteroqui aliis cujusvis generis medicamentis obsistunt. Verùm in illius præparatione diligens, & sagax artifex expostulatur, ut res ex voto succedat.

## APHORISMUS XLII.

*Sudor multus calidus, vel frigidus, semper fluens, frigidus magis, calidus minus, significat morbum.*

**S**Udorem quoque hic multum, seu copiosum, superque fluentem considerat, illumque ait omninò morbum indicare, leviolem tamen, si calidus, graviolem, si frigidus ille sit. Equidem modicus sudor utpotè levis momenti ab Hippocrate parvipenditur, veluti levem quoq; causam designans; at verò abundans, & perpetuò profluens, non semel scilicet, aut unico die, præsertim critico, sed tota morbi duratione contingens multitudinem simul, & malitiam arguit, quæ saltem diuturniori tempore emendari poterit: Pravitatem autem significabit majorem, vel minorem, prout frigidus, vel calidus ille fuerit; nam calidus tenues, mobilesque humores designabit, qui faciliùs exsolvi, & expurgari possint; frigidus verò, crassos, & consistentes, coctionis longè difficilioris. Quamobrem non *magis, & minus* legendum existimant Fuchsius, & Heurnius, ut Leonicens vertit, sed *majorem*, seu longiorem morbum, & *minorem*, seu breviorlem.

Consideratur præterea hic sudor

è toto Corpore manans, non verò ex aliqua tantum parte. Ita enim melius nectitur Aphorismo præcedenti: nam de sudoribus particularibus antea verba fecerat. Quamquam nil repugnat, ut etiam aptari possit sudoribus ab una, vel altera parte erumpentibus; equidem sicut se habet sudor universalis ad totum Corpus, ita sudor particularis ad speciales Corporis partes, ideòque sudor multus, siue frigidus, siue calidus semper fluens morbum omninò magnum indicabit, vel dignitate partis affectæ, vel symptomatum magnitudine, ac sævitia, aut curandi difficultate. Hinc omnis sudor bonus, calidus est; at verò non omnis sudor calidus, bonus est, nisi alia conjungantur, quæ sudoris bonitatem attestentur, ut præsertim, si in declinatione morbi fiat, præcedentem coctionem subsequatur, feratque deinceps ægri levamen, ac morbi, causæ morbificæ, & symptomatum abolitionem.

## APHORISMUS XLIII.

*Febres quacumque non intermittentes tertio die fortiores fiunt, magis periculose. Quocumq; autem modò intermiserint, periculum abesse significant.*

**O**Rditur nunc Hippocrates accidentia febrium, quidq; boni, aut mali ex illarum accessionibus, ac progressibus prælagiri possit, pluribus Aphorismis edocet. Primum autem illarum continuitatem, atque intermissionem memorat, aitque intermittentes periculo vacare, continuas verò, & præsertim tertio quoq; die ingravescentes, periculosas magis, magisq; fieri, quo graviores, validioresque fuerint.

V. etiam in coac. prænot. ubi: Febres continuæ per tertium augescētes periculose.



Omnes itaque febres complectitur, cum dicat *quæcumque*: quo nimirum nullam excipit, modò non intermittat. Dicuntur autem non intermittere, cum ægrotum nunquam febre vacantem deserunt, licet magis, vel minus excrucient, prout magis, minusve ad augmentum accesserint, in quo omnia symptomata vehementiora fiunt: Has febrium species Græci consueverunt *synochas* appellare, id est continenter affligentes, non quòd suis quoque temporibus particularibus careant, sed quia ægrum nunquam immunem relinquunt, quamvis pro varia materiæ morbificæ motionem, modò incipiant, modò augeantur, aut stent, modò denique in declinationem vergant, quam nondum absolutam alia accessio febrilis excipiat, cum iisdem omninò molestiis, ut prius; sed & non rarò tertio quoque die vehementius adoriuntur, & affligunt.

At quænam sint ejusmodi febres continuæ tertio quoque die vehementius affligentes, controvertitur apud Expositores. Fuchsius semitertianas interpretatur, græcè *hemitritæos*, de quibus Hippocrates 1. *epid. const.* 1. hæc habet: *Febres horride, continuæ, acutæ, omninò non intermittentes; forma autem erat semitertiana, uno die leviores, altero verò gravius invadentes, & in summa acutiores evadentes*. Hinc duas statuunt exigi conditiones in Febre semitertiana, ut nimirum continua, & acuta sit, itemque horrida, & alternis diebus gravius affligens: quas ut Galenus eidem aptaret, semitertianam fecit febrem compositam ex tertiana intermittente, & continua quotidiana: hac enim ratione inquit simul horridicâ fieri, tertiis quibusque diebus ingravescentem, & continuam, atque acutam.

At crediderim, voluisse hic Hip-

pocratem eas febres memorare, quæ græcè *Tritæophyes* appellantur, tertianarum naturam referentes. Harum quoque meminit Galenus 2. *de differ. febr. c.* 2. vocatque tertianas extensas, quæ scilicet de uno in alterum diem adeò protrahuntur, ut antequam prior accessio definat, nova per triduum subingrediatur. Tritæophyes ergo istæ febres, præterquam quòd sua natura molestissime, cum continuæ sint, & de tertio in tertium novis semper accessionibus recurrentes, solent etiam gravissimis symptomatibus stipari, quæ procedentibus paroxysmis magis, magisque increbrescunt: quamobrem prælanguidi redditi egrotantes facillimè succumbunt; jure igitur in Aphorismo referuntur periculosiores.

Verum quomodocumque intermittentes periculo vacare, qua ratione adjectum sit, non omninò bene constat; cum apud plerosque gravissimos Auctores habeatur, ab intermittentibus febribus egrotos periisse, & non sine nota malignitatis; quamvis à Galeno proditum sit in *commisiis Aphor. Solæ ille, quæ in quietem febre vacantem desinunt, periculo carent, etiamsi vehementissimam, & valde longam habuerint accessionem. Non absque ratione autem eas, quæ in quietem febre vacantem desinunt, esse absque periculo, inquit, ut quæ non ex inflammatione aliqua, neque ex maligna humorum putredine occasionem habeant: neutra enim harum ad quietem pervenit febre vacantem*. Attamen non desunt, qui vel omninò falsum, vel non perpetuò verum hunc Aphorismum asserant, præsertim quia citrà inflammationem, & absque humorum maligna putredine continuæ, & periculosæ febres observare

sint,

V. 1. in 8.  
epid. 23.

2. de differ. febr. c. 8.



sint, immò exitiales, & malignæ sæpèpiùs videantur cum intermissione, ut de Hermocrate scribit Hippocrates 3. *epidem. aegr.* 2. qui licet pluries à febre liber visus fuerit, nihilominus vigesima septima die mortuus est.

At esto hæc à quibusdam opponantur, haud tamen rationabiliter evinci poterit, febres revera intermittentes periculosas esse, ni prius successu temporis in continuas permutentur. Per id enim, quòd verè intermittunt, periculo vacant, unde ut periculum minentur, continuæ fieri debent. In quacumque cujuslibet accessionis intermittentium febrium declinatione febrile fermentum, veluti sanguini extraneum, repurgatur, & expellitur, vel per sudorem, vel per dejectionem, aut vomitum, vel per urinam, vel saltem insensibiliter media transpiratione: cumque mors contingere nequeat absque proxima, & continuata sanguinis, & cordis læsione, qua utriusque motus interrumpatur, fit proinde, ut cum febris intermissione illa haberi nequeat.

Quæ verò febres referuntur intermittentes, & mortem attulisse, revera intermittentes non fuerunt, vel continuæ mox evaserunt. Et quidem sunt, quæ remissionem, declinationemque subeunt, non tamen omninò desinunt, sive ad quietem febre vacantem perveniunt, unde apparenter solum videtur intermittere; quemadmodum Hermocrati accidit, qui visus est à febre immunis, sed reverà febricitabat, idque ex eo potissimum, quia numquam symptomatibus fuit vacuus, ut bene etiam observat Mercurialis *hoc loco*, unde de non legitima, & vera intermissione suspicari jure possumus; quin & sæpèpiùs absq; ulla

evacuatione, vel manifesta causa, perfectè declinasse non licet credere.

Sunt prætereà quæ primùm intermittentes, deinde transeunt in continuas, ut cum fermentum febrile antea extraneum sanguini, deinceps intraneum evadit, aut ex mala sanguinis habitudine, aut ex viscerum discrasia, unde perpetim sanguis inficiatur, contrahatque simile vitium, quod aliundè suggerebatur. Sic aliquandò acidum ex Pancreate sanguini suggestum, ita illum succedentibus paroxysmis vitiat, ut nedum acorem imprimat difficulter secernibilem, verum etiam eundem reddat concrecentem, unde febres simul continuæ, & malignæ.

Sed dubitari potest, an Hippocrates hunc Aphorismum voluerit intelligendum de omnibus febribus intermittentibus, ut nimirum illæ vi solum intermissionis periculo vacent; an verò solas tertianas expreferit, cum earum dumtaxat, quæ tertio die fortiores fiunt, in priori Aphorismi parte meminerit. Et quidem probabile videtur excipere voluisse solum tertianas febres quomodolibet intermittentes: etenim hac ratione exceptio memorata in secunda parte Aphorismi responderet adamussim generali assertioni primæ. Verum quia febres istiusmodi periculo vacare dicuntur, uti intermittentes, procul dubio parum intererit, an tertianæ, quotidianæ, vel quartanæ sint, dummodò intermittant, & ægrum febre vacantem deferant. Febres siquidem omnes à periodis desumptæ, possunt ab uno, eodemque humore diversimodè tamen affecto exoriri, ut aliàs à nobis est ostensum. Quare eas periculo vacare putandum non à conditione peccantis humoris, qui idem in om-



nibus esse potest, sed ab intermissione; Quamvis tertianæ cæteris semper securiores hoc Aphorismo notentur, cum intermiserint, fortè quia cæteris breviores. Cæterum dicuntur intermittentes febres periculo vacare, secluso quocumq; alio morbo, cum quo illæ copulari possunt: quippè quartanæ febres, cæteroqui tutissimæ, ubi intermiserint, si cum obstructione, & scirrho Lienis conjungantur, lethales esse consueverunt, sicut pariter tertianæ cum Ictero, ac Jecinoris tumore, & quotidianæ cum Ventriculi languore, fluxuque cæliaco: Id ipsum de cæteris dicendum. Porro quo tempus intermissionis longius fuerit, eò febris securior fiet: habet enim Natura, quò melius seipsam reficere valeat.

## APHORISMUS XLIV.

*Quos febres longæ exercent, iis tubercula, vel labores in articulis fiunt.*

**F**Acta distinctione febrium quarumcumque in acutas, & chronicas, quemadmodum illæ solent sepius terminari, potissimum verò per sudores, urinam, ac dejectionem, quoniam excitantur ab humoribus fluxilioribus, & facile mobilibus: ita istæ potius per abscessus desinunt, quod crassi, tenacesque humores difficilius extra Corpus per consuetam emissaria queant expurgari. Hinc Hippocrates, eos, hoc Aphorismo prædicit, qui longis, ac diuturnis febribus laborant, in tumores, & articulorum dolores incidere, quo tempore declinationem attigerint. Humores enim in his febribus, tum ex crassitie, & ineptitudine ad mo-

tum, tum ex imbecillitate Naturæ, quæ tanta diuturnitate debilis evasit, nequeunt nisi in articulos decumbere, ut antea quoque monstratum est; undè postmodum labores, & dolores accidunt. Tubercula verò licet in articulis pariter non raro oboriantur, nil tamen prohibet, quin etiam in reliquis partibus, præsertim adenosis, erumpant, ubi facile ejusmodi humores adhærescunt, & in tumores attolluntur. Hinc tubercula non ad articulos referenda putat Cardanus, & Fuchsius Aphorismum legendum esse arbitratur cum particula disjunctiva, *vel*, ita ut tubercula ad totum Corpus, labores verò, seu dolores ad articulos pertineant. Verum qua de causa longis febribus hæc accidunt docet Hippocrates Aphorismo sequenti.

## APHORISMUS XLV.

*Quibus tubercula, vel in articulis labores, ex febribus accidunt, ii plenius utuntur cibo.*

**E**xplicat hoc Aphorismo Hippocrates, quibus tubercula, vel in articulis dolores ex febribus accidunt, eos nimirum, qui plenius utuntur cibo, à febribus evasi. Quare de convalescentibus post febres diuturnas, dictum exponunt cum Galeno Fuchsius, & Cardanus; nec absque ratione; siquidem remanent ab his febrientes multum languidi, & extenuati, proindeque partes diu alimento depauperatæ, mox uberiori pastæ, facile ob debilem concoquendi facultatem pravis, atque indigestis succis opplentur, qui deinde ad glandulas Corporis, vel ad articulos depositi, abscessus, tubercula, & dolores articulorum excitant. Hac eadem ratione experi-



mur à diuturnis ægritudinibus sanatos, plurimum fameſcentes, nec tamen benè cibos conficientes, excrementorum pluralitate, obſtructiones incurrere, aliaque hujus generis mala. Neque verò poterunt aliundè hæc accidere; etenim qui ex febribus convaleſcunt, poſt evictam, expulſamque cauſam, vindictos eſſe oportet; ſi ergo non ab humoribus, qui febrim excitant, nec à reliquiis eorundem tubercula, & labores articulorum pendere poſſunt, quippè eos expulſos credere eſt, ſi febris deſiit; procul dubio à copia ciborum, & ab excrementorum indè emergentium ſuperfluitate tubercula, & articulorum dolores exoriri putandum. At verò pro varia excrementorum, ſive ad cutim, ſive ad articulos, motione, deſiſitioneque, modò articularii dolores, modò tubercula excitabuntur, ut etiam ſuperius animadverſum eſt.

## APHORISMUS XLVI.

*Si Rigor incidat, febre non intermittente, ægro jam debili, lethale eſt.*

**R**igor, ut in febribus ſit ſalutaris, ſequentem opus eſt, ut habeat intermiſſionem, ſeu quietem omninò febre vacantem. Si enim ex indè febris non intermittat, nec ægrum immunem deſerat, certè mali morbi teſtimonium erit, & ingentis pravitatis indicium, ut latius à nobis *Aph. XXIX.* eſt oſtenſum. Si prætereà ægrum debilem invadat, lethale ſignum omninò erit, ut hic ab Hippocrate indicatur.

Advertit autem, & rectè Galenus, aliud quid referre verbum *inciderit*, ac *incidat*: *Inciderit* enim

*unum ſignificat Rigoris inſultum; incidat verò, plures.* Unde Rigor hoc loco notatus, non erit qui ſemel contigerit, ſed qui pluries repetierit. Plurimum namque affligitur æger à Rigore ob vehementem totius Corporis concuſſionem, per quam vires infringuntur, & univerſa membra delaxantur, quæ ſanè incommoda, niſi febris intermiſſione, reſtauratis ſcilicet viribus, compenſentur, graviffima exiſtimanda ſunt. Quod ſi prætereà aliqua evacuatione rigorem ſubſequatur, quæ nullam faciat intermiſſionem, propter utrumque diſſolvi hominem par eſt, tum quia vis imbecillis ferre non poteſt rigoris agitationem, tum quia ab evacuatione diſſolvitur. Si verò ſolus accidat rigor, nulla evacuatione ſubſequenti, utroque modo caſus caret bonitate, nam tanquam cauſa mala vires hominis tentat; & malum ſignum erit, illius indicans imbecillitatem, quæ ſolita erat noxios humores in rigoribus evacuare, nunc verò hoc non poteſt efficere, Haſtenùs Galenus.

Inſuper animadverſione dignum eſt, quod verbum *incidat* non ſignificat Rigoris repetitionem à principio habitam, ſed vel in augmento, vel in ſtatu contingentem, cum antea febris abſque rigore invaſerit; unde *incidat* perindè eſt, ac *ſuperveniat*, ſive caſu, & ſine ulla cauſa rationabili contingat. Porro ita ſit, ut ab humore maligno, & irritante, non verò à Natura, quæ cauſam morbificam adoriatur. Rigor excitetur; unde meritò Galenus illum vituperat, & veluti cauſam malam, vim, facultatemque Corporis lædentem, & uti ſignum malum ejusdem indicans imbecillitatem, idque potiffimum,



quia febris non intermittit.

Quoniam verò Hippocrates inquit in ægro debili ejusmodi Rigorem lethale signum esse, videndum quam imbecillitatem intelligat, partim scilicet naturalis, vitalis, animalis. Et quamvis de omnibus exponi possit, cum unaquæque in ægrotantibus mala sit, & à singulis benè constantibus salutis spes affulgeat, juxta ac idem auctor scripsit 2. *Aph. Mente constare, & benè se habere ad ea, quæ offeruntur, bonum; contra verò malum.* Nihilominus specialius vires attenduntur, quibus Natura pugnam cum morbo sustinet. Parum autem refert an debilitas absque causa manifesta contingat, an etiam aliquam evacuationem, aut extremam inediam consequatur, modo talis sit, ut Naturam ferendo impotentem effecerit. Cæterum de Rigore legi meretur idem Hippocrates lib. 1. de morbis, & Cardanus in comment. istius Aphorismi.

#### APHORISMUS XLVII.

*Excreationes, in febribus non intermittentibus, livide, cruenta, fatida, & biliose, omnes malæ. Sed si prosperè excernuntur, sive per alvi excretionem, sive per urinas, bonæ. Si verò aliquid eorum, quæ non confert excerni, per hæc loca excernitur, malum.*

**S**Tatim in ipso limine commentarii incusat Galenus Hippocratem proximitatis, asserens potuisse sententiam hanc dici compendiosius; Sed nedum is à Cardano defenditur, verum infcitæ potius ipsemet Galenus infimulatur. Etenim Hippocrates excreta in febribus

trifariam hic considerat, examinata primum illorum natura, deinde excretionis modo, postremò successu. Excreta siquidem præter Naturæ morem semper re ipsa mala sunt: quæ faciliè educuntur, bona; difficulter verò mala: & demum si exinde levetur æger, atque in melius proficiat, bonum; contra, malum. Aphoristicam hanc propterea sententiam ita exponit Cardanus, ut excreationes in febribus non intermittentibus, qualitercumque pravæ fuerint, seu colore, seu odore, seu substantia, seu permissione, aliterve, malum significant, itemque si difficulter prodeant, & absque levamine, secus bonæ erunt. His adici quoque debet locus, per quem fiunt, quemadmodum ex textu deducitur; nam si per loca consueta, & conferentia habeantur, bonum; per aliena verò, & insueta, malum.

Quamvis insuper Hippocrates retulerit excreationes speciales per alvum, & vias urinæ, qui debuisset generalioribus Aphorismum describere, ut obiicit idem Galenus; implicite tamen continentur sub his quæcumque evacuationes. Mos enim Hippocratis est, sub speciali cujuscumque exemplo generalem proponere doctrinam. Sed & voluit is quoque universas evacuationes cum particularibus comparare, pendentes ex affectionibus similiter universalibus ad particulares relatis: quoniam ut benè idem Cardanus *specialia signa in morbis universalibus, & universalia in morbis specialibus, non significant bonum, neque salutem.* Unde *excreationes in febre non sunt bonum signum, sicut nec urina in morbo laterali, sed sunt signa impertinentia.* Hæc pro Hippocrate



crate adversus Galeni calumnias ex Cardano. Nunc sensum Aphorismi aperiamus.

Memorat Hippocrates excreta-  
tiones, seu per os expurgationes,  
in febribus, veluti evacuationes  
particulares nihilum facientes in  
febrientibus, in quibus commenda-  
biles solum sunt universales. Illæ et-  
enim veluti non pertinentes, nec  
facientes ad rem, causamque mor-  
bosam, malæ censendæ sunt, &  
præsertim si fuerint lividæ, cruen-  
tæ, fætidæ, & biliosæ, quippè quæ  
incongruentes simul, & ineptæ,  
quoniam lividæ, cruentæ, fætide,  
biliosæ. Nam lividæ, & fætidæ,  
corruptelam; cruentæ, & biliosæ,  
sanguinis vitium, & vasorum la-  
xitatem, aut erosionem arguunt.  
Hæc autem si continuè febricitan-  
tibus accidant, pessimam in san-  
guine diathesim, & in visceribus pe-  
ctoris, aut capitis gravem indicant  
affectionem.

Verumtamen quæ ex propria sub-  
stantia, aut conditione excreatio-  
nes malæ sunt, poterunt aliquan-  
dò bonitatem participare, si prof-  
perè, & faciliter prodeant. Ne-  
que verò hæc solum, sed propterea  
quæ per alvum, & vias urinæ con-  
tingunt, bonæ erunt, si modum  
servaverint Naturæ convenientem,  
putà absque dolore, aut anxietate,  
& sine ullo virium dispendio.  
Etenim quamvis excrementa alvi,  
& vesicæ pravam referant conditio-  
nem, si tamen commodè, & abs-  
que molestia egerantur, salutaria  
sunt, expulsa nimirum causa mor-  
bosa. Contrà verò oberunt, si Na-  
tura potius laceffant, & crucient,  
viresque labefaciant: quod autem  
benè prodeant, argumento erit  
*coctio, & bona tolerantia*, inquit  
*in comm. Galenus; atque cum his,*

*& morbi species, & tempus anni,  
& regio, & ætas, & natura egro-  
tantis.*

Concludit demum Hippocrates:  
*Si verò aliquid eorum, quæ non  
confert excerni, per hæc loca ex-  
cernatur, malum.* Quibus admo-  
net malam, & perniciosam esse eva-  
cuationem per has vias eorum, quæ  
excerni non debent, veluti chylus,  
sanguis, vel alius ab illo, qui mor-  
bum faciens, debet evacuari, nam  
quemadmodum expellenda si reti-  
neantur nocent, ita retinenda si e-  
gerantur, non proficiunt: quod pla-  
nè intelligendum nedum de substan-  
tia rei excretæ, sed etiam de quali-  
tate, & tempore excretionis. Un-  
dè sex universim semper sunt in qua-  
cumque evacuatione consideranda,  
substantia, & natura rei, quæ ex-  
cernitur, num sanguis, chylus, pus,  
caro, vermis, lapis: Qualitas rei  
excretæ, num calida, frigida, be-  
nè, vel malè olens, mordax, falsa,  
acida, tenax, aut fluida, alba, vel  
nigra: Quantitas, num moderata,  
vel immoderata, servata præsertim  
proportionem cum morbo, & causa  
morbosa: Tempus, num cocta, vel  
cruda materia, inter initia, aut in  
declinatione morbi. Locus, an per  
loca consentanea, & consueta Na-  
turæ, an verò per dissentanea, ut si  
fæces per os, non per alvum. Mo-  
dus demum, num cum dolore, an-  
xietate, vel sine ulla molestia, nul-  
loque negotio. Hinc facilè quispiam  
conjectabit, num utilis, salubrisque  
sit, an perniciosa evacuatio, unde-  
cumque illa prodierit, quemadmo-  
dum hoc loco Hippocrates edocere  
visus est.



## APHORISMUS XLVIII.

*In febris non intermittentibus ,  
si partes exteriores sint frigida ,  
interiores verò urantur , & si-  
tim habeant , lethale est .*

**I**N hoc Aphorismo interitus præ-  
sagitur his , qui febre non inter-  
mittente laborantes frigent exte-  
rius , interiùs verò æstuant , & si-  
tiunt . Et quamvis ferè omnes In-  
terpretes id accidere fateantur fe-  
bribus ardentibus malignis , veluti  
lipyriis , quarum proprium est in-  
genti siti ægrotantes cruciari , & æstu  
immodico exurere , non tamen cæ-  
teris quoque febribus id ipsum quo-  
que evenire posse negandum , si in-  
ternam inflammationem conse-  
quantur . Verùm necesse est , febres  
hasce continenter affligere , cum e-  
jusmodi accidentia nequeant cum  
intermittentibus conjungi , ut pru-  
denter ab Hippocrate est animad-  
versum , fuitque pariter notatum à  
Galeno *comm. 43. huius* , qui inter-  
mittentes febres nec ab interna in-  
flammatione , nec à maligna humo-  
rum putredine oriri posse docuit .

Ut autem hæc interitum porten-  
dant , non satis est ægrotantem in-  
teriùs uri , atque ingenti siti crucia-  
ri , sed etiam necesse est exteriora  
frigere : quippè viscerum interno-  
rum æstus ab inflammatione proce-  
dens sanguini circumeunti impedi-  
mento est , immò signum est mani-  
festissimum remorantis sanguinis ,  
qui non nisi ab acido figente resta-  
gnat , adeoque non solum frigus ex-  
timis partibus incutit , verum etiam  
gangrænam internam inducit , uti  
sectionibus Cadaverum pluries in-  
notuit .

Sed & Erysipelas non rarò inte-

riores partes occupat , unde æstus ,  
& sitis ingens . Quemadmodum enim  
partes cutaneæ erysipelate sæpè-  
piùs affici solent , & quandoq; etiam  
erratico ; ità internæ , præsertim  
Pulmo , Diaphragma , Jecur , aliæ-  
que parimodo erysipelate infestan-  
tur , ut propterea multos in praxi  
ejusmodi molestiis vexatos , cum  
inquietudine , anxietate , linguæ  
scabritie , hoc mali genere ægrotan-  
tes suspicari liceat ; unde postmo-  
dum sit , cur non semper suppura-  
tiones consequantur , cum deinceps  
isti convalescunt , resoluta nimirum  
insensibiliter materia , quemadmo-  
dum externo erysipelati contingit .  
Porrò erysipelata interioris progenita  
nedum admittit Galenus *in comm.*  
*& alibi* , sed etiam Aetius , qui præ-  
tereà *lib. 5. cap. 89.* ex diversis parti-  
bus erysipelate affectis , varias quo-  
que febrium ardentium species di-  
stinguit ; unde *lipyriam* appellat ,  
quæ sit ex erysipelate in Ventriculo ,  
*Typhodem* , quæ in Jecore , & *Cry-*  
*modem* , quæ in Pulmone . Hippo-  
crates etiam *5. Aph. 43.* meminit e-  
rysipelatis in Utero , itemque ery-  
sipelatis in Pulmone *2. de morbis* ,  
unde ab exterioribus ad interiora  
idem verti , malum scripsit *6. Aph.*  
*25.* ab interioribus autem ad exte-  
riora bonum .

Adjecit in textu Hippocrates si-  
tim , veluti symptoma omninò cum  
febre ardente conjunctum , siquidem  
duo referuntur signa illius pathog-  
nomonica , calor exurens , & ingens  
sitis . Verùm crediderim , funestum  
etiam futurum eventum ex solo in-  
ternorum viscerum æstu , atque ex-  
timarum partium refrigeratione .  
Sitis autem siue adsit , siue desit , nil  
quidpiam pernicipiei detrahet , aut  
addet : equidem si adsit , ardorem  
viscerum confirmat ; si verò desit ,  
eorum

V. etiam  
Gal. 7.  
Aph. 42.

Idem p.  
de mor-  
bis.



eorumdem stuporem, & gangrænam arguit. Atqui sitim fortasse adjunxit Hippocrates veluti signum, quo internarum partium æstus patentius possit internosci, non tam ex sensu ipso, quo sæpè istiusmodi febrientes carent, quam ex linguæ scabritie, & ariditate, quæ in his numquam abest.

## APHORISMUS XLIX.

*In febre non intermittente si labrum, palpebra, vel supercilium, vel oculus, vel nasus pervertatur, vel non videat, vel non audiat; jam debili existente Corpore; quidquid horum evenerit, mors proxima est.*

**T**Radit & hoc alio Aphorismo Hippocrates imminentis exitii signa in febricitantibus, desumpta ex læso sensu, & motu animali, atque adeò ex hebetatis organis in id concurrentibus, hisque potissimum quæ Cerebro sunt proximiora, ac visui, & auditui sunt destinata, atque ex contractis partibus ad labia, & palpebras spectantibus.

Et quidem hæc febre non intermittente laborantibus si acciderint, instantis interitus indicia esse testantur, nam si fortasse inter initia paroxysmorum intermittentium febrium eveniant, quo tempore per rigorem, horroremque universum Corpus concutitur, nil damni timendum foret; febre enim intermittente, illa statim desinerent; neque verò tam facile est ejuscemodi symptomata intermittenter febribus per rigorem, aut horrorem evenire, & diutius perseverare.

Animales autem operationes hic speciatim læsas memorat, & tum quæ ad motum, tum quæ ad sensum per-

tinent, contorsionem nimirum, seu contractionem labii, palpebræ, supercilii, oculi, vel nasi, atque hebetudinem visus, & auditus. Contingunt enim ejusmodi contractiones vitio Cerebri, & nervorum, indeque derivantis liquoris, qui fibras nerveas irroraturus, acritudine potius, atque infensa conditione vellicat, & compungit, unde convulsionem manifestam parit in partibus proximioribus, & Cerebro attiguis. Solent etiam non rarò nervi, & Cerebri meninges phlogosi, aut erysipellate corripì, ut propterea potius proximiores, quam remotiores partes contorqueantur. Id ipsum quoque arguit læsa videnti, atque audiendi facultas, cum perceptiones, sensationesque quæcumque, ut fiant, ad Cerebrum per nervos referri debeant.

Verum tamen ægro jam debili hæc accidere oportere animadvertit, quandoquidem perfractis viribus vitalibus, læsiones istæ partis animalis omninò erunt inemendabiles, nequeunte scilicet Natura per sanguinem operationum Animalium vitia corrigere, atque in pristinum vigorem restituere. Symptomata autem virium languorem comitantia, aut consequentia, semper cæteris pejora sunt, & mortem mox futuram portendunt, succumbente nimirum violentiæ morbi Natura.

Ne quis autem putaret symptomata isthæc partem animalem læsam indicantia junctim esse intelligenda, advertit postremò Hippocrates, unumquodque illorum satis esse ad exitum lethalem prænunciandum, cum ad virium vitalium languorem, quæcumque animalis operatio læsa si consequatur, naturam omninò labefactatam, ac summè



mè fatiscentem designet. Itaq; debilem ægrotantem in operibus vitæ, præsertim pulsu, nullo negotio è mediis tollunt, & è viventibus eripiunt quæcumque aliæ partis animalis læsiones etiam in externis sensibus, si ab internis proficiantur. Cæterum de tempore nequidem verbum fecit Hippocrates, quoniam quodocumque prodierint, semper mala sunt, quamvis plerumque in augmento, aut statu febrium universali comparare soleant, & lethum afferant.

#### APHORISMUS L.

*Ubi in febre non intermittente difficultas spirandi, & delirium acciderit, lethale.*

**P**Ræcedenti Aphorismo læsas in febricitantibus partis animalis operationes tum ad motum, tum ad sensum pertinentes adnotavit Hippocrates, nunc eas considerat, quæ organis spiritalibus debentur, nempe respirandi difficultatem cum delirio conjunctam, hancq; exitiosam quoque pronunciat, si febre non intermittente consequatur.

Difficultas autem respirandi hic ab Hippocrate memorata, non quæcumque, & levis solum, per intervalla recurrens, sed gravis, & continens intelligitur: quippe illa ferè semper febres acutas comitatur, etiam intermittentes, saltem inter initia, aut cum increverint, sed citrà periculum, quoniam his remittentibus desinit. At verò, quæ hic considerata proponitur in febre non intermittente, perseverans esse debet, quæque nedum statis horis invadat, sed quousque febris duraverit, ægrotum continenter afficiat. Porro hæc accidit febricitan-

tibus non ex sola febris conditione, quæ plerumque respirationis usum depravat, ob novi semper, recentisque Aeris indigentiam, sed potissimum ob maximam in Pulmonibus sanguinis exagitationem, fermentationem, & phlogosim, quæ non rarò etiam erysipelatodem inflammationem arguit, Pulmonibus ipsis, & Cordi summoperè infensam, à qua paucissimi sunt, qui mortem effugiant.

Respirandi difficultati adiiicit Hippocrates delirium, ut propterea hæc duo juncta voluerit. Ex ambabus enim, vitali scilicet, & animali potentia læsis, mortem præmonstrari animadvertit. Et quidem, cum utrumque in febribus non intermittentibus jungitur, internam indicat inflammationem, potissimum pulmonis; undè respirandi difficultas veluti consequens inflammationem, esset quodammodò causa delirii. Sed & inflammatio diaphragmatis id ipsum afferre potest, cum illud arteriosum, & nervosum viscus sit, ac principale respirationis Instrumentum, quamobrem ipso inflammato, & respirandi, & ratiocinandi vis, atque facultas, sæpissime læditur; quinimò Antiquis semper putatum, delirium quodcumque sympathicum, & interruptum ab una, & sola diaphragmatis inflammatione proficisci: quod tamen non omninò verum, ut latè ostendimus in nostra praxi *capite de phrenitide*.

Verum cum plures difficilis respirationis differentias retulerit Hippocrates 6. *epidem. sect. 2.* sub illis verbis: *spiritus pravi, crebri, magni, rari, hic quidem tardus, ille verò velox*. Jure dubitari potest, quam hic specialius notatam ille voluerit. Et acutè quidem Fuchsius, si hæc,



si hæc, inquit; duo symptomata difficultas spirandi, & delirium jungantur, necesse erit Hippocratem interpretari de magna, & rara spiratione, quod scilicet illa proprium sit delirii symptoma, quemadmodum in prognosticis discretè iis verbis testatur: magnus spiritus, & ex longis intervallis, delirium declarat. Et mox rationem assignans subdit: quippè ambo hæc, magnitudo scilicet, & raritas spirationis, veluti oblitæ actionis pathemata sunt. Si verò sensim de difficultate spirandi loquamur, delirio amoto, tunc hæc ipsa, propter mala, quæ instrumentis spirationi inservientibus accidunt, & quæ à Galeno *in comm.* recensentur, evenire solet, velox, & crebra erit. At verò concludit, hæc duo symptomata in hoc Aphorismo jungit Hippocrates, aitque esse lethalia, quod nimirum, & Cerebrum, & Instrumenta spirationis læsa esse significant.

Sequitur autem Pulmonis, aut Diaphragmatis inflammationem Cerebri commotio, & delirium, non tam propter nervos mutuò communicantes, quam ob arterias, & medio sanguine, qui sua per inflammationem contracta acritudine, Cerebrum vellicat, atque ad depravatè operandum laceffit, ac disponit, ut aliàs à nobis demonstratum est. Cæterum hæc nonnisi febres continuas comitantur, proindè scriptum; *ubi in febre non intermittente*: hæc enim delirium propriè inter sua symptomata non admittit.

*In febribus abscessus, qui ad primas judicationes non solvunt, longitudinem morbi significant.*

Quamvis Hippocrates simpliciter dicat *in Febris*, tacitè tamen subintelligendum *productis*, ac *protractis*. Etenim, ut superius animadversum, istæ sæpè sæpius per abscessus judicantur. Cum autem superveniens abscessus illas non terminat, diuturniores futuras significat, nondum scilicet universa februm materia ad habitum Corporis seposita, sed crassiori, compactiorique adhuc interiùs hærente, quæ febrim in longiùs protrahit.

Quoniam verò abscessus morbi longitudinem significare dicuntur, qui ad primas judicationes non solvunt: jure propterea dubitari solet, quid pro illis intelligere voluerit Hippocrates. Sed benè Fuchsius ex græco codice interpretatur, qui in primis diebus judicatoriis contingunt; at non prima, aut secunda septimana, cum febres istę longę sint, nec tam citò possint primis hebdomadibus judicari, sed posterioribus; undè non referenda prioritas hæc ad dies ipsos criticos, sed ad abscessus eruptionem ita ut sensus fiat, futuras febres longas, cum nō desinunt statim, ac abscessus apparuerit, argumento, quod adhuc causa persistat, nec sufficienter per abscessum sit evicta, nec perfectè à sanguine seposita. Qui verò cum Bravolo Philotheum sequuto, pro *non solvunt* ad febrim relato, passivè vertunt *non solvuntur*, idest abscessus, plurimum aberrant à veritate, & ab Hippocratis mēte; cū impossibile videatur, abscessus, statim ac apparuerint, solvi, & evanescere, quippè qui sūt ab humoribus crassis, & cōsistentibus,



tibus, non nisi diutissimo tempore solubilibus, ut benè etiam Fuchsius advertit. Quamquam & abscessus ipsi si diutius persistant, nec tam facile solvantur, aut maturentur, aliam diuturni morbi speciem inferant, in adaucta magnitudine dictam.

#### APHORISMUS LII.

*Iis, qui in febris, vel in aliis morbis spontè illacrymant, nihil horribile accidit; qui verò non spontè, horribilius.*

**S**ignum hoc à lacrymarum apparitione desumptum pertinet etiam ad Cerebri, & partis animalis læsionem. Non voluntariæ autem illæ esse debent, quæ scilicet ægrotantibus invitis, & citrà quamcumque causam manifestam accidunt, & absque ulla oculorum, & palpebrarum ægritudine. De his quoque meminit pluries idem Hippocrates, præsertim verò *1. prognost. 13. 4. & 6. epidem. sect. 1. & 1. epidem. const. 3.* Undè Celsus *lib. 2. cap. 4.* inter mala signa retulit *sine voluntate lacrymare*: quippè profiliunt lacrymæ istæ ob languorem, laxitatemque caruncularum ocularium, itemque Cerebri, & meatuum in oculos patentium, undè serositates extillant, quæ plerumque etiam in his acritatem sapiunt, à consimili lymphâ procedentes: Quòd si voluntariæ profiliant lacrymæ, vel patentem aliquam causam, aut oculorum ægritudinem consequantur, nil mali præfagiunt, nisi quòd ab ipsis oculis male affectis indicatur, quemadmodum ex lippitudine, inflammatione, dolore, quibus nil horribile accidit illacrymari. Sic pariter si ob mærorem, commiserationem, gaudium, itemque fumum, pulverem, solare

lumen, aeris alicujus corporis contrectationem, aliudque simile lachrymæ defluant. Cæterum in eo, quod culpatur Hippocrates, aut primus librarius, à Galeno, quòd scripserit in Aphorismo *horribilius* comparative, cum antea nihil horribile dixerit per negationem, scitè defenditur à Cardano *in comm.* qui prætereà non solum *malum*, sed etiam *mortem* ex non voluntariis lachrymis prælagiri animadvertit, ut accidisse refert suæ uxori Lucie Bandaretæ, cui ob diarrhœam pereuntifluxere ubertim lachrymæ per tres horas antè obitum. Verum tum crediderime eas minari lethum, cum cæteris, & quidem gravioribus symptomatis associantur, ut accidit Dealcis uxori *agræ XV. 3. epidem.* Porro ipsæ solæ non omninò sunt exitiales, ut pluries expertum.

#### APHORISMUS LIII.

*Quibus circà dentes in febris quidam lentores nascuntur, iis fortes fiunt febres.*

**A** Lentore circà dentes adnato in febrientibus prælagit hoc Aphorismo Hippocrates febres futuras vehementes. Sunt autem lentores tenaces quidam, glutinosique succi faucibus sæpenuerò adherescentes, & non rarò etiam linguæ, ac dentibus, cum uberiùs cumulantur, undè in oris hiatu per diducta labia in liquati glutinis modum extenduntur. Nedùm verò ex viscosis, craffisque humoribus Ventriculi, & œsophagi tunicas, glandulasque occupantibus, gignuntur, verum etiam ex lymphâ craffiori è ductibus Stenonianis derivante per palatum in gingivas, & dentes, quæ deinde partim inspirati, expiratiq; Aeris



rismiscela, partim ex halitibus è Ventriculo, & Pulmone elevatis a-  
corem præferentibus, partim de-  
nique ab æstu febris adeò densatur,  
ut glutinis tenacitatem referat.

Ab his igitur portenduntur febres  
acerbiores, tum quia acris lymphæ,  
aliusve succus similis febrilem fer-  
mentationem potentiùs promovet,  
& diutiùs conservat, copia simul,  
& crassitie; tum quia viscosi ejusce-  
modi humores oris hiatum liberio-  
rem impedièntes, ægros in respira-  
tione anxios faciunt, præpeditis  
non leviter Aeris ductibus; undè et-  
iam sitis, & æstus major. Sed & san-  
guis ejus generis lymphæ irretitus,  
mirùm quàm subigi, & commoveri  
debeat, ut seipsum per febrim ex-  
trahat.

Opitulabimur verò ejusmodi ma-  
lis, nitro aqua dissoluto, vino albo  
veteri, ejusque spiritu, os sæpiùs  
abluendo, itemque elixire proprie-  
tatis Helmontii, spiritu salis am-  
moniaci dulci reddito, balsamo sa-  
lis, aliisque, etiam assumptis, ex  
liquoribus in idem conferentibus.

## APHORISMUS LIV.

*Quibus plurimum sicca tussis levi-  
ter irritantes in febribus arden-  
tibus fiunt, non multum siti in-  
festantur.*

**M**emorat hic Hippocrates,  
quàm profint sicca tussis le-  
viter guttur irritantes, febrienti-  
bus, cum eos à molesta siti eximant.  
Febres namque ardentes duobus  
semper, tamquam pathognomoni-  
cis signis, sociari solent, urente ni-  
mirùm ardore, & siti molestissima:  
modò hæc abesse solet, vel non plu-  
rimum urgere, cum sicca tussis levi-  
ter fauces, & guttur proritant, sci-

licet irrorantis partibus, tum Pul-  
monem, tum Ventriculum spectan-  
tibus, undè sitis originem sumit, ut  
alias ostendimus.

Sicca tussis intelligit eas, ex qui-  
bus nil, vel tenue admodum, & se-  
rosum expuitur, ad differentiam  
tussis humide, per quam crassum,  
multumque sputum educitur. Eas  
autem fieri credendum à serosa, &  
aquea materia, ad partes faucium,  
& gutturis pertingente, quam Re-  
centiores Anatomici lympham ex  
primo ejus Inventore Th. Bartholi-  
no appellant. E Cerebro, & glan-  
dula pituitaria putarunt Veteres in  
os extillare; at sagaci industria Tho-  
mæ Vvarthoni, & Nicolai Stenonii,  
detectum est per peculiare ductus à  
postica capitis parte, & ex glandu-  
lis circa aures sitis, in radicem lin-  
guæ, & in musculos buccinatores  
depluere, quamobrem madidum os  
in statu sano perpetuò experimur.  
Ab his igitur madescit guttur, & si-  
tis, infringitur, cum in febribus  
fortassè liquatur, diluiturque plùs  
equo lymphicus ejusmodi humor, ut  
etiam exindè tussicula excitetur.

At qua de causa per tussim hanc  
sitis præcipuè remittatur in febrici-  
tantibus? Antea meminimus ex do-  
ctrina ejusdem Hippocratis, & Pla-  
tonis, sitim vigere in gutture, &  
Pulmone, ut propterea illa faciliùs,  
promptiùsque sedetur collutioni-  
bus, & gargarismis, quibus par-  
tes istæ irrorentur, & madescant,  
defluentibus nonnihil per latera as-  
pere arteriæ sensim, ac pedetentim  
in Pulmone. Cum itaque vi febris  
lymphicus hic humor tenuatur, &  
confluens in laryngem, titillando,  
tussim promovet absq; screatu, non  
multum contingit siti febrientes in-  
festari, qui ceteroqui Causone affe-  
cti vehementer sitirent. Debent  
autem



autem ejuscemodi tussiculæ leviter irritare; sicut enim arguunt tenuem, serosumque humorem in eas partes illabi; nam si fortassè copiosior, vel crassior humor tusses pareret molestiores, tale emolumentum haudquaquam afferrent, immò pectus, & Pulmonem molestè admodum concutiendo, febrim potius exasperarent, & sitim adaugerent. At verò levis irritatio, neque molestam tussim infert, neque partes spiritales concutit, sed blando solùm maiore illas lenit, & irrigat.

Quia verò tusses dixit Hippocrates leviter irritantes, sanè non semel, sed iteratò repetentes, ac perseverantes intellexit: hac enim ratione poterunt illæ sitim lenire, si nimirum sæpius fauces, & guttur humefaciant; quamobrem non immeritò adjectum est adverbium *plurimum*, quo significetur, multoties per tussim eas partes irrigari oportere.

Tandem dicitur non multum siti febrientes infestari, non quòd omninò siti careant, sed quòd mitius afficiantur, adeoque illa, quæ per febrim ardentem molesta nimis esset, & inextinguibilis sitis, per ejuscemodi gutturis, & Asperæ arteriæ irrorationem plurimum remittatur, sedaturque, ut proindè magna ex parte tolerabilis evadat.

#### APHORISMUS LV.

*Ex inguinum tumoribus febres omnes male, præter diarias.*

**L**Oca tumorum, nempè inguina, quæ Leonicens adiecit in sua versione, alii Expositores detraxerunt, feceruntque sententiam universaliorem, comprehendentem quemcumque Tumorem glandula-

rum: etenim, ut advertit præ cæteris Fuchsius: Bubones græcè Hippocrati in Aphorismo notati significant tumores omnes adenum, seu glandularum, ex Galeno 2. *ad Glauconem cap. 1.* Undè malè Leonicens hanc vocem ad inguinum tantum adenas tumefactas contraxit, cum omnium adenum tumores significet. Occasionem autem (subdit idem Fuchsius) errori huic dedit vox ambigua *Bubon*, quæ, ut testis est Phavorinus, & locum Corporis, & malum denotat, inguina nimirum, & tumorem adenum.

Itaque non solùm ex inguinum tumoribus, sed ex aliis quibuscumque tumefactis glandulis febres obortæ malæ censendæ sunt, exceptis diariis: etenim diariæ febres cum sua natura brevissimæ sint, vixque spatium unius diei transcendunt, certè non poterunt aliundè pendere, quàm à materia facilè diffilabili, vel ad summum à confluxu, & suppuratione humorum in adenibus collectorum, citrà sanguinis, aliorumque liquorum, vel viscerum infectionem, quare levis omninò momentierunt. At verò cum terminum Diariarum transegerint, & in longius producantur, ab alia planè materiâ, præterquam ab halitibus originem trahent, adeoque vel grave vitium glandularum, vel internarum partium infectionem arguunt difficulter resolubilem, præsertim quia glandulæ in humano Corpore talem, ac tantam interse-  
se ineunt societatem, ut etiam vitia protinùs communicent. Observatum namque est pluries in cadaverum dissectionibus ad colli, mammarum, aliarumque externarum partium glandulas tumefactas, præcessisse malè affectas eas, quæ interiorius reconduntur in Mesenterio, Pan-

V. Hipp.  
6, epid. 2.



Pancreate, lumbis, ceterisque visceribus, ut alibi etiam notatum.

Quamvis autem videatur loqui Hippocrates de bubonibus spontè subortis, si tamen ex venerea lue proveniant, judicium longè diversum faciendum erit: ex ea enim, cum præter materiæ depositionem, vitium in sanguine, cæterisque liquoribus, immò & in partibus solidis præsignetur, etiam absque febre, periculo illi non vacant, nam, & dolores articulorum, exosteses, ulcera, tæbes, aliaque gravissima symptomata, consequi solent, ut passim experimur.

Solent quoque bubones malignam, pestilentemque febrim ostendere, quæ absque dubio pessima est, & lethalis. Quin & non rarò ab illis mox apparentibus, febre necdum conspicua, ægrotantes veluti repente perierunt, ut malo fato experti sumus anno 1656. cum gravi pestilentia Regnum hoc Neapolitanum devastaretur. Sed hæc meminisse non juvat.

Salubriter autem ejusmodi malis occurrere expediet ope dissolventium medicamentorum, sanguinem, & viscera à labe veneni repurgantium, ut sunt omnia Bezoardica, & Alexipharmaca, spiritus theriacalis, spiritus caphuræ, & salis ammoniaci dulcis redditus, extractum ligni Aloes, tinctura Alexipharmaca, elixir vitæ Quercetani, & proprietatis Helmontii, Bezoardicum minerale, & Joviale, Mercurius diaphoreticus, idque genus alia. Glandulis verò tumefactis primum extrahentia, ut emplastrum sodicationum Paracelsi, tum suppurantia, deindè caustica, & exedentia, tandem digerentia, detergentia, & repurgantia, erunt admoventia, ut nimirum per eas diutulè rese-

Tozzi Op. Med. Tom. III.

ratas Corpus universum, fortassè labe infectum, inaniatur.

## APHORISMUS LVI.

*Febricitanti sudor superveniens febre non deficiente, malum. Pro- rogatur enim morbus, & multam significat humiditatem.*

**S**Udor, ut febricitantibus proficit, debet febrim vel adimere, vel remittere; cum autem neutrum affert, profectò malus erit: & quidem si cum aliis signis pravam febris naturam denotantibus copuletur, etiam mortis periculum minabitur; at verò si his destituatur, morbum fore longum tantummodò præmonstrabit, quippè qui ab humorum copia proficiscatur, ut hic memorat Hippocrates.

Advertit autem Fuchsius sudorem crebrò, & assiduè repetentem esse oportere, ut multam materiam, productumque morbum prænunciet. Et quidem si semel accideret, non mirum si febris non esset desitura; considerabilis autem fit, cum repetit, & febrim non interrumpit. Eo enim ex universo Corpore fluente, fieri nequit, quin vires langueant, & à perseverante febre magis, magisque debilitentur. Sed & idem omninò accidere poterit, si sudor semel contingens copiosus fuerit, atque universalis, nec tamen febrim præcidat; æquè enim vires infringuntur iterato sudore, ac uno, & copioso. Malus quoque istiusmodi sudor erit, quia etsi calidus, ac universalis, consentaneusq; febribus, morbum tamen non solvit: decretoria enim non decernentia mala, aut difficilis judicii.

Cum ergo febrim sudor superveniens non interrumpit, profectò morbum longum ostendit, quippè qui is

L

fit,

Hic Aph. scribitur etiam lib. de judicationibus.



fit, qui per sudorem veluti per evacuationem convenientem, nec desinat, nec intermittat, idque nonnisi à copia, & multitudine serosæ substantiæ, quæ planè longius tempus exigit, ut secernatur, ac repurgetur. Præstabit ergò ad ægritudinem hanc breviandam paulatim immnuere tantam serosæ materiæ superfuitatem, & quidem non solum dejectoriis, præsertim hydragogis, verum etiam diureticis convenientioribus, quæ sanè hac in re plurimum prodesse poterunt.

## APHORISMUS LVII.

*Qui à convulsione, aut distentione nervorum tenetur, febre superveniente, liberatur.*

V. etiam  
in coac.  
prænot.  
5.3.

**F**Ebrim non adeò malam esse, ut plerisque persuasum, sed plerumque juvamento esse, atque plurimis ægritudinibus suffragari, jam alibi ex pluribus ejusdem Hippocratis testimoniis demonstravimus; sed tamen vel ex hoc præcipuè Aphorismo palam fieri potest, quo Auctor confitetur, Spasnum, ac Tetanum ea superveniente sanari. Sunt enim istæ ægritudines nervorum, & musculorum, inductæ ab humoribus fibras eorundem rigidas, contractas, obduratasque reddentibus, ut propterea motui, & flexioni incommodent; undè describuntur à Medicis contractiones nervorum, ac musculorum, ad propria capita: quàm autem febris his attenuandis, dissolvendisq; opportuna sit, cuique notum. Neque verò solum in ejusmodi capitis affectionibus, sed in cæteris quibuscumque, in quibus digerere, diluere, secernere, ac repurgare opus sit. Hinc quemadmodum convulsiones, distentionesque nervorum, ac

similes aliæ ægritudines febre superveniente desinunt, quippè quæ dissolvendo, repurgandoque vitiosos humores, remedio est; ita ex adverso si illæ febri accidant, omninò exitiosæ sunt, ut idem Hippocrates <sup>Aph. 26.</sup> meminit *in Coac. prænot.* inquit *cum febre acuta convulsiones perniciosæ.* Sed de hac re aliàs.

Inutiliter autem videntur allaborare, qui nimis anxie exponere student, quid per convulsionem, quidque per distentionem nervorum, sit hic intelligendum, cum ex græco codice habeatur memoratus in Aphorismo *Spasmus, & Tetanus*, qui nonnisi nominibus differunt, altero generaliori, specialiori altero; cæterum tum parte affecta, tum causis conveniunt, iisdemque ferè remedium generibus tractari solent.

Quamquam autem à convulsione, & distentione nervorum habito febris superveniens salutaris sit, illa tamen neque lenta nimis esse debet, neque multo post tempore à convulsione, distentioneque; compertum enim non semel mihi est, febres modum quemdam non servantes convulsis ejusmodi nulla ratione profuisse, sed potius mortem prænuñciasse, veluti quæ ab interiori sanguinis, & liquoris nervorum labe illata, exolutam vitæ compagem, arguant, & lentæ admodum tenaces succos nervos infarciētes nequeant digerere. Debent itaque febres convulsis supervenientes neque mites omninò esse, neque admodum vehementes, & molestæ, sed diariarum naturam quodammodò sapere, ut nimirum convenienti colore, ac moderata humorum commotione hærentes in fibris nervorum succos dissolvant, & per convenientiora Corporis emissaria deponant; undè idem Hippocra-



pocrates in Coac. inquit *convulsio- nem solvit febris superveniens acuta, quæ prius non fuit, si verò fuit prius, jam exacerbata*; sed & paulò postquam convulsio acciderit, febrem expedit supervenire, impactos siquidem humores, hebetatas partes, contractas, obduratasque nervorum, ac musculorum fibras, non tam facilè febris concoquere, atque ad pristinum statum revocare poterit, præsertim quia hujus generis humores acidi, austerique esse solent, & cum diuturnitate temporis concreverint, inemendabiles fiunt, quamobrem Hippocrates coac. prænot. sect. 3. v. 55. ait *syderationes repente exolutorio modo fientes, temporis progressu febre accedente, perniciosæ sunt*. Hac eadem ratione contingit membra jam pridem paralyti resoluta difficillimè sanari, etsi magna, & efficacia medicamenta adhibeantur, quæ proximè ad febrem inferendam accedant: Procedente enim tempore adeò illa ab humoris impacti vitio hebescent, ut tandem veluti emortua videantur.

Sed num liceat febrem, cum forte fortuna non supervenit, medicamentis ad id facientibus, excitare, quæri hic non absre potest. Et quidem videtur Hippocrates suadere 2. epidem. sect. 5. ubi *si Puerperis*, inquit, *convulsio fiat, febrem excitato*. Verùm neque tam facilè est id agere, neque tutum, & nec ex voto sortitum pro libitu deindè arcere; semel enim inducta febris diutius planè hærebit, aut etiam exasperabitur, ex mala humorum, ac viscerum habitudine: licebit autem solummodò iis remediorum generibus uti, quibus passim experi-

mur tenaces humores attenuari, hærentes dissolvi, atque per sudorem, vel urinam, sensim, paulatimque deduci. Idque fortassè crediderim, voluisse Hippocratem sub nomine febris significare, cum ejusmodi medicamenta, sudorem potissimum prolicientia, potentia præstent, quod à febre natura fieri consuevit. Sed de his etiam aliàs.

## APHORISMUS LVIII.

*Febre ardente laboranti, rigore superveniente, solutio fit.*

**R**igor febricitantibus undequaque molestissimus, tum ex sensu frigoris etiam penitiores partes cruciante, tum ex universi Corporis ingenti, atque inæquali concussione, qua vires plurimum infringuntur, solet aliquando criticus, & salutaris fieri, cum subsequenter febrem vel interruptit, vel terminat. Et quidem cum post præcedentem vitiosæ materiæ coctionem, secretionemque, ejusdem extra Corpus propulsionem, vel per sudorem, quod frequentius, vel per dejectionem, aut urinam, quod rarius, consequentem retrahit.

Meminit autem hic speciatim Hippocrates febris ardentis, quippe quæ continens sua natura est, nec unquam ægrum immunem deferit, quin non rarò, ut idem Hippocrates author est, septima die perimit; neque verò quam notham, & spuriam vocant, sed legitimam, & exquisitam notasse; credendum est, cum sine ulla adjectione illam protulerit, & cui rigor accidere possit: constat autem hunc non nisi exquisitæ posse supervenire.

At undè possit Rigor continenter



febrientem arripere ? Hippocrates 1. *de morbis* id ita definit: *Frigesciente sanguine, necesse est & reliquum totum Corpus perfrigerari, & ubi hujusmodi quid factum fuerit, Rigor appellatur: & si quidem vehemens fiat rigor, vehementior etiam fiet tremor, nam dum contrahuntur vene, sanguine coacto, & congelato, Corpus etiam contrahunt, & tremere faciunt; si verò minus aliquanto sanguinis coactio fiat, hic Rigor appellatur; Horror autem dicitur debilissimus rigor.* Verum ardens febris, vel ab eo, quod in sanguine vitiosum est, per indebitam commotionem, fermentationemque excitatur, vel etiam ex eo, quod aliundè suggeritur, & cum sanguine commiscetur. Per Rigorem autem, universalemque Corporis concussionem sæpenumerò utrumque repurgari solet, ac per sudorem, aliamque evacuationem, à sanguine secedere, & extramitti, undè postmodum febris vel omninò definit, vel saltem intermitit, quamobrem idem Hippocrates animadvertit: *Quibus in febribus quotidie Rigores fiunt, quotidie febres solvuntur.* Hinc Rigor in his est indicium futuræ solutionis per aliquam evacuationem, quam Natura moxmo tentans perficiet aliquando, cum & nonnumquam ipsa eadem accessione Rigoris, interdum etiam succedentibus diebus contingat. Sic mulier, quæ decumbebat in littore *Aegra XIII.* 1. *epidem.* trimestri foetu gravida nonnisi crisin passa est per vomitum, & sudorem in decimaquarta die, licet riguerit in undecima. Qui verò in futrina decumbebat, judicatus est cum ipso rigore in septima, 4. *epidem.* Sed & neque

Rigore solùm, verum etiam Horrore idem contingit, ut de Nicodemo in Abderis, & de Virgine Larissæa, aliisque meminit idem Hippocrates 3. *epidem. sect. 3. agrot.* X. & XII. neque tantum febres ardentes, & continentes, sed alias quoque exindè judicatas testatur 1. *epidem. agrot. VI.* & alibi.

Sed quid, si à Rigore, vel Horrore febris nec desinat, nec intermittat ? Profectò mali judicii signum erit: arguit enim Naturam tentare sui exonerationem, sed ex defectu secretionis, concoctionisque, non posse, atque adeò imbecilliolem fieri per Rigorem, sine spe succedentis criticæ evacuationis; hinc mortua decimaquarta die refertur 3. *epidem. agr. 12. sect. 2.* quæ mulier decumbebat in mendacium foro, cum in quarta riguisset, & bis in septima, semel rursus in decima, bis denuò in undecima, atque semel iterum in tertiadecima. Verendum etiam plurimum in istiusmodi iteratis Rigoribus absque crisi, ne Cerebrum, Diaphragma, aliæque nervosæ partes metastasim patiantur ab irruente humore seroso, & acri, undè postmodum internæ inflammationes, erysipelata, deliria, atque hujus generis alia, ut non semel in praxi sumus experti.

#### APHORISMUS LIX.

*Tertiana exquisita septenis circuitibus, cum longissima est, judicatur.*

Cum de Rigore nuper meminisset Hippocrates, veluti futuræ judicationis indicio, isque tertianas



tianas exquisitas intermittentes speciatim comitetur, harum terminum nunc proponit, ut inde coniiciamus, quo tempore cæteris febribus continentibus ille superveniens possit criticam referre evacuationem, & salubriter easdem desituras indicare. Est autem tertiana exquisita intermittens hic per antonomasiam intelligenda, quæ nimirum alternis diebus invadit, in singulis accessionibus spatium duodecim horarum non transcendit, rigore incipit, sudore, vomitu, vel dejectione terminatur, præter ea, quibus ad illam internoscendam adnotavit Galenus 2. *de differ. febr. c. 3. et 1. ad Glauconem c. 5.* Septenis verò circuitibus desinere omnino dicitur, quia causam tenuem, facileque subigibilem recognoscit, quæ sponte sua secernitur, & à reliquis humoribus repurgatur, ut alias ostendimus in *nostra praxi tractatu de febribus*. Cumque circuitus alternatim repetant tertio quoque die, proinde fit, ut ad summum, non, ut plerique putant, XIV. sed potius XIII. die, qua septima accessio recurrit, penitus terminetur, ni tamen error aliquis contingat, aut ex parte Medici importune medicamenta præcipientis, vel ex parte ægrotantis, qui fortasse in sex rerum nonnaturalium usu deliquerit.

Sed, *ut tardissime*, inquit, *iudicatur*; nam fieri potest, ut etiam antè hoc tempus desinat, puta quarto, quinto, aut sexto circuitu, seu septima, nona, vel undecima die, pro corporum affectorum varietate, & humoris febrem foventis, fortasse parioris, ac benignioris, faciliori resolutione; quamobrem rectè dixit extremum illius terminum esse septimum accessionis reditum, cum scilicet nullo artis auxilio interrupta, sponte sua, ut consuevit, procedit;

*Tozzi Op. Med: Tom. III.*

si enim ope antifebrilium medicamentorum, quemadmodum nostra ætate fit, usu Corticis Peruviani, ejus impetus infringatur, & periodicum fermentum hebetetur, profectò citius esset abitura, sicut jam nunc passim experimur.

Verum quod hic septimo circuitu, ut tardissime, tertianam febrem desituram inquit, in *Coacis prænotionibus*, ad nonum protulit; ibi enim: *Tertiana exquisita in quinque, aut septem circuitibus, aut ad summum in novem iudicatur*, fortasse ex mala habitudine Corporis patientis, ex abundantiori, consistentiorique humore, ex inclementi tempestatum constitutione, aliave de causa, quæ illius solutionem retardare queat. Hinc putaverim finem tertianarum hic ab Hippocrate recensitum plerumque intelligendum, cum pro rerum, causarumque in id concurrentium varietate, & ocyus, & serius, & facilius, & difficilius, desinere possint; quemadmodum easdem experimur modò simplicibus, levioribusque, modò plurimis, & gravioribus symptomatis stipari.

#### APHORISMUS LX.

*Quibus in febribus aures obsurduerunt, sanguis ex naribus fluens, aut alvus turbata, solvit morbum.*

**E**tsi antea Aphorismo XXVIII. scripserit surditatem desinere supervenientibus biliosis dejectionibus; hic tamen non per dejectionem solum, sed è naribus hæmorrhagiam, si febrientibus accadat, eandem, neque jamdiù genitam, stabilemque; sed ipso febris decursu inductam, à metastasi peccantis humoris solu-



tum iri docet. Id ipsum expressius retulisse videtur *libr. de judicationibus* inquiens: *Quibus in febribus aures obsurduerunt, his, non soluta febre, insanire necesse est. Solvit autem sanguis ex naribus erumpens, aut alvus biliosa egerens, aut dysenteria accedens, aut coxarum, aut genuum dolor.* Hinc autem colligere est oportere febrim desinere, vel saltem multum mitescere, cum subinde aures obsurduerint, translatione scilicet humoris in organa aurium, & præsertim in eam auditionis semitam, quæ Tympano attigua est, atque in glandulas auribus circumjacentes, unde postmodum in alvum is ferri possit; Si verò febris exinde non solvatur, delirium accidit, perturbato potius per humoris metastasim Cerebro, adigente, commoven- teque non leviter febre superstita, quam sanè subfurditas veluti novum symptoma sequetur, haud verò ut criticus abscessus judicabit; delirium autem si non vocis, saltem mentis erit. Porro id cum surditate solvetur, aut erumpente affluenter è naribus sanguine, aut diarrhæa, vel dysenteria superveniente, aut translato in coxas, vel genua humore aures occupante, unde postmodum in his dolor, & fortassis etiam tumor sensibilis, ut in cæteris judicatoriis abscessibus fieri solet. Quod autem fluens è naribus sanguis Cerebri sensoria gravata, & malè affecta levet, atque alvus soluta surditatem adimat, jam cunctis notum, estque à nobis latius antea demonstratum in expositione *Aph. XXVIII.* Advertere hinc modò est, non dixisse Hippocratem solvi ex ejusmodi evacuationibus febres ipsas, sed morbum, cum scilicet, qui ex metastasi aures in surditatem, & Cerebrum in insaniam duxerat.

## APHORISMUS LXI.

*Febricitans, nisi diebus imparibus febris reliquerit, solet recidere.*

**D**Ubitat in comm. Galenus, sitne reverà hic Aphorismus Hippocratis, an à quopiam alio interfectus; *siquidem is*, inquit, *non modò die quartodecimo multos vidit judicatos, sed etiam in vigesimo, & quadragesimo, & sexagesimo, & octuagesimo; ipsi verò judicant, & vigesima quarta, & trigesima quarta, & ab initio protinus quarta.* Sed cum alibi id ipsum omnino scriptum sit ab Hippocrate præsertim verò 2. *epidem. si non die impari febris dimittat, reverti necesse est.* Et in *Coacis prænotationibus: quibuscumque desinunt febres non in diebus judicatoriis, his recidivæ fiunt:* profectò ad alium, quam ad Hippocratem, sententiam hanc referre, nefas. Sed tamen quæ commentatus est Cardanus, ut eandem generalem faceret in febribus quibuscumq; non tanti sunt, ut mereantur assensum; quin in plurimis is ab Argenterio redarguitur, quippe qui in decretoriis diebus colligendis, reducendisque ad septenarios, Iohannem sapiat. Quamobrem præstabit in aliorum Interpretum sententiam concedere, qui cum Galeno pro imparibus judicatorios substituunt; vel cum Philotheo ad acutas tantum febres mentem Hippocratis contrahunt.

Verum cum à nobis aliàs ex eodem Hippocrate sit ostensum, quemlibet diem sive imparem, sive parem, criticum esse posse, si cum signis coctionis conjungantur, & causæ morbificæ motionem, evacuationemque comitetur, planè hunc Aphorismum referre licebit ad eas tantum febres, quæ

V. 3. progn. & 2. Aph. 24.



quæ diebus imparibus suos paroxysmos proferunt, aut in iisdem exacerbantur, cujusmodi sunt tertianam periodum iterantes, sive simplices, sive duplices; Sed enim scribitur 1. *epidem. sect. 3. Quæ paribus diebus exacerbantur, paribus judicantur*; undè credere decet voluisse hîc solum eas febres memorare, quæ circuitum subeunt per dies impares, cæteroqui inter acutas frequentiores. Porro constat apud omnes iis diebus febres omnes judicari, in quibus accessiones incutiunt, nam quibus crisis imminet, nox præcedens molesta fit, nec unquam visa est crisis in die à febre vacuo, aut absque magna colluctatione Naturæ cum morbo, & causa morbosa; & licet decimaquarta dies in acutis dicatur critica, revera tamen crisis accidit in fine accessionis tertiædecimæ diei, quæ cum soleat ex impetu paroxysmi, ob maximam morbificæ causæ commotionem, molestior fieri, atque ex conatu Naturæ crisin promoventis in longius tempus produci, fit propterea, ut beneficium criseos reluceat in decimaquarta die, cum victrix Natura, morbosa causa depulsa, immunis à febre remanet. Atqui accessiones febrium intuiti, sæpissimè quoque experimur, in septima accessione febrem finiri, quamvis illa ad decimaquartam diem extendatur, ex motu nimirum ejusdem febris in suis repetitionibus quodammodo variantis, & paroxysmos postponentis; equidem, ut alibi meminimus, oportet non dies, sed accessiones intueri.

Cum igitur febres desinunt in iis diebus, in quibus accessio vel nulla fit, vel levis, & admodum remissa, de illarum reditu plurimum verendum, quippè quæ desinant absque crisi, sive morbificæ causæ evacua-

tione; hæc autem, ut dictum, numquam accidit sine vi, atque impetu ejusdem, sese vehementius commoventis, & Naturæ propellentis ad consueta Corporis emissaria; idcirco cum adhuc intus remaneat, procul dubio febrem denuò excitabit, nam quæ relinquuntur in morbis recidivas facere consueverunt.

Verum dixit Hippocrates, *solet recidere*; non enim est omnino necesse, ut febricitans recidat, cum à febre evaserit in die non critico, aut impari, & absq; crisi: expertum enim pluries est, desisse febres citrà quamcumque evacuationem, & absq; vehementi Naturæ commotione: an quia iteratis egestionibus per singulos præcedentes paroxysmos solutionem sensim passæ sunt; an quia modicus, exiguusque humor illas fovebat, qui insensibiliter difflatur; an etiam quia antifebrilium medicamentorum usu pedetentim extenuatus, edomitusque est; nisi verò aliò translatus, & è primigenia conditione mutatus, aliam morbi speciem excitet, ut in abscessibus.

## APHORISMUS LXII.

*Quibus in febribus morbus Regius antè diem septimum accidit, malū.*

**M**irum sanè est, quàm sit Hippocrates ex hoc Aphorismo reprehensus, quòd in eo sententiam protulit vel erroneam, vel saltem non ubique veram. Plinius enim *lib. 26. cap. 12.* illum falsitatis arguit, cum se scire fateatur *vixisse aliquos ab hac desperatione*. Averroes etiam *lib. 4. collect. cap. 43.* in suis Regionibus id ipsum experientia reprobaturum contestatur. Sed & Galenus quoque *in comm. 81. super 4. de ratione victus in acutis*, consimilem ferè

V. etiam libr. de judicationibus, ubi morbus regius, & singultus in ardente 5. die lethale dicitur.



sententiam interpretatus, quodammodò etiam Hippocratem sugillat. Quem rextum exponens Prosper Martianus, ut veritati istius Aphorismi pariter consuleret, voluit hic adiiciendum esse *sine rigore*, nam si fortassè cum rigore Icterus accidat antè septimum, salutarem putat.

Verùm meminisse juvat eorum, quæ à nobis dicta sunt *in nostra Practice cap. de Ictero*, sæpissimè illum fieri præsertim in acutè febrientibus, à sanguinis vitio ex corrumpente veneno, & à lymphâ vitiata lixivii conditionem adeptâ, ut quemadmodum à vipera demorsis accidit momento ferè temporis flavescere, serpente nimirum brevissimè per totum Corpus veneno, atq; universum sanguinem corrumpente; ita febris pravitate à consimili humore sanguinis diathesim invertente, verisimile admodum est Icterum morbum in ægrotantibus proficisci. Neque verò credere fas est voluisse hic, Hippocratem Regium morbum commemorare, qui ex Jecoris inflammatione, scirrho, obstructione, ac duritie fieri putatur. Nam, præterquamquod ejusmodi morbi sæpè sæpius visi sunt nullum planè Icterum attulisse: & contrà hic visus est pluries ab omni Jecoris vitio alienus, de his adhuc sejunctam orationem idem Auctor habet *Aph. 64. huius, & Aph. 42. sexti*, ubi ab affecto Jecinore Icterum memorat. Hic autem ejus dumtaxat meminisse videtur, qui citrà viscerum læsionem à solo sanguine per febrim commoto procedit; cumque is criticè prodire nequeat in tam brevi temporis spatio, quo secretio fermenti febrilis nondum facta est, meritò calamitosus ab Hippocrate existimatur. Atque hinc planè fit, cur febrem solvere ipse dicat *6. 4. de rat. vict. in acutis*, si

cum rigore jungatur; absque rigore verò exitialem esse, si præsertim accedat intempestivè, quoniam per rigorem motus Naturæ criticus designatur, qui febrile fermentum à sanguine repurgat, atque ad Corporis habitum deponit; at verò absque rigore, is omninò symptomaticus habebitur corrumpentis veneni malitiam arguens.

Quamquam autem plerumq; accidat malè cedere febrientibus Icterum antè septimum; fieri tamen potest, ut prævalente Natura, etiam antè septimum repurgatio illa, quæ in sanguine à fermento maligno, desideratur, commodè, & salubriter habeatur, ut in suis Regionibus calidioribus fatetur Averroes: multum enim variant morbi pro climatum varietate, & qui alicubi longiores observantur, fiunt alibi breviores, beneficio Aeris, ciborum, & potuum natura meliori, aliisq; de causis. Quamobrem cum Icterus acritatem, tenuitatemque humorum consequatur, & hi promptius secerantur, ac dissidentur sub cælo æstuosiori, quàm frigidiori; quemadmodum facilius æstate, quàm hyeme, idcirco fit, ut in Regionibus calidis citius, atque antè septimum, in frigidis seriùs ille febrim judicet: Porro Hippocrates (ut aliàs animadvertimus) ea posteris tradidit, quæ observavit, & frequentius accidisse vidit. Neque verò in hoc Aphorismo dixit, exitialem esse morbum Regium antè septimum, sed tantummodò malum; quippè negari non potest, quòd lateat in sanguine tantæ commotionis, ac fermentationis incitamentum, ut illum, ceterosq; liquores tumultuariè perturbet. Quòd si præterea Jecoris phlogosim, aut phlegmonem erysipelatodem consequatur, nedum malus, & ca-

V. hist.  
Philist.  
7. epid.

lami.



lamitosus, sed planè exitialis dicendus erit, non quòd omninò perimat, sed quòd plerumque perimere con-  
 sueverit: nam ex eodem Hippocrate  
 I. *epidem. const.* 3. habetur. *Quibus-*  
*dam morbus Regius accidit sexta*  
*die. Verùm bis purgatio per vesti-*  
*cam, aut alvus exturbata profuit,*  
*aut larga sanguinis eruptio, velut*  
*Heraclides, qui decumbebat apud*  
*Aristocydam, nam huic & naribus*  
*sanguis erupit, & alvus turbata*  
*est, & per vesicam purgatus est,*  
*vigesima die iudicatus est; non ve-*  
*lut Phanagoræ servus, cui nihil*  
*tale factum est, & mortuus est, &c.*

Cæterum rectè quidem advertit  
 Galenus in *comm.* morbum Regium  
 antè septimum malum esse, sed non  
 tamen post septimum periculo vaca-  
 re, si præsertim cum delirio conjun-  
 gatur; ut propterea jure scriptum  
 sit ab Hippocrate *Aphor.* 64. *hujus:*  
*quibus in febribus morbus Regius*  
*septimo, vel nono, vel undecimo,*  
*vel quartodecimo supervenerit, bo-*  
*num, nisi dextrum hypochondrium*  
*obduruerit; si verò non, malum est.*  
 Cum enim ex inflammatione Jeco-  
 ris, vel cystis felleæ oritur, quocum-  
 que tempore accidat, semper malus.  
 Atque hinc patet, de Ictero hìc me-  
 minisse Hippocratem, qui febribus  
 accidit ex solo sanguinis vitio, citrà  
 cujusvis visceris obstructionem, aut  
 tumorem; in Aphorismo verò LXIV.  
 sequenti, de eo etiam, qui ex ma-  
 lè affecto Hepate procedit. Verùm si  
 dextrum hypochondrium non ob-  
 duruerit, & à sola febre Icterus pro-  
 ficiscatur, nisi crisis conditionem  
 referat, & sanguinis repurgationem  
 consequatur, adhuc malus erit, cum  
 evacuationes quæcumq; non tempo-  
 ra, aut dies ægritudinum, sed cri-  
 ticum Naturæ secernentis motum, ut  
 salutare sint, consequi debeant.

Pro Coronide tandem hìc non diu-  
 tiùs reticebo Aquam illam *ex albo*  
*albi, cap. de Ictero*, à nobis memo-  
 ratam, fieri ex albumine ovi, quo-  
 usque in spumam abierit, conqua-  
 sato, & cum aqua graminis, vel fon-  
 tis permisto, adjecto saccharo can-  
 dido ad gratiorem potionis sapo-  
 rem. Hæc autem mane, & vespere,  
 jejuno stomacho, ad uncias quatuor  
 pluries exhibita, mirum quàm tutò,  
 feliciterque Icterum quemcumque  
 sanet, etiam ubi cætera non profe-  
 cerint: quod sanè millies expertum.

## APHORISMUS LXIII.

*Quibus in febribus quotidie Rigores*  
*fiunt, quotidie febres solvuntur.*

**R**igorem in febribus periodicis  
 succedentis intermissionis in-  
 diciu[m] esse docet hoc Aphorismo  
 Hippocrates, ut qui semel nonnum-  
 quam incidens in febre continenti,  
 post signa coctionis, illam omninò  
 judicet, si in cæteris quotidie recur-  
 rat, illarum saltem singulares paro-  
 xysmos terminet, atque ab aliis suc-  
 cedentibus interrumpat, quemad-  
 modum in tertianis febribus, sive  
 simplicibus, sive duplicibus, passim  
 experimur.

Quamvis autem acriter plerique  
 disceptent, an Rigor propriè causa  
 dici debeat ejuscemodi intermissio-  
 nis in febribus, an verò potius indi-  
 cium, de re tamen mihi videntur  
 vel levissima movere altercationem;  
 nam utrumque, vel alterutrum si  
 dicatur, parum ad medicinam fa-  
 ciendam intererit. Et quidem esto  
 fit causa, per universalem Corporis  
 concussionem, qua noxiùs humor  
 febrim excitans à sanguine repurge-  
 tur, ut vult Galenus; vel ut indi-  
 cium, denotans accessionem illam  
 jamjam



jamjam iri terminatum, ut plerique alii arbitrantur; profecto non tanti erit, ut peculiaris de illo ratio habenda sit, quin simul febrim ipsam, cujus symptoma præcipuum est, non æquabiliter respiciat. Verumtamen quoniam in istiusmodi febribus intermittentibus, quas rigor anteit, fermentum febrile sanguinem in motum fermentationis indebitum adigens, extraneum est, atque à visceribus naturalibus accedit, rationalius videtur illum indicem, non opificem intermissionis appellare. Cum enim sanguis indebitè fermentescit à dissensu humore, aliundè suggesto, undè frigora, & rigores ineunte paroxysmo, argumento est, iterata circulatione seipsum pedetentim repurgaturum, atque in propria fecernicula, immò in patentiora emissaria, quod alienum, vitiosumque est, depositurum, ut a libi demonstravimus. Hinc Rigor præcursor est intermittentium febrium, & cum continuis, aut continentibus supervenit, illas pariter interrumpit, sin secus, malignitatis nota est periculi plena, ut antea dictum.

Non est igitur, ut se tantoperè torqueant hic Commentatores in divinando, num Hippocrates propriè Rigores, an potius frigora voluerit intelligenda, comprehendendi ergo cæteras quoque febres quotidianas, semitertianas, duplices tertianas, duplicesque quartanas. Nam indefinitè eas memorat, quæ rigoribus arripiunt, quemadmodum *libr. de judicationib.* inquit: *quibus febribus Rigor accedit, febris solvitur*: Id est singularis illa accessio, quæ Rigorem prodromum sortitur; ut propterea sicuti continuis superveniens Rigor paroxysmum illum interrumpit; ita intermittibus, quo-

tidiè recurrens, quotidianas accessiones infringit, & terminat. Quia verò non omnes quotidianæ febres, id est quotidiè repetentes, rigoribus sociantur, ideò fit, ut non omnes ad *ἀμυψία*, seu quietem febre vacantem, revera perveniant, cum adhuc febres illæ quotidianæ, fieri putatæ ab humoribus phlegmaticis, accessiones tam longas fortiantur, ut vix ægrum à febre immunem deferant, veluti Galenus ipse testatur. Verum quid de his verisimilius liceat existimare, jam à nobis latè dictum est de febribus *in Praxi*: Cum & ipse semet Hippocrates plerasque omnes febres ex bile oriri crediderit, quasi verò ab uno, eodemque humore, diversimodè tamen affecto, aut cum aliis succis commisto, varias parere possit febres, atque pro ejusdem collectione, & ad fermentescendum promptitudine, citiori, vel tardiori, nunc quotidiè, nunc verò alternis diebus, & ultra, repetentes efficiat. Sed tamen advertere decet, speciatim voluisse Hippocratem admonere, quam utilitatem sint febriles ex rigoribus suscepturi, ut etiam si quotidiè febribus divexentur, algeant, & vehementer concutiantur, per Rigorem tamen, quietem febre vacantem, & *ἀμυψία* nanciscantur, qua omni periculo se exemptos credant. Hinc de Rigoris beneficio monitos voluit Medicos, & ægrotantes, nihilum interea reliquarum febrium, aut symptomatum illas comitantium sollicitus, sive intermittant, an non, & sive periodo quotidiana, tertiana, aut quartana, redeant. Cæterum usus est voce solutionis, non judicationis: Nam reverà febris ipsa integrè non finitur (aliter minimè rediret) sed solum accessiones illæ repetentes singillatim desinunt, & humores fer-

V. lib. de  
Natura  
humana.

V. Bra-  
savolum,  
& Fuch-  
sium hic.

men-



mentationem indebitam in sanguine excitantes in singulis paroxysmis solvuntur, tametsi ab aliorum suggestu, novi, & novi ingruant; at verò non plures in una, eademque die, ut in febribus subintranantibus dictis evenit, etenim *quotidiè* inquit, idest semel in die, sed iteratò in succedentibus diebus, ne fortè inter initia febris solùm, Rigor invadat, nec deinceps repetat, velut in continuis mali moris. Quamquam duplex tertiana intrà unumquemque diem bis affligens, rigore si inchoet, etiam aliquandiù intermittat.

Quod de Rigoribus hìc tradidit Hippocrates, licebit pari ratione ad Horrores extendere. Siquidem duplices, triplicesque quartanæ horrore prodromo invadentes ad ἀπυρεσίαν quoque deveniunt, & in singulis accessionibus solvuntur; ut propterea non semel datum sit, illas iteratò usu Corticis Peruviani, aliove simili medicamento, pro re nata, sigillatim salubriter fugasse, quemadmodum ad tertianas fieri consuevit. Quomodo autem istæ, sicut pariter Rigores, & Horrores inter sese differant, dictum est à nobis in parte Medicinæ practica.

## APHORISMUS LXIV.

*Quibus in febribus morbis Regius septimo, vel nono, vel undecimo, vel quartodecimo, supervenerit, bonum: nisi dextrum hypochondrium obduruerit; si verò non, non bonum.*

In côm. **R** Ectè quidem advertit Galenus, melius fuisse, hunc, qui nunc scribitur, Aphorismum, illi fuisse conjunctum: *Quibus in febribus morbus Regius antè diem septimum accidit, malum*, ut totus sermo ta-

lis fiat: *Antè septimum quidem diem morbum accidere regium, malum omnino; post septimum verò bonum, nisi dextrum hypochondrium obduruerit*: nam absque ordine videtur hic interjectus. At hoc non multum refert. Id verò magis intererit, morbum Regium hìc recensitum pertinere potius ad Jecoris affectionem, ut proinde sensus sit, illum à septimo deinceps febrientibus supervenientem, meliorem esse, utpotè qui probabilius sanguinis repurgationem consequatur, nec corrumpentis veneni malitiam arguat, sed discernentis Naturæ vim, & efficacitatem. Conferendus autem huic est alius Aphorismus ex Coacis prænotationibus (undè hic planè desumptus est) sententiam procul dubio clariorem reddens: ibi enim scribitur: *Morbus Regius ante septimum diem accedens, malum. Septimo verò, ac nono, & undecimo, ac decimoquarto, judicatorius est, si non præcordia induret; sin minus ambigua res est.* Nam si fortassè ex Naturæ repurgantis motu, felleus humor in cystim quoque plusquam deceat, irrumpat, & tumorem, inflammationemque pariat, profectò ex istius malitia, pessimi morbi indicium erit. Quamobrem inquit, *si non præcordia induret*, quasi verò is causa sit ejusmodi tumoris, & inflammationis. Quod si Icterus veluti symptoma dextri hypochondrii inflammationem potius consequatur, planè pessimus existimandus erit, tanquam pejoris morbi testimonium, nec absque veneni corrumpentis malitia, per quam habitus Corporis universus colore ad croceum, cum virore commistum, inficitur. Verùm cum Hippocrates adnotaverit hanc coloris ad cutim translationem à septimo per dies indices, aut judices,

Idè ferè lib. de judication.

V. 3. de morbis.

suspi-



susplicandi ansam præbet futurum in his Icterus, veluti à febre, non ab Hepatis inflammatione, oriundum, ut propterea voce usus sit generaliori, duritiei, seu duri tumoris in hypochondrio dextro: durities autem nedum inflammationi, sed etiam obstructioni, & scirrho convenit. Sed hæc non tanti sunt, ut sententiam aphoristicam invertant: nam, ut antea dictum, quælibet Hepatis ægritudo quocumque tempore contingentes per se perpetuò mala est, secluso morbo Regio.

Si verò, subdit, non in his, sed in aliis à septimo diebus, intra decimumquartum Icterus accadat, non bonum, nam reverà malum adeò non est, ut de diebus antè septimum antea dixerat, nec ex altera parte bonum, quia fit in diebus, in quibus Natura movere per crism non solet, cum non nisi per dies accessionum, cujuscumque in his generibus febrium sunt impares, in morbum, causamque morbi, impetat; quamobrem phrasi clariori scripsit in *Coacis prænotationibus; sin minus, ambigua res est*: ut nimirum significaret, anticipem inde futurum eventum, saltem ægritudinis diuturnioris, aut in deteriore, puta hydropem, permutatæ. Ultra decimumquartum diem non meminit, fortè quia de Ictero in acutis febribus sermonem habendum voluit; at non ideo, si ultra hoc tempus febrientibus contingat, omninò bonus, si à Naturæ expellentis motu, post coctionem, secretionemque non oriatur, quamvis deinceps malitiam semper diminuat; attamen rarenter accidit Icterus supervenire febribus in longum productis, modò alias ægritudines non arcessant, vel in deteriores commutentur. Cæterum etiam absque febre, *morbo Regio laborantibus,*

*Hepar durum si fiat, malum est, 6. Aph. 42.* tunc enim durities Jecoris sequitur Icterus, & periculum non ex Ictero nascitur, sed ex Jecoris duritie, ac tumore, qui semper malus: siquidem scirrhum, cachexiam, hydropem sive humidum, sive siccum, aliosque graves morbos minatur. Spes autem salutis aderit, si subindè spontè sua per alvum, aut per vias urinæ, vel etiam per hæmorrhagiam vitiosus humor egeratur, ut accidit Heraclidi 1. *epidem. c.*

#### APHORISMUS LXV.

*In febribus circa Ventriculum fortis æstus, & cordis morsus, malum.*

Videntur hæc duo hic ab Hippocrate memorata, cum acutis, continuisque febribus conjuncta, inflammationem præmonstrare imminuentem in iis præsertim partibus, quæ Ventriculum, ejusque orificium superius circundant: illa autem erysipelatis potius conditionem referret, undè major acritudo, morsus, & vehemens æstus oriatur. Anatome enim pluries compertum, ejuscemodi malorum causam extitisse excitationem circa Stomachum, aut Pylorum, inflammationes, itemque in Hepatis lobo, qui Ventriculo superincumbit, in Omento, in Pancreate, immò etiam in exteriori Ventriculi membrana, ut proindè egrotantes brevi vita defuncti sint. Sed & non rarò etiam contigit hæsisse in his partibus acres quosdam, virulentosque humores, qui non tam mole, aut copia, quam pravitate nocerent, & nervos, qui plurimi per easdem partes sparguntur, acriter compungerent, & lacefferent. At hæc profectò non nisi in acutis febribus fieri possunt.



possunt, quas plerique non irrationabiliter existimarunt, numquam ab internis inflammationibus, vel ab hærentibus humoribus in apicibus arteriarum, esse subjunctas. Cum autem in febribus ista copulantur, palam est fieri non posse ægrotantes non periclitaturos. Sive ergo Κοιλίην Ventrículum, sive inferiorem Ventrem interpretemur (cum utriusque dolores magnifaciat Hippocrates in Coacis prænotionibus) idem omnino timendum erit; quamquam Cordis morsus, in græco codice Καρδιαγῆς si pro stomachi dolore exponatur, minus periculum arguat, quam si Cordis motus palpitationi similis intelligatur; quippè hæc longè deterior putanda est, veluti proximior Cordis affectio, atque eo magis, quo acutis, continuisque febribus sociatur, veluti disparis omnino conditionis. Atqui malum, inquit, non lethale: siquidem etsi ista periculum vitæ minentur, non tamen spem salutis adimunt, ut de malignis febribus, quibus hæc plerumque accidunt, scripsit alibi Galenus. Verumtamen si partium extimarum frigus accedat, omnino exitiosum; ut antea dictum.

## APHORISMUS LXVI.

*In acutis febribus convulsionēs, & circa viscera dolores vehementes, malum.*

**C**onvulsionem febris superveniens tempejorem asseruit Hippocrates 2. *Aphor.* 26. nunc verò simpliciter malam ait; fortè quia hic iteratas, & pluries invadentes intelligit, neque unius tantum partis, sed totius, jam antea acuta febre correpti, cui etiam circa viscera dolores vehementes accidant. Sed gra-

vius profectò est, quod scribit *in fine libri de iudicationibus*, ubi: *si à febre detentum convulsio corripuerit, sedatur febris eadem die, aut postridie, aut tertia die.* Et *libr. Coac. prænot. Convulsio in febre fiens, sedat febrim eadem die, aut postera, aut tertia.* Undè non videtur tam mala convulsio acutis febribus contingens, quemadmodum in hoc Aphorismo memoratur. Verum si perpendantur, quæ ibidem Hippocrates adnotavit, nullo negotio hæc diluentur. Is enim paulò ante inquit: *Convulsio in febre fiens, & eadem die desinens, bona est, & mox; si verò tempus, in quo incipit, transgrediatur, & non desinat, malum est.* Quare tunc convulsio febris superveniens bona est, cum eadem die desinit, cum autem tempus istud transgreditur, omnino mala. Si prætereà repetat, aliisque ægritudinibus societur, veluti hoc loco referuntur vehementes circa viscera dolores, procul dubio nedum mala, sed exitialis existimanda erit.

Et quidem vehementes viscerum dolores fieri nequeunt, nisi ab humoribus acribus, acidis, aculeatis, partes præsertim membranosas, & nerveas lancinantibus, qui per febrim acutam impensius irritati convulsionēs planè molestissimas excitant, quamobrem non immeritò eas cum viscerum doloribus conjunxit in hoc Aphorismo Hippocrates, ut vel ex hoc coniceremus ab his easdem profecturas; & quamvis perpetuò malæ putandæ istæ sint, peiores longè tamen erunt, si ad febres acutas consequantur, quippè quæ nedum viscerum, sed & totius sanguinis diathesim vitiata designent, quam etiam per convulsionēs iteratas nervorum liquor non dissimiliter comitabitur. Verumtamen malum solummodo



modò dixit, non lethale; quandoquidem possunt quoque febrientes ab utrisque tutò evadere, si nimirum vitiosi humores ferantur in alvum, aut vesicam, & criticè, ut moris est, egerantur: quo sanè modò lactentes vidimus sæpiùs liberatos, qui cum à lacte in intestinis concreto acerbè simul ventre dolerent, febrerent, & convulsionibus corriperebantur, soluta posthac alvo, in pristinum salutis statum fuere restituti.

### APHORISMUS LXVII.

*In febribus ex somnis pavores, vel convulsiones malum.*

▲ph. I. 2.

**A**liàs meminimus, somnum Animantibus concessum, ad levamen, & quietem Corporis, & Animi, ubi potius laborem afferret, & lassitudinem, lethalem eventum portendere, ex Hippocrate, nunc verò si pavoribus interrumpatur, malum dicitur, in febrientibus acutè. Accidit enim sæpè numero illos absq; ulla externa causa inter dormiendum frequenter exterreri, immò neque ex phantasmatibus horrificis, aut somniis tumultuosis, è genere terriculamentorum, expavescere, idque toties, quoties sopore arripiti contigerit. Subitos autem istos, repentinosq; à somno timores, quamvis plerique ad Cerebri læsionem retulerint, quasi verò vaporibus melancholicis, aut atrabilaris suffundatur, quia tamen quæsi de his terriculamentis ægrotantes nil se visum passos conqueruntur, cum ceteroqui nec somno re ipsa, in quo insomnia, capiantur, putaverim ego illos oriri ab irritamento potius pravorum humorum circa præcordia restagnantium, quibus nerveæ illorum partes laceffitæ quodammodò

convellantur, & Cerebrum excitent cum terrore, ob concussionem, agitationemq; fibrarum nervearum, & liquoriseasdem irrigantis. Equidem ejuscemodi pavoribus sæpissimè pueros affici experimur cum à lacte coagulato, & acido febricitant; quod cum Ventriculo, & Intestinis infensum fiat, nec promptè egeri possit, partes istas in illis exquisito sensu præditas vellicat, & laceffit, adeòque repentinas expergefactiones, & pavores inducit. Idipsum à vermibus etiam pati solent, undè est, ut huic malo indiscriminatum nostrates fœminæ occurrere fatagant remediis lumbricos enecare creditis. Modò quis unquam in his Cerebrum feriètes humores, aut vapores melancholicos effinger? nisi melancholicos cum acidis confundat. Atqui contingunt plerumq; ex somno (si tamen verus somnus is sit) punctiões istæ, quoniam per id tempus laxatæ quodammodò nervorum fibræ, magisque hiantes poruli faciliùs admittunt, qui ex acidis, pravisque succis fermentescentibus halitus, vaporesque infensi quaquavèrsum diffunduntur. Hinc ad convulsiones non irrationabiliter ejusmodi repentinos ex somnis pavores referrem, inductas tamen non ex affecto nervorum principio, sed ex horum apicibus, fibrisque pruritatis. Quæ fortassè ratione Hippocrates cum his junxit in Aphorismo convulsiones, nimirum ut eas febrientibus malas pronunciaret, quæ veræ convulsiones sunt à Cerebri vitio proximo, & quæ à sola, atque interrupta irritatione fibrarum nervearum in partes desinentium. Porro in veris convulsionibus proximè Cerebrum, & principium nervorum afficitur à vitiato illorum liquore in acidum pariter degenerato; undè & hæc,



hæc, & graviora mala proficisci facile est. Sive ergo illæ oriantur ab acido liquore, nervorum principium afficiente, sive ab humoribus circa præcordia restagnantibus, & partes sensu præditas vellicantibus, semper malum, designata nimirum malitia, tum à pravis humoribus, tum à partibus affectis. Quod si somnus majori ex parte, vel suavis, vel molestus provenit, ex benè, vel malè affecto Ventriculo, & adjacentibus visceribus, ut Helmontio non sine ratione visum est, planè cum in his partibus pravi succi hærent, fieri nequit, quin turbulenti somni fiant, & pavoribus interrupti.

## APHORISMUS LXVIII.

*In febribus spiritus offendens, malum: convulsionem enim significat.*

lib. 2. c. 7. **I**D hic significat spiritus offendens, sive spiritus in faucibus elusus, ut vertit Celsus, ac Respiratio subsistens, & interrupta, quemadmodum ex eodem Hippocrate deducitur 2. epid. sect. 3. & 6. epid. sect. 2. & quidem tum in inspiratione, tum in expiratione, ut adnotat Galenus in comm. Id autem passim accidit pueris ejulantibus, & suspiriosis, plerumque ex angustia spiritalium organorum. Hanc autem interruptam Respirationem in febricitantibus, instantem convulsionem arguere, atque adeò malam esse, monet hic Hippocrates, veluti quæ fiat à languente vi muscutorum Thoracem, & Diaphragma attollentium, ac deprimentium pro Respiratione; illi verò, cum motus suos peragant opere nervorum, quandocumq; deficient, hos quoque fatiscere designant: & quidem in febribus à vitiato, exso-

lutoque liquore, qui nedum illos haudquaquam convenienter irrigat, & confirmat, sed potius inficit, & perturbat; undè etiam non rarò anxietas, angor, & cordis tremor, cum pulsu inæquali: semper autem ac sanguinis vitio ex febribus indicato, per indebitam ejusdem ab extraneo humore fermentationem, accedit quoque liquoris nervei malitia, proculdubio non solum dubius eventus, sed omninò perniciosus pertimescendus est; quandoquidem partes cunctæ Corporis ab his proximius robur adipiscuntur, suasque exerunt operationes; quin immò Cor, & Vita ipsa sustinetur. Quamobrem ipsis à consueta, naturali que constitutione permutatis, depravatisque, necesse est reliqua omnia non dissimiliter titubare,

## APHORISMUS LXIX.

*Quibus, adhuc febricitantibus, urine sunt crassæ, grumosæ, paucæ, multitudo earum tenuis superveniens juvat: præcipuè verò tales veniunt, quibus ab initio, vel non ita multo post, sedimentum inest.*

**U**Rinas in posterum considerat Hippocrates cum excretorum in illis varietate, ut exindè, quoad fieri potest, coniciamus, quænam in febricitantibus meliores, pejoresque dici queant, cum febrilium fermentorum mutationem consequuntur, quippè non semper è liquoribus cum sanguine commistis procedunt, neque perpetuò serum illud referunt, quod cum sanguine circumfluit, atque ejusdem vasa, partesque cunctas Corporis pervadit, sed sæpe numero à cibo, potuque nuper assumpto, à Sacco lacteo, & ductibus chy-

Idem dicitur in coac. prenot.

V. Gal. 3. de diff. resp. 9 & 6. Aphor. com. 54.



chyliferis, à glandulis Mesenterii, & vasis lymphicis, atque à visceribus hypochondriorum, per compendiosiores vias, recta in renes, & vesicam fertur; undè dubias profectò, & infideles notas ex illa elicere cogimur, idque potissimum in iis, qui peculiari quadam constitutione varias perpetim, differentesque urinas proferunt, & quandoque à consuetudo hominum alienas. Cum ergo à sanguinis sero prodeunt urinæ, atque à fermentis partium vitiatis fecernuntur, observandas verisimile est hinc Hippocratem voluisse, præsertim in febribus, quandoquidem in his, per indebitam sanguinis fermentationem, plerumque solent cum serosis ejusdem portionibus aliæ impuritates per vias urinarias repurgari, ideòque quæ penitus latent, quodammodò denunciare.

Quibus itaque non sine febre, inquit, urinæ sunt crassæ, & grumosæ, sed paucæ; si contingat tenues deindè fieri, & affluentius profluere, proderit. Pro crassis, grumosisque intelligit, quæ commistam, compactamque simul referunt serosam substantiam cum recrementis è sanguine semotis, ut grumos quodammodò plurium Corporum unà collectorum exhibeant, vel, ut communius dicitur, substantiæ simul aquosæ, & hypostasis, concretæ: hæc enim cum debeat, ut salutaris sit, in urinis innatare, si fortassè sit sparsim concreta, & cum illis commista, ex nondum peracta secretionem, concoctionemque, urinam procul dubio reddet crassam, & grumosam, quam idem Auctor *lib. I. de morbis*, à pituita progenitam existimat. Oriri autem ejusmodi crassitiem grumosam, hoc loco memoratam, à concretione, mistioneque summa hypostasis cum sero urinario, deduci potest ex ap-

pendice ejusdem Aphorismi, ubi adicitur: *tales equidem prodire, quibus ab initio, aut non multo post sedimen in urinis adfuit*; cum scilicet primum urinæ visæ sunt cum suo sedimine innatante, mox verò ita cum illo commistæ, & concretæ, ut grumum referant; at postmodum per fermentationem febrilem dissolutæ, ac secretæ, tenuesque redditæ, crassitiem in copiam commutant, & conferunt, tum quia compingentia salia cum sero commista diluta egerunt, tum quia coctionem, secretionemque fermenti febrilis jam peractam indicant. Tenues autem urinæ hinc memoratæ non simpliciter aqueæ, & pellucidæ intelligendæ sunt, sed ut à crassis, & grumosis contradiunctæ; sicut enim nimium crassæ, & in grumos compactæ malæ hinc referuntur, ob coctionem, secretionemque deficientem; ita ex adverso bonæ existimandæ sunt, quæ tenues deindè fiunt, ac dissolutæ, idest non amplius grumosæ, habentque sedimen omninò secretum, dissolutum, & innatans. Hinc rectè Actuarius *libr. I. de judiciis urinarum cap. II.* scripsit, *nonnunquam in morborum sine copiam profluere urinæ albio-  
ris, & tenuioris, atque mediocrem continentis subsidentiam, præsertim cum præcesserit urina crassior, & grumosior.*

Judicium autem ab eodem Hippocrate prolatum *lib. de judicationibus*, huic planè nullatenus contradicit. Ibi enim inconstantes omninò urinas in febribus vituperat, ac de crassis in tenues, iterumque de tenuibus in crassas vicissim permutatas. Inquit enim: *In febribus simulationes habeat urina, diuturnitatem temporis significat, & necesse est agrotum mutari, & ad deteriora, & ad alteram partem. Et si*  
*urina*



*urinae ab initio non sibi similes fuerint, sed ex tenuibus crassae fiant, iterumque penitus tenues, tales ægrè judicant, ac inconstantes sunt.* In hoc autem Aphorismo non solum constantes, sed etiam crassas in moderatè tenues permutatas recenset, easque solito affluentiores.

## APHORISMUS LXX.

*Quibus febricitantibus urinae sunt perturbatae, quales jumentorum, iis dolor Capitis vel adest, vel aderit.*

**C**UM recrementa sanguinis, alique humores per Renum tubulos repurgati, & cum sero urinario commisti, sua quique non petunt loca, sed fursùm, deorsumque tumultuariè feruntur, urinas reddunt confusas, & perturbatas. Has ergo considerat in hoc Aphorismo Hippocrates, utque eas à turbidis, sed mox postea subsidentibus, distinguat, adiicit, *quales Jumentorum*; siquidem in his nedum paulò post quàm fuerint excretæ, sed deinceps adhuc, perpetuòque turbulentiam, confusionemque servant; sed neque à frigore ambientis aeris concreverint, neque diù sepositæ in corruptionem abierint, aut Renum, & Vesicæ ægritudines consequantur; quàmobrem non immeritò advertit, & eas in febricitantibus hic notari, & quæ non semel turbatae comparent, sed quæ perturbatae sunt, & tales perseverant.

Equidem in febribus dumtaxat fieri potest (quicquid in contrarium opinetur Cardanus) ut urinae omninò perturbatae sint, & perseverent, quales jumentorum, quandoquidem in aliis ægritudinibus citrà febrim, quod turbulentum in iis ex-

*Tozzi Op. Med. Tomo III.*

cernitur mox subsistit, vel evolat, quæ, madmodum in Renum affectionibus, catarrhis, aliisq; sicut etiam ab esu ciborum diuresim promoventiū. Oportet autem urinas ejuscemodi turbatas, ab intimiori causa serum urinarium confundente, exagitari, quæ profectò in sanguine, cæterisque liquoribus inhærebit, ut talem in ipsis fermentationem excitet, & tumultuariam commotionem pariat, quæ sanguinis serum, recrementa partiū, & salia fermentorum turbet, & implicet; veluti pluries expertum in febribus malignis, & pestilentibus, à fermento sanguini immisto omnia depravante, & confundente. Hinc brevi vita defuncti referuntur uxores Dromeade, & Philini, Polyphantus, & Evalcidæ famula ab Hippocrate 1. & 7. epid. Nam, ut idem subdit: *urinae dense, & conturbatae certum signum sunt doloris capitis, convulsionis, & mortis*; procul dubio à veneno dissipante, & corrumpente. Sed & nequeunt deinceps contenta urinarum perturbata adhuc à liquoribus Corporis seposita subsidere, quia per intraneam fermentationem acorem nata, ita simul compinguntur, & cum sero urinario commiscantur, ut ab invicem disjungi non possint, quemadmodum experimur in Vino, quod per æstum dierum Canicularium, aut à Tonitru, ventisque Australibus impetuosioribus, indubitata fermentatione effervesceat, confunditur, & perturbatur, ut tandem in corruptionem definat.

Hinc modò palàm fit, quæ de causa dolor Capitis exinde subsequatur, aut immineat; quoniam ex acritate, & virulentia in sanguine inducta, nervæ partes Capitis ab illius transitu, & percolatione, vehementer vellicantur, & compunguntur. Neque verò hinc dolent solum, sed

v. etiam  
in coac.  
prænot.

M

etiam



etiam non rarò inflammantur, undè phrenitides, lethargi, convulsiones, ut memoratis ex Hippocrate ægrotantibus accidit; quamobrem sub nomine Cephalalgiaë comprehensas crediderim reliquas omnes Capitis affectiones, dolori analogas, vel affines.

Quòd si turbidaë ejuscemodi urinæ pedetentim progressu temporis subsideant, procul dubio meliores fient, atque ab enarratis Capitis affectibus præcavebunt: quippè portentent sensim quoq; internam sanguinis commotionem sedari, & fermentantes humores ab utilibus secerni, ac repurgari. Undè idem Hippocrates 6. epid. sect. 6. commune facit, *urinas multam subsidentiam habentes à mentis motione liberare*, quemadmodum in Dexippo. Non est igitur, ut tam facile credamus perseveranter turbidas excerni urinas à flatibus, ut plerique sunt arbitrati, adeoque illos excutere oportere, sed potius diaphoreticis pluries memoratis compagem fermenti febrilis dissolvere, alexipharmacis ejus malitiam oppugnare, & evictam, secretamque per easdem vias urinarias expellere.

#### APHORISMUS LXXI.

*Quibus septimo die fit crisis, iis nubecula rubea quarto die in urina apparet, & alia ex ratione.*

**A** Libi dixerat septenorum quartum esse indicem; nunc sumpto exemplo à febribus, quarum crisis incidit die septima, inquit, nubeculam rubeam in quarta præcedere in urinis. Verùm hoc non ubique verum experimur, sed in quibusdam solum febrium generibus, quæ nimium fermentationem in sanguine

consequuntur à vitio ejusdem intra-neo, quales Veteribus synochaë dicebantur, ex non benè repurgato ejusdem sanguinis fero, cujus causa in fervorem, & indebitam commotionem adigitur, ut seipsum ab illo extricet, potissimum quia ob remoram in vasis sanguineis contractam nimia infectus acritate cunctis visceribus molestia est. Sed neque nubecula hæc revera rubra est, sed vel pallida, vel flava, vel ad summum subrubra comparet, si crisis ad bonum furura sit: Quamobrem 2. prognost. dixit: *Nubeculae, quæ feruntur in urinis, albæ quidem bonæ sunt, nigre verò malæ*: Undè rectè Heurnius non rubram, sed subrubram vertit. Meminit autem dumtaxat crisis septimæ diei; nam in cæteris non planè constant ejuscemodi indicum, & judicum dierum proportionem, quippè sæpissime Crises præmonstratæ in undecima, evenere postmodum non decimaquarta, sed decima septima, vel vigesima, ac ulterius, pro ratione peccantium humorum, & viarum laxitate; immò pro diversitate morborum, causarum, & affectarum partium, ista non minimum variabunt substantia, colore, situ, tempore. Hinc appositè addidit, & *alia pro ratione*: potissimum si cætera concurrant ad bonam, salutaremque crisin, eo die perficiendam, ut propterea significare voluerit, Morbum salubriter judicandum die septimo præferre signa coctionis, ac secretionis in quarto, reliquos ad alios dies differendos, non dissimiliter suis indiciis præmonstrari, eosque non unico evacuationis genere, sed pro ipsorum varietate, puta sudoribus, sputis, dejectionibus, atque etiam urberioris urinæ profusione, prout Natura in unam, vel aliam partem incli-



inclinaverit. Cæterum, quod idem Hippocrates protulit *c. lib. prognost.* de urina subrubra, & sedimento simili, indicante morbum diuturniorem, licet salutarem, intelligendum, cum tota urina, ejusque serum, sanguineum ruborem refert, non verò cum in fero urinario convenienter colorato nubecula solum subrubra innatat, ut hic, veluti inchoatæ coctionis indicium.

## APHORISMUS LXXII.

*Quibus urinae albæ sunt, & perspicuæ, male: præsertim verò si in phreneticis appareant.*

V. in  
Coac.  
prenot.  
lib. 2.  
prognostic.  
& de  
dieb. judicat.

**C**um urinae albæ, & perspicuæ, seu aquosæ, ut interpretatur Galenus, multis ex causis excerni possint, & pluribus in morbis comparere soleant, potissimum verò Renum, ac Vesicæ, atque non rarò indicent crism futuram per alvum, aut per abscessum, præter eas, quæ in statu sano quibusdam accidunt, vel ex consuetudine, vel ex largiori potu aquarum, præsertim diuresim moventium, visum est ita hunc Aphorismum vertere, aliter ac Leonidenus, qui malas ejuscemodi urinas indefinitè videtur interpretari; comparere autem solere in delirantibus: quasi verò exemplum dumtaxat apparitionis illarum voluisset Hippocrates hoc loco referre, cum tamen in Phreneticis maximè sint perniciosæ, quemadmodum & Celsus hoc idem Hippocratis documentum sequutus exponit, *lib. 2. c. 4.* inquit: *diluta quoque, atque alba urina vitiosa est, sed in phreneticis maxime.* Et Philotheus: *sed in phreneticis magis male.* Quamobrem Euchsius Aphorismum hunc ita tradidit: *Quibus urine perspicuæ, &*

*albæ sunt, male: maxime verò ubi in phreneticis apparuerint.* Rectè autem admonet *phreneticos*, non *delirantes*, hic Hippocratem adnotasse: quippe phrenetici à delirantibus differunt, etenim non omnes delirantes phrenetici sunt.

Urinæ itaque albæ, & pellucidæ, quamvis plerumque à consueto Naturæ declinent, non tamen omninò malæ illicò sunt existimandæ, quasi verò semper morbosam re ipsa Corporis constitutionem attestentur, cum non desint, qui à natura ferè illas assiduò proferant, & benè valeant; quinimmò plerosque novi, qui se tunc morbosos existimarent, cum urinas benè coloratas egerebant. Malæ ergo solum dicentur, quia non omnibus communes, & quodammodò à consuetis remotiores. At verò si in phreneticis observentur, omninò malæ, atq; ex Galeno perniciosæ, quippe qui testetur *se nullum vidisse phreneticum saluatum, in quo talis urina apparuisset.* Verumtamen non sunt hæc adeò cum phrenesi conjunctæ, ut illam perpetuò comitentur, aut consequantur, siquidem sæpissime etiam fit, ut in ea compareant nimium coloratæ, multòque sulphure saturæ; sed si fortasse cum illa sociantur, omninò malæ sint, nisi verò semel tantum appareant: quippe tunc perniciosas penitus illas credere licebit, cum diù perduraverint, & quocumque tempore uniusmodi aquosæ prodierint. Hac enim ratione significant, partes sanguinis muriaticas, & sulphureas, acritate ingenti præditas, per febrilem fermentationem, cum fero urinario non repurgari, sed interiùs detineri; adeoque per Cerebrum, ejusque meninges, ac ductus, cum sanguine remeantes, continenter illius

V. etiam  
in coac.  
prenot.  
ubi: albæ  
urinae à  
phreneticis  
mor-  
tiferæ.



plexus, glandulasque vellicare, unde etiam liquor nervorum, & universa Hegemonicarum operationum Oeconomia coafficiatur, siquidem ros ille è sanguine per Cerebricorticem exudans, quo universa Animalis regio irroratur, & viviscit, ex vitiata utriusque diatthesi, omnia perturbat, depravat, atque adigit in furorem. Cum itaque eo deventum est, ut partes Vitæ, & Rationi destinatæ perpetim laborent, à mutata tum sanguinis, tum nervei liquoris constitutione, procul dubio brevi futurum est, ut æger concidat. Spes autem inerit revalescendi, si ejusmodi sanguinis, & liquoris nervorum impuritates per consueta emissaria depellantur, potissimum verò per urinas, quæ primùm flavescentes, & crassæ, mox etiam copiosiores, & sequestratæ repurgentur: quod planè usu Antimonii diaphoretici suo nitro sociati non semel peractum vidimus, sicut etiam ope Bezoardicorum.

Sed & advertere est, quod memorat Hippocrates 1. *epidem. const.* 3. accidisse Bioni apud Silenum decumbenti, Cratiæ apud Xenophanem, & Aretonis filia uxori Mnesistrati, ab urinis aquosis, multis, puris, & tenuibus, post judicationem, eos scilicet benè fuisse judicatos per dysenteriam; quasi verò istiusmodi urinæ post coctionem apparentes crisim portendant per alvum futuram. Possunt quoque hæmorrhagiam è naribus præsignare, præsertim in Juvenibus, si postquam diù probæ visæ, repentè attenuentur, & incrudescant, morbo ad declinationem perducto.

## APHORISMUS LXXIII.

*Quibus Hypochondria suspensa murmurant, lumborum dolore superveniente, iis alvi humectantur, nisi flatus erumpant, aut urine multitudo proveniat. Hec verò in febribus.*

**D**E veritate istius Aphorismi valdè dubitat Argenterius, quippè qui non tam facile existimet, quomodò tria hæc genera evacuationum accidere possint in febribus ex hypochondriis inflatis, & dolore lumborum. Verùm si in memoriam revocentur, quæ aliàs à Nobis, *hoc eodem libro*, sunt recensita, benè poterunt, quæ hic ab Hippocrate referuntur, Rationi, atque Experimento congruere. Inflantur siquidem, tumentque hypochondria à flatibus, seu halitibus elevatis ab humoribus crassis simul, tenacibus, & acidis, qui non rarò loca utriusque hypochondrii, occupant, præsertim verò glandulas Mesenterii, Pancreatis, & Omenti; cumque per febrim sensim attenuentur, & dissolvantur, per arterias pedetentim in Intestina feruntur, vel etiam per vasa lymphica, aliosque ductus inconspicuos deducuntur in Renes, adeoque vel alvi fluxu, vel urina copiosiori, criticè evacuantur. De his ergo sermonem facit hoc loco Hippocrates, aitque, quibus in febribus (iisque potissimum, quas Fernelius omnium primus recensuit ex hypochondriis infarctis oriundas) hypochondria tument, ac inflantur, ut suspensa, & elata fiant, si lumborum dolor superveniat, planè fieri, ut laxata alvus congestam succorum colluviem deponat, nisi aliunde in flatu exolvatur,

aut



aut per Renes deducta urinam efficiat copiosiore. A tumidis porrò, inflatisque hypochondriis coniciemus crassorum, consistentiumque succorum copiam, fermentatione febrili, & acida conditione, inflatus evaporantem, adeoque epigastrium utrinque attollentem. A murmure, & lumborum dolore conjectabimus humores ipsos jam attenuatos, & dissolutos, vergere per Mesenterium in Intestina: murmur etenim à motu eorundem peristaltico provenit; lumborum verò dolor, à pondere Mesenterii, quod cum lumbis alligetur, juxta ac Peritonæum, ubi flatulentis humoribus turgeat, gravat simul illos, & extorquet.

Quod verò hæc citrà Jecoris, Lienis, aliorumque adjacentium viscerum inflammationem evenire scripserit Hippocrates, colligere clarè est ex 2. *prognost.* ibi: *Præcordiorum dolores, ac tumores, si fuerint recentes, & non cum inflammatione, solvit murmur in præcordio obortum, & maximè quidem si pertransierit cum stercore, & urina, ac flatu; sin minus, etiam ipsum per se, si transierit, prodest.* Dixerat autem lib. I. *eiusd. oper.* tumores omnes in hypochondriis subortos, inter initia quidem, mortem brevi affuturam significare; post dies viginti verò, febre non desinente, ad suppurationem conversi. Ea autem, quæ in hoc Aphorismo memorantur, his profectò non consonant, cum & nos compertum habeamus, sæpius feliciter successisse, ex turgidis hypochondriis febres enatas, alvo, quæ prius adstricta erat, laxata, aut copiosiori urina, solutas. Verum, ut id promptius, feliciusque contingat, medicamentis insistendum, quæ ama-

Tozzi Op. Med. Tomo III.

rore acorem corrigant, & incidenti, attenuandique vi, crassos humores ad exitum disponant.

## APHORISMUS LXXIV.

*Quibus speratur abscessus futurus ad articulos, eos liberat ab abscessu urina multa, crassa, & alba, qualis in laboriosis febribus, quarto die, quibusdam incipit fieri. Si verò ex naribus fluxerit sanguis, brevi admodum solutio fit.*

**A** Libi ex eodem Hippocrate ostensum est, non rarò febrientibus, ex crassis humoribus, abscessus ad articulos evenire, atque ita febres desinere. In hoc autem Aphorismo memoratur, undè sit, quòd febris, quæ desitura per abscessum visa est, & indicia ejusdem prætulerit, abscessu deindè non judicetur; idque propterea fieri, à crassa, & alba urina affluenter profusa. Equidem ubi humores in artus ferendi, vias urinarias petunt, fortè tenuiores, fluxioresque reddit, procul dubio vindicabunt ab abscessu. Verum tamen oportet crassam simul, albam, & copiosam excerni urinam: etenim hac ratione certum erimus, illos eosdem humores, qui febrim fovebant, & ad artus abscedere præmonstrabant, salubriter per Renes in Vesicam fuisse translatos. Quoniam verò à lymphæ plerumque consistentiori ejusmodi febres accidunt, undè Rheumatismi, cum lassitudinibus, & doloribus articulorum; proindè adjectum, *qualis in laboriosis febribus*, cujusmodi sunt; quæ cum sensu laboris, doloris, & lassitudinis in toto Corpore, contingunt: quippè vasa lymphatica plurima per articulos re-

cōm. 31.  
hujus.



V. 6. epi-  
dem. 4.  
2. unde  
hic Aph.  
desumi-  
ptus.

punt, & non rarò in eosdem exonerantur. In laboriosis autem febribus cum Rheumatismo sociatis, sæpissimè accidit, à quarta die in succedentes, consimilis conditionis urinam affluenter expurgari, exsoluta nimirum per febrim lympham, atque simul cum sero sanguinis fecreta, deductaque in Renes, & Vesicam, quemadmodum passim experimur in praxi. Atque hinc planè dictum puto, nedum abundantem, sed etiam albam, & crassam urinam esse oportere, cujusmodi lympham est.

Quod præterea additur: *Si verò etiam ex naribus fluxerit sanguis, brevi admodum solutio fit*: in dubium revocat Fuchsius, an simul cum urinæ profluvio, an verò seorsim proficere, sit intelligendum. Et quamvis utrumque rationi, atque experimento congruere visum sit, & alterutro evacuationis genere febrientes ab abscessibus evasisse; nihilominus si mentem Hippocratis attendamus, verisimilius asserere cogemur, junctim utramque evacuationem esse comprehensam: nam inquit, *si verò etiam ex naribus fluxerit sanguis*: Vel, ut alii vertunt; *quòd si narium quoque accedat profluvium, multo celerius liberantur*. Idque clariùs cap. 6. epidem. sect. 4. *si verò ultra hoc, adhuc sanguis è naribus largè eruperit, valde etiam, seu, prorsus levat*. Quæ verba utramque omninò evacuationem referunt, simul junctam. Cæterum sanguis è naribus profluens maximè quoque his confert, excretò indè ejusdem sero orgasmum in humoribus excitante: quo fortassè respiciens Hippocrates junctim urinam, & sanguinem profluentem, citius ægrotantem liberare inquit, ut è nari-

V. Heurnii hic.

bus tenuior, è renibus crassior humor simul educatur. Cui enim commodò esset narium hæmorrhagia, si sanguinis à lympham, & sero, repurgationi minimè opitularetur? Illum autem egredi Natura finit, ut simul acres, tenuesque serofas ejusdem partes depellat, nisi verò ex accidenti deferat, acritate sibi exitum sero parante.

At verò eam ex his evacuationibus promovere satagemus, quæ tutior planè est, per vias urinæ. Hac enim & crassior, & tenuior humor commodè potest educi; quin si tantum crassior expurgetur, is satis erit, ut ab abscessu tueatur, cum tenuior facile possit adhuc insensibiliter diffilari. Conferent ea propter in hanc rem, quæ attenuando, & incidendo, diuresim movent, adjuncta his quoque congrua victus ratione attenuante, ut Naturam huic operi intentam adjuvemus, vel diutius cunctantem excitemus.

#### APHORISMUS LXXV.

*Si sanguinem, aut pus mingat, Renum, aut Vesicæ exulcerationem significat.*

**S**Ive hic Aphorismus scribatur per particulam, *aut*, disjunctivam, sive per, &, conjunctivam, magnam semper patitur difficultatem: quippè sanguis solummodo excretus per urinam, non semper indicat Renum, aut Vesicæ ulcerationem, cum multis aliis de causis egeri, & à plerisque aliis partibus prodire possit. Si verò simul cum pure excernatur, quamvis ulcerationis indicium certò sit, non proindè ex sanguine, sed ex pure certitudinem nanciscitur.

Sed

Eandem sententiam habet Cel- sus lib. 2. cap. 7. V. Gal. 6. de loc. aff. 3. Hippoc. etià lib. de natura human. ait: quibus cruentæ urinæ sunt, his venæ laborant



Sed & prætereà fieri potest, ut ab erosa Renum arteria, aut vena, sanguis ad tempus solus prodeat, deinceps transiturus in pus, adeòque inchoatæ ulcerationis symptoma sit, sejunctim à pure. Præstaret itaque pro utraque particula, deindè, vel, mox, substituere, ut sensus fiat: *si quis sanguinem, deindè pus mingat, &c.* sic enim Aphorismus veritati perpetuò consonabit. At verò nec semel, nec ad breve dñmtaxat tempus, sanguinis, & puris mictio, Renum, aut Vesicæ ulcerationem designabit, nam pluries expertum, ex dirupto apostemate partium superiorum, & à Renibus remotissimarum, pus cum urina prodiisse; immò etiam ex Pulmonis vomica, atque ex Empyemate per easdem vias repurgato. Quamobrem necesse est, ut diutius mictio ista perduret, & continenter purulentus sanguis cum urina egeratur, ut à Renibus, vel Vesica manans dici queat. Atqui etiam, præter ejusmodi egestionis diuturnitatem, à Renibus, aut Vesica ulceratis, pus prodire coniiciemus, si in urinis subsideat, vix, ac ne vix quidem, cum illis commistum: quoties enim cum iisdem omninò commiscetur, & confunditur, ex altiori profectò loco descendere credendum, ut multis ostendit Galenus *lib 6. de loc. aff. cap. 4.* Contra verò si sejunctim ab urina pus egeratur, procul dubio è meatu urinario, aut ex glandulis parastatis, gallica contagione infectis, sponte sua defluet, ut in virulentis Gonorrhœis passim experimur. Hinc tunc solùm purulenta mictio exulcerato Renes, aut Vesicam indicabit, cum continua fuerit, cum numquam ab urinis sejuncta, cum subsederit, & cum san-

V. Gal.  
6. de loc.  
aff. c. 4.

V. Gal.  
in côm.

V. etiam  
Prosp.  
Martian.  
hoc loco.

guinis exitum consequetur. Denique prognosim mictus sanguinis, ac puris, retulit idem Hippocrates *lib. 2. prædict.* inquit: *sanguinem mingere, raro quidem, & sine febre, ac dolore, nihil mali significat, sed lassitudinum solutio fit. Si verò sæpius mingat, & aliquid ex his accesserit, malum est. Verùm prædicere oportet, sive cum dolore mingatur, sive cum febre, fore ut insuper pus mingat, atque ita dolores, ac afflictiones quiescant.* Verùm conferet in his plurimùm partem affectam internosse, & num pus ex aliis partibus procedens in transitu per Renes, Uretes, & Vesicam, sua acrimonia, ac virulenti conditione, illas exulceret, atque adeò, diversarum partium affectarum complexu, nequeat tam benè distingui, undè pus prodeat, cum ex pluribus confusim emanet. Non multis ab hinc mensibus curandus ad me venit, qui ex mictu sanguinis in urinam purulentam inciderat, cum antea gallica gonorrhœa teneretur, adeòque & ex meatu urinario, & ex renibus pus effunderet, nimirum quandoque simul cum urina, & aliquandò seorsim. Mirum autem quàm in his proficiat usus pastillorum ex Cinnabari, itemque Cerussæ stibii A. alæ, cum gummi terebinthi, balsamo ligni guajaci, & peruviano, extracto hyperici, & caphura.



## APHORISMUS LXXVI.

*Quibus cum urina crassa caruncula parvæ, aut veluti capilli, una exeunt, iis à Renibus excernuntur.*

lib.2.c.7.

propè finem.

**Q**UOD hic disjunctim scribitur de Carunculis parvis, aut veluti capillis, cum urina crassa excretis, Celsus junctim vertit, inquiens: *Si urina crassa carunculas quasdam exiguas, quasi capillos habet, utique in Renibus vitium est.* Sed & idem Hippocrates lib. de Natura humana, unde hic Aphorismus videtur desumptus, in hanc eandem sententiam concedit, dum inquit: *Quibuscumque in urina, crassa existente, caruncula parvæ capilliformes simul prodeunt, eas à Renibus prodire nosse oportet, & ab Arthriticis.* Hinc P. Martianus pluribus contendit legendum esse hunc Aphorismum absque particula, *aut*; immò quo pacto scriptus invenitur cap. lib. de Natura humana.

Sed quamvis ità verisimiliter liceat ex mente Hippocratis opinari, non tamen falsa erit, ut hic traditur, ejusdem sententia. Quin immò Galenus in comm. omninò existimat alterum de carunculis, alterum de capillis sermonem hic factum, nam nullo modo, inquit, carunculas parvas assimilari posse capillis, ut propterea cum dictione, *aut* Aphorismum legendum velit. Expertum enim aliquando est, ab erosis, ulceratisque Renibus, carunculas, seu frustilla carnium durissima cum urina prodire. Et quamvis è sphinctere Vescicæ musculo similes substantiæ excerni possint, cum tamen dolor,

febris, aliaque affecti Renis indicia concurrunt, non est cur Vescicæ musculum erosum existimemus, qui nec alioqui tam duræ substantiæ est, nec, si semel ulceretur, urinæ exitum poterit impedire, aut aliquantulum remorari, vel saltem sine ingenti dolore esse.

Mictum autem pilorum, aut capillorum, græcè *Trichiasin*, quamvis rarum, nonnulli conspexere, eosque referunt, nedum molles, flexibilesque, sed duros, rigidosque interdum etiam fuisse, ut setas porcinas æmularentur. Unde verò illi procedant, non satis benè à Veteribus est explicatum. Galenus enim in hoc comm. illos gigni ait ex humori crassiori in Renibus quodammodo usto, ideòque quemdam memorat talia corpora tam longa minxisse, ut incredibilis longitudinis viderentur, qui tamen toto ferè anno in usu cibario habuerat legumina, & fabas fractas, & sæpissimè caseum tene- rum, ac ficcum. At verò lib.6. de loc. aff. c. 3. eosdem in venis generari probabilius putat. Verum, cum ea, quæ ad Renes feruntur, non per venas, sed per arterias, lege Circulationis, deducantur, propterea verisimilius videtur in ipsismet Renibus crassos istos, consistentesque succos in capillamenta commutari; formam autem, & longitudinem, capillorum ad instar, sortiri, non quidem in Renum pelvi, sed in eorumdem tubulis, & fibrillis urinariis, per quas serum transcolatur, quippe alveoli isti quàm apte, præ nimia exilitate, congruunt producendis ejuscemodi filamentis, cum nimirum per ipsos protruduntur viscosi, concrecentesque succi, fortasse ab acido indurati. Quoniam verò in Renum alveolis contingit viscosos istiusmodi succos inspissari, & formam, figuramque

V. Hil-  
dan. C.5.  
obs.50.&  
51.VideFu-  
ch. in  
annot.V. Char.  
Malpi-  
ghi lib.  
de Re-  
nib.



ramque capillorum induere, meritò proinde Hippocrates in hoc Aphorismo dixit, illos à Renibus excerni: nullibi enim, quàm in eorundem exilibus tubulis, talem, ac tantam spissitudinem, longitudinemq; capillarem possent adipisci, præsertim quia ibidem consimiles succos, cum in pelvim extillaverint, lapideam conditionem sortiri passim experimur. Plerumque autem viscosi isti succi à tenaciori lymphâ, vel à portione sanguinis glutinosa progignuntur, cum utraque extra suos ductus effusa facillimè concrelescere soleat. Atque hinc idem Hippocrates *c. lib. de Natura humana*, nedùm à Renibus, sed ab Arthriticis capilliformes carunculas prodire fassus est; quandoquidem Arthriticis à lymphâ vitiata afficiuntur, & circa artus plurima vasa lymphatica perreptare ex Anatome observantur.

Neque verò temerè adjectum credere est, ista cum urina crassa excerni oportere; etenim, si cum tenui egererentur, verendū valdè foret, ne ab aliis partibus, quàm à Renibus prodirent, nam cum tenues, & percolatæ minguntur urinæ, tubuli illi, & fibrillæ urinariæ obstructæ sunt, adeoque transitum carunculis, & capillamentis non concedunt. Crassæ igitur esse debent, ut patentes Renum tubulos designent, & nullum invenis, ac arteriis vitium consequantur, cum absque febre ista plerumque prodeant, adeoque urina inculcata existente, quemadmodum in statu naturali excerni consueverat, moderatè crassa. Conferet ea propter in id mirificè, præter alia, usus chalybis, quo acritudo feri urinarii in Renum erosione, & concretorum acidorum succorum malitia in capillamentis retundatur.

## APHORISMUS LXXVII.

*Quibus cum urina crassa furfurea quædam simul exeunt, iis Vesica scabie laborat.*

**N**E hæc quoque excretorum in <sup>Idem lib. de Natur. human.</sup> urinis vitia ad sanguinem, & vasa sanguifera referrentur, cum urina crassa, non tenui, nec aquosa, excernenda inquit. Si enim cum hac efferrentur, degenerati sanguinis, succique alibilis, exardenti, prævaque febre, indicia forent, ut etiam admonet *in comm.* Galenus. Sic ergo Aphorismum hunc Hippocrates voluit intelligendum, ut ubi absque febre reliqua omnia benè se habeant, si urina moderatè crassa furfurea proferat, Vesicam scabie laborantem denunciet. Accidit autem Vesicæ scabies pari modo, ac externæ cuti pruritus, ab acritate ejus liquoris, qui in nutrimentum ejusdem cedere deberet, atque ex mistura salium cum urina densatur in furfures, & ima petens furfureum sedimentum exhibet, eo quòd referat exteriorèm tritici corticem, non benè molitum. Ejus autem speciatim meminit Hippocrates 5. *epidem. in histor. Filii Theophrasti*, qui id potissimum ex Vesicæ scabie patiebatur, ut dum mingere inciperet, ac desineret, pudendum confricaret, ex pruritu nimirum ingenti ejus partis, ad Vesicam pertinentis. Solet etiam sæpissimè scabies ista in vulcuscula commigrare, & saniem proferre, ut dicitur *Aphorif. 81. huius*, ut propterea quibusdam occasio fuerit, utramque Vesicæ affectionem confundere, non quòd revera



vera eadem sit, sed quòd altera in alteram facillimè commutetur, præfertim cum ea, quæ urinis commiscantur, acria, & erodentia sunt, ut infra.

### APHORISMUS LXXVIII.

*Quicumque spontè sanguinem mingunt, iis a Renibus venula rupta significatur.*

**P**RO eo, quòd Leonicens legat *sponte*, visum est aliis *repentè* substituere, quasi verò satis non sit sanguinem è Renibus absque ulla causa manifesta prodire, nisi etiam *repentè* exeat. At Hippocrates usus est ἀπὸ ταυτοματίας, quæ dictio utrumque significat. Et quidem nullam causam evidentem ex iis præcessisse necesse est, quæ valeant venas adaperire, vel dilacerare; sed & opus prætereà est, ut *repentè* mictus sanguinis suboriat, ne fortassè sensim erumpens, & guttatim, à Vesica erosa emanare credatur, quæ cum non multò sanguine sca-teat, profectò multum sanguinem effundere non potest. Ab ejusdem verò musculo janitore, si fortassè ulceretur, manabit quidem sanguis, sed ab urina sejunctus, ut propterea fieri non possit, quin *repentè*, & sine causa manifesta sincerus prodiens sanguis cum urina, à Renum venulis adaperitis, vel erosis non proficiscatur.

An autem à Venis propriè, an potius ab Arteriis is prodeat, jure dubitari potest: etenim post detectam sanguinis circulationem, cunctis notum, sanguinem in partes per arterias ire, redire verò per venas, quæ cum suis interficiantur valvulis, nil profectò poterunt effundere, quod semel in

suis conceptaculis fuerit exceptum. Verum cum nomine venarum, tam venas propriè dictas, quàm arterias consueverit Hippocrates indiscriminatim sumere, non erit hic, ut diutiùs mentem ejusdem exagitemus, dummodò constet de parte, quam ille potissimum hic considerandam voluit, affectam, cui sit remediis succurrendum.

At à quibus causis sanguifera Renum vasa interiùs dirumpantur, tacuit Hippocrates, quippè illæ innumeræ esse possunt. Attamen hic commodè ad tres generaliores revocabimus: ad ea scilicet, quæ ipsius sanguinis sunt, ad vasa illorum continentia, & ad ea, quæ per Renes transeunt, vel è Renum tubulis transcolantur. Quæ in sanguine sunt, & cum eo continuo commiscantur, serum, lympa, chylus, si acritatem, aut muraticam conditionem, præsertim à visceribus hypochondriorum, nascantur, planè poterunt exilia Renum vasa, ut ejusdem generis alia, cum illuc appulerint, erodere, aut relaxare, undè is spontè deindè exeat. Sic aliquos novi diutiùs sanguinis mictu, ab ejusmodi causa, detentos, qui à corrigentibus è re medicamentis postmodum convalere. Vasa ipsa sanguifera per Renum substantiam perreptantia si fortassè præter exilitatem, naturalem quodammodò constitutionem sortiantur, debilem, laxam, tenuem, vel etiam procedente tempore flaccescant, & extenuentur, facile poterunt habenas quoque dare sanguini præterfluenti. Quæ denique per Renes, Renumque tubulos transeunt, serum urinarium, & cum eo diversi generis humores, salia, multa-

Emulgentes arteria si frangantur, aut aperiantur, ubi serum sanguinis exoneraverint, patient Ascitem: quò respexisse videtur Helmontius, qui ex labefactis renibus laticem à sanguine non repurgantibus, hydropè oriri dixit.

taque



taque è superioribus viscribus in eas partes deposita recrementa, pus, sanies, ichor, viscosi, acidi, crescentesque succi, undè postmodum, arenulæ, calculi, sabulones, idque genus alia, quàm facillimè poterunt erodendo, lacerando, distendendo, gravando, aut aliter afficiendo, sanguinis exitum repente provocare. Sed & quædam casu deglutita, dura, aspera, acuta, angulosa, cùm Renum alveolos subirent, mictum sanguinis non rarò excitarunt; ut fileam nunc ea, quæ veneni naturam referunt, & idipsum afferre solent, ut de cantharidibus memoratur, Vesicæ speciatim infensis, cùm ex his sanguis nec spontè, nec citrà causam manifestam egeratur. Quod verò de mutilatis fertur per certa intervalla consuetis sanguinem mingere, vel per alios ductus evacuare, nil penitus evincit, quin etiam sanguis cum urina prodiens, venulam, aut arteriolam ab impetu sanguinis diruptam, significet.

Ad sistendum autem ejusmodi sanguinis mictum, variè procedendum erit, pro causarum illud excitantium varietate, de quibus planè, præter ea, quæ hic breviter sunt memorata, fusè à nobis actum est in parte Medicinæ Practicæ; Verumtamen specialiora hic in usum ducenda erunt, quæ glutinandis vasis, & sanguini corrigendo, videntur magis accommodata, cujusmodi præsertim sunt ex Vitriolo, & Marte parata.

## APHORISMUS LXXIX.

*In quorum urinis arenosa subsistunt, iis vesica laborat calculo.*

Cunctis Expositoribus magnarum difficultatum præsens hic Aphorismus, quippè qui adversantem habeat Experientiam, qua plurimos constitit toto ferè vitæ spatio arenulas minxisse, citrà ullam calculi Vesicæ suspicionem. Hinc autem factum, ut nonnulli Interpretes, Vesicæ vitio Renes quoque adjunxerint, quasi verò Hippocrates brevitatis gratia illos omiserit, qui tamen cum Vesica compatibles, forent hic omninò cumulandi, ut vel hæc, vel illi, ex arenoso sedimento laborare intelligerentur. Sed nec defuere, qui in alia divagati, ne verbum quidem fecerint de sensu istius Aphorismi, exterriti fortassè, quomodò possent illum in rationabilem sententiam accommodare. Eum alii Hippocratis nomine indignum existimarunt, adeoque esse expungendum à serie reliquorum Aphorismorum. At melius Musa sagaci planè solertia invertendum illud voluit, ut potius ex Vesicæ calculo arenosa in urinis subsistere deducerentur. Sed tamen nec mutata sententiæ phrasi, nec ordine verborum inverso, adhuc in commodum sensum illum revocabimus, si urina arenosa contineat, crassa, mucosa, neque semel, sed assiduò ejecta, & quocumque diei tempore. Equidem comparent sæpenumerò arenulæ in quorundam urinis, citrà calculi suspicionem, sed illæ subsident omninò, ab his cæteroqui benè coloratis separatae, atque matutino solum tempore excretae, vel certis solum-

modò

V. Gal. & Fuch.

V. Prosp. Mart.

Brasavol. hic.

V. quæ Heurn. ex Cælio Aurel. & Archigene hic refert.



modò diebus ; at verò quæ ex calculo Vesicæ proveniunt, perpetuæ sunt, immò cum multo, crassoque sabulo commistæ, & quacumque ferè mictione, urina interim lixivium æmulante. Atque hinc Hippocrates *in urinis*, dixit, *arenosa*, seu potius sabulosa, non verò simpliciter arenulæ, *subsistunt*, idest crassæ, & compactæ resident ; ut scilicet prædictas conditiones breviter simul complecteretur.

Est prætereà quod adiiciam, noluisse Hippocratem ad præsens tempus tantummodò hanc sententiam aphoristicam coarctare, sed illam extendere quoque putavit ad futurum, ut sensus esset, eos, quibus urinæ cum arenoso sedimento contingunt, vel jam tum laborare, vel in posterum Vesicæ calculo laboraturos ; etenim ejusmodi sabulones in urinis indicio sunt multam crassorum, mucosorumque excrementorum in Vesicæ cavo congeriem coadunari, ut exindè calculus jam sit compactus, vel facilè deinceps sit compingendus. Porro aliàs est à nobis demonstratum, lapides ex hisce recrementis viscosis simul, & salino-acidis exoriri, atque pluribus veluti lamellis paulatim incrustari, & incrementum accrescere. At verò ex hoc edocemur, non solum quid nobis sit coniiciendum ex ejusmodi arenoso sedimento, sed quibus præsidiis occurrere possimus calculo imminenti, potissimum de eorum genere, quæ tantam saburram corrigere, & educere, alioque avertere valeant, meliori victus ratione servata, ut alibi fusiùs est à nobis memoratum.

V. 4. de morbis, & lib. 6. de Aer. & loc.

## APHORISMUS LXXX.

*Si sanguinem mingant. & grumos, & stillicidium urinæ habeant, & dolor in anum incidat ventrem, & pectinem, & interfœmineum, ad Vesicam labor est.*

**L**aborantis Vesicæ, & partium adjacentium indicia specialius tradit in hoc Aphorismo Hippocrates, desumpta ex situ, ex excretis præter naturam, operationibus læsis, ac dolore, ut propterea illa junctim, non separatim, sint sumenda, si non eodem simul temporis momento, saltem eadem morbi duratione, cum fieri possit, ut ex his modò unum, modò aliud magis in singulos dies vigeat. Fiunt autem grumi, quoties sanguis è suis vasis exiliens in Vesicæ cavo colligitur, ibique nedùm propter glutinosam substantiam, sed etiam à sale urinario in ejusmodi affectibus acidiori reddito, facilè concrescit, & coagulatur. Eadem de causa urinæ stillicidium accidit, & dolor, potissimum ex acritate ingenti ejusdem musculi janitorem, & Vesicæ collum vellicante; cumque hæc ad pubem sita sit, & fundo interfœmineum occupet, seu perinæum, spatium scilicet illud, quod anum, & scrotum interjacet, idcirco utrumque locum dolor infestat, immò ab his, qui Vesicæ calculo laborant, gravior semper noxa percipitur in perinæo, ut nec equitare, nec sedere; citrà gravem ejus partis dolorem, valeant. Ab his ergo inquit ad Vesicam esse laborem: si autem is revera lapis sit, si topus, si tumor, aut concreti, compactique sabuli congestus, crassus, mucosusque succus, aliudve simile, non expressit,

for-



fortè quia hæc omnia, modò acorem referant, & compungant, id ipsum possint excitare, neque solum in ipsa Vesica, sed etiam in circumfritis partibus, ut experimentis pluries constat.

## APHORISMUS LXXXI.

*Si sanguinem, & pus mingat, & squamulas, & gravis odor adsit, vesicæ exulcerationem significat.*

**E**T si sanguinis, & puris mictio non semper ulceratæ Vesicæ indicium sit, cum etiam è Renibus egeri possit, ut dictum Aph. 75. attamen si prætereà pus malè olens cum squamulis mingatur, non nisi à Vesica prodibit. Malus enim odor; quamvis pus, undecumque processerit, consequatur, nihilominus cum è Renibus, aliisque superioribus partibus emanat, magna ex parte in longo itinere remittitur; at verò proximè derivans ex Vesica longe gravius foetet, præsertim ex urinæ mixtura. Squamulae verò id ipsum fortiùs attestantur, cum exsæ Vesicæ certiora indicia sint. Hinc ista junctim sumenda, ut omnis dubietas adimatur, aliarum, quàm Vesicæ, partium affectarum. Meminit autem primò sanguinis Hippocrates, deinde puris, tum squamularum, & denique pravi odoris, servato nimirum ordine, quo ista prodire solent ex illius ulcere; siquidem seriatim accidere necesse est, quamvis unum absque altero satis non sit ad ostendendam Vesicæ exulcerationem. Quare non nisi ex diuturniori tempore hæc omnia evenire credendum est, cum verisimile non sit statim ipsa prodire, vel modico post tempore sibi invi-

cem succedere: non immeritò proinde usus est Hippocrates verbo, *minxerit sanguinem*, & pus, quo nimirum designaret multò antea urinam sic intinctam, & foedatam prodiisse; mox verò adjecit, *gravis odor adsit cum squamulis*, qui ex præcedentibus excretionibus consequatur, & perseveret. Verumtamen & plus, & minus, & gravius, & levius, ac inoffensius isthæc Vesicæ accidere possunt, pro varia ejusdem exulceratione, majori, vel minori, magis, minusque foeda.

## APHORISMUS LXXXII.

*Quibus in urinaria fistula tubercula nascuntur: iis suppuratione facta, & eruptione, solutio advenit.*

**M**ICTIONIS mala nedum à partibus supra Vesicam positis, verum etiam infra ipsam, atq; ab illius meatu provenire possunt, potissimum cum urinæ exitus impeditur à re quapiam ibidem hærente. Hic autem non ea, quæ simul cum urina loco moveri, & egeri possunt, sed quæ infixæ, & stabilia sunt, considerans Hippocrates, meminit speciatim tuberculi, quod plerumque in ipsa urinaria fistula innascitur, & mictui impedimento est, ad eoque Stranguriam, vel Ischuriam parit.

Quoniam verò tuberculorum meminit, quæ ad suppurationem perducipossint, videtur propterea ejus dumtaxat generis illa cõprehendere quæ ex sanguine, & carne excrecente proficiuntur: multa enim in meatu urinario præter naturam gigni solent, quæ recenter admodum, immò sepe numero difficillimè suppurationi subiiciuntur; quin & ex lue venerea sunt,



sunt, qui carunculas iis in partibus patiuntur tam difficulter sanabiles, ut plerique ad extremum usque senium, maximo cum dolore, & mendi difficultate immedicabiliter deducantur. At verò de iis solum videtur locutus Hippocrates, quæ tubercula sunt nil quidpiam pravitatis, ac virulentæ conditionis participantia, sed ex simplici affluxu, aut congestione benignioris humoris progignuntur. Nisi etiam dicere velimus, non omninò, sed sub conditione solum, si maturuerint, tubercula hæc suppurabilia voluisse illum adnotare. Et quamvis in meatu urinario progenita memorare visus sit, verisimilius tamen ad Vesicæ colum, & ubi Sphincter musculus jacet, istiusmodi tubercula nasci putandum est: scribitur enim in Coacis prænotationibus: *Quibus tuberculum est circa Vesicam, quod mingendi difficultatem facit.* Ubi de Vesicæ ductu, ejusque orificio, sermo est. Et sanè Sphincter musculus cum excoriatur facillimè excrecentem carnem, & tuberculum contrahit.

Si ergo contingat istud suppurari, planè erumpente pure, deterlaque parte tumefacta, & suppurata, fieri necesse est, ut solvatur morbus, qui ex enato tuberculo ægotantem divexaverat; id enim est suppurationis beneficium in tumoribus, ut quod mole excesserat, & dolorem inferebat, adimatur, indeque symptomata consequentia desinant, cujusmodi esset Stranguria, vel Ischuria, in casu istius Aphorismi. In hunc eundem sensum conferendus est Aphorismus *LVII. libri septimi*, ubi in consimilem sententiam scribitur, ex tuberculorum suppuratione, atque eruptione, dolorem ex tumore inductum desinere. Dixit autem Hippocrates fieri solutionem dum-

taxat morbi præcedentis: an autem alteriùs ex suppuratione consequentis mentionem factam significare voluerit, valdè ambigo, nam plerumque suppurationes istiusmodi partium perpetuò excrementis mandentium difficillimè curantur, nec tam promptè ad consolidationem perducuntur: quæ ratione desinere solet Pleuritis per suppurationem, superveniente tamen Empyemate. Hujus autem rationem nullam habendam censuit Hippocrates in Aphorismo, in quo solum, undè urina suppressa posset, & non aliarum partium superiorum, aut ipsiusmet Vesicæ affectus, edocere constituit, siquidem urinarum vitia, atque mendi difficultates, & impedimenta proficisci possunt, affecta nedùm Vesica, verumetiam partibus tum supra, tum infrà ipsam sitis: id quod in his Aphorismis monitum voluit.

#### APHORISMUS LXXXIII.

*Mictio noctu plurima contingens, paucam significat defectionem.*

**Q**Uàm inter sese conveniant alvi solutio, & urinæ excretio, advertit in hoc Aphorismo Hippocrates, ut propterea unius evacuationis copia, alteriùs parvitatem designet, quod nedùm experimentis, & usu quotidiano, comprobatum passim testantur Authores, verumetiam manifestissimè constat Anatome. At verò quamvis una alteram minuere possit, non tamen indè universaliter deducere licet, perpetuò verum esse, alterutram fieri copiosiore, cum non rarò contingat utramque suppressam, vel saltem magna ex parte diminui, præsertim in febrientibus, in Colico-nephriticis, Asciticis, aliisque. Solet etiam non rarò sudor, cum



cùm ubertim effluit, utramque egestionem parcam admodum reddere, absumptis nimirum humoribus percutim, qui fortè in vias urinæ, vel in alvum decubuissent. Itaque non videtur omninò verum, ut mictio noctu plurima facta modicam significet dejectionem.

Verumtamen credere licet voluisse hìc dumtaxat Hippocratem, istiusmodi evacuationes inter sese comparare, cùm velex criticis egestionibus partium infernarum futura morbi solutio speratur; vel cùm, absque ulla alia causa, alterutra illarum diminuitur, quæ præcedenti tempore spontè, convenienterque fluebant: vel cùm in affectibus Renum, aut Vesicæ sine ulla ope medica, aut medicamenti diuretici beneficio, urina multiplicatur, & abundantior mingitur: fore enim, ut tum si illa affluentius profiliat, deficiat alvi exoneratio, ideòq; nullus sit admirationi locus, quamobrem urina sine evidenti causa copiosior habeatur. Equidem adhuc benè degentibus id sæpissimè contingit, ut quàm ex assumpto cibo, potuq; operiuntur evacuationem, illa, altera congenere supplente, deficiat; atqui hyeme potissimum abundantius mingere solemus, alvo interea restrictiori, ut & ex suppresso Sudore sæpissimè quoque evenit.

Adjecit, nec abs re, *noctu*: quando quidem ex ambiente aere crassiori, pori cutis constipantur, & quicquid exindè perspirare interdum consuevit, quodammodò retardatur, aut detinetur, indeq; fertur in vias urinæ, quæ propterea copiosior redditur: qua etiam ratione fit, ut serosi humores per noctem corpus aggravent, & glandulas præsertim oppleant, undè vulgò perhibeatur, per idem tempus catarrhos promoveri.

Sed præterea, cùm alimenti coctiones noctu, & quiete, melius peragantur, distributiones verò, secretionisque citius interdum; fit proindè, ut ubi serosæ illius partes, motu, ac vigilia, per diem promptè admodum è vasis chyliferis, aut saccolacteo, per compendiosiores ductus, in Renes, & Vesicam feruntur; noctu diutius detentæ, adeoque cum chylo commiste, possint per vasa thoracica in Cor meare, indeque cum sanguine in arterias emulgentes saltem iteratò deduci, & mox per fibrillas, & glandulas urinarias in Renum pelvim, atque deindè in Ureteres, & Vesicam, transcolari. Unde si major pars humoris à cibo, potuque, elicitæ, adhuc noctu feratur in Renes, procul dubio fæces in Intestinis relictæ, exuccæ admodum, nimiumque compactæ, & obduratæ remanebunt; quamobrem dejectio, & alvi exoneratio, vel nulla, vel modica, & tarda erit, eoque magis, si peculiaris urgeat causa, ob quam serosæ alimenti portiones memoratum circuitum, haudquaquam perficiant, sed etiam recta in vias urinarias deducantur. Non immeritò igitur inquit: *Noctu*: Equidem, si per id tempus, quo urina diutius detineri solet, crebrius adhuc, & affluentius egeratur, planè ex copiosiori ejusdem egestionem, fæcum evacuatio nedum parciore fiet, sed etiam in longius tempus prorogabitur.

Quoniam verò indefinitè inquit Hippocrates, plurimam mictionem noctu habitam paucam significare dejectionem; ista sanè poterit urinam subsequi, vel præcedere copiosiore. Etenim cùm causa mictionis uberius, ex sero, aut sanguinis, aut cibi, & potus assumpti, in Renes corrivante, proveniat, undè

fæces



fæces exhaustæ, & nimium constipatæ remaneant; profectò non minus mictio copiosa futuram mox alvi dejectionem modicam significabit, quàm hanc eandem nimis adhuc parcam præcessisse: modò cætera, quæ cum his concurrere possunt, paria sint, nilque aliundè intermisceatur, quod istiusmodi permutationem, vicissitudinemque perturbet: cùm id, quæ sponte Naturæ fiunt, potissimum consequi soleat.

Hinc postremò admonemur, utramque evacuationem fortassè

immodicam, posse alterutrius beneficio, prout necessitas exposulaverit, diminui, aut sedari, promota nimirum, usu medicamentorum, irruentis humoris derivatione, aut in Intestina, si urina affluentior mingatur, aut in Renes, si fortè alvus lubricior sit, quemadmodum peritiores Practici in harum partium affectionibus agere consueverunt, & quidem cum ægotantium emolumento: quamvis fluxuros potius, quam fluxos humores avertere, tutius semper, faciliusque sit.

## F I N I S.



# I N D E X

## R E R U M N O T A B I L I U M

### Tertiæ Partis.

#### A

**A** Bortus qua tempestate faciliùs  
accidant. 31.32  
Abortus quomodò præcaveri  
possit. 34  
Abortus cathartici promovetur. 84  
Abscessus quid, & quo fiant modo. 134  
Abscessus undè, & cur ægrotantibus fa-  
miliares. 133  
Abscessus quænam in parte frequentius  
fiant. 133  
Abscessus futuri signa. 133.134  
Abscessus an possint citò solvi, & evane-  
scere. 157  
Abscessus futurus febricitanti, urinarum  
multitudine divertitur. 181. item hæ-  
morrhagia narium. 182  
Abscessus quomodò diverti possit. 182  
Abscessu nisi febres solvantur, in longum  
producuntur. 157  
Abscessuum internorum curatio. 134  
Accessiones. v. Paroxyfmi.  
Acor amarore corrigitur. 181  
Acron quomodò Siciliam à Peste præfer-  
vaverit. 17  
Acuti morbi desinunt plerumq; in Chro-  
nicos. 76  
Acuti morbi an purgationem indicent ex  
Argenterio. 99  
Acutæ febres numquam sine internis in-  
flammationibus. 173  
in Acutis febribus convulsiones, malum.  
173.174. an semper. 173  
Adolescentes Vere optimè degunt. 45  
Adolescentiæ morbi an ab Hippocrate  
prætermissi. 77  
Adolescentulorum morbi. 69.& seq.  
Ægyptiis an Ver saluberrimum. 25  
Æquinoctia vitanda in purgationibus. 93  
Æquinoctium utrumque periculosissi-  
mum. 6. quando nobis accidat. 7  
Aer cum sanguine commiscetur in Pul-  
monibus. 63  
Aer morborum causa potissima ex Hippo-  
crate. 5  
Aer quibus anni tēporibus immutetur. 7.8  
Aer, principium alimenti, Hippocrati  
dicitur. 9  
Aer causa indifferens à Medicis vocatus. 9

*Tozzi Op. Med. Tomo III.*

Aer à ventis alterari potest. 9  
Aer depravatus quomodò corrigatur. 9  
Aer humidior transpirationem intertur-  
bat. 16  
Aer sua natura nec calidus, nec frigidus,  
sed fluidus. 40  
Aer canicularibus diebus vaporibus dif-  
fertior, & quare. 94  
Aer caliginosus æstuosior, & quomodò. 94  
Aeris vis in perturbanda, & tuenda huma-  
ni corporis œconomia. 5  
Aeris repentinæ vicissitudines nocuæ. 7  
Aeris vis quæcumque corpora alterandi,  
& corrumpendi. 8  
Aeris elater. ibid.  
Aeris mutationes canicularibus diebus,  
qua de causa periculosa. 94  
Æstas si sit Veri similis, sudores in febribus  
contingunt. 18. & quare. 18  
Æstas si sit Veri similis ægri ad sudorem  
disponendi. 18  
Æstas Aquilonia, & Autumnus Australis,  
quæ mala portendant. 34  
Æstate corpora debilia cur meliùs degant.  
10  
Æstate, quæ ætates meliùs se habeant. 45  
Æstate Vernales morbi nonnulli contin-  
gunt. 55  
Æstate qui accidant morbi. 55.&c.  
Æstate medicari per superiora, & quare.  
88.97  
Æstate cur os amarescat. 89  
Æstate cur humores ventriculum occu-  
pent. 90  
Æstatem Austrinam, qui morbi insequan-  
tur. 38  
Æstatis principium Veris naturam sapit.  
46  
Æstivi morbi quomodo curentur. 58  
Æstivi morbi plerumque à Ventriculo. 89  
Æstus magnus imbres insequens undè. 28  
Æstus internarum partium, si cum frigore  
externarum copuletur, lethalis. 154  
Ætates ad quædam tempora, loca, &c.  
benè, vel malè se habent. 12  
Ætates singulæ quibus anni temporibus  
benè se habeant, vel contra. 45  
Ætatum morbi. 64.& seq.  
Ætatum mutationes plerumque morbos  
judicant. 76

N

Albara



# I N D E X

- Albara nigra quid. 53  
 Alvi dejectiones in pluviarum multitudi-  
 ne. 41.44  
 Alvi constipatio in Aquilonia tēpestate. 43  
 Alvi fluxus immodicus medicamētis diu-  
 reticis sedari potest, & contra. 192  
 Alvi profluvia Æstate. 56.v. Diarrhœa.  
 Alvi fluxus dentitionis tempore undè. 67  
 Alvi lubricitas largiorem ciborum usum  
 consequi solet. 128  
 Alvi solutio, & urinæ excretio, quàm in-  
 ter sese convenient. 190  
 Alvus duras habentibus molestius dentes  
 erumpunt. 67  
 Alvus humida febricitantibus accidit,  
 dum reficiuntur à Sanguinis profluvio,  
 & quare. 127  
 Alvus turbata surditatem in febribus sol-  
 vit. 165  
 Alvus laxa Hypochondriorum murmur  
 solvere potest. 180  
 Amarore acor retunditur. 181  
 Amblyopia quid. 82. ejus causæ. ibid. & 83  
 Anasarca quid. 60  
 Angina pueris lethalis Neapoli, anno 1618  
 48.73. & 137.  
 Angina cur Autumno. 61  
 Angina an purgationem indicet. 111  
 Anginæ ex pluvia tempestate. 42  
 Animales operationes quæcūq; si vitalium  
 vitio lædantur, periculosum. 155  
 Animalium operationum læsio in conti-  
 nuis febribus quanti momenti. 155  
 Anni temporum mutationes morbos  
 pariunt. 6  
 Anni quaternaria divisio non omnibus  
 congruit. 7  
 Anni tempora si constantia sint, constantes  
 fiunt morbi, & contra. 20  
 Anni tempora legitima, & constantia,  
 quæ. 21  
 Anni tempora quomodo varientur. ibid.  
 Anni 1690. constitutio hic Neapoli. 22  
 Anni temporum constitutionem variam  
 quæ morborum genera insequantur.  
 27. & c.  
 Anni tempora quæ singulis ætatibus con-  
 veniant. 45  
 Anni temporum singulorū morbi. 49. & seq  
 Annum Veteres in septem tempora divi-  
 sere. 7  
 Anseres cur clamosiùs oblitrepant immi-  
 nente pluvia. 28  
 Anticanis quid ex Galenò. 92  
 Aphthæ Pueris undè. 64  
 Apoplexia Hyeme quare. 28  
 Apoplexia cur Senibus contingat. 81  
 Apoplexiæ quomodo ex imbriū copia. 41  
 Apyrexia quid. 170  
 Aqua intercus quomodo colligatur. 60.  
 v. Hydrops.  
 Aqua nostra ex albo albi quid. 169  
 Aquæ gelidæ potus purgationem promo-  
 vet. 119  
 Aquilonarium Ventorum vis. 13. quos  
 morbos pariant. 18  
 Aquiloniæ constitutionis commoda, &  
 incommoda. 42  
 Arati phænomena Cicero in latinum  
 transtulit. 92  
 Arcturi occasus in purgationibus vitan-  
 dus. 93  
 Ardentes febres an à putrescente bile. 58  
 Ardentes febres Viris, undè. 79  
 Ardentes febres ex Erysipelate interno ex  
 Actio. 154  
 Ardentes febres rigore superveniente,  
 solvuntur. 163  
 Ardentes febres nothæ, & exquisitæ. ibid.  
 Ardentis febris signa pathognomonica.  
 154. & 159  
 in Ardentibus febribus siccæ Tussis sitim  
 mitigant. 159  
 Arenæ in urinis subsidentes an Vesicæ  
 calculum designent. 187. an futurum. 188  
 Argenterius Galenum impugnat. 132  
 Arteriæ sub Venarum nomine compre-  
 henduntur ab Hippocrate. 186  
 Arthritidis causa, lymphæ. 185  
 Articulorum dolores Vere, undè. 54  
 Articulorum dolores Senibus. 81  
 Articulorum dolores fiunt ex longis fe-  
 bribus. 150. si pleniori cibo æger uta-  
 tur. 150  
 Ascites quid. 60. 102  
 Asthma qua de re Autumno observetur. 61  
 Asthma Pueris quam ob rem. 69  
 Asthma Virorum morbus. 79  
 Asthma Senibus familiare. 80  
 Asthma non semper affectis Pulmonibus  
 ex Platone. 80  
 Astronomia maximam partem confert ad  
 rem medicam ex Hippocrate. 6  
 Astronomia Medico summè utilis. 91  
 Atra Bilis. v. Bilis atra.  
 Auditus gravis Senibus, undè. 83  
 Aurium cum intestinis consensus, undè.  
 129  
 Aurium humiditates Puerulis. 65  
 Aurium dolores quomodo Æstate, &  
 quibus accidant de causis. 57  
 Australium ventorum efficacia. 13. & quo-  
 modo Aerem conturbet. 15  
 Austri corpori officiunt, & quare. 16  
 Austrinæ constitutionis incommoda. 42  
 Autumnus cur morbos pariat. 13



# RERUM NOTABILIMUM.

Autumnus Tabidis malus. 25. & quare. 26  
 Autumnus Australis si Aquiloniam Æstatem insequatur, quæ mala accidunt. 34  
 Autumnus Aquilonaris quibus proſit, quibus obſit. 37  
 Autumnus Senibus periculofus. 46  
 Autumnus tempus quale. 23  
 Autumnus cur procellæ, & tonitrua. 15  
 Autumnus quæ ætas melius ſe habeat. 45  
 Autumnus Æſtivi plurimi morbi accidunt. 58  
 Autumnus morbi acutiſſimi, & lethales ex Hippocrate. 22. & quare. 23  
 Autumnales morbi incoſtantes. 12  
 Autumnales morbi an lethales ob atram bilem, an ob eſum fructuum, &c. 25  
 Autumnales morbi quinam. 58  
 Autumnales morbi quomodo præcaveantur. 62

## B

**B**ilis putreſcens an februm cauſa. 55  
 Bilis nutritia an ulla ſit in humano corpore. 121  
 Bilis omnium februm cauſa ex Hippocrate. 56. 170  
 Bilis degeneris effectus. 121  
 Bilis in febribus depravatur. 128  
 Bilis atra in morbi principio exiens lethalis. 120  
 Bilis atra quid, ejuſque qualitates, & generationis modus. 121  
 Bilis atra dyſenteriam lethalem parit. 124  
 Bilioſæ dejectiones ſurditate ſanantur, & contra. 128. &c.  
 Bilioſi qui dicantur. 98  
 Borealiū ventorum vis. 13. quomodo Aerem ſerenum faciant. 15  
 Breſtometrum, ſeu instrumentum ad Aeris humiditatem menſurandam nuperrimè excogitatum. 16  
 Bubones quid. 16  
 Bubones Venerei, & peſtilentes. 161. quomodo eorumdem malis occurrendum. ibid.

## C

**C**achexia Senibus qua de cauſa. 81. quomodo curetur. 83  
 Calculi veſicæ Pueris accidunt. 69  
 Calculi veſicæ quomodo fiant, quove præcaveantur modo. 188  
 Calculi veſicæ ſignum an ſit arenarum excretio. 187  
 Calor qua parte corporis percipitur, ibi morbum eſſe ſignificat. 143. ſi permanēs, & non à cauſa externa fuerit. 143

Calor non ſine aliquo ſenſu doloris. 144  
 Caloris ſenſus quomodo fiat. 140  
 Caloris, & frigoris eadem die viciffitudines morbos Autumnales præſignificant. 12  
 Caninorum dentium eruptio ſummas parit moleſtias. 68  
 Caniculares dies. 7  
 Canicularibus diebus an omninò cavendæ purgationes. 95  
 Canicularium dierum numerus ex Argollo, Magino, Keplero, Hippocrate. 93  
 Canicularium dierum æſtus, undè. 93. item cur eodem tempore manè frigus experiamur. 94  
 Canicula iis, qui illam habent in vertice, frigus parit. 93  
 Caniculæ nomen cuinam Cani tribuendum. 91  
 Caniculæ an ulla inſit erga nos vis. 93. 94  
 Caniculæ amplitudo ortiva. 94  
 Canis in firmamento duplex. 91  
 Canis utriuſque varius, pro temporum, & locorum varietate, exortus. 92. 93  
 ſub Cane, & ante Canem difficiles ſunt purgationes. 91. quodnam ſit hoc tempus. 91  
 ſub Cane, an oppoſitum tempus ortus Canis designet. 94  
 Cantharides veſicæ peculiariter inſenſæ. 187  
 Capillorum cum urina excretio, undè. 184. & ſeq. quomodo curari poſſit. 185  
 Capitis dolores vehementiſſimi quomodo ab Auſtrina Autumni tempeſtate. 35  
 Capitis dolor febricitantibus ex urina perturbata. 177  
 Cardanus Galenum reprehendit. 75  
 Cardanus in criticorum dierum ſeptenariis numerandis ſophiſtam ſapit. 166  
 Καρδιαμύς quid. 173  
 Carnes ſanas habentibus Helleborus ſpasmus parit. 108  
 Carnoſi mediocriter per inferiora purgandi. 97  
 Carunculæ ſi egerantur in dyſenteria, lethale. 126  
 Carunculæ urina craſſa miſtæ è renibus educuntur. 184  
 Caruncularum nomine quid veniat. 127  
 Catarrhos capitis dolores prænunciant. 63  
 Cathartica gravidis an exhibenda. 84. v. Evacuationes.  
 Cathartica opportuno tempore exhibita, conferunt. 91



Cathartica sub Cane, & ante Canem difficilia. 91. num ratione caloris, vel influxus. 93. 94  
 Cathartica præservatoria canicularibus diebus interdiciuntur ex Galeno. 95  
 Cathartica diuretica fieri solent. 110  
 Cathartica quando locum habeant. 112  
 Cathartica quomodo vim suam in intestinis exerant. 114  
 Catharticum spontaneas evacuationes imitari debet. 87  
 Catharticum haud à morbi acutie indicatur. 100  
 Cathartici necessitas quibus signis in non febrientibus designetur. 116  
 Catharticis utendum statim in valde acutis, si materia turgat. 99  
 Catharticorum usus Hyeme magis. 90  
 Catharticorum assumptionem cur sitis sequatur, & an completam designet evacuationem. 112. & seq.  
 Catharticorum operatio gelidæ potu magnoperè promovetur. 116  
 Celsus an Hippocrati contradicat. 96  
 Celsus Latinus Hippocrates. 17  
 Ceruminis exortus, & natura. 129. 130  
 Chlorosis quid. 75  
 Cholera Viris undè accidat. 79  
 Chronici morbi minimè securi. 145  
 Chronicę febres in tubercula desinunt. 150  
 Chronicos, eosque contumaces morbos fugans remedium. 146  
 Cibus copiosior sudores in somno facit. 145. & seq.  
 Cibus exhibitus evacuationes per alvum sistit. 107  
 Ciborum largior usus alvi parere solet laxitatem. 128  
 Ciborum digestio Hyeme citius peragitur, & quare. 90  
 Ciborum digestio quibus perficiatur. 103  
 Ciborum fastidio quid designetur. 110  
 Ciborum confectio, & distributio somno melius, an vigilia peragatur. 191  
 Climatum varietate variant morbi. 168  
 Coctionem quæ præcedunt symptomata censenda. 131  
~~Korai~~ quid apud Hippocratem. 173  
 Collum si febricitanti pervertatur, ita ut deglutitio impediatur, lethale. 137  
 Color cutis internos corporis humores designat. 144  
 Colori nimium non est credendum. 67  
 Colorum pluralitas in excretis an augeat malitiam. 119. & 120  
 Coloris mutatio in morbis, ejus longitudinem significat. 144  
 Colostrum puerulis utilissimum. 66

Comitialis morbus. v. Epilepsia.  
 Conferentia, & tolerantia in evacuationibus. 88  
 Conspiciliorum varius usus in visus hebetudine. 82  
 Contagii natura multiformis. 72  
 Continua febre laborantes, si exterius frigeant, interius urantur, lethale. 154  
 Continuae febres tertio quoque die ingravescentes magis periculosæ. 147. & quanam hæ sint. 148  
 Continuae febres, quæ dicuntur. 148  
 Continuae febres quomodo ex Intermittentibus fiant. 149  
 Continuae febris si dyspnœa, vel delirium superveniat, lethale. 156  
 in Continuis febribus faciei distorsiones, ac sensuum hebetudines lethales. 155  
 in Continuis febribus quomodo possit æger rigere. 163  
 Convalescentes à febribus in tubercula incidunt, si pleniori utantur cibo. 150  
 Convalescentibus si aliqua pars doleat, ibi fiunt abscessus. 134  
 Convulsio quomodo ab Helleboro. 108. & qualis. 109  
 Convulsio an febris superveniens bona esse possit, & quo id modo. 173  
 Convulsionis causa. 162  
 Convulsionis curatio. 163  
 Convulsionem febris superveniens solvit. 162. si statim. 163. & qualis. 162  
 in Convulsione an liceat medicamentis febrem excitare. 163  
 Convulsionem dentitionem comitantes. 67  
 Convulsionem partium faciei in continuis febribus, lethales. 155  
 Convulsivi motus ab Helleboro quomodo curentur. 109. 110  
 Convulsionem in acutis febribus malum. 173. 174  
 Cordis morsus in febribus, malum. 172  
 Coryza ab Autumno Aquilonari. 38  
 Coxendicum dolores quomodo Autumno contingant. 61  
 Crassissimi puelli dentium eruptione molestius afficiuntur. 68  
 Crises cur aliquando paribus accidant diebus. 139  
 Crises rarissimè quarto die. 139  
 Crises nunquam in die febre vacuo. 167  
 Crises à quibus promoveatur. 167  
 Crises cum sit septima die, nubecula quarta die in urina apparet. 178  
 Critici dies & pares, & impares. 138  
 Criticis diebus an ullam fidem Hippocrates, & Celsus habuerint. 138  
 Criticus dies quicumque esse potest, & quomodo. 166



# RERUM NOTABILIMUM.

Crymodes febres quænam apud Aetium.

154

Cutaneorum affectionum diversitas, undè.

54

Cynodontes qui.

67

D

**D**ebiliores partes humorum depositiones recipiunt.

134

Declinantes morbi nunquam lethales ex Galeno.

123

Declinantibus febribus cunctæ promoven-  
tur evacuationes.

128

Decretoria non decernentia, mala.

161

Deglutitio si ob colli torturam febricitan-  
tibus impediatur, lethale.

137

Deglutitionis læsione, respirationis læsio  
periculosior.

136

Dejectiones nigrae spontaneæ, & à medi-  
camento, quid portendant.

137

Dejectiones nigri sanguinis an bonæ.

126

Dejectiones nigrae sanguini atro similes  
quænam apud Hippocratem.

117

Dejectiones istæ quomodo corrigi possint.

118

Dejectiones nigrae, & multicolores à me-  
dicamento, an timendæ.

119

Dejectiones nigrae extenuatis mortem ad  
sequentem diem portendunt.

122

Dejectiones hæc nonnisi in Augmento, &  
Statu contingunt.

123

Dejectiones biliosæ quomodo sanentur, &  
surditatem sanent.

128. & seq.

Dejectiones tenuium humorum febrici-  
tantibus, undè.

129

Dejectionibus parotides sanatæ.

129. v.

Evacuationes.

Delirium si continuæ febri superveniat,  
lethale.

156. &c.

Delirium inflammato Diaphragmate.

156. 157

Delirantes à Phreneticis differunt.

179

Dentes in infantia an verè generentur.

66

Dentibus qui adnascuntur lentores, fortes  
significant febres.

158. quomodo tollan-  
tur.

159

Dentati pueri ex utero prodeuntes.

66

Dentitionis incommoda.

66. quomodo  
præcaveantur.

69

Dentitionis incommoda, crassissimi, &  
alvos duras habentes pueri yehemen-  
tius patiuntur.

68

Destillationes tussiculosæ Senibus fami-  
liares.

80

Diaria febris ex inguinum tumore, an ma-  
la.

160

Diaria febris cujusmodi sit.

160

Tozzi Op. Med. Tomo III.

Diarrhoea gravius stypticos afficit, quam  
lubricos.

68

Diarrhoeæ puellis dentitionis tempore  
contingentes, quam recognoscant cau-  
sam.

67

Diarrhoeæ Viris diurnæ.

79

Dies, an accessiones in morbis conside-  
randæ.

167

Difficultas spirandi. v. Dyspnœa.

Dolor in parte aliqua si convalescenti su-  
perveniat, ibi futurum abscessum indi-  
cat.

134

Dolor an attrahat veluti cucurbitula.

134

Dolor partis alicujus si morbum præcedat,  
ibidem illum futurum præmonstrat.

135

Dolor nonnisi soluto continuo fit.

144

Dolores quomodo à succis humefacienti-  
bus excitentur.

35

Dolores purgationem expostulantes, si par-  
tes supra præcordia occupaverint, vo-  
mitus provocandus; si infra, dejectio.

111. & seqq.

Dolores viscerum in acutis febribus, ma-  
lum.

173. eorum causa.

173

Dorsalis Tabes quæ.

25

Dysenteria à pluvioso Vere quomodo.

30

Dysenteria qua ratione Autumno accide-  
re possit.

61

Dysenteria quo pacto Virorum sit mor-  
bus.

79

Dysenteria ab atra bile lethalis.

124

Dysenteria si carunculae egerantur, letha-  
le.

126

in Dysenteria, quæ perpendenda.

126. 127

Dysenteria morbos judicans.

180

Dysenteriae nomen, definitio, causæ.

124

Dysenteriam genuina curandi methodus.

124

Dyspnœa si continuæ febri superveniat,  
lethalis.

156. &c.

Dyspnœa inflammationes internas infe-  
quens.

156

Dyspnœæ differentia.

156

Dysuria senilis morbus.

81

E

**E** Later Aeris quid.

8

Elephantiasis descriptio ex Areteō.

53

Elephanticus Neapoli nullo comite con-  
tagio.

53

Empyema vomitu curatum à Rulando.

111

Endemii morbi.

48

Epilepsia cur Autumno accidat.

62

Epilepsia sympathica Juvenibus plerum-  
que accidit.

78

N 3

Epilepsia



Epilepsiæ quomodo à pluviarum multitu-  
 dine. 41  
 Eroticæ febres quæ. 75  
 Erraticæ febres quo modo Autumno con-  
 tingant. 59  
 Erraticæ febres difficillimæ solutionis. 132  
 Erysipelas ab intus extra bonum, non  
 contra. 154  
 Erysipelata interna. 154. &c.  
 Etesiæ venti, quomodo aeris æstus tem-  
 perent. 15  
 Etesiæ salubres, & sereni. 29  
 Evacuatio quæcumque, non præcedente  
 coctione, pro symptomatica reputan-  
 da. 131  
 Evacuatione quam opus sit in copiosis  
 sudoribus. 146  
 Evacuationes eorum sunt promovendæ,  
 quæ spontè prodeunt. 87  
 Evacuationes spontaneas quas appellave-  
 rit Hippocrates. 87  
 Evacuationes humorum, quos natura  
 non utiliter educeret, malæ. 87  
 Evacuationes motu promoventur. 106.  
 107  
 Evacuationes per alvum cibo compes-  
 cuntur. 107. v. Dejectiones.  
 Evacuationes symptomaticæ, & criticæ.  
 119  
 Evacuationes quæcumque nigræ extenua-  
 tis plerumque lethales. 123  
 Evacuationes omnes promoventur decli-  
 nantibus febribus. 128  
 Evacuationes malorum si commodè suc-  
 cedant, commendabiles. 152. 153  
 Evacuationes minimè dierum numero  
 æstimandæ. 169  
 Evacuationis utilitas undè coniicienda.  
 88  
 Evacuationum per determinatas partes in-  
 dicationes undè desumendæ. 89. &  
 sequent.  
 in Evacuationibus quibuscumque sex  
 perpendenda. 153  
 Εὐδίας ὁ χειμῶν, quomodo interpre-  
 tandum. 31  
 Excreationes in febribus nihil ad rem.  
 152  
 Excretiones in febribus quænam bonæ,  
 quæ verò malæ. 152  
 Exomphalon cur patiantur pueruli. 65  
 Extenuatis dejectiones nigræ ad sequen-  
 tem diem mortem portendunt. 122  
 in Extenuatis quælibet evacuatio magni-  
 facienda est. 122  
 Extenuatorum nomine quænam hic ve-  
 niant. 123

F

**F**aucium tumor an lethale signum:  
 136  
 Febris convulsioni superveniens illam  
 solvit. 162. si statim superveniat. 163.  
 & qualis. 162  
 Febris plerumque utilis. 162  
 Febris cum rigore nisi desinat, vel inter-  
 mittat, malum. 164  
 Febris surditate superveniente mitescit.  
 166  
 Febri convulsio si accidat an aliquando  
 bona. 173  
 Febrem an convulsis liceat excitare. 163  
 Febre corpora exarescunt. 128  
 Febres acutissimæ, quomodo ab Austris,  
 & imbribus fieri possint. 29 v. Acutæ.  
 Febres diurnæ pluviosam constitutio-  
 nem insequuntur. 41  
 Febres quænam Æstate accidant. 55  
 Febres omnes ad fermentationem va-  
 riam reducuntur. 55  
 Febres omnes à bile fiunt ex Hippocrate.  
 56. 170  
 Febres quænam Autumno contingant. 58  
 Febres dentitionis undè. 66  
 Febres quænam Juvenibus accidant.  
 58  
 Febres ardentes Viris undè. 79. v. Ar-  
 dentes.  
 Febres per subintrantiam dictæ, diffi-  
 lis iudicii. 132  
 Febres pusillæ quandoque valdè mali-  
 gnæ. 141  
 Febres continuæ, quæ tertio quoque die  
 exacerbantur magis periculosa. 147.  
 & quænam hæ sint. 148  
 Febres intermittentes omnes ab uno, eo-  
 demque oriri possunt humore. 149.  
 170  
 Febres longæ in tubercula desinunt. 150.  
 si cibo pleniori æger utatur. 150  
 Febres, quas non solvunt abscessus, in lon-  
 gum protrahuntur. 157  
 Febres ex inguinum tumoribus an ma-  
 læ. 160  
 Febres nisi diebus imparibus reliquerint,  
 recidivæ fiunt. 166  
 Febres quandoque circa ullam evacuatio-  
 nem solutæ. 167  
 Febres Hypochondriorum Fernelianæ. 181  
 Febres laboriosa quænam. 182  
 Febrium causa, quæ juxta mentem Hip-  
 pocratis. 29  
 Febrium continuarum, ardentium, & ter-  
 tianarum differentia, unde. 55  
 Febrium



# RERUM NOTABILIMUM.

Februm paroxysmi, si constantes sint,   
 iudicium difficile significant. 131  
 in Febris continuis æstus internarum   
 partium, ac externarum frigus, lethale. 154. v. Continuae.  
 in Febris circa Ventriculum æstus, &   
 cardiognos, malum. 172  
 in Febris respiratio interrupta, malum.   
 175  
 in Febris tantum, urinæ, quæ perse-   
 verant perturbata, egeri possunt.   
 177  
 Febricitanti suffocatio absque tumore le-   
 thalis. 137  
 Febricitanti si deglutitio impediatur ob   
 colli torturam, lethale. 136  
 Febricitantibus si sexta die rigores fiant,   
 difficile iudicium. 130  
 Febricitantibus in somno pavores, ma-   
 lum. 174  
 Febricitantibus lassitudo, abscessus in ar-   
 ticulos præsignificat. 133  
 Febricitantibus sudor frigidus quid por-   
 tendat. 140  
 Febricitantium cibus vulgaris. 11  
 Febricitantium urinæ. 175. & seq.  
 Fermentorum indebita mistura deleterii   
 humores progignuntur. 121  
 Fernelianæ febres quænam. 180  
 Flatus an causa sint urinarum perturbata-   
 rum. 178  
 Flatuum eruptio Hypochondriorum mur-   
 mur solvere potest. 181  
 Foetus quibus de causis imbecillis red-   
 dantur. 32  
 Foetus in utero quo tempore moveri   
 incipiat. 86  
 Foetus in utero fructui ex arbore pendenti   
 comparatus à Galeno. 86  
 Frigoris sensus quomodo percipiatur.   
 140. 141  
 Frigus qua parte sentitur, ibi morbus. 143.  
 si permanens sit, & non ab externa   
 causa. 143  
 Frigus, & calor eadem diè si accidant,   
 morbos Autumnales prænunciant. 12  
 Frigus circa lumbos in Tertianis, & Quar-   
 tanis undè. 142  
 Frigus nonnisi cum sensu aliquo doloris.   
 144.  
 Frigus externarum partium, si cum in-   
 ternarum æstu copuletur, lethale.   
 154.  
 Frigus externarum partium undè. 154  
 Fructuum usus an morbos pariat Autu-   
 mnales. 24  
 Fuchsius Celsum Hippocrati conciliat.   
 96

Fuligines putridæ an februm causa. 56  
 Furfuracea urina quid denotet. 185  
 Furores quo anni tempore accidant.   
 49. 50  
 Furorum species. 50. quare Autumno.   
 62.

## G

**G**alenus à Cardano reprehensus.   
 75  
 Galenus Hippocratem notat. 77  
 Galenus ab Argenterio impugnatur.   
 132.  
 Galeni de siti doctrina enervata. 112  
 Genuum gravitas quid significet. 116  
 Glandulæ subcutaneæ innumeræ.   
 117  
 Glandulæ potissimum catharticis medi-   
 camentis inaniuntur. 116  
 Glandularum omnium consensus. 160  
 Glandularum tumores quo tollantur mo-   
 do. 161  
 ex Glandularum tumoribus quænam fe-   
 bres malæ. 160  
 in Glandulas potissimum externas, & in-   
 ternas Abscessus fiunt. 134  
 Glaucedines Senibus decrepitis undè.   
 83  
 Gonorrhoeas virulentas purulenta mictio   
 comitari solet. 183  
 Graciles, & facile vomentes per superiora   
 purgandi. 95. & quando. 96  
 Graciles, ut plurimum vegetiores, &   
 quare. 95  
 Gracilitatis causa. 95  
 Gravedines quam tempestatem insequan-   
 tur. 36  
 Gravedines an ex Hippocratis mente   
 Autumnum Aquilonarem insequan-   
 tur. 38  
 Gravedines Vere undè. 52  
 Gravedines Hyeme undè. 63  
 Gravidæ. v. Utero-gerentes.  
 Grumi qui fiant in Vesica. 188

## H

**H**æmorrhagia pueris qua de causa.   
 75  
 Hæmorrhagia narium an, & quando   
 proficua. 125  
 Hæmorrhagia narium surditatem in fe-   
 bribus solvit. 155  
 Hæmorrhagia narium an ab abscessu li-   
 beret. 182  
 Hæmorrhagia quomodo ab urinis signifi-   
 cetur. 180



# I N D E X

Hæmorrhoides Virorum morbus.	79	Hydropis sicci causæ.	101. 102
Hæmorrhoides an ab humore melancho- lico.	118	Hyemales morbi.	62. & seq.
Hæmorrhoidum commoda, & incommo- da.	126	Hyemales morbi quomodo præcavean- tur.	63
Halcyonia tempestas.	7	Hyems sicca, & Ver pluviosum quos pa- riant morbos. 27. & an necessario.	28
Hebræi tantum Patavii gravi morbo quondam affecti ex Cardano.	48	Hyems pluviosa, & Ver Aquilonium quas inducant affectiones. 30. quomodo vi- tentur.	33
Helleborus duplex, albus, & niger, atque utriusque vires.	104	Hyems <del>88</del> 105 quid.	31. 32
Helleborus quondam terribilis, deinde promiscuus Antiquis evasit.	106	Hyems Austrina simul, & clemens.	32
Helleborus quando uberius purgabit.	107	Hyeme, quæ ætates melius se habeant.	45
Helleborus carnes sanas habentibus parit convulsionem. 108. & quando.	109	Hyeme an Autumnales morbi cōtingāt.	62
Hellebori usus. à pag.	104. ad 109	Hyeme purgare per inferiora magis, & quare.	89. 96
Hellebori potionem quæ præcedere de- beant. 105. quæ insequi.	106	Hyeme cur humores vitiosi intestina oc- cupent.	90
Hellebori usus jam exolevit.	106	Hyeme lientericos per superiora purgare malum.	104
Hemitritæos quid.	148	Hyeme quare abundantiùs mingamus.	191
Hemitritæum cur periculolum dixerit Hippocrates.	21	Hypocatharticos incommoda.	115
Hepatis vitio Icterus.	168. 169. 171	Hypochondriorum murmur quando al- vus lubrica consequatur.	180
Hepatis morbus quilibet alex plenus.	172	Hypochondria quomodo inflari possint.	180
Heterogenei humores morbos pariunt difficilis solutionis.	21	Hypochondriorum tumores quemnam habeant exitum.	181
Hippocrates à Galeno prolixitate nota- tus: à Cardano defensus.	151	Hypochondriorum durities in Ictero fe- bricitantibus mala.	181
Hippocrates reprehensus. 45. 167. defen- sus.	46	<b>I</b>	
Hippocrates oblivione notatus à Galeno.	77	Icterus quo tempore febris commenda- bilis.	171
Hippocrates à Galeni calumniis vindica- tus.	106	Icterus ante septimum an in febribus malus.	167. 168
Hippocrates an sibi ipsi contradicat.	126	Icterus cum rigore febrem solvit, non contra.	168
Hippocratis artificium ad pestem arcen- dam.	17	Icterus Jecoris inflammationem infe- quens exitialis.	169. & 171
Hispani ab Indis pro Variolis luem Vene- ream retulerunt.	71	Icterus post septimū an periculo vacat.	169
Horror, Rigor, Tremor.	164	Icteri causæ.	168
Horrores quotidie facti, an quotidie fe- bres solvant.	171	Icteri remedium efficacissimum.	169
Humida constitutione, an sicca salubrior.	39	Ignis depravatum Aerem corrigere po- test.	9
Humoris in Aere copiam, vel inopiam internoscendi modus, ope cujusdam instrumenti.	16	Ilei causa: & cur Autumno increbrescere dicatur.	61
Humorum translatione diversæ accidunt ægritudines.	128	Impetigines quid.	54
Humorum quaternarius numerus in deri- sum abiit.	55. & 118	Indi Hispanis pro Variolis luem Vene- ream reddidere.	71
Humores quandoque in venenosam dege- nerant naturam ex Galeno.	121	Indicatio potissima non à temporibus, sed à causis.	94
Hydrocele quid.	60	Infantis ætatis morbi.	64
Hydrocephalos quid.	ibid.	Inflammationes an purgationem indi- cent.	111
Hydrops quomodo fiat, cujusve partis vitio.	60	ex Inguinum tumoribus febres an malæ.	160
		Instrumentum ad humorem Aeris men- surandum	



# RERUM NOTABILIMUM.

furandum nuperrimè inventum.	16
Intermittentium febrium signum inseparabile, rigor.	130
Intermittentes febres minimè periculosa. 147. seculo quocumque alio morbo.	150
Intermittentes febres an aliquando lethales.	148. 149
Intermittentes febres quomodo quandoque transeant in continuas.	149
Intermittentes febres nec ab inflammatione, nec à malignitate ex Galeno.	154
Intestina discissa non coalescunt.	127
Intestinorum cum auribus consensus, undè.	129
Intestinorum lævitas, & difficultas. v. Lienteria, & Dysenteria.	
Intestinorum interior tunica glandulis innumeris referta.	103
Intestinorum glandulae, & fibrae carneae.	127
Ischiades quare Autumno contingant.	61
Ischuria à tuberculo.	189. & seq.
Juvenes quo anni tempore salubrius vivant.	47
Juventutis morbi.	77

## L

<b>L</b> Ac maternum infantibus præferendum.	66
Lactis conditio ad naturam, & mores facit.	33. & 66
Lacrymae spontè profluentes an lethales.	158. &c.
Lassitudo febricitantibus abscessus in articulos futuros significat.	133
Lassitudo triplex ex Galeno, & quænam ex his abscessus in febribus præsignificet.	133
Laudani opii in vomitu cauta exhibitio.	108
Lentores dentibus hærentes fortes significant febres. 158. quomodo tollantur.	159
Leipyriae febres quænam.	154. 155
Lepra, quæ Vere dicatur contingere.	52
Lepra Hebræorum, Græcorum, & Arabum.	53
Lethargi an Hyeme.	63
Lethargus Virorum morbus.	79
Lien Fisco comparatus ab Alciato.	59
Lien Sanguinis officina existimatus.	60
Lien frustra animalibus datus ex Erasistrato, & Plinio.	ibid.
Lienistumores Autumno contingentes.	59

Lienis extractio in canibus instituta: an in hominibus.	60
Lienteria an ab intestinorum lævitate.	103
Lienteria quid.	102
Lienteria quomodo Autumno accidere possit.	61
Lienteria Viris.	79
Lienteria an vomitu curetur, vel dejectione.	102. 104
Lienteria causa juxta Antiquorum, & Neotericorum doctrinam.	103
Lippitudines, undè.	29
Lippitudines quomodo à sicca tempestate.	42
Lippitudo quotuplex. 32. v. Ophthalmia.	
Lumborum dolores, undè. 101. quid significant.	116
Lumborum dolores, ubi Hypochondria murmuraverint, quid denotent.	181
Lumbrici Pueris familiares.	70
Lumbrici timoris in somno causa.	144
Lumbricorum remedia.	74
Lunæ motus ventos huc, vel illuc dirigere valet.	15
Lympha quid.	159
Lympha Rheumatismi causa.	182. 185
Lymphæ usus, & circuitus.	114
Lymphæ defectus, vel vitium sitis causa.	114
Lymphatica vasa plurima per articulos.	182. 185

## M

<b>M</b> Alignæ febres quandoque pusillæ videntur.	141
Medicari quid significet.	99
Medici optimi est pro ratione temporum, ætatum, &c. ægritudines moderari.	12
Medicina non in omnibus regionibus iidem dogmatibus tractatur.	25
Melancholici morbi quomodo Vere oriuntur.	51
Melancholici morbi quomodo accendant Autumno.	62
Melancholici qui dicantur: & an per inferiora purgandi.	98. & 99
Melancholici succi vehementioribus catharticis excandescunt.	99
Melancholicus humor an uspiam reperiatur.	117
Menstruis deficientibus sanguis supra ferri solet.	125
Mictio noctu plurima paucam significat dejectionem.	190

## Mictio



# I N D E X

Mictionis uberioris causæ. 191  
Mictionis copiosæ remedia, ibidem v.  
Urina.  
Morbi in quibusdam ætatibus, locis, temporibus, &c. benè, vel malè se habent. 11. & quare. 11  
Morbi quidam certis temporibus longiores, vel breviores. 11  
Morbi magna ex parte temporum constitutiones sequuntur. 20  
Morbi legitimi qui. 21  
Morbi legitimi, legitimis constitutionibus qui accidunt, plerumque boni judicii. 22  
Morbi lethales ad declinationem non pertingunt. 23. 123  
Morbi quinam varias anni temporum constitutiones insequantur. 27. & seq.  
Morbi quidam magis in quibusdam temporibus fiunt, & exacerbantur. 47  
Morbi omnes, omnibus fiunt temporibus. 47. & quare. 48  
Morbi peracuti ex se non indicant purgationem. 99  
Morbi longi minimè securi. 145  
Morbi variant pro climatum varietate. 168  
Morbis incipientibus evacuationes, quæcumque contingentes symptomaticæ. 120  
Morborum diversitas. 23  
ad Morbos omnes, contumaces, pulvis Auctoris efficax. 146  
Morbillian ad sanguinem maternum referendi. 71  
Morbilli an ad siderum influentiam revocandi. 71  
Morbilli an ab Aere, & alimentis. 72  
Morbilli frigidis medicamentis reprimuntur. 74  
Morbillis, & Variolis affecti quomodo tractandi. 73  
Morbillorum nulla apud Græcos Medicos mentio. 68  
Morbillorum primò Arabes meminere. 71. 73  
Morbillorum causa ex Auctoris sententia. 72  
Morbillorum, & Variolarum fermentum contagiosam naturam sapit. 72  
Mortis occasio inevitabilis. 38  
Mortis causa: & an cum febris intermissione. 149  
Motu promoventur evacuationes. 106. 107  
Motus quinam vomitionem juvent. ibid.  
Muscæ cur solito infensiores imminente pluvia. 29  
Mutationes omnes repentinæ nocue. 8. 13

Mutationes corporis longitudinem morbi significant. 144  
Mutationes quænam morbi significant longitudinem. 144. & quare. 145  
Myopia quid. 82. ejus causa, & curatio. 83

## N

**N**arium humiditates Senibus. 82. quomodo tollantur. 83  
Naturæ nomine temperies venit ex Galeno. 10. quid ex Auctoris sententia. ibid.  
Naturarum, aliæ ad Æstatem, aliæ ad Hyemem benè, malè se habent. 9  
Navigatio corpora turbat. 106  
Neapolitanus tractus humidior. 18  
Nephritis Senum morbus. 81  
Nervei liquoris in febribus malitia. 175  
Nervei liquoris impuritates, qui, & quibus viis sequestrari soleant. 180  
Nervorum distentiones febre superveniente solvuntur. 162  
Noctu quare urinæ copiosæ. 191  
Noctu quamobrem Catarrhi promoveantur. 191  
Nubecula quarta die in urina apparens Crisim septima futuram significat. 178  
Nubecularum bonitas, vel malitia. ibid.

## O

**O**besi vomitioni inepti. 97  
Obesitas corporis undè. 95  
Oculorum morsus in Aquilonia tempestate. 43  
Oculorum humiditates senibus. 82. quibus tollantur. 83  
Oedema quid. 136  
Ophthalmiæ Æstate undè. 56. v. Lippitudines.  
Opera quid. 7  
Oris exulcerationes Æstate quare de causa. 57

## P

**P**ancreaticus succus acido-austerus dejectiones nigras parit. 118  
Parilthmia quæ. 69  
Parotides dejectionibus sanatæ. 129  
Paroxysmorum constantia judicium difficile significat. 131  
Paroxysmorum subintrantia difficile judicium præmonstrat. 132  
Pastilli pro mictu purulento. 184  
Payores puerulis in somno undè. 65  
Pectoris,



# RE RUM NOTABILIMUM.

Pectoris, & Pulmonum morbi an vomitu  
curentur ex Rulando. 111  
Perinaus quid. 188  
Periodicæ febres possunt ab uno, eodem-  
que humore oriri. 149  
Periodicæ febres undè distinguantur. 56.  
59  
Peripneumonia an purgationem indicet.  
111  
Peripneumonia Viris, quo accidat mo-  
do. 79  
Peripneumoniæ Hyberno tempore. 63  
Pestis Græciæ ventorum afflatu delata,  
igneque correctæ. 9  
Phrenetici à delirantibus differunt. 179  
Phreneticis urinæ albæ, & pellucidæ  
malæ. 179. &c.  
Phrenitidem an semper urinæ comiten-  
tur pellucidæ. 179  
Phrenitides Viris quomodo accidant. 79  
Phthises Juvenibus familiares. 78. v.  
Tabes.  
Phytalia quid. 7  
Pituitosi, qui dicantur à Galeno. 98  
Plejadum occasus in purgationibus vitan-  
dus. 93  
Pleuritis an purgationem indicet. 111  
Pleuritides cur Hyemali tempore. 63  
Pleuritides Viris quomodò. 79  
Pleuriticis sanguinis per oseductio salu-  
briter accidit. 125  
Pluviosa constitutio quos pariat morbos.  
41  
Pluviosa constitutione sicca salubrior. 39  
Potulentorum an aliquid ad Pulmones  
pertingat. 113  
Præcordia quas partes comprehendant.  
111  
Presbytia quid. 82. ejus causæ, & cura-  
tio. 83  
Procyon quodnam fidus. 92  
Procyonis ortus. 92. 93  
Prognosticum boni, vel mali judicii un-  
dè desumendum. 21  
Pruritus totius corporis non ab Hepatis  
intemperie, sed aliundè. 81  
Pruritus totius corporis quibus curetur  
remediis. 83  
Puberum morbi. 75  
Pubertatis tempus. ibid.  
Pubertate morbi plerumque judicari so-  
lent. 76  
Pudendorum ulcerationes quid signifi-  
cent. 58  
Pueri Vere optimè degunt. 46  
Puerorum Angina endemia lethalis Nea-  
poli anno 1618. 137. & 48  
Puerorum morbi quo soleant judica-

ri tempore. 75  
Puerulorum morbi. 64. quomodo præ-  
caveantur. 65  
Pulmoniaca Tabes quæ. 27  
Pulvis biceps Auctoris ad morbos contu-  
maces fugandos. 136  
Purgatio. v. Cathartica.  
Purgationis per superiora, vel inferiora  
faciendæ signa. 109. 116  
Purgationis completæ signum, sitis. 112  
Puris mictio an Renum, vel Vesicæ ulcus  
significet. 182. 189  
Purulentæ mictionis curatio. 183. 184  
Pus urinæ mistum, an ex remotis partibus  
excernatur, qui dignosci possit. 183  
Pustulæ sudorosa Æstate contingentes,  
undè. 58  
Putredines quænam pluviarum insequan-  
tur multitudinem. 41

## Q

Quartana febris an ab humore melan-  
cholico. 56  
Quartanæ an inter morbos Aestivos con-  
numerandæ. 56  
Quartanæ Autumnales undè. 59  
Quartanæ quomodò aliquando lethales.  
150  
Quietis commoda. 107  
Quintanæ febres. 59  
Quotidianæ febres non omnes cum rigo-  
ribus sociantur. 170

## R

Raucedines quæ tempestate ingravescant.  
36  
Raucedines Vere undè. 52  
Raucedines Hyeme undè. 63  
Regius morbus. v. Icterus.  
Renum tubuli. 184  
Respirandi difficultas. v. Asthma.  
Respirationis læsio deglutitionis læsione  
periculiosior. 136  
Respiratio in febribus interrupta convul-  
sionem significat. 175  
Rheumatismi causa. 182  
Rigor sexta febris die si accidat, difficile  
arguit judicium. 130. & quare. 131  
Rigor febricitantibus familiaris. 130  
Rigor Periodicus, Criticus, & Sympto-  
maticus. ibid.  
Rigor inseparabile Intermittentium si-  
gnum. ibid.  
Rigor inembra delaxat. 151  
Rigor febre non intermittente, ægro de-  
bili, lethalis. 151. quænam hæc sit  
imbecillitas, 152. &c.  
Rigor



Rigor quomodo continenter febrientem arripere possit.	163	Sanguinis spuitiones Juvenibus.	77
Rigor crises designat.	164	Sanguinis alicubi restagnantis effectus.	125
Rigor, Tremor, Horror.	164	Sanguinis mictus quomodo curetur.	187
Rigor, si morbum regium comitetur, febres solvit.	168	Sanguinis mictio an Renum, vel Vesicæ ulcus denotet. 182. & 189. an aliquid aliud.	186
Rigor causa, vel signum intermissionis.	169	Sanguinis impuritates quomodo sequerari possint.	180
Rigor quandoque malignitatis nota.	170	Sanguinea vasa quotupliciter rumpi possint.	187
Rigoris definitio, incommoda, causæ.	130. & 163	Sanguinei, qui dicantur à Galeno.	98
Rigoris critici, & salutaris conditiones.	131	Satyriæ, Satyrismus, Satyriasmus quid significent.	70
Rigoris beneficia.	170	Scabies Vesicæ, undè.	185
Rigore superveniente febris ardens solvitur.	163	Semitertiana febris quænam.	148
Rigore nisi intermittat, aut desinat febris, malum.	164	Senectus Cruda, Media, & Matura.	80
Rigores, qui quotidie in febribus fiunt, quotidie illas solvunt.	169	Senectutis principium ex Hippocrate.	47
Rufus Festus Arati Paraphrastes.	92	Senectutis morbi. 80. quomodo curentur.	83
<b>S</b>		Senes quo anni tempore melius degant.	45
<b>S</b> Alivalia vasa.	159	Senes acutis morbis non corripiuntur, & quare.	78
Sanguis it per arterias, redit per venas.	186	Senibus qui morbi ex pluviosa Hyeme, & sicco Vere immineant.	32
Sanguis Verenovam fermè induit naturam.	50	Senilis Tabes, quæ.	27
Sanguis cum Aere commiscetur in pulmonibus.	63	Sensuum hebetudo in continuis febribus lethalis.	155
Sanguis in Variolarum, & Morbillorum eruptione indebitè effervesceat, & quæmobrem.	72	Septemtrionales populi cur firmiores.	43
Sanguis obesitatis, & marcoris causa.	95	Septimanæ febres.	59
Sanguis si per os excernatur, qualiscumque sit, malum. 124. 124. non tamen semper.	125	Serosæ superfluitates corporis quibus minuantur præfidiis.	162
Sanguis è faucibus fluens quandoque salutaris.	126	Sextanæ febres.	59
Sanguis niger infernè prodiens an bonum signum.	126	Sexta febris die rigores difficile judicium pariunt.	130
Sanguis per os excretus in foeminis, pleuriticis, abscessibus, levius malum portendit.	125	Sextus dies tyrannicus.	131
Sanguis floridus si infernè excernatur, malum.	126	Sicca constitutio præcedat, an comitetur acutas febres.	20
Sanguis est causa caloris, & frigoris.	140	Sicca constitutio an humidiori salubrior.	39. 40
Sanguis acido figente restagnat.	154	Sicca constitutio quos pariat morbos.	42
à Sanguinis fluxu febricitantes dum reficiuntur, alvum humidam acquirunt.	127	Siccitas morbos breves parit, & cur.	19
Sanguinis profluvia Vere quare contingant.	52	Siccitas quid importet.	ibid.
Sanguinis superfluitates, quæ ad cutim demandantur, dum intus continentur, non tantæ sunt pravitatis.	54	Siccitas an mortis causa Senibus.	40
Sanguinis per ætates mutationes.	76	Siccitates si extremæ fuerint, febres acutæ fiunt, & quare.	19
		Sirii ortus Cosmicus, & Heliacus tempore Hippocratis, Avicennæ, Magini, Argoli, & Nostro.	92. 93
		Sirii ortum quæ in terris consequantur ex Plinio.	93
		Sirio an ulla vis erga nos insit.	93. 94
		Sirius stella pulcherrima ex Ptolemæo.	91
		Sitis quam ob rem à purgante medicamento.	112. 115
		Sitis an à caliditate, & siccitate.	113.
			an ab



# RERUM NOTABILIMUM.

an ab humoris inopia, vel caloris copia. ibid.  
 Sitis sedes an pulmones. 113. an ventriculus, &c. 114  
 Sitis remedium taciturnitas ex Hippocrate. 113  
 Sitis causa. 113. 114. 159  
 Sitis cur quandoque vino, ejusque spiritu sedetur. 114  
 Sitis nisi purgatis superveniat, an denuò purgandi. 115. an verò movendum corpus. ibid.  
 Sitis in purgationibus infidele signum. 116  
 Sitis si urgeat cum externarum partium frigore, lethale. 154. &c.  
 Sitis quid significet in ardentibus. 154  
 Sitis in ardentibus febribus sicca tussi mitigatur. 159. & quare. 159  
 Solis radii ventos saepè apius impellunt. 15  
 Solstitium utrumque periculosissimum ex Hippocrate. 6. quando nobis accidat. 7  
 Somnus infantibus familiaris. 65  
 Somnus requies animorum ex Homero. 82. 174  
 Somno quæ evacuationes cohibeantur. 106  
 Somno sudor multus factus quid significet. 145. &c.  
 Somno halitus quaquaversum faciliùs diffunduntur. 174  
 Somnus à Ventriculo. 175  
 in Somno pavores febricitantibus, malum. 174. horum causa. ibid.  
 Spasmus. v. Convulsio. 7  
 Sporatos quid. 7  
 Squamulæ in urina quid denotent. 189  
 Stellarum annuus motus in ortum quantus. 30. ex Tychone. 93  
 Stellarum an ulla sit erga nos potestas. 94  
 Stomachi morsus quid denotet. 110  
 Stranguria cur Autumno. 61  
 Stranguria à Tuberculo. 190  
 Stranguriæ Pueris undè. 70. Senibus quomodò. 81  
 Stranguriæ quomodò à sicca constitutione. 42  
 Strumarum generatio in Pueris. 70  
 Strumarum remedia. 74  
 Sudor somno non cohibetur. 106  
 Sudor copiosus parcam reddit urinæ, & facum excretionem. 190  
 Sudor salutaris an tertio, & quinto die. 139  
 Sudor frigidus quomodò fiat. 140  
 Sudor multus ex somno quid signi-

ficet. 145. &c  
 Sudor omnis bonus calidus, at non contra. 147  
 Sudor nisi febrem solvat, malus. 161  
 Sudores in febribus expectandi, si Æstas sit Veri similis. 17. & quare. 28  
 Sudores boni quibus accidant diebus. 138  
 Sudores ultra trigesimum primum diem an mali. 139  
 Sudores quinam laborem portendant, & morbi longitudinem. 140  
 Sudores frigidi in febribus quid significant. 140. &c.  
 Sudores frigidi in acutis febribus non ejusdem naturæ, ac in mitibus. 141  
 Sudores multi in principiis morborum periculosi ex Mercuriali. 141  
 Sudores calidi an semper probandi. ibid.  
 Sudores frigidi diaphoreticis alexipharmacis compescuntur. 141  
 Sudores universales esse debent. 142  
 Sudor particularis ejusdem partis morbum designat. ibid. vel illius undè provenit. 142  
 Sudores nocturni, & diurni. 143  
 Sudores quomodò catharticis curentur. 146  
 Sudores multi calidi, vel frigidi, quid portendant. 147  
 Sudoris copia nec omninò formidanda, nec ultrò commendanda. 18  
 Suffocatio febricitanti circa tumorem lethalis. 135  
 Suffocatio ex halitibus mineralium. 137  
 Suffocationis descriptio, & causæ. 136  
 Suppurationis beneficia. 190  
 Surditas undè. 43  
 Surditas biliosis dejectionibus sanatur, & viceversa. 128  
 Surditas quænam hoc modo sanetur. 129. 130  
 Surditas febricitantibus undè. ibidem.  
 Surditatem in febribus narium hæmorrhagia, & alvus turbata solvit. 165  
 Symptomaticæ evacuationes quandoque bonæ in genere causæ, malæ in genere signi. 87



# I N D E X

Synochæ febres quænam. 148. 178  
Synochas febres Althmaticas Galenus  
vocavit, & quare. 69

## T

**T** Abes qua tempestate vagari soleat. 36  
Tabes cur Autumno accidant. 60  
Tabes Juvenibus familiaris. 78  
Tabi contrahendæ aptiores qui. 36. 97  
Tabis species. 25  
Tabidi per inferiora purgandi. 97  
Tabidi quibus medicamentis purgandi. 98  
Tabidorum sanguis cujus sit indolis. 26  
Tabidis Autumnus malus. 26  
Tabitudo quæ ex sicca oriatur constitutione. 42  
Tactus corporum est passio. 144  
Temperamenta quomodo explicentur. 10  
Temperies naturæ nomine appellata. ibid.  
Tempus quibus dentibus cuncta vorare dicatur. 9  
Temporum mutationes morbos pariunt. 5  
Tenismus Autumno familiaris. 61  
Tertiana intermittens periculo vacat. 149  
Tertiana febris an à putrescente bile. 55  
Tertiana exquisita septenis circuitibus judicatur. 164. ut tardissime. 165  
Tertiana exquisita quænam. 165  
Tertiana exquisita an septimum circuitum aliquando excedat. 165  
Terræ-tremor Neapoli anno 1688. 15  
Tetanus quid, & undè. 162  
Theodorus Gaza à Cardano commendatus. 44  
Timores in somno febricitantibus mali, eorum causæ. 174  
Timores infantibus, undè. 65. 174  
Tolerantia, & Conferentia in evacuationibus. 88  
Tonsillarum inflammatio. 69  
Tormina, & lumborum dolores, nisi medicamentis solvantur, in Hydropem siccum transeunt. 100  
Tormina non febricitantibus si accidant, quid significant. 116  
Torminum causa. 101  
Tremor, Horror, Rigor. 164  
Trichiasis quid, & ejus causa. 184  
Tritæophyes febres quænam, & cur periculosiores. 148  
Tubercula fistulæ urinariæ undè, & quomodo solvantur. 189. & seq.  
Tubercula quænam suppurentur. 190  
Tubercula verno tempore quare. 54  
in Tubercula quandoq; desinunt longæ febres. 150. si pleniori cibo eger utatur. 150

Tumorum species tres. 136  
Turgens humor ex se evacuationem quaerit. 85  
Turgentia in gravidis catharticum admittit. 84  
Turgentia tripliciter inducitur. 85  
Turgentia in valdè acutis subitam purgationem indicat. 99. & quare. 110  
Tusses sicca sitim in ardentibus febribus mitigant. 159  
Tusses vehementes & febrem, & sitim augent. 160  
Tusses qua tempestate fiant. 36  
Tusses Hyeme quare. 63  
Tusses quam ob rem puerulis vehementes. 65  
Tussis quæ dicatur ab Aristotele sedari cohibito spiritu. 17  
Tussis sicca, & humidæ causa. 159  
Tympanites quid, & ejus causæ. 102  
Typhodes febres quænam Aetio. 154

## V

**V** Arices virilitatis morbus. 80  
Variolæ an ad sanguinem maternum referendæ. 71  
Variolæ an siderum influentiam sequantur. 71  
Variolæ an ab aere, & alimentis. 71  
Variolarum nulla apud Græcos Medicos mentio. 68  
Variolarum Arabes primò meminere. 71.  
73. v. Morbilli.  
Vasorum sanguineorum diruptionis causæ. 186  
Venarum nomine apud Hippocratem etiam Arteriæ comprehenduntur. 186  
Venena quænam sanguinis mictum pariant. 187  
Venena quomodo à circumforaneis innoxie assumantur. 109  
Venti in Aere pariunt mutationes. 9  
Venti non variantur pro locorum, per quæ transeunt varietate. 14  
Venti suaves Zonam Torridam perflant. 14  
Venti haya remotas regiones percurrunt. ibid.  
Venti Solis, & Lunæ motum quadantenus sequuntur. 15  
Venti quidam quibusdam locis familiares. ibid.  
Ventorum commoda, & incommoda. 9  
Ventorum detrimenta. 13. 15  
Ventorum natura, & origo. 14  
Ventorum causa non sunt exhalationes terreæ. ibid.

Vento-



# RERUM NOTABILIMUM.

Ventorum varietas ad quos halitus referenda. 15. hi verò halitus quo impellente moveantur. ibid.	curentur. 80
Ventorum incommoda quomodo præcaveantur. 17	Viscerum dolores in febribus, & eorum causæ. 173
Ventriculi æstus in febribus malum. 172	Visus hebetudo Senibus familiaris. 82
Ventriculus morborum Æstivorum proxima causa. 89	Visus debilitas triplex: an à sola spirituum inopia. ibid.
Ver pluviosum magis, quàm Hyems. 18	Vita an sit mansio caloris in humido. 39
Ver saluberrimum, & minimè lethale. 22. & qua ratione. 24. 48. & 49	Vita an melius humiditate, vel siccitate conservetur. 40
Ver quoque Tabescentibus malum. 26	Vitiliginis quid. 54
Ver pluviosum siccæ Hyemi succedens quos morbos excitet. 27. & an necessario. 28	in Ulceribus, quæ perpendenda. 127
Ver pluviosum quomodò Æstatem calidiorem efficiat. 29	Umbilici inflammatio Pueris qua fiat de causa. 65
Ver Aquilonium Hyemi pluviosæ succedens, quæ pariat incommoda. 30. & quomodò vitari possint. 33	Umbilicalium partium dolores undè. 101
Vere, quæ ætas meliùs se habeat. 45	Volvuli causa, & cur Autumno observe- tur. 61
Vere, qui morbi contingant. 48. & seq.	Volvulosa foemina secessus quosdam ha- buit ex Hippocrate, & quomodò. 62
Vere cur cerebrum potissimùm affici di- catur. 51	Vomentes difficulter per inferiora pur- gandi. 81
Veris tempore sanguis quodammodò re- purgatur. 50	Vomentes difficulter tantum Helleboro tractandi. 105
Vernales morbi abscessus naturam refe- runt. 51	Vomere Antiquis consuetum. 108
Vernales morbi quomodò præcaveantur, curenturque. 55	Vomitum cur Æstate. 56
Veratrum. v. Helleborus.	Vomitum puerulis undè. 61
Vermes. v. Lumbrici.	Vomitum an rectè Utero-gerentibus pro- vocetur. 88
Verrucæ quomodò erumpant. 70	Vomitum an utilior Hyeme, quàm Æsta- te. 89
Verrucarum remedia. 74	Vomitum indicatio undè desumenda. 89. 90
Vertebræ occipitis luxationes Pueris. 69	Vomitum an caput, & thoracem exone- ret. 90
Vertebrarum luxatio quàm periculosa. 137	Vomitum difficultas undè. 105
Vertigo à Ventriculo. 110. 130	Vomitum necessarii signa. 112. &c.
Vertigo quænam ex Austrina constitutio- ne accidat. 44	Vomitum indicatio vera. 110
Vertigo oculorum, & cerebri. 44. 63	Vomitum extenuatis lethalis. 123
Vertigines Senum. 81	Vomitum ventriculi peculiaris actio. 126
Vesicæ affectæ indicia. 188	Vomitum quinam motus juvet. 106. 107
Vesicæ ulceris signa. 189	Vomitum immoderatum an ciborum exhibitio compescat, vel potius alia medicamina. 107
Vesicæ scabies quomodò accidat. 185	Vomitum Tabidis interdicienda. 97
Vicissitudo Aeris an morbos pariat Au- tumnales. 24	Vomitum tutiora undè petenda. 111
Vicissitudines repentinæ morbos indu- cunt. 13	Vomiturientes quam sortiti sint prima- rum viarum dispositionem. 95
Vigesima dies inter potiores criticos ab Hippocrate recensitis. 138	Urina subrubra quid significet. 179
Vigiliæ infantibus, undè. 65	Urina copiosior Hypochondriorum mur- mur tollere potest. 181
Vigiliæ Senibus familiares. 81	Urina multa ab abscessu febrientes quan- doque liberat. 181
Vinum æstu, vel tonitru effervescent. 177	Urina purulenta ex Pulmonis vomica, Empyemate, &c. 183
à Vipera demorfi quare flavescant. 168	Urina furfuracea Vesicæ scabiem deno- tat. 185
Virium languorem comitantia sympto- mata cæteris pejora. 155	Urina arenosa an calculum Vesicæ desi- gnet. 187
Virorum morbi. 79. &c. quomodò	Urina quibus præpediatur causis. 190



# INDEX RERUM NOTABILIUM.

- Urina noctu plurima excreta paucam significat dejectionem. 191  
 Urina crassa cum carunculis, & veluti capilli, undè. 184  
 Urinæ albæ, & perspicuæ malæ maximè phreneticis: an id perpetuò verum. 179  
 Urinæ percolatæ quid significant. 185  
 Urinæ stillicidii causæ. 188. v. Stranguria.  
 Urinæ excretio, & alvi solutio, quàm inter se convenient. 190. & 146  
 Urinæ excretio immodica medicamentis alvum solventibus sedari potest, & contra. 191  
 Urinæ in febricitantibus quænam bonæ, vel malæ. 175. &c.  
 Urinæ materia sæpè potus est nuper assumptus. 176  
 Urinæ crassæ, & grumosæ quæ. ibid.  
 Urinæ tenues quænam febrientibus prosint. 176  
 Urinæ febricitantium si inconstantes sint malæ. 176  
 Urinæ perturbatæ febrientibus quid portendant: earum causæ. 177  
 Urinæ quæ perseverant perturbatæ solum in febrientibus fieri possunt. 177  
 Urinæ subsidentes in febribus meliores. 178  
 Urinæ turbidæ an à flatibus. 178. quomodo corrigendæ. ibid.  
 Urinæ nubecula quarta die apparens crissim septima futuram præsignificat. 178  
 Urinarum, & fæcum evacuatio consentiens. 146. 190  
 Urinarum infidele signum. 191  
 Urinarum hypostasis. ibid.  
 Urinariæ fistulæ tubercula, undè. 189. &c.  
 Utero-gerentes an, & quo tempore medicandæ sint: 84. 86  
 Utero-gerentes quibus catharticis tractandæ. 85  
 Utero-gerentes an purgari possint etiam si humores non turgeant. 84  
 Utero-gerente, an quarto, & septimo mense purgationem admittant. 86  
 Utero-gerentibus an vomitoria propinanda. 85

Z

**Z**ona Torrida inhabitabilis ab Antiquis perperam credita.

F I N I S.











50-16



